

Gumby



M

13-14-02

Handwritten scribbles and marks in the bottom right corner of the page.

IURIS CANONICI THEORIA ET PRAXIS, AD FORUM TAM SACRAMENTALE

quàm contentiosum, tum Ecclesiasticum,
tum Seculare.

OPUS EXACTUM NON SOLUM

ad normam Juris Communis & Romani, sed
etiam Juris Francici:

Authore **JOANNE CABASSUTIO** Aquisextiensis

Congreg. Oratorii Domini Jesu Presbytero.

Editio postrema ab ipso Authore recognita & aucta.



LUGDUNI,

Sumptibus **PETRI BORDE, JOANNIS,
& PETRI ARNAUD.**

M. DC. XCVIII.
CUM PRIVILEGIO REGIS.







EMINENTISSIMO DOMINO
HIERONYMO
GRIMALDO,
S. R. E. CARDINALI,

Aquarum - Sextiarum Archiepiscopo :

IOANNES CABASSUTIUS Aquisextiensis,
Oratorii Domini nostri Jesu Presbyter S. D.



ET SI commune omnium Christiana-
nam Religionem profitentium offi-
cium in imitatione Christi consistat,
cujus Apostolus nos adhortatur ut
simus imitatores sicut filii charissimi;
Sanctusque Ecclesie Doctor Grego-
rius Nyssenus toto suo ad Harmonium libro explo-
rans quidnam rei sit Christianismus, nihil aliud esse
commonstret quàm imitationem Christi Domini: hoc
tamen officio arctius præ cæteris adstringuntur illi
quos



quos, ut Divinæ Scripturæ verbis utar, posuit Spiritus Sanctus Episcopos regere Ecclesiam Dei, quam acquisivit sanguine suo. Horum quippe vitam necesse est specimen esse Christianæ perfectionis, & lucernæ instar cæteris omnibus qui in domo Dei sunt præfulgere, ut subditi horum Fideles eorum imitatione mores suos ad exemplum Christi sanctissimè exigant, sitque spectabilis inter eos Præsul, tanquam supremi Pastorum Principis, nostræque omnium salutis Authoris spirans ac vivens effigies. Hoc ipsum non inanis jactantiæ, sed Divini Spiritus impulsu de se prædicat Gentium Apostolus: *Imitatores mei estote, sicut & ego Christi.* Hanc Tibi mentem insidère, hoc Te duci proposito imitandi Jesu Christi norunt quotquot vitæ tuæ rationem perspectam habent; hoc mores, hoc actus tui, hoc instituta tua palam faciunt. Hoc solo spiritu ductus Ecclesiæ cultui & obsequiis vitam omnem & labores tuos consecrasti, pro qua tuenda & ornanda perillustres diversis temporibus tum Legationes, tum Præfecturas magnâ sollicitudinis, religionis & prudentiæ laude obivisti. Summos etiam Pontifices indefessâ operâ, sapientissimis consiliis & laboriosis officiis demeruisti, tum ante, tum post delatam Tibi ob insignia merita Cardinalis Purpuram. In istis quidem omnibus à Te gestis solam Dei gloriam expetivisti; humanæ verò gloriæ nulla Tibi cupiditas incessit. Exploratum tamen est quod veteres Sapientes prodidère, gloriam esse umbræ per similem, quæ insequitur fugientes, cum tamen fugiat insequentes. Ita enim factum est, ut tua inter homines laus & perho-

norifica fama quam despexisti, virtutis tuæ comes & assecla fuerit, atque etiam invitus stabile fundamentum ad gloriam & dignitatem Nominis tui latius propagandam & altius exstruendam subjeceris. Attamen in tanta negotiorum Tibi incumbentium mole mens tua sublimis ad unicum propositum sibi finem Deum incessanter aspirabat, & ardenti affectu illas mysticæ Columbæ pennas cum Regio Psalte desiderabat, quibus sublevata, ab omnium aspectabilium rerum sollicitudine libera, convolans ad Deum, ei soli tandem vacaret, in eoque deinceps conquiesceret. Atque hoc beneficium propitio votis tuis Numine consequutus es amplissimum, ex quo nostræ hujus Provinciæ, quæ prima Galliarum Christianæ Fidei documenta à primis ipsis Domini nostri discipulis excepit, creatus es Archiepiscopus. Itaque stationi huic illigatus, justamque obtendens residendi necessitatem, tumultuosis Aulæ tum Romani Pontificis, tum Christianissimi Regis fluctibus Te subduxisti, ut in isto tranquillo portu conquiesceres soli Deo vacans, & commissi Tibi gregis saluti prospiciens. Quanto verò studio ferveat in Te zelus domus Dei, ejusque quam decet sanctitudo in longitudinem dierum, decorem diligas, testatur tuis impensis fundatum illud celebratissimum Aquisense Seminarium, ex quo velut ex Argonautarum navi, aut equo Trojano, tot ut ita dicam, Heroës Sacræ Militiæ addicti prodeunt. Testantur insuper illæ Sacerdotum à Te institutæ per universam Dicecesim excursionses, classicum adversus omnia peccata proclamantium, quorum indefesso labore flagitia quæque stirpitùs evel-

2 3

luntur

luntur, ignorantia populorum discutitur, similitudines
extinguntur, sacrilegæ confessiones reparantur, &
omnis plebs ad meliorem frugem revocatur. Testan-
tur etiam eximiae tuæ illæ Sanctiones, quibus Eccle-
siæ Sanctæ disciplinam undequaque suffulisti. Testa-
tur & illa nunquam satis laudata provisio tua, per
quam videmus totâ Diœcesis amplitudine ad singu-
las metropolim Clericorum concursus statis hebdo-
madæ diebus, ex circumjacentibus vicis & minoribus
oppidis ad Ecclesiasticas collationes & dissertationes,
quibus præficiuntur delecti Presbyteri virtutibus &
eruditione insignes. Quàm est speciosa, Te duce, Te
auspice hujusce Diœcesis tuæ facies? Labet hoc loco
cum Regio Vate illo divinitus inspirato sic exclamare:
*Quàm pulchra tabernacula tua Jacob, tentoria tua
Israël! ut valles nemorosa, ut horti juxta fluvios irri-
gui, ut tabernacula quæ fixit Dominus, quasi cedri
prope aquas?* His verò tuis sanctissimis institutis, quæ
Tibi ad perennem felicitatem viam muniunt, Te ve-
rum probas imitorem Jesu Christi, ad hoc unum
intenti ut nos sanctificaret, exhiberetque ipse sibi Ec-
clesiam gloriosam, non habentem maculam, neque
rugam, aut aliud hujusmodi; sed ut sit sancta & imma-
culata. Ad istam gregis tui sub Te optimo & aman-
tissimo Præsule cumulandam felicitatem quamplu-
rimi Tibi subditi Sacerdotes creditas sibi à Deo animi
facultates & spiritualia dona, Te hortatore conferunt.
In his ego, tametsi aliorum meritis impar, sperans
Tibi non injucundum fore, quidquid in me studio-
rum

rum inest, in Tui obsequium & Cleri utilitatem jam-
pridem impendere institui. Isto ductus affectu ante
aliquot annos Notitiam Conciliorum sub Illustris No-
minis tui præsidio edidi: deinde tuo jussu brevem de
Usuris tractationem; eodemque studio impulsus istam
Juris Canonici Theoriam & Praxim quantâ valui di-
ligentiâ contextam, tutelæ tuæ clypeo munitus, tuæ
benevolentiae dignatione fretus, tuis cohortationibus
excitatus, publicæ tandem luci permitto. Faxit Deus
ut iste labor eam quam intendo frugem pariat, tua-
que Eminentia ad gregis Dominici salutem diu perstet
incolumis.



AD



AD LECTOREM

Admonitio Authoris.

I.



N tradendis disciplinis, maximè verò illis quæ ad morum institutionem pertinent, multipliciter peccari contingit. Plerique ex quodam animi morbo receptas & probatas viris præstantioribus, qui in disciplinis investigandis indefesso studio, miraque ingenii felicitate versati sunt, sententias amore novitatis fastidientes, doctrinas recentes consecretantur. Quibus illud apprimè convenit quod in Atheniensibus divina Scriptura notat Act. 17. *Athenienses autem omnes, & advena hospites ad nihil aliud vacabant, nisi aut discere, aut audire aliquid novi.* Isti sanè quibus aures ad novitates pruriunt, cum non sincero iudicio, sed animi levitate ducantur, veram & solidam rerum cognitionem nullatenus assequi valent; & cum illa rudi materia quæ principium generationis corporum à Philosophis censetur, hoc commune habent, ut quemadmodum ista novæ, atque etiam sæpenumero vilioris formæ appetitu ingenito, veterem & nobilissimam formam animæ viventis rejiciendo, quasi nimis excellentiæ pertæsa, formam cadaveris experit; sic etiam illi à sapientibus traditam olim disciplinam hoc solo fastidiunt, quod gratiæ careat novitatis, ut sibi in absurdis & paradoxis rerum novarum studio complacent: perinde ac si quis demens admiranda illa mundi luminaria, Solem, Lunam, cæteraque cælis affixa sydera, & in his infimis elementis perfectissimè efformata corpora dedignaretur, & horum vice cometas in cælis, & coporum monstra in terris substitui averet. Huiusmodi sunt insaniâ circumforanei quidam audaculi, & vix semieruditi, de summis & eximiis viris mirâ ingenii felicitate præditis, qui multos annos tum Theologiam, tum juris-

prudentiam

prudentiam Canonicam in primariis totius Europæ Academiis
 magna nominis celebritate professi sunt, perversè judicantes; ex
 quibus ob insignia merita nonnulli ad supremam Petri Sedem,
 ut duo Innocentii, III. & IV. & Adrianus VI. alii ingenti nu-
 mero, non forte, non affinitatis respectu, non gentis nobilitate,
 non opibus, non ambitu, non aulicis artibus, sed solo præcellen-
 tium meritorum delectu ad Cardinalium, Archiepiscoporum,
 Episcoporum dignitatem provecti sunt; quidam alii, ut S. Ray-
 mundus, qui jussu Gregorii IX. Codicem Decretalium compila-
 vit, & Summam Casuum dictam Raymundinam conscripsit;
 S. Thomas, S. Bonaventura, S. Antoninus, in Album Sanctorum
 qui publico Universæ Ecclesiæ cultu honorantur & invocantur,
 adscribi meruerunt. Sancti quidem Antonini Florentinorum Ar-
 chiepiscopi Summam proponit legendam & addiscendam pri-
 mum sub Carolo Borromæo Mediolanense Concilium provin-
 ciale, sub titulo, *Qui libri potissimum à Clericis legendi*. Alios Sum-
 mi Pontifices etiam ex remotis & alienis ditionibus Romam ac-
 civerunt, ut eorum scientiâ & sapientissimis consiliis in arduis
 negotiis & difficultatibus decidendis uterentur; in istis eminet
 Martinus Navarrus, à quo præceptore alterum Juris Canonici
 decus Didacus Covarruvias Episcopus Segobienfis, & Supremus
 Hispaniarum sub Rege Philippo II. Cancellarius, in lib. 4. De-
 cretal. parte 1. cap. 1. num. 14. gloriatur se Jurisprudentiam didi-
 cisse; cum ille non vulgari honorario Jus in Universitate Salma-
 ticensi prælegeret; quique Romam evocatus tanti habitus est, ut
 quandoque viri sapientiâ & longo usu, studiisque consummatissi-
 mi, occurrentibus gravibus quibusdam difficultatibus Navar-
 rum esse consulendum, ejusque consilio standum communiter
 deliberaverint; & præcellens ille Cardinalis Bellarminus solum
 de Scriptoribus Ecclesiasticis librum commemoratione Martini
 Navarræ, cujus magnam doctrinam & pietatem commendat, quasi
 aureâ quadam fibulâ conclusit. O si ad aliquorum malè feriato-
 rum libidinem stellæ istæ, quæ in firmamento Ecclesiæ præful-
 gent, extinguerentur! quot ignorantix tenebræ, quot novarum
 opinionum monstra, quot animarum laquei & conscientiarum
 tendiculæ ad efformandam novam veteri disciplinæ oppositam
 doctrinam in medium proferrentur? Quantæ inter novos Docto-
 res exurgerent opinionum concertationes & similitates? Quan-
 ti
 æ
 ambigui

ambiguitatum tenebris obvoluerentur piorum mentes? Quantis scrupulorum aculeis divexarentur illâ extinctâ luce, quam tot pientissimi & eruditionis præcipuæ Viri collatis laboribus, studiis & frequentibus ad Deum precibus per annos ferè quingentos accenderunt? Expectanda essent plura secula donec pares exurgerent tum superiùs nominatis, tum Dominico Soto Academicarum Hispaniæ, & Concilii Tridentini, in quò præfulsit, ornamento; & Sylvestro Prierati Sacri Palatii Magistro, ambo Dominicanis; tum nunquam satis laudato Cardinali Francisco Toletò de Societate Jesu, & aliis.

II. Cùm tamen proclives sint hominum sibi nimis indulgentium animi ad opposita extrema, nec libenter in mediocritate, quæ ut plurimum virtutis & veritatis propria est sedes, conquietescere velint, æquale vitium est hominum ad opinionum morumque laxitatem, & aliorum in oppositam nimiamque rigiditatem deflectentium. Non me latet in singulis ac seorsim spectatis, quantumvis præstantibus Scriptoribus, rariùs quidem, sed tamen aliquando utrumque extremarum opinionum posse notari defectum. Nemo enim mortalis usque adeò eruditus & perspicax est, ut non aberret aliquando: sed hujusmodi singulorum defectus advertit & corrigit communis cæterorum gravium Authorum consensus, quo fit ut errare interdum aliquis possit inhærendo alicujus gravis & laude digni Scriptoris opinioni; non tamen peccabit inhærendo communi, vel majori graviorum & sapientiorum Doctorum consensui, modò propria ipsius conscientia, quanvis erronea, non adversetur. Leves autem Authores, & novarum, suspectarumque opinionum studiosos opifices, quanvis mutuò in itâ inter se factione plusquam centeni occurrerent, nihil moror. De talibus admonet Evangelium: *Cæcus sicæcum ducat, ambo in foveam cadunt.* Præferendum esse gravium Authorum consensum unius, aut alterius etiam gravis alioqui Authoris singularibus placitis, sapienter docent Joannes Andreas in cap. 1. de constit. & Navarra cap. 27. num. 280. duo Canonici Juris lumina.

III. Sanctus Joannes Damascenus in fine sui hæreticorum catalogi quosdam notat, quos vocat Ethicoproscopias, id est circa morum doctrinam errantes: horum verò duo invicem contraria, sed tamen æqualiter perniciofa dicit esse genera; eos scilicet qui
nimia

erat piumus.
non peccabit
in hævendo cot
quinisimi.

et hic copiosus

nimia facilitate & segnitie res quæ illicitæ sunt, dicunt esse licitas ; & illos è contrario, qui nimia severitate res quæ licitæ sunt, pronunciant illicitas. Utrosque eodem iudicio, parique maledictione condemnat Deus Isaiæ 5. *Va qui dicitis malum bonum, & bonum malum: ponentes tenebras lucem, & lucem tenebras: ponentes amarum in dulce, & dulce in amarum.* Præclare quoque ait S. Bonaventura lib. 2. Compend. Theolog. Verit. cap. 52. *Cavenda est conscientia nimis larga, & nimis stricta: nam prima generat presumptionem, secunda desperationem: item prima sæpe dicit malum bonum, secunda è contra bonum malum: item prima sæpe saluat damnandum, secunda è contra damnat salvandum.* Idemque Sanctus Doctor paulò post subiungit: *Error conscientia causatur ex singularitate, quâ homo sequens sensum proprium non conformat se aliis, nec sequitur communes vias bonorum. His convenit illud Numer. 11. Extrema castrorum consumpsit ignis. En igitur ut Seraphicus Doctor extrema opinionum quasi oppositos scopulos Scyllæ & Carybdis declinanda docet; auream verò consecrandam mediocritatem, quam ab illo inveniri monet, qui communes sequitur bonorum vias, proprioque abdicato sensu, communi bonorum iudicio se conformat.*

IV. A quibusnam ingeniis ultra modum aut severioribus, aut indulgentioribus magis periclitetur animarum salus, difficile æstimatu fuerit. Per indulgentiores quidem deducuntur animæ per spatiosam & latam viam quæ ducit in æternam perditionem, taliumque Directorum obstetricante manu educitur coluber toruosus, concipitur, paritur & fovetur peccatum. Hinc apud Ezechielem cap. 13. Dominus indignatur & maledicit consentibus pulvillos sub omni cubito, & facientibus cervicalia sub capite universæ ætatis, ut scilicet molliter & blandè in peccatis suis conquiescant homines seducti, sibi que de huiusmodi Directoribus complacentes. Hos perstringit Isaias cap. 30. *Qui dicunt videntibus, Nolite videre; & aspicientibus, Nolite aspicere nobis ea quæ recta sunt: loquimini nobis placentia, videte nobis errores.* Sapienter ait S. Hieronymus ad Eustochium epist. 19. *Quoniam mel in Dei sacrificiis non offertur, nimia dulcedo arse mutata est, & quadam, ut ita dicam, piperis austeritate condita. Apud Deum enim nihil voluptuosum, nihil tantum suave placet, nisi quod in se habet aliquid mordacis veritatis.* Illud quidem à Domino significatum

credo ubi mel à sacrificiis prohibet, sal verò naturali acrimoniâ præditum adhiberi jubet. Ecclesiam certè nuper ingemuisse vidimus à factione quorundam novorum Casuistarum, qui quum antiquos aspernarentur, seque illis longè præferendos jactanter scriberent, eam morum relaxationem, & criminum etiam atrocissimorum licentiam quamplurimis editis libris prædicabant & propugnabant, ut facis mirari nemo possit hæc opinionum portenta quæ Alexander VII. proscripsit & anathematizavit, potuisse hominibus probari, quibus aliqua rationis & probitatis scintilla superesset: adedò interest communi Patrum & Doctorum consensui debitam servari laudem & approbationem.

V. Cæterum sicut noxia est laxior indulgentia, ita & immoderata in rebus conscientiæ austeritas, quæ hominum imbecillitatem nihil pensî habens, neque à præceptis consilia discernens, dum illos ad nimis ardua compellit, viam salutis æternæ, quam Christus illis aperuerat, præcludit; salvandos, ut ait D. Bonaventura, damnat, & conscios propriæ infirmitatis ad desperationem adigit. Accidit enim ut miseri homines hac audita rigidiorē doctrinā credant vel dubitent inesse mortalem culpam ubi nulla est; sed tamen rei difficultate victi, ex erronea conscientia mortaliiter peccent & damnentur. Suam ex opposito benignitatem Salvator hominum Iesus Christus nobis enixè commendat: *Venite ad me*, inquit, *qui laboratis & onerati estis, & ego reficiam vos. Tollite jugum meum super vos, & discite à me, quia mitis sum, & humilis corde; & invenietis requiem animabus vestris: jugum enim meum suave est, & onus meum leve.* Idemque Scribas & Phariseos hoc nomine criminatur, Matth. 23. *Alligant enim onera gravia & importabilia, & imponunt in humeros hominum.* Quem in locum vetus Operis Imperfecti Author, qui sub nomine S. Chrysostomi prodiit, ita commentatur: *Tales sunt nunc etiam Sacerdotes, qui grave pondus venientibus ad pœnitentiam imponunt; qui dicunt, & non faciunt: & sic dampna præsentis pœnitentia fugitur, contemnitur pœna peccati futura.* Sicut enim si fascem super humeros adolescentis, quem non potest bajulare, posueris, necesse est ut aut fascem rejiciat, aut sub pondere confringatur: sic & homini cui grave pondus pœnitentia imponis, necesse est ut aut pœnitentiam suam rejiciat, aut suscipiens, dum sufficere non potest, scandalizatus amplius peccet. Qui locus allegatur in can. *Alligant*, 26. quæst. 7. His accedit

cedit S. Ambrosii prudens discretaque admonitio commentar. in
Plal. 118. serm. 5. *Sunt etiam in nobis qui timorem Dei habent, sed
non secundum scientiam, statuentes duriora precepta qua non possit
humana conditio sustinere. Timor in eo est, quia videntur sibi consu-
lere disciplina, opus virtutis exigere. Sed inscitia in eo est, quia non
comparantur natura, nec aestimant possibilitatem.* Quapropter præ-
clare admonet in suis distichis S. Gregorius Nazianzenus:

μη δικαιοσύνην ἀκαμπτὰ μὴ τε φρόνησιν

Ἀγκυλοῖσθαι ἔχειν, μίτρον ἄριστον ἅπασιν.

*Noli iustitia rigida & inflexibili, neque prudentia versatili additus
esse. Optima est in omnibus moderatio.*

V I. Advertant quæso illi qui omnia reprobare solent quæ-
cumque non sapiunt extremam rigiditatem, quam directè adver-
setur eorum propositum sacro Canonis sic admonenti: *In his verò
super quibus ius non invenitur expressum, procedas aequitate ser-
vatâ, semper in humaniorem partem declinando, secundum quod
personas & causas, loca & tempora videris postulare:* cap. ult. de
transact. Discerni vix potest ex duabus extremitatibus relaxatio-
num & rigiditatum, utra plures animas in infernum præcipitet.
Prima quidem spatiosam illis viam aperit, quæ Christo attestante
ducit ad perditionem: secunda verò, quæ privato, non evange-
lico spiritu præscribitur, easdem urget ad æternam damnationem
duplici tramite, scilicet erroneæ conscientiæ, & desperationis ex
nimia difficultate. Etenim persuasæ sibi, esse mortale peccatum
ubi nullum est, & aliunde rei difficultate deterritæ, mortaliter
peccant ex erronea conscientia, propriæque infirmitatis experi-
mento: & ex desperatione eò tandem labuntur, ut præcedentem,
quâ antea afficiebantur, salutis suæ eura penitus abjiciant.

V I I. Constat ex nimium pertinaci ad æquo rigidiorem il-
lam, quæ suprâ descripta est, disciplinam affectu permultas hære-
ses ortum duxisse, quales fuerunt Novatianorum, Encratitarum,
Manichæorum, Montanistarum, Cataphrygum, qui pro suis ultra
modum rigidis observationibus bellum Ecclesiæ indixerunt, &
Fideles quosque sugillaverunt ut carnales, animales, sensuum
voluptatibus addictos & indisciplinatos. Novatiani pariter eadem
retrici spiritus rigiditate semel lapsos omni spe veniæ exclude-
bant, & Christi Ecclesiam averfabantur hac ex causa, quia lapsos
pœnitentiâ sanctos reconciliabat. Quis credidisset Tertullianum

& 3. præcellen-

humana

rigiditas

præcellentis ingenii Scriptorem, qui tam strenuè patrocinatus Ecclesiæ fuerat editis invictissimis ad Gentiles apologiis, & adversus hæreticos libro illo de Præscriptionibus, qui velut arx inexpugnabilis & munitissimum armamentarium vel solus sufficiat ad omnes hæreses debellandas; futurum tamen acerrimum hæresis propugnatorem, & quod amplius admireris, insulissimi Montani, & duarum muliercularum fanaticarum discipulum? Scilicet tetricum & superbum ejus ingenium quidquid extremum rigorem & inflexibilem duritiem non sapiebat, insolenter & protervè dedignabatur. Fugam in persecutione crimini vertit, præferens Montani dogma Christo suis suadenti discipulis, ut urgente persecutione fugiant de civitate in civitatem, ut ex ejus libro de fuga in persecutione liquet. Militibus Christianis fas esse præfractè negat, coronam pro accipiendo (ut tunc moris erat) donativo in capite deferre: quâ futili & falsâ doctrinâ poterat faciliè odium & persecutio Gentilium in Christianos recrudescere, ut contigit Christiano militi cruciatibus addicto, qui hac imbutus persuasione incoronatus ad donativum recipiendum accesserat, ut patet ex ejusde Corona militis libello. Idem secundas nuptias pari cum stupris condemnatione criminatur, ut ex ejus Tractatibus compertum est de Monogamia, & de Pudicitia. In hoc secundo Romani etiam Pontificis Decretum illis qui fornicati aliquando fuerint pollicens veniam, si conversi canonicâ poenitentia functi fuerint, proclamat propudiosum & infame, atque ad inscriptiones amandat prostibulorum januis præfigendas. Idemque in Orthodoxos, quos pro sua modestia perpetuò vocat animales, acriter invehitur libro de jejuniis adversus Psychicos, hoc nomine, quòd multò minùs quàm Montani stæ jejunarent.

VIII. Quid Luciferum Calaritanum Episcopum commorem? Illum enim post insignia virtutum specimina, post mirifica de Ecclesia in arduis negotiis & temporum difficultatibus merita, nimia inflexi animi severitas in schisma præcipientem egit. Quia nimirum præfractè averfabatur sapientissimum tum Liberii Romani Episcopi, tum Alexandrinæ Synodi Decretum, cui magnus præfederat Athanasius, prorsus ad Ecclesiæ tantoperè periclitantis pacem instaurandam, & reducendos ad orthodoxam Fidem Arianos necessarium. Isto itaque pervicaci spiritu perniciosum diuturnumque schisma Antiochiæ excitavit in odium Meletii

Meletii laudatissimi Episcopi, hoc prætextu, quod antequam ejus urbis Patriarchatum iniret, exterius cum Arianis communicaverat; ideoque novum ibidem instituit Lucifer Episcopum Paulinum. Nec his contentus, nolens deinceps quidquam habere commune cum reconciliatis Arianis, neque cum Orthodoxis qui cum reconciliatis communicabant, omnem cum Ecclesia Catholica, tanquam veterum Canonum infrastrice, communionem abruptit usque ad vitæ suæ exitum.

IX. Multorum verò consulens utilitati, amice Lector, per multas tractationes in unum corpus redegì, quales antehac visæ non fuerunt in unum compilatæ, sed disitis ac sejunctis voluminibus dispersæ. Alii namque Scriptores Canonicam disciplinam qua methodo in Universitatum Scholis tradi solet, egregiè explicatam, non ad usum forenssem, sed ad theoriam, seu speculativam notionem litteris commendaverunt: alii ad praxim collimantes in ea sola versati sunt quæ conscientias dirigit, & ad usum pertinet sacræ Confessionis. Cæterùm alii diversum sibi scopum præfigentes, eam solam sibi proposuere praxim, quæ circa beneficiarias lites & contentiosas causas occupatur. Atque etiam ex Authoribus istis aliqui solius Juris Communis practicam disciplinam tradidere, nihil eorum attingentes quæ ad Gallicanum usum, consuetudines ac leges Regni Francici, plerumque à Jure Comuni diversissimas, singulariter pertinent. Quocirca operæpretium non exiguum fore visum est, si post diuturna in his studia & indefessam perquisitionem, harum cunctarum Ecclesiasticarum rerum pleniorẽ tractationem susceperem, quæ simul theoriæ principia umbratilis, & utriusque fori usum, tum secundum Jus Commune, tum etiam secundum Jura Gallicana complecteretur: quæ tam multiplex atque diffusior cognitio cum hætenus hauriri non nisi ex multorum voluminum operosa lectione posset, jam multò facilius & celerius per hæc lucubrationes nostras compararetur. In his præterea curam adhibui, ut quæ sæpenumero alibi perplexè & obscurè traduntur, quantâ potui perspicuitate declararem.



EPISTOLA

A R. P. D. PAULUTIO Sacræ Romanæ Rotæ
Auditore ad hujus Operis Authorem transmissa.

*Admodum Reverendo Patri ac Domino, Domino
JOANNI CABASSUTIO, Congregationis Oratorii
Domini JESU Presbytero.*



DMODUM REVERENDE PATER AC DOMINE,

Vix prodiit summo Venetiis excepta planctu Notitia tua sacrorum Conciliorum, & vel solo excitatus titulo, ob quem (cum Plinio dicam) sacri Juris cultor vadimonium deferat, statim eam mihi habendam censui. Legi, & opinioni Opus respondit: nihil enim reperi non in ea brevitase mirandum. Suspecti Diatribarum elegantiam, ac planè selectam Ecclesiasticam eruditionem. Dimissâ benigne nutu Serenissima Reipublica Veneta sacrorum Canonum interpretatione, quam è prima Sede vespertina in Patavino Lyceo proficebar, evocante Summo Hierarcha Clemente X. veni ad Jus videndum in supremo Romana Rota Auditorio, vixque limina attingi ac Opus alterum à doctissimo Cabassutio vulgatum audivi. Pro contructo, mecumque delato in id nominis cultu, quasi anxie, percurri avidè, & pristina aestimationi non modica facta est accessio; Theoria enim Canonici Juris junctam mirificè conspexi Fraxim, ac eâ non omisâ quæ in florentissimo Galliarum Regno oblineat; ac brevitatem ubique sine dispendio, sine fuco elegantiam, sine fallacia doctrinam. Indeque opportunum nactus interpretem Illustrissimum Joannem Baptistam Chiavary, Abbatem S. Maria de Regali, Româ in comitatu Eminentissimi Cardinalis Hieronymi Grimaldi Aquas-Sextias remeantem, eidem observantia in Te mea, ac ingenue aestimationis delegavi officium, quod Tu sic excepisti, ut peruberem


ub rem ſcriptionis tua repoſueris uſuram, quâ & propriam in me
conſeſtaris voluntatem, & Operum qua moliris, rationem perhu-
maniter exhibes. Gaviſus ſum ſic in me affectum intuens Virum à
pictate, à virtute magnum, novumque lumen accendi huic avo
per Operum qua adornat gravitatem & elegantiâ. Laudo augen-
dam tuam Theoriam, Praximque Canonicam aliis additamentis,
novamque admovendam Eccleſia facem per Notiſiam hiftoriarum,
& Conciliorum ſelectorum, quam dare paras: nihilque non mag-
num expecto, quod ſtilo tuo, & tanti Cardinalis ſuaſione ac auspi-
ciis vulgetur. Gratias ex animo & habeo, & reddo; humanita-
temque illam impensè revereor, qua te ſic inclinât, ut & officia
mea grata habeas, & literaria conſilia tua reveles. Invideo bea-
tum quo fruſ ſeris otium: quod ſi pars ejus mihi daretur modica, Opus
ſacri Juris, quod jam ſatis provexi, ſperarem ad culmen perducere,
cujus ſpecimen, ac lineamenta libare Tibi non audeo. At aliud
vocavi Numen, & quò vocat eundem. Tu perge feliciter, meque
tui cultorem eximium inſolubili devoitionis nexu obſtrictum in
reliquum vita habe.

Romæ IV. Idus Aprilis, MDCLXXVII.

Dom. tua admodum Rev.

Addictiſſimus, & ex corde Servus,

ANTONIUS PAULUTIUS:



A P P R O B A T I O N E S *Doctorum.*

ER LEGI Librum cui titulus, *Juris Canonici Theoria & Praxis, ad forum tam Sacramentale, quàm contentiosum, tum Ecclesiasticum, tum seculare* : Opus exactum non solum ad normam Juris communis & Romani, sed etiam Francici, Authore **JOANNE CABASSUTIO** Aquisextiensi, Congregationis Oratorii D. Jesu Presbytero. Datum Parisiis decemoseptimo Aprilis 1674.

M. GRANDIN, pro Illustrissimo Domino
Cancellario Franciæ.

Juris Canonici Theoria & Praxis ad forum tam Sacramentale quàm contentiosum, tum Ecclesiasticum, tum Seculare, Authore **JOANNE CABASSUTIO** Aquisextiensi, Congregationis Oratorii Domini **JESU** Presbytero, novis nunc accessionibus ab eodem locupletata, non solum nihil continet quod Sactis Canonibus & Catholicæ Fidei adversetur, sed etiam cum insignem Authoris pietatem ubique sapiat & doctrinam, ad Reipublicæ Christianæ utilitatem & commodum plurimum conferet, suosque Lectores & in Ecclesiastico Jure exercitatores reddet & meliores. Ita censeo, ita testor. Datum Aquisextiis die 9. mensis Maii, anno Domini 1684.

J AUBERT, in Universitate Aquisextiensi
Antecessor, & Sacrorum Canonum Professor
Regius.

*Licentia Reverendissimi Patris Generalis Congregat.
Oratorii Domini nostri JESU-CHRISTI.*

NOS ABEL LUDOVICUS DE SAINTE MARTHE, Congregationis Oratorii **JESU CHRISTI** Domini nostri Presbyter & Generalis Præpositus : Juxta Regium Diploma datum 22. Decembris 1672. quo Bibliopolis omnibus prohibetur, ne Libros ejusdem Congregationis imprimant, & venales exponant citra licentiam nostram : Visi Doctorum approbatione

batione & Diplomate Regio, permittimus LAURENTIO ARNAUD, & PETRO BORDE, Lugduni Bibliopolis, ut librum cui titulus, *Juris Canonici Theoria & Praxis, ad forum tam Sacramentale quàm contentiosum, tum Ecclesiasticum, tum Seculare: Opus exactum non solum ad normam juris communis & Romani, sed etiam Francici, Authore JOANNE CABASSUTIO Aquisextiensi, Congregationis Oratorii Domini Iesu Presbytero*, Typis edere, ac liberè divendere possint. Datum Parisiis 6. Kal. Julii 1674.

A. L. DE SAINTE MARTHE.



SUMMA PRIVILEGII REGIS *Christianissimi.*

LUDOVICUS XIV. Dei gratiâ Galliarum & Navarra Rex Christianissimus, singulari privilegio sanxit, ne quis per universos Regnorum suorum fines, intra decem annos à die novæ impressionis finitæ computandos imprimat, seu typis excudendum curet & venalem habeat librum qui inscribitur, *Juris Canonici Theorica & Praxis, ad forum tam Sacramentale quàm contentiosum, tum Ecclesiasticum, tum Seculare, Authore JOANNE CABASSUTIO Presbytero Congregationis Oratorii Domini Iesu*, præter PETRUM BORDE, Bibliopolam Lugdunensem, aut illos quibus ipsemet concesserit. Prohibuit insuper eadem autoritate Regiâ omnibus suis subditis eundem librum extra Regni sui limites imprimendum curare, vel quempiam ubicumque fuerit, ad id agendum impellere ac instigare, sine consensu dicti PETRI BORDE: Idque omne sub confiscatione librorum, aliisque pœnis contra delinquentes expressis, uti latius exprimitur in Literis datis Parisiis die 26. Maii 1685.

Ex mandato Regis,

Signatum LEPETIT.

Peracta est hac postrema editio die 27. Februarii 1698.




SYNOPSIS

LIBRORUM ET CAPITUM

THEORIÆ ET PRAXIS

JURIS CANONICI.

LIBER PRIMUS.

CAP. I.  *RECIPUUS* ac *ulti-*
mus finis, ad quem col-
limare debet Jurisprudentia Ca-
nonica : materia circa quam
versatur, ejusque partitiones. p. 1

I. De diversis sacrorum Canonum
collectionibus. 6

II. Juris divisio. 10

IV. Quatenus lex humana liget secu-
dum conscientiam. 12

V. Juris Canonici & Civilis differen-
tia, ejusque Operis divisio. 15

VI. De Summorum Pontificum rescrip-
tis generatim. 16

VII. De electione primum in genere :
deinde de Episcoporum electione,
postulatione, consecratione, chara-
ctere : & de Archiepiscopis. 21

VIII. De officio & potestate Episco-
porum, & eorum jure dispensandi
circa vota. 27

IX. Prosequutio potestatis Episcoporum.
33

X. De potestate Episcopi erga personas
exemptas, aut loca. 38

XI. Prosequutio potestatis Ordinario-
rum erga exemptos Regulares. 49

XII. De translationibus & renuncia-

tionibus Episcoporum. 60

XIII. De Vicario Episcopi, de Archi-
diacono, & de Coadjutoribus. 61

XIV. De literis Dimissoriis, & quarum
litterarum valor, & concessionum
perpetuus sit, aut ad solam limite-
tur concedentis vitam. 68

XV. De officiis & potestate Legati, &
Delegati. 72

XVI. De Coadjutoribus Prelatorum.
76

XVII. De Vicariis in Gallia foraneis.
78

XVIII. De Parochis. 79

XIX. Ecclesia & Clericorum immuni-
tates quaedam, & jura recensentur.
83

XX. De Regularibus & Regulari Pro-
fessione, & quatenus ab ea recla-
mare liceat. 92

XXI. De obedientia primum genera-
tim; tum in specie de obedientia
Regularium. 96

XXII. De paupertate Regularium. 105

XXIII. Quatenus sit licitus ad alter-
ram Religionem transire. 108

XXIV. Utrum Beneficarii, aut Epis-
copi olim Religiosi, aut aliis etiam
quolibet Regularibus testari possint de
fructibus à se perceptis. 111

LIBER

Synopsis Librorum, & Capitulum.

¶ ¶ ¶ ¶ ¶ ¶ ¶ ¶ ¶ ¶ ¶ ¶ ¶ ¶ ¶ ¶ ¶ ¶ ¶ ¶

LIBER II.

Quis est Beneficii Ecclesiasticis.
pag. 115

CAP. I. Quid sint Beneficia, eorumque varia divisiones;

& de jure commendarum. ibid.

II. Diversa & necessaria temporum praescripta servanda in re Beneficiaria. 120

III. Quibusnam competat jus providendorum Beneficiorum. 125

IV. De datis à Rege Galliae Indultis, ac Exceptivis. 131

V. De Regis ad Praeturas nominationibus, & aliis jurebus Concordati Bononiensis. 135

VI. Jura Graduatorum circa vacantia Beneficia Regni. 137

VII. De Inveſtitura. 140

VIII. De praesentatione proprii filii, & de Prioribus seu Rectoribus Patronis. 148

IX. Conditiones aliquae, ut quis de Beneficio provideatur, requisitae discutiantur. 150

X. De infamationibus. 155

XI. Beneficia quae sunt circa praesentationem inter se invicem concurrentes, Litigantium subrogationes: Beneficiorum uniones: unionum praescriptiones: Beneficiorum divisiones: Beneficiorum in alium statum mutationes. 156

XII. De Beneficiorum renunciatione, seu resignatione. 163

XIII. De resignationibus in favorem. 167

XIV. De pensionibus super Beneficiis. 170

XV. Edictum Regium de pensionibus.

beneficiorum. 179

XVI. Prosequutio beneficiorum pensionum, in primis secundum Gallianas consuetudines, deinde secundum Ius commune Canonicum. 180

XVII. De Beneficiorum permutatione. 185

XVIII. De jure regressus. 189

XIX. Ad regulam de infirmis resignantibus. 194

XX. Prosequutio ceterarum Regularum Cancellaria in Gallia vigentium. 197

XXI. De jure praevencionis: de partibus supplicationis beneficiorum, & de Signaturis. 204

XXII. Recensentur ea quae post provisionem Beneficii facienda sunt. 212

XXIII. Diversi quidam vacationis Beneficiorum modi discutiantur. 217

XXIV. De electione, simulque de Capituli jure & potestate. 224

XXV. De capitulari Beneficiorum provisione, Sede non vacante, & de simultanea Episcopi cum Capitulo provisione. 234

XXVI. Beneficiorum heredes & successores ad quid teneantur. 237

XXVII. De Ecclesiarum structuris & reparationibus: & de Edictis, seu Mutuariis. 244

XXVIII. Beneficia aliquot quaestiones elucidantur. 246

XXIX. De Decimis & Oblationibus. 254

XXX. De verum Ecclesia alienationibus. 257

XXXI. De celebratione festorum. 259

XXXII. Nonnulla de Divinis Officiis recitandis, & audienda Misissa. 261



Synopsis Librorum, & Capitem.

*** **

LIBER III.

In quo agitur de Sacramentis, pag. 265

CAP. I. **D**E Sacramentis generatim.
ibid.

II. De Baptismo. 268

III. De Confirmationis Sacramento.
271

IV. De venerabilis Eucharistia Sacra-
mento. 274

V. Quanam requiratur preparatio ad
sacra Eucharistia communionem.
278

VI. Utrum carentes rationis usu capa-
ces sint istius Sacramenti. 284

VII. Utrum Sacerdos debeat denegare
corpus Christi peccatori petenti.
286

VIII. De ministro Sacramenti Pœni-
tentia. 289

IX. De Contritione. 297

X. De Confessione. 304

XI. De causis ab integritate confessionis
excusantibus. 314

XII. De illorum confessione qui vene-
runt ex alia Diœcesi : & de ca-
suum reservatione. 318

XIII. De opinione probabili. 320

XIV. De satisfactione. 343

XV. De Extrema Unctionis Sacra-
mento. 345

XVI. De Ordinis Sacramento. 348

XVII. De Sacramento Matrimonii,
& de Sponsalibus. 355

XVIII. De materia, forma & Mini-
stro Sacramenti Matrimonii. 360

XIX. De Matrimonio per procurato-
res contracto. 363

XX. De proclamationibus Matrimo-
nio præsistentibus. 365

XXI. De Matrimoniorum impedi-

mentis : ac primum de non diri-
mentibus. 368

XXII. Impedimenta Matrimonium
dirimentia. 372

XXIII. Prosequutio impedimentorum
dirimentium. 376

XXIV. De impedimento vis ac metus;
ac generatim quanam consensus li-
berias requiratur ad Matrimo-
nium, ad sponsalia, & ad vota.
Item de impedimentis Ordinis, li-
gaminis, publica honestatis, & affi-
nitatis. 380

XXV. De impedimento impotentia. 389

XXVI. Reliqua duo impedimenta dif-
cutiuntur, clandestine conventio-
nis & raptus. 398

XXVII. Ad quem pertineat potestas
dispensandi in Matrimoniorum
impedimentis. 408

XXVIII. De divoritiis. 415

XXIX. Resolutiones circa oscula,
aliosque similes actus, ex S. Thoma
& S. Antonino. 418

*** **

LIBER IV.

De judiciis Ecclesiasticis. pag. 421

CAP. I. **Q**uod duplex sit Ecclesia ju-
risdictio. ibid.

II. De foro competenti, liis contesta-
tione, processu judiciario, procura-
tionibus, & iudicum suspectorum
recusatione. 426

III. In causa criminis quemadmodum
procedatur. 431

IV. De juridica inquisitione, & testi-
bus, & juramento. 438

V. Quandonam aliquis non tenetur te-
stificari : & ad quid obligetur qui
falsum testimonium dixerit. 445

VI. De reo criminis. 450

VII. De



Synopsis Librorum, & Capitum.

- VII. De Beneficiorum possessorio & petitorio iudicio. 453
- VIII. Alii proponuntur casus, in quibus Iudices seculares de Clericis & causis Ecclesiasticis cognoscere solent in Regno Gallia. 455
- IX. Si Iudex tanquam suspectus recusetur : & aliqua materia recensentur ad Ecclesia jurisdictionem spectantes. 460
- X. De provisionibus in forma Dignum: de examine, & Visa Ordinarii, & de Devolutis secundum Gallicanam praxim. 462
- XI. De subrogatione colligantium, & variis formis ad praxim Beneficiorum servandis. 464
- XII. De appellationibus. 467
- XIII. De appellationibus tanquam ab abusu. 473
- XIV. Quanam concessionem, vel acta morte Iudicis aut Praelati, ejusve abdicatione expirent, vel non expirent. 476
- XV. Nova jura Gallicana circa iudicarios causarum processus. 480
- *** :: ***
- LIBER V.
- Qui est de delictis, eorumque poenis canonicis. pag. 487
- CAP. I. De delicto non residentiae. ib.
- II. De delicto violentae manuum injectionis in Clericum vel Monachum. 491
- III. De simonia. 495
- IV. Varia circa simoniam difficultates solvuntur. 505
- V. Altera elucidatur in materia simoniae difficultas circa Monasteriorum ingressum. 512
- VI. Alia quadam circa simoniam difficultates elucidantur. 522
- VII. Utrum simonia committatur in pensionibus Beneficiorum? Iura quoque harum pensionum dispensationum. 526
- VIII. Simoniacorum poena canonica. 531
- IX. De facienda restitutione rei simoniaci acceptae. 540
- X. De censuris Ecclesiasticis generatim. 543
- XI. De effectibus excommunicationis. 552
- XII. De minori excommunicatione. 558
- XIII. Quanam ignorantia excuset a censuris. 560
- XIV. De absolutione a censuris. 565
- XV. De casibus reservatis tum Papae, tum Ordinariis. 570
- XVI. De Suspensione. 577
- XVII. Suspensiones latae contra Episcopos, Conventus, & Capitula. 583
- XVIII. De depositione & degradatione. 589
- XIX. De irregularitatibus in genere, & de illis in specie quae excurrunt ex defectu. 591
- XX. De irregularitatibus ex delicto. 597
- XXI. De Ecclesiarum consecratione, pollutione seu profanatione, & reconciliatione. 603
- XXII. Responsum Authoris ad consultationem remota cujusdam provinciae Archiepiscopi, de poenis canonicis refractario eidem Clerico debitae. 607

LIBER

Synopsis Librorum, & Capitum.

LIBER VI.

Theorix & Praxis Juris Canonici.
pag. 613

CAP. I. Obligationes qua restitutioni
adstringunt. Parentum &
filiorum mutua officia, præcipue
circa alimenta, & successiones.
ibid.

II. Quibus ex causis oriatur obligatio
restituendi: & de contractibus in
genere. 619

III. Utrum conventiones inter vivos,
aut ultima bonorum dispositiones
valeant in conscientia, etsi iure
Civili habeantur invalida ex de-
fectu solemnitatum. 623

IV. Quando persona contrahere pro-
hibeantur, & de filiis, familiis, co-
rumque peculio: de Senatuscon-
sulto Macedoniano: de mulieri-
bus, & Senatusconsulto Vellejano.
626

V. De mutuo. 632

VI. De duobus reis in eandem rem in
solidum obligatis: & de hypothe-
cariis actionibus. 634

VII. De usuris. 638

VIII. De usura fundata super peri-
culo fortis. 648

IX. De emptione & venditione. 650

X. De cambiis. 658

XI. Utrum is qui ex re aliena lucrum
revelat, quod dominus rei non re-
velasset, possit illud sibi retinere.
661

XII. De censibus, & de contractu em-
phyteutico: & de feudis. 662

XIII. De societatis contractu. 671

XIV. De Clericorum debitis resti-
tutionibus. 674

XV. Quibus ex causis oriatur resti-
tuendi obligatio: & de acceptis
ob turpem causam: & de impe-
diente alterius bonum. 684

XVI. Quanto, & quomodo teneatur
restituere qui cooperatus est alte-
rius damno. 690

XVII. Utrum secluso dolo, aut con-
ventionem, quævis culpa obliget in
conscientia ad restitutionem. 695

XVIII. De quantitate obligationis ad
restitutionem, & de possessore bona
fidei. 697

XIX. De vestigialibus. 700

XX. De quibusdam hereditariis obli-
gationibus. 704

XXI. Quidnam restituendum sit. 710

XXII. De causis a solutione debito-
rum excusantibus. 713

XXIII. Ordo in restitutione servan-
dus. 718

XXIV. De damno ex legitimo proprii
juris usu in alterum redundante.
724

XXV. De restitutione per moribundum
facienda: & de restitutionis in-
ternunciis. 725

XXVI. De pactis qua contractibus
adjunguntur. 728

XXVII. De conditionibus, demon-
strationibus, & causis appositis.
730

XXVIII. Sponsarum, uxorum & vi-
duarum jura: & de diversarum
creditorum concursu ac prælatio-
ne. 731

XXIX. Selecta quedam & præcipua
jura donationum. 736

XXX. De regulis juris. 739

JURIS



JURIS CANONICI THEORIA ET PRAXIS. LIBER PRIMUS.



CAPUT PRIMUM.

*Præcipuus ac ultimus finis, ad quem collimare
debet Canonica Jurisprudencia: materia circa
quam versatur, ejusque partitiones.*



STUPENDA prorsus, nec unquam satis deplo-
randa est humani cæcitas animi, quem Divinus Spi-
ritus suâ illâ supernaturali luce non collustraverit.
Cum enim nihil ita hominis intersit, ei que tam ne-
cessarium sit, ut est cognitio finis ac Felicis suæ,
ad quam omnis vita, omnisque actus dirigendus sit;
ipsi tamen Gentiles Philosophi, qui omne ferè stu-
dium ad hanc perquisitionem contulerunt, à scopo
isto adeò intelicenter aberrarunt, ut veterum Romanorum doctissimus Varro,
teste Augustino lib. 19. de Civit. Dei, cap. 1. ducentas octoginta & octo
diversas

diversas de fine, summoque hominis bono sententias collegerit: cum tamen ex tanto sententiarum numero non nisi unica possit esse vera & complectenda, ea scilicet, quæ finem, summumque hominis bonum in unius Dei fruitione constituit. Hanc verò tanti momenti notitiam singulari felicitate ingenii Plato, quem Divinum cognominavit Antiquitas, assequutus est, de quo idem sic testatur Augustinus lib.8. de Civit. Dei, cap.5. *Plato Dei imitorem, cognitorem & amatorem dixit esse sapientem, cujus participatione sit beatus.*

Hunc sensum diu ante Platonis ortum piorum animis infuderat Deus; Abrahamo quippe Fidelium patri sic promiserat: *Noli timere Abram, ego protector tuus, & merces tua magna nimis.* Idemque per Regium Prophetam pronuntiaverat: *Beatus populus, cujus Dominus Deus ejus.* Facessat illa Sapientium Chaldæorum insipientia Regi Nabuchodonosori allèverantium, nullam esse Deorum cum hominibus conversationem. Daniel.2. Verum istud quidem de falsis & inanibus, quos colabant, Diis: sed non de vero & unico, qui solus colendus est, Deo nobis allèverante delicias suas esse cum filiis hominum, & quem suus amor ad hoc impulit, ut juxta prophetiam Baruch, in terris tandem visus sit, & cum hominibus conversatus fuerit. Neque verò sibi quisquam persuadeat, obistere Dei cum homine consortio infinitam illam, quæ inter ambos interjecta est, disparitatem: quin potius illa tanta inæqualitas conciliatrix est admirabilis Dei nobiscum commercii, hoc præsupposito, Deum esse infinitæ, immensæque bonitatis. Est enim bonitas, ut divinus docet Dionysius, sui diffusiva: & quo major est bonitas, eo ipsa magis appetit esse in alios benefica; sicut quo major est ignis, eo latius suum diffundit ardorem. Hoc ipsum præclarè significat illa insignis Platoniorum veterum fabula de connubio Pori divitiarum Dei cum paupertate inito, ex quo progenitus sit amor. Quæcumque enim natura conjunctam habet cum bonitate felicitatem, desiderio afficitur locupletandæ inferiorem naturam egestate laborantem; atque hæc vicissim desiderio ardet conjungi cum natura benefica & opulenta, cujus communionem sua suppleatur indigentia, suæque miseriæ succurratur. Hujusmodi cernitur convenientia mutui amoris inter nutricem, cujus ubera lacte turgent, & infantem aviditate sugendi præ fame laborantem, ex qua oppositione mutui inardescit amor, quo nutrix infantem, & infans nutricem appetit. Hæc ratione egestas ac miseria humana Divinam provocat bonitatem & opulentiam, allicitque misericordiam ad commiserandum & opitulandum nobis, unde conciliatur æternum mutui amoris commercium ac fœdus.

Quanta verò inde fidelibus fiducia innascitur, quàm dulce solamen exurgit perspicientibus non in terris, non in cælis, non in hominibus, non in Angelis, non in ulla quantumvis præcellenti re creata, sed in ipso æterno, immenso & infinito Deo, ejusque perenni fruitione suam habere collocatam & stabilitam felicitatem! Huc ergo, & non aliud vitam omnem nostram, omne

omne studium, omnes actus nostros, omnemque rerum præsentium usum referamus, dirigamus & intendamus: nec aliud appetamus & consecutemur nisi Deum, & pari cum Propheta cordis affectu exclamemus: *Quid mihi est in cælo, & à se quid volui super terram? Defecit caro mea, & cor meum: Deus cordis mei, & pars mea Deus in æternum.*

Virtutes porro, in quibus illi, qui munda hallucinabantur Philosophi, hominis finem ac felicitatem collocabant, amot ipse Dei, quo inardescere corda nostra debent, sibi aded vindicat, ut suas eis condiciones & proprietates impertiat, faciatque illas suis conatibus & sanctis affectibus ancillari. Charitatis namque perinde ac ignis proprium est, ut quæcunque attingit, in sui obsequium, ac demum immutata in suam naturam convertat. Egregie itaque Augustinus in epist. 53. ad Macedonium: *Virtus (inquit) non est nisi diligere quod diligendum est. Id eligere, prudentia est: nullis inde averti molestiis, fortitudo est: nullis illecebris, temperantia: nullâ superbâ, justitia est. Quid autem eligemus, quod præcipue diligamus, nisi quo nihil melius invenimus? Hoc Deus est.* Hactenus Augustinus.

Disciplina ergo, quâ ad justitiam erudimur, tota ad dilectionem Dei traducenda est. Judicia etiam causarum, quæ sunt ipsius justitiæ usus ac exercitium, ad unum divini amoris scopum dirigi debent: atque omnium Judicum, sive Ecclesiasticorum, sive Sæcularium auribus semper insonare debent ista verè aurea Regis Josaphati monita 2. Paralip. 19. *Videte quid faciatis, non enim hominis exercetis judicium, sed Domini. Et quodcumque judicaveritis, in vos redundabit. Si timor Domini vobiscum, & cum diligentia cuncta facite: non est enim apud Dominum Deum nostrum iniquitas, nec personarum acceptio, nec cupido munerum.* Spectabilis est Justiniane lex Rem non novam, Cod. de judiciis, de jurejurando à Judicibus & causarum Patronis præstando, & de habendo assidue sacrarum Scripturarum Codice in ipso judicii loco.

Theologica disciplina, & Jurisprudentia Canonica, quasi germanæ sorores & gemellæ, pleraque inter se communia simul habent: ambæ namque directè & immediatè ad religionem spectant, ambæ pariter circa eadem ferè subiecta versantur, Scripturas sacras & divinas traditiones, Conciliorum, Summorumque Pontificum constitutiones, Sanctorum Patrum scripta. Id tamen discriminis intercedit, quod Theologica disciplina ex se merè speculativa est, & in divinarum rerum cognitione quiescit; cum tamen Canonica Jurisprudentia referatur ad praxim, scilicet Ecclesiarum regimen, tum in spiritualibus, tum in temporalibus earundem rebus.

Materia porro Canonici Juris dividitur in res Fidei, & in res quæ circa disciplinam versantur. Res Fidei comprehenduntur partim sacris utriusque Testamenti paginis, partim Traditionibus Apostolicis, quæ ut unanimes docent SS. Patres, pari nituntur cum divinis Scripturis auctoritate, ut tradit canon *Ecclesiasticarum*, dist. 11. desumptus ex Basilii libro de Spiritu Sancto,

cap. 27. Circa res verò disciplinæ, quædam sunt per universam Ecclesiam receptæ, aliæ non ubique, sed certis quibusdam locis invaluerunt. De illis quæ in universa servantur Ecclesia egregium est Augustini documentum epist. 118. ad Januarium: *Illæ (inquit) quæ non scriptæ, sed traditæ custodimus, quæ quidem toto orbe terrarum servantur, dantur intelligi vel ab ipsis Apostolis, vel à plenariis Conciliis, quorum est in Ecclesia saluberrima auctoritas, commendata atque statuta retineri: sicut quod Domini Passio, Resurrectio, atque Ascensio in cælum, & adventus de cælo Spiritus Sancti anniversaria celebratae venerantur.* Sed neque in rebus disciplinæ, quæ universali auctoritate stabilitæ, usuque communi ubique receptæ sunt, fas cuiquam fuerit abscedere vel transgredi quidquam, ut est præfixus à Nicæna Synodo Paschalis celebritatis dies. Accidunt nihilominus pro particularium Ecclesiarum ac locorum institutis atque usibus diversi ritus consuetudinesque, quibus soli locorum incolæ astringuntur: advenis autem consilium datur à SS. Patribus Ambrosio & Augustino, ut dum in eisdem versantur locis, se his pariter usibus accommodent; non enim sunt à delicto immunes, si scandalum inferant, juxta monitum Apostolicum 1. Corinth. 8. de usu escæ alioqui licitæ, si frater inde scandalizetur.

Sanctus istis adscriptur Augustinus in eadem epistola 118. dicens: *Aliæ verò quæ per loca terrarum regionesque variantur, sicut est quod alii jejunant Sabbata, alii verò non: alii communicant quotidie corpori & sanguini Christi, alii certis diebus; & si quid aliud adverteri potest, totum hoc genus liberas habet observationes, nec disciplina ulla est in illis melior gravi prudentique Christiano, quàm ut eo modo agat, quo viderit agere Ecclesiam, ad quamcunque devenit.* Additque ibidem, beatissimæ memoriæ virum Ambrosium illa consuluissè, atque ita solitum agere, ut Romæ quidem hospitans Sabbato jejunaret; sed non Mediolani degens, ubi nihil tale præceptum, aut moribus receptum erat. Huc pertinet alterius Augustini interrogatio, & ad ipsum Gregorii Magni Papæ responsio, eidem suadens, ut ex diversis usibus ac ritibus, quos sive Romæ, sive in Gallicanis Ecclesiis viderit servari, eos in novis Angliæ Ecclesiis instituat, quos magis ad populorum pietatem, & ad majorem Dei cultum conducere judicabit.

In summa, Jure duplici constat universa hæc Jurisprudencia, scripto scilicet, & non scripto, seu consuetudine. Scriptum Jus sacra utriusque Testamenti volumina comprehendit, prætereaque scriptis exaratos Conciliorum Ecclesiæ Canones, Pontificum etiam Romanorum Constitutiones, itemque pro diversis locis inferiorum Episcoporum Sanctiones, sanctorum insuper Doctorum sententias. Divinarum porò Scripturarum completus catalogus recensetur in Concilio Carthaginensi tertio, can. 47. & in altero Romano septuaginta Episcoporum, cui præsedit Gelasius Pontifex; prætereaque in Tridentino sess. 4. Refertur simul & ab Innocentio Papa I. in epistola ad Exuperium Tolosanum Antistitem, & ab Augustino lib. 2. de doctrina Christiana.

Christiana, cap. 8. Item ab Isidoro libro 1. Etymologiarum, cap. 1. & à Cassiodoro lib. 1. divinarum lectionum. Sanè vetustioribus quæ præcellerant temporibus, hac de re non erat pari evidentia definitum. De quibusdam quidem unus erat univerforum Catholicorum consensus: At de quibusdam aliis inter ipsos decertabatur, an sacris accensendi essent, an ad apocryphorum classem relegandi. Quæ causa est cur nonnulli silentio prætererantur libri in priscais quibusdam catalogis, qualis est Laodiceus Synodi can. ult. Epiphaniæ libro de ponderibus & mensuris, Gregorii Nazianzeni in carmine de Sacris Scripturis, & Hieronymi in Prologo Galeato.

Conciliorum Ecclesiæ quadruplex numeratur discrimen, inter quæ primum autoritatis gradum obtinent œcumenica, seu generalia Concilia, in quæ universa diversis ex nationibus confluit Ecclesia. Horum convocatio ad Romanum Episcopum Petri successorem pertinet, cujus sollicitudini & potestati Christus Dominus universum ovile commisit. Secundum dignitatis gradum nationalia Concilia sibi vendicant, ad quæ diversarum provinciarum Episcopi conveniunt. Tertium gradum tenent provincialia, ad quæ convocantur circumvicini sub uno Metropolitano Episcopi. Quartum diocesanæ Synodi sub uno tantum Episcopo. Attamen diocesanæ Synodi antiquitus dicebantur illæ, in quas diversi confluebant cum suffraganeis Episcopis Metropolitani diversis ex provinciis profecti. Olim enim multò latius patebat Diocesis nomen, complectebatur quippe plures provincias uni alicui Patriarchæ, aut Primati, aut Exarchæ subditas. De Exarchis vide Concilium Chalcedonense can. 9. & 17.


Contigit aliquando ut Concilium nationale plures numeraret Episcopos, quam universalialia, seu œcumenica nonnulla: nec tamen ex ampliore numero parem cum istis nancisci poterat autoritatem. Semperque tenenda ista est Augustini regula libro 2. de Baptismo contra Donatistas, cap. 3. *Ipsa Concilia quæ per singulas regiones vel provincias sunt, pleniorum Conciliorum auctoritati, quæ sunt ex universo orbe Christiano, sine ullis ambagibus cedunt.* Tenenda similiter ejusdem Sancti Doctoris ibidem relata regula est: *Ipsa pleniora Concilia sæpe priora posterioribus emendantur, quum aliquo experimento rerum aperiunt quod clausum erat, & cognoscitur quod laudat.*

De indiçta ab uno Episcopo intra proprios fines Synodo parum consultè scripsit Gratianus initio distinctionis 18. esse invalidam ad definiendum & constituendum, & solummodò valere ad corrigendum & arguendum; eique meritò Glossa contradicit his verbis: *Istud non est verum, quia Episcopi bene condere Canones possunt Episcopales, & Archiepiscopus Provinciales: quia quilibet Episcopus, & qualibet Ecclesia sibi potest statuere aliquod jus.* Idque multis Canonibus confirmat.



CAPUT II.

De diversis Sacrorum Canonum Collectionibus.

I.  E C inutilis, nec injucunda erit ista tractatio, cujus exemplum & specimen dedere tum Pomponius Jurisconsultus, tum illi, qui jubente Imperatore Justiniano Digestum Juris concinnantes tractatum præmiserunt de origine Juris. Quod scribit Theodoritus comment. 1. Timothe. 5. *ἡμὲν τῶν ἀντὶ τῆς ἐκκλησίας γράμματα, ἀπὸ τῆς ἐμπειρίας τοῦ χρόνου ἔχοντα*, ab experientia leges ortum habent; id usuvenit in Ecclesiæ politia & regimine. Ejus enim primordiis, consuetudine ab Apostolis introducta, & ab Apostolorum successoribus Episcopis sollicitè conservata, Christianorum societas regebatur, quæ consuetudo nomine Traditionis significatur ab Apostolo Paulo dicente 1. Thessalonic. 2. *State & tenete traditiones, quas didicistis, sive per sermonem, sive per epistolam nostram*. Has deinde Apostolicas traditiones curaverunt aliqui Ecclesiarum Antistites, ne progressu temporum, aut incuriâ hominum deperirent, in scripturam redigi, sub nomine Apostolicarum Constitutionum, quales primus compilavit Clemens Papa & Martyr: aut Canonum Apostolorum, quales supersunt numero quatuor & octoginta. His accessere Synodorum Decreta scriptis edita, & Summorum Pontificum Constitutiones & rescripta, Sanctorumque Ecclesiæ Doctorum collectæ sententiæ: ex quibus omnibus constatum est Jus Canonicum, cujus compilationi plerique diversis temporibus suum laborem & industriam contulere, additis etiam alicubi quibusdam Imperialibus Legibus ac Edictis.

II. Prima Canonum occurrit illa collectio, cujus in sua præfatione meminit Dionysius Abbas, quam refert continuissè Canones numero centum sexagintaquinque, desumptos ex Nicæna, cæterisque Græcorum Synodis: cujus etiam collectionis multiplex mentio fit in Synodo Chalcædonensi, actione 4. 11. & 13. atque alibi passim. Prima ipsa collectio à Græcis procusa fuit: deinde conversis in Latinum Canonibus Græcis, ad Occidentis Ecclesias pervasit; quæ tamen Latina versio haud satis accurata Dionysio visa est. Eaque illum causa impulit ad suam contendendam ex Græco fideiorem translationem, ut idem in suæ collectionis præfatione fidem facit. Siquidem paulò ante Dionysinianam collectionem præcesserat Ferrandi Carthaginensis Ecclesiæ Diaconi Canonum ex Græco in Latinum sermonem conversio: Ferrandus verò & Dionysius iisdem vixerunt & floruerunt temporibus, sub imperiis Justini I. &

& Justiniani. Abbatis quidem Dionysii editio defæciatior est, & translatio accuratior quam illa ejus Ferrandus est Author, in cujus lectione non pauci occurrunt navi. Præterea Dionysius Canones inscriptos Apostolorum, numero quinquaginta, Latinos à se factos suæ attexuit collectioni, quorum nullatenus meminit Ferrandus in sua, ut vocat, Canonum breviatione, neque aliæ ullæ quæ præcellerant collectiones. His adde, Ferrandum nullos ex celeberrimis œcumenicis Conciliis Ephesino & Chalcedonensi proferre Canones, quia Græca ipsa, quam sequitur, collectio nihil horum continebat. At verò suæ attexuit Dionysius lucubrationi Latinitate à se donatos Canones Chalcedonenses, quam etiam epistolis auxit Summorum Pontificum, à Siricio exorsus usque ad Gelasium. Quis autem existimet, Ferrandum prudentiâ & pietate, omnique moderatione commendabilem virum, post accuratam Dionysii collectionem, præsumpsisse circa idem subjectum operam suam impendere voluisse cum tantis defectibus, quos potuerat visâ Dionysii editione facillimè emendare, quasi post inventas fruges & munera Cereris, voluisset homines ad glandes revocare. Præcessit ergo Ferrandi, successitque Dionysii editio, quam mox subsequuta fuit Martini Bracharensis Episcopi collectio: quem Authorem Gratianus per incitiam sub nomine Martini Romani Pontificis allegare solet. Istis quarto loco successit Canonum compilator Cæcilianus Episcopus Africanus.

III. Romana verò Ecclesia suum habere cœpit Canonum codicem jam inde à Julii Romani Pontificis regimine, qui subinde temporum insequentium decursu aliorum Canonum accessione succrevit ad Pontificatum usque Gelasi Papæ, cujus inibi aliquot decreta inseruntur. Codicem istum, qui multis sæculis delituerat, nuperrimè in lucem restituit Paschasius Quæsnelius, Parisinus Oratorii Domini JESU Presbyter, ad trium vetustissimorum exemplarium, Oxoniensis, Thuanci, & Atrebatensis fidem. Codex autem, quem Justellus sub titulo Ecclesiæ Romanæ Canonum, de tenebris vindicaverat, non potuit esse quàm privati alicujus vetus lucubratio, sed istâ Quæsnelianâ tamen editione recentior. Quisquis tamen utramque collectionem penitus inspexerit, permultos in utraque tum ordinis temporum, tum ex Græco translationum errores & hallucinationes deprehendet.

IV. Succedentibus subinde novis Pontificum, aut Conciliorum Constitutionibus, augebatur apud Romanum Tribunal Canonica Jurisprudentia, seu disciplina, ut admonet Leo Papa IV. can. *De libellis*, distinct. 20. his verbis: *Quibus autem utimur in omnibus Ecclesiasticis judiciis, sunt Canones, Apostolorum, Nicanorum, Ancyranorum, Neocæsarensium, Gangrensum, Antiochensum, Laodicensium, Constantinopolitanorum, Ephesinorum, Chalcedonensium, Sardicensium, Africanensium, Carthagenensium, & cum illis regula Presulum Romanorum, Sylvestri, Siricii, Innocentii, Zosimi, Celestini, Leonis, Gelasii, Hilarii, Symmachi, Hormisdæ, Simplicii,*

& Gregorii junioris. Isti omnino sunt per quos judicant Episcopi, & per quos Episcopi simul judicantur & Clerici.

V. Successit istis Isidori Hispalensis collectio, sive sit ille Hispalensis Episcopus scriptis & sanctitate celeberrimus, ut existimat Hincmarus Rhemensis libro de Synodis, & Trithemius, aliique; sive sit alius quispiam ejusdem nominis & civitatis, cognomento Mercator, ut censet Baronius. Hic ergo, qualiscumque sit, suam edidit Canonum collectionem, tum Apostolicorum, tum Synodicorum, tum Summorum Pontificum, eorum etiam qui Sylvestrum & Siricium præcesserunt; quanvis horum veritati diffidat Hincmarus Rhemensis scribens contra nepotem suum Hincmarum Episcopum Laudunensem, & autemet falsas & supposititias, quæ circumferuntur Constitutiones Romanorum Pontificum Siricilo anteriorum. Sed ipse tamen refelli potest Nicolai I. testimonio jubentis in canone *Si Romanorum*, distinct. 19. à cunctis recipi & obtemperari Decretalibus illis antiquitate venerandis Romanorum Antistitum illorum, qui crebrescentibus Paganorum persecutionibus Ecclesiam rexerunt. Eri enim negari non possit, aliquas sub illorum Pontificum nomine editas Decretales fuisse confictas; id quoque palam est, contigisse in aliis quibusdam, quæ posteriorum Pontificum nomine circumferuntur: neque conveniens est ubi suppositionem quarundam, omnibus in universum derogari fidem, quæ magnam sapientiam præferunt, & rebus, ac temporibus illis apprime quadrant. Eademque ratione omnes quoque Synodice Constitutiones exploderentur, quia harum aliquas constat esse falsò obtrusas. Ista porò Isidori collectio definit in secundum Hispalense Concilium, cui præfeditur compertum est Sanctum Isidorum Hispalensem Archiepiscopum. Isidori collectionem excepit altera Reginonis Abbatis Prumiensis, in duos distincta libros, quam penè deperditam eduxit in lucem vir eximîa eruditione & diligentie laude præclarè de literis & literatis viris meritis Stephanus Balusius. Hujusce collectionis à Reginone cuse meminerat dudum Bellarminus in Catalogo Scriptorum Ecclesiasticorum. Floruit Regino sub finem sæculi noni: scripsitque præterea Chronicum satis pervulgatum.

VI. Hoc idem Canones colligendi studium capeffivit, felicique successu obivit inter Germanos Burcardus Vormaciensis Episcopus, Ottonis III. & Henrici II. Bavari Imperatorum ætate. Hic primus non ordinem temporum, ut Dionysius & Isidorus; sed rerum & causarum seriem quasi in communes digessit locos. Nec minorem in Francia laudem adeptus est Ivo Carnotensis Episcopus, à quo edium est egregium Decretum. Floruit Ivo desinente undecimo à natali Christi sæculo. Hujusce verò Decreti quandam sub nomine Pannormiæ, seu potius Pannomiæ edidit Epitomen incertus Author.

VII. In hac eadem Palæstra defudarunt Cresconius, Anselmus, Deus-

dedit Cardinalis, Gregorius Presbyter, qui volumen suum titulo *Polycarpi* inscripsit.

VIII. Istitis demum omnibus successit Gratianus monachus Benedictinus in Monasterio Sancti Felicis, quod est in civitate Bononiensi, qui sæculo duodecimo Decreti sui opus exegit tempore Eugenii Papæ III.

IX. Consultò silui collectionem Martini Bracarenfis Episcopi, quem Sanctus laudat Ilidorus Hispalensis Episcopus in libro de Viris Illustribus, cap. 35. & in catalogo Scriptorum Ecclesiasticorum, cap. 22. Hic floruit circa annum Domini quingentesimum septimum. Sed etsi Latinus fuerit, solos tamen collegit Græcarum Synodorum Canones, quos Ilidorus Mercator in suam derivavit collectionem.

X. Græcorum diversæ quoque viguere diversis temporibus collectiones, quarum postrema, quæ etiam nunc in Oriente utuntur, his partibus constat, Canonibus scilicet qui nomine *Apostolorum* inscribuntur, quinque & octoginta. Hos sequuntur Græcæ octo Oecumenicæ Synodi, suppressâ ultimâ legitimâ, quæ Photio Constantinopolitanæ Sedis invasore deturbato, Sanctum Ignatium restituit; ejusque Synodi loco suppositâ schismaticâ Synodo, cui Photius ipse denud intrusus post Ignatii obitum præsedit. His adiungere Græci solos ex omnibus Latinis Synodis Africanos in Græcum sermonem conversos canones, pariterque Sardicenses, & istis antiquiores provinciales Synodos in Oriente olim celebratas & orthodoxas; simulque Canones Antiochenos ab Arianis editos, necnon schismaticum Concilium Quinisextum in Trullo congregatum sub nomine Synodi Oecumenicæ. His accedunt penitentiarum canones Authoribus editi Sanctis Patribus, Gregorio Neocæsarensi, Dionysio Alexandrino, & Basilio Magno. In istam collectionem commentaria brevia scripsere Zonaras & Theodorus Balsamon pseudo-Episcopus Antiochenus, ambo schismatici.

XI. Franci sub prima suorum Regum progenie suam quoque habuere Canonum collectionem, quæ initio Canones Apostolorum nullos, sed tantum veterum Conciliorum Orientalium continebat, nescio an pariter Occidentalium, ut sunt Africana. Id admodum verisimile est, cum ipsi Græci eos quoque suis collectionibus inseruerint. Sanè Pontifex Hormisdas ipsiusmet Clodovei primi inter nostræ gentis Reges Christiani cœtaneus meminit collectionis Canonum Ecclesiæ Gallicanæ, in can. *Si quis Diaconus*, dist. 50. atque ibidem videri sententias Patrum trecentorum decem & octo contentas esse. Neque verò ambigendum videtur, fuisse quoque ibidem insertos veterum Gallicanorum Conciliorum Canones, quales plerique constituti fuere tunc ante, tum post Clodovei Baptismum. Serius autem ad Gallicanam collectionem accesserunt Canones Apostolici, urgente hanc additionem Rege Chilperico, dum Prætextatum Rhotomagensem Episcopum persequitur reum apud ipsum Rhotomagense Concilium. Suam enim Rex accusationem fundabat in transgressione Canonis Apostolorum vigesimi-


quarti, cujus autoritate instabat, Prætextatum esse Episcopatu abdicandum. Istam scribens historiam oculatus ipse testis Gregorius Turonensis ita de Chilperico Rege loquitur lib. 5. hist. Franc. cap. 18. *Ipse verò ad Metatum discessit, transmittens librum Canonum, in quo erat quaternio novus adnexus habens Canones quasi Apostolicos, continentes hæc: Episcopus in homicidio, adulterio, aut perjurio deprehensus, à Sacerdotio divellatur.*

XII. Regnante postmodum secunda progenie, Adrianus I. ad Carolum Magnum Francorum Regem librum Canonum transmissit, quibus Romana Ecclesia utebatur, cujus visitur eximium exemplar in Abbatis Sancti Germani Parisiensi, conscriptum, ut ibidem notatur, anno regni Caroli Magni trigesimo septimo. Eaque collectio eadem prorsus est ac illa, cujus meminit Léo IV. in can. *De libellis*, dist. 20. iisdem namque partibus constat, scilicet Apostolorum Canonibus quinquaginta, & Canonibus Synodorum Orientis, & Africanarum, & Sardicenis: prætereaque Decretis Siricii, & sequentium Romæ Episcoporum usque ad Gregorium II. Huic exemplari præfigitur Adriani ad Carolum epistola, cujus linearum primæ literæ istud componunt Acrostichum, DOMINO EXCELL. FILIO CARULO REGI ADRIANUS PAPA.



C A P U T III.

Juris divisio.


I.  **ON** potest cum præscriptis in Logica regulis perfectæ divisionis convenire illa Juris divisio, cujus est author Ulpianus in l. 1. D. de just. & jur. quâ scilicet Jus distinguit in publicum & privatum: & publicum quidem dicit esse, quod ad statum rei Romanæ spectat, atque in Sacris, in Sacerdotibus & in Magistratibus consistit. Privatum deinde tripartitè dividit, in Naturale, Gentium, & Civile. Cum enim ratio doceat deducendam esse divisionem ab universalibus ad particularia, & à genere ad species ei subjectas; Ulpianus tamen ipsum universalissimum genus sub inferiori specie commiscet. Cum enim nihil latius pateat ipso Jure naturali, præsertim si spectetur ut commune brutis simul & hominibus, quâ ratione illud hîc spectat & definit; istud tamen collocat, simulque Jus gentium & civile in infima distributione. Præterea idem Jurisconsultus Jus Romanorum publicum, quasi primam speciem collocat immediatè sub summo genere; cum tamen nihil aliud sit quàm una ex individuis partibus Juris civilis, quod idem Ulpianus collocat in suæ divisionis specie infima. Cæterum quàm est alienum à recta ratione

tionem quod ibidem his verbis affirmat *Ius naturale est quod natura omnia animalia docuit: nam jus istud non humani generis proprium est, sed omnium animalium quæ in terra, & quæ in mari nascuntur, avium quoque commune est. Hinc descendit maris & fœmina conjunctio, quam Matrimonium appellamus; hinc liberorum procreatio, hinc educatio. Videmus enim cetera quoque animalia, feræ etiam, istius juris peritiâ censerî. Jus gentium est, quo gentes humane nuntur, quod à naturali recedere facile intelligere licet, quia illud omnibus animalibus, hoc solis hominibus inter se commune est.* Hactenus Ulpianus. Verumtamen cum solus homo rationis compos sit, solus etiam ex animalibus Juris capax esse potest: ratio enim ipsa Legis anima est atque Juris, l. *Cum pater filios* 77. §. *Dulcissimis*, D. de legat. 2. Quinimodò hic idem Ulpianus l. 1. D. si quadrup. pauper. fec. dicat. disertè loquitur: *Pauperies est damnum sine injuria facientis datum: nec enim potest animal injuriam fecisse, quod sensu caret.* Ergo dicendum est contra Ulpianum, neque posse quidquam jure facere quod sensu caret, atque ita bruta esse in seipsis incapacia juris.

II. Sic igitur Jus dividendum esse reor, in Naturale scilicet, & Civile. Deinde naturale Jus aliud est primævum, quod præcessit humani generis propagationem; & ad Jus istud pertinent connubia, bonorum communio, mutua dilectio, & mutuuum auxilium, & alia similia: aliud verò naturæ Jus dicendum est posterius, quod est subsequutum humanæ multiplicationem naturæ, quod est propriè Jus gentium, omnibusque gentibus commune, cujusmodi sunt divisiones terrarum atque bonorum, Rerum publicarum constitutiones, jura civitatum, legationes, proprietates, dominiorum translationes, contractus, aliique non modò quæ in statu primævæ innocentie (si hæc illibata diu perdurasset) extitissent, sed etiam post inductum in orbem terræ peccatum, ut sunt jura belli, servitutes hominum, & criminum pœnæ: hæc enim jura cunctis gentibus promiscua sunt & communia. Jus autem Civile illud dicendum, quod quælibet Respublicæ seorsim sibi constituerunt, sive scriptum fuerit, sive non scriptum, qualis est consuetudo: sive etiam sacrum sit, quale est Jus Pontificium & Canonicum; sive commune, ut Principum Leges, Magistratum Edicta.


III. De statu primævæ innocentie, si perstitisset post hominum multiplicationem, duo quæri possunt. Primò utrum ea perdurante fuisset introducta bonorum terræ divisio, proprietates ac dominiâ? Secundò utrum fuissent in hominibus Regna ac Imperia? Quoad primum, poterat etiam post propagatum humanum genus constitui civitatum divisio, & in singulis civitatibus rerum communitas, prudenti aliqua adhibita policia communium agrorum cultum, & fructuum ex agris nascentium in singulas sive familias, sive personas distributionem dispensante: poterat similiter induci agrorum distributio; nihil enim habet quidquam horum quod cum statu communis innocentie repugnet. At verò de Regibus & Potestatibus hoc

consendum est post hominum propagationem, stante adhuc originali innocentia debuisset principatus & potestates quorundam hominum in alios homines stabiliri. Aut enim introductæ fuissent prædiorum divisiones, aut non fuissent: si primum, tunc necessaria potestas aliqua inter homines superior fuisset, quæ distributioni præesset agrorum, quæque innumeras ambiguitates absque etiam humanis cupiditatibus injustis subnaescentes circa rerum in multis casibus dominia, proprietates, ususfructus, usus, servitutes prædiorum, alienationes, permutationes, sua posset autoritate judicioque dirimere. Si verò supponas ejus quæ ab initio extiterat communionis rerum stabilitatem, adhuc necesse fuisset Principes aliquos existere, qui dum singuli propriis, aut suarum familiarum commodis invigilant, communem intereà utilitatem procurarent, eamque suis jussionibus & legibus constabilerent, ac singulis suas partes suaque officia cum illo ad commune bonum respectu distribuerent: atque ita sub se Magistratus & Officiales constituerent, aut communibus suffragiis eligi curarent. Sanctus Thomas in lib. 1. de regimine Principum, cap. 1. sic ait: *Naturale homini est ut in societate vivat multorum, & necesse est esse in hominibus per quem multitudo regatur. Nam cum unusquisque id quod sibi congruum est provideat, multitudo in diversa dispergitur, nisi sit qui boni communis curam gerat. Unde Salomon ait: Ubi non est gubernator, dissipabitur populus. Oportet ergo ut præter id quod movet ad proprium bonum uniuscujusque, sit etiam aliud quod moveat ad bonum commune multorum: propter quod & in omnibus quæ in unum ordinantur, invenitur aliquid quod alia regat.* Hactenus Doctor Angelicus. Præterea docet Aristoteles lib. 3. Politic. cap. 4. hominem esse naturâ sociale animal. Sanctus etiam Chrysostomus in IIaæ caput 3. sic ait: *Nihil est intractabilius Republicâ quæ caret principatu, quemadmodum neque periculosius quid, quàm est navis sine gubernatore destituta.*



CAPUT IV.

Quatenus lex humana liget secundum conscientiam.

- I.  APIENTISSIME disserit Apostolus Paulus, leges & decreta hominum in legitima potestate constitutorum, non tantum astringere subditos ad obtemperandum, vinculo humano ac politico subdente humanis poenis infractores; sed etiam divinâ lege, quæ ipsas animas & conscientias liget, subiciatque suppliciiis post hanc vitam ab ipso Deo decretis. Cujus rei istam rationem profert,

profert, quia istiusmodi Potestates Deus approbat, eisque ut Dei vicem gerentibus subesse ac parere jubet: adeò ut his inobedientes, divinis iustitiis refragentur. *Omnis animus* (inquit) *potestatibus sublimioribus subdita sit; non est enim potestas nisi à Deo: quæ autem sunt, à Deo ordinate sunt.* Itaque qui resistit potestati, ordinationi Dei resistit. Qui autem resistunt, ipsi sibi damnationem acquirunt. Et mox: Ideò necessitate subditi estote, non solum propter iram, sed etiam propter conscientiam. Roman. 13. Quæ cum valcant in Principibus & Magistratibus politicis, multò magis urgent in Præfectis Ecclesiasticis, de quibus idem Apostolus ita præcipit Hebr. 13. *Obedite Præpositis vestris, & subjacete eis: ipsi enim pervigilant quasi rationem pro animabus vestris reddituri.*

II. Duas hîc prosequor proprietates seu conditiones, quæ huiusmodi sunt, ut vel alterius harum defectu lex ipsa nullatenus liget. Prima est ut lex sit rationalis & iusta. Lex enim dicitur inventum Dei ac munus ad coercenda delicta, vitamque honestè instituendam, l. 2. D. de legib. Præfectis enim tum Ecclesiasticis, tum Sæcularibus potestatem Deus contulit, non in destructionem, sed in ædificationem, 2. Cor. 10. Et cùm sacri Canones nullam & irritam ac inane decernant esse excommunicationem quâ innocens alstringitur, can. *Si quis non recto*, & can. *Cum aliquis*, 24. quæst. 3. idem asserendum pari ratione de legibus evidenter injustis, subditos his nullatenus altringi. *Deo enim obedire oportet magis quàm hominibus*, ut responderunt Petrus & Joannes Apostoli legalibus Sacerdotibus & Scribis, à quibus prohibiti fuerant Christum prædicare. Actuum 5. Neque enim licitum est obedire subalterne potestati in his in quibus opponitur superiori potestati. Et sapienter ait Sanctus Thomas 2.2. quæst. 69. art. 3. ad 1. *Potestati inferiori intantum aliquis subjici debet, inquantum Superioris ordinem servat, à quo si exorbiaverit, ei subjici non oportet.* Quod idem repetit 2.2. quæst. 104. art. 5. in corp.

III. Itaque nulla usque adeò sublimis & universalis est authoritas, sive in Civili, sive in Ecclesiastica Republica, cui liceat obtemperare, si quid jubeat contra bonos mores. * Quod idem sentiendum de pravis receptis consuetudinibus, dicente sancto Cypriano epist. ad Pompeianum: *Consuetudo quæ apud quosdam obrepserat, impedire non debet quominus veritas prevaleat; nam consuetudo sine veritate vetustas erroris est: propter quod relicto errore sequamur veritatem.* Et habetur dist. 8. cap. *Consuetudo.* Vide cap. ult. de præscript.]

IV. Secunda legis tam Ecclesiasticæ quàm Civilis conditio est, ut promulgetur, alioqui non obligatura, utpote non sufficienter populis notificata, l. *Leges sacratissima*, Cod. de legib. item Authent. ut novæ factæ constitutiones, &c. Insuper canon *In istis*, §. *Leges*, dist. 4. *Leges* (inquit) *instituantur cùm promulgantur, firmantur autem cùm moribus utentium comprobantur.* His suffragatur sanctus Thomas 1.2. quæst. 90. art. 4. Ambigitur verò

B 3 ubinam

ubinam promulgandæ sint novæ leges, sufficiantne in civitate primaria amplissimæ alicujus ditionis, an verò publicari quoque necesse sit in singulis provinciis? In omnibus quidem sæcularibus Regnis receptum videmus, ut in remotis provinciis leges neminem astringant, nisi ex quo in eisdem publicatæ fuerint. Multò magis idem requiri videtur circa sacra Decreta universo Christiano orbi præcepta, ut remotas provincias non ligent hac sola ratione, quia Romæ palàm fuere propòsita: Etenim talis promulgatio poterit fortassè sufficere ad notificandum populis Italiæ, sed non Galliæ, non Hispaniæ, non Germaniæ, non Poloniæ, non aliis remotioribus regionibus; cum ne in singulis quidem his Regnis sufficiat promulgatio Edicti Regii intra regiam solam civitatem facta. Cum enim idèò lex feratur, ut populi universitatem obliget, necesse est eam ita publicari, ut universo populo innotescat: nec satis est si uni, aut alteri nota sit. Quæ ratio allegatur in lege *Leges sacratissima*, Cod. de legib. *Quo* (inquit) *ab universis, quos constringunt, leges intelligantur*. Hæc est sententia Angeli verb. *Lex*, q. 12. Medinæ ad 1. 2. q. 90. art. 4. Lessii lib. 2. cap. 22. dub. 13. in princ. ubi consequenter affirmat diploma Pii V. de censibus, nullatenus obligare in Belgio, Gallia, & Germania, quia non fuit in his regionibus publicatum. Non me latet plerosque graves Scriptores, præsertim Italos, favere unicæ, quæ sit Romæ, promulgationi, eo quòd aliqua Pontificia diplomata id præ se ferant.

V. Nec verò sufficit competens promulgatio, si non sequitur legis apud populum receptio, ut habetur apud Gratianum can. *In istis*, §. *Leges*, dist. 4. *Leges instituuntur quum promulgantur, firmanur autem quum moribus utentium comprobantur*. Quinundò, ut ait lex *De quibus*, D. de legib. *Leges nullà alià de causâ nos tenent, quàm quòd judicio populi receptæ sunt*. Et si verò Summorum Pontificum spiritualis potestas non ab hominibus, sed ab ipso Deo ortum ducat, idèòque non possit per homines limitari; quia tamen non præsumuntur hoc absolutè velle, ut suæ constitutiones quamprimum subditorum conscientias astringant, ne contingat ut potestas illis divinitus in animarum salutem collata vertatur in earumdem perniciem, & vice debitæ ædificationis pariat destructionem, contra Pauli monitum 2. Corinth. 13. idèò Bonacina de matrim. quæst. 2. punct. 7. cum Sanchez & aliis docet, hominem Italem & Catholicum licitè et valide contrahere matrimonium in partibus Græciæ sine Parochi assistentia. Et si namque schismatici & hæretici subjiciantur potestati Summi Pontificis & Concilii generalis; quia tamen Tridentinum Concilium requirens ad matrimonii validitatem proprii Parochi præsentiam, non fuit in hujusmodi locis receptum, non ea est Ecclesiæ mens, ut is defectus nullitatem inducat in iis locis, ne ista occasione pro matrimoniis contrahantur fornicationes & stupra.


VI. At verò prorsus aliter judicandum est circa Decreta Fidei, quibus ligantur

ligantur quicumque privatim illorum habent sufficientem notitiam, quavis neque in Provinciis promulgata, neque publicè recepta fuerint. Ratio est, quia reliqua decreta sunt humani, vel Ecclesiastici juris, neque ad jus divinum pertinent nisi mediata & remota, idcirco non obligant nisi juxta modum civilem & humanum: nimirum primario quidem populum, secundario autem singulos particulares, quatenus sub obligatione publica comprehenduntur. At verò divinæ leges seorsum singulos astringunt quibus plenè innotuerint, tametsi modo civili non fuerint promulgatæ vel receptæ; quippe quæ suum omnem vigorem immediate à Deo ipso habent, & non ab hominibus. Sic infidelis astringitur obligatione fidei, si ei sufficienter, quanvis per privata colloquia, proponatur, ut contigit in eunucho Reginæ Candacis cum Philippo Diacono, Actuum 8. Et qui in Provincia diffusa certò sciret unum aliquod Fidei decretum fuisse Romæ ad valvas Apostolorum publicatum, hoc ipso illi acquiescere sufficienter teneretur.



C A P U T V.

Juris Canonici, & Civilis differentia, istiusque Operis divisio.

I.  ONVENIT cum Jure civili Jus canonicum, quatenus ambo intendunt hominum societatis directionem ad commune bonum. Hac enim in re versatur scopus & finis juris & legum, can. 1. dist. 4. Sapienter docet Aristoteles lib. 4. politic. cap. 1. Potestatem publicam ad commune bonum institutam esse. Cicero quoque lib. 1. de legibus: *Salus (ait) populi suprema lex esto.* Differunt verò duo Jura ista secundum modum finemque particularem. Jus quippe civile intendit commune bonum, ut est conveniens humanæ in terris societati; seu statui politico. At canonicum respicit commune bonum ut ad vitam referatur æternam finemque supernaturalem.

II. Itaque Jure canonico Jus quoque divinum comprehenditur, Sacra Scripturâ divinisque Traditionibus constans: Sanctiones pariter Ecclesiasticæ à Pontificibus & Sacris Synodis profectæ: præterea consuetudines in Ecclesia receptæ. His adde civiles etiam leges, quas Ecclesiæ beneplacitum probavit & admisit, cujusmodi plerasque legimus in Gratiani Decreto insertas. Civiles namque constitutiones non aliter vim in Ecclesia obtinent quàm per ejusdem Ecclesiæ approbationem, cap. *Ecclesia sancta Maria*, de constitutionib.


III. Istam Canonici Juris tractationem in sex libros distribuimus: quorum

rum primus aget de personis, in quo de Summi Pontificis rescriptis, de Episcopis, aliisque Prælatiis, de Beneficiariis, de Clericis, de Regularibus pertractabitur. Secundus res Ecclesiasticas prosequetur, Præbendas, sacra loca, Decimas, Tertius Sacramentorum doctrinam tradet, præsertim Pœnitentiæ & Matrimonii. Quartus versabitur liber circa judicia & lites rerum Ecclesiasticarum. Quintus prosequetur delicta eorumque canonicas pœnas, & censurarum sylvam, & casuum reservatorum difficultates elucidabit. Sextus denique ad pleniorum Confessoriorum & pœnitentium instructionem difficultates discutiet, quæ circa contractus & restitutiones versantur.



CAPUT VI.

De Summorum Pontificum Rescriptis generatim.

I.  ETRUS Rebuffus in praxi benef. tit. different. inter privil. rescr. & mand. scriptas dispositiones quæ ab Apostolica Sede proficiscuntur, distinguit in privilegia, mandata, & rescripta: ipsa deinde rescripta distinguit in rescripta gratiæ, & rescripta justitiæ; quæ utraque pro formarum, in quibus expediri solent, diversitate dicuntur nunc Signaturæ, nunc Brevia, nunc Bullæ. Horum singula Breviter & dilucidè hic exponam.

II. In primis verò istud est præmonendum, scriptis concessa à Principe sive Ecclesiastico, sive sæculari privilegia strictè esse interpretanda, *l. Si quando*, Cod. de inoffic. testam. & cap. 1. & 2. de privil. in 6. ubi Gloss. in d. cap. 1. hanc adducit rationem, quia omnis recessus à jure communi est odiosus. At verò privilegium est recessus à jure communi in favorem singularis personæ, *l. Jus singulare*, D. de legib. & can. fin. 2 §. q. 1.

III. Mandatum Apostolicum in Jure frequens illud est, quo Papa significat Ordinario ut certæ alicui personæ provideat de Beneficio, cap. *Mandatum*, cum duobus capp. sequent. de rescript. item cap. *Accepimus*, de ætate & qual. ordinand. & cap. *Dilecto*, de præbend. & cap. *Si Capitulo*, de concess. præbend. in 6. Mandata ista pro odiosis habentur, quia opponuntur juri communi, & quia potestatem Ordinariorum canonicam restringunt. Istiusmodi mandata & vacaturarum Præbendarum expectativas damnat Bonifacius VIII. cap. *Deestanda*, de concess. præb. in 6. Concilium olim Lateranense sub Alexandro III. in cap. *Nulla*, de concess. præbend. prohibuerat omnem Beneficii promissionem & provisionem, antequam vacet, utpote inducentem votum captandæ alterius mortis. Concilium Basiliense, & in Regno Galliarum Pragmatica Sanctio, mandata omnia de providendo

dendo & beneficiorum expectativas, quas Galli dicunt *Survivances*, omnino sustulerant. Concordatum verò Bononiæ initum inter Franciscum Regem & Leonem Papam, atque in Lateranensi Concilio approbatum, ita disponit & moderatur, ut quilibet Summus Pontifex semel in vita sua Ordinarium in hoc regno habentem collationem decem præbendarum gravare possit in una: & eum qui habet collationem quinquaginta, vel plurimum, in duabus. Concord. in tit. de collat. in princ. & tit. de mandatis Apostol. Denique Tridentinum Concilium sess. 14. de reform. cap. 19. omnes expectativas, omniaque mandata de providendo prorsus revocat.

IV. Signaturæ Apostolicæ versantur circa diversa, sive circa beneficii per supplicationem petiti concessionem, sive circa absolutionem, aut dispensationem, aut rehabilitationem in favorem supplicantis. Scribuntur Signaturæ in papyro, neque sigillo muniuntur, & ut plurimum his verbis expediuntur: *Fiat ut petitur*.

V. Breve Apostolicum est, ut describit Rebuffus, scriptura modica in parvis concessa negotiis, quæ indifferenter in papyro, vel in membrana scribi solet, cera rubea aut viridi, Annuloque Piscatoris sigillata, & signo Secretarii subscripta. Fit autem in Brevibus mentio Annuli Piscatoris, non verò in aliis rescriptorum speciebus.

VI. Bullæ sunt concessionem aut ordinationes in rebus gravioribus, nec nisi in membranis describuntur, & sunt aliquantò prolixiores quàm Brevia, utpote continentes præfationem & clausulas quæ in Brevibus Apostolicis supprimi solent. Sigilla Bullarum plumbea sunt, continentia Petri & Pauli Apostolorum effigiem. Et quoties Bulla expeditur in materia gratiæ, sigillum appenditur è filis sericis: si verò sit Bulla in materia justitiæ, aut si sit executoria, appenditur plumbum filis cannabis. Ideoque in Bullis Consistorialium provisionum, quæ Romæ pro Gallici Regni Prælaturis expediuntur, cannabinus laqueus inseritur, quia post Concordatum suprâ memoratum, illæ ad Regis nominationem quæ fiunt collationes, justitiæ sunt & necessitatis.

VII. Rescripta itaque, seu literæ justitiæ sunt quæ debitum petentibus auxilium impertiunt, itaque ut plurimum ad litis ac justitiæ administrationem tendunt: cujusmodi sunt judiciorum evocationes, Judicum delegationes, & quæcumque literæ pro litibus vel instituendis vel restituendis impetrantur. Gratiæ verò rescripta ex mera liberalitate & clementia procedunt, ut dispensationes, indulgentiæ, remissiones, absolutiones, rehabilitationes, provisiones de dignitatibus aut beneficiis, tam in forma gratiæ, vel pauperum, quàm in forma *Dignum*. Denique rescripta justitiæ nihil juris attribuunt de novo, sed jus antea quæsitum vel confirmant, vel de illò cognosci jubent. Gratiæ autem jus novum attribuunt impetranti: neque exigunt causæ cognitionem, cum sint meræ voluntatis, nisi falsitatis aut obreptionis arguantur, aut nisi nominatim aliquam conditionis

C

clausulam

clausulam insertam habeant, qualis hæc est, *Si dignus erit*, in commissoriis beneficiorum collationibus, ut in cap. *Cum adeo*, de rescript. aut ista communis, *Si ita est*. Hoc demum discrimen literarum justitiæ & gratiæ vel ex ipso earum aspectu dignoscitur: Justitiæ quippe literæ signari solent per *Placet*: gratiæ autem per *Fiat*. Et in literis gratiæ nomen Papæ, quod primam literam inchoat, per capitales seu majusculas literas scribitur integrum: at in literis justitiæ sola nominis Papæ litera prima est majuscula; reliquæ ejusdem nominis literæ minusculæ sunt. In Bullis quoque speciale adhuc discrimen visitur, quod jam dictum est, laquei serici, & laquei canabini quo plumbum appendi solet.

VIII. Literæ insuper gratiosæ impetrari possunt per aliquem Tertium sine speciali mandato, quanvis impetrans laicus sit: sic enim pro alio etiam infcio impetrari Ecclesiastica beneficia possunt per laicum, aliæque gratiæ, cap. *Nonnulli*, §. *sunt & alii*, de rescript. Ad literas autem justitiæ requiritur mandatum. Verumtamen Rebuffus in praxi beneficiorum, tit. differenc. int. rescript. num. 18. affirmat in Regni Franciæ Curii admitti indiscriminatim literas justitiæ, sicut & gratiæ, per eandem personam absque mandato obrentas.

IX. Præterea literæ justitiæ, si non sint executioni mandatæ, expirant statim post annum, cap. *Si autem*, & cap. *Plerumque*, de rescript. At literæ gratiosæ perpetuam vim habent, l. *salvo*, Cod. de diversis rescript. Gratiam quippe Principis decet esse mansuram, cap. *Si cui*, de præb. in 6. & cap. *Decet*, de regul. jur. in 6. Nisi quis ultra modum negligens fuerit, cap. *Si clericus*, & ibi Glossa & Doctores, de præb. in 6.

X. Posterius in eodem negotio rescriptum ab altera parte impetratum invalidum est, si de priorie mentionem non facit; & prius rescriptum in suo robore permanet. Sed si posterius rescriptum mentionem faciat anterioris, illud abrogat in eo in quo est incompatible cum posteriori, cap. *Ceterum*, de rescript. Simile jus existit in collatione beneficii per Papam, ut si contra suam provisionem anteriorem, neque illius factâ mentionem, confert alteri idem beneficium, ista posterior collatio habeatur pro subreptitia, atque ideo sit invalida, cap. *Cum olim*, de sent. & re judic.

XI. Expressio falsi, quæ obreptio dicitur; itemque suppressio veri, quæ subreptio dici solet, si sit malitiosa, rescriptum reddit invalidum, cap. *Decem*, 25. quæst. 2. Sed si ex ignorantia sola vel simplicitate processerit, sic est distinguendum: vel enim impetrans, re etiam integrè & verè expressâ, obtinuit judicio prudentis viri rem petitam, saltem in forma communi; eoque casu iudex per id rescriptum delegatus procedere debet servato Juris ordine, non verò secundum specialem & extraordinariam rescripti formam. Sed si delegatus judicet apud se, quod rei veritate planè manifestata, & absque interventu obreptionis aut subreptionis, Papa non fuisset rescriptum concessurus, eo casu delegatus abstinere profus debet perinde

perinde ac si literæ nullæ impetratæ fuissent, cap. *Super literis*, de rescript. Huic conformis existit dispositio legis 2. §. fin. ff. de donat. ut conditio donationi appositæ, si talis sit ut ejus causâ & impulsu facta fuerit donatio, ex talis conditionis defectu donatio nulla judicanda sit: si verò mens donatoris præsumatur talis, ut etiam si conditio appositæ non existeret, effectum nihilominus donatio sortiretur, adjudicaretur res donatario sine cuius culpa conditio defecerit.

XII. Per rescriptum quo Papa mandat Ordinario ut corrigat suæ diocesis Clericos, non datur eidem in exemptos jurisdictio, cap. *Grave*, de offic. Ordin. Quod Capitulum (inquit ibi Fagnanus) facit contra Episcopos studiosè procurantes sibi mandari per literas Sacræ Congregationis Episcoporum, ut procedant in aliqua causâ, sive sit civilis, sive criminalis, alias spectante ad ipsorum jurisditionem ordinariam, hoc solo fine ut excludant appellationem ad Metropolitanum. Patet enim per hanc Decretalem, eos hujusmodi literis non constitui delegatos, ut necesse sit ad delegantem appellare, ut docet Glossa finalis in cap. *Dilecti*, il 3. de appellat. Unde poterit ad Archiepiscopum nihilominus appellari, perinde ac si mandatum istud non extitisset, ut est casus apertus in cap. *Licet*, de offic. Ordin. Attamen si esset in literis istis appositâ clausula, *Nostra auctoritate*, eo casu haberetur delegatus, & appellatio immediatè devolveretur ad Apostolicam Sedem.

XIII. Quum quis ad gratiam per rescriptum restituitur, hoc semper intelligendum, salvo jure alteri anre hanc restitutionem quæsito, nisi contrarium disertè exprimitur, cap. *Quavis* 8. de rescript. in 6. Quo loco addit Glossa, quod si ob perduellionis (quam feloniam vocant) crimen, bona alicujus fuerint fisco Principis applicata, ejusque feuda Princeps alteri contulerit, si postea contingat reum à Principe restitui pristinis bonis, non tamen per hoc tollitur jus feudi alteri quæsitum, nisi hoc ipsum Princeps expresserit.

XIV. Statuit Innocentius III. in Concilio Generali Lateranensi, & habetur in cap. *Nonnulli*, de rescript. ne per literas Apostolicas quisquam trahatur ultra duas dietas extra suam dioccesim, nisi vel constet has literas de partium consensu impetratas fuisse, vel huic constitutioni expressè in his literis derogetur. Quin etiam posterior Bonifacii VIII. constitutio providet, ne causæ committantur ultra dietam unam à finibus diocesis computandam: ubi verò actor & reus erunt diversarum diocesis, dieta ista computetur à finibus diocesis ipsius Rei, cap. *Statutum*, §. *Cum verò*, & §. *Cum autem*, de rescript. in 6.

XV. Ubi quis contra adversarios suos rescriptum impetraverit, nec illud sive ex malitia, sive ex negligentia intra annum, ex quo judicium copiam habuit, produxerit, sed postea illud idem proferre voluerit ad eludendum posterius ab adversa parte impetratum rescriptum, quasi invalidum

hac ratione, quia inentionem non facit oppositi anterioris rescripti, statuitur in cap. *Plerumque*, de rescript. posterius valere, & nullatenus primum. Nemini enim sua fraus patrocinari debet.

XVI. Quoties Papa rescripto suo demandat aliquem externæ jurisdictionis actum, non committit aliquem Clericum, nisi in Ecclesiastica dignitate constitutum, vel habentem Personatum, aut ad minus Ecclesiæ Cathedralis Canonicum, frequentius verò Vicarium aut Officialem generalem, nunquam tamen Officialem foraneum, eo quodd ejus potestas sit tantum particularis. Hæc habentur in cap. *Statutum*, de rescript. in 6. & in Clement. *Ersi*, eod. tit. & in Concilio Trident. sess. 2. cap. 10. de reform.

XVII. Notatu maxime dignum est caput *Significavit*, de offic. jud. ordin. ubi cum aliqui nuptias in gradu prohibito contraxissent, & querela hujusce scandalose & incestæ conjunctionis ad Papam delata fuisset, delegatus ab eo fuit Judex Ecclesiasticus in eadem diocesi, ad inquirendum & definitivè judicandum in ea causa. Verum delegatus exequi mandatum neglexit, partesque in pristino scandalo persistere permisit. Admonitus demum Papa rescripsit, Episcopum non in hac solum, sed generaliter in omnibus causis similibus posse negligentiam vel malitiam Apostolici Delegati supplere, & causas istiusmodi ex officio cognoscere, partesque ligare, aut solvere, prout judicaverit expedire.

XVIII. Rescripta & literæ, tam Papæ quàm Legati, quæ communi Ecclesiæ disciplinæ derogant, aut Ordinariorum minuunt autoritatem ac jurisdictionem, quales sunt, exempli causa, dispensationes circa Monialium clausuram, aut ea rescripta quæ publicam habent executionem, debent ante omnia Ordinariis exhiberi, quorum officii est examinare utrum suppressione veri, aut suppositione falsi, aliòve gravi defectu literæ Apostolicæ vitentur: adeoque suum, ut vocant, *Visa*, & approbationem scripto apponere, vel denegare ac recusare, executionem permittere, aut prohibere, aut suspendere, cap. *Quod super his*, de fide instrum. & cap. *Porrò*, de privileg. Porrò Concilium Tridentinum in ejusmodi literarum Apostolicarum examine decernit, Episcopos esse Apostolicos Delegatos, sess. 13. cap. 5. & sess. 22. cap. 5. & sess. 24. cap. 11.

XIX. Circa Apostolicas literas dignissimum observatu est caput finale de offic. jud. deleg. decernens, si Delegati à Papa electa sit industria, non posse hunc Delegatum subdelegare. Electa verò censetur particularis personæ industria, quando ea persona proprio exprimitur nomine, & non tantum officii aut dignitatis designatione in literis delegationis. Praterèa si nudum sine jurisdictione ministerium alicui etiam proprio nomine non designato Papa injunxit, hic non poterit subdelegare: ut si mandaverit Cruceem prædicare, certam aliquam personam sui officii admonere, clam de aliquo facto inquirere, & similia. In his enim censetur electa personæ industria.


dustria particularis. Denique absolutionis beneficium etiam circa casus Papæ reservatos, potest ab Apostolico Delegato, si ejus electa fuerit dignitas vel officium, alteri subdelegari ab eodem: sed non poterit, si proprio fuerit nomine appellatus, etiam cum dignitatis vel officii expressione, cap. fin. de offic. jud. ordin. Et statuit pariter Concilium Trident. sess. 14. c. 4. de casibus reservatis: & sess. 24. cap. 6. de reform. hæc ferè eadem.

XX. In Regno Galliarum producenti Signaturas, aliasve Romanæ Curiae expeditiones nulla fides habetur, si non sint certificatae à duobus trapezitis aut expeditionariis in ipso originali attestantibus & subscriptis, ut statuitur edicto Ludovici XIV. tit. 15. art. 8.



CAPUT VII.

De electione primum in genere: deinde de Episcoporum Electione, Postulatione, Consecratione, Characterè: § de Archiepiscopis.

I.  N hoc Galliarum regno locum non habet prisca & canonica Episcopos eligendi forma, ex quo per Leonis Papæ X. & Regis Francisci I. actum Bononiæ Concordatum, in usu esse desiit Pragmatica Sanctio, & attributum est Francorum Regibus jus nominandi ad vacantes Episcopatus, aliæque beneficia consistorialia, retento sibi à Summis Pontificibus jure institutionis & annatae. Quia verò electio Episcoporum est antiquissimum juris, adhuc ea locum quibusdam in populis obtinet, maximè in Germania: & quia generalissimè per universam Ecclesiam regulares Prælati ac Superiores, necnon plerique ex Clero, ad Præbendas & Beneficia nonnulla solent per Capitula eligi, opportunum est ut hoc loco ea quæ ad canonicam electionem requiruntur exponam.

II. Ad canonicam electionem cunctos qui jus habent suffragii, necesse est admoneri & vocari, aded ut si vel unius citatio neglecta fuerit, ad hujus solius querelam tota insequuta electio nulla & irrita declaranda sit per judicis sententiam. Stabit tamen & valebit, si is qui vocatus non fuerit, suo saltem silentio videatur agnoscere, cap. *Quod si quis*, 28. de elect.

III. Legitimè absens, nec interesse valens, potest per procuratorem uni de Capitulo demandare votum ac suffragium suum per scrutinium, cap. *Quia propter*, cod. tit. Verumtamen ut satisfiat juri novo decernenti ut suffragia adeo sint secreta, ut nemini de Capitulo innotescant, debet isto

C 3. casu



casu suffragium mitti scriptum in charta complicata, & alterius chartæ sigillato involucto inclusum, non antè aperiendo quàm intra Capitulum confusa in unum scripta scrutinia aperiantur. Cæterum in electione Papæ nihil horum servatur. Admonentur quidem absentes Cardinales, sed non expectantur, neque ulla recipiuntur absentium vota.

IV. Tribus modis ad electionem procedi potest. Primò per inspirationem, quâ eligentes derepentè quasi divinâ quadam motione in aliquem consentiunt. Secundò per scrutinium, eo quo paulò antè dictum est modo. Tertiò per compromissum, quo nimirum eligendi potestas in unum vel plures communi omnium consensu confertur, d. cap. *Quia propter*. Olim quidem forma scrutinii hæc erat, ut tres assumerentur de toto Collegio fide digni, qui singulorum vota recipiebant, & in scripturam redacta mox universo Capitulo referebant, ex Lateranensis Concilii Constitutione d. cap. *Quia propter*. Verumtamen exactius providens secreto & libertati electionum Concilium Trident. sess. 25. cap. 6. de Regularib. abrogatâ & antiquatâ formâ illâ trium suffragia colligentium, statuit fieri deinceps electiones per vota secreta, ita ut nulla ratione cuiquam innotescant, alioqui nulla sit & invalida electio. Quod quidem jus in Gallia & ubique terrarum usu recipitur.

V. Postulatio est ejus qui non potest legitime in Prælatum eligi, facta à Capitulo petitiō. Hæc ergo gratiam ac dispensationem Superioris implo- rat, cum tamen electio Juri innitatur. Itaque is qui ob aliquem defectum eligi canonicè non possit, ut est illegitimè natus, aut bigamus, postulari tamen potest. Sic decernitur c. *Cum in cunctis*, de election. non posse in Episcopum eligi eum qui sit minor annis triginta, sed eundem posse à Papa postulari. Idemque de illegitimè nato decernit dictum caput *Cum in cunctis*, §. 1. Præterea Episcopus non potest per electionem in alium transferri Episcopatum, cap. *Inter corporalia*, de translat. Episc. sed potest rite à Summo Pontifice postulari.

* VI. Jam quaeritur intra quod tempus electio peragenda sit? Respon- deo, in Ecclesiis Cathedralibus, vel Regularibus peragenda esse intra trimestre, nisi Electores justo fuerint impedimento detenti, cap. *Ne pro defunctis*, de elect. Debet postmodum Electores electio suam electionem noti- ficare intra semestre, cap. *De multa*, de præb. & cap. *Nulla*, de concess. præb. ad consentiendum, vel dissentiendum electioni de se factæ. Ipsi autem electo indulgetur mensis computandus à die notificatæ electionis, cap. *Quam sit*, de elect. in 6. Ubi verò Religiosus fuerit electus, tum vel ipse, vel Electores debent, cum primum poterunt, Superioris assensum vel confir- mationem postulare. Gloss. ibid. Sed si intra trimestre non fuerit petita Superioris confirmatio, tum demùm electio, & quæ inde sequuta sunt, irrita, & inania erunt. Hæc omnia sancivit Generale Concilium Lugdu- nense II. sub Gregorio Papa X.]

VII. Electus

VII. Electus in Episcopum, aut à Rege nominatus, non potest spiritualia administrare antequam fuerit à suprema Sede confirmatus, cap. *Nosti*, 9. cap. *Qualiter*, 17. de elect. At vero postquam fuerit à Papa institutus & confirmatus, quamvis nondum consecratus, potest ea quæ sunt Jurisdictionis quidem, sed non ea quæ sunt Ordinis Episcopalis exequi. Potest igitur in sua diœcesi corrigere, excommunicare, suspendere, interdicere, pro tribunali externo judicare, visitare, jurisdictionem delegare, non solum in externo seu contentioso foro, sed etiam in interno, quod est Pœnitentiæ sacramentalis : sed per se nequit illam exercere, nisi ipse sit Presbyter. Potest etiam Beneficia conferre, imò etiam Indulgentiam Episcopalem concedere, juxta Abbatem in cap. *Suffraganeis*, de elect. Sed non potest ea quæ sunt Ordinis Episcopalis exercere, ut Sacrum christina conficere, Ordinum aut Confirmationis Sacramenta conferre, Virgines benedicere, Altaria vel Ecclesias consecrare. Hæc enim requirunt Ordinis Episcopalis potestatem, quâ ille caret, cap. *Transmissam*, 15. de election.

VIII. Episcopi consecratio à tribus Episcopis facienda est, can. Apost. 1. & Nicæni Concilii can. 4. & can. fin. dist. 66. ubi Anacletus Papa exemplum adducit Jacobi Apostoli fratris Domini, quem ait Jerosolymæ Ordinatum Episcopum à tribus Apostolis, Petro, Joanne, & Jacobo Minore. Neque obstat quod Apostolatus, quem solus Christus contulerat, esset Episcopatus annexus : optimè namque respondet ibi Glossa, quod non propriè fuit Jacobus ordinatus, seu consecratus ab illis tribus, sed solum eidem Ecclesiæ deputatus ob commissam ipsi Judæorum conversionem & salutem. Qua tamen in re visum est Apostolis formam Episcopalis ordinationis deinceps in universa Ecclesia servandam proponere. Hæc magis placet responsio Glossæ, quàm quæ ex Cardinali Joanne de Turrecremata desumpta refertur, & approbatur à Cardinali Bellarmino lib. 1. de Summo Pontifice, cap. 23. scilicet Petrum à solo Christo Ordinem Episcopalem suscepisse, reliquos vero Apostolos non immediatè à Christo, sed per ministerium Petri. Hæc enim novitas frustra & contra veterum Ecclesiæ Patrum mentem asseritur : & Paulus Galat. 1. profitetur apertè se Apostolum esse, non ab hominibus, neque per hominem, sed per Jesum Christum.

IX. Circa Unctionem in Episcopi Consecratione adhibendam, legendum caput unicum de Sacra Unctione, in quo tractatur pariter de Unctione minorum Sacerdotum, atque Regum, & cæterorum fidelium in Baptismo, & de mysteriis in Sacra Unctione comprehensis.

X. Ex præscripto canonis *Quoniam*, dist. 75. & canonis 1. dist. 100. & Concilii Trident. sess. 23. cap. 2. Episcopi electi, etiamsi Cardinales sint, si Consecrationem suam distulerint ultra tres menses postquam à Summo Pontifice confirmati fuerunt, tenentur perceptos fructus restituere : sed

sed si post alterum trimestre consecrari adhuc neglexerint, privati existunt ipso jure suis Ecclesiis.

XI. Existimant plerique Theologi, non imprimi in Episcopali Ordinatione distinctum à Sacerdotio characterem, sed solum advenire aliquam characteris Sacerdotalis extensionem. Ex adverso Canonistæ communiter ad can. *Cleros*, dist. 21. & ad can. *Perlellis*, dist. 25. asscverant novum Episcopis adjungi characterem. Et hos sequimur unà cum Bellarmino lib. 1. de Sacris Ordin. cap. 5. ubi luculenter probat Episcopatum esse unum, non specie, sed genere Sacramentum cum Sacerdotio. Ordinum enim distinctio sumitur ex eorundem ad Sacram Eucharistiam habitudine. Et quia summa circa Eucharistiam potestas in consecratione versatur, idè primus Ordo est Sacerdotium, nec alius isto superior aut major est Ordo. Quia tamen hanc summam potestatem diversimodè participant Episcopi, & inferiores Sacerdotes, binæ hinc surgunt Sacerdotum species. Inferiores enim Presbyteri dependent ab Episcopis in susceptione & usu istius potestatis, utpote ab illis consecrati, & à quibus quoad talis potestatis exercitium suspendi, interdici, aut solvi possunt. Itaque Episcopatus ex duobus coalescit distinctis Ordinationibus, unà quidem cum cæteris Sacerdotibus communi, alterà solis propriâ Episcopis, atque adèd specie à priori distinctâ. Quo fit ut character Episcopalis non sit una simplex qualitas, sed quoddam ex duplici characterè compositum. Et proinde duo etiam exiguntur specie distincta Sacramenta ad unum constituendum Episcopum sub eodem Ordinis genere. Ordo verò respectu inferiorum, de quibus inter se differentibus prædicatur *in quid*, rationem habet generis, non supremi, sed subalterni, prout subalternatur Sacramento, quod est aliud genus.

XII. Quæritur quisnam ex duobus his characteribus sit major ac dignior? Respondendum, Sacerdotium præcisè sumptum esse majus & dignius, quia major & divinius potestas est conficere & sacrificare Christi corpus. Si tamen Episcopatum conjunctim & non divisim à Sacerdotio spectemus, sine dubio Episcopatus major est extensive, quia ad plura extenditur quàm simplex Presbyteratus, quanvis seorsum & præcisè nihil contineat quod tanti Sacrificii dignitati par esse possit.

XIII. Quod attinet ad Metropolitanos, hi non solum cæteris Episcopis antestant ac præminent, sed etiam jurisdictione pollent in Suffraganeos, tum in appellationum causis, tum in jure diocæses ipsorum visitandi, tum in jure citandi eos ad Synodos Provinciales, quarum convocandarum potestatem habent. Possunt insuper in tota Provincia uti Pallio, & facere coram se Crucem elevatam gestari intra Suffraganeorum diocæses, Clement. *Archiepiscopo*, de privileg. & cap. 1. de authorit. & usu Pallii.

XIV. Verumtamen jus illud antiquissimum universam visitandi Provinciam valdè nunc imminutum videmus, nec est illius usus citra graves causas

causas ratò evenientes. In primis Concilium VIII. Oecumenicum editionis Anastasii Romanæ Ecclesiæ Bibliothecarii, qui eidem interfuit, can. 19. adimit Metropolitanis jus visitandi suffraganeas diœceses: sed ille Canon minimè receptus est in Ecclesiis Occidentis. Enimverò Archiepiscopus Ravennæ visitabat Bononiensem diœcesim tunc temporis suffraganeam, sed posteriùs erectam in Metropolim, ut constat ex cap. *Sopite*, de censib. Idem jus Metropolitano Provinciam totam visitandi altruit Innocentius IV. in cap. 1. de censib. & ante hunc Innocentius III. in epist. 85. Regesti 15. Idemque caput *Cum ex officii*, de præscription. Abbatem Sancti Maglorii condemnat ad solutionem jurium procurationis erga Senonensem Archiepiscopum, visitantem Abbatiam illam diœcesis Parisiensis, quæ erat Senonensis Metropolis suffraganea: nostris verò diebus ex concessione Urbani VIII. facta est Metropolis. Quia tamen singulis Episcopis onus incumbit propriam diœcesim invisendi, & quia ex diversis visitationibus diversorum Prælatorum circa easdem Ecclesias, & ex diversis aut oppositis circa rem eandem Decretis facillè nasci possunt dissensiones, & nimis impensarum ac procurationum oneribus Ecclesiæ prægravari, his providens Tridentinum Concilium sanxit sess. 24. cap. 3. ne Archiepiscopi suorum suffraganeorum Ecclesias visitent, nisi ex causis in Provinciali Synodo approbatis.

XV. Quoad verò jus Provinciales Synodos indicendi, olim quidem illas convocare tenebantur Metropolitæ bis singulis annis, ut liquet ex Apostolorum canone 37. & Nicæni Concilii canone 5. & Chalcedonenfis can. 14. & ex Sardicensibus Decretis, aliisque veteribus Synodis. Cùm verò multis seculis istud Officium ex Prælatorum incuria fuisset intermissum, edixit tandem Concilium Tridentinum, ut singulis trienniis per Provincias ad Synodum Episcopi convenirent, sess. 24. cap. 2. Hoc idem provideretur in Galliæ Regno per Henrici III. Edictum anni 1580. art. 1. & Comitiorum Blesensium art. 10. & 24. Nihil utique sanctius ac verius isto Constantiensis Concilii oraculo sess. 39. *Frequens Conciliorum celebratio agri Domini cultura precipua est, quæ vepres, tribulos & spinas heresum, & errorum, & schismatum exstirpat, excessus corrigit, deformata reformat, & vineam Domini ad frugem uberrima fertilitatis adducit: illorum verò neglectus præmissa disseminat atque fovet.*

XVI. Archiepiscoporum quoque privilegium in Pallii usu versatur. Extraordinario aliquando privilegio & speciali favore quibusdam suffraganeis Episcopis Pallium à Papa concessum legimus; sic enim Siagrio Augustodunensi Episcopo Pallium transfinit Sanctus Gregorius Papa lib. 7. epist. 3. & 112. Episcopo etiam Quinqueecclesiensi ob singularia virtutum merita concessum fuisse ab Episcopo Romano Pallii usum, testatur caput penult. de præsumpt. Quia tamen privilegia ejusmodi gradus dignitatum confundunt, & æmulationes pariunt, ordinemque ac disciplinam Ecclesiæ

D

labe

labefactant, à talibus gratificationibus omninò cessatum videmus à pluribus sæculis. Archiepiscopis autem non satis est fuisse consecratis, sed Pallio quoque ipsis à Romana Sede transmissio opus est, quia nec nomen, nec auctoritatem habent, nec eis licet Pontificalia exercere, antequam præstito Sedi Apostolicæ juramento fidei & obedientiæ, Pallium ab eadem obtinuerint, cap. *Nisi specialis*, de author. & usu Pall. & cap. *Bone memoria* 2. in fine, de postul. Prælat. Ex quia viduatæ Ecclesiis periculum imminet ex dilatione, cautum est ut intra tertium à die consecrationis suæ mensem Pallium petant Metropolitanæ, ipsa verò consecratio non differatur ultra tres à provisione, seu confirmatione electionis de se factæ menses, can. *Quoniam*, dist. 100. Pallium deferre non licet eis nisi in Missarum solenniis, can. *Quoniam*, can. *Contra morem*, §. *Illud*, dist. 100. Nec verò in omnibus Missis, sed tantum solennium festivitatum, cap. *Ad honorem*, & cap. *Cum sis*, & cap. fin. de author. & usu Pall. Nec tantum in diocesi sua Metropolitana, sed etiam intra quancunque subjectæ sibi provinciæ Ecclesiæ, cap. *Ex tuarum*, & cap. *Cum sis*, cod. tit. Solisque Papa potest semper & ubique Pallium gerere, quoniam assumptus est in plenitudinem universalis supra omnes Ecclesias potestatis, d. cap. *Ad honorem*. Lateranense Concilium generale sub Innocentio III. concessit quatuor Patriarchis, Constantinopolitano, Alexandrino, Antiocheno, & Jerosolymitano, ut postquam ipsi Pallium à Romano Pontifice acceperint, liceat eis deinceps Pallia suis suffraganeis largiri: at his quatuor exceptis, soli Romano Papæ Pallii dandi jus est, cap. *Antiqua*, de privileg. Denique Archiepiscopus alteri Archiepiscopo Pallium suum commodare non potest, neque quiscquam uti Pallio sui prædecessoris: Pallium enim personæ cohæret, cumque illa debet sepeliri, cap. *Ad hoc*, de author. & usu Pallii.

XVII. Quod attinet ad jus præferendi vexillum sanctæ Crucis, Concilium Viennense hoc privilegium Archiepiscoporum sic exponit: *Archiepiscopo per quavis loca exempta sua Provincia facienti transitum, aut ad eam forsitan declinanti, ut Crucem ante se liberè portari faciat, benedicat populo, Divina Officia privarim vel publicè ibidem audiat, & ea etiam in Pontificationibus celebret, & faciat in sua præsentia sine Pontificalibus celebrari, quovis privilegio contrario non obstante, sacro approbante Concilio, præsentis Constitutionis serie duximus concedendum.* Habetur in Clementina fin. de privileg. Hujusce privilegii Archiepiscopalis, faciendi Crucem erectam ante se deferri extra propriæ diocesis fines, meminit Alexander Papa III. cap. 1. ut lite pendente nihil innovetur: & Innocentius III. cap. *Antiqua*, de privileg. statuit, ut quatuor Orientis Patriarchæ possint hoc privilegio Crucis ante se deferendæ uti, non modò quâcunque eorum Patriarchæ distendantur, sed etiam ubique, solâ exceptâ Urbe Romanâ, & ubicunque Summus Pontifex præsens exierit, aut ejus Legatus utens insignibus Apostolica dignitatis. Si igitur id Patriarchis indulgetur in locis in quibus nihil potestatis aut juris-


ditionis.

ditionis habent, gravior urget ratio in Metropolitâ intra fines Provin-
ciæ, in qua judiciariâ potestate pollent in appellationum causis, aliisque
fruiuntur prerogativis. Atque ita judicatum vidimus in favorem D. Ludo-
vici Bretelli Aquilexensis Archiepiscopi, contra suffraganeum Aptensem
Episcopum.



CAPUT VIII.

De officio & potestate Episcoporum, & eorum jure dispensandi circa vota.

I.  UÆDAM de Episcoporum potestate accumulatur in cap.
Congruente, de offic. jud. ordinari, & in cap. *Accedentibus*, de
excess. Prælat. Istud in primis tenendum, aliam esse jurisdi-
ctionem contentiosam, quæ nimirum exigit processum judi-
ciarium & forensem strepitum: aliam autem voluntariam, quæ non exer-
cetur pro tribunali, neque cum ullo juridico seu contentioso processu.
Porro non valet Episcopus extra territorium seu fines Diocesis suæ con-
tentiosam exercere jurisdictionem, nec in suos quidem subditos, can.
Episcopum, 9. quæst. 2. At verò potest voluntaria jurisdictione uti extra
Diocesim, modò illam exerceat erga subditas sibi res aut personas, non
solum per gratiarum concessionem, verùm etiam per sententias pœnales:
potest enim in externo ipso foro extra suum territorium edicere, expedire
citationem, modò trahat partes ad suum territorium, causas delegare,
conferre Beneficia, absolvere à Censuris, dispensare: Geminianus in cap.
fin. de election. in 6. Zerola prax. Episc. 1. p. verb. *Jurisdictio*. Et multò
fortiori ratione potest subditos suos in alieno territorio à peccatis & cen-
suris in Pœnitentiæ Sacramento absolvere.

II. Episcopus privatim potest in alieno territorio uni ac alteri sibi
subdito conferre Tonsuram, sed non aliquem Ordinem, ut post Albericum
docet Rebuffus tract. de nominationibus, quæst. 14. num. 49.

III. Similiter Episcopus, quin etiam ipsius quoque Vicarius Generalis
potest extra diocesis fines existens conferre subjecta sibi Beneficia: Gloss.
& DD. in cap. *Novis*, de offic. Legar. de Selva de benef. 3. part. quæst. 40.
& 63. Rebutius d. tractat. de nominat. quæst. 14. num. 49.

IV. Contentiosam verò jurisdictionem non potest Ordinarius exercere
in alieno territorio, nisi quando impeditur illam exercere in proprio; quo
casu poterit jus dicere in alieno territorio convicino, petiti prius tamen

venia ab Episcopo loci, quanvis non obtenta: Clement. 1. de foro compet. Quæ venia non est necessariò petenda circa exercendos actus jurisdictionis voluntariæ in aliena diocesi.

V. Episcopus loci in quo admissum est crimen, potest ibidem alienum Clericum illius criminis reum judicare, cap. *Postulasti*, de foro compet. conformiter ad ipsum Jus Civile, leg. *Delegatorum*, §. *Interdicere*, D. de interdictis & relegat. Similiter Episcopus, in cujus Diocesi situs est fundus, aut Ecclesia litigiosa, est competens Judex litis motæ inter partes alienæ Diocesis, cap. *Sanè si Episcopi*, de foro compet.

VI. Omnia possunt in suis Diocesium Episcopi, quæ neque divino juri opponuntur, neque Papa sibi reservavit: Panormitanus in cap. *Quibusdam*, de pœnis, Joan. Andr. in cap. *Licet Canon*, de election. in 6. in vers. *Carere*: & colligitur ex cap. *Nuper*, de sent. excom. ubi dicitur: *Quia tamen conditor Canonis ejus absolutionem specialiter non retinuit sibi, eo ipso videtur concessisse aliis facultatem relaxandi.*

VII. Episcopalis tum officii, tum potestatis pars præcipua in visitatione Diocesis posita est, ad explorandos & reparandos occurrentes in rebus & in personis defectus, ad continendos in Officio Clericos, ad extirpanda scandala, atque ad ordinanda quæcunque ad Ecclesiæ cultum & Fidelium ædificationem pertinent. Hæc verò constituit Carolus IX. in Comitibus Aurelianensibus, cap. 11. *Omnes* (inquit) *Canonici & Capitula Ecclesiarum, siue Cathedralium, siue Collegiarum, indifferenter subiecta erunt Episcopo Diocesi, adeò ut nullius privilegii prætextu possint se eximere visitationi, aut correctioni, ac pœnis criminum ab Episcopo infligendis.* Id confirmatur Decreto Tridentinæ Synodi sess. 6. cap. 4. de reform. *Capitula* (inquit) *Cathedralium & aliarum Ecclesiarum, illarumque persone, nullis exemptionibus, consuetudinibus, sententiis, juramentis, concordiis, qua tantum suos obligent auctores, non etiam successores, tueri se possint, quinominus à suis Episcopis, & aliis majoribus Prælati, per seipsos solos, vel illis quibus sibi videtur adjunctis, & juxta canonicas sanctiones toties quoties opus fuerit, visitari, corrigi & emendari etiam auctoritate Apostolica possint & valeant.* Sacris Canonibus Episcopi astringuntur ad visitandam quotannis, si providè fieri possit, universam diocesim; aut si majoris sit amplitudinis, singulis saltem bienniis. Et si nequeat Episcopus hoc totum per se exequi, tenebitur saltem hoc officium idoneis & probatissimis Clericis committere. Can. *Decernimus*, can. *Episcopum*, can. *Placuit*, 10. quæst. 1. & Concil. Trident. sess. 24. cap. 3. de reform. His conformatur Blesensium Comitiorum articulus 2. Quid verò possit, vel non possit Episcopus in Visitatione circa exemptorum Ecclesias, exponemus infrà cap. 11. hujusce libri.

VIII. Beneficiorum collatio ita Episcoporum propria est, ut nec ad eam jus habeat Vicarius Generalis sine speciali ab Episcopo commissione, cap. *fin.* de offic. Vicar. in 6. Nemini verò potest ulla Præbenda seu Benefi-

cium

cium conferri nondum Clerico, cap. 2. de institut. Sicut nec stipendium, nec militares Praefecturas illis attribui Leges permittunt, qui militiæ non sunt ascripti, l. *Fortissimi*, Cod. de erogat. milit. annon. lib. 12.

I X. Sine proprii Episcopi Dimissoriis nemo potest Ecclesiasticis Ordinibus, imò neque Tonsurâ Clericali initiari, secundum vulgatissimos Canones. Quisquis verò à Papa Privilegium obtinuit recipiendi Ordines à quocunque Episcopo, hic non est ordinandus, nisi loco Dimissoria- rum Literarum producat proprii Episcopi Literas de vita & moribus testimoniales.

X. Synodum Diœcesanam quotannis convocare, Episcoporum potestatis simul & officii est, ex præscripto Concilii Tarraconensis can. 8. & Tridentini sess. 24. cap. 2. de reform. In hujusmodi autem Synodis possunt Episcopi ex justa & urgente causa Missarum celebrandarum onera, etiam ex defunctorum fundatione constituta, moderari & reducere. Quemadmodum possunt pariter Regularium Ordinum Generales in suis Capitulis generalibus Missas, quibus eorum Monasteria fundationis lege altiticta sunt, ex rationabili causa reducere permittu Concilii Tridentini sess. 25. cap. 4. Verùm edidit Sacra Congregatio posterius Decretum anni 1625. ab Urbano VIII. confirmatum, prohibens Episcopis & Ordinum Generalibus reductiones Missarum.

XI. Item dispensandi jus & potestas spectat ad Episcopos circa quascunque censuras & irregularitates ex occulto delicto provenientes, solis exceptis illis, quæ ex homicidio voluntario procedunt, aut ex delictis ad forum contentiosum deductis. De hac potestate fusiùs disseremus infra, ubi materiam Irregularitatum ex professo tractabimus.

XII. Possunt pariter Episcopi circa Matrimoniorum impedimenta non dirimentia dispensare, excepto simpliciter Religionis aut perpetuæ Castitatis voto. Ita Sanctus Antoninus, Paludanus, Navarra, alique communiter. Quin etiam potest quandoque Episcopus relaxare aliqua dirimentia impedimenta, cum his tamen restrictionibus & moderamine: Primum, ut valeat ista dispensatio circa solum interius seu conscientiae forum. Secundò, ut bonâ fide & ex ignorantia impedimenti contractum fuerit Matrimonium. Tertiò, ut impedimentum sit occultum, nuptiæ verò palam contractæ. Quartò, ut Papa sive Legatus adiri non possit ob conjugum paupertatem, rusticitatem, aut infirmitatem; aut etiam quia absque evidenti mortalis peccati periculo differri vel expectari nequeat Romanæ Sedis dispensatio. Ita Sanchez, Azorius, Coninch, Bonacina, alique communiter Summistæ. Potest quoque Episcopus hanc aliis potestatem delegare, ex eorundem Authorum mente.

XIII. Dispensandi insuper in votis potestatem habent Episcopi, sive omninò ea relaxando, sive in alia quædam bona opera commutando, etiam vota ipsa, vel iuramenta promissoria, dummodo iusta causa sublit,

D 3 solis

solis exceptis solennibus, sive in Sacra Ordinatione, sive in Regulari Professione emissis, & quinque simplicibus votis, scilicet continentiae perpetuae, professionis religiosae promissae, & trium peregrinationum, Jerusalemitanæ, Romanæ ad limina Apostolorum Petri & Pauli, & Compostellanæ ad Sanctum Jacobum, quæ sibi Papa reservat.

XIV. Imò etiam hoc receptum est & in consensu apud Doctores, ut quando castitatis votum non est absolutum, sed ad aliquam circumstantiam restrictum, possit in eo quoque ex rationabili & iusta causa Episcopus dispensare, ut si votum sit ad tempus, & non perpetuum, aut si non sit præcipuè intentum, sed in alia re præcipuè intenta inclusum, cuiusmodi est si quis vovit Sacrum Ordinem suscipere, cui utrique annectitur perpetuæ continentiae votum; si quis promittit non inire Matrimonium, quo voto castitas omnimoda non continetur, potest in his per Episcopum dispensari. Is quoque qui vovit arctiorem ingredi, verbi causa, Cartesianorum Religionem, potest ab Episcopo dispensari ad mitiorem Religionem, cum in eo subsistat adhuc ad Religionem obligatio, nec versetur illa Episcopalis dispensatio nisi circa unam aliquam Religionis circumstantiam. Hoc docent Sylvester verb. *Votum* 4. num. 3. §. *Sextum*, Sanchez in Opere Morali, lib. 4. cap. 40. num. 74. Lessius lib. 2. de iustit. cap. 40. dub. 18. quest. 8. Azorius 1. part. lib. 11. cap. 18. quest. 8. Bonacina in 2. Decalogi præcept. disput. 4. quest. 2. punct. 7. §. 4. num. 21. & Navarra cap. 12. num. 76. Præterea quisquis sub aliqua conditione voto se astrinxit in materia Papali dispensationi reservata, potest Episcopi dispensatione relaxari, modo nondum sit impleta conditio: ut si filius aut filia perpetuam voverit continentiam, si pater ex bello vel captivitate redeat incolumis: aut si quis voverit Jerusalemam proficisci, si rem amissam recuperaverit. Ratioque Summistarum communis est, quia absoluta, & directe concepta vota esse convenit, ut Papæ reservata censeantur; & quia ita necesse esse compertum est ob gravia animarum pericula, quibus se quamplurimos implicare videmus ex nimia facilitate & præcipiti fervore se votis astringendi. At verò si voti conditio jam sit adimpleta, non alia superest liberationis via præter recursum ad Papam in aliquo ex quinque præfatis votis. Insuper si votum circa reservatam materiam non sit principale, sed accessorium, consentiunt unanimes Doctores subesse quoque dispensationi Episcopali: ut si quis voverit nunquam alea ludere sub pena & obligatione ingrediendi Religionem; ibi enim non erit ei necessarius ad Papam recursus, poteritque per Episcopum relaxari à Religionis ingressu, & ab illo nexu non ludendi alea, qui voto productus fuit, tamen si alia obligatione adhuc subsistente ei foret alea prohibita: potest enim ex duobus vinculis unum solvi, altero remanente, adeò ut sequens transgressio non producat duplex, sed unum dumtaxat peccatum. Illa quoque valde notabilis est decisio S. Antonini p. 3. tit. 11. cap. 2. §. 9. his ipsius verbis:

Hoc

Hoc autem videtur, quod si quis in laxiori voverat arctiorem Religionem, quod Episcopus possit dispensare; quia non est votum perpetua continentia, nec votum Religionis simpliciter, cum jam sit obligatus ad utrumque, sed solum est subregatio voti: unde videtur, quod Episcopus possit dispensare. Et similiter in voto simplici arctioris Religionis liceret in laxiorem transire (scilicet per Episcopi dispensationem) non autem liceret in seculo remanere. Hæc Sanctus Antoninus Episcopus simul & Regularis.

XV. Item potest Episcopus dispensare ubi dubitatur utrum votum reservationis Papalis fuerit obligatorium, ut si res in ambiguo sit, utrum sufficiens intervenierit deliberatio circa votum quod quis se emisisse certus est. In dubiis quippe benigniori parti favendum: & ipsa quæ Summo Pontifici reservantur vota, debent esse indubitata. Sanè si quis dubitaret an votum emisisset, non opus haberet ulla dispensatione. In his enim dubiis quæ respiciunt substantiam voti, & non circumstantiam, ut est, an sufficiens deliberatio extiterit, seu an votum ipsum quoad substantiam emissum fuerit, non adimitur, sed servatur incolumis pristina libertas. In præfatis omnes ferè Doctores conveniunt, agnoscentes quantum expediat animarum salutem easdem laqueis extricare, quibus se facile & plerumque ipso diabolo sub specie boni sollicitante implicat, eaque occasione superadditis reservationum difficultatibus novis se contraventionum sacrilegarum laqueis involvunt, à quibus ex fragilitate humana vix possunt expediri.

XVI. Notandum porro est, si quando dispensaverit Episcopus circa votum Pontifici Summo reservatum, non quidem ob conditiones voti non absoluti, aut indirectè concepti, aut conditionati, aut ambigui, aliisve similibus circumstantiis affecti (quibus casibus absoluta, & perpetua validitatis indulgetur ab Episcopis dispensatio) sed tantum in aliis casibus ob solam rationem gravis & imminentis periculi offensæ Dei, aut scandali quod sequuturum timetur ex dispensationis Papalis dilatione; hoc solo casu notandum est dispensationem, quam interea indulget Episcopus, non perimere, sed solum suspendere voti obligationem. Idcirco ille qui absolutum perpetuum castitatis votum transgressus fuit, dum se matrimonio alligavit, poterit subinde ab Episcopo dispensari circa debitum conjugale: sed tamen soluto per conjugis mortem matrimonio, tenebitur pristino voto, quando Papa cum illo non dispensaverit.

XVII. Queritur, an possit Episcopus dispensare super voto in alicujus Tertii gratiam emissio, ut si quis voverit elemosynam dare tali pauperi, vel Ecclesiæ, vel piæ domui? Distingui à Doctoribus solet inter votum acceptatum, & non acceptatum. Si acceptatum sit, non licebit dispensare hac ratione, quia Tertius aliquis privaretur jure suo quod habet in re per acceptationem ac legitimam stipulationem; sic enim ei fieret injuria. Sed si promissio illa votiva non fuit acceptata, sive ab eo cuius interest,

terest, sive ab alia persona ejus vice ac nomine, tunc si rationabilis causa interveniat, poterit peti, & concedi ab Episcopo dispensatio.

XVIII. Ulterius quæritur, an si ejusmodi votum in alterius gratiam emissum Confessarius exceperit, censetur acceptasse nomine personæ vel loci per votum designati? Probabilis est ista Bonacinae responsio, censeri Confessarium acceptasse nomine Dei, cujus in confessionibus vicem gerit; non autem privato nomine loci vel personæ, quibus præcisè consuleret ac providere non astringitur ex suo officio; ac proinde illius acceptatio non parit novum jus in favorem Tertii. Bonacina tom. 2. disput. 4. quæst. 2. punct. 7. §. 4. num. 25.

XIX. Præterea quæritur, an requiratur dispensatio, ut quis solvatur voto quod se dubitat emisisse? Respondendum non requiri, quia nulla subest obligatio. In dubiis enim juxta regulam Juris, melior est conditio possidentis: & nemo in re dubia privandus est sibi connaturali & ingenua libertate, etiamsi (ut Lessius docet lib. 2. de justitia, cap. 40. dub. 17. num. 113.) tale sit dubium, ut quanvis homo probabiliter opinetur non extare talem obligationis causam, magis tamen inclinetur ad opinandum extare causam obligationis; quia ad tollendam libertatem nulla sufficit probabilitas, sed requiritur absoluta certitudo.

XX. In summa, competit solis Ecclesiæ Prælati jurisdictionem externi fori habentibus, illa sive relaxandi, sive commutandi voti potestas. Et cum sit ista dispensatio actus jurisdictionis, competit Episcopis statim atque confirmari à Sede Apostolica fuerint, quanvis necdum fuerint ordinati, quemadmodum & reliquæ jurisdictionum species; solaque potestas Ordinis prærequirit consecrationem. Quin etiam jurisdictionis potestatem potest confirmatus, & nondum ordinatus Episcopus aliis delegare, ut sæpenumero fieri videmus.

XXI. Differt autem à dispensatione irritatio votorum: & hæc aliis competit personis quàm Episcopis. Primò enim potest regularis Superior suorum Religiosorum vota quævis irritare, excepto voto æstioris Religionis subeundæ. Et disertè dicit S. Thomas 2. 2. quæst. 88. art. 8. ad 3. nullum Religiosi votum esse firmum, nisi de consensu sui Superioris. Vota quoque impuberum possunt à patre vel tutore fieri irrita, ut colligunt Doctores ex can. *Mulier*, 31. quæst. 2. & ex cap. 1. de Regular. in 6. Puberum tamen vota ut in irritum revocentur, etiam ab ipsorum patre, necesse est, ut ordini familiæ, vel patriæ potestati obstant, ut sunt jejuniorum, aut peregrinationum, aut similia vota. Conjuges etiam possunt alter alterius vota irrita facere, quæ juri alterius incommodant, aut statui vel administrationi familiæ; quanvis plus juris marito in uxoris vota tribuere videatur S. Thomas loco cit. dum ait, nullum uxoris votum esse firmum, nisi sit de consensu viri. Et fundari videtur jus illud majus in eo, quod juxta Apostolum Ephes. 5. vir caput est mulieris, & non mulier viri. Ve-


rumtamen

runamen non omnis subiectio secum infert illimitatam omnia vota invalida faciendi potestatem. Si verò opponas Numerorum caput 30. quo patri & marito tribuitur potestas quæcumque vota filiarum & uxoris irrita per suam contradictionem faciendi: Responsio in promptu est, legem illam esse ceremonialem, & ad solam pertinere Synagogam. Et verò compertum est, non competere patri adeò illimitatam in Ecclesia Christi potestatem circa vota filiarum, qualis illo capite sancitur. Stet igitur eadem in perimendis filiorum & conjugum votis posita superius limitatio, nimirum si ordinem familiarum, aut patriarum, vel tutoriarum, vel conjugalis juris, aut potestatis perturbent. Ad postremum Abbatissarum possunt quidem Monialium suorum vota in irritum adducere, si quomodocunque regimini monastico, aut communi familiarum ordini, aut Monialis valetudini, aut debite sibi subiectioni officiant: sed non possunt dispensatione relaxare, quia iurisdictione carent.



C A P U T IX.

Prosequutio potestatis Episcoporum.

I.  OTEST Episcopus familiarem suum, quanvis non subditum, si secum triennio commoratus fuerit, ordinare, dummodò statim Beneficium illi conferat. Concilium Trident. sess. 23. cap. 9. de reform. * Nisi sic ordinatus patrimonium sufficiens habeat; tunc enim cessante ratione legis, cessat illa Episcopi obligatio.]

II. Potest præterea diebus Dominicis, aut festis per annum minores suis subditis, aut habentibus dimissorias, Ordines conferre, necnon Tonsuram uni, vel duobus extra tempora juniorum, can. *De eo autem*, de tempor. ordinat. Quinimodò primam Tonsuram initiare potest quocumque anni die illum qui mox suscepturus est Ecclesiasticum Beneficium, ut docent Ostiensis, Grassius, Bonacina, aliique asserentes id passim esse consuetudine indubitata receptum.

III. Episcopus concedere potest unius anni Indulgentiam in die Dedicationis Ecclesiarum. At in anniversario Dedicationis, & aliis quibuscumque occasionibus potest Indulgentiam concedere dierum quadraginta, can. *Cum ex eo*, de poenit. & remiss. ex Concilio Lateranensi generali sub Innocentio III. Exinde constat, Indulgentiarum concessionem non esse actum ordinis, sed tantum iurisdictionis; eo quod potestas ordinis, cum immediate ab ipso Deo conferatur, non possit ab Ecclesia, vel à Pontifice

E limitari

limitari, atque ita Concilium non potuisset terminum Indulgentiis Episcopalibus præfigere. Exinde sequitur, posse Episcopum electum & confirmationem Indulgentias concedere, licet nondum sit consecratus; quia jam est assequutus potestatem jurisdictionis, sed nondum ordinis, ut docet S. Thomas in 4. dist. 20. quæst. 3. art. 3. Simili ratione Papa statim post sui canonicam electionem, quanvis nondum consecratus, immò necdum Episcopus, si ita contingeret eligi, potest Indulgentias per universum orbem concedere, ut ait Azorius p. 2. lib. 3. cap. 55.

IV. Potestatem habet Episcopus jura pecuniaria Canonibus Sacris constituta à subditis sibi Ecclesiis exigendi, exceptis Monasteriis, quæ non habent Parochiales Ecclesias, secus verò si habent, ut sequenti capite videbimus. Hæc jura sic referuntur in cap. *Conquerente*, de offic. jud. ordin. *Episcopus in Ecclesiis sua diocesis habet jus Synodi, & synodatici, seu cathedralici nomine duos solidos: quartam decimarum, & mortuorum: visitationem quoque annuam, & moderatum charitatis auxilium, juxta Lateranense Concilium.* Hoc autem Lateranense decretum habetur in cap. *Cum Apostolum*, de censib. Huc spectant etiam Bracarensis Concilii secundi canon 2. & Toletani septimi canon 4. & Cabilonensis secundi sub Carolo Magno canon 17. De cathedralici jure, seu de Episcoporum portione canonica; de quarta etiam decimarum, & de charitativo subsidio fusiùs tractant Azorius p. 2. lib. 9. cap. 12. & 14. & Barbosa de officio & potestate Episc. p. 3. alleg. 86. & 87.

V. Communi & ordinario Episcoporum juri superadditus est titulus Legatorum Apostolicorum, non tam ad extendendam eorum potestatem, quam ad intendendam seu roborandam; pleraque enim jure ordinario poterant, quibus superadditus est titulus Apostolicæ delegationis; qui titulus non officit eorum juri ordinario, sed operatur ut faciliùs, & cum debita veneratione illis obtemperetur; præsertim ex eorum parte qui prætenderent ipsorum ordinariam potestatem minuere, aut in controversiam revocare, aut ab ea se subtrahere. Unde istud quoque accuratè observandum est, quod licet à judicis delegati sententia vel processu appelletur, non ad Metropolitam, sed ad Papam delegantem, ejusve Legatum, cap. *Super questionum*, §. *Porro*, de offic. jud. deleg. & cap. *Si delegatus*, & cap. *Is cui*, & cap. *Si à delegato*, eod. tit. in 6. & secundum Jus quoque Civile l. 1. in princ. & l. 3. D. quis & à quo appell. Tamen quia ea quæ Episcopi faciunt quasi Legati Apostolici ex jure communi, quod eis attribuit hanc qualitatē & titulum, non verò ex speciali aliqua per Papam delegatione, id faciunt jure communi & ordinario; idè interjecta ab eis appellatio devolvitur non ad Papam immediate, sed ad Metropolitanum, ut docet Ostiensis in Summa, tit. de offic. Ordin. §. *Sunt autem quadam*. Ubi & hoc dicit, quod quando alicui committitur Episcopo id quod pertinebat ad ipsum jure ordinatio, id fit ut magis timeatur. Et Zerola his suffragatur

tur 2. part. Praxis Episcop. verb. *Visitario*: idque confirmat declaratione, quam refert, Sacre Congregationis, ut ab ejusmodi, quæ Episcopi ordinant ex jure communi, tanquam Apostolici Delegati, devolvatur appellatio ad Archiepiscopum.

VI. Hac ergo suppositâ protestatione, ne præjudicetur ordinariæ potestati, possunt Episcopi tanquam Sedis Apostolicæ Delegati ordinarii & perpetui prædicationem interdicere, etiam exemptis Clericis aut Regularibus errores prædicantibus, vel turbas, aut scandala in populo excitantibus, ut nec in suorum Monasteriorum Ecclesiis, nec alibi ulterius prædicent. Immo si hæreses prædicent, possunt contra eos Episcopi secundum severitatem Juris procedere. Concilium Trident. sess. 4. cap. 2. de reforma. & sess. 6. cap. 3. & sess. 14. cap. 4.

VII. Ubi Beneficia Curata olim, conversa fuerunt in Simplicia per assignationem novi & perpetui Vicarii, etiam à tempore immemorabili, si Vicario non suppetit congrua ad victum decentem portio, nec illa aliter suppleri commodè potest, Ordinarius poterit, cum præmiū per cessum, vel decessum, sive Rectoris ac Prioris, sive Vicarii, altera ex his duabus præbendis vacaverit, totum Beneficium ad Curam transferre animarum, & in antiquum statum restituere, suppressâ Vicaria. Concilium Trident. sess. 25. cap. 16.

VIII. Uniones perpetuæ ab annis quadraginta, etiam Apostolica auctoritate factæ, possunt ab Episcopis tanquam Apostolicæ Sedis Delegatis examinari, & quæ per subreptionem obtentæ fuerint, irritæ fieri ac declarari. Concil. Trident. sess. 7. cap. 6. & sess. 25. cap. 9. de reform.

IX. Insuper Episcopi ut Apostolicæ Sedis Delegati possunt, sine præjudicio obtinentium, facere uniones perpetuas quarumcunque Parochialium Ecclesiarum, & aliorum Beneficiorum, sive Curatorum, sive Simplicium cum Curatis Beneficiis, ob Ecclesiarum paupertatem, aliasve justas causas, licet dictæ Ecclesiæ vel Beneficia essent generaliter, aut specialiter reservata, cap. *Sicut unire*, de excess. Prælat. & Concil. Trident. sessione 21. cap. 5. Idem confirmant Gallicanæ Constitutiones Comitiorum Aurelianensium artic. 16. & Blesensium artic. 22. & Edictum Melodunense anni 1580. artic. 27. & Edictum Henrici IV. anni 1606. artic. 18. Justæ causæ in supradictis unionibus debent esse probatæ per juridicam inquisitionem, citatis & auditis partibus, aliisque quorum interest. Rebutus in praxi, 1. part. tractat. de unionib. benefic. num. 42. & 43. Præbendas unire possunt Episcopi in favorem Cathedralium Ecclesiarum, aut insignium Collegiarum, quarum redditus sustinendo decenti Canoniorum gradui, Divinisque Officiis & cultui minimè sufficiunt. Concil. Trident. sess. 24. cap. 13. & 15. dum tamen serventur illic expressæ conditiones. Id confirmatur Blesensium Comitiorum artic. 23. Patronorum tamen laicorum consensus requiritur circa unienda Beneficia nominationi eorum

subjecta, juxta d. Trident. sess. 24. cap. 15. & d. art. Blesensem 23. Quibus iisdem locis permittitur quoque Episcopo reducere Præbendas Ecclesiæ Cathedralis aut Collegiæ ad minorem numerum, ut hac reductione suppleatur modicitati ac insufficientiæ proventuum aut distributionum congruarum: dummodò facta reductione numerus Canonicorum superfit Divino Officio celebrando, atque illius Ecclesiæ dignitati sufficiens.

X. Jus habent Episcopi ut Sedis Apostolicæ Delegati, in omnibus Baptifimalibus & Parochialibus Ecclesiis, ubi unus Rector sufficere nequit Sacramentis ministrandis & Divinis Officiis, Rectores cogendi, aliove ad quos pertinet, ut tot adjungant Clericos ministros aut Sacerdotes, quot sufficienti his obeundis. Ubi verò parochiani propter nimiam distantiam citra gravia incommoda ad Ecclesiam accedere non possunt, Parochias novas, etiam Rectoribus invititis, erigere possunt Episcopi, novisque Clericis congruam assignare portionem ex fructibus ad matricem Ecclesiam pertinentibus. Possunt insuper (si necesse sit) populum compellere ad sufficienter subministrandum unde Clerici vitam sustentent. Concilium Trident. sess. 21. cap. 4. & in Decretalibus cap. *Ad audientiam*, & cap. fin. de Ecclesiæ edific. Sane ubi non subest rationabilis causa, Canonibus vetantur Beneficiorum divisiones, cap. *Majoribus*, cap. *Vacante*, & cap. *Cum causam*, de præbend.

XI. Pari potestate pollent Episcopi ut Apostolici Delegati, illiteratis & imperitis Ecclesiarum Rectoribus deputandi pro tempore Vicarios & Coadjutores, partemque fructuum eis assignandi, aliterve providendi ad sufficientem victum, remota omni appellatione vel exemptione. Concilium Trident. sess. 21. cap. 6. & sess. 25. cap. 14. & in Decreto can. *Quicumque*, 26. quæst. 5. & can. *Inventam*, 16. quæst. 7. & Clem. *Multorum*, de pœnis. Idque pro Galliæ Regno sancitur per Concordatum Bononiense approbatum in ultima Lateranensi Synodo.

XII. Episcopis ut Sedis Apostolicæ Delegatis, Beneficia simplicia transferre licitum est, etiamsi jurispatronatus existant, ex collapsis vetustate Ecclesiis, si ob earum inopiam nequeant instaurari (illis tamen quorum interest vocatis) in Matrices, aut in alias convicinas Ecclesias. Quin & ipsas Parochiales Ecclesias, si collapsæ nulla contributione, vel alia ratione instaurari possunt, ad Matrices, aut viciniores Ecclesias transferre possunt, erectâ in loco ubi collapsæ sunt, Capellâ vel Altari sub invocationibus iisdem. Concil. Trident. sess. 21. cap. 7.

XIII. Eò quoque extenditur potestas Episcopi tanquam Apostolici Delegati, ut certam fructuum portionem ex Beneficiis omnibus Cathedralis Ecclesiæ, vel Collegiæ deducere queat in quotidianas chori distributiones, ubi nullæ sunt, aut aded tennes, ut pariter cum Divino Officio negligantur. Concil. Trident. sess. 21. cap. 3. & sess. 22. cap. 3.

XIV. Hoc eodem Apostolici Delegati titulo potest quilibet Episcopus

cxv

exequutionem curare & jubere piarum omnium dispositionum, tam in ultimis voluntatibus, quàm inter vivos : & jus habet visitandi Hospitalia, Collegia, Confraternitates, & Scholas (non eas tamen quæ sub immediata Regum protectione sunt, nisi de eorum consensu ;) Montes quoque pietatis, piæque alia loca, quanvis horum cura ad laicos pertineret, aut exemptionis privilegio munita essent. Atque in istis omnibus possunt Episcopi ordinare, cognoscere, & exequi juxta Canonum præscripta, nihil obstante contraria Consuetudine, Statutis, & Privilegiis. Concilium Tridentinum sess. 22. cap. 8. & Clementina *Quia contingit*, de religiof. domib. His consonat Jus civile leg. 45. de Episcop. & Cleric. & Orphanotr. & Xenodoch. His suffragantur Franciæ Regum Edicta, quæ requisito inferiùs lib. 4. cap. 9. art. 7.


XV. Quod superiùs dixi de potestate Episcopali providendi Coadjutorem, cum assignatione portionis ad victum, ubi Rector Ecclesiæ per imperitiàm non potest munus officiumque suum obire, idem extendendum generaliter ad omnem, tam corporis, quàm animi defectum ac infirmitatem, ob quam Beneficiarius quivis, cui animarum cura incumbit, non potest suo munere defungi. Concilium Trident. sess. 21. cap. 6. & toto tit. de Cler. ægrot. vel debil. Etiam si contingeret talis Beneficii collationem ad Episcopum non nisi conjunctim cum Capitulo pertinere. Cujus ratio est, quia cum provisio Coadjutoris diminuat liberam præbendati administrationem, necnon fructuum antea illi debitorum perceptionem, necesse est ab eo solo ordinari diminutionem istam jurium, cui causæ cognitio & jurisdictio competit : at Capitulo non competit jurisdictio, vivente Episcopo.

XVI. Sanè nullatenus potest Episcopus Coadjutorem constituere cum spe aut jure futuræ successionis, sed solus Papa : quandoquidem jure communi damnantur pollicitationes & provisiones, quæ votum inducunt alienæ captandæ mortis, can. *Petisti*, 7. quæst. 1. & ex Concilio Lateranensi cap. *Nulla*, de concess. præbend. Hoc itaque reservatur Papæ, qui potest adversus jus commune dispensare. Quinimò in Regno Franciæ circa Prælaturas & Dignitates, quæ sunt Regiæ Nominationis, non providet Papa de Coadjutore cum certitudine futuræ successionis, nisi cum Regis assensu. Hac enim in re Summus Pontifex passionibus se astrinxit, quas violari Jus gentium non permittit.



CAPUT X.

De potestate Episcopi erga personas exemptas,
aut loca.

- I.  STA observanda distinctio est inter loca exempta, & loca nullius Diocesis: multò enim magis subtrahuntur Ordinariarum potestati nullius Diocesis loca, quàm exempta loca: & amborum discrimen in hoc versatur, quod exempta loca in Diocesi censentur; at loca nullius Diocesis, quantumvis reipsa intra limites Diocesis sita sint, Juris tamen existimatione censentur, prorsus à Diocesis finibus dissita & remota. Jus itaque dum meminit exemptarum Ecclesiarum, eas tamen perhibet sitas intra diocesim: sic enim dicit caput *Grave*, de offic. Ordinariarum. *In tua diocesi existentes*, loquendo de exemptis: & cap. *Cum Episcopus*, eod. tit. in 6. ait: *In qualibet parte sua Diocesis, dummodo in loco non exempto*. Hoc igitur tenendum est, constitui locum nullius Diocesis, non per simplicem exemptionem à jurisdictione Diocesani, sed etiam per divulsionem ac separationem territorii, quæ vulgari sermone dicitur *Démembrement*. Paulò post annum Christi quadringentesimum quinquagesimum, Concilium Arelatense tertium sub Ravennio Præsidente, subortum inter Theodorum Episcopum & Faustum Abbatem Lerinensem dissidium his conditionibus composuit: Ut Monachi Clerici à nullo nisi à Theodoro Episcopo, vel ejus successore, vel cui Theodorus vel ejus successor injunxerit, ordinentur: Ut chrisma non nisi ab eodem Episcopo speretur: Ut neophyti non nisi ab eodem confirmentur: Ut peregrini Clerici absque ipsius præcepto in communionem, vel ad ministerium non admittantur: Laici verò omnis multitudo Monasterii ad solam & liberam Abbatis proprii, quem sibi elegerit, dispositionem pertineat, Regulà, quæ à Fundatore ipsius Monasterii dudum constituta est, in omnibus custoditâ. Quod autem ad Abbatissam & Moniales attinet, Sanctus Gregorius Magnus intendens privilegium, ut ipse ait, indulgere Sanctimonialium Monasterio Massiliensi, quod dicit in honorem Sancti Cassiani consecratum, libro 6. epist. 12. ad Respectam Abbatissam, statuit ut statim post obitum Abbatissæ nova eligatur à Monialibus Abbatissâ, quæ mox, si Episcopus dignam judicet, ordinanda erit ab Episcopo: qui tamen jus non habebit disponendi de Monasterio, sed ipsa Abbatissâ. Neque habebit jus celebrandi solenniter Missam apud Moniales, nisi die Natalis vel Dedicationis Monasterii. Cæteris verò diebus Missarum officia per Presbyterum

Presbyterum, qui fuerit ab Episcopo deputatus, peragantur. Ipse verò Episcopus sollicitudinem geret circa vitam & mores, tum Abbatilæ, tum Monialium: earumque culpas pœnis canonicis coercet. Hactenus sanctiss. Papa. At verò cur non nisi semel in anno, die scilicet anniversario Dedicationis Monasterii, permitteretur Episcopo Missæ solennis apud Moniales celebratio, causa esse videtur, quia Monialium secessui, silentio & quieti plurimum incommodabat accessus ille, tum Clericorum solenni Missæ ministrantium, tum etiam famulorum, qui erant in Episcopi comitatu. Illis quippe temporibus Capellæ Monialium, in quibus ipsæ sacrum audiebant, erant intra Monasteriorum penetralia; nec ad Capellam erat aditus nisi Monastriis, & Sacerdoti cum Clerico subministrante, cæteris exclusis, ut constat ex Concilio Turonensi tertio, can. 29. & ex Cabilonensi secundo, can. 18. & ex Arelateni sexto, can. 7. & demùm ex Aquisgranensi sub regno Ludovici Pii, part. 2. can. 27.

II. Porro Ecclesiæ simpliciter exemptæ, vel Sæculares sunt, vel Regulares: si Sæculares sunt, potest illas Episcopus visitare tanquam Sedis Apostolicæ Delegatus, ex Concilio Trident. sess. 7. cap. 8. sive illis incumbat cura animarum, sive non, sess. 21. cap. 8. Sed si Ecclesiæ exemptæ sint Regulares, videndum est utrùm Curam habeant animarum, an non habeant: si Curam habent, subiiciuntur Ordinariorum visitationi, ut patet ex Trident. sess. 7. cap. 7. & 8. de reform.

III. Verumtamen si illæ Regulares simul & exemptæ Ecclesiæ, neque animarum Curam habentes, sub Commenda sint, potest Ordinarius illas visitare tanquam Sedis Apostolicæ Delegatus, ex Trident. sess. 21. cap. 8. eo solo casu, quo non vigeat in eis observantia Regularis, ut ibidem exprimitur. Ejusque ratio est, quia solus Episcopus potest eis circa observantiam Regulæ providere, ac bonos mores: quandoquidem Commendatarii Superiores neque resident, neque ulla pollent jurisdictione. Regulares autem Ecclesias exemptas, quibus annexa est animarum Cura, potest Episcopus visitare, quoad omnia & sola quæ animarum Curam & Sacramentorum administrationem concernunt, ex Trident. sess. 25. cap. 11. de Regul. *Subsint* (inquit) *immediatè, in iis quæ ad illam Curam & Sacramentorum administrationem pertinent, jurisdictioni, visitationi & correctioni Episcopi, in cujus Diœcesi sunt sitæ. Nec ibi aliqui etiam ad nutum amovibiles deputentur, nisi de ejusdem consensu, ac previo examine per eum aut ejus Vicarium faciendo.* His etiam conformatur Tridentina sessio 7. cap. 7.

IV. At verò si nullius Diœcesis Ecclesia sit, ea vel Regularis est, vel Sæcularis. Si sit Regularis, quanvis annexa sit ei animarum Cura, nullatenus eam potest Episcopus visitare: etenim dictum caput 11. sess. 25. de Regul. locum non habet nisi in locis simpliciter exemptis, ut ex ejus verbis liquet, *Episcopi in cujus Diœcesi sita sunt: & sacra Congregatio secus judicare solet de nullius Diœcesis Ecclesiis*, ut attestatur Prosper Fagnanus.

Fagnanus. Sed si Ecclesiæ nullius Diœcesis Sæculares sint, tunc dispiciendum an sint planè reipsa extra fines cujusvis Diœcesis, eoque casu Episcopus ille, cujus Cathedralis Ecclesiâ proximior est præfatæ Ecclesiæ, potest hanc visitare, non ut Ordinarius, sed ut Sedis Apostolicæ Legatus, ex Trident. sess. 24. cap. 9. At verò si nullius Diœcesis Ecclesiâ includatur intra limites alicujus Diœcesis, & sit Sæcularis, poterit eam Episcopus ille visitare, intra cujus Diœcesim sita est; solusque poterit ejus Ecclesiæ subditos ordinare, & Dimissorias ad Ordines literas eis concedere, juxta Trident. sess. 23. cap. 10. ut sæpius interpretata est Sacra Congregatio, eodem Fagnano teste.

V. Nullus itaque Episcopus potestatem habet Regulares nullius Diœcesis Ecclesias, quantumvis Curatas visitandi, ullamve in eas jurisdictionem exercendi. Constitutio autem Gregorii XV. Ecclesiarum exemptorum privilegia, eorumque limitationes aut abrogationes, neque loca, neque personas comprehendit nullius Diœcesis, ut Sacra declaravit Congregatio: quod idem dicendum de Bulla Clementis X. quæ incipit: *Supernâ magni Patrisfamilias prædicatione*. Cæterum Regulares locorum nullius Diœcesis agnoscere tenentur auctoritatem Episcopi, quoad Ordines suscipiendos: nec enim ad alium recurrere possunt Episcopum, sine ejus qui vicinior est venia, juxta Concilium Lateranense sub Leone X. & Tridentinum sess. 23. cap. 10. & Bullam Clementis VIII. anni 1596. apud Quarantam verb. *Ordo*. Enimverò Superiores Regulares locorum nullius Diœcesis subditis sibi Regularibus Dimissorias concedentes, tenentur ex sententia Sacræ Congregationis illas ad proximiorum Episcopum dirigere, aut ad eum intra cujus Diœcesis fines existunt. Hæc omnia tractat & docet Prosper Fagnanus Apostolicæ Curæ Referendarius in Commentariis ad cap. *Grave*, de offic. Ordinar. Ergo multò fortiori ratione Regulares non habentes privilegium istud nullius Diœcesis, non debent per remotum Episcopum ordinari, si non habent Dimissorias proprii Diœcesani Episcopi.

VI. Regulares exempti in spectantibus clausuram sibi subditarum Monialium subjiçuntur Episcoporum auctoritati, tam ex dispositione veteris Juris communis, cap. *Periculoso*, de statu Regul. in 6. quàm ex præscripto Concilii Tridentini sess. 25. de Regul. cap. 5. Quibus Bulla Gregorii XV. incipiens *Infernalis*, adjungit exemptos, tam sæculares quàm regulares, si deliquerint circa clausuram, aut circa personas intra septa degentes, vel circa bonorum Monasterii administrationem, ab Episcopo loci tanquam Apostolicæ Sedis Delegato puniri posse. Edictum etiam Caroli IX. Januarii mensis anni 1564. submittit Episcopis Monialium clausuram, ut ejus observationi provideant per censuras Ecclesiasticas, invocato, ubi opus erit, Brachii sæcularis auxilio, non obstante quacunque appellatione. Edicique ne ulla Monialis professâ egrediaturs Claustrum, néve

néve ulla persona externa ingrediatur Claustum, nisi de licentia & approbatione Episcopi.

VII. Istam Gregorii Bullam, quia multa edicit circa potestatem Ordinariorum erga Regulares, & ubique recepta fuit, summam exequar, quam refert integram Fagnanus in cap. *Cum capella*, num. 30. de privileg. Bulla *Inferutabili*, simulque Bulla *Superna*, confirmant ea quæ Concilium Tridentinum antea statuerat de subjectione Regularium, etiam exemptorum, respectu Ordinariorum, circa Parochiales Ecclesias & functiones, & circa Confessionum personarum secularium auditionem, etiam Sacerdotum: item circa Monasteriorum Monialium Regularibus exemptis subjectionem clausuram, circa prædicationem verbi Dei in ipsis etiam Regularium Ecclesiis, aliaque ejusmodi. Statuit ergo Gregorius XV. ut deinceps tam Regulares, quam Sæculares quomodolibet exempti, in omnibus prædictis jurisdictioni, vifitationi, permissioni, examini, correctioni Ordinariorum, tanquam Sedis Apostolicæ Delegatorum, subiciantur. Et siquando deliquerint circa personas intra septa Monasterii degentes, aut circa clausuram, aut circa Monialium ipsis exemptis subjectionem bonorum administrationem, possint à locorum Episcopis, quoties opus fuerit, puniri & corrigi. Et ut non possint deputari Monialium Confessores, sive Regulares, sive Sæculares, nisi postquam ab Episcopo idonei judicati & approbati fuerint. Item ut bonorum Monialium Exemptis subditarum rationes, ab eorum administratoribus & æconomis, sive Sæculares sint, sive Regulares, reddantur coram Episcopis, adjunctis, unaque assistentibus Superioribus Regularibus: & ut ad ista remediis Juris compelli possint Regulares. Utque si quum visum Episcopo fuerit, Regulares Superiores admoniti, ut prædictos Confessarios aut Administratores removeant, non paruerint, possit Episcopus illos removeere quoties expedire judicaverit. Item ut Episcopus unà cum Superioribus Regularibus possit Abbatissarum aut Superiorissarum eorundem Monasteriorum electionibus per se, aut per Commissarium à se deputatum interesse & præsidere. Atque ut Episcopus autoritatem habeat coercendi ac puniendi quoscunque Exemptos, sive Sæculares, sive Regulares, qui in alienis Ecclesiis absque ipsius Episcopi approbatione & licentia, aut in propriis suorum Ordinum Ecclesiis, non petita ipsius benedictione, aut ipso contradicente prædicare præsumperint, aded ut in casibus suprà expressis, adversus præfatas personas, Episcopis quoties opus erit, per censuras Ecclesiasticas, aliæve pœnas procedere liceat ut Sedis Apostolicæ Delegatis: nihil obstantibus Constitutionibus Apostolicis, aut Consuetudinibus contrariis, aut Privilegiis, &c.

VIII. Gregorii XV. successores Pontifices eadem iteratò sanxerunt. Atque huc pertinet Innocentii Papæ X. Breve Apostolicum, in causa Palafoxii Episcopi Angelopolitani, & Regularium Jesuitarum Provinciæ

F

Mexicanæ.

Mexicanæ. Innocentius Papa X. ad futuram rei memoriam. *Alias à nobis emanarunt literæ, &c. Nos totum negotium Congregationi Venerabilium Fratrum nostrorum S. R. E. Cardinalium examinandum commissimus, qui auditis, &c. responderunt prout sequitur. Sacra Congregatio à S. D. N. deputata super controversiis vententibus inter Episcopum Angelorum in Indiis Occidentalibus, & Religiosos Societatis JESU, sapius auditis procuratoribus Episcopi, necnon ipsius Societatis, censuit prædictos Religiosos nequaquam posse in civitate Angelopolitana Confessiones Secularium audire sine approbatione Episcopi Diocesani: nec verbum Dei prædicare in Ecclesiis sui Ordinis, non petita ipsius benedictione, nec in aliis Ecclesiis sine ejus licentia, nec in Ecclesiis etiam sui Ordinis, ipso contradicente: & contravenientes ab Episcopo tanquam Sedis Apostolica Delegato coerceri & puniri posse etiam censuris Ecclesiasticis, in vim Constitutionis sanctæ memoriæ Gregorii XV. quæ Incipit, Inscrutabili Dei providentiâ, &c. Proinde memoratis Religiosis, qui ejusmodi licentiam ac approbationem se obtinisse non docuerint, potuisse Episcopum seu Vicarium ejus generalem præcipere sub pœna excommunicationis lata sententiæ, ut à Confessionibus audiendis & prædicatione verbi Dei abstinere: nec eam ob causam licuisse dictis Religiosis quasi à manifestis injuriis & violentiis eligere Conseruatores, &c. Ad quæsum verò, utrum Regulares quicunque, etiam Societatis JESU, possint administrare Secularibus Sacramentum Pœnitentiæ absque licentia Episcopi Diocesani, etiam si ipsi Regulares in aliena Diœcesi approbati sint? Respondit Sacra Congregatio, Regulares etiam Societatis JESU in una Diœcesi ab Episcopo approbatos ad Confessiones Secularium audiendas, nequaquam posse in alia Diœcesi ejusmodi Confessiones audire sine approbatione Episcopi Diocesani. Istud deinde Sacræ Congregationis judicium Summus Pontifex confirmavit Apostolico Breui, apud Sanctam Mariam Majorem, sub Annulo Piscatoris, die 14. Maii, anno 1648. Pontificatus anno 4. Quod idem Breve suum idem Innocentius, ad compescendam subortam tergiversationem, confirmavit altero Breui, die 27. Maii, ann. 1653. Prætercà Innocentii prædecessor Urbanus VIII. ita decernit in suo Breui, die 30. Augusti 1629. Regulares à prædecessoribus Episcopis examinati & approbati ad Confessiones Secularium audiendas, à præsentè Episcopo successore pro majori conscientia sua quiete possunt iterum examinari, & si minus idonei reperti fuerint, reprobari, ad præscriptum Constitutionis sanctæ memoriæ Pii V. hac de re edita. Illa verò Pii V. constitutio anni 1571. mense Augusti, incipit Romani Pontificis, de qua vide infra cap. sequenti, num. 3.*

IX. Similiter Alexander Papa VII. aliud Breve direxit ad Episcopum Andegavensem, circa propositionem istam quorundam ejus Diœccesis Regularium: Regulares Ordinum Mendicantium semel approbati ab uno Episcopo ad Confessiones audiendas in sua Diœcesi, habentur pro approbatis in aliis Diœcesibus, nec nova Episcoporum indigent approbatione. Regulares habent potestatem absolvendi à peccatis Episcopo reservatis, etiam si

etiāmsi ab Episcopo ipso auctoritas illa ipsis indulta non fuerit. Hac examinata propositione Breve Apostolicum ita respondit: *Proposuit quoad primam partem est falsa, & saluti animarum pernicioſa. Quoad secundam partem est falsa, auctoritati Episcoporum & Sedi Apostolica injurioſa. Hanc qualificationem & declarationem à cunctis tenendam, sequendam, & in praxi observandam Sanctitas ſua declaravit, & mandavit ſub pœnis contra ſchismaſticos, temerarios, ſeditioſos, ac de hæreſi ſuſpectos impoſitis, contrariis quibuſcunque non obſtantiſus. Datum Roma apud Sanctam Mariam Majorem, ſub Annulo Piſcatoris, die 26. Februarii 1659. Pontificatus noſtri anno 4. Signatum F. Florentinus. Joān. Lupus Sanctæ Romanæ & Univerſalis Inquiſitionis Notarius. Loco ꝛ ſigilli.*

X. His tam perſpicuis & ſæpiùs iteratis Supremæ Sedis declarationibus nulla poteſt bona fides tergiverſari, ut mirum ſit fuiſſe illas diſſimulatas à Joān. Bapt. Goneto Ordinis Dominicanæ Theologo Gallicano, qui in Tractatu de Pœnitentia, diſp. 9. circa finem, facta ſolius Concilii mentione Tridentini, dicit probabilius eſſe, ad audiendas Secularium Confeſſiones non ſufficere Regularibus approbationem petitam ab Episcopo, & ab illo injuſtè negatam: ſed tamen oppoſitam ſententiam, minùs quidem probabilem, non carere probabilitate. Cæterùm cùm idem ipſe Clypei ſui Theologiæ tom. 3. diſſertatione de opinionum probabilitate, art. 2. §. 2. ex veriſſima Sancti Thomæ doctrina probet & aſſerat, non eſſe licitum ſequi minùs probabilem opinionem relicta probabiliore, intendit neceſſariò teneri Regularès hanc ſequi ſententiam, quam dicit probabiliorem. Oppoſita verò opinio, ut probamus, nulla omninò probabilitate fulcitur.

XI. His omnibus ſucceſſit Bulla Clementis X. anni 1670. ſic incipiens, *Supernâ magni Patrisfamilias præordinatione*, perſpicuè declarans & decernens, primò quoad verbi Dei prædicationem: *Regulares qui in Eccleſiis ſui Ordinis prædicare voluerint, teneri ab Episcopo Diœceſano benedictionem petere, prædicare tamen poſſe, quavis illam non obtinuerint. Quod ſi Episcopus benedictionem nedum non conceſſerit, ſed etiam contradiixerit, nec in prædictis quidem Eccleſiis licere Regularibus prædicare: eoſque contravenientes, ab illo tanquam Sedis Apoſtolice Delegato, cenſuris aliſque pœnis Eccleſiaſticis, in vim Conſtitutionis ſel. record. Gregorii XV. prædeceſſoris noſtri, incipientis Inſervabili Dei providentiâ, coerceri & puniri poſſe, &c.* Et poſtmodùm: *Ad hæc Religioſos ab Episcopo ad Confeſſiones Secularium in ſua diœceſi audiendas approbatos, non poſſe in alia diœceſi eas abſque Episcopi Diœceſani approbatione audire, quavis pœnientes ſubditi ſint ejus Episcopi, à quo illi Religioſi jam fuerant approbati. Et generaliter approbatos ab Episcopo ad perſonarum Secularium Confeſſiones audiendas, nequaquam cenſeri approbatos ad audiendas Confeſſiones Monialium ſibi ſubjeclarum, ſed egere quoad hoc ſpeciali Episcopi approbatione, &c.* Et paulò poſt: *Ceterùm in*

Monasteriis, ac etiam Collegiis, ubi juxta regularia instituta vivitur, posse tam Prælatos Regulares, quam Confessores Regularium eorundem Monasteriorum aut Collegiorum audire Confessiones Secularium illorum, qui inibi sunt vere de familia, & continui commensales, non autem illorum qui tantum ipsis deferunt. Et aliquantò potest: Et habentes facultatem absolvendi ab omnibus casibus Sedi Apostolica reservatis, non ideo à casibus Episcopo reservatis posse absolvere. Possent autem Regularem Confessorem in ea Diœcesi in qua est approbatus, confluentes ex alia diœcesi à peccatis in ipsa reservatis, non autem in illa ubi idem Confessor est approbatus, absolvere, nisi eosdem Pœnitentes novit in fraudem reservationis ad alienam diœcesim pro absolutione obtinenda migrasse, hac Constitutione decernimus ac declaramus. Hæc eadem Bulla expressè declarat quæcunque his contraria concessa ab Apostolica Sede privilegia, quæcunque illa sint, Regularibus cujuscunque sint Ordinis, Instituti, aut Societatis, etiam Jesu, revocari & extingui. Ista quæ ex ea Bulla hoc loco inferui, conformia sunt non modò aliis superius relatis Constitutionibus Pontificiis, sed etiam constanti hujusce Regni usui & praxi. Aliæ verò quædam sunt hujusce Bullæ partes, quæ potestatem Episcoporum coarctabant circa limitationes facultatum Confessionum audiendarum, aut verbum Dei prædicandi respectu Regularium, ita ut occurrentibus aliquando gravibus scandalis Episcopi succurrere non valerent, ob evocationes crebras ad supremam Sedem, qua occasione Episcopi inaniter fatigaretur, & offensiones Dei & fidelis Populi licentiosius prorogarentur: his ex causis visum est in Gallia istam Constitutionem, quæ quidem ibidem publicata non fuit, quoad illas saltem partes jura Episcoporum restringentes, non recipere. Qua de re Suprema Parisiensis Curia decretum edidit die Septembris 11. anno 1670. ad requisitionem Regii Procuratoris.

XII. Quum in Francia Ludovico XIII. regnante graves emerissent contentiones inter Episcopos & Regulares, tandem amicè compositz sunt Armandi Richei Cardinalis interventu, Parisiis die 19. Februarii, anno 1633. Omnes namque ferè Religiosorum Ordines per Gallias dispersi, interventu suorum Regularium præcipuorum Prælatorum, qui Parisiis convenerant, sequentem declarationem ediderunt & subscripserunt, quæ in publica Tabularia Gallicani Cleri redacta fuit. *Agnosimus & profiteamur, nos minime posse aut debere intra ullam Diœcesim verbum Dei prædicare sine Dominorum Ordinariorum licentia & approbatione, quos facimus posse nos examinare, & licentiam quam nobis concesserint, revocare quum ipsi visum fuerit. Profitemur etiam, nos nec posse, nec debere intra Diœceses audire Secularium Confessiones, citra eorundem approbationem, quam possunt ipsi revocare quum id expedire judicaverint, sive propter notoriam incapacitatem, sive ratione publici scandalii. Ipsi tamen supplicamus ut judicium suum suspendant, donec Superiores Regulares admonuerint de causis ob quas sit istiusmodi revocatio.*

catio facienda: ut post debitam inquisitionem ipsi Superiores Regulares provideant pro suo officio, sicut provisuros speramus: & si providere neglexerint, tum demum Domini Ordinarii pro sua auctoritate providebunt. Huic subscribere declarationi præcipui Superiores & Provinciales Societatis JESU, & Carmelitarum, tum Conventualium, tum Discalceatorum; Dominicanorum pariter, tum ex vico Jacobeo, tum ex suburbio Sancti Honorati; & Franciscanorum, tum Conventualium, tum Recollectorum; Fuliensium pariter, & Minimorum, & aliorum Ordinum; simulque Generalis Minister totius Ordinis Sanctæ Trinitatis Redemptionis Captivorum. Igitur quamlongissimè à vero aberrant illi Regulares, qui ut se subducant ab Ordinariorum auctoritate, negant receptum esse in hoc Regno Concilium Tridentinum, & Pontificum circa hanc rem Constitutiones: contrarium enim liquidò constat, tum ex communi usu, tum ex præcedenti Regularium Regni Declaratione. Præterea Bauni Religiosus Gallicanus Societatis JESU in sua illa Canonica Praxi, quam se ad consuetudines hujus Regni procudisse profiteatur, hæc eadem sigillatim astruit & docet. Hoc astruunt Curiarum Regni Senatusconsulta, ex quibus unum Parisiense paulò superius retuli. Præterea generale Concilium Viennense in Regno isto habitum, & constans majori ex parte Gallicanis Prælati & Regularibus, eadem sanxit quæ hic attingimus circa Regularium erga Episcopos in casibus præfatis subjectionem, præsertim circa Confessionum auditionem, & Divini verbi Prædicationem.

XIII. Potestatem habet Episcopus Regularibus exemptis, quemadmodum secularibus Sacerdotibus facultatem dare ad certum tempus limitatam audiendi Secularium Confessiones, quo finito non possint illas ulterius audire. Potestque idem ipsam facultatem à se indefinitè & sine temporis limitatione concessam, quum ei visa rationabilis causa fuerit, revocare: neque tenetur rationem reddere revocationis, quæ quandoque etiam prorsus siliari debet ad evitanda pertinacium contentionum aut aliorum graviorum peccatorum, quæ revocationi causam dederint, gravia scandala, & diffamationes. In causa Andegavensis Episcopi & Regularium tum Societatis JESU, tum aliorum Ordinum, quæ tandem Romæ judicio Alexandri Papæ VII. & Cardinalium dirempta est, examinata fuit ista Regularium prædictorum propositio: *Non possunt Episcopi limitare, seu restringere approbationes quas Regularibus concedunt ad Confessiones audiendas, neque ulla ex parte revocare.* Hanc propositionem idem Pontifex cum cætu Cardinalium, declarat 30. Januarii, anno 1659. *falsam, temerariam, scandalosam, & erroneam.* Et antea Urbanus VIII. Pontifex facultates audiendarum Confessionum restrictas ac limitatas posse Regularibus ab Ordinariis concedi, declaraverat suo Brevi, anno 1639. in causa moti litigii inter Cardinalem Sandovalen, & Regulares illius Diocesanos: & expressè statuerat, finito hujusmodi limitatæ concessionis tempore, non

F 3 possē

posse à Regularibus Confessiones Secularium audiri citra novam Ordinarii approbationem. Et paulò antè memoratum Concordatum Parisiense inter Episcopos & Regulares Regni, expressam continet Regularium declarationem, posse ab Episcopis revocari licentias audiendi Confessiones sibi Regularibus datas, quando ipsis Episcopis visum fuerit. Hoc idem declaraverat Nationalis Gallicani Cleri Conventus anno 1625. Sanctus insuper Carolus, Pontificum decus eximium, atque Ecclesiasticæ disciplinæ norma & columen, his verbis decernit in Mediolanensi sexta Synodo: *Episcopus amoveat Confessarios, etiam Regulares jam approbatos, quos pro sua timorata conscientia religione viderit non in eo munere ita sincere, integrèque, & cum edificatione se gerere.* Eandem Religiosis circa audiendas Confessiones potestatem concessam revocari posse ab eodem qui concesserat Ordinario, tradunt qui post Concilium Tridentinum scripsere, Miranda ex Ordine Sancti Francisci, Cardinalis de Lugo ex Societate Jesu; item Barbosa, Prosper Fagnanus, allegans etiam Sacræ Cardinalium Congregationis declarationem, his verbis: *Questio proponebatur, an Regulares approbati ab Ordinario ad audiendas Confessiones, previo examine, ad tempus, exacto tempore, tanquam semel approbati possint invito Ordinario deinde audire Confessiones? Congregatio censuit, non posse.* Ipseque de Lugo tract. de Sacramento Pœnitentiæ, disput. 21. sect. 3. §. 1. ait posse Episcopos justa de causa revocare facultates quas ipsimet concesserunt Regularibus circa Confessionum auditionem, & posse contingere ut revocare teneantur ad animarum eis incumbendum salutem: & his casibus præsumendum esse in favorem Episcopi, qui rationem facti sui Religioso reddere non tenetur, neque ejus Superiori. Et plerumque causæ sunt occultæ, quas propalare non expedit: & quanvis certæ sint apud Episcopum, non tamen juridicè probari possunt vel debent, non solum ob litigia, jurgia, & scandala quæ inde nasci possent, sed etiam quia pœnitentes, & qui à pœnitentibus audierunt diversi Confessores, in rebus occultissimis, & quæ plerumque sigillo Pœnitentiæ coarctantur, atque ipsis pœnitentibus damna, vel etiam infamiam inferre possent, non debent ista in apertiore notitiam proferri. Præterea facile hoc contingeret, ut Confessarius de sua in perpetuum approbatione securus negligat desinens debitis studiis incumbere, ut qui antè capax fuerat, deinde per neglectum & oblivionem fiat incapax. Hæ rationes majoris ponderis sunt, quàm ut dignè possint æstimari.

XIV. Denique Rex Christianissimus pro suo officio providendi Sacrum Ecclesiæ Constitutionum observationi, in suo sacratione Status Regni Consilio, die 4. Martii, anno 1669. statuit, ut Ordinarium mandata & concessionem limitatæ ac reservatæ Regularibus factæ, servantur secundum limitationes ab iisdem præfinitas: neque aiant Regulares in Ecclesiis etiam propriis concionari, aut Secularium Confessiones audire ultra terminos in Ordinarium concessionibus præfixos: posseque ab Ordinario solis præfixos

præfixos limites amoveri, & ab iisdem posse eosdem Regulares iterum examini subijci; quin etiam si visum eis fuerit, tempus jam concessum restringi, aut prorsus revocari, cujus rei rationem nemini reddere teneantur: item posse Regulares contumaces canonicis pœnis & censuris coerceri ab Ordinariis. In casibus autem simplicis per Regulares appellationis non licere eis ad aliud Tribunal provocare, præterquam ad Metropolitanum, conformiter ad Concordata Leonis Papæ X. cum Francorum Rege, aliasque Regni Leges. Et quoniam causa tunc vertebatur inter Episcopum Agennensem, & Regulares Societatis Jesu, & alios Mendicantes, his omnibus prohibet, quos jam antea censuris suis perculerat contumaces idem Episcopus, Sacramentum Pœnitentiæ, aut prædicandi munus in quibuscunque Regni diœcesibus exercere, nisi postquam à præfatis censuris fuerint per Agennensem Episcopum absoluti & relaxati, aut intermedia appellatione per Metropolitanum. Prohibet denique, quod ab iisdem Regularibus factitatum fuerat, ne deinceps per Syndicos aut Conservatores in similibus causis agere audeant: sed solum, ut eorum quilibet suo privato nomine, si quod jus habet, illud prosequatur. Edicit demum Regia ista Constitutio, ut in universis Regni diœcesibus præfata omnia promulgentur, & inviolabiliter servantur.

* XV. Post secundam istius Operis editionem aliæ similes causæ in regno isto Gallicano emerferunt. Biterrensis namque Episcopus pro jure suo aggressus est, dum ex officio suam lustrat diœcesim, visitare in oppido Giniaco ipsam Minoritarum Conventualium Ecclesiam & contiguum cœmeterium. Huic se tumultuosè opponunt Franciscani, commotæque plebe, vim adversus Episcopum commovere moliuntur. Eam ob causam Episcopus omnes concessas hîc Regularibus confessionum sæcularium personarum audiendarum, verbique Dei prædicandi facultates revocat. Illi nihilo secius pergunt in confessionibus audiendis, omnemque plebem adversus Antistitem concitant, qui ad istam coercendam proterviam monitiones edicit tum excommunicationis in rebelles, tum localis interdicti. Ab his Conventuales cum rebelli plebe appellationem, tanquam ab abusu, non ad Metropolitam, sed ad Senatum Tolosanum interjiciunt. Sed causa penitus discussa, prodiit tandem Senatusconsultum cuncta ab Episcopo gesta justificans, & appellantes gravi multæ pecuniariæ subijcit, gravioribusque interminationibus ad parendum Episcopo adigir.

XVI. Non absimilis haud multò post inter præpotentes alterius Ordinis Regulares, & Illustrissimum Stephanum Camusium Gratianopolis Episcopum, simulatas exorta est. Hic cum rescivisset de quodam ejusdem Ordinis, quod intra diœcesim inordinatè se gereret, prudenter apud Superiores, scilicet Præpositum Domus Regularis & Provincialem egit privatim, ut in alterius Diœcesis familiam hominem transferrent. At illi freti, ut putabant, potentium amicorum præfidiis, & aliunde malè in Episcopum affecti,


affecti, ejus monita & preces neglexerunt. Spe sua elusus Episcopus, Religiosum de quo agebatur, admonet à se revocari quascunque licentias ipsi concessas confessiones audiendi, Deique verbum prædicandi: eam ille prohibitionem nihil pensi habet, persistitque in utroque solito, quanvis verito sibi exercitio. Qua rebellione motus Prælatus, qui hæcenus privatis duntaxat monitionibus & prohibitionibus egerat, adigitur ad juridicas formas. Adhibito itaque Notario & testibus & scripto publico, suam tribus vicibus iterat prohibitionem, & censuras palam comminatur. Sed Regularis præfractè, tanquam ab abusu provocat ad Senatum. Commodum tamen acciderat, ut Antistitis causæ Regio diplomate ad Regii Consilii judicium fuissent dudum evocatz. Tres tamen admoniti Regulares consili se in sanctiore quoque Consistorio potentibus amicitiis fulciri, ad illud idem suam prosequuntur appellationem. Consultò autem Romanæ cognitionis judicium declinabant, sub quo se causâ casuros non ignorabant, idque ex Summorum Pontificum Constitutionibus, & Romæ judicii, in quibus sæpe succubuerant, augurabantur. Verumtamen Amplissimus Regii Consilii Ordo sapientiâ suâ indignum judicans, si aliqui Regulares, quorum præcipua laus in humilitatis professione, & erga venerandos Ecclesiæ Prælatos observantia consistere debet, adversus eximie pietatis Antistitem insolescere pergerent; & si dum iste sacro suo fungitur officio, rebellium subditorum aulicis artibus cum ignominia Domini *Jes u* succumbere cogeretur, adegit appellantes, ut ad pedes Episcopi provoluti veniam præteritæ rebellionis exposcerent, seque morem jussionibus illius gesturos pollicerentur: idque re ipsa præsentè scriba & testibus præstitere.

XVII. Neque verò Sacerdotibus etiam exemptis, aut Regularibus, quibus aliquando concessam confessiones audiendi, vel concionandi facultatem Ordinarius adimit, quidquam suppeditare præsidii potest Lugdunensis Concilii decretum sub Innocentio IV. Papa, vetans quibuscumque Judicibus Ecclesiasticis excommunicare, suspendere vel interdicare quemquam, nisi cum expressione ter iterata, atque per scripturam causæ propter quam indicitur censura: quod habetur decretum cap. 1. de sent. excom. in 6. Sed longè dispar est ratio in inflictione censuræ Ecclesiasticæ, atque in revocatione spontanei mandati, aut liberæ delegationis, vel cujuscumque demandatæ per Superiorem potestatis vel commissionis. Mandata enim, re adhuc integra, simplici revocatione notificata, certum est expirare, cap. *Mandatum*, de procurat. & cap. *Quavis*, cod. tit. in 6. & cap. *Ex parte*, il 3. de rescript. Idemque statuitur circa delegatam potestatem, cap. *Quavis*, de offic. jud. deleg. in 6.]



C A P U T XI.

*Prosequutio potestatis Ordinariorum erga
Exemptos Regulares.*

I.  NTEGRIS duodecim seculis Episcoporum erga Monachos potestas nullis ferè limitibus circumscripta permansit, ut compertum sit ex Dionysii Areopagitæ libro de Ecclesiastica Hierarchia, & insequentium ætatum monumentis, tum apud Concilia, tum apud Ecclesiasticos Scriptores. Occumenicum Chalcedonenſe Concilium canone quarto, quovis Monachos jubet Episcopis esse subditos & morigeros sub excommunicationis interminatione. Sanctissimos verd Abbas ac Monachorum pater & institutor Bernardus in epist. 42. hæc ita protestatur: *Certus sum ego Monachus & Monachorum qualiscunque Abbas, si mei quandoque Pontificis excutere à propriis cervicibus jugum tentavero, quod satana mox tyrannidi meipsum subijcio.* Hæc ille scribit ad Henricum Senonenſem Archiepiscopum, Aurelianenſe quoque Concilium I. anno quingentesimo undecimo, regnante Clodoveo I. celebratum, Abbates Monasteriorum jubet Episcoporum potestati, correctioni & mandatis esse subiectos & morigeros, can. 9.

II. Novissimis porrò seculis Clerus Regularis plerasque exemptiones à Summis Pontificibus impetraverunt, quas deinde alii Summi Pontifices, & quædam Concilia moderandas ob salubrius Ecclesiæ regimen, atque ex parte revocandas judicarunt. Bonifacius Papa VIII. in cap. *Super Cathedralam*, in Extrav. com. de sepulturis, Mendicantium Regularium exemptiones, quas prætendebant, certis limitibus coërcuit. Ejus successor ex Ordine Prædicatorum assumptus Benedictus XI. illos ipsos limites sustulit, cap. *Inter cunctas*, in Extrav. com. de privileg. Sed Benedicto qui successit Clemens V. in generali Concilio Viennensi abrogavit illam Benedicti Constitutionem, & Bonifacii dudum abolitam sanctionem restituit, cap. *Dudum*, in Clement. de sepulturis. Postremò generale Tridentinum Concilium sess. 23. cap. 15. de Reform. decernit, ut non obstantibus quibuscunque privilegiis & exemptionibus, nullus Regularis possit sæcularium etiam Sacerdotum Confessiones audire sine approbatione Ordinarii, qui possit illum, si velit, examinare. Et sess. 25. cap. 4. de Reform. statuit, ut nullus Regularis, etiam in Ecclesia sui Ordinis contradicente Episcopo prædicare præsumat. Tridentinæ quoque sessionis 6. caput 3. renovat Concilii generalis Lugdunensis sub Innocentio IV. De-

G cretum

cretum citatum in cap. *Volentes*, de privileg. in 6. quo Regulares ratione delictorum extra claustra committorū, jurisdictioni subjiuntur Ordinariū. Idemque Concilium circa Monialium clausuram, admiſſionem, & liberam profeſſionem, & extraordinarias Confeſſiones, & quorūcumque Regularium reclamaciones ob profeſſionis invaliditatem, & circa alia nonnulla Religioſos ſubmittit Ordinariū jurisdictioni, correptioni & poteſtati.

III. Poſtmodum Pius Papa V. ex Dominicanorum Ordine, anno 1571. menſe Auguſto, in ea Conſtitutione quæ incipit, *Romani Pontificis*, expreſſe decernit Religioſos Mendicantes ab Epifcopo ſemel approbatos non poſſe poſtmodum ab eodem examinari, ſed tamen poſſe à ſucceſſore examinari. Hujus meminit Ægidius Coninch de Sacramento Pœnitentiæ, diſp. 8. dub. 7. num. 57. & ſeqq. atque indidem duas inferit conſeſſiones. Primò, idem juris eſſe in diverſis Dioceſibus, ut ſcilicet Mendicans Regularis in una dioceſi approbatus, necelle habeat ad audiendas in alia dioceſi Confeſſiones, necnon ad prædicandum Dei verbum, alteram ſumere ſpecielem approbationem ab ejus loci Ordinario, qui poterit ipſum examinare. Secundò, poſſe per ſucceſſorem Epifcopi qui approbaverat, ab auditione Confeſſionem, aut à prædicatione excludi; quia fruſtrà jus haberet examinandi, ſi non poſſet prædeceſſoris ſui conſeſſionem revocare. Docet hoc idem ejuſdem cum Ægidio Coninch Societatis, Suarez de Pœnit. diſput. 28. ſect. 5. num. 11. & Layman de Sacramento Pœnit. cap. 5. num. 5. Hæc verò Societas recenſetur per Pontificum Decreta inter Mendicantes Ordines, & horum gaudet privilegiis. Cum autem iſta Pii V. Conſtitutio anni 1571. ſit poſterior illà quam idem Papa euderat anno 1567. in ampliſſimum favorem Mendicantium, & contrariam Tridentinis Decretis, derogat ſine dubio præcedenti Conſtitutioni, quemadmodum poſteriores leges prioribus, quibus opponuntur, derogare ſolent, eaſque antiquare. Sed quia pleraque adhuc ſupererant in priore Pii Bulla, quæ poſterior non abrogaverat, providit immediatus Pii ſucceſſor Gregorius XIII. totius illius prioris Bullæ abrogationi, & novam edidit Conſtitutionem anno 1573. quâ diſertis verbis primam Pii conſtitutionem prorsus obliterat, & teſtificatur Pium ipſum experienciâ incommodorum, quibus occaſionem prior illa ſua Bulla præbuerat edoctum, ſtatuiffe illam integrè abolere, cujus exequutionem voluntatis ſuperveniens ejus mors prævenit: ſed tamen in vita ſua ex parte abrogaviſſe, nimirum per illam poſtteriorem anni 1571. cujus paulò antè memini. Deinde Urbanus Papa VIII. Conſtitutione ſua 30. Auguſti, anno 1629. ſic ordinavit: *Regulares à Prædeceſſoribus Epifcopis examinati & approbati ad Confeſſiones Secularium audiendas, à præſente Epifcopo ſucceſſore, pro majori conſcientia ſua quiete poſſunt iterum examinari: & ſi minus idonei reperi ſuerint, reprobari, ad præſcriptum Conſtitutionis ſanctæ memoriæ Pii V. hæc de re edita.* Quia verò Regulares Societatis

ratis JESU, ob sibi concessa specialiter privilegia, quibus speciatim ac nominatim derogatum non fuerat, prætendebant se illis Pii & Urbani Decretis non comprehendi, sequuta est Innocentii X. Papæ Constitutio quæ incipit, *Cum sicut accepimus*, quæ sic decernit art. 9. *Regulares etiam Societatis JESU, in una Diœcesi ab Episcopo approbati ad Confessiones secularium audiendas, nequaquam possunt in alia Diœcesi hujusmodi Confessiones audire sine approbatione Episcopi Diœcesani.* Huc etiam spectant, & huc referto quæ superiori capite, num. 13. & 14. adduxi de Sanctione Innocentii X. in causa Angelopolitani Episcopi, & Regularium Societatis JESU : & de altera Sanctione Alexandri Papæ VII. in causa Episcopi Andegavensis, & Regularium prædictæ Societatis, aliorumque in Diœcesi Andegavensi commorantium. Et demùm de Concordato Lutetiæ Parisiorum inter Episcopos & Regulares Gallicanos celebrato, cui Patres Societatis JESU subscribere, Quinetiam antequam prodiiissent Constitutiones illæ celebres Gregorii XV. Urbani VIII. Innocentii X. Alexandri VII. & Clementis X. quæ omnem ambiguitatem excludant, docuerat Bonacina de Pœnit. Sacram. disp. 5. quæst. 7. punct. 4. §. 1. num. 16. posse ab Episcopo ex justa causa revocari simplicem & absolutam approbationem, quam Religioso indulsit ad audiendas Confessiones : ut enim sileam ex necessitate desumptas, & ex occasione abusuum & scandalorum supervenientium, nec antè prævisorum, urget illa communis regula ; Omnis res, per quas causas nascitur, per easdem dissolvitur : cap. 1. de regul. jur. ut eadem potestas quæ facultatem indulsit, possit eandem retractare. Idemque astruitur citato superiùs Concilii Mediolanensis Decreto, cui Sanctus Carolus præsidebat ; & allegatâ doctrinâ eruditissimi Cardinalis de Lugo, præfatæ Societatis Theologi consummatissimi.

IV. At verò non licere cujuscunque Ordinis Regularibus, quantumvis per Superiores proprios approbaris, verbum Dei prædicare, ne in propriis quidem Ecclesiis, inconsulto aut invito Episcopo seu Ordinario, non modò statutum fuit à Tridentinis Patribus sess. 5. cap. 2. & sess. 14. cap. 4. de reform. atque ab insequentibus Summis Pontificibus, verùm etiam hoc idem Francica Jura præscribunt, ut videre est in Edicto Melodunenfi anni 1579. art. 6. ubi hoc statuitur ; & præterea Regiis Magistratibus prohibetur ne committant vel introducant ullos in Ecclesias Concionatores, sed hoc totum relinquunt Episcoporum arbitrio, quibus solis eorumque Vicariis id sollicitudinis incumbit.

V. De casibus verò ab Episcopis reservatis, Gregorius XIII. in Bulla incipiente, *Cum à sacra*, quam refert Quaranta lib. 4. ejus meminit Graffius monachus Benedictinus, & alii plerique, declarat Regularem habentem privilegium à Papa absolvendi à quibuscunque casibus ipsi Papæ reservatis, non adipisci hoc ipso potestatem absolvendi à casibus, aut censuris per Ordinarios locorum reservatis : aded ut si Ordinarius reservaverit

G 2 casum

casum aliquem ex iis qui recensentur inter reservados à Papa, hoc ipso restringi facultatem à Papa concessam circa talem casum, ut necessarius sit recursus ad Ordinarium pro ista impetrendi absolutione, siue habeat ipse Ordinarius facultatem à Papa sibi concessam circa eum casum, siue non habeat: cum possit semper Episcopus suas reservationes, ut libuerit, tollere aut suspendere. Porro Grassii verba hæc ipsa sunt, Decis. Aur. p.1. lib.1. cap.13. de potestate Confessar. n.56. *Item queri potest utrum Religiosus, qui facultatem habet à Sede Apostolica absolvendi à quibuscumque casibus & censuris, si Episcopus alicujus civitatis particulari Constitutione reservaverit sibi unum vel plures casus Papales, imponitque censuram absolvendi, an poterit Religiosus prædictus ab illo vel illis casibus absolvere. Respondeo quod non, ut est declaratum per Gregorium XIII. quemadmodum refertur per Car. Neapolit. lib.4. incip. Cum à sacra.* Hactenus Grassius. Id verò ita rationi congruum visum est, ut ante istam Gregorii XIII. Declarationem hoc idem alluerit insignis ex Ordine Prædicatorum Theologus Dominicus Soto in 4. Sent. dist.18. quæst.4. art.3. §. *Quo ergo.* His successit Sacræ Congregationis Decretum Clementis Papæ VIII. approbatione munitum, quo statuitur neque Societatis JESU Religiosos, neque alios quoscumque Regulares, aut quomodolibet exemptos, etsi facultatem obtinuissent à quibuscumque casibus & censuris absolvendi, etiam Papæ reservatis, posse ullatenus hoc prætextu absolvere à reservatis per locorum Ordinarios. Illud refertur à Quaranta in Bullario, sub tit. *Casus reservati.* Sanè hoc Decretum se quodammodò restringit his verbis, *Per universam Italiam:* attamen non solum in suo robore perdurant præcedentes universaliter loquentes Constitutiones, sed etiam subsequentes, quæ hoc illimitatè ac generaliter decernunt. Decretum enim Pauli V. confirmans Sacræ Congregationis judicium, omnibus Regularibus, aliisque quantumlibet exemptis seu privilegiatis prohibet absolutionem impendere à casibus & censuris, quascunque locorum Ordinarii reservaverint, nisi ex ipsorum licentia. Cujus Decreti mentio est apud Filliucium Societatis JESU Scriptorem Tract. de Censuris in particulari, cap.10. circa finem. Qui ibidem disertè asseverat, virtute præfatorum Decretorum teneri indubitanter & astringi omnes Regulares, ac Exemptos. Successit deinde Bulla Gregorii XV. Papæ, deinde Breve Alexandri VII. in quo damnatur ista propositio: Regulares habent potestatem absolvendi à peccatis Episcopo reservatis, etiamsi ab Episcopo autoritas ipsa ipsis indulta non fuerit: & declaratur ista propositio *falsa, authoritati Episcoporum & Sedis Apostolicæ injuriæ.* Hoc Breve direxit Summus Pontifex ad Episcopum Anagavensem, die 26. Februarii 1659. Hæc eadem docuerat olim Grassius Episcopo reservatis Decis. Aurcarum p.1. lib.1. cap.13. num.6. quanvis major pars harum Pontificiarum Constitutionum nondum in lucem, dum ille scribebat, emanasset. His demum adjunge Bullam Clementis Papæ X. anni 1670. quæ

quæ incipit, *Supernâ magni Patrisfamilias*; & ita decernit: *Habentes facultatem absolvendi ab omnibus casibus Sedi Apostolicæ reservatis, non idèò à casibus Episcopo reservatis posse absolvere, hac constitutione discernimus ac declaramus.*

VI. In causa pariter Fidei Regulares quantumvis exempti subjiiciuntur Ordinariorum jurisdictioni, cap. *Ad abolendam*, de hæret. & Concilio Trident. sess. 5. cap. 2. §. *Si verò*. Præterea generaliter, quoties agitur contra Regularem causa criminalis, constituit Generale Lugdunense Concilium sub Innocentio IV. ut cognitio & judicium spectet ad Episcopum: & habetur in cap. *Solennes*, de privileg. in 6. his verbis: *Definimus quod quantumcunque Exempti gaudeant libertate, nihilominus tamen ratione delicti, vel contractus, vel rei de qua agitur contra ipsos, resili possunt coram locorum Ordinariis conveniri.* Hoc ipsum jus instauravit Concilium pariter Trident. sess. 7. cap. 14. de reform. Quinetiam ipso Francico jure hoc idem à Carolo IX. astruitur in Aurelianensibus Comitiis art. 11. in quo de appellationibus providetur in his causis: & declaratur pariter appellationes Regularium à sententia Episcopi in causa criminis, non suspendere sententiam, sed devolvere: *Omnes (inquit) Abbates & Abbatissæ, Priores & Priorissæ non evadentes Capita Ordinum, indifferenter subjeti erunt Archiepiscopo vel Episcopo diocæsano, nec poterunt ullis uti privilegiis ac exemptionibus circa visitationem aut punitionem criminum, non obstantibus quibuscumque appellationibus, aut oppositionibus, quarum nobis cognitionem reservamus.* Atque ita tales appellationes evocantur in hoc Regno ad privatum Regium Consilium, aliis exclusis Tribunalibus.

VII. Item quum Regularium exemptorum Prædicti suo circa subditorum correctionem officio defunt, si admoniti intra sex menses non correxerint, aut disciplinæ claustralis instauracioni non providerint, possunt Episcopi ut Sedis Apostolicæ Delegati, visitare, ordinare, & corrigere, perinde ac possent Regulares Prælati juxta Ordinis instituta, quibusvis exceptionibus & appellationibus remotis. Concilium Trident. sess. 21. cap. 8. Simile quid statuitur in cap. *Quanto*, de officio Judic. ordin. ut scilicet Ordinarius per se suppleat Abbatis negligentiam circa vagos & erroneos Monachos. Quod idem pariter in Gallia providetur memorato artic. 11. Aurelianensi.

VIII. Curatæ item Ecclesiæ Monasteriis & Religionibus adnexæ, visitationi, jurisdictioni, & authoritati subduntur Ordinariorum, toto tit. de Capel. monach. & cap. *Ex ore*, de privileg. & habent Ordinarii jurisdictionem supra Monachos seu Religiosos, qui eis deserviunt: adeò ut possint ab Ordinariis ex causa suspendi, interdici, excommunicari, ut statuit Innocentius IV. in Concilio generali Lugdunensi, cap. 1. §. *In eos*, de privileg. in 6. Eademque Jura confirmantur Concilii Trident. sess. 25. cap. 11. his verbis: *In Monasteriis, seu domibus Virorum ac Mulierum,*
G 3 quibus

quibus imminet cura animarum personarum secularium, præter eas quæ sunt de illorum Monasteriorum seu locorum familia, persona tam seculares, quàm regulares hujusmodi curam exercentes subsint immediatè in his quæ ad dictam curam & Sacramentorum administrationem pertinent, jurisdictioni, visitationi, & correctioni Episcopi in cujus Diocesi sunt sita. Nec ibi aliqui, etiam ad nutum amovibiles deputentur, nisi de ejus consensu, ac prævio examine per Episcopum aut ejus Vicarium faciendo. Hoc ipsum jus viget & observatur in Gallia, ut multis Senatusconsultis judicatum est, & nuper Suprema Curia Lutetiæ Parisiorum judicavit, anno 1668. pro Aquilextensi Episcopo adversus Sammaximitanos Regulares Ordinis Prædicatorum, circa visitationem, correctionem & ordinationem Ecclesiæ Parochialis Ordini Dominicanorum unitæ, & Regulares ejusdem Instituti, per quos illa solet administrari: atque ut Monasterium procuraciones visitationis exsolvat, & Parochus regularis Synodo annuæ intersit, ab Archiepiscopo in omnibus functionibus curialibus dependeat, & Cathedræ quadragesimali non alius provideatur, quàm quem Archiepiscopus, sive Secularem, sive Regularem elegerit. Quæ omnia Sacris Canonibus conformia sunt. Parochiales quippe Monachorum Capellæ debent à Parocho administrari, qui approbationem habeat ab Episcopo, ejusque authoritati & jurisdictioni subjiçatur, can. *Sanè*, 16. quæst. 2. & cap. 1. de Capellis Monach. & cap. *De Monachis*, de præbend. ubi & hoc statuitur, de Capellis illis Monachorum Parochialibus persolvenda esse jura Episcopalia. Quod idem habetur in cap. *Ex ore*, §. *In privilegio*, de privileg. In quo etiam d. cap. *Ex ore*, §. *Porro*, decernitur debere eum qui præest Capellæ Monachorum Parochiali, quanvis sit Regularis, aut etiam Abbas, ac teneri interesse Synodo Diocessanæ.

IX. Jus quoque visitandi Ecclesias quascunque quomodolibet exemptas non modò competit Episcopis, sed etiam ut singulis annis eas visitent, & opportunis remediis provideant earum reparationi, cultui, & ministerio, districtè eis præcipitur à Concilio Trident. sess. 7. cap. 8. appellationibus, privilegiis, inhibitionibus, & contrariæ consuetudinis, etiam immemoralis oppositionibus omnibus exclusis. Hoc idem repetitur sess. 24. cap. 9. de reform. & extenditur non modò ad quascunque exemptas Ecclesias, sed etiam ad eas, quæ nullius Diocesis ex privilegio dicuntur esse, si sint seculares. Immodò etiam si sint Regulares nullius Diocesis, simulque Parochiales, & Abbates aliive regulares Prælati circa illas Ecclesias negligenter se gerant, poterit non quidem Suffraganeus Episcopus, sed Metropolitanus visitare & providere, omni remota appellatione aut reclamatione, sess. 5. cap. 2. §. *Si quæ verò Parochiales*.

X. Si contingat Regularem exemptum in excommunicationem labi, sive à Jure prolatam, sive à Judice, eaque sit evidens, potest Episcopus illum hoc sine denunciare, ne proprii subditi communicent eidem. Clem. 1. §. 1. de privileg.

XI. Item

XI. Item circa Processiones ita edicit Concilium Trid. sess. 25. cap. 13. *Controversias omnes de precedentia, quæ sæpe cum scandalo oriuntur inter Ecclesiasticas personas, tam saculares quàm regulares, tam in solennibus Processionibus quàm in Exequiis, Episcopus annota omni appellatione, & non obstantibus quibuscunque componat. Exempti autem omnes, tam saculares, quàm regulares Clerici, quicunque etiam Monachi ad Processionem vocati accedere compellantur, iis tantum exceptis, qui in strictiori Claustro perpetuò vivunt.*

XII. Quod attinet ad Ecclesias quibus animarum cura incumbit, Ordini Militum sancti Joannis subditas, & quid in eis possint Episcopi, declarat Rescriptum Pii V. incipiens: *Exposcit. Decernimus, declaramus, & statuimus, omnes & singulos locorum Episcopos, & alios Superiores, tanquam Apostolica Sedis Delegatos, omnes & quascunque Parochiales Ecclesias, cateque Beneficia Ecclesiastica suarum civitatum & Diocesum, quibus imminet animarum cura, ad dictam Religionem, ejusque Milites, Capellanos, Ministros, Rectores, Vicarios quomodolibet pertinent, etiam quando in eis Episcopalem & temporalem jurisdictionem Religio & Milites predicti haberent, eorumque Ecclesias, Rectores, Vicarios, & Ministros quoscunque (in his tamen duntaxat quæ animarum curam, illiusque exercitium & Sacramentorum administrationem respiciunt) visitare, omnesque alius visitationem concernentes exercere posse ac debere: ac Rectores ac Ministros ceteros hujusmodi curam animarum exercentes, minus idoneos repositos, si quidem ad nutum amovibiles sint, statim anovere; sin verò Titulares sint, illico suspendere, ac Superiores regulares monere ut intra aliquem brevem terminum in locum amotorum subrogent alios idoneos, prius tamen pariter examinatos & approbatos per ipsos Episcopos, & alios Superiores. Titularibus verò suspensis deputent alios idoneos pariter examinatos, & approbatos, ut supra, in Coadjutores sive Vicarios, juxta Decretum Concilii Trident. sess. 22. cap. 6. Interea verò dum hac subrogatio seu deputatio fit, ipsi Episcopi & alii Superiores pro necessitate cura animarum provideant arbitrio suo. Quod si Superiores dictorum Rectorum & Ministrorum intra tempus præfixum non subrogaverint, aut deputaverint, ut supra, tunc dicto termino elapso ipsi Episcopi & alii Superiores, prævio examine alios, juxta predicti Concilii formam, idoneos repositos in locum amotorum subrogent: Titularibus verò suspensis Coadjutores deputent, juxta dictum cap. 6. sess. 22. qui tamen in dictis Parochialibus perinde inserviant, ac si subrogati ac deputati ab ipsis Superioribus Religionis & Militum predictorum fuissent. Volumus autem quod Episcopi & alii Superiores predicti visitationem hujusmodi, & alia predicta omnia solum tanquam Delegati Apostolica Sedis gratis & absque ulla dictæ Religionis Rectorum impensa & onere faciant, &c. Datum Roma, apud Sanctum Petrum, sub Annulo Piscatoris, die 22. Septembris 1571. Pontificatus nostri anno 6.*

XIII. Si lis adversus Regularem intenditur, & in figura judicii causa terminanda est, aut si alias extrà Regulam Regularis deliquit, Episcopus notationem

notionem suam interponere debet, juxta can. *De persona*, 21. quæst. 11. Ita Bengæus de divis. benef. §. 8. num. 11. Aufserius ad quæst. 408. Capellæ Tolosanæ, Renatus Chopinus lib. 1. de sacra Politia, cap. 4. num. 28. Papo collect. Placitorum tit. de jurisd. Eccles. art. 14. & tit. de jurisd. temporal. art. 36. Cujacius ad cap. 9. de vita & honest. Cler. Scriptores Gallicani omnes, ipsūque Aurelianense Caroli IX. Edictum art. 11. Hoc ipsū asserit Panormitanus in cap. *Cum contingat*, num. 24. de foro comper.

XIV. Nova ædificari Ecclesia non potest, sive per Sæculares, sive per Regulares in jussu Ordinarii, can. *Nemo Ecclesias* 9. de consecr. dist. 1. ne Capella quidem vel Oratorium, cap. *Authoritate*, de privileg. in 6. Eadem edicit Justinianus Authent. de Eccles. titulis, §. *Si quis autem*: præcipue verò de Monasteriorum constructione, Authent. de Monachis, §. 1. & Authent. Ut nullus fabricet Oratorii domos præter voluntatem Episcopi, §. 1. Quod idem olim statuerat Concilium œcumenicum Chalcedonenſe can. 4. & novissimè Tridentinum sess. 23. in fine.

XV. Regularis non potest solvi à sua religiosa professione, adversus quam reclamât titulo nullitatis, nisi allegatis coram Ordinario causis, & per ejus definitivam sententiam, ex Concilio Trident. sess. 25. cap. 29. de Regul. Hac de re copiosius agam sub titulo de Regularib. & Relig. profess.

XVI. Ordinariis etiam jus competit visitandi clausuras Monialium subditarum Exemptis, tam sæcularibus quàm Regularibus, & quæcunque ad eam pertinent, ordinandi & exequendi. Ita sauxit Jus ipsum commune cap. *Periculoso*, de stat. Regular. in 6. & Concilium Trident. sess. 25. cap. 5. de Regularib. His conformantur Leges Franciæ in Comitibus Aurelianensibus sub Carolo IX. artic. 11. ita decernente: *Omnes Abbates & Abbatissæ, Priores & Priorissæ non ex se habentes Capita Ordinum, indifferenter subiecti erunt Archiepiscopo vel Episcopo Diocesano, nec poterunt ullis privilegiis uti, seu exemptionibus circa visitationem aut punitionem criminum, nihil obstantibus quibuscunque oppositionibus vel appellationibus, quarum nobis cognitionem reservamus.* His successit Bulla Gregorii XV. incipiens *Inferutabili*, eadem decernens.

XVII. Prohibet insuper Concilium Trident. sess. 25. cap. 17. de Regular. admitti puellam, sive ad Religionis habitum, sive ad Religiosam Professionem, antequam per Monasterii Præfectam Episcopus aut ejus Vicarius admonitus voluntatem puellæ admittendæ exploraverit, sive per se, sive per deputatum à se. Si verò Præfecta hoc neglexerit, ab Officio quandiu Ordinario videbitur suspendetur. Hoc idem edixit in Francia Henricus III. in Blesensibus Comitibus, art. 28.

XVIII. Bassæus ex Ordine Capucinorum Belga ita scribit: *Certum est Regulares non posse uti in foro conscientia privilegii, quæ sunt expressè revocata per Concilium Tridentinum, & per Gregorium XIII. in Bulla quæ incipit:*

In

In tanta negotiorum mole. Hæc Bassæus verb. *Privilegium* 4. num. 8. Idemque in verb. *Privilegium* 1. num. 8. *Omnia* (inquit) *& singula privilegia, gratias & concessiones viva vocis oraculo factas quibuscumque Ordinibus, revocaverunt Gregorius XV. in Bulla, Romanus Pontifex in specula, die Julii 2. anno 1622. & Urbanus VIII. in Bulla, Alias felices, die 2. Decembris 1631. adeo ut Regularibus non liceat illis uti, nisi scripto firmata à Papa fuerint.* Ita Bassæus. Adjunge his Gregorii XV. celebrem Bullam, quæ incipit *Inscrutabili*, cujus tenorem, qui talis est ut sequitur, visum est huic loco intextere.

GREGORIUS EPISCOPUS, SERVUS SERVORUM DEI.

Ad perpetuam rei memoriam.

¶ Inscrutabili Dei providentiâ universalis Ecclesiæ regimini, meritis licet imparibus, præsidentes, pastoralis nostræ sollicitudinis partes esse dignoscimus, in eam curam præcipuè incumbere, ut à dignis, & probatis tantum Sacerdotibus sanctè administrentur Ecclesiastica Sacramenta, atque ut virginum Deo sacrarum Monasteria diligentissimè custodiantur, & viri assumantur idonei ad prædicationis officium salubriter exequendum.

§. 1. Sanè Tridentinæ Synodi decretis providè cautum est, nullum Presbyterum, etiam regularem, posse Confessiones secularium etiam Sacerdotum audire, nec ad id idoneum reputari, nisi aut parochiale Beneficium habeat, aut ab Episcopis per examen, si illis videbitur esse necessarium, aut aliàs idoneus judicetur, & approbationem, quæ gratis detur, obtineat.

Concil.
Trident.
sess. 23.
cap. 15.
de reform.

§. 2. Necnon ut in Monasteriis, seu domibus virorum, seu mulierum, quibus imminet animarum cura personarum secularium, præter eas, quæ sunt de illorum monasteriorum, seu locorum familia, personæ tam Regulares quàm seculares ejusmodi curam excentes, subsint immediate in iis, quæ ad dictam curam, & Sacramentorum administrationem pertinent, jurisdictioni, visitationi, & correctioni Episcopi, in cujus diocesi sunt sita. Itemque ut Episcopi universi sub obsecratione divini judicii, & interminatione maledictionis æternæ in omnibus Monasteriis sibi subjectis Ordinariâ, in aliis verò Sedis Apostolicæ autoritate clausuram Sanctimonialium, ubi violata fuerit, diligenter restitui, & ubi inviolata est, conservari maximè procurent; inobedientes, atque contradictores per censuras Ecclesiasticas, aliasque pœnas, quacumque appellatione postposita, compescentes.

Concil.
Trident.
sess. 25.
cap. 11.
de Regular.

§. 3. Atque ut Regulares in Ecclesiis suorum Ordinum prædicare volentes, se coram Episcopis præsentare, & ab eis benedictionem petere teneantur; in Ecclesiis verò, quæ suorum Ordinum non sunt, nullo modo prædicare possint sine Episcopi licentia; contradicente

Concil.
Trident.
sess. 25.
cap. 5. de Regular.

H

, autem

Concil.
Trident.
sess. 24.
cap. 4. de Reform.

„ autem Episcopo nullibi, etiam in suorum Ordinum Ecclesiis prædicare
 „ præsumant.

„ §. 4. Verùm quia experientiâ compertum est, Ecclesiastici regiminis
 „ rationes postulare, ut decretis ejusmodi aliquid adjungatur: maturâ deli-
 „ beratione nostra, & ex certa scientia, ac de Apostolicæ potestatis ple-
 „ nitudine, hac generali, ac perpetuâ valitura Constitutione decernimus,
 „ statuimus, & declaramus, ut deinceps tam Regulares, quàm Seculares,
 „ quomodolibet exempti, sive animarum curam personarum secularium
 „ Monasteriis, seu domibus regularibus, aut quibuscvis aliis Ecclesiis, vel
 „ beneficiis, sive regularibus, sive secularibus incumbentem exerceant;
 „ sive aliâs Ecclesiastica Sacramenta, aut unum ex illis ministrent, præviâ
 „ Episcopi licentiâ & approbatione; sive quoquo modo in dictæ curæ
 „ exercitio, aut in eorumdem Sacramentorum, vel alienjus ex illis admi-
 „ nistratione de facto, absque ulla auctoritate se ingerant, in his, quæ
 „ ejusmodi curam, seu administrationem concernunt, omnimodæ juris-
 „ dictioni, visitationi, & correctioni Diocessani Episcopi, tanquam Sedis
 „ Apostolicæ Delegati, plenè in omnibus subdiciantur. Ad hæc tam Re-
 „ gulares, quàm Seculares hujusmodi nullis privilegiis, aut exemptionibus
 „ tueri se possint quominus, si deliquerint circa personas intra septa de-
 „ gentes, aut circa clausuram, vel circa bonorum administrationem Mo-
 „ nasteriorum monialium, etiam Regularibus subiectarum, ab Episcopo
 „ loci similiter tanquam ad hoc Sedis Apostolicæ Delegato, quoties,
 „ & quando opus fuerit, puniri, & corrigi valeant.

„ §. 5. Confessores verò, sive seculares, sive regulares quomodocunque
 „ exempti, tam ordinarii, quàm extraordinarii, ad Confessiones monialium,
 „ etiam Regularibus subiectarum audiendas nullatenus deputari valeant,
 „ nisi prius ab Episcopo Diocessano idonei judicentur, & approbationem,
 „ quæ gratis concedatur, obtineant. Sed & administrantes bona ad eadem
 „ Monasteria Sanctimonialium, ut præfertur, etiam Regularibus subje-
 „ ctarum pertinentia, sive Regulares extiterint, sive seculares quomodo-
 „ libet exempti, Episcopo loci, adhibitis etiam Superioribus Regularibus,
 „ singulis annis rationes administrationis, gratis tamen exigendas, reddere
 „ teneantur, ad idque juris remediis cogi, & compelli queant. Liceatque
 „ Episcopo ex rationabili causa Superiores Regulares admonere, ut ejus-
 „ modi Confessores, atque Administratores amoveant: iisque Superio-
 „ ribus id facere detestantibus, aut negligentibus, habeat Episcopus fa-
 „ cultatem prædictos Confessores, & Administratores amovendi quoties,
 „ & quando opus esse judicaverit. Ac similiter possit Episcopus, unâ cum
 „ Superioribus Regularibus, quancunque Abbatissarum, Priorissarum,
 „ Præfectarum, vel Præpositarum eorumdem Monasteriorum, quocumque
 „ nomine appellentur, electionibus per se, vel per alium interesse, ac præ-
 „ sidere; absque ulla tamen ipsorum Monasteriorum impensa.

„ §. 6. Ac

§. 6. Ac demum habeat Episcopus, tanquam dictæ Sedis Delegatus, auctoritatem coercendi, ac puniendi quoscumque exemptos, tam Seculares, quam Regulares, qui in alienis Ecclesiis, aut quæ suorum Ordinum non sunt, absque Episcopi licentia, & in Ecclesiis suis, aut suorum Ordinum, non petita illius benedictione, aut ipso contradicente, prædicare præsumserint. Ita ut Episcopi in superscriptis casibus in prænominate personas in præmissis omnibus, & singulis, aut circa ea quoquo modo delinquentes, quoties, & quando opus fuerit, etiam extra visitationem, per censuras Ecclesiasticas, aliasque penas, uti ejusdem Sedis Delegati, procedere, omnemque jurisdictionem exercere libere, & licite valeant.

§. 7. Decernentes sic per quoscumque Judices quavis auctoritate fungentes, etiam Sacri Palatii Auditores, necnon Sanctæ Romanæ Ecclesiæ Cardinales, sublata eis, & eorum cuilibet quavis aliter judicandi & interpretandi facultate, & auctoritate, judicari, & definiri debere: Irritum quoque & inane, si secus super his à quoquam quavis auctoritate scienter, vel ignoranter contigerit attentari.

§. 8. Non obstantibus Constitutionibus, & Ordinationibus Apostolicis in favorem quarumcunque personarum, atque Ordinum, tam Mendicantium, quam non Mendicantium, Militarium, etiam Sancti Joannis Hierosolymitani, Congregationum, Societatum, ac cujusvis alterius Instituti, etiam necessariò, & in individuo exprimendi, Monasteriorum, Conventuum, Capitulorum, Ecclesiarum, & aliorum quorumcunque, tam secularium, quam regularium locorum, necnon illorum, etiam juramento, confirmatione Apostolica, vel quavis firmitate alia roboratis Statutis, vel Consuetudinibus, etiam immemorabilibus; exemptionibus quoque, indultis, & privilegiis, etiam in corpore Juris clausis, aut ex causa, & titulo oneroso, vel in limine foundationis concessis, etiam *Mari Magno*, seu Bulla Aurea, aut aliàs nuncupatis, Consecratorum deputationibus, eorumque, atque aliis inhibitionibus, quibus Episcopi deterre minimè teneantur, & quibusvis aliis sub quibuscunque tenoribus & formis, ac cum quibusvis etiam derogatoriis derogatoriis, aliisque efficacioribus, & insolitis clausulis, necnon irritantibus decretis, etiam motu proprio, & ex certâ scientia, ac de Apostolicæ potestatis plenitudine, aut aliàs quomodolibet, etiam per viam communicationis, seu extensionis concessis, & iteratis vicibus approbatis, & innovatis, etiam si pro illorum sufficienti derogatione de illis, eorumque totis tenoribus, & formis specialis & individua, ac de verbo ad verbum, non autem per clausulas generales idem importantes mentio, seu quævis alia expressio habenda, aut aliqua alia exquisita forma servanda esset, tenores hujusmodi, ac si de verbo ad verbum, nihil penitus omisso, & formâ in illis traditâ observatâ, inserti forent, præsentibus pro expressis habentes,


„ habentes, quibus quoad ea, quæ eisdem præsentibus adversantur, illis
 „ aliàs in suo robore permanens, specialiter, & expressè derogamus,
 „ cæterisque contrariis quibuscunque.

„ §. 9. Cæterum quia difficile foret præsentibus literas ad singula quæque
 „ loca deferri, ut eæ tamen omnibus innotescant, mandamus illas ad valvas
 „ Lateranensis, & Principis Apostolorum de Urbe Basilicarum, atque
 „ Cancellariæ Apostolicæ, & in Acie Campi Floræ publicari, & inibi
 „ affigi, & per aliquod temporis spatium dimitti, eisque detractis earum
 „ exempla eo in loco relinqui, &c. Datum Romæ apud Sanctum Petrum,
 „ anno Incarnationis Dominicæ 1622. Nonis Februarii, Pontificatus
 „ nostri anno 2.



CAPUT XII.

*De Translationibus & Renunciationibus
 Episcoporum.*

I. ATRIMONIUM quoddam intervenit inter Episcopum propriamque Ecclesiam : initiatum quidem per electionem, aut præsentationem : ratum per Summi Pontificis confirmationem : consummatum per consecrationem. Idemque connubium quatuor dissolvitur modis, translatione, renunciatione, depositione, & morte.

II. Translationes Episcoporum ex una in alteram Ecclesiam fieri prohibentur Canonibus Apostolorum 15. & 16. & Nicæna Synodo can. 16. & Sardicensi can. 1. & Carthaginensi can. *Non licet*, de consecr. dist. 4. Verumtamen ubi justa causa urget, sed non aliter, permitti potest Episcopi in aliam Ecclesiam translatio, idque solius Papæ, non autem Legati à latere autoritate, cap. *Nisi spiritualis*, & cap. *Quod translationem*, de offic. Legat. At verò inferiorum Clericorum translationi sufficit proprii Episcopi autoritas. Simile jus viget circa Coadjutores, quos dare Episcopis solus Papa valet; at verò inferioribus Clericis etiam Episcopus, toto tit. de Cler. ægrot. vel debilit.

III. Renunciatio est propriæ Dignitatis vel Beneficii abdicatio. Et licet quisque juri suo renunciare possit, l. penult. Cod. de pactis: quia tamen, ut dixi, Matrimonium quoddam initur inter Episcopum & propriam Ecclesiam, non potest Episcopus Ecclesiæ suæ renunciare, nisi ob aliquam ex causis sex relatis in cap. *Nisi*, de renunciatione. Sunt autem 1. Conscientia criminis, si tale sit ut post peccatam poenitentiam impediat Officii


Officii Episcopalis exercitium. 2. Debilitas corporis similiter impediens, siue ex morbo sit, siue ex ætate decrepita. 3. Defectus scientiæ notabilis: nam mediocrem supplere potest (ut dicit d. cap. *Nisi*) perfecta Episcopi charitas. 4. Malignitas Populi adversus Episcopum, si spem excludat ut possit Episcopus apud Populum proficere. 5. Grave scandalum futurum inevitabiliter. 6. Irregularitas Episcopi perpetua, ut dementia, epilepsia.

IV. Nulla valet renunciatio, nisi ejus autoritate fiat, ad quem spectat confirmatio. Eodem namque genere unumquodque dissolvitur, quo colligatum fuit, cap. 1. de regul. jur. & l. *Nihil tam naturale*, D. eod. Aded ut nec Abbates qui Papæ immediatè subsunt, abdicare se possint, nisi de Papæ consensu, cap. ult. de renunciat. Inferiores autem Clerici renunciare possunt in manus Prælati, à quo & confirmari potuerunt. Simplex tamen Electus, necdum confirmatus, renunciare juri suo in manibus Electorum potest, ut docet Abbas in cap. *Cum venissent*, de restitut. in integr.



C A P U T XIII.

De Vicario Episcopi, de Archidiacono, & de Coadjutoribus.

I.  **P**ISCOPUS suos possunt constituere Vicarios, tum generales, etiam plures, & à se invicem independentes; tum particulares, qui etiam vocantur Vicarii Foranei, jurisdictione fungentes in aliqua Diocesis parte. Hi omnes Episcoporum vices gerunt in illis rebus quæ ad jurisdictionem, non quæ ad Ordinem spectant, nisi & ipsi quoque Vicarii ordinationem habuerint Episcopalem, atque ad hoc pariter à locorum Episcopis deputentur. Ut enim ait Glossa in cap. *Quanto*, de consuetud. verb. *Reservata*, Episcopi demandare illa suis inferioribus possunt, quæ sunt jurisdictionis, non quæ Ordinis, nisi solis illis qui jam Ordinem habent Episcopalem. Hac ratione cavet Concilium Ancyranum can. 13. ne Chorepiscopi, quos in partem suæ jurisdictionis Episcopus admiserit, audeant cuiquam Sacros Ordines conferre, etiam si Ordinem suscepissent Episcopalem, nisi ex proprii Episcopi voluntate. Officia Vicarii generalis & Officialis in hoc distinguuntur, quatenus Vicario competit voluntaria jurisdictio, Officiali autem contentiosa. Atque ideo non potest Officialis jus dicere extra fines Diocesis, immò ne quidem extra proprium Auditorium, cap. 1. de constitutionib. in 6. At voluntaria jurisdictio potest ubique terrarum per Vicarium exerceri, ut sit in literis testimonialibus, dispensationibus, & aliis concessionibus gra-

tiolis, absolutionibus, Beneficiorum collationibus, si ad id habet facultatem specialem. Hæc verò communia habent Vicarius & Officialis, 1. quia uterque suam habet ab Episcopo aliòve Superiore potestatem, eoque mortuo, vel excommunicato, vel destituto, horum definit jurisdictio. 2. Uterque potest censuras infligere: nec ab his appellatur ad Episcopum, cum quo unum habent idemque tribunal, cap. 2. de consuetud. & cap. *Romana*, in princ. de appellation. in 6.

II. Porro Vicarius & Officialis generalis censentur in materia jurisdictiois una eademque cum Episcopo persona, habentque cum eo unum idemque tribunal. Hinc fit, ut ab eorum sententia non appelletur ad Episcopum cujus vicem sustinent, sed ad Metropolitanum, cap. 2. de consuetud. & cap. *Romana*, in princ. de appellat. in 6. & vice versa, certum est posse in causa appellationis Vicarium Metropolitanum cognoscere & judicare de Suffraganeorum sententia.

III. Secus dicendum de Archidiaconorum judiciis. Ab istis enim ad Episcopum solet provocari, d. cap. *Romana*, §. 2. Similiter de Foraneis Vicariis censendum est; ab istis namque ad Diocesis Episcopum, aut ejus Vicarium Generalem appellatur. Quia scilicet horum Foraneorum jurisdictio non est ordinaria, qualis est Vicarii, vel Officialis Generalis, sed solum delegata. Zerola in praxi, p. 1. verb. *Vicarius*.

IV. Regulariter non potest Vicarius Generalis conferre Beneficia, nisi hoc ei specialiter ab Episcopo concessum fuerit, cap. final. de offic. Vicar. in 6.

V. Disceptatur, utrum Vicarius Generalis, cui Episcopus facultatem conferendi Beneficia non indulsit, possit à Patronis præsentatos instituere? Affirmat Cosinas Guimier in gloss. ad Pragmat. Sanct. tit. de collation. §. *Item voluit*, verb. *Vicario*: & Joannes Deselva de Benef. p. 3. quæst. 14. Doctores ambo Gallicani, & insuper Abbas in cap. *Ex frequentibus*, de institution. Romanus singul. 501. aliique. Negat autem Rebuffus lib. 1. praxis, tit. *Forma Vicariatus*, num. 126. hac fretus ratione, quia institutio ad Patroni nominationem est vera collatio: supponitur verò Vicarium non habere collationis potestatem. Ista Rebuffi ratio in theoria probabilis est; cæterum in praxi attenditur magis consuetudini, quæ est optima legum interpret, cap. *Cum dilectus*, de consuet. & l. *Si de interpretatione*, D. de legib. Consuetudinem autem probat Doctorum Pragmaticorum consensus frequentior. Et Guimiero & Deselva pro affirmativa sententia plerique alii subscribunt. Boërius Præses Burdigalensis decif. 30. num. 4. Bellamera decif. 39. §. *Licet Vicarius*, Rota decif. 1. §. *Nota quod Vicarius*, tit. de renunciatione, in antiquis: Zerola in praxi, 1. p. verb. *Vicarius*, num. 15. & alii. Qui omnes distinguunt inter collationem liberam, & necessariam: & Vicariis liberam denegant, sed eisdem attribuunt necessariam: & fundantur præterea super cap. *Ex frequentibus*, de institutionibus, ubi dicitur institui

institutionem Beneficiorum spectare ad Episcopos & eorum Officiales. Sed lubricum est fundamentum, ibi namque Institutionis vocabulum aliam habet notionem ad jura Patronorum non pertinentem. Sed aliud multò solidius fundamentum stabiliri debet in cap. 1. de institutione, in 6. statuente Capitulum Sede vacante non posse quidem intra annum Beneficia conferre, sed tamen posse instituere præsentatos: at eadem, imò validior ratio militat pro Episcopi Vicario.

VI. Vicarius Generalis, cui Episcopus Beneficiorum collationem specialiter non indulsit, non potest Beneficiorum resignationes, neque permutationes recipere. Ejusdem namque potestatis est exuere, cujus est investire: & aliunde permutatio requirit in Beneficiis duplicem collationem. Et Regula in utroque Jure continetur, Unamquamque rem per easdem causas dissolvi, per quas constituta fuit, cap. 1. de regul. jur. & l. *Nihil tam naturale*, D. de reg. jur. Ideoque non potest resignationem admittere, qui non potest conferre: Rebuffus in praxi, tit. *Forma Vicariatus*, num. 110. Ancharanius in capite unico, num. 2. de rerum permut. in 6. Zerola loco citato, numero 10.

VII. Præterea disceptatur, utrum si absente & ignorante Episcopo præsentetur ejus Vicario mandatum Apostolicum de providendo, aut si eidem insinuetur, juxta Gallicanum usum, nominatio Indultarii, aut Graduati cum exhibitione Gradus ad obtinendum Beneficium, possit Vicarius hæc omnia acceptare & conferre? Et posse affirmat præcitatus Cosinas Guimierus in verb. *Vicario*, affirmans insuper, quod si inficius hujus facti Episcopus hoc idem beneficium alteri conferat, invalida sit Episcopi collatio, eaque Vicarii prævaleat, quia prima adversatur juri Mandatarii ac Indultarii aut Graduati: & quia cum istæ collationes liberæ non sint, sed necessariæ, ad istas extendi debet Vicarii potestas.

VIII. Item quæritur, an Vicarius generalis, cui Episcopus potestatem dedit excipiendi resignationes in causa permutationis Beneficiorum, possit eadem conferre? Docet præfatus Guimierus posse conferre, quia certa præsumptio sit, Episcopum conferendo expressè illam potestatem admittendi resignationes in causa permutationis, velle hoc ipso id conferre quod est inseparabile, scilicet collationem compermutandorum Beneficiorum: eodem namque tempore & contextu fieri debent utriusque resignatio, & utriusque collatio. Urget quoque communis illa ratio, quia tunc illa collatio non libera, sed necessaria est. Atque illud probabilius esse dico quam oppositum assertum à Rebuffo lib. 1. praxi, tit. *Forma Vicariatus*, num. 105.

IX. Si plures in eadem Diocesi constituti sint Vicarii generales, sufficere potest si uni eorum præsentetur Mandatum, aut insinuetur Nominatio, neque alter Vicarius interveniat. Cum enim singulis competat jurisdictionis in solidum, potest unus sine altero procedere. Et quod paulò supra dixi

dixi de Vicario, cujus valet processus sine Episcopo, multò magis obtinet in Vicario gerente sine Convicario: ambo quippe seorsim Episcopum representant, à quo suam singuli potestatem acceperunt.

X. Quid si Episcopus & Vicarius, alter altero infcio idem Beneficium diversis contulerint? Tenendum est prævalere Episcopi collationem ob personæ dignitatem, & quia ab ipso dependet Vicarii potestas, cap. *Dudum*, & cap. *Si à Sede*, de præbend. in 6. & quia censetur revocata Vicarii potestas quoad illam collationem: quemadmodum ille qui mandavit, si per se causam tractet, censetur quoad hoc limitare mandatum, & procuratoris sui potestatem, cap. *Si quem*, de procurat. in 6. Et per cognitionem quam adhibet Legatus, censetur subdelegatum suum revocare, cap. *Inimassii*, de appellation. Verùm si provisus à Vicario missus fuerit in possessionem ante provisum ab Episcopo, præferendus erit provisus à Vicario. Non enim præferendus est ab Episcopo provisus, nisi quando ambæ collationes æquo jure procederent, ut monet Rebuffus loco cit. num. 123.

XI. Vicarius ab Episcopo habens conferendi potestatem, potest etiam sicut Episcopus Beneficia conferre, etiam extra fines Diocesis. Est enim uterque Ordinarius, & collatio Beneficiorum est actus voluntariæ jurisdictionis, quam constat exerceri posse extra territorium, l. 2. D. de offic. Proconsulis.

XII. Quæres an possit Vicarius Generalis sine speciali & expressa Episcopi concessione Literas ad Ordines dare Dimissorias? Tenendum est non posse, ut docet Rebuffus loco cit. num. 47. & 48. sic enim fancivit cap. *Cum nullus*, de temp. ordinat. in 6. Limitatur hoc tamen, si contingeret Episcopum in remotis agere, juxta idem cap. in fine, his verbis: *Episcopo autem in remotis agente, ipsius in spiritualibus Vicarius Generalis, vel Sede vacante Capitulum, seu is ad quem tunc temporis administratio spiritualium noscitur pertinere, dare possunt licentiam ordinandi.*

XIII. Quoties Episcopus justè recusari ut suspectus potest, eo ipso suspectus & recusabilis est ejus Generalis Vicarius & Officialis, cap. *Insuamante*, de offic. jud. deleg. Recusato autem Vicario aut Officiali, non recusatur per hoc Episcopus; quia Officiales censentur additiores Episcopo à quo dependent: sed Episcopus non dependet ab illis in sua dignitate & juribus. Idcirco recusato hujus Officiali aut Vicario, discutienda causa est coram Episcopo, cap. *Si contra unum*, de offic. deleg. in 6. Potestque Episcopus alteri committere cognitionem & judicium loco suspecti: Abbas in cap. *Super quæstionum*, §. *Quem verò*, de offic. deleg. Felinus ibid. num. 15. Zerola in praxi, 1. p. verb. *Vicarius*, in fine. Excommunicato autem Episcopo, Vicarius & Officialis nullam possunt exercere jurisdictionem, quia finis exaruit unde dimanabat omnis eorum jurisdictio, cap. *Romana*, & ibi Glossa in verb. *Ipsi*, de offic. Vicar. in 6. Rebuffus loco cit. num. 217. & alii quos citat & sequitur Zerola jam citatus.

XIV. Disceprant

XIV. Disceptant Canonistæ, utrùm Episcopus novum Vicarium Generalem constituendo præsumatur tacitè priorem revocare? Affirmant Geminianus, & Deselva de Beneficiis 2. part. quæst. 4. & inde probant, quia quum quis secundum procuratorem constituit, Jura decernunt eo ipso primum revocari, l. *Si quis*, §. 1. D. de procurat. & cap. *Non injustè*, eod. tit. Sed negant Vicarium Generalem revocari Panormitanus in cap. *Volentes*, de offic. Legat. Boërius in decisionib. Burdigalensib. quæst. 347. Rebutius in d. tit. *Forma Vicariatus*, num. 205. Melchior Pastor de Benef. lib. 1. cap. 11. in fine: istaque sententia prævalet, Lique enim Episcopum posse plures simul Vicarios Generales constituere; & solent plures in eodem officio decerni, ut facilius Reipublicæ consuli possit, l. unica, D. de offic. Consul. Est autem diversa ratio in diversis procuratoribus circa idem negotium constitutis, quia sæpius per concursum sese mutuo impediunt, & quod unus affirmat, alter negat, ut ait cap. penult. §. *Verum si ambo*, de election. in 6. Ideoque ibi Pontifex approbat quidem plures constitui Procuratores in solidum circa negotium canonicæ electionis; non tamen conjunctim, ut simul concurrant: sic enim difficile inter se conveniunt, & dissentiendo invicem omnia perturbabunt. At verò compertum est, plures Vicarios Generales solidam seorsum habere potestatem, nec simul in eodem negotio concurrere, sed singulos per præventionem seorsum agere à suo Collega & Convicatio.

XV. Altera disceptatur quæstio, utrùm valida sint acta per Vicarium postquam ab Episcopo revocata ejus potestas fuit ipso inscio? Distinguunt aliqui cum Guinier: & valere acta negant, si facta sit revocatio ob ipsius crimen; secus verò, esse valida asserunt. Et hanc partem ritè probant per l. *Si fortè*, D. de offic. Prætor. & per celebrem illam l. *Barbarius*, eod. tit. Huic tamen distinctioni refragantur Felinus in cap. *Ceterum*, num. 24. de rescript. & in cap. ult. in fine, de accusat. & Rebutius loc. cit. quibus assentiri in hac re justius ducò: quamdiu enim aliquis, quantumvis perversus, sustinetur in officio, valent ejus acta, ut communiter docent Juris Interpretes ad d. l. *Barbarius*.

XVI. Quæstio etiam agitur, an possit Vicarius sine expresso Episcopi mandato resignationes recipere? Negamus id posse. Ratio est, quia sine speciali mandato non potest Vicarius exercere actus voluntariæ jurisdictionis: ejusmodi autem est resignatio pura & simplex. Id asserit Philippus Probus alter à Guimiero Pragmaticæ Sanctionis Glossator & Scholiales, ad d. verb. *Vicarius*. Quoniam ea quæ sunt voluntariæ jurisdictionis, necesse est fieri coram proprio Judice, cap. *Per venerabilem*, qui filii sunt legit. Qua eadem ratione Exempti non possunt resignare in manus Episcopi, cap. *Cum venerabilis*, de consuetud. Quia solus Papa est Exemptorum Judex. Revisè quæ paulò antè dixi num. 6.

XVII. Postquam Episcopus per legitimam auctoritatem legitimè
I declaratus

declaratus est suspensus, interdictus, aut excommunicatus, cessat statim omnis jurisdictio Vicarii & Officialis, ut antè dictum est, & in Capitulum transfertur eodem modo ac si Sedes vacaret per obitum, donec vel absolvatur Episcopus, vel alius ei detur successor. Prima hujus propositionis pars astituitur cap. 1. de offic. Vicar. in 6. Secunda verò pars liquet inde, quia excommunicatio & mors, quod attinet ad actus jurisditionis, æquiparantur. Atqui mortuo Episcopo succedit Capitulum in jurisditionem, cap. *Cum olim*, de majorit. & obed. Itaque si Vicarius, qui olim legitima pollebat conferendi potestate, postmodum incidente in notoriam excommunicationem Episcopo, conferret aliquod beneficium, illa Vicarii collatio nulla & irrita foret. Et plerumque is qui per se non potest, neque per Vicarium, aut à se substitutum potest. Clement. *Religiosus*, & procurat.

XVIII. Henrici III. Constitutio in Comitibus Blesensibus, art. 35. prohibet creari Vicarium aut Officiale Generale qui non sit simul Sacerdos & Graduatus. Concilium autem Tridentinum sess. 24. de reform. cap. 16. requirit, ut sit saltem in Jure Canonico Doctor, aut Licentius, vel aliàs quantum fieri potest idoneus. His addunt Edicta Henrici II. & III. ut sit Regnicola.

XIX. Vicarius Generalis primum tenet post Episcopum dignitatis gradum: præcedit Archidiaconum, à cujus etiam judicio provocatio devolvitur ad Vicarium & Officiale, cap. *Romana Ecclesia*, §. *Ab Archidiacono*, de appellat. in 6. cum tamen ab his provocetur immediatè ad Metropolitanum. Sed si Vicarius Canonicus sit, non alium sessionis ordinem habebit in Choro & in Capitulo, quàm simplicis Canonici, juxta Rebuffum, Navarrum, & alios, quos allegat & sequitur Zerola p. 2. verb. *Vicarius*.

XX. Archidiaconus vocatur Oculus Episcopi, ut pro eo inspiciat, & emendet quæ corrigenda sunt, can. *Diaconi*, dist. 39. Hujus officium est Clericorum per omnem Dioccesim moribus, honestati, & decentiæ in habitu & tonsura prospicere, Ecclesias ordinare, & ut reficiantur curare. Huic etiam multis locis incumbit onus Dioccesim visitandi universam, singulis saltem trienniis, cap. 1. de offi. Archidiac. Debet quoque Sacrum Officium ordinare, ejusque munia inter Clericos partiri, cap. 2. eodem tit. Non potest tamen animarum curam aliis committere; quod potest Vicarius Generalis, cap. *Cum satis*, cod. tit. Archidiaconus vocatur à sancto Clemente Papa epist. 1. ad Jacobum fratrem Domini, Oculus Episcopi, can. *Diaconus*, distinct. 91. Et est perpetuus Episcopi Vicarius, omnem habens sollicitudinem & curam, tam in Clericis quàm in Ecclesiis, super quibus redditurus est rationem in districto Dei judicio, cap. *Ad hac*, de offic. Archidiac. Et quavis Nicæni I. Concilii can. 14. Diaconi Presbyteris declarentur inferiores, can. *Pervenit*, dist. 93. & Concilii Laodiceni canon

canon 20. Diaconis prohibeat sedere in præsentia Presbyteri, nisi hoc eis Presbyter ipse jubeat, can. *Non oportet*, dist. 93. de Archidiacono tamen declarat Innocentius Papa III. ipsum non modò habere sollicitudinem Parochiarum, easque ordinare, & jurgia singulorum audire, sed etiam Archipresbyteros & Decanos sub sua jurisdictione continere, & quæ sunt in his omnibus corrigenda corrigere, & emendare: itemque Ordinibus Sacris initiandos examinare, & postmodum illos præsentare Episcopis: præficiendos quoque Beneficiis examinare, & examinatos similiter Episcopo præsentare, d. cap. *Ad hæc*, & cap. *Ut nostrum*, eod. tit. Licet autem Concilium Trident. sess. 24. cap. 18. de reform. fanciat ut deputentur ab Episcopo tres Examinatores, jus tamen habet Archidiaconus se his adjungendi. Zerola 2. p. verb. *Archidiaconus*. Licet etiam statuerit Concilium Trident. sess. 24. cap. 16. ut mortuo Episcopo eligatur à Capitulo Vicarius Generalis intra dies octo; quia tamen d. cap. *Ad hæc*, attribuit Archidiacono, ut sit perpetuus in tota diocesi Vicarius Episcopi, eique de jure incumbat tum Ecclesiarum, tum Clericorum sollicitudo & ministerium, potest Archidiaconus autoritate fungi Generalis Vicarii toto illo octiduo, ulque ad novi electionem Vicarii, juxta Zerolam 1. p. verb. *Archidiaconus*; quoniam non est à Jure veteri recedendum, nisi quatenus ei per novum Jus derogatur, & non ulterius, juxta legem *Præcipimus*, C. de appellation. Hoc tamen liquet, multis juribus & prerogativis privatos nunc esse Archidiaconos, quæ illis antiquitus competeabant, ob contrariam consuetudinem, & ob novi Juris dispositiones oppositas. Sanè nec Jure quidem veteri ullam habebant excommunicandi potestatem, cap. *Archidiaconis*, de offic. Archidiacon. neque committendi animarum curam alicui, cap. *Cum satis*: neque concedendi Literas ad Ordines dimissorias, cap. *Significasti*: neque exercendi ullam in Monasteria jurisdictionem, cap. ult. eod. tit.

XXI. Archidiacono, vel alio quovis in Ecclesiastica dignitate constituto in amentiam, vel in morbum, quo sit inhabilis ad munia quæ sibi attinent obeunda, incidente, non vacat ejus Dignitas, vel Officium, vel Beneficium, neque illo privandus est: sed ei de Coadjutore providendum, deducta ex redditibus conveniente ad vitam Coadjutoris portione. Navar. consil. 1. de Cler. ægrot. Zerola 2. p. verb. *Archidiaconus*, Gomefius tract. de Expectativis, num. 60. Covarruvias in cap. *Alma mater*, 1. p. §. 7. n. 4. not. 11. juxta dispositionem cap. *Ex parte*, & cap. ult. de Cleric. ægrot. Et ubi inhabilis ex morbo habituali, vel ex superveniente corporis defectu, restat tamen compos rationis, potest resignando suam Dignitatem, aut Curatum Beneficium, excludere coadjutorem. Enimverò neque vacat Dignitas illa, vel Beneficium, neque coadjutori attribuitur successio, nisi per solam Summi Pontificis dispensationem.

XXII. Coadjutor Episcopo providetur non valenti exercere ob sepe-

1 2

Autem


Autem, vel ob diutinam ægrotudinem, aliamve seu corporis, seu animi impotentiam. His casibus Episcopus invalidus & Capitulum simul coadjutorem à Pontifice postulabunt, præterquam in casu amentię, in quo id officium ad solum Capitulum spectabit. Sed si Episcopus mente quidem sanus, sed corpore omninò infirmus, nec potest exercere, nec sibi coadjutorem dari consentit, tunc ne detrimentum patiatur Ecclesia, ad solius Capituli petitionem Papa providebit, aut etiam ad Metropolitanì petitionem, cap. *Ex parte*, de Cler. ægrot. Coadjutor autem cum jure futuræ successionis non datur in Galliæ Regno, nisi sit à Rege nominatus, juxta Concordata.

XXIII. Inferioribus quoque Clericis, quibus aliqua Cura vel Officium incumbit, de coadjutore providere debet Ordinarius, si suo munere defungi in futurum non possint, cap. *Ex parte*, cap. *De Resloribus*, & cap. ult. de Cler. ægrot. sed ut dixi, istiusmodi coadjutoribus spes futuræ successionis non potest ab Ordinario indulgeri, nisi à solo Papa, cap. *Nulla*, cap. *Relatum*, & cap. fin. de concess. præbend. Coadjutori demum moderati sumptus & victus ita providendi sunt, ut totum reliquum fructuum Prælato aut Beneficiario invalido remaneat, cap. 1. de Cler. ægrot. & cap. unico, in fine, cod. tit. in 6.



C A P U T XIV.

De Literis Dimissoriis, & quarum Literarum valor aut concessionum perpetuus sit, aut ad solam limitetur concedentis vitam.

I.  RDINARI, aut etiam Tonsuram sumere Clericalem nemo potest nisi de manu proprii Episcopi, aut de ejus licentia Literis Dimissoriis expressa. Si secus fiat, Ordinans à Pontificalibus, & collatione Ordinum per annum suspensus erit, Ordinatus verò à susceptorum sine hac venia Ordinum executione ipso facto, quandiu proprio Ordinario videbitur expedire, manet pariter suspensus ex Decreto Concilii Tridentini sess. 14. cap. 2. & sess. 23. cap. 8. de reform. Quisquis igitur sic tonsuratus, vel ordinatus est, non potest ab hac suspensione solvi, nisi ex arbitrio proprii Episcopi. Existimat Rebuffus in praxi, tit. *Formula dimiss. liter.* num. 5. & 11. non sufficere ad hujus suspensionis absolutionem, veniam ac remissionem proprii Episcopi, sed esse præterea necessarium Summi Pontificis rescriptum. Quam opinionem tenet

tenet quoque Navarra loquens de irregularitate. Verum quoad suspensionem Concilium Tridentinum nihil requirit, nisi proprii Episcopi dispensationem: & licet Sixtus V. in Bulla incipiente, *Sanctum & salutare*, hanc sibi reservaverit absolutionem; revocavit tamen Sixti Bullam istam Clemens VIII. per suam Bullam quæ incipit, *Romanum Pontificem decet*. Quoad verò irregularitatem, quam is qui hanc incurrit suspensionem, potuit contrahere exercendo Ordinem ita susceptum ante obtentam proprii Episcopi veniam, seu absolutionem, distinguendum est: aut enim illa irregularitas est occulta, & tunc potest proprius Episcopus ab ea dispensare ex generali concessione Tridentini Concilii sess. 24. cap. 6. de reform. aut illa irregularitas est notoria, quo casu necessarius est ad Papam recursus. Ita docet Bonacina tract. de suspensionibus in particulari, disp. 3. quæst. 1. puncto 11. num. 28. Istaque licet vera, & communiter recepta doctrina. Erit verò occulta illa irregularitas, si contractio, seu incurso præcedentis suspensionis non nisi paucis innoterit, quanvis illa Ordinis executio publicata fuerit.

II. Quatuor casibus necesse non est ad Ordinationem habere proprii Episcopi Dimissorias. Primus contingit in Episcopo qui sit suspensus, eo quòd alienum subditum sine Dimissoriis requisitis ordinaverit, cap. *Eos qui*, de tempor. ordin. in 6. Equum enim est, ut in quo quis deliquit, in eo puniatur. Idemque capitulum jubet, ut ordinandi recurrant ad viciniore Episcopos. Hoc idem extendendum est contra quoscunque Episcopos quacunque censura irretitos. Sed requiritur ut censuræ contractæ ab Episcopo cognitio sit publicè nota vel per evidentiam facti, vel per iudicis sententiam. Secundus casus est in eo qui privilegium à Pontifice intravit, ut possit à quocunque Episcopo ordinari: quo casu licet non requirantur à proprio Episcopo Dimissoriæ, requiruntur tamen ab eodem Literæ testimoniales de vita & moribus, sub iisdem pœnis, ut constat ex Concilii Trident. sess. 23. de reform. cap. 8. in fine. Tertius casus statuitur in Concilio Trident. sess. 23. cap. 6. de reform. *Episcopus* (inquit) *familiarem suum non subditum ordinare non possit, nisi per triennium secum fueris commoratus, & Beneficium, quacunque fraude cessante, statim re ipsa illi conferas*. Hoc verò sciendum de statim conferendo Beneficio, cum idè sit appositum, ne ordinatus ob inopiam cogatur victum suum mendicare, nullius esse obligationis hanc conditionem, si ordinatus sit provisos sufficienti patrimonio vel pensione; sic enim sufficiet Episcopo si familiarem triennalem ordinet ad titulum patrimonii vel pensionis, ut post Flaminium Parisium, Barbosa, Garziam, & alios docet Bonacina d. disput. 3. quæst. 1. punct. 11. num. 11. Quartus denique casus occurrit, dum vacat Sedes Episcopalis; potest enim Capitulum, completo primo vacationis anno, subditis diæceseos Literas expedire Dimissorias ad Ordinationes. Quinetiam cum quis arctatur ad Tonsuram, vel ad Ordines, sive majores,

sive minores, occasione Beneficii, sive suscipiendi, sive jam suscepti, Capitulum potest etiam intra primum vacationis annum concedere hac occasione per Vicarium à se electum Literas Dimissorias. Hæc statuit Concilium Trident. sess. 7. cap. 10.

III. Debet primum à proprio Prælato examinari, & ut idoneus approbari is qui Dimissorias petit, antequàm hæc illi concedantur, ut præscribit Concilium Trident. sess. 23. cap. 3. de reform. idque ipsum debet Prælatus in suis Literis Dimissoriis exprimere: sua namque interest multum, utpote de proprio subdito, quem dimittit, coram Deo responduri. Et ubi quis dimissus est sine sufficienti patrimonio, non tenetur Episcopus ordinator, sed Episcopus dimittens, ipsi de victu sufficienter providere ad totam vitam, cap. Si Episcopus, de præbend. in 6. Ipse quoque Ordinator jus habet examinandi dimissum, quantumvis de capacitate, & à se examine fidem faciat in dimissoriis Ordinarius dimittens. Imò verò etiam alienos & ad se dimissos Clericos ordinaturo prævium & diligens examen injungit Concilium Trident. sess. 7. cap. 11.

IV. Si qua pariter videatur concedenda Episcopalis dispensatio, qualis est ab interstitiis, opus est ut in Dimissoriis exprimat. Quod idem statuendum de dispensatione illegitimè nati ad minores Ordines, aut ad Beneficium simplex.

V. Vicarium generalem non posse Dimissorias ad Ordines Literas dare, nisi hoc specialiter Episcopus ei concesserit, traditum est capite superiori. Capituli autem potestatem circa Dimissorias expendimus isto capite, num. 2. ad finem. His adde, Capitulum Sede vacante ad effectum suscipiendi aliquod Beneficium, posse in casibus Episcopalibus dispensare, atque adeò ab irregularitate orta ex defectu natalium illegitimorum. Ita docent Abbas in cap. Cum olim, num. 2. de majorit. & obedient. Navarra conf. 28. & 30. de tempor. ordinat. Federicus de Senis conf. 3. 4. & 30. Geminianus in cap. Cum ex eo, num. 7. de elect. in 6. Piafcius in praxi Episcop. p. 1. cap. 1. art. 2. num. 10. Capitulum enim Sede vacante regulariter succedit in jurisdictione ordinaria Episcopi, nisi in solis casibus à Jure expressè prohibitis: idèoque potest similiter in Dimissoriis ab interstitiis dispensare. Bonacina de suspensionib. in particul. disp. 3. quæst. 1. punct. 4. §. 2. num. 5. Extra præfatos casus si Capitulum concedat Dimissorias, incurrit Ecclesiasticum interdictum, ex Concilio Trident. d. sess. 7. cap. 10. Aliæ verò singulares personæ attentantes dare Dimissorias in casibus prohibitis, ipso facto ab Officio, & Beneficiis per annum efficiuntur suspensæ, ut idem Tridentinum decernit sess. 23. cap. 10.

VI. Superiores Regulares concedunt sibi subjectis Religiosis Dimissorias: habent enim in suis Monasteriis Episcopalem jurisdictionem. Tenentur verò servare formam à Clemente VIII. his verbis præscriptam: *De mandato S. D. N. Clementis Divinâ Providentiâ Papa VIII. tenore præsentium*

ium mandatur omnibus & singulis quoruncunque Regularium Superioribus, ut le cætero observent, & observari faciant ea quæ in Decreto Sacra Congregatio-
is Concilii Tridentini continentur, cujus tenor est talis: Congregatio Concilii
tridentini censuit Superiores Regulares posse suo subdito itidem Regulari, qui
radius præditiis qualitatibus requisitis Ordines suscipere voluerit, Literas
dimissorias concedere, ad Episcopum tamen Diocesannum, nempe illius Mona-
sterii in cujus familia ab iis ad quos pertinet, ille Regularis postius fuerit. Et
Diocesannus abfuerit, vel non sit habiturus Ordinationes, ad quencumque
lium Episcopum, dummodò ab eo Episcopo qui Ordines consulerit, examinen-
tur quoad doctrinam, & ipsi Regulares non distulerint de industria concessionem
iterarum Dimissoriarum in id tempus, quo Episcopus Diocesannus vel abfutu-
us, vel nullas esset habiturus Ordinationes, vel Sedes Episcopalis vacaret. Ve-
rum cum à Superioribus Regularibus, Diocesano absente Episcopo, vel Ordina-
ones non habente, Litera Dimissoria dabantur, in eis utique causam absentia
Diocesani Episcopi, vel Ordinationum ab eo non habendarum exprimendam esse:
vid. si Regulares ordinandi morantur in Monasterio nullius Diocesis, in iust-
odi concedendam esse Dimissorias ad Episcopum viciniorem: in eoque proce-
dere omnia quæ de Episcopo Diocesano superius præscripta sunt. Quod qui non
cerint, Officii, & Dignitatis, sive Administrationis suæ, & vocis activæ &
passivæ privationis, ac alias arbitrio ejusdem Domini nostri Sancti Papa refer-
atas pœnas incurrunt. Datum Roma, die 15. Martii, anno 1596. Ita
lementis VIII. Constitutio conformatur antiquo & communi Juri in
ip. Cum nullus, §. Religiosi, de tempor. ordinat. ubi Episcopus Ordinationis
regularium asseritur ille, in cujus Diocesi situm est Monasterium, in quo
riatur ordinandus. Concilium porrò Trident. d. sess. 23. cap. 10. Abbates
quoque cum alios Superiores Regularium, quantumvis exemptos, aliis
tam sibi subditis Religiosis Dimissorias concedentes, decernit esse ipso
re suspensos per annum ab Officio & Beneficio.

VII. Queritur an Literæ Dimissoriæ expirent per obitum conceden-
s, aut per ejus ab Episcopo dimissionem? Negant Doctores communiter
finere. Rebuffus in praxi, tit. *Forma Dimissoriarum*, circa finem, postquam
ceps animi utramque in partem vacillavit, tandem num. 43. concludit
in desinere. Consentiant Ancharanus in cap. 1. in fine, ne Sede vacante.
dericus de Senis consil. 16. verb. *Capitulum*: Navarra in cap. *Placuit*,
im. 34. & 162. de Pœnit. dist. 6. Zerola p. 1. tit. *Dimissoriæ*, num. 9. Azorius
2. lib. 3. cap. 49. num. 5.

VIII. Mors quidem omnia solvit, §. *Deinceps*, in Authent. de nuptiis,
llat. 4. Et mandatum finitur morte mandantis, l. *Mandatum*, C. mandati.
tamen non impedit, ne pleræque concessiones valeant eo etiam mortuo
si concessit, donec à successore revocentur. Est enim communis paulò
tè allegatorum Doctorum sententia, & aliorum, quam etiam firmat
suum Ecclesiarum consuetudo circa Dimissorias. Hujus quoque generis
sunt

sunt, illimitata facultas Confessiones audiendi: item à casibus ac censuris reservatis absolvendi, & à votis dispensandi concessio: licentia non residendi propter studium, Missas in aedibus privatis celebrandi, Indulgentiarum concessio, & quæcunque aliæ non restrictæ ad concedentis vitam. Potest tamen successor prædictas & similes gratias revocare, sive per generalem, sive per specialem revocationem: idque docet cap. *Si gratiose*, de scriptis, in 6. his verbis: *Quia Sedes ipsa non moritur, gratia durabit perpetuo, nisi à successore fuerit revocata.*

IX. Legati quoque Statuta in suo robore perdurant finitâ Legatione. Jurisdictio autem ejus, quem subdelegavit, definit finitâ Legatione. Sed si jam antea facta fuerat citatio, durabit etiam finito Legationis tempore inchoata jurisdictio, donec ad definitivam sententiam processum fuerit, cap. fin. de offic. Legat.


X. In penalibus autem aliter statuendum juxta regulam Juris: *Odia restringi, favores convenit ampliari.* Atque ita censuræ nondum incurse nullatenus ligare possunt, mortuo, vel ab officio soluto Prælato, qui eas decreverat. At verò si quis durante illius Prælati jurisditione in censuram ab eo latam incurrisset, nec obtinisset ejus absolutionem, permanebit alligatus etiam postquam ejus desierit, sive per obitum, sive per abdicationem jurisdictio. Huic doctrinæ locus est in censuris particularibus, quæ à Prælato tanquam ab homine, seu judice latæ fuerunt. Nam censuræ quæ à Prælato tanquam Legislatore generaliter decretæ fuerunt, quales continentur in Statutis & communibus Constitutionibus, perpetuam vim habent donec contrario jure, vel desuetudine aboleantur; sicut Leges astringunt populos etiam à vivis exempto Legislatore. Ita docet Gloſſa in cap. *A nobis*, 1. de sentent. excommunic.

XI. Casuum quoque ab Episcopo facta reservatio inter odiosa censetur: ideoque reservatio Prælati morte, vel amotione ab officio definit. Si tamen facta fuerit reservatio per Synodalem deliberationem, vim habebit Statuti, nec extinguetur morte, vel amotione Prælati. Zerola p. 1. tit. *Casus reservati*, num. 4.



C A P U T XV.

De officio & potestate Legati, & Delegati.

- I.  EGATI & Delegati commune hoc habent, ut Superioris, à quo constituti sunt, vicem gerant. At in eo differunt, quod Legatus solus is dicitur qui est à Papa constitutus, Delegati verò appellatio communis est, tum constitutis à Papa Judicibus, tum etiam

etiam his quos inferiores Prælati sui vice subdelegant. Præterea Delegati plerumque constituuntur ad procedendum in causa aliqua particulari : qua in re differunt à Legatis Papæ, & à Vicariis Generalibus Episcoporum, quibus impertitur generalior jurisdictio.

II. Legatorum Papæ tres distinguit differentias Glossa in cap. 1. de offic. Legat. in 6. Prima est Legatorum à Latere, quos Papa eligit de suo Senatu. Hi sunt Cardinales missi cum potestate in Provincias, quorum præcipua est dignitas & potestas. Alii eliguntur ex inferiori Ordine, ut sunt Nuncii Apostolici in Provincias transmissi. Alii dicuntur Legati Nati, qui aliqua dignitate insigniuntur, cui coheret jus aliquod Apostolici Legati, ut dicitur de Cantuariensi Archiepiscopo in cap. 1. de Offic. Legat. & de Archiepiscopo Eboracensi, cap. 1. de appellat. Et communiter omnibus Episcopis pleraque tribuuntur tanquam Apostolicis Delegatis Natis, non verò ex speciali commissione.

III. Legatis à Latere multa competit potestas ipso jure, quæ plerumque etiam augetur in eorum Mandato, seu Literis Apostolicis. In hoc verò conveniunt cum veterum Romanorum Proconsulibus, qui cum pleno imperio ad regendas provincias mittebantur, quòd sicut olim Proconsules ab egressu pomerii Romanæ urbis usque ad reditum Fasces, Liçtores, Insulas, & alia Imperii insignia retinebant, ex Dione lib. 53. & ipsum quoque Imperium, sed otiosum extra commissam sibi Provinciam, ut docet Cujacius lib. 20. Observationum, cap. 37. nisi quoad jurisditionem voluntariam, quam solam in itinere exercebant, ex l. 1. 2. & final. D. de offic. Proconsul. & constat ex Plinio lib. 7. epist. 16. & penult. Sic Legatis à Latere simul atque Romæ egressi sunt, Cruces, & cætera Apostolicæ Dignitatis insignia præferuntur, nec antequàm redierint ea deponunt : auctoritatem quoque habent eò usque efficacem, ut absolutiones casuum & censurarum omnium, & alia ad forum conscientie pertinentia in itinere exercere possint, cap. *Quod translationem*, & cap. *Excommunicatis*, de offic. Legat. & cap. *Ad eminentiam*, 20. de sentent. excommuni. Idcirco prælati Clemens Papa IV. Legatos à Latere præcis Romanorum Proconsulibus æquiparat, cap. *Legatos*, eod. tit. in 6. Cum tamen cæteri Apostolici Legati, neque insignibus utantur, neque quidquam possint extra provinciam sibi commissam, d. cap. *Excommunicatis*, hoc tit. & cap. *Mandata*, de præsumptionib. & cap. *Cum dilecti*, 18. de accusat. & can. 1. distinct. 94.

IV. Legatorum à Latere, & Nunciorum Apostolicorum, & quorumcunque à Sede Apostolica cum jurisditionis potestate missorum non durat Legatio ultra tempus illis à mittente præfixitum. Morte tamen ejus Pontificis à quo missi sunt, non expirat : quia non tam ab eo, quàm à Sede Apostolica missi intelliguntur, cap. 2. de offic. Legat. in 6. & cap. *Si gratiosa*, de rescript. in 6. Sedes enim ipsa non moritur, can. *Liberti*, 12. quasi. 2.

Ac ne ipsorum quidem Legatorum mors aut decessus ea statuta extinguit, quæ tempore Legationis suæ fecerint, cap. fin. de offic. Legat.

V. Legati à Latere possunt in provincia Legationis suæ conferre Beneficia; id verò cæteris Apostolicis Legatis non permittitur, cap. 1. de offic. Legat. in 6. Eadem ratione possunt Legati à Latere, non verò cæteri Apostolici Legati, resignationes admittere, cap. *Deliberatione*, §. *Prohibemus*, de offic. Legat. in 6. Abbas in cap. fin. num. 4. de renunciation. Ancharanus in cap. *Dilecto*, num. 2. de præbend. Joan. Andreas in d. cap. *Deliberatione*, num. 1. de offic. Legat. in 6. Rebuffus in praxi, tit. de resign. condition. num. 5. Parisius lib. 7. quæst. 13. nôm. 15.

VI. Hinc excipe collationes, aut resignationes conditionatas; ad istas quippe nec Legati à Latere ullam habent potestatem citra speciale Papæ mandatum, Abbas in cap. *Accepimus*, de pactis. Felinus in cap. *Ad audientiam*, de rescript. Navarra Manualis cap. 23. num. 107. vers. *Ad secundum*. Rebuffus tract. de pacif. possell. num. 198. Boëtius tract. de dignit. Legat. quæst. ult.

VII. Potest Legatus à Latere conferre Beneficia jurispatronatus, non quidem Laici, sed Ecclesiastici, etiam inconsulto Patrono, cap. *Dilectus*, de offic. Legat. & cap. *Cum dilectus*, de jurepatron.

VIII. Legati à Latere non possunt transferre Prælatos, cap. 1. de translation. Episcop. & cap. *Quod translationem*, de offic. Legat.

IX. Collatio Legati à Latere nulla est, ubi non sit mentio Beneficiorum cæterorum quæ provivus possidet, cap. fin. de offic. Legat. in 6. Clement. unica, de offic. Ordinar. quemadmodum nulla est Papæ collatio sine tali mentione, cap. *Ad aures*, & cap. *Cum adeo*, de rescript. cap. *Non potest*, de præbend. in 6. Non enim major est potestas aut jus delegati quàm delegantis, præsertim cùm talis potestas sit odiosa, utpotè facta in diminutionem potestatis Ordinariorum.

X. Quod verò attinet ad Delegatum, hoc sciendum, Delegatum Principis non agnoscens sibi Superiorem, ut est Papa, Imperator, Rex, posse subdelegare, ut omnes Canonistæ docent juxta cap. fin. de offic. Judic. delegat. adeo ut cæteri cum illo delegati non possint procedere sine ejus Subdelegato, d. cap. fin. Non potest tamen in aliquibus subdelegare casibus. Primò quando sibi delegatum est nudum ministerium, d. cap. fin. §. ultim. ut sit quando aliqua executio sine jurisdictione demandatur à Papa vel Principe. Secundò non potest Delegatus subdelegare quando electa est singularis personæ delegatæ industria, ut quum alicui Papa mandavit fieri inquisitionem, & Ecclesiis de Ministris idoneis provideri, d. cap. fin. §. *Is autem*. Colligitur autem fuisse electam personæ industriam, quando designatur proprio nomine, & non sola Dignitatis vel officii expressione.

XI. Ubi verò commissio, seu delegatio facta fuit dignitati, non expresso

expresso proprio nomine, transit delegatio ad successorem ejus, cap. *Quoniam Abbas*, de offic. Jud. deleg.

XII. Morte delegantis an expiret delegati jurisdictio, necne? Distinguendum est; si enim adveniente delegantis morte res adhuc integra est, sit caduca & irrita delegatio: Sed si jam facta fuerat per delegatum citatio ante delegantis obitum, non expirabit per ejus mortem delegatio, cap. *Relatum*, & cap. *Gratum*, cod. tit. Guido Papæ quæst. 421. num. 2. aliique communiter.

XIII. Sæpè causam committit Sedes Apostolica duobus, vel pluribus Delegatis, cum clausula, ut si ex duobus, vel pluribus aliquis interesse nequiverit, alter, seu reliqui in causa procedant: & isto casu necesse est prius constare de absoluta Delegati impotentia, aut eundem prius suam non procedendi voluntatem significasse, quàm liceat reliquis delegatis sine eo procedere, vel exequi, alioqui nihil & inaniter agent, cap. *Prudentiam*, co. l. tit. Quod si absolutè, & sine prædicta clausula plures in eadem causa Delegati sint, aut in plures arbitros à Partibus, vel per Judicis decretum compromissum fuerit, nec in compromisso aliud fuerit expressum, morte unius delegatorum, vel arbitrorum expirat reliquorum potestas, cap. *Uno delegatorum*, cod. tit.

XIV. Delegatus à Papa sententiam suam exequi potest intra annum, eoque elapso non potest, cap. *Quarenti*, cod. tit.

XV. Delegatus à Papa, qui subdelegavit in totum, potest re integra, hoc est si Subdelegatus non processerit, sibi causam reassumere, cap. *Quarvis alicui*, de offic. Deleg. in 6. Si Delegatus subdelegavit quoties abesset, vel donec revocaret; & mortuus sit re non integra, potest subdelegatus procedere, ex quo jurisdictione uti cœperit vivente adhuc delegante, & inchoatum processum proseguere. Porro à subdelegato appellatur etiam post ejus definitivam sententiam ad subdelegantem, si hic sibi aliquid de jurisdictione reservaverat: at si subdelegaverat in totum, jam non ad subdelegantem, sed ad delegantem, id est ad Papam, devolvitur appellatio, cap. *Si delegatus*, cod. tit. in 6.

XVI. Delegatus debet in citatione designare locum Auditorii sui, & præterea inferere tenorem rescripti, seu Literarum suæ delegationis; alioqui non tenebitur pars citata comparere. Innocentius & Ostiensis in cap. *Præterea*, de dilationib. Guido Papæ quæst. 445. Zerola 1. p. praxis, verb. *Delegatus*, num. 4.

XVII. Multa præcipiuntur, & prohibentur Delegatis sub poena nullitatis eorum, quæ in contrarium attentaverint, cap. *Statutum*, de rescript. in 6. Et Ordinarius potest providere, si quis à Delegato gravetur contra dispositionem d. cap. *Statutum*, ut docent Joannes Andreas & Geminianus in idem caput, & Zerola loco cit. in fin. Ubi notat pariter ex Capella Tolos. quæst. 423. & ex Cino in Auth. *Qua in provincia*, C. ubi de crim.

agi oport, posse ab Ordinario loci puniri Delegatum à Papa, si in suo officio delinquat, si nimirum excederet fines mandati, ac procederet in casu non incluso in sua commissione: item si vellet procedere vel exequi non exhibita sua commissione, Zerola ibid.

XVIII. Concedit etiam Sedes Apostolica aliquibus Conservatores, ut eos à manifestis injuriis, & violentiis tueantur. Ili verò non possunt subdelegare, aut suas vices committere, nisi hoc eis specialiter per Literas Apostolicas indultum fuerit. Possunt tamen committere ad citandum & intimandum partibus sententias suas. Neque possunt quemquam ultra dictam à fine Diocesis trahere, nec nisi de manifestis injuriis aut violentiis cognoscere: alioquin non solum eorum processus irriti erunt, sed etiam ipso facto suspensi erunt per annum ab officio, & per consequens à Beneficio: & Pars quæ hoc procuraverit, incidit in excommunicationem, cap. *Hæc constitutione*, cod. tit. in 6.



C A P U T XVI.

De Coadjutoribus Prælatorum.

I. **D**UPLEX potest esse causa providendi Episcopo Coadjutorem per Supremam Sedem, nimirum incapacitas ad omnia Episcopalia officia (qualis est, exempli gratiâ, incapacitas illa quæ provenit ex furore ac dementia) vel tantummodò incapacitas ad particularia officia, qualis provenit ex decrepita ætate, ex cæcitate, ex paralyfi, ex alio incurabili morbo, sine detrimento usus rationis. Porro Coadjutor qui datur ob incapacitatem tantum particularium, habet limitatam potestatem ad sola ministeria, quorum Episcopus impos & incapax est, nisi iste velit Coadjutorem delegare ad ea quoque, circa quæ capacitate pollet, prout libuerit, sive in totum, sive in partem. Sed qui constitutus fuit Coadjutor ob universalem Episcopi incapacitatem, plenitudine fruitur potestatis, ita ut si sit consecratus, possit per seipsum omnia Pontificalia exercere, cap. *Is cui*, de elect. in 6. Si verò non sit consecratus, poterit alium Episcopum circa ea quæ sunt muneris Pontificii delegare. Hæc omnia traduntur in can. *Qualiter*, & can. seq. & can. *Nihil*, in fine, & can. seq. 7. quæst. 1. item in cap. *De Rectoribus*, & cap. penult. & ult. de Cler. ægrot.

II. Item Episcopo ab hostibus capto providet Papa de Vicario in temporalibus & spiritualibus, quando hoc durabit impedimentum, cap. *Si Episcopus*, de suppl. neglig. Prælatorum in 6. & Clement. 1. de foro compt.

compet. Quod idem statuendum in cæteris quibuscunque impedimentis, siquando illa cessare contingat. Porro licet Vicarius per Episcopum constitutus careat potestate Beneficia conferendi, nisi id specialiter ab Episcopo exprimat; secus tamen judicandum de Vicario, quem Papa propter Episcopi captivitatem constituerit: potest enim durante captivitate conferre, præsentatos à Patronis instituere, atque illis quos Rex ad Beneficia nominaverit, necnon Universitatum Graduatiss, perinde ac si Episcopus adesset, providere. Rebuffus tract. Nominationum, quæst. 8. numero 44. & seqq.

III. Quoties etiam Coadjutor assignatus fuerit ob partiale, non verò ob totale Episcopi impedimentum, tunc non ipse, sed Episcopus jure potitur Beneficia conferendi. Sed si datus fuerit ob totale impedimentum, habet Coadjutor Beneficiorum collationem. Oldradus consil. 44. addens posse hoc casu per Coadjutorem committi, & ab eodem Literas sub proprio sigillo expediri. Idemque asserunt Joannes Deselva de Benefic. p. 2. quæst. 4. & Rebuffus loco cit. Licet enim Coadjutor immobilia non possit alienare, cap. 1. de Cler. ægor. in 6. & cap. *Is eni*, de election. in 6. hoc intelligi debet de alienatione libera, non de necessaria, qualis est Beneficiorum. Alioqui enim Ecclesiæ ex diuturna vacatione grave damnum sustinerent.

IV. Porro Coadjutor Episcopi cum futura successione, non potest ab alio, quàm à Papa provideri. Quin etiam in hoc Regno consensus Regis requiritur, propter jus quod habet nominationis ad Episcopatus Regni.

V. Episcoporum potestatis simul & officii est provisio Coadjutoris Parochorum, & Archidiaconorum jurisdictionem habentium, aliorumque Rectorum, quibus cura incumbit animarum, qui sunt à suo ministerio impediti: eoque casu potest Episcopus congruam assignare pensionem ad victum Coadjutoris à se provisum, cap. *De Rectoribus*, & cap. fin. de Cler. ægor. & cap. unico, in fin. eod. tit. in 6. Sed Episcopo similiter impedito non potest ab alio, quàm à Summo Pontifice attribui Coadjutor, ut dictum est, eique similiter attribuenda est pars de proventibus Episcopatus, d. cap. unico. Justum quippe est, ut illi consequantur stipendium, qui pro tempore suum reperiuntur commodare obsequium, can. *Charitatem*, 12. quæst. 2.



* C A P U T XVII.

De Vicariis in Gallia foraneis.

I.  RANCIGENÆ tam Laici quàm Clerici, dum intra Regnum versantur, minimè compelli possunt ad hoc ut extra Regnum litigent: id verò præsertim jus viget in Ecclesiasticis personis; hæc siquidem proprios & determinatos habere Judices intra Regnum debent. Et quidem antiquus & celeberrimus Præsul Gallicanus Hildebertus, primùm Cenomanensis Episcopus, deinde Turo-nensium Archiepiscopus, epist. 82. ad Honorium II. Romanum Pontificem, graviter expostulat quantam morum in Clero depravationem invehat facilius, ad quam recurrere solent scandalosi omnes & incorrigibiles Clerici quoties à propriis Ordinariis intra limites officii cœrentur. Ex quo etiam innasci necesse est ipsis Antistitibus pusillanimitatem & metum in perversis Clericis reprimendis & castigandis, à quibus nihil expectant præter odia, detractiones, calumniosas querimonias, & pecuniaria dispendia in sui apud Romanam Sedem defensione. Sic enim (ut alia exempla sileam) Apiarius Sacerdos Africanus admodum pervicax & flagitiosus, dum suam excommunicationem ab Urbano Episcopo Siccensi iusta de causa illatam, rescindi à Romano Pontifice, ad quem provocarat, saragit, tantopere suis fraudibus & calumniis adversus Urbanum laudabilem Episcopum, Summum Pontificem concitavit, ut nationali totius Africæ Synodo mandaverit Urbanum ab Episcopatu dimoveri, vel excommunicari; cui tamen perspecta erat virtus Urbani & sanctimonia, sicut & imprudens Apiarii perversitas. Similes etiam querimonias sanctus Bernardus Clarevallensis Abbas passim iterat scribens ad Romanam Curiam & Summos ejus ætatis Pontifices, nullatenus sacræ & universalis potestatis plenitudini obstitens, sed sapienter adthonsens de abusibus iniquorum appellantium, & indiscreta Curie credulitate. Deinde in Pragmatica Sanctione, tit. *De causis*, in princ. tandemque in Concordatis Bononiensibus inter Leonem X. Papam, & Franciscum I. Galliarum Regem initis traditum est, personas Ecclesiasticas Regni à nemine posse extra Regnum in jus vocari.

II. Atque idèò quando interjicitur appellatio à sententia Officialis Gallicani, qui subest extraneo Metropolitæ, si Partes non conveniant de subeundo in partibus Regni Ecclesiastico Judice, à quo lis dirimatur, solent Curie Regni intra terminos proprii territorii Partes ad alterum Metropolitanum remittere, coram quo experiantur ut litigent. Id factum fuit

fuit à Senatu Parisiensi in appellatione mota de sententia Officialis Barrensis Gallicani, qui subest Trevirensi Archiepiscopo Germano. Ita iudicatum die 15. Aprilis, anno 1614. ut refert Brodeus ad Louetum lit. D, tit. 49. Qui ambo tradunt ex usu Gallicano creditores Gallicanos nullatenus teneri bona immobilia debitorum sita extra Regni fines discutere. Quinetiam Bonifacius Papa I. susceptis gravium criminum accusationibus à Valentini Gallicanæ civitatis Clero & Populo adversus Maximum ejusdem civitatis Episcopum, scripsit anno 419. ad Galliarum Episcopos, ut Synodum intra Galliam cogrent, in qua de Maximi accusationibus cognoscere. Hujus epistolæ meminere Anselmus, Burchardus, Ivo Carnotensis, & Gratianus cap. *Decernimus*, 3. quæst. 9.

III. Ad hæc Senatus Parisiensis tutelam gerens privilegiorum Galliar, sancivit Martii 9. anno 1619. ne Generales Ordinum Regularium extra Regnum degentes Francigenas Regulares ad se citent, edixitque ab ipsis providendos esse intra Regnum Vicarios qui de causis Monachorum cognoscant & judicent. Brodeus apud Louetum lit. D, cap. 49.

IV. Et in universum consuetudo invaluit, ut Episcopi extra regnum degentes constituent circa subjectas sibi in Regno litas Ecclesias Vicarios foraneos regnicolas, ad quos Clerici Regni conveniant, ipsique Laici & Clerici in cunctis jurisdictionis Ecclesiasticæ causis disceptandis. Id verò observari perspicuum est in locis Venaissino Comitatu convicinis.

V. Quæsitum est, utrum necesse sit ab hisce Vicariis delegatis sumere provisiones beneficiarias, aut ipsis exhibere Signaturas Apostolicasque literas, ab iisdem assumere capacitatis Clericorum examina, aliosve processus & decreta sumendæ possessionis. Verum has praxes nullatenus agnovimus, saltem ubi Episcopus non est in remotis, & facilis ad eum patet accessus. Si tamen ille in his suum recusaret ministerium, tunc jure adiri posset Vicarius foraneus; ad hoc enim constituitur ut vices Episcopi non regnicolæ gerat. Ipsius tamen primarium officium versatur in litibus contentiosis, circa quas necesse est servari leges Regni, & non exterarum ditionum.]



CAPUT XVIII.

De Parochis.



SCIENDUM primò, quid sit Parochia. Est nimirum Ecclesia ad quam convenit Populus ad recipienda Sacramenta & audienda Sacra diebus festis; (quod intellige ex officio & primitiva institutione; cæteræ namque Ecclesiæ sunt posterioris subsidiariæ institutionis:) & in qua primitus constitutæ sunt sepulturae, &

& obligatio prædicandi verbum Dei, & docendi rudimenta Fidei, Clementina unica de Baptismo & ejus effect. cap. *Omnis utriusque sexus*, de pœnit. & remiss. cap. *Capellanus*, de feriis : & cui ex communi jure Decimæ debentur, cap. *Quoniam*, & cap. *Parochianos*, & cap. *Cum contingat*, de decimis. Consentiant Doctores, non dici Ecclesiam Parochialem hoc solo, quòd sit in ea fons Baptifimalis, sed ad minus tria simul requiri, Fontem Baptifimalem, Jura Sepulturæ, & Curam fori Pœnitentialis & Sacramentorum.

I. Jus commune exigit ut unius Parochialis Ecclesiæ unus sit Parochus titularis, can. *Sicut*, 21. quæst. 2. quia ut ibi dicitur, unius Ecclesiæ, debet unus esse sponsus. Reliqui verò Sacerdotes asciscuntur ut coadjutores. Rebuffus in praxi, tit. de non promot. intra ann. num. 69. Zerola 1. p. verb. *Parochus*.

III. Jure pariter communi debet esse Parochus stabilis ad vitam, & non amovibilis aut locatarius, quia Matrimonium spirituale, sicut & carnale, debet esse ad vitam & indissolubile. Quod ergo requiritur in Episcopo ut sit unicus, & non plures, & ad vitam, non verò ad certum tempus; exigitur quoque pari ratione in Parocho, cui sua desponsatur Ecclesia. Ideoque sic statuit canon *Præcipimus*, 21. quæst. 2. *Præcipimus, ne conductis Presbyteris Ecclesia committantur, & ut unaquaque Ecclesia, cui facultas suppetit, proprium habeat Sacerdotem*. Et cap. *Veniens*, de fil. Presbyt. Alexander Papa III. mandat Londonensi Episcopo, ut restituat Sacerdoti Ecclesiam, ad quam illum ordinaverat, & ex qua postmodum illum expulerat sine ejus culpa, licet ob quandam defectum non debuisset ab initio illi Ecclesiæ præfici. Et desumptus ex S. Gregorio Pontifice canon *Satis perversum*, dist. 56. *Satis perversum* (inquit) *& contra Ecclesiasticam probatur esse censuram, ut frustra pro quorundam voluntatibus quis privetur, quem sua culpa vel facinus ab officii, quo surgitur, gradu non dejicit*. Atque ista est mens Concilii Tridentini sess. 21. cap. 6. prohibentis removeri Parochos ob eorum imperitiam, si aliqui honeste vivant; sed jubentis ut eis Coadjutores, & Vicarii deputentur. His suffragatur Gallicana Constitutio Ludovici XIII. anni 1629. art. 12. jubentis ut Parochiarum aliis Ecclesiis unitarum Rectores titulum habeant Vicariatus perpetui. Hoc viguit institutum ab exordiis Ecclesiæ: prohibent enim Canones Apostolorum 16. & 17. & Nicæni Concilii canon 15. & Chalcedonenfis canon 6. & Arelatenfis I. canon 21. Sacerdotes ab una Ecclesia in aliam commigrare. Eodem spectant canon *Non oportet Episcopum*, 7. quæst. 1. & canon *Neminem absolvet*, dist. 7. ut observavi in nostra Notitia Conciliorum.

IV. Ut animarum curæ præstentur, quàm maxime fieri potest, idonei Pastores, providit Concilium Trident. sess. 24. cap. 18. de reform. ut cum Parochialis Ecclesiæ vacatio contingerit, statim ac Ordinarius notitiam vacationis habuerit, Vicarium seu Oeconomum cum congrua ejus arbitrio

arbitrio fructuum portionis assignatione constituat, qui onera ipsius Ecclesie sustineat, donec de Rectore provisum fuerit. Idemque Ordinarius Edictum publicum ad valvas Ecclesie Cathedralis ac Parochialis vacantis intra triduum affigat, quo vocentur omnes qui examinari vellent, transacto constituto tempore; atque omnes qui ad concursum venerint, praestituto die se sistant coram Ordinario, & Examinatoribus in Synodo constitutis, non paucioribus quam tribus: & qui Examinatorum judicio magis idoneus reperietur, Ecclesie vacanti praeficiatur. Caveant autem concurrentes, ne quidquam prorsus hujus occasione, sive ante, sive postea Examinatoribus dent, neque isti accipiant, alioqui simoniz vitium utrique incurrunt, à quo non absolventur nisi dimissis Beneficiis quae antè habebant, & fiunt inhabiles ad futura. Ita Concilium loc. cit. §. *Caveant*.

V. Ista verò servari debent non tantum in vacatione per obitum, sed etiam per resignationem. Concilium enim utitur verbo generali *Vacationis*, & urget eadem utrobique ratio salutis animarum. Quae verò sit resignatio in manibus Ordinarii, non potest esse in favorem certae personae. Sed si contingat resignari in manibus Papae, aut si aliter Papa de certa persona providerit, eo casu cum cesserit libertas ad concursum, sufficiet si factò debito examine Clericus ita provisus judicetur idoneus, ut fuisset à Sacra Congregatione Romae declaratum testificatur Zerola in *praxi*, s. p. verb. *Parochia*, vers. *Sextum dubium*.

VI. Officium Parochi ad omnia extenditur, quae animarum sibi subditarum salutem, & Ecclesie sibi commissae ministerium & decorem spectant. Debet itaque singulis saltem diebus Dominicis praedicare ad populum de rebus Fidem, & morum integritatem, & pietatis officia concernentibus. Item pueros & rudiores personas Fidei rudimentis informare. Item Sacramentorum usum, dies Festos, & indicta jejunia exponere. Pauperum etiam, & orphanorum, aliarumque miserabilium personarum curam paternam gerere: Omnibus vitae, bonorumque operum exemplo praelucere: Vicia publica & privata, praesertim blasphemias, concubinatus, & usuras prudenter corrigere: Festorum quoque violationes inhibere, lites componere, odia conciliare. Eos etiam qui in Paschate non communicant observare, & admonere. Numerum animarum Parochiae habere descriptum, pro quibus Deo rationem est redditurus. Libros insuper habere, unum quidem Baptismorum cum expressione diei suscepti Baptismi, & parentum, & patrinorum: alterum Confirmatorum: tertium Matrimoniorum: quartum Mortuorum in sua Parochia. Magnam quoque sollicitudinem gerat aegrotantium & morti proximorum. Statuta Synodalia, & visitationum Decreta diligenter observet.

VII. Potest Parochus secundum aliquos Auctores, extra Dioecesim ubique gentium audire confessionem sui parochiani, eumque absolvere,

L non

non habita Ordinarii loci approbatione. Sylvester verb. *Confessor* 1. num. 12. Armilla verb. *Confessio*, num. 34. Geminianus in cap. 2. §. *Statuto*, num. 58. de Constitut. in 6. Ancharanus in cap. *Ea quæ*, num. 2. de regul. jur. in 6. alique communiter.

VIII. Oblationes quæ sunt in Ecclesia Parochiali acquiruntur Parocho: Sylvester verb. *Decima*, Angelus verb. *Ecclesia*, Abbas in cap. *Nimis*, num. 3. de excess. Prælat. & in cap. *Pastoralis*, num. 2. de his quæ sunt à Prælat. Edictum Blesense art. 51. & Edictum Melodunense anni 1580. art. 27. oblationum jura omnia Parochis Gallicanis attribuunt. Distinguendum tamen cum Laurentio Bochello in annot. ad Collationes Regiarum Constitutionum, lib. 1. tit. 6. sub finem: Oblationum enim quædam offeruntur super Altari, aut dantur in Offertorio ad Missarum solennia; & Regni consuetudo has omnes Parocho assignat. Aliæ oblationes parietibus Ecclesiæ appenduntur, aut in capfas, vel in discos extra Missarum solennia immittuntur; & istiusmodi Ecclesiæ reparationi & cultui addici solent, teste ibidem Bochello. His suffragatur Zerola part. 1. verb. *Parochia*: & part. 2. verb. *Oblationes*. Idemque utrobique dicit, oblationes, quæ in aliis Ecclesiis non Parochialibus apponuntur, pertinere ad earum Rectores.

IX. Decimæ ex novalibus nunc primùm debite pertinent ad Parochum, ejusque redditibus accrescunt, ut docet Bohellus in Summa Beneficiorum, verb. *Difines*, cap. 3. refertque pleraque Curiarum Regni judicia hoc jus Parochorum confirmantia, & ita passim servari perspicimus. Dicitur autem Novale in Jure Canonico, ager de novo ad culturam redactus, de quo non erat memoria quod aliquando cultus fuisset, cap. *Quid per novale*, de verb. signif. Si tamen antequam ager coleretur, jam erat decimis obnoxius, tunc nihil Parocho acquiritur præter actionem quæ potest ei competere adversus Rectorem seu Præbendam ad augmentum congruæ portionis, si occasione novæ culturæ onera Parochi accrescant, ut ibidem dicit Bohellus. Quinimò non sola Gallicana consuetudo, sed Jus ipsum commune hoc idem statuit in novalibus in gratiam Parochorum, cap. *Cum contingat*, de decimis. Ad hoc enim institutæ sunt decimæ, ut sint in stipendium laboris & ministerii Ecclesiastici, dicente Apostolo: *Si nos vobis spiritualia seminavimus, magnum est si carnalia vestra metamus?* 1. Cor. 9. vers. 11.

X. Notanda est Ludovici XIII. Constitutio anni 1629. art. 12. sic edicens: *Les Cures qui sont à présent unies aux Abbayes, Prieurez, Eglises Cathedrales ou Collegiales, seront dorénavant tenues à part en titre de Vicariats perpetuels, sans qu'à l'avenir lesdites Eglises puissent prendre sur icelles Cures autres droits qu'honoraires, tout le revenu demeurant au Titulaire, si mieux lesdites Eglises & autres Benefices dont dépendent lesdites Cures, n'aiment fournir ausdits Curez la somme de trois cents livres par an.* Hic tria præsertim observa:

observa : primum debere Parochios esse stabiles & confirmatos ad vitam. Præterea congruam eorum portionem annuatim tribuendam esse librarum trecentarum, præter oblationes & casualia stipendia. Denique Ecclesiis quibus unitæ sunt Parochiæ, deberi in Ecclesia Parochiali jura honoraria, quæ Rex idem in tribus consistere postea declaravit : in primis, ut Ecclesiæ illæ principales, quibus unitæ fuerint Parochiales Ecclesiæ, habeant nomen Curæ Primitivæ : secundò ut habeant jus præsentandi quem libuerit ad illas vacantes Curas : tertio demum, ut præfatæ Ecclesiæ possint intra Parochialem Ecclesiam Missarum solennia celebrare quatuor præcipuis Festis anni, & die Patroni ejusdem Ecclesiæ Parochialis. Hæc legitur Constitutio in tomo 3. Actuum Cleri Gallicani.

XI. Cavetur per Concordatum Bononiense inter Leonem Papam & Franciscum Regem, & deinde per Edictum Henrici II. mensis Martii anni 1551. ne quis intra urbes, & oppida murata Parochus constituatur, nisi in Theologia, vel sacris Canonibus sit Graduatus.



CAPUT XIX.

Ecclesiæ & Clericorum immunitates quedam, & jura recensentur.

I. IMMUNITATUM Ecclesiæ, & Cleri, quedam sunt Divini, quedam humani Juris. Quæ Divini Juris sunt, immutabiles sunt & indispensabiles, neque ullis hominum contrariis usibus, aut præscriptionibus temporum convelli, aut labefactari possunt. Quæ verò sunt humani Juris, aut merè Ecclesiastici, possunt in contrarium longi temporis præscriptione diminui, vel aboleri. Sed quandiu usu vigent, nec prævaluit opposita legitimi temporis consuetudo, nemo potest his privilegiis derogare citra gravem Dei offensam, suæque animæ perniciem. Istud quod dixi, commune est cum omnibus quorumcunque hominum juribus merè civilibus, quorum possessio durat, ut non sine injustitia, & gravi peccato aliquis ea infringat, etiamsi aliqui possint deum per non usum deperdi. Sed in Ecclesiæ privilegiis, quæ non divinum, sed humanum Jus introduxit, si quis illa nondum longâ temporis præscriptione abolita convellere aut violare intendat, tantò gravius adversum se judicium Dei provocat, quantò gravior est injustitia, quæ privilegio conjuncta est. Ex præmissa distinctione jus elucescit, adeò ut qui de his Ecclesiasticis immunitatibus disceptantes non discernunt

L 2 quæ

quæ sunt Divini, & quæ humani Juris; atque in his ipsis Juribus humanæ atque mutationi obnoxie institutionis non discernunt inter ea quæ adhuc usu vigent, & ea quæ contrariâ consuetudine profus antiquata & abolita fuerunt, omnia confundant, & Andabatarum more cæcutescentes suos in aëre gladios ventilent necesse sit.

II. Porro extra omnem dubitationis aleam hoc statuendum est, Ecclesiæ potestatem & auctoritatem circa illa omnia, quæ ad Dei cultum, Cleri disciplinam, rerum Fidei definitionem, morum ad Evangelii Christi præscripta doctrinam, ad prædicandum verbum Dei missionem, Animarum internam & externam præfecturam, Beneficiorum & Ecclesiastici ministerii provisionem, & Sacramentorum administrationem spectant, oriri penitus à divina institutione; atque in istis habere Ecclesiam immediatè à Deo ipso jurisdictionem internam & externam, directivam & coercitivam, utpote necessariam ad sacri regiminis, quod ei Deus contulit, executionem. Cui enim data est jurisdictio, illa quoque concessa videntur, sine quibus jurisdictio explicari non potest, l. *Cui jurisdictio*, D. de jurisdict. omn. judic. & cap. *Præterea*, de offic. Jud. deleg. Et utrius non potest nisi ad externum, & contradictorium, simulque coercitivum judicium pertinere istud, quod Apostolus Timotheo Episcopo præscribit 1. *Timoth. 5. Accusationem adversus Presbyterum noli recipere, nisi sub duobus aut tribus testibus*. Hujus sacræ potestatis originem ad unum Deum referunt Divinæ Scripturæ: Christus enim gregem suum, quo Fideles universi, & Ecclesiastici, & cujuscunque status Laici comprehenduntur, cum omnes se Christi oviculas esse glorientur, pascendum & regendum in spiritualibus Petro tradidit, Joan. 21. *Pasce agnos meos, pasce oves meas*. Ipse verò Petrus hac Supremi Pastoris accepta divinitus potestate, minoribus, sibi que subjectis Pastoribus præcipit, 1. *Petri 5. Pascite qui in vobis est gregem Dei*. Et sacri Apostolatus confors Paulus Pastorum Ecclesiæ munus non aliò refert, quàm ad Spiritum Sanctum, quem Deum esse constat: sic enim illos admonet Act. 20. *Attendite vobis & universo gregi, in quo vos Spiritus Sanctus posuit Episcopos regere Ecclesiam Dei, quam acquisivistis sanguine suo*. Munus igitur Episcopis injunctum, non ab hominibus, sed à Deo ipso, versatur in eo ut regant Ecclesiam Dei. Munus verò reliquis omnibus sine ulla exceptione Fidelibus, sive publicam, sive privatam personam gerant, demandatum ab ipso Deo, istud est, ut Sacros Pastores venerentur, eisque in spiritualibus subiciantur & obtemperent: quod idem attingit Apostolus Hebr. 13. *Obedite Præpositis vestris, & subjacete eis; ipsi enim pervigilant quasi rationem pro animabus vestris reddituri*. Hæc sunt indubitata Dei præcepta, & incommutabilia, planèque indispensabilia instituta, quibus nulla possit aut hominum temeritas, aut temporum diuturnitas derogare.

III. Hac fretus fiducia Sanctus Gregorius Nazianzenus orat. 17. ad cives

cives timore perculsos, ita Præfectum præsentem alloquitur : *Et tu quoque nra es gregis mei ovicula, mea potestas, meoque tribunali ex ipsius Christi mandato subjecta : mea verò judiciaria potestas eo præstantior est illà potestate quam geris, quo spiritus carni, & cælum terræ præminet.*

IV. Præter jura & immunitates Ecclesiæ, quæ sunt divinæ, atque aded immutabilis institutionis, alia quædam sunt, de quibus disceptatur inter Catholicos ipsos, an sint immediate à Deo, an verò ab Ecclesiæ Canonibus, aut à Principum sæculi Constitutionibus ab eorum pietate & liberalitate profectis. Hujusmodi censentur immunitates bonorum Ecclesiæ temporalium, necnon Clericorum exemptiones & privilegia in causis eorum merè realibus & temporalibus. Si enim hæc sint divinæ institutionis, nefas erit eadem violari vel immutari : sed si sint à Jure tantum humano & positivo exorta, poterit saltem diutina consuetudo his derogare, cum ipsa valeat etiam Generalium Conciliorum Canones Ecclesiasticos, sed non Divinos rescindere. Bonifacius Papa VIII. cap. *Quoniam*, de censib. in 6. allerit, *Ecclesiam & Clericos esse unà cum rebus suis Jure Divino à Secularium oneribus & exactionibus exemptos.* Plerique tamen graves Doctores istud negant. Sanctus Ambrosius orat. de tradendis Basilicis, sic ait : *Si tributum pe sit, tributum non negatur ; agri enim Ecclesiæ tributum solvunt.* Valentinianus etiam senior in epist. ad Episcopos Asiæ, apud Theodoretum lib. 4. hist. Eccles. cap. 7. dicit, *Pios & Religiosos Episcopos tributa Regibus pondere.* Et Urbanus Papa can. *Tributum*, 23. quæst. 8. *Tributum*, inquit, *in ore piscis piscante Petro inventum est, quia de exterioribus suis Ecclesiæ tributum reddit.* Sanctus præterea Chrysostomus ad locum illum Rom. 13. *Omnia anima Potestatibus subdita sūt, ideò enim & tributa præstatis ;* scribit obedientiam istam injungi quoque Prædicatoribus Evangelicis, & Prophetis, & Sacerdotibus, & Monachis. Divus etiam Thomas in eundem Pauli locum eadem edocet, necnon Innocentius Papa IV. in cap. 2. de majorit. & obed. Joannes Medina tract. de restitution. quæst. 15. Cardinalis etiam Bellarminus tom. 1. de Clericis, lib. 1. cap. 28. & Covarruvias præct. quæst. cap. 31. qui & hoc addit num. 5. sustineri posse Galliarum usum, quo Clerici in causis non quidem personalibus, sed realibus conveniri solent coram sæculari Judice, tametsi in aliis Catholicis Provinciis, atque aded in Hispania, ubi scribebat, contrarius sit usus.

V. Nihilominus edicit lex *Placet*, C. de sacros. Eccles. *Prædia Ecclesiarum libera esse ab omnibus, & sordidis, & extraordinariis prestationibus, solisque subjecti oneribus ordinariis.* Hanc subsequenti legem Canones Sacri prohibent etiam sub excommunicationis pœna. privatis personis, sub interdicto autem Communitatibus quibuscunque, tributa & onera personis Clericorum aut Ecclesiæ rebus imponi, can. *Benè quidem*, dist. 96. cap. *Ecclesiæ*, de constitution. cap. *Adversus*, de immunit. Eccles. cap. *Noverim*, de sent. excom. cap. *Quoniam*, de censib. in 6. Legitur in Exodo, terras

Sacerdotum Aegypti fuisse liberas & immunes, eamque immunitatem eis fuisse à Patriarcha Joseph conservatam, etiamsi Aegyptiorum superstitiones abhorreret. Si tamen res Clericorum aut Ecclesiae negotiandi causâ transferantur, subijciuntur tributorum oneribus, d. cap. *Quaquam*. Exceptâ verò negotiatione non tenentur Clerici vectigalia pendere de frumento, vino, oleo, ceterisque fructibus ex suarum Præbendarum fundis ac prædiis. Abbas in cap. *Non minus*, de immunit. Eccles. Baldus in l. *Placet*, C. de sacros. Eccles.

VI. Sanè quocunque titulo fundus aliquis de manu laïca in Ecclesiae dominium transferatur, per hoc tamen non eximitur à servitutibus & oneribus quibus antè erat obnoxius. Quælibet enim res ad quemcunque transferatur, semper cum suo transit onere, can. *Si quis laicus*, 16. quæst. 1. cap. *Pastoralis*, de decimis, cap. *Ex literis*, in fin. de pignor. & l. *Alienatio*, D. de contrah. empt. Tum etiam, quia nemo plus juris in alium transferre potest, quam ipse habeat, l. *Nemo plus juris*, D. de regul. jur.

VII. Præterea patrimonium, ad cuius titulum aliquis Sacros Ordines suscepit, non potitur privilegio aut exemptionibus rerum Ecclesiae: non enim per hoc erigitur in Ecclesiasticum Beneficium, neque amittit pristinam rei merè temporalis conditionem, transitque cum reliquis profanis bonis ad hæredes. Præterea si quid ex taliter affecto patrimonio alienatur, non requiruntur conditiones quas jus requirit ad bonorum Ecclesiae alienationem, quarum defectu irrita sit alienatio. Covarruvias lib. 1. variar. resolut. num. 4. Præterea Glossâ 2. communiter recepta in Clement. 1. de in integr. restit. & Speculator tit. de in integr. restitut. §. *Qualiter*, vers. *Sed nunquid*, affirmant restitutionem in integrum competentem Ecclesiis quasi jure minorum, nequaquam attribui Clericis ratione patrimonii, nisi ipsi reipsa sint minores: atque res Clericorum patrimoniales eodem usucapi tempore, quo usucapiuntur res laïcorum.

VIII. Onerum quidem alia realia, alia personalia censentur: & à reallibus quidem oneribus Clericos ostendimus exemptos: nec minùs, immò multò magis à personalibus immunes sunt ipso jure, quæ à laïcis imponuntur. Personalita dicuntur onera, quæ animi provisione & corporali labore absolvuntur, ut ait lex ultima, §. 1. D. de munerib. & honor. Et ne quidem ad ea Clerici tenentur, quæ nullatenus sordida, sed honesta sunt, ut sunt publici Magistratus, seculares Administrationes, Legationes, curæ, tutelæ, can. *Generaliter*, 16. quæst. 1. nisi fortè sponte recipere Clericus velit legitimam tutelam, can. *Pervenit*, 86. dist. Eximuntur etiam Clerici ab obligatione militiæ quantumvis justæ, in qua etiam incurrerent irregularitatem, si fortè occiderent vel mutilarent, cap. *Præsentium*, de Cler. percuss. Possunt nihilominus in casu necessitatis obligari ad excubias & murorum custodiam, cap. *Pervenit*, de immunit. Eccles.

IX. Neque adigi possunt Clerici ad contribuendum pro murorum publicorum

publicorum reparatione, aut pro munimine Civitatis, aut Castri: neque cogi possunt ad recipiendos milites hospitio. Innocentius IV. in cap. 1. de immunit. Eccles. Abbas ibid. num. 1. Quin etiam famuli & coloni Clericorum eadem gaudent immunitate intra Clericorum aedes à se habitatas, can. *Generaliter*, 16. quæst. 1.

X. Si tamen Clericus, Ecclesia, aut Monasterium feudum obtinerent à laico, tenerentur ad onera omnia feudo imposita, & ad ea præstanda cogi à Domino feudi possent. Innocentius in cap. *Verum*, de foro compet. Adco ut Papa leges clausuræ monasticæ præscribens cap. 1. de stat. Regul. in 6. statuatur nihilominus, ut Abbatissa vel Priorissa cujusvis Monasterii, si ab aliquo Principe, vel Domino temporali requiratur ad præstandum per seipsam, & non per procuratorem homagium, seu fidelitatis sacramentum ratione feudi à Monasterio possessi, ipsa de Monasterio honestè comitata egredi possit ad præstandum subjectionis & fidelitatis sacramentum: quo præstito, debet sine mora ad Monasterium reverti.

XI. Jam verò hæcenus exploratis Clericorum privilegiis ex Jure communi, progredior ad eadem commemoranda ex Regum Galliarum Constitutionibus. Sed in primis est præmonendum, ut quis in Gallia Clericus his fruatur privilegiis, non satis esse si Tonfurâ sit insignitus, geratque habitum Clericale, quæ duo simul aliis in regionibus Catholicis sufficiunt; sed amplius requiri in hoc Regno, ut Clericus vel Beneficiarius Ecclesiasticum habeat, vel ut sacro sit Ordine insignitus, saltem Subdiaconatu, vel ut reipsa alicujus Ecclesiæ ministerio sit addictus, aut actu, & citra fraudem sit præstimonialis, atque in publico studeat Collegio, vel Communitati Ecclesiasticæ sit adscriptus: id enim multis Edictis statutum fuit Caroli IX. in Edicto Parisiensi, artic. 21. anno 1563. mense Januario; & Moliniis mense Febuario anni 1566. artic. 21. rursûmque Parisiis mense Julio ejusdem anni, art. 8.

XII. Atque in primis, quoad ipsorum Clericorum personales exemptiones, Carolus idem IX. in Comitibus Aurelianensibus, art. 28. & Henricus III. in Comitibus Blesensibus, art. 57. idemque in Edicto Parisiensi mensis Julii anni 1576. edixerunt non posse Clericum ullum Sacris initiatum addici carceri propter nomina seu debita pecuniaria, ne quidem propter jura fiscalia. Quin etiam addunt, non posse capi & oppignerari pro debitis pecuniariis vestes ipsorum, neque libros, neque mobilia illa bona, quæ vel Divinis Ministeriis, vel eorundem usibus domesticis & necessariis sunt destinata. Ab oneribus præterea personalibus, tam privatis, quàm publicis, quæ ab Officialibus seu Magistratibus laicis imponi solent, ut sunt sequestrationes, tutelæ, curæ, publica officia, & alia id genus, eximuntur in hoc Regno Clerici, non solum ex Jure communi, ut jam vidimus, sed etiam ex jure & consuetudine Regni.

XIII. De ordine autem sessionis, præfessio debetur Vicario Generali Episcopi

Episcopi supra quoscunque Judices subalternos, quoties simul juridicè procedunt, sicut ordinavit Ludovicus XIII. in suo sacratore sedens Consilio, die Novembris 27. anno 1642. ubi adjudicavit Vicario Generali Remensi præsentiam supra Juridicum Prætozem ejusdem Civitatis, quem vocant Locumtenentem Generalem, in Conveniibus concernentibus Hospitalium administrationem, aut redditiones rationum piarum causarum, & juramenti circa hæc receptionem.

XIV. Pertinet verò ad Jus Divinum prorsus indispensabile Caroli IX. Constitutio anni 1571. in Senatu Parisiensi verificata & recepta die 10. Augusti anni ejusdem, sic jubens art. 11. *Non poterunt Ballivi, & Senescalli, alivæ Judices, neque nostra Parlamentorum Curia Prelatos & Beneficiorum collatores compellere ad conferenda aliqua Beneficia Parribus præsententibus: sed eas remittent ad alios Superiores Prelatos, ut super inferioris Prelati recusatione secundum jura provideant.* Hoc idem edixere Henricus III. Constitutionum Blesensium art. 64. & Ludovicus XIII. Constitutione anni 1629. artic. 22. Cùmque attentasset Rhotomagensè Parlamentum diem dicere Sagienti Episcopo, ut causas allegaret suæ recusationis circa petitam Præbendæ collationem, Rex in secretiore Consilio hanc assignationem Juri contrariam judicavit, Episcopumque ab ea relevavit; prohibuit etiam Parlamento simile quidquam posthac decernere, salvo tamen jure Paris ad Superiorem Prælatum provocandi. Regium hoc Decretum est anni 1630. die Julii 30. Edicta etiam Regum Franciæ in Codice Henrico, & in Collationibus lib. 1. necnon in Compilatione Constitutionum Regiarum per Guenodium & Thevenum, tit. de Xenodochiis, artic. 9. præsentiam requirunt Episcopi, aut ejus Vicarii, quemadmodum etiam Regii Officialis & Consulatus loci, in ratiociniis pecuniæ per Administratores Xenodochiorum, & Nosocomiorum faciendis: idque edixit Carolus IX. ad Fontenbellaqueum anno 1561. art. 6.

XV. Causæ Fidei in Gallia perinde ac in reliquis Catholicis regionibus sunt Ecclesiastici fori, & agitandas esse coram Ordinario edixerunt publicis Constitutionibus Franciscus I. Henricus II. & Carolus IX. relatis in Codice Henrico, & in Collatione Regiarum Constitutionum, Causæ pariter Matrimoniorum, circa eorum validitatem, aut nullitatem, solis attribuuntur Judicibus Ecclesiasticis, juxta Edictum Henrici IV. artic. 12. anni 1606. Judices quoque Ecclesiastici, non solum de fœdere connubii, sed etiam de sponsalibus, ac promissionibus futuri Matrimonii, ut præambulis ad hoc Sacramentum, cognoscunt & judicant in hoc Regno, ut scribunt Gallicani Jurisconsulti Bacquet *des Justices*, chap. 21. nombre 331. Pastor de jurisdictione Eccles. cap. 13. num. 7. proptertque Senatusconsulta per quæ talium promissionum causæ ad Episcopos remissæ sunt.

XVI. Edicto insuper Francisci I. anni 1539. confirmatur Ecclesiæ Gallicanæ

Gallicanæ jurisdictio circa Divinorum Sacramentorum causas inter quælibet etiam laicas personas. Eadem quoque ibidem jurisdictio allèritur Ecclesiæ in causis Clericorum personalibus. Laurentius Bochellus in Summa Benefic. verb. *Justitia Ecclesiastica*, in fin. docet duas esse regulas & Gallicani Fori axiomata indubitata. In primis, causas tum Decimarum Ecclesiasticarum, tum etiam Matrimoniorum pertinere ad Ecclesiæ Regni Forum. Secundò, causas criminum hæresis & Simonix etiam contra laicos reos agitandas esse coram Judicibus Ecclesiasticis : additque ita fuisse publicè in Parlamento Parisiensi declaratum præsidente Thuano, postulante Regio Advocato Dumesnil, die 29. Decembris 1562. Decimarum quidem causas attribuit Ecclesiæ Gallicanæ Foro Constitutio Philippi IV. anni 1302. & Faber C. de jurisdict. omn. judic. defin. 49. Apud Annæum Robertum lib. 3. rerum judicat. cap. 5. & lib. 4. cap. 10. referuntur Parisiensia Senatusconsulta, quæ partes litigantes tum circa sponsalia, seu sponsonem futuri matrimonii, tum circa judicium & cognitionem impotentix ad contractum matrimonium, remittunt ad Ordinarium : quem tamen excludunt à cognitione, & judicio de damnis, & eo quod interest, utpote spectantibus ad solum laicum Tribunal, tamen emergant occasione Matrimoniorum.

XVII. Quod demùm attinet ad realium munerum ac onerum exemptionem, Carolus IX. edixit Parisiis, mense Junio, anno 1568. esse immunes Clericos circa prædia, & proventus suarum Ecclesiarum, & Præbendarum, ab omnibus præstationibus publicis, ac vectigalibus, neque his astringi nisi in suis patrimonialibus bonis. Idemque altero Parisiensi Edicto mensis Novembris anni ejusdem sæculi septuagesimisecondi, & altero insequentis anni mensis Maii, ad Nemus Vincennarum : deinde Henricus III. Avenione, anno septuagesimoquarto, mense Decembri ; & idem in Comitibus Blesensibus, artic. 58. idemque postea Parisiis mense Januario, anno 1580. artic. 19. statuunt Clericos in suorum Beneficiorum fructibus, & prædiis liberos esse ab omnibus pecuniariis contributionibus, & à Gubernatorum & militum hospitiiis, & ab expensis & sumptibus præsidiorum militarium, munitionum, fortificationum, annonarum militarium, armorum, equorum ; itemque ab excubiis & custodiis, etiam si mandatis Regiis aut inferiorum Potestatum declararetur comprehendi cunctas exemptas & privilegiatas personas. Admonet nihilominus Charondas multis Senatusconsultis constitutum fuisse, non esse Clericos, tam regulares quàm seculares à custodia portarum & urbium excubiis immunes tempore belli ; quia tunc agitur de communi conservatione etiam Ecclesiarum, & Clericorum, & facultatum ac rerum ad eos, easque pertinentium, urgetque periculum si minuantur excubiæ : præsertim cum Pontifex ipse declaret, non esse immunes ab excubiis Clericos tempore belli, cap. *Pervenit*, de immunit. Eccles. Ita Charondas ad Codicis Henrici lib. 1. tit. 18. art. 4.

M

XVIII.

XVIII. Henricus III. Bleſis, menſe Martio, anno ſupra milleſimum quingentefimo ſeptuageſimoſeptimo, aſſum̃i declarat in ſuam protectionem Regiam omnes & ſingulos Eccleſiaſticos Regni, eorumque domos, prædia, opes ab eorum Beneficiis dependentes; ſeqũe eos eximere ab omnibus bellicis contributionibus, & militum hoſpitiis: & Clericis permitti, ut apponant in ſuis ædibus, terris, & villis Inſignia Regia ad ſalvanguardiam. Quam rem Carolus IX. pariter edixerat artic. 15. Conſtitutionis Pariliſ editæ die 16. Aprilis, anno ejus ſæculi ſeptuageſimoprimo.

XIX. Suam verò beneficentiam latiùs diffudit etiam ad bona Clericorum patrimonialia Ludovicus XIII. qui Turonibus, menſe Decembri, anno 1619. edixit, Clericos, tam ſæculares quàm regulares, eximi à cunctis oneribus, & collectis, à quibus Nobiles Regni exempti ſunt, atque à francis feudis, novis acquisitionibus, donis gratuitis, commodatis à Rege ſumendis, aliſque quibuſcunque ſubventionibus Regi præſtandis. Item à murorum publicorum reparationibus, fortificationibus, pontium ſubſtructionibus, aggerum, itinerum, fontium inſtauratione vel ſtructura. Itemque ab annonæ militaris contributione, à Gubernatorum & militum impenſis, victu, hoſpitiis, ſive intra Beneficii Eccleſiaſtici, ſive bonorum patrimonialium ad Eccleſiaſticas perſonas pertinentium domos, ſive in urbe, ſive rure. Eximi pariter à publicorum debitorum ſolutione, à ſalaris, veſtigalibus, à capitationibus, ſeu assignatis ad ſingula hominum capita impoſitionibus, ſive per Ediſta Regia, ſive per Gubernatorum, aut aliorum Officialium Regiorum mandata, ſive per Communitates aut municipales Magiſtratus, etiam in favorem Hoſpitalium aut ſubventionum pauperum, niſi fuerint hæc onera ab ipſis Epiſcopis pietatis cauſa liberè indiſta. Hæc univerſa Rex idem altero confirmavit Ediſto Compendii, menſe Junio, anno ejusdem ſæculi vigefimoquarto, quo decernit pontia quidem Beneficialia & Eccleſiaſtica eſſe abſolutè immunia: ſed Clericorum patrimonialia bona, ſeu acquiſita eſſe pariter ab omnibus veſtigalibus & communibus præſtationibus immunia illis in locis, in quibus veſtigalia perſonalia exiſtunt, nullatenus autem ubi realia ſunt, dummodò ubi onera ſunt perſonalia Clerici ipſi per ſordidos actus gradus ſui dignitati non derogent, exercendo mercimonia vel alienorum prædiorum locationes, etiam ſub aliorum nomine. Eadem iterantur ejusdem alio Ediſto in Villa Sancti Germani ad Nemus, menſe Octobri, anno 1626. Eadem pridem edixerant Henricus III. & IV. Eademque innumeris placitis tum Supremi Conſilii Regii, tum etiam Subſidiorum Curia, quæ in tertio tomo Actuum & Titulorum Gallicani Cleri inſerta leguntur, confirmata ſunt.

XX. Carolus inſuper IX. Ediſto Pariſienſi, menſe Novembri, anno ſupra milleſimum quingentefimo ſeptuageſimoſecundo; & Villa Sancti Germani

Germani ad Nemus, mense Februario, anno ejusdem sæculi septuagesimo-quarto: & Henricus III. Parisiis, mense Julio, anno sequentis sæculi septimo: Ludovicus quoque XIII. Parisiis, mense Augusto, anno 1612. decernunt, cogi non posse Clericos ad exhibendum titulos possessionum aut proventuum Ecclesiasticorum sub ullo prætextu, sive francorum feudorum, sive novarum acquisitionum, sive alia quavis de causa; hoc enim in plerisque impossibile esset ob transactorum bellorum clades, præsertim civilium, quæ Religionis prætextus toto Regno excitavit: sed sufficere si constet de possessione, nec probetur injusta vis ac usurpatio; sicut jus Civile & Canonicum constituunt in omni causa possessoria, ut fusiùs suo loco explicabimus.

XXI. Cùm verò triplex sit Ecclesiastica immunitas, scilicet personalis, realis, & localis; & de duabus primis satis superque actum sit, hoc sciendum de locali, Jure quidem communi reos criminum & servos motu dominorum ad Ecclesiam confugientes, abstrahi exinde non posse, ut constat ex plerisque Canonibus, can. *Miror*, can. *Remm*, can. *Frater*, can. *Si quis contumax*, can. *Metuentes*, can. *Uxor*, can. *Definitvit*, can. *Id constitutum*, 17. quæst. 4. Neque dimittebantur confugientes, nisi præstito à persequentibus sacramento de personæ confugientis securitate. Præsertim verò in ipsa Gallia ab ipsis Christianæ Fidei exordiis hoc servatum constat ex Arausiaci Concilii I. can. 5. & Aurelianensis I. can. 1. & quarti Aurelianensis can. 21. Gregorius etiam Papa XIV. anno 1591. Constitutionem edidit incipientem, *Cum aliàs nonnulli*, circa ea quæ spectant ad securitatem reorum criminum ad Ecclesias confugientium: excludit verò ab ista immunitate publicos latrones, & itinerum grassatores, agrorum depopulatores, & eos qui intra ipsam Ecclesiam aut Cœmeterium homicidia vel mutilationes hominum commiserunt, eosque qui proditoriè hominem trucidaverint, quos vocant Assassinos: hæreticos etiam, & Majestatis reos, qui in ipsam Principis personam attentaverint. Reliquis verò reis jubet immunitatem Ecclesiasticam suffragari. Statutum pridem fuerat lege *Præsentis*, & l. *Fideli*, C. de his qui ad Eccles. confug. & cap. *Inter alia*, de immunit. Eccles. cujuscunque criminis reos, exceptis publicis latronibus, & nocturnis agrorum depopulatoribus, non posse de Ecclesia extrahi. Legimus etiam 3. Regum 2. Joab belli ducem, eo quòd Abnerem & Amasam proditoriè interemisisset, occisum jussu Salomonis fuisse intra tabernaculum, juxta Altare in quod confugerat. Verumtamen in Gallia ne hac immunitate & impunitate licentia criminum ingravescat, vix ulla servatur in Ecclesia immunitas reorum confugientium, nisi eorum qui ære alieno gravantur, ut ibi neque capi, neque inde extrahi queant.


XXII. Altera localis Ecclesiarum immunitas excludit ab eis omnes profanos usus, non modò abjectos & sordidos, quales sunt negotiationes, jumentorum aut bajulorum transitus, juxta Domini exemplum ejicientis

venditores & emptores columbarum ex porticu Templi, & proclamantis domum Dei esse orationis domum, Matth. 21. domum enim Dei decet sanctitudo, Psalm. 92. Sed insuper excludit Ecclesiæ immunitas omnem forensensem processum, & judiciorum strepitum, etiam à Cæmeteriis, cap. 1. & cap. *Cum Ecclesia*, de immunit. Eccles. & cap. *Decet*, eod. tit. in 6. Aded ut quæcunque judiciales sententiæ in Ecclesiis latæ nullæ sint, ac irritæ, d. cap. *Decet*, in fin.



CAPUT XX.

*De Regularibus, & Regulari Professione,
& quatenus ab ea reclamare liceat.*

I.  HRISTIANA perfectio in charitate perfecta consistit. Status autem religiosus, qui versatur circa consilia, est expeditior ad christianam perfectionem via, quatenus observatio consiliorum evangelicorum remouet impedimenta charitatis, efficiat ut charitas perfectius exerceatur, ut docet Abbas Moyses apud Callianum collatione 1. cap. 7. & S. Thomas 2. 2. quæst. 1. De hoc ergo ad perfectionem christianam adductivo statu nunc agendum.

II. Per professionem homo fit irrevocabiliter Regularis. Porro veteri & abolitæ illi consuetudini, quæ homines plerumque invitos Religioni astringebat, nullâ habitâ cuiuscunque ætatis etiam infantilis ratione, abjectâ quoque certî alicujus temporis probatione, sive ex eo quod infantem parentes ejus Monasterio obtulerant, sive quia aliquis læcto per ægritudinem decumbens religioso habitu fuerat à circumstantibus indutus; aded ut Rex Hispaniæ Vamba multis victoriis de Saracenorum gente reportatis illustris, astrictus ad hoc fuerit, ut Regno se abdicaret, & Monasterio se includeret, ex hoc solo, quod gravi ægritudine in amentiam simul & vitæ discrimen adductus, habitu monastico vestitus à quibusdam Episcopis fuerat, citra ullum ipsius consensum, cujus tunc erat incapax, de qua veteri consuetudine, quæ sexcentis ferè annis viguit, copiosius tractavi in Notitia Conciliorum, ad Concilium Vornatiense: illi, inquam, antiquatæ consuetudini successit rationabilior disciplina, quæ liberam requirit ad profitendum deliberationem, & capacem deliberandi ætatem. Primum quidem præfixa fuit ad eam rem eadem ætas, quæ ad validum matrimonium exigitur in masculo annorum quatuordecim, & in femina duodecim complerum, ut decernit caput *Significatum*, & cap. *Cum virum*, de Regular. Sed his demùm succedens Concilium Trident. requirit in utroque
sexu

sexu & integrum probationis annum, & annos ætatis sexdecim adimpletos, sess. 25. de Regular. cap. 15. Idemque excommunicationis pœnam infert sive parentibus, sive quibuscunque aliis, qui per vim aut metum quenquam ad religiosum statum adegerint, vel etiam ad hoc fuerint cooperati, dicta sess. 25. cap. 17. & 18. Regium pariter in Comitibus Blesensibus Edictum huic Tridentinæ Sanctioni conformatur & quoad annum probationis, & quoad professionis ætatem, art. 28.

III. Prohibet Sanctus Gregorius Papa lib. 1. epist. 48. ad Antemium, suscipi in quibusdam insularis, & rigidioris Observantiæ Monasteriis ad religiosam professionem eos qui decimumoctavum annum, qui est perfectæ pubertatis, non attigerint. Idque refertur ut Palea, cap. *Quia autem*, 20. quæst. 2. & repetitur in cap. *Quia in insulis*, de Regular. Proprium sanè Cartusianorum est, ut non liceat apud eos profiteri, nisi adimpleto decimo octavo ætatis anno.

IV. Vota omnia ante professionem emissâ commutari propriâ auctoritate possunt in vota religiosæ professionis, ut consent communiter Doctores: & appositè ait caput *Scripturæ*, de voto: *Rem fracti voti non habetur, qui temporale obsequium in perpetuam Religionis observantiam noscitur commutare.* Unde eo ipso, quod aliquis profitetur, etsi nihil de antea dictis votis cogitet, dispensatur sufficienter ab eis, nisi de his ita cogitet, ut explicitè horum obligationem perdurare intendat. Lessius lib. 2. cap. 40. n. 106.

V. Sciendum porro est, sex recenseri defectus, quorum singuli nullam & invalidam reddunt professionem. 1. Legitimi consensus, sive per vim, sive per metum extorti. 2. Anni non expleti ad probationem requisiti, etiam si ante Tridentinum Concilium professio fieri quidem ante annum completum prohiberetur, sed tamen facta non dirimeretur. 3. Ætatis, si nondum finito decimosexto ætatis anno emissâ fuerit professio. 4. Sexus, si vir inter mulieres, aut mulier inter viros profiteatur. Hermaphroditus verò ad evitanda scandala nullibi profiteri potest. 5. Defectus sui juris, ut est in conjugatis, aut servis; nisi inter conjugatos causa legitima intervenit perpetui divortii, ut esset adulterium unius partium legitime probatum; aut nisi alter conjugum se quoque religiosa professione, vel sacris Ordinibus astringat, cap. *Cum sis pradius*, cap. *Constitutum*, cap. *Mulier*, de conversione conjug. 6. Si fuerit acceptata professio ab eo qui non est legitimus ad hoc Superior, neque à legitimo Superiore delegatus: neque hunc defectum potest reparare succedens à legitimo Superiore facta ratihabitio. Quia ratum quis habere non potest quod suo nomine non est gestum, cap. *Ratum*, de regul. jur. in 6. Ideoque necesse est eam professionem renovari ad hoc ut habeatur professus Religiosus. Lessius lib. 2. cap. 41. dub. 7. n. 61.

VI. Quod attinet ad reclamationem adversus propriam professionem ex prætenſa ejus invaliditate, Concilium Trident. sess. 25. cap. 19. ita providit: *Quicumque Regularis prætenſas se per vim aut metum ingressum esse Reli-*

gionem, aut etiam dicat ante legitimam aetatem professum fuisse, aut quid simile, velitque habitum dimittere quacunq; ex causa, aut etiam cum habitu discedere sine licentia Superiorum, non audiat nisi intra quinquennium tantum à die professionis. Et tunc non aliter, nisi causas, quas prætendit, deduxerit coram Superiore suo, & Ordinario. Quod si habitum antea sponte dimiserit, nullatenus ad allegandum quamcunque causam admittatur, sed ad Monasterium redire cogatur, & tanquam apostata puniatur.

VII. Istud quinquennium definitum ad reclamandum fundatur in præsumptione tacitæ ratificationis. Si tamen sciret pro certo is qui sic professus est, eam præsumptionem in seipso falsam esse, eo quòd toto quinquennio causam nullitatis suæ professionis ex juris vel facti ignorantia nesciverit, vel quia continuatio causæ metus aut violentiæ, alteravê legitima causa hanc intra quinquennium reclamationem impediverit, in ejusmodi casibus si professus transacto quinquennio reclamet, audiri poterit saltem extraordinario judicio, ut in integrum restituatur, ut docent Navarra comment. 4. de Regularib. num. 71. verli. 3. Azorius lib. 2. cap. 4. quæst. ult. Lessius lib. 2. cap. 41. dub. 7. Barbosa in eum Tridentini locum, num. 8. aliiq; communiter contra Bonacinam tract. de clausur. quæst. 2. p. 10. dub. 4. Tempus quippe à jure præstitutum non currit adversus legitime impeditum, cap. *Inter quatuor*, de Clericis non resid. & cap. *Commissa*, de election. in 6. Receptam verò hanc esse praxim docet Barbosa num. 9. & 10. ut qui restitui vult adversus elapsum quinquennium, recurat ad Papam, vel ad Cardinalium Congregationem Concilii Tridentini, vel Regularium. Ubi autem non est elapsum quinquennium, nihil amplius efflagitat Tridentinum, quàm ut causa disjudicetur ab Ordinario & Superiore Regulari. Usù tamen communi receptum videmus, ut antea impetretur à Papa vel Legato rescriptum, per quod causæ cognitio committatur Ordinario. Quæres quisnam Ordinarius, & quisnam Regularis Superior sit censendus, coram quibus causa reclamationis hujusmodi disceptanda sit? Sacra Concilii Congregatio die 1. Decembris 1593. declaravit agendum esse coram Superiore Monasterii, in quo professio emissâ fuit, & simul coram ejusdem Diœcesis Ordinario, ut refert ad hanc Tridentinam Sanctionem Ioannes Gallermartus. Et sanè rationi congruit, quia probationes & oppositiones ex eodem loco, in quo professum fuit, facilius innotescent. Sed ubi recursus ad eum locum aut vix, aut nullatenus haberi posset, attendendus erit locus ultimæ ejus, qui reclamat, residentiæ. Hoc porro sciendum est, ius quinquennii, etiamli intra ipsum quinquennium integrum perduraverit causa metus, nullatenus hoc sensu transferri, aut ita prorogari, ut supersit alterum quinquennium; sed ex quo cessavit quinquennium, simulque causa motus, si professus intra sequentem annum qui ad probationem computandus foret, non reclamaverit, nullatenus deinceps erit audiendus, argumento cap. *Ad id*, de sponsalib.

VIII. In

VIII. In eo certe lubens Bonacinae & Prospero Fagnano consentio, nequaquam licere illi, qui credat se invalidè professum fuisse, neque ratificasse, quocunque tempore transacto fugam arripere, non deductis coram Superiore Regulari causis; quantumlibet contra Constitutionem Tridentinam loco citato docere audent Navarra corament. 4. de Regular. numero penult. Henriquez, Sanchez & alii. Ratio namque boni communis praeponderare debet praesumpto alicujus particularis juri, praesertim ubi Lex vel Canon diserte loquitur, ut sit in ista causa. In hoc autem consistit commune bonum, quia inevitabile scandalum emerget, si Religiosus jamdudum professus religiosum habitum, aut Monasterium propria autoritate dimittat, sine ulla causae coram Superiore redditione praecedenti, quae quodammodo voluntariae apostasiae propositum excuset. Deinde tam essetis licentia aliis plerisque Regularibus viam aperiret, ut hac adducti doctrina, & sociorum exemplo, simile quoque attentare praesumerent. Commune verò bonum privatae utilitati praeferrendum, & ratio docet, & simul caput *Scias frater*, 7. quæst. 1.

IX. Praeter expressam professionem Jus commune alteram professionis religiosae speciem admittit, quæ tacita dicitur. Hæc tribus modis fieri potest. Primus est, si suscepto Religionis habitu, & transacto probationis tempore, faciat quis opus solis conveniens professis, consentiente Superiore, hoc ipso inducitur tacita professio, quanvis ille juraret se nullatenus intendisse hoc faciendo Religioni se astringere, cap. *Vidua*, de Regular. Secundus modus accidit, quum quis transacto pariter probationis tempore, sciens, volensque triduo desert habitum professi manifestè à novitiorum habitu distinctum, cap. *Ad nostram*, eod. tit. & cap. *Constitutionem*, de Regular. in 6. Tertius denique modus est, quum quis habitum professi simul & novitiis communem, aut occulta, non verò manifesta distinctione discretum desert anno integro computato à die finitæ probationis, cap. *Ex parte*, de Regular. in 6. & Clement. *Eos qui*, de Regular.

X. Cæterum in Regno Galliae minimè prorsus admittitur ulla tacita professio. Et quando recepta fuisset illa Ludovici XIII. Constitutio, quæ exigit quinque annorum delationem habitus religiosi ad tacitam professionem inducendam, hæc sola valeret in hoc regno tacitæ professionis forma: sed nec ista prorsus admissa fuit, & in universum viget in Gallia propositio, *Per habitum non effici Monachum*, ut cum plerisque aliis, quos allegat, Despeillers affirmat tom. 2. tit. 1. sect. 1. num. 36. adeo ut approbatum fuerit in Parisiensi Senatu testamentum ab eo conditum, qui annos viginti octo habitum religiosum in Monasterio sine expressa professione geitaverat. His favet Molinensis Constitutio artic. 55, quæ nullam aliam approbat, admittitque religiosam professionem, nisi eam quæ scriptis consignata est, eo consentiente, de cujus professione agitur. Et verò prætextu tacitæ professionis contra bonam fidem & æquitatem facillè potest aliena


aliena calliditas simplicitati & ignorantiae Novitii illudere, qui hac astutia inficius & invitus religiosae professionis jugum ferre cogatur miserè circumventus. Hanc denuò materiam pertractat idem Despeisseus tom. 3. tract. de benef. Eccles. tit. 11. sect. 5. num. 2.

XI. Libertati Monialium prospiciens Concilium Trident. sess. 25. cap. 27. de Regular. statuit ad regularem habitum non licere ullam admittere, neque postea ad solennem professionem, nisi prius ejus voluntas auctoritate Ordinarii fuerit explorata: ideòque teneri Abbatissam Ordinarium admonere ad minus uno mense ante destinatam professionem, sub poena suspensionis. Quod idem Jure Gallicano decernitur Comitiorum Blesensium artic. 28.



C A P U T XXI.

De obedientia primum generatim, tum in specie de obedientia Regularium.

I.  **U**ANDOQUIDEM obedientia ordinem habet essentialem ad Superioris voluntatem, ubicumque legitimus Superior legitime vel praecipit, vel prohibet, debet subditus morem gerere, si eum causa rationabilis non excuset, cap. *Si quando*, de recript. Summus verò omnium Superior Deus est, ceterique omnes Superiores ita Deo subalternantur & subduntur, ut si contraria divinis jussionibus jubeant, nequaquam eis obtemperandum sit, ut Apostolico effato monemur Act. 5. vers. 29. *Obedire oportet Deo magis quam hominibus*. Cum verò Deus neque curare, neque ignorare quidquam possit, ejusque sit universale & illimitatum dominium, quidquid praecipiat, eos indubitatò adstringit, ad quos suum dirigit praeceptum. At verò cum possint creati Superiores errare aliquando, aut contra officium jubere aut prohibere, sitque certis quibusdam finibus potestas eorum circumscripta, contingere potest ut inferiores possint, aut etiam quandoque teneantur non obedire. Potestati enim inferiori intantum aliquis subjici debet, inquantum ordinem altioris Superioris servat, à quo si exorbitaverit, ei subjici quoad hoc non oportet, ut docet Sanctus Thomas 2. 2. quaest. 69. art. 3. ad 1. Exempli causà, Regibus debent subditi obedire, nisi quid jubeant contra evidentem Dei voluntatem; & Magistratibus aut Praefectis Urbium vel Provinciarum, praeterquam in illis quae Regis ipsius voluntati noscuntur adversari. Hoc docet Sanctus Augustinus sermone 6. de verbis Domini, & habetur in can. *Qui resistit*, 11. quaest. 3.

II. Sapienter

verba subjiçio : *Adverte diligenter, quod recusare præceptum vel judicium Papa, contingit tripliciter. Primò ex parte rei judicata, sive præcepta : Secundò ex parte persona judicantis : Tertio ex parte officii ipsius judicis. Si quis enim etiam pertinaciter contemnat sententiam Papa, quoniam scilicet non vult exequi quæ mandavit, putà abstinere à tali bello, restituere talem statum, &c. licet gravissimè peccet, non tamen ex hoc est schismaticus. Contingit namque sæpe nolle exequi præcepta Superioris, retenta tamen recognitione illius in Superiorem. Si quis verò personam Papæ rationabiliter suspectam habet, & propterea non solum presentiam ejus, sed etiam immediatum ejus judicium recusat, paratus ad non suspectos judices ab eodem suscipiendos, nec schismatis, nec alterius vitii crimen incurrit. Naturale namque est evitare nocivum & cavere à periculosis : potestque persona Papæ tyrannice gubernare, & tanto facilius quanto potentior est, & neminem in terris timet ultorem. Cumque autem Papa judicium, vel præceptum ex parte ejus officii recusat, non recognoscens eum ut Superiorem, quamvis hoc credat, tunc propriè schismaticus est. Et juxta hunc sensum intelligenda sunt verba litera hujus & similium. Inobedientia enim quantumcumque pertinax, non constituit schisma, nisi sit rebellio ad officium Papæ vel Ecclesiæ, ita ut renuat illi subesse, atque illum recognoscere ut Superiorem. Hucusque verba Cajetani.*

VII. Post constitutam à Deo Spiritualem in Ecclesia Potestatem, quæ omnium Sanctissima & Augustissima censenda est, & cui potior debetur obedientia, spectari debent Potestates legitimè circa temporalia constitutæ. Harum namque institutionem à Deo esse docent Sacræ Literæ, Roman. 13. *Omnis anima Potestatibus sublimioribus subdita sit ; non est enim Potestas nisi à Deo : quæ autem sunt, à Deo ordinatae sunt. Itaque qui resistit Potestati, Dei ordinationi resistit. Qui autem resistit, ipsi sibi damnationem acquirit.* Ex eadem tamen causæ quæ dispensant ab obedientia Superioribus Ecclesiasticis debita, multò magis dispensare possunt ab ea, quæ Principibus & Magistratibus debetur. Summa porro Principum potestas in condendis Legibus versatur : circa quarum obligationem operæ pretium est sancti Thomæ ipsa verba hic proponere ex 1.2.q.96.art.4.in corp. *Leges (ait) humanitus posite justæ sunt, vel injustæ : si justæ sunt, habent vim obligandi in foro conscientie à Lege æterna, à qua derivantur, juxta illud Proverb.8. Per me Reges regnant, & Legum Conditores justæ decernunt. Injustæ autem sunt leges dupliciter, uno modo per contrarietatem ad bonum humanum, vel ex fine ; sicut cum aliquis Præsident leges imponit onerosas subditis, non pertinentes ad utilitatem communem, sed magis ad propriam cupiditatem vel gloriam : vel etiam ex autore, sicut cum quis legem fert ultra commissum sibi potestatem : vel etiam ex forma, puta cum inæqualiter onera multitudini dispensantur, etiamsi ordinentur ad bonum commune. Et hujusmodi magis violentiæ sunt quam leges, quia sicut Augustinus dicit in lib.1.de libero arbitrio, cap.5. Lex esse non videtur quæ justæ non fuerit. Unde tales leges non obligant in foro conscientie, nisi forè propter vitandum scandalum.*

scandalum, vel turbationem; propter quod etiam homo juri suo debet cedere, secundum illud Matth. 5. Qui angariaverit te mille passus, vade cum illo & alia duo: & qui abstulerit tibi tunicam, da ei & pallium. Alio modo leges possunt esse injuste per contrarietatem ad bonum divinum, sicut leges tyrannorum inducunt ad idololatriam, vel ad quodcunque aliud, quod sit contra legem Divinam: & tales leges nullo modo licet observare; quia sicut dicitur Act. 4. obedire oportet magis Deo quam hominibus. Hactenus verba S. Thomæ, quæ breviter & solidè multas elucidant difficultates. Quinetiam ipsæ justæ & rationabiles Leges Civiles & humanæ neminem astringunt, ut superius docuimus, nisi ex quo promulgatæ fuerint, & moribus utentium, majoris scilicet partis ejus, in qua quis versatur, Universalitatis confirmetur, can. In istis, §. Leges, dist. 4. Navar. Enchir. cap. 23. num. 41.

VII I. Quæ dixi de legibus à Jure naturali vel à ratione alienis, ratio suadet ut locum habeant in sententiis quoque & judiciis. Idcirco S. Gregorius Papa sic ait lib. 2. epist. 6. *Sententia contra Leges, Canonesque prolata, licet non sit appellatione suspensa, non potest tamen subsistere ipso jure.* Habetur in cap. 1. de sent. & re jud. Cui conformatur sub eod. tit. caput *Inter ceteras*, dicens: *Cum aliqua causa appellatione remota committitur, & sententia fertur iniqua, eam evincuari oportet, nec ei debet stari, si iniquitatem contineat manifestam.*

IX. Nunc progrediendum ad Regularium obedientiam, quæ ex professione suæ voto tenetur. In primis pleræque eorum Regulæ ininiimè sub mortali culpa inobedientes obligant nisi in duobus casibus, nimirum scandali, & contemptus. Si namque in Monasterio ubi viget observantia, videat aut prævidere debeat Religiosus se ex frequenti inobedientiæ suæ exemplo viam aperire novæ relaxationi inde in Monasterio sequuturæ, peccabit mortaliter si absque rationabili causa in hoc persistat inordinationis exemplo. Matth. 18. *Vt homini illi per quem scandalum venit.* Nec est exiguum scandalum, quo bene constitutum Monasterium, hoc est congregatio hominum, qui ex sua professione & instituto tenentur ad perfectionem eniti, cadit in notabilem & communem relaxationem. Est enim Religio, ut docet Sanctus Thomas, status perfectionis acquirendæ. Illa autem perfectio debet conformari & dirigi secundum Regulam, sub qua quis professus fuit. Inobedientia quoque erga regulas cujusque Regularis Ordinis, quæ procedit ex earum contemptu, mortifera est, etiam si hac occasione alii non depravarentur; quia nihil tam adversatur acquirendæ perfectioni religiosæ, sicut contemptus vel ipsius perfectionis, vel mediorum quibus acquiri possit & debeat. Hæc autem media in Regula cujusque Ordinis propria continentur.

X. Quæstio gravissimi momenti nunc est discutienda, utrùm Religiosus sub mortali teneatur Regulam servare, qui professus fuerit in Monasterio in quo ipsa Regula communiter non servatur, neque ullam habuit à Suprema Sede mitigationem vel dispensationem: ut si sit professus in Monasterio Benedictinorum, in quo carnes communiter comeduntur; aut Franciscanorum,

norum, in quo pecuniæ recipiuntur, supponendo quod ille professus hanc introductam repererit consuetudinem, nec se ulterius intenderit obligare? Circa hoc dux sunt Doctorum sententiæ: prima quidem negat hunc Religiosum à mortali excusari. Sic docet Angelus de Clavaſio Religioſus Franciſcanus, verb. *Religioſus*, num. 32. Ad hanc verò objectionem, quod nemo ampliùs obligetur, quàm se intenderit obligare: respondet iſtum, licet non intenderit explicite ſe obligare, intendiſſe tamen implicite, quatenus qui ſe ſponte obligat ad principale, quod eſt eſſe Religioſum in tali Ordine, obligat ſe hoc ipſo ad accellorium, hoc eſt ad Regulam talis Ordinis: ſicut accideret in eo qui ſe ſacris Ordinibus alligaret, non intendens continentiam, ad quam nihilominus teneretur ipſa vi luſcepti à ſe Ordinis ſacri. Idem docet Joan. Major in 4. diſt. 38. q. 20. ubi taliter profeſſum dicit ad ſervandam Regulam obligari in eodem Monasterio, aut ſi ibi non poſſit, teneri ad aliud melioris obſervantiæ Monasterium tranſire. His conſentit Proſper Fagnanus in cap. *Cum cauſa*, de elect. num. 33. addens omnes ſerè Monachos, apud quos collapſa eſt Regula, ſi non ſit cum ipſis à Papa, vel à Concilio diſpenſatum, proſiciſci in infernum. Hac ratione diſpenſatum fuit cum Religioſis Franciſcanis, exceptis Capucinis & Fratribus de Obſervantia, ut non aſtringantur ex parte Regulæ Fratrum Minorum, quæ prohibet Eratribus prædia, ſeu bona immobilia in commune poſſidere.

XI. Illa quidem vera eſt ſententia, quæ tamen limitata videtur eatenus, dummodò relaxatio illa communis non ſit recens introducta, ſed longi temporis duratione roborata fuerit: aut ſi recens fuerit, excuſandus ſit is qui profeſſus fuerit ex ſua bona fide & ignorantia non culpabili, tam Juris, quòd ſcilicet ignoraverat hanc obligationem, quæ non eſt Juris naturalis ita primitivi, quin poſſit ab uno aut altero inculpabiliter ignorari; quàm facti, quòd ſcilicet nesciverit fuiſſe actu ipſo ante breve tempus introductam in Monasterium relaxationem. Utraque ignorantia facile excuſabilis eſt in nonnullis adoleſcentibus idiotis, ac rudibus, qui profitentur bonâ fide, dummodò bona fides profeſſionem præcedat. Hanc exceptionem à peccato excuſantem, & à Regulæ ſimul obſervatione exactiore, quandiu nova reformatio non ſupervenerit, admittunt ut peccati excluſivam Abbas, Sanctus Antoninus, Cardinalis Florentinus, Auſferius Toſolanus, quos citat & ſequitur Navarrus in Manual. cap. 12. num. 50. item Lopez tom. 1. cap. 45. ubi ait, ut quis profeſſus non aſtringatur ad Regulas ſui Ordinis, quas conſuetudo contraria relaxavit, non eſſe necellè eam relaxationem fuiſſe à tempore cujus initii memoria non extet: Lopez & S. Antoninus hoc idem docent 3. p. tit. 16. cap. 1. §. 11. & 13. fuere ambo Religioſi Dominici. Et verò conſtat inveteratam humanarum Legum, ſive Civilium, ſive Eccleſiaſticarum, quantumvis initio receptarum deſuetudinem vim ac obligationem earundem abolere, cap. ult. de conſuetud. Hac de Regulis & Conſtitutionibus. Quæ enim pertinent ad trium ſolemnium votorum ſubſtantiam,

substantiam, cum eorum obligatio sit divini juris, non possunt ulla consuetudine etiam immemoriali ullatenus perimi. Regula porro non est de essentia voti obedientie, cum consistat regularis obedientie votum in subiectione Ordinis & Superiorum. Etiam si verò dici soleat, consuetudinem transgressionis præcepti esse argumentum contemptus, id non est usquequaque verum: potest enim ea consuetudo ex infirmitate animi vel corporis, aut ex defectu fervoris, aut etiam ex alia prava animi dispositione proficisci, citra contemptum qui malitiam habet comitem, ut rectè docet S. Thomas 1. 2. quæst. 186. art. 9. & ibidem Cajetanus. Istiusmodi tamen consuetudo frequenter contemptum parit.

XII. Igitur ratione voti obedientie tenetur Religiosus nihil agere, vel omittere, sive contra Regulam, sive contra Superioris mandatum per contemptum, alioqui se mortiferi peccati reum constituit. Hoc docet S. Bernardus tract. de præcepto & dispensatione. *Venialis (inquit) est culpa inobedientia, si quidem transgressio non sit ex contemptu.* Et S. Thomas loco cit. quem ceteri omnes sequuntur. Censetur ex contemptu ille transgredi, qui hac mente sive Regulam, sive Superioris iussionem violat, ut prætractè ostendat se ista nihili pendere, quanvis alioqui iussio illa vel Regula non obligasset sub mortali, aut ne quidem etiam sub veniali culpa, ut sunt consultoria tantum, aut exhortatoria præceptiones, juxta Navarrum cap. 23. num. 41. Lessium lib. 2. cap. 46. dub. 6. contra Cajetanum in Summula, verb. *Inobedientiam*, & Lopez, & Valentiam, existimantes posse esse venialem inobedientiam formalem, quæ scilicet ex contemptu nascitur, aut materiæ parvitate: cui opinioni parum aut nihil esse fidendum reor. Sanè contemptum minùs deliberatum, subitaneum & imperfectum, non esse plusquam venialem, universi eruditi consentiunt. Animi namque subreptio in quacunque materia excusat à mortali culpa, ut docet S. Thomas 1. 2. quæst. 88. art. 5. & 2. 2. quæst. 33. art. 5. & quæst. 58. art. 3.

XIII. Ubiunque sive Lex, sive Regula, sive Superior præcipiens aliquid non intendit ad mortale peccatum obstringere inferiorem, is qui simpliciter citra grave scandalum vel contemptum transgreditur, non plusquam venialiter delinquit, ut suprà ex S. Bernardo, & ex S. Thoma docui. Prælati autem non censetur cum tanto onere præcipere, nisi suis verbis hanc tam strictam obligationem se intendere manifestet, ut si non obtemperaturo excommunicationem interminetur, aut si in virtute sanctæ obedientie jubeat, quæ est communis in Cœnobii formula, ex se quidem non significans sufficienter hoc tantum onus, cum possit horum verborum vis exponi quoque pro exhortatione ad opus perfectioris & supererogatorie obedientie. Sed usus invaluit, ut his verbis intelligatur aliquid mandari sub obligatione mortalis delicti. Lessium lib. 2. cap. 41. num. 74.

XIV. Egregiè sanctus Bernardus, quem ceteri omnes in hac re duces sequuntur, tract. de præcepto & dispensat. sic distinguit Superiorum præcepta,

N 3 ut

ut sunt vel secundum Regulam, vel contra Regulam, vel supra Regulam, vel infra Regulam. Ita ut in illis quæ sunt secundum Regulam debeant subditi morem gerere Prælato. Ex adverso in illis quæ sunt contra Regulam, debeant non obedire. At in illis quæ sunt supra vel infra regulam, possint quidem obtemperare etiam cum virtutis & meriti augmento, atque ad majorem perfectionem; ad hoc tamen nulla teneantur obligatione. Cujus hanc rationem ille profert, quia Religiosus quum est obedientiam professus, ad eam solam se astringit, quæ cum regulis Ordinis, ad quem ingressus est, conformitatem habet. Itaque si Superior in Ordine S. Francisci præcipiat suis, vel alicui de suis perpetuam carnum abstinentiam, quam Regula S. Benedicti injungit, nemo illi tenetur obtemperare, quia id est supra Regulam S. Francisci, quam ipse cum suis professus est. Idemque neminem suorum obligabit ad parendum, si jubeat ut artem citiarizandi addiscant, quia istud est infra Regulam. Si verò idem subditis jubeat ut pecunias ad proprium vel Monasterii usum coacervent, omnes tenebuntur hoc respuere, quia est contra Regulam Ordinis Franciscani. Idemque si quid præcipiat oppositum justis aliorum Superiorum mandatis, puta Summi Pontificis, aut Superioris Generalis, aut Capituli, aut Provincialis, tenebitur subditus obedientiam ei recusare, quia hoc fieret contra debitum obedientiæ ordinem & normam. Sanè potest quivis Regularis Superior sibi subditis quædam ob justas causas imperare, quæ licet videantur supra Regulam, verè tamen non sunt supra illam, quatenus Regula intendit bonum ac regulare Ordinis regimen. Tale verò regimen permittit, atque etiam flagitat aliquando, ut sive ad poenam delictorum, sive ob publicas necessitates injungantur pro Superiorum prudenti arbitrio vel privatæ, vel communes sive orationes, sive poenitentia, ac austeritates, quanvis has speciatim Regula non injungat. Atque in his si modum non excedant, incumbit parendi officium.

XV. Præterea justa & rationabilis dispensatio non est contra Regulam, quatenus justo regimini Regula ipsa suffragatur. Atqui justum regimen exigit ut Superiores discernant quandonam opus sit dispensare, aut dispensatum declarare aliquem ex subditis; quo casu debet subditus obtemperare. Angelus verb. *Religiosus*, num. 29. Navarra cap. 23. n. 39.

XVI. Hoc præterea sciendum, Regularem qui sancta ductus intentione instaurandæ collapsæ regularis disciplinæ, molitur Ordinis aut Monasterii reformationem, observatis debitis circumstantiis, non teneri ea in re dependere à Superioribus relaxationi addictis, quia eorum in his prohibitio foret contra Regulam, contra quam non est illis obtemperandum. Atque ita se gessit timoratissima virgo S. Theresia, quæ de seipsa scribit vitæ suæ cap. 13. cum Superior suus Provincialis recusaret ei licentiam reformandi Monasterium, se tamen à sancto proposito non destitisse; sed interposita sorore sua novam domum ejus nomine coëmisse, inscio Provinciali Prælato, ad novam Reformationis foundationem, quam ille si scivisset, erat impediturus.

XVII. Quæres

XVII. Quæres num teneatur inferior obedire Superiori in dubio? Respondeo cum distinctione. Vel dubitat inferior, utrum qui præcipit sit verus & legitimus Superior, vel dubitat de materia præcepti, an sit licita aut obligatoria. In primo casu de dubio circa personam præcipientis, vel favet ei communis Regularium opinio, quanvis pauci aliqui dissentiant, credentes non esse legitimum Superiorem; & tunc debet inferior sic dubitans adhærere communi iudicio, & ita obtemperare. Communis enim opinio facit jus, l. *Barbarius*, D. de offic. Prætor. Si verò non favcat communis Religiosorum opinio, non tenetur dubitans illi obedire; in dubio etenim melior est conditio suam possidentis libertatem, cap. *In dubio*, de regul. jur. in 6. De materia verò præcepti, si inferior dubitat num licita sit, non ei licet in ea re obedire quandiu perdurat dubium: sic enim peccaret dum se peccati periculo exponit. Hoc tamen dubium practicè convenit ei deponere, judicando hoc sibi licere in hac saltem circumstantia rei à superiore sibi injunctæ; sequè determinando per illius, cui obtemperare tenetur, iudicium & voluntatem. Cum enim in re dubia homo se frequenter determinet per alterius suasionem & consilium, cui tamen non habet obtemperandi obligationem, multò major ratio est submittendi se in re dubia illius arbitrio, cui debet ex officio subjici: non enim justum est ut ex inferiorum ambiguitatibus dependeat Superiorum jus & autoritas præceptiva, aut prohibitiva. Hæc est doctrina S. Thomæ 1.2. quæst. 96. art. 6. in corp. & ad 2. S. Bonaventuræ in 2. dist. 39. art. 1. quæst. 3. Angeli verb. *Obedientia*, num. 6. Sylvestri verb. *Obedientia*, num. 2. Lessii lib. 2. cap. 41. num. 76. Aded ut dubium practicè desinat in præsentibus circumstantiis, quanvis fieri possit ut speculativè perseveret, hoc est dubitet utrum extra præsentes circumstantias hoc sibi liceret. Ratio verò practicæ hujus determinationis est ista, quia Superior est in possessione juris imperandi, quo jure non est spoliandus per sibi subditorum dubitationes, quos jam constat in ejus arbitrium abdicasse propriam libertatem. Item Superiores singulari modo à Domino gubernantur in subditorum regimine. Præterea prudentis est in ambiguis Superiorum iudicium sequi, quos Deus sui loco posuit, & quos Dei loco subditus agnoscit & colit. Denique exinde quod quis obedire renuat sine evidenti, quam possit allegare, causa, potest nasci in subdito causa sibi imputanda alieni scandalii, & pravi exempli. His adde Sacros ipsos Canones nobis illustre documentum præscribere, quomodò nos in ambiguis gerere teneamur, cap. *Inquisitioni*, de sent. excomm. ubi statuitur conjugem qui certò scit impedimentum sui matrimonii, quod tamen probare non potest, teneri suam recusare obedientiam ipsi Ecclesiæ jubenti sub pena excommunicationis, ut debitum conjugale reddat, quia sic obediendo peccaret mortaliter: sed si credat tale impedimentum ex causa probabili & discreta fundante dubium aut opinionem probabilem, non posse illo casu exigere, sed tamen debere officium conjugale petenti reddere, ne pars altera suo

fuo jure fraudetur. Sed si hoc dubium vel opinio habeat leve aut temerarium fundamentum, posse ex Pastoris sui consilio non solum reddere, sed etiam exigere debitum, postquam illi consilio acquiescens suam levem & temerariam credulitatem practicè saltem deposuerit.


XVII. Denum adverte, nullum Superiorem, sive regularem, sive secularem, quinimodò nec ipsum quidem Summum Pontificem, posse ad aliquid obligare sub peccato mortali, nisi ex gravi causa & capaci tantæ obligationis, sive per se, sive ratione circumstantiarum, quæ rationabilem sic imperandi causam inducant. Potestas enim Superioribus à Domino collata fuit ad bonum, & non in perniciem animarum, & ut ait Paulus 2. Corinth. 13. in ædificationem, & non in destructionem. Unde nec ipsa divina præcepta obligant sub mortali culpa, nisi gravis materia subsit. S. Bernardus tract. de præcepto & dispensat. Sylvester verb. *Religio* 6. q. 6. Lessius lib. 2. cap. 41. num. 75. addens hanc esse communem Doctorum sententiam. Obedientia Ecclesiasticæ institutioni rependenda tria personarum genera recitationi Divini Officii, seu Horarum Canonicarum astricta tenet. Primò, Religiosos professos choro deputatos: secundò Clericos sacris initiatos Ordinibus: tertio Clericos Beneficia possidentes. Non eximuntur ab hoc Officio sacri aut beneficiati Clerici, sive in exilium, sive ad triremes, aut perpetuos carceres compulsi, aut degradati, juxta omnes ferè Doctores: non tamen his licet proferre, *Dominus vobiscum*. Ratio est, quia vinculo alligantur indelebilibus characteris. At verò Religiosi nullatenus sacri, ad triremes amandati, aut ex Monasteriis ejecti, ab hoc onere liberantur. Cum enim in eis istud onus officii ex sola Monasteriorum consuetudine, aut Regula Monasticæ præscripto ortum ducat, quoties Religiosi ex Monasteriis & communi Regula ejiciuntur, tamen votiva castitate adhuc adstringantur, non tamen Regularibus observantiis: quippe qui translati sint ex illo statu & conditione, quæ ipsos Officio Divino tenebat devinctos, & monasticis, à quibus amoris sunt, institutis. Ita Sotus lib. 10. de justit. quest. 5. artic. 3. Bonacina tract. de privata Officii recitat. disput. 1. quest. 2. punct. 2. num. 3. & 6. quanvis Suarez, alique non pauci refragentur. Eadem pariter ratione Moniales, quæ dissipatis, sive ob extremam rerum omnium indigentiam, sive ob belli calamitates cœnobiiis, privatam ad sortem, & societatis cœnobiticæ expertem redactæ sunt, exolvuntur ab ista Divini Officii privatim recitandi obligatione, quatenus à statu illo remouentur, in quo vigeat illa obligatio. Atque ita decerni, ac definiri vidimus ab Episcopis & Regularium Prælatiis, ingruentibus hujuscemodi casibus. Sed si aliò communitas Monialium simul digrediat, illa in eisdem officii persolvendi obligatio perdurabit, adhuc perseverante regulari inter ipsas societate. Ad hoc argumentum spectat caput *Ex multis*, §. *Quod autem*, de voto, fanciens uxorem quæ viro suo adhærere tenetur, non tamen hac lege teneri, si vir ad transmarina etiam ex voti necessitate proficiatur;

proficiscatur ; quia sic mutato pristino statu , pristina quoque definit, ac dirimitur obligatio.



C A P U T XXII.

De paupertate Regularium.

I.  UPLEX est Regularium paupertas ; una quidem generalis ac essentialis, alia particularis & accidentaria. Generalis ea est, quâ omnes & singuli Religiosi, nemine excepto, astringuntur in vim communis voti paupertatis : & dicitur quoque essentialis, quia totum quod habet, ad essentialiam pertinet paupertatis ; & si quid inde minuas ac demas, hoc ipso deperibit religiosa paupertas. At verò particularis seu accidentaria paupertas adjungit rigorem & observantiam particularem aliquam pro Regularum & Constitutionum diversitate, supra id quod omni religiosæ paupertati essentialia est. Et ita facile contingit, ut iisdem in circumstantiis aliquis Religiosus strictioris Ordinis, exempli causâ Capucinus, aut Discalceatus Carmelita, peccet mortaliter contra professam paupertatem ; in quibus tamen circumstantiis Religiosus aliquis laxioris aut mitioris Instituti, verbi gratiâ Benedictinus, provifus de Beneficio, vel de Pensione Regulari, nullatenus peccabit. Ista distinctio planè est necessaria ad discernendum quid liceat, vel non liceat huic, vel illi Religioso circa professam à se paupertatem, & quodnam peculium vel iste, vel ille Religiosus licitè, aut illicitè habere possit.

II. Tripliciter potest intelligi de quo tractamus peculium. Primò ut sit in dominio & potestate possessoris : secundò ut versetur in pleno usu vel usufructu, de quo possit quis ad suum libitum disponere, atque independentè ab alio : denique tertio, ut sit in usu & administratione, quæ ad alterius arbitrium possit revocari. Dux illæ priores peculii species secum involvunt proprietatem & independentiam, ideoque repugnant Regularium paupertati, cap. *Non dicatis*, 12. q. 1. & cap. *Monachi*, de statu Monach. Quinetiam sic decernit caput *Cum ad monasterium*, eod. tit. *Nec asinet Abbas quod super habenda proprietate possit cum aliquo dispensare, quia abdicatio paupertatis, sicut & custodia castitatis, adeò annexa est Regula Monachali, ut contra eam nec Summus Pontifex possit licentiam indulgere.* Hoc intelligendum est stante voto, nec ex rationabili, simulque urgente causâ per dispensationem relaxato. Tertium porò peculii genus religiosæ paupertati essentiali non adverfatur, dum conceditur usus vel administratio per Superioris sive expressum, sive tacitum consensum ; sic tamen ut ejusdem voluntate revocari queat. Tale namque peculium Religioso conceditur, cap. *Monachi*, §. *Qui verò*, & cap. *Cum ad monasterium*, §. *Tales autem*, de stat. Monach.

O

III. Tacitus

III. Tacitus Superiorum consensus plerumque colligitur ex usu quæ viget in Monasterio, vel in ipso Ordine, in quo peculia ista permittuntur seu tolerantur à Superioribus, aut longo usu robur acceperunt, aut etiam ubi Statuta & Constitutiones editæ sunt circa hujuscemodi. Tunc enim Religiosus his fundatus possidens aut alienans, non possidet vel alienat tanquam dominus aut proprietarius, sed dependenter à Superiorum, aut ipsius Ordinis concessione. Id verò sufficere ad conscientiam tam Religiosi possidentis vel distrahentis, quàm ejus qui ab eo accipit, docent Navarra, Valentia, Molina, Sanchez, Lessius, Azorius, & Bonacina tract. de largitione, muner. puncto 6. propos. 2. num. 11.

IV. Norint autem Regulares, nullam esse præscriptionem adversus ea quæ sunt Religioni essentialia, & cum votorum observatione incompatibilia, qualis est proprietas ac dominium. Rectè verò S. Basilii Constitut. monast. cap. ult. docet omnem ad hoc althingi Monachum, ut à se omnem abdicet privatam possessionem.

V. Clemens Papa VIII. in Bulla 28. incipiente *Religiosè*, prohibet Religiosis quidquam elargiri, nisi accesserit consensus Capituli generalis, solis exceptis levioribus efulentis & poculentis, atque munusculis ad devotionem pertinentibus, necnon pecuniis quæ ad cultum divinum aut in elemosynas magis necessarias impenduntur. Excipit autem ab hisce prohibitionibus Religiosos Ordinum Militarium, ut Sancti Joannis Baptistæ & similes. Ista tamen Constitutio per contrariam ubique ferè consuetudinem videtur abrogata. Ex qui eam commentariis illustravit Bonacina scribit, Regulares nequaquam illi contravenire, qui magnam etiam pecuniæ summam impendunt de Superiorum Ordinis sui consensu in res divini cultus, aut in pauperum subsidium.

VI. Verùm à prædictis excipiuntur Regulares beneficiarii: si enim Bonacinæ fidem habemus in eodem Commentario, p. 2. num. 2. & Navarræ & aliis ab eodem adductis testibus, Beneficia dispositioni Prælatorum aut Conventuum minimè subjiciuntur, ex quo particularibus Religiosis fuere assignata. Additque jus idem extendi ad pensiones attributas aliquibus Religiosis per Prælatos Regularium, aut per Monasteria, ad eorum victum & proprios usus, de quibus etiam nullas reddere solent rationes Prælati aut Monasterii: ita ut scribat, de iis quæ victui suo moderato per portionem subtraxerunt, posse illiusmodi Religiosos beneficiarios pro suo libito ad quoslibet non illicitos usus impendere. Quod idem repetit in tract. de oblig. benef. disp. 4. p. 2. num. 23. ibique disertè asserit, Religiosos Beneficia habentes posse ad libitum instar Beneficiariorum secularium de illa fructuum parte disponere, quam honestæ suæ sustentationi parcius vivendo subtraxerint.

VII. Verumtamen hæc tam absolutè per Bonacinam & alios quosdam asserta voto solenni paupertatis directè repugnant: cui nihil tam est oppositum ut proprietas vel usufructus independens, quæ quidem nec in Militaribus

taribus quidem Ordinibus admiserim. Magis itaque placet Azorii doctrina recipienda tam in beneficiatis Monachis, quam in Militibus Religiosis. Sic igitur ille tom. 1. lib. 13. cap. 4. quæst. 9. *Uterius etiam quaeritur, an Religiosi Militares, v. g. Hierosolymitani Equites, reddituum ipsi commendatorum fructus sibi acquirant, eosque faciant suos, ac libere in usus quos voluerint, impendere possint? Quidam existimant esse fructuum dominos, & paupertatem, quâ per votum astringuntur, non repugnare dominio ususfructus, &c. Respondeo paupertatem quam Hierosolymitani Milites & Equites S. Joannis, S. Jacobi, & Calatrave, & Alcantara in Hispania, & aliis Commendatarii voverunt, non esse æquè arctum ac Monachorum & Mendicantium; hi enim se abdicant dominio & usu rerum, qui in jure, non in facto consensit: illi verò Milites dominium quidem & proprietatem dimittunt, sed non jus ad usum. Ordo enim conce-
dit eis ut annuos redditus percipiant ad vite tempus, ita ut de fructibus possint libere disponere ut jure sibi debitis quoad usum, eosque locent, permittent, vendant, donent vel arbitrarij suo absumant, ut ex bonis sui Ordinis & consensu suorum Superiorum jure perceptos. Eisi verò in facto parum quoad hoc à laicis proprietariis differant; in jure tamen differunt, quia laici percipiunt propria auctoritate quasi domini: Milites verò Sacri ut ex alienis bonis, scilicet Ordinis, sed sibi commendatis, atque ex Superiorum nutu & voluntate percipiunt. Hactenus Azorius. Dicendum igitur, Beneficiarios Regulares, sive Benedictinos, sive Canonicos Regulares, quanvis habeant liberam fructuum dispositionem, non tamen esse eorum dominos; quia libera illa fructuum dispositio non est tanquam propriorum bonorum, sed tanquam bonorum Ordinis, quorum dispensationem & administrationem ipse Ordo ipsis indulsit. Atque istud est tertij generis peculium, cujus sunt capaces aliqui quorundam Ordinum Religiosi.*

VIII. Sed & hoc insuper tenendum est, illam Beneficiariorum Religiosorum dispensationem ac usum circa fructus, minus liberam esse quam quæ Militibus Regularibus competit. Cum enim horum vivendi ratio in externis nihil à ratione differat, quam sequuntur Nobiles opulenti seculares, cum quibus etiam versari Sacri Milites ordinarij solent, eadem uti liberalitate possunt in rebus licitis, quâ solent alij paris conditionis Nobiles opulenti, peræquè ab avaritia & prodigalitate alieni. Ubi tamen Sacri Equites per excessum peccarent, gravius esset horum peccatum quam reliquorum Nobilium Seculi: tum quia rebus sacris, quales sunt Commendarum fructus, abuterentur: tum quia pias fundatorum intentiones eluderent; non tamen harum superfluarum & illicitarum expensarum restitutioni obnoxij essent, cum tamen reliqui omnes Regulares beneficiarii, qui Beneficiorum fructus malè consumpsere, teneantur vel pauperibus, vel Ecclesijs restituere. Hæc ferè Azorius loco cit. Hac tamen parte Regulares Milites admonitos volo, ut meminerint, & altè animo infigant Apostolica verba: *Nolite conformari huic sæculo. Et, Totus mundus in maligno positus est. Et, Ut non cum hoc mundo damnemur.* Divites seculares splendidiùs viventes, nec egenis ero-

gantes, eidem cum divite illo, quem Lucas commemorat, epulone damnationi se immergunt. Sed Equitibus Regularibus sic viventibus fortiori etiam instat cruciatio ex superaddito votorum solennium arctiori nexu.

IX. Gravis quaestio est, utrum census vitalitius in favorem Religiosi constitutus, sit licitus, necne? Respondeo cum Lessio lib. 2. de just. cap. 4. dub. 5. num. 31. & Azorio tom. 1. lib. 12. cap. 9. q. 2. licitum esse, modò concurrant simul quatuor conditiones. 1. Ut census assignetur propter alimenta ususque necessarios, & nullatenus superfluos ipsius Religiosi. 2. Ut administratio pecuniae censualis non committatur ipsi Religioso, sed aliis, puta Officialibus, per quos in usum talis Religiosi pecuniae expendantur, juxta Decretum Trid. sess. 25. de Regular. cap. 2. 3. Ut Religiosus cujus gratia constitutus fuit census, nihil sibi juris in eum vendicare possit. 4. Ut Praelato Regulari liberum sit illum etiam censum in alios usus destinare, dummodò aliunde talis Religiosi necessitatibus certò & securè provideat.

X. Queritur praeterea, utrum Religiosus qui suam proposuit indigentiam circa necessitates suas proprio Superiori, & hic ei injustè denegat, v. g. necessarium morbo medicamen, cibos, vestes, stragula, unde grave patitur, aut proximè imminet incommodum, possit occultè de Monasterio subripere sibi necessaria? Possè affirmat Bonacina tract. de restitut. disp. 2. quaest. 10. punct. 3. post Navarram, Azorium, aliosque, quos ibi citat. Tunc enim Superior iste irrationabiliter invitus, & subditus illi Religiosus habet ab ipsa naturae lege jus suis necessitatibus succurrendi. Verumtamen Religiosus usurpans sibi necessaria absque Superioris licentia, eoque inconsulto, peccat mortaliter ac dupliciter, tum ratione furti, tum ratione sacrilegii, contra paupertatis votum usurpando sibi proprietatem & dominium. Itaque non potest Regularis quidquam pro suis necessitatibus subripere, nisi priùs urgentem, quam patitur, necessitatem Superiori exposuerit, illeque providere neglexerit.



CAPUT XXIII.

Quatenus sit licitus ad alteram Religionem transitus.

I. **U**ABUS primariis regulis tota ista quaestio expeditur. Primum esse illicitum transitum à strictiore ad laxiorem Religionem. Secundò neque licitum esse digressum ab Ordine Mendicantium ad alium Ordinem non mendicantem, excepto Cartusienium Ordinem, sub poena excommunicationis Papae reservatae, ipso facto incurrendae tam à transseuntibus quam à recipientibus Religiosis, juxta Extravag. communem 1. de Regularibus.

II. Constat ex cap. Sane de Canonico, de Regular. Religiosum professum posse

posse ad strictiorem Religionem transire, dummodò à suo Superiore licentiam petierit, quanvis eam ab eo non obtinuerit, nihil obstante suæ Religionis privilegio de non transiendo in alium Ordinem. Docent verò Navarra consil. 43. & Sà in exemplaribus emendatis, verbo *Religio*, n. 38. de quolibet Ordine posse quemlibet Regularem ad Cartusiensem Ordinem se transferre, citra ullam Papæ dispensationem: quandoquidem hoc à Jure communi conceditur, d. Extrav. 1. quæ est Martini V. Idemque Navarra de Regularib. comment. 4. n. 3. asserit, si sit probabile dubium, quænam post Cartusienfes sit Religio strictior, debere Religiosum qui transire in alium Ordinem præterdit, stare judicio proprii Superioris.

III. Etli verò perfectio unius Religionis præ alia ex fine dijudicanda sit, & ex mediis per quæ tendit ad finem, qui est amor Dei & proximi, præsertim circa procurandam animarum salutem, ut docet S. Thomas; attamen in foro Ecclesiastico ubi agitur de transitu in alteram Religionem, attenditur potius major vitæ asperitas seu austeritas, præsertim circa silentium & solitudinem. Layman lib. 4. tract. 4. cap. 6. num. 10. addens majorem austeritatem non esse pensandam dumtaxat ex primitivo Religiosi Ordinis Instituto, sed secundum præsentem observantiam; atque adco Religiosum, qui strictiorem Regulam professus sit, si jam illa Regula non servatur in Ordine, posse ad laxioris Instituti Religionem transire, in qua primitiva Regula servatur & viget. Layman. loco cit. post Panormitanum ad cap. *Licet*, notabili 9. de Regular. qui etiam id probat ex verbis ipsis d. c. *Licet*, & cap. *Sanè*, de Regular. Sylvestrum verb. *Religio* 4. n. 2. & 6. Prosper etiam Fagnanus id confirmat ad cap. *Non est vobis*, n. 25. eod. tit. Quin etiam ante hos omnes S. Thomas 2. 2. q. 189. art. 8. in corp. qui hanc doctrinam confirmat exemplo Sancti Joannis Abbatis apud Cassianum collar. 19. cap. 2. 5. & 6.

IV. Nemo Regularis absque Summi Pontificis dispensatione transire potest ad laxiorem Ordinem. Concilium Trident. sess. 25. c. 19. de Regular. etiamsi (ait Navarra de Regularibus comment. 4. num. 3.) ex infirmitate ac debilitate corporis Regulam suam servare non possit.

V. Disputat prolixè Carolus Fevretus lib. 2. de Abusu, cap. 3. de translatione Monachi ad diversum Monasterium alterius Ordinis; asseritque hanc esse praxim Gallicanam, ut illa nullatenus valeat, nisi ex peculiari Papæ dispensatione. Utcumque res ea sit, ipse viderit: non tamen rectè hoc probat adducens Senatusconsultum Parisiense, quo Abbas Sancti Petri Vivi, eo quòd habitum Benedictinum indulsisset quibusdam Regularibus Franciscanis, compulsus sit eisdem cum Franciscano Habitu repetenti Franciscano Prælato restituere. Id verò Senatusconsultum nihil decernit, nisi communi Juri Canonum conforme, quod in universa viget Ecclesia, juxta Martini Papæ extravag. 1. de Regularibus, quæ sic incipit, *Viam ambitiosæ*, qua prohibetur Mendicantium Ordinum Regularibus ad alium quemcunque Ordinem transitus, excepto Cartusiano, citra licentiam supremæ Sedis. Ea verò constitutio non revocat licentiam generalem Canone indultam

dultam pro transitu ad austerioris observationis Ordinem, iis qui in Ordine Mendicantium professionem emisierint. Sic non raro evenit, ut nonnulli præcipitato judicio ad jus Galliarum speciale trahant Curiarum placita prorsus Juri communi consentanea. Cum igitur Fevretus nullâ aliâ probatione nitatur, ejus testimonium, si aliud argumentum solidius non occurrat, nihil in hac re convincit de Galliarum consuetudine peculiari.

VI. Eidem tamen Fevreto in eodem capitulo lubens assentio, quæstionem moventi de Abbatis Commendatarii potestate circa subditorum Monachorum translationem in diversa à se dependentia Monasteria; est enim rationi congrua illius distinctio ista; vel Monachum transfert per dependentis à se monastici Beneficii collationem, & sic legitima est illa translatio; quandoquidem Commendatariis Abbatibus competit libera Beneficiorum collatio, ex qua sequitur in proviso jus & obligatio residendi: vel Commendatarius alia, quam collationis viâ illam transferendi potestatem sibi vindicare intendit, verumtamen jus illud non aliter habet, nisi Cardinalis dignitate præfulgeat. Enimverò jus istud soli competit Commendatario Cardinali; necnon Priori Clausurali, qui solus professiones solennes admittere potest, cui spondetur obedientia regularis, inhæret, utpote ad quem spectat interius ac regulare Monasterii regimen. Ibidemque ita judicatum refert à Senatu Divionensi adversus quemdam Commendatarium, additâ etiam pecuniariâ multâ, Febr. 17. an. 1617.

VII. Commendatarius perpetuus, quanquam à solo Papa provisos hac lege, ut per cellum aut decessum provisi desinat Commenda, tituloque redintegretur, potest nihilominus Commendæ suæ renunciare in favorem apud Papam, vel absolute ac simpliciter in manus Ordinarii, qui non poterit eandem alteri conferre Commendam, sed solum in titulum, nisi sit Consistoriale Beneficium, de quo solus Papa disponendi potestatem habet. Etiam si verò post Commendam Papæ finitam dicant Ultramontani Doctores, non posse ab Ordinario provideri in titulum, eo quod Beneficium per eam, quæ præcessit, Commendam sit jam Summo Pontifici affectatum: in Regno tamen Franciæ contrarium jus usu indubitato viger, ut possit Ordinarius postquam Commenda Papæ desit, de titulo providere ad libitum, ut scribunt unanimes Gallicani Jurisconsulti, Rebuffus tract. de pacific. possess. num. 46. & seqq. Guido Papæ quæst. 152. Ruzzus tract. de Commendis, quæst. 6. Fevretus lib. 2. cap. 6. n. 24. qui iidem docent præterea Gallicanam istam praxim fundari in Concordato Bononiensi, quo reservationes sublatae sunt in Gallia, tit. de reservationibus. Iidem quoque tradunt, in eodem Regno Commendas perpetuas solere permutari cum Beneficiis in titulum collatis, hisque suffragatur Imola in cap. fin. de rerum permut. & Federicus tract. de Beneficiorum permut. quæst. 15. Afferitque Rebuffus in praxi, tit. de Commenda, num. 53. sæpius se vidisse Beneficium commendatum permutari cum alio in titulum, etiam coram Ordinario, tametsi oppositum jus in Ultramontanis partibus vigeat.

VIII. Cum


VIII. Cùm verò jus & ratio suadeant, solutà per obitum Commendà ad vitam concessà, debere Beneficium in pristinum statum ac titulum resurgere: similiter si Clericus, sive sit Secularis, sive Regularis, à Summo Pontifice perpetuam habens indultam sibi Commendam, resignet dum adhuc in vivis est, hoc ipso illa, utpote dispensatoriè concessa, desinet in titulum, quo potietur is, in quem sive Papa, sive Ordinarius providerit, ut idem tradit Fevretus num. 25.

IX. Quilibet Religiosus de licentia sui Abbatis potest mutari & transferri ad aliud monasterium, quod sub eodem Abbate regitur, eandemque proficitur Religionem. Cùm verò Summo subiciantur Pontifici Monachi omnes, atque Monasteria per universam Ecclesiam diffusa, si Papa conferret, vel commendaret Religioso Beneficium aliquod in alio Monasterio, illius hoc ipso personam transferret, quia unum horum ex altero consequens est. Quia verò ad notitiam translationis Monachorum multùm eruditionis confert caput Cùm singula, §. fin. de Præbend. in 6. idèd huc verbatim transferendum duxi: *Prohibemus insuper ne Prioratus, vel Ecclesia, aut administrationes, seu officia unius Monasterii consueva per ejusdem Monachos gubernari, committantur deinceps absque auctoritate Apostolica Sedis alterius Monasterii Monachis gubernanda, nec hactenus commissa dimittantur eisdem, sed per eos ad quos pervenit, libere ordinentur; cum illis non liceat habere locum in diversis Monasteriis, quorum unum ab alio non dependet; nec aliorum Monasteriorum, nisi canonicè transferantur ad ipsa, Prioratus, Ecclesias, administrationes vel officia gubernare. Qui verò contra prohibitionem præsentem prædicta de cætero alienis Monachis commiserint, vel dimiserint jam commissa, ea vice ordinandi de ipsis suis potestate privati, & de eis per Diocesanos (si exempli non fuerint) alioquin per Sedem Apostolicam ordinetur. Ii autem qui ea suscipere, vel suscepta præsumpserunt detinere, reddantur ineligibiles ipso jure.*



CAPUT XXIV.

Utrum Beneficiarii, aut Episcopi olim Religiosi, aut alii etiam quilibet Regulares testari possint de fructibus à se perceptis.

I.  s esse Religiosus possidere tertii generis peculium, quoad usum fructum, cum dependentia Ordinis, vel Superiorum, de quo possunt aliquatenus inter vivos, ad pias præsertim causas disponere, superius docui. Verumtamen testari nec licitè, nec validè possunt, can. *Quia ingredientibus*, 19. q. 3. & authent. *Ingressi*, Cod. de Sacrof. Eccles. Neque ullatenus dispensari in his potest, nisi subit gravis & justa causa, ne

ne

nec ab alio nisi à Papa, de iis quorum usum administrationemque habet Religiosus. Censent aliqui dispensationem hac in re nihil esse quàm relaxationem voti paupertatis secundum aliquam partem. Caterum cum ad jus testandi non requiratur necessarium dominium, sufficiatque consensus & administratio cum dependentia ad hanc rem, sicut & ad Religiosi donationem; idè melius censet Lessius hanc dispensationem non esse contrariam voto paupertatis: atque hac ratione potest Religiosus contra Juris regulam, plus juris in alium transferre, quàm ipse habeat, nimirum dominium & proprietatem quâ ipse caret.

II. Utrum verò Religiosus factus Episcopus solvatur ipso jure voto paupertatis, ac efficiatur dominus reddituum, possitque condere testamentum, celebris quæstio est. S. Thomas 2. 2. quæst. 18. art. 8. alique plerique quos citat & sequitur Sanchez in Summa, tom. 2. lib. 6. cap. 6. num. 8. negant hæc fieri ab Episcopo Religioso posse citra Papæ rationabilem dispensationem, hoc argumento, quia non laxantur religiosæ professionis vota per sequentem Episcopatum, nisi quatenus muneris Episcopali tantquam majori bono obstant. Jus enim naturæ prohibet, ne ea quæ Deo sanctè promissa sunt, sine ulla necessitate solvantur. Univerſaque ipsa Ecclesia, tam Orientalis in Synodo octava œcumenica contra Photium can. 14. quàm Occidentalis in Concilio generali Lateranensi sub Innocentio III. can. 16. Monachos ad Episcopatum promotos obligat ad deferendum regularem habitum: quæ sanctio legitur & in cap. *Clerici officia*, de vita & honest. Cler. Atqui administratio bonorum Ecclesiæ quæ competit Episcopo, nihil obstat paupertati religiosæ, ac abdicationi dominii.

III. Ex opposito, à votis Religionis immunem fieri Episcopum affirmant Dominicus Soto lib. 7. de just. quæst. 4. art. 2. ad ult. Vasquez in p. 2. quæst. 96. art. 4. disp. 165. cap. 8. num. 91. in fin. & cap. 9. num. 104. ubi asserit Monachum factum Episcopum, dominium verum habere, & vinculo paupertatis solvi, atque multò magis à præceptionibus & abſtinentiis in Regula præscriptis, quæ utique non pertinent ad ipsius Religionis essentialiam, ad quam tamen pertinet paupertas. Huic sententiæ favet canon *Statutum*, 18. quæst. 1. dilertè dicens: *Monachus quem canonica electio à jure Regule monastica professionis absolvit, & Sacra Ordinatio de Monacho Episcopum facit, velut legitimus hæres paternam sibi hereditatem postea jure vendicandi habeat.* Quod verò Jus Gallicanum, vetustissima & generalis in universo hoc Regno consuetudo viget, ut Religiosi facti Episcopi nulla in re pristinae Religionis astringantur, nisi ut colorem Ordinis in habitu servant. Sunt quippe successio, aliarumque acquisitionum capaces, dominia & proprietates sibi acquirunt, disponuntque tam inter vivos quàm per ultimas voluntates, pro libito testamenta condunt, & si intestati decedant, successores habent non Monasterium, non Ecclesiam, sed propinquos.

IV. Prioribus quidem Ecclesiæ seculis fas erat Episcopis etiam Monachisum antea professis testamenta condere. Ex Latinis enim adhuc testamenta

Episcoporum spolia Fisco cedunt Apostolico, ut testantur Martinus Navarra tract. de spoliis, §. 14. Azorius part. 2. lib. 8. cap. 4.

VI. Valide hoc fieri quidem videmus, ut per ultimam voluntatem Clerici de fructibus acquisitis Beneficiorum liberrimè disponant extra pias causas, atque in his etiam succedant intestatis Clericis sanguine propinquiiores. Licet tamen ac citra dispendium salutis æternæ ita disponere de hujusmodi fructibus Clerici non possunt, nisi de solis illis quos parciùs vivendo sibi asservarunt, cum potuissent absque peccato propriis usibus statui suo convenientibus eisdem impendere. Distributiones autem cum persolvantur quasi merces & stipendium quotidianæ operæ ac laboris, cap. *De cætero*, de Cler. non resid. & cap. *Licet*, de Præbend. nec in fructibus computari debent, nec habent obligationem adnexam, ut ad opera pia prorsus applicentur, non magis quam bona patrimonialia, aut ex causis profanis quæsitæ, ut communiter tradunt Doctores. Decius consil. 180. col. 1. Ancharanus in Clement. unica, quæst. 5. de concess. præbend. Rota decif. 134. in novis: Rebuffus tract. Nominationum, quæst. 9. num. 39. & seqq. S. Antoninus p. 2. cap. 1. §. fin. Sylvester verb. *Clericus* 4. quæst. 4. Barbatia in cap. ultim. de pecul. Cleric. Bonacina tract. de obligat. Cleric. circa benefic. fructus, puncto 2. num. 18. Tarradus in amplitudine Benefic. ciaria, disp. 8. quæst. 1. num. 21. 22. 23. 24. & alii.

VII. In hac verò quæstione dissentiunt ab invicem Doctores, utrùm de fructibus qui congruum Beneficiorum victum excedunt, disponentes sive inter vivos, sive per ultimam voluntatem extra causam pietatis, sive ad luxum, sive ad locupletandos cognatos, teneantur restituere pauperibus, sive Ecclesiæ? Quod enim graviter peccent, indubitatum faciunt multæ rationes & Sacri Canones, præsertim Lateranensis sub Alexandro III. Concilii canon 15. relatus in cap. *Cum in officiis*, de testament. Dissident etiam Doctores, utrùm illi in quos indebitè Beneficarii contulerent Beneficiorum fructus, aut qui eos hereditate acceperunt, teneantur se his abdicare, & in pietatis usus transferre; an verò sibi possint retinere? Sed has expediam quæstiones infra lib. 6. ubi de restitutionibus Clericorum disserteretur.



LIBER SECUNDUS.

Qui est de Beneficiis Ecclesiasticis.



CAPUT PRIMUM.

*Quid sint Beneficia, eorumque varia divisiones;
& de jure Commendarum.*

I.



BENEFICIUM, quod etiam Præbenda vocatur, est jus percipiendi fructus ex bonis Ecclesiæ, Clerico concessum ob sacrum & Ecclesiasticum ministerium. Dux namque res in Beneficio comprehenduntur, scilicet fructus temporales, & Ecclesiasticum ministerium, cujus exercendi causâ fructus assignantur: unde regula, *Beneficium datur propter Officium*, cap. ult. de rescript. in 6. In ratione

Beneficii duo ista sunt ab invicem inseparabilia, ut docet canon *Si quis obixerit*, l. q. 3. Sicut igitur à Romanis Imperatoribus agrorum portiones sub nomine Beneficiorum militibus attribuebantur, ut hoc quasi vinculo Principis obsequio & Imperii militiæ strictius addicerentur, unde & Beneficiarii Milites dicebantur, quorum meminit Lampridius in Alexandro Severo: quemadmodum etiam sub nomine quoque Beneficiorum solebant Domini prædia vassallis seu clientibus in feudum largiri sub hac conditione, ut ad militandum pro ipsis astricti essent, quorum fit mentio lib. 1. feudor.

P. 2

tit.

tit. *An mariti succed. uxor. in benef.* 15. & tit. *De benef. frat. & qualiter frat. in benef. frat. succed.* 20. & lib. 2. tit. 12. & tit. 24. Ita etiam redditus & emolumenta annua sub nomine Beneficiorum Clericis præstare solet Ecclesia, cum obligatione strictiori militandi Deo, & certæ Ecclesiæ obsequia præstandi. Primis Ecclesiæ sæculis ex Fidelium primitiis & oblationibus Ecclesiæ Ministris pecuniæ collectæ in sportulis distribuebantur ad victum, ut constat ex Cypriani *Epistola* 34. Quæ distributio in Ecclesia Carthaginensi singulis mensibus iterabatur: idcirco ibidem eas vocat mensuras, id est mensuras, divisiones. Sed progressu temporum, postquam diversis prædiis auctæ sunt Ecclesiæ, factum est, ut ministrantibus Clericis prædia passim assignarentur ad vitam, ut se fructibus ipsorum sustentarent, manente penes Ecclesiam terrarum inviolabili proprietate. Quæ quidem assignatio nostris beneficiis nomen simul & originem dedit. Hujusmodi Ecclesiasticæ institutionis mentio prima legitur in duabus Symmachi Romani Papæ ad Cæsarium Arelatensem Episcopum *epistolis*, ut Baronius observat ad annum Christi 502. n. 36. 37. & 38.

II. Ad constituendum Beneficium necesse est ab Episcopo in Titulum erigi: hinc fit ut privatæ Capellæ à privatis etiam in perpetuum donatæ pro Missarum in eisdem celebratione, quantumvis benedictæ, non censcantur inter Beneficia, sed sub sola remaneant fundatorum & successorum dispositione, in favorem etiam Episcopo, qui solus potest eas intitulare ac spiritualizare, ut loquuntur Canonistæ, & eas deinceps ut Beneficia Ecclesiastica conferre, sola Patronis relicta præsentatione. Atque ex tunc, & non antè, subijci incipiunt Papalibus Decimis, & simoniæ beneficiis censuras secum trahunt, atque in Beneficiorum impetrationibus coram Papa vel Legato exprimi debent, permutari cum aliis Beneficiis possunt, & regulis Cancellariæ sunt obnoxie, insuper & fructuum restitutioni, si Divini Officii recitatio fuerit omisâ: ad quam restitutionem non tenebatur provisor antequam Episcopus intulasset, dummodò Missarum obligationi satisfecisset. Hæc verò observanda sunt ad multorum casuum occurrentium elucidationem.

III. Dividuntur primùm Beneficia in Secularia & in Regularia. Ad Secularia non nisi Secularibus Clericis; ad Regularia non nisi Regularibus patet accessus, cap. *Cum singula*, de præbend. in 6. & Clement. 1. de election. Ea verò tribus discernuntur modis. Primò fundatione, can. *Qua semel*, 19. q. 3. Secundò conversione ac mutatione status à seculari in regularem, & vice versa à regulari in secularem, cap. *Ad audiendam*, de Eccles. ædif. Tertiò longa consuetudine ac præscriptione, quatenus per tempus legitimum regularia per Seculares Clericos, aut secularia per Regulares possessa fuerint, cap. *Cum de beneficio*, de præbend. in 6. Istud verò tenendum, ad hoc ut Beneficium regulare in statum secularem præscribi possit, atque seculare in regulare Beneficium convertatur, annos requiri quadraginta,

quadraginta, d. cap. *Cum de beneficio*, juncta Glossa in verb. *Legitima*, Despeisseus de Benefic. tit. 3. num. 31. & 37. Rebutius 1. p. praxis, tit. *Quotuplex sit benef.* num. 5.

IV. Item solus Papa providere potest Regularem personam de Ecclesia Seculari, can. *Qui semel*, 19. q. 3. Cum tamen quilibet Ordinarius possit in sua Diocesi conferre Beneficium Regulare Clerico Seculari, can. *Si Episcopus*, 2. q. 2. Qui tamen Clericus sic provisor tenetur statim Habitum Regularem suscipere, & post annum professionem emittere, ex præscripto Concilii Trident. sess. 14. cap. 10. de reform. Hinc tamen excipiuntur Abbatia & Prioratus Regulares, de quibus nullo modo possunt Ordinarii providere.

V. Hoc pariter notandum, posse quoque Secularibus Clericis absque obligatione alimendi Monastici instituti conferri Abbatias & Prioratus Clausuales & Canonicatus Regulares in Commendam, sed non in Titulum. Navarrus hæc fufius pertractat in comment. 3. de Regular. & Prosper Fagnanus in cap. *Cum in Magistrum*, num. 13. & seqq. de election. ubi rectè monet, non esse in Jure novum, ut Beneficia certo personarum generi destinata conferantur illis etiam qui tempore provisionis hujus non sunt de illo genere. Primum exemplum est in Secularibus, qui providentur de portionibus & Beneficiis Monachalibus, aut Canonicatibus Regularibus, uti jam dixi. Secundum est in provisionibus Parochialium Ecclesiarum, quæ fieri permittuntur respectu Clericorum necdum Sacerdotum, qui tamen tenentur intra annum ad Sacerdotium promoveri, cap. *Licet canon*, & cap. *Cum ex eodem*, de election. in 6. & cap. *Si pro Clericis*, cum sua Glossa, de præbend. in 6. Tertium exemplum patet in Beneficiis, quibus certa onera sunt annexa, quæ tamen ritè conferuntur Clericis necdum habentibus Ordines requisitos ad ea onera exercenda. Nam Præbendæ Diaconales & Sacerdotales conferri possunt illis qui intra tempus à Jure statutum possunt præfatis Ordinibus initiari, Clement. *Ut ii*, de ætat. & qual. quam instaurat ac innovat Concilium Trident. sess. 12. cap. 4. & sess. 14. cap. 12. §. *Neminem*. Admonet idem Fagnanus loco cit. num. 18. collationes Ordinariorum in ejusmodi casibus non esse faciendas sub forma conditionata (soli enim Papæ jus conferendi sub conditione competit) sed esse simpliciter & purè faciendas; cum decreto tamen, ut teneantur sive habitum aut professionem, sive Ordinem suscipere ex præscripto Canonum.

VI. Verumtamen Ordinarii nullum jus habent circa Beneficia certo alicui Monasterio affectata, ubi in commune vivitur: horum namque provisio pertinet vel ad Prælatum Regularem, vel ad Regulare Capitulum. Antonius Faber in suo Codice, lib. 1. tit. 2. definit. 65. Antonius Despeisseus tract. de benefic. tit. 1. num. 3. nisi (ut ibidem aiunt) tempore præscripto non fuisset de tali Beneficio provisorum, & jus ad Ordinarium devolveretur.

VII. Secundò dividi solent Beneficia in simplicia, quibus non est adnexa administratio, vel Clerus, vel populus: & duplicia, quibus aliquid horum adnexum est.

VIII. Tertiò alia Beneficia curata, alia non curata dicuntur. Curatis inest vel jurisdictio erga Clericos, quæ cura spectat ad tribunal exterius: vel jus inest administrandi Sacramenta, quæ cura est interni fori.

IX. Quartò distribuuntur Beneficia in Dignitates, Personatus, & Officia, quæ sic exponit Glossa in cap. 1. de consuetud. in 6. ut Dignitati affixa sit Ecclesiastica administratio cum jurisdictione supra Clerum: tales sunt Episcopatus, Abbatiz, Decanatus, Præposituræ, Archidiaconatus. Personatus coheret præminetia supra Clerum sine jurisdictione, ut in Præcentore, Primicerio, Sacrista primario. Officio demùm inhaeret administratio sine ulla jurisdictione & præminetia: hujuscemodi sunt Canonicatus, Præbenda Theologalis, & Præceptoraria, Thesaurarii, Custodis seu Sacristæ inferioris officium, atque Oeconomi.

X. Quintò in manualia, quæ ad collatoris arbitrium revocari possunt, de quibus agit Clement. unica de suppl. negl. Prælat. & non manualia, quæ adimi non possunt, nisi certis de causis à Jure statutis, ut sunt delicta, irregularitates. Negat Rebuffus ulla esse in Gallia Beneficia manualia.

XI. Sextò in electiva, quæ per Clericorum, sive Secularium, sive Regularium suffragia; & in collativa, quæ per absolutum Prælati arbitrium; & mixta, quæ ad Patronorum nominationem, seu præsentationem attribuantur à Prælato.

XII. Sicut autem paulò ante plenius explicavi jura, tum communia, tum distincta inter secularia & regularia Beneficia; similis hoc loco instituenda est tractatio, primùm quidem de distinctione Beneficiorum inter titularia & commendata: deinde de Beneficiis tam actu, quàm habitu curatis. Itaque conferri Beneficia solent in titulum, quando scilicet ad vitam, & cum plenitudine juris conferuntur: vel in commendam, si solum administrationis, aut custodiæ causâ conferantur. Ulteriùs possunt duobus modis Beneficia in commendam conferri: vel namque id fit in utilitatem Ecclesiæ, vel in utilitatem Commendatarii. Si fiat in utilitatem Ecclesiæ, non permittit Jus commendam istam ultra sex menses prorogari; quin etiam præcipit, ut Commendatarius rationes reddat fructuum commendati sibi Beneficii, cap. *Nemo*, de election. in 6. habetur enim pro sequestro, qui est reddendis rationibus obnoxius, cap. fin. de sequestratione.

XIII. Ubi autem Episcopus Ecclesiam Parochialem commendat, eoquod ejus Rector sit mente captus vel absens, nullo relicto Vicario vel Coadjutore, potest Episcopus talis Ecclesiæ Commendam conferre, donec
amencia

amentia vel absentia durabit, quanvis ultra semestre; etiamsi duratura esset tota Rectoris vita. Ubi verò commendatum est Beneficium ad solam Commendatarii utilitatem, potest ea commenda esse perpetua, id est ad omnem ejus vitam. Perpetuo Commendatario omnia ferè jura permittuntur, quæ Titularibus competunt. Possunt enim de commendato Beneficio transigere, fructus ad plures annos locare, & eosdem alienare, cum sint eorum domini. Possunt quoque permutare cum Beneficiis alteri in Titulum collatis, ut docet Rebuffus in praxi, tit. de Commendis, num. 53. Possunt quoque perpetui Commendatarii à Papa (ad quem duntaxat pertinet perpetuarum Commendarum collatio) provili circa Beneficia non Consistorialia, id est quæ neque sunt Episcopatus, neque Abbatiz, de quibus Papa providere solet in Consistorio; possunt, inquam, coram Ordinariis eadem commendata Beneficia resignare, si sint eorum collationi subdita, modò non resignent in favorem, aut sub conditione. Rebuffus d. cit. de commendis, num. 51. Bleinius lib. 3. tit. 8.

XIV. In Regno quoque Galliarum per Commendatarii perpetui obitum vacat Beneficium, & ita impetratur ac si fuisset in Titulum, ut locis citatis docent Rebuffus & Bleinius; etiamsi alibi ex Jure communi, defuncto Commendatario non dicatur vacare per obitum, ut neque deposito per depositionem, aut resignante eodem per resignationem; sed cessare Commendam, novamque fieri Beneficii impetrationem, eo solo modo vacantis quo vacabat antequam commendaretur: hoc tamen adjuncto, quod vacare in Romana Curia perhibetur, quonvis ante Commendam verè vacasset extra Curiam, & apud Ordinarium. Cujus rei rationem allegant Canonistæ, quia per eam manus appositionem, quæ contigit per commendatum à Papa vel Legato Beneficium, remansit affectum & reservatum ipsi Papæ. Sed quia in Gallia reservationes ad Romanam Curiam sublatae sunt, Ordinarius circa istud commendatum Beneficium vacans uti potest jure suo: Beneficium tamen istud ab Ordinario collatum desinet à Commenda, pristinumque titulum resumet.

XV. Possunt similiter perpetui Commendatarii, quemadmodum & titulares, præsentare, eligere, conferre in Beneficiis à commendata sibi Ecclesia dependentibus.

XVI. Itaque in alterius Beneficii impetratione tenetur perpetuus Commendatarius istud commendatum sibi Beneficium exprimere, perinde ac si haberet in titulum: alioqui fiet irrita impetratio. Ruzeus tract. de Commendis, quest. 7. Rebuffus loco cit. n. 52.

XVII. In Galliarum Regno, sumpta possessione per Commendatarium æquè ac per Titularem, regalia clauduntur. Qui plura de Commendis exquireret, consulat superius lib. 1. sub tit. *Quatenus sit licitum ad alteram Religionem transire*, articulis 5. 6. 7. & 8.


XVIII. Circa divisionem porro superius adductam Beneficiorum
curatorum

curatorum & non curatorum, sciendum est, curata alia esse actu, alia solo habitu. Contingit enim plerumque, ut ob bellum, pestem, aliamve ingruentem calamitatem Ecclesia Parochialis prorsus deserta fiat, Parochianis partim morientibus, partim aliò commigrantibus: & tunc Ecclesia derelicta, dicitur habitu & non actu curata. De hujusmodi habitu solo curatis Beneficiis quaeritur utrum legibus omnibus actu curatorum Beneficiorum subjiciantur? Resolvit negativè Rebuffus 2. p. praxis, tit. de non promot. ante ann. num. 34. ubi docet, tales provisos de Ecclesia solo habitu curata non teneri ad Sacerdotium intra annum promoveri, nisi ex quo regressis jure postliminii Parochianis, Ecclesia curam actualem recuperaverit. Addit Bleinianus lib. 3. tit. 2. num. 42. & 43. si post prædictum annum recuperata actualis curæ provisos aliud Parochiale Beneficium habeat, non posse citra Papæ dispensationem utrumque retinere.



CAPUT II.

*Diversa & necessaria temporum præscripta
servanda in re Beneficiaria.*

I.  N primis observare tempora convenit electionibus primam, deinde electionum confirmationibus constituta. Nulla verò canonica actio tanti videtur esse momenti ac electio. Cum enim Ecclesiae status, animarumque salus aut exitium ex bonis malivæ ministrantium Clericorum qualitatibus dimanet ac diffuset; Ministri autem Ecclesiae per electionem provideantur, electio fons & principium est omnis ferè boni aut mali advenientis in Ecclesia. Hoc egregie admonet S. Papa Gregorius Magnus in lib. 1. Regum, ad hæc Samuelis verba, *Quasvis sibi Dominus virum juxta cor suum, & præcepit ut esses Dux super populum suum*, dum ita scribit: *Quasvisse virum Deus dicitur, ut eligendorum Antistitem forma hominibus præbeatur. Deus enim, cui nihil est absens, nihil latens, non dicitur quasvisse virum ut absentem aut absconditum; sed quasvisse dicitur, ut omnis qui ad Samuëla Ecclesia culmen eligiatur, discutendus ab hominibus esse doceatur: sed quari debet secundum cor Dei, ut videlicet non solum divinæ voluntatem intelligat, sed bonis operibus ostendat.* Hactenus S. Gregorius.

II. Canonica electio nihil juvat, nisi eligentium vota superioris approbatione confirmantur. Debet verò electus, ut rata fiat electio, eidem consensum.

consensum præbere intra mensem à die notitiæ computandum ; & post consensum confirmationem prosequi intra tres menses , ne longior vacatio fiat Ecclesiæ dispendiosa , ut sancit Concilium Lugdunense Generale sub Gregorio Papa X. & allegatur cap. *Quàm sit Ecclesiis* , de electione , in 6. Non est autem à Prælato electio confirmanda , nisi diligenter discutatur electi conditio , ut sapienter admonet S. Leo Papa Magnus epist. 85. ad Episcopos Africanos , & citatur cap. *Miramur* , dist. 61. Electio porro necdum confirmata imperfectum dumtaxat jus electo tribuit ad rem , sed nullum jus in re , nisi post confirmationem. Ideoque vetatur ante confirmationem ministrare ; addò ut si ministret ; sive per se , sive per alium , sive in parte , sive in toto , privetur eo ipso per electionem quæsito jure , ut definit præfatum Concilium Lugdunense citatum in cap. *Avaritia* , & dict. cap. *Quàm sit Ecclesiis* , de electione , in 6. Quod idem antiquiora quidem jura constituerunt , cap. *Qualiter* , cap. *Nosti* , & cap. *Bona memoria* , de electione , in antiquis.

III. Sicut præfixum electioni & confirmationi tempus , ita & collationi Beneficiorum præfixum quoque tempus internoscendum est , quod est semestre auspiciandum à die notitiæ vacationis , juxta caput *Licet Magister* , de suppl. neglig. Prælat. & cap. *De multa* , de præbend. & cap. *Quia diversitatem* , de concess. præbend. Quo lapsso termino secundum Lateranensè sub Innocentio III. Concilium , jus conferendi ad superiorem devolvitur.

IV. Quod dixi de electione & confirmatione , hoc idem ob rationis omnimodam paritatem censendum de eo , cui absenti & nescienti collatum fuit Beneficium , ut scilicet mensem habeat à die notitiæ decurrendum , ad præstandum collationi consensum , tresque insuper menses ad sistendum se Prælato , edendamque Fidei professionem , & ineundam Beneficii possessionem. Collationem namque Beneficii non est necesse fieri Clerico præsentem , sed potest absenti , alio mediante , conferri , juxta cap. *Accedens* , de præbend.

V. Provisionem Beneficii sequitur proximè immisso ad provisi Beneficii possessionem. Istud enim sollicitè curandum , ut collatio Beneficii præcedat summptionem possessionis ; alioqui namque possessio ista erit mera intrusio , excludetque possidentem ab hujusmodi provisione ex postfacto , cap. *Cum jam dudum* , de præbend. & ibi Panormitanus. Rebuffus in praxi , tit. de missione in possessionem , num. 8. & 9. Et inconcussa est regula 1. Juris in 6. *Beneficium Ecclesiasticum non potest licitè sine institutione canonica obtineri.*

VI. Mandatarius quando duo Beneficia per unius prædecessoris obitum vacant , si mandatum Pontificium clausulam exprimit motus proprii , decem dies habet ad eligendum utrum è duobus velit acceptare , cap. *Si plurius* , de præbend. in 6. Mandatarium hîc illum intellige ,

Q

in

in cujus gratiam Papa mandatum de providendo Beneficio indulgit. Sed in Regno Gallicano mandatarius requirere non potest, ut sibi conferatur ante finitum præsentationis mensem, ut observat Rebuffus in praxi, p. 1. tit. de Devolutionibus, num. 2. & probat hisce Concordati verbis, sub tit. de forma mandati: *Si quod Beneficium post mensem postquam præsentata litera vobis præsentata fuerint, extra Romanam Curiam vacare contigerit.*

VII. Canonibus conceditur annus ad Sacerdotii promotionem Clerico proviso de Curato Beneficio, quo elapso non promotus expellendus erat per sententiam à Curato Beneficio, cap. *Cum in cunctis*, de elect. Sed jus recentius, cap. *Licet Canon*, eod. tit. in 6. decernit absque sententia vacationem ipso jure. Cæterum annus non currit adversus legitime impeditum. Neque in Gallia prærequisitus ille ad promotionem Sacerdotii annus decurrere incipit, nisi finito pacificæ possessionis anno. Vide hanc materiam uberius à me tractandam hujus secundi libri titulo, *Diversi quidam vacationis Beneficiorum modi discutiuntur*, art. 9. 10. & 11.

VIII. Is qui præbendam optandi jus habet, intra viginti dies optare debet, cap. fin. de consuetud. in 6. Rebuffus in praxi, tit. de Devolutionibus, num. 3.

IX. Patronus laicus intra menses quatuor præsentare potest; Ecclesiasticus verò Patronus intra sex menses, cap. *Eam te*, de jurepatr. & cap. unic. eod. tit. in 6.

X. Majores verò Dignitates, ut Episcopales, & similes, debent intra tres computandos à notitia vacationis menses conferri, cap. *Ne pro defectu*, de election. & cap. *Postquam*, distinct. 36. Rebuffus loco citato, num. 4.

XI. Aliæ inferiores dignitates, & quælibet Beneficia concedi regulariter debent intra sex menses, sive per electionem, cap. *Cum nostris*, cap. *Dilectus*, & cap. *Postulastis*, ubi Panormitanus & alii, de concess. præbend. sive per collationem, cap. 2. eod. tit. & tam à primo collatore, quam ab alio, in quem id jus devolutum fuerit. Rebuffus loco citato, num. 4. & 5.

XII. In institutione verò & confirmatione, quoad confirmantem certum tempus nullum est Canone præstitutum. Glossa & Doctores in cap. *Cum in cunctis*, §. 1. de elect. Idemque in permutatione Beneficiorum, quoad approbationem. Rebuffus ibid. num. 6.

XIII. Præfigitur quoque semestre ad ineundam possessionem Beneficii in Romana Curia resignati: sed si resignatum sit extra Curiam, ineunda est possessio intra mensem, ut si tempore illo contingat mors resignantis, valcat ipsa resignatio. Cæteroqui enim emenso illo præfixo tempore post resignantis interitum, censebitur Beneficium vacans jam non per resignationem, sed per obitum, juxta receptam in Gallia regulam de resignationibus

nibus publicandis. Atque utinam adversus istius regulæ mentem nunquam in Galliam invec̃ta consuetudo fuisset Beneficiũ hac mente in alterius favorem resignandi, ut resignatario liberum sit differre possessionem ad triennium, duobus minùs diebus, ut resignans per omne id tempus integris proventibus perinde potiat̃ur, ac si nunquam resignasset; & tamen sic teneat illa resignatio, ut ab ea is qui resignavit, resilire non possit. Id quidem si ex mutua conventione fiat, nullà obtentà Romani Pontificis dispensatione, manifestam involvit realem simoniam & confidentiam. Quis enim ignorare possit omnem in hujusmodi privatorum ex propria auctoritate pactionibus conditionem, conventionem ac legem, simoniacam esse? cap. *Cum pridem*, & cap. *Pactiones*, de pactis: cap. *Constituimus*, cap. *Super eo*, & cap. *Præterea*, de transact. Si neq̃es ullum intervenisse pactum reale, sed sola mente hoc intellectum, ut resignatario ex scriptis formis sua tuta, & inconcussa maneret resignatio, qui tamen gratuitè & liberali voluntate differendo possessionem, fructus Beneficii suo dimitteret benefactori: verumtamen saltem mentali simoniæ, & fiduciariæ conventioni dabitur locus, fraudulentaque interveniet collusio, quæ utrumque reddet Beneficio inhabilem. Resignanti enim nullum superest jus ad Beneficiũ ejusque stipendia, ex quo ejus est à Superiore admissa resignatio, cap. *Ex transmissa*, cap. *In præsentia*, & cap. *Quidam*, de renunciat. Resignatarius verò Ecclesiæ graviter præjudicat, tamdiu, & mala fide illam legitimo Ministro orbam relinquens: & sic uterque se sacri ministerii inhabilem, & indignum exhibet, in Ecclesiæ detrimentum & scandalum. Ubi hæc abusus invaluit, quam diversis Senatusconsultis, ipsaque Ludovici XIII. dicta *du Contrerolle*, articulo 17. & 20. Constitutione fulciri volunt Papo lib. 3. tit. 1. num. 6: & 8. Pastor lib. 3. tit. 8. num. 6. Mosnier aux Alliãces du Droit François, tit. *Benefice*, num. 89. hoc ipsum tamen observatur, ut si resignans præmoriatur ante initam possessionem, aut si supervivat quidem resignans ultra biennium, sed resignatarius omiserit possessionem saltem biduo ante triennii finem, tam resignans, quàm resignatarius Beneficio prorsus excidant, vacetque istud, sitque impetrabile titulo præsumptæ collusionis, & simoniæ.

XIV. Denique in universo Galliæ regno, si quis de duobus incompatibilibus Beneficiis sit provisor, annus illi conceditur ad deliberandum utro ex duobus se abdicet. Jure quidem communi vacabat olim per Constitutionem Lateranensis sub Alexandro III. Concilii posterius quæsitum Beneficiũ, cap. *Quia nonnulli*, de Cler. non resid. Sed posterior Juris communis dispositio satius duxit, ut vacet priùs acquisitum Beneficiũ, cap. *De multa*, de præbend. Clem. *Si plures*, & Clem. fin. eod. tit. & deinũ Concilium Tridentinum sess. 7. cap. 4. de reform. Indulti verò in Gallia, ad alterum quod libuerit dimittendum, anni pacifici assertores sunt Rebuffus tit. *De non promotis intra annum*, num. 45. & 46. & tract.

de pacif. possessor. n. 205. Antonius Faber Cod. de sacros. Eccles. definit. 1. Louetus lit. G, num. 5.

XV. Ubi agitur de Beneficio Capitulari, sive Collegiatæ, sive Cathedralis Ecclesiæ, non censetur resignatarius satisfecisse regulæ de publicandis resignationibus, nisi literas provisionis suæ Capitulo exhibuerit tempore in ipsa regula ordinato, argum. cap. *Cum Ecclesia Viterbana*, de election.

* XVI. Quæritur intra quod tempus debeat nominatus vel Graduat^{us} petere Beneficium vacans sibi conferri? Doctores Gallicani semestre assignant, intra quod Ordinarius conferendi potestatem habet, cap. 2. de concess. præbend. & Patronus Ecclesiasticus præsentandi jure potitur, quemadmodum laicus intra tres menses, cap. unic. de jurepatr. in 6. Hæc docent de Graduat^{is} Joan. de Selva part. 3. quæst. 64. & Rebuffus tract. de nominat. quæst. 20. In præfatis tamen & aliis juribus tempus non currit adversus impeditum aut ignorantem rei factum, cap. *Quia diversitatem*, de concess. præbend.


XVII. Quod ex decreto Concilii Lugduncensis sub Gregorio X. refertur in cap. *Licet Canon*, de elect. in 6. vacare Beneficium curatum ipso jure, esseque impetrabile si accidat eum qui illo provisus erat, distulisse post annum suam ad Sacerdotium ordinationem: hæc tamen exceptione limitatur, si sic provisus dispensatione fuerit prænuntius (quam idem Concilium declarat posse à proprio Episcopo indulgeri) ad vacandum studiis per certos annos ab eodem Ordinario præfinitendos, dummodo septennium non excedatur, & dummodò intra primum annum Subdiaconi Ordinem suscipiat, ne in fraudem Ecclesiæ, postquam Beneficii fructus perceperit, abcedat à Clero. Dilapso verò sive ad Subdiaconatum, sive ad Sacerdotium præfixo termino, conditione non adimpleta, vacabit ipso jure Beneficium. Quamdiu verò præfixus terminus in suspenso erit, Prælato incumbet officium providendi probum & idoneum Vicarium, qui ex ejusdem Ecclesiæ proventibus in absentis Titularis vicem administret. Hæc statuuntur omnia cap. *Cum ex eo*, de elect. in 6.

XVIII. Resignatio Beneficii in vim resignatorii seu procuratorii mandati facta, post imensum anni curriculum expirat, ut Edicto Codicis Ludovici XIV. cautum est anno 1651. Aprilis 19. cui præluserat Tolosanum Senatusconsultum anni 1644. Quinetiam Romanam Cancellariam consuevisse hujusmodi mandata ut irrita post anni lapsum rejicere, testatur Rebuffus in praxi, tit. *De procuratoris ad resignandum constitutione*, num. 18.]



C A P U T III.

Quibusnam competat jus providendorum Beneficiorum.

I.  N primis Summus Pontifex jus habet duplex circa Beneficiorum Ecclesiasticorum collationem ; potest enim jure præventionis quælibet per universam Ecclesiam Beneficia conferre, eoque titulo anticipare quælibet inferiorum Prælatorum collationes, easque sequutas facere inanes & irritas, cap. *Proposuit*, de concess. præbend. & can. *Cuncta per mundum*, 9. quæst. 3. Secundò idem, & solus potestatem habet Beneficia quæcumque conferendi vacantia in Romana Curia, cap. *Licet* 2. de præbend. Quorsum verò extendatur in his casibus *Romana Curia* significatio, docet apertè caput *Præsentii* 34. cod. tit. in 6. his verbis : *Præsentis declaramus Edicto, Statutum felicitis recordationis Clementis Papæ prædecessoris nostri de Beneficiis apud Sedem Apostolicam vacantibus per alium quam per Romanum Pontificem minimè conferendis, locum habere in Beneficiis quæ Legati, aut Nuntii Sedis ejusdem Apostolica, vel quivis alii ad Romanam Curiam venientes, vel etiam recedentes ab ipsa, obinere noscuntur, si eos in locis vicinis ipsi Curia mori contingat, quemadmodum si in loco ubi eadem Curia residet, mortui fuerint. Idem est si aliquis Curialis (etiam Ecclesia Romana vacante) peregrinationis, infirmitatis, aut recreationis, sive alia quavis causa ad locum Curia vicinum secedens, in hujusmodi loco vicino decedat : dummodo ibi (etiamsi erat ad ipsam Curiam reversurus) ejus domicilium, seu domus propria non existat, Loca verò vicina intelligantur eidem Curia in præmissis, quæ remota ultra duas dietas legales (quas hoc casu sic volumus specialiter computari) à loco ubi moratur ipsa Curia, non existant. Sane si quis in loco ubi degit Curia, suæ originis domum habens, diem claudat extremum in ea, ipsius Beneficia non aliter sub prædicto includantur Statuto, quam si Curialis esset antea, & ibidem occasione Curia moraretur. Porro cum Curiam transferri de loco in locum contingit, si Curiales in itinere (dum Curiam sequuntur eandem) vel in loco unde recedis ipsa Curia, forsitan remanentes infirmi, rebus inibi eximantur humanis, præmissum Statutum (quantum eunque locus ubi decedunt, ab ipsa Curia sit remotus) ad illorum Beneficia se extendit. Hujusce Constitutionis duo loca, in quibus subesse possent difficultas, rectè exponit Glossa ibid. Primò domum propriam hîc pariter intelligendam esse de domo sibi cum aliis communi ; idque probat aliis conformibus ad hanc rem juris locis. Secundò dietam legalem exponit constaro viginti milliaribus, juxta legem *Vicena millia*, D. si quis caution.*

Q 3

II. Porro.

II. Porro fiunt Beneficiorum provisiones in Romana Curia per Signaturas, quæ sunt in duplici forma, scilicet in forma Gratiola, & in forma Commisloria, quæ vulgò dici solet in forma *Dignum*. Is qui provifus est in forma gratiola, non est obnoxius posteriori examini per proprium Ordinarium faciendo; quia Signaturam formæ gratiolæ jam præcellerat ipfius Ordinarii ad Papam fcripta attestatio de supplicantis idoneitate. Ideoque Signatura gratiola habet claufulam: *Orator testimonio Ordinarii fui de vita, & moribus, ac idoneitate commendatur*. Signatura verò in forma *Dignum*, non confert Beneficium, fed mandat Ordinario ut conferat. Sic autem vocari solet propter claufulam fpecialem, quam habet his verbis: *Dignum arbitramur & congruum*. Rurfus duplex est Signatura in forma *Dignum*, fcilicet Noviffima, & Antiqua. Noviffima folum mandat collationem Beneficii, & examen idoneitatis Oratoris. Sed antiqua mandat pariter Ordinario, ut inquiret, fi Orator relatum Apoftolicæ Sedis crimen commiferit, propter quod fit Beneficio fruſtrandus; & ita requirit novam cauſæ per Ordinarium cognitionem. Denique Ediâti Blefenfis art. 12. ſtatuitur nullitas provisionis, & locus devoluto aperitur, fi Ordinarius ſuum apponens (quod dicunt) *Viſa*, ad Signaturam in forma *Dignum*, non meminerit à le facti de impetrantis capacitate examinis: & hoc jus ſervatur inviolabile in cauſarum beneficiarum judiciis Gallicanis. Vide Olivam lib. 1. *quaſtionum*, cap. 16.

III. Cardinalibus quoque jus competit amplum conferendi quæcumque Beneficia ab Ecclefiis Titulorum fuorum dependentia, & ea pariter quæcumque dependent ab aliis Monaſteriis, Abbatiiis, Ecclefiis, Dignitatibus etiam Conſiſtorialibus, quæcumque ab ipſis Cardinalibus poſſideri etiam in Commendam contigerit, ſive illa ſint regularia, ſive ſecularia Beneficia, ſive ſimplicia, ſive curata, per expreſſum privilegium Bullæ Clementis VII. incipientis *Sanctiſſimus in Chriſto Pater*. Iſtud commune Cardinalibus privilegium uſque adeò amplum eſt, ut excludat præventiones Apoftolicas, & Mandata, atque Expectativas, & reſervationes quæcumque provenientes ab Apoftolica Sede. De hoc privilegio Sacri & Apoftolici Senatus Procerum nuper ſcripſit in ſuo Juris Eccleſiaſtici Specimine Joannes Doviatuſ Pariſienſis Sacrorum Canonum Regius Profeſſor. Quinetiam hoc privilegium eſt antiquius, ut ex testimoniis liquet vetuſtiorum Canonistarum S. Antonini, Abbatis, Felini, Dominici, apud Azorium p. 2. lib. 6. cap. 25. quæſt. 5. Inſuper caput *His quæ*, de majorit. & obed. attribuit Cardinalibus ſupra Clericos Titulorum fuorum jurisdictionem Episcopalem. Vide tamen moderationem hujusmodi indultorum in Conſtitutione 37. Pii V. quæ incipit *Sanctiſſimus*: & aliam Gregorii XI V. in ſua Conſtitutione 19. quæ incipit pariter *Sanctiſſimus*: & aliam Pauli V. quæ ſimiliter incipit *Sanctiſſimus*.

IV. Episcopis quoque jus eſt vacantia Beneficia in ſuis Dioceſibus
ſita

sita conferendi, cap. *Ex frequentibus*, de institution. Adcò ut Gallicani Authores Corasius in centuriis cap. 65. & Despeisseus de Beneficiis, tit. 1. num. 2. & Rebuffus in praxi, 3. p. tit. de simon. in resignat. à num. 27. ad num. 44. asserant Episcopum qui suam resignavit Dignitatem, jure adhuc conferendi potiri antequam successor ejus apprehenderit juridicam possessionem Episcopatus resignati, argumento legis *Meminisse*, in princ. D. de offic. Procons. ubi statuitur veterem Proconsulem validè adhuc administrare post datum sibi successorem, antequam successor advenerit in Provinciam Proconsularem. Neque potest vivente ac superstitute Episcopo resignante successor illius nondum apprehensà possessione beneficia ulla conferre; id enim jus adhuc soli ei competit qui abdicavit Episcopatum. Idemque judicium est de cæteris Prælatiis, postquam resignarunt, donec successor in possessionem missus sit. Ac præter jam citatos Corasium, Despeisseum, & Rebuffum illud asseritur ita judicatum in Senatu Parisiensi apud Charondam in suis Pandectis, lib. 1. cap. 12. & in Senatu Tolosano apud Mainardum lib. 8. cap. 5.

V. Si verò jam obierit resignator Prælatus, aut si de Prælatura provissum sit per obitum, aut per delictum præcessoris, poterit is qui ejus loco provissus fuerit, etiam nondum apprehensà possessione Beneficia conferre; quia nemo præter ipsum hoc potest tanquam Ordinarius, & citra devolutionem aut præventionem: non utique mortuus, non etiam præcessor superstes canonicè depositus, utpote incapax & indignus. Verumtamen si electus Episcopus (idemque judicandum de eo, quem Rex apud Summum Pontificem nominaverit ad Episcopatum) non modò in possessionem missus non fuerit, sed quod prærequiritur, confirmationem aut provisionem à Papa nondum obtinuerit, nullatenus Beneficia conferre potest, cap. *Nosti*, de elect.

VI. Episcopus excommunicatus caret jure conferendi, cap. *Postulastis*, de Cler. excom. minist. nec solum ipse, sed etiam ejus Vicarius Generalis, quanvis ab omni censura immunis, ut definit cap. 1. de offic. Vicar. in 6. Qui enim per se non potest, nec per alium potest. Clement. *Religiosus*, de procur. Rebuffus 1. p. praxi, tit. *Requisita ad collat. benef.* n. 1. Despeisseus loco cit. n. 3.

VII. Episcoporum Vicarii Generales ex sua generali commissione non possunt Beneficia conferre, nisi id specialiter Episcopus concesserit eis, ut monet caput ult. de offic. Vicar. in 6. Idque servatur & in Gallia, ut testatur Guido Papæ decif. 374. n. 5. Ranchinus decif. 1. parte, conclus. 494. Antonius Faber in suo Codice, lib. 1. tit. 3. defin. 3. Verum hoc limitatur, ut etiam sine speciali conferendi facultate possit nihilominus in hoc Regno quilibet Vicarius Generalis instituere præsentatos à Patronis, eo quòd talis provisio non sit collata libera, sed necessaria institutio. Atque ita judicatum in Parisiensi Senatu referunt Papon, lib. 2. Placitorum, tit. de provisionibus 9. art. 6. & Despeisseus loc. cit. num. 26.

VIII. Sciendum

VIII. Sciendum pariter de Vicario Generali facultate conferendi præmunito, quod si beneficium contulerit indigno, poterit Episcopus reparare, alteri digno idem Beneficium conferendo intra semestre. Rebuffus in praxi, 1. p. tit. *Forma Vicariatus*, n. 139. & seqq. idque fundat per caput *Si compromissarius*, de election. in 6. ubi compromissario indignum eligente, redditus ad compromittentes, ne alterius odio & culpâ prægraventur, nisi ipsi consensissent in personam indignam.

IX. Prælati quoque Regulares, ut Abbates, Priores claustrales, itemque Religiosorum Capitula jus habent Beneficia eorum jurisdictioni ac dispositioni respectivè subiecta conferendi, cap. ult. §. *Præcipimus*, de statu monach. Commendatarii quoque Abbates ac Priores eodem jure gaudent, si eis Commenda fuerit indulta, non solum ad custodiam & administrationem, sed etiam illimitatè ad ea quæ sunt muneris & officii spiritualis, sive ad tempus, sive ad vitam.

X. Capitulis quoque Beneficiorum quorundam competunt collationes, sive ipsis solis, sive conjunctim cum Episcopis vel Abbatibus suis. Sede quidem Episcopali vel Abbatiali vacante, non potest Capitulum Seculare aut Regulare Beneficia conferre solius Episcopi aut Abbatis collationi subiecta, cap. penult. ne Sede vacant. aliq. innov. & cap. 1. de instit. in 6. & cap. unico, ne Sede vac. in 6. Sede vacante potest statim Capitulum illa conferre Beneficia, quæ conjunctim ad collationem spectabant defuncti Prælati simul & Capituli; huic enim jus defuncti accrescit, d. cap. unico, ne Sede vac. in 6. Chopinus de sacra Politia, lib. 1. tit. 5. n. 9. Charondas lib. 1. Pandectarum, cap. 10.

XI. Instituire quoque potest Capitulum Sede vacante præsentatos à Patronis, cap. 1. de institution. in 6. & alias exercere collationes quæ sunt præsentis necessitatis: atque ita Mandatariis, & Graduatis, & nominatis conferre, & insinuationes nominum suscipere, juxta usum Galliarum. In his namque Collatores ordinarii non sunt liberi, sicut nec in Patronorum præsentationibus; sed tenentur nominatos quos Canones non excludunt, admittere. Et cum insinuationes nominum in hoc Regno fieri necesse sit tempore Quadragesimæ, si contingeret vacare Sedem tota Quadragesima, frustrarentur Nominati & Graduati toto illo anno. Probus in comment. ad Pragmaticam Sanctionem, tit. de collationib. §. *Item volui*, verb. *Vicario*, Ranchinus p. 3. conclus. 73. Simili ratione potest pariter Capitulum admittere Sede vacante resignationes. Deselva tract. de Beneficiis, p. 2. quæst. 1. §. num. 2. Zerola praxis Episc. p. 1. verb. *Capitulum*, quæst. 5.

XII. Quod verò attinet ad collationes liberas, plerique negant licitum esse Capitulo Sede vacante se his ingerere, sed esse reservandas futuro successori. Alii distinguunt, posse quidem conferre curata Beneficia, ne vacent diutius in periculum animarum; sed negant posse Capitulum conferre simplicia, in quibus tale periculum non imminet; istaque esse reservanda successoribus.

successori, qui vacantem Sedem Episcopalem replebit. Cæterum Beneficiorum etiam simplicium vacatio diuturnior non caret periculo; intermittitur enim etiam hac parte Divinum Officium, & ubi annexa est fundatarum Missarum, aliorumve obsequiorum ac ministeriorum fundatio, frustrantur longiore tempore piæ Fundatorum intentiones. Rebuffus in praxi Benef. r. p. tit. de Devolutionibus, num. 77. & 78. huic damno occurrit asserens his casibus posse per Capitulum provideri per Commendam, sed non in Titulum; idque fieri debere quoties vacat Beneficium curatum, quod magis arget quàm simplex, ob ministerium animabus impendendum: & posse, si post semestrem adhuc vacet Beneficium, prorogari ultra semestrem illam Commendam autoritate Capituli. Sed quidquid sit de vacantibus simplicibus Beneficiis, saltem quoad curata Beneficia potest Capitulum, dum vacat Episcopalis Sedes, saltem in hoc Franciæ Regno providere Parochiis, conferendo eas in Titulum potius quàm in Commendam, ut affirmant Gallicani Doctores in praxi hujus Regni exercitatissimi, Bengueus tit. de modis acquir. benef. §. 16. num. 18. 19. 20. & 21. & Chenutius in collatione Decretorum, p. 1. cap. 4. qui ambo multa proferunt Gallicana Senatusconsulta, per quæ summoti fuerunt provisi Apostolici à Beneficiis curatis, & confirmata fuerunt jura provisorum per Capitula Sede vacante. Ratio discriminis in hoc versatur, quia cum animarum curæ sint gravissimi momenti, certum est Capitula ex pluribus Clericis sibi notis posse illos eligere, qui meritis excellent, quod tamen præstare non potest Summus Pontifex, ad quem recurrere solent eidem ignoti Clerici. In simplicibus porò Beneficiis servare debent Capitula viduarum Ecclesiarum Cathedralium in hoc Regno Jus commune, cap. *Illæ* 2. ne Sede vacant. & cap. 1. de institution. in 6. quibus inhibetur Capitulo vacante Sede conferre Beneficia, quorum provisio ad solum Episcopum pertineret. Sciendum præterea, posse Capitulum Sede vacante recipere mutuas resignationes seu permutationes Beneficiorum, quia est quid necessarium, sicut institutio præsentatorum. Ita Rebuffus tit. de Devolutionib. num. 95. Zerola p. 2. verb. *Capitulum*, quæst. 7.

XIII. Nunc dispendendum est intra quod tempus Ecclesiastica Beneficia conferri possint. Generalis & canonica regula est, conferenda esse intra sex menses computandos non à die vacationis eorum, sed à die quo notitiam vacationis eorum Collator habuit, vel habere debuit: ita ut si intra id tempus non providerit, collatio jure devoluti pertineat ad proximum Superiorem, cap. *Licet Magister*, de supplend. neglig. Prælat. & cap. *De multa*, de præbend. & cap. *Quia diversitatem*, de concess. præbend. Itaque si Capitulum intra id tempus conferre neglexit, devolvitur hoc jus ad Episcopum, cap. *Postulasti*, de concess. præbend. & cap. *A collatione*, de appellat. etiam si Episcopus ipse Capitulo interfuisset, non quidem ut Episcopus, sed ut Canonicus, ut ibid. decernitur. Si autem Episcopus neglexit

R providere;

providere; aut quod idem juris habet, providit quidem, sed de incapaci vel indigno, devolvitur judicium & provisio ad Metropolitanum, & ex hoc ad Primatē, & hinc ad Summum Pontificem, cap. ult. de supplend. neglig. Prælat. & cap. *Nulla*, de concess. præbend. Istud caput *Nulla*, ex Concilio Lateranensi sub Alexandro III. desumptum, constituit jus devoluti reciprocum inter Capitulum & Episcopum, altero amborum intra semestre non conferente. At in Regno Galliæ devolvitur quidem jus Capituli ad Episcopum, sed non vicissim ab Episcopo ad Capitulum, sed ad solum Metropolitanum, ut tradunt Rebuffus in praxi, p. 1. tit. de Devolutionibus, num. 22. & 23. Brodeus ad Louetum, lit. R, num. 56. Chopinus lib. 1. de sacra Politia, cap. 3. num. 13. Præterea in hoc Regno unicuique est Primas Lugdunensis, ad quem solum jus conferendi devolvitur à quibusdam Archiepiscopis. Rebuffus d. num. 23. & 24.

XIV. Si Ordinarius Beneficium non vacans falso rumore aut nuncio deceptus contulerit, non idē excidit jure suo, sed idem poterit conferre beneficium, cum postea vacabit. Item si absens, cui Ordinarius contulerit, acceptare recuset, poterit idem Ordinarius alteri conferre, cap. *Si electio*, de elect. in 6. & cap. *Si tibi absenti*, de præbend. in 6. Rebuffus d. tit. de Devolut. n. 35. Collator enim non intendit conferre Beneficium, nisi re ipsa vacet; neque conferre nisi acceptaturo.

XV. Similiter Ordinarius si Beneficium patronatum sine Patroni consensu ignoranter contulerit, poterit postmodum à Patrono præsentatum instituere. Item si Beneficium vacans in mensibus Graduatorum non Graduato contulerit, non prohibebitur idem Beneficium Graduato petenti conferre, tanquam conservator & exequutor privilegii Patronis & Graduatis concessi. Ita Rebuffus tract. Nominationum, quæst. 16. num. 13. & seqq. neque id præstat ullum impedimentum, quod de jure nullum sortitur effectum, cap. *Non præstat*, de regul. jur. in 6. Cum ergo prima illa collatio nulla sit ipso jure, nihil obstat secundæ, & juri consentaneæ collationi.

XVI. Quando per inferiorum Collatorum negligentiam jus devolutum fuit ad Papam, nunquam regreditur ad Ordinarios, quanvis Papa non contulerit intra sex menses. Rebuffus in praxi, 1. p. tit. de Devolutionib. num. 5. Corasius in centur. cap. 47. Mainardus lib. 8. cap. 6. Atque Pontifex Symmachus in cap. *Aliorum*, 9. q. 3. *Aliorum hominum causas Deus voluit homines terminare; sed Sedis istius Præsules suo sine questione reservavit arbitrio*. Similiter etiam Anterus Papa: *Facta subditorum judicantur à nobis, nostra verò judicat Deus*, can. *Facta*, 9. quæst. 3. Verum secus accidit in sola collatione Beneficiorum in Romana Curia vacantium: debet enim Papa conferre illa intra mensem datæ sibi notitiæ; quo exacto, si non contulerit, habet Ordinarius, intra cujus Dioccesim situm est Beneficium, potestatem illud conferendi. Id jus viget in Regno Gallicano, testantibus Corasio


in centur. cap. 47. Rebuffo comment. ad Concordata, §. 1. verb. *Papa*, versic. *Intra sex menses*. Charonda in Pandectis, lib. 1. cap. 10. Mainardo lib. 8. cap. 6. Quinetiam hoc idem statuit Gregorius Papa X. in Concilio Lugdunensi, & refertur in cap. *Statutum*, de præbend. in 6.

XVII. Observandum postremò, non decurrere præfatos sex menses quandia perdurat legitimum impedimentum. Antonius Faber in suo Codice, lib. 1. tit. 3. defin. 17. neque dum vacat Episcopalis Sedes, cap. penult. ne Sede vacante; his enim casibus non incurrit negligentia culpa, ob quam locus devolutionibus aperitur; adeò ut Innocentius Papa III. cap. *Quia diversitatem*, de concess. præbend. sanciat senestre nullatenus decurrere tempore suspensionis Collatoris, quanvis ejus culpa contractæ; quia non potuit ei vitio veri negligentia culpa, cum careret potestate.



C A P U T IV.

De datis à Rege Gallia Indultiis ac Expectativis.

I.  OTITUR Rex Gallia circa Beneficia jure Indulti, seu Expectativæ gratiæ. Est verò Indultum Regium, rescriptum vel schedula, Gallicè *Brevet*, in favorem quorundam Officialium. Hi sunt Supremus Regni Cancellarius, Præsides & Consiliarii Parisiensis Parlamenti, quibus mandat Rex in vim Papalis gratiæ, quam Eugenius IV. & Paulus III. Romani Pontifices Regibus Franciæ indulserunt, ut Prælati collatores singuli semel dumtaxat in vita sua, & non ultra, provideant nominato Indultario de proximè vacaturo Beneficio, cujus annui proventus, deductis omnibus expensis & oneribus, pertingant ad taxam constitutam. Ea porro taxa fuit hæcenus ducentarum librarum Parisiensium. Verùm cum hæc summa pro dignitate personarum tenuior censeretur, Clemens Papa IX. eam demùm auxit ad sexcentas annuas libras. Secretarii quoque ejusdem Parlamenti, necnon Magistri libellorum supplicum, etsi nulla horum mentio fiat in rescripto Pauli III. ex usu tamen Franciæ fruuntur eadem gratia Indultorum Regiorum, quasi Supremæ ejusdem Curia aggregata membra. Bengeus tit. de canonicis institutionum conditionibus, §. 4. n. 16.

II. Novissimè aucta sunt Indultariorum Regiorum privilegia. Cùm enim Pauli III. Bullâ, quam in Niccensi Colloquio anni 1538. Franciscus I. impetraverat, excluderentur Parisienses Senatores à quibuscunque Regularibus Beneficiis, nisi ipsi forent Regulares: & cùm plerumque non aliæ Præbendæ ipsis assignarentur à collatoribus quàm Parochiales tunc

temporis vacantes, quas acceptare munia Senatoria vetabant : & demum cum nimium exilis & modicus videretur pro personarum dignitate librarum ducentarum annuus redditus, ad Regis Ludovici XVI. rogatum Clemens IX. per Bullam anni 1667. sextodecimo Calendas Aprilis, quam refert integram Joannes Doviatus in suo *Juris Ecclesiastici Specimine*, indulgit Clericis Senatoribus, ut jure Regiæ nominationis possint in Commendam obtinere Regularia Beneficia antea commendata : Item ne ipsi Parochialia Beneficia collatores assignent : Postremò ne ulla Beneficia infra sexcentarum librarum proventum annuum acceptare compellantur, Statuit insuper, ut Indultarii post sibi collata sub titulo Commendæ Regularia Beneficia per ordinarios Collatores, teneantur intra octo menses novam Commendam à Sede Apostolica impetrare, & jura Cancellariæ Apostolicæ persolvere ; aliòqui vacabunt ea Beneficia, cessabitque præcedens ipsorum Commenda ipso jure : his quoque accedet obligatio fructus perceptos restituendi. His adjungit confirmationem ejus quod Paulus III. constituerat, nimirum collatores Cardinales exini ab illa obligatione Beneficia conferendi Regiis Indultariis. Præterea cum Senatorum alii Clerici sint, alii laici, jus conceditur laicis, quibus Rex Indulrum concesserit, ut possint loco sui nominare ad Beneficia pro suo arbitrio Clericum qui sit de Parisiensis Curiae numero ac gremio, ut conceditur expressè per præfatas Pauli III. & Clementis IX. Literas.

III. Ubi simul concurrunt cum Indultariis Graduati, aut etiam cum Indultariis Apostolicis Regii Indultarii, servandus est hic ordo. Præferendi sunt Regiis Apostolici Indultarii : sed Regii Graduati Universitarum quoscunque excludunt, juxta Francisci I. Edictum anni 1541. Utrobique enim æquum est inferiorem dignitatem eminentiori cedere, juxta cap. *Hi qui*, & cap. *Si à Sede*, de præbend. in 6. Et hoc idem declaratur rescripto Pauli III. quoad concursum Apostolicorum aut Regiorum Indultariorum. Id rescriptum refertur integrum à Chopino lib. 1. de sacra Politia, tit. 5. num. 16. & in volumine primo rerum Sacri Cleri Gallicani, tit. de Indultis.

IV. Oblata sibi litigiosa Beneficia possunt recusare tam Indultarii quilibet, quàm Graduati ; habentque jus alia non litigiosa requirendi. Chopinus d. tit. 5. n. 20.

V. Indultarii, tam Regii quàm Apostolici, qui utrique dicuntur quoque Mandatarii, ob mandatum de providendo, nullum jus habent ad Beneficia per resignationem aut permutationem vacantia, cap. unico, de rerum permut. in 6. & cap. 2. de renunciari. in 6. & Clemens, unica de rerum permutat. Concilium Viennense sub Clemente V. Neque ad ulla Beneficia patronatus laicalis, can. *Decernimus*, 16. quæst. 7. Concilium Trident. sess. 25. cap. 9. de reform. Quibus jurebus neque Papa, nisi ex gravi & urgente causa, neque Rex derogare possunt. Ratio in promptu est de indultis.

indultis Regiis : cum enim hæc mandatis Apostolicis successerint , in quibus cavetur de immunitate jurispatronatus laici , eodem quoque jure circumferri debent. Præterea mandatis , ac indultis non sunt obnoxie Dignitates electivæ , Clement. 1. de præbend. Rebuffus in praxi , tit. de clausulis mandatorum , num. 33. Idque postremò decernitur Caroli I X. Edicto anni 1569. artic. 2. quo simul eximuntur Præbendæ Theologales , Præceptoriales , atque Pœnitentiariæ à juribus Indultariorum & Graduatorum. De Graduatis tamen contrarius usus invaluit circa Præbendas Theologales.

* VI. Circa Regia Indulta quæritur de Consiliariis Curiz Parisiensis , qui ex vi Regii Indulti simul quoque provisi sunt de Ecclesiastico Canonatu. Isti quidem dum serviendo Curiz ministeriis absunt à Choro , fruuntur quidem Præbendarum suarum proventibus seu fructibus , sed privantur distributionibus Chori , quæ non nisi assidentibus in Choro perfolvendæ sunt. Ad hæc confirmanda multa proferuntur Curiz supremæ Parisiensis judicia , quæ referuntur à Loueto & Brodeo ejus Scholiaste lit. C , cap. 24. Quando tamen vacant à Curia , si Choro intersint , lucrantur distributiones. Idem juris fuerat olim attributum Regalis Capellæ Cantoribus per Diplomata Clementis VI. & Pii II. ut fructibus potirentur suarum , in quibus provisi sunt , aliarum Ecclesiarum ; sint tamen privati manualibus distributionibus quandiu à Choro absunt aliarum , quibus aggregati sunt , Ecclesiarum , ut inserviant Regiæ Capellæ. Sed cum per vices inserviant Capellæ Regiæ , quo tempore desinunt ipsorum ministerii vices , tenentur aliarum Ecclesiarum Choro interesse , alioqui distributionibus frustrantur , nec eas faciunt suas. Idque statuitur Edicto Melodunensi Henrici III. cap. 7. *Cantores, inquit, nostra Capella, postquam servitii nostri tempus expleverint, teneantur residere, & actu inservire in Beneficiis & Præbendis quarum habent provisionem, sub poena jactura fructuum Præbendarum & Beneficiorum residentiam exigentium.*

VII. Quilibet in Gallia Beneficiorum collator non potest Regio indulto plusquam semel gravari in vita sua : & postquam semel ex-indulto contulerit , jus habet quemvis posteriorem indultarium repellendi. Capitula vero cum non moriantur , possunt unico , & non amplius , indulto gravari ad singulas Regum mutationes , ex Constitutione Henrici II. anni 1550.

VIII. Stykus in praxi iste servatur. In primis fit significatio Regiæ nominationis (quam vocant *Brevet de nomination*) ab indultario seu mandatario , aut (ut vulgò dicunt) Brevetario , vel ab ejus procuratore , Notario præsentem cum duobus testibus , qui subscribunt processui verbali , in quo apponitur acceptatio , vel alia quæcumque fuerit responsio Collatoris , cui fuerit significatum. Postmodum adveniente congruentis Beneficii vacatione , fit peculiaris eidem Collatori sub iisdem formulis altera signifi-

catio, cum requisitione vacantis Beneficii: qua requisitione jus acquiritur ad idem quod vacat Beneficium. Debet verò istud indultum postremò insinuari apud Tabularium publicum Ecclesiasticum: quod ita necessarium est, ut per magni Consilii Regii placitum decusum fuerit, hujus insinuationis omissione vitiari totam nominationem, ejusque effectum præpediri. Tarradus disp. 3. quæst. 10. num. 16. Ex quo facta est secunda ista significatio, non potest Papa deinceps prævenire, cum jam res integra non sit ob præviam Regiæ manus appositionem. Rebuffus in Concord. rubrica de mandatis Apostolicis, §. *Declarantes*, vers. *Jure præventionis*.

IX. Ubicumque non præcesserit significatio, sive mandati Apostolici, sive indulti Regii, sive nominationis, aut Gradus Universitatis, nullum in rem jus acquiritur, cap. *Tibi qui*, de rescript. in 6. cap. *Si clericus*, de præbend. in 6. Peleus lib. 1. Actuum forensium, art. 6.

X. Mandata Apostolica, & indulta Regia, quanvis fuerint collatori significata, non annullant quidem posteriorem Beneficii vacantis factam alii collationem, hæc enim collatio tenet: sed collator compellitur providere mandatario aut indultario de pensione æqualis redditus cum illo inofficiose collato Beneficio, donec illi alterum primum vacaturum congruum Beneficium contulerit, cap. *Inter cætra*, & cap. *Dilectus*, il. 1. & cap. *Dilectus*, il. 2. de præbend. Sicque judicatum à Senatu Parisiensi refert Louetus lit. P, tit. 6. Haud ita pridem jura Regiorum Indultorum pro Senatoribus aliisque Officialibus Parisiensibus annem Ligerim non transliebant; sed jam totà Regni ditione diffunduntur.

XI. Alterum recensetur Regiorum Indultorum genus pro felici ad Regnum adventu. Aulicorum ambitio & adulatio jus istud introduxit; cui novæ introductioni Senatus Parisiensis plerumque fortiter intercessit, existimans satis detractum Ecclesiæ fuisse per Regaliam & Indulta in favorem suorum Officialium constituta, nec patiens alios concurrentes ac rivales, per quos Beneficia, ad quæ aspirant, sibi detrahi possint; ideoque novum istud Indultorum genus frequentibus Senatusconsultis submovit ac repulit, ut testatur Brodeus in Louetum lit. P, tit. *Præbenda felicitis ad Coronam adventus*. Bordenaus lib. de Curiis Ecclesiasticis, cap. 1. num. 18. & 33. Mornacius ad l. 4. §. 4. D. de officio Procons. allegantes Parisiense Senatufconsultum solemniter in Togis purpureis, Januarii 7. anni 1616. præfidente Verduno, conformiter ad requisitionem Advocati Regii Lebrete, contra petitorum Canonicarum Constantiensis: & aliud ejusdem Senatus, Decembris 13. anni 1612. quo fuit exclusus alter Indultarius fundatus super prima vacatione post exhibitum Regi ab Episcopo sacramentum fidelitatis: contra hunc conclusit Regius Advocatus Servinus, eoque requirente repulsus fuit petitor à Baionensi Canonicatu. Circa duo ista indultorum genera pro felici ad Coronam adventu, & pro præstito per novum Episcopum sacramento fidelitatis, diversa, sibi que invicem pugnancia prodierunt Senatufconsulta,


tulconſulta , prout nunc petitorum gratia & favor , nunc ipſa petitionis iniquitas Judices in contrarios ſenſus impellebant. Ipſeque Louetus proſert Pariſienſia aliquot judicia duorum illorum generum indulta confirmantia. Sanè Aulicorum avaritia & ambitio, niſi reprimantur, Eccleſiam miſerrimè diſſipabunt , novaque adhuc artes ultra jam commemoratas excogitabunt, pro nuptiis Regiis , pro natalibus Primogeniti Franciæ , aut etiam inſequentium liberorum ; pro nova victoria , aliaque in infinitum.

XII. Regis indulta , quemadmodum mandata Apoſtolica expirant, illa Regis , hæc verò Pontificis morte , à quibus fuerat conceſſa gratia expectativa , cap. *Si ſuper gratia*, de offic. delegat. in 6. cap. *Si cui*, de præbend. in 6.



C A P U T V.

De Regiis ad Prælaturas nominationibus, & aliis juribus Concordati Bononiensis.

I.  ONVENIENTIBUS Bononiæ Leone X. Pontifice, & Francisco Franciæ Rege editum fuit amborum conſenſu quod vocant Concordatum , per quod abolitis in Regno Franciæ electionibus communibus ad Prælaturas majores , & rejeſtis Baſileenſis Concilii Decretis , Pragmaticaque Sanctione , attributum eſt Regi Galliæ jus nominationis ad vacatura Regni Beneficia Conſiſtorialia, Episcopatus, & Abbantias, de quibus Papa conſuevit in Conſiſtorio providere ; eoque mediante privilegio Papa viciffim obtinuit à Rege earundem Prælaturarum annatas , quas exſolvi prohibuerant Synodus Baſileenſis , & ibi procuſa Sanctio Pragmatica , recepta pridem & approbata in eodem Regno per Concilium Nationale Turonenſe , quæ conformis erat celebri illi & antiquiori alteri Pragmaticæ Sanctioni , quam Sanctiſſimus Rex Ludovicus IX. ediderat , quâ diſtrictè vetabat pecunias ex ſuo Regno ad Romanam Curiam transferri.

II. Hoc Bononiènſe Concordatum mox approbavit ſub eodem Leone Papa Concilium Lateranenſe. Itaque non poteſt Papa de illis Gallici Regni Prælaturis diſponere ad libitum , ſed ſolùm in ejus gratiam , quem Rex nominaverit , modò ſit idoneus & capax. Secus verò agendo non admittetur collatio. Concord. tit. de Reg. ad Prælatur. nomin. §. 1. Et iſti Regiæ nominationi locus eſt, ſive vacet Prælatura per obitum, ſive per reſignationem, ſive per juridicam depoſitionem. Ne verò diutiùs Prælaturæ vacent , illi quos Rex nominaverit , tenentur obtinere Pontificiam provisionem intra novem

novem menses à notitia habita ipsius nominationis ; aut saltem probare tenentur suam ad impetrandas provisionis Bullas diligentiam, aliqui caduca & irrita evadet nominatio, juxta Henrici III. Edictum in Comitibus Blesensibus, art. 5. & aliud Edictum anni 1580. art. 12.

III. Regi sex conceduntur menses ad nominationem, computandi à die primum vacantis Ecclesiæ. Sed si nominatus judicetur indignus, idcirco repulsam patiatur à Papa, relinquuntur adhuc Regi tres menses recensendi à die significatæ à Papa repulsæ, intra quos poterit aliam personam magis idoneam nominare. Rebuffus in Concord. d. 5. 1. verbo *Provideri*. Id officium si Rex negligat, tum demùm Papa conferet cui libuerit, d. tit. Concord. de Reg. ad Prælat. nomin. §. 1.

IV. Cæterùm si Prælatuæ Gallicanæ vacent per obitum in Curia Romana, tum demùm potest Papa, non expectatâ Regis nominatione, pro suo arbitrio conferre personis, quæ nullatenus sint Regi suspectæ. Concord. d. tit. §. 1. Per vacationem in Curia Romana intelligitur etiam obitus Prælati in vicinia, sive Romanæ urbis, sive alterius loci, in quo existat Romana Curia. Hæc vicinia computatur duarum per circuitum dietarum, juxta cap. *Præsenti*, de præbend. in 6. Dicta verò computatur viginti milliarium, l. *Vicena millia*, D. si quis cautionib. ut observat Glossâ d. cap. *Præsenti*.

V. At ubi vacabunt Prælatuæ Gallicanæ in Romana Curia aliter quàm per obitum, sed per resignationem, aliòve modo, non poterit Papa eo casu conferre, quàm per Regiam nominationem. Cùm enim sibi soli reservet Papa in Concordato absolutam facultatem sine Regia nominatione disponendi de Dignitatibus Gallicanis in Romana Curia per obitum vacantibus, in cæteris verò jus Regiæ nominationis salvum fore pronittat ; hinc sequitur ut si Romæ vacet Beneficium alia ratione quàm per obitum, jus Regiæ nominationis subsistat. Rebuffus in d. §. 1. vers. *Per obitum*. Duarenus lib. 5. de benefic. cap. 12.

VI. Sunt & aliæ pleræque Concordati conventiones, quæ in hoc Regno vim habent. In primis omnes antiqui Juris reservationes Beneficiorum ad Romanam Curiam, quæ multiplici in Jure Canonico leguntur, reducendæ sunt in hoc Regno ad solam in Romana Curia vacationem per obitum in Beneficiis Consistorialibus : in minoribus autem Beneficiis, etiam per resignationem, & per depositionem in eadem Romana Curia. Concord. tit. de reservationibus sublatis. In eodem Concordato, tit. de mandatis Apostolicis, præterea reservatur Papæ una expectativa gratia, seu mandatum Apostolicum unum de providendo erga Collatorem in Regno habentem sub collatione sua decem aut plura Beneficia usque ad quinquaginta. Erga verò habentem quinquaginta, vel plures collationes reservat sibi Summus Pontifex duo mandata quoscumque Graduatos excludentia. Sed Concordato posterius Concilium Tridentinum sess. 24.

cap. 19.

cap. 19. de reform. abolet reprobaturque mandata de providendo, gratiasque expectativas & indulta. Alterum Concordati jus est, ut causæ omnes Ecclesiasticæ in Regno emergentes, absque citatione ad Romanam Curiam (exceptis majoribus) terminentur apud ordinarios locorum Judices. Tertio, ut non liceat provocare, nec ad Papam quidem, omisso medio Tribunali Ecclesiastico. Id conformatur Civilibus Legibus edicentibus gradatim appellari, l. *Præcipimus*, C. de appellation. & in Authent. de appellation. & intra quod tempus, §. ult. collat. 4. Jus verò Canonicum commune permittit saltum, omissoque medio appellari ad Papam, can. *Si quis*, can. *Omnes*, can. *Ad Romanam*, can. *Ideo*, 2. quæst. 6. Quarto, ut irrita sit appellatio à gravamine in quacumque instantia ante sententiam definitivam, nisi tale sit gravamen, ut in definitiva sententia nequeat reparari. Quinto, ut si à Metropolitano, aut alio Judice Papæ immediatè subdito appellatur ad Supremam Sedem, causa ipsa judicetur in partibus Regni per commissos à Papa Judices usque ad finem litis, id est usque ad tertiam conformem sententiam definitivam; nisi ob causam denegatæ justitiæ, vel ob justum in eo loco metum, quo casu committenda erit causa in partibus convicinis. Sexto, ut Judices à Papa commissi ac delegati causas in partibus terminent intra biennium, sub poenis excommunicationis & propriorum Beneficiorum privationis ipso facto incurrendis. Sanctæ tamen Romanæ Ecclesiæ Cardinales, & Romanæ Curie Officiales actu exercentes, licet in Galliæ partibus degant, suas poterunt causas agitare in Curia Romana, si judicio conveniantur Rei, & ad ipsam suas, quibus impetuntur, lites evocare. Hæc omnia statuuntur in Concord. tit. *De causis*.



CAPUT VI.

Jura Graduatorum circa vacantia Beneficia Regni.

- I. **D**EUS pro summo beneficio pollicitus olim fuit Ecclesiæ suæ, Jerem. 3. *Dabo vobis Pastores, ut pascant vos scientiâ & doctrinâ*. Et sapientissimè loquitur à Deo inspiratus Propheta Malachias cap. 2. *Labia Sacerdotis custodient scientiâ, & legem de ore ejus requirunt, quia Angelus Domini exercituum est*. Quocirca Pragmatica Sanctio in Basileensi Concilio edita, & in Galliæ Regno à Rege Carolo VII. à Clero universo, & à Parisiensi Senatu recepta, providens ut eruditis viris Præbendæ conferrentur, permulta in favorem Graduatorum
S consti

constituerat, quæ post hujus Sanctionis abrogationem retenta sunt ac instaurata per Concordatum Bononiense, & in Lateranensi Concilio comprobata, sicut hic subjiciam.

II. Distinguntur Graduati in Simples & Nominatos. Nominati dicuntur, quos privilegio decoratæ Regni Universitates expressè ad vacatura Beneficia nominaverunt. Isti ergo debent tum has nominationis suæ litteras, tum attestacionem temporis studiorum suorum, tum etiam Literas Gradus sui Collatoribus exhibere. Graduati verò simplices sunt qui carent Universitatis, in qua studuerunt, nominatione, sed profuerunt Collatoribus Literas Gradus sui, simulque temporis quo studuerunt attestacionem. Et quidem utriusque generis simul comprehensis Graduatibus affectatur tertia pars Beneficiorum vacantium, adeo ut non sit liberum Collatoribus ordinariis, aut etiam Patronis Ecclesiasticis alteri cuiquam conferre, vel alterum præferre instituendum. Secus est de laïcis Patronis, quorum libertas manet intacta. Igitur quæcumque Beneficia his quatuor mensibus anni, Januario, Aprili, Julio, & Octobri vacant, solis conferuntur Graduatibus, nisi horum aliquos vel Apostolici Mandatarii, vel Regii Indultarii (qui sanè jus habent ut Graduatibus præferantur) excludant. Isti porò quatuor menses ita inter Graduatibus distribuuntur, ut Januarius & Julius solis Nominatis affectentur; Aprilis verò & October solis Graduatibus simplicibus. Ita statuit Concordatum tit. de collationib. §. *Præfatique Ordinarii*.

III. Ex utroque parente Nobiles Clerici privilegio decorantur, ut sufficiat eis minus studiorum tempus, modò deditis attestacionibus hanc probent Nobilitatem. Sufficit enim illis triennio studuisse in ea Jurium Facultate in qua Gradum Baccalaurei sumpserunt: cùm tamen in aliis Juris Civilis, aut Canonici Baccalaureis quinquennium studii exigatur secundum Ludovici XII. Regis Edicta anni 1498. artic. 5. & anni 1510. art. 8. 9. 10. 11. & 12. & Henrici III. anni 1585. ipsamque Concordatum tit. de collation. §. *Præterea*. Ubi etiam assignatur decennium studiorum in Magistris Licentiatis, aut Baccalaureis formatis in Theologiæ Facultate. At verò in Doctoribus ac Licentiatis in Jure Canonico & Civili, aut in Medicina, septennium. In Magistris ac Licentiatis Artium ab ipsa Logica inchoatorum, quinquennium. Excepto autem Jurium præfato Baccalaureatu, in cæteris omnibus Gradibus tam Plebei quam Nobiles Clerici pari jure gaudent.

IV. Quin etiam Beneficia curata locorum muratorum, quocumque anni mense vacant, non nisi Graduatibus conferri possunt. Concord. tit. de collation. §. *Statuimus quoque quod Parochiales*: & Edictum Henrici III. anni 1585.

V. Inter plures Graduatibus simplices jus habent Collatores mensibus ipsis affectatis præferendi cæteris quicquid libuerit. Sed inter Graduatibus

duatos nominatos necessitas eis incumbit præferendi eum qui prior fuerit nominatus. Concord. d. tit. de collat. §. *Statuimus quoque & ordinamus*. At si uno eodemque anno plures Graduati nominati concurrant, præferendi sunt Doctores Licentiatii, & hi Baccalaureis. In diversis autem Facultatibus Theologi Doctores Jurium Doctoribus, & hi Medicinæ Doctoribus præferendi; sicut etiam Canonum Doctor Juris Civilis Doctori, utpote dignior, d. §. *Statuimus quoque & ordinamus*. Ubi etiam præferri jubentur Theologiæ Baccalaurei licentiatii in utroque Jure, vel in Medicina; & Baccalaurei in Jure Magistris Artium.

V I. Requiritur quod attinet ad Graduatos nominatos, ut ipsis concessa nominatio fuerit ab Universitate tempore Quadragessimæ: alius enim anni temporibus factæ nominationes nullius roboris sunt. Quo etiam Quadragesimali tempore necesse est tam simplicibus quàm nominatis Graduatis exhibere quorannis Collatoribus & Patronis Ecclesiasticis copiam Litterarum Graduum suorum, & temporis studiorum attestacionem, necnon (si occurrat) Nobilitatis, & Literas pariter nominationis, easque insinuare. Quorum si quid neglexerint, jus suum pro anno illo amittunt, & aliis factæ collationes subsistunt. Quinimò si Graduato qui prædicta non exhibuerit, aut non insinuaverit statuto tempore, collatum fuerit Beneficium mensibus Graduatorum vacans, collatio illa rescindetur, juxta prædictas Ludovici XII. & Henrici III. Constitutiones, ipsūque Concordatum tit. de collat. §. *Præfatique*: Louetum lit. G, cap. 3. Despeissem de benefic. tit. 3. num. 43. Porro præfatæ Nobilitatis attestaciones efflagitant quatuor testes, qui deposuerint jurati coram Judice ordinario loci natiuitatis, eoque absente qui se Nobilem prætendit, Concord. tit. de collation. §. *Cum verò*: & Henricus III. in d. cta Constitutione anni 1585.

V II. Graduatis quibuscumque in ipsis etiam Beneficiis quæ Graduatorum mensibus vacant, præferuntur primò Mandatarii Apostolici. Concord. tit. de Mandatis Apostolicis, §. *Declarantes*: etiam postquam mandatarius Apostolicus primū vacans Beneficium recusaverit, eo quoddam incertum ac litigiosum esset; quod Senatusconsultis Parisiensibus judicatum refert Chopinus lib. 1. de sacra Politia, cap. 5. num. 20. Secundò præferuntur quibuscumque Graduatis Indultarii Regii de Senatu Parisiensi assumpti, secundum Francisci I. Edicta annorum 1541. & 1543. ut tradit Louetus littera B, num. 16.

V III. Cessat quoque Graduatorum privilegium, si Papa rebus integris in Graduatorum mensibus prævenit Collatorem ordinarium, alicui conferendo. Concord. tit. de mandat. Apostolicis, §. *Declarantes*. Cessat pariter si Graduatus Beneficium possidet reddens annuos ducentos florenos, Concord. quam summam Louetus lit. B, num. 1. exponit æquivalere ducentis nostri temporis nummis singulis trium librarum. Quam ob causam Graduati tenentur sub pœna nullitatis Beneficia quæ habent, eorumquæ


annuum valorem exprimere, quemadmodum & illi qui à Papa intendunt aliquod Beneficium impetrare. Concord. tit. de collation. §. *Voluntus*. Cessat insuper Graduatorum privilegium in Beneficiis per resignationem aut permutationem vacantibus in mensibus ipsorum, d. §. *Voluntus*. Eis enim sola reservantur quæ per obitum vacant Beneficia. Ranchinus Decisionum part. 5. conclus. 421. Despeisseus de Benefic. tit. 3. Denique cessat Graduatorum jus in Dignitatibus Ecclesiarum, tam Collegiatarum, quàm Cathedralium primariis, & in Præbendis Theologalibus, Pœnitentialibus, & Præceptorialibus, quas omnes eximi declarat à juribus Graduatorum & Indultariorum, omniumque gratiarum expectatarum, atque etiam à præventionibus Romanæ Curie, Henricus Rex IV. Edicto Maii anni 1596. art. 2. & alio Edicto Decembris anni 1606. art. 1.

IX. Tempus intra quod Graduati, tam simplices quàm nominati debent vacans Beneficium petere, sex mensibus terminatur: quibus exactis ab eodem Beneficio excludendi sunt, nisi per eos non steterit, legitimumque obstitit impedimentum, juxta cap. *Quia diversitatem*, de concess. præbend. Deselva tract. de Benefic. part. 3. quæst. 64. Rebuffus de nominationib. quæst. 20. num. 1. & 2.



CAPUT VII.

De Jure Patronatus.

I.  UEMADMODUM mandatis Apostolicis, indultis Regiis, Graduatorum privilegiis, sic etiam Patronorum præsentationibus minuitur Collatorum ordinariorum libertas. Vacantem namque Præbendam juripatronatus subditam non potest Ordinarius alii conferre, quàm quem Patronus ei præsentaverit, modò non sit incapax ratione canonici alicujus impedimenti.

II. Neque etiam potest resignari in favorem, aut simpliciter resignatum Beneficium jurispatronatus alteri conferri citra Patroni consensum, juxta constantem omnium Doctorum sensum, ut ait Azorius p. 2. lib. 8. cap. 8. quæst. 1. Excepto quod Papa & Legatus derogare possunt juripatronatus Ecclesiastico, sed non Laico, ut infra declarabimus.

III. Tribus modis jurispatronatus acquiritur. Primò fundatione, per contributionem soli seu aræ ad superædificandam Ecclesiam. Secundò ipsa Ecclesie ædificatione ac fabricà. Tertiò dotatione ipsius Ecclesie, ut dicit Glossa in can. *Pia mentis*, 16. quæst. 7. Quavis enim inconveniens sit tractari à laicis Ecclesiastica negotia, cap. *Quavis*, de decimis; ipsa tamen

vult

vult Ecclesia hanc suis etiam laicis benefactoribus referre gratitudinem, hominumque ad hæc pia officia voluntatem excitare, can. *Decernimus*, 16. q. 7.

IV. Dividitur communiter juspatronatus in Ecclesiasticum & Laicum, inter quæ tres interveniunt differentiæ. Prima in eo est, quia Patronis laicis Jura non amplius concedunt quam quatuor menses ad præsentandum; ac habentibus Ecclesiasticum Patronatum sex menses indulgentur, cap. unico, de jurepatron. in 6. Secunda differentia est, quia Patronis laicis conceditur variare ac retractare primam suam nominationem ad alterum præsentandum, sive quia Ordinarius primam ejus præsentationem noluerit admittere, cap. *Pastoralis*, de jurepatr. sive quia ipse Patronus sponte retractaverit, antequam prior à se nominatus fuerit institutus ac provisor; enimvero cessat resiliendi facultas post factam à Prælato institutionem, cap. *Quod autem*, eod. tit. & cap. 2. ut lite pend. nihil innov. in 6. Tertium demum discrimen est, quia potest Papa, ejusque Legatus à latere propria autoritate de Beneficio vacante juspatronatus Ecclesiastici ad suum libitum disponere citra Patroni consensum; cum tamen hoc minimè possit citra consensum Patroni in Beneficio juspatronatus laici, cap. *Cum dilectus*, & ibi Glossa in praxi recepta, de jurepatron. Et absolute juspatronatus laicum est id quod fundatur à laica persona, vel etiam ab Ecclesiastica persona, sed de bonis patrimonialibus, & non Ecclesiasticis; quod etiam in ipsa fundatione protestari.

V. Provisio Superioris ad Patroni præsentationem non dicitur propria collatio, sed institutio; quia liberum ei non est de alia persona providere, nisi de præsentata, modò non sit incapax; & debet Prælatus pro suo officio de moribus præsentati prudenter inquirere, ejusque examinare capacitatem. Sed si duo, pluresve Patroni diversas personas nominent, & sint æqualia horum suffragia, liberum est Superiori quem horum maluerit præferre; sed secundum conscientiam debet præferre digniorem. Joannes Andreas, Panormitanus, Armilla.

VI. Tamen si Jure communi præsentatio quoque ipsa Patroni laici possit validè à Papa præveniri, dummodò per expressam clausulam Papa eadem derogaverit; hoc tamen non recipitur in Regno Franciæ, in quo recipitur & approbatur in ejusmodi casu appellatio tanquam ab abusu. Solaque præventio Patroni Ecclesiastici per Papam admittitur in hoc Regno, non tamen nisi cum clausula expressa hujus derogationis; quæ quidem extra Galliam, & de Jure communi non est necessaria, nisi contra Patronum laicum. Charondas lib. 7. responsorum, cap. 195. Bleinianus lib. 1. praxis, cap. ult.

VII. Patronus quantumvis Clericus aut Sacerdos ad Beneficia idoneus, non potest se ipsum præsentare, cap. *Per nostram*, de jurepatron. Etenim debet esse personalis distinctio inter dantem & accipientem, cap. *Ad nostram*, de institutione.

VIII. Regula discernendi juspatronatus Laicum ab Ecclesiastico hæc est. Si juspatronatus acquisitum fuerit contribuendo bona laica, seu patrimonialia in favorem Ecclesiæ, censetur laicum, etiamsi contribuens sit Clericus, aut etiam Sacerdos. Erit verò Ecclesiasticum juspatronatus, si de bonis Ecclesiæ quæsitum fuerit, quanvis Patronus sit laicus, ut contingere potest in Ecclesiarum Aeditis seu Matriculariis, Gallicè *Marguilliers*, aut in Officialibus quibus illud ex fundatione quæsitum fuerit; si tamen Rebuffo credendum sit lib. 1. praxis, cap. 14. num. 5. 6. & 7. mihi enim non videtur fundari posse hæc in re juspatronatus: Matricularius enim est quidem administrator, sed non dominus rerum Ecclesiæ. At si juspatronatus sit mixtum, partim ex bonis laicis, & partim ex bonis Ecclesiasticis, quia favores sunt ampliandi, præsertim in casibus gratitudinis & remunerationis, favendum est illi parti in quam Jus majora privilegia censuit conferenda, ut liquet in Jurepatronatus Laico comparato cum jurepatronatus Ecclesiastico, minus quàm Laicum favorabili. Ideoque juspatronatus mixtum iisdem gaudere privilegiis, quibus merè Laicum, affirmant Parisius consil. 35. Rebuffus in praxi, tit. *Tertia pars signatura*: Melchior Pastor lib. 1. de Benef. cap. 19. num. 31. Nec refert si quis objectet majus dignum, qualia sunt bona Ecclesiastica, debere ad se trahere minus dignum, ut sunt bona laica, cap. *Quod in dubiis*, de consecr. Eccles. Hæc enim cessat regula, ubi minus dignum favorabilis est digniore: ipsaque Glossa in hoc cap. *Quod in dubiis*, verb. *Consecratio*, fundat contrariam propositionem in materia in qua versamur juspatronatus, quod cum sit sacrum, trahitur tamen ab ipsis profanis bonis cum quibus conjungitur; atque ita transit cum bonis profanis ad hæredes & successores.

IX. Tempus verò præsentandi in jurepatronatus mixto est sex mensium, sicut in purè Ecclesiastico. Ea est enim mutua privilegiorum communicatio, ut sicut Jus Laicum tribuit juri Ecclesiastico patronatus, ut Papa vel Legatus illi derogare non possit; ita in hac eadem materia Jus Ecclesiasticum tribuit juri laico patronatus semestris ad præsentandum; in quo tamen variare non liceat, ne Jus mixtum majora sortiatur privilegia quàm Jus merè laicum patronatus. Rochus de Curte tract. de jurepatron. §. *Septimo quæro*: Pastor d. l. b. 1. cap. 19. n. 9.

X. Fieri à Patrono præsentatio potest, vel immediatè per se, vel per procuratorem cum speciali mandato. Item per tutorem aut curatorem Patroni. Item per Syndicum vel æconomum, si juspatronatus ad Universitatem, vel ad Capitulum pertineat. Præterea per maritum patronæ uxoris, & per usufructuarium prædii vel hæreditatis, cui juspatronatus annexitur. Similiter & per colonum conductum ad longum tempus, cap. *Ex literis*, de jurepatron. Quinetiam per sequestrum, Deselva p. 2. quæst. 6. Loissellus de officiis lib. 5. cap. 2. Coralius in centur. cap. 48. Mainardus lib. 2. cap. 41. Despeillus

Despicius de Beneficiis, cap.3. num.23. Creditori autem, qui rem sequestrari fecit, præsentare non permittitur, cap. *Cum Bertoldus*, de re judic. Et si proprietarius præsentaverit, præsentatus ab usufructuario venit preferendus. Idemque sentiendum de sequestro & possessore bonæ fidei, quoniam non tam proprietarius quam possessio in præsentatione attendi debet, ex hac ratione, quia fructus sequuntur possessionem magis quam proprietatem; jus autem præsentandi censetur in fructibus foundationis. Desclva p.2. q.7.

XI. Forma præsentandi hæc est, ut præsentatus, si fieri potest, exhibeatur Collatori: & si plures præsententur à pluribus Patronis, debent omnes exhiberi, ut Collator ex illis eligat quem sibi visum fuerit. Ubi tamen præsentatus non comparuerit, præsentatio à Patrono, ejusve procuratore facta sustinebitur, si præsentatus sit aliqui bene notus, & capax judicatus ab Ordinario. Riccius decif. 156. & 158. Post exhibitionem præsentatio debet apud Acta Ecclesiastica insinuari.

XII. Licet Patronus seipsum præsentare non possit, cap. *Per nostras*, de jurepatron. unus tamen Patronus, si plures sint, potest ab aliis Comparitis validè præsentari, ut docet Glossa in cap. *Consuluit*, verb. *Concedamus*, de jurepatron. idque probat argumento cap. *Cum in jure*, de elect. ubi approbatur electio quam plures compromissarii fecerunt in favorem unius de suo numero compromissarii. Panotmitanus in d. cap. *Per nostras*. Potest etiam procurator à Patrono indefinitè constitutus ad præsentandum prout ei visum fuerit, ipsum à quo mandatum habet Patronum præsentare. Secus tamen si Patronus ipse seipsum in mandato designaverit præsentandum; tunc enim perinde est, ac si seipsum immediatè præsentaret. Riccius decif. 197. Pastor loco cit. n.14.

XIII. Si plures ejusdem Capituli, Universitatis, vel Collegii jus habeant præsentandi, debent collegialiter die constituta simul omnes convenire, & inter se de præsentando Clerico convenire. Electus à majori parte cæteris est præferendus & instituendus, cap. *Quoniam*, de jurepatron. Si plures præsentent tanquam unum collegium constituentes cum altero vel pluribus Patronis, illi qui præsentant pro collegio, quanvis sint numero plures, unius tantum vocis suffragio gaudent. Idemque judicium est, si unus ac ejusdem familiæ, habitæ ratione stirpis unius ex qua universi descendunt, præsentent, juxta Clement. *Plures*, de jurepatron. & cap. *Scriptum*, de election.

XIV. Possessio jurispatronatus acquiritur cum titulo colorato, & bona fide possessoris per præscriptionem, quam multæ præsentationes effectum sortitæ roborarunt. Neque verò sufficit una & altera præsentatio, etiam bonâ fide subnixâ, quicquid in oppositum scribant Louetus litera P, num.20. & ex illo Pastor lib.1. tit.19. num.17. si ante legitimam præscriptionem completam constet de vero alterius titulo. Quod enim nostrum est, sine

sine facto nostro ad alium transferri non potest, leg. *Id quod nostrum*, D. de regul. jur. Sic enim inferretur injuria vero Patrono aut absenti, aut proprium jus ignoranti, & deterrentur homines ab Ecclesiarum fundationibus, si tam facile Patronorum jura præripi possent. Sed si præsentator jus illud non possidebat, verum per errorem existimabatur Patronus, debet is, qui ad ejus præsentationem institutus fuit, Beneficio privari, ut sancitur cap. *Consultationibus*, de jurepatr. & post tres continuatas electiones excluduntur à jure eligendi illi Clerici, qui tempore sufficienti non probant se præscripsisse, cap. *Cum Ecclesia Surina*, de causa possell. & propr. Idemque censendum de collationibus Beneficiorum sine præsentatione factis, quæ nullatenus Patronorum juribus officiunt, quando superveniens Patronus jus suum ac titulum exhibet. Atque ita sæpius Aquilejensis Senatus judicavit. Anno enim 1652. Martii 18. ad petitionem Patronorum nomine Pellicorum Richardus Assius spoliatus fuit Beneficio sibi ab Episcopo Regiensi collato, qui bis illud idem aliis non præsentatis contulerat; remotoque Assio suffectus est Longius à Patronis præsentatus. Idemque Senatus anno 1632. Virollium ab Episcopo Cistariensi provisum depulit Beneficio, instante Marchione Canilliao Patrono, idque adjudicavit Cassagno: tamen hoc ipsum Beneficium diversis vicibus fuisset ab Antistitibus Cistariensibus collatum, nullo præsentante. Concilium item Tridentinum præclare statuit sess. 25. de reform. cap. 9. ubi de titulo non liquet, nullum sufficere ad stabilienda jura patronatus temporum decursum, præterquam illius, quod omnem hominum memoriam excedit, & cui præterea suffragentur multe indubitata præsentationes, quæ ab annis saltem quinquaginta fuerint effectum sortitæ. At verò illud forense axioma, *In Beneficiis ultimum statum esse attendendum*, nihil juvat Loueti opinionem juribus allegatis & æquitati planè repugnantem. Ultimus enim ille Beneficiorum attendendus status supponit jus ambiguum, sed nullatenus præjudicat ubicumque titulus evidens ostenditur, ut constat ex cap. *Consultationibus*, de jurepatr. quod utique in causa ista est decisivum.

XV. In Galliarum Regno possunt Hæretici tolerati, non per seipso, sed per Catholicos procuratores à se constitutos præsentare ad Præbendas, modò Patroni hæretici nullam certam personam præsentandam in mandaro nominaverint vel designaverint, ex Regis Ludovici XIV. Edicto Julii 8. anni 1651. Bengeus de Beneficiis, tit. de oneribus Ecclesiarum, §. 6.

XVI. Certi quidam sunt casus, in quibus jus Patroni suspenditur, eique ad tempus derogatur. Primò si possessor Beneficii patronati sit expellendus ob defectum tituli, incapacitatem, non residentiam, assequutionem alterius Beneficii incompatibilis, delictum, aut aliam justam causam, non est expectandus Patroni etiam laici consensus, & valet derogatio,

gatio, tametsi juspatronatus ad Regem pertineat. Rebuffus in praxi, 3. p. tit. de signatura, num. 37.

XVII. Secundò si inter colligantes alter in alterius jus subrogetur in vim regulæ de subrogandis colligantibus, aut novæ provisionis, vel scripti *si neuri, si nulli*, non desideratur Patroni, sive laici, sive Ecclesiastici consensus. Riccius decil. 150.

XVIII. Tertium casum ponunt Rebuffus & aliquot alii, si videlicet fiat permutatio de Beneficio patronato, inconsulto Patrono, tam Laïco quàm Ecclesiastico, valet, & potest Episcopus hujusmodi permutationes approbare. Rebuffus in praxi, tit. *Tertia pars signatura*, n. 40. Papo lib. 3. placitorum, tit. 9. n. 1.

XIX. Quartò si in Regalia vacet in hoc Regno Beneficium, poterit à Rege, vel ab œconomo Regio conferri sine Patroni Ecclesiastici, non tamen Laïci consensu. Ut enim aiunt Pragmatici Gallicani, Rex uritur in Regalia non solum jure Ordinariorum, sed etiam Papæ. Renatus Chopinus lib. 1. de sacra Politia, cap. 7. num. 1. Brodeus Loueti Scholiastes in lit. R, num. 47.

XX. Non debet Ordinarius instituere præsentatum, nisi probè examinatum & exploratum circa doctrinam, mores & canonica impedimenta, cap. *Significasti*, de jurepatron. Alioqui damnationem sibi acquirit, & tenetur Ecclesiæ læsæ damnum sarcire, instar Magistratus qui minùs idoneo tutelam pupilli commisit, l. 1. C. de Magistrat. conven. Hoc expressè docent à Rebuffo citati Ancharanus & Cardinalis in Clem. de ætat. & qualit. Angelus de Clavasio in verb. *Restitutio*: ipseque Rebuffus in praxi, tit. de præsentat. & institut. n. 10.

XXI. Præter jus præsentandi alia etiam jura Patrono competunt, honor nimirum præfessionis in Ecclesia patronata; & si ad inopiam vergat, modestè subveniendum est ei ab Ecclesia, cap. *Nobis fuit*, de jurepatr. & 16. quæst. 7. can. *Contra*, & seqq. Potest etiam Patronus, si sit Clericus, de bonis Ecclesiæ rationes exigere, non autem si sit laicus, cap. *Cum & planare*, §. *in Ecclesiis*, de privileg. & cap. *In Lateranensi*, de præbend. Pastor lib. 1. de Beneficiis, tit. 19. num. 35. Potest Patronus in Ecclesia apponere sua insignia, & honestam sibi Sedem figere. Chopinus lib. 1. de sacra Politia, cap. 2. num. 5. Honor verò processionis quem Patronus sacri Canones deferunt, can. *Pia mentis*, & can. *Frigentius*, 16. quæst. 7. & cap. *Nobis*, de jurepatron. nihil aliud significat, nisi jus nominandi ac præsentandi, ut ex ipsis locis facillè colligitur, & rectè Glossa exponit in d. can. *Pia mentis*. Fundatoribus Ecclesiarum permittitur pro iis locis curam habere sollicitam, can. *Decernimus*, 16. quæst. 7. Nihilque vulgatus aut receptus his verbis apud Canonistas:

*Patrono debetur honor, onus, nullitasque:
Præsentet, præsit, defendat, alatur egenus.*

T

XXII.

XXII. Jure successionis hæreditariæ jusp Patronatus ad hæredes transmittitur, nullo habito sexuum discrimine. Glossa in Clement. 2. de jurepatronat. Et licet hæredes succedant ex testamento, vel ab intestato ex æquis vel disparibus portionibus, tamen in jurepatronatus omnes æqualiter succedunt, nec plaris æstimatur suffragium ejus qui ex semisse vel ex dodrante, quàm ejus qui successit ex quadrante vel uncia. Nam in juriis honorificis omnes æqualiter succedunt, quavis portionibus dispartes, ut de jure sepulchrorum definitur in l. *vel quod*, D. de religiof. & sumpt. funer. Quando jusp Patronatus hæreditarius est (quale esse semper præsumitur ubi nihil de opposito constat) hæredes quidem succedunt in stirpes, Clement. *Plures*, de jurepatr. Si verò jusp Patronatus probatur gentilitium, succeditur à solis viris in capita, ut docet Sanlegerius tom. 1. cap. 32. num. 4. & 6. & 28. & seqq. idemque tom. 1. cap. 107. num. 4. & 5. & Franciscus de Roja, Antecessor Andegavenfis in prolegom. ad tit. de jurepatron. cap. 19. circa fin.

XXIII. Patroni vel præsentant ut singuli, vel ut componentes collegium, seu Capitulum, seu quamlibet universitatem, cui jusp Patronatus sit adnexum. Si præsentent ut singuli, nihil necesse est ut vocentur simul, etsi plures existant. Sed si componant collegium cui jusp Patronatus adhæret, necesse est, ut collegii jure simul convenient; & si contingat unum aliquem idè abesse, quia ab aliis convenientibus vocatus non sit, reliquorum simul deliberantium præsentatio, & quæ inde sequetur institutio viribus omnibus destituetur. Si tamen res adhuc sit integra, duretque adhuc tempus à jure præsentationi præfixum, potest adhuc huic defectui succurri, si Patroni collegiati ex condicito post canonicam singulorum citationem loco certo convenient ad deliberandum ac eligendum; tunc enim si nemo sit, qui se non fuisse vocatum conqueri possit, etiam si non omnes convenierint, his etiam absentibus reliqui collegialiter adunati validè eligent, & præsentabunt, cap. *Quod autem*, cap. *Cum autem*, & cap. *Pastoralis*, de jurepatr. Porro nominatio Patronorum non tribuit nisi jus ad rem, sed nullatenus jus in re, cap. *Cum laici*, de jurepatr. Ideoque non est sumenda Beneficii possessio, nisi post institutionem, seu provisionem, quæ jus in re ipsa quæritur, cap. *Cum laici*, de jurepatr. Rota in antiqu. de jurepatr. decis. 7. num. 2. Abbas in cap. *authoritate*, num. 7. de institutionib. Lambertinus de jurepatr. lib. 2. p. 3. q. 1. art. 1. n. 1. Rochus de Curte de jurepatr. in verb. *Honorificum*, quæst. 60. n. 94. & seqq.

XXIV. Consuetudine quoque præsentandi acquiritur jusp Patronatus etiam quoad proprietatem, si accedat consuetudo usque ad longissimi temporis præscriptionem. Ad istam consuetudinem quatuor requiruntur. Primum titulus, saltem coloratus aut præsumptus ex enunciatis in aliis instrumentis, simulque bona fides; hæc enim duo simul cflagitantur, cap. *Si diligenti*, in fine: & cap. ult. de præscription. Secundò saltem duæ
vel

vel tres præsentationes, quæ præcellerint, cap. *Cum Ecclesia Sutrina*, de causa possell. & propr. Tertiò possessio continua, nec interpolata. Quartò legitimi temporis decursus, scilicet quadraginta annorum, cap. *Auditis*, & cap. *De quarta*, de præscript. & Concilium Trident. sess. 25. cap. 9. de reform. Sed si non constet de titulo saltem colorato, requiritur præscriptio temporis memoriam hominum excedentis, quæ hîc & in cæteris casibus instar tituli est, l. *Hoc jure*, §. *Ductus aqua*, D. de aqua quotid. & ælt. Rochus à Curte de jurepatron. sub fin. Concilium Trident. loco cit. Ejusmodi verò possessio probanda est instrumentis tantum, & non testibus. Riccius decis. 224. Pastor lib. 1. de Benef. tit. 10. n. 14. Qui idem num. 16. allegat Senatusconsultum Curia: supremæ Aquilegensis anni 1637. quo exclusus fuit Clericus liberè ab Ordinario provifus, quanvis probarentur multæ aliæ similes ab Ordinario factæ ejusdem Beneficii collationes intra spatium excedens annos triginta; sed non probabatur quadragenaria præscriptio, ideòque lis adjudicata fuit parti à Patrono præsentatæ. Neque verò quadraginta, vel plures anni sufficiunt ubi extitit mala fides: nam possessor malæ fidei ullo tempore non præscribit, cap. *Possessor* 2. de regul. jur. in 6.

XXV. Ut verò futuris dissidiis providè obvietur, caveant Ordinarii ne ullas admittant præsentationes, nisi constet de jurepatronatus per titulum foundationis aut dotationis, aut per admiffas anteriores præsentationes, quæ titulum saltem probabiliorem comprobent. Et si plures existant Patroni, debet Prælati singulorum præstolari consensum, qui utique non debet eousque prorogari, ut tempus labi periclitetur à Canonibus ad id præstitutum. Sin aliqui moram faciant, debet ad unius præsentationem instituere, neque ulterius expectanda erit absentium ratificatio, si convenienti tempore à die notitiæ vacationis siluerunt. Vivianus de jurepatr. & alii. Sed si adèd remotè distent, aut in incertis locis, ut inde notitia vix dari, vel haberi possit, potest Ordinarius statim ad præsentis nominationem, si sit nominatus idoneus, providere, ne deolutioni ex mora, longæque vacationi locus aperiatur, aut debitum Ecclesiæ ministerium retardetur.

* XXVI. Agitata sæpennimè fuit quæstio, utrùm si Patronus ad Beneficium nominaverit Clericum absentem, aut qui in remotis jam è vivis excellèrit, aut qui nominatus mox ante institutionem decessit, aut etiam qui vivens noluit sibi tale Beneficium conferri, liberum sit eidem Patrono alterum præsentare? hoc scilicet argumento, quia cum semel jure præsentandi functus fuerit, jus istud hac vice expiraverit, eo quòd Clementina unica de renunciat. affirmet illusionem & variationem maximè in personis Ecclesiasticis evitandas esse. Cæterum nulla potest hîc obijci variatio vel illusio, sed tantum caducitas ex accidente quod nullatenus potuerat prævideri. Itaque jus nominandi cum nullum produxerit effectum,

T 2 revertitur


revertitur ad Patronum, eique integrum perdat. Quali etiam jure donatio non acceptata revertitur ad donantis personam, & legatum recusatum hæreditari redintegratur. Et favet apertè cap. *Si tibi absenti*, de præbend. in 6. ubi deciditur, collatorem qui absenti aliquam præbendam contulit, posse alteri eandem conferre, ex quo constiterit, noluisse provisi illam acceptare. Quinetiam in materia ipsa præsentandi, si præsentatio effectum non sit sortita integrum, eidem Parrono remanere jus ad secundam præsentationem Canones apertè definiunt, ut constat ex cap. *In Ecclesia*, il. 2. de institut. & cap. *Transmissa*, fin. de jurepatr. & ibi Glossa: non enim, ait, præstat impedimentum quod de jure non sortitur effectum. Perspicuè quoque docent Selva tract. de Benefic. part. 3. q. 47. & Rebuffus tract. de nominat. quæst. 17. num. 21. & 22. probantque Patronum non excidere jure alterius nominationis, si citra ipsius fraudem prior non successerit. Rebuffus ipse multiplici jurium inductione amplam fidem facit, id quod nulliter factum est, nullatenus esse computandum, sed pro non facto habendum.

XXVII. Notabilis quoque ac memoriz insignenda est decisio tradita in cap. *Consultationibus*, hoc tit. nimirum illum qui fuit institutus ad præsentationem ejus qui censebatur Patronus, non esse à Beneficio removendum, licet jus patronatus ab alio postmodum justo legitimoque judicio fuerit evictum. Simile quid statuit cap. *Querelam*, de elect. scilicet electo sufficere ad tenendum beneficium electione adeptum, ut doceat electorem fuisse tunc in quasi possessione eligendi, quanvis ex postfacto elector ille probetur jus eligendi non habuisse, eoque jure privatus sit. Sufficit enim qualiscumque possessio cum bona fide illius qui promotus fuit; unde orta sunt ista Juris axiomata: Legitimè factum non est rescindendum, licet in eum casum deveniret, à quo non potuit incipere. Et, Legitimè factum cum bona fide provisi prævalet, l. *Barbarius*, D. de offic. Prætor. & utique Barbarius ipse non ignorabat se servum esse fugitivum & capite minutum, quando Præturam capessivit.]



CAPUT VIII.

De præsentatione proprii filii, & de Prioribus seu Rectoribus Patronis.

- I.  NDUBITATUM quidem est, neminem Patronum posse præsentare seipsum, cap. *Per nostras*, de jurepatr. Exigitur enim personarum distinctio inter dantem & accipientem, cap. *Cum ad nostram*, de institutionib. Sed gravis est disceptatio, utrum Patronus possit

possit proprium filium ad Beneficium præsentare ? Id negare videtur cap. *Consuluit*, de jurepatron. his verbis : *Cum Sanctuarium Dei jure hereditario teneri non possit, non debet aliquatenus sustineri, ut Clerici Ecclesias à parentibus suis fundatas propriâ autoritate detineant, aut laici filiis vel aliquibus aliis concedant easdem.* Ipsa tamen in idem cap. Glossa, itemque Panormitanus ibid. & Consil. 2. p. cap. 96. affirmant posse à patre patrono filium præsentari, neque ambos in Jure Canonico censerî unam eandemque personam, licet secus decernatur in Jure Civili, Instit. de inutitib. stipulat. §. 4. quia in bonis Ecclesiæ non dependet filius à patre, & sunt ea bona quasi peculium castrense, quod patri non acquiritur. Est enim Clericorum sacra militia, can. *Quicumque*, 77. dist. & can. *Presbyteros*, 16. quæst. 1. can. *Reprehensibile*, 23. quæst. 8. & cap. *Episcopus*, 4. de præbend. Ideoque docet Panormit. in d. cap. *Consuluit*, nihil acquiri patri ex filii proventibus Ecclesiasticis, quanvis adhuc existentis sub patria potestate.

II. Neque obstat dictum cap. *Consuluit*; loquitur namque de intrusione, *qua sit propria autoritate*: ibidemque negat, non solum propriis filiis, sed & aliis quoque posse hoc modo Ecclesias à Patronis concedi; quod utique non aliter intelligi potest, nisi hic applicando verba eadem quæ paulò antè præcesserunt, *propria autoritate*: secus verò per præsentationem factam coram Ordinario, & hujus subsequutam institutionem. Non etiam obstat cap. *Quia Clerici*, cod. tit. quia disertè loquitur de parentibus qui pretio emunt Ecclesias patronatas, ut eas ad suos liberos transmittant: quæ quidem emptio simoniaca est hujus prohibitionis causa, non autem simplex filii qualitas. Glossam prædictam, & Panormitanum sequuntur Doctores Gallicani, Benedictus in cap. *Raynuius*, verb. *Mortuo itaque*, num. 58. p. 2. his verbis : *Pater & filius reverà sunt dua persona: & inde est, quod pater Patronus potest filium, sed non seipsum præsentare, secundum Glossam in cap. Consuluit, de jurepatr. licet alibi juris fitione censcantur eadem persona.* His adstipulatur Bengueus tit. ult. num. 7. 8. & 9.

III. Plerique Rectores tanquam Patroni potiuntur præsentandi jure pro subditis sibi Ecclesiis Vicarios etiam perpetuos ad earum ministerium & curam animarum obeundam, cap. 3. §. *In Ecclesiis*, de privileg. & excess. privil. & cap. 2. de supplend. neglig. Prælat. & cap. *De monachis*, & cap. *In Lateranensi*, de præbend. & cap. 1. cod. tit. in 6. & cap. ult. de capel. monach. in 6. Quæ tamen capitula omnia loquuntur de Rectoribus Regularibus habentibus sub se curatas Ecclesias; & non de Secularibus Rectoribus. Sed tamen hoc idem juspatronatus pertinet quoque ad Rectores Seculares habentes Dignitatem, Personatum, aut simplex Beneficium, cujus præbenda & fructus fundantur in Ecclesia Parochiali unita simplici illi Beneficio, Personatui, vel Dignitati, ut constat ex cap. *Exstirpanda*, §. *Qui verò*, de præbend. quod caput desumptum est ex Concilio generali Lateranensi sub Innocentio III.


IV. Sunt pariter alii primarii Rectores sub se habentes Parochiales Ecclesias & Vicarios, quorum origo fuit ex necessitate auxilii & succursus Ecclesiæ Matricis, multitudini & distantie plebis sufficere non valentis; quæ fuit occasio novæ ædificandæ Ecclesiæ, & Vicarii in ea constituendi. Sicque Matricis Ecclesiæ Rector titulo insignitur Primarii, seu Prioris Rectoris, respectu geninarum quibus præest Ecclesiarum, Matricis & Filiæ. Istius generis Rector vocatur in Jure Plebanus. Est enim Plebania Ecclesia Parochialis, ex qua dependent eidem subjæctæ Capellæ, ac minores Ecclesiæ, in quibus Vicarii sive ad tempus, sive perpetui constituuntur, cap. 1. ne Cler. vel Monac. in 6. Atque utrique Priorum generi competit ut plurimum tanquam Patronis honorariis jus præsentandi ad subditarum sibi Ecclesiarum Vicariatus.

V. Tria ergo in Jure legimus Priorum seu Superiorum Rectorum genera, quibus Parochiales Ecclesiæ subjiciuntur. Primum est Regulare, qui curam animarum non per se, sed per Vicarios exercent Seculares. Secundum est habentium Dignitates, aut Præbendas, quibus unitæ sunt Ecclesiæ Parochiales. Tertium est Plebanorum qui Matricibus Ecclesiis præficiuntur. Hi omnes jus habent præcedendi in subditis Ecclesiis Vicarios in eisdem constitutos; non tamen habent jus ministrandi intra illas, hoc enim solis competit Vicariis. His tribus Prioratum generibus aliquando competit jus patronatus ad subiectos Vicariatus, aliquando minimè. Quibus verò competat vel non competat ut dignosci possit, consulendi sunt foundationum tituli quid innuant, aut quidnam particularis consuetudo ferat.



C A P U T IX.

Conditiones aliquot, ut quis de Beneficio provideatur, requisita discutiantur.

- I.  COMMUNICATO quacunque majori excommunicatione neque conferre, neque recipere licet ullum Ecclesiasticum Beneficium; ejusque electio, præsentatio, institutio & collatio prorsus invalida est, cap. *Postulastis*, de Cler. excom. ministr. Quo etiam capite scienter tali conferens à collatione Beneficiorum suspenditur, ut in eo puniatur in quo peccavit. Suspensi quoque neque eligere possunt, neque eligi, can. *Nos in hominem*, 9. q. 1. cap. *Cum dilectus*, de consuetud. & cap. *Cum inter R.* & cap. *Per inquisitionem*, de election. & cap. *Pastoralis*, §. *Verum*, de appellat. cap. *Cum bona*, de ætat. & qual. ordin.

ordin. Atque etiam hæc locum habent in excommunicationibus occultis & toleratis. Veruntamen si excommunicatio vel suspensio posterior sit electione, præsentatione, collatione, non inducit Beneficii vacationem, decil. Rotæ 195. in novis. Gomeſius tract. Expectativatum, num. 60. Covarruvias in cap. *Alma mater*, 1. p. §. 7. num. 4. not. 11. Bonacina de excommunicatione disp. 2. q. 2. punct. 4. num. 9. Idem tradunt Canonistæ, Felinus in cap. *Inusitatum*, de simon. Panormitanus in cap. *Cum Clerici*, num. 2. de pactis, Ugolinius de simon. tab. 1. cap. 19. & Gallicani Jurisconsulti Gregorius Tolofanus instit. benef. cap. 26. num. 2. Papo tom. 1. Notariorum, lib. 2. pag. 90. Pastor lib. 3. de benef. tit. 18. n. 17. Bengueus de simon. in Benef. num. 43. Aded ut caput *Ex literis*, de excel. Prælat. eum qui dum Beneficium possideret homicidii voluntarii factus est reus, simulque irregularis, non judicet esse ipso facto depositum, sed Judicis sententiâ esse deponendum. Singulas censurarum species infra lib. 4. discutiam.

II. Illegitimè nati Beneficiorum incapaces regulariter existunt; defectus quippe natalium irregularitatem inducit, cap. 1. & cap. ult. de fil. Presbyt. cap. *Cum in cuſſis*, de election. Concilium Trident. sess. 22. de reform. cap. 20. juxta prohibitionem Deuteronom. 23. *Non ingrediatur manzer, hoc est de scorto natus, Ecclesiam Domini.* Ab ista irregularitate solus Papa dispensat ad omnes Ordines, & universa Beneficia; sed potest Episcopus dispensare ad primam Tonsuram, & ad minores Ordines, necnon ad Beneficium simplex: nullatenus verò ad sacros Ordines, vel ad curatum Beneficium, cap. 1. de fil. Presbyt. in 6. Dubitat tamen Pastor, an valeat in Francia ista Episcopi dispensatio, lib. 3. de Benefic. tit. 25. num. 6. hac sola ductus ratione, quia Bonifacius VIII. hoc constituit, cujus nomen Francia invisum est & odiosum. Veruntamen istam valere in Francia dispensationem, hujusce Regni Doctores indubitanter affirmant, quemadmodum & alias pleraque celebres Bonifacii VIII. Constitutiones. Ita Deselva Regius in Parlamento Parisiensi Advocatus de Beneficiis p. 3. quæst. 16. Rebuffus in praxi, p. 2. tit. de dispensatione circa natalia, num. 8. & seqq. Charondas lib. 10. responsorum, cap. 7. Despeisseus tract. de beneficiis, tit. 3. num. 66. alique Gallicani Jurisconsulti.

III. Sed hoc unum disputant, an ista Episcopalis circa defectum natalium dispensatio locum habeat in Præbendis & Personatibus, non quidem Ecclesiarum Collegiatarum, in quibus supponunt valere, sed Cathedralium. Et in his quoque valere affirmant non modò exteri Doctores Archidiaconus, Oldradus, Jason; sed etiam Gallicanus Joannes Deselva loco citato. Negat autem valere Rebuffus loc. cit. num. 10. & 11. citatque pro sua sententia Decisiones Rotæ, & antiquam Glossam Pragmaticæ Sanctionis.

IV. Neque ipsis quidem legitimis filiis possunt conferri Beneficia immediatè antè ab ipsorum patribus possessa, cap. *Moyſes*, & cap. *Apostolica*,

lica, 8. quæst. 1. & cap. *Ad exstirpandus*, & cap. *Dilectus*, de fil. Presbyter. ne videantur successivæ, atque ita intra familias hæreditariæ Præbendæ: solusque Papa potest contra jus istud dispensare, cap. *Dilecti*, eod. tit. Jam quæritur de nepotibus, an possint in Beneficium ab avo postulatum succedere? Glossa in dicto cap. *Apostolica*, tradit illam de filiis prohibitionem protendi quoque ad nepotes, ne avorum Beneficia possideant. Idemque altera docet Glossa in cap. *Ad exstirpandus*, vers. *Filii Presbyterorum*, de fil. Presbyter. His suffragatur lex *Liberorum*, & lex *Iusta*, de verbor. signif. quibus filiorum nomine comprehendendi pariter nepotes decernitur. Idèoque Rebuffus in praxi, tract. de dispensat. super defectu natal. num. 25. & 26. excludit absolutè nepotes, sicut & filios ab ejusmodi avorum beneficiis: citatque ad id confirmandum nonnullos Canonistas, atque sententiam rejicit quorundam nepotes admittentium, dummodò inter avum & nepotem vivat superstes pater: quæ tamen opinio fulcitur per §. *Sui autem*, Instit. de hæredum qualitat. & differ. ubi deciditur nepotes non censeri nomine suorum hæredum respectu avi, quandiu vivit intermedium pater. Quam etiam circa Beneficia avita opinionem tueritur Glossa in can. 1. dist. 56. & Pastor lib. 3. tit. 26. num. 3. Cæterùm Rebuffus huic oppositum propugnat non modò in praxi, sed etiam in tract. de pacific. possess. num. 277. quo loco multa profert ad hoc firmandum Curiarum Regni Supremarum Judicia.

V. Severior est Juris dispositio contra illegitimos quàm erga legitimos Sacerdotum filios; filiis enim legitimis interdicitur sola immediata in paternum Beneficium successio: at verò illegitimis prohibetur insuper quæcunque tenere Beneficium in eadem Ecclesia, in qua patres ipsorum aliud Beneficium habent. Adèò ut dispensatio generalis illegitimorum circa Beneficia non sufficiat, nisi specialem etiam à Summo Pontifice habeant ad hoc, ut possint tenere Beneficium in eadem Ecclesia, in qua ipsorum patres aliud Beneficium possident. Quæ tamen res permittitur à Jure communi liberis legitimis, cap. *Ad hæc*, de fil. Presbyt. Quin etiam Concilium Trident. sess. 25. cap. 15. de reform. arcet illegitimos non modò ab Ecclesiis in quibus patres eorum sunt de alio quopiam Beneficio provisi, sed etiam in quibus aliquod Beneficium patres habuerint aliquando, quanvis de præsentis nullum in ea habeant: nec illos in eisdem Ecclesiis quoquo modo ministrare permittit, ut paternæ incontinentiæ memoria à locis Deo sacris longissimè arceatur.

VI. Si pater resignet suum Beneficium coram Papa in favorem filii sui legitimi, & hanc reciprocam patris & filii qualitatem in sua supplicatione exprimat, illius resignationis acceptatio habetur pro dispensatione, quia Papa de hoc præmonitus, sciensque nihilominus contulit: quemadmodum in Jure Civili dominus servum instituendo hæredem manumittere creditur, Instit. quibus ex causis manumit. §. 2. Ita judicatum fuit in

Magno

Magno Regio Consilio in causa Blainorum patris & filii, cui Papa præmonitus de hac respectiva qualitate, ut ex supplicatione scripra constabat, de paterno Beneficio providerat post resignationem in favorem. Pastor lib. 3. tit. 26. n. 1.

VII. Licet Jus prohibeat filium immediate in Beneficium paternum succedere, permittit tamen ex adverso, ut filio pater immediate in idem Beneficium succedat. Rebuffus in praxi, p. 2. tit. de dispensat. super defectu natal. num. 29. Farinacius decif. p. 4. cap. 128. Despeisseus d. tit. 3. n. 84. tum quia nullibi hoc à Jure prohibetur; tum quia non præsumitur abusus aut inordinatus affectus, si turbato naturæ ordine pater liberis succedat, cum sit contra commune parentum vorum, l. *Scripto*, §. *Non sic*, D. unde liberi, l. *Nam est*, D. de inoffic. testam. l. *Julianus*, §. *Denique*, D. si quis omis. caus. testam.

VIII. Aetatis defectus reddit invalidam Beneficii collationem. In primis quod attinet ad Episcopatum, Synodus Neocæsarensis, can. 11. & Synodus Agathensis allegata in can. *Episcopus*, dist. 77. præterea cap. *In veteri*, & cap. *Cum in cunctis*, de election. prohibent ordinari Episcopum ante trigelimum ætatis annum. Quinimodò Justiniani novella 123. cap. 13. & 22. & Authent. *Presbyterum*, C. de Episcop. & Cler. edicit Episcopatum conferri non debere ante trigelimumquintum annum ætatis. Sed in Regno Galliæ sufficit ad Episcopatum inchoatus annus ætatis vigesimus septimus, juxta Concordatum, tit. de Regia ad Prælaturas nominatione, §. *In monasteriis*, & Edictum Blesense Henrici III. art. 2. & ejusdem aliud Edictum mensis Januarii anni 1580. art. 12. Quoad verò Abbates sufficit annus vigesimulquintus, d. cap. *Cum in cunctis*, de election. Garcia p. 7. cap. 4. num. 41. Quæ omnia de anno inchoato intelligenda sunt. Rebuffus in Concord. loc. cit. §. 1. verb. *Constitutum*. In Dignitatibus, Personatibus, & Parochialibus Beneficiis annus vigesimulquintus inchoatus exigitur, d. cap. *Cum in cunctis*: idemque statuitur in Prioratibus Clausalibus habentibus curam annexam. Clement. *Ne in agro*, §. ult. de statu monach. Ubi tamen cura per Vicarium exercetur, sufficit ad Prioratum Clausalem annus vigesimus, ex d. Clementina, §. *Ceterum*. Attamen in Regno Galliæ in quibuscumque Prioratibus electivis, etiamsi curam habeant annexam, annus vigesimus-tertius inceptus sufficit, juxta Concord. tit. de Regia ad Prælaturas nominat. §. *In monasteriis*, Rebuffus ibid. Et in Dignitatibus & Personatibus, quibus non incumbit animarum cura, sufficit annus vigesimus-secundus, ex Concilio Tridentino sess. 24. de reform. cap. 12. quod est pariter de anno incepto interpretandum, quanvis dicat Concilium, *Non minores viginti duobus annis*. Est enim receptum axioma in Jure, annum cœptum haberi in honoribus pro completo. Et in Parochialibus Ecclesiis Jus antiquum servatur, hoc est, ut non conferantur ante vigesimulquintum annum inchoatum, nisi

per Vicarium cura exerceatur, quo casu annus sufficit decimusquartus.

IX. In Beneficiis simplicibus, ut sunt Capellanix, sufficit septennium, non quidem inceptum (ut in magis honorificis Beneficiis paulò antè dictum est,) sed requiritur omninò completum, ut in Capellanis, aliisque vulgò dictis, *Ad simplicem Tonsuram*, ut sunt quidam Prioratus ut vocant Rurales, qui nullatenus sonant in nomen Rectorix. Deselva 3. p. de benefic. quæst. 5. Rebuffus de pacif. possell. num. 175. Bengeus tit. de divis. benef. §. 29. num. 6. & 7. At verò in Beneficiis simplicibus, quæ in nomen Rectorix sonant, ætas requiritur annorum quatuordecim completorum: non enim censentur impuberes capaces curæ & obligationis, quæ exercitio talium Præbendarum adnectitur, cap. *Indecorum*, de ætat. & qualit. ordin. & cap. *Super inordinata*, de præbend. In Canonicatibus Collegiatarum Ecclesiarum requiritur & sufficit non quidem inchoatum, sed completum decennium. At in Canonicatibus Ecclesiarum Cathedralium & Metropolitanarum, annus est necessarius decimusquartus pariter completus, juxta Regulam Cancellariæ 17. Deselva loco cit. Rebuffus de pacif. possell. num. 178. etiamsi Ecclesia Parochialis per Vicarium exerceri solita Canonicatui sit unita. Rebuffus in praxi, p. 2. tit. de dispensat. ratione æt. num. 2. Garcia de benefic. p. 12. cap. 2. num. 24. Et Bengeus loc. cit. §. 26. num. 49. simulque Louetus litera E, cap. 1. multa memorant Gallicana Senatusconsulta, per quæ declaratæ fuere irritæ collationes Præbendarum Cathedralium impuberibus factæ. Hinc tamen excipiuntur collationes Regiæ in Regalia Sede Cathedrali vacante factæ in gratiam impuberum ad Canonicatus etiam Cathedralium Ecclesiarum, dummodò septimum ætatis annum compleverint, ut superiùs docui hujusce libri cap. 4. num. 8. At verò extra Galliæ Regnum Jus commune viget, neque attenditur ad ullum acquirendum simplex Beneficium ætas live septem, five decem annorum; sed juxta Tridentinum Decretum sess. 23. cap. 6. de reform. nullus ante decimumquartum ætatis annum citra Pontificis dispensationem potest Beneficium obtinere.

X. Ex defectu Graduum quædam occurrunt ad Beneficia incapacitates. Atque in Galliæ Regno prohibetur esse Parochus oppidi murati quisquis vel Graduatús non est, vel Artium Magister, vel saltem qui triennium studii non compleverit, vel Theologiæ, vel Juris Canonici in aliqua Universitate. Concord. tit. de collationibus, §. *Statuimus*. Idemque statuitur circa omnes Cathedralium Ecclesiarum Dignitates, & circa saltem primarias Collegiatarum Dignitates, Edicto Henrici IV. anni 1606. art. 31. Ad Præbendam Theologalem, non tamen ad Præceptoriam exigitur Gradus Doctoris in Theologia, ex Edicto Aurelianensi Caroli IX. art. 8. & Blesensi Henrici III. art. 33.

XI. Plerasque alias incapacitatum species, five ob censuras, five ob irregularitates, & quibus casibus incurrantur, requirito inferius lib. 4.


XII. Alteram

XII. Alteram quoque ad Beneficium incapacitatem parit defectus Ordinis requisiti, sive ex præscripto Canonum, sive ex Statuto, sive ex Beneficii particulari fundatione : qua de re vide inferius hujusce lib. 2. cap. 19, quo diversi modi vacationis Beneficiorum discutiuntur, num. 8. 9. & 10.



C A P U T X.

De Insinuationibus.

I.  GET Ediſta referre inſinuationem omnium ad Beneficia Eccleſiaſtica quoquo modo pertinentium fieri jubentia, ut ſcilicet in tabularia Episcopatum, in quibus illa Beneficia ſita ſunt, referantur : procuraciones nimirum ad reſignandum, ſive coram Papa, ſive apud Ordinarios ; præſentaciones quoque Patronorum, concordata partium ; penſionum ſive conſtituciones, ſive extinctions, Datarum atteſtaciones, ſignaturas, examina, profeſſiones fidei, collaciones Præbendarum, ac literas beneficiales, acta miſſionis in poſſeſſionem, & quaſcumque Beneficiarias proviſiones. His adde literas Tonſuræ, ſingulorumque Ordinum, literasque Vicariatus, vel Officialitatis, præſertim poteſtatem Beneficiorum collativam. Item fundaciones, ſive inter vivos, ſive per ultimas voluntates, & alia pleraque cum diverſis temporum ad ſingula horum inſinuanda præfixorum designationibus, quæ continentur perplexis illis & quaſtuariis Ediſtis ad legendas Clericorum pecunias procuſis ab Henrico II. menſe Martio 1553. & à Ludovico XIV. anno 1646. art. 6. Quibus etiam ſub nullitatis pœna ſtatuitur, ut procuraciones ad reſignandum inſinuentur antequam ad Papam, ad Legatum, aut Ordinarium referantur.

II. Si verò poſt mandatum, priuſquam admiſſa fuerit à quocumque Collatore reſignatio, ipſe reſignans revocet, debet hanc revocationem, re adhuc integrâ, vel procuratori, vel reſignatario, vel collatori ſignificare : alioqui reſignatione ſemel admiſſâ ob juſtam revocationis ignorantiam, reſignator priſtino ſuo Beneficio excidit, ut ſtatuitur Clement. unica, de renunciacionibus.

III. Inſinuandum porro eſt apud Notarium Regium illius diocceſis in qua ſitum eſt Beneficium, ad diligentiam proviſi, aut illius procuratoris ſpeciale mandatum habentis, intra tempus illo anni 1553. Ediſto præſtitutum. Literæ quidem Beneficiales, ſignaturæ ad Beneficia, vel ad penſiones, quæ in Romana Curia expediuntur, & concordata inter partes conventa, itemque Decreta Apoſtolica, quibus penſio vel conſtituitur, vel extinguitur : mandata quoque quæ procuratori ſunt ad reſignandum

vel ad consentiendum, vel ad insinuandum, intra semestrem insinuari oportet cum ipso mandato ad insinuandum facto, juxta ejusdem Edicti articulos 5. 6. & 7. Et hæc quoad Romanam Curiam. Quæ verò apud Legatum in Regno, vel apud Ordinarium loci gesta sunt, insinuanda sunt intra bimestrem, d.art.6. Sed si actuatorius, seu notarius in eodem consistat loco, in quo literæ sive Legati, sive Ordinarii sunt concessæ, insinuatio fieri debet intra dies octo simul cum procuracionibus, ab ipsa literarum data computandos, d. art. 3. Acta verò sumptæ possessionis intra mensem insinuanda sunt à die possessionis sumptæ computandum, art. 4. Literæ Vicariatus antequam Vicarius id officium inseat, art.10. Literæ pariter Tonsuræ, Ordinumque requisitorum debent insinuari antequam acceptetur Beneficium, art.19. Theveneus tamen ad Constitutiones Regias, tit.28. testatur Edictum istud justè à bonis & æquis Judicibus despici, nisi urgeat aliqua fraudis, aut falsi suspicio adversus non insinuantem. Et Pastor ex hujus Edicti art.3. infert concedi facilè in integrum restitutionem elapso tempore insinuationibus hujusmodi præstituto, dummodò jus alteri non sit acquisitum; atque ad hoc obtineri posse Literas Regias in Cancellaria, lib. 2. tit.15. art.10. & 11.

IV. Præterea est aliud in hoc Regno insinuationis genus, quo Graduati aspirantes ad Ecclesiastica Regni Beneficia affecti sunt. Qua de re superius tractatum est, sub titulo *De juribus Graduatorum*. Istaque fit insinuatio per actuatorium, sive Apostolicum, sive Regium, duobus, tribusve accitis testibus, in tabulario ejus Diocesis, in qua sita sunt ipsa, quæ Graduatus ambit Beneficia.



C A P U T XI.

*Beneficiaria quæstiones circa prælationem inter
simul concurrentes : Litigantium subrogationes :
Beneficiorum uniones : Unionum præscriptiones :
Beneficiorum divisiones : Beneficiorum in alium
statum mutationes.*

S I QUANDO plures de eodem Beneficio provisum fuerint, præferendus is est cujus provisio tempore præcessit, quanvis posterius provisus possessionem Beneficii prius altero adiverit. Id verò multoties judicatum fuit, tum in Regalia, tum in quibuscumque aliis beneficiis

beneficiariis provisionibus, ut attestantur Lebret lib. 1. de supremo Dominio, cap. 16. Loifcellus lib. 1. de offic. cap. 2. num. 53. & 54. Ferrerius quæst. 112. Brodeus ad Louetum lit. V. cap. 2. Atque ita constitutum est cap. *Eum cui* 7. de præbend. in 6. Itaque lex *Quoties*, C. de rei vindic. quæ præferri jubet eum qui prior possidet, non servatur in hac materia beneficiaria, in qua ut quis alteri præferatur, inspicienda est impetrationis Data, si sit anterior; non præsentatio, seu exhibitio provisionis, aut receptio. Verba Capituli sunt ista: *Eum cui Canonicatus alicujus Ecclesiæ à Sede Apostolica est collatus, licet nondum sit in ea receptus, decernimus in assequutione Præbendarum juxta sue provisionis ordinem omnibus præferendum, quibus similis gratia postmodum in ipsa Ecclesia est concessa; licet isti primò suas literas præsentaverint, & primò recepti fuerint in eadem.* Ibiq. Glossa observat, ne quis in verbis cavilletur, collationem & provisionem in hoc textu pro una eademque re usurpari, & ita nihil esse inter illa discriminis.

II. Ubi plures de uno Beneficio provisi eodem die fuerint, præferendus est ille, qui hora anteriore provissus est. Sed si expressa sit hora in una, non verò in altera ejusdem diei provisione, præferendus erit is cujus in provisione notata fuit hora. Id multis Gallicanis judiciis confirmat Brodeus in Louetum litera V. cap. 2. Sed si nullibi legitur expressio horæ, præferendus ille erit, qui ab eo provissus erit, quem constat esse dignitate superiorem: hoc tamen discrimine ac limitatione, ut si is qui à minoris Dignitatis collatore Beneficium accepit, possessionem prior altero inierit, tum demùm præferri alteri debet, qui vel nullatenus, vel posteriùs sumpserit possessionem, quanvis ab altiori Dignitate provissus fuerit, juxta cap. *Si à Sede Apostolica*, de præbend. in 6. Rebutus in praxi, tit. de rescript. ad Benef. vacant. num. 30. Papo lib. 2. placitorum, tit. de provision. 9. artic. 9. Despeisseus de benefic. cap. 4. num. 3. Lebret lib. 4. decis. 1.

III. Circa verò litigantium subrogationes require infra libri 4. cap. 9. in quo diffusè hanc materiam pertractabo.

IV. Quantum ad unionem Beneficiorum: Si proventus Ecclesiæ vel Beneficii minimè sufficiant ad sacrum Ministerium, aut ad victum Beneficiarii concedentem, provideri solet his defectibus per unionem alterius minoris Ecclesiæ vel Beneficii; atque ita congrua Ministris portio assignari, cap. *Exposuisti* 33. de præbend. Quæ potestas non modò Papæ, aut Legato, sed etiam Episcopis competit, cap. *Sicut unire*, de excessibus Prælat. *Sicut unire* (inquit) *Episcopatus, atque potestati subjicere aliene, ad Summum Pontificem pertinere dignoscitur, ita Episcopi est Ecclesiarum sua Diocesis unio, & subjectio earundem.* Idemque statuit Concilium Viennense Clement. 1. §. *Ad hæc*, de statu monach. Idem rursus statuit Concilium Trident. sess. 21. cap. 5. ut possint Episcopi, sine præjudicio tamen obtinentium, facere uniones perpetuas quarumcunque Ecclesiarum Parochialium;

& aliorum quorumcunque Beneficiorum, five curatorum, five non curatorum cum curatis, ob Ecclesiarum paupertatem, aliasve iustas causas; licet dictæ Ecclesiæ, vel Beneficia essent generaliter aut specialiter reservata. Hoc ipsum confirmant Gallicanæ Constitutiones Henrici III. in Comitibus Aurelianensibus art. 16. & in Comitibus Blesensibus art. 22. Justæ autem istarum unionum causæ ante omnia probari debent per juridicam inquisitionem, aliasque debent intervenire solennitates, de quibus tractat Rebuffus in praxi, p. 1. tit. de union. benef. Hoc idem possunt Episcopi in favorem Cathedralium suarum Ecclesiarum, aut insignium Collegiarum, quarum fructus sustinendo decenti Canonico gradu, aut sacrorum Officiorum cultui impares sunt, ex Concilio Trident. sess. 24. cap. 13. & 15. dum servantur expressæ ibidem conditiones: quod idem ferè astruitur in Comitibus Blesensibus, artic. 23. Quàm ergo sedâ & Juris communis peræquè atque Gallicani ignorance laborant, qui hujuscemodi uniones ad solam Apostolicam auctoritatem existimant pertinere! Certè Collatores omnes Episcopis inferiores ab hac uniendi Ecclesias potestate excluduntur, d. cap. *Sicut unire*, de excess. Prælat. Rebuffus tit. de union. benefic. num. 32.

V. Beneficium quod Patrono laico subest, unire alteri nemo potest, nisi de ipsius consensu, ut edicitur in Comitibus Blesensibus art. 23. & antè docuerat Rebuffus d. tit. num. 28.

VI. Denique ab iisdem qui facere possunt, ab iisdem iusta ex causa revocari & dissolvi queunt istiusmodi uniones, ut si damnosæ ipsis Ecclesiis comperiantur, aut si paupertas desierit quæ eis causam dedit. Rebuffus tit. de union. revocat. Nihil est intra Christi Ecclesiam optabilius, quàm ut demùm uniantur divisa illa Beneficia, quorum unum annexam habet animarum curam, alterum porro divisum est, & sejunctum à sacra illa cura, ut constitueretur simplex, iners, ac otiosum Beneficium, reservatà exiguâ dumtaxat portione pro Sacerdote Ecclesiæ ministerio, animarumque sollicitudini destinato, dum alter ille Prioris titulo insignitus otiositati, quæ omnium vitiorum fons est, gæneque addictus, majora & opima Ecclesiæ stipendia solis laborantibus debita in luxum, aleam, cupidias profundit, aut avarè recondit ad consanguineos, vel affines locupletandos. Horum pravitas Catholicis simul & hæreticis scandalo est. Domus interim Dei meritis operariis destituitur ob stipendiorum, quæ divino ministerio reservantur, exilitatem. Inertes hi Clerici sunt in Ecclesia quasi in alvearibus fuci, qui nihil operantes apum labores comedunt, & mellificia absumunt. Quàm est hoc ab Ecclesiæ spiritu alienum, secundum quem ordinat Apostolus Paulus, ut qui non laborat, non manducet! Quàm denique hoc ipsum Sanctis Canonibus dissentaneum est! quos inter Concilii Agathensis canon 36. sic decernit: *Clerici omnes qui Ecclesia fideliter diligenterque deserviunt, stipendia sanctis laboribus debita secundum servitii sui meritum,*
vel

vel ordinationem canonicam à Sacerdotibus consequantur. Eadem ratione Tridentinum Concilium sess. 25. de reform. cap. 16. Statuit sancta Synodus, ut Ecclesiastica Beneficia secularia, quocumque nomine appellentur, quæ curam animarum ex primæva eorum institutione, aut aliter quomodocumque retinent, illa deinceps in simplex Beneficium, etiam assignatà Vicario perpetuo congruâ portione, non convertantur, non oblationibus quibuscumque gratiis, quæ suum plenarium effectum non sunt consequuta. In iis verò, in quibus contra eorum institutionem, seu fundationem cura animarum in Vicarium perpetuum transmissa est, etiam si in hoc statu ab immemorabili tempore reperiantur, si congrua portio Vicario, quocumque nomine is appelletur, non fuerit assignata, ea quamprimum, & ad minus intra annum à fine hujus Concilii, arbitrio Ordinariorum, juxta formam Decreti sub sel. rec. Paulo III. assignetur. Quod si id commodè fieri non possit, aut intra dictum terminum factum non fuerit, cum primò per cessum, vel decessum Vicarii, seu Rectoris, aut quomodolibet alterum eorum vacaverit, Beneficium curam animarum recipiat, ac Vicaria nomen cesset, & in antiquum statum restituatur. Unionum Beneficiorum modum & conditiones fuscè prosequitur Carolus Fevretus lib. 2. de abusu, cap. 4. Additque majorem impendi favorem unionibus per quas Beneficia contra veterem statum & fundationem divisa, cum à primordiis unicum dumtaxat fuisset, reintegrentur in unum: profertque num. 35. Parisiense Senatufconsultum adversùs appellentem de abusu in oppositionem reunionis duarum Præbendarum Ecclesiæ Sancti Mederici, quæ contra primævam institutionem, cum unicam constituissent curam, fuerant progressu temporis in duas dissectæ curas, sed autoritate Apostolica in unam rursus coaluerant. Curia verò Parisiensis appellentem submovit, & reintegrationem in unum suo judicio permovit, Martii 17. anno 1625. Sed multò majori digna favore est unio, ubi ex unico Beneficio pars stipendiorum sejuncta fuit ad simplex, otiosum, nulliusque frugis Beneficium constituendum. Utinam Regibus, Episcopis, & iis qui sunt in Ecclesia Proceribus mentem istam Numen inspiret, ut de ipsis prædicetur quod de apibus Virgilius Poëta commemorat: *Ignavam fucos pecus à præsepibus arcens.*

VII. Ad requisitam justæ unionum causæ juridicam inquisitionem necessariò exigitur ut vocentur Ecclesiarum Rectores, & Capituli æconomus, & si qui sunt Patroni; & Regius insuper Procurator, ac civitatum Administræ, non quidem ut consentiant: solo enim excepto Patrono laico, cujus necessarius est consensus, ut dixi, cæteris etiam laicis dissentientibus, dummodò vocatis & auditis, potest ad unionem procedi: nec aliâ ratione vocandi sunt, quàm ut rationes, si quas habent, oppositionum proponant, cap. *Cum olim*, de arbitris.

VIII. Cùmque faciendæ sint uniones ob commune Ecclesiæ commodum & publicam utilitatem, non debet illis obistere ulla sive generalis, sive specialis reservatio, excepto laico Patrono. Concilium Trident. sess. 24.

de

de reformat. cap. 15. Nulla itaque habenda hic ratio Graduatorum, aut Indultariorum, aut similium. Rebuffus d. tit. de union. benef. num. 31^o ubi postquam aliquot decisiones Rotæ allegavit editas in gratiam Expectativarum, ut scilicet unio nullatenus præjudicet expectativas gratias habentibus, sed ejus suspendatur executio usque ad obitum ejus qui hoc privilegium impetravit; ipse tamen postea in oppositum sic ait: *Sed generalis reservatio, vel mandata, seu nominationes non impediunt unionem, per Gloss. in Clement. finali, de rescriptis; quia Beneficium per unionem dicitur suppressum, & ob id non dicitur amplius Beneficium, cap. Cum accessissent, de constitut.*

IX. Papa, vel Legatus non possunt in Galliæ Regno per se immediate de causis unionum inquirere, neque Delegatos de Curia mittere ad hoc munus, sed solum juxta Bononiensia Concordata committere in ipsis partibus inquisitores, qui ad hoc inquirent & procedant. Horum exempla profert Thuanus lib. 3. histor. Galliæ.

X. Cum sit præscriptio ad commune bonum instituta, ne lites multiplicentur, rerumque dominia in incerto sint, l. 1. D. de usurpat. & Institur. de usucap. in princ. sique necesse litibus aliquos præscribere fines, & litigiosorum hominum omnia perturbantium cupiditates coercere, ex occultis & vetustate immutatis pridem rebus, quasi ex abdito & insperato insidiantium, & lucra captantium conatus reprimere, cæterorumque hominum bona fide possidentium quieti consulere; præsertim cum annorum multorum decursu rerum præteritarum memoria aboleatur, exceptionum ac defensionum adminicula disperdantur, instrumenta conventionum, compositionum, transactionum, & veterum litigiorum processus innumeriorum casuum, tum publicorum, tum privatorum & domesticorum concursu dispereant; nihil præterea facilius sit, quam falsa instrumenta quasi antiqua & authentica eudere ac supponere; quæ tamen falsitatis coargui vix possint, ac ne vix quidem, ob mortem & partium & testium & scribarum in eis designatorum. Comptum est autem quod illa Justiniani lex *Us inter, C. de sacros. Eccles.* quæ indistinctè omnem excludebat contra Ecclesias præscriptionem, præterquam illam quæ centum annos excederet, & quam idem postea Justinianus meliore consilio abrogavit, fuisse à Triboniano edita, & magno pretio vendita æconomio Emissenæ Ecclesiæ, postquam plurimas veterum obligationum tabulas & chirographa per insignem fassarium Priscum Emissenuni cudi curaverat in Ecclesiæ commodum iniquissimum, ut tradit Suidas in verbo *Priscus Emissenus*. Abrogatæ autem illi centenariæ præscriptioni substituit in Ecclesiæ favorem quadraginta præscriptionem annorum, authent. *Quas actiones, C. de sacros. Eccles.* & l. *Sicut in rem, C. de præscript. 30. vel 40. annorum*. Ipsaque Synodus œcumenica octava can. 18. non longiorem attribuit Ecclesiæ quàm triginta annorum præscriptionem; qui Canon insertus legitur

gitur in Gratiani Decreto sub falso Gelasii nomine, in can. *Placuit* 16. quæst. 3. Concilium verò Tridentinum sess. 7. cap. 6. de reform. præfigit unionum Ecclesiarum aut Beneficiorum præscriptioni numerum annorum quadraginta, ultra quem non sit procedendum ad eas dissolvendas ac dirimendas, nisi ob evidentem necessitatem.

XI. Canonica unionum Ecclesiarum ac Beneficiorum causa est vel necessitas, vel evidens Ecclesiæ utilitas, cap. *Exposuisti*, de præbend. Atque canon *Etsi Ecclesia*, 1. quæst. 7. *Quis dubitet irritanda, quæ nec Ecclesiastica utilitas, nec ulla extorsit necessitas?* Ejusmodi causas Canones adhibent & approbant in duabus Parochialibus Ecclesiis, quarum fructus sustentandis duobus Curionibus minimè sufficere queunt, modò ambæ parum ab invicem distent. Clement. *Ne in agro*, §. *Ad hac*, de statu monach. Aut quando tam exiguus est Parochianorum numerus, ut unus Pastor duarum ministerio facile sufficiat; aut earum una belli calamitate destructa fuit, can. *Postquam*, 16. quæst. 1. Cùmque soleat unio duabus viis procedere, scilicet in forma solemnī, & per juridicam causæ probationem & solemnitates à Jure præscriptas, vel alio modo in forma gratiosa, & motu proprio: sola prior via in Galliæ Regno admittitur; forma verò unionum gratiosa nullatenus recipitur, ut fidem faciunt Rebuffus in praxi, tit. de unionib. Chopinus de sacra Politia, lib. 2. tit. 6. Lucius libro 2. Placitorum, tit. de appellationib. art. 2. Antonius Faber in Cod. tit. de appellationib. ab abusu, defin. 48. Fevretus lib. 2. de abusu, cap. 4. qui omnes pariter testificantur, præscriptione plusquam centenaria nullatenus apud Curias Regni firmari Ecclesiarum uniones, si vitiosus titulus, quantumvis vetustissimus proferatur. Atque hoc est receptissimum estatum forense, præstare ad unionem effectum, si sola proferatur longi temporis præscriptio, scilicet quadraginta, vel quinquaginta annorum, vel ea cujus initii memoria non extet; quia in præscriptionibus omnia præsumuntur solemniter acta. Sed si constat de titulo vitioso etiam annos centum excedente, discindi quamlibet unionem, quia cessat præsumptionis favor ubi de opposito vitio liquet. Innumera proferuntur ad hoc Senatuf-consulta, inter quæ famosum valdè est Divionense, in causa evocata inter Henricum Robertum Sacerdotem, & Annibalem Rascaßium Ecclesiæ Metropolitanæ Aquisextiensis Archidiaconum. Iste quidem tuebatur, Decanatum Draguinienensis Ecclesiæ fuisse Archidiaconatus Aquisextiensis Ecclesiæ olim ante annos centum unitum, eamque unionem sine interruptione ad se usque continuatam fuisse liquebat. Et id quidem sufficiebat ad excludendum Robertum, qui sibi Decanatum Draguiniensem vindicabat, quasi contra jus & prohibitionem Concilii Constantiensis in Gallia receptissimi divulgum à propria Ecclesia: ideoque ejus obrenta qualicumque provisione, se in possessionem Decanatus immitti curaverat. At Rascaßius, cui tanta sufficiebat præscriptio, quasi obruturus titulorum multi-

tudine, diplomata Summorum Pontificum in forma gratiosa, & solemnitatibus consuetis vacua, jamdudum ante annos centum expedita produxit, per quæ causâ suâ cecidit. Senatus enim Divinionensis secundum Robertum judicavit ab his diplomatibus tanquam abusivis provocantem, die 11. Aprilis, anno 1641. illaque tunc rescissa unio fuit, atque Astori adjudicatus Decanatus. Præter Summum Pontificem possunt etiam Episcopi Beneficia suæ diocesis unire: at non horum Vicarii, nisi hoc specialiter ab Episcopo in mandatis habeant, tametsi haberent in mandatis Beneficiorum collationem; sunt quippe res dispartes ac disjunctæ, cum possit quidem Episcopus unire, sed non conferre viventium Beneficia: & decernitur in cap. *Qui ad agendum*, de procurat. in 6. generali mandato non comprehendi ea, in quibus speciale requiritur. Rebutus in praxi, in forma Vicariatus, num. 102. Fevretus loco cit. n. 19.

XII. Unionibus Beneficiorum succedere par est tractationem de divisionibus eorundem. Divisiones Beneficiorum regulariter prohibitz sunt, cap. *Majoribus*, cap. *Vacante*, & cap. *Cum causam*, de præbend. Valetque Generalis Rubrica, *Ut Ecclesiastica Beneficia sine diminutione conferantur*. Aliquando tamen suadet hanc fieri divisionem necessitas, aut evidens, & iusta Ecclesiæ utilitas; in quibus causa illa præcipua habenda est, quum contingit ob Populi frequentiam, aut ob Ecclesiæ distantiam, ut una omnibus Ecclesia non sufficiat ad publicum Dei cultum & Sacramentorum administrationem. Quo casu provisum est tum constitutione Alexandri III. in cap. *Ad audientiam*, de Eccles. ædific. tum Decreto Tridentino sess. 21. cap. 4. de reform. ut possit Episcopus novas instituere Parochias, etiam juxta Tridentinam Sanctionem Rectoribus invitis: illis autem Sacerdotibus qui noviter erectis Ecclesiis erunt præficiendi, competentem assignare portionem ex fructibus ad Ecclesiam Matricem pertinentibus; & ubi necesse fuerit, liceat Episcopo compellere Populum ad subministranda quæ ad victum Sacerdotum præficiendorum spectant.

XIII. Ereptione pariter mutatur status Ecclesiarum. Interdum enim simplex Ecclesia mutatur in Curatam, atque in Parochialem erigitur, propter necessitatem, aut majorem plebis commoditatem. Quod ut rite fiat, vocandi sunt quorum interest. Consensus quoque Rectoris desideratur. Si autem gravis urget necessitas, proceditur ad erectionem, vocato quidem, sed invito ac renitente Rectore, compensando damnum quod illi infertur, statuta annuâ aliquâ pensione. Atque ad ista sufficit Episcopi autoritas, cap. *Ad audientiam*, de Eccles. ædific. & can. *Si Episcopus*, 12. quæst. 2.

XIV. Similiter Ecclesia curata erigitur interdum in Collegiatam, statuto certo Canonicorum numero. Idque potest Episcopi autoritate fieri, cum consensu Rectoris, d. can. *Si Episcopus*, 12. quæst. 2. & cum consensu Patroni. Abbas & Felinus in cap. *Suggestum*, de jurepatron.

XV. Erigitur


XV. Erigitur tamen aliquoties Ecclesia Regularis in Secularem, aut Secularis in Regularem, cap. *Inter quatuor*, de reb. Eccles. non alien. In erectione Secularis in Regularem autoritas Episcopi sufficit debitas adhibentis solennitates, d. can. *Si Episcopus*. Ut verò Regularis in Secularem erigatur, rescriptum efflagitur Summi Pontificis, can. *Qua semel*, 19. quæst. 3. Et utroque casu Canonice in Religionem transire nolentibus, vel Regularibus qui militiam cui adscripti fuerant, deferere nolunt, cetera pensio annua ad vitam servanda est. Rebuffus in praxi, p. 1. tit. de erect. Eccles. in Cathedr. Secul. vel alium statum, n. 10.

XVI. At verò Collegiatam Ecclesiam erigere in Cathedralem seu Episcopalem nemo potest nisi Papa, cap. 1. ne Sede vacante, cap. *Quod translationem*, juncta Glossa, de offic. Legat. quo loco eadem potestas Legato denegatur.



C A P U T XII.

De Beneficiorum renunciatione, seu resignatione.

I.  CIENDUM ante omnia, factam resignationem per mandatum posse à resignante revocari antequàm fuerit à Superiore admissa. Sed si revocatio procuratori aut resignatario non innotuerit, atque ita fuerit resignatio admissa, nihil juvabit revocatio, nisi dolo impeditum fuerit, ne revocatio innotesceret, Clement. unica de renunciat. Hic jam explorandum est, quinam Beneficiarii resignare possint. Atque in primis disceptatur de Beneficiariis criminum reis. Circa crimina vacationem Beneficii causantia, quædam sunt atrocissima, quæ causant Beneficii vacationem ipso facto, seu statim atque admissa sunt; alia non causant, utpote minus atrocia, nisi post Judicis sententiam: atque in his valet resignatio ante Judicis facta sententiam, in illis verò nullatenus valet resignatio contingens post scelus perpetratum, quanvis necdum deductum ad forum contentiosum, dummodò sive ab initio, sive ex postfacto de scelere certò constet. Hujusmodi sunt crimen læsæ Majestatis in primo (ut aiunt) capite, assassinium, sodomia. Mornacius ad leg. 6. D. de his qui not. infam. Bengueus tit. quib. mod. vacent & amit. benef. §. 6. num. 16. 17. 18. 19. Mainardus lib. 1. cap. 61. Senatusconsultum referens quod resignatarum accusati de crimine sodomix exclusit. Quia in odium detestabiliorum criminum

minum censetur vacasse Beneficium ab ipso momento quo fuit perpetratum. Ex homicidio citra assassinium non vacat ipso facto Beneficium ante Judicis sententiam, can. *Studeat*, distinct. 50. & cap. *Henricus*, de Cler. pugnant. in duello.

II. In cæteris verò delictis, quanvis capitalibus, potest horum reus validè resignare antequam criminis accusetur. Bengeus loco cit. Charondas lib. 1. Responsorum, cap. 22. multa referens ad id Senatusconsulta. Quin etiam potest idem reus resignare etiam post accusationem & condemnationem, si ipse à condemnatione appellaverit & post appellationem resiguet, quemadmodum reo ad mortem damnato, pendente appellatione testamentum condere jura permittunt, l. *Qui à latronibus*, D. de testam. Charondas lib. 1. Pandect. cap. 20. Mainardus, Mornacius, Bengeus locis citatis, Duarenus de Beneficiis lib. 8. cap. 2. §. 1. Verùm si ante admissam resignationem sententia capitalis intervenerit, quæ non sit appellatione suspensa, tum demùm irrita erit resignatio, ut dixi.

III. At verò si quis devolutarius Beneficium ut vacans per Judicis sententiam impetraverit, & resignatarium præverit, ipsa tunc resignatio & jura simul resignatarii & devolutarii erunt in pendentia, adeò ut si sententia depositionis à Judice appellationis confirmetur, præferendus sit devolutarius: si verò sententia reformetur, & reus à pœna depositionis absolvetur, prævalere debeat resignatarii provisio; quemadmodum de testamento, vel de donatione à reo criminis facta statuitur in l. *Post contraxit*, D. de donation. & l. *Si aliquis*, D. de donation. caus. mort. & d. l. *Qui à latronibus*, D. de testament.

IV. Ille censetur Beneficiarius qui proximum jus acquisivit ad Beneficium vacans, etsi nondum ejus possessionem sit adeptus. Tale verò jus nullatenus habent Indultarii, Graduati, Mandatarii Apostolici, nihil aliud habentes præter spem, ut nec ille qui parvam solummodò Daram impetravit: sed idem postquam Signaturam obtinuerit, etsi neque examen, neque professio fidei subsequuta fuerit, neque possessio apprehensa, potest validè, sive purè & simpliciter, sive in alterius favorem resignare. Gratia enim per solam Signaturam & verbum *fit* perficitur. Ranchinus p. 4. conclus. 290. Papo lib. 2. placitorum, tit. de resignatione 8. art. 5. Neque censetur conditionalis & quasi suspensum habens effectum in futurum, sed absoluta & de præsentì efficax illa quæ per Signaturam fit Beneficii collatio, quanvis sic provissus necdum valeat concessio Beneficio uti frui, nisi postmodum dignus fuerit judicatus. Is verò cui nondum est collatum Beneficium, quantumcunque proximè conferendum, ut est ille qui impetraturus est coram Ordinario, etiam post examen & verbalem collatoris approbationem, necdum tamen Literas Beneficii provisorias obtinuit, non potest resignare. Boërius decis. 300.

V. Nunc videndum quâ formâ fieri debeat resignatio. Ea vel est simplex,

simplex, vel in favorem, aut aliter conditionata; vel sit ex permutatione, vel non; vel sit mediata per procuratorem, vel immediata per ipsum resignantem. Et quidem si fiat per procuratorem, observari debent circumstantiæ omnes præscriptæ in Constitutione Henrici II. anni 1550. artic. 3. Primum enim facienda est procuratio ad resignandum apud Notarium publicum; nec referre docent Scriptores Gallicani, an sit Notarius Ecclesiasticus, an Regius. Secundò debet resignans actui subscribere; & si per infirmitatem non possit, debet Notarius in eodem actu id exprimere. Tertio duo testes interesse debent, non domestici, non cognati, non affines ipsius resignantis, aut resignarii. Quarto debet procuratio specialiter fieri ad tale Beneficium, non enim sufficeret generale mandatum. Quintò procurator ita astringitur mandati sui terminis, ut si aliter se gerat, futura sit invalida tota resignatio; nec enim potest validè mandati sui fines excedere, l. *Præterea*, in princ. D. mandati. Si ergo constitutus sit ad resignandum coram Papa aut Legato, invalidè resignabit in manus Ordinarii; & ex adverso. Item si constitutus sit ad resignandum simpliciter, nihil ager si resignet in favorem; & è contra. Rebuffus in praxi, p. 3. tit. de procurat. const. ad resign. num. 21. & tit. de resignat. conditionata, in fin. Sed si ipsimet procuratori, qui juxta fines mandati simpliciter resignavit, Prælatum idem ipsum Beneficium contulerit, valebit illa collatio, quia procurator intra mandati fines se continuit. Rebuffus d. tit. de resignat. condition. num. 23. & 28. Porro nihil refert si procurator sit Clericus, an Laicus. Guimier ad Pragm. Sanct. tit. de collationib. §. *Statuit autem*, verb. *Procuratorem*. Rebuffus in d. tit. de procurat. const. ad resign. n. 17. alique communiter.

VI. Revocato autem mandato non potest procurator ullatenus resignare, modò revocatio non solum præcelsit, sed etiam significata procuratori fuerit, aut ipsi collatori. Si enim non fuerit sufficienter significata, tenebit postea admissa resignatio, & inutilis erit revocatio, nisi dolo procuratoris, aut collatoris effectum sit, ut non notificaretur revocatio illa. Clement. unica de renunciat. Rebuffus p. 3. tit. de revocat. procur. Charondas lib. 1. Pandect. cap. 10. Quin etiam si Notarius nondum expedivit mandatum in manus procuratoris, sufficere potest notificata revocatio ipsi Notario. Etenim cum ex memorato Henrici II. Edicto anni 1550. procurator admitti non possit ad resignandum, nisi exhibendo scriptum ipsum manu publica mandatum, necesse ipsi erit recurrere ad Notarium antequam Prælatum conveniat.

VII. Eadem Henrici II. Constitutio invalida & inania declarat omnia ad resignandum mandata, si annum excedant. Quæ itaque post annum fieret resignatio in ejus mandati vim, & subsequuta collatio prorsus irritæ forent.

VIII. Ut plenius hæc resignationum tractatio elucidetur, dispicien-

dum nunc est, quinam possint illas admittere. Certum est ab illo admitti debere, cui jus competit Beneficii conferendi, cap. *Admonet*, de renunciat. Si verò sit patronatum Beneficium, debet pariter approbari à Patrono, alioquin erit irrita resignatio & collatio. Duarenus lib. 8. de benefic. cap. 2.

IX. Non potest quisquam in manus inferioris, aut sibi æqualis resignare, sed tantum Superioris. Idcirco facta per Abbatem vel Priorem resignatio in manus Vicarii sui aut Capituli nulla est, cap. ult. de renunciat. sicque iudicatum in Magno Regio Consilio referunt Charondas lib. 1. Pandect. cap. 10. Despeisseus de benefic. tit. 11. sect. 2. art. 3. Neque potest Episcopus resignare nisi in manus Papæ, cap. 2. & cap. *Quamò*, de translation. Episc. Rebuffus in praxi, p. 3. tit. *Ratione person. & rei vitiat. resign.* num. 11. Si quis resignet in manus laici, amittit Beneficium, quod statim vacat, nec resignatarius ullum jus habet, cap. *Quod in dubiis*, de renunciat.

X. Resignatio ex causa permutationis Beneficiorum valet coram Episcopo, sed nullatenus coram inferiore, cap. *Quis situm*, de rerum permut. Rebuffus d. tit. *Ratione person.* n. 10. idemque tit. de permutation. num. 20. Charondas lib. 1. Pandect. cap. 10. Hoc etiam extendit Bellamera tract. de permutatione, quest. 3. & Pastor lib. 3. de Beneficiis, tit. 11. ad Vicarium Episcopi habentem ab ipso speciale mandatum: adeò ut possit Vicarius Generalis in hoc ab Episcopo delegari, ut Beneficiorum resignationes ex causa permutationis admittat. Etenim quæcumque potest in materia jurisdictionis Episcopus, eadem omnia Vicario suo Generali delegare potest, paucis quibusdam exceptis, quæ jus prohibuit delegari. Sic enim Concilium Tridentinum amovit ab Episcopis potestatem delegandi circa concessam ipsis absolutionem ab hæresi.

XI. Beneficia quæ coram Episcopis, aliisve Superioribus compermutantur, nullatenus subjacent mandatis, aut Indultis, seu Expectativis, cap. unico de rer. permut. in 6. neque aliis quàm permutantibus conferri queunt. Clement. unica, eod. tit. Non enim ad permutationem ventum esset, nisi permutantes eam credidissent valituram, cum liberum cuique esset sua pristina Beneficia retinere. Neque ratio, vel bona fides patitur, ut quis sine sua culpa & contra propriam intentionem sua re spoliatur; nam id quod nostrum est, sine facto nostro ad alium transferri non potest, l. *Id quod nostrum*, D. de regul. jur.


XII. Resignationem in favorem jus prohibet, can. *Plerique*, 8. q. 1. Idcirco omnes in favorem factæ resignationes nullius sunt momenti, nisi fuerint admittæ à Papa, cujus potestatis est de Communi Juro dispensare. In Gallia tamen multorum seculorum usu & consuetudine præscriptum est, ut tempore Regaliæ fiant Beneficiorum resignationes in alterius certæ personæ favorem coram Rege, qui solus ac pleno jure vacantia in Regalia Beneficia

Beneficia confert. Chenutiũs cent. 1. quæst. 4. Louetus litera R, cap. 47. Secluso Papa & Rege, nullus potest resignationes in favorem admittere, nec ipse Papæ Legatus, nisi hoc specialiter in mandatis habeat. Rebuffus in praxi, p. 3. tit. de Resignat. conditioni. à num. 5. usque ad 12. Charondas lib. 1. Pandect. cap. 10. Alias quoque sub conditione renunciationes, maxime sub onere pensionis, solus Papa purgare & admittere potest, ut infra videbimus.



C A P U T XIII.

De Resignationibus in favorem.

I.  ESIGNATIONES in favorem, quia sapiunt quandam velut hæreditariam in Beneficiis successionem, & quia communiter censentur canonice simoniæ labe fœdari, adeò in Jure prohibentur, can. *Plerique*, 8. quæst. 1. ut nec ab Apostolico Legato, nisi hoc specialiter habeat in mandatis, admitti possint, sed à solo Supremo Pontifice, qui potest in iis quæ Juris positivi sunt, ex justa causa dispensare, cap. *Significasti*, de election. & cap. *Proposuit*, de concess. præbend. Longissimâ tamen præscriptione subnixus Galliæ Rex hujusmodi resignationes solet admittere, & secundum eas conferre ubicunque viget jus Regaliæ, ut superiore capite notavi, n. 12.

II. Resignatio in favorem, & alia quæcunque conditionata coram Papa habet annexam sibi conditionem *sine qua non*; adeò ut si Papa aliter provideat, ea provisio futura sit irrita, maneatque resignans in pristina resignati Beneficii possessione, quia sequens provisio fuit contra mandatum & mentem resignantis expressam. Gloss. in cap. *Olim*, in 1. verb. *Traditam*, de restitut. spoliat. Rebuffus in praxi, tit. de resignat. condit. num. 3. Clausula hîc apponi solita sic exprimitur: *In favorem N. nec aliter, nec alio modo, nec aliàs*. De hoc est notabilis textus in cap. *Cum universorum*, de rer. permut. ubi cum duo præbendati privatâ auctoritate, ac per hoc illicitè de mutua præbendarum suarum commutatione convenissent, unusque illorum suam alteri Præbendam resignasset, alter verò contra pactam fidem in tertiam personam Præbendam suam contulisset, jubet Papa ut primus ille præbendatus, qui contra jus & propriâ authoritate suam Præbendam in favorem socii conventionis resignaverat, non amitteret, sed recuperaret, eo quòd deceptus fuisset, non adimplerâ conditione sub qua, & non aliter, resignaverat. Ergo multò magis eadem urget ratio in eo qui

qui non privata auctoritate, sed reverenter conveniens & consulens Supremam Sedem resignaverit sub conditione, quæ tamen non adimpleatur.

III. Si contingat resignari in favorem coram Legato vel Ordinario, quæcumque collatio sequuta nulla erit, sive conferatur nominato, quia excedit Collatoris legitimam potestatem; sive conferatur alteri; quia id fit sine ulla Beneficii vacatione; non enim vacat per resignationem, cum deficiat conditio apposita, sine qua resignans nullatenus intendit resignare. Rebuffus d. tit. de resign. condit. n. 7. & seqq.

IV. Si procurator ad resignandum coram Ordinario constitutus in favorem Titii resignet purè & liberè, & Ordinarius postmodum ad procuratoris preces conferat Titio, valebit illa provisio, quia Ordinarius propriam auctoritatem non excessit dum liberè contulit, & resignans suum obtinuit intentum legitimo & juridico modo, quanvis modum illegitimum elegisset: neque censendus est procurator excessisse mandati fines, cum retulerit mandantis intentum. Parisius consil. 15. circa num. 12. in 4. volum. Rebuffus d. tit. n. 23. Sed si Ordinarius aut Legatus in sua libertate relictus contulerit alteri quam ei qui nominabatur in mandato, sub illa clausula, *non alii, nec aliter*, tunc irrita erit ejus collatio, utpote facta contra mandati fines, ita ut frustrata sit mandantis intentio, l. *Diligenter*, D. mandat. & d. cap. *Cum universorum*, de rer. permut.

V. Si resignans cum clausula, *non aliter, nec aliàs, nec alio modo*, retinuerit sibi pensionem, aut aliquid aliud, & hoc non fuerit prosequutus procurator apud Papam, non valebit resignatio, neque sequuta provisio, per cap. *Cum dilecta*, de rescriptis; quia mandati forma servata non fuit, etiamsi resignans mortuus fuerit: sed nullà ratione habità novæ provisionis, utpote nullius & irritæ, Beneficium non nisi per obitum vacabit, ideoque resignatarius ipse, vel quivis alius poterit impetrare ut vacans per obitum: & dum vivit ipse resignans, vel retinendus est in possessione Beneficii, vel restituendus. Sed si procurator prosequutus fuerit omnes condiciones in suo resignationis mandato contentas, quas Papa noluerit approbare, non habet resignans cur de Suprema Sede conqueratur, modò suum sibi maneat Beneficium: non enim libertas, vel autoritas Papæ quibuscumque privatorum conditionibus adstringi debet, cum sit legibus etiam Ecclesiasticis solutus, quando justa & urgens dispensandi causa occurrat. Sed si idem resignationem quidem admitteret, condiciones autem rejiceret, sub quibus, & non aliter resignatio intenditur, quidquid in contrarium asseverare videatur Rebuffus d. tit. de resignat. condit. num. 24. & seqq. Summus Pontifex injuriam inferret, quia jus gentium, cui proculdubio Papa subiectus est, non permittit quemquam invitum & secundum juris formas indemnatum propriis bonis exspoliari. Atque id quod nostrum est sine facto nostro ad alium transferri non potest, l. *Id quod nostrum*,

Arum, D. de regul. jur. Et quando fit unus aliquis actus cum conditionis laud irrationabilis adjectione, non potest pars ejusdem actus recipi, parte aliâ rejectâ, l. *Aurelius*, §. *Idem quæsit*, & ibi Bartolus, D. de liberat. legat.

V I. Ubi fit resignatio in manus Ordinarii, potest quidem in mandato apponi ut rogetur collator id Beneficium alicui Clerico ibi nominato conferre, & procurator qui istud in se recepit officium, potest preces adhibere. Sed quoniam precibus non oneratur, neque admittitur libertas, l. 3. D. si quis aliquem testari prohib. liberum erit Ordinario istam admittenti resignationem de persona nominata, aut de aliqua alia, in quam magis propendeat, providere de Beneficio renunciato.

V II. Non obstat resignatio quominus resignans teneat adhuc resignatum à se Beneficium, donec per ipsius resignatarii immissionem à possessione expellatur. At verò resignatario conceditur ex usu Gallie triennium, intra quod tenetur Beneficii sibi resignati possessionem adire; alioqui vacabit beneficium, eoque tam resignans quàm resignatarius spoliabitur ob præsumptam amborum confidentiam. Vacabit quoque si resignatarius adeat quidem possessionem nondum finito triennio, sed resignans non supervixerit biduo post aditam possessionem, ut docent, & ex frequentibus Senatufconsultis probant Papo libro 3. Placitorum, tit. de publicandis resignat. num. 8. Pelcus lib. 1. forensium, cap. 29. Mosnierius tract. *des Aliances du Droit François*, sub voce *Benefice*, num. 29. Pastor lib. 3. de Benef. tit. 8. num. 5. Denique Rex Ludovicus XIV. in Edicto *du Contrerolle*, art. 20. triennium resignatario indulget ad sumendam Beneficii possessionem.

V III. Hinc tamen excipiuntur concursus Beneficiorum incompatibilium, utrovis modo, sive à resignante, sive à resignatario possessorum; non enim fas est tenere simul incompatibilia Beneficia ultra annum pacificæ possessionis, intra quod tempus tenetur alterum è duobus dimittere, alioqui imperabile erit ab alio. Louetus lit. B. num. 3. in Schol. Brodei, Antonius Faber C. de sacrosanct. Eccles. defin. 2. Rebuffus tit. de non promotis intra annum, num. 45. & 46. Itaque resignans debet suum resignatarium negligentem urgere apud Ordinarium, ut possessionem sumere atque ministerium Ecclesiæ obire compellatur, aut de aliquo alio Clerico provideatur. At Jus commune, & extra Galliam praxis exigit, ut statim atque secundi incompatibilis Beneficii adita fuerit possessio, vel steterit per. provisum dolum quominus adita fuerit, vacet statim primum Beneficium, cap. *De multa* 28. de præbend. & Joannis Extravag. *Execrabilis*, §. *Qui verò deinceps*, de præbend. Fagnanus in d. cap. *De multa*, num. 1. & seqq. Garcias de Beneficiis p. 1. cap. 5. num. 100. ipsumque Concilium Tridentinum sess. 7. cap. 4. Sed Papa quoties alicui Beneficium habenti providet de secundo incompatibili Beneficio, dare solet sex menses per hanc clausulam: *Quod orator habita pacifica possessione Beneficii, primum quod obtinet, intra sex menses*


Y dimittere

dimittere omnino teneatur, alias utrumque vacet Beneficium. Sed provisus ab Ordinario nullum tempus indulgetur post initam possessionem. Mallobrius in Praxi habendi concursus, requisit. 1. dub. 2. num. 4. & 5.



CAPUT XIV.

De Pensionibus super Beneficiis.

L  N Resignationibus fieri in Romana Curia consuetis plerumque resignantes sibi reservare pensiones. solent, quarum dilucidanda jura capite isto intendo. Generalis regula est, ut Ecclesiastica Beneficia sine diminutione conferantur, de qua tamen, modò urgeat rationabilis causa, dispensare potest Suprema Sedes, quæ secundum potestatis plenitudinem potest de jure supra Jus dispensare, ait Innocentius III. cap. *Proposuit*, de concess. præbend. atque ita providere ut conferatur Beneficium cum diminutione, ex illo pensionem detrahendo.

II. Praxis ordinaria hæc est, ut resignare intendens in alterius favorem, concordatum cum futuro resignatario apud Notarium præsentibus testibus minime suspectis ineat in scriptis faciendæ hujus in manibus Pontificis resignationis, sub hac lege ut resignatarius, & qui ei in Beneficio succedent, solvant resignanti dum viveret certam annuam pensionem: atque ad purgandam simoniæ suspicionem & labem adjungitur clausula, *Sub beneplacito & approbatione Summi Pontificis, & non alias, neque aliter.* Simili modo & clausula fieri quæcumque concordata necesse est quoties in resignatione in favorem aliqua conditio alia apponitur, ut solutionis expensarum, regressus juris in idem Beneficium, reparationis Ecclesiæ. Concordatum deinde in Romanam Curiam transmittitur approbandum, & exequendum.

III. Tres rationabiles causæ communiter assignantur constituendæ super Beneficio pensionis. Prima, si Beneficium dimittatur ex causa permutationis, retentâ pensione ad compensandum valorem fructuum dimissæ Beneficii cum fructibus tenuioribus alterius compemutati, cap. *Ad questiones*, de rerum permu. Secunda, si resignans ex Beneficii dimissione patitur dispendium, ut non superfit ei congrua ad vitam honestè sustentandam portio. Tertia, si in judicio, vel extra de jure litigioso circa Beneficium fuerit transactum, reservata pensione ad bonum pacis ac redimendam vexationem, cap. *De cætero*, de transaction. cap. *Nisi essent* 21. de præbend.,

IV. Sapienter

IV. Sapienter admonet Toletus lib. 5. instruct. Sacerd. cap. 83. tria requiri ad hoc ut licitè constitutur pensio super Beneficio. Primum quidem dispensationem Summi Pontificis. Secundo justam causam, sine qua, ut aiunt Toletus loc. cit. Lessius lib. 2. de just. cap. 34. dub. 38. n. 204. ex communi Theologorum sententia graviter peccarent & Summus Pontifex, & impetrantes, sicut malè res domini sui dispensans œconomiis, & qui pecuniam recipit ab œconomo malè dispensante; præsertim ille qui nullum pro Ecclesiæ ministerio ac obsequio præstiterit officium. Tertio modum pensionis, ne per eam fructus alioqui proviso debiti exhauriantur, nève ita accumulatur hoc onus, ut congruam excedat Clerici pensionarii sustentationem, aut Beneficiarii diminuatur.

V. Certis quibusdam casibus permittitur Episcopis Ecclesias quasdam & Beneficia certis pensionibus onerare. Sic enim Concilium Tridentinum Episcopis providè permittit absque ullo ad Apostolicam Sedem recurso Seminaria instituere ad educationem & instructionem Clericorum, & vocatis quibus opus est, illorum expensis, sustentationi, aliisque oneribus providere, assignando ex Beneficiis ac Ecclesiis suæ Diocesis certas annuas contributiones & pensiones ad Seminarii subsistentiam. Concilium Trident. sess. 23. de reform. cap. 18. * Istam Concilii Tridentini sanctionem, quæ potestas datur Episcopis ad fundanda Seminaria deducendi ex beneficiis suæ collationis pensiones aliquot, confirmant Regiæ constitutiones comprehensæ in Codice Henrico sub tit. de Archiepiscopis & Episc. lib. 2. ubi Rex ipse statuit ordinari per beneficiorum aut pensionum attributionem Seminaria, jubetque suis Officialibus & Curiis hæc constituta tueri ac confirmare.] Potest etiam propriâ auctoritate Episcopus pensionem de Beneficio quod ab aliquo illiterato, vel etiam valetudine animi aut corporis impedito possidetur, reservare ad providendum victui coadjutoris pro illo exercentis, can. *Quicumque*, 16. quæst. 5. & can. *Invenimus*, 16. quæst. 7. & Clement. *Multorum*, de pœnis. Concilium Trident. sess. 21. cap. 6. & sess. 25. cap. 14. Idemque sancitur in Concordatis Bononiensibus approbatis in ultimo Lateranensi Concilio. Potest etiam Episcopus admittere, propriæ auctoritate inter Partes dissidentes ad bonum pacis approbare transactionem, ut altera Partium Beneficio fruatur sub onere solvendi censum, seu pensionem alteri colliganti, cap. *De cetero*, de transaction. cap. *Nisi essent*, de præbend.

VI. Certi exploratique juris est, Romanum Pontificem posse super beneficiis pensiones imponere. Jam hîc quæritur, an deductis causis superiore art. 5. expressis, id pariter potestatis habeant cæteri à Papa Episcopi? Dissentiunt inter se Canonistæ, quibusdam asserentibus, aliis negantibus. Communior resolutio est affirmativa, quam tuerentur Gigas de pensionib. quæst. 6. Petrus Ancharanus consil. 279. Ant. Butrius in cap. *Audivimus*, de collus. dereg. Decius consil. 439. Caccialupus de pensionib. quæst. 5.

Gambar. de offic. & potest. Legat. lib. 2. num. 77. & seqq. idque probat ex cap. *Nisi*, de præbend. Item Azorius part. 2. lib. 8. cap. 6. idque probat ex cap. *Ad questiones*, de rer. permut. ubi in Ecclesiarum permutatione decernit Episcopus, cum qui opulentiorē Ecclesiam nactus est in permutatione, alteri compermutanti certam pensionem exsolvere ad compensationis æqualitatem. Insuper Gloss. in cap. *Audientiam*, verb. *Pensionem*, de collus. deteg. sic ait: Hæc pensio constitui non potest sine autoritate Episcopi, ut vitam ejus qui solvit, non excedat. Et ad hoc allegat textum expressum cap. *De cetero*, de transaction. ubi declaratur quod census pro beneficio affectus, vitam ejus qui solvit, non excedat, dummodo ab Episcopo constitutus fuerit. Item cap. *Nisi*, de præbend. statuit censum non ex collusionē partium, sed autoritate Episcopi super Ecclesia quadam constitutum ita valere, ut post obitum Rectoris, cui adjudicata fuerat Ecclesia, non debeat continuari in successore illius qui fuerat pensione oneratus. Item cap. *De Rectoribus*, de Cleric. ægrotant. sancit posse Episcopum sibi subdito Clerico ægrotanti, vel aliqui impotenti, assignare coadjutorem cum aliqua parte proventus.

VII. Jam quaeritur utrum pensio extinguatur, si contingat ut Clericus pensione oneratus recipiat idem Beneficium, super quo constituta erat pensio? Sciendum verò, aliud esse pensionem extinguī, aliud consolidari cum Beneficio: sicut solet usufructus aliquando, superveniente in usufructuario proprietate. Quo supposito præclare respondet Gigas de pensionib. quest. 49. sic distinguens: Vel enim pensionarius adeptus Beneficio ipsum dimittit ex causa necessaria, puta quia aliquis alter prætendens in id Beneficium potius jus, ipsum evincit; tunc enim pensionis jus non extinguitur, sed potest qui erat antea pensione provivus pensionem à novo beneficiario exigere, quemadmodum usufructuarius ab eo qui proprietatem sibi ascivit, potest usufructum sibi vindicare, l. *Dominus*, D. de usufr. & quemadmodum quis utatur; ubi habetur, si usufructuario proprietatem fundi legata fuerit, & demum usufructuarius, alio evincente, proprietatem amiserit, adhuc penes ipsum manere pristinum usufructum. Simile quid edicit lex *Si maritus tuus*, C. de inoffic. testam. adjudicans viduæ hæredi institutæ pristina ejus jura postquam hæreditatem amisit per querelam inofficiosi testamenti à filia defuncti intentatam. Ex diverso si Clericus jus habens pensionis ad Beneficium, spontaneè Beneficium recuperatum dimittat, jus pensionis pariter amittet; quia in simili casu usufructus amittitur, abdicata vel alienata sponte proprietate, quæ ipso actu cessat consolidari cum usufructu, l. *Cum filius*, §. *Dominus*, D. de legat. 2. Ratioque paritatis est, quia pensio beneficiaria de fructibus ipsius Beneficii deducitur. Itaque pensio extinguatur si Beneficium cui consolidata fuit, sponte abdicetur, aliqui autem perdurat.

VIII. Ut verò prosequamur questionem, an Episcopis aliis à Papa competat.

comperat potestas stabilendi beneficiarias pensiones, cum paulò antè testimonia & rationes Doctorum id affirmantium produxerim suprà art. 6. ne quid desit in hujus quæstionis elucidatione, referendi sunt Doctores hanc Episcopis potestatem amoventes. Inter hos spectabilis est Cardinalis Toletus, hæc docens lib. 5. cap. 83. Tres sunt conditiones, quibus omnibus, aut earum una deficiente, non potest aliquis pensionem habere. Prima est dispensatio: hæc autem non pertinet ad ullum Prælatum, nisi ad solum Papam; quanvis hoc ex Jure scripto non constet, sed ex consuetudine sola. Idem sentit Cajetanus tom. 1. tract. 17. & 31. quæst. 10. Hæc autem consuetudo inolevit in universo fere Gallix Regno, quod scitu operæ pretium est. Appellatur enim ut ab abusu ab omnibus aliunde concessis pensionibus, exceptis illis quas ex necessitate Ordinarii provident coadjutoribus in casu ægrotationis vel impotentix Rectoris, ne plebs fidelis fraudetur debitis sibi ministeriis: magna que nasceretur animarum perniciēs, si in oppositum via litibus aperiretur, cap. *Ex parte*, de Cleric. ægrot. Hæc unanimes docent Gallicani Jurisconsulti, Corasius part. 1. cap. 4. Chopinus lib. 3. de sacra Polit. cap. 32. Louetus & Brodeus littera C, art. 40. Concilium insuper Tridentinum non modò hoc Episcopis jus competere, quacumque appellatione, vel exemptione remota, ut provideant Ecclesiis de coadjutoribus, propter corporis, vel animi impotentiam Rectorum Beneficii, vel etiam quando suspenduntur ab exercicio propter infirmitatem, vel ob suas culpas ad aliquod tempus, decernit sess. 21. cap. 6. de reformat. Hæc eadem omnia Prælati præscribit Rex Carolus IX. in Comitibus Aurelianensibus, cum assignatione convenientis pensionis pro coadjutore.]

IX. Quod attinet ad pensionis modum, taxatur nonnunquam in Romana Curia ad fructuum medietatem, ut constat ex Joannis extravag. *Suscepi*, de election. & ex communi Extrav. unica, ne Sede vacante. Sed in Gallix Regno quando pensio videtur excessiva, reducitur sæpè ad tertiam fructuum partem, propter istam canonicam rationem: Quando privilegium concessum vergit in damnum, reducendum est ad convenientiorem modum, cap. *Suggestum*, de decimis. Rebuffus Praxis 1. p. tit. de reservationib. num. 17. Verùm in causa resignationis non solent pensiones reduci, quia odiosum judicatur si resignatarius qui consentit certam annuatim pensionem exsolvere, & hac lege fruitur resignato sibi Beneficio, mox adversus pactum & approbatam in Romana Curia fidem à se præstitam benefactorem suum eludere, & frustrare promissis non erubescat. Brodeus ad Louetum lit. P, cap. 30. Citra verò resignationis ex mutuo concordato causam faciliè in Gallia reducuntur pensiones Ecclesiasticæ ad tertiam fructuum.

X. Pensiones Ecclesiasticæ aliquando extinguuntur per solutionem quæ semel fit abundantioris pecuniæ. Cave tamen ne hac in re Tolero.

Y. 3. consentia.

confentias dicenti lib. 5. instit. Sacerd. cap. 92. pensiones super Beneficio posse per resignatarium redimi propriâ authoritate absque simoniæ labe, dummodò redimantur solutione factâ quinque annatarum ad summum: hoc est si pensio sit (exempli gratiâ) viginti aureorum annuorum, non esse redimendam ultra centum aureorum semel factam solutionem; quinque enim multiplicatus vicenarius numerus pertingit ad centesimum. Sed bonâ pace duorum præstantissimorum & optimè de Ecclesia meritorum Cardinalium Toleti, & quem sequutus est in hoc ducem, Cajetani tom. 1. opusc. tract. 31. hoc licet citra Papæ dispensationem fieri nequit, aut factum tenere, ut meliùs docent Gigas de pensionib. quæst. 45. & 87. Martinus Navarra consil. 59. num. 1. de simonia. Bonacina tract. de simonia, disp. 1. quæst. 4. §. 13. num. 7. Fagnanus in cap. *Ad audientiam* 31. de rescript. * Flaminius de resignationib. lib. 6. quæst. 2. num. 128. Rebuffus de pacific. possessor. num. 134. Navarra consil. 52. Forget tract. de pension. num. 30. Blainianus de pensionib. beneficiar. num. 16.] & alii communiter.

XI. Extinctio itaque, seu redemptio beneficiariæ pensionis duplicem prærequirit Romana ex Curia sumptam dispensationem, quæ tamen utraq; uno tenore potest ab initio impetrari. Prima est ipsa pensionis constitutio: secunda est jus ac potestas ipsius extinguendæ pensionis; quod jus aliquoties conceditur in solutione quinque annatarum, aliquando verò plurium. Sæpe enim Romana Curia assignat sex, septem, & aliquando octo annatas, rariùs novem, & rarissimè decem. Hæc enim fieri taxatio consuevit secundum præsentem pensionarii, quæ probanda est, ætatem; quia quo junior est, eo major decurrendarum annatarum numerus præsumitur, & econtrâ minor, quo senior est & provectior pensionarius.

* XII. Quæsitum est, possint Legatus à Latere pensiones beneficiarias imponere intra provinciam suæ delegationis? Et posse affirmat Gigas quæst. 6. num. 19. Azorius part. 1. lib. 8. cap. 6. qui scribit solere Papam Legato potestatem facere constituendi pensiones super beneficiis per resignationem dimissis, ea tamen conditione ut tertiam fructuum partem non excedant. Quin etiam refert Bonifacius in Collectione Senatusconsultorum Curie Aquisensis, judicatum die 19. Octobris anno 1658. in causa Boquii Arelatenfis & Crofeti, nullum fuisse abusum in constitutione pensionis super beneficio resignato concessæ à Vicelegato Avenionensi; fuisseque appellantem beneficiarium repulsum cum onere expensarum. In Gallia quidem non admittuntur resignationes in favorem in manus Vicelegati, teste Sanlegerio part. 2. cap. 3. §. 6. num. 18. Sed validitate nituntur factæ admissæ coram Vicelegato cum onere pensionis, idque confirmavit Romana Rota decis. Cavallicensi 108. & 109. in novis: ita testatur Sanlegerius ibid. num. 31. Bulla quoque Sixti V. quarto Kalend. Maii 1584. firmat eidem provisiones beneficiorum inæqualium permutatorum cum
supple

supplemento pensionis, ibid. num. 19. Potest insuper Vicelegatus derogare juri patronatus Ecclesiastici ac Clericalis: ibid. num. 17. Quod idem docent pariter Gigas, Covarruvias, Rebuffus in Praxi, 3. part. Signaturæ, verb. *Neonon juris patronatus*, cap. *Dilectus*, de offic. Leg. & cap. *Cum dilectus*, de jurepatr. Sanlegerius loc.cit. num. 17.]

XIII. Dubitatur, utrum successor in Beneficio pensione onerato sit obligatus reliqua pensionum solvere, quæ decurrerunt tempore prædecessoris, qui eas decurrentes solvere non curavit? Obligatum esse successorem scribit Garcias 1. p. cap. 25. & probat ex juris analogia & conformitate, quo novus possessor vectigalia temporis antea acti pendere tenetur, l. *Imperatores*, D. de publicanis. Et quia successor in Beneficio debita prædecessoris præstare tenetur, quæ prædecessor in Ecclesiæ utilitatem contraxit, cap. 1. de solutionib. Attamen prævalet sententia quæ Beneficii successorẽ antea acti temporis solutione pensionum liberat, dum alius possidebat. Ratio est quia pensionarius non habet jus in Beneficio, sed in foliis Beneficii fructibus. Cum igitur successor neque jus, neque proprietatem, neque usum habuerit fructuum qui suam Beneficii possessionem præcesserunt, nullâ potest obligatione circa istiusmodi fructuum ac pensionum reliqua adstringi, quanvis ex postfacto beneficium possideat. Louetus litera A, cap. 15. Faber C. de sacros. Eccles. defin. 86. Neque obsistit dicta lex *Imperatores*, cum loquatur de realibus oneribus: at hic agitur de personali conjunctim & reali onere, quod utique non aliter personam afficit, nisi quatenus rem possidet. Nec magis obstat dictum cap. 1. quia debitum istud pensionum est tantum ad utilitatem privatæ personæ, & non Ecclesiæ, ut in d. cap. 1. At utilitas Ecclesiæ majorem quàm privatæ personæ favorem demeretur. Verumtamen oppositæ istæ opiniones ita conciliandæ sunt, ut primò quidem hæres ad præteritas illas pensiones teneatur, nec detur recursus ad Beneficii successorem, nisi postquam discussus hæres evidenter solvendo non est; pensiones enim illæ non sunt pro Ecclesiæ utilitate, sed pro privato unius personæ commodo aut indemnitate. Si verò ageretur de contracta pro Ecclesiæ necessitate vel utilitate à defuncto obligatione, successor Beneficii primariò ad solvendum teneretur, juxta cap. 1. de solutione.

* XIV. Jam hic quæritur, an regressus ad beneficium resignanti concedatur, in cuius gratiam Papa concessit pensionem super resignato beneficio; per consuetam in Romana Curia clausulam istam: *Neonon resignatario, necnon ejus successore in solutione dictæ pensionis deficiente, seu illam ad minorem summam reduci petente, liceat eidem pensionario liberum habere regressum ad idem beneficium, ipsius corporalem possessionem propria auctoritate per se, vel per alium liberè apprehendere.* Respondendum hujusmodi regressui locum ex propria pensionarii auctoritate nullum indulgeri toto Galliæ regno, ut admonet Mandosius in praxi Signaturæ Gratiæ, in verbo *Regressus*,

Regressus, sub finem, Azorius part. 2. lib. 7. cap. 14. quæst. 8. aliique Canonistæ. Etenim in Gallia nemini licitum est se in alicujus rei possessionem propria ingerere autoritate, priusque de pensionis securitate experiri-judicio est, quàm lis de Beneficio intentetur, si fortè pertinax adversus rem judicatam rebellio, aut adhibita vis pœnam istam regressus mereatur. Sanè postquàm constiterit de resignatarii negligentia vel mala fide in solvenda pensione beneficiaria, ratio justa erit in vim clausulæ hujus Pontificiæ aperiendi regressum, non utique sola conquerentis autoritate, sed in vim novi judicii, citatâ partē.]

XV. Nunc dispiciendum quibulnam modis pensiones istæ extinguantur. Primò finiuntur naturali morte pensionarii, quemadmodum & usufructus morte usufructuarii, & cæteræ personales servitutes. Neque unquam in Regno Galliæ transfertur pensio Beneficii in alteram personam, licet intra alias regiones per dispositionem Papæ transferri soleat in aliam quoque personam. Rebuffus 1. p. Praxis, tit. de reservationib. tam general. quàm special. num. 20. Verumtamen non finitur pensio morte Beneficiarii hac onerati, sed ad ejus transit successores ejus solvendæ obligatio dum vivit pensionarius. Glossæ & Doctores in cap. *Nisi*, de Præbendis.

XVI. Secundò perimitur pensio capitis diminutione pensionarii, si degradetur. In quo differt pensio beneficiæ à temporali pensione constituta pro alimentis, quæ non deperit per capitis diminutionem, sed restituitur ipsis deportatis, l. *Is qui*, D. de alim. & cib. legat. Quod discrimen inde procedit, quia pensio beneficiaria est jus spirituale & clericale, quallium jurium inducitur in degradatis plena incapacitas. Gigas de pension. cap. 13. Navarra consil. 63. de simon. Garcias 1. p. quæst. 5. Quin etiam non restituantur hæ pensiones, quanvis degradatus, aut capite minutus Clericus fuerit restitutus à Principe, seu rehabilitatus à Papa, uti judicatum in hac Provincia Narbonensi Aquisextiis refert Pastor lib. 3. de Benef. cap. 12. num. 20. contra Sacerdotem qui post suam in integrum restitutionem, beneficio Regis obtentam ex condemnatione ad triremes, & obtentis etiam à Summo Pontifice Literis rehabilitationis, submotus est ab intentata petitione pensionis sibi olim ante omnem criminis accusationem super Parochiali Beneficio oppidi Gardanæ constitutam. Cujus judicii ratio est, quia restitutio non tollit jus possessori quæsitum per consolidationem aut liberationem, l. *Quod si minor*, §. *Scavola*, D. de minorib. & l. fin. C. de sentent. passis.

XVII. Tertiò extinguitur pensio per delictum hæresis, cap. *Ad abolendam*, de hæret. Item lætæ Majestatis, aut Sedis Apostolicæ, cap. *Felices*, de pœnis in 6. Item si quis percussit Cardinalem, d. c. *Felices*: aut Episcopum in cujus diocesi pensionem habeat, Clement. 1. de pœnis. Per cætera delicta pensio antè constituta non extinguitur, ne quidem per homicidium, nisi accesserit sententia condemnationis. Riccius in Praxi irregularitatis, decis. 524.

XVIII. Quartò

XVIII. Quartò per Matrimonium, aut per professionem Religionis in Ordine Mendicantium. Giga de pension. quæst. 54. & 57. Garcias 1. p. cap. 5. Et si verò vacet Beneficium per adeptionem Episcopatus, non tamen pensio, quæ isto casu non venit comprehensa nomine Beneficii.

XIX. Quintò pensio consolidationem, si pensionarius idem sic oneratum Beneficium adipiscatur. Nam res sua nemini servit, l. *Utifni*, D. usufructuar. quemad. caveat, & l. *Si tibi fundi*, D. quib. mod. usufruct. amittitur. Sed si Beneficium evincatur sine pensionarii dolo, pensio de novo exurgit, quæ priore intervallo sopita fuerat, & Pensionario redintegratur. Giga de pension. quæst. 49. Pastor lib. 3. tit. 12. n. 23. Sicuti actiones activæ restituntur hæredi, hæreditate evicta, quæ per additionem confusæ, extinctæque videbantur, l. *Debitor*, D. ad Trebellian.

XX. Sextò pensio definit quum interposita Papæ auctoritate debitor liberatur, sicut fieri paulò antè dixi per annatarum à Papa præscriptarum semel factam solutionem.

XXI. Septimò extinguitur, vel minuitur pensio interitu rei, si jura, aut prædia Ecclesiæ evicta sint, aut incendio, ruinâ, vel inundatione perierint. Sed si postmodum augeantur Ecclesiæ proventus, pensio quæ vel minuta fuerat, vel prorsus extincta, redintegratur, ut de censu emphyteutico sancitur l. 1. C. de jure emphyt. Rebutus tract. de pacificis possessorib. num. 123.

XXII. Denique fit pensionis remissio iisdem ex causis propter quas faciendâ est remissio mercedis in locatione, ut si calamitosa tempestas in fructibus acciderit, l. *Licet*, & l. *Ex conducto*, D. de locat. his enim casibus & locationis merces, & pensionis quantitas minuenda est, cap. *Propter sterilitatem*, de locat. & conduct.

XXIII. Quando Beneficii possessor privatur juridicè fructibus Beneficii, tunc ipsa Ecclesia, cui fructus applicantur, pensionis solvendæ onere astringitur, quemadmodum de cæteris fructuum oneribus Leges disponunt, ob rationis paritatem in utrisque, l. *Si ut proponis*, C. de bonis proscript. l. penult. C. de sentent. pall. & restitut. l. unica, C. pœnis fiscalib. credidit. præf. Nunquam enim præsumendum est, Papam voluisse obligare Beneficii possessorem, ut pensionem de suo solvat, si fructibus Beneficii frustretur. Riccius in praxi, decis. 334. Garcias 1. p. cap. 5. n. 226.

XXIV. Si Beneficii possessor resignet, transfert pensionis onus ad successorem, quia pensio Beneficiaria non aliter personam astringit, nisi quatenus rem ipsam possidet. Resque obligata, ad quemcunque deveniat, transit cum onere, l. *Si debitor*, C. de distract. pign. l. *Alienatio*, D. de contrahend. empt. cap. *Ex literis*, de pignoribus.

XXV. Scire penultimum refert, quâ parte anni solvendæ sint pensiones. Et quidem ubi non fuerit expressum, sive à Partibus in mutua conventionione, sive per Superioris decretum, inspicitur generaliter caput anni,

Z l. Nec

l. *Nec semel*, §. 1. D. quando dies legat. ced. Sed quia ut plurimum constituuntur pensiones in fructibus, eo casu terminus intelligendus est, quo fructus Beneficii recipiuntur, juxta l. *Firmio*, §. *Pater*, D. quando dies legat. ced. Annus autem pensionis incipit ab adepta per resignatarium possessione, vel à die intimationis rescripti, quo pensio constituitur, factæ possessori Beneficii; non verò absolute à Calendis Januarii, ne pensionarius qui antea cesserit, frustretur jure suo.

XXVI. Quod si in conventionem vel in rescripto pensionis adjecta sit dies, distinguendum sic est. Aut enim dies adjicitur ad præcisam obligationem; & sic mortuo pensionario ante diem, non debetur pensio hæredibus illius, ob defectum conditionis non impletæ, mortuo ante illum diem pensionario: vel dies adjicitur differendæ solutionis causâ, ne possessor Beneficii initio sui ingressus, nondum perceptis fructibus aut exactis redditibus, ad solutionem cogatur; atque isto casu, mortuo ante solutionis terminum pensionario, solvenda est pensio hæredibus ejus pro rata temporis ejusdem quo vixit anni: & integra debetur pensio, si post terminum interierit, ut docet Gigas. At si pensio divisa sit in duas solutiones per semestria, mortuo post primum semestre pensionario, debetur hæredibus ejus integra illius semestris pensio: alterius verò semestris portio debetur hæredibus eisdem pro rata temporis quo pensionarius intra illud posterius semestre vixit; si mense uno, sexta pars; si duobus mensibus, tertia pars; si tribus mensibus, dimidia. At verò si dies non fuerit adjecta, tunc dies cedit initio cujuslibet anni (ut dixi) à die possessionis Beneficii computandi, & pensio integra hæredibus debetur totius anni, tametsi ante finem anni pensionarius excellerit è vita, ut dicitur de annuis legatis in l. *A vobis*, & in l. *In singulos*, & l. *Filia mea*, D. de annuis leg.

XXVII. Pensiones Beneficiarum olim quidem habebantur pro re temporali, sed eas in spirituales statum Pius V. crexit. Nec enim earum voluit esse capaces, nisi Clericos non excommunicatos, neque irregulares. Et qui non aliunde astringuntur Ecclesiastico Officio, persolvere præcepit singulis diebus parvum B. V. Mariæ Officium. Pii V. Bullam refert Navarra Manual, cap. 25. n. 122. Cujus omissione pensionarii non faciunt fructus suos, & restituere tenentur quos indebitè perceperint.

XXVIII. Non renetur pensionarius ad onera procuratorum Episcopis pro visitatione debitum, Gigas de pension. quest. 38. Sed eodem teste quest. 28. n. 19. & Fagnano in cap. *Ad audientiam* 31. de rescript. aliisque communiter, obligatus manet pensionarius ad charitativum subsidium contribuendum pro modo pensionis; itemque annuatim in nova provisione partem, & universim quamcunque collectam ex Beneficiorum fructibus solvendam, ut sunt decimæ, quas Regi vel spontaneè, vel Summi Pontificis jussione Clerus Regni persolvit, aliaque etiam temporalia, quæ pro

pro modo fructuum subsidia contribuuntur ab Ecclesiasticis, juxta Rebus tract. de pacif. possell. num. 138. & 139. Paponem lib. 3. tit. 5. Ratio communis est, quia cum pensio pars sit fructuum beneficialium, subjicitur hoc ipso contributionibus ex fructibus Beneficiorum colligendis. Conciliumque Tridentinum sess. 23. cap. 18. Pensionarios simul cum Beneficiariis obnoxios facit contributionibus ab Episcopo taxandis pro constructione & stabilimento Clericalis Seminarii.

XXIX. Alexander Papa III. cap. *Audivimus*, de collus. deteg. collusionem illam damnat ut flagitiosam, per quam ex mutuo partium consensu movetur lis super Beneficio, hoc sine ut per lites occasionem transactio fiat, per quam una pars pacifice Beneficium possideat, alteri vero pensio ex eodem Beneficio constituitur: jubetque Episcopo ut utramque Partium spoliet Beneficio & pensione.

XXX. Novissimè in Gallia, rogantibus plerisque Præsulibus, Ludovicus XIV. mense Octobri, anno 1670. ad multos rescandos abusus edixit de pensionibus super Præbendis Ecclesiarum Cathedralium, aut etiam Collegiarum aut Parochialium, seu super Beneficiis Curatis, hæc tria. Primum, ne liceat resignanti ullam sibi reservare pensionem, nisi postquam solidis quindecim annis Beneficio deservierit, aut saltem infirmitate laboraret, quanvis breviori tempore deservierit, ob quam nequeat ulterius deservire. Secundò, ne pensio ulla tertiam fructuum partem possit excedere. Tertiò, ut deductà pensione, adhuc super sit proviso solidus trecentarum librarum proventus, non computatis in hoc emolumentis casualibus, & deductis cunctis Beneficii oneribus. Nec tantum providet circa futuras, sed etiam circa jam antè constitutas pensiones, ut ad triplicem hanc Sanctionem reducantur: uno tamen excepto casu, si is qui olim resignaverat, eà prematur inopià, ut ei nec Ecclesiasticæ, nec patrimoniales opes suppetant ad sufficientem victum.



* C A P U T XV.

Edictum Regium de Pensionibus beneficiariis.



UDOVICUS Dei gratiâ Rex Franciæ & Navarræ, præsentibus Literas inspecturis Salutem. Fideli relatione accepimus complures Ecclesiasticos satagere sibi provideri de Beneficii curæ animarum annexis animo lucra capessendi inde provenientia, simulque semetipfos oneribus & laboribus eximendi per resignationes in favorem, retentis sibi optimis pensionibus, quarum ope deinceps

otio indulgeant : unde contingit ut resignatariis onera sustentantibus congrui redditus minimè suppetant ; quo contingit ut huic damno tum Episcopi, tum Curia Regni nostri, pro locorum & temporum diversitate diversis remediis & judiciis mederi studuerint. Quia tamen Antistites & Consiliarii nostro Regno passim dispersi rogant nos, ut uniformi lege per universam nostram Ditionem usque adeò noxios abusus rescaremus ; illorum supplicibus monitionibus inclinati, & solliciti providere ut Divinus cultus à sacris Ecclesiarum Ministris convenienti decore, & dignitate celebretur, præsentis Edicto in perpetuum valituro decernimus, neminem præbendis Ecclesiarum Cathedralium, aut Collegiatarum, aut etiam Curis animarum provisum ullatenus posse præbendas aut Curas resignare cum pensionis reservatione, nisi postquam eisdem annos quindecim ad minus deseruerint, aut certè in eum infirmitatis gradum corruerint, ut deinceps talibus Curis aut Præbendis ministrare amplius nequeant. Quibus etiam casibus resignantes nihil amplius sibi titulo pensionis reservare poterunt quàm tertiam fructuum partem : hac etiam adhibita præcautione, ut resignatariis ac titularibus trecentæ annuæ librae ad minus supersint integræ ad victum, emolumentis casualibus in his minimè comprehensibus, deductis etiam quibuscunque oneribus Parocho incumbentibus. Statuimus pariter ut etiam antehac constitutæ Ecclesiasticæ pensiones ad hanc quoque præsentem formam reducantur ; hac tamen adhibita exceptione, ut teneant pensionum obligationes quandocumque anteriores resignantes illis deficientibus eò redigerentur, ut eis victus necessarius non posset suppetere, sive ex aliis Ecclesiæ proventibus, sive ex patrimonialibus bonis. Distinctè autem præcipimus omnibus quibus in nostris Ditionibus officium jurisdictionis incumbit, ut præsentis Edicti observationi sollicitè invigilent. Datum Sangermani ad Nemus, 4. Octobris die, anno post millesimum sexcentesimo septuagesimo.]



• * C A P U T XVI.

Prosequutio beneficiarum Pensionum, in primis secundum Gallicanas consuetudines, deinde secundum Jus commune Canonicum.



N primis pensionum Ecclesiasticarum super Beneficiis renunciatis Jura Gallicana conformantur Ludovici XIV. paulò antè commemoratæ Constitutioni.

1. Secundò Curia Regia nullam admittunt beneficiariam pensionem, nisi

nisi ex Summi Pontificis autoritate dimanarit : easque omnes obliterant & pro simoniaciis habent, quas locorum Ordinarii constituunt, solis exceptis quas Episcopi Vicariis à se constitutis assignant, ut vicibus fungantur Præbendorum aut Curatorum, qui sive ob delictum, sive ob imperitiam, sive ob ingruentem morbum, vel irregularitatem, vel dementia suspensi sunt ab exercitio Ecclesiastico. Cum enim hujusmodi casus sint inevitabiles, nec remedium aliunde quàm ab ordinariis locorum Prælati adhiberi possit, absolutæ necessitatis est hanc saltem jurisdictionis partem illis conservari, cap. *De Recloribus*, & cap. *Tua nos*, de Cler. agrot. & cap. *Quavis triste*, 7. quæst. 1. At verò cæteras omnes pensiones ab Episcopis constitutas pro irritis & simoniaciis habent Curie Gallicanæ, ut scribunt Rebuffus in *Praxi*, part. 1. tit. de reservat. tam generali, quàm speciali, num. 28. & 29. Chopin. lib. 3. de Sacra Politia, tit. 2. num. 17. Louetus & Brodeus litera C, num. 40. alique Gallicani. Idque contigisse scribit Rebuffus ex ignoratione Juris Canonici.

II. Doctores Gallicani qui ante promulgationem Edicti paulò antè memorati de pensionibus conscripserunt, docuerunt unanimes hunc esse Curiarum Regiarum usum, ut nunquam admittant reductionem earum pensionum, quas se exsoluturos resignatori in sui favorem polliciti sunt resignatarii, quoad diu viver; hæc enim petita reductio judicabatur odiosa, vitioque laborans ingratitudinis & peridiæ. Solumque admittebant ejus posse postulari reductionem & diminutionem, eo mortuo, adversus illius hæredem vel successorem adusque tertiam reddituum partem, ex Jure Gallicano; sic enim non infringi datam fidem, sublato ex vivis resignatore, cui soli de Beneficio erat obstrictus. Hoc docent Louetus & Brodeus lit. P, tit. 30. & Gigas tract. de Pensionib. quæst. 9. Anneus Robertus lib. 1. rer. judicat. cap. 7. Imbertus in *Praxi*, tit. *Pensio*: Chopinus lib. de Sacra Polit. tit. 2. num. 15. & seqq. At verò novum Edictum sancit & jubet ob publicum Ecclesiæ bonum, ut cunctæ etiam quæ præcesserunt de pensionibus beneficiariis conventiones ad tertiam fructuum portionem reducantur, deductis etiam Titularium oneribus & impensis, ut scilicet prævalcat Ecclesiæ sacra & communis disciplina oppositis privatorum noxiisque passionibus: nisi quis insistat id officium à Legislatore injungi solis Judicibus & publicis Requisitionibus, sed non resignatariis, illo adhuc superstiti, cui est obstricta fides.

III. Quandoquidem sola hæc viget in Galliarum Regno consuetudo, ut non alia recipiatur per Episcopum constituta pensio Beneficii Ecclesiastici diminutionem inducens, sola hac excepta, quam exigit necessitas instituendi per Episcopum Vicarii, qui onera suppleat provisi Titularis, qui ob impedimentum canonicum illa exequi prohibeatur: quæstio inter Canonum Professores in cæteris Christianis provinciis ventilari solet, utrum constitutæ ab Episcopis pensiones transcant ad Beneficii successorem, vi-

vente adhuc pensionario ; an verò extinguantur morte illius cui primò imposita fuit solvendæ pensionis obligatio ? Et istius quidem morte delinere : possitque solus Papa ejusmodi pensiones decernere , quæ transeant ad Beneficii luccellorem, nec nisi morte pensionarii extinguantur. Negant istam Episcopis competere potestatem transmittendæ ad Beneficium luccellorem Ecclesiasticæ pensionis Glossa simul & Imola in cap. *Nisi essent*, de præbend. in quo Summus Pont. fex approbat quidem factum judicium pacis conciliandæ gratiâ , ut inter duos de uno Prioratu contententes unus eorum de Prioratu provideatur cum onere solvendæ pensionis quadraginta librarum suo competitori ; prohibet tamen illius pensionis onus extendi ultra vitam provisi de Prioratu illo , & Beneficium ipsum afficere , sed tantummodo personam primi Titularis , etiamsi pensionarius supervivat. Idem docent Anan. in cap. *Audivimus*, de collus. deteg. Azorius part. 2. lib. 8. cap. 6. quæst. 1.

IV. Opposita verò sententia suos quoque graves habet Authores , posse nimirum ab Episcopo constitui pensionem, cujus onus in Beneficii quoque successores derivetur, superflite pensionario. Idque docet Gambarus lib. 6. de offic. & potest. Legati, num. 385. & Parisius lib. 1. de resignat. quæst. 8. num. 44. Garcias num. 182. & Bonacina tract. de iis quæ ad Divin. Offic. in Choro publ. recit. pertin. quæst. 6. punct. 3. num. 15. ubi quoque profert Rotæ Romanæ decisionem 699. num. 1. part. 1. diversor. suumque intentum hac ratione probat : Quia pensiones super Beneficiis, cum sint onera realia fundata super fructibus & distributionibus, subsistunt quandiu vivit pensionarius , & obligant quoscunque Titulares qui fructus ejusmodi percipiunt. Suadere pariter videtur æquitas , ne Episcopi interventu & suasionem is qui suum jus ad beneficium sub onere pensionis resignaverit, decedente mox resignatario videat se simul & Beneficio & pensione excidisse. Disertè statuitur id cap. *Præterea*, de censib. *Præterea illi qui Episcopo ignorante, auctoritate sua pensionem annuam de Ecclesiis quadam illusione solverint, sive receperint, eis defunctis in receptione pensionis non sunt aliquatenus audiendi, si Pontificis, aut alterius qui de jure facere potuerit, auctoritatem & assensum super hoc non intervenisse constiterit. Non enim simplices Sacerdotes vel Clerici possunt Ecclesias, quibus præsumi, auctoritate sua, præsertim post decessum suum, efficere censuales.* Unde ritè infert Gambarus : Si igitur consensisset Episcopus, potuerat facere illam Ecclesiam, etiam post suum obitum, censualem. Et canon perspicuè supponit, idè post obitum illorum qui propriam Ecclesiam servituti census subjecerant, non posse censum impositum continuari, quia nulla intervenerat Episcopi auctoritas, vel approbatio. Sanlegerius qui magna laude Avenionum Jus dicendo, tum de Jure respondendo consenuit, parte 2. Quæstionum Beneficialium, cap. 1. §. 4. num. 7. oppositas Canonistarum sententias simul approbat & conciliat his verbis : *Inter pensionem auctoritate Summi Pontificis*

Pontificis imposuit, & illam quæ auctoritate Episcopi nititur, hæc est notabilis differentia, quod illa quæ sit auctoritate Pontificis, etiam successores in Beneficio ligat: quæ autem sit approbatione Episcopi, successores in Beneficio non ligat, neque afficit. Limita, nisi pensio imposita & creata fuisset ab Episcopo pro bono pacis, & ad sedandas lites; quia tunc etiam afficit Beneficii successores, quantumvis solius Episcopi auctoritas in illius creatione intervenierit. Allegatque ad hoc Ebarianum discept. forens. cap. 17. n. 16. Quæ sanè Pontificiorum doctrina mihi admodum arridet; hoc enim præstat ut Episcopalis sollicitudo utiliter adhibeatur ad sopiendas Clericorum subditorum lites: quæ sollicitudo iners & inanis esset, si census conventus esset desiturus proxima resignantis morte. Scitè namque & prudenter alius quidam admonet canon: Nulla enim ratio hoc verisimile reddit, ut quisquam Beneficium multis fortè expensis & laboribus acquisitum, quo sustentari debet, facile, sine causa sua magna, sponte resignet: atque ita illud abdiceret in commutationem pensionis, quæ fortassis post paucos dies, unius interitu caduca sibi, & infructuosa sit futura, cap. Super hoc, de renunciat.

V. Communes autem qui ab Episcopis, aut ab inferioribus Prelatis census ac pensiones in re beneficiaria constitui permittunt sacri Canones (etsi in Gallia non vigeant) ne tamen quidquam Juris communis ignoretur, istos hæc silegi.

Can. *Nisi essent*, de præbend. possunt Judices arbitrarii, in quos dno electi compromiserunt, adjudicare uni quidem Prioratum cum onere pensionis annuæ alteri electo persolvendæ: *Sic tamen ut non assignetur census ipsi Prioratui, sed soli personæ Prioris*; quo demum vitæ functo, successor ejus nulli præstationi teneatur obnoxius.

Can. *De cætero*, de transact. si pro bono pacis Judex delegatus censum imponat alteri litigantium, Episcopus sine quo transactum fuerit, poterit transactionem approbare sine se factam: *Sic tamen ut census annuus vitam ejus qui solverit non excedat.*

Can. *Ad quæstiones*, de rer. permut. decernit Episcopum approbantem aliquam commutationem coram se factam, confirmare posse cum hac obligatione, ut ei qui locupletius Beneficium dimittit, persolvatur pecuniæ summa, quæ excessum dimissi opimioris Beneficii compense.

Can. *Cum venissent*, de restit. spoliat. de auctoritate Eborensis Episcopi Rector cujusdam Ecclesiæ solvebat alteri Ecclesiæ certam pensionem quamdiu viveret: quod factum isto canone approbatur.

Can. *Constitutus*, de religiof. domib. Episcopus remittendo jura Episcopalia cuidam Ecclesiæ, potest sibi censum super eadem Ecclesiâ reservare.

Can. *De Restoribus*, & cap. *Tua nos*, de Cler. ægrot. & debilit. legitima propriaque auctoritate assignat Coadjutori à se constituto propter ægritudinem Clerici non valentis suum exequi ministerium, pensionem super præbenda Clerici invalidi sive corpore, sive mente. Quæ dispositio Episcopalis

papalis consueque necessaria & inevitabilis est, ut ea deficiente Divinum ministerium, Sacramentorum collationem, Populi fidelis instructionem, Ecclesiarum cultum deficere necesse sit, ovesque Christi in apertum ruerent interitum.

V I. Jam quaeritur utrum regressus ad Beneficium resignanti concedatur, in cujus gratiam Papa constituit pensionem super resignato Beneficio per consuetam in Curia Romana clausulam istam: *Necnon resignatorio, necnon ejus in eodem Beneficio Successore in solutione pensionis deficiente, seu illam ad minorem summam reduci petente, liceat eidem pensionario liberum habere regressum ad idem Beneficium, ipsiusque corporalem possessionem propria auctoritate, per se vel per alium apprehendere?* Respondendum, quidquid in aliis servetur regionibus, illam propria auctoritate sumptionem possessionis alienam esse ab usu Gallicano, qui & partium auditionem, & in judicio litis contestationem, & Judicis sententiam praeredit. Servatis autem judiciorum formis locus erit regressus adjudicandi contra contumacem ac perfidum debitorem.

V II. Movetur quaestio, utrum Legatus possit admittere resignationem Beneficii sub onere pensionis? Id heri posse negat Rebassus. Quatenus enim in sua Praxi, tit. de resignatione conditionali, num. 1. & seqq. negat Legato Pontificio hanc potestatem competere admittendi resignationes conditionatas, nisi specialem à Papa obtinuerit potestatem, inde inferitur, ex mera & generali Legationis concessione hoc jure uti non posse. Sed omnis amovetur difficultas si Literae Delegationis specialem illi auctoritatem istam indulgeant: istud quippe perspicue sancitur cap. *Præterea*, de offic. jud. deleg. Atque ita judicavit Suprema Curia Avenionensis die Octobris 10. anno 1658. in gratiam Brochii Arclatenensis contra Grosletum, qui abusivam prætexebat in admissione renunciationis Beneficii ejusdem sub reservatione pensionis apud Vicelegatum Avenionensem facta: quam tamen Senatus expertem omnis abusionis pronunciavit. Id refert Bonifacius tom. 1. Senatusconsultorum Provincialium, pag. 115. Haud certò scitur, utrum Diploma Pontificiæ tunc Legationis hanc singularem potestatem explicuisset, an verò implicitè dumtaxat. Casus autem dicti capitis *Præterea*, non explicitè quidem, sed implicitè in literis Pontificiis delegatam jurisdictionem mandantibus involvitur, ut cuius legenti liquet.


V III. Canonice approbandi beneficiarias pensiones causæ Gallicano usu approbatæ, atque in solis Romanorum Pontificum, non verò in Prælatorum inferiorum provisionibus approbatæ, tres numero recensentur à Rebassio in Praxi, lib. 1. tit. de reservationibus, cæterisque passim Gallicanis Jurisconsultis. Prima causa est ob bonum pacis & sedandas lites inter Clericos, cap. *Nisi*, de præbend. Secunda ne resignans nimium sustineat dispendium, cap. *Super hoc*, de renunciat. Tertia in permutatione Beneficiorum, quorum redditus sunt inæquales, ut ubertas unius præ alio assignatione pensionis compensetur, cap. *Ad quaestiones*, de rerum permut.

CAPUT



CAPUT XVII.

De Beneficiorum permutatione.

I.  ONIFACIUS VIII. cap. unico de rerum permut. in 6. non modò approbat Beneficiorum permutationes fieri coram Episcopis locorum, in quibus sita sunt Beneficia, sed etiam præfert jura sic permutantium omnibus Expectativis aliorum ab Apostolica Sede impetratis. Et Clement. unica eodem tit. irritas facit quascumque Beneficiorum commutatorum collationes in præjudicium compermutantium factas. Possunt itaque Episcopi, eorumque Vicarii, dummodò habeant speciale ab Episcopo Beneficia conferendi mandatum, hæc permutationes admittere, & pro permutantium voluntate eisdem mutuo & respectivè conferre: reliqui autem inferiores Prælati carentes Episcopali autoritate, non possunt in favorem compermutantium conferre. Poterunt nihilominus, si hoc jus præscriptione adepti fuerint. Rebuffus in Praxi, p. 3. tit. de permutatione, num. 10. Bellamera tract. de permutatione, cap. Tertiò *queritur*.

II. Si compermutanda Beneficia in diversis Dioccesibus sita sint, necesse erit intervenire utriusque Episcopi autoritatem: sed ad majus commodum & facilitatem alter eorum poterit vicem suam & potestatem admittendi & conferendi alteri Episcopo committere, ut omnia procedant coram uno eodemque collatore. Gloss. in cap. unico, de rer. permut. in 6.

III. Propriâ autoritate Beneficia permutantes eadem amittunt ipso jure, cap. Cum olim, de rer. permut. Itaque tanquam vacantia possunt statim ab aliis impetrari.

IV. Præter Prælati interventum Episcopalem autoritatem habentis, quæ est prima à nobis jam examinata conditio, requiritur secundò illorum notitia ad quos spectat vel electio, vel præsentatio Beneficiorum quæ permutantur: aliàs enim invalida erit permutatio. Gloss. in d. Clement. unica de rer. permut. Qui debite interpellati si consentire sine justa causa recusant, tunc eis invitis, si permutatio nullo impediatur canonico obstaculo, poterit Collator eam admittere & conferre. Abbas in cap. Nullus, de jurepatron. Federicus tract. de permut. Benef. quæst. 24. Rebuffus d. tit. de permut. num. 22. asserens hunc esse communem Galliæ usum circa Patronos Ecclesiasticos: sed Laïcorum Patronorum prorsus esse consensum necessarium, alioqui fore irritam permutationem, asserit ibid. num. 31.

A a

Quod

Quod idem censendum de necessario Regis consensu, si Beneficium Regiæ nominationis permutetur.

V. Tertio requiritur ut permutatio fiat rerum ejusdem generis, spiritualium cum spiritualibus, juris in re cum jure in re, & non cum jure ad rem; sic enim mutare non licet mandatum vel nominationem ad Beneficium cum præsentī Beneficio, cap. fin. de rerum permut. Federicus in d. tract. de permut. benef. q. 13. Matthæus de Afflictis decis. Neapol. q. 17. Neque mens hæc Papæ fuit, ut literæ suæ & mandata extendantur ad aliam quàm quæ ibi designatur personam. Neque etiam aliquis decimas vel juspatronatus cum Beneficio validè permutaverit, juxta Doctores ad d. cap. fin. de rer. permut. & Rebuffum loc. cit. num. 24. Plura tamen Beneficia cum uno Beneficio possunt & validè, & licitè permutari, argumento legis *Cum Prior*, D. de judic. sunt enim res ejusdem naturæ, neque Jus ullibi prohibet. Ratio verò æqualitatis, quæ iustas reddit permutationes, locum hic habere potest: plura enim minoris proventus Beneficia æquivalent unico opulentiori. Federicus loc. cit. quæst. 12. Rebuffus d. tit. de permut. num. 40.

VI. Quarto requiritur, si fiat permutatio coram Summo Pontifice, ut cætera simul compermutantium Beneficia sigillatim exprimantur, ut à Romana Rota judicatum, & à pluribus Doctoribus traditum refert Rebuffus. ibid. num. 34. quanvis Federicus loco cit. quæst. 18. neget id esse necessarium in permutationibus. Saltem tutius est contra litigatores Beneficiorum avidissimos aut cuncta exprimere, aut clausulam referre, ut tacita proexpressis habeantur.

VII. Valida Beneficiorum permutatio est non modò inter se conformium, sed etiam disformium, exempli causâ. Dignitatum cum Personatibus, simplicium cum curatis, Commendarum ad vitam cum titularibus; quia Commenda perpetua vicem habet Tituli. Panormitanus in cap. *Cum olim*, de rerum permut. Federicus loco cit. quæst. 6. & seqq. Rebuffus num. 51.

VIII. Admissa resignatione ex causâ permutationis, Beneficia non aliis possunt quàm permutantibus conferri, d. cap. unico, de rer. permut. in 6. & Clem. unic. eod. tit. Et si secus fiat, invalidè conferuntur; quia non aliàs aut aliter intendunt permutantes resignare, nisi ad hunc permutationis finem.

IX. Si evinci contingat Beneficium permutatione quæsitum, datur regressus ad alterum dimissum, ratione tacitæ conditionis in illa dimissione inclusæ, si permutatum Beneficium non fuerit evictum: sine qua nemo proprium dimitteret Beneficium, Rota decis. 9. in antiquis. Rebuffus tract. de pacif. possess. num. 145. Papo lib. 2. Placitorum, tit. 7. num. 2. Faber. Cod. de sacros. Eccles. defin. 53. Et apertè faveat cap. *Si beneficia* 20. de præbend. in 6. Atque conceditur iste regressus sine nova provisione, &c.

& sine nova in possessionem immessione. Requiritur tamen in hoc Regno sententia declaratoria apertionis regressus per Regios Judices, qui sibi possessoria Beneficiorum judicia ita vindicant, ut sine horum cognitione & decreto vacaturum procul dubio sit Beneficium, & alienæ impertrationi aditus aperiatur. Papo lib.2. Placitorum, tit.7. num.2. Faber Cod. de sacros. Eccles. defin. 53. Duarenus lib.8. de Benef. cap.3. Regressus etiam locum habet mortuo compermutante, adeo ut hujus Beneficium tanquam per obitum vacans non possit impetrari ab alio in præjudicium illius qui jus habet regressus in illud. Rebuffus d. tit. de permutat. num.13. ubi sæpe ita decisum se vidisse affirmat. Charondas lib.1. Responsorum, cap.24. & idem lib.1. Pandect. cap.10. & 11. Despeilleus tract. de Benef. Eccles. tit.11. sect.2. artic. 4. num. 4. quibus etiam locis iidem asserunt, non esse opus ad hunc regressum nova collatione, sed necessariam esse Regii Judicis sententiam in causa possessorii.

X. Ex eo quod admissa resignatione ex causa permutationis non possint Beneficia aliis quam permutantibus conferri, juxta Clement. unicam de permutat. inferunt Rebuffus p.3. praxis, tit. de permutatione, num. 28. Louetus lit. B, num.13. alique, quod admissa per Episcopum resignatione in causa permutationis, si uni fuerit collatum Beneficium antequam ejusdem permutantis fuerit admissa resignatio, ejusque vicissim Beneficium alteri compermutanti collatum fuerit, & inter has moras iste compermutans moriatur, jus accrescere superstiti, ut utrumque Beneficium retineat. Non enim priore excidit quod pridem possidebat, quia adhuc illud tenet, cum non resignaverit: manet itaque in pristina ejus possessione; & aliunde socii compermutantis debetur ei Beneficium, quia non vacat per socii obitum, quandoquidem ante ejus mortem jam fuerat resignatum, & legitime superstiti socio collatum.

XI. In permutandis Beneficiis aliisque spiritualibus rebus pacta quædam aliquoties apponuntur illicita. Ejusmodi est conventio, ut permutatum Beneficium alicui tertio conferatur non habenti jus in illo, vel etiam ut ei pensio assignetur. Non possunt hæc fieri, neque conveniri coram Ordinario, quia quæcunque in resignatione adhibita conditio censetur simoniaca, saltem Jure Canonico: quod simoniæ genus cum non vetetur Divino Jure, à Summo Pontifice ex potestatis plenitudine purgari potest. Navarra Manual. cap.23. num.107. Lessius lib.2. de just. cap.35. dub.14. num.87. Nec legitur in toto jure Papam aut Concilium indulsisse potestatem Ordinarii purgandi conditiones resignationibus appositas, nisi in sola Beneficiorum permutatione. Est verò generalis prohibitio cap. ult. de pactis: *Pactiones* (inquit) *falte à vobis pro quibusdam spiritualibus obtinendis, cum in hujusmodi omnis pactio, omnisque conventio debeat omnino cessare, nullius penitus sunt momenti.*

XII. Ista quoque pactio in permutatione pravitate simoniacâ fœdatur,

cum promittitur aut permutatur fundatum Beneficium cum Beneficio fundando; quo enim tempore ita convenitur, unicum existit Beneficium, simulque pecunia, quæ res est merè temporalis & profana, quævis futuro alicui Beneficio destinetur quod actu non existit. Itaque præter defectum illum generaliter prohibitum pactionis circa spiritualia, cap. ult. de pact. gravior hic defectus intervenit simoniz à jure Naturali Divinoque, simulque à Concilio generali Chalcedonenſi can. 2. prohibita, ne pecunia detur, accipiatur aut promittatur pro sacris Ordinationibus, aut pro Ecclesiasticis ministeriis: & habetur in can. *Si quis Episcopus*, 1. q. 1. Expressior etiam est ad hunc casum can. *Ex multis*, 1. q. 3. damnans simoniacæ pravitatis eos qui pro Beneficiis acquirendis paciscuntur fundaciones Ecclesiarum à se faciendas, aut donaria Ecclesiis aut pauperibus contribuenda. Huc etiam spectat cap. *Tua nos*, de simon. declarans simoniam committi, si quis de bonis suis conferat ad novi Beneficii fundationem, eâ conditione, ut sibi id Beneficium, aut alicui suorum conferatur. Et sic judicavit Aquileſiensis Senatus. Cum enim Parochus Ecclesiæ Oliolensis in Tolonenſi Diœcesi curam suam dimiſſet ex causa permutationis pro Capellæ Rectoria, quam resignatarius se sponſederat fundaturum cum jure patronatus, & super ista fundatione impetratum fuisset Apostolici Legati rescriptum, Præbenda illa Parochialis adjudicata fuit devolutario, qui illam ut vacantem per simoniam impetraverat contra resignatarium, & à rescripti executione tanquam ab abusu appellaverat, ut refert Pastor lib. 3. de benef. tit. 11. n. 7.

XIII. Pacta quædam recensentur in hisce permutationibus apponi solita, sed non aliter valida, nisi Summi Pontificis dispensatione roborentur, ut si convenient permutantes de solvendo alieno ære contracto propter Beneficium compermutatum; alioquin enim successor in Beneficio solvere tenetur nomina seu debita contracta pro Ecclesiæ necessitate ab antecessore suo, cap. 1. de solution. Expensas vero quas præcessor Beneficii fecit, non in Ecclesiæ, sed in propriam utilitatem, pacisci à successore prorsus est simoniacum; item de solvendis Bullarum seu expeditionum impensis. Navarra consil. 7. & 14. de simonia.

XIV. Si verò Beneficiorum permutatio fiat in periculo mortis, aut in decrepita senectute; item si fiat cum consanguineo, proximo aut familiari, aut si citra inæqualitatem Beneficiorum reservetur pensio, aut si uterque sibi pensionem reservet, aut si conveniatur de pensione in gratiam tertie personæ, istis casibus permutatio ac reservatio fieri præsumitur in fraudem, vel animo negotiandi; & talis reprobat permutatio. Idemque præsumendum & damnandum, si pensio super alio quàm compermutato Beneficio constituitur, & si sit magna Beneficiorum sine ulla compensatione inæqualitas, aut si fiat permutatio cum ficto Beneficio, quia propria bona sine aliqua urgente causa disperdere velle nemo præsumitur, l. *Cum*

de


de indebito, D. de probation. Nullaque ratione verisimile fit, ut quisquam Beneficium multis fortè expensis, & laboribus acquisitum, quo sustentandus est, sine aliqua gravi causâ sponte resignet, ut dicit cap. *Super hoc*; de renunciatione. Præterea dolus præsumitur, si quis post resignationem in ejusdem à se resignati Beneficii possessione perseveret. Hæc docet Rebuffus d. tit. de permutatione, n.42. & seqq. & in glos. ad Concordata, tit. de collationibus, §. *Volumus*, glos. ult.

XV. Denique in casu permutationis Beneficiorum, quemadmodum & in aliis resignationibus, servanda regula est de publicandis resignationibus, de qua inferiùs tractabitur hoc ipso lib.2. cap.18. Hoc denique tenendum, certissimam esse regulam, si remittatur Beneficium, ad cujus compensationem promittatur titulo permutationis aliud indefinitè Beneficium similis ac paris proventus, id non censerî permutationem, sed nudam & inefficacem pollicitationem, quam nunquam confirmat Papa, neque licet Ordinariis admittere. Unde si alter à quò resignatum ex ea causâ fuerit Beneficium, moriatur, vacabit Beneficium per obitum. Ita Mornacius ad l. *Rebus*, C. de rerum permut. Permutationes enim esse debent de certo & determinato Beneficio ad aliud perzquè certum & determinatum.



CAPUT XVIII.

De jure Regressus.

I. ENERALIS regula Canonici Juris hæc est, eum qui semel Beneficio suo renunciavit, non, posse illud repetere, cap. *Ex transmissa*, cap. *Super hoc*, & cap. *In presens*, de renunciat. Idèd revocatio semel admittæ resignationis nulla & irrita est, etiamsi successor possessionem abdicari ab alio Beneficii nondum sumpserit. Sic judicatum Parisiis refert Charondas lib. 1. Responsorum, cap.21. Idemque juris est etiam cùm resignatarius reperitur incapax Beneficii, ut aliis Supremarum Curiarum judiciis confirmat Brodeus in Louetum lit. B, cap.13. Neque resumî Beneficium potest, quanvis conditio in renunciatione illius addita fuerit, ut si vivo resignante vacaverit sive per cessum, sive per decessum resignatarii, revertatur Beneficium ad resignantem absque nova provisione. Istiusmodi namque provisiones sub forma regressus obtentas jubet esse irritas Carolus IX. in Aurelianensibus Comitibus, art. 22. Verumtamen si accedat nova ejusdem Beneficii collatio in gratiam resignantis, poterit idem resumere, non ex illa conditione regressus.

fed ex vi novæ provisionis, quanvis jurasset se idem Beneficium non repetiturum, ut dicit expresse cap. *Cum inter*, de renunciat.

II. Regressus porro ad idem Beneficium conceditur resignanti. In primis in mutua conpermutatione, si contingat unum ex conpermutatis Beneficiis evinci. Nam is qui istud sic amisit, jus habet resumendi abdicatum à se in causa permutationis Beneficium, ut proximè superiori capite, num. 9. dictum est, etiam citra novam provisionem; non tamen in hoc Regno citra Regii Judicis declarationem, cui in his attribuitur judicium possessorium. Rebuffus in Praxi, p. 3. tit. de permutation. num. 11. 12. 13. & 16.

III. Regressus pariter admittitur ubicumque aliquis suo pristino renunciavit Beneficio ad novi Beneficii suscipiendam collationem, vel quia ambo simul sunt incompatibilia, vel quia noluit plura simul tenere Beneficia contra Ecclesiasticos Canones, vel quia noluit Collator aliter conferre, nisi prius dimitteretur, aut alia ex causa. Si ergo contingat istud novissimè collatum Beneficium evinci, is qui pristinum Beneficium pro hoc secundo capessendo dimiserat, jus habet regrediendi ad primum Beneficium, quanvis fuerit alteri collatum & possessioni datum, cap. *Si Beneficia* 20. de præbend. in 6.

IV. Tertiò etiam conceditur regressus, si contingat unum ex permuratis Beneficiis vel nova pensione onerari, vel etiam veteri pensione, modò id quando permuravit ignoraverit, ut plurimis tum Senatusconsultis, tum Regii Consilii Placitis judicatum refert Papo lib. 2. tit. de permutatione Beneficiorum 7. art. 4. & 5. Etiam excludendo possessorem, qui per resignarii obitum impetraverat, ut solenni omnium Camerarum convocatione in Purpureis Togis decidit Parisiensis Senatus die 7. Decembris anno 1565. teste Charonda lib. 1. responsorum, cap. 24. & lib. 1. Pandectarum, cap. 11.

V. Quartò admittitur regressus, si resignatarius conventam & à Papa approbatam pensionem non solvat, modò saltem clausula regressus fuerit apposita in literis Papæ, quibus ista constituta fuit pensio. Gigas de pensionib. quæst. 99. n. 18. Azorius p. 2. lib. 8. cap. 9. quæst. 4. In Gallia clausula regressus, licet non apposita, subintelligitur ad regressum adjudicandum contra resignatarium non solventem pensionem. Brodeus in Louetum lit. B, num. 13. Bonifacius lib. 2. tom. 1. Senatusconsultorum Provinciæ, tit. 10. cap. 6.

VI. Quintò in toto Gallie Regno ei qui in infirmitate gravi constitutus resignaverit, datur regressus post valetudinem recuperatam, aut periculi cessationem, sive pure resignaverit, sive in favorem, sive simpliciter, sive sub pensionis reservatione, sive coram Legato, sive coram Ordinario, ut declaratur Edicto Ludovici VIII. anni 1638. art. 10. nec tantum contra suum resignatarium, sed etiam contra resignarii successorem, ut declaravit

declaravit Tolofana Curia in gratiam Gansardi Præcentoris Ecclesiæ Aquifextienfis, qui metu mortis Præcentoriam cum reservatione pensionis resignaverat in favorem, cujus resignatarius mox se eodem Beneficio abdicaverat in alterius tertii favorem. Pastor lib. 3. tit. 9. num. 2. Quum enim aliquis non sponte renunciavit, Clemens Papa 111. concedit ei regressum ad Beneficium. *Nulla enim ratio (inquit) hoc verisimile reddit, ut quisquam Beneficium multis fortè expensis & laboribus quasitum, quo sustentari debet, faciliè sine magna causa, sua sponte resignet*: cap. *Super hoc*, de renunciati. Et formido urgentis in ægritudine mortis, si non admittit, saltem valdè minuit hominis libertatem, & adigit ad ea quæ nunquam alioqui in animum induceret, cap. *Literaturam*, de voto. Præterea cum omnis qui in ægritudine periculosa renunciat, nequaquam hoc faceret si sciret se ex illa infirmitate convalesciturum, omnis quæ tunc fit renunciatio hanc secum tacitam involvit conditionem jure præsumptam, Nisi de hoc morbo convalesco. Præterea rationabilior est causa succurrendi sic resignanti quàm ei qui in simili constitutus infirmitate vovit; hic enim vovens intendit promissum exequi si convalescat; resignans autem non intendit renunciare si convalescat; & nullatenus renunciaret, si se convalesciturum sciret. Et tamen d. cap. *Literaturam*, de voto, illam remittit promissionem expressis verbis. Deo nuncupatam in illo qui ægritudine decumbens, mortis pavore Religionem vovit, si sospes exurgeret. Multò ergo magis videtur remittenda resignatio quæ nullatenus fieret, si quis mortem se sciret evasurum. Bonifacius tamen d. tom. 1. lib. 2. tit. 10. cap. 2. refert aliquando judicatum, non esse regressui locum, si fuerit resignatum coram Ordinario: sed communis sententia hoc etiam extendit ad Ordinarium; licet enim liberè conferat, non tamen confert vivente Beneficiario, nisi hic liberè resignet: atque ita manet hic etiam communis & fundamentalis ratio regressus, quod scilicet non resignasset æger, si se superstitem & convalesciturum præcivisset.

VII. Sexta iusti regressus causa est criminis capitalis accusatio, cujus incerti successus formidine aliquis proprium Beneficium abdicat, quod repetendi jus habet postquam iudicium condemnationis evaserit. Sed ne repetitionibus indulgeam, consulito quæ hac de re accuratè pertractavi hoc ipso lib. 2. cap. 10. num. 1. 2. 3. tam de resignatione quæ fit pendente criminis lite, quàm quæ fit post condemnationis sententiam, sed appellatione suspensam.

VIII. Olim ad regressum novâ ab Ordinario provisione opus erat, sed hodiernâ praxi res ita geritur. Regredi volens in Regno Galliæ Iudicem Regium oblato libello convenit, ejusque decreto resignatarius citari curat, infirmitatem præteritam Medicorum attestazione probat, aliamve causam propter quam regressum petit. Demùm auditis partibus & examinationis probationibus, Iudex cui more Gallicano iudicium possessorium attri-

butum

butum est, resignatarium possessione per sententiam dejicit, eamque petenti regressum adjudicat. Hic verò Ordinarium adit, à quo admittatur in pristina quibus ante resignationem potitus erat jura ordinis & sessionis & vocis in Capitulo, sine ullo retrocessu aut diminutione fructuum, atque ministerii, perinde ac si nunquam renunciasset; neque tenetur ullum pro novo ingressu vestigal Capitulo exsolvere. Louetus lit. B, num. 13, nec ullatenus ullà provisione aut collatione opus habet. Oliva lib. 1. Placitorum, cap. 19. Despeilleus tract. de Benefic. tit. 11. sect. 2. art. 6. Rebuffus in Praxi, p. 3. tit. *Ratione persona & rei vitiatum resignatio*, num. 19. Chopinus lib. 1. de sacra Politia, cap. 8. num. 8. alique communiter. His suffragatur lex *Qui ad tempus, §. Restitutus*, D. de decurion. ubi statuitur restitutum Decurionem tenere ordinem, non quasi nunc primùm nanciscatur, sed quem pridem habuit. Neque verò his obstat cap. *Ex transmissa*, de renunciat. dum sic ait: *Illum non tanquam unum de Ecclesia, sed quasi de novo recipiant in socium & fratrem*. Respondetur enim illum de novo mandari recipiendum à Papa, non ex jure, sed ex liberali gratia & pura commiseratione; quia diuturno elapso post suam renunciationem tempore eandem confirmaverat, dum ea quæ liberaliter illi Ecclesiæ contulerat, repetere, atque per insignem atque indebitam indulgentiam sibi solo pacis studio relaxata, sibi retinere non erubuit, ut ibidem dicitur.

IX. Resignatio vi aut metu extorta nulla est, cap. *Super hoc*, de renunciat. Ideoque datur resignanti regressus in Beneficii dimissi possessionem, cap. *Abbas*, & cap. *Ad aures*, & cap. *Ad audientiam*, de his quæ vi metusve causa fiunt. Si tamen metus causa levis fuerit, nec cadens in virum constantem, resignatio facta stabit, cap. *Cum dilectus*, cod. tit. Et si qui metu adactus fuerat liberè postmodum consenserit, reconvalescet resignatio. Rebuffus tit. de resignat. metu extort. n. 7. 8. 9. & 10.

X. Idem juris est in resignatione, cui fraus aut dolus causam dedit. Ratio est, quia illa resignatio non potest censi voluntaria. Voluntarium enim, ut ab Aristotele definitur, est quod proficiscitur à principio intrinseco cognoscente singula in quibus est actio. Ea verò cognitio non potest esse in animo cui fraus aliena per mendacium aut fictionem illusit. Rebuffus in Praxi, p. 3. tit. de causis resignat. irritant. à num. 1. ad 12. In his causis opus ei qui resignavit incumbit probandi vim, metum aut dolum, d. cap. *Super hoc*, de renunciat. Atque his casibus resignatio adeò nulla censetur ex defectu consensus, ut nec literis opus sit in integrum restitutionis; sed resignans obtinet tamen in judicio possessorio literas Regias, quibus Judici mandatur, ut si probetur vis aut metus, aut dolus qui causam resignationi dederint, nulla ejus resignationis habitâ ratione, confirmet in possessione Beneficii resignantem, aut eundem in possessionem vindicet, si fuerat spoliatus. Sed literæ istæ non sunt rescissionis, neque hinc agitur rescissorio judicio, sed perinde ac si nulla fuisset resignatio facta, cum sit ipso

ipſo jure nulla & inanis. Rebuffus d. tit. de cauſ. reſignat. irritant. n. 11. & 12. Deſpeiſſeus tit. 11. ſect. 2. art. 5. num. 8.

XI. Renunciatio à minore annis vigintiſiquę facta, non eſt quidem hoc ipſo invalida, ſed caſſa fiet per reſtutionem in integrum, ſi velit reſignans ab ea reſilire. Rebuffus d. tit. *Ratione perſon. & rei vitiat. reſignat.* num. 1. 2. 3. 4. 5. 6. Papo lib. 3. Placitorum, tit. de reſtution. major. & min. in re benefic. 11. art. 1. Charondas lib. 1. Pandect. cap. 10. Louetus cum Brodeo litera B, cap. 7. Deſpeiſſeus art. 5. num. 10. penes quos hæc adſtruuuntur quæplurimis Senatuſconſultis. Neque his obſtat cap. *Si annu.* de judiciis in 6. ſtatueus puberem poſſe in cauſis beneficialibus perinde ac ſi major eſſet annis v̄gintiſiquę, admitti in judicio. Hoc enim conceſſo reſtat adhuc ei reſtutionis beneficium, & donec obtinuerit, reſ per eum actæ valebunt. Si enim per ſe nullæ ac irritæ forent, ſuperflua eſſet reſtitutio, ſicut paulò antè monui non opus eſſe reſtutione aut reſciſſione contra reſignationem vi, metu, doloꝛe extortam, quia talis reſignatio per ſe nulla & irrita eſt. Et hæc quidem de jure communi, ſed non de jure Francico, in quo præualet iſtud effatum forenſe, *Nullitas in Gallia locum non habet*, ſed quæcumque illa ſit, reparanda eſt per Regias reſtutionis Literas.

* XII. In actis Cleri Gallicani, tom. 2. tit. 12. commemoratur Supremæ Pariſienſis Curię Senatuſconſultum, ut ſit norma & ſpecimen tum juris reſreſſus in Regno Gallię recepti, tum reſumptionis jurium omnium capitularium ſuccedentium poſt reſignationem ejus qui per reſreſſum reſtituitur, ita ut regrediens præferatur in ordine ſeſſionis & juro optandi, cæteriſque privilegiis, præualeatque cæteris qui poſt reſignationem in idem Collegium recepti fuere. Ipſum verò factum eſt hujusmodi. Franciſcus Verjuſius Cathedralis Eccleſiæ Matiſconenſis Canonicus periculosa ægritudine conſtitutus, purè & ſimpliciter Præbendam ſuam abdicavit in manus Capituli ſui, quod jure veteris conſuetudinis, & juxta cap. *Cum Eccleſia Fulterana*, de elect. potitur privilegio Præbendas Canonicas conferendi. Conſenſu autem communi Capitulum reſignatam præbendam contulit reſignantis nepoti Philiberto Verjuſio. Sed tranſactis aliquot menſibus, Franciſcus ex gravi morbo convaleſcens abdicatam à ſe præbendam reſumit. Cùmque poſt ejus in morbo reſignationem alii de novo fuiſſent diverſis proviſi Canonicatibus antequam Franciſcus fuiſſet ad priſtinum Canonicatum reſreſſus, eidem Franciſco in cauſa contradicторia idem Senatus adverſus quatuor contendentes Canonicos intermedio tempore admiſſos, & præſeſſionem, & vocis prærogativam, & jus optandi, omnemque aliam prærogativam adjudicavit perinde ac ſi nunquam ſe Canonicatu demiſſet.]



CAPUT XIX.

Ad regulam, De infirmis resignantibus.

I. **P**LERÆQUE sunt circa rem beneficiariam regulæ Cancellariæ. Nos hic præcipuas exequemur, quæ usu vigent in Galliæ Regno. Sunt verò istæ. 1. De infirmis resignantibus. 2. De triennali possessore. 3. De annali possessore. 4. De publicandis resignationibus. 5. De non tollendo jure alteri quæsito. 6. De verosimili noticia.

II. Regula de infirmis resignantibus his verbis concipitur: *Item voluit, quod si quis in infirmitate constitutus resignaverit aliquod Beneficium, dimiserit, aut illius commendæ cesserit, seu ipsius Beneficii unionis dissolutioni consenserit, etiam vigore supplicationis dum esset sanus signata, postea infra viginti dies à die per ipsum resignantem præstiti consensus computandos de ipsa infirmitate decesserit, ac ipsum Beneficium quavis auctoritate conferatur per resignationem sic factam, collatio hujusmodi nulla sit, ipsumque Beneficium nihilominus per mortem censeatur vacare.*

III. Ut autem certa habeatur noticia diei obitus, providit Franciscus I. Edicto anni 1539. artic. 50. & 51. dum jubet in Ecclesiarum registro conscribi diem sepulture Beneficiarii defuncti, ipsius Parochi manu, aut alterius qui tunc existat illius Ecclesiæ Superior; necnon subscriptio adjungatur publici Notarii ad subscriptionem Parochi vel alterius Superioris. Jubet præterea art. 54. domesticis Beneficiarii defuncti sub pœna corporali, ut veniant notificatum sincerè dictis Ecclesiis prædicti obitus diem. Ipsi verò corporis defuncti reccelatoribus læcis pœnam mortis indicit, Clericis verò omnimodam exclusionem à Beneficii defuncti, & præterea graves pecuniarias multas Judicis arbitrio infligendas, art. 55. Quod si ad hunc finem corpus exenteraverint, incurrunt per Extrav. 2. de sepultur. in communib. in locis in quibus hæc extravagans recepta est, excommunicationem Papæ reservatam, nec solum facientes, sed etiam efficaciter fieri mandantes aut consulentes. In hoc Regno, aliisque pluribus locis ea pœna non est recepta: passim enim & citra scrupulum exenterantur etiam à timoratis personis defunctorum corpora, hoc est viscera eorum eruantur, ne corpus tam citò fœteat & corrumpatur, possitque commodius aliò transferri. *ἔντερον* vox Græca nihil aliud significat, quàm viscera & intestina: Græcumque *ἐντερίζων* nihil est quàm intestina de animali eximere, & metaphoricè medullam de planta eruere. Et ait Raphaël Tobię 6. *Exentera*, hoc est, eviscera hunc piscem.

IV. *Istam*

IV. Iſtam de infirmis reſignantibus regulam primus ediderat Innocentius Papa VIII. cum hac clauſula, *Reſignaveris ſive ſimpliciter, ſive ex cauſa permutationis*. Sed eam Julius III. oblitavit. Nihilominus tradit Rebuffus p. 3. tit. de infirmis reſignantib. gloſ. 4. valere hanc regulam in caſibus etiam reſignationum, quæ ſunt ad permutanda mutud Beneficia; ſicque judicatum in Curia Pariſienſi die Julii 12. anno 1578. reſert Lepreſtre centur. 2. cap. 39. Bengueus item tract. de canonicis institutionum conditionibus, §. 10. num. 9. aſſerit pariter valere hanc regulam in caſu etiam permutationis Beneficiorum. Addit Rebuffus loco cit. cum qui permutavit Beneficium cum ægro qui intra viginti dies exceſſit, non habere jus priſtinum Beneficium ſuum recuperandi, hac ratione, quia qui cum graviter ægrotante ſic permutat, præſumitur fraudem moliri in præjudicium expectantium & Ordinariorum: neque jura intendere quæmpiam in vitæ conſinio de Beneficiis Eccleſiæ tanquam de hæreditaria portione ac ſucceſſione diſponere, can. *Epifcopo* 1. & 2. & can. *Plerique*, & can. *Moyſes*, 8. quæſt. 1. Præterea huic iſta occasione permutanti imputandum eſt quod ſe ulterò huic periculo expoſuerit, ſiquidem cogitare debuit fore, ut hic moreretur quem videbat ægitudine laborare. Itaque cap. 2. in fine, de renunciat. in 6. de renunciantibus ac permutantibus in fraudem his verbis edicit, *Ut & habita præbenda, & ambita ſimul omnino careant*.

V. Non ſunt Doctores unanimis, valeatne regula de infirmis reſignantibus, quando in reſignatione clauſula iſta inſerta fuit, *vel aliis quovis modo vacet*? Et remedio hujus clauſulæ cellare regulam iſtam, & reſignatario jus acquiri, quanvis intra viginti dies reſignans de eadem infirmitate moriatur, docet Gomeſius ad regulam de veroliſſimi notitia, num. 54. & Paſtor lib. 3. de benef. tit. 2. num. 6. dummodò per fraudem non fuerit cadaver occultatum ad antevertendos omnes per obitum impetraturos. Ex adverſo nullatenus per illam clauſulam impediri hujus regulæ effectum, docet Rebuffus d. tit. gloſ. 14. num. 13. & Charondas, qui libro 1. Pandect. cap. 10. ita fuiſſe judicatum reſert à Senatu Pariſienſi: & Mainardus, qui lib. 1. cap. 59. ſimile proferet Senatuſconſultum Curie Toſolanæ. His accedit ratio. Cum enim tempore reſignationis non vacaret beneficium per obitum, præſum non poſſet voluiſſe Papam conferre Beneficium per obitum dum vivit reſignans, aut voluiſſe conferre Beneficium vacaturum, ſed tantum actû & de præſenti vacans per ſolam reſignationem. Aliud quidem juris eſſet, ſi poſt mortem reſignantis Papa reſignatarium illum de eodem Beneficio provideret tanquam per mortem vacante, dummodò jus alteri non fuerit antea quaſitum; ſic enim fieret ut taliter proviſus vero titulo niteretur, & non irritæ & caduæ reſignationis.

VI. In Regno Gallie illi viginti dies non ſolent computari à die præſtiti per reſignatorem conſenſus, ut vult iſta regula; ſed à die admiſſiæ per Collatorem reſignationis. Atque ita sæpius in Supremis Regni

Curiis judicatum testantur Boërius quæst. 358. & Rebuffus d. tit. glos. 10. num. 10.

VII. Quid si sanus aliquis resignaverit, & post resignationem in morbum incidit, cujus vi decesserit intra viginti dies ab ipsa resignatione computatos? Isto casu non est huic locus regulæ expressis verbis dicenti: *Si quis in infirmitate constitutus resignaverit*. Valebit itaque resignatio. Rebuffus d. tit. glos. 2. n. 2. & 14.

VIII. Regula ista etsi expressè dicat, *Si Beneficium quavis auctoritate conferatur per resignationem sic factam*, non admittitur intra Regnum Galliarum in resignationibus quæ fiunt coram Ordinariis, sed ad eas solas restringitur quæ fiunt coram Papa vel Legato. Idque firmatur innumeris Supremarum Galliarum Curiarum judiciis, quibus ab Ordinario in vim resignationis provifus exclusit provifum per obitum qui contigerat intra viginti dies factæ in morbo resignationis. Sic tradunt Gallicani Authores Papo lib. 3. Placitorum, tit. de infirmis resign. 2. art. 2. Imbertus in Enchiridio, verb. *Regula Cancell. de 20. dieb.* Duarenus lib. 8. de Benef. cap. 2. §. 5. Chopinus de sacra Politia, lib. 1. tit. 6. num. 3. Charondas lib. 1. Responforum, cap. 19. & lib. 1. Pandect. cap. 10. Peleus lib. 2. action. forens. cap. 10. Louetus lit. 1, cap. 5. Ratio differentiarum hac in re inter Papam & Ordinarios hæc est, quia plus est suspitionis fraudis coram Papa in remotis agente, nec locorum Clericos cognoscente, quam coram Ordinariis exactiorem notitiam habentibus & rerum & Beneficiorum & Clericorum suæ Diocesis. Quæ eadem causa est, cur non sit necessaria in Ordinariorum collationibus expressio cæterorum, quæ provifus possidet, Beneficiorum; quæ tamen omiffio collationem quæ à Papa fit, invalidaret.

IX. Eadem regula nihil obest resignationibus à Rege Galliarum admissis, quando contulit jure Regaliæ. Charondas lib. 1. Pandect. cap. 1. Louetus lit. R, cap. 47.

X. Eidem regulæ non est locus in morte civili, seu capitis diminutione resignantis. Rebuffus ad hanc regul. glos. 11.


XI. Observanda sunt verba Regulæ, *De ipsa infirmitate decesserit*. Si enim in infirmitate resignans novo occurrente casu decesserit, sive gladio, sive veneno, sive laqueo, sive rina aliqua post paucos dies, ipsa valebit resignatio, quia de ipsa infirmitate non decessit. Itaque duo probanda sunt ad excludendum resignationis effectum: primò defunctum resignasse tempore infirmitatis suæ: secundò de eadem infirmitate interivisse intra viginti dies ab admiffa resignatione diem. Rebuffus dict. glos. 11.

XII. Quid verò juris, si resignatum fuerit dum febris intermittebat, ut fit in tertianis & quartanis febribus? Ritè declarat Rebuffus gloss. 2. num. 6. ad hanc regul. hanc procedere regulam, sive febris continua sit, sive intermittens ac interpolata: licet enim accessus intermiserit, perdurat tamen habitus morbi quandiu morbificus humor persistit intra corpus. Neque

Neque refert si tempore resignationis fuerit levis febricula, quæ non existimabatur periculosa; sufficit enim si secundum verba regulæ decedat ex ea infirmitate: & plerumque mors sequitur ex infirmitate quæ principio levis, deinde ingravescit. Ibid. num. 5.


XIII. Summus Pontifex potest huic regulæ derogare, idque facere solet ad resignatarii petitionem, ita ut in Gallia quoque Regno istiusmodi admittatur ob Papæ derogationem resignatio. Rebuffus ibid. gloss. 2. à num. 24. ad 27. Charondas lib. 1. Pandect. cap. 12. Etiam in mensibus Graduatorum nominatorum. Rebuffus d. gloss. 2. à num. 27. ad fin. Charondas lib. 1. Respons. cap. 20. & lib. 1. Pandect. cap. 12. Papo d. tit. de infirm. resignant. 2. art. 5. Chopinus l. b. 1. de sacra Politia, cap. 5. num. 5. Quin etiam valet derogatio ista in præjudicium Indultariorum Curia Parisiensis, ut ex multis supremis Iudicii affirmat Bengeus de canonicis institutionum conditionibus. §. 10. num. 14. Omnis enim res per quas causas constituitur, per easdem dissolvitur, cap. 1. de regul. jur. Ejusque est dissolvere cujus est & ligare, l. Si puella, D. de sponsalib. Et nihil tam naturale, quam eodem genere quodcumque dissolvere, quo colligatum est, l. Nihil tam naturale, D. de regul. jur. Igitur cum Papa jus condiderit, potest etiam circa idem jus ex æquitate dispensare.

XIV. Circa hoc tamen sciendum est, non esse locum derogationi aut dispensationi regulæ de viginti diebus in præjudicium ejus Ordinarii qui Cardinalitatis dignitate præminet. Docent enim Louetus litera C, cap. 5. Bengeus de canonicis institutionum conditionibus, §. 10. num. 17. & 18. & tit. de variis mod. acquir. benef. §. 10. num. 22. & 23. inquit fuisse inter Paulum Papam IV. & Cardinales, ut in eorum ordinariæ collationis præjudicium neque Papa, neque Legatus dispensare valeant circa regulam istam. Idemque affirmant indultum istud ac privilegium Cardinalium admissum fuisse & insinuat in Magno Regio Consilio. Etenim immunitate digni sunt quos lateris Supremi Principis comitatus exornat, l. unica, Cod. de Præpos. labor.



CAPUT XX.

Prosequutio caterarum Regularum Cancellaria in Gallia vigentium.

I.  IM habet pariter in Regno regula de publicandis resignationibus, sic statuens: Item Dominus sic statuit & ordinavit, quod quacumque Beneficia Ecclesiastica, sive in Romana Curia, sive extra eam resignata (nisi de illis facta resignationes, si in eadem Curia, intra

B b 3

sex

sex menses à data supplicationis, & non præstiti consensus computandos, si verò extra dictam Curiam facta sint, intra mensem, ex tunc ubi talia Beneficia consistunt, publicata fuerint, vel possessio illorum ab eis quos id contingit, petita fuerit) si resignantes ita postmodum in eorundem Beneficiorum resignatorum possessione decesserint, non per resignationem, sed per obitum hujusmodi vacare censentur. Collationes quoque, & alia quavis dispositiones illis tanquam per resignationem vacantibus factæ, & inde sequuta nullius sint riberis, vel mome ti. Obierva cum Flaminio l.b. 2. de resignation.b. quæst.2. num.12. & cum Azorio part.2. lib.7.cap.24. quæst.4. verba ista, *A data supplicationis, & non præstiti consensus computandos*, fuisse huic regulæ ex postfacto addita per auctoritatem Pii IV. & Pii V. & Gregorii XIII. Antea enim concertabatur inter Doctores, undenam esset istud semestre inchoandum: de qua re apud Gomeium longissima extat disputatio, antequam verba illa essent huic regulæ addita.

II. Ratio regulæ istius est, ut evitetur multiplex collatio, quæ fieri pollet ex ignoratione præcedentis, de qua agitur, resignationis & collationis. Præterea ut populo innotescat quis sit ejus Pastor, aut quis Ecclesiæ Minister, ad quem ubi fuerit, recurratur. Est enim utrimque mutux cognitionis officium, ut pastor suas oves agnoscat, juxta illud Prover. b. 27. *Diligenter agnosce vultum pecoris tui: & oves pastorem simul agnoscant & sequantur*, dicente Domino nostro, Joan. 10. *Ego sum pastor bonus, & cognosco oves meas, & cognoscunt me meæ, & sequuntur me.* Alia item regulæ hujus causa est, ut evitentur illæ resignationes, quæ idè occultè fiabant, ut resignanti facilis esset ad dimittendum Beneficium regressus. Huic dispositioni conformantur subsequenæ Constitutiones Pii IV. & Pii V. in Gallia receptæ contra simoniacam confidentiam.

III. In Gallia tempus sex mensium, aut unius mensis hac regula præstitutum computatur à die admittæ resignationis, & non à die præstiti à resignante consensus. Papo lib. 3. tit. *Ad regul. de publicand. resign.* 1. art. 4. Charondas l.b.1. Pandect. cap.12. Potest verò id tempus à Papa prorogari ad partis petitionem, etiam in Galliis. Boënius decis. 312. Pag9 d. 68. tit. art. 5.

IV. Quia verò dum Rex Franciæ confert per Regaliam, confert tanquam Ordinarius, provisiones ab eo concessæ publicandæ sunt intra mensem, ut sæpillurè judicatum fuit à Magno Consilio Regio. Charondas lib.1. Pandect. cap.12. Resignatio quoque à Legato admittæ publicanda similiter est intra mensem. Charondas lib.1. responsorum, cap.18.

V. Liquet ex illis regulæ verbis, *ubi talia Beneficia consistunt*, fieri debere publicationem in loco Beneficii, sive fiat in ipsa Ecclesia, præsentem populo, sive in foro, sive in publico auditorio, ad præsentiam sive Clericorum, sive Magistratum, sive Edituorum, quos vulgus Maticularios & *Marguilliers* appellat, sive multorum de plebe: has enim singulas publicandi

blicandi formas admittit & probat Rebuffus p. 3. tit. *Ad regul. de public. resignat.* glos. 10. Et si sit impedimentum ex peste, bello, aut ex ipsius oppositæ Partis factione, vel ex iusto metu, fieri potest publicatio in vicinia, juxta cap. *Quosdam*, & cap. *Quarto*, de præsumption. Rebuffus d. loco, num. 9. Ritus & forma publicationis hæc est communior & certior, si Notarius convenienti & publico in loco, præsertim (si fieri commodè potest) in Ecclesia, spectante & audiente multitudine, voce elatâ dicat, resignationem talis Beneficii à tali factam fuisse admissam à Papa, vel Legato, vel Ordinario, qui talem de hoc Beneficio providit; idque scripto constare, quod habet ad manum. Deinde publicationis istius actum expedit sua manu & duorum saltem testium subscriptione communitum.

VI. Non est huic regulæ locus si resignatarius suam purgaverit moram, ipsamque resignationem publicaverit etiam post semestrem, vivente adhuc tamen resignante. Papæ loco cit. art. 6. Charondas lib. 1. responsorum, cap. 21. Bengeus de canonicis institutionum conditionibus, §. 10. num. 23. & 24. Ad hoc verò requiritur ut ista publicatio diem mortis resignantis præcesserit. Licet enim ante obitum facta sit publicatio moræ purgativa, si tamen eodem die facta sit primum publicatio, & mox insequuta fuerit mors ipsa resignantis, nihil proderit talis publicatio, & invalida censebitur, juxta Charondam loco cit. & Rebuffum ad tit. de publicand. resignat. gloss. 13. num. 10. & 11. Quod si aliter quàm per resignationem Beneficium vacet, non est necessaria ista publicationis solennitas, quam jus requirit in solis resignationibus ut necessariam.

VII. Quæritur utrum huic regulæ locus sit, non solum in simplici resignatione, verum etiam in Beneficiorum permutatione? Probabilior est apud Doctores Gomeſii responsio affirmativa, & apud Doctores Gallicanos receptior: cui evidens ratio suffragatur, quia permutatio nihil est aliud, quàm geminata & reciproca Beneficiorum resignatio. Quod autem in uno præscribitur, idem peræquè in pluribus statuendum, l. *Singularia*, D. si cert. per. Secundò, quia regulam istam paret idè esse sancitam, ut occurratur fraudibus, quæ in resignationes clandestinas irrepunt, ne scilicet resignantes post admissam resignationem in Beneficium resignatum se denuò ingerant, & ne faciliùs minimè ad se pertinentis Beneficii munia & fructus sibi vendicent, nè Prælati in dignoscendis subditarum Ecclesiarum Ministris decipiantur ac errent; & ne circumveniantur plebes in recipiendis Sacramentis ac ministeriis Beneficio annexis. Fit etiam fraus habentibus Expectativas, dum expectato in quod jus habent Beneficio frustrantur, quod proprietarii obitu jam vacare potuit, dum intrusus illud occupat. At verò eadem, imò majora emergunt incommoda, utpote duplicata, in permutationibus clandestinis.

VIII. Quæritur utrum hæc eadem procedat regula in Beneficiis pariter commendatis?

commendatis? Approbamus Gomezii responsionem quæsit. 4. distinguentis inter commendas ad tempus certum limitatas, & eas quæ concessæ sunt ad vitam, seu perpetuas. Primæ sunt ad Ecclesiæ utilitatem institutæ: secundæ non ad Ecclesiæ, sed Commendatarii emolumentum. Istæ titulis aequiparantur, & publicandæ sunt; non verò primæ.

IX. Præterea quæritur, an eadem regula vim habeat in Consistorialibus Beneficiis? Placet negativa Gomezii responsio quæsit. 5. Cum enim istius generis Beneficia in Consistorio ad præsentiam Principis renuntiantur, satis ea ratione publicantur, argumento legis *Omnium*, C. de testam. *Omnium*, inquit, *testamentorum solennitatem superare videtur, quod infernum merâ fide precibus, inter eos nobiles, probatasque personas, etiam conscientiam Principis tenet.*

X. Quavis autem regulæ contextus loquatur disjunctivè, *si resignationes publicata fuerint, vel possessio ab eis quos id contingit, petita fuerit*; quæ causa est ut Gomezius comment. in hanc regul. affirmet alterum ex his duobus sufficere: Praxis tamen Gallicana hoc exigit, ut utrumque sejunctim fiat, scilicet publicatio resignationis, & sumptio possessionis, ut admovent Rebuffus in suis ad hanc regulam commentariis, & cum eo Bengueus loco citato. Et utique in Regno Galliæ tempus præfixum ad sumendam possessionem non est unius mensis aut semestris, sicut ad publicandam resignationem, sed triennii. Publicatio itaque fit per publicam literarum exhibitionem, atque insinuationem apud acta publica, & petitionem possessionis Beneficii, ut ibidem Rebuffus observat. Sed si ad publicandum aut exhibendum in loco ubi situm est Beneficium, non sit tutus accessus, aut apud Ordinarium, aut si Capitulum nolit admittere, sufficere eo casu publicatio & protestatio facta apud Notarium cum duobus aut tribus testibus, quæ in tabulas publicas redigatur. Ita statuit Gallicum Edictum de parvis Datis, art. 13. juxta Rebuffum ad hanc regul. glos. 9. aliosque Gallicanos Jurisconsultos.

XI. Agendum nunc de Regula Cancellariæ de annali possessore, sic statuente: *Item sanctus Dominus noster, ut improbi motus lites exquirentium reprimantur, voluit & ordinavit, quod quicumque Beneficium Ecclesiasticum tunc per annum immediate præcedentem pacificè possessum, & quod certo modo vacare prætendit, deinceps impetraverit, nomen, gradum & nobilitatem possessoris ejusdem, & quod annis ipse possedit, & specificam & determinatam, ex qua clarè constare possit quod nullum ipsi possessori in dicto Beneficio jus competat, causam in hujusmodi impetratione exprimere, & intra sex menses ipsum possessorem in judicium evocari facere, causamque ex tunc desuper infra annum usque ad sententiam definitivam inclusivè persequi debeat & teneatur. Alioquin impetratio prædicta, & quæcunque inde sequuta nullius extent firmitatis, & idem impetrans de damnis & interesse possessorem prædictum propterea contingentibus ei satisfacere sit adstrictus.* Regula ista nullum annali possessori jus attribuit, vel titulum, nec eundem

eundem à peccato (si quod contraxit) exiit : sed ei tantum suppeditat exceptionem adversus actorem , atque repulsam , si quæ hinc mandantur non servaverit . In quo differt à regula de pacifica triennali possessione , quæ novum jus ac titulum impertit , ne quis deinceps litibus divexari possit , cum annalis possessor hoc unum habeat , ut non ei lis intentetur , nisi servatis ab actore præfatis conditionibus .

XII. Regula hæc procedit in collationibus à Papa vel à Legato factis , non autem ab Ordinariis , ut docet Gomeſius in hanc regulam , q. 9. & Azorius p. 2. lib. 7. cap. 34. quæst. 5. Huic quoque regulæ Papa & Legatus derogare possunt per has clausulas : Quod verus vacationis modus pro expresso habeatur : aut , Quod major expressio non obstante dicta regula suppleatur .

XIII. Quod verò eadem Regula statuit , ut intra sex menses possessor in jus vocetur , & ut intra annum lis terminetur usque ad sententiam definitivam , diversa his est Gallicana Praxis ex Caroli IX. Edicto Aurelianiensi , art. 4. & Henrici III. Edicto Blesensi , art. 46. itemque Melodunensi , art. 17. Scilicet ut contra devoluntarium lis intentetur intra tres ab adepta possessione menses , electo prius ab actore domicilio , & data , consignatave pro litis sumptibus satisfactio : atque ut intra biennium lis instruat , alioquin repellatur actor . Qui tamen excusabitur si legitimum inter- venerit in prosequenda lite impedimentum , aut si reus non petierit satisfdari ante litis contestationem . Hæc enim exceptio , sicut reliquæ dilatoria aut declinatoriæ , in ipso litis limine apponenda est , l. final. C. de exceptionib.

XIV. Exploranda nunc est Regula de triennali possessore : *Voluit & ordinavit Dominus noster , ut si quis quæcumque Beneficia Ecclesiastica , qualiacumque sint , absque simoniacò ingressu , ex Apostolica vel Ordinaria collatione per triennium pacifice possederit , si se non intruserit , super hujusmodi Beneficiis molestari nequeat , necnon impetrationes de Beneficiis sic possessis factas , irritas & inanes censi decrevit .*

XV. Hæc ipsa Juris dispositio habetur pariter in Concordatis initis inter Leonem Papam X. & Franciscum I. Galliarum Regem , tit. de pacificis possessoribus . Cæterum non juvatur hoc privilegio Regularis Clericus qui seculari Beneficium triennio pacifice possederit . Illa namque triennii possessio non potest statim & incompatibilitatem mutare Beneficii , ut multis & solennioribus Senatusconsultis judicatum referunt Montolonus cap. 122. Brodeus ad Louetum lit. B, cap. 12. Pastor lib. 3. tit. ult. num. 25. Despeisseus tit. 11. sect. 3. num. 6. Idemque statuendum de Seculari , qui triennio regulare Beneficium possederit in titulum , nisi status Beneficii fuerit annorum quadraginta præscriptione mutatus , cap. *Cum de Beneficio* , de Præband. in 6.

XVI. Olim jus Regaliæ ab hac Regula liberum erat ; reservatio enim

C c

vacantis

vacantis in Regalia Beneficii durabat annos triginta, secundum Constitutionem Ludovici XII. atque ita docent veteres Francici Jurisconsulti Rebuffus, Papo, & alii. Verum successit Edictum Henrici IV. anni 1606. quo Regula ista ad Regaliam extenditur, & declaratur provisum quemque post triennii possessionem tutum esse contra Regalistas. Vide Brodeum ad Louetum lit. V, num. 2.

XVII. Ad triennium istud pacificæ possessionis non potest conjungi tempus præcessoris cum tempore successoris; ut si hic biennio possedit, non potest conferre ad suum biennium annum possessionis præcessoris sui: quanvis in possessionibus rerum profanarum conjungi soleant ex juris dispositione tempora duorum successivè possidentium, ad complendam præscriptionem. Ratio hujus differentie in promptu est, quia in materia profana possessor jus habet à suo auctore, idèque utitur accessione temporis ejus, l. Pomponius, §. Cum quid, D. de acquir. possess. At in Beneficiis possessor jus habet non à præcessore, sed à Collatore; ideoque amborum tempora jungi non possunt. Ita docent Glossa Pragmaticæ Sanctionis, tit. de pacif. possess. Gomesius in regulam istam, quæst. 13. Mainardus lib. 1. cap. 64. Rebuffus tract. de pacif. possess. num. 321.

XVIII. Qui simoniacè Beneficium accepit, non juvatur istà Regulâ, cum expressè talem excludat. Imò verò qui per alterius simoniam, quam ignorabat, provissus fuit, statim atque resciverit, tenetur sic acquisito Beneficio se abdicare, can. *Presentium*, 1. quæst. 5. cap. *Ex infirmatione*, de simon. Attamen Gomesius ad hanc regul. quæst. 12. & Rebuffus tract. de pacif. possess. num. 243. & Riccius decil. 225. affirmant simoniacè provissum sine sua notitia vel culpa gaudere privilegio triennalis possessoris, cum habeat cum bona fide titulum coloratum. Cæterum cum ipsa regula generaliter & indistinctè excludat simoniacum ingressum, crediderim potius non posse juvari nisi decennii possessione, secundum Mainardum lib. 1. cap. 58. Charondam in suis observat. ad regul. Cancel. ad verbum *Beneficium*, & lib. 1. responforum, cap. 44.

XIX. Si quis ob justum impedimentum, cum vellet, non potuerit istam interrompere triennem possessionem, quale est tempus hostilitatis, captivitatis, epidemix, diutini morbi; ei tamen subvenitur ut triennem possessionem possit iudicio convenire, dummodo triennio illo vel semel de suo jure & intentione protestatus sit eo modo quo potuit, sive coram ipsa Parte, sive coram Judice loci per Notarium cum duobus testibus: quæ protestatio ipsi Parti intimanda est, nisi publica impediatur calamitas; alioqui enim non interromperetur triennalis præscriptio, cap. *Causam*, de elect. & l. *Cum quidam*, D. de appellation. His suffragantur Bononiensis Concordata, tit. de pacif. possess.

XX. Si quis à me permutatum Beneficium evincat, potero alterum à me per commutationem abdicatum Beneficium, etiam à triennali pacifico.

cifico possessore repetere, juxta cap. *Si Beneficia*, 20. de præbend. in 6. Duarenus de Benef. lib. 7. cap. 12.

XXI. Sine titulo saltem colorato præscriptio ista triennis jus nullum tribuere valet, juxta concordata Bononiensia, tit. de pacif. possess. His consonat cap. 1. de regul. jur. in 6. Beneficium Ecclesiasticum non potest licitè sine canonica institutione obtineri. Possessio itaque illa triennis non attribuit titulum, sed illum roborat, qui alioquin invalidus esset. Titulus verò coloratus est, qui speciem habet justì & canonici tituli; sed tamen per se inutilis est, & inefficax ad juris attributionem, propter aliquod juris impedimentum. Et sine titulo, vel justo & canonico, vel saltem colorato, triennis possessor habetur pro intruso. Papo lib. 8. placitorum, tit. 9. Antonius Faber in suo Codice, lib. 1. tit. 2. definit. 5. Ut discernatur titulus coloratus à non colorato, qui sanè ad hujus Regulæ beneficium non pertineret, Gomefius ad hanc regulam, quæst. 27. sapienter asserit, possessionem illam titulo niti colorato, ubicumque defectus non inest in conferente; sed si conferens caret potestate, nullum fore titulum coloratum, sed prorsus irritum ac inanem, ut si conferens sit læicus, aut si sit Episcopus alienus, tunc ab illo provisus censetur intrusus, neque poterit istius Regulæ præsidio juvari. Idem docet Rebuffus tract. de pacif. possess. num. 45. * In summa Rebuffus tract. de pacif. possessor. num. 206. & seqq. docet, spurium, læicum, foeminam, digamum, conjugio alligatum, hæreticum, corpore vitiatum, Clericum sæcularem regulari, aut regularem sæculari Beneficio provisum, homicidam, excommunicatum, aliosque irregulares non posse juvari regulis sive annalis, sive triennis possessionis pacificæ. Non enim jura Ecclesiastica illos intendunt favoribus prosequi, & à gravioribus irregularitatibus eximere, quas eadem jura iis qui graviorum delictorum rei sunt infligere. Hæc eadem docet pariter Azorius part. 2. lib. 7. cap. 35. Et prorsus indignum ac perniciosum esset, si Prælati cum gravissimo Ecclesiarum scandalo tolerare cogerentur quoscumque procaces, irregulares, scandalosos & incorrigibiles, in ipsius etiam sacrationibus Sanctæ Ecclesiæ ministeriis.]

XXII. Alia receptissima, utpote manifestam referens æquitatem & justitiam, Regula Cancellariæ est de non tollendo jure alteri quasito: quâ sancitur, ut si Papa aliquam Præbendam à se alicui adhuc viventi collatam alteri de novo conferat, nec ille cui priori contulit, fuerit juridicè depositus, secunda ista collatio prorsus irrita sit. Et conformatur juri communi, quo rescriptum secundum ab aliquo in uno eodemque negotio obtentum in præjudicium antecedentis rescripti ab altero obtenti, invalidum sit, & præsumatur indubitanter subreptitium, cap. *Ceterum*, de rescript. cap. *Cum olim*, de sent. & re judic.

XXIII. His subjungimus in Gallia quoque receptam Cancellariæ Regulam de verosimili notitia, quæ collationem vacantis per obitum Beneficii


neficii reddit invalidam, si inter obitum & collationem non interfuerit sufficiens intervallum ad habendam obitus notitiam, eamque collatori notificandam. Et procedit hæc Regula in quibuscumque collationibus, tum Apostolicis, tum Ordinariis. Deselva 3. p. quæst. 46. Renatus Chopinus libro de sacra Politia, cap. 3. num. 16. & Philippus Decius consil. 398. Alioqui nulla est collatio: & valet Regula ista non solum in vacatione per obitum, sed etiam in vacatione per sententiam depositionis aut privationis: à qua sententia, quemadmodum & à momento obitus, decurrere incipit tempus verosimilis notitiæ, habita ratione locorum distantia.

XXIV. Ne fraus ulla huic Regule fiat, cautum fuit Edicto Francisci I. anno 1539. ut in Ecclesiæ tabulario conscribatur dies sepulturae defuncti Beneficiarii, cui subscribat Parochus, aliisque Superior Ecclesiæ, necnon Publicus Notarius, art. 50. & 51. Jubet insuper art. 54. domesticis defuncti Beneficiarii sub poena corpori infligenda, ut Ecclesiæ sincerè significant diem ac horam obitus. Ac ipsis corporis recelatoribus laicis poenæ mortis indicit. Clericos autem cadaveris recelatores, aut recelationis cooperatores & confcios excludit penitus à quibuscumque defuncti Beneficiis, mandatque Judicibus ut multas pecuniarias eisdem infligant, art. 55.



* C A P U T XXI.

De jure Præventionis: de partibus Supplicationis beneficiæ, & de Signaturis.

I.  OTESTATE gaudet Summus Pontifex in collatione Beneficiorum Ecclesiasticorum quoslibet Ordinarios præveniendi; aded ut si ambiguum sit quamnam fuerit prior provisio, an Papæ, an Ordinarii circa idem pluribus collatum Beneficium, præferentis quidem ille sit qui prior inivit possessionem. Sed si hoc quoque ipsum sit ambiguum, aut si neuter possessionem adivit, præferendus ille sit, qui à Majori, hoc est Apostolica Sede provisionem habuit, cap. Si à Sede Apostolica, de præbend. in 6. Jus istud omne aboleverat Concilium Basileense, & in eo procusa Sanctio Pragmatica, tit. de collation. §. Item circa, eo quod omnia referret ad electionem, & non ad unius arbitrium. Sed per Concordatum jus istud præventionis revixit, tit. de Mandatis Apostolicis, §. Declarantes.

II. Hoc idem jus Ordinarios præveniendi competit pariter Legatis Apostolicis in provinciis sibi commissis, d. cap. Si à Sede Apostolica. Sed
non

non extenditur ad Nuncios Apostolicos, nisi mittantur cum potestate Legatorum à latere. Gloss. in d. cap. *Si à Sede Apostolica*.

III. Cessat præventio si coram Ordinario res inchoata sit, quanvis nondum integra; ut si coram eo Beneficium resignatum sit, necdum collatum; aut si ab eo collatum sit Beneficium vacans, sed is cui collatum est, siue per absentiam, siue alia ex causa, nondum acceptaverit, cap. *Si tibi absenti*, de præbend. in 6. Debet verò intra tempus ab Ordinario præfixum acceptare, sed non ultra semestre, alioqui jns devolvitur ad Superiorem. Et si ab Ordinario intra sex menses collatum fuerit incapaci Beneficium, vel contra formas juris, non recurritur ad Papam, neque ad Legatum, jure præventionis, sed ad proximum Superiorem jure devoluto.

IV. Patronus Laicus intra tempus præsentandi præveniri non potest, sed potest à Papa præveniri Ecclesiasticus Patronus cum derogatione pro illa vice. Tempus præfixum Patrono Laico ad præsentandum est quadri-mestre, Ecclesiastico autem semestre, cap. unico de jurepatron. in 6. Sed si Patronus intra debitum tempus Ordinario præsentaverit, non admittitur ulla præventio, quanvis sit juspatronatus Ecclesiasticum, cui potest Papa vel Legatus derogare. Summa ratio est, quia præventio non procedit quando jam res fuit inchoata, quanvis nondum integra, seu ad perfectum adducta. Louetus lit. P, num. 15.

V. Graduati etiam postquam insinuaverint, nondum tamen Beneficium vacans petierint ac requisierint, possunt à Papa præveniri. Rebuffus in Concordatum, tit. de Mandatis Apostolicis, §. *Statutum*, Brodeus ad Louetum lit. P, num. 43. Sed postquam Graduatus requisierit coram Ordinario, nullus est præventioni locus, ut sanxit Ludovicus XII. Edicto anni 1498. artic. 14. Quia scilicet res alibi jam inchoata fuit. Requisitio porro heri debet à Graduato intra semestre, quo elapso non amplius audietur. Rebuffus tra&t. Nominatum, quæst. 17. num. 3.

VI. Indultarii eodem jure potiuntur quo Graduati; à summo enim Pontifice præveniri possunt etiam post insinuationem indulti sui, sed nullatenus postquam Beneficium vacans requisierint. Debet verò Indultarius Beneficium vacans requirere intra menssem à die notitiæ vacationis, ut præventionem excludat. Clement. unica, de concess. præbend. quo loco Gloss. in verb. *Intra menssem*, dicit terminum mensis invaluisse de stylo, & more Curie. Papo lib. 2. placitorum, tit. 6. Conceditur tamen semestre ad conferendum.

VII. Ordinarii collatores, si Cardinalitia dignitate præfulgeant, non possunt à Papa vel Legato præveniri, juxta Indultum eis privilegium à Paulo IV. quod fuit in Magno Regio Consilio Lutetie publicatum & receptum, ut scribit Louetus lit. C, num. 15. Chopinus de sacra Politia, lib. 2. cap. 6. num. 1. Hujus Indulti verba latè se extendunt. *Non possunt, inquit, Sancte Romana Ecclesia Cardinales præveniri in Beneficiis ad collationem*

eorum conjunctim vel divisim, nominationem, electionem, presentationem, institutionem, & aliam quancunque dispositionem pertinentibus. Ex his itaque infertur, quod à præventionem servatur juspatronatus etiam Ecclesiasticum, ubicumque Cardinalis potest instituere. Item quod Capitulis & Monasteriis quibuscumque servatur immune à præventionem jus eligendi & conferendi, quoties idem cum eis conjunctim jus competit Cardinali. Atque in his magis dignum trahit ad se minus dignum, suoque roborat & exornat privilegio, cap. *Quod in dubiis*, de consecr. Eccles. & l. *Qua religiosi*, D. de rei vindicat. & l. *Quæritur*, D. de stat. hom. * Istud verò Eminentissimorum Cardinalium privilegium, ut in collatione Beneficiorum præveniri non possint, hoc ipso quo hæc scribo anno 1684. judicio Amplissimi Regii Consilii confirmatum fuit, vacante per Curionis obitum Pelissana Parochia. Abbas Montis Majoris ad eam Ecclesiam tanquam Patronus primum nominavit Moriesum Sacerdotem, deinde Jacobum Michaëlem. Moriesus nominationis suæ schedulam Vicelegato Avenionensi obtulit, Michaël verò Aquisfextiensis Archiepiscopo Hieronymo Grimaldo Sanctæ Romanæ Ecclesiæ Cardinali, qui ipsum conjunctim cum Metropolitano instituit; Moriesus autem à Vicelegato Literas retulit collationis ejusdem Parochiæ. Inde inter ambos lite mota coram Supremo Regis Consilio, adjudicata est Michaëli Parochia Pelissana, Moriesus autem in omnes expensas damnatus die 25. Septembris, anno 1684. hac addita ratione, quia intra sex annos vacans Beneficium, adversus indultum Cardinalibus privilegium præveniri non potest, etiam coram Papa, siue Cardinalis solus conferat, siue cum Capitulo conjunctim; minus enim dignum à digniore secum conjuncto trahitur & elevatur.]

VIII. Non admittitur præventio tam Papæ quàm inferiorum collatorum, ubi statuto, consuetudine, vel privilegio jus conferendi divisum est inter Episcopum, vel Abbatem & Capitulum, vel inter Papam & Episcopum aut Abbatem; & alternatim, aut per turnum, ut dicunt, seu per vices fit collatio, ut est usus in Britannia Armorica provinciâ Gallicana, ubi Papa collatione Beneficiorum potitur solus, quæ mensibus octo vacare contingit; Ordinarii verò conferunt reliquis quatuor anni ejusdem mensibus, ut ait Chopinus lib. 1. de sacra Politia, tit. 7. num. 21. Similes quædam mensium anni partitiones circa collationes Beneficiorum aliis quibusdam in locis vigent inter Papam & Ordinarios, ita ut sese invicem prævenire non possint. Gonzalez ad regul. de alternativa, gloss. 10. n. 30. Mohedanus decis. 72. de Præbendis.

* IX. Plerumque fit, ut Clericus dum extrema conflictatur ægritudine successorem sibi quærat, beneficium in illius favorem resignando apud Papam vel Legatum, & deinde moriatur necdum expletis viginti à renunciatione diebus: interim verò provideat Ordinarius de eodem Beneficio per obitum; sed non multò post perlatis à suprema Sede provisionibus
in

in favorem resignatarii, cum dispensatione à regula viginti dierum, nascatur litigium inter resignatarium & provisum per obitum, utri ex duobus sit Beneficium adjudicandum? Joannes quidem Papo lib. 2. Placitorum, tit. 8. art. 15. Pastor lib. 2. tit. 7. num. 4. Rebuffus in Praxi Benefic. ad regul. de infirm. resignant. gloss. 14. num. 6. & 7. idemque tract. de pacific. possessor. num. 391. unanimes adstruunt præferendum esse resignatarium à Papa, Legatove provisum, ob superioris Sedis prærogativam, conformiter ad cap. Si à Sede, de præbend. in 6. His adtipulantur pleraque Senatufconsultula; Rebuffus enim profert in tract. de pacific. possessor. Parisiense anni 1542. in vigilia Sancti Matthæi Apostoli, quanvis in illa causa provisum per obitum ab Episcopo constaret eam retulisse provisionem horâ sextâ matutinâ, eodemque die (sed nihil de hora constaret) resignatarius fuisset à Summo Pontifice promotus. Papo quoque tribus aliis nititur Senatufconsultis, uno Tolosanæ Curie, duobusque aliis Curie Burdigalensis, uno quidem Maii 23. anno 1514. altero Februarii 1. anno 1532. Sanè ubicumque certò non constar admissam esse à Summo Pontifice resignationem mortuo resignante, jura præsumunt fuisse ab eodem admissam, illo adhuc vivente.

X. Cæterum ubi liquidò constaret de opposito, nulla esset habenda ratio Pontificiæ provisionis, quantumvis in ejus Literis appositâ foret clausula, *Vel aliter quocumque modo vacet Beneficium*; sed prævaleret provisio per obitum ab Ordinario facta, ut rectè docet Rebuffus in Praxi, loco cit. num. 13. hac ratione, quia tempore resignationis Beneficium non vacabat per obitum: ergo non videtur, neque præsumitur, Papam per obitum contulisse, qui nondum contigerat; aut intendisse Beneficium conferre vacaturum, sed tantummodò vacans, juxta cap. 1. de concess. præbend. quo viventis Beneficium conferri prohibetur: totaque illius clausulæ vis ad eum dumtaxat extenderetur effectum, quo prætenderetur incapacitas ad id Beneficium in persona resignantis ob contractam excommunicationem, irregularitatem, aliudve impedimentum.]

XI. Sive jure præfato præventionis, sive jure devoluti, sive ex necessitate dispensandi recurratur ad Papam aut Legatum in causis beneficiariis, contextenda primum est in scriptis supplicatio, in qua desideratur Collatoris aut dispensatoris signatura. Primum quidem in supplicatione fit rei, de qua Collator certificandus est, narratio; proponitur deinde supplicis desiderium, & subjiçuntur demùm clausulæ ad effectum gratiæ quæ postulatur necessariæ. Collatori ante omnia notificatur supplicis persona nomine proprio & cognomine, loco originis, diocesisque, & Clericaturæ ac Ordinum, si quos habet, designata. Hoc tamen ultimum de Ordinibus non est semper necessarium, ut neque Nobilitatis, aut Gradus Doctoratus, alteriusve licentiæ expressio, nisi fortè petitum Beneficium hujusmodi qualitates requirat.

XII. Hoc

XII. Hoc tamen in genere præmonendum duco, quod error nominis, aut falsa demonstratio, quæ contingere faciliè in supplicationibus possunt, non efficiunt, modò satis de re, vel persona constet, cap. *Significante*, de rescript. & l. *Falsa demonstratio*, D. de condition. & demonstr. l. *Patronus*, §. 1. D. de legat. 3. & l. *In venditionibus*, D. de contrahend. empt.

XIII. Si petitur rescriptum in forma gratiosa, non verò in forma pauperum, debent necessariò in supplicatione sigillatim exprimi cetera Beneficia, quibus supplicans est provisus; dignitasque, & valor eorum, quantulacunque sint, cap. *Ad aures*, de rescript. cap. *Si motu proprio*, de præbend. in 6. Glossa Pragmaticæ Sanctionis, tit. de collation. §. *Item quod universitas*, Rebuffus in Praxi, tit. *Formæ novæ provisionis*, Louetus lit. B, num. 3, sive orator de Beneficiis illis provisus sit in titulum, sive in perpetuum commendam; non est enim necesse exprimere commendam ad tempus, cap. *Postulasti*, de rescript. Insuper necesse est ut exprimat orator Beneficia sibi collata, quorum provisionem nondum accepit, nisi eum probabilis ignorantia facti excuset. Debet pariter Beneficia quibus spoliatus fuit, exprimere, si spes ei affulget postliminii; sed non ea, quibus per Judicis sententiam depositus fuit, si sententiæ acquieverit. Felinus in cap. *In nostra*, de rescript. alioqui subsequens collatio impugnari poterit ut obreptitia.

XIV. Præstimonium verò, si qua habet, non tenetur exprimere, neque pensiones Ecclesiasticas quas habet, etiam ad vitam; hæc enim propriâ Beneficiorum appellatione minimè comprehenduntur. Rebuffus tract. de pacif. possell. num. 133. Nec etiam tenetur exprimere Nominations, Expectativas, aut Indulta, per quæ jus habet ad Beneficium acquirendum; hæc enim non attribuunt jus in re, sed solum ad rem, neque Beneficii appellatione censentur. Neque obstat, quod istorum expressione potest fieri difficilius Collator ad annuendum; non enim omnia quis tenetur exprimere quæ remoram aliquam possent ingerere, sed sola illa quorum reticentia invehit juris impedimentum.

XV. Sed si rescriptum, vel signatura petitur in forma pauperum, debent non solum exprimi sigillatim quæcumque aliquis habet Beneficia, sicut requiritur in forma gratiosa communi, sed præterea quæcumque pensiones, præstimonium, Beneficia manualia, hoc est, quæ ad nutum Superioris adimi, & in alios transferri possunt; itemque Indulta, Nominations, præsentationes ad futura Beneficia. Præterea ipsum oratoris patrimonium exprimi necesse est; alioquin erit obreptitium rescriptum, utpote contra formam privilegii & Collatoris intentionem obtentum, cap. *In nostra*, & cap. *Postulasti*, de rescript.

XVI. Multis tamen casibus etiam in gratiosa concessione non exprimitur Beneficiorum expressio, aut certè omiſſa suppletur. Primum si collatio fiat

fiat à Papa motu proprio, ac sine prævia supplicatione, cap. *Si motu* 23. de præbend. in 6. & Clement. *Si Romanus*, eod. tit. Quæ enim Papa per se ac motu proprio largitur, arguunt ejus propensum & benevolum animum dispensandi super formis Juris, & ut concessum sponte à se Beneficium sit permanens, cap. *Decet*, de regul. jur. in 6. Verumtamen si per concessionem factam motu proprio Papæ concurrant duo simul incompatibilia Beneficia, non censetur voluisse in isto canonico impedimento dispensare. Neque etiam quando provisus est inhabilis, dispensari præsumitur ab inhabilitate per istiusmodi proprium motum. Ancharanus consil. 137. Decius in cap. *Ad aures*, de rescript. Rota decif. 112. in novif.

XVII. Secundò in collationibus Ordinariorum Prælatorum Papæ & Legato inferiorum non exigitur aliorum Beneficiorum expressio. Clement. unica, de offic. jud. ordin. Quia præsumunt Jura de Ordinariis, quod Clericos sibi subditos, & sibi subjectarum Ecclesiarum statum accuratè cognoscant. Id verò non præsumitur de Papa vel Legato, ob ipsorum districtus amplitudinem.

XVIII. Tertio si collatio fiat à Rege jure Regaliæ, non desideratur aliorum Beneficiorum expressio. Rex enim his regulis non adstringitur. Joan. Galli quæst. 170.

XIX. Quarto si Beneficium petatur ex causa permutationis, reticentia exterorum Beneficiorum nihil nocet impetranti, Joan. Galli ibid. Quia cum præcedenti Beneficio se abdicet, non augetur numerosiore quàm antea Beneficio apud Papam. Tutius tamen sibi consulat, si cætera recenscat Beneficia, ad præcavendum etiam cavillationes & injusta litigia.

XX. Si clausula apponatur in Signatura, quod obstantia oratori habeantur pro expressis, poterit omissio ista suppleri in Bullis, modò jus non sit alteri quæsitum. Et ista clausula de stylo Curie in Signaturis apponi solet.

XXI. Sextò justa & probabilis ignorantia facti impetrantem excusat, ut si Beneficium tacuerit quod nondum acceptaverat, & sibi collatum ignorabat. Id exprimit cap. *Gratia*, de rescript. in 6. Juris autem ignorantia, & procuratoris culpa minime excusant. Gloss. in cap. *Si motu proprio*, de præbend. in 6.

XXII. Septimò Beneficium alteri Beneficio unitum, ut est Præbenda Canonici unita. Expressio enim principali veniunt accessoria. Rota decif. 19. in antiquis. Rebuffus in Concord. tit. de collationib. §. 1. Deselva p. 3. quæst. 17.

XXIII. In supplicatione debent explicari qualitates vacantis quod petitur Beneficii, locus, diocesis, ritulus, redditus annui, si Beneficium sit curatum, aut non, si Dignitas, si Personatus, si sit Ecclesiæ Cathedralis, cap. *Ad aures*, de rescript. cap. *Quamvis*, de præbend. in 6. Erronea tamen annui valoris expressio nihil nocet, & juxta styllum Curie sufficit

D d expressio

expressio communis valoris. Idque præsertim obtinet in Gallia, ubi Regula de exprimendo valore creditur introducta ad taxandas annatas, quæ non recipiuntur in Galliæ Regno, nisi quoad sola Beneficia Consistorialia. Si dixerit orator esse Beneficium curatum, quod tamen est simplex, non obstabit hic error; quia Papa illud facilius contulisset ut simplex, cum contulerit ut curatum. Rota decif. 563. in antiquis.

XXIV. Quando Beneficium est jurispatronatus, id exprimi in supplicatione necesse est, sive sit jurispatronatus Ecclesiastici ac Clericalis, sive Laicalis. Ratioque est, quia juri laicali Papa non derogat, can. *Decernimus*, 16. quæst. 7. Juri verò Clericali non præsumitur velle derogare, nisi hoc fuerit in supplicatione expressum & postulatum, cap. *Dilectus*, de offic. Legat.

XXV. Mentio quoque facienda est obstantis consuetudinis, Statuti, Indulti, & si Beneficium sit electivum aut reservatum, sive generali, sive particulari reservatione. Rota decif. 257. in antiquis. Alioquin enim Papa non censetur his voluisse derogare, cap. *Cum in illis*, de præbend. & cap. *Cum in aliquibus*, de rescript. in 6. Item si Beneficium pertineat ad familiarem Papæ vel Cardinalis, id necesse est exprimi, quia Cardinalibus indultum est ut de Beneficiis familiarium suorum provideant. At Papa non censetur velle derogare reservationibus, indultis, aliisque privilegiis, nisi fuerit expressum.

XXVI. Si Beneficium datum sit in commendam, facienda est oratori qui petit de eo provideri, Commendæ mentio, sive illa sit ad tempus, sive ad vitam. Alioquin non censetur Collator velle commendam revocare, & Commendatario præjudicare. Deselva p. 3. quæst. 11. num. 14.

XXVII. Si petatum Beneficium sit regulare, & supplicator sit Secularis; aut ex adverso, si Regularis petat Beneficium seculare, hoc discrimen est necessariò in supplicatione exprimendum. Cum enim hæc ambo Canonibus prohibeantur, nunquam censetur Collator his voluisse derogare, nisi contrarium per disertam horum impedimentorum expressionem comprobetur. Idemque statuendum, si Regularis regulare quidem Beneficium, sed diversè à suo Ordinis ac instituti, sibi postulet conferri, cap. *Cum de beneficio* 5. & cap. *Cum singula* 31. §. *Prohibemus*, de præbend. in 6. Non enim confundenda sunt diversorum Ordinum aut Monasteriorum jura, & singuli Monachi suis Monasteriis sunt adscripti.

XXVIII. Ordinarii provident Ecclesiis nullà supplicatione potestà. Papæ verò, vel Legato necesse est fieri in scriptis supplicationem. Ordinarii item provident expeditione Literarum, in quibus præmissò proprio nomine & dignitate, salutant nominatim Clericum provisum cum suis qualitatibus designatum: ejus bonos mores & habilitatem commendant, quibus meritis adducti Beneficium seu Ecclesiam expressione tituli & loci & modi quo vacat, designatam prænominate conferunt cum suis omnibus juribus &

& pertinentiis. Quapropter omnibus & singulis personis Ecclesiasticis, necnon publicis Notariis & Tabellionibus mandant ut præfatum provifum factò accessu ad eandem Ecclesiam inducant in Beneficii possessionem, amoto quolibet injusto detentore. Denique clauduntur Literæ clausulâ istâ: *In quorum omnium & singulorum fidem præsentem literas collationis & provisionis fieri, & per Secretarium nostrum infrascriptum subscribi & publicari fecimus ac mandavimus, nostrique sigilli magni jussimus appensione muniri. Datum Aquisectionis, die 6. Martii, anno 1650. præsentibus testibus Joanne Luvo Presbytero, & Petro Ruino mercatore, vocatis testibus ad præmissa. Ludovicus Breithus Archiepiscopus Aquensis. De mandato Illustrissimi Domini Archiepiscopi: Jacobus Faber Secretarius.*

XXIX. At verò apud Papam vel Legatum circa Gallicana Beneficia jus solâ Signaturâ quæritur, quæ ad supplicationem apponitur, & scribitur in papyro sine ullius sigilli appositione. Cæteris verò in locis servanda est Cancellariæ regula 28. declarans Signaturam sine Bulla nullam facere fidem. Ipsa verò Bulla scribitur in membrana, & sigillo munitur. Sed in Gallia non recurritur ad Bullas post obtentam Signaturam, quæ sufficit apud nos ad Beneficii possessionem impetrandam, & sic evitantur magni sumptus. Veruntamen ad Consistorialia Galliarum Beneficia Bullæ necessariæ sunt.

XXX. Ad evitandam falsitatem vel fraudem novissimè constitutum fuit Ediçto Ludovici XIV. mensis Aprilis anni 1667. ut nulla fides habeatur Signaturis, Bullis, aliisque Romanæ Curie expeditionibus, nisi verificatæ sint duorum Nummulariorum, sive Expeditionariorum certificatione ad ipsum originale scripta, tit. 15. art. 8. ejusdem Ediçti.

XXXI. In Gallicano foro istud usu receptum est, ut si Datarius latitet, aut librum Datarum exhibere recuset, neque velit parvam datam postulanti concedere, ipsa ejus evasio & negatio pro Data sumatur, modò de recusatione illius constet per assertionem sive Apostolici, sive Regii Notarii, duobus testibus roboratam. Pastor libro 2. de Benefic. tit. 1. num. 5.

XXXII. Jus verò illud per Datam quæsitum conditioni subjacet, Si impetrans intra præfinitum tempus oblatâ supplicatione, signaturam Collatoris, & gratiam obtineat; cujus conditionis defectu fit caducum. Id tempus olim mense finiebatur apud Legatam, & quatuor mensibus apud Sanctissimum. Sed hodie in Gallia non nisi bimestri desinit apud Legatam, & semestri apud Papam, juxta Regis Henrici II. Constitutionem, quâ tempus insinuationis Literarum Beneficialium eodem spatio circumfcribitur. Rebuffus lib. 1. Praxis, tit. de parva data, num. 3.


XXXIII. Insuper caduca fit Data morte impetrantis, aut capitis diminutione, quæ est juridica infamia, aut superveniente excommunicatione. Data quippe ipsa nihil attribuit juris in re, sed tantum ad rem,

quemadmodum simplex electio, aut Patroni presentatio. Idcirco ante signaturam obtentam impetrator Datæ nihil prorsus agit cedendo, aut in alterius gratiam renuntiando. At verò morte Papæ aut Legati, Datæ ab his concessæ non sunt caduæ, quia Dignitas nunquam deperit, cap. *Quoniam*, de offic. judic. deleg. & l. *Quod Principi*, D. de legat. 3. Sed solent literæ à successore expediri, commemoratione facta Datæ anterioris, à qua tempore retroactio vires sumunt: quemadmodum Papæ aut Legato mortuo post Signaturam concessam, literæ solent à successore expediri juxta tenorem Signaturæ, in forma, *Rationi congrui*.



CAPUT XXII.

*Recensentur ea qua post provisionem Beneficii
facienda sunt.*

- I.  O S T habitam de Beneficio provisionem debet curare provissus, sive à Papa vel Legato, sive ab Ordinario, ut hæc provisio inseratur in Acta publica apud Tabularia illa, quæ Gallicè vocantur *Greffes des insinuations*, stabilita ab Episcopis intra suas Dioceses, juxta Edictum Henrici II. anni 1553. art. 1. Et si quando iisdem provisionibus duo plurae diversis in Diocesisibus sita Beneficia collata fuerint, fieri debet insinuatio, Gallicè *l'Enregistrement*, in tabulariis totidem diocesium, quot fuerit collata dissita hujusmodi Beneficia, ut ibid. edicitur, art. 2. Hæc verò insinuatio, si provisio fuerit expedita in Romana Curia, faciendâ est intra sex menses à die provisionum computandos, d. art. 2. Sed si facta sit provisio per Legatum, vel Ordinarium, debet insinuari intra duos menses, art. 4. ejusdem Edicti. Sed si provissum fuerit de Beneficio in ipso loco ubi constitutum est illud insinuationum Tabularium, necesse est fieri hanc insinuationem intra dies octo ab ipsis provisionis data, d. art. 4. Theveneus scribens in hoc Henrici II. Edictum sapienter admonet, non idcirco vacare Beneficium, si intra præscriptos illos temporum terminos omiſsa fuerit insinuatio, sed facillè istam purgari moram depromendo ex Cancellaria Regias restitutionis Literas adversus temporum lapsum.

II. Secundo loco curandum est, ut publicetur resignatio facta in Curia Romana intra sex menses, facta verò extra Curiam Romanam intra unum mensem à die resignationis admittæ, secundum Galliæ Praxim, quanvis alibi, juxta quod exprimitur in Regula de publicandis resignationibus, computandum sit utrumque, & mensis, & semestris tempus à die, seu à Data ipsius

ipsius supplicationis, ut suprà monui, cap. 20. num. 3. Si verò extra Curiam Romanam facta sit resignatio, computandum est spatium unius mensis, quemadmodum & in collationibus quæ à Rege fiunt per resignationem tempore Regaliæ, aut quocumque tempore quoad illa Beneficia quæ Rex pleno jure confert. At verò si aliter quàm per resignationem Beneficium vacet, sive per mortem, sive propter delictum, sive per defectum promotionis ad Ordinem requisitum, sive alio quovis diverso à resignatione modo, nullus erit huic publicationi locus.

III. Tertiò is qui provisionem Beneficii impetravit, tenetur antequam possessionem adeat, se proprio Prælato præsentare, ut est Episcopus, aut hoc absente Vicarius Generalis, ad subeundum examen, & obtinendum quod vocant *Visa*, vel Annexam. Testatur Oliva lib. 1. placitorum, cap. 16. & ex eo Despeisseus, fuisse declaratam irritam Beneficii provisionem in eo, qui hac neglecta obligatione possessionem Beneficii adiverat. Ibidem Oliva scribit, & post eum Despeisseus, judicio supremi Tolosani Senatus fuisse decretum eum, quem alibi provisum, putà in Romana Curia, noluit Ordinarius suus admittere ad examen, aut concedere *Visa*, posse recurrere ad quemvis Episcopum, ad evitandas graviore impensas, neque adstringi ad recurrendum ad Superiorem, putà Metropolitanum aut Primatem. Verumtamen foret hæc licentia pessimi exempli, omnemque hierarchicum ordinem susdeque everteret. Quis enim talem consulit potestatem alieno Episcopo erga Clericum sibi non subditum? Quidquid verò sit de illo unico Tolosano Senatusconsulto, nullatenus illud trahi debet ad jura & consuetudinem, sive Regni, sive Tolosani districtus; neque fas est Catholico & sapienti viro tantam perversionem approbare, aut in exemplum proponere. Idque perinde esset ac si actor, cui suus immediatus Judex superiori tribunali subalternus non satisfaceret, cum ex Juris ordine posset ad Tolosanum Senatum appellare, prætereret longiores moras & impensas, eoque prætextu attentaret provocare ad alterum sibi commodiorem Judicem subalternum, qui neque in ipsum actorem, neque in Judicem, de quo conqueritur actor, ulla polleret jurisdictione. Aded necesse est, ut cum magna discussione & maturitate, præsertim verò in Ecclesiasticis causis judicia procedant. Porro examinis ad provisionem Beneficiorum tanta est necessitas, ut Edictum Molinense Caroli IX. anni 1566. jubet articulo 5. ipsos quoque Graduaros ab Universitatibus nominatos, in quibus illi Gradus susceperunt, examinari ab Ordinariis antequam de beneficiis provideantur. Ista processus pars dicitur *Visa*, quia ex officio testatur Prælatum visum à se atque examinatum Beneficii impetratorem aut petitem. Et si contingat istum à Prælato rejici ut incapacem, nec iste velit huic repulsæ acquiescere, debet provisus à Papa vel Legato, aut etiam is qui petit à suo Ordinario de aliquo Beneficio provideri, actum repulsæ ab eodem petere, ut sibi per appellationem provideatur. Debetque Ordinarius

D d ;

petitum

petitum actum concedere, causasque suæ repulsæ allegare speciatim, ut Superior ad quem provocatur, causas repulsæ agnoscat, & his discussis de appellatione pronunciet. Id sancitur Edicto Blesensi ab Henrico III. artic. 13. Sed quum Ordinarius proprio motu aliquem promovet ad Beneficium, non opus est examine, neque id fert consuetudo; non enim nisi benè notos & probatos eligit ad regimina Ecclesiarum, ut non sit opus eos de novo discutere.

IV. Quartò edenda est à proviso professio fidei in manus Ordinarii, quæ postmodum in actis publicis insinuetur. Et si agatur de Dignitate, Personatu, Officio, vel Præbenda Ecclesiæ Cathedralis vel Collegiata, iteranda erit similis professio fidei coram Capitulo. Hæc præcipit Concilium Trident. sess. 24. cap. 12. de reform. & memorata Constitutio Blesensis art. 10. Facienda verò est ista fidei professio à præsentē autē aditam possessionem, ab absente autem duobus saltem mensibus post sumptam possessionem.

V. Quintò provisos debet solenniter in possessionem mitteri, alioqui nulla erit & irrita provisio, juxta dictum Henrici II. anni 1550. art. 13. Quicumque vi Regiæ Nominationis obtinere provisionem in Romana Curia, non possunt in possessionem mitteri Beneficiorum istiusmodi Consistorialium in vim Bullæ Pontificiæ, sed necesse habent præterea obtinere Literas magni Sigilli Regii, mandantes Judici Regio loci, aut cui alii ibi designato, ut provisum in possessionem inducat. Quia ex causa vulgò dicitur in Gallia, Plumbum nihil valere sine cera. Hæc verò commissio non antè decernitur, quàm ex quo Regio Consilio constiterit, Bullam provisionis nihil oppositum continere Regis intentioni aut Ecclesiæ Gallicanæ privilegiis. Hæc verò solennis aditio possessionis necessaria est, quanvis Prælati provisum investierit per traditionem pilei aut pennæ: quod genus investituræ est quidem initium possessionis, quæ postmodò publicè compleri debet. Rebuffus in Praxi, p. 1. tit. de collationibus, n. 10. & 11. & tit. de mission. in possess. num. 6.

VI. Missio in possessionem fieri debet per Clericum ejusdem Diocesis, adjuncto Notario cum duobus tribusve testibus, qui fidem scripto faciant, juxta Henrici IV. constitutionem. Eaque sit per ingressum in Ecclesiam, summationem aquæ benedictæ, osculum ad Altare majus, contactum Missalis, sessionem in stallo, sonitum campanæ, quanvis aliqua ex his solennitatibus sufficere queant, nec omnes simul requirantur. Ubi verò non conceditur ingressus Ecclesiæ, sufficit contactus seræ vel forium. Rebuffus in Praxi, tit. de mission. in possess. passim. Quod verò attinet ad Beneficia quæ ad Capitula vel Collegia nullatenus pertinent, publicari solet possessio ad Missam Parochialem, vel etiam in foro, in platea publica, in causam publico auditorio, quorum unum sufficit præsentē Clerico Diocesis, qui in possessionem ianmittat cum Notario & testibus, adhibita scrip-

turâ

turâ debite subscriptâ. Acta porò possessionis sunt insinuanda ac referenda in Archivum Ecclesiasticum, juxta memoratum Henrici II. Edictum anni 1550. art.6. 13. & 14.

VII. Cum verò additio possessionis non sit actus personalis, indifferens est ut fiat aut per provisorum, aut per procuratorem. Rebuffus d. tit. de mission. in possell. num.44. Atque absenti confertur possessio Beneficii vel Ecclesiæ potest, cap. *Accedens*, de præbend. Quin etiam jure civili acquiritur possessio per alterum potest, non modò absenti, verùm etiam ignoranti, l. 1. C. de acquir. vel retin. possell.

VIII. Si obtenta provisio vitietur aliquo defectu, ob quem reddi posset inutilis, impetrandum tunc est à Papa rescriptum *Perinde valere*, quo provisio invalescit perinde ac si non intervenisset ille defectus. Ejus enim rescripti vis retrahitur etiam ad gesta præcedentia, eisque valorem conciliat. Rebuffus in Praxi, p. 2. tit. de rescripto Etiam, & *Perinde valere*, num.2. & 3. Hoc tamen rescriptum non aliis, quàm iis quos expressit, defectibus medetur. Itaque rescriptum ab eo obtentum qui minor est, & illegitimè natus, si solum exprimit natalium defectum, non verò minorem ætatem ejus qui prosequitur curatum Beneficium; nequaquam reparabit defectum minoritatis. Rebuffus d. tit. num.38. & 39. Et si occurrant alii defectus, ut cæcitas, dementia, nequaquam hoc rescripto refarciuntur, ibid. num.14.

IX. Si plures de eodem Beneficio provisivi fuerint, & lis inter eos ageretur, impetrari possunt Literæ subrogationis, ut alter in alterius locum & jura subrogetur per cessum aut decessum utriuslibet horum, ex Cancellariæ regula 27. ad succidendas lites excogitata, quæ ab exurgentibus novis adversariis possent in infinitum crescere & propagari. Hac Regula reservatur Beneficium colliganti conditionaliter, si petat subrogari intra mensem numerandum à die mortis, si Beneficium vacat per obitum; si verò vacat per cessum, à die præstiti consensus. Quo fit ut si aliquis tertius intra id tempus provisorius fuerit de eodem Beneficio per cessum vel decessum possessoris, vel institutus fuerit ad patroni præsentationem, atque intra idem tempus colligans petierit subrogari, hujus subrogatione provisio tertii irrita fiat ipso jure; addò ut neque possit convalescere morte, vel cessione, vel depositione subrogati. Quia obstat regula ista, *Quod ab initio non valet, tractu temporis non convalescit*. Gomesius ad Regul. de subrog. colligant. quest.10. & 13. Colligantium subrogatio non ab alio fieri potest quàm à Papa vel à Legato, à quibus tam in signatura, quàm in rescriptis clausula subrogationis inferitur. Huic Regule 27. Cancellariæ suffragatur cap.1. & cap.2. ut lite pend. nihil innov. in 6.

X. Hæc Regula sic intelligenda est, teste Rebuffo in Praxi, p. 2. glof.3. in regul. de subrogand. collig. quod si colligans intra mensem à die quo alter colligans cessit vel decessit, petierit in jura cedentis, vel defuncti;

defuncti subrogari, sit omnibus aliis præferendus, tametsi alii impetran-
tes fuerint in Data priores. Idemque tit. de subrogationib. num. 13. docet
consuetudinem receptam hanc esse, ut Regula ista prodesse indifferenter
valeat tam actori, quam reo seu defensori: quanvis cap. 2. ut lite pen-
dent. in 6. prohibeat ne in jus petitoris aliquis subrogetur, sed tantum
defensoris.

XI. Et licet vindiciæ, seu possessio Beneficii fuisset defuncto adju-
dicata, tamen saltem in Gallia possessio illa non continuatur ad subroga-
tum, juxta legem *Cum hæredes*, D. de acquir. possell. quæ luculenter dicit
jura omnia defuncti ad hæredem transire, sed non possessionem, quia hæc
simul cum defuncto interit; & sic opus esse ut hæres adeat de novo posses-
sionem hæreditatis. Rebuffus d. tit. de subrog. colligitant. num. 27. Qui
idem num. 28. testatur hanc esse in Gallia praxim, ut post subrogatio-
nem rescripto Summi Pontificis obtentam intra mensem, impetrentur
quoque intra annum literæ Regiæ ad ineundam possessionem jure subro-
gationis: hac ratione, quia Rex & Regii Judices cognoscunt in Gallia
de omni possessoria; & quia aliunde Interdicta possessoria anno termi-
nantur ac perimuntur, l. 1. in princ. D. uti possidetis; & l. *In honorariis*,
D. de obligat. & action. Et si quis per Literas Regias non petierit &
prosequutus fuerit intra annum hanc in Beneficio subrogationem & pos-
sessionem, nullâ poterit restitutione adversus hunc anni lapsum juvari, ut
multis Gallicanis Senatusconsultis probat Papo lib. 8. placitorum, tit. 7.
§. 3. 4. & 5. Hinc annus decurrere incipit à die notitiæ provisionis; sed si
non probetur anterior notitia, computabitur saltem à die initæ possessionis:
ibid. §. 5.

XII. Quando duo provisi sunt de eodem Beneficio, potest alter ho-
rum novam provisionem impetrare in clausula & forma ista: *Si alteri jus
non sit quæsitum*. Nihil enim impedit plures titulos accumulare, ut unus
alteri suppleat. Atque in hac forma necesse est ab oratore in supplicatione
exprimi litigantium nomina, statum & qualitatem Beneficii, statum
quoque ipsius causæ, cum vacationis modo. Felinus in cap. *Nostra*, verb.
Titulus, de rescript.

XIII. Sed si inter duos, pluresve collitigantes novus adversarius
exurgat, poterit etiam admitti sub clausula ista: *Si neutri, vel Si nulli jus
sit quæsitum*. Aded ut his causâ cadentibus, Tertius iste subrogetur; sed
si quid juris habent, Tertius iste submoveatur. Non enim rescriptis suis
intendit Papa quæsito alterius juri præjudicare, cap. *Quavis*, de rescript.
in 6.



C A P U T XXIII.

*Diversi quidam vacationis Beneficiorum modi
discutiuntur.*

I. **D**E X P E N D I M U S hujus libri capite 8. spectabiliora Beneficii acquirendi impedimenta : isto nunc capite tractationem suscipimus præcipuarum causarum, quæ vacationem Beneficiorum inducunt, quarum una est subsequens matrimonium. Ex quo enim provius de Beneficio matrimonium contraxit, vacat Beneficium ipso jure & facto, cap. 1. & cap. *Diversis*, & cap. *Cum decorem*, de Cler. conjng. Nec obstat quod isti Canones dicunt, Clericos qui uxores duxerunt, esse compellendos ad Beneficia dimittenda; id enim de dimittenda possessione dicitur, non de dimittendo Beneficio jam per matrimonium contractum dimisso.

II. Ut huic vacandi modo locus sit, debet esse matrimonium per verba de præsentis contractum, quod Ratum vocant; non enim sufficiunt sponsalia de futuro: Canones enim loquuntur de uxoribus dictis, & matrimoniis contractis. Nec requiritur ut nuptiæ fuerint consummatæ, cum id Canones minimè requirant. Ranchinus decisionum p. 5. conclus. 96. & 463. Rebuffus in praxi, p. 1. tit. *Requis. ad collat. bon.* n. 55. & p. 3. tit. *Regula de public. resignat.* glos. 18. n. 45.

III. Vacant præterea ipso jure beneficia ejus, qui in Episcopum electus & confirmatus, & in possessionem missus, tandemque consecratus est, aut saltem tempus exegit, quod Jus ad consecrationem requirit, cap. *Cum in cunctis* 7. §. *Cum verò*, de election. Tempus autem illud ad consecrationem Episcopi requisitum est triennium mensium, can. *Quoniam*, dist. 100. Concilium Trident. sess. 23. cap. 2. Hæc autem vacatio de quibuscumque Beneficiis intelligitur, Dignitatibus, Personatibus, Officiis, Beneficiis curatis, simplicibus, in Titulum, in Commendam, Quin etiam hoc jus ad pensiones extendunt Garcias p. 11. cap. 6. & Gigas de pensionib. quæst. 56. Sed hoc minus probabile est: pensiones enim non comprehenduntur nomine Beneficiorum, de quibus solis loquitur dictum cap. *Cum in cunctis*. Potest autem Papa cum novo Episcopo dispensare super ista præcedentium Beneficiorum vacatione. Gloss. in can. *Si quis*, verb. *Translatus*, 21. q. 2.

IV. Vacant præterea ipso jure Beneficia ejus, qui per solemnia Religionis vota professionem legitimam emittit, nimirum liberè, & legitima ætate, & post annum probationis, & coram legitimo Superiore, cap. *E c* Beneficium

Beneficium, de Regularib. in 6. Non enim licitum est cuiquam duplici fungi militia, & duobus cingulis ac stipendiis mereri, l. *Hic quidem*, C. qui milit. non poss. lib. 12. Nec sufficit ad Beneficiorum vacationem sumptio & gestatio religiosi habitus citra veram professionem. Quin etiam in Gallia non sufficit tacita professio, sed requiritur expressa, & in scripturam ab ipso proficiente subscriptam redacta. Cùm enim Constitutio Molineus sub Carolo IX. art. 55. nullam admittat religiosam professionem etiam testibus & plurium annorum habitus gestatione probatam, nisi de eadem per scripturam à proficiente subsignatam constet, monachus in Regno Franciæ professus non excidit juribus pristinis quoad forum externum circa possessa beneficia & successiones, nisi scripto ejus professio completa fuerit. Brodeus in Louetum lit. B. cap. 12. Despeissus tract. de Benefic. tit. 11. sect. 5. num. 2.

V. Queritur si professus Regularis ad sæculum redcat, an possit dimissa Beneficia recuperare? Distinguendum hic est; si enim post legitimam & validam professionem, etiam postea cum eo Papa dispensaverit, etiam ob causam legitimam, qualis est notabilis infirmitas, exeat licite de monasterio, non potest nihilominus antea liberè dimissa Beneficia recuperare: quin etiam inhabilis manet ad quævis sæcularia Beneficia aut pensiones super illis obrinendas, nisi ad hæc etiam fuerit expressè per Papam rehabilitatus. Rebuffus tit. de dispensatione cum Regularib. Existit enim verè Religiosus, & ita incapax est Beneficii secularis, imò & regularis alterius Ordinis quàm ubi professus fuit, cap. *Cum singula*, §. *Prohibemus*, de præbend. in 6. Atque hoc statuendum ad primum distinctionis membrum.

V I. Si verò redeat professus ad sæculum ob nullitatem seu invaliditatem suæ professionis juridicè probatam & declaratam, eo casu si alia non obstant impedimenta, capax est suscipiendi Beneficia & pensiones, potestque bona temporalia & pristina Beneficia, pensiones, aliaque spiritusalia jura quæ per invalidam professionem abdicasse visus fuerat, resumere, saltem obtentis in integrum restitutionis Literis. Sanè ob stare huic potest exceptio pacificæ triennalis possessionis; talis enim possessor juvatur titulo, neque potest ipsi vis, aut intrusio, aut simonia objectari, quibus solis frustrari potest triennii pacifici privilegium. Sed si non intercessit triennium, haud dubiè invalidè professo competit jus regressus ad pristinum Beneficium; nullitatem enim professionis comitatur nullitas renunciationis Beneficiorum, pensionum, & bonorum temporalium; cùm omnis hæc abdicatio fundetur in sola professione, quæ prorsus irrita & nulla fuit; sublata enim causâ tollitur effectus, & subverso fundamento corrumpit omne superstructum. Confirmatur etiam hæc decisio his Concilii Tridentini verbis sess. 25. de Regular. cap. 16. *Nulla renunciatio effectum intelligatur sortiri, nisi sequamur professionem*. Igitur cùm nulla fuerit renunciationem consequut

consequenta professio, nullam habet vim præcedens renunciatio. Præterea in collationibus factis ex causa vacationis Beneficiorum ob religiosam professionem, ista juris conditio necessariò involvitur, Si sit valida professio. Huc etiam spectant juris dispositiones & rationes quæ habentur D. de conditione causa data & causa non sequuta, & D. de conditione sine causa, & l. ultima, C. de revocand. donation.

VII. Hoc tamen constanter tenendum, quod si quis invalidè professus redeat in Clerum secularem, & inopiâ laboret, poterit Ordinarius detrachere de fructibus Beneficii pristini, unde per exceptionem triennii pacifici repellitur, moderatam pensionem ad ipsius sustentationem. Pastor lib. 3. tit. 17. num. 6. ad fin.

VIII. Vacat pariter Beneficium Sacerdotio annexum, si provilus ad Sacerdotium integro anno non curaverit promoveri, cap. Cum in cunctis, §. Inferiora, de election. & cap. 1. de ætat. & qual. & ord. præficiend. & cap. Ei qui, de præbend. in 6. & Clement. Ut ii, de ætat. & qual. præfic. & Concilium Trident. sess. 22. cap. 4. & sess. 24. de reform. cap. 12. §. Neminem. His conforme est Edictum Henrici IV. anni 1606. mensis Decembris, art. 1. Itaque electus aut provilus de Beneficio curato, non est necesse ut jam sit actû Presbyter, sed ut possit esse Presbyter intra ipsum annum. Idem juris est circa beneficia quævis Diaconatum, aut Subdiaconatum requirentia. Tridentinum sic statuit in d. §. Neminem. *Neminem etiam ad dignitatem, Canoniciatum aut portionem recipiant Collatores, nisi qui aut eo Ordine sacro sit initiatus, quem illa Dignitas, aut Præbenda, aut portio requirit; aut in tali ætate sit, ut intra tempus à jure & ab hac Sacra Synodo statutum initiari valeat.* Quibus ex verbis perspicue infertur, posse aliquem inchoato ætatis anno vigesimoquarto provideri de Beneficio curato, cùm ex Tridentino Concilio duo ista consent, & anno inchoato vigesimoquinto posse aliquem ordinari Sacerdotio, & insuper tale illi Beneficium conferri qui possit intra eundem annum Sacerdos fieri: & ex consequenti conferri posse tale beneficium illi qui jam annum ætatis vigesimumquartum incepit. Enimverò sess. 24. cap. 12. §. Nemo, sic decernunt Tridentini Patres: *Nemo ad Dignitates quasunque, quibus animarum cura subest, promoveatur, nisi qui saltem vigesimumquartum ætatis annum attigerit.*

IX. Vel igitur Beneficio annexi sunt Ordines simpliciter & absolute, & tunc satis est ut qui providetur in ea sit ætate, ut ad requisitum Ordinem promoveri intra annum possit: aut certè Ordines sunt Præbendis annexi, ut conferri Præbendæ non aliis possint, nisi illis qui jam actû eodem Ordines susceperint, sive jure id exigente, sive speciali statuto, sive consuetudine, sive fundatione; & isto casu talis conferri Præbenda non potest, nisi illi qui jam actû requisitum Ordinem susceperit. Prosper Fagnanus in cap. 1. de ætat. & qual. & ord. num. 52. refert sacram Congregationem Concilii judicasse & declarasse, si ex fundacione Capellaniz

E e 2 cautum

cautum sit ut Rector, seu Capellanus per se Missas celebret, id non ob stare quominus conferri simplici Clerico possit, modò in ea sit ætate ut intra annum fieri Sacerdos possit; sed tamen hoc impedire ne conferri Clerico quatuordecim annorum possit, quæ ætas requiritur à Tridentino Concilio ad minora Beneficia simplicia: adjungo, neque in Gallia Clerico septenni, qui minorum simpliciorum Beneficiorum & Capellaniarum in hoc Regno capax est, dummodò provideatur ut servitium & onus per virum debito Ordine initiatum exerceatur; quatenus qui per alium facit, per seipsum facere videtur, ex regul. juris in d. cap. *Qui facit*.

X. Verumtaxamen in Gallia annus iste promotionis ad Ordinem non incipit dinumerari nisi post annum pacificæ possessionis, aded ut post sumptam Beneficii collati possessionem duo anni excurrant. Sic enim Edictis Blesensibus art. 9. sancivit Henricus III. de Abbatiis & de Conventualibus Prioratibus, ut his provisi se ad Sacerdotium promoveri faciant intra annum. Et mox subjungit: *Et ubi illi post biennium non fuerint Sacerdotio initiati, eo ipso vacabunt, & ab aliis impeirari ejusmodi beneficia poterunt: illi verò tenebuntur fructus omnes perceptos restituere ad pias causas applicandos.* Confirmatur quoque Henrici IV. Edictio anni 1606. art. 1. in fine, his verbis: *Ut habentes Dignitates in Ecclesiis Cathedralibus teneantur sub pena amissionis earum promoveri ad Sacerdotium intra annum à die pacificæ possessionis inchoandum.* Præterea Clement. *Ut ii qui*, de ætat. & qual. & ordin. præf. prærequirit expressis verbis ante annum promotionis ad Ordinem pacificam possessionem. Idque æquitari consentaneum est, ne si contingat Beneficium evinci, is qui possederat, adstrictus hac occasione Ordini sacro cogatur inops, cum status Ecclesiastici dedecore, famelicus, lacerus & mendicans vitam degere; quod evitandum esse docet can. *Diaconi*, dist. 93. Itaque in Gallia Regno primus annus possessionis Beneficii non connumeratur cum anno ad Ordinis sacri promotionem requisito, eoque duorum annorum spatio decurso vacat confestim Beneficium ejus, qui requisitum Ordinem sumere neglexit. Ita docent ex juribus citatis, & ex quamplurimis Gallicanis Senatusconsultis Rebuffus tit. de non promotis intra annum, num. 44. & 45. Papo lib. 3. Placitorum, tit. 15. Bochellus in praxi benef. vers. *An de promotion.* Paltor lib. 3. tit. 16. num. 3. Despeissens tract. de benef. tit. 9. sect. 8. num. 6. Hinc sequitur, Curatum necdum Sacerdotem posse ad finem anni sibi ad sumendum Sacerdotium indulti suam illam Curatam Ecclesiam cum alio Beneficio permutare, ut docet ibid. Rebuffus num. 37. & 38. quia scilicet habet plenum jus etiam nunc in Beneficio, donec integer annus exspiraverit. Idem docet Bengeus tit. quibus mod. vacant vel amittantur benef. §. 3. num. 31. & 32. In omnibus enim temporalibus actionibus, nisi novissimus totus dies impleatur, jus integrum perdurat, nec finitur obligatio, l. *In omnibus* 1. D. de action. & obligat.

XI. Excusat

X I. Excusat tamen ab hac ad Ordinem Sacrum intra annum promotione legitima impossibilitas, ut adversa valetudo, pestis, bellum, captivitas: item dispensatio, quæ potest etiam ex rationabili causa concedi non modò à Papa, sed etiam ab Ordinario. Vide ad hæc d. art. 9. Ediçti Blesensis. Hæc eadem tradit Rebuffus p. 2. praxis, tit. de dispensatione. de non promovendo, num. 1. & 2. & Despeisseus d. tit. 9. sect. 8. num. 10. Quin etiam disertè cap. *Licet canon*, §. *Super residentia*, de elect. in 6. istam in hac ipsa materia specifica dispensandi potestatem Episcopis attribuit, simulque providè admonet, debere ab eisdem provideri de Vicario, qui hoc temporis intervallo assignatà sibi de proventibus Beneficii congruente portione, Curæ ministerium exequatur.

X II. Alius vacationis Beneficiorum modus est incompatibilitas cum altero Beneficio. Quisquis igitur de Beneficio provifus novum postea Beneficium acquirit cum priori incompatibile, alterum horum amittat necesse est. Primitus quidem statuerat Lateranense sub Alexandro III. Concilium, ut taliter provifus amitteret posterius acquisitum Beneficium, cap. *Quia nonnulli*, de Cler. non resid. Sed posterior juris dispositio, quæ nunc viget, satius duxit ut privetur prius acquisito Beneficio, cap. *De multa*, de præbend. Clement. *Si plures*, & Clement. fin. eod. tit. & demùm Concilium Trident. sess. 7. cap. 4. de reform. Potest ipso jure Episcopus prius illud, utpote ipso jure vacans, alteri conferre, d. cap. *De multa*, & cap. *Licet Episcopus*, de præbend. in 6. Ab ista tamen Beneficii vacatione Papa dispensare potest, d. cap. *De multa*; de præbend. Rebuffus in praxi, p. 2. tit. de dispensat. ad plura benef. à num. 26. usque ad num. 35. quo loco docet, posse quoque Episcopum ex rationabili causa dispensare ad plura simplicia Beneficia, sed non ad curata. Invalida porrò est Papæ dispensatio, cujus impetrator omiserit vel unum tenue Beneficium exprimere quod possidet, cap. *Non potest*, in princ. de præbend. in 6. Verumtamen electus in Episcopum; etsi adeptus fuerit novi Episcopatus possessionem, non tamen statim excidit antè habitis Beneficiis etiam incompatibilibus cum Episcopatu, nisi post consecrationem, cap. *Cum in cunctis*, §. *Cum verò*, de election. In aliis verò Dignitatibus aut Beneficiis fit jactura ex incompatibilitate secundùm jus commune statim ab indepta corporali possessione; secundùm autem Galliæ praxim, finito pacificæ possessionis antio, neque opus est ut Collator ad conferendum Beneficium ex incompatibilitate vacans requiratur, vel citetur ejus possessorem; sic enim docent Joan. Andr. in cap. *De multa*, de præbend. num. 10. & Prosper Fagnanus ibid. num. 16. probantque ex hisce Canonis verbis, *Liberè conferat*, idest sine ulla admonitione. Quod idem servari potest in omnibus aliis quoque casibus, ubicumque beneficium quodvis ipso jure vacat, teste Innocentio in d. cap. *De multa*, num. 3. & Fagnanus ibid. num. 16. Si quæras utrum Regula de trienniali possessore faveat huic incompatibilia possidenti? Nego.

Ec 3 cum

cum Fagnano ibid. num. 48. & seqq. eo quodd scienter promotus ad incompatibilia habeatur pro intruso, quem verba Regulæ excludunt à Beneficii triennialis possessione: atque ita refert judicatum à Sacra Congregatione Concilii, & approbatum à Papa hoc judicium die 18. Januarii an. 1587. Quoad porro alteram Regulam de annali possessore, docet ibid. Fagnanus hac juvari possessorem incompatibilium. Ratio est, quia Regula ista nihil intendit, quàm exclusionem novi impetrantis negligentis adimplere, quæ Regula eidem facienda præscribit: neque tamen jus ullum præbet illegitimæ possessioni; quâ sumptâ, statim locum esse vacationi incompatibilium docet Gloss. in d. cap. *De multa*, quæ voces, *post receptionem alterius*, exponit corporalem possessionem. Quin etiam hoc idem disertè sancitur cap. *Licet Episcopus*, de præbend. in 6. & consensit Fagnanus in d. cap. *De multa*, num. 9.

XIII. Beneficia incompatibilia sunt duæ Dignitates, duo Personatus, duo Officia quæ residentiam requirunt, duo etiam Curata Beneficia, duo conformia intra eandem Ecclesiam Beneficia, ut duo Canonicatus; item duæ Vicariæ perpetuæ, regulare quoque Beneficium cum altero seculari. Potest tamen unus & idem simul esse Canonicus & Curatus in eadem Ecclesia. Ista omnia fusè tractat & probat Rebuffus p. 2. tit. de dispensatione, ratione, ætat. in verb. *Incompatibilia*. Usus denique generalis obtinuit, ut duæ sub eodem tecto, seu Ecclesia teneri possint Capellanæ simul.

XIV. Ab hisce incompatibilitatibus excipiuntur Beneficia unita, cap. *Dudum*, de election. cap. *Eam te*, de æt. & qual. & ord. præfic. Excipiuntur pariter commendata Beneficia ad tempus, scilicet sex mensium. Istudque genus Commendæ potest Episcopus conferre ex iusta causa, ut est necessitas, aut evidens utilitas, cap. *Nemo deinceps*, de election. in 6. Rebuffus p. 1. praxis, tit. de commend. num. 29. 30. & 31. Commendam verò perpetuam, seu ad vitam solus conferre summus Pontifex potest. Et in universum Commendatum Beneficium, sive ad semestre, sive ad omnem vitam, non est incompatible cum alio quovis in titulum collato Beneficio, can. *Qui plures*, 21. quæst. 1.

XV. De pluribus Beneficiis simplicibus Doctores in cap. *Extirpanda*, §. *Qui verò*, de præbend. communiter affirmant simul teneri posse per Episcopi dispensationem; quanvis nullam prorsus requiri ob contrariam ubique usitatam consuetudinem, tradat Rebuffus p. 2. tit. de dispensat. ad plur. benef. num. 29.

XVI. Observandum est, etiam si possessione Beneficiorum incompatibilium vacet primum ipso jure, non tamen prohiberi his provisum resignare alterum horum, dummodo jus non fuerit alicui tertio quæsitum. Nam si ex illa secundum jura vacatione Papa vel Ordinarius alteri de primùm adepto Beneficio providisset, jam non relinqueretur resignationi locus.

locus. Aliud verò est vacare Beneficium jure ipso duntaxat, & aliud vacare idem ipso facto. Ubi enim vacat solo jure, potest adhuc Beneficii possessor ipsi renunciare, sive simpliciter, sive in favorem, re adhuc integra, si alius nemo impetraverit. Et hac ratione potest unum resignare, qui plura possidet incompatibilia; potestque similiter resignare re adhuc integra is qui ad Ordines requisitos non est toto anno promotus. Et Episcopus pariter resignare potest beneficia ante Episcopatum adepta. Ubi verò Beneficium vacat ipso facto, non relinquitur novæ renunciacioni locus. Vacat verò ipso facto Beneficium per cessum aut decessum, per matrimonium, per religiosam professionem. His enim casibus involvitur vel expressa, vel tacita renunciatio juris & possessionis præhabiti Beneficii.

XVII. Plura de incompatilibus Beneficiis, & quandonam unius accessu alterum vacet, sive ex jure communi, sive ex jure Gallicano, require superius in hujusce libri titulo *De resignacionibus in favorem*, art. 8. ad finem.


XVIII. Vacationem quoque Beneficii nonnunquam inducunt censuræ, aliæque pænæ Ecclesiasticæ, necnon permulti canonici defectus. Sed de his inferius peculiari libro dissetetur.

XIX. Quando quis sive per resignacionem, sive jure devoluto Beneficium impetrare cupit, consultissimum est ut clausulam ad titulum quem proponit, superaddat istam: *Sive quocumque alio modo Beneficium vacet.* Fortassis enim alius petitor consurget, qui propter alium quemcunque defectum, aut incapacitatem possidentis, sibi Beneficium hoc idem deponat, contendatque, neque potuisse ab illo possideri, neque ab eodem in alterum transmitti; cum nemo plus juris in alium transferre possit, quam ipse habet, cap. *Nemo potest*, de reg. jur. in 6. & l. *Nemo plus juris*, D. eod. ut si erat illegitimè natus, aut aliter irregularis, vel excommunicatus, nec dispensatus quando Beneficium adivit. Nihil autem inhibet ad pleniorē securitatem jura plura accumulare: & quando plures eandem in rem concurrere possunt actiones, una alteram non excludit, & una deficiente, altera jus quæsitum roborat, §. ult. Instit. si quadrup. pauper. sec. dicat. & l. penult. D. de obligat. & actionib. & cap. *Nullus pluribus*, de regul. jur. in 6.



* C A P U T XXIV.

De Electione, simulque de Capituli jure
& potestate.

I.  APITULORUM jura singularia neque prosequi velim, neque si vellem possum, cum sæpenumero contrariis statutis & oppositis consuetudinibus regantur. Sed ea sola attingere mens est, quæ sunt communis juris. Electio facienda est omnibus vocatis & præsentibus, qui possunt commodè interesse. Et si unus, aut alter jus habens suffragii vocatus non sit, ad ejus prosecutionem irrita fiet electio etiam confirmata. Sed eadem valida erit, si non vocatus eidem studio pacis acquieverit, cap. *Quod sicut* 28. de election. Hic ergo casus excipitur ab illa regula juris, *Quod ab initio non valet, tractu temporis non convalescit*, leg. *Quod initio*, D. de regul. jur. Et, *Non firmatur tractu temporis, quod de jure ab initio non subsistit*: cap. *Non firmatur*, eod. tit. in 6. Cessat hæc etiam alia regula: *Ratum quis habere non potest, quod suo nomine non est gestum*, cap. *Ratum*, eod. in 6. Similiter in Jure Civili testamentum patris alioqui irritum & inofficiosum valet, si filius præteritus non conqueratur, l. *Filio præterito*, D. de injust. rupto vel irritato testam.

I I. Absens legitimè impeditur ne possit Capitulo interesse, procuratorem constituere potest de corpore ipsius Capituli in negotio electionis, cap. *Quia propter*, §. *Illud autem*, de election. & cap. *Cupientes*, §. *Insper*, & §. *Electos*, eod. tit. in 6. & cap. *Si quis justo impedimento*, eod. in 6. Valetque hæc illa juris regula: *Potest quis per alium, quod potest facere per seipsum*, cap. *Potest quis*, de reg. jur. in 6. Quanvis fuerit olim Gallix consuetudo, ut absentes vocandi essent ad Capitulum de toto Regno, ut testatur cap. *In Genesi*, de election. Illa tamen consuetudo prorsus antiquata est, nec ullibi servatur, adde ut non vocentur nisi soli qui sunt in civitate vel oppido, in quo Capitulum convocatur: & si secus agendum esset, excideret sæpe Capitulum juribus suis, & per ejus moram aperiretur locus aut præventioni Papæ vel Legati, aut devolutioni ad Superiorem, maxime cùm in electione Vicarii Generalis Sede vacante Capitulum non habeat plusquam octo dies, ut infra docebimus, num. 18.

I I I. In Capitulis sive Cathedralibus, sive Collegialibus, sive Regularibus virorum nemo vocem ac suffragium habere potest, qui non sit Subdiaconus, ut statuit Concilium Viennense in Clement. *Ut ii qui in divinis*

divinis, de ætat. & qual. & ord. & Concilium Trident. sess. 22. cap. 4. de reform.

I V. Triplicem canonicæ electionis formam proponit caput *Quia propter*, de elect. desumptum ex Concilio Generali Lateranensi sub Innocentio III. scilicet per Scrutinium, ut præsentibus omnibus qui debent, & volunt, & possunt commodè interesse, assumantur tres de collegio fide digni, qui secretè & sigillatim vota cunctorum diligenter exquirant, & in scriptis relecta mox publicent in communi, ut is collatione habità eligatur, in quem omnes, aut major & sanior pars Capituli consenserit: vel per Compromissum, quo potestas eligendi aliquibus viris idoneis committitur, qui vice omnium provideant & eligant: vel per Inspirationem, quum sine fraude & vitio omnes communi sensu conveniunt in unam personam, & sic eam eligunt.

V. Cæterum prædictam scrutinii formam quia non satis secreta erat, Concilium Tridentinum abrogavit sess. 25. de Regul. cap. 6. sanciens fieri *deinceps per vota secreta, ita ut singulorum eligentium nomina nunquam publicentur*. Vetat præterea voces & suffragia absentium suppleri. Et addit: *Si verò contra hujus decreti constitutionem aliquis electus fuerit, electio irrita sit*.

VI. Circa electionem Abbatissarum idem Tridentinum sess. 25. cap. 7. sic providet: *Abbatissæ, & Priorissæ, & quocunque nomine præfæta vel præposita appetur, eligatur non minor annis quadraginta, & qua octo annis post expressam professionem laudabiliter vixerit. Quod si his qualitatibus non reperiatur in eodem monasterio, ex alio ejusdem Ordinis eligi possit. Si hoc etiam incommodum Superiori, qui electioni præest, videatur, ex iis quæ in eodem monasterio annuum trigessimum exceßerint, & quinque saltem annis post professionem rectè vixerint, Episcopo vel alio Superiore consentiente eligatur. Duobus verò monasteriis nulla præficiatur. Et paulò post: Is verò qui electioni præest Episcopus, sive alius Superior, claustra monasterii non ingrediatur sed ante cancellorum fenestellam vota singularum audiat vel excipiat. In reliquis serventur singularum Ordinum vel Monasteriorum constitutiones*.

VII. Ex his liquet, Concilium in hoc maximè intendere, ut electiones liberæ omninò sint & secretæ quoad eligentium personas ac nomina, & ut si secus fiat, pro nullis habeantur. Et Suarez tom. 4. de religione, lib. 2. cap. 5. n. 12. refert & sequitur declarationes Congregationis Cardinalium, necnon decisiones Romanæ Rotæ, quibus statuitur nullam fore electionem, si vel unius vocalium nomen etiam fortuito innotuerit. Patia scribit etiam Barbosa ad citata paulò antè Tridentini loca.

VIII. Suffragiorum libertati suffragatur Concilium Lugdunense, cui præfedit Gregorius X. & refertur in cap. *Ubi periculum*, §. *Cæterum*, de elect. in 6. *Quum arbitrium (inquit) vel inordinatus captivus affectus, vel ad certum aliquem obligationis cujusque necessitas adigit, cessat electio, dum libertas adimuitur eligendi*. Et districte prohibetur illis qui electionibus præstant, ne

ff libertatem

libertatem eligentium restringant ad unum de duobus vel tribus, quos proposuerint, eligendum, cap. *Cum terra*, de electione. Quo loco Panormianus ait consuetudinem illam nullâ temporum præscriptione valere posse, quâ Capitulum eligat aliquem ad alterius nutum, nec sit in plena libertate electorum electio ipsa; nam libertas est de electionis essentia, Sylvester hoc idem astringit verb. *Electio* 1. n. 26. Rodericus in quæstionibus regularibus, art. 10. allegat Pii V. Bullam anni 1571. quæ constituit, ut si Commillarius, aliufve qui præest electioni, convictus fuerit quocumque modo impedivisse libertatem eligentium, removeatur ab officio. Idemque Rodericus art. 11. scribit se vidisse tres electiones annullatas, eo quod ii qui illis præfederant, eas restrinxissent ad tres, aut quatuor personas eligendas.

I X. Et certè cùm Sacri Canones electionem irritam & nullam declarent, in qua vel unus vocalium neglectus fuerit appellari, cap. *Quod sicut*, de elect. quantò major erit invaliditatis causa, si plures habentes jus passivæ vocis simul excludantur, ut duo tresve duntaxat ad idem jus admittantur passivi suffragii, & omnium simul vocalium jus & libertas activi suffragii adimatur quoad reliquorum omnium electionem, ut restringatur ad duos, vel tres tantummodò eligendos? Navarra etiam lib. 1. consil. cap. 5. & Manual. cap. 22. n. 51. docet ex metu reverentialem erga personam quæ polleat auctoritate supra vocales, non minùs irritam fieri electionem, quam matrimonium ex solo reverentialem metu contractum. Constitutiones Ordinis Prædicatorum dist. 2. cap. 2. §. 4. prohibent in electionibus proponi à Superioribus certas personas eligendas, & jubent acceptari indifferenter aliarum personarum electiones, si sint idoneæ & suffragii passivi capaces. Rodericus verò Ordinis Franciscanorum loco cit. refert istam sui Ordinis Constitutionem, quod nulla electio possit coarctari; & si fuerit ad certum eligendorum numerum coarctata, sit irrita & nulla, nisi fortè ceciderit electio in aliam non propositam personam.

X. Quod attinet ad electionem per compromissum, tenentur compromittentes electum à compromissario acceptare, si sit idoneus, cap. *Causam*, de electione. in quo agitur de quadam electione quam Moniales sui Episcopum compromiserant.

XI. Procuratores, quales sunt deputati singulorum Conventuum ad Capitulum, sive Generale, sive Provinciale, quantumvis habeant generale mandatum, non possunt compromittere, neque transigere sine speciali mandato, cap. *Per tuas literas*, & ibi Glossa, de arbitris: l. *Mandato*, D. de procurat. l. *Transactionis*, C. de transact. Rebuffus in Concordata, ad fin. tit. de electionis derogatione, refert quadragintaseptem casus, ad quos non potest generale mandatum extendi, atque in his refert compromissum & transactionem. Additque generaliter in omni occurfu difficili & gravis momenti requiri in procuratore speciale mandatum, idque multis testimoniis confirmat.

XII. In omni electione quæ sit per compromissum, duo hæc necessariò requiruntur. Primum necesse est omnes & singulos vocales consentire ad compromissum, nemine excepto, alioqui nihil agitur, cap. *Quia propter*, §. *Vel saltem*, & ibi Glossa vers. *Vice omnium*, de election. Rodericus in quæstionibus de Regularib. quæst. 54. art. 12. asserit omnes Doctores in hac re consentire. Secundò post factam & publicatam ex compromisso electionem interponendum est aliquod tempus ad explorandum num electæ à compromissariis personæ sint idoneæ. Non enim compromittentes tenentur electos à compromissariis acceptare, nisi sub hac conditione, cap. *Causam quæ*, de election. cap. *Cum dilectus*, eod. cap. *Cum olim*, de arbitris, & cap. *Si compromissarius*, §. *Si verò*, de elect. in 6. habentque compromittentes idem jus quod habet Superior antequam admitat & confirmet præsentatam sibi ab inferioribus electionem, cap. *Postquam*, de elect.

XIII. Is qui non est professus, non potest eligi in Abbatem, cap. *Cum in magistrum*, & cap. *Cum causum*, & cap. *Cum ad nostram*, de elect. Misericordiam enim est, eum fieri magistrum qui formam discipuli non assumpsit, cau. *Miserum*, 61. dist. & d. cap. *Cum in magistrum*.

XIV. Observandum ubi jus requirit majorem & saniores Capituli seu eligentium partem, ut in d. cap. *Quia propter*, partem minus sanam non aliter intelligendam esse, nisi si eligat, vel statuatur contra Sacrorum Canonum præscripta. Exempli causâ, si major Capituli pars sit interdicta vel suspensa, aut si major Capituli pars consentiat in electionem personæ secundum jura incapacis & inhabilis; tunc enim jus eligendi ad minorem partem, quæ sanior est, devolvitur, cap. *Gratum*, de postulat. Prælat. Hæc est doctrina Glossæ in cap. *Ea nescitur*, vers. *Majori & saniori*, de his quæ fiunt à Prælat. sine cons. Capit. Prælatæque dicit cap. *Indemnitati*, §. *Ut autem*, de elect. in 6. in electione non zeli ad zelum, neque meriti ad meritum, sed numeri ad numerum faciendam esse collationem. Et utique si aliter res esset, injiceretur inter vocales ponum discordiæ amaritudinis zeli, mutuarum accusationum & contumeliarum, & implacabilis odii fomenta, si merita vel demerita essent exploranda, & invicem comparanda vocalium.

XV. Invalida prorsus est rei Ecclesiæ alienatio per Episcopum facta sine Capituli consensu, cap. 1. de his quæ fiunt à Prælat. sine cons. Capituli. Neque debet Episcopus negotia Ecclesiæ tractare, statuere, immutare, corrigere sine consilio Capituli, cap. *Novit*, & cap. *Quamò*, eod. tit. Ibiq. ait Panormitanus, Capitulum esse hoc idem respectu Episcopi, quod Cardinales Ecclesiæ Romanæ respectu Papæ, ut sic Canonici sint Senatus Assessores, & Consiliarii ipsius Episcopi. Addit ibidem, Episcopum non posse inconsulto Capitulo nova statuta condere. Similiter Abbates & Abbatissæ nihil possunt de monasterii temporalibus alienare sine Capituli proprii consensu, cap. 2. eod. tit. In alienatione quoque rerum

Ecclesiæ quilibet de Capitulo jus habet contradicendi cæteris omnibus vocalibus, & alienationem solus impedire, aut factam revocare potest, cap. *Si quis*, de reb. Eccl. non alien. Atque hæc valet juris regula: *In re communi potior est conditio prohibentis*, cap. *In re communi*, de regul. jur. in 6.

X V I. Istud hæc in primis sciendum, valde differre consilium à consensu. Multa enim potest Episcopus sine consensu Capituli, quæ tamen non posset irrequisito Capituli consilio. Et Capitulum habet plerumque jus consultivæ vocis, & non decisivæ: plerumque etiam habet jus simul consultivæ & decisivæ vocis cum Episcopo. Quando igitur jura præscribunt Episcopo ut agat cum consensu Capituli, non potest Episcopus à Capitulo dissentire, ut diximus in alienatione rerum Ecclesiæ, quam facere non potest Episcopus, nisi cum Capituli consensu. Ubi verò jus exigit Capituli consilium ab Episcopo exquiri, ut in cap. *Novi*, & cap. *Quamò*, de his quæ fiunt à Prælat. sufficit si Episcopus Capitulo proponat, ejusque consilium exquirat, quod tamen sequi minime tenetur. Ad hæc textus est expressus in cap. *Cum olim*, de arbitris: & Gloss. in cap. *Si pro te*, verb. *Assensus*, de scriptis, in 6. & in cap. unico, §. *Cum verò*, in verb. *Assensus*, ne Sede vacant.

X V I I. Si collatio ad Episcopum & Capitulum conjunctim pertinet, cum primum vacabit Sedes Episcopalis, jus Episcopi Capitulo accrescet, non verò si collatio pertineat ad Episcopum cum consilio Capituli: quo casu vacante Sede non poterit Capitulum conferre. Rebus in praxi, de devolut. num. 4. Zerola praxis Episcopalis p. 1. verb. *Capitulum*, quæst. 5. Idque ipsum clarè decidit cap. unic. ne Sed. vacant, in 6, quo pariter statuitur, ut si consuetudine, aut particulari statuto Capitulum conferre debeat cum consilio Episcopi, & contingat Episcopum mori, aut impediri per ejus in remotis partibus absentiam, aut etiam esse suspensum, istis casibus totum conferendi jus accrescat Capitulo.

X V I I I. Sede vacante Capitulum intra dies octo debet de Vicario Generali, & de Officiali viduata Ecclesiæ de novo providere, aut prius existentem, cujus jurisdictio simul cum Episcopo interiit, confirmare de novo. Si istud officium à Capitulo negligitur, transacto octiduo jus hoc ad Metropolitanum devolvitur. At si viduata sit Ecclesia Metropolitana aut exempta, tunc antiquior Episcopus ex suffraganeis in Metropolitana, & propinquior Episcopus in exempta Ecclesia de Vicario & Officiali debet providere. Concilium Trident. sess. 24. de reform. cap. 16.

X I X. Electio ejus qui assumendus est ad Præbendam Theologalem, & similiter ejus qui providendus est ad Præbendam Præceptoralem, pertinet ad Episcopum, adhibito tamen Capituli consilio, ut statuit Concilium Trident. quoad utramque Præbendam sess. 5. de reform. cap. 1. §. *Ecclesiæ verò*, ubi per hæc verba, *Ab Episcopo cum consilio Capituli eligendum*, dilucidius explicat id quod statuerat pridem Concilium Lateranense in

in cap. *Quia nonnulli*, de Magistris, hinc verbis : *A Prelato cum Capitulo, seu iori & feriori parte Capituli eligendus*. De istis quoque constituendis Præbendis sancivere Gallicana Edicta Comitiorum Aurelianensium art. 8. sub Carolo IX. & Islesensium sub Henrico III. art. 33. & 34. statuentia debere Theologum ab Episcopo, vel à Capitulo provideri. Id verò quoad Capitulum necesse est intelligi de electione, quandoquidem jure communi, & seclufis particularibus statutis, vel ufibus, Capitula vivente præfertim Episcopo jus non habent Beneficia conferendi, cap. *Illa*, ne Sede vacant. & cap. 1. de institutionibus in 6. Quia verò dicente Apostolo, *Omnes que sua sunt querunt, non que Jesu Christi*, abusus passim in hoc Regno invaluit, ut his provisi Præbendis eas vel cum aliis commutent, vel cum onere pensionum resignent in eorum favorem, qui munia docendi & prædicandi vel nunquam, vel rarissimè persolvent : Meminerint quicunque sic agunt, aut agentibus favent & opulantur, quale judicium apud Christum Ecclesiæ sponsum & animarum tremendo sanguine redemptarum zelatorem his imminet, qui sanctissimas œcumenicorum Conciliorum provisiones circa Cleri & Christianæ plebis per divini verbi prædicationem & sacrarum literarum expositionem eludunt & abolent, solo retento Theologalis Canonici nomine & stipendiis, sine spiritali usu aut fructu.

XX. Quod verò attinet ad Pœnitentiarium Ecclesiæ, ejus electio & institutio à solo dependet Episcopo, nec ullus Capituli consensus requiritur, ut censuit sacra Cardinalium Congregatio declaratione 479. quam refert & sequitur Zerola in praxi Episc. part. 1. verb. *Pœnitentiarium*, quest. 3.

XXI. Sunt aliqui in Cathedralibus Ecclesiis Beneficarii, quos Gregorius IX. cap. *Cum ad hoc*, de Cler. non resident, vocat Assitios, & à Canonicis distinguit. Ibi verò Glossa dicit Assitios esse quosdam Beneficiarios non Canonicos, sed tamen adstrictos Ecclesiæ quotidiano ministerio; non tamen vocantur ad deliberationes Capituli. Hi præterea vocantur Mansionarii. Porro genus hoc Beneficiorum eligi solet à solo Capitulo, & si interveniat ibi Episcopus, nil amplius habet quàm unius vocalis seu Canonici suffragium. De his providè statuit Synodus Provincialis Aqnensis anno habita 1385. tit. de beneficiis, seu mansionariis. *Beneficiarius seu Mansionarius prædictus, tam Ecclesiarum Cathedralium quàm Collegiatarum dictæ Provincia, antiquioribus, & in caeremoniis & musica peritiorebus Clericis Ecclesiæ & Capitulo inservientibus, adinstar Metropolitana Ecclesiæ, tantum conferantur*. Et quanvis sit ita provifum antiquissimis singularem Ecclesiarum statutis perpetua consuetudine firmatis, & speciatim Ecclesiæ Metropolitanae Aquifextensis, etiam roboratis per Bullas Martini V. & Leonis X. Pontificum, & per diploma Regis Francisci I. mensis Novembris anni 1533. contigit tamen aliquando, ut aliqui Mansionarii

Ff 3. affect.

affectu adducti carnis & sanguinis, suas Mansionarias in favorem coram Papâ vel Legato resignare voluerint. Attamen injustæ istæ prætensiones protinus repressæ sunt Supremarum Curiarum judiciis, scilicet Senatus Provinciæ die Martii 18. an. 1552. item ultima die Junii an. 1632. præterea 21. an. 1635. insuper mense Junio an. 1646. Cumque cavillandi & tergiversandi studio contra postremum istud Senatusconsultum sumptis literis in forma civilis libelli, ut vocant, *par lettres de Requête civile*, reclamassent, fuissetque causa ista commissa Sanctiori Regis Consilio, subsequutum est supremum post Partium contestationem Judicium, quo declaratum & sancitum est, istiusmodi Beneficia dependere omnino ab electione Capituli, neque ullum in his locum esse præventionibus. Præterea decisum, non solum astringi Mansionarios Divinis in choro Officiis, sed etiam quibusvis aliis intra Ecclesiâ præstari solitis ministeriis & musicis cantibus. Simulque repulsi sunt à petito stipendiorum annuorum solitorum augmento.

XXII. Jure communi quando Beneficii collatio spectat ad Episcopum & ejus Capitulum, sive conjunctim, sive divisim, altero horum negligente quod sui officii est, devolvitur collatio ad alterum, scilicet à Capitulo ad Episcopum, & ab hoc ad Capitulum, cap. 2. de concess. præbend. & cap. unico, ne Sede vacante, in 6. Jus verò conferendi semper devolvitur elapso semestri, sive quia nullatenus provisum fuit, sive quia provisum de incapaci, d. 2. cap. In Gallia tamen nulla admittitur devolutio ab Episcopo ad Capitulum, sed solum à Capitulo ad Episcopum, ab Episcopo verò ad Metropolitanum solum, ut monet Rebuffus in praxi, p. 2. tit. de devolutionib. n. 22. & 23.

XXIII. Sede vacante Capitulum Episcopo succedit, non in Ordine, sed in jurisdictione, exceptis tamen quibusdam à Jure reservatis, qualis est Beneficiorum collatio, & literarum dimissorias expedire.

XXIV. Antiquitus Sede vacante poterat absolute Capitulum literas ad Ordines dimissorias concedere, cap. *Cum nullus*, §. *Episcopo*, de tempor. ordinat. in 6. Sed aliter providet Concilium Trident. sess. 7. cap. 10. de ref. nimirum ut anno à vacatione Sedis numerando non liceat Capitulo Dimissorias cuicumque concedere, nisi hoc solo casu, cum quis Beneficii Ecclesiastici, sive recepti, sive jam recipiendi occasione ardeat ad Ordinem aliquem recipiendum. Elapso autem vacationis anno, & necdum repleta Sede, potest deinceps Capitulum ejusmodi licentias & dimissorias literas concedere indifferenter.

XXV. Sedes verò vacat donec novus Episcopus adeptus fuerit possessionem, ut post Ostiensem, Felinum & Pisanum tradit Rebuffus in praxi, 1. p. tit. de devolutionibus, n. 72.

XXVI. Insuper Sede vacante non potest Capitulum Beneficia conferre, nec usquam invenitur cautum in Jure, quod Capitulum Sede vacante

cante fungatur vice Episcopi in collationibus Præbendarum, ut loquitur & decidit cap. *Illu*, ne Sede vacant, etiam si essent de genere Beneficiorum, quorum collatio spectat ad solum Episcopum cum consilio & assensu Capituli, cap. *Uno*, §. *Cum verò*, ne Sed. vac. in 6. Rebuffus loco citato, n. 71. Hinc excipiuntur institutiones præsentatorum à Patronis, cap. 1. de institution. & collationes Beneficiorum quæ conjunctum ad collationem pertinebant Episcopi & Capituli; tunc enim per Sedis vacationem jus Capitulo accrescit. Multò magis retinet Capitulum jus conferendi Beneficia, quod ei soli competeat vivente Episcopo. Potest etiam vacante Sede conferre Beneficia quæ sunt præsentis necessitatis, atque ita Mandatariis & Graduatis conferre, & nominum insinuationes, quæ per quadagesimales dies sunt, suscipere. Quod jus collationis etiam curatarum Ecclesiarum vacante Sede Capitulis asservunt in hoc Regno Chenutius & Bengeus ex multis quæ proferunt Senatusconsultis, ut plenius retuli hujus lib. 2. cap. 2. n. 10. & 11.

XXVII. Comperiti juris est, ubi collatio simul spectaret ad Episcopum & Capitulum, posse à Capitulo conferri, si contigerit obliisse, aut depositum vel excommunicatum fuisse Episcopum, si debuisse Episcopum interesse ut Prælatus, sive ut Canonicus in Capitulo, cap. unico, ne Sede vac. in 6. Rebuffus d. tit. de devolution. n. 74. Zerola p. 1. verb. *Capitulum*, q. 5. Conferre quoque potest Capitulum vacante Sede, si collatio spectet ad Capitulum cum consensu Episcopi, d. cap. unico, in fine, ne Sed. vacant, in 6. Præterea Capitulum, dum vacat Sedes, potest Beneficia conferre quæ ad Episcopum devolverentur propter culpam aut negligentiam inferioris Collatoris. Zerola ibid. Ratio est, quia Jus non permittit devolvi jus collationis, nisi ad proximum & immediatum Superiorem, qualis non est isto casu Metropolitanus. Id ergo competit Capitulo immediatè. Insuper multum interest Ecclesiæ, ne diu Beneficia vacent, ut contingeret si esset expectandus futurus in Episcopatu successor, cap. unico, in fin. ne Sed. vacant, in 6.

XXVIII. Pari ratione appellationes, de quibus Episcopus jure ordinario cognosceret, devolvuntur Sede vacante ad Capitulum, atque ita ab ipsis Episcoporum suffraganeorum judiciis provocatur ad Capitulum Metropolitanæ Ecclesiæ viduatæ. Cujus summa & generalis ratio est, quia Capitulum vacante Sede Episcopo succedit in his quæ sunt jurisdictionis, solis exceptis casibus expresso jure prohibitis, Federicus consil. 30. Panormitanus in cap. *Cum olim*, de majorit. & obed. Panvinus tract. de Capituli potest. Sed. vac. p. 1. q. 1. Rebuffus in praxi, p. 1. tit. de devolution. n. 8. & Joannes Andreas in d. cap. *Cum olim*, testatur hunc esse commune Doctorem sensum.

XXIX. Sede vacante Capitulum confirmat, vel infirmat electiones, sicut posset Episcopus, d. cap. *Cum olim*, de majorit. & obed.

XXX. Simi

XX X. Similiter potest Capitulum Sede vacante præsentatos à Patronis Clericos admittere & instituere, sicut posset per se Episcopus, ac sine Capituli consilio, cap. 1. de institution. in 6. Si quæras discriminis causam, cur possit Capitulum instituere præsentatos, & confirmare electos ad Beneficia, cum tamen non possit idem Beneficia conferre? Respondet Gloss. & Panormitanus in d. cap. *Cum olim*, causam hanc esse, quia conferre est liberæ voluntatis, sed instituere præsentatum, aut confirmare electum, est necessitatis; non enim potest Episcopus rejicere præsentatos aut electos, modò non sint incapaces.

XX X I. Etsi non succedat Capitulum Episcopo in iis quæ sunt Ordinis, sed in sola jurisdictione, potest tamen Episcopo committere intra viduam diocesim ea quæ sunt Ordinis; nam committere alteri est solius jurisdictionis, non Ordinis actus. Paninus 1. p. q. 3. Azorius tom. 2. lib. 3. cap. 37. quæst. 8.

XX X II. Potest item Capitulum Sede vacante admittere mutuas Beneficiorum permutationes & resignationes. Rebuffus d. tit. de devolution. num. 95. Zerola p. 2. verb. *Capitulum*, quæst. 7. Ratio est, quia quanvis non possit Capitulum resignationes liberè recipere & conferre, cap. unico, §. *Cum verò*, ne Sede vac. in 6. potest tamen recipere & conferre in iis quæ sunt necessitatis, ut est Beneficiorum permutatio, ad quam admittendam ipsa alstringeretur Episcopus, nec posset alteri conferre: sicut paulò antè dixi de instituendis præsentatis, ob eandem necessitatis rationem, & de confirmandis electis.

XX X III. Spectat etiam ad Capitulum dum vacat Sedes, dare Ecclesiam seu Beneficium in Commendam temporalem ad sex menses, quos etiam poterit ex iusta causa prorogare, donec provifus fuerit, & in possessionem missus Episcopus. Ita Panormit. in d. cap. *Cum olim*, de majorit. Innocentius in cap. *Illa*, ne Sede vacant. Ancharanus & Joan. Andreas in cap. 1. eod. tit. in 6. Rebuffus tit. de devolution. num. 77. & 78.

XX X IV. Pertinet quoque ad Capitulum Beneficiorum depositio, seu privatio à Beneficiis. Paninus d. tract. de Capit. potest. Sed. vac. p. 2. quæst. 6. num. 1. & 2. Testatur affirmativam sententiam esse communem Azorius 2. p. lib. 3. cap. 38. q. 11. quia jurisdictionem habet Episcopalem ad puniendum facinorosos Clericos, & inquirendum.

XX X V. Potestate etiam potitur Capitulum vacante Sede dispensandi cum illegitimis ad minores Ordines, & ad Beneficium simplex habendum. Navarra consil. 7. de fil. presbyt. Zerola p. 2. verb. *Capitulum*, q. 3. Ratioque est, quia Capitulum Episcopo succedit in iis quæ spectant ad jurisdictionem ordinariam & voluntariam, nisi Canone quid excipiat: at exceptio talis in Jure non legitur.

XX X VI. Capitulum Sede vacante supplet Episcopi vices in his quæ sunt necessitatis; ideoque insinuationes nominum Graduatorum Clericorum

rum recipit, & Gradnatis & Mandatariis affectata ipsis Beneficia conferre. Probus in pragmat. Sanction. tit. de collationib. §. *Item voluit*, in verb.

• *Vicario*: Ranchinus 3. p. conclus. 73.

XXXVII. Dum vacat Sedes, potest Capitulum eisdem omnes à casibus & censuris reservatis, sive ab homine, sive à jure solvere, quos possit vivens Episcopus absolvere, cap. unico, de major. & obed. in 6. Potest similiter excommunicare, suspendere & interdicere, quos possit Episcopus, cujus vicem gerit in rebus jurisdictionis. Panvinus loco cit. aliisque communiter.

XXXVIII. Sede vacante potest & debet Capitulum intra dies octo Vicarium Generalem creare, qui in Theologia vel in Jure Canonico Doctor sit, vel saltem Licentiatus. Concilium Trident. sess. 14. cap. 16. de reform. Eadem præscribuntur Edicto Blesensium sub Henrico III. Comitiarum, quæ hoc adjungunt, Generalem Vicarium oportere esse Sacerdotem. Transactis diebus octo devolvitur hæc potestas & officium ad Metropolitani.

XXXIX. Licet Capitulum Sede vacante potestate polleat circa canonicas penas per universam Diocesim, nihil tamen habet hujusmodi potestatis Episcopo superstite, ne in ipsos quidem, qui de suo corpore sunt, Canonicos, neque in inferiores ejusdem Ecclesiæ Beneficiarios, aut desertientes. Verumtamen jus habet prædictorum excessus corrigendi, dum id fiat sine strepitu, vel forma judicii. Atque ita potest administratos contumaces expellere: quinimò de suo corpore Canonicos, aliosve suæ Ecclesiæ Beneficiarios ex justa causa ad certum & definitum tempus distributionibus privare, & ab officio Ecclesiæ citra judiciarias censurarum formas, & citra effectum irregularitatum, quæ contumaces censurâ notatos afficiunt, suspendere, cap. *Irrefragabili*, de offic. Ordinarii, maxime ubi sic dicit: *Excessus Canoniorum Cathedralis Ecclesiæ, qui consueverunt corrigi per Capitulum* Hoc etiam addens: *Executionem ipsorum nulla consuetudo, vel appellatio valeat impedire, nisi formam in talibus excesserint observandam.* Conformatur cap. *Ad nostram*, de appellacione. Censuras verò cuiquam infligere dum vivit Episcopus, Capitulum non potest, nisi ubi Capitulum consuetudine jam præscriptâ, vel aliquâ indulgentiâ aut concessione acquisierit in personas desertientes jurisdictionem, aut potestatem censurarum Ecclesiasticarum, ut statuitur cap. *Cum contingat*, de foro comper. In quod caput scribens Panormitanus altruit in Capitulis generatim prædictum jus moderatæ citra jurisdictionem correctionis, quale habent parentes, tutores, magistri, qui tamen jurisdictione carent. Hac ratione apud Paponem lib. 1. placitorum, tit. 3. sect. 4. Parisiensi Senatusconsulto Decanus ipse Carnotensis Ecclesiæ, qui ob contumeliam uni de Canonicis intra Capitulum illaram, fuerat ab eodem Capitulo distributionibus per dies octo privatus, & appellaverat quasi ab abusu, remissus fuit, ejusque sub-

Gg mota,

mota, rejectaque appellatio. Non potest tamen Capitulum procedere ad incarcerationem, sed solus Ordinarius: docetque ibidem Papo sect. 3. Clericum qui ab incarceratione per Capitulum decreta appellaverat, fuisse Senatusconsulto remissum ad carceres Episcopales & Episcopi judicium.

XL. Hoc denique tenendum circa res Capituli, majorem Capituli partem, quæ in omnibus deliberationibus prævalere debet, sumendam esse (nisi contraria invaluerit alicubi consuetudo) non per comparisonem ad minores partes, sed ad totum ipsum, juxta Panormitanum in cap. *Quia propter*, de election. & in cap. 1. de his quæ fiunt à major. part. Capitul. & Bellameram decis. 275. & Zerolam p. 1. verb. *Capitulum*, quæst. 13. & Boërium decis. 3. Exempli gratiâ Capitulum constat ex duodecim Canonicis suffragii jus habentibus; horum tres eligunt Caium, alii tres Titium, reliqui sex Sempronium: nulla ex his tribus censeri potest major pars, sed ut talis sit, necesse est in unam partem consentire septem vocales. Idcirco colligitur ex cap. *Cum in Gnessi*, & cap. *Ecclesia*, de elect. Id vero locum non habet in pluribus Patronis, sive Clericis, sive laicis presentantibus, in quibus pars major spectari debet non per comparisonem ad totum, sed ad singulas partes, ut ait ibid. Zerola cum multis Authoribus, quos allegat & sequitur.



C A P U T X X V.

De Capitulari Beneficiorum provisione, Sede non vacante: & de simultanea Episcopi cum Capitulo provisione.

I N ORDINARIO, neque contraria consuetudine loci, vel statutis specialibus, aut concordatis, aut particularibus foundationibus abrogato, Capitula non modò Cathedralia, sed etiam Collegiata providere solent de præbendis quæ sunt de ipsorum gremio, aliquando conjunctim cum Episcopo, & aliquando divisim ab illo. Secundum has diversitates diversos quoque Canones legimus in corpore Juris. Innocentius Papa III. in cap. *Cum Ecclesia Valtreana*, de election. refert in Tuscia generalem vigere consuetudinem, ut in Cathedralibus Ecclesiis solum Capitulum, irrequisito Episcopo, Canonicos eligendi potestatem habeat. Præterea cap. *In cunctis*, §. *Clerici*, eod. tit. loquitur de solo Capitulo eligente. Insuper Celestinus Papa III. cap. *Proposuit*, de concess. præbend. mandatum de providenda Præbenda direxit

ad

ad solum Præpositum & Capitulum Cameracense. Quandoque jus devolvitur à Capitulo negligente ad Episcopum, ut provideat; & ex opposito, ab Episcopo negligente providere, ad Capitulum, cap. *Nulla*, de concess. præbend. Aliquando alternatim, seu (ut aiunt) per turnum, provisio spectat nunc ad Episcopum, nunc ad Capitulum, cap. *Cum in illis*, de præbend. in 6. Al às etiam jus istud soli reservatur Episcopo, cap. *Omnes Basilica*, & cap. *Nullus omnino*, 16. q. 7.

I I. Ad quemcunque, sive ad Episcopum, sive ad Capitulum pertineat jus istud providendi, exercetur generaliter circa Canonicatus, d. cap. *Cum Ecclesia Valerana*, de election, quinimò circa Dignitates Capituli quæ vacant, qualis est Præpositura, cap. *Dudum ad audientiam*, de election. Et utique communi nomine Præbendæ involvi Dignitates, Personatus & Canonicatus, docent Cujacius super rubrica de præbend. Lotterius lib. 2. de re benefic. q. 21. ubi & alios plerosque Doctores profert: item Pastor lib. 1. de benefic. tit. 9. n. 2.

I II. Si quæris de Capitulorum Præbendis, ad quem jure communi pertineat earum vacantium provisio, præcisè & seclulis particularibus, sive consuetudinibus, sive foundationibus, sive statutis? Respondemus juris communis dispositionem hanc esse, ut hæc potestas ad Episcopum simul & Capitulum Cathedrale, cujus Præbenda vacat, pertineat, juxta cap. finale, de supplend. neglig. Prælat. & cap. *Postulastis*, & cap. *Nulla*, de concess. præbend. & cap. *A collatione*, de appellation. in 6. Atque hoc expressè tenet Glossa in d. cap. *Cum Ecclesia Valerana*, de elect. & Glossa in d. cap. fin. de supplend. neglig. Prælat. item Rebuffus consil. 70. & Garcias de Beneficiis p. 5. cap. 4. n. 42. Lotterius loco cit. aliique. Summa horum ratio est, quia Præbendæ præsumuntur ex communibus Ecclesiæ bonis institutæ. At nomine Ecclesiæ comprehenduntur simul Episcopus, qui capitis; & Capitulum, quod corporis vice fungitur, ut ait præclare cap. *Novit*, de his quæ fiunt à Prælat. sine consens. Cap.

I V. Hinc deducitur hæc resolutio, ut si Episcopus & Capitulum ira dissideant, ut eandem Præbendam diversis Clericis conferant, neutri ex illis jus quærat, & gesta utrimque corruant. Ita Federicus consil. 232. & Joan. Andreas in cap. *A collatione*, de appellat. in 6. Adeo ut si interim Papa, vel Legatus jure concursus provideat, teneat ista provisio, ut laicè disputat & decedit Probus, & qui eum sequitur Lotterius d. lib. 2. q. 21. num. 41.

V. Docet præterea Garcias loco cit. ubi collatio Præbendarum communis est inter Episcopum & Capitulum, valere factam seorsum ab uno ex duobus, altero horum per sex menses non contradicente: pluresque ad hoc Doctores profert. Est enim semestre terminus devolutionis ab uno ad alterum Collatorem, cap. *Nulla*, & cap. *Postulastis*, de concess. præbend.

V I. In Collegiatis verò Ecclesiis inferioribus à Cathedrali, quia in

G g 2 his

his non est tanta communio, ut constituent cum Episcopo unum corpus: unumque Senatum, collatio illa simultanea prætendi non potest. Proinde soli competit Capitulo collegiato jus præsentandi, seu eligendi ad Præbendas, quæ de suo gremio sunt. Ad Episcopum vero pertinet jus instituendi, seu confirmandi. Ita docent Joan. de Lignario, & Abbas in cap. *Cum Ecclesia Viterana*, n.8. de election. & Rota Romana sic decidit apud Cassadorem decis. 21. n.2. & 3. de præbend. & Lotterius d. q.21. n.135. Sanè si tale Capitulum eligere intra semestrem neglexerit, aut si in ea aciem elegerit, Episcopus tum demùm jure devoluti, prout sibi visum fuerit, providebit.


VII. A Capitulo cui interfuit Episcopus tanquam unus ex Canonicis, appellari potest ad ipsum Episcopum, sed non si interfuit ut Episcopus, cap. *Postulatus*, de concess. præb. & cap. *A collatione*, de appellation. in 6. ubi Glossa sapienter admonet interesse tanquam Canonicum, si statutum id præscribat, quanvis honoratiore loco sedeat: hoc enim defertur ejus dignitati. Sed ubi statutum nihil decernit, censetur interfuisse ut Episcopus, ex honoratiore sessionis loco. * Sed si Episcopus sedeat, vel subscribat sub Archidiacono aut alio Capituli Præsidente, Glossa ibidem asserit Episcopum interesse tanquam unum ex Canonicis.

VIII. Duos eventus hic adnoto, quibus Capitulum jus suum non amisit, à quo tamen excidisse videbatur. Primus est in cap. *Ecclesia*, de institutionib. ubi Capitulum Canonicorum aliquod vacans Beneficium, in quo ei competeat jus vel patronatus, vel collationis, personæ laicæ contulit. Super quo admonuit Papa, ut dejecto cui contulerant laico, provideant de Clerico. Alter eventus est in cap. *Transmisit*, de jurepatr. Ibi patronus laicus, aut etiam Capitulum contulerat Beneficium cujus habebat patronatus alicui Clerico: sed postmodum meliorem judicio (quatenus advertit se conferendi potestate carere) Clericum alterum Episcopo præsentavit. Quanvis Clericus ille, cui præter jus contulerat, à posteriore Capituli deliberatione appellasset, prævaluit tamen posterior Capituli deliberatio, quam Summus Pontifex suo rescripto roboravit. Unde colligitur Capitulum per utramque indebitam deliberationem jus suum non amisisse, eo quod quamprimum agnitum errorem sponte ac ulterius purgaverit, & correxerit. Non enim præstat impedimentum (ut ibid. dicit Glossa) quod de jure non sortitur effectum.]



C A P U T XXVI.

Beneficiariorum hæredes aut successores ad quid teneantur.

I.  XAMINANDÆ primùm hîc sunt obligationes ejus qui in Beneficium successit, deinde hæredum Beneficarii. Sciendum in primis, successorem qui super suo Beneficio inquietatur propter defectum vel incapacitatem ejus cui successit, non teneri sui præcessoris jus tueri, ejusve. titulum exhibere, nisi dolus & collusio inter utrumque probaretur, aut de jure præsumeretur, qualis præsumitur si post litem contestatam præcessor resignaverit. Sed citra fraudem non tenetur succedens Beneficiarius de præcessoris defectu, licet talis fuisset, ut potuisset ejus Beneficium canonicè impetrari dum possidebat. Felinus in cap. *Venerabilem*, de exception. Laurentius Bouchellus in praxi benef. verb. *Permutatio*. Ratio fundamentalis est, quia non per resignationem, sed per collationem jus in Beneficio attribuitur, cap. *Si tibi absenti*, de præbend. in 6. & Clement. unica, §. *Porro*, de præbend. Itaque provisor non habet jus suum à resignante cui succedit, sed ab ipso collatore.

II. Verumtamen successor in Beneficio tenetur illa præcessoris sui debita solvere, quæ pro Ecclesiæ necessitate contraxit, ut decernit cap. *Ad hoc*, de solution. Sicut enim hæres succedit in universum jus defuncti, l. *Hæreditas*, D. de regul. jur. ita successor præcessori succedit in universum Ecclesiæ seu Beneficii jus, cap. *Relatum*, il 2. §. *Nomine*, de testam. & similiter æquiparantur quoad solvenda debita (sicut hæres & defunctus) à præcessore contracta, ut ibid. dicitur. In his tamen notanda hæc differentia, quia hæres tenetur defuncti debita exsolvere qualitercunque contracta: sed succedens in Beneficium non ad alia tenetur, quàm quæ contraxit præcessor pro Ecclesiæ necessitate, aut utilitate. Licet autem Innocentius in d. cap. *Ad hoc*, requirat præterea ut probetur versum esse in Ecclesiæ utilitatem, textus tamen id unum requirit, ut contractum fuerit debitum in Ecclesiæ necessitatem. Et Ostiensis in tit. de solution. num. 3. & Prosper Fagnanus in d. cap. *Ad hoc*, melius dicunt, non requiri ut ipsa versum sit in utilitatem Ecclesiæ: atque à paritate rationis probari potest per legem *Lucius*, D. de exercitor. act. Allegatque Fagnanus complures hujus sententiæ Doctores, additque hanc oppositam Innocentio sententiam esse inter Canonistas communem.

III. His adjuuge, quod si Prælati debita quædam pro sui sustentatione contraxit, tenetur successor illa persolvere, cum teneatur Ecclesia Prælati suo alimenta suppeditare, cap. *Cum secundum Apostolum*, de præbend. Ita post Panofmitanum, aliosque permultos docet Fagnanus, addens hoc ita judicatum in Romana Rota fuisse in causâ Caurientis Episcopi, quem damnavit ad similem solutionem pro prædecessore Episcopo.

IV. Successor itidem in Beneficio solvere tenetur pensiones tempore prædecessoris decursas, nec tamen solutas, d. cap. *Ad hoc*, & ibi Fagnanus n. 12. & seqq. modò pensionarius probet diligentias à se contra prædecessorem factas, ejusque hæredes; & modò remaneat successor congrua portio, quæ in primis & ante omnia deduci debet. Eadem docet Pastor lib. 3. tit. 12. & Garcias l. p. cap. 25. Sic enim novus possessor vestigalia quoque temporis antea præstare compellitur, l. *Imperatores*, D. de publicanis, & cap. 1. de solutione. Sed si hæredes solvendo sint, hi primariò tenentur, ut superius jam notavi.

V. Quod verò attinet ad Beneficiarii hæredes, receptum jus est, ut fructus Beneficii, sive jam percepti, sive percipiendi, dividantur inter hæredes simul & successores in Beneficio, eadem ratione quâ Jus Civile constituit dividi fructus dotales inter maritum & uxorem, soluto matrimonio, eorumque amborum hæredes. Ut nimirum fructus ultimi anni ea sola parte marito adjudicentur ejusque hæredi, quæ parti anni æquiparatur quâ ipse sustinuit onera matrimonii; reliquum autem uxori, l. *Fructus*, D. solut. matrim. quemad. dos pet. Est quippe insignis convenientia inter conjugium corporale & spirituale, & inter amborum onera, cap. 2. de translat. Episc. Sic igitur fructus ultimi anni possessi Beneficii competunt inter successorem Beneficii, & hæredem defuncti, pro rata temporis intra eundem annum computari, quo defunctus onera sustinuit Beneficii. Reliquum verò, etiamsi jam ab hærede perceptum esset, restituendum est successori Beneficii. Itaque si defunctus possedit Beneficium ejusque onera sustinuit quarta parte postremi anni, hæres ejus reportabit quartam fructuum ejusdem anni partem, reliquum verò fructuum successor in Beneficio sibi vindicabit. Alioquin enim hoc iniquum sequeretur, ut qui de Beneficio fuisset provisor, & in possessionem immisus mense Junio, & sequentibus mensibus omnes ejusdem anni proventus & decimas perciperet, eisque perceptis, si mense Octobris decederet, cogeretur ejus successor eodem Octobris mense per obitum, aliter provisor toto anni residuo deservire sine ullis fructibus, cum ejus præcessor, qui ne anni quidem medietate deservisset, totius anni fructibus potitus esset, quibus ejus etiam hæredes indebitè potirentur. Bleinianus in praxi benef. tit. de patrimon. Eccles. permultas ad hoc firmandum auctoritates, & Tribunalium decisiones allegat. Idemque docent Covarruvias lib. 1. var. resolut. cap. 15. num. 12. Chopinus lib. 3. de sacra politia, cap. 1. n. 33.

Louetus

Louetus lit. F, num. 12. Joan. Baquet tract. de just. & jure, cap. 15. num. 60.

VI. Rursus quæritur in dividendis illis pro rata temporis fructibus, à quo tempore annus sit inchoandus? Respondeo à mense Januario, ut ex multis Senatusconsultis docent & probant Chopinus, Louetus, & Baquet locis citatis, & Bengeus tit. de peculio Clericorum, §. 19. num. 9. 10. 11. Annæus Robertus lib. 3. rerum judicatarum, cap. 4. Papo lib. 18. placitorum, tit. 4. art. 11. At verò jus commune statuit ut æconomus constituatur, qui vacantis Ecclesiæ fructus percipiat, cosque futuro successori reseruet, cap. Cum vos, de offic. jud. ordin.

VII. Opponet aliquis, Beneficiarium quæ de fructibus supersunt teneri non modò ex charitatis officio, sed etiam ex lege justitiæ ad pias causas erogare. Unde sequitur omnes fructus qui post ejus obitum supersunt, non posse ad hæredes transmitti, sed ad Ecclesiæ vel pauperes dumtaxat, & oppositam consuetudinem meram esse corruptelam: quod etiam constanter affirmat Navarra in suo libello de redditibus Ecclesiæ tota quæst. 3. His respondendum cum Azorio p. 2. lib. 7. cap. 9. hanc legem non esse Divinam aut Naturali Jure introductam, sed Ecclesiasticam, ac proinde posse ac potuisse contraria consuetudine aut Ecclesiæ dispensatione solvi ac remitti: Neque verum esse quod scribit Navarra, oriri hanc obligationem ex pacto vel obligatione cum fundatoribus inita, ut subductis ad Clerici modestum victum necessariis, reliquum omne in Ecclesiæ vel egenos impenderetur. Non enim convinci potest aliquid tale à fundatoribus fuisse vel cogitatum, nedum in pactum adductum. Præsumendum quidem est, noluisse illos, ut fundationum redditus luxui Clericorum inservirent; non tamen voluisse adstringere ad hoc officium ulla obligatione nova, vel conventionione supra Dei legem communem: quemadmodum testator nequaquam intendit ab hærede suo dissipari opes hæreditatis; si tamen contingat eas ab hærede per luxum dissipari, non idem peccat hæres contra justitiam, nec restituere dissipata tenetur; quia scilicet illa testatoris præsumpta intentio non fuit in pactum aut conditionem deducta. Minime tamen excusandi sunt Beneficarii sic abutentes à mortali delicto, & damnationis apud Deum reatu. Esto enim sint reddituum Ecclesiasticorum domini, attamen hujus domini usus debet ex pietatis & charitatis obligatione regulari, tametsi non lege (ut objiciebatur) justitiæ, aut mutue conventionis cum fundatoribus initæ: & qui in superflua impendit, indubiè violat Dei intentionem, quatenus à nobis officia charitatis exigit; quemadmodum in Divite epulone observat Chrysostomus, eum fuisse damnatum, non quia aliena usurpaverit contra justitiam, sed quia suas opes malè impendit, nec pauperibus opem tulit, contra charitatem. Et insuper peccat talis Beneficiarius contra intentionem præsumptam fundatorum, & contra Ecclesiæ sacros Canones; & tantò gravius peccat quàm

quàm Dives epulo, quia iste profanas opes, Beneficiarius autem dissolutus aut avarus sacras opes malè expendit, aut malè retinet, & adeptis sibi per Ecclesiæ beneficium bonis, contra ipsius Ecclesiæ intentionem abutitur. Sic verò abutentis valida quidem est secundùm justitiam dispositio, propter dominium; sed tamen illicita & damnabilis sic abutenti: sicut laïcus in luxum opes suas prodigens validè alienat, nec tamen immunis est à peccato & damnatione.

VIII. An igitur peccent hæredes dum oblatos sibi, sive jure consuetudinis ab intestato, sive ex Beneficiarii testamento fructus istiusmodi recipiunt? Respondeo, si ipsi testatorem ad hoc induxerint, non est dubium peccasse, dum rem suaserunt illicitam, quam ille testator sine mortali culpa exequi non potuit. Sed si iidem spontè oblata recipiunt, ante trecentos & amplius annos consuetudine constanti observabantur Canones, qui vetant Clericis de bonis ex Beneficiis acquisitis, sive inter vivos, sive per ultimas voluntates aliter quàm ad pias causas disponere. At subsequenrà disciplinæ sacræ relaxatione factum est, ut promiscuè Clerici de his sive inter vivos, sive testamento disponant ad libitum, perinde ac de patrimonialibus: quinimò ut si intestati decedant, vocentur proximi agnati ad huiusmodi bonorum successionem. Cui praxi sese accommodantes Summiltæ, fatentur quidem Clericum sic disponentem peccare mortaliter, nec licitum esse agnatis eosdem ad sic disponendum sollicitare, quia hoc agentes suadent Clericis ut mortaliter peccent, quod æterna & indispensable lege vetitum est. Hæc docent Covarruvias de testamentis in cap. *Cum in officiis*, num. 9. Lessius lib. 2. de justitia, cap. 19. dub. 4. num. 44. & seqq. Bonacina de contractib. disp. 3. q. 17. punct. 2. num. 4. alique communiter. His tamen adversantur Sacri Canones, qui opes & proventus Ecclesiasticos non aliis quàm pietati, sive ad Dei cultum, sive ad inopum sustentationem, deductis Clericorum victui necessariis, impendi licetere allowerant. Vide in Decreto causam 12. per totam. Et sapienter dicit S. Augustinus epist. 50. ad Bonifacium Comitem: *Si privatum quæ nobis sufficiant possidemus, non illa nostra sunt, sed pauperum, quorum procuracionem quodammodo gerimus, non proprietatem nobis damnabili usurpatione vendicamus.* Atque in Decretalibus vide cap. 1. cap. *Filius*, cap. *Cum in officiis*, cap. *Quia non*, de testamentis. Secundo quia quæ fuerunt onera & obligationes defuncti, transeunt ad hæredes, & in ejusmodi una & eadem persona censentur defunctus & hæres, idemque jus subire compelluntur; & is qui in jus succedit alterius, eodem quoque jure uti debet, cap. *Is qui*, de reg. jur. in 6. & l. *Qui in jus*, D. eod. Igitur quæ obligatio adstringit Clericum Ecclesiasticos fructus impendere ad officia pietatis, eadem adstringit ejus hæredem. Tertiò quia res quælibet ad quamcunque personam transeant, simul cum suo onere transeunt, cap. *Ex literis*, de pignorib. & l. *Si debitor*, C. de distract. pig. n. & l. *Alienatio*, D. de contrah. empt. At fructibus Ecclesiæ cohæret

cohæret destinatio ad pietatis opera : igitur eadem transmittitur destinatio & onus ad hæredes , quemadmodum obligatio restituendi , quæ usurario inhærebat , transit ad ejus hæredem , in quantum ad ipsum de bonis defuncti pervenerit , cap. *Tua nos* , de usur. Concludendum itaque , posse quidem hæredes ad quos fructus Beneficii pervenerint , illa retinere , quæ defunctus Clericus poterat ex Canonum permisso ad suos hæredes transmittere , sive ex titulo retenta rationabilis compensationis sibi Clerico debita , aut officio mercedis intuitu , aut etiam titulo pietatis & elemosynæ , si hæredes eorumque familia egestate premantur. Potest insuper , quanvis commodus & dives hæres , sibi illa retinere , quæ defunctus pariori victu , cum liquisset plura inculpate expendere , sibi coaccervaverat , aut quæ intuitu laboris proprii suo dominio , suæque liberæ dispositioni comparaverat , ut sunt emolumenta distributionum , Anniversariorum , Missarum , administrationis Sacramentorum , aut verbi Dei. At reliquos extantes fructus Ecclesiasticos tenetur hæres lege conscientie ad pietatis opera providè distribuere , obligatione si non justitiæ , certe charitatis. Nec tamen dixerim hæredem statim debere exequi istas omnes ad pietatis opera distributiones , alioqui enim sese gravi rerum propriarum damno exponeret , quando ex postfacto repeterentur ab eo diversa defuncti debita quæ ignorabat , & sic post effusas in Ecclesiam & pauperes facultates hæreditatis , novas expensas de propriis bonis sustinere cogeretur circa postmodum emergentes hæreditatis lites & impensas litium. Igitur hac in re neque sibi adblandiendo , neque etiam sibi damna indebita arcessendo , quod sanè iniquius esset , potest hæres sibi cavere judicio probi & prudentis consilarii , atque aliquas cæteroque debitas ad pia opera distributiones in tempus futurum differre.

IX. Quænam verò sit Angelici Doctoris sententia , perspicuum est 2. 2. quæst. 185. art. 7. ubi duplicem adducit bonorum , quæ Episcopus habere potest , distinctionem , scilicet bonorum propriorum , & bonorum Ecclesiasticorum : de propriis seu patrimonialibus dici posse Episcopum illa sibi retinere , vel aliis pro libito elargiri. De bonis autem Ecclesiasticis sic distinguit , facta divisione quatuor partium reddituum Ecclesiasticorum , qui juxta can. *De redditibus Ecclesie* , 12. quæst. 2. debent unà cum oblationibus Fidelium distribui in quatuor , scilicet in partem Episcopi , in alimoniam ministrorum Ecclesie , in fabricam & cultum Ecclesie , & in alimoniam pauperum : & eo casu si Episcopus retineat sibi aliquid de iis quæ destinata erant ad tres reliquas partes , concludit S. Thomas , Episcopum & peccare mortaliter , & teneri ad restitutionem : vel tres alie partes legitime , & sine fraude fuerunt iis quibus debebantur attributæ , ita ut Episcopo nihil amplius supersit ultra debitam sibi Ecclesiasticam portionem ; & huic membro distinctionis S. Thomas immediate subjungit hæc verba : *De his autem quæ sunt specialiter suo usui deputata , videtur esse eadem*

H h ratio

ratio qua est de propriis bonis, ut scilicet propter immoderatum affectum & usum peccet quidem si immoderata sibi retineat, & aliis non subveniat, sicut requirit debitum charitatis. Cùm verò omnis distinctio fieri debeat per oppositas differentias, non alia hîc intelligi potest differentia quàm oppositum membri contradistincti, in quo Episcopus sibi contra justitiam inurpat de portionibus quæ aliis Clericis sibi inferioribus ac subditis, & fabricæ atque cultui Ecclesiæ, & pauperum subventioni destinatæ erant: ad quod membrum dixit S. Thomas, Episcopum peccare contra bonam fidem, quod idem est ac contra justitiam: in hoc autem altero membro ait S. Thomas, peccare contra charitatem. Item in illo deteriore & opposito bonæ fidei memb. o dicit, Episcopum ad restitutionem teneri. Ergo in hoc altero minùs culpabili membro, in quo dixit Episcopum peccare contra debitum charitatis, inferendum necessariò est istud oppositum, quod eo casu Episcopus non teneatur obligatione restituendi; quod etiam satis significatur his ejus verbis: *Sicut requirit debitum charitatis.* Certum enim est, obligationem restituendi non sequi debitum charitatis, sed tantum debitum justitiæ. Eiusdem Doctoris Angelici mens non minùs limpide effulget ibid. in resp. ad 2. his verbis: *Et ideo si de eo quod usus Episcopi, vel alicujus Clerici est deputatum, velit aliquis sibi subtrahere, & consanguineis vel aliis dare, non peccat, dummodo illud fiat moderate.* Illa verò sibi facta subtrahitio, de qua loquitur, non est intelligenda de superfluis reddituum Ecclesiasticorum; constanter enim tenendum ex ipsius Ecclesiæ mente & communi omnium Orthodoxorum Doctorum sensu, peccare damnabiliter Clericum, qui de ejusmodi superfluis aliter quàm ad pias causas disponit, quanvis restituere non teneatur. Sed iste Sancti Thomæ locus intelligendus est de eo quod Clericus suo congruo & decenti victui subtrahit participans vivendo, cùm liceret ei sine labe saltem mortalis culpæ circa se impendere.

X. Hæredes tenentur primariò pensiones Ecclesiasticas exsolvere, quas debuit, & non solvit defunctus Beneficiarius, ut tradunt Louetus lit. A. num. 15. Faber Cod. de Sacros. Eccles. definit. 86. alique communiter contra Garciam 1. part. cap. 25. Prima ratio est, quia pensionarius non habet jus ullum in Beneficio, sed in solis fructibus Beneficii. At verò successor in Beneficio nullam contraxit obligationem circa pensiones quæ suam provisionem antecesserunt, neque (ut alibi probavimus) suum mutatur jus ad Beneficium à suo prædecessore, qui tantummodo potuit se abdicare Beneficio, sed nullatenus in alterum transferre, sicut potuit suam transferre hæreditatem. Itaque successor non aliunde jus in Beneficio habet quàm à Collatore, neque tenetur ad præcedentia sui præcessoris debita, quæ non fuere ad Ecclesiæ utilitatem contracta, cap. 1. de solutione. Secunda ratio est, quia quælibet actio ad hæredem & adversus hæredem transmittitur, l. *Veieris*, & lult. Cod. de contrahend. & commit. stipulat. & l. unica, Cod. .

Cod. ut actiones ab hæred. & contra hæred. incipiant. Præterea ex defuncti contractu vel quasi contractu hæres indistinctè tenetur, l. *Ex defuncti*, Cod. de action. & obligat. & l. *Ad ea*, §. *In Contractibus*, D. de re judic. Frustra verò Garcias adducit legem *Imperatores*, D. de publicanis, in qua novus possessor solvere cogitur vestigalia temporis antea acti. Sed ea lex loquitur de meris realibus oneribus; hic autem quæstio agitur de onere personali conjunctim & reali, quod non aliter personam afficit, nisi quatenus rem possidet. Præterea jura Fisci certis quibusdam privilegiis & severitatibus fulciuntur, quæ non sunt in consequentiam trahenda rerum privatarum. Nec minùs frustranea objectio erit cap. 1. de solution. quo damnatur successor in Beneficio persolvere debita prædecessoris pro Ecclesiæ necessitate contracta. Ad hoc enim est duplex responsio: & prima est, quia pensio privata nullatenus dici potest contracta pro necessitatibus, sed potiùs in detrimentum Ecclesiæ, quæ sic oneratur. Secundò, quia tempore illius Canonis nulli poterant esse defuncti Beneficiarii hæredes circa bona de Ecclesia percepta, nisi ipsamet Ecclesia, ut paulò ante ostensum est: nunc verò succedunt ubique hæredes cognati, tam ab intestato, quàm ex testamento, in ipsas etiam facultates ac opes, quas Beneficiarius ex propriis Beneficiis consequutus fuit, & in hoc ipso tota fundatur præsens quæstio, an hæredes teneantur, an successor in Beneficio? Hæredum tamen defectu poterit intentari adversùs successorem Beneficiarium subsidiaria actio.

X I. Ob eandem pariter rationem tenentur hæredes reparationibus & ornamentis Ecclesiæ, quæ contribuere debuit, & neglexit defunctus Beneficiarius; ad hæc enim hypothecæ subjiciuntur bona defuncti ad suos translata hæredes. Quod jus firmatum fuit Senatusconsultis à Louero & Scholiaste Brodeo relatis lit. R, num. 5.

XII. Quanvis Glossa in cap. fin. ne Prælati vices suas, scribat successor in Beneficio non teneri stare locationi prædecessoris sui, æquius tamen esse docet Renatus Chopinus lib. 3. de sacra Politia, cap. 7. num. 6. ut teneatur stare, modò exinde nihil damni sustineat. Idque confirmat placito Curie Parisiensis die 14. Augusti 1574. itemque autoritate Baldi in l. *Jubemus*, Cod. de sacrosanct. Eccles. Et verò qui in alterius locum succedit, eodem jure, quo ille, uti debet, cap. *Is qui in jus*, de regul. jur. in 6. & l. *Qui in jus*, D. cod. tit. Idemque Chopinus num. 7. contra Ruzeum opinantem in lib. Privilegiorum Regaliæ, privil. 30. Ecclesiasticas locationes à defuncto Episcopo contractas rescindi posse ab Oeconomo Regaliæ, propugnato in oppositum, non posse rescindi: Oeconomus enim constante Regaliâ debet custodire, sed non immutare sacræ œconomiz statum, cum sit instar curatoris bonis dati, cui pactitum fundi conductio nem non licet convellere, nisi fraudulenter contractam esse appareat: profertque Parisiense Senatusconsultum mensis Augusti anni 1568. secundùm

II h 2 condù

conductorem Episcopalem molendini Divi Clodoaldi. Aliàs enim deciperentur conductores auctoritate Juris: quod fieri iniquum est, l. 1. Cod. de his qui veniam ætatis impetr. Traditque Rebuffus de alienatione rerum Ecclesiæ, num. 62. veteres colonos, ubi Ecclesia nihil damni sustinet, novis esse præferendos: idque firmat Senatusconsulto Parisiensi anni 1528. die 26. Martii.



CAPUT XXVII.

De Ecclesiarum structuris & reparationibus: & de Aedituis sive Matriculariis.

RIMIS Ecclesiæ seculis ea vixit consuetudo, ut ex illius redditibus quarta pars Episcopo cederet, ipsius personæ & familiæ, atque hospitalitatis officiis impendenda: altera pars inter Clericos ad victum distribueretur: pars alia in pauperes & viduas erogaretur: altera demùm portio fabricis & decori Ecclesiarum destinaretur, can. *Concesso*, can. *Quatuor*, can. *De redditibus*, can. *Cognovimus*, & can. *Mos est*, 12. quæst. 1. Nunc verò pro locorum diversitate varix consuetudines circa obligationes contribuendi ad fabricam Ecclesiæ invaluerunt.

II. Laurentius Bechellus Scholiastes magnæ Collationis Constitutionum Regum Franciæ, ad lib. 1. Collationis, tit. 5. §. 24. scribit usu esse receptum in Gallia, ut non solum Episcopi & Abbates propriis Ecclesiis, sed ipsi etiam Parochi & Rectores teneantur singuli contribuere ad propriarum Ecclesiarum fabricam & reparationem, si modò ipsi quoque redditus copiosos percipiant: & ad hoc multa profert Curiarum Regni Judicata. Id confirmant prisca Constitutione Caroli Magni, inserta in dicto lib. 1. Collationum, tit. 5. §. 9. desumpta ex ejusdem Capitularii libro 5. cap. 146. ubi statuitur, debere Beneficiarios qui decimas de frugibus aut animalibus percipiunt, aut qui censibus Ecclesiæ perfuuntur, contribuere suarum Ecclesiarum operi & instaurationi. His conforme est Jus Commune in cap. 1. de Ecclesiæ ædificand. *Quicumque Ecclesiasticum Beneficium habent, omnino adjuvent ad recta Ecclesia restauranda, vel ipsas Ecclesias emendandas.* Item cap. *De his, quod tit. De his, qui Parochiales Ecclesias habent, duximus respondendum, quod ad reparationem & institutionem Ecclesiarum cogi debent quum opus fuerit, de bonis quæ sunt ipsius Ecclesiæ, si eis supersint, conferre, ut eorum exemplo ceteri invitentur.* Hic observa verba ista, *Si eis supersint*, quia si Parochi solam habeant congruam portionem, aut parum quid ultra

eam.

eam, nullatenus tenentur. Denique in Concilio Arelatenſi ſub Leone Papa III. regnante Carolo Magno, ſtatuitur can. 15. ut Beneficium Eccleſiaſticum habens, ad reſta ipsius Eccleſiæ reſtauranda, vel ad ipſas Eccleſias ædificandas omnino adjuvet. Denique hoc idem ſancivit Henricus III. Ediſto anni 1186.

III. Nec verò ſoli Beneficiarii, ſed etiam ipſi Parochiani, quorum utilitati conſulitur, in partem horum contribuere tenentur, ut decernit Concilium Trident. ſeſſ. 21. de reformat. cap. 7. Idque innumeris iudicatum eſt Galliæ Senatusconſultis, quæ referunt Charondas, Mornacius, Expillius & Deſpeilleus de Benef. Eccleſ. tit. 9. ſeſt. 12. Quin etiam præſatum Henrici III. Ediſtum eximit Beneficiarios à majoribus Eccleſiarum reparationibus & ſtructuris, niſi ipſorum culpâ & notabili negligentia ruinæ contigiffent.

IV. Communior Gallicani Regni uſus multis Judiciis confirmatus, quæ referunt Charondas lib. 1. Reſponſorum, cap. 57. Antonius Bleinianus lib. 1. *Prax. Benef.* tit. 1. ad fin. hic eſt, ut Eccleſiæ chorus, ubi ſunt Clericorum ſedilia, ab ipſis Clericis; navis autem à laicis debeat inſtaurari, niſi fortè alicubi diverſa vigeat conſuetudo vel ſtatutum. Et quia plures eſſe poſſunt, quorum interſit Eccleſiam vel ejus chorum reparari, docet ibi Bleinianus incipiendum eſſe à Curatis ſeu Rectoribus percipientibus fructus decimarum, ut pro rata reddituum contribuant, niſi ſint Curati, aut Vicarii amovibiles, aut tennes eorum redditus congruam ſuſtentionem non excedant: his diſcuſſis, Prælatos quibus illæ ſubjiciuntur Eccleſiæ, eſſe ſecundo loco compellendos; qui enim ſentiunt emolumentum, onus pariter ſentire debent. Denique tertio loco Parochianos, aut oppidi communiratem, quoties largæ requiruntur expenſæ, ſive ad ædificandam, ſive ad reparandam Eccleſiæ ſtructuram: ad minores autem impenſas laici non ſunt adigendi. Multis locis, atque adeò in hac Narbonenſi provincia conſuetudo habetur, ut Eccleſiæ ædificandæ & inſtaurandæ tertiam partem contribuant Eccleſiaſtici, reliquas duas Populus. Hic uſus aliquatenus accommodatur uſui, quo ſtructura vel reparatio chori ſpectat ad Clerum; navis autem, quæ ut plurimum duplo chorum excedit, ad Populum.

V. Structura quoque & inſtauratio domus habitationis Parochi ad Populum ſpectat, cujus intereſt, quique participat Sacramentis, ut plerique ſtatutum fuit Senatusconſultis apud Expillium, Chenutium & Deſpeilleum diſta ſeſt. 12.

VI. Ad Eccleſiarum fabricam & cultum pertinent Aeditui, quos vulgus Matricularios vocat, quorum confraternitates & ſodalitia poteſtati ac directioni Ordinariorum ſubjiciuntur. Pecunia quippe quam Fideles pro Eccleſia contribuunt, ſacra eſt, & à profanis impenſis aliena. De hac mentio fit lib. 4. Regum, cap. 12. & 21. & lib. 2. Machabæorum, cap. 3.


11 h 3.

& apud Sozomenum lib.8. Eccles. Histor. cap.11. Concilium Tridentinum sess.22. de reformat. cap.3. statuit hujus pecuniæ rationes coram Ordinario, aut eo quem Ordinarius commiserit, esse reddendas. Idemque sancitum Francis Edictis Caroli IX. Blesis 3. Octobris an.1571. & Henrici IV. 16. Martii an.1609. & Ludovici XIII. Turonibus 4. Septembris an.1619. quo etiam Edicto districtè vetatur Judicibus Regiis, ne se his rationibus immisceant. Tria Regia hæc Edicta inserta sunt integra ad finem Codicis Henrici.



CAPUT XXVIII.

Beneficiaria aliquot quæstiones elucidantur.

I.  N primis quæritur, quibus in impetrationibus necesse sit mentionem facere omnium Beneficiorum, quæ quis possidet? Respondeo faciendam esse coram Papa aut Legato, quoties aliquis intendit obtinere rescriptum ad aliquod Beneficium: alioqui rescripta, utpote obreptitia, erunt invalida, cap. *Si proponente*, de rescript. in 6. Quin etiam ab ipsis in Curia Romana perimantibus Beneficia mentio fieri debet aliorum omnium Beneficiorum quæ permutantes possident, juxta Rotæ decis. 15. de rescriptis, aliàs 622. in antiquis. Atque ita in Galliis pluries judicatum referunt Joannes Galli, Louetus & Bleinianus lib.3. prax. benef. cap.1. num.32. Hujusmodi porò Beneficiorum expressiones non exiguntur apud Ordinarios, Clement.2. de offic. Ordinar. Ratio est, quia Ordinarius ex officio scire debet Diocesis suæ Beneficia, & à quibus possideantur. Idem censendum de Patrono. Atque in universum in aliis quibuscumque, excepto Papæ & Legato, non est necesse reliquorum Beneficiorum in impetrationibus meminisse. Quinimò neque apud Papam & Legatum, quoties ipsi non ex præcedenti supplicatione, sed in toto proprio conferunt, cap. *Si motu*, de præbend. in 6. Hunc tamen expellens debita defectum reparare potest apposita in rescripto clausula: *Alia quæcumque Beneficia pro expressis habentes.*

II. Quæritur præterea, utrum pensiones Ecclesiasticæ Beneficii impostæ pro Beneficiis habeantur, ita ut harum quoque necessaria sit expressio? Respondeo, si pensio sit perpetua, id est ad vitam pensionarii, diversimode sentiunt Doctores. Rebuffus sibi ipsi oppositus tract. de pacif. possell. num. 133. hanc ponit conclusionem: De pensione quæ finitur cum persona, non est ponenda mentio in Beneficii impetratione; secus si pensio transferatur de persona in personam, hoc est, si à Papa sit decer-

nente

nente (qui est in Romana Curia usus non infrequens) mortuo pensionario transferatur ea pensio in alium superstitem Clericum ; quia eo casu pensio videtur naturam induere beneficii. Et tamen ibid. addit, quamlibet pensionem, quæ est ad vitam suscipientis, vicem tenere Beneficii, ideoque faciendam esse illius mentionem in impetratione Beneficii, nisi hic defectus suppleatur in literis per clausulam istam, *pro expressis habentes*. Plerique Doctores tradunt pensionem non modò non esse nomine Beneficii comprehendendam, sed esse jus temporale & profanum : quam opinionem esse omnibus Juris Canonici Interpretibus communem, asserit Azorius p. 2. lib. 8. cap. 5. quæst. 4. & 6. & Gambarus lib. 6. de officio & potest. Legati, num. 633. qui & testatur sæpius in Rota judicatum fuisse, pensionem rem esse profanam. Idque constat ex Rotæ decis. 425. in novis, p. 1. Item Ancharanus, Cardinalis Imola in Clem. 1. de supplend. neglig. Prælat. Gigas quoque de pensionibus, quæst. 7. num. 2. & quæst. 16. num. 1. & quæst. 99. num. 7. pro quo allegat Baldum, Felinum, & alios. Item Auferrius in decisionibus Capellæ Tolosanæ, quæst. 472. Cæterum Azorius loco cit. censet in fine, verum esse, quod pensio sit jus rei spirituali annexum : tum quia ex Beneficii fructibus deducitur : tum quia solis Clericis indulgetur : tum quia ad eam requiritur Papæ approbatio, sive ut constituatur, sive ut redimatur ac extinguatur, sive ut transferatur in alium : tum quia per subsequens matrimonium extinguitur : tum quia de pensione quoque solvitur annata : tum quia ubicumque recepta est Bulla Pii V. pensionarius, si aliunde non est adstrictus magno. Breviarii officio, tenetur recitare quotidie parvum Beatissimæ Virginis Officium, cujus omissione non facit fructus suos. Quid juris olim de pensionibus fuerit, nihil moror. Sed post Pii V. Bullam editam anno 1571. quæ incipit *Ex proximo*, quæ in Galliæ Regno usu viget, censeo pensiones clericales, tametsi propriè Beneficia non sint, esse tamen sacras ac spirituales, & sufficientem simoniæ materiam ob supradictas rationes. Ita Suarez tom. 1. de religion. lib. 4. cap. 26. num. 9. Valentia tom. 3. disp. 6. q. 16. punct. 3. Bonacina de simon. disp. 1. quæst. 4. §. 13. num. 4. Jacobus Grassius tom. 1. lib. 2. cap. 50. num. 12. hoc addens, simoniam in pensione clericali non inducere excommunicationem, quia pensio non est beneficium.

III. Et si autem pensio permulta illa, quæ dixi, communia habeat cum Beneficio, non tamen appellatione Beneficii continetur : quam sententiam amplectitur Azorius loc. cit. quæst. 4. atque omnibus communem esse Doctoribus, quoniam sicut usufructus est quoddam jus à proprietate distinctum, sic & pensio à Beneficio : & sicut usufructus morte usufructuarii finitur, §. *Finitur*, Institut. de usufruct. sic & pensio morte pensionarii. Item quia Beneficium datur primariò & per se propter Divinum Officium & Sacrum Ministerium ; pensio verò in vitæ subsidium & commodum temporale, quod est quid profanum. Verumtamen ad cautius agendum,

agendum, & ad evitandos omnes litium anfractus & prætextus tergiversationum, consultius erit ad impetrationem Apostolici pro Beneficio rescripti, non solum Beneficia quæ quis possidet, sed etiam pensiones super Beneficiis recensere; quanyis id secundum Jus exactius non sit necessarium, nisi ad obtinendum rescriptum in forma pauperum; quia tunc agitur de informatione circa vitæ subsidia. Disertè ait caput *Quarvis plenissima* 4. de præbend. in 6. pensionem non comprehendi sub nomine Beneficii. Nec obstat caput *Ad audientiam*, il 2. de rescript. ubi is qui literas Papæ impetraverat ad aliquod Beneficium, huic renuntiavit acceptâ pro Beneficio pensione: deinde alterum obtinuit rescriptum pro alio obtinendo Beneficio, à quo tamen idè excluditur, quia in hoc secundo non fecit mentionem priorum literarum. Nec etiam obstat Glossa in cap. 1. de rescript. verb. *Mandatum*, sub finem. Nam dictum caput, & dicta Glossa invalidum dicunt secundum rescriptum, non ob reticentiam pensionis, sed ob reticentiam præcedentium literarum de conferendo Beneficio. Præterea illa obtrita pensio erat fraudulenta, & jure prohibita, & præter intentionem ipsius Papæ, ut expressè ait Glossa in d. cap. *Ad audientiam*, verb. *Pensiones*. Atque ita iusta causa erat privandi pensionarium jure secundi rescripti, eo quod abusus fuisset priore, quod tacuerat, rescripto. Quia privilegium meretur amittere. is qui concessa sibi abutitur potestate, cap. *Tharum*, de privilegiis.

I V. Itaque ubi agitur de obtinendo Beneficio per rescriptum in forma pauperum, hoc est ut impetretur à Sede Apostolica mandatum provisionis de Beneficio, fundatum super supplicantis paupertate, necesse prorsus est & pensiones, & omne quod quis habet patrimonium exprimere, ut consentiant omnes Doctores post Panormitanum in cap. *Postulasti*, de rescript. num. 3. Præterea eadem incumbit necessitas pensionum, quas quis habet, exprimendarum volenti novæ pensionis gratiam impetrare. Boërius in decision. Burdegal. quæst. 162. Rebuffus tract. de pacific. possess. num. 142. quia non facile præsumitur Romanus Pontifex velle novo oneri Ecclesiam subijcere jam oneratam, argum. cap. *Mandatum*, de rescript. & sic decisum in Rota refert post Cassadorem Rebuffus. His faver lex *Navis*, §. *Cum autem*, D. ad leg. Rhod. de jactu, in his verbis: *Quia non debet duplici onere onerari*. Et lex *Titia* 34. §. *Qui invita* §. D. de legat. 1.

V. Tertio quaeritur, liceatne plura tenere Beneficia? Respondeo cum S. Thoma quodlibeto 9. art. 15. quem communiter ceteri sequuntur, Navarra Enchir. cap. 29. num. 128. Lessio lib. 2. cap. 34. dub. 27. plura quidem simul tenere Beneficia non esse intrinsecè malum, nec tamen prorsus indifferens, sed speciem quandam mali præ se ferre; quæ tamen mali species destinat ubi adhibentur debita circumstantiæ, aut rationabilis dispensatio, aut sine dispensatione consuetudo recepta. Nam ut ait S. Thomas, & post eum Navarra loco cit. consuetudo perinde ac dispensatio potest humano

humano juri derogare, sed non naturali & divino. Non hîc sermo est de Beneficiis incompatibilitatem habentibus primi generis, ut sunt duo Episcopatus, duæ Ecclesiæ Parochiales, duæ Dignitates, duo Personatus, aut etiam duo simplicia ejusdem generis sub eodem tecto Beneficia, ut duo Canonicatus. De hujusmodi statuitur, quod acceptâ pacificâ posterioris possessione, primum ipso jure vacet, cap. *De multa*, de præbend. & extravag. *Execrabilis*, eod. tit. Quin etiam non hîc loquor de Beneficiis incompatibilitatem secundi generis habentibus, quanvis in istis non vacet primum per pacificam secundi Beneficii possessionem adeptam, qualia sunt duo Beneficia simplicia, quorum singula residentiam requirunt, ut sunt Dignitas in una Ecclesia, & Canonicatus in alia Ecclesia; quæ tamen in una eademque Ecclesia non haberent primi generis incompatibilitatem, quatenus sunt difformia, & non conformia, seu ejusdem generis Beneficia: neque etiam incompatibilitatem secundi generis, quia non sunt diversarum residentiarum, ut docent Navarra lib. 3. consil. 29. de præbend. & Lessius dub. 27. n. 144.

V I. De cæteris verò Beneficiis utraque incompatibilitate carentibus, si neutrum separatim sufficiat ad decentem victum, non est dubium quia utraque simul teneri possunt, juxta Concilium Trident. sess. 24. cap. 17. Ubi verò singula seorsum sufficiunt ad decentem victum, ibi spectantur diversæ species mali. 1. Quia minuitur Dei cultus; Clericus enim tribus provisis Beneficiis, non nisi unum quotidianum persolvit officium, quod à tribus provisis seorsum persolvendum esset. 2. Minuuntur Ecclesiasticæ Operarii. 3. Fundatores sua frustrantur intentione. 4. Frustrantur subsidio alii pauperes Clerici, & forsan magis idonei ac Ecclesiæ utiliores futuri. 5. Suppeditatur materia avaritiæ, luxus, & scandalorum occasiones. Hæc aliæque damna commemorat dicta extravag. *Execrabilis*, de præbend. Quæ tamen species mali possunt compensari & cohonestari quandoque per Ecclesiæ utilitatem spectabilem, ut contingit in summis Dignitatibus & personis illustribus, quarum conditio aliquem efflagitat splendorem. Item in quibusdam viris scientiarum & virtutum dote præcellentibus, & in illis præsertim qui sanctissime redditus Ecclesiasticos dispensant, quorum rarus est hoc infelicissimo tempore numerus præ illis qui sacris redditibus nequiter abutuntur. Ubi causæ istæ non existunt, ne justa quidem, sed abusiva est dispensatio. Verùm ubi prorsus justa causa existit, atque ipsi Ecclesiæ conducibilis, sufficit (ut loco citato docet S. Thomas & alii communiter) ipsamet consuetudo; quæ tamen nullatenus sufficeret ubi Ecclesia grave pateretur detrimentum vel scandalum, ne quidem adhibita dispensatione, quia tunc læderetur Jus Divinum, contra quod prævalere non potest consuetudo vel dispensatio Ecclesiastica. Porro interdicta plurimum Beneficiorum possessio comprehendit etiam Beneficia in Commendam concessa, ut disertis verbis exprimit Concilium Trident. d. sess. 24.

cap. 17. his verbis: *Beneficia tam secularia, quàm regularia quæcunque, etiam commendata.* Hoc tamen non derogat dispositioni præcorum Canonum permitterentium duo simul possidere Beneficia, quorum unum sit in Titulum, & alterum in Commendam, non perpetuam, sed temporalem ad sex menses, cap. *Nemo*, de elect. in 6. can. *Qui plures*, 21. quæst. 1.

* VII. Cæterum quantumcunque consuetudo plura beneficia tenendi non incompatibilia inoleverit, certum est huic licentiæ repugnare spiritum Ecclesiæ, qui non alius est à spiritu Sponsi ejus JESU-CHRISTI, ut constat ex innumeris Ecclesiæ Canonibus, & gravibus damnis paulò antè commemoratis. Et videmus eos qui plures habent præbendas, non idèò liberaliùs in elemosynas & opera pietatis expendere, sed luxum & familiares expensas adaugere, sibi que damnationem asciscere, quantumvis comminetur Christus, Luc. 12. vers. 21. *Sic erit omnis qui sibi thesaurizat, & non est in Deum dives.* Et quidem tremenda eorum qui plures præbendas possederunt, exempla legimus apud Dionysium Cartusianum, ut mirum sit graves & insignes Doctores adeò negligenter in hac parte suæ æternitati providisse. Et quidem peccare etiam mortaliter eos qui plura vel possident sine rationabili causa Beneficia, vel aliis procurant, vel conferunt, eximii Doctores asserunt, Navarrus in miscellaneo 60. Gabriel Biel in 4. dist. 15. q. 8. Joan. Major dist. 24. quæst. 12. Azorius part. 2. lib. 6. cap. 11. Toletus lib. 5. cap. 81. Binsfeldius part. 4. cap. 3. Lopez part. 2. cap. 101. & 102. Sylvius in 2. 2. quæst. 63. art. 2. conclus. 9. Quia digni sunt morte non solum qui prohibita faciunt, sed etiam qui consentiunt facientibus. Roman. 1. Ait verò Concil. Trident. sess. 7. cap. 2. *Qui plures Ecclesias, sive in titulum, sive in commendam, contra præsentis decreti tenorem nunc possident, unâ quam maluerint retentâ, reliquas infra sex menses, si ad liberam Sedis Apostolicæ dispositionem pertineant, alias infra annum dimittere teneantur: alioquin Ecclesia ipsæ, ultimo obtentâ dumtaxat exceptâ, eo ipso vacare censeantur.* Idemque Concilium sess. 24. cap. 17. de reformat. hoc ipsum decretum ad S.R.E. Cardinales extendit.

VIII. Quartò quæritur, ubi constaret de certo quodam fundatarum Missarum numero, sed non de Fundatoris intentione circa Missarum applicationem, utrum libera sit Rectori seu Capellano harum Missarum applicatio, atque ita possit pro his applicandis stipendia recipere? Respondeo, non licere illi stipendia alia recipere, sed altringi ad applicandum pro animâ Fundatoris. Etenim in obscuris inspicitur quod verisimilius est, aut quod plerumque fieri solet, l. *In obscuris*, D. de regul. jur. Atqui verosimilius est hanc fuisse Fundatoris mentem, ut Missæ sibi applicarentur; & est frequentissima talium Fundatorum intentio, ut Missæ pro seipsis celebrentur. Ergo hoc idem de proposito Fundatore, ubi nihil aliud liquet, præsumi debet, ut voluerit sibi omni meliori modo providere. Bonacina de Sacram. Euchar. disp. 4. quæst. ult. punct. 7. §. 2. Ulterius hoc confirmat.

confirmatur per legem *Cum res legata*, D. de leg. 1. ubi dicitur, ibi præstandam rem esse ubi testator voluerit, vel ubi verisimilius est eum voluisse. Quibus etiam ex verbis inferitur, eadem ratione Capellanus teneri celebrare præcisè in Ecclesia vel Altari quod Fundator expressè designaverit, si non excuset necessitas, vel iusta admodum causa: neque sufficere Patronorum vel heredum consensum; his enim non licet intentionem Fundatoris intervertere. Qua in re si sæpius se dispenseret absque causa Capellanus, peccat mortaliter, & secundum Grassium, Azorium, aliosque tenetur aliquam reddituum partem restituere. Alii quidam, ut Possevinus, & Bonacina, probabile iudicant, non teneri restituere, si alibi Missas quas debebat, celebraverit.

I X. Quæritur quintò, utrum in casibus foundationis perpetuæ & quotidiana Missæ sit strictus Capellanus ad quotidie celebrandum, sive per se, sive per alium? Pro responsione approbo communem hanc Doctorum distinctionem. Vel Fundator velle se declaravit, ut provisorius de Capellania sit actu Sacerdos & per se quotidie celebret; atque in hac parte consensio communi Doctorum suffragio, hunc dispensari ab isto quotidiano onere, duobus advenientibus casibus, scilicet corporis infirmitate, & speciali aliqua causa honestatis & devotionis debita: in utroque enim casu discretè declarat caput *Significatum*, de præbend. quotidianarum Missarum onus licetè intermitti posse. Cum verò intermissio illa debeat certis limitibus circumferri, qui tamen non determinantur in ipso iure, duplex adhuc restat discutienda quæstio, scilicet quot diebus liceat intermittere quotidianum illud onus propter ægritudinem corporis; & quot etiam diebus propter honestatem & debitam devotionem? Et quidem quod spectat ad causam honestatis & devotionis, opinio multorum est, ut possit hac ex causa Capellanus Missam intermittere foundationis uno die per singulas hebdomadas. Panormitanus in d. cap. *Significatum*, Imola ibid. Sylvester verb. *Missæ* 1. quæst. 7. versic. *Quintum*, Angelus verb. *Missæ*, quæst. 45. Navarra consil. 7. de præbend. Zerola part. 1. verb. *Missæ*, ad 9. idemque part. 2. verb. *Missæ*, §. 9. Suarez in part. 3. tom. 3. disput. 86. sect. 1. col. 3. versic. *De beneficiis*, Barbosa de officio & potest. Episc. part. 2. alleg. 24. num. 31. Horum etiam aliqui, ut Navarra & Zerola, adiungunt posse ad singularum hebdomadarum diem unum interdiu alterum superaddi. Ego tamen ut lubens quod canone illo *Significatum*, permittitur, dies aliquos intermissionis Missarum concesserim, nequaquam tamen ita frequentes, ut unus & alter dies de singulis hebdomadis exinatur: unum tamen de singulis mensibus diem demi posse, aut duodecim ex toto anno, indubitanter concesserim, Glossa quidem in d. cap. *Significatum*, exponit causam *devotionis debita*, contingens Sacerdoti peccatum mortale, ratione cuius debeat à Sacrificio abstinere. Ego verò latius istam devotionis causam exponendam duco, ut interdiu etiam sacrificet ob aliam quàm foundationis causam, etsi rarissime

id ei liceat. Durissimum enim & indecorum, & debitæ devotioni oppositum nimis est, si Sacerdos tam iniquo vinculo astringatur, ut totius vitæ tempore non possit nisi pro uno aliquo defuncto, nunquam verò pro seipso, nunquam pro sancta Ecclesia, nunquam pro urgentibus populi calamitatibus, nunquam pro parentibus aut fratribus defunctis sacram celebrare. Quum verò allegatur honestatis aut debitæ devotionis causa illa Canone præfata approbata, procul excluditur causa avaritiæ; nec enim tali Capellano licebit vel unam diem de toto anno demere ad celebrandum stipendii causâ pro alia quacumque intentione.

X. Nunc est discutienda altera, nimirum corporeæ ægritudinis causa, quæ juxta dictum caput *Significatum*, de præbend. dispensat à quotidianæ Missarum celebrationis obligatione, adeo ut opus non sit alterius Sacerdotis substitutione. Istas Missarum inducias Summistæ & Canonistæ diversimodè assignant. Qui eas strictius restringunt, limitant ad decem dies, quibus exactis, si infirmitas duret, volunt alterum subrogari Sacerdotem ad Missarum onus. Ita sentit Barbosa loco cit. Quod enim datum ob causam fuit, repetitur si ex recipientis infirmitate non potest causa adimpleri, l. *Si pecuniam*, in princ. D. de condict. caus. dat. caus. non sequit. Qui verò latius has extendit inducias, mensem ægritudinis assignant, Hurradus de Sacramentis disp. 4. Layman, & Bonacina, qui ipse Mediolanensis civis Concilium provinciale septimum Mediolanense, tit. de Missis, in testimonium adducit, posse integrum stipendium à Sacerdote recipi, qui ex vera infirmitate uno mense non celebraverit. Media denique, meoque judicio justior & æquior sententia, quam tuentur Petrus Navarra lib. 2. de restitut. cap. 2. num. 211. & Bonacina de Sacram. Euchar. disp. 4. quæst. ult. punct. 8. num. 17. aliique Doctores, concedit ex morbo dierum quindecim inducias. Improbabilis est autem opinio Sylvestri verb. *Missæ* 1. quæst. 7. num. 7. ad fin. & Azorii part. 1. lib. 10. cap. 24. quæst. 7. teneri detentum pauperum dierum valetudine Sacerdotem supplere per alium, aut pro rata de stipendio restituere. His enim aperte refragatur dictum caput *Significatum*, de præbend. & naturalis æquitas reclamatur, secundum quam dicit Glossa in l. *Arboribus*, §. *De illa*, D. de usufr. non esse denegandum salarium famulo, qui exiguo tempore ægrotavit.

XI. Prædictis quidem Missarum induciis absque stipendii diminutione locus est, quando voluit Fundator celebrari Missæ ab ipso eodem qui de Capellania provissus fuit, atque ita qui sit actu Sacerdos. Sed ut resumamus alterum primæ distinctionis membrum, si Fundator non providerit ut teneatur Capellania ab eo solum qui sit actu Sacerdos, poterit Clericus annorum quatuordecim, aut etiam secundum Gallie usum annorum septem completorum provideri, qui teneatur per alium Missas persolvere; eoque casu non licebit ullo die Missas intermittere, neque valebunt ad illas inducias prædictæ sive corporis infirmitatis, sive honestatis, aut de-

bitæ

bitæ devotionis causæ. Ubi enim libertas relinquitur alium subrogandi per eum, qui non Sacerdos fundatione provifus fuerit, jam non admittitur excusatio, quia uno impedito, nunquam deerit Sacerdos substituendus. Hac in re unanimes sunt præallegati Doctores, Abbas, Imola, Sylveſter, Angelus, Navarra, Zerola, Suarez, Barbosa.

XII. Quæritur denique, quænam requiratur expreſſio ad hoc ut Capellania aliqua cenſeri debeat Sacerdotalis, hoc eſt, ut non poſſit niſi Sacerdoti, aut ſaltem juxta ſupradicta, ei qui poſſit intra annum fieri Sacerdos, conferri. Idem quoque quæri poteſt de aliis Beneficiis cæteris ſimplicibus, ſi de intentione Fundatoris diſceptetur. Reſpondeo, ſi ſtatutum aut fundatio jubeat provideri de Capellano qui teneatur Miſſas celebrare, aut ut Capellanus ad tale Beneficium promotus toties ſacrificet, nec addat ut teneatur per ſeipſum ſacrificare, aut aliquid evidenter æquipollens, conſeri debere Capellaniam non eſſe Sacerdotalem actu, qualis eſſet, ſi juberetur eum qui promovebitur, eſſe actu Sacerdotem, & per ſeipſum ſtatim celebrare: neque etiam aptitudine, qualis eſſet ſi juberetur provideri de Capellano qui teneatur per ſeipſum celebrare: quo caſu, ut paulò ſuperius dixi, ſufficeret provideri de Clerico non actu Sacerdote, ſed qui talis eſſet, ut intra annum fieri Sacerdos poſſit, quo intervallo teneatur Miſſas per alium ſupplere. Ubi verò fundatio diſcretè non exprimit ut provideatur de Capellano qui teneatur Miſſas præſcriptas per ſeipſum celebrare, tunc illa Capella erit ſimpliciter Clericalis, & ad eam promovere licebit Clericum ſufficientem & idoneum, hoc eſt nullo præpeditum canonico impedimento, quanvis in hoc Regno ſeptem dumtaxat ætatis annos impleverit, aut alibi quatuordecim. Hoc verò diſcrimen, quo dignoſci poſſit ex verbis fundationis, quænam cenſenda ſit Capellania Sacerdotalis, & quænam ſimpliciter Clericalis, tradunt unanimis Doctores, Garcias de Beneficiis part. 7. cap. 1. num. 87. & ſeq. Auguſtinus Barbosa in remiſſionib. ad Concil. ſeſſ. 24. cap. 12. num. 62. Emmanuel Sà verb. *Beneficium*, num. 28. Bonacina de Sacram. Euchar. diſput. 4. quæſt. ult. punct. 7. §. 1. n. 1. Layman lib. 4. tract. 2. cap. 14. num. 2. Hi tres ultimi allegant reſponſiones Congregationis Cardinalium, quibus etiam Bonacina expreſſas Rotæ deciſiones adjungit. Porro Sacerdotalis Capellania proviſum adſtringit ad reſidentiam, quantum Miſſarum onus certo loco perſolvendum eſt; non verò ſimplex, ſeu Clericalis, niſi ſubſtitutum Sacerdotem, Obligatio tamen reſidendi ad Capellaniam Sacerdotalem non eſt ſtrictior quàm Parochi, cui licitum eſt brevi tempore abſeſſe, relicto ſubſtituto; aut etiam longiore, ubi neceſſitas, vel juſta cauſa adigit.



CAPUT XXIX.

De Decimis, & Oblationibus.

I. **D**ECIMÆ, & Oblationes ad bona & jura Ecclesiæ pertinent. Decimarum triplex genus censetur: prædialium, quæ ex prædiis, locatione agrorum vel domorum, piscinis, lacubus, moletrinis, &c. personalium, quæ ex personarum negotiatione, famulatu, artificio, &c. mistarum, quæ ex animalium sectu, lana, lacte, &c. educuntur; harum enim rerum fructus partim ex prædiis, partim ex hominum industria prodeunt. In his omnibus, tum quoad res ipsas, tum quoad taxationem spectanda est locorum consuetudo, quæ etiam pluribus in locis, præsertim in Gallia, cessarunt decimæ personales.

II. Fraudantur decimæ, si quis ad ipsas seponat fructus deteriores, quo casu mortaliter peccatur cum obligatione restituendi, quemadmodum etiam quando infra receptam taxationem præstantur. Non tamen tenetur quisque optima pro decimis seligere, sed mediocria ex bona fide, prout occurrunt. Joann. Major. in 3. Sentent. dist. 37. quæst. 36. col. 2. Navarra Manual. cap. 21. num. 31. Similiter statuit lex *Legato generaliter* 37. D. de legat. 1. legato generaliter relicto, veluti servi unius, neque optimum, neque pessimum esse accipiendum.

III. Deducendæ sunt decimæ ex integris fructibus ante omnem expensarum, censuum, tributorum & aliorum quorumcunque onerum deductionem: tum quia decimarum jura sunt antiquiora: tum etiam, quia jura Dei & Ecclesiæ humanis juribus anteferri debent, cap. *Cum non sit*, & cap. *Tua nobis*, de decimis.

IV. Queritur de jure decimarum, an possit Laïcis competere? Non potest Laïcis primario competere, cum sit jus spirituale, contractum ob Ecclesiasticum ministerium; idèoque neque possideri, neque præscribi à Laïcis possunt, cap. *Ad hæc*, de decim. & cap. *Causam*, de præscriptione. Potest verò Laïcis competere jus decimarum ab illo primario exortum, quatenus potest Ecclesia jus laïcis ad fructus, prout temporales sunt, concedere, puta donatione, locatione, venditione. Hoc enim jus secundarium cum proficiscatur ex humano contractu, temporale est. Lessius lib. 2. de just. cap. 32. dub. 4. num. 19.

V. Galliæ usus est, ut à Laïcis sine justo & probato titulo decimæ præscribi non possint, ne quidem possessione, cujus initii memoria non extet

extet , ut docet Laurentius Bochellus in Summa Beneficiaria , verb. *Decime* , cap. 3. num. 3. fuisse sæpiſſimè in Supremis Curiis judicatum conformiter ad Clotarii Regis Conſtitutionem in legibus Alemanorum , cujus verba ſunt : *Res Eccleſie de laïcis abſque charta nullus præſumat poſſidere. Et ſi chartam non oſtenderit, quod comparaffet à Paſtore Eccleſie, poſſeſſio ſemper ad Eccleſiam pertineat.* Alter Gallie ulus eſt , ut ibidem tradit Bochellus num. 4. Charondas ad Codicem Henrici lib. 1. tit. de decimis 14. art. 1. Chenutius centuria 2. q. 6. Deſpeſſeus de Benef. Eccleſ. tit. 9. ſect. 1. n. 6. multa proferentes Judicata , quod decimæ à laïcis infeudatæ ante Lateranenſe ſub Alexandro Papa III. Concilium debentur laïcis. Concilium iſtud anno 1180. conſultum & publicatum fuit. At verò quinque ferè ante id tempus ſæculis Carolus Martellus , urgente periculoſiſſimo Saracenorum bello , qui magnam Galliarum partem invaſerant , multarum Eccleſiarum decimas Ducibus exercitus ſui attribuerat , ut eos in tanto Chriſtianorum diſcrimine fidos & ſtrenuos haberet hoc novo auctoramento. Atque hæ dicuntur decimæ feudales , ſeu infeudatæ , utpote à Principe in ſeudum converſæ. Præſatum Concilium decernit laicos decimas detinentes , non poſſe illas in alios transferre laïcos , ſed debere Eccleſiæ reſtituere , cap. *Prohibemus* , de decim. Idque ſervatur quidem in Gallia circa decimas poſt id Concilium infeudatas , aut quovis modo à laïcis acquiſitas ; ſed non circa decimas ante id Concilium infeudatas , quæ ſolent ad hæredes alioſve laicos transferri , ſive voluntariâ , ſive coactâ alienatione. Louetus lit. D, cap. 9.


V I. Decimæ ex novalibus procedentes pertinent ad Parochum , ejuſque redditibus accreſcunt , cap. *Commiffum* 4. cap. *Quoniam* 13. cap. *Ex parte* 27. cap. *Cum contingat* 29. de decim. Idque ſervatur in Gallia multis firmatum Senatusconſultis , quæ reſert Charondas lib. 1. reſponſorum , cap. 18. Lepreſtre centur. 1. cap. 15. Bochellus Sim. Benef. verb. *Declime* , cap. 3. Novale hoc loco intelligimus terram nunc primùm ad fructificandum proſciſſam , cap. 1. §. *Novale* , & cap. *Quid per novale* , de verb. ſignif. quanvis alibi quoque ſignificet terram coli ſolitam , ſed quæ uno vel altero anno interquieſcere ſinitur , l. *Sylva* , §. *Novalis* , D. de verb. ſignif. Sed ſi antequam novale excoleretur jam erat decimis obnoxium erga Rectorem vel Prælatum , nihil novi Parocho acquiritur. Huic tamen competet actio adverſus Rectorem vel Præbendatum ad congruæ ſuæ portionis augmentum , ſi occasione novæ culturæ curialia ei onera ſuccreſcant , ut tradit Bochellus loc. cit. & ſi lis in longum protelanda videatur , poteſt initio petere ut per provisionem tale ſibi interea ſupplementum decernatur. Congrua enim portio cedit in alimenta & victum Parochi , quæ dilationem in jure non patiuntur , l. 1. C. de aliment. pupil. præſtand. arque initio litis , & extra communem Juris ordinem petuntur & providentur , l. *Cum unus* , §. fin. D. de aliment. & cibar. legat. & l. penult. D. de hiſ qui ſunt ſui vel alieni

alieni jur. Eoque jure utendum circa congruam Parochi portionem, docet quoque Rebuffus tract. de congrua portio. n. 62. Sed si Parochis suppetit ex Beneficii fructibus sufficiens victus, non eis competit jus supplimenti, ac repelluntur à petitione congruæ portionis, cum jam illam habeant. Louetus lit. D, cap. 8.

VII. Jure communi, quod in Gallia quoque receptum est, immunes sunt à solutione decimarum, tum Religiosi Hospitalarii ac Militares Sancti Joannis, tum Cistercienses, tum Cœlestini, cap. *Ex parte*, cap. *Licet*, cap. *Ad audientiam*, de decim. & privilegium istud Cœlestinis indulserunt Bullæ Cœlestini V. & Gregorii XI. quas roborarunt in Galliâ pleraque Senatusconsulta apud Despeisseum tract. de benefic. tit. 10. sect. 3. Sed exemptiones istæ non extenduntur ad terras quas præfatæ Religionis tradunt aliis excolendas in emphyteusum, Gallicè *Bail à ferme*, vel in censum, ut tradit dictum cap. *Licet*, de decim. Verumtamen ne horum privilegiorum occasione Ecclesiæ graventur, Innoc. III. in Concilio generali providè decrevit circa Cistercienses, Templarios & Hospitalarios (nondum enim erat institutus Cœlestinorum Ordo, qui posterius emersit) si quod prædium acquirant post idem ipsum generale Concilium, ut non hac à decimis exemptione fruatur, quanvis ab ipsis Religiosis possideatur & excolatur; sed privilegium solis inhæreat prædiis antea quæsitis, cap. penult. de decim. Et generaliter omnes Religiosi de novalibus suis, quæ propriis manibus vel sumptibus excolunt, & de nutrimentis animalium suorum, & de hortis suis decimas solvere non tenentur, cap. *Ex parte*, cod.

VIII. Quanvis nomine Oblationum generaliter comprehendi possint quæcunque liberè, sive per dispositionem inter vivos, sive mortis causâ offeruntur Ecclesiæ; communior tamen hujus vocis ac propria usurpatio duorum genera donorum comprehendit, quorum alia vel imaginibus, vel Altaribus, vel parietibus Templi appenduntur, vel in capsas & arcas Ecclesiæ projiciuntur; alia verò vel in celebratione Missarum, vel in Sacramentorum ministerio, vel ad manus Sacerdotis, vel in pelym coram ipso contribuuntur. Consuetudo frequentior, & passim usitator, testante Bochetto ad Collat. Regiarum Constitut. lib. 1. tit. 6. sub fin. hæc est, ut istæ secundi generis oblationes Parochi lucro cedant: ea verò quæ appenduntur, ut dictum est, vel in capsas immittuntur, fabricæ & reparationi & ornatui Ecclesiæ destinantur; neque servantur nisi paucis in locis Edicta Henrici III. duo, scilicet Blesense art. 51. & Melodunenfe anni 1580. art. 21. quibus oblationum integra jura Parochis attribuuntur, cum derogatione Aurelianensis Edicti Caroli IX. quo pars aliqua Parochorum lucris subtrahebatur. Hæc Bochellus tradit, quanvis illo anterior Rebuffus tract. de decimis, q. 1. n. 29. & 30. scribat oblationes etiam ipsas quæ imaginibus aut parietibus appenduntur, deberi Ecclesiæ illius Parocho; sed si Ecclesiæ

Ecclesia indigeat, esse oblationes istas iudicio Episcopi impendendas ad reparationem. Zerola denique in praxi, p. 2. verb. *Oblationes*, testatur oblationes quæ in Parochiali Ecclesia fiunt, pertinere ad Parochum: eas verò quæ in alia fiunt Ecclesia, pertinere ad ejus Ecclesiæ Rectorem, seu Præpositum; sed eas, quæ in parietibus affiguntur aut suspenduntur, esse ipsius Ecclesiæ.



CAPUT XXX.

De rerum Ecclesiæ alienationibus.

I. **N**EQUE ullus Episcopus, neque Abbas, ac ne ipse quidem Summus Pontifex rerum Ecclesiæ alienandarum potestatem habet, ut disertè dicunt can. *Monemus*, can. *Quisquis Episcopus*, can. *Non licet Pape*, 12. q. 2. neque possunt Presbyteri alienare inconsulto Episcopo, neque Episcopus inconsulta Synodo vel Capitulo prædium Ecclesiæ vendere, aut aliter alienare, can. *Placuit*, 12. q. 2. & cap. 1. de his quæ fiunt à Prælat. sin. cons. Capit. Neque tantùm Capituli simul & Episcopi consensus, sed eorum quoque requiritur subscriptio, can. *Sine exceptione*, 12. q. 2. Decernit tamen can. *Terrulas*, 12. q. 2. terrulas aut vineolas exiguas, & Ecclesiæ minùs utiles, aut longè positas posse Episcopum, si necessitas fuorit, sine consensu Capituli distrahere. Alienationis prohibitiæ nomine comprehenditur donatio, venditio, permutatio, perpetua emphyteusis, cap. *Nulli liceat*, de reb. Eccles. non alien.

II. Clericus alienans rem Ecclesiæ, & quisquis eam recipit, excommunicatus est ipso facto: præterea Clericus remanet ipso facto privatus Beneficio & Ecclesiâ, cujus rem alienavit, cap. *Ambitiose*, in extrav. commun. de reb. Eccl. non alien. Talesque alienationes prorsus irritæ sunt, ibid. & cap. *Si quis*, eod. tit. & Concilium Tridentinum sess. 25. de reform. cap. 11. Adeo ut res alienatæ unâ cum fructibus restitui debeant, d.c. *Si quis*. Ratio est, quia præbendatus non est proprietarius, sed usufructuarius rerum Ecclesiæ. Ergo non potest nisi fructus solos alienare. Secundò, quia talis licentia res Ecclesiæ dissiparet, ipsaque Ecclesia spoliaretur suis. Tertiò, quia Deo semel dicatum non est ad humanos usus transferendum, cap. *Semel Deo*, de regul. jur. in 6.

III. Proceræ nemorum arbores ad Ecclesiam pertinentes, dejici prohibentur Edicto Henrici II. anni 1558. & Edicto Aurelianensi Caroli IX. art. 19.

K k

IV. Tres

IV. Tres juxta alienandi causæ recensentur per Glossam in proœmio Causæ 12. quæst. 2. Ecclesiæ utilitas vel necessitas evidens, ut si fructus non sufficiant impensis Ecclesiæ, aut Clericorum sustentationi, aut debitorum solutioni, pretium verò alienationis hunc defectum compenser, can. *Hoc jura porrectum*, 10. q. 2. Secundò ad subsidium pauperum in gravi necessitate, aut redemptionem captivorum, vel ad sepulturam Fidelium, ex S. Gregorio Magno lib. 5. epist. 17. & lib. 7. epist. 4. quibus ex causis sacra Vasa frangi & distrahi approbat: aurum enim habet Ecclesia, non ut servet, sed erogat, & subveniat in necessitatibus, can. *Aurum*, 11. q. 2. Tertia causa est evitandi damni, quando Ecclesiæ prædia sterilia & inculta manerent ratione gravium pro iis reparandis impensarum, & longæ distantia, can. *Sine exceptione*, can. *Terrulas*, 12. q. 2. & cap. *Ad aures*, de reb. Eccl. non alien.

V. Solennitates omnes in Gallia necessarias ad validam rerum Ecclesiæ alienationem recenset Chenutius tract. de alien. rerum Eccl. Prima est, ut interveniat Cleri sen Capituli consensus in scripturam redactus, cui singuli subscribant, d. can. *Sine exceptione*, 12. q. 2. Secunda solennitas est, ut ex deputatione per Capitulum certæ personæ committantur ad inquirendum de necessitate aut utilitate hujus alienationis. Eaque inquisitio deinde referri ad Capitulum debet sub forma scripta & juridica, ut de illa constet sine fraudis suspitione. Tertia, ut publicè per Parochos, tum illius, tum vicinorum locorum, & per affixas locis publicis schedulas denunciatur futura alienatio per licitationem ac subhastationem, ut qui amplius licitaverit & satisfecerit, rem habeat. Quarta, ut accedat Episcopi aut Vicarii Generalis consensus: aut si de re agitur Monasterii vel Ecclesiæ Regularis, consentiat Abbas ac Prælati Regularis; imò & licentia Summi Pontificis, adeo ut nec ipsa Superioris Generalis aut Provincialis auctoritas sufficiat. Ubi verò agitur de bonis Secularis Ecclesiæ, non sunt receptæ in Gallia recentiorum Pontificum Sanctiones, quæ hujusmodi requirunt Supremæ Sedis dispensationem. Prædictæ verò adhiberi debent solennitates, licet non foret alienatio perpetua, dummodò procedat ultra novennium prædii Ecclesiastici emphyteusis, ut admonet Chenutius, addens ex defectu unius harum conditionum Senatusconsultis Gallicanis multas rescissas fuisse alienationes rerum Ecclesiæ factas ab annis amplius centum.

VI. Observa duplicem competere actionem Ecclesiæ ad hanc rescissionem & recuperationem, scilicet actionem personalem adversus alienatorem, si est solvendo; & actionem realem adversus possessorem rei, argumento legis 3. & ult. C. si tutor vel curat. & can. *Apostolicis*, 12. q. 2. Sed si obtineret contra unum istorum, cessaret actio Ecclesiæ, l. 1. §. *Si plures*, Di de eo per quem fact. erit. Et si unum conveniat, non fit Ecclesiæ præjudicium quoad alterum; sola enim solutio imponit ei silentium, l. 1. §. Si


§. Si apud, D. depositi : & l. ult. C. Si tutor vel curat. ut docet Glossa in cap. Si quis, verb. Alienata, de reb. Eccles. alien.

VII. Denique sciendum, contra rei Ecclesiæ alienationem sufficere ut impediatur, vel ut facta revocetur, oppositionem etiam unius solius de Capitulo, contra communem reliquorum consensum, d. cap. Si quis, de reb. Eccles. alien. Etenim in re communi potior est conditio prohibentis, cap. In re communi, de reg. jur. in 6.



CAPUT XXXI.

De celebratione Fæstorum.

I.  DISCIMUS ex capite 1. & cap. Conquestus, de fæstis, opera Dominicis, festisque diebus prohibita, duplicis esse generis, scilicet servilia & mechanica, ad quæ nulla competit necessitas, vel quæ rationabili dispensatione non justificantur. Ex illis etiam quæ neque servilia, neque mechanica sunt, prohibentur juramenta publica, acta pariter Notariorum publica (exceptis tamen conventionum connubialium actis, & ultimarum voluntatum.) Vetantur insuper omnes judiciarii processus & strepitus forenses. Verumtamen privata studia & privatæ scripturæ, quanvis dirigantur ut præparatoriæ ad causas forenses, nullatenus diebus sacris prohibentur. Hæc enim neque servilia opera sunt, neque acta publica, neque strepitum judicalem præ se ferunt ullum. Merces vero quæ pro ejusmodi scriptionibus exsolvitur, cum sit operi debita nullatenus servili, non potest esse vilis, sed potius honoraria.

I I. Artificum delineationes in charta, quales sunt architectorum, pictorum, sculptorum, acupictorum, fabrorum lignariorum, nullatenus serviles censei debent, quia sunt magis ingenii quam corporis operationes: ideoque studii loco censentur, modo in charta sola exarentur; ideoque sacris diebus fieri non vetantur. Soto lib. 2. de justitia, quæst. 4. art. 4. Navarra cap. 13. num. 11. Tolerus lib. 4. cap. 24. num. 7.

I II. Necessitas quoque, sive publica, sive privata, remoto quoad fieri potest scandalo, facit licita diebus fæstis opera servilia, cap. Licet, cap. Conquestus, in fine, de fæstis.

I V. Concilium Aurelianense tertium nationale viginti & sex Episcoporum, habitum sub Vigilio Papa, regnante Childeberto, anno Domini 540. recenset quatuor species operum etiam servilium, quæ diebus etiam Dominicis licita declarat. 1. Aurigarum, 2. Coquorum & Pistorum.

K k 2

3. Famu

3. Famulorum domum adornantium. 4. Eorum qui corpora hominum adornant. Ejus verba hæc sunt can. 2. *Quia persuasum est populo, die Dominico agi cum caballis, aut bobus, aut vehiculis itinera non debere, neque ullam rem ad vitium præparare, vel ad nitorem domus, vel hominis pertinentem utilitatem exercere, quæ res ad Judaicam magis quam ad Christianam observantiam pertinere probatur: Statuimus ut die Dominico quod ante fieri licuit liceat. De opere autem rurali censuimus abstinendum.* Adeo periculosum judicabant Sancti Antilites hominum conscientias peccatis implicare per duriores & rigidiores præceptiones, atque doctrinas, quibus rudis populus per alienas persuasiones fuerat imbutus.

V. Observa post Sanctum Antoninum 1. p. tit. 9. cap. 7. §. 5. vers. *Item viatores*, & Suarez de Religione lib. 2. cap. 27. itinerationem, sive pedibus, sive jumento, sive vehiculo, sive remigio fiat, non esse absolute diebus Dominicis aut festis prohibitam, sed solum ratione accidentium, aut circumstantiarum quarundam, ut si absque necessitate auditio Missæ omitteretur, aut bestia onustæ, vel currus onerati agerentur, ac servilia munia in onerando & exonerando impenderentur. Sed licere festis diebus itinerari, bestias onere solutas, vel currus vacuos agere, equites, aut curru vestos comitari, eosque qui lecticæ, aut vehiculo, aut navigio deferuntur, juvare; lecticam mulis, & vehicula navigiis superimponere ad trajiciendum amnem aut mare, onera ad itineris usum necessaria bestiarum dorso imponere, atque levare. Addit his Suarez lectum Domini alicujus transmigrantis, si itinerando in hospitiiis commodum non esset reperturus. Muliones quoque, & quoscumque currus oneratos agentes, dummodò primo professionis die non festo iter ingressi fuerint, si postquam itinere provecti sunt, dies Dominicus, aut festus occurrat, non teneri subsistere, quodd eis magno damno & jacturæ foret; sed iter antea ceptum cum mulis & curribus onustis prosegui, modò Sacrum audire curent diligenter; adeo ut postquam prima discessio licita fuit ob diem non festum, sit quoque itineris prosecutio in hujusmodi licita, occurrente Festo: tum ob publicam necessitatem, quia interest Reipublicæ ne frugum, piscium atque mercium comportatio retardetur: tum etiam ad grave incommodum mulionum & aurigarum evitandum, qui ob victoris expensas jacturam incurrerent; ut non valentes arte, laboreque suo victitare; præsertim si plura Festa, Dominicæque dies sequerentur, necesse esset cum publico, privatorumque gravi damno prorsus ab hujusmodi transportationibus desistere. Hæc Suarez autoritatibus confirmat sapientissimorum Casuistarum, Cajetani, Angeli, Rosellæ; Navarri, quibus adde Sanctam Antoninum loco supra laudato, cujus hæc sunt verba: *Item vellores, tum alimenterum, tum personarum ad loca remota, cum alias non possent sine gravi incommodo vitam transigere, creduntur exempti die Festo.*



* C A P U T XXXII.

Nonnulla de Divinis Officiis recitandis, & audienda Missa.

DEUM nobis exemplar esse vitæ activæ sex hebdomadæ diebus, quibus Mundum fabricavit; septimo autem quo ab opere creationis requievit, formam nobis & exemplum contemplativæ perhibuisse, docet Philo Judæus in suo de Decalogo tractatu, ut sive laborantes, sive quiescentes Deum imitari studeamus, diemque septimum, quem Mundi Opifex cultui suo consecravimus, religiosè sacris precibus & meditationibus sanctis impendamus. Transacta verò veteris Legis nocte, atque illucescente novæ per Christum gratiæ luce, successit in locum Sabbathi subsequens feria, quæ in Evangelio nominatur prima Sabbathi, & in Apocalypsi dies Dominica, quæ Christianis ab omni opere servili feriandum est, & sacris orationibus incumbendum, præsertim autem sacrosancto Sacrificio attendendum.

II. Obligatio de audienda devotè Missa diebus Dominicis, aliisque occurrentibus per annum festis, habetur de consecrat. dist. 1. cap. *Missa*, quæ duplex ab omnibus Christianis exigit officium, ut scilicet nisi ægritudine, aliove necessario impedimento distineantur, corpore intersint, & animo intenti sint, id est ne homo aliò divagetur voluntaria mentis distractione.

III. Quæritur utrum Missæ auditioni satisfaciatur, qui simul obligationi satisfaciatur Divini Officii recitandi, vel injunctæ à Confessario poenitentiae precibus? Et quavis negativam teneantur Sylvester & Angelus, longè tamen probabilius affirmant Toletus libi 6. cap. 6. & quos allegat Authores, Adrianus, Medina, Cajetanus, Navarra, Sotus, Rosella, Armilla: item Suarez, Azorius, Lopez, Bonacina de Sacram. Euchar. disp. 4. quæst. ult. num. 25. Grassius, Henriquez, Ratioque in promptu est, quia hic reperitur & corporis & animi præsentia, quæ ad Missam exigitur, quoties per devotas preces mens ad Deum erigitur, ut sit in recitatione satisfactoriæ poenitentiae vel Divini Officii, cum ad utramque obligationem una eademque attentio possit sufficere. Hoc idem pariter docent Adrianus tract. de satisfactione, quæst. 7. Medina tract. 2. de poenit. injuncta, & Toletus lib. 6. cap. 6. num. 4.

IV. Quæritur etiam, utrum Missæ audiendæ præcepto satisfaciatur qui tempore celebrationis Missæ peccata sua confitetur sacramentaliter? Negativa

gativa pars mihi omnino placet cum Suarez & Azorio, quos sequitur Bonacina retractans suam pristinam opinionem affirmativam tract. de Sacram. Euchar. disput. 4. quæst. ult. puncto 11. num. 26. Ratio est, quia quanvis Confessio sacramentalis sit actus religiosus, tamen talis actus cum colloquiis quæ fiunt inter Sacerdotem & pœnitentem ad explorandas peccatorum circumstantias, aliam exigit attentionem quam quæ in Missa requiritur; attentio enim quam Missa requirit, debet esse per modum orationis, qualis non adest in perscrutandis culparum momentis & circumstantiis, & in dialogicis intervenientibus inter pœnitentem & Confessarium, & in prolixis narrationibus jurgiorum.

V. Queritur tandem an satisfaciatur qui duas Missæ medietates à duobus Sacerdotibus audit, ut si Ecclesiam ingressus inchoatâ jam Missâ, consecrationi, & iis quæ subsequuntur interfuit, deinde sequentem Missam usque ad consecrationem audit & discedit? Satisfacere affirmant Major, Navarra, Soto: hæret Toletus super non servato partium Missæ ordine, & super diversitate Sacerdotum, non quidem secundum speciem, sed secundum individuum: quæ diversitas cum sit merè accidentaria, non videtur impedire adimpletionem præcepti, ut contingere etiam posset in Missa inchoata ab uno Sacerdote, qui proventus usque ad Canonem incidit in deliquium, aut moritur, quæ unum & idem sacrificium constituit cum prosecutione quæ per succedentem alterum Sacerdotem fit, à quo Sacrum inchoatum perficitur. Nec dubium est quin is qui utrique parti sub duobus Sacerdotibus interfuit, audiendæ Missæ præcepto satisfaciatur. Quapropter ipse Toletus opinionem illam Majoris, Navarrae & Soti, quos allegavit, judicat esse probabilem. Bonacina verò num. 13. cum aliis quos ibi citat Authoribus hunc scrupulum aufert.

VI. Satisfaciunt pariter qui Sacro inservientes discedunt ut deferant thus, vinum, aquam, hostiam, candelas, vel quid simile. Toletus loco cit. & alii.

VII. Disceptatur inter Summissas, quænam pars Missæ omiſsa pertingat usque ad mortale peccatum? Et quanquam diversi diversa sentiant, communior tamen & probabilior sententia est docentium, omissionem auditionis à principio usque ad Epistolam exclusivè, non esse partem notabilem; sed si ipsa quoque omittatur Epistola, neque ulla excuset necessitas, materiam esse mortalis delicti. Ita censent Tabiena, Navarrus, Suarez, Grassius, Henriquez, alique quos citant & sequuntur Toletus lib. 6. cap. 7. num. 4. & Bonacina dicta disput. 4. quæst. ult. puncto. 11. num. 16. Nonnulli tamen cum Sâ & Bartholomæo ab Angelo, materiam notabilem non ponunt nisi ab initio Evangelii.

VIII. De privata Missæ celebratione temporibus Officiorum Chori, Panormitanus in cap. *Cum olim*, de sent. & re judic. num. 6. Azorius part. 2. lib. 3. cap. 11. quæst. 19. Augustinus Barbosa ad Concil. Trid. sess. 14. cap. 12. num. 57.

num. 57. Bonacina tract. de his quæ ad Divini Officii recitat. pertin. disp. 2. quæst. 5. punct. 3. §. 4. num. 1. Riccius in Prax. distrib. decif. 492. num. 2. ubi etiam allegat decretum Sacræ Congreg. Cardinalium, alique Canonum periti docent unanimes, Canonicum celebrando Missam in Ecclesia propria lucrari non posse distributiones ejus Officii quod tunc in Choro canitur, nisi hoc fiat ex rationabili causa approbata à Præfecto, puta ob supervenientem advenarum Processionem, aut sublimis dignitatis personam. Et perniciosi quidem exempli foret, si laborantibus in Choro destinata stpendia, prætextu Missæ quæ in aliam horam remitti posset, alio transferre fas esset, cum publici cantus diminutione, propter quem distributiones diariæ sunt institutæ.

I X. Præcipit verò Clericis Officio Divino astrictis Concilium IV. Lateranense Generale, sub obligatione sanctæ obedientiæ, ut *Divinum Officium nocturnum pariter & diurnum, quantum eis Deus dederit, studiosè celebrent pariter & devotè*. Ita cap. *Dolentes*, de celebr. Miss. Devotio porro nulla est sine animi attentione: frustra verò quis opposuerit Ecclesiæ nihil præcipere de internis; quandocumque enim exterior præcipitur actus secum involvens actum aut dispositionem interiorem, illa interior actio eodem præcepto continetur. Atque ita dum mandatur recitatio Divini Officii, non aliter mandatur quàm ut actus religiosus, seu ut oratio in Deum directæ. Similiter lex annuæ confessionis obligationem complectitur actum interiorum poenitentiae, sine quibus sacrilega esset ejusmodi apud Sacerdotem confessio. Præterea dum jubet conferri aliquod Sacramentum, intendit ut minister necessariam adhibeat animi intentionem, exeratque actum humanum ac liberum, non autem elusorium aut belluinum, qualis esse posset hominis ebrii, aut amentis vel impii, prorsusque ab Ecclesiæ intentione alieni.

X. Triplex distingui solet intentio, scilicet actualis, quâ reipsa mens cogitat eodem momento quo actus producitur externus: virtualis, quâ homo liberè actum exerit exteriorem in virtute deliberationis quæ præcessit, ut cum quis ex vi præcedentis decreti proficiscendi Massiliam itineri se accinxit, etsi proficiscendo in alias res distrahatur, neque de Massilia cogitet: & habitualis, quâ homo ex habitu repetitis actibus aut aliter acquisito aliquid agit. Habitualis attentio neque humana verè est, neque rationem sequitur, neque sufficit ad ullum Officium: ut si quis ex habitu pridem acquisito ebrius aut mente captus baptizaret, aut si noctambulus dormiens aliquid de Canonicis Horis recitaret. Actualis autem aut virtualis sive attentio, sive intentio, sufficere seorsim ac singulæ possunt sive ad Sacramentorum, sive ad Officiorum & Orationum Divinarum ministerium. Actualis attentio habetur si quis actu exercito advertat ad verba ipsa, vel ad sensum & intelligentiam verborum, vel ad Deum ipsum aut ad Divina Mysteria. Virtualis attentio ea est, quæ ex ea, quæ paulò
ante

antè præcessit, deliberatione actuali movetur, tametsi cogitatio illa actualis interrupta mox fuerit superveniente indeliberata distractione animi ac divagatione mentis. Hoc enim commune habent agentia naturalia cum moralibus causis, ut operentur non solum immediatione, ut vocant, suppositi; ut quum ignis agit in lignum sibi conjunctum mutuo contactu; sed etiam immediatione virtutis, ut si quis lignum haud procul distans calefaciat, aut si stupas consumat modico intervallo distantes. Ita etiam causæ morales suam promovent virtutem ad aliquos distantes effectus; sed tamen limitatam habent suæ activitatis circumferentiam, ut neque ignis in remotiora subjecta quidquam possit operari, neque expressa intentio animi pertingere queat multiplices, aut nimium diuturnas remotasque interruptiones & intercapedines: quas animadvertens quisquis Orationi vacare studet, pristinam debet intentionem revocare, ne hac indignantis Dei voce notetur: *Papulus hic labiis me honorat, cor autem eorum longè est à me.*

XI. Istud quoque tenendum, eos qui sunt simul Canonici & Consiliarii Curiae Parlamenti, dum Curiae intersunt jurisdictione fungentes, potiri quidem suarum fructibus Præbendarum, sed privari distributionibus quæ solis reservantur Clericis qui Divinis intersunt Officiis. Verumtamen temporibus quibus vacat Curia, possunt Regii Consiliarii canendo in Choro distributiones lucrari. Ad hæc confirmanda jura multa congerunt Supremæ Parisiensis Curiae judicia Louetus ejusque Scholiastes Brodeus lit. C, num. 24. Simile quid observatur circa Regiæ Capellæ Cantores, qui postquam servitii sui vices compleverint, ejusque scriptam attestationem retulerint, nisi quamprimum ad Ecclesiarum residentiam, quarum Præbendas possident, revertantur, amittunt illarum fructus, quibus tamen potiebantur quandiu præfixis sibi vicibus Regiæ Capellæ inservierunt, juxta Edictum Melodunense anni 1580. Regia Capella Regem quocumque ierit sequitur. Sancta verò Capella Parisiis affixa est.]

in cordibus nostris per Spiritum Sanctum, qui datus est nobis. Itaque non modò per aliquam virtutem aut habitum creatum Deo conjungimur, sed insuper eodem ipso Spiritu Sancto, quo Divinæ inter se Personæ ab æterno copulantur. Sicque impletur in nobis illa Christi pro nobis ad Patrem deprecatio : *Ut sicut tu Pater in me, & ego in te, ita & ipsi in nobis unum simus*, Joan. 17. Ibidemque : *Ego charitatem quam dedisti mihi, dedi eis, ut sint unum, sicut & nos unum sumus : ego in eis, & tu in me, ut sint consummatis in unum.* Omnia ista felicissimè complentur in nobis, ut admonet S. Augustinus tract. 111. in Joan. in fine, quatenus membra Christi efficiuntur, unumque cum ipso corpus constituimur : sic enim Sancto Christi Spiritu quasi membra Christi vegetamur ac vivimus, ut nos edocet Apostolus Gal. 4. *Quoniam autem estis filii, misit Deus Spiritum Filii sui in corda vestra, clamantem Abba Pater.* Hoc tamen subest discrimen, quia Christus Jesus verus Filius Dei est naturalis in sua etiam humanitate, quatenus in solo Verbo subsistit, ut adversus Elipandi Urgelitani errorem definivit Ecclesia : Nos verò per Spiritum Sancti gratiam, atque ipsummet in nobis inhabitantem Spiritum Christi, promovemur in filiorum Dei adoptivorum dignitatem & conditionem.

I I. Hoc enim omnibus novæ Legis Sacramentis commune est, ut vel suscipientes iustificent, quod proprium existit Sacramentorum Baptismi & Pœnitentiæ; vel jam præexistentem gratiam novo adaugeant incremento, quod ad cætera pertinet Sacramenta. Istam inconcussam veritatem Sacræ nos Literæ docent. De Baptismo enim legimus Joan. 3. *Nisi quis renatus fuerit ex aqua & Spiritu Sancto, non potest introire in regnum Dei.* Et Ephesior. 5. *Emundans eam (Ecclesiam) lavacro aquæ in verbo vitæ.* De Confirmatione verò, Act. 8. *Cum vidisset autem Simon, quod per impositionem manus daretur Spiritus Sanctus.* De Eucharistia, Joan. 6. *Qui manducat me, vivet propter me.* De Pœnitentia, Joan. 20. *Quorum remisistis peccata, remittuntur eis.* De Extrema-Unctione, Jacobi 5. *Et si in peccatis fueris, remittentur ei.* De Ordine, 1. Timoth. 4. *Verrefusces gratiam que data est tibi cum impositione manuum Presbyterii* De Matrimonio denique Ephes. 5. *Sacramentum hoc magnum est; ego autem dico in Christo & in Ecclesia.*

I I I. Eadem nobis præfci Ecclesiæ Doctores tradidere. In primis Tertullianus lib. de resur. carnis : *Caro abluatur, ut anima emaculetur. Caro ungitur, ut anima consecretur. Caro signatur, ut anima muniat. Caro manus impositione adumbratur, ut anima Spiritu illuminetur. Caro corpore Christi & sanguine vescitur, ut anima de Deo saginetur.* S. Ambrosius lib. 1. de Sacram. cap. 5. exponit ablationem Naaman in Jordane, per quam à lepra mundatus est, præfigurasse animarum à peccatis emundationem, quam efficiunt Ecclesiæ Sacramenta. Idemque significatum ait per Spiritus Sancti descensum in specie columbæ, quando Jesus in Jordanem descendit baptizandus. Idem lib. 2. de Sacram. cap. 2. confert cum gratia Sacramentorum sanationem

sanationem unius hominis infirmi, qui prior descendeat in piscinam; & subiungit: *Quantò maior est gratia Ecclesia, in qua omnes salvantur quicunque descendunt.* S. Augustinus tract. 80. in Joan. in illa Christi verba, *nam vos mundi estis propter verbum quod loquutus sum vobis*, hæc tradit: *Quare non ait, Mundi estis propter Baptismum, quo loti estis; sed ait, Propter verbum, quod loquutus sum vobis? Nisi quia & in aqua verbum mundat. Detrahe verbum, & quid est aqua, nisi aqua? Accedit verbum ad elementum, & fit Sacramentum. Unde ista tanta virtus aque, ut corpus tangat, & cor abluit, nisi faciente verbo? non quia dicitur, sed quia creditur; nam & in ipso verbo aliud est sonus transiens, aliud virtus manens.*

I V. Neque verò requirit eo loco Augustinus, ut necessariò adhibeatur à Sacramenti ministro aliqua elementaris substantia, cui verba Sacramentum consummantia applicentur. Etsi enim hoc ipsum in aliquibus, ut in Baptismo, requiratur, non tamen in omnibus Sacramentis. Sed omnia & singula Sacramenta id requirunt, ut constituatur in eis pro materia aliquid sensibile, cuius significatio sacramentalis determinetur, sive quibusdam verbis, sive alia quapiam re sensibili, quæ verborum loco sit, & formæ vicem teneat, cuiusmodi sunt in Pœnitentiæ Sacramento pœnitentis actus, qui locum tenent materiæ: & in Matrimonio signa consensus, quæ sunt loco formæ. Ita exponit hanc Augustini sententiam S. Thomas 3. p. quest. 84. art. 1.

V. Sacramenta omnia consistunt in communi genere signi. Signum definit S. Augustinus lib. 2. de doctr. Christ. cap. 2. rem quæ præter speciem quam ingerit sensibus, aliquid aliud facit in cognitionem venire. Sic fumus dum se oculis prodit, deducit animum in latentis ignis cognitionem. Cum verò Sacramenta non sint naturalia signa, qualis est fumus respectu ignis, sed ex instituto Christi, propterea exigunt aliquam similitudinem externi signi cum operatione interna, quam significant. Quæ ex causa idem Augustinus epist. 23. ad Bonifacium, ait: *Si Sacramenta quandam similitudinem earum rerum, quarum Sacramenta sunt, non haberent, omnino Sacramenta non essent.* Sic per aquam ablutio similitudinem refert ablutionis peccatorum, quam Baptismus operatur. Ideoque à Patribus Græcis Sacramenta vocari solent *ἁγίσματα*, eo quòd similis sint speciei ac formæ cum re quam significant.

VI. Neque solum gratiam interiùs productam significant, sed eandem ipsam producant Sacramenta novæ Legis Gratiæ: quippe quæ id habent, ut sint gratiæ practica, ejusque sub genere instrumenti operativa. Quod sanè non semper verificatur secundum actum, sed secundum aptitudinem; ut si quis Baptismum suscipiat cum affectu, aut intentione peccati mortalis, id Sacramentum non producit pro eo tempore gratiam, ob suscipientis incapacitatem, & prævolutatis obicem; sed satis est ad Sacramenti rationem, quod ex se habeat aptitudinem gratiæ productivam, quam si non


producat, id contingit per accidens ex opposito obice. Ex hæcenus disputatis colligitur ista Sacramenti definitio, ut sit Signum gratiæ sensibile ad nostram sanctificationem divinitus institutum.

VII. Hoc denique memoriâ tenendum est, ad cujuslibet essentiam Sacramenti tria exigi, materiam, & formam, & ministri operationem hoc facere intendentis, quod in simili facere consuevit Ecclesia: quorum trium si vel unum desit, nequaquam erit Sacramentum. Hæc docet ac definit Florentina Synodus in Decreto Unionis.



C A P U T II.

De Baptismo.

I.  R I A Sacramenta characterem indelibilem in anima imprimunt, ideoque nunquam iterari possunt, scilicet Baptismus, Confirmatio & Ordo. Sic enim sanxit Concilium Trident. sess. 7. de Sacramentis in genere, can. 9. *Si quis dixerit in tribus Sacramentis, Baptismo, Confirmatione & Ordine, non imprimi characterem in anima, hoc est signum quoddam spirituale & indelebile, unde ea iterari non possunt, anathema sit.*

II. Triplex recensetur Baptismi genus. Primum aquæ, qui solus ad Sacramentum pertinet. Secundum flammis ac spiritus, qui est perfectus à Deo ipso infusus amor Dei, aut perfecta, & à Spiritu Sancto excitata contritio cordis. Tertium est sanguinis ac martyrii, qualis fuit sanctæ Emerentianæ, sancti Genesii & aliorum Martyrum, quos aquæ Baptismus non abluerat. Horum enim singula Baptisinata possunt ad salutem æternam sufficere, can. *Baptismi vicem*, de consecrat. dist. 4. modò contineant Baptismi Sacramentum in voto.

III. Quando probabiliter dubitatur, an fuerit aliquis baptizatus, hic erit sub ista conditione baptizandus: *Si baptizatus es, ego non te baptizo; si non es baptizatus, ego te baptizo in nomine Patris, &c.* cap. 2. de Baptismo.

IV. Quavis forma Baptismi, aut aliorum Sacramentorum non ad Grammatices amissam ex balbutie aut imperitia linguæ, aliòve ex casu pronunciaretur, si tamen servetur juxta communem intelligentiam verborum sensus & significatio, non ideo minùs erit validum Sacramentum, neque quidquam debet iterari. Idcirco in can. *Retulerunt*, de consecrat. dist. 4. declaratur validus Baptismus, in quo fuerat ita pronunciatum: *Ego te baptizo in nomine Patris, & Filii, & Spiritus sanctus*. Proclivius tamen est ut irrita sit forma Sacramenti, si verborum immutatio contingat in

ipso

ipſo initio vel medio , quàm in fine dictionis ; ut ſi diceretur , *In nomine Mariæ , & Militi , & Mirius manlii* ; quia in fine non inmutatur verbi ſubſtantia , ſed caſus ; atque ita inmutatio iſta ſolùm eſt accidentaria , nec ſubſtantialis , juxta S. Thomam 3. p. q. 60. art. 7. ad 3.

V. Eſſectus Baptiſmi quinque recensentur : 1. Gratia ſanctificans cum donis Spiritus Sancti , & virtutibus infuſis ac ſupernaturalibus. 2. Remiſſio omnis culpæ , & originalis , & actualis quoad adultos ſuſcipientes. 3. Remiſſio totius pœnæ quoad futuram vitam , & temporalis quæ huenda eſſet in purgatorio , & æternæ quæ in inferno. 4. Characteris in anima impreſſio. 5. Subſectio ſub Eccleſiæ poteſtate , ad quam Baptiſmus quaſi janua introducit.

VI. In adultis Baptizandis prærequiritur fides ad hujus Sacramenti gratiam ſuſcipiendam , necnon voluntas Baptiſmi ſuſcipiendi ; item dolor de peccatis cum propoſito futuræ emendationis , juxta illud Act. 2. verſ. 38. *Pœnitentiam agite , & baptizetur unusquisque veſtrum*. Aitque Auguſtinus lib. de vera & falſa pœnit. cap. 18. *Baptiſmus ſine pœnitentia nunquam proſuit ei qui ſpontaneè peccavit*.

VII. Diſpoſitioni ad Baptiſmum neceſſariæ opponitur fictio , ut idem docet Auguſtinus , Sicut autem diſpoſitionum ad Baptiſmum quædam neceſſariæ ſunt ad valorem Sacramenti , ut eſt in adulto voluntas ſuſcipiendi Baptiſmum ; aliæ ad effectum duntaxat & gratiam Sacramenti , ut fides , & pœnitentia : ſimiliter fictionum aliquæ impediunt ipſam Baptiſmi ſubſtantiam , aliorumque Sacramentorum , ut quum aliquis ex ſola diſſimulatione & ſine intentione interna abluitur ; aliæ validitati Sacramenti minimè obſiſtunt , ſed quibuſdam ejus effectibus , ut gratiæ , remiſſioni peccatorum , debitaque eis pœnæ ; ſed non characteri , aut ſub Eccleſia ſubſectio. Attamen cum primùm fictio iſta deſinet per ſequentem veramque pœnitentiam , tum demùm , ut docet S. Auguſtinus lib. 1. de Baptiſmo , cap. 12. effectus omnes Sacramenti qui fuerant in ſuſpenſo , reſultabunt & de novo producentur. Hoc fictionis genus conſiſtit in defectu pœnitentiæ , aut in affectu ad ali-quod lethale peccatum.

VIII. Diſputat idem Sanctus Doctor de fictione , lib. 1. de Baptiſmo contra Donatiſtas , cap. 11. 12. & 13. occasione objectionis Donatiſtarum quærentium , an per Baptiſmum ab ipſis Donatiſtis collatum remitterentur peccata , & Spiritus Sanctus daretur , an non ? Si enim remittantur peccata : ergo in ſchiſmate Donatiſtarum fit peccatorum remiſſio , & confertur Spiritus Sanctus ; quæ res arguit veram eſſe penes Donatiſtas fidem & Chriſti Eccleſiam. At ſi non remittuntur peccata per Donatiſtarum Baptiſmum : ergo denud baptizandi ſunt à Catholicis quotquor à Donatiſtis baptizati ad unitatem redeunt Catholicæ Eccleſiæ. Hoc argumentum diſſolvit Auguſtinus cap. 12. hac reſponſione : Valere quidem in Donatiſtarum ſchiſmate collatum Baptiſmum , non tamen ſalutem operari quo

L l 3 tempore

tempore confertur, sed tunc primum duntaxat, quando sic baptizatus ad poenitentiam & unionem Ecclesiæ Catholicæ convertetur.

I X. Utrum verò aliorum à Baptismo Sacramentorum, absque debita dispositione, atque indignè susceptorum gratia reviviscat, disputant Scholastici Theologi, atque in varias disciuntur opiniones, aliis hoc soli Baptismo proprium asserentibus ob summam ejus necessitatem, quæ aliunde reparari non possit; alii hoc extendunt ad alia duo Sacramenta quæ characterem infigunt, neque possunt iterari; alii denique id omnibus Sacramentis astruunt esse commune: ipseque S. Thomas diversis locis diversa & opposita docet; quæ causa est ut in quæstione ista discipuli ejus inter sese dissentiant. Hoc unum à cunctis citra exceptionem Catholicis asseritur, indignè suscepti Baptismi gratiam reviviscere per subsequentem poenitentiam: in cæteris verò Sacramentis nihil de hac re indubitatum referri, sed omnia niti conjecturis & rationibus ambiguis.

X. Non modò collatus ab hæretico Baptismus valet, neque permittitur iterari, juxta editam à Sancto Stephano Pontifice & Martyre definitionem adversum aliquot Africana Concilia, ipsosque sanctos Episcopos Cyprianum Carthaginensem, Dionysium Alexandrinum, & Firmilianum Cæsareensem ex Cappadocia, qui oppositum dogma tuebantur: sed valet etiam Baptismus à non baptizato quovis homine, etiam Judæo vel Pagano collatus, dum habuerit intentionem id faciendi quod facit Ecclesia. Sanè quæstionem istam de ministro Baptismi non baptizato ac infideli seriùs judicavit Ecclesia, neque hac de re quidquam asserere ausus fuit Sanctus Augustinus, sic dicens lib. 2. contra epist. Parmeniani, cap. 13. *Et hæc quidem alia quæstio est, utrum & ab his, qui nunquam fuerunt Christiani, possit Baptismus dari: nec aliquid temerè inde affirmandum est sine autoritate tanti Concilii, quantum tanta rei sufficit. De iis verò qui ab Ecclesia uniate separati sunt, nulla jam quæstio est, quin & habeant, & dare possint.* Hactenus Sanctus Doctor. Cæterum quæstio hæc ipsa postmodum soluta fuit à Nicolao I. Pontifice, cap. 204. responsionis ad consulta Bulgarorum; valere scilicet Baptismum ab infideli non baptizato datum, qui cætera adhibuerit quæ sunt necessaria, ut refertur de consecrat. dist. 4. can. *A quodam Judæo.* Quod idem ante Nicolaum definiverat Concilium Compndiense articulo 9. anno Christi 757.


XI. Id quod superiore art. 3. dixi de dubio facti, an aliquis fuerit baptizatus, extendi potest ad reliqua Sacramenta, & ad Ecclesiarum consecrationes, de quibus ambigitur. Sic enim decernit Concilium Carthaginense V. can. 6. itemque Africanum generale: *Si de facto Baptismi, Confirmationis, Consecrationis dubitetur, nec possit ulla probatio inquisitione facta succurrere, perinde agendum est ac si nihil horum factum fuisset.* Citatur à Gratiano in can. *Placuit de infantibus*, dist. 1. de consecr. Concilium pariter Quinseximum can. 88. necnon Meldenense can. 8. ut habetur can. *Ecclesia*, de consecrat.

consecrat, dist. 4. eadem tradunt : Sanctus item Leo Magnus epist. 35. ad Leonem Ravennatem, cap. 1. eadem sancit, & allegatur can. *Cum itaque*, de consecrat, dist. 4. Sanctus Gregorius lib. 12. epist. 31. ad Felicem Episcopum Siciliæ, circa med. ita scribit : *De dedicationum verò Ecclesiarum dubitatione, super qua inter cetera nos consulistis, hoc vos rite tenere debetis, quod nos ab Antecessoribus nostris traditum accepimus, id est quodam tam de Baptismo aliquorum, vel de Confirmatione, quam de Ecclesiarum consecratione dubitatio habeatur, & nec scripsit, nec testibus certa ratio habetur, utrum baptizati, vel confirmati, sive Ecclesie consecrata sint, ut baptizentur tales, vel confirmentur, atque Ecclesia canonicè dedicerentur, ne talis dubitatio Fidelibus ruina fiat : quoniam non monstratur iteratum, quod certis indicis non ostenditur rite peractum. Eodem spectant can. Solemnitates, de consecr. dist. 1. & can. Presbyteri, dist. 68.*



C A P U T III.

De Confirmationis Sacramento.

I.  U I D conferat Confirmationis Sacramentum, tradit Pontifex Melchisedes can. *Spiritus Sanctus*, de consecr. dist. 5. *Spiritus Sanctus*, qui super aquas Baptismi salutifero descendit illapsus, in Fonte plenitudinem tradit ad innocentiam, in Confirmatione augmentum præstat ad gratiam. Et quia in hoc mundo totâ ætate victuris, inter invisibiles hostes & pericula gradiendum est, in Baptismo regeneramur ad vitam, post Baptismum confirmamur ad pugnam : in Baptismo abluimur, post Baptismum roboramur. Id commune inter se habent Ecclesiæ Sacramenta, ut dignè suscipientibus gratiam conferant habituales, & præterea convenientibus occasionibus & temporibus gratias quasdam actuales, sive specialia quædam auxilia ad peculiare singulorum Sacramentorum fines pertinentia, quæ dici solent gratiæ Sacramentales, cuiusmodi sunt in Confirmatione prævenientia quædam, & concomitantia auxilia ad Christi fidem constanter profitendam : idque significatur per sacri unctionem Chrisinatis ex oleo balsamoque compositi, quasi quæ luctatores corroboret, & cor hominis ad pugnam animet atque confortet.

II. In canone *Ut jejuni*, de consecr. dist. 5. præscribitur, ut jejuni accedant qui sunt confirmandi, & admoneantur ut prius confiteantur delicta. Neutrum tamen est absolute necessarium ; consuetudo enim passim invaluit ut differatur hoc Sacramentum post horas pomeridianas, atque etiam post vespertinam horam. Et præterea ille sufficienter est dispositus, qui

qui nullius est sibi conscius mortalis culpæ; atque ubi conscius esset mortalis culpæ, sufficere potest si conteratur, quia de sola perceptione venerabilis Eucharistiæ præcipitur confessionem præmitti, Concil. Trident. sess. 13. cap. 7. Ideoque d. can. *Ut jejuni*, non præcipit confessionem confirmandis, sed solum ait esse monendos ad confessionem.

III. Jubet can. *Non plures*, 101. de consecr. dist. 4. ut unicuique sit susceptor confirmati, seu vir, seu mulier. Et can. *In baptisate* 102. ibid. statuit, ut nemo suscipiat confirmandum, nisi sit ipse confirmatus. Et contrahitur ad suscipiente in Confirmatione spiritualis cognatio, quæ potest esse matrimonii contrahendi impedimentum dirimens.

IV. Ordinarius Confirmationis minister est solus Episcopus, can. *De his verò*, & can. *Manus quoque*, de consecr. dist. 5. Sic definit Concilium Trident. sess. 7. de Confirm. can. 3. Probatur Act. 8. ubi ad Samaritanos dudum baptizatos mitti quosdam de Apostolis oportuit, qui baptizatis per manuum impositionem Spiritum Sanctum conferrent. Attamen simplex Sacerdos ex magna & urgente causa cum Summi Pontificis immediata delegatione conjuncta potest fieri Confirmationis minister extraordinarius: Sanctusque Pontifex Gregorius Magnus lib. 3. epist. 26. hanc permisit potestatem Presbyteris Sardinia: & habetur in can. *Pervenit*, dist. 95. In Decreto quoque Eugenii IV. quod est ad finem Concilii Florentini, habetur, posse aliquando per Summi Pontificis dispensationem, cum rationabili & urgente causa, simplicem Sacerdotem chrismate ab Episcopo consecrato administrare hoc Sacramentum. Idem docet S. Thomas. Allegantur ad hoc ipsum antiqui Commentatores, sub nomine Sancti Ambrosii, verba ista in cap. 4. ad Ephes. *Apud Aegyptios confirmant Presbyteri, si non sit Episcopus*. Quidam tamen explicant hunc locum de ceremoniali Chrismatione quæ Baptismo solet adhiberi.

V. Sciendum est enim, non licuisse olim simplici Sacerdoti quemquam linire chrismate, inò neque baptizare, nisi jubente, aut procul absente Episcopo, & aliqua urgente necessitate: aperteque ait can. *Omni tempore* 24. de consecr. dist. 4. *Presbyter verò presente Episcopo non signet infirmos, nisi ei fuerit ab Episcopo præceptum: nec liceat Presbytero prius Episcopo intrare in Baptisterium*. Et Concilium Toletanum primum can. 20. itemque Arausicanum cap. 2. & Innocentius I. epist. 1. §. 6. decernunt Presbyteros ex venia Episcopi, aut ex necessitate premente, dum Episcopus abest, posse alios chrismate inungere. Sanctus quoque Leo Papa epist. 88. sub fin. ita dicit: *Sed neque coram Episcopo licet Presbyteris in Baptisterium introire, nec presente Antistite infirmos ungere, aut signare*. Quæ loca omnia intelligenda sunt non de Confirmationis unctione, sed de unctione baptizatorum, qui consignandi erant adhibita chrismatis unctione in vertice. Istam enim confirmandi potestatem solus Papa concedere Sacerdoti potest, neque ullatenus potest hoc jus alteri, qui non sit Episcopus, delegare nisi

(ut

(ut decernit Eugenius Papa IV. in Decreto Unionis) ex rationabili & urgente admodum causa.

VI. Quin etiam ne ipse quidem Papa potestatem habet committendi simplici Sacerdoti Chrismatis sacri consecrationem seu consecrationem , sed necessarium est fuisse ab Episcopo confectum Chrisma , quo usus est Sacerdos ab ipso Papa delegatus ad Confirmationis Sacramentum. Si secus fiat , nullum erit Sacramentum. Sanctus enim Papa & Martyr Fabianus tradit , Jesum Christum in ultima cœna docuisse Apostolos ritum Chrismatis conficiendi , eodemque Christi Domini instituto conficiendum ab Episcopis Chrisma esse feriâ quintâ majoris Hebdomadæ. Sanctus præterea Dionysius in sua Ecclesiastica Hierarchia ritum & consecrationem exponens sacri Chrismatis , apertè tradit , esse ab Episcopo consecrandum. Concilium Toletanum I. cap. 20. statuit à solis Episcopis esse Chrisma conficiendum. Præallegatum Eugenii IV. Decretum ea quæ sunt de singulorum Sacramentorum essentia pertractans , ait Confirmationis materiam esse Chrisma ex oleo & balsamo ab Episcopo benedictum. Et subinde monens , fuisse nonnunquam ab Apostolica Sede urgente ex causa dispensatum , ut posset Sacerdos confirmare , eo tamen ipso casu exigit ut adhibeatur Chrismi ab Episcopo Benedictum. Quam Episcopalem Chrismatis consecrationem esse de Confirmationis essentia , asserit S. Thomas 3. p. q. 72. art. 3. & cum eo communis Doctorum consensus. Existimant tamen nonnulli , balsami admixtionem non requiri ad hujus Sacramenti essentiam , sed esse tantum de præcepto , adducti præcipuè autoritate cap. 1. de sacra unct. ubi interrogatus Innocentius Papa I I I. de illo qui fuerat in Confirmatione non Chrismate , sed oleo solo delibutus , respondet nihil ibi iterandum esse , sed cautè supplendum id quod fuerat incautè prætermisissimum. Ita censent Cajetanus in d. q. 72. Sancti Thomæ , & Navarra Manual. cap. 12. num. 8.

VII. Formam Confirmationis istam tradit præallegatum Eugenii ad Armenos Decretum : *Signo te signo crucis , & confirmate chrismate salutis , in nomine Patris , & Filii , & Spiritus sancti*. Multorum persuasio est, Apostolum vel ad formam , vel ad effectum Sacramenti hujus alludere 2. Cor. 1. ubi dicit : *Qui autem confirmat nos in Christo vobiscum , & qui unxit nos Deus , & qui signavit nos , & dedit pignus Spiritus in cordibus nostris*.

VIII. Quæstionem movet S. Thomas d. quæst. 72. art. 8. utrum debeat hoc Sacramentum omnibus fidelibus conferri ? Et affirmativè respondet. 1. Quia Actuum 2. omnes qui erant in eadem cum Apostolis domo accepere Spiritum Sanctum : per eam verò donum Ecclesia significabatur. 2. Quia sicut natura quos generat intendit ad perfectum statum deducere , ita Deus & Ecclesia quos genuerunt per Baptismum , intendunt per Confirmationem ad statum perfectum adducere : quod fit per Confirmationem , attestante Urbano Papa I. can. 1. de consecrat. dist. 5. his verbis : *Omnes fideles*

M m per

per manus impositionem Episcoporum Spiritum sanctum post Baptismum accipere debent, ut plenè Christiani inveniantur. Ex multis sanè veterum testimoniis compertum habemus, quoties citra urgentem necessitatem solenniter baptizabantur catechumeni, morem fuisse, ut statim à Baptismo confirmarentur per impositionem manus ab Episcopo; & subinde Sacramento Eucharistiæ communicarent, etiam infantes ipsi recèns baptizati, ut ex S. Cypriano liquet in libro de lapsis.

I X. Quà verò ætate conveniens sit baptizatos confirmari, præstat audire, & sequi monitum Catechismi Romani sic docentis: *Illud etiam observandum est, omnibus quidem post Baptismum Confirmationis Sacramentum posse administrari; sed minus tamen expedire hoc fieri antequam pueri rationis usum habuerint. Quare si duodecimus annus expectandus non videatur, usque ad septimum differre hoc Sacramentum maxime convenit.* Catechismo altipulatur ratio, quia facile contingit ut plerumque infantes, quin etiam ipsi eorum parentes suscepti hujus Sacramenti recordationem nullam habeant post aliquot annorum decursum, nutentque inter duo pericula, vel non providendi de hoc suscipiendo Sacramento, vel illud per oblivionem iterandi, quod nullatenus fas est iterare. Non enim solent Confirmationes in acta referri, ut solent Baptismi & Matrimonia, quia major obstat difficultas in promiscuo multorum confirmandorum concursu.

X. Cùm dicat Concilium Tridentinum sess. 23. cap. 4. de reform. *Primâ tonsurâ non initientur qui Confirmationem non susceperint*; quærent Doctores, an si secus fiat, incurratur mortalis culpa? Et quidem communiter negant de mortali, & concedunt de veniali, quia nullum hîc verbum exprimitur, quo strictum præceptum imponatur. Ita quoque ulterius sentiunt, etiam ulterius progrediendo ad Ordinum collationes, modò contemptus absit, Navarra cap. 22. num. 9. Candelabrum Aureum de Confirmatione num. 41. Victoria de Sacramento Ordinis num. 232. Suarez in 3. p. quæst. 72. art. 8. disp. 38. sect. 1. Coninch de Confirmatione art. 8. num. 90. & 91.



C. A P U T IV.

De venerabili Eucharistia Sacramento.

- I. **E** UCHARISTIA duplicem habet rationem, & Sacramenti, & Sacrificii; sed non constituitur sub ratione Sacramenti nisi per Sacrificium; ut enim existat hoc Sacramentum, prærequiritur consecratio; ipsa verò consecratio est ipsummet Sacrificium, quo Christus immolatur

immolatur, ut docet S. Thomas q.83. art.1. Sciendum porro utrumque, & Sacramentum, & Sacrificium censerī nomine signi externi & sensibilis, diverso tamen respectu : Sacramentum enim est lignum gratiæ quam Deus confert suscipienti; Sacrificium verò est signum exterius ejus cultus interioris, quem Deo deferimus spectato tanquam rerum omnium supremo Domino. Quà ratione sapienter dicit S. Augustinus lib. 10. de civit. Dei, cap. 4. *Multa denique de cultu divino usurpata sunt, quæ honoribus deferuntur humanis, sive humilitate nimia, sive adulatione pestifera : ita tamen ut quibus ea deferuntur, homines habeantur, qui dicuntur colendi & venerandi; si autem iis multum additur, & adorandi. Quis verò sacrificandam censuit, nisi ei, quem Deum aut scivit, aut putavit, aut finxit ?* Nec verò stat tota Sacrificii ratio in illa supremi dominii recognitione, cum possit illa recognitio dominii supremi fieri à nobis per simplices protestationes, orationes, aliosque diversos à Sacrificio actus. Aliquid aliud igitur requirit Sacrificii ratio, ejus specificæ differentię constitutivum. Istud porro est alicujus creaturæ religiosa destructio facta in signum & protestationem supremi dominii & excellentiæ Dei valentis destruere quæcunque creavit, & pro ejus gloria nulla creatura est quæ destrui non debeat, si sit opus; aut si Deus ita velit; sive sit illa destructio realis & physica, qualis contigit humanitatis Christi in crucis Sacrificio cruento; sive sit destructio ac immolatio mystica, qualis evenit in Sacrificio Eucharistiæ incruento, mortis Christi cruentæ commemorativo.

I I. Antiqui Ecclesiæ Sanctæ Patres istud mysterium simplicius speculantes, non aliam in Sacrificio Eucharistiæ sacratissimæ prædicant immolationem Christi, quam illam quæ facta fuit in cruce, ejus exhibet commemorationem sacra Eucharistia. Horum menti adhæret S. Thomas 3. p. q.83. art.1. ejus hæc est inscriptio, *Utrum in hoc Sacramento Christus immoletur ?* Cui affirmativè respondet, dualque profert responsionis suæ rationes. Primam quidem, quia hujus celebratio Sacramenti, imago quædam est passionis Christi : solent verò imagines earum rerum nominibus appellari, quas repræsentant. Secundam verò rationem subjungit, quia per istud Sacramentum participamus fructibus passionis Christi. Autoritateque subnuntit Sanctorum Augustini & Ambrosii. Ait enim S. Augustinus apud Prosperum in libro Sentent. *Semel immolatus est Christus in semetipso, & tamen quotidie immolatur in Sacramento.* Qui locus desumptus est ex Augustini epist. ad Bonifacium, & habetur in can. *Semel immolatus*, de consecrat. dist. 2. Ambrosius verò, seu potius Commentator epistolarum Pauli, qui nomine Ambrosii circumfertur, sic ait in cap. 10. ad Hebr. *In Christo semel oblata est hostia ad salutem sempiternam potens : quid ergo nos ? Nonne per singulos dies offerimus ? Sed ad recordationem mortis ejus.* Denique allegat S. Thomas Ecclesiæ Collectam Dominicalem dicentem : *Quoties hujus hostia commemoratio celebratur, opus nostra redemptionis exercetur.* Et

MM 2

quia

quæ instare quis posset, Sacramenti immolationem quam memorat, esse tantum secundum imaginem, & non secundum rem; rectè ibid. respondet, hostiam Sacramenti esse realiter & in individuo eandem ipsam hostiam, quæ immolata fuit in Cruce: & sic quod ubique immolatur in Ecclesia, esse idem corpus cum immolato & oblato in Cruce, & non diversa corpora; atque ita esse unam eandemque victimam & sacrificium in Altaribus, commemorativum Sacrificii Crucis, eadem præsentem victimam.

III. Placet admodum Gabriel Vasquez disp. 222. cap. 7. 8. & 9. iisdem cum veteribus Sanctis Patribus & Angelico Doctore vestigiis insistens. Nam cap. 8. in princ. duplex distinguit sacrificium: unum quidem absolutum, aliud commemorativum. Porro absolutum, quale fuit in Cruce, requirere ait realem hostiæ immutationem, seu destructionem; non verò commemorativum, quale est Eucharisticum, quod Christus de se obtulit in ultima cœna in memoriam instantis passionis suæ, & quod offert quotidie Ecclesia in memoriam ejusdem præteritæ passionis. Addit subinde Vasquez, non satis esse ad rationem sacrificii, quod fiat commemoratio mortis, sed insuper necesse esse, ut interveniat eadem numero victima; aliqui enim non fore sacrificium, sed tantum signum & quasi larvam sacrificii: sic enim non offerretur Deo res eadem, cujus mors repræsentaretur. Itaque si vera esset hæreticorum opinio, quod Christi corpus non continuatur sub speciebus, posset quidem fieri commemoratio mortis Christi in tali Sacramento, ut ipsi fatentur; sed nullatenus sacrificium verum. Itaque sacrificia veteris Legis, per quæ etiam fiebat aliqua sacrificii Christi futuri commemoratio, non ideo erant vera sacrificia per illam commemorationem, eo quodd aliam haberent hostiam quam Christi corpus: sicque illa mystica commemoratio, seu repræsentatio non erat nisi accidentaria Legis veteris sacrificiis, quæ in hac sola re veri sacrificii rationem ac essentiam habebant, quia realiter immutabatur ac destruebatur res oblata, sive per mactationem & occisionem, ut in pecudibus; sive per cremationem, ut in panibus; sive per effusionem, ut in liquoribus. Idemque Vasquez cap. 7. veterum Patrum pleræque profert testimonia, non aliam veri in Eucharistica oblatione sacrificii rationem agnoscentium, quam quatenus idem in Ecclesia offertur Christi corpus, quod repræsentat factam sui in Cruce immolationem, cujus est memoriale sacrificium Eucharistia.

IV. Recentiores Scholastici conantes argutiùs Sanctis Patribus & Thomâ hanc indagare quæstionem, diversis inter se sententiis dissident. Quidam, ut Suarez, absolute negant esse de ratione sacrificii, ut res oblata realiter immutetur. Alii collocant immolationem in verbis consecrationis, quatenus Corpus & Sanguis seorsim ponuntur, quatenus mysticè fieri potest ex verbis consecrationis, quæ solius corporis meminerunt super hostia,

hostia, & solius sanguinis super calice; adeo ut nisi obdisteret necessaria concomitantia, re ipsa corpus & sanguis separarentur sicut in cruce. Hos verò refellens Bellarminus instat, concomitantiam dum impedit illam separationem, impedire hoc ipso immolationem. Quemadmodum nullum fuisset sacrificium si Sacerdos Aaronicus, dum intentabat ictum, qui tauro mactando sufficiebat, fuisset superveniente casu ictus averfus, ita ut eum taurus non excepsisset; illa utique ictus destinatio non suffecisset ad sacrificium aut mactationem.

V. Ipse verò Bellarminus lib. 1. de Sacrificio Missæ, cap. ult. circa finem, assignans in ipso consecrandi actu Eucharisticum Sacrificium, fundat immutationem quæ est Sacrificio essentialis, in horum trium concursu. Primum quatenus res profanz panis & vinum mutantur in res sacras carnem & sanguinem Christi. Secundò quia per eandem consecrationem res istæ Deo offeruntur. Tertiò quia per hanc ipsam consecrationem res oblatæ ad veram, & externam destructionem ordinantur, quatenus accipiendo formam cibi & porus destinantur ad manducationem & potionem. Quamvis enim Christus per hanc manducationem non amittat suum esse naturale, amittit tamen suum esse sacramentale, definitque esse cibus sensibilis. Alii Doctores collocant Christi Eucharisticam destructionem in eo, quod etsi vitam non amittat, amittit tamen vitæ usum dum alligatur Sacramento: non enim potest in illo statu seipsum movere, neque videre, neque audire, neque tangere, neque alias exercere operationes, ad quas eliciendas necessariae sunt species sensibiles, quæ divisibile spatium efflagitant; cum tamen Christus in Sacramento contineatur modo prorsus indivisibili. Alii recurrunt ad Eucharisticam manducationem, neque admittunt rationem sacrificii in consecratione, nisi inchoativè & imperfectè. Alii recurrunt ad verba oblationis, quæ post consecrationem proferuntur in Missa. Nec desunt qui pro ipsa immolatione assignant specierum hostiæ fractionem, quæ fit ante consumptionem. Alii, his explosis, alias comminiscuntur immutationum in Eucharistia formas. Nobis sufficiat immutatio quam solam agnovere prisca Ecclesiæ Patres & Sancti Doctores, quibus suffragatur S. Thomas, scilicet facta olim in Cruce immolatio, quam in Altari commemoramus per oblationem ejusdem numero victimæ, quæ litata est pro nobis in Cruce.



CAPUT V.

Quanam requiratur preparatio ad Sacra Eucharistia communionem.

LIA requiritur circa Eucharistia perceptionem quoad animam, alia preparatio quoad corpus. Quoad animam præcipitur ut communicaturi sibi conficii, vel ambigui admissi alicujus mortiferi peccati, non autè ad Communionem accedant, quàm peccata expiaverint per Sacramentalem Confessionem, ut sancit Concilium Tridentinum sess. 13. cap. 7. declarans sic esse intelligenda Apostoli monita 1. Cor. 11. *Probet autem seipsum homo, & sic de pane illo edat, & de calice bibat. Qui enim manducat & bibit indignè, judicium sibi manducat & bibit, non dijudicans corpus Domini.* Circa ipsius dispositionem animæ ad hoc requisitam, ne quis indignè communicet, tres sequentes regulæ servandæ sunt. Prima, ut quis habeat moralem quasi certitudinem se in statu gratiæ esse, qualem habere censetur qui post diligens examen nullum advertit mortale peccatum à se commissum, quod non confessione expiaverit. Huic regulæ non obstat scrupulorum anxietas, quando mens judicat vel proprio lumine, vel ex alterius sapienti directione, nequaquam esse his scrupulis attendendum. Secunda regula, ut qui advertit aliquam in se mortalem culpam, non accedat ad Communionem, quantumvis contritus sibi videatur, nisi præmissa Confessione sacramentali. Tertia, ut qui officio celebrandi urgetur, nec tamen Confessarii copiam habet, præmittat contritionem, & post celebrationem quamprimum poterit confiteatur. Hæc præcipit d. cap. 7. Tridentinæ sess. 13. Loquitur verò speciatim de celebrantibus ex officio, ubi non est Confessarii copia, quia rarò evenire potest in simpliciter communicantibus, cum facile possint & debeant à Communionem abstinere, si Confessarii copia defuit.

II. Itaque necessitas communicandi sine confessione potest occurrere quando Sacerdos tenetur ex officio celebrare. Præterea quando Sacerdos non potest citra scandalum vel infamiam omittere Sacrum, etiamsi ad hoc non teneatur ex officio, ut si Sacerdos pluribus notificasset mox à se Missam celebrandam; præsertim verò ubi huic rationi altera accederet ex circumstantia diei festi, vel Dominicæ, & circumstantia loci, in quo non superfit alia Missa. Item si Sacerdos in publico inchoasset Sacerdotalibus vestibus se induere, ibique veniret ei in mentem recordatio peccati mortalis, nec habens Confessarii copiam, grave murmur excitaret, criminifque

que suspicionem pareret exuendo se & abscedendo. Insuper si sacris operans, factaque consecratione recordetur criminis à se admissi, quanvis copiam habere possit Confessarii, non tenetur accersere: quia indecens est tunc interrumpi Sacrificium, tametsi nulla sequeretur Sacerdotis accersentis nota. Ita Sylvester verb. *Eucharistia* 2. num. 9. Soto in 4. dist. 12. art. 9. Navarra Manual. cap. 21. num. 4. Suarez ad 3. p. q. 80. disp. 66. sect. 4. & alii communiter. Sed si ante consecrationem Sacerdos recordetur ad Altare peccati mortalis, tenetur confiteri, si fieri sine nota possit, ut quando privatum celebrat. Alioqui sufficiet si conteratur, ad notam vel infamiam declinandam. Si quæras, utrum teneatur ante consecrationem discedere, dum fieri potest absque nota, nec præsto est Confessarius? Respondet S. Bonaventura in 4. dist. 13. Soto ibid. q. 2. art. 6. Victoria de Eucharistia n. 79. Navarra cap. 25. num. 76. non teneri post inceptam Missam discedere. S. verò Thomas p. 3. q. 83. art. 6. ad 2. dicit esse tutius eo casu Missam cœptam deferere, non tamen esse necessarium.

III. Porro non est assentiendum Cajetano in 3. p. quæst. 80. art. 4. dicenti cum quibusdam aliis, nullum ad suam usque ætatem exstitisse præceptum iis qui sibi conficii sunt culpæ mortalis, confessionem præmittendi ante sacram Communionem, dummodo aliunde contriti sint; atque præmissionem confessionis non esse in hoc casu de præcepto, sed de consilio. Etiam si enim nullum scriptum præceptum hac de re superesset, tamen constans & universalis Fidelium consuetudo hæc fuit, ut non nisi confessi auderent ad sacram accedere Communionem, quoties lethalis novæ sibi conficii erant. Et aperte declarat Concilium Trident. hunc esse sensum præcepti divini apud Apostolum, *Probat autem seipsum homo. Et, Qui manducat & bibit indigne.*

I V. Quæritur de pollutionibus nocturnis, an impediant sacram Communionem? S. Thomas quæst. 80. art. 7. sic distinguendo resolvit. Vel illa pollutio quæ per somnium accidit, procedit à causa mortali, vel non: si à causa mortali, ut sunt antecedentes cogitationes turpes, quibus se vigilans oblectavit, consequens nocturna impuritas impedit à Communionem ex necessitate, quanvis interveniat poenitentia subsequens pollutionem, & præcedens Communionem: sed si culpa nulla fuerit causa ejus pollutionis, aut etiam si fuerit quidem, sed venialis, non impedit Communionem ex necessitate, sed ex decentia. Quæ decentia abstinendi fundatur tum in sorditate corporis, tum in evagatione animi, quæ pollutionem sequi solet. Hæc tamen decentia postponenda est necessitati communicandi, aut Sacrum celebrandi, ut in die festo, ubi alius deest Sacerdos qui celebret.

V. Sed si comperiat causari pollutiones ex malitia diaboli, ut per hoc arceat aliquem à Communionem, non est deferenda Communio propter talem infestationem, modò quis se à peccato custodiat, ut ex collationibus Patrum adducto exemplo probat ibidem S. Thomas.

VI. Idem

V I. Idemque ad secundum argumentum de congressu conjugum ait juxta S. Gregorii responſionem ad Auguſtinum, quæ habetur in can. *Vir cum propria*, 33. q. 4. ſi non voluptatis cauſâ, ſed proliſ generandæ, vel debitum reddendi conjugale petenti id factum ſit, non alia ratione Communionem impediri, quàm ſicut dictum eſt de pollutione quæ contigit alicui ſine peccato: hoc eſt, non ex neceſſitate, ſed ex decentia, propter corporis immunditiam & animi diſtractionem rectè aliquem à Communione abſtinere, dicente S. Hieronymo: *Si panes Propoſitionis ab his qui uxores tetigerant, comedi non poterant, quantiò magis ille panis qui de cælo deſcendit, non poteſt ab illis qui conjugaliſ paulò antè hæſere complexibus, violari atque contingi? Et vult Apoſtolus (1. Cor. 7.) conjugatos abſtinere à complexu ad tempus, ut vacent orationi, quantiò magis ut comedant carnes Agni immaculati, debent à carnaliſ operibus abſtinere?* Sed quia hoc ſecundum congruitatem (ait S. Thom.) & non ſecundum neceſſitatem; ex conſilio, & non ex præcepto eſt intelligendum, S. Gregorius dicit quod talis ſuo judicio eſt relinquendus. Si verò non amor procreandæ ſobolis, ſed voluptas dominatur in opere (ut ibidem Gregorius ſubjungit) tunc prohiberi debet ne accedat ad hoc Sacramentum. Hæc S. Thomas.

V I I. Altera requiritur in communicaturo diſpoſitio, ut ſit perfectè jejunos, hoc eſt, nihil cibi aut potus à media nocte in ſtomachum traiecerit. Sic enim decernunt Concilii Carthaginenſis quinti canon 19. & Africani canon 9. *Ut Sacramenta Altaris non niſi à jejunis hominibus celebrentur.* Habetur in can. *Sacramenta Altaris*, de conſecrat. diſt. 1. Cui ſuſfragatur S. Auguſtinus epiſt. 118. ad Januarium: *Placuit Spiritui Sancto, ut in honorem tanti Sacramenti prius in os Chriſtiani corpus Dominicum intraret, quàm ceteri cibi.* Ibidemque dicit: *Per univerſum orbem moſ iſte ſervatur, ut corpus Chriſti à jejunis ſumatur.* Idque ſtatutum ab Eccleſia eſt, tum in Eucharistiæ ſacraſſimæ venerationem, tum etiam ad eliminandas omnes occaſiones vomitus aut intemperantiæ. Reliquiæ tamen cibi hæſterni in ore remanentes, ſi caſu poſt mediam noctem deglutiantur, non impediunt hanc Communionem, quia non per modum cibi, ſed ſaliuæ trahuntur in ſtomachum. Eademque ratio eſt, ſi dum os aquâ aliòve liquore abluitur, aliquæ guttæ deglutiantur, dum ſit parva earum quantitas, ut ait S. Thom. ad 4. argum. Eadem ratio eſt de ſanguine qui ex cerebro vel ex gingivis ſaliuæ permixtus in ſtomachum deſluit, neque conſulit deglutitur.

V I I I. Secus exiſtimandum de iis qui ut faucium raucedinem, aut peſtoris tuſſim, aut deſluentium ex cerebro humorum acrimoniam leniant, antequam ſomnum capeſſant, ori imponunt ſaccarum aliamve materiam, quam paulatim liquefactam deglutunt: his enim non licet poſtridie communicare, niſi certum habeant, omnem illam electuarii ſubſtantiam fuiſſe in ſtomachum trajectam ante mediam noctem. Nec reſert ſi obſicias, de-
glutitas

glutitas post mediam noctem cibi reliquias, quæ dentibus hæserant vel gingivis, non impedire sacram hanc Communionem: In hoc enim differunt, quia illæ reliquie cibi non intenduntur tanquam nova refectio, sed fortuito hæserunt, & post completam, quæ præcessit, refectioem trajectæ sunt: At verò eleſtuarium sponte sumitur tanquam refectio, vel tanquam medicina, cujus in stomachum trajectio ex intentione sumentis vel perduravit, vel perdurasse dubitatur ultra mediam noctem. Atque hic est generalis Summiſtarum consensus.

I X. Non jejunus potest communicare, si urgeat periculum mortis. Tenetur namque in extremis communicare ex divino præcepto, quod est gravioris momenti quam Ecclesiæ lex, ne communicet aliquis non jejunus. Patet verò ex Ecclesiæ usu, eam non intendere ut abſtineat à Viatico qui non est jejunus, ubi periculum est decedendi sine Viatico, & frustrandi tanto præsidio Fidelem in extremo certamine. Sanè æger dum commodè potest, debet curare ut jejunus communicet; non debet tamen propter eas vires in discrimen adducere, neque in posterum diem ea de causa Communionem differre, si sit rationalis metus ne præmoriatur, aut accedente nova seu animi, seu corporis infirmitate exequi non possit quod distulerat: quæ sanè res majoris sunt momenti quam circumstantia illa jejuniæ. Pia enim Mater Ecclesia cupit liberis suis in discrimine mortis constitutis quacunque ratione opem ferre, & oppositas difficultates amovere.

X. Quæres, utrum in eadem ægitudine liceat sæpiùs non jejunus communicare? In primis certum est, non licere, absolūtè loquendo: sed tamen licere duobus his casibus. Primò, quum sæpiùs occurrit ægrum constitui in mortis discrimine præſenti, si nempe nunc remittat, & nunc ad extremum periculum ingruat vis ægitudinis. Secundò, quando quis eundem aut diversum in morbum successivè incidit, cùm ferè convalesceret. Attamen necesse est intervallum plurium dierum intercedere, ut quis pluries eodem lecto detentus communicet non jejunus, quale assignant communiter Summiſtæ trium hebdomadarum, aut unius mensis intervallum.

X I. Celebrare non jejunum ut infirmus communicetur, non est licitum, essetque sæpe occasio gravis irreverentiæ. Et in hoc omnes ferè conveniunt Doctores. Neque obſtat divinum de communicando præceptum in vitæ discrimine. Deum enim respondemus pleraque præceptis non ita absolūtè, quin reliquerit præceptorum suorum modificationem in iis quæ sunt positivi juris prudentiæ Ecclesiæ, in casibus aut periculis vel circumſtantiis gravium incommodorum, quæ ex rigidiore præcepti observatione nascerentur: præſertim si talium incommodorum evitatio spectet quoque ad Jus Divinum in materia diversa. Exemplo sit illa Dei prohibitio, ne quis nisi sit Sacerdos, panes Propositionis comedere auit.

Nn

Levit. 24.

Levit. 24. vers. 8. & tamen Matth. 12. Christus Dominus modificationem hujus divinæ prohibitionis, admissam à summo Sacerdote Achimelech, approbat, quando deficientibus laicis panibus, Davidem ejusque comites, quos premebat fames, sacris illis panibus vesci indulgit. Et in lege Gratiæ postquam ex divino instituto fuerant abolitæ veteris legis ceremoniæ, reliquit tamen Deus Apostolorum providentiæ earum usum vel permittere, vel damnare; adeo ut licuerit Paulo Apostolo, Act. 16. Timotheum cum rationabili causa circumcidere; qui tamen alibi justè Petrum Antiochiæ reprehendit ritus Mosaicis observantem, neque ullatenus permittere voluit Titum circumcidi, Gal. 2. Una enim eademque discretionis lex distabat esse uno eodemque tempore ritus legales Jerusalem, ubi stabat Judaicum Templum, Summumque Sacerdotium Legale, & summum Legis Concilium; non verò Antiochiæ extra Judæam sitæ, in qua urbe pauci Judæi, & innumerabiles Gentiles habitabant. Idem censendum de obligatione communicandi instante mortis periculo, quam Christus Ecclesiæ directioni commisit quoad executionis circumstantias, præsertim eas quarum neglectus gravem plerumque contemptum & scandalum pareret, quod utique aliunde violaret primarium ac præcipuum Divini Juris mandatum. Circumstantiæ namque Divinæ Eucharistiæ celebrandæ omnes ferè sunt Ecclesiasticæ præceptionis ac institutionis, fundamentum habentes venerationis tantis debitæ mysteriis secundum Jus Divinum. Esto enim nulla adhibeatur circumstantiarum Ecclesiasticarum remora, ubi urget fidelis jam moribundi communicatio, facillè continget ut Sacerdos semiebricius, post opiparam cœnam de periculo admonitus, sine animi præparatione, sine sacris vestibus, sine precibus, panem vulgarem præcipitanter consecret in eadem profana mensa, & post ciborum & verborum dissolutionem, post haustam vini aut cervisiæ immodicam copiam tremendum Sacrificium semiebricius conficiat, & præcipitanter deferat ad ægrotum cum morte luctantem.

XII. Aliis pluribus casibus potest non jejunus hoc sumere Sacramentum, ut si contingat loco vini fuisse fusam in calicem meram aquam, & post hostiæ communionem de calice haustam, quod facillè potest ex inadvertentia evenire. Tunc enim debet Sacerdos vinum in calicem infundere & consecrare incipiendo à verbis, *Simili modo*; deinde illud bibere postquam dixerit, *Sanguis Domini nostri Jesu Christi*, &c. Præterea si post consecrationem recordetur Sacerdos se non esse jejunum, debet nihilo scilicet perficere sacrificium & communicare. Est enim procul dubio strictior obligatio perficiendi cœptum Sacrificium & communicandi, quam jejunum sumendi hoc Sacramentum. Sed si ante consecrationem Sacerdos meminisset se ad Altare accessisse non jejunum, docet S. Thomas 3. p. q. 83. art. 6. ad 2. tutius esse ut desistat à Sacrificio, si fieri citra scandalum possit; non tamen affirmat ad hoc teneri. Unde colligo Sacerdotem clam & secretis

femotis arbitris celebrantem posse ab Altari discedere ante consecrationem, sed non convenire ut discedat, si publicè & coram pluribus celebret: sic enim scandalo erit, & infamiam sibi accerset.

XIII. Si celebrans post consecrationem, sive unius speciei, sive duarum, cordis deliquium pateretur, ut prosequi non posset, si nullus præsto sit Sacerdos jejunus, debet non jejunus Sacerdos perficere Sacrum & communicare, propter majorem & antiquiorem divini præcepti obligationem perficendi Sacrificium, præ Ecclesiastica prohibitionem non communicandi, si quis non est jejunus, can. *Nihil*, 7. quæst. 1.

XIV. Si Sacerdos ante communionem offendant in Altari particulam aliquam consecratam, aut de qua dubitet an sit talis, debet illam sumere statim atque Sanguinem sumpserit, ne se exponat periculo communicandi non jejunum, si particulam sumat ante Calicem, aut post ablutionem. Sed si particulam post ablutionem advertat, debet eam etiam post ablutionem sumere, eique nonnisi post Calicis sumpcionem advertenti indulgetur ad particulæ sumpcionem totum tempus quo stat ad Altare. Sic enim censetur unum totum, unaque Communio quidquid diversis vicibus subit dum stat ad sacrum Altare, ut ait Cajetanus tom. 2. opuscul. tract. 3. quæst. 1.

XV. Sacerdos qui inter celebrandum debet purgare Ciborium, in quo multæ supersunt exiguæ particulae, debet primum eas in Calicem in quo sacratissimus Sanguis continetur, infundere post sumpcionem sacratissimæ Hostiæ, ut particulas simul cum sanguine sumat. Et quia non possunt aliquando omnes simul cum sanguine hauriri, debet vini novam ablutionem toties infundere in Calicem, sacris etiam digitis particulas dispersas in unum Calicis locum colligentibus, donec omnes illas reliquias ipse Sacerdos hauserit. Eaque est generalis Ecclesiæ praxis & præceptio.


XVI. Si quando hostia consecrata palato communicantis adhæserit, nec possit per linguam separari, toties multiplicandæ sunt intra palatum ablutiones, donec hostia sejungatur, & cum ablutionibus integrè deglutatur.

XVII. Denique si periculum impendet ne Sacramentum irruptione sacrilegorum in eorum incidat manus, debet etiam à non jejunis reverenter sumi, si jejuni præsentés non occurrant: aliter enim se gerens non averteret ac impediret, prout jure naturæ tenetur, injuriam Divinissimi Sacramenti. Non enim exponendum est Sanctum canibus, nec margaritæ projiciendæ ante porcos.



CAPUT VI.

*Utrum carentes rationis usu capaces sint istius
Sacramenti.*

- I.  ANC tractat disputationem S. Thomas art. 9. & optime concludit cum distinctione. Aliqui dicuntur non habere rationis usum dupliciter: uno modo; quia debilem habent rationis usum; & quia tales possunt aliquam hujus Sacramenti devotionem concipere, non est eis denegandum hoc Sacramentum. Alii verò nullum prorsus habent rationis usum; & hi quidem aut nullum rationis usum habuerunt, sed sic à nativitate permanferunt: & istiusmodi hominibus non est hoc Sacramentum exhibendum, quia in his nulla præcessit Sacramenti devotio. Aut verò aliquando rationis compotes fuerunt, & tunc si quando erant rationis compotes, apparuerit in eis hujus Sacramenti devotio, debet eis in articulo mortis hoc Sacramentum exhiberi, nisi fortè timeatur periculum vomitus vel expuitionis; hoc enim conformatur canoni 76. Concilii Carthaginensis IV. quo decernitur, ut is qui pœnitentiam in infirmitate petiit, & mox infirmitate oppressus obmutuit, vel in phrenesim incidit, accipiat à Sacerdote pœnitentiam, & si continuò creditur moriturus, reconcilietur per manûs impositionem, & infundatur ori ejus Eucharistia. Habetur iste canon 26. quæst. 6. can. *Is qui pœnitentiam*. His adde caput *Majores*, §. ult. de Baptismo, quo statuitur, dormientes & amentes valide baptizari, dummodò antea Baptismi suscipiendi propositum habuerint, & non aliter..

II. Infantibus olim tribuebat Ecclesia Eucharisticam Communionem. Id compertum est ex Sancti Cypriani tractatu de lapsis, in quo miraculum refert circa puellulam, cui post sumpta idolothyta, quæ nutritrix Gentilis ei procuraverat, data fuit in Ecclesia de sacro Calice communio. Itemque ex S. Dionysio Eccles. Hierarch. cap. 3. dicente: *Illud verò quod pueri quoque, qui non possunt intelligere divina, sacri Baptismatis, aliorumque Communionis sacrosanctæ signorum participes fiant, &c.* Concilium pariter Trident. sess. 21. cap. 4. expressè docet, antiquis sæculis in more positum fuisse, ut quibusdam locis parvulis rationis usu carentibus sacramentalis Communio daretur, & sanctissimos illorum temporum Patres rationabilem facti sui causam habuisse, quanvis nullà salutis necessitate id fecerint, quoniam parvuli per lavacrum Baptismi regenerati, adeptam in ea regeneratione gratiam amittere in illa ætate non possunt. Prodesse quidem

eis

eis posset Eucharistia ad gratiæ augmentum, sed eam illis subtrahere satius esse. Iuxta præsentium temporum Ecclesiæ, magis prospiciens tantj Sacramenti venerationi. Quod verò Christus protestatur Joan. 6. *Nisi manducaveritis carnem Filii hominis*, &c. imponit quidem adultis necessitatem præcepti, nemini verò necessitatem mediij, qualis est Baptismi, sine quo ne infantes quidem salvantur.


III. Ecclesiæ illis qui prorsus amentes sunt, non solet sacram largiri Communionem, nisi in articulo mortis, & hoc rarissimè, ob necessarias præcautiones, ne sit exspuitionis aut vomitus periculum, alteriusve gravi irreverentiæ & contemptus; sitque admodum probabile, hominem non esse in mortali culpa, commissa dum olim esset compos mentis, ut post S. Thomam admonet Coninch in d. art. 9. Cæterum Ecclesiæ receptor consuetudo est, ut amentibus sacrum Viaticum denegeret, si nulla in eis supersit rationis scintilla, nec ullus saltem exiguus pietatis sensus. Sed si tantisper aliqua advertitur erga Sacramentum devotio, quantumvis rationis ulus sit imminutus, si non est justus metus præcedentis mortalis culpæ, cujus eum non pœnituerit, minimè privandus est æger salutifero Viatico.

IV. Utrum arripitii, seu energumeni Communione sint privandi, ambigi potest. Diversa fuit olim variis locis & temporibus observatio in Ecclesiis. S. Dionysius Eccles. Hier. cap. 3. apertè docet tum catechumenos, tum energumenos, tum publicè pœnitentes à sacris Mysteriis fuisse exclusos. Itaque videtur improbabilis responsio ista S. Thomæ, sermonem ibi esse de solis energumenis non baptizatis. In oppositum autem decernit Concilium Arausicanum I. cap. 14. admittendos esse ad Eucharistiæ communionem energumenos, si se Clericorum sollicitudini tradant, & obtemporent muniendi virtute Sacramenti adversus dæmonum insultus. Hoc idem censuerunt olim sancti veteres per Ægyptum aliasque regiones dispersi Abbates apud Cassianum, quem refert & sequitur S. Thomas d. art. 9. ad 2. *Eis qui ab immundis vexantur spiritibus, Communionem sacrosanctam à senioribus nostris nunquam meminimus interdici.* Et utique non sunt hoc tanto præsidio privandi energumeni, si agnoscantur ad hoc suscipiendum dispositi. Ubi namque majus periculum intenditur, ibi plenius est consulendum, cap. *Ubi periculum*, de election. in 6.



CAPUT VII.

*Utrum Sacerdos debeat denegare Corpus Christi
peccatori petenti.*

I.  A N C movet quæstionem S. Thomas quæst. 80. art. 6. Tota hæc difficultas tribus regulis dijudicanda est. Harum prima sit : Publico peccatori, sive publicè, sive privatim hoc Sacramentum petenti prorsus denegandum est. Ratio est, quia Sacerdotes (ut dicit Apostolus) sunt dispensatores mysteriorum Dei : debet autem esse fidelis dispensator, eodem subjungente : *Hic jam quaritur inter dispensatores, ut fidelis quis inveniatur, 1. Cor. 4.* Atque ita cavere tenetur, ne bona quæ dispensanda recepit, dissipet in immitos & indignos. Vetatur enim Matth. 7. *Nolite sanctum dare canibus, neque mittatis margaritas ante porcos.* Notatu dignus in primis est locus S. Cypriani epist. 10. *Pro dilectione tua consulendum me existimasti, quid mihi videatur de histrionibus & mago illo, qui apud vos constitutus adhuc in artis sua dedecore perseverat, an talibus sacra Communio cum ceteris Christianis dari debeat ? Puto nec Majestati Divina, nec Evangelica disciplina congruere, ut pudor & honor Ecclesia tam turpi & infami contagione fœdetur.* Refertur in can. *Pro dilectione*, de consecr. distinct. 2.

II. Secunda regula hæc est : Peccatori occulto non est deneganda Communio coram illis, quibus ignotum est ejus peccatum. Ita post S. Thomam communiter Doctores sentiunt. Rationem tradit S. Thomas, quia quilibet Christianus ex hoc ipso quod est baptizatus, admittit fuit ad Dominicam Cœnam, ita ut jus suum illi adimi non possit, nisi ex aliqua manifesta causa. Alii vero has rationes adjungunt, quia non est distaminandus peccator occultus ; & quia secus agendo gravia nascerentur scandala. Alii quidam totam rationem ad Christi voluntatem referunt ab Apostolis ad nos usque traditione transmissam, ipso etiam Christi factò roboratam, qui Judæ tunc occulto peccatori suum dedit in ultima cœna corpus & sanguinem. Ait denique S. Augustinus : *Non prohibeat dispensator pingues terra, id est peccatores, in mensa Domini manducare, sed exactorem moneat timere.* Id habetur de consecrat. dist. 2. can. *Non prohibeat*, quo loco Glossa adjungit, *Si occulti sint.*

III. Ut autem sciatur, quinam publici, & quinam occulti peccatores habendi sint, dicit D. Thomas loc. cit. eos esse manifestos peccatores, quorum peccata innotuerunt per evidentiam facti, quales sunt publici usurarii,

rarii, publici concubinarij, publici raptores: vel quorum innotuerunt peccata per publicum sive Ecclesiasticum, sive seculare iudicium. His adiungitur tertium notorietatis genus, quando ipse peccator de suo se crimine jactat, & passim ac manifestè illud confitetur. Si ergo unâ aliquâ de tribus notorietatibus peccator factus fuerit manifestus ac diffamatus apud majorem civitatis partem, neganda est ei Communio, etiam coram illis qui ejus crimen ignorant. Cum enim famam eo loco amiserit, non habet jus ullum amplius ut suum delictum ibi celestur: & exigui momenti est si unus aut alter id ignoret, qui ex aliorum relatione facile cogniturus erat. Quin etiam Suarez disp. 67. sect. 5. conclus. 3. quem sequitur Coninch q. 80. art. 16. n. 28. asserit ei qui alicubi per iudicis sententiam declaratus est criminis reus, denegandam esse Communionem, etiam in alio distito loco, in quo id penitus ignoretur. Sed hanc sententiam sequi valdè inconveniens & periculosum foret, etiam supposita illa communiori opinione, quam tradunt & probant Cajetanus opusc. 31. resp. 9. Navarra Manual. cap. 18. n. 26. Lessius lib. 2. cap. 10. dub. 13. n. 75. quod licet in alio loco, in quo ignoratur delictum, revelare hoc idem quod in aliqua alia civitate publicè innotuerit per unam aliquam ex tribus notorietatibus prædictis: supposita enim hujus opinionis veritate, potest nihilominus homo ex eo tempore quo infamiam alibi incurrit, suam emendasse vitam, & vetus peccatum per veram pœnitentiam diluissè, præsertim cum transmigratione loci conversionem pristinæ vitæ valde faciliat, pristinasque malæ consuetudinis occasiones rescindat. Præterea ex tali repulsâ (cujus causa in eo loco prorsus ignoratur) eadem omnia detrimenta & scandala nascentur, quorûm evitandorum causâ illicitum est Sacerdoti occultum peccatorem à sacra Communione repellere: & præter turbas & scandala inde nascentia, Sacerdos ipse plus sibi vituperii & odii apud Christianum populum, quàm infamiae peccatori repulso, qui probus existimabatur, accerseret.

I V. Difficilior quæstio ventilatur, an sit deneganda Communio peccatori occulto illam occultè postulanti? Sanctus quidem Thomas in Summa suam hac de re mentem non aperit, quanvis evidens occasio se in hoc art. 6. offerret: ex quo convinci potest, non existimassè sibi persistendum esse in opinione quam tradiderat in 4. dist. 9. art. 5. ad 1. ubi absolutè concludit esse occulto peccatori occultè petenti recusandam communionem, quanvis Sacerdos id occultum crimen non sciat aliter, quàm per ejusdem sacramentalem Confessionem. Sorus tamen oppositam tuetur opinionem, quando non alia habetur notitia, quàm ex sacramentali Confessione, in 4. dist. 12. q. 1. art. 6. existimans & scribens S. Thomam ab illa sua pristina sententia descivissè, dum Summam Theologicam conscriberet. At cæteri Thomistæ communiter tuentur illam, quam tradit S. Thomas in librum 4. Sent. eo quòd nihil directè contrarium scripssisse appareat. Cæterum com-

mun.

munis est, eaque justa & vera Summistarum consensio, tam esse strictam sigilli Confessionis obligationem, ut nulla ex causa liceat Confessario peccatum sibi confessum aperire poenitenti extra confessionem, sine expressa poenitentis licentia, nisi quantum aliunde extra confessionem potuerit ejus habere notitiam, ne confessio reddatur odiosa, si vel ipsi poenitenti extra confessionem impropereetur eo invito. Igitur in hac questione ita distinguendum cum communi. Vel Sacerdos occultum peccatum Communionem occultè petentis cognoscit per ipsius solam Confessionem, eoque casu non debet ei denegare, propter sigilli religionem: Vel aliunde notitiam ejus habet: quo casu, si ea notitia certa ac indubitata sit, debet ei occultè petenti denegare, eidemque causam notitiæ suæ sine cuiusquam, à quo acceperit, designatione significare; modò audienti constet eam quam significat notitiam, haberi extra sacramentalem Confessionem fuisse.

V. Tertia demùm statuatur regula: Sacerdos, sive Pastoris fungatur officio, sive non, qui scit extra Confessionem occultum petentis Communionem delictum, tenetur eidem petenti abnegare; si verò sciat per solam petentis Confessionem sacramentalem, tenetur ei petenti concedere, quantumvis occultissimè petat. Ita Gabriel Biel in 4. dist. 9. q. 2. art. 3. dub. 1. Paludanus ibid. q. 2. conclus. 3. Navarra cap. 21. n. 55. Primæ partis hujus conclusionis ratio est, quia ille postulans nullum habet jus Communionem petendi, cessante hic omnia incommoda, quorum evitandorum causâ admitteretur accedens publicè ad Communionem: Ideoque ligat Sacerdotem illa prohibitio Christi in isto petitionis occultæ casu, *Nolite Sanctum dare canibus*. Ratio porro secundæ partis est illud inviolabile & indispensabile secretum Confessionis, de quo loquitur can. *Sacerdos*, de poenit. dist. 6. & canon *Omnis utriusque*, in fin. de poenit. & remission. Sacerdos enim negando Communionem, indirectè commemoraret atque exprobraret auditum in confessione illius peccatum, quod est penitus Divino Jure, eoque duplici, nimirum naturali & positivo illicitum. Et quanvis alias fortasse causas Sacerdos prætexeret, ille tamen qui petit, facillè adverteret repulsæ causam esse peccatum in confessione expositum.

VI. Deinde observandum ex S. Thoma in corp. art. 6. posse Sacerdotem habentem criminis aliunde quam ex Confessione sacramentali notitiam, occultè admonere peccatorem occultum, vel etiam universos generaliter ad Communionem accedentes, ne ad mensam Domini accedant antequam peccata per veram poenitentiam expiaverint, & Ecclesiæ, si sint excommunicati, reconciliati fuerint. Hac enim ex causa olim à Diacono inter sacratissima Mysteria proclamabatur, *Sancta sanctis*, ut refert in catechesibus mystagogicis S. Cyrillus Hierosolymitanus.


VII. Sapienter admonet Ægidius Coninch ad art. 6. num. 27. ut publico peccatori Communioni publicè dari possit, necesse quidem esse, ut publicè constet ipsum emendatum esse: ut autem privatim dari possit, sufficere

Cere si Sacerdoti constet, quod privatam egerit poenitentiam. Verumtamen hoc sollicitè cavendum, ne illa privata Communio deveniat in aliorum notitiam; perinde enim esset ac si ad publicam fuisset admissus. Accidit enim aliquando, ut qui post privatam poenitentiam de publico delicto fuerat ad secretam Communionem admissus, post præstitam ab ipso secreti promissionem sollicitior propriæ apud plebem existimationis quàm promissæ fidei, eodem ipso sumptæ Communionis die rem ipsam tota urbe divulgaverit. Itaque prudentius & religiosius dixerim, si is qui à publica Communionem repellendus est, arceatur pariter, nullâ habitâ ratione privatæ poenitentæ, ab occulta communione. Sic enim præfatum sequentis manifestationis incommodum devitabitur, & is qui publici scandali author fuit, in humilitate & displicentia peccati continebitur, disciplinaque Ecclesiastica servabitur illibata.



C A P U T VII.

De Ministro Sacramenti Poenitentia.

I.  **OENITENTIAE** Sacramentum per modum iudicii administratur. Itaque requirit causæ cognitionem, & jurisdictionem completam. Incompleta quidem jurisdictio immediatè à Christo Sacerdotibus in ipsorum ordinatione confertur, quibus ab Ordinante dicitur: *Accipite Spiritum Sanctum, quorum remiseritis peccata remittuntur eis, & quorum retinueritis retenta sunt.* Completam verò jurisdictionem tribuunt Ecclesiæ Prælati, quando ipsis visum fuerit. In Ordinatione Sacerdotali jurisdictio datur secundum habitum dumtaxat; Ordinatio enim non attribuit subditos erga quos possit collata ibi jurisdictio exerceri. Sed Ecclesia postmodum per suos Prælatos attribuit Sacerdoti subditos, in quos ille iudiciariam exerceat potestatem, sive pleniorē, sive restrictiorem, prout Prælati visum fuerit; possunt enim certos casus & certas personas reservare. Hoc docet Concilium Tridentinum sess. 23. cap. 15. *Quamvis Presbyteri in sua ordinatione à peccatis absolvendi potestatem accipiant, decernit tamen Sancta Synodus nullum, etiam Regularem, posse Confessiones secularium etiam Sacerdotum audire, nec ad id idoneum reputari, nisi aut Parochiale Beneficium, aut ab Episcopis per examen, si illis videbitur esse necessarium, aut alias idoneus iudicetur, & approbationem qua gratis datur, obtineat, privilegii & consuetudine quacumque, etiam immemorabili, non obstantibus.*

II. Istud unum Concilii caput multa decreta comprehendit. In primis, neminem posse ex sola vi Sacerdotii sui Sacramentum Poenitentia

O o ministrare

ministrare circa mortalia peccata, sed requiri præterea Prælati approbationem & concessionem, nimirum Episcopi, aut ejus Vicarii quoad dicecesanorum subditorum Confessiones, aut Superioris Regularis quoad Confessiones duntaxat subditorum Regularium. Secundò, Parochos actu Sacerdotes, hoc solo quod eis confertur Parochialis Ecclesia, citra aliam concessionem posse suos Parochianos consistentes absolvere. Tertiò, non licere Episcopis aliisve Ordinariis cuiquam permittere aut delegare confessionum jurisdictionem, nisi ei quem idoneum ad id munus judicaverint. Neque Concilium hac in re jus ullum novum constituit, sed Episcopos Juris Divini commonet, prohibentis quemquam ad sacra ministeria, & præsertim ad istud quod periculosissimum est, admittere, nisi quem ipsi ministrum idoneum agnoverint. Quartò non sufficere Episcopi tale de Presbyteri capacitate judicium, sive interius formatum, sive exterius significatum; neque enim hoc ipso quod Prælati aliquem dignum judicat, confert ei ministerii potestatem: sed necessariam præterea esse approbationem, quæ nihil aliud hic est quàm admissio seu significatio consensus sui, ut Presbyter possit absolvere in foro pœnitentiali. Hanc verò consuetudinem per omnes Ecclesias receptam cernimus, ut hoc ipso quod Ordinarii delegant confessionum audiendarum potestatem, censeantur hoc ipso citra ullam aliam expressionem, aut examinis formam judicium ferre de Sacerdotis capacitate. Et si tali non præmisso judicio delegant, mortaliter peccant Prælati, nisi aliqua eos subreptio excuset: substitit tamen, virelque habet talis delegatio, neque intendit Concilium laqueis animas pœnitentium implicare, eosque expetita absolutione & Sacramenti gratiâ frustrari. Et perperam aliqui Authores novum aliquod jus comminiscuntur à Concilio fuisse introductum, quod pœnitentium & Confessariorum delegatorum bonam fidem eludat, & irritas faciat pœnitentium confessiones & absolutiones.

III. Perperam alii quidam, ut Coninch de pœnit. disput. 8. dub. 7. num. 50. negant posse ab Episcopo in Confessarium approbari eum quem subditum non habet, sed necesse esse ut conferendo ei Beneficium, aut alia ratione faciat eum sibi subditum antequam deleget. Gratiolæ confessiones non prærequirunt jurisdictionem stricti juris, sed possunt liberè illis concedi qui sub aliena jurisdictione sunt. Falso itaque nititur fundamento illa Egidii Coninch propositio; totaque universæ Ecclesiæ praxis est in oppositum. Atque ubique videmus advenas Sacerdotes, quos virtus & scientia commendant, aut etiam ex alienis Dioccesibus ad Ecclesiæ obeunda ministeria, ad constituendum, prædicandum, docendum accitos, sine ullius Beneficii præcedente collatione validè applicari Concionibus, Missionibus, Confessionibus Monialium aut populi, subministrationibus Ecclesiarum, sive ruralium, sive urbanarum. Istæ namque ad ejusmodi munia applicationes planè liberæ sunt & gratiolæ, nec præcedentem exigunt.

gunt in personam jurisdictionem: sufficit enim quod aliunde adveniens Clericus sit ejusmodi munia seu ministeria per delegationem obiturus intra territorium, ad quod ipse delegans habet plenam jurisdictionem. Et si secus res esset, illud expediens quod proponitur, prius novum intra diocesim Beneficium conferendi, eadem involveretur difficultate: cum enim collatio ipsa Beneficii sit extra omnem controversiam actus veræ ac propriæ dictæ jurisdictionis, eodem Coninchii argumento asseverandum quoque esset, non posse Episcopum conferre alterius diocesis Sacerdoti Beneficium suæ propriæ diocesis; eo quod collatio Beneficii, cum sit actus jurisdictionis, non possit exerceri ab Episcopo erga Clericum, quem nondum habet jurisdictioni suæ subiectum. Nullatenus demum præjudicatur alteri Episcopo, cui jampridem Clericus ille subditus fuit: cum totum istud jus de novo collatum coarctetur intra fines, ac territorium Ordinarii concedentis.

I V. Viguit aliquandiu obligatio confitendi soli proprio Sacerdoti, aut alteri cuidam, sed ex proprii tamen Sacerdotis licentia, & non aliter, juxta cap. *Omnis utriusque sexus*, de pœnit. & remis. proculum in Concilio generali Lateranensi sub Innocentio Papa III. Is autem proprius Sacerdos multò strictiùs quàm nunc temporis intelligebatur. Omnium enim intra fines Parochiæ, sive Sacerdotum, sive inferiorum Clericorum, sive laicorum proprius Sacerdos, cui confiteri tenebantur, non alius erat quàm Parochus, qui vel per se confessiones audiebat, aut quem sibi libitum erat Sacerdotem deputabat. Parochorum autem proprius Sacerdos erat solus Episcopus: ipsis etiam Episcopis confiteri volentibus necesse erat recurrere ad Metropolitanum, donec Gregorius IX. cap. fin. de pœnit. indulgit eis, ut non requisitâ proprii Superioris licentiâ eligere sibi possent discretum aliquem Confessarium; cæteroqui enim id fieri non poterat, nisi cum speciali proprii Sacerdotis seu Superioris proprii licentiâ, d. cap. *Omnis*, & d. cap. finali. Cardinales etiam sanctæ Romanæ Ecclesiæ non alii confiteri poterant, nisi Papæ soli, ejusve majori Pœnitentiario, aut ei quem isti ad hoc delegassent, ut notat Fagnanus in cap. *Ne pro dilatione*, de pœnit. & remis. Sed post dicti cap. constitutionem possunt ex privilegio sibi eligere alium Confessarium, modò sit approbatus: comprehenduntur enim Cardinales sub his verbis, *Aliis Superioribus, necnon minoribus Prelatis exemptis*. Tres enim illæ qualitates Cardinalibus simul aprantur. Sunt enim Superiores, & Prælati, & Exempti. Nam ut Prælati jurisdictionem habent Episcopalem in Titulorum propriorum Ecclesiis: & ut Exempti Cardinales solius Papæ jurisdictioni subjiiciuntur, cap. unico, de schismaticis in 6. Addit Fagnanus Presbyteros in una diocesi approbatos, non posse absolvere ad se accedentes ex aliis diocesisbus pœnitentes, eo quod eorum jurisdictio ab Episcopis propriis delegata nequeat extendi ad illos qui subsunt alterius Episcopi jurisdictioni. Idemque refert respectivè de

Parocho circa alienos Parochianos, nisi per specialem delegationem fuerit ampliata illius potestas. Ibidemque addit, Episcopum non obstante privilegio eligendi sibi Confessarium, dummodo iste sit à suo Ordinario approbatus, si ex aliena diœcesi sumptus sit, non modò posse illi in sua Diœcesi confiteri, cum ibi jus habeat, utpote intra proprium territorium, confitendi potestatem delegare. Sed etiam posse in aliena diœcesi confiteri eidem Sacerdoti, qui antequam à se eligeretur, jam erat ibi ab Episcopo loci ad Confessiones approbatus: sed si Episcopus qui sibi Confessarium illum elegit, velit ulterius ad alias diœceses, intra quas electus ille nullam habuit approbationem, proficisci, non licere ulterius Episcopo peregrè eunti confiteri eidem electo à se Sacerdoti, quanvis eum secum circumducatur; cum supponatur illum Sacerdotem non esse approbatum ab Ordinariis in quorum territorii ipse Sacerdos, & qui eum circumducit Episcopus, peregrè vadunt. Si verò Episcopus suæ Diœcesis Sacerdotem approbaverit, & Confessarium eundem sibi elegerit, posse ubique locorum, & in omnibus Diœcesibus eidem confiteri, nullatenus petita Ordinariorum apud quos transit, approbatione. Idem tradit Fagnanus de Cardinali non Episcopo, qui si Romanæ Diœcesis Sacerdotem ibi approbatum eligat, potest ubique locorum confiteri, quia hic Sacerdos approbationem à Papa habet, cujus protenditur jurisdictio toto terrarum orbe. Sed si Sacerdotem alterius Diœcesis à suo Episcopo approbatum, sive Episcopus, sive Cardinalis sibi elegerit, non posse ullatenus eo uti in diœcesibus in quibus nullam specialem approbationem Sacerdos habet, nisi accedente Ordinariorum singulorum, per quorum Diœceses proficiscuntur, licentiâ: sed tamen juxta eundem Fagnanum poterunt sine alio recurso confiteri Sacerdotibus locorum ibi approbatis. Quod tamen non possent, eodem teste Fagnano, cæteri omnes non habentes privilegium eligendi sibi Confessarium, quantumvis ibi ab Ordinario approbatum.

V. Cæterùm ut jura quæ nunc temporis vigent, ab iis quæ jam inde à longo temporis tractu abolita & antiquata sunt, discernamus, ex his quæ hætenus ex diversis Canonibus & Doctoribus congesti, aliqua pristinum adhuc servant vigorem, alia prorsus abolevit contraria consuetudo, quæ ubique ferè recepta vim juris jam inde ab aliquot anteaetis seculis obtinuit. Quotus enim quisque est sive pœnitens, quantumvis scrupulosus, sive Sacerdos, qui vel alienæ diœcesis homines ad se confessionis causâ accedentes hoc solo repellat, quòd sint alienigenæ, dummodo linguam ipsorum sufficienter intelligat? Quem nunc reperias eruditum & sapientem Confessarium, qui hoc sine devitandi nullitatem Sacramenti discernere satagat ab indigenis alienigenas, dummodo eo loco in quo à pœnitente extraneo compellatur, sciat se esse approbatum, nec se à pœnitente fraudulenter hoc animo conveniri, ut declinet proprij Episcopi aut Parochi jurisditionem? Quisnam pœnitens eruditus, sive Clericus sit, sive laicus,

cus, in eo loco ubi plures ab Ordinario delegati sunt Sacerdotes Confessarii, credat se adstrictum confiteri Parocho, nec posse alium convenire nisi de Parochi licentia? Et nonne res plena periculi foret, si peregrè cuntes, qui innumeris discriminibus obnoxii sunt, latronum, fluminum, torrentium, tempestatum, præcipitiorum, aberrationis itinerum, confu-
lentes animæ suæ & studiosi gratiæ per confessionem reparandæ, antequam incidant in tot pericula occurrentia, nemini toto peregrinationis etiam longissimæ tempore confiteri possent, eo quod à proprio Parocho longè distiti nullum reperire possint Sacerdotem, quantumvis à locorum Ordinariis approbatum, à quo validè absolvi possint? Hæc summa & palmaris ratio est salus animarum, quam proferit cap. fin. de pœnit. & remiss. ad indulgentiam Prælati jus sibi Confessarium eligendi, quæ peræquè valet in singulis Fidelibus, sic dicens: *Ne pro dilatione pœnitentiæ periculum imminet animarum.* Imò verò Prælati multò rariùs, privatæ verò personæ multò frequentius illis præfatis periculis opprimuntur, quia Prælati & comitantium obsequiis, & propriâ quâ præcellunt aliis prudentiâ, & majori vitæ ac salutis insitâ, quam habent, sollicitudine, & aliis vitæ humanæ subsidiiis magis præmuniti peregrè proficisci solent quàm vulgares homines, quorum tamen æterna salus peræquè pretiosa est coram Deo. Etsi autem dictum cap. fin. solum meminerit Prælatorum, tamen non modò paritas rationis in re tanti momenti & discriminis, sed etiam juris paritas, scripti quidem in Prælati, longæ verò & universalis consuetudinis in privatis cæterorum Fidelium personis hanc rem adedò necessariam & salutiferam obtinuit, ut seposita omni fraude possit quivis Christianus per Christianorum loca incedens animæ suæ salutari æternæ consulere, & adversus tot occurrentia vitæ pericula se præmunire per salutiferum & maxime necessarium pœnitentiæ Sacramentum.

V I. Et verò vetustioribus Ecclesiæ seculis illæ personarum distinctiones quæ remoram animarum præsertim plebeiarum salutis perniciosissimam obijciunt, penitus erant ignotæ, quando pluribus passim existentibus Presbyteris, quos adire pro Sacramento Pœnitentiæ liberum erat, Sancti Patres hortabantur Fideles, ut inter multos quærerent, atque ex pluribus eligerent Sacerdotem scientem ligare & solvere, ut habetur in can. *Quem pœnitet*, de pœnit. dist. 1. & can. 1. dist. 6. qui Canon erutus est ex lib. 2. de vera & falsa pœnitentia. Simile quoque monitum legimus in tract. de visitatione infirmorum, qui ambo tractatus censentur inter opera Sancti Augustini. Certum verò est, non esse locum electioni, ubi aliquis est uni ex necessitate adstrictus; neque posse quemquam eligere nisi inter plura eligibilia constitutum. Deterrimum verò est non modò non posse ex pluribus eligere, sed ne unum quidem posse occurrere, ad quem recurri, nisi quis actu constitutus sit in extremo discrimine, ullatenus possit; quod occurreret inter peregrinandum.

VII. Obijciat forsan aliquis, posse à peregrinantibus adiri Religiosos, quibus concedere Summi Pontifices potestatem absolvendi quoscumque, & undecunque advenientes pœnitentes. Huic argumento facilis est responsio. Primò enim in quibusque etiam minimis oppidulis obvii sunt Sacerdotes Parochiales, non autem Religiosi. Secundò, plures Religiosi ab audiendis Confessionibus ultrò se abstinent, præsertim verò respectu ignotorum & exterorum hominum. Tertiò, multis Religiosis etiam ex Ordinis instituto non permittitur aliorum quàm proprii Ordinis audire Confessiones, quales sunt Capucini, quorum Conventus sunt magis obvii proficiscentibus, utpote numerosiores. Quartò, neque verum est Regulares habere à Summo Pontifice immediatè istiusmodi absolvendi potestatem. Satis enim superque multorum Summorum Pontificum multiplicia protuli integris libri nostri primi capitulis Decreta, quibus disertissimè constituitur, nullibi posse à Regularibus absolvi seculares, nisi concessione Ordinariorum, quam isti possint prout eis visum fuerit limitare: Et præterea Religiosos, quos in una Diœcesi Ordinarius approbaverit, si se in aliam Diœcesim transferant, omni absolvendi potestate ibi carere, nisi hujus alterius Diœcesis Ordinarius hanc illis indulerit potestatem.

VIII. Obijciat rursus hæc verba cap. *Si Episcopus*, de pœnit. & remiss. in 6. *Nulla quoque potest consuetudine introduci, quod aliquis præter sui Superioris licentiam Confessorem sibi eligere valeat, qui eum possit absolvere, vel ligare.* Ergo introducta præfata consuetudo nullam habere potest juris firmitatem. Respondetur jura ista, de quibus loquitur dictum cap. *Si Episcopus*, negari non posse quin sint humana & Ecclesiastica: unde sequitur, & liquidò constat, posse contratio jure & præscriptà consuetudine revocari, sive in toto, sive in parte. Sensus autem dicti cap. *Si Episcopus*, talis est, quamdiu permanet jus illud universale, quod tunc vigeat, non posse per alicujus particularis hominis aut loci consuetudinem aut introductionem illi communi & universali juri derogari. Secus verò si introducatur universalis & diuturna in oppositum consuetudo, quæ priorem abroget. Et aliunde constat ex cap. *Dilecti*, de arbitris, posse acquiri ex consuetudine novam jurisdictionem.

IX. Igitur quanvis tempore quoque isto subsistat obligatio & necessitas confitendi proprio Sacerdoti, tamen proprii Sacerdotis notio & significatum latius multò quàm olim extenditur. Quidquid enim Coninch & Fagnanus in oppositum opinati fuerint, constantissima praxis est ubique recepta, atque in eam omnes propemodùm Doctores qui post ejus introductionem floruerunt, conveniunt posse quoscumque aliarum diœcesum subditos, si se aliò transferant, confiteri apud quoscumque Sacerdotes ab Ordinariis locorum approbatos. Bonacina de pœnit. disp. 5. q. 7. punct. 2. n. 1. 4. & 5. Et multò potiori ratione possunt ipsimet diœcesani quævis libuerit approbatum in eadem diœcesi Sacerdotem, cui confitean-

tur, eligere. Nam Episcopus non minùs est proprius per totam Diœcesim Sacerdos quàm Parochus loci. Ergo quos Episcopus delegaverit, eandem perinde quoad hoc Sacramentum potestatem habent. Indubitata quoque vigeat praxis ubique locorum, ut Ordinarii quilibet circa Confessionum in suis Diœcesibus auditionem approbent aliarum Diœcesum Presbyteros. Et nihil obstitit quominus idem Episcopus, qui alterius Diœcesis Sacerdotem approbat ad suorum subditorum Confessiones excipiendas, valeat seipsum eidem Sacerdotibus subijcere, & ex eis aliquem sibi eligere Confessarium, sicut potest pro suo libito sibi Sacerdotem Diœcesis suæ indigenam eligere. Et sanè Joannes Papa XXII. inter devios à sacra doctrina errores, quos Joannes de Poliacò Universitatis Parisiensis Theologus assererat, hanc ejus notat, & damnat propositionem: Quod confessi Sacerdotibus habentibus facultatem generalem audiendi confessiones, teneantur eadem quæ confessi fuerint peccata iterum confiteri proprio Sacerdoti, quem dicebat esse Curatum propriæ Parochiæ. Cujus erroris damnatio habetur in cap. *Vas electionis*, in Extravag. commun. de hæreticis. Ipseque Joannes de Poliacò veræ doctrinæ acquiescens suos revocavit errores. Indubitatum quoque nunc est, posse Cardinales, aliosque quoscumque Prælatos sine ulla speciali dispensatione aut licentia confiteri apud quoscumque approbatos Confessarios, sive Seculares, sive Regulares, in locis in quibus sunt approbati, sive præfati Cardinales ac Prælati in suis versentur ædibus, sive peregrinentur. Quod idem de Parochis censendum est, etiamsi olim proprius eorum Sacerdos fuerit Episcopus, nec potuissent alteri nisi de Episcopi licentia confiteri. Ex quibus consequens est, multò minùs requiri quàm antiquitus illud privilegium eligendi sibi confessarium aliquem, modò sit in eo loco approbatus.

X. Non tamen ex hæcenus dictis aliquis jure possit affirmare, hujus antiqui privilegii concessionem esse penitus abolitam; quippe quæ transiverit in jus commune. Id quidem potest de Secularibus affirmari, sed non de Regularibus, quos etiam nunc videmus pristina illa districtione ligari, ut non aliis quàm Superioribus, aut iis quos Superiores ad hoc designaverint ac permiserint, confiteri possint. Ideoque plurimum juvantur utriusque sexus Regulares clausulis Jubilæorum, quibus ex antiqui styli forma Summus Pontifex indulget omnibus Fidelibus, ut citra aliam licentiam, atque inscitis Superioribus possint sibi Confessarios, tam Seculares, quàm Regulares eligere pro tempore, modò sint in ipsis locis approbati ad confessiones.

XI. Potest sibi Confessarium eligere quisquis habet sola venialia peccata quæ confiteatur, aut etiam mortalia, sed jam antea bona fide confessi. Ad hæc enim Ecclesiæ generalem quibuscumque Confessariis, & Secularibus & Regularibus auctoritatem confert erga quoscumque penitentes indiscriminatim seculares & regulares. Et hæc est ubique recepta & approbat.

approbata consuetudo. Cajetanus in Summa, verb. *Absolutio à peccatis* 2. Suarez de poenit. disp. 21. sect. 2. ad fin. & disp. 27. sect. 2. & 3. Bonacina de poenit. disp. 5. quæst. 7. punct. 3. num. 1.

X I I. Privilegium istud eligendi Confessarii, concedendum quoque illis est etiam Regularibus, qui in eo statu existunt, ut spes vel nulla, vel exigua sit nanciscendi Confessarium ibi habentem sive ordinariam, sive delegatam excipiendi confessiones potestatem, ut in illis occurrit qui privatâ & rigidâ custodiâ ab infenso aut infideli inimico occultè detinentur, aut in ergastulis apud infideles vel hæreticos, in iis locis, in quibus non est Confessarii approbati copia: nec dubitare licet hanc esse in tanta calamitate piæ Matris Ecclesiæ mentem. Ibi namque multò fortior urget ratio, quàm in supradictis solarum culparum venialium reis; & par occurrit necessitas cum illis quos mortis periculum premit.

X I I I. Hæc ubique, nulloque contradicente consuetudo invaluit, approbantibus communiter ab annis ducentis Doctoribus, Caietano in Summa, verb. *Absolutio à peccatis ex parte absolventis*, §. *Licentia*, ubi ait Paschalem Confessionem fieri posse à quocumque apud quemcunque Sacerdotem ab Ordinario approbatum: & addit quod ex Extravaganti Eugenii IV. potest extendi ad alias per diversas anni partes Confessiones, eoque magis cum sint liberiores, nec præcepto adstrictæ. Francisco Victoria in Summa Sacram. quæst. 54. Flor. Theol. in 4. Sent. tract. de confessi. fol. 245. S. Antonino in Sum. 3. p. tit. 17. cap. 1. Angelo verb. *Confessio* 3. num. 3. Soto in 4. Sent. dist. 18. quæst. 4. art. 2. Bonacina de poenit. disp. 5. quæst. 7. punct. 1. num. 1. 4. & 5. Zerola in praxi. 1. p. verb. *Confessio*, quæst. 2. ubi tamen hoc addit optandam esse, ut qui tempore Paschali confessi sunt apud alium à Parocho Sacerdotem, aut etiam citra abusum in alia Diocesi, referrent schedulam ab eo cui confessi fuerunt Sacerdote, ut sciatur quis fuerit confessus, vel non confessus, tempore saltem Paschali. Idemque quæst. 3. post Caietan. & Flor. Theol. locis citatis asserit vagabundos posse confiteri cuicumque Sacerdoti approbato ab Ordinario illius Diocesis in qua contingit eos versari.

X I V. Facultatem eligendi Confessarium Papa indulget aliquando pro una tantum vice, sive publicâ, ut in Jubilæis, sive privatâ concessione. In quo quidem concessionis modo definit facultas statim à prima electione, & data absolutione: idque habet locum in Religiosis qui ferè soli propria Confessario secundum rigidiorum intelligendi modum adstricti nunc videntur, Verumtamen si poenitens oblitus sit alicujus peccati, vel circumstantiæ in sua illa privilegiata confessione, poterit eidem denud confiteri; non enim definit concessum privilegium, nisi ex quo actus privilegiatus fuerit perfectè completus. Ubi autem facultas fuerit indefinitè, & sine restrictione concessa alicui personæ, nullatenus definit per primam aut ulteriorem confessionem, sed perpetuò durat etiam post concedentis mortem, nisi

nisi inteveniat revocatio ; quemadmodum & alix quævis gratiosæ concessiones, ut dispensationum, literarum ad Ordines dimissioriarum, approbationum illimitatarum ad Confessiones audiendas , alixque consimiles , nisi ex postfacto ab eodem Prælato vel ejus successore revocentur. Ita Sotus in 4. dist. 18. quæst. 4. art. 3. Suarez de pœnit. disput. 26. sect. 3. num. 7. Bonacina de pœnit. disput. 5. quæst. 7. punct. 3. & plerique alii contra Sylvestrum verb. *Confessor* 1. q. 7. qui videtur limitare ad concedentis vitam.



CAPUT IX.

De Contritione.

I. **P**ŒNITENTIA est genus , cujus species sunt Sacramenta Pœnitentiæ , & virtus pœnitentiæ , quæ consistit in contritione peccatorum citra realem apud approbatum Sacerdotem confessionem. Cum verò ad Sacramenti essentiam juxta Eugenii IV. Decretum Concilio Florentino adnexum , tria necessariò requirantur , materia scilicet , forma , & Minister intendens facere ac ministrare Sacramentum ; Pœnitentia quatenus spectatur ut Sacramentum , tribus his constare debet , materia , & forma , & Ministri intentione. Materia alia remotior est , quæ sunt actualia pœnitentis peccata , ad differentiam originalis culpæ , quæ Baptismo diluitur : alia est materia proximior , quam docet Concilium Tridentinum sess. 44. cap. 3. consistere in his tribus pœnitentis actibus , contritione , confessione , & satisfactione : qui actus prout requiruntur in pœnitente ad integritatem Sacramenti , dicuntur partes Pœnitentiæ. Ex his contritio & confessio sunt partes essentielles , sine quibus simul junctis nullum existit Pœnitentiæ Sacramentum. At satisfactio pars est , non quidem essentialis , sed integrans : sicut digitus , vel auris non est pars essentialis nostri corporis , quod potest esse cum horum privatione ; sed est pars integrans simul & substantialis , cum sit de substantia corporis humani , pertineatque ad ejus integritatem. Ita Sacramentum Pœnitentiæ in sua constituitur essentia , quam complet absolutionis forma , tamen nondum sit peracta satisfactio , aut etiam ex culpa , vel inadvertentia Confessarii nulla fuerit injuncta. Forma denique hujus Sacramenti , eique planè essentialis , est ipsa absolutio per approbatum Sacerdotem collata.

II. Contritio , ut definiunt Tridentini Patres d. sess. 14. cap. 4. est animi dolor ac detestatio de peccato commisso , cum proposito non peccandi de cætero. Iidemque duplicem distinguunt contritionem , quæ in utraque sui

P p specie

specie sufficiat ad validitatem Sacramenti hujus. Est igitur alia perfecta alia imperfecta contritio. Contritio perfecta ex divino amore nascitur, & charitate perficitur, hominemque Deo reconciliat priusquam hoc Sacramentum actu suscipiatur: sed ista perfectior contritionis species includit votum Sacramenti suscipiendi, si non actuale, saltem virtuale. Contritio imperfecta nuncupari solet attritio, quæ (ut aiunt Tridentini Patres) communiter concipitur vel ex turpitudinis peccati consideratione, vel ex gehennæ ac poenarum ex parte Dei metu. Idemque hanc ad Sacramenti hujus gratiam percipiendam sufficere declarant, si voluntatem peccandi excludat, & veniæ spem habeat: esse quippe donum Dei & impulsus Spiritus Sancti, non adhuc quidem inhabitantis, sed tantum moventis, quo poenitens adiutus viam sibi ad iustitiam parat. Et quanvis sine Sacramento Poenitentia per se ad justificationem perducere nequeat, tamen ad Dei gratiam in Sacramento subsequente Poenitentia impetrandam disponit peccatorem. Hæc Trident.

III. Quia tamen præfata illa attritio imperfecta procedit ex timore Dei, non quidem filiali, qui magis pertinet ad perfectam contritionem, sed ex servili; sciendum est timorem servilem cum esse, quo peccator ita poenam imminentem formidat, ut ejus vitandæ causâ detestetur peccatum. Oritur iste timor ex proprio nostri amore, quemadmodum & mercedis desiderium. Idem namque principium, quo impellitur homo ad prosecutionem proprii commodi, inclinât pariter ad fugam proprii incommodi, sive id principium impellens excitetur à gratia, ut in Sacramento requiritur, sive à sola natura. Sicut enim, ut docet S. Augustinus lib. 14. de civit. Dei, cap. 7. & 9. omnes affectus & passionēs animorum ab amore prodeunt, & amor Dei efficit prosecutionem boni Deo grati, simulque aversionem & fugam mali Deo displicentis: amor similiter nostri spem inducit & appetitionem nostri commodi, necnon timorem & fugam ejus quod nobis noxium & incommodum est.

IV. Cùmque Sanctus Dei Spiritus summum jus habeat & potestatem in omnes hominis potentias & facultates, potest per suam prævenientem ac præparantem gratiam pro suo libito movere ac impellere nunc istam, nunc illam facultatem ad finem supernaturalem, adeo ut harum facultatum operationes, quæ secundum se merè naturales essent, fiant ex ipsius Dei motione & fine supernaturali à movente Spiritu Sancto intento supernaturales, atque ita eleventur ad ordinem divinæ gratiæ. Ita fit ut servilis timor, aut mercenarius amor, qui secundum se non possent ad justificationem disponere, prout ejusmodi timor, vel amor in solius naturæ viribus spectantur; ad illam tamen justificationem accedente Sacramento disponant, quatenus fuit ille timor proprii incommodi, aut amor proprii commodi per Spiritum Dei excitatus, propositis animo poenis quas Deus peccatoribus infligit, aut bonis quibus idem iustè & piè viventes remun-

ratur.

tatur. Iste porro timor quatenus à peccato deterret, semper bonus & salutaris est: ad eum quippe nos adhortatur Dominus Luc. 12. *Timete eum qui potest corpus & animam mittere in gehennam: ita dico vobis, hunc timeate.* Prout verò timor iste impulsu Divini Spiritus excitatur, est ejus supernaturale donum, & justificationis principium, excludens omnem peccandi voluntatem. Quæ sanè conditiones illi timori convenire nequeunt, quo homo ex formidine æterni supplicii ita declinat à malo, ut tamen malum lubens exequi vellet, nisi metus ille obstaret; restat enim in ejus voluntate perversus affectus, quo separatur à Deo.

V. Obsister aliquis: Quicumque peccatum hoc sine devitat, ut poenam æternam effugiat, averfatur magis æternam poenam quam peccatum ipsum; etenim ordinat majus bonum, quod est fuga peccati, ad minus bonum, quod est evasio supplicii. Hoc verò ulterius probatur, quia finis plus amatur quam media ad finem; nam media idèd eliguntur propter finem consequendum. Ergo illa servili metu causata peccati fuga est mala, quia inordinata, magisque amans evasionem poenæ quam peccati fugam. Respondetur minus quidem ibi existere bonum, nihil tamen mali, dum hæc duo absint, ne scilicet ad fugiendum malum poenæ consentiatur in malum culpæ, & ne quis ita pravè afficiatur, ut peccare velit, nisi poena immineret. Quod verò quis præcisus moveatur in fugam poenæ, quam in fugam peccati, actus iste nihil habet inordinatum, quanvis sit minus ordinatus quam si meliore motivo excitaretur, qualis est amor Dei, aut filialis timor. Cum enim possint plura esse ad eundem finem motiva, nemo tenetur præstantius semper eligere, dummodo præstantius motivum non excludat actu aliquo positivo: sed licitum est vel minimum motivum quod primum animo occurrit apprehendere, ut se aliquis à peccato & temptationibus quibus impugnatur, expediat. Et facillè contingere potest homini sanctissimo, ut urgentem tentationem recordatione gehennæ elidat, ut de seipsis testantur Sancti Gregorius Nazianzenus, Hieronymus, & alii; qui tamen de aliis perfectioribus motivis nihil actu cogitantes, simul temporis sic erant habitualiter ita dispositi, ut optione proposita gehennam ignis æterni mortali culpæ prætulissent.

VI. Celebris inter Theologos quæstio agitur, utrum ad justificationem in Sacramento consequendam sufficiat supernaturalis attritio, quam metus excitat poenarum à Justitia Dei infligendarum; aut alicujus turpitudinis consideratio, diversæ ab illa quæ spectatur in peccato quatenus est offensæ Dei; an verò præterea requiratur necessariò, non quidem perfecta contritio, quam Dei amor excitat (ut aliqui imperitè præsupponunt, ex quorum errore sequeretur poenitentiam non esse Sacramentum mortuorum, nec unquam producere justificationem, sed eam prius acquisitam præsupponere;) sed hoc disputatur, an requiratur saltem aliquis initialis ac imperfectus Dei amor, aut dolor saltem imperfectus, ex oppo-

sitione nascens ipsius peccati adversus Deum, quas est præcipua peccati turpitudine. Qui hanc tradunt opinionem illam sic tuerentur.

VII. Primò, quia reliqua omnia motiva, cum versentur omninò circa proprium sui ipsius amorem, nec ullum actualem ad Deum respectum habeant, nullam videntur habere proportionem seu habitudinem ad veniam ab ipso Deo impetrandam. Esto enim cogitetur Deus tanquam castigatore, Deus tamen non attenditur ut finis, ob quem aliquis peccatum avertitur; sed ipsa, quam Deus infligit, poena attenditur ut motivum ac finis peccatum fugiendi: ipsique damnati simul & poenam quam sentiunt, & causam efficientem ejus quod patiuntur supplicii, Deum attendunt; nec tamen Deum ibi attendentes ullum dici possunt elicere religionis actum, hoc ipso quia Deum non amant.

VIII. Secundò producant S. Augustini testimonia dicentis ferm. 7. de temp. *Pœnitentiam certam non facit nisi odium peccati, & amor Dei.* Idemque lib. de pœnitent. cap. 17. *Oportet ut pœnitentia ad hoc fructificet, ut mortuus vitam inpetret. Scriptum est enim, siue charitate neminem salvum esse. Non itaque in solo timore vivit homo. Quem verò seriò pœnitet, oportet non solum timere Deum judicem, sed & justum diligere: non timeatur pro poena, sed ametur pro gloria. Debet enim dolere de crimine & de omni ejus præstilla varietate. Credo quidem illi qui dixit, Quacunque hora peccator ingemuerit, & conversus fuerit, vitam vivere. Dixit conversum, non tantum versum, vitam vivere. Versum qui dicitur puto qui dolet de crimine, conversum qui dolet de omni ejus, quam exposuimus, varietate. Vertitur à peccato qui jam vult dimittere peccatum; convertitur qui jam totus & omninò vertitur: qui jam non tantum poenas timet, sed ad bonum Domini contendere festinat. Quæ converso si contigerit alicui etiam in fine, desperandum non est de ejus remissione. Hæc Augustinus relatus quoque incan. Nullus expellet, de pœnitent. dist. 7.*

IX. Terriò proferunt ipsam Concilii Tridentini auctoritatem: cum enim competentum sit, non minorem requiri animi pœnitentiam ad gratiam Pœnitentiæ Sacramenti, quam ad gratiam Baptismi in ætate adulta suscipiendam; si ad istam prærequiritur aliquis Dei amor in adulto baptizando, non minùs præquiri debet in pœnitente absolviendo. Præquiri porò ad Baptismum, declarare videtur Concilium sess. 6. cap. 6. ita dicens: *Disponuntur ad ipsam justitiam, dum peccatores se esse intelligunt, à divina justitia timore, quo utiliter concutiuntur, ad considerandam Dei misericordiam se convertendo, in spem eriguntur, fidentes Deum sibi propter Christum propitium fore, illumque tanquam omnis justitiæ fontem diligere incipiunt, ac propterea morantur adversus peccata per odium aliquod & desolationem, hoc est per eam pœnitentiam, quam ante Baptismum agi oportet. Denique dum proponunt suscipere Baptismum, inchoare novam vitam, & servare divinam mandata.*

X. Hac etiam ratione probant illius sententiæ assertores: quia sicut

per-

per mortalem culpam peccator indebitè avertitur à Creatore, & ejus sancto amore propter inordinatum creaturæ amorem, oportet similiter ut ideus homo per ordinatum Creatoris amorem, saltem initiativè & incompletè revocetur à suo peccato.

XI. Nec ideo minùs censentur, tam Baptismus quàm Pœnitentia in numero Sacramentorum pro mortuis animabus præcipuè institutorum. Non enim hic necessariam ducunt contritionem illam perfectam, quam excitat ille super omnia perfectus amor Dei, cujus ea sit efficacia, ut hominem Deo ante Sacramentum reconciliet, constituatque in vitæ supernaturalis statu, ut docet Concilium sess. 14. cap. 4. Sed eam dicunt attritionem, quæ ut aiunt ibidem Tridentini Patres, ex turpitudinis peccati consideratione concipitur. Maxima namque peccati turpitudine inde dimanar, quòd sit offensæ Dei. Illa porro Dei dilectio, quæ attritionis metat non transiit, non est talis ut actu perfecto diligatur Deus super omnia, sed in remissione gradu consistit, sine tamen ulla act: ali alicujus creaturæ prælatione supra Deum, quæ quidem esset criminosa. Iitam attritionis speciem hinc verbis exponit Valentia tom. 4. disp: 7. q. 8. punct. 2. ubi disputat contra Sorum. *Quod contritio* (inquit) *versetur circa peccatum ut est offensæ Dei, id non ita proprium est contritioni, quin conveniat etiam alicui attritioni, nempe illi quæ oritur ex dilectione Dei, tametsi non super omnia.* Idemque paulò post: *Si igitur ex parte obiecti, & ex parte causæ volumus discernere inter contritionem & attritionem assignare, rectius dicemus ex parte quidem obiecti ea re differre, quòd contritio est semper de peccato ut est summe malum, atque adeò super omnia detestabile, quatenus videlicet est offensæ Dei qui super omnia diligitur: Attritio non item, etiamsi non tamen virtualiter, sed etiam aliis esset de peccato, ut est offensæ Dei utrumque dilecti.* Præterea Viguerius de Sacram. Pœnit. versu 10. inter species diversas attritionis recenset eam, quæ causatur non ex metu pœnæ, sed propter Deum non summè dilectam. Toletus quoque lib. 3. cap. 4. duas agnoscit species attritionis: unam ex parte causæ, quam dicit esse dolorem aliunde procedentem quàm ex motivo offensæ Dei: secundam ex parte modi, quæ detestatur peccatum ut est offensæ Dei, sed non illud detestatur supra omne detestabile. Insuper Navarra cap. 1. num. 36. admittit, valere ad Sacramenti gratiam consequendam, illam pœnitentis attritionem, quam movet amor Dei, non tamen tanquam supra omnia amabilis, neque peccatum detestans ut supra universa mala detestabile: additque ad pœnitentiæ Sacramentum requiri amorem Dei, qui dolorem excitet de peccatis. Suarez quidem hanc affirmativam opinionem non modò probabilem & ad majorem perfectionem inducere dicit, sed esse tutiorem & omninò consulendam monet, quanvis ipse negativam dicat. probabiliorem, camque propugnet, cum tamen negat esse certam, & fieri posse ut apud Deum vera non sit, qui Sacramentorum virtutem determinavit ab humanis opinionibus independentem.

Quocirca admonet, non esse huic negativæ confidendum, ne periculo exponatur animæ salus, præsertim cum quis versatur in vitæ discrimine. Eadem quoque admonet Gamachæus tract. de Pœnitentia. Ego verò adductus rationibus superiùs recensitis, & autoritate decreti Tridentini circa initium divinæ dilectionis, quod expressis verbis supponit in eo qui Baptismi gratiam suscepturus est, & perspicuis etiam testimoniis Divi Augustini, hanc in sententiam propensius feror, quæ ad attritionem Sacramento Pœnitentiæ præviā judicat necessarium non quidem perfectum amorem Dei, qui possit extra Sacramentum justificare, sed actum tamen divini amoris imperfectum, qui cum per se non possit peccatorem Deo reconciliare, elevetur tamen accedente Sacramento ad habitum sanctificantis charitatis. Quin etiam adversantem opinionem oppugnat ipsius quod prætenditur munimen, ex Tridentinæ sessionis 14. cap. 4. quo decernitur necessaria voluntas non peccandi de cætero. Enimverò attritio peccandi voluntatem excludens includit necessariò pium aliquem erga Deum affectum, quatenus peccatum nihil est aliud quàm injuria in Deum facta. At verò istiusmodi attritio ex sola pœnæ formidine concepta non detestatur factam in Deum injuriam, sed solam pœnam quæ à vindice Deo profisciscitur: atque ita non excludit peccatum secundum propriam & formalem ejusdem contra Deum malitiam, sine qua utique non subsistit, sed in qua consistit formaliter peccatum, cum istud solummodò exhorreat propter pœnam & vindictam quam solo proprii amoris motivo expavescit. Quæ quidem pœna bona & justa est, atque peccato prorsus extrinseca; peccatum verò ex adverso totum malum & injustum est. Ista ergo attritio non excludit peccati voluntatem prout peccatum est, sed solum refugit commensuratum justumque supplicium. Nihil tamen repugnat hanc quoque excitari à Spiritu sancto, qui nostram etiam philautiam ad meliorem finem dirigit.

XII. Ipsa verò contritio est dolor de peccato super omnia cætera mala propter Deum summè dilectum, cum proposito non peccandi de cætero. Quemadmodum enim Deus est summum bonum, increatum, infinitum & perfectissimum, creatis quibuscumque bonis longè præferendum; ita peccatum, quoniam est offensæ Dei, summum existit malum, cæteris quibuscumque malis longè detestabilius. Hæc contritio describitur Deuter. 4. vers. 29. *Cum quaesieris Dominum Deum tuum, invenies eum: si tamen toto corde quaesieris, & tota conversatione animæ tuæ.* Et Joël. 2. vers. 12. *Convertimini ad me in toto corde vestro, in jejuniis & fletu & planctu, & scindite corda vestra.* Et Luc. 10. *Diliges Dominum Deum tuum ex toto corde tuo, & ex tota anima tua, & ex omnibus viribus tuis.* Quibus Divinis Oraculis addiscimus Deum ex toto corde & super omnia diligendum; peccatum verò ex toto corde & super omnia fugiendum & abhorrendum, utpote Deo oppositum & injuriosum.

XIII. Non


XIII. Non tamen necesse est, quinimò impossibile est, amorem Dei aut peccati odium pertingere ad summum gradum intensivè ac physicè, sed tantum moraliter atque appetitativè, hoc est, ut præligat homo Deo obtemperare, quàm cæteris quibuscumque bonis perfrui; & alia potiùs quæcumque mala subire, quàm in peccatum consentire. Itaque facile contingit, ut homo citra ullam Dei offensam ferventiùs & intensiùs diligit proprios liberos aut conjugem, quàm Deum ipsum; & tamen legi satisfaciatur divini supra omnia amoris, Deum appetitativè, seu æstimatorivè plusquam liberos aut conjugem diligendò, ut si detur optio, orbari malit propriis liberis & conjugè, quàm Dei dilectione & gratià. Sapienter tamen admonent Theologi, particulares hujusmodi comparationes non esse omnibus promiscuè proponendas vel consulendas; cum possint esse multis occasio tentationis & scandali; sed solum in genere. Distinctionem istam amoris Dei ferventioris ac sensibilioris, ad quem non obligamur; & amoris præ reliquis omnibus secundum æstimationem seu appetitionem, atque in eligendo præferentiam, ad quam omnes obligamur; & respectivè majoris odii, sive intensioris ac sensibilioris, sive secundum præferentiam æstimatorivam, tradit S. Thomas in 4. Sent. dist. 13. quæst. 2. art. 3. quæstiuncula 3. itemque quodlibeto 1. quæst. 5. art. 9. item 1. 2. quæst. 109. art. 3. quam distinctionem Theologi omnes complectuntur.

XIV. Quanvis perfecta contritio, valens statim sine Sacramenti susceptione justificare, detestetur peccatum propter Deum super omnia dilectum, non tamen semper nascitur ex charitate. Non enim possibile est causam ex suo effectu nasci; & illud quod prius est, proficisci non potest ex eo quod est posterius. Perspicuum enim est, contritionem à peccatore elicitam producere in ejus anima charitatem, quàm priùs carebat. Statuendum est igitur, contritionem quidem ab homine justo elicitam nasci ex præcedente charitate, accedentibus novis actualis gratiæ auxiliis: at verò elicitam à peccatore contritionem nasci ex motione Spiritus Sancti per gratiam ejus prævenientem, quæ vicem supplet charitatis; & est secundum naturæ ordinem anterior charitate quam producit: sunt tamen, ac fiunt ista simul eodem instanti temporis. Sanctus quidem Thomas 1. 2. q. 113. ad 1. requirit charitatem ad justificationem peccatoris, juxta illud Luc. 7. *Remittuntur ei peccata multa, quoniam dilexit multum*: & quia non oritur dolor nisi ex aliquo amore; nec potest dupliciter malum, nisi placeat oppositum bonum. Sed ibi S. Thomas intelligi ac exponi debet de charitate actuali, non de habituali præcedente,



CAPUT X.

De Confessione.

I.  ECCATORUM Confessio Sacramentalis instituta Divino Jure fuit in statu novi Testamenti, & necessaria est necessitate præcepti ad impetrandam peccatorum post Baptismum commissorum remissionem, secundum id quod ait Apostolis Dominus Joan. 20. *Accipite Spiritum Sanctum, quorum remiseritis peccata remittuntur eis, & quorum retinueritis retenta sunt.* Omne autem prudens & justum judicium efflagitat plenam causæ cognitionem. Ut igitur rectum judicium circa peccata vel remittenda, vel retinenda fieri queat, necesse est ea per confessionem ejus qui absolvi cupit, manifestari. Eodem spectat 1. epist. Joan. 1. *Si confiteamur peccata nostra, fidelis est & justus Deus, ut remittat nobis peccata nostra.* Et Jacobi 5. *Confitemini ergo alterutrum peccata vestra.* Istamque viguile praxim nascente Ecclesia, testatur Actuum cap. 19. *Mulique credentium veniebant confitentes, & annuntiantes actus suos.* Hujus Sacramenti figura præcessit in veteri Lege jubente ut leprosi se ostenderent Sacerdoti, ad quem pertineret judicium de lepra, vel exorta, vel sanata. Levit. 13. Matth. 8. Luc. 7. Cum hac tamen insigni inter Legales & novi Testamenti Sacerdotes differentia, quam observat S. Chrysostomus lib. 3. de Sacerdotio, cap. 6. quia corporis lepram non sanabant, sed utrum sanata esset judicabant Judæici Sacerdotes: At verò, inquit, lepram animæ non sanatam judicant, vel explorant, sed prorsus sanant & emundant novæ legis Sacerdotes. Tertullianus antiquorum temporum Scriptor, & testis omni exceptione major, lib. de poenitentia, necessitatem Confessionis his verbis asruit: *Plerosque tamen hoc opus ut publicationem sui, aut suffugere, aut de die in diem differre præsumo, pudoris magis memores quam salvis, velut illi qui in partibus verecundioribus corporis contracta vexatione, conscientiam incedentium vident, & ita cum erubescencia pereunt.* Et inferius: *Grande planè emolumentum verecundie occultatio delicti pollicetur, videlicet si quid humane notitiæ subtraxerimus, proinde & Deum celabimus? Adeone existimatio hominum, & Dei conscientia comparantur? An melius est damnatum latere, quam palam absolvi.* His verbis prodit Tertullianus, confessionem istam esse ad salutem animæ necessariam, atque in ea nullum, quantumvis occultum delictum licere humanæ notitiæ subtrahere.

II. Conditiones confessionis sexdecim communiter recensentur, quarum tres tantummodò sunt necessitatis, ad easque cæteræ ferè reducuntur.

1. Ut

1. Ut sit pura, id est vera. 2. Ut sit lacrymabilis, id est adjunctam habeat contritionem, seu attritionem. 3. Ut sit integra, id est ne consultò sileatur aliquid mortalem culpam faciens circa species, numerum & mortiferas circumstantias. Ultima ista conditio præxigit examen propriæ conscientiz, cujus neglectu certum sit fore, ut peccata mortalia memoriz non occurrant, atque ita confessioni desit integritas. Idcirco Tridentinum sess. 14. cap. 5. prærequirit examen, dicens oportere à pœnitentibus omnia peccata mortalia, quorum post diligentem sui discussionem conscientiam habent, in confessione recenferi, etiamsi occultissima illa sint. Ratio patet; quo enim jure aliquis ad aliquod opus obligatur, eodem pariter obligatur ad media tali operi necessaria. Ex quo sequitur, obligatum ad mortalia confitenda, esse simul obligatum ad illorum examen & discussionem.

III. Patet ex supradictis, tantam esse debere examinis diligentiam, quantum judicio probi & prudentis viri convenit, habitâ ratione tum temporis ab ultima, quæ valida fuerit, confessione transacti; tum multitudinis culparum confitendarum, tum negotiorum gestorum, in quibus peccare quis potuerit; tum etiam occasionum plus minusve frequentium, quæ potuerint ad varia peccata impellere pœnitentem. Quo fit ut quibusdam breve possit examen sufficere, in aliis verò prolixius requiratur. Postest tamen mediocri ad supradictorum proportionem adhibita diligentia sufficere, etiamsi (inquit Bonacina disp. 5. quæst. 5. sect. 2. punct. 2. §. 1. n. 3.) probabiliter conjiciat pœnitens, fore ut post prolixissimam perquisitionem occurrerent animo alia aliqua peccata. Quod dico ad præcautionem scrupulorum, quibus nunquam satisfactum est, & qui animi & corporis vires exhauriunt ad superfluas disquisitiones: quibus convenit illud Proverb. 30. *Qui vehementer emungit, sanguinem elicit*. Ex opposito qui debitum & discretum suæ conscientiz neglexit examen, si eum rusticitas & animi stupiditas non excuset (quæ sanè potest quosdam valdè simplices & per se incapaces excusare) indignè ad Sacramentum accedit, neque valdè absolvi potest, nisi hunc defectum, simulque contritionis, prudens & solers Confessarius interrogando, & admonendo suppleat in charitate Dei (ut cum Apostolo loquar) & patientia Christi. Caveatque Sacerdos ne pœnitentem, sive ob ejus stupiditatem aut imperitiam, sive ob ejus etiam indiscretionem aut malam indolem, sive ob peccatorum ejus gravitatem duris excipiat: sed charitate & patientiâ, quasi obstrictante manu (ut verbis utar patientissimi Job) educat colubrum tortuosum, hoc est in nostro proposito, peccatorum sinceram confessionem, & pœnitentis emendationem.

IV. Integritas confessionis in tribus consistit, in declaratione omnium peccatorum mortalium, quorum memoria occurrit pœnitenti, secundum species, numerumque, & debitas circumstantias. Hæc cum triplex

Q q accusatio

accusatio adeò necessaria est, ut horum aliqua voluntaria & culpabilis omifio non modò informem reddat confessionem, id est gratiæ effectum carentem, sed etiam nullam & Sacramenti expertem; quia poenitens, cùm in ipsa confessione mortaliter peccet, non potest simul habere necessariam contritionem, quæ est pars essentialis, sine qua nullatenus existere potest Poenitentia Sacramentum: nullaque res subsistit sine suis essentialibus. Quæ ratio cùm deficiat in illo qui habet justam alicujus peccati reticendi causam, & in quo ex consequenti illa reticentia non impedit veram attritionem, perfectè distinguit casus in quibus voluntaria peccati mortalis reticentia obstat, vel non obstat Sacramento poenitentia, etiam quoad valorem, nedum quoad effectum, seu gratiam. Sufficere enim potest confessionis integritas formalis, ubi ex justa causa omittitur integritas materialis, de quibus tractabit proximè sequens caput.

V. In primis explicanda sunt peccata secundum species suas, non physicas, sed morales, quibus constituuntur sub ratione transgressionis talis aut talis legis ac mandati, & oppositionis ad talem, vel talem virtutis speciem. Exempli gratià intendens aliquis hominem occidere, parat gladium, eo se accingit, proficiscitur ad destinatum occisioni locum, adversarium præstolat, adoritur, gladio transfodit. Hic multi interveniunt physice distincti actus, & tamen si non intercesserit inter eos notabilis interruptio, inest una tantùm moralis species confitenda, scilicet homicidium. Et quemadmodum in hoc exemplo sunt multi actus physica specie distincti, & unica tamen species moralis; ex adverso is qui furatur rem sacram, elicit unicum actum secundum speciem physicam, qui tamen duas habet morales species, furti simul & sacrilegii. Stuprum quoque virginis Deo consecratæ, cùm sit unicus physicus actus, duplicem tamen specie distinctam involvit malitiam, unam quidem oppositam castitati, alteram religioni.

VI. Plerumque fit ut occurrant multi actus, quorum singuli seorsim spectati constituerent totidem numero peccata mortalia; sed quia serie quadam & morali quasi continuatione conjunguntur & referuntur ad unam peccati speciem, ideò non sunt sigillatim exprimendi: & ita is qui patravit homicidium, non tenetur omnes actus ad homicidii hujus finem destinatos exprimere, nisi eos in quibus inest distincta malitiæ species, qualis est, verbi gratià, si alterum ad ejusdem sceleris societatem asceverit: sunt enim specie morali distinctæ res occisio animæ complicitis, & occisio corporis inimici. Idem esto judicium de phribus turpibus actibus, qui proximè præcedunt, vel comitantur completam fornicationem; non enim sunt exprimendi in accusatione consummatæ fornicationis, nisi involvant, ut dixi, alterius malitiæ speciem.

VII. Concilium Trident, sess. 14. cap. 5. definit omnia peccata mortalia in specie & sigillatim esse declaranda: & ibid. can. 7. omnia & singula esse confi.

confitenda. Quæ voces *sigillatim*, & *singula*, docent esse peccatorum mortalium numerum exprimendum. Ratioque est, quia alioquin Sacerdos non posset sufficienter statum poenitentis agnoscere ad justum ferendum iudicium: quantum enim discrimen est ejus qui semel, & ejus qui centies ejusdem speciei mortalem culpam commisit? Nam singulæ iterationes sunt per se ac seorsim materia hujusce Sacramenti necessaria, cum in singulis toties de novo mortaliter Deus offendatur, novaque damnationis causa congeneratur.

VIII. Itaque is qui sæpius actus odii erga proximum repetiit cum morali interruptione, tenetur numerum istorum actuum exponere; vel certum, si potest; vel verisimilem. Item is qui numerum certum expressit, & postea recordatur alicujus actus supra numerum quem expressit, debet hunc, vel hos actus qui numerum illum excedunt, accusare in alia confessione, nisi in prior confessione numerum expresserit addendo vocem *circiter*, aut *plurimus*; hac enim vocis adjectione fit ut actus qui postea in recordationem venit, comprehendatur: sed si sint multi actus quorum fuerat oblivio, non poterit eorum numerus per vocem *plurimus*, verificari, ideoque separatim confitendi erunt. Sic qui dixit decies plurimus, & deinde recordatur fuisse duodecies, non tenetur separatim duos actus illos confiteri; sed si recordetur quinque actuum, tenebitur confiteri. Sed si majorem numerum expresserat, verbi gratiâ triginta plurimus, poterunt ibi sufficienter includi tres aut quatuor actus, quorum postea recordatus fuerit. Crescente namque numero expresso, augetur eadem proportionem numerus inclusus & significatus his vocibus *circiter*, aut *plurimus*, ut fert communis hominum usus ac notio. Porro ad ineundam rationem numeri alicujus peccati sæpius ex mala consuetudine aut perniciosæ occasionis præsentia commissi, via expeditior est explorare quoties in die vel hebdomada fuerit peccatum iteratum, & quanto tempore perversa illa peccati consuetudo duraverit.

X. Meretrix expressioni numeri satisfacit, si dicat se tanto tempore fuisse prostitutam. Sed aliquas graviore impudicitie species tenetur cum earum numero quoad fieri potest exprimere, nimirum sacrilegia cum adstrictis voto continentie, & incestus admittendo patres & filios, aut plures fratres, & coitus quos habuit contra naturam.

X. Concupinarius pariter satisfacit dicendo se tanto tempore usum fuisse concubina, nec tenetur numerum illicitatum cum illa conjunctionum explorare. Bonacina disput. 5. de poenit. quest. 5. sect. 2. puncto 2. §. 3. difficult. 2. num. 19. & docet Suarez de poenit. disput. 22. sect. 5. num. 37. ei qui commisit multa unius speciei peccata, nullo modo expedire ea sigillatim singula enarrare: tum quia hoc longissimi negotii est, nec ullo modo necessarium: tum quia inde leges ampla nascitur scrupulorum, quia postea semper occurrunt aliqua peccata, de quibus merito dubitat, an sit con-

Qq 2 fessus

fessus. Consentit Navar. Enchir. cap. 6. num. 15. expenditque Sancti Augustini verba hæc : *Quantum perseveraveris consideret, & desinat quod perseveraveris peccaveris.* Et habentur in cap. *Consideret*, de poenitent. distinct. 5.

X I. Denique summa ratio ac regula numerum peccatorum discernendi & confitendi, meo quidem judicio hæc est, numerum esse computandum ex multitudine actuum interruptorum, non autem actuum continuatorum, sive continuitas sit formalis, sive virtualis. Continuitas formalis censetur quandiu peccator reipsa intendit interiùs, vel aliquid agit exteriùs, quod tendit ad actum malum. Sic ille qui, ut diximus, gladium parat ad occidendum inimicum, equum conscendit, viam capessit, stat in insidiis; & tandem occidit, unicum peccatum committere censetur, quia ab initio intendit homicidium, & illos omnes actus ad id unum dirigit, & ita formaliter hi actus conjunguntur cum homicidio, ut non sit opus illos confiteri. Sed si illi præambuli ac præcedentes actus aliis ad eorum finem minime spectantibus actibus interrumpantur, somno, confabulationibus, aliorum negotiorum gestione, tunc non formaliter continuari censentur cum homicidio intento, sed solum virtualiter. Simili ratione is qui suis in ædibus concubinam tenet, hoc ipso habet intentionem continuandi in malo proposito cum eadem; & per illam quæ fit ad hunc finem cohabitationem, omnes actus luxuriosi, quos cum ea habet, continuantur saltem virtualiter in continuatione illius ad hunc malum finem convictus, adeo ut non teneatur numerum illorum actuum exprimere, si tempus expellerit quo id malum perduravit, nisi ut superiùs dixi de meretrice, alios actus specie à fornicatione distinctos commiserit; hi namque sigillatim cum suo quique numero exprimendi erunt, quales sunt actus luxuriæ contra naturam.

XII. Jam hic agendum de peccatorum circumstantiis exprimendis à poenitente. Circumstantiarum quadruplex est differentia; vel enim sunt augentes, seu aggravantes peccatum, ut est actus odii deliberatus unus & individuus, si duraverit per sesquihoram aut duabus continuis horis, si una eademque illicita copula brevior fuerit aut longior, si ad eam oscula quoque adhibita fuerint, necne: vel sunt circumstantiæ minuentes peccatum, ut si mulier consensit in stuprum semel requisita, aut post multas & importunas preces: vel sunt impertinentes, ut si quis longo aut brevi gladio alterum occidit, dextera manu, an sinistra, & istas nemo distinetur esse silendas ut inutilis & superfluas: vel sunt speciem peccati mutant, & istas affirmant omnes esse necessariò confitendas juxta præscriptum Tridentinæ Synodi sess. 14. cap. 5: his verbis: *Colligitur præterea etiam eas circumstantias in confessione explicandas esse, quæ speciem peccati mutant, quod sine ipsis peccata ipsa neque à poenitentibus integrè exponantur, nec judicibus imoiescant.* Hujusmodi verò sunt quæ peccatum mortale constituunt, quod alio

alioqui veniale, aut etiam nullum esset: ut si quis levem & venialem culpam alterius retulit, hac tamen mente, ut infensissimum illi concitaret inimicum; ibi enim venialis alioqui detractio redditur mortalis: aut si quis laicum manu tangat mappam Altaris, dum credit per erroneam conscientiam se hoc faciendo peccare mortaliter; sic enim actio indifferens, & ne quidem venialiter culpabilis, degenerat in mortalem culpam. Sciendum namque, ex conscientia erronea nasci peccatum in actibus etiam per se licitis, hac ratione, quia quisquis hoc agit quod iudicat illicitum, determinat se, & consentit in malum, & proinde peccat. Idque confirmatur Rom. 14. his verbis: *Scio, & confido in Domino Jesu, quia nihil commune per ipsum, nisi ei qui existimat quid commune esse, illi commune est.* Et subinde: *Qui autem discernit, si manducaverit, damnatus est, quia non ex fide: omne autem quod non est ex fide, peccatum est.* Fidem hoc loco interpretantur S. Chrysostomus, S. Thomas, alique communiter, persuasionem & dictamen conscientie. Speciem etiam peccati mutant circumstantie illae quae ita peccato de se mortali conjunguntur, ut per eas accedat actui alia quoque peccati mortalis species. Sic circumstantia Clerici percussus facit ut ea percussio, quae esset mortalis in persona laici, induat quoque sacrilegii crimen: & stuprum cum consanguinea augetur crimine incestus. Cum vero nihil dubii sit circa circumstantias impertinentes, & circa eas quae peccati speciem mutant in materia mortali, tota superest difficultas circa circumstantias intra unam eandemque speciem tantum aggravantes, & circa circumstantias peccatum diminuentes.

XIII. Circumstantiae minuentes non sunt necessariò exprimendae in confessione, qualis est in eo qui metu morbi pollutionem procuravit, aut in eo qui injurià provocatus odium proximi concepit, aut qui consensit in crimen longa & urgente alterius persuasionem & minis adactus. Sed tamen si minuens circumstantia peccati speciem immutat, faciendo veniale quod alioqui esset mortale, à poenitente exprimenda necessariò est, ut si cui grave damnum illatum fuerit per subreptionem & imperfectam inadvertentiam; ut si quis per ludum venialiter culpabilem hominem terrae allisit, eoque casu incautè caput ei effregit; aut si quis venator telum in hominem vibravit & occidit, credens esse feram. Quae haecenus de circumstantiis minuentibus dixi, communi Doctorum consensu firmanter, etiam illorum qui secus judicant de aggravantibus circumstantiis, quanvis eadem utrobique videatur esse ratio non confitendi utraque. Sanè simplicitas poenitentis, ejusque bona fides facile illum excusat à peccato, si has minuentes circumstantias, & speciem peccati mutantibus subticuerit ignorans, & credens id sibi esse per humilitatem convenientius in statu poenitentis constituto excusationes peccati subticere.

XIV. Circumstantias, quanvis notabiliter aggravantes, si per eas species peccatorum non mutantur, minimè necesse est confiteri, ut docet.

Qq 3 gravior

gravior & communior Doctorum pars. Sanctus Thomas in 4. distinct. 16. quæst. 3. art. 2. quæstiunc. 5. Sanctus Bonaventura ibid. dist. 17. quæst. ult. Paludanus in 4. dist. 16. quæst. 3. art. 3. Durandus quæst. 4. Medina de poenit. tract. 2. quæst. 7. Vasquez quæst. 91. art. 1. dub. 2. num. 6. Valentia tom. 4. disput. 7. quæst. 11. puncto 1. assertionem 5. Navarra Enchir. cap. 6. num. 6. Toletus lib. 3. cap. 7. num. 7. Reginaldus lib. 6. num. 135. Bonacina de poenit. disp. 5. quæst. 5. sect. 2. puncto 2. §. 3. difficult. 3. num. 5. contra Sorum in 4. dist. 18. quæst. 2. art. 4. conclus. 7. Suarez disp. 22. sect. 3. num. 5. Coninch disput. 7. dub. 3. num. 13. & alios. Ratio hujus conclusionis est primum, quia Tridentinum loco cit. tradens accuratè illa quæ necessaria sunt ad Poenitentiae Sacramentum, non alias exigit censendas peccatorum species, quàm quæ peccati speciem immutant. Secundò, quia consentiunt etiã adversantis sententiae Authores, non esse necesse, ut circumstantiæ peccatum minuentes exprimantur, nisi quando speciem mutant peccati; sed non minùs influunt ad noticiam status poenitentis, & rectum judicium Ministri, expressiones quibus peccatum notabiliter minuitur, quàm quibus notabiliter aggravatur. Tertiò, quia omnes ferè confessiones de validitate nutarent, & poenitentes etiã peritiores & prudentiores inter innumeros scrupulos anxii fluctuarent, cum nesciatur quis sit ponendus limes inter illiusmodi circumstantiarum differentias notabiliter, & non notabiliter aggravantium, neque possint certæ tales regulæ assignari, ubi nulla est specifica differentia: & si quis proprio ingenio proprios sibi limites præfigat, alius aut restrictiores, aut remotiores sibi præscribet, & à poenitentibus exigeret. Cùmque nullà certà nitatur regulà, cras terminos pro humani ingenii inconstantia aliò transferet, quos fieri alio loco posuerat, nihilque incertius aut vacillantiùs erit quàm ipsæ necessariae, & ad Sacramenti validitatem & effectum requisitæ conditiones. Quartò denique frustra & indebitè requiruntur ad hoc Sacramentum ut necessariae conditiones, de quibus nullum extat, aut usquam extitit, sive Christi, sive Ecclesiae præceptum; atque ita injustè adstringitur poenitentium libertas. Obijciunt adversarii Concilium ipsum Tridentinum d. sess. 14. cap. 5. dicere, eam peccatorum confessionem esse necessariam, quæ sufficiat ut Sacerdos de eorum gravitate rectè judicare possit. At idem locus pariter convinceret ad obligationem exprimendi quoque circumstantias notabiliter minuentes, cùm æqualiter influere possint ad ejusmodi noticiam & rectum de peccatis judicium: contrariorum enim eadem est disciplina. Sed Patrum Tridentinorum longè alia mens est, hoc enim duntaxat intendunt, ut discernatur singulorum peccatorum gravitas ex regulis quas solas disertè ibi proponunt, nimirum quatenus cognosci possit ex confessione peccatorum secundum illorum species, numerum & circumstantias illas, quibus eorum species inmutatur. Dices inde sequi, quod sufficiat ei qui mille aureos subripuit, si solum confiteatur se aliquid

futa

furtum in notabili quantitate, quæ tamen quantitas potest sufficere in furto unius aurei. Respondendum & hanc potuisse accusationem sufficere, nisi officium esset Sacerdotis providere restitutioni faciendæ; quam ad rem opus est ut sciatur exactius quantum fuerit furto ablatum, & intra quod tempus, & quibus modis exigenda sit illa restitutionis exequutio. Quin etiam ipsi adversantes nobiscum sentiunt, unicam unius fornicationis confessionem sufficere, vel homicidii, etiamsi multi actus præcellerint, qui singuli seorsim spectati sint totidem peccata mortalia, & advenire possunt sine completa fornicatione vel homicidio; & hæc vicissim sæpe adveniunt sine illis actibus præambulis; & illi quidem actus præcedentes & concomitantes fornicationem vel homicidium, magis procul dubio & à seipsis invicem, & à duobus illis consummatis multò plus differunt, quàm nummus aureus ab alio aureo, qui simul uno furto ablati supponuntur; & tamen illorum diversorum actuum inordinatorum expressionem non esse in Sacramento necessariam, omnes admittunt.

X V. Quæritur utrum confessio dubiorum peccatorum requiratur ad integritatem necessariam? Concludendum est absolute, cum qui dubitat se peccatum aliquod commisisse, aut qui sciens quidem se commisisse, dubitat an sit mortale necne, aut cum qui ambigit utrum illud aliàs confessus fuerit, teneri illud confiteri. Stat enim in casu dubitationis confessio certa pro lege confessionis, ut omnes consentiunt, & Concilium Tridentinum dum sess. 14. cap. 5. & can. 7. excipit ab obligatione confitendi sola peccata venialia, & subdit huic obligationi peccata, de quibus an sint mortalia, dubitatur. Nec obstat illud, quod is qui dubitat se vovisse, non astringitur ad ejus impletionem: & similiter is qui anceps animi est, utrum damnum intulerit, non tenetur damnum refarcire. Id quidem verum est, quia in illis stat possessio pro libertate dubitantis, at in confessione dubiorum stat possessio pro lege confessionis. Si dicas, in dubiis meliorem esse conditionem possidentis, cap. *Ex literis*, de probationib. concedo id quidem; sed nego hunc penitentem possidere hanc libertatem. Ubi enim constat de præcepti obligatione, & dubitatur de exemptione seu excusatione à præcepto, subsistit possessio pro lege aut præcepto.

X V I. Cæterum aliud censendum de eo qui probabili ratione ductus opinatur, quantumvis cum aliqua in oppositum formidine, se id peccatum non commisisse, aut à se commissum confessum fuisse, qui non astringitur ad ejus confessionem; favet enim ei sua, quam probabilem rectè judicat, opinio. Et sanè quis tam felicitis memoriæ est, ut certissime recordari possit particularis à se factæ confessionis singulorum peccatorum veterum, quæ post multos annos in mentem ejus redeunt? Hæc sanè ratione via latissima aperiretur innumeris scrupulis & repetitionibus anxiiis pristinorum accusationum. Is verò qui solitus fuit accuratum examen suis confessionibus antea actis præmittere, eoque magis si generales confessio-

nes

nes quam exactissimè ediderit, causam habet admodum probabilem animo quiescendi & credendi se talem accusationem non omisisse; aut si fortè in individuo omiserit, persuadendi sibi quod eam sub specifica saltem expressione comprehenderit. Exempli causâ, si fuerit aliqua famæ alienæ detractio, quod eam saltem comprehenderit quando non tantum includere intendens quindecim particulares detractiones, quarum sigillatim recordabatur, intendens tamen cæteras comprehendere detractiones, quarum in individuo non recordabatur, ex judicio probabili, ut fieri à cautiorebus solet, numerum præfatum auxit, seque triginta detractio-num accusavit: & ita de cæteris accusationibus tam numerum actualis recordationis, quam obli-torum aliorum probabilem exprimentibus. Id enim sufficit ad obli-torum expressionem, quandoquidem talis expressio id habet omne quod à Concilio requiritur, speciem scilicet, & quoad accuratè fieri potuit, numerum peccatorum. Hanc doctrinam circa dubia & probabilia tradunt Suarez de pœnitentia, disp. 22. sect. 9. num. 6. Sanchez in Summa, lib. 1. cap. 10. num. 66. Bonacina, disp. 5. quæst. 5. sect. 2. punct. 2. §. 3. diffi-c. 4. num. 4. & alii.

XVII. Ex parte defectuum ipsius pœnitentis requiritur iteratio confessionum, in quibus iste scienter, & citra justam causam omisit accusationem peccati alicujus, vel cogniti, vel ab eo dubitati mortalis, aut circumstan-tiam necessariò confitendam. Ratio est, quia ibi deficit integritas confessionis, atque bona fides pœnitentis. Item si defectu debiti examinis factum sit, ut peccata mortalia non occurrerint in mentem, quæ alioqui occurrissent, si congrua perquisitio præcessisset, saltem mediocri pro ratione temporis ab ultima confessione decursi, & multitudinis ac gravitatis culparum confi-tendarum. Item si nullus extiterit de peccatis dolor aut propositum emenda-tionis. In his quippe defectibus violatur id quod essentiale est huic Sacra-mento; bonæque fides, ipsæque confessio, & perperam acceptæ absolutionis forma vertuntur in sacrilegium. His & adjunge, si pœnitens noluit solitam ac proximam mortaliter peccandi occasionem deserere. In his confessio, utpote invalida, repetenda est.

XVIII. De omissione autem peccatorum quæ pœnitens neque crede-bat, neque dubitabat esse mortalia, communiter Doctores sentiunt, non involvere confessionis invaliditatem, aut eam iterandi obligationem; sed sufficere si pœnitens post discussam, quæ præcesserat, ignorantiam non affectatam, exprimat illud in altera confessione cum debitis circumstantiis, simulque peccata reliqua post confessionem ultimam commissa, absque præcedentium confessionum iteratione, in quibus & bona fides, & reliqua ad hoc Sacramentum necessaria concurrerunt. Ita Sylvester verb. *Confessio* 1. quæst. 3. Navarra cap. 9. num. 15. Toletus lib. 3. cap. 10. num. 7. Vasquez quæst. 92. art. 3. dub. 1. num. 7. Reginaldus lib. 9. num. 153. Bonacina de Pœnitentia quæst. 5. sect. 2. puncto 3. num. 6. Sic excusantur à confes-sio-num

num teiteratione pueri & puellæ, qui quæve accedente meliori instructio-
ne agnoscunt pro mortalibus actus quosdam, in quibus nihil tale suspi-
cabantur. Quod etiam usuvenit plerumque in adultis & provectionibus
post discussam pristinam, quâ tenebantur, ignorantiam. Suprà citati Au-
thores, aliiq; hoc præterea docent, quoties repetendæ sunt necessariò
præcedentes confessiones apud alium Confessarium, si tamen fiat con-
fessio secunda penes illum qui præcedentem audierat ab eodem poeniten-
te, nullatenus esse necessariam repetitionem, si modò recordetur gravium
aliquot peccatorum in ea confessione quæ præcessit auditorum, statusque
ipsius poenitentis, saltem in confuso; & sufficere eadem simul peccata
in genere, non verò sigillatim confiteri, cum expressione tamen secun-
dum singulas species peccatorum non antè confessorum, & numeri eo-
rum, etiamsi Confessarius ille aliquorum mortalium antè sibi confessorum
recordationem amiserit.

XIX. Probabilissima est Doctorum sententia, qui graves omnes ac
mortaliter culpabiles contumelias tradunt ejusdem esse speciei, ac proinde
sufficere accusationem gravium contumeliarum, numerique expressionem
generalem, non trahendo moram quoties hanc numero contumeliam, &
quoties hanc aliam in individuo protulerit; quæ res innumeros pareret
scrupulos, & ad tribunal Confessarii frequentes reversiones, præsertim
rixolarum foeminarum, quæ solent ad iracundiam frequenter proflire, &
quidquid in buccam venerit exprobrare. Hoc docent Caietanus in S. Tho-
mæ 2. 2. quæst. 71. art. 1. Sanchez in Selectis, disput. 6. num. 2. Sotus de
Justit. lib. 3. quæst. 9. art. 1. Molina tom. 5. tract. 4. disput. 19. num. 3. seu
disput. 21. num. 6. Bassæus verb. *Contumelia*, num. 4. & verb. *Peccatum* 4.
num. 8. Reginaldus lib. 24. cap. 5. num. 102. nisi in aliquibus occurrat cir-
cumstantia vel personæ, vel causæ moventis, vel eventus inde consequuti
aut consequuturi, aliæve similis, quæ speciem immutet; ea namque ne-
cessariò erit exprimenda.

XX. Eademque ratio contumeliarum quæ proficiuntur ab irascibili
appetitu, multò fortius prævalet in obscœnis verbis, quæ impulsu appet-
itus concupiscibilis proferuntur. Et sufficit accusatio in genere verbo-
rum turpium mortaliter culpabilium, sine illorum individua expressione;
hoc enim propudiosum nimis foret, adeò ut quo turpiora essent verba, eo
strictior incumberet obligatio eadem, utpote gravitatem culpæ augmentia,
iterum ad aures Confessariorum importunè repetendi: atque ita propu-
diosum, impudens, & periculis innumeris obnoxium redderetur Con-
fessionis Sacramentum, essetque sacrum Tribunal odiosum, & Prætexta-
torum, Fescenninorumque verborum foedissima colluvies. Omnia itaque
mortalia turpiloquia, pariterque mortifera convicia in eandem singula
speciem conveniunt, & omittis individuis expressionibus, sufficit horum
gravium speciem cum mutantibus speciem conditionibus confiteri cum

R r necessa


necessariis tantummodò circumstantiis, quæ ex singularitate personæ, vel ex perversitate intentionis, vel ex scandalo, aut aliunde ducuntur.

XXI. Idem similiter asserendum de plerisque fœdis & libidinosis cogitationibus; sufficit enim earumdem generalis ac specifica accusatio, cum numero & circumstantiis speciem mutantibus: an scilicet intervenerit consensus ad actum exteriorem, an verò sola morosa delectatio absque proposito executionis. Item exprimendum, si sit orta pollutio ex præcedentibus, si motiones carnis ex causa voluntaria. Designandæ quoque sunt personarum qualitates istæ, si solutæ, si ligatæ matrimonio aut voto continentiæ, si spiritualiter aut carnaliter affines, si consanguineæ, quòve in gradu. Cæteræ autem multiplices ac individuantes circumstantiæ sufficiunt sub generali expressione turpium cogitationum, desideriorum, actuum, propter Sacramenti hujus honestatem; neque plura exprimi necesse est ultra species aspectus libidinosi, tactus, osculi, coitus. Turpia verò, quæ coitum immediatè præcessere, consentiunt unanimis Doctores, non esse necesse confiteri, cum sint coherentes ad actum illum ultimum dispositiones: sicut neque qui hominem occidit, tenetur proximos ad id homicidium apparatus exprimere, quanvis seorsim spectati sint peccata mortalia, ut armorum ad id præparatio, alique similes actus anteriores proximè ad patratum homicidium relativi. Attamen peccata contra naturam, qualis est pollutio, cum speciem distinctam, & majorem in seipsis nequitiam præ aliis libididinibus comprehendant, si contigerint ante coitum, confessione sunt exprimenda.



CAPUT XI.

De causis ab integritate confessionis excusantibus.

I.  ONFESSIONIS integritatem distinguunt communiter Doctores in materialem & formalem. Materialem dicunt quæ ita omnia peccata exprimuntur, quorum reus est poenitens, ut nullum prætermittatur. Formalem verò, quæ omnia peccata sua poenitens exprimit quæ tenetur exprimere, quanvis aliqua taceat quæ hic & nunc non tenetur exprimere. Materialem porò non esse præceptam ad hoc Sacramentum, sed formalem duntaxat integritatem. Cùmque verissima sit doctrina ista, restat nunc investigandum, quibus casibus sufficiat formalis integritas.

II. Primus casus contingit in oblivione peccati mortalis, aut in ejus inadvertentia vel ignorantia, vel inculpabili profusus, vel saltem non mortaliter.

taliter culpabili, qualis non esset in eo qui suæ conscientię examen neglexisset ante confessionem; sic enim esset ista omissionis culpa mortalis: sed si tantum venialis negligentia intervenerit, non frustrabitur pœnitens fructu hujus Sacramenti.

III. Secundus casus est in Sacerdote, qui non potest aliquid suum peccatum confiteri nisi manifestando peccatum & peccati authorem, cujus ipse confessionem audivit: absolute enim tenetur illud reticere, si necessitate urgetur confessio, nec habeat Confessarii copiam cui sit pœnitens ignotus: sed si non urgetur præsentī necessitate confitendi, tenetur differre, atque etiam aliò proficisci ad integrè confitendum. Tertius casus est in muto nutibus confitente Sacerdoti nutus ejus non intelligenti; nam impotentia loquendi excusat ab integritate materiali. Quartus est in extraneo, cuius idioma non satis intelligitur, modò non sit copia alterius Confessarii qui ejus linguam benè intelligat. Quintus casus est quum pœnitens ex justa ratione conjectatur vel proprium, vel Confessarii detrimentum, si deficient alterius Confessarii commoditate, & urgente animæ propriæ salutē confiteatur reticendo aliquid mortale peccatum, ne id inde sequatur detrimentum: ut si justa sit metuendi causa ne Confessarius ipse ex insita malitia aut innata levitate, linguæque incontinentia notificet id peccatum, aut odium adversùs pœnitentem, vel vindictam incipiat, aut etiam ad turpia sollicitet. His enim prævisis tenetur ipse pœnitens reticere, ne propriam, aut Confessarii salutem prodat. Sed ubi ratione sufficienti non nititur illud judicium aut suspicio, non potest pœnitens silere aliquid mortale peccatum.

IV. Sextus casus est quum infirmus morbo laborat contagioso, nec potest à longè confessio ejus audiri; tunc enim auditis uno aut alio peccato, si sit grave ex diuturniori assilientia periculum, potest à Sacerdote statim absolvi, ut docent Vasquez, Coninch, Bonacina. Septimus casus obtingit quando infirmus nimis fatigatur, adeò ut ejus vires periclitentur in exactiori peccatorum explicatione, sive ipse per se admoveat, sive id prudens Confessarius advertat. Henriquez, Bonacina. Octavus casus est in mortis imminente periculo, ut incendio, naufragio, ruina: potest enim Sacerdos audito à singulis uno peccato omnibus simul unam absolutionem impendere dicendo: *Ego vos absolvo*. Eadem ratio est in repentina hostium irruptione. Ubi verò instat periculosus cum hoste conflictus, possunt omnes simul ostendere signa doloris de peccatis, simulque omnes aliqua peccata confiteri, & sic simul absolvi, saltem sub conditione, si talis confessio valeat ad Sacramentum. Sylvester in verb. *Confessio* 1. n. 23. Angelus ibid. num. 29. Reginaldus in praxi, lib. 8. n. 23. Coninch disp. 7. dub. 9. num. 74. Item quando periculum est ne confitens subito moriatur antequam detur absolutio.

V. Utrum verò licitum sit peccatum reticere quod exprimi aliter non possit.

R r 2

possit nisi manifestando peccatum complicitis, ubi non adest alius Confessarius cui complex ipse sit ignotus; duæ sunt oppositæ sententiæ, quarum Authores utrimque damnant peccati mortalis secus facientes quam ipsi opinantur. Obligant enim in isto casu ad particularis istius peccati silentium cum qui confitetur, Marsilius in 4. dist. 16. quæst. 12. art. 4. ad 7. Atmilla verb. *Circumstantia*, num. 11. Navarrus cap. 7. num. 3. Viguerius Instituit. Theolog. cap. 16. §. 4. vers. 17. Ex adverso teneri pœnitentem isto casu ad integritatem materiale, docent S. Thomas opusc. 12. q. 6. & in 4. dist. 16. quæst. 3. art. 2. ad 4. Durandus ibid. quæst. 4. lit. V, item S. Antoninus, Adrianus, Suarez, Coninch, Ratio primæ sententiæ est, quia ubi concurrunt opposita præcepta, quorum unum est juris naturalis, quale est de conservanda proximi fama; alterum juris positivi, ut est materialis integritas confessionis, oportet ut naturale præceptum prævaleat positivo. Ratio autem secundæ sententiæ est, quia nullus casus occurrit obligans reum ad fatendum proprium delictum alicui judici, qui non eundem pariter obliget ad prodendum complicem, si nequeat aliter proprium delictum manifestare sufficienter, aut si de illo juridicè interrogetur. At Confessarius est iudex; & circumstantia complicitis est quandoque prorsus necessaria ad competentem in interiore tribunali causæ cognitionem. Socius verò delicti se huic legi per suum crimen subjecit. Cum itaque hac in causa jus amittat ad propriam famam, sequitur per ejus manifestationem non violari jus naturale, atque ita corrui contrariæ partis argumentum. Consentiunt tamen in hoc uno oppositi Doctores ubi est alterius Confessarii copia, qui complicem non cognoscat, astringi pœnitentem obligatione recurrendi ad illum, atque ita consulendi æstimationi complicitis, simulque confessionis integritati materiali.

VI. Communis olim opinio fuit, pœnitentem reservatorum casuum reum absolvi posse ab inferiore Sacerdote, & deinde remitti ad superiorem pro reservatorum absolutione directâ, cum jam esset ab inferiore ab eisdem absolutus indirectè. Sed si primùm recurrerit ad superiorem, posse ab eo ejus audiri confessionem circa sola reservata peccata, & ab hoc absolvi, & postea ad Sacerdotem inferiorem remitti pro confessione & absolutione non reservatorum. Ita censuerunt Dominicus Soto, Caietanus, Paludanus, Joannes Major, S. Antonius, Gabriel Biel, Durandus, Angelus, Navarrus, Grassius, Emanuel Sà verb. *Absolutio*, Tolerus lib. 3. cap. 8. Sed his opponuntur communiter recentiores, qui illud primum de inferiori Sacerdote jure merito negant, eo quòd careat jurisdictione circa reservata. Secundum etiam de Superiore, quia integritas confessionis citra casum necessitatis est divini ac indispensabilis juris. Ita Suarez, Vasquez, Becanus, Coninch, Laiman, Bonacina, Filliucius, alijque. Id luculenter probant verba ista Concilii Trident. sess. 14. cap. 7. *Extra articulum mortis Sacerdotes, cum nihil possint in casibus reservatis, id unum pœnitentibus persuadere*

dere nitantur, ut ad superiores & legitimos iudices pro beneficio absolutionis accedant. Verumtamen in casibus necessitatis, in quibus valeret etiam dimidiata confessio, posset Sacerdos carens potestate circa reservados casus absolvere hos quidem casus indirectè, cetera autem non reservata peccata directè. Suarez disput. 31. sect. 3. num. 2. Henriquez lib. 6. cap. 15. num. 1. Coninch disp. 8. dub. 13. num. 101. & 103. Id etiam iidem extendunt extra casum necessitatis, quando pœnitens bona fide confitetur, etiamsi Confessarius peccaret per ignorantiam aut malam fidem.

VII. Celebris agitur inter Doctores quæstio, utrum ille possit absolvi qui Confessorem accersiri mandavit urgente mortis periculo, & antequam Sacerdos adveniret loquelam amisit, aut mente vel sensibus destitutus repenti fuerit. Negant posse eo casu absolvi Sorus in 4. dist. 18. quæst. 2. art. 5. Lopez 1. p. cap. 18. & nonnulli alii. Sed ex adverso absolvi posse affirmant S. Antoninus 3. p. tit. 10. cap. 2. circa med. Sylvestre verb. Confessio 3. quæst. 3. Navarra cap. 26. num. 27. Bellarminus lib. 2. de pœnitentia, cap. 7. ad finem, Suarez de pœnit. disput. 23. sect. 1. num. 5. Bonacina de pœnit. disp. 5. quæst. 5. sect. 2. punct. 2. num. 7. Coninch de pœnit. disput. 7. dub. 10. num. 97. Toletus lib. 3. cap. 8. & plerique ceteri, quibus suffragamur. Ratio est, quia impotentia dispensat ab integritate materiali confessionis; hic autem æger confessus est ut potuit in genere, se habere peccata, deque eis dolere dum petiit Confessorem, aut signa exhibuit doloris. Adest igitur qualis exhiberi potuit materia, atque ut suppono, intentio ministri & forma. Est igitur validum Sacramentum. Præterea accusatio unius peccati in genere, cujus speciei nullatenus pœnitens recordatur, & dubitat fueritne mortale, an veniale, est materia necessaria & pœnitentem obligans ad ejus in genere confessionem, ut cum Navarra cap. 10. num. 5. tenent communiter Doctores. Ergo & ista generica accusatio per signa præcedentia ægroti, qui mox loquelam aut sensum amisit, potest esse sufficiens materia ad absolutionem. Et sicut valet confessio per interpretem, ita & ista antè exhibita pœnitentiæ signa valent ad Sacramentum, si qui tunc præsentés erant, affirmet & attestentur.

VIII. His adducti rationibus præallegati Doctores, Suarez alique sapienter affirmant, Confessorem in conscientia obligari in tanto ægroti de salute æterna periculo absolutionem ei sub conditione impendere. Urgent etiam veterum Conciliorum decreta. Nam Carthaginense quartum, cui Sanctus interfuit Augustinus, sic statuit can. 7. *It qui pœnitentiam in infirmitate petit, si casu dum ad eum Sacerdos invitatus venit, oppressus infirmitate obmueris, vel in phrenesi versus fuerit, dem testimonium qui audierint, & accipiat pœnitentiam. Et si continuo mortuus creditur, reconcilietur per manus impositionem, & infundatur ori ejus Eucharistia. Si superviverit, admonetur à prædictis testibus petitioni suæ satisfactum, & subdatur statutis pœnitentiæ legibus quandiu Sacerdos qui pœnitentiam dederit probaverit.* Hoc idem ferè sancivit

R. 3. Concl.

Concilium Arausicanum primum can. 12. dicens: *Subito obmutescens, promptum est, baptizari aut penitentiam accipere potest, si voluntatis praterite testimonium aliorum verbis habet, aut præsens in suo nutu.*


I X. Argumentum adversantium hoc est: Non debet quis sacramentaliter absolvi, nisi accedat peccatorum confessio, quæ nulla hic inest, cùm peccata non magis cognoscantur quàm antè illa edita signa; scitur enim in genere quemlibet hominem esse peccatorem. Sed facilis est responsio; adest enim confessio qualis adeste in illo eventu potest: & quanvis antea hic æger agnoscebat ut peccator, jam agnoscitur ut peccator se accusans per petitionem confessionis, aut per signa contritionis, vel præsentia, vel à circumstantibus attestata. Et aliunde ex illo qui tenetur se accusare peccati in genere, cujus speciem oblitus est, liquet genericam confessionem esse aliquo casu sufficientem & necessariam materiam sacramentalis absolutionis. Signa quæ Sacerdos potest ab ægroto expetere loqui non valente, sunt stringere expetentis Sacerdotis manum, aut oculos vel manus sursum elevare, aut pectoris percussio, aut oblata crucis exosculatio. Et quanvis sufficere aliquando possit præsentium hominum attestatio, conari tamen debet Sacerdos exprimere ab ægroto signa præsentia, ut communes hujus Sacramenti leges quoad fieri potest observentur.

X. Sed ubi nulla moraliter proxima signa præcesserunt petite confessionis aut contritionis, neque à Sacerdote perspecta, neque à circumstantibus attestata, nullatenus debet impendi absolutio ubi nulla prorsus exhibetur materia Sacramenti; ideoque contraria opinio nihil habet probabilitatis, sed est planè improbabilis. Coniuch disp. 7. num. 6. Navarra in Manuali, cap. 26. num. 27. Bonacina disp. 5. quæst. 5. sect. 2. puncto 2. num. 10. Valquez quæst. 91. art. 2. dub. 1. num. 36. Henriquez lib. 6. cap. 10. num. 9.



C A P U T XII.

De illorum Confessione qui venerunt ex alia diœcesi: & de Casuum reservatione.

- I.  UPPONITUR in primis quod superius dixi, posse quem absolvi in aliena diœcesi à Sacerdote in hac diœcesi approbato. Nunc quæstio est circa reservados in una diœcesi casus, & non in alia: ut si Titius Massiliensis commiserit peccatum ab Episcopo Massiliensi reservatum, & profectus Aquas-Sextias ad litigandum coram supremo Senatu Provinciæ ibi residente, confiteatur apud


apud Sacerdotem diœcesis Aquis-Sextiensis, in qua ille casus non est reservatus, an possit per eundem ab illo casu absolvi? Negant posse absolvi Sotus in 4. Sentent. dist. 18. quæst. 2. art. 4. Medina lib. 1. cap. 10. Grassius lib. 4. decis. cap. 18. num. 56. Sed melius affirmant posse absolvi Caietanus verb. *Absolutio*, Henriquez lib. 6. cap. 14. num. 9. Suarez disp. 20. sect. 1. num. 4. Vasquez quæst. 93. art. 1. dub. 4. ad fin. Bonacina disp. 5. quæst. 7. punct. 5. §. 2. num. 9. Quæ affirmatio duplici ratione fundatur. Primò, quia iusta causæ cognitio non est adstringenda sub conditionibus impossibilibus, sic enim iudicia tollerentur: sed esset conditio impossibilis, & proinde iniqua, si Confessarius quilibet astringeretur ad sciendum omnes & singulos casus reservatos in diœcesibus eorum qui ad se confessionis causâ confluunt, cum teneatur Confessarius scire in quibus possit, vel non possit absolvere. Secundò, quia constans usus ac regula receptissima est, in omni causa delicti iudicandum esse reum secundum jura ipsius loci in quo idem iudicatur reus. Authent. *Qua in provincia*, C. ubi de crimine agi oportet. & cap. *Placuit*, 6. quæst. 3.

II. Hoc tamen limitatur in excommunicationibus reservatis, siue sint à jure, siue ab homine. In his enim poenitens indiscriminatim remittendus est ad Superiorem proprium, ut ab eo legem accipiat & absolvatur, ita ut ad ipsius arbitrium proprium satisfaciatur. Et quia cum ex Nœcni Concilii can. 5. excommunicatio per proprium Episcopum inflicta, reum alliget in quamcunque se parœciam aut diœcesim transferat, quod etiam renovatur in cap. *Cura sit*, 11. quæst. 3. si illa sit excommunicatio ab homine seu iudice, nullus alius Episcopus poterit ab ea solvere, nisi ejus iudicis, à quo lata est, Superior, ut est respectu Suffraganeorum Metropolitanus, sed in solo appellationis casu; citra verò appellationem Papa, vel Legatus. Sed si censura reservata, quam poenitens incurrit, lata sit à jure, distinctione opus est: vel enim Sacerdos iudicaturus hunc alienæ diœcesis poenitentem, habet ab Episcopo proprio, vel à Papa potestatem absolvendi à censuris, siue in ipsa diœcesi, siue generaliter ac sine præfixione reservatis; & his casibus poterit absolvere his irretitum diœcesanum alienum sibi contentem, modò parti læsæ aut Ecclesiæ pro delicti qualitate satisfaciatur, quemadmodum posset legitime proprium condiciœsanum in pari causa solvere à censura.

III. Circa reservata hoc pariter observandum: Si contingat ut quis oblitus alicujus peccati sui reservati, absolutus in confessione ab eo fuerit qui facultatem obtinuerat absolvendi à reservatis, idem poenitens in alia confessione poterit absolvi ab iisdem casibus reservatis per alium Sacerdotem approbatum, etiamsi facultate careat absolvendi à reservatis. Nam absolutio collata antè à Confessario facultate circa reservata munito abstulit reservationem, quatenus idem absolverat quidem directè à confessis non reservatis; sed (cum gratia Sacramenti dimidiari non possit, simulque


que omnia mortalia peccata deleat) idem absolverat indirectè à non confessis, in quibus erant casus reservati. Ita docent Sanctus Antoninus, Caietanus, Sylvester, Navarra, Suarez. Idemque communiter Doctores affirmant de illo qui reservata quidem confessus est, & cui absolutionem pronuntiavit Confessarius habens circa reservatos casus facultatem; sed ipse poenitens sine mala sua fide erat animo incapax ad gratiam & absolutionem Sacramenti. Hic enim confitens postmodum alteri carenti facultate circa reservata, poterit per eum validè absolvi, juxta S. Antoninum 3. p. tit. 14. cap. 19. Caietanum verb. *Casus*, Angelum, Armillam cod. num. 4. Sylvestrum verb. *Confessio* 1. num. 21. Suarez disp. 31. sect. 4. n. 9. Coninch disp. 8. dub. 12. num. 91. 92. 93. qui hoc affirmant non solum in confessione facta ordinario Superiori, sed etiam Sacerdoti habenti hanc potestatem delegatam. Et his innituntur rationibus: Tum quia talis poenitens satisfacit reservationis fini, qui alius non est quàm ut Superiori se præsentem sistat, à quo possit meliùs dirigi & monita salutaria cum poenitentiali satisfactione suscipere: at verò poenitens ipse hæc præstitit, atque ita ablata causâ reservationis tollitur effectus, hoc est ipsa reservatio. Præterea sic absolvens intendit absolvere quantum fieri potest secundum præsentem confitentis dispositionem, quæ quidem est incapax absolutionis à peccato, sed est capax absolutionis à reservatione. Tertiò, quia cùm tam multi atque adeo graves Authores hoc asserant, nec Superiores ac Prælati Ecclesiæ ullatenus contradixerint, censentur consentire.

IV. Licet autem prædicti Authores absolute loquantur, his tamen adjungendum censui, necesse esse ut poenitens, quantumvis aliunde indispositus, accedat cum bona fide, hoc est sciens & volens non abutatur confessione. Nullatenus enim præsumi debet, Superiores velle favoribus prosequi eos qui animo sacrilego & cum aperta malignitate Sacramentis abutuntur: ut enim sancitur in l. 177. D. de regul. jur. nemo ex suo delicto meliorem suam conditionem facere potest. Aitque cap. *Si vir*, de cognat. spirit. Nemini sua fraus patrocinari debet, vel dolus.



CAPUT XIII.

De Opinione probabili.

I.  RESUPPONENDUM est, variè quidem accipi nomen Conscientiæ; sed quod ad præsentem disquisitionem attinet, conscientiam esse judicium, quo aliquid bonum aut malum esse judicamus. Etsi enim lex, sive naturalis, sive positiva, sive divina, sive humana, sit prima sive bonitatis, sive malitiæ operationum

nam nostrarum regula ; at proxima regula est ipsum conscientię iudicium , seu rationis dictamen proponens voluntati objectum tanquam honestum vel turpe. Porro conscientia ista , seu rationis iudicium variè distinguitur : vel enim rectè iudicat , & dicitur Conscientia recta : vel errat , & dicitur Conscientia erronea : vel neque assentit , neque dissentit , & dicitur dubia Conscientia : vel assentit quidem uni parti , sed cum formidine circa partem oppositam , & dicitur Conscientia opinans : vel nullum præbet assensum , sed tamen magis in unam partem inclinat quàm in alteram , & dicitur suspiciosa : vel ducit in formidinem ac vehementem apprehensionem peccati , sed tamen ex levibus fundamentis , quæ vir prudens spernenda esse iudicet , & dicitur Conscientia scrupulosa , quæ quidem ut rectificetur , quantumcunque formidet , aut violenter aliquid apprehendat , debet finem iudicium cohibere , & sibi tanquam incapaci recti iudicii diffidendo , aliorum prudentiorum doctrinæ ac iudicio se committere & obtemperare , ut omnes Theologi Scriptores conveniunt. Itaque scientia aut fides habet firmum assensum ; opinio habet assensum non planè certum ac firmum , sed cum formidine oppositi : suspicio nullum præbet assensum , sed magis in unam quàm in alteram partem propendet. Dubium quoque expers ita est omnis assensus , ut sit in æquilibrio , nullamque in partem magis aut minùs inclinet. Fides igitur , scientia & opinio assensum habent ; suspicio autem & dubium assensu vacant. Atque suprà memoratæ distinctiones istæ ab omnibus admittuntur.

I I. Scientia , opinio & dubium distingui solent in speculativa & practica. Speculativa dicuntur quando intellectus in communi dictat ut certum , vel opinatur , vel dubitat aut suspicatur aliquid esse licitum aut illicitum. Practica quando in singulari , seu hic & nunc , seu perpenfis particularibus circumstantiis intellectus iudicat aliquid ut certum , vel opinabile , vel dubium. Ex scientia , vel dubio , vel opinione , vel suspicione speculativis oriuntur scientia , vel dubium , vel opinio , vel suspicio practica ; valet enim ductum argumentum ab universalibus ad singularia sub illis comprehensa , nisi aliqua ratio specialis aut particularis conditio iudicium practicum à speculativo faciat differre , iudicando propterea hic & nunc licitum quod in communi iudicatur illicitum , aut de eo dubitatur. Itaque quando adest scientia , opinio seu dubitatio speculativa , licitum est quandoque contrarium operari , eo quod adsit cognitio practica suadens oppositum hic & nunc ex speciali circumstantia. Hoc modo sciens speculativè non licere in festis servilia exercere , potest practicè formare conscientiam , sibi hoc licere , quia egestate premitur. Similiter dubitans speculativè , an hæc res sit sua , potest practicè non dubitare , licere sibi eam retinere , eo quod possideat , & in dubiis melior sit possidentis conditio. Unde constat id quod in communi est illicitum , aliquoties in particulari esse licitum ratione specialis circumstantiæ. Sic docent Caietanus S. f. opusc. 17.

opuscul. 17. respons. 13. dub. 7. Medina de restitut. quæst. 17. §. *Aliis tamen* Soto in 4. dist. 27. quæst. 1. art. 3. §. *Imò verò* : Sanchez lib. 2. de matrim. disp. 41. num. 8. idem in Decalog. lib. 1. cap. 9. Suarez tom. 5. in 3. p. disp. 40. sect. 5. num. 14. Vasquez in 1. 2. quæst. 19. art. 6. disp. 65. cap. 1. num. 2. * Sylvius in 1. 2. quæst. 19. art. 8. conclus. 3. quo loco negat in dubiis eligendam esse tutiorem partem, dum tuta & probabilior apparens eligatur, addens prævalere debere hæc juris regulas : *In pari causa prior est conditio possidentis* : & , *Cum partium jura sunt obscura, reo potius favendum est quam alicui*. Aut si partem unam esse constantem suadeat vitatio gravis damni in oppositum sequuturi, &c. Hæ namque rationes pondus agent ; multasque & graves adducit Doctorum auctoritates ad hoc ut sufficiat possidenti discutere, num ad oppositam partem aliqua illucescat certitudo, quâ non apparet, securè in pristina possessione persistet. Addit tamen contra Covarruviam, quod infans repertus expositus non potest licitè ordinari, nisi accedat debita dispensatio, quia rarissimè exponuntur legitime nati, spurii autem frequenter.]

III. Res ita diversæ sunt, opinionem esse probabiliorē, aut esse tutiorem, ut opinio probabilior possit esse minus tuta, & opinio tutior possit esse minus probabilis. Tutior enim ea dicitur quæ à periculo peccati remotior est; probabilior autem quæ fortioribus innititur fundamentis. Ut si controversia sit, an aliquid liceat, vel an ad aliquid obligemur, opinio negans licere, & dicens nos obligari, est tutior, etsi minus probabilis, si debiliori fundamento innitatur.

I V. Quando post adhibitam diligentem inquisitionem, quam ego post sapientiores & graviore Doctores contra quosdam neotericos prærequirendam & necessariam ad hoc existimo, ut quis prudenter & tutâ conscientia possit judicare & agere, si nihil certi & planè perspecti (quod frequenter in rebus humanis occurrit) compareat, tunc, & non aliàs potest quis agere ex opinione probabili. Conclusio ista est contra Fagnanum in cap. *Ne imitaris*, de constitut. num. 59. qui in morali quacunque materia negat licitum esse opinari, eo quòd opinio (sic enim argumentatur) versetur circa rem incertam, & ei conjuncta sit formido oppositi; ipse verò constanter affirmet necessariam esse in omni actione morali certitudinem, sine qua nemo potest agere nisi cum peccato, ob periculum cui se exponit, quemadmodum & omnis agens cum conscientia dubia. Verùm superius ostendi latum discrimen quod intercedit inter conscientiam probabilem atque opinativam, & inter dubiam : & ita subvertitur ejus fundamentum. Quin etiam illa moralis certitudo, quam ipse circa incertam materiam minus cavè exigit, reipsa nihil differt nisi verbis ab ipsa, quam amoliri nititur, probabili opinione ; cum post illam omnem quam exigit cautionem in illa quam supponit certitudine morali, adhuc permaneat illa ipsa, quam tantopere averfatur, formido circa oppositum.

V. Ille.

V. Ille utique Doctor plus exigit in actibus humanis quamplurimis quam permittit humana & inculpabilis ignoratio circa res, quarum certam notitiam Deus conferre homini noluic. Illa verò quam ctingit moralis certitudo nulla est. Etenim ut quis rem aliquam ita se habere certò & citra omnem in oppositum suspicionem sibi certò persuadeat, debet niti certo fundamento, certaque ac infallibili ratione, non quidem mathematicâ, quæ omnino aliter nunquam se habere queat, sed morali tamen quæ sit prudentiæ conformis, ita ut animus rationabiliter circumspèctus & prudens judicet rem juxta communes & frequentissimas occurrentias aliter esse non posse, neque prudenter pertimescendum in re præsentì oppositum. At verò in illa quam dicit Fagnanus morali certitudine, imprudenter judicaret qui omnem contrarij metum aut suspicionem dimovendam judicaret. Assumere enim rem de se incertam, sibi que velle persuadere quod certa sit; & super falsa ista persuasione velle fundare moralem aliquam actionem, est propriè assumere pro fundamento circa moralia errorem & falsitatem: quod sanè est omni rationi & rectitudini, ac ipsi bonæ fidei legique æternæ ex diametro oppositum. Illa namque fictio intellectus seipsam fallere conantis, sibi que persuadere quod res aliqua certa sit, quam tamen non potest secundum rationem aliter quam probabilem judicare, non excludit formidinem de opposito, quandoquidem ipsa potest aliter se habere, ut omni rectè judicanti compertum est, ipseque Fagnanus cogitur fateri. Ergo illud quod hic astruit de morali certitudine judicium, est necessàriò irrationabile, imprudens, & à rectitudine devians.

VI. Id quod est solummodò probabile, non potest rectè judicari certum, s. d. probabile, idemque opinabile, juxta receptam ab universis Theologis Aristotelis doctrinam, qui passim probabile judicium vocat Opinionem, atque aded cap. 1. lib. 1. Topicorum, quinquies usurpat opinabile pro eo quod est probabile, vocans probabile *ἡδὲ*, idest opinabile, deducto nomine à radice *δοξ*, quod opinionem significat. Quinte etiam prudentiæ virtus, circa quam maximè versatur morum disciplina, pro suo respicit objecto res ipsas opinabiles, quæ aliter se habere possunt, eodem Aristotele teste lib. 6. Et hic, ad Nicomach. cap. 5. his verbis: *Ὀμνὶνὸ prudentis est qui ad consultandum est aptus; consultat autem de iis nemo, quæ aliter se habere non possunt: & de iis quæ sunt necessariò, consultatio fieri non potest.* Deinde sic prosequitur: *Cum autem dua sint anima partes rationem habentes, alterius erit ipsa prudentia virtus: ipsius, inquam, opinativa partis; nam opinio circa id versatur quod aliter se habere potest, & ipsa prudentia.* Hæc Aristoteles, qui distinxerat paulò antè prudentiam à scientia. Quia (inquit) scientia quidem est cum demonstratione; quorum autem principia se aliter habere possunt, eorum non est demonstratio. Ita Philosophus.

VII. Nullatenus licet ex duabus opinionibus oppositis, quarum sin-

gulæ sint probabiles, illam præferre quæ ipsi eligenti minus probabilis existimetur, probabiliori relicta. Hoc docent S. Antoninus 1. parte, tit. 3. cap. 10. §. 10. regul. 4. Gabriel in 4. distinct. 15. quæst. 8. art. 3. dub. 2. in 3. probatione 1. conclusionis. Sylvest. verb. *Dubium*, quæst. 2. Conradus de contractibus, tract. 7. quæst. 110. conclus. 1. Corduba in suo Quæstionario, lib. 2. quæst. 5. Martinus Navarra in Summa Hispanica, cap. 28. addit: ad num. 183. capitis 27. ut citat contrariæ opinionis assertor Sanchez in Decalog. lib. 1. cap. 9. num. 13. illam enim Summam Hispanicam nunquam in manu habui. Hæc doctrina est contra Sanchez loco cit. & Bonacinam de legib. & peccatis disput. 2. quæst. 4. puncto 9. num. 4. Medinam in 1. 2. quæst. 19; art. 6. Suarez 5. tomo in 3. part. disp. 40. sect. 5. num. 6. Vasquez in 1. 2. quæst. 19. disp. 62. cap. 4. Petrum Navarra in lib. 3. de Institution. cap. 1. dub. 13. num. 237. Nostræ hujus conclusionis ratio est, quia omnem rectam & honestam operationem necesse est consequi ex recto & iusto, quod præcesserit, iudicio. Intellectus enim cujus objectum est veritas, præluce voluntati ad omnem moralem actionem, ut passim docent Aristoteles & D. Thomas. Est ergo veritas in primis investiganda antequam voluntas sese moveat ad agendum, ut præcipitur Ecclesiastici 32. *Ante omnia opera verbum verax præcedit te, & ante omnem actum consilium stabile.* At verò quisquis ab ea, quam probabiliorum iudicat, recedit opinione, ut minus probabilem sectetur, sponte ac propria electione recedit ab eo quod iudicat propius ad veritatem accedere, hoc sine & intentione, ut oppositæ parti adhæreat, quam iudicat à vero remotiorem, atque perversa intentione agit, & sciens ac volens se in maius erroris periculum agit præcipitem, & adversus propriam conscientiam rebellat, quod sine peccato fieri nequit. Eadem ratione Iudex suo prævaricatur officio, si sponte causam adjudicet Parti cuius videt jus esse minus probabile: & Medicus, si cæteris paribus circumstantiis recuset remedium efficacius, quod habet ad manum, ut aliud ægroto adhibeat, quod minus probabiliter proderit: item is à quo petitur consilium, si supprimens probabiliorum quam ipse iudicat opinionem, pro ea parte consulat quæ sibi minus videtur probabilis, in his quippe omnibus insincerè & contra bonam fidem proceditur, atque à recto scopo voluntariè aberratur, maiusque periculum præ minori eligitur.

VIII. Ubi verò æqualis ex utraque parte probabilitas apparet, adhibenda est diligentior discussio, adhibendæ quoque devotæ ad Deum preces, qui est Pater luminum, à quo descendit omne datum optimum, & omne donum perfectum, Jacobi 1. A quo si nulla illustratio, aut specialis inspiratio obtineatur, tum demum pars eligenda est quæ tutior videtur, aut quæ graviores habet Authores ac assertores. Huc omnes unà conspiciant graves Authores præter Fagnanum, qui omnem ubique averfat opinionem, ut suam ubique astringat; quam vocat moralem certitudinem, ad d. cap.

d. cap. *Ne imitatus*, num. 123. de constitut. Ad ejus autem argumentum, quod judicare de probabilitate non sit idem ac judicare de veritate, quoniam sæpe contingit ut quod reipsa falsum est, sit tamen secundum hominis judicium probabile, unde facile nascitur error circa veritatem, stante judicio probabilitatis ac verisimilitudinis; & quod æqualiter ex utraque parte dici probabile potest, non possit esse ex utraque verum, quandoquidem impossibile est ut contradictoriæ propositiones sint ex utraque parte veræ, quanvis nobis ambæ videantur etiam æqualiter probabiles: quod sit ut post judicium probabilitatis supersit dubium de veritate, quæ quidem, ut vidimus, est quid distinctum ab ipsa probabilitate; quisquis autem in dubio veritatis se determinat ad aliquid, esto habeat certum judicium de probabilitate, non tamen per hoc habet certum judicium de rei veritate, sed dubius & anceps fluctuat de veritate: quinimò si velit de rei veritate ex ea, quæ sibi videtur, probabilitate judicare, & tamen parem utrobique incellè probabilitatem judicet, multò minùs habebit unde seipsum in alteram partem determinet, sive quoad ipsam probabilitatem, sive quoad intrinsecam rei veritatem; quia cum æqualiter utramque in partem propendeat, necesse est eum æqualiter dubitare, nec potest se etiam ad opinandum, & multò minùs ad certum judicium ferendum determinare: & si velit in alterutram partem, quas æqualiter videt esse probabiles, determinare seipsum, adversabitur proprio judicio, sequè temerè effundet in alteram partem, dum conscientiam habet æqualiter dubiam; & consequenter se peccato temerè implicabit, quod inseparabiliter dubiam conscientiam operantem comitatur. Respondemus ad hæc, aliud juris esse quando nulla est necessitas se ad alterutrum determinandi; aliud autem quando occurrit ratio & via se expediendi aliunde. Quemadmodum enim imprudenter agit peregrinus in bivio positus & æqualiter dubitans utra pars bivii eò ducat quò pervenire intendit, si temerè statim se uni viarum committat, quando paulisper differendò spes est occurfus alicujus hominis à quo edoceatur; sed idem imprudentius ager si nulla talis spes affulgeat, neque valens retrocedere, sive ob itineris longinquitatem, sive ob occurrence retro præcipitia aut periculosa torrentium aut fluminum vada nocte trajicienda retrocedenti, atque in hac ænbiguitate positus præeligit ibi in bivio consistere, noctemque hibernam, hoc est longissimam & frigidissimam, impastus sub dio transigere, quàm se incertæ, & tamen probabili viæ cum dubio committere. Itaque in ambiguis & æqualiter incertis nemo se prudenter determinabit ad alterutrum, si id evitari possit; sed si prorsus necessarium ac inevitabile sit ut se determinet, suadet Christiana prudentia ut id eligatur, vel quod est probabilius, vel quod est æquè probabile, cum nihil aliud possibile occurrat; non tamen ut eligatur illud quod est minùs probabile. Si verò insistas, existere peccatum ubi quis animo dubius alterutrum eligit: id ita esse nego in casibus inevitabilis necessi-

tatis; huc enim peccatum nullatenus pertingit, modò adsit bona hominis intentio: neque causam habet sive credendi, sive dubitandi quod peccet, sed potius certitudinem quod in his rerum circumstantiis nullatenus peccet. Deus enim impossibile non jubet, neque ullam inducit peccandi necessitatem. Sic quippe decernit Concilium Trident. sess. 6. de justificatione, can. 18. *Si quis dixerit, Dei praecepta homini etiam justificato, & sub gratia constituto esse ad observandum impossibilia, anathema sit.* His concordat utraque Jurisprudencia, Impossibile obligatio nulla est, l. *Impossibile*, D. de regul. jur. cap. *Erit autem lex*, dist. 4. l. *Titius*, §. fin. D. de excusat. tutor. l. *Quae sub conditione*, §. *quoties*, D. de condit. insttit.

I X. Præterea jura ipsa in rebus lege non definitis permulta relinquunt Judicis arbitrio, ut suam, dum sit probabilis, sequatur opinionem, cap. *De causis*, §. *Illis etiam*, de offic. delegat. & l. 1. §. 1. D. de jure deliber. cum multis similibus. Sed maxime urget cap. *Inquisitioni*, de sent. excommunic. ubi Papa tria decernit. Primiò, si uxor certò sciat impedimentum proprii matrimonii, quod tamen ipse nullà ratione possit probare, ipsam teneri abstinere ab omni carnali commercio, & potius humiliter excommunicationis sententiam sustinere, quam ipsi non obedienti infligit Ecclesia, apud quam non potest illud impedimentum probare, quàm peccare mortaliter per consensum ad conjugale commercium. Secundo, si uxor ex levi credulitate existimet inesse impedimentum, debere ex sui Pastoris consilio illam levem ac temerariam credulitatem abdicare, & posse non solum reddere, sed etiam petere debitum conjugale. Tertiò, si probabilis & discreta sit illa uxoris credulitas, eo casu posse ab ea reddi debitum, non tamen exigi, ne peccet contra propriæ conscientiae judicium. Prima harum definitionum docet, non licere aliquid agere contra propriæ conscientiae certum judicium. Secunda, non esse habendam scrupulosæ conscientiae rationem. Tertia, non esse procedendum adversus opinionem probabilem, quam vocat ibi Papa credulitatem probabilem & discretam, cum hac tamen moderatione, ne alterius jus offendatur. Ergo ubi nihil suppetit certi, necesse est adherere probabili opinioni. Atque ita docent S. Antoninus 1. p. tit. 3. cap. 10. reg. 4. & Angelus & Sylvester in verb. *Opinio*, Martinus Navarra in Manuali, cap. 27. num. 281. 282. & seq. alique graves Scriptores. Et S. Thomas 1. 2. quæst. 57. art. 4. ad 2. sic dicit: *Prudentia magis convenit cum arte quàm habitus speculativi, quantum ad subiectum & materiam: utrumque enim est in opinativa parte animæ, & circumveniens aliter se habere.*

X. His ita suppositis & probatis, Confessarius jure merito potest absolutionem reculare poenitenti sic affecto, ut sciens alteram opinionem esse probabilem, & tutiorem, eligat tamen agere secundum eam, quam ipse poenitens existimat minus probabilem, & minus tutam: quandoquidem, ut superius dixi, agit contra propriam conscientiam, seque

libens

lubens exponit peccati periculo, inò peccat contra rectam iudicii regulam. Sed si pœnitenti persuasum non sit esse majorem in opposita opinione probabilitatem, & securitatem, non debet Confessarius illum ad oppositam, quam tenet, opinionem adigere, nisi Confessario compertum sit, illam pœnitentis opinionem esse improbabilem; quo casu indebitè ageret Confessarius illum absolvens, quem videt aut judicat esse incapacem. Sed si in materia non omninò certa agnoscit Confessarius opinionem illam, præ qua pœnitens non agnoscit probabiliorem, esse vere probabilem, non debet illum dimittere non absolutum. Ratio est, quia in pari causa Confessarius alterum condemnaret, simulque sibi blandiretur ac indulgeret; cum propria opinio, quam vult esse probabiliorem, possit alteri perito & probo judicari minùs probabilis, & opposita probabilior. Si itaque judicat Confessarius oppositam pœnitentis opinionem esse probabilem, videtque eundem nullam agnoscere probabiliorem ac tutiorem, incurreret Confessarius in illam Scribarum & Phariseorum condemnationem: *Alligent onera gravia & importabilia, & imponent in humeros hominum; digito autem suo nolunt ea movere.* Matth. 23. Et si Confessario illi istud jus competeret erga suum pœnitentem, idem Confessarius dum vicissim confiteretur, & pœnitentis vicem agit, posset ab alio, cui confiteretur, Sacerdote oppositam opinionem sequente adigi ad abjurandam propriam illam opinionem, etsi hæc illam existimaverit esse probabiliorem. Huc pertinet laudatissimus ille canon *Alligant*, 26. quæst. 7. Non tamen omnem Sacerdotem in prædicto casu recusantem absolvere, protinus insimulandum duxerim mortalis culpæ; nam bona fides, pia intentio, præoccupatio opinionis quæ multum invaluit, inadvertentia quoque & ignorantia venialis possunt à mortali excusare Sacerdotem. Sed ejusdem pervicacia esset mortaliter criminosa, si per eam periclitaretur salus æterna pœnitentis, & locus daretur Apostolicæ querimonie 1. Cor. 8. *Et peribis infirmus in tua scientia frater, propter quem Christus mortuus est? Sic autem peccantes in fratres & percutientes conscientiam eorum infirmam, in Christum peccatis.*

XI. Quando tamen ex oppositis opinionibus una quidem tutior est, sed altera probabilior, licitum est sequi probabiliorem, quæ hoc ipso tuta est & secuta. Cum enim ad rectè agendum requiratur præcipue veritas atque erroris fuga, inde fit ut major probabilitas in re ambigua sit præferenda, quia magis accedit ad scopum veritatis. Hoc docent Sylvester in verb. *Opinio*, num. 1. & clariùs in verb. *Dubium*, quæst. 2. num. 2. verbis istis quæ nostris conclusionibus consonantur: *Si deus casus, quod opinio securior sit minùs probabilis notabiliter, non est eligenda necessariò, quia cessat ratio dubii. Si autem probabilitas hinc inde esset æqualis, tutior eligenda est necessariò, quando ex electione alterius imminet periculum peccati mortalis.* Hæc Sylvester. Navarra quoque illud juris axioma, *Tutior pars in dubio est eligenda.*

gend., iudicat valere quidem in eo quod est propriè dubium ; sed prævalere in opinando & agendo probabilitatem, sive à ratione, sive à sufficienti autoritate ductam. Nav. cap. 27. num. 283. & S. Antoninus 1. part. tit. 3. cap. 10. §. 10. de Conscientia, regul. 4. negant esse semper imperandam tutiorem viam. Quin etiam Fagnanus ipse (quod mirum sit) tam infensus probabilium opinionum hostis ultro tandem fatetur in cap. *Ne innitatis*, de constitut. num. 225. licere sequi etiam opinionem probabiliorum, quando contraria est tutior, eo quòd vehemens ex tali probabilitate opinio pro certitudine habeatur : sicque ibidem adjungit, eum qui existimat probabiliorum esse opinionem, quam docent Sanctus Thomas, S. Bonaventura, Scotus, Durandus, Paludanus, Gabriel, Adrianus, Turrecremata, S. Antoninus, Sylvester, Covarruvias, Navarra, aliique, non esse necessariò exprimendas circumstantias notabiliter aggravantes in confessione, posse contrariam (quanvis sit tutior) opinionem neglectui habere, quanvis eam propugnent Antissiodorensis, Alensis, Marfilus, Caietanus, Victoria, Sorus, Suarcz, Coninch, & plerique alii. Addit Fagnanus sententiam Divi Thomæ hanc esse, non teneri eum qui mortaliter peccavit, confiteri statim habitam Confessoris copiam, nisi in quibusdam casibus ubi subest grave & urgens periculum. At Hugo à S. Victore, & Sanctus Bonaventura contrarium docent. Opinio S. Thomæ videtur probabilior simul & communior ; opposita verò tutior est. Is ergo qui magis probat opinionem priorem, potest eam sequi, rejecta tutiore, sed minus probabilis opposita sancti Bonaventuræ sententiâ. Hoc exemplum profert S. Antoninus loco cit. & approbat cum eo Prosper Fagianus num. 227. Quin etiam Concilium Triburiense can. 48. qui citatur in Decreto, can. fin. 30. q. 3. nihil ausus generatim definire, eo quòd multi contrariam sequerentur opinionem, ut ipsum testatur Concilium ; providet nihilominus ut conjuges de quibus incertum erat an validè contraxissent, contracto antea matrimonio liberè utantur. Contraria quidem de nullitate opinio tunc temporis erat tutior, sed istam de validitate Patres Synodi existimaverunt probabiliorum.

* XII. His subjiciendum duxi locum Francisci Sylvii eruditissimi Commentatoris Summæ Theologicæ D. Thomæ, in 1. 2. quæst. 19. art. 5. concl. 3. tum ob autoritatis ejusdem additamentum, tum quia alias obiter resolvit difficultates in praxi occurrentes. Hæc ejus verba sunt : Petes utrum hæc regula Juris, *In dubiis eligendam esse tutiorem partem*, vera sit absque exceptione ? Respondeo : Negativa verisimilior est, quando enim contingit utramque dubii partem esse tutam, non videtur esse necessarium quod eligatur ea quæ est tutior. Ac rursum quando ad sequendam partem minus tutam invitat aut hæc regula Juris, *In pari causa potior est conditio possidentis* ; aut ista, *Cum partium jura sunt obscura, res servandum est potius quam alicui* ; aut idem suadet evitatio gravis damni, quod incurreret vel inferret

inferret is qui partem tutiorem sequeretur, non est necesse illam sequi, uti neque si pars illa, quæ judicatur tuta, sit probabilior tutiore alterâ, quemadmodum colligi potest ex Sylvestro verbo *Dubium*, quæst. 2. Medina hujus quæstionis art. 6. dubitat. 4. concl. 3. Sayro lib. 1. Thesauri, cap. 13. Hallo lib. 2. cap. 3. Pesantio hujus quæstionis art. 6. dub. 4. & 5. Suar. tom. 5. in 3. part. disp. 40. sect. 5. & 6. Unde si quis agrum possideat, qui ab alio revocetur in dubium, debet quidem possessor diligenter examinare, sitne ager iste suus, an alterius? Manente tamen dubio non tenetur agrum alteri abdicare, quanvis hoc tutius foret; sed eum retinere, ac illo uti potest. Et similiter quando dubitatur de aliquo, sitne legitimus, an spurius; neque potest certò cognosci quod sit spurius, sed remanet dubium etiam post adhibitam diligentiam, ipse potest se habere pro legitimo, & hæreditatem adire tanquam legitimus, quemadmodum ostendit Sayrus d. cap. 13. imò & Ordines suscipere; quanquam consultius foret dispensationem petere, quam in tali casu possit Episcopum concedere tradit Covarruvias ad Clement. *Si furiosus*, part. 1. num. 9. & Suarez disp. 5. sect. 4. in 3. part. tom. 5. Et ex his quidam inferunt, expositum de cujus parentibus dubium est, habendum esse pro legitimo, etiam ad Ordines suscipiendos: quod quidem si constiterit, natum esse in matrimonio legitimo, solum autem dubitetur, an de illo natus sit, facile admittimus: si autem non sciatur, utrum in matrimonio natus sit, Covarruviz dicto num. 9. Alfonso Vivaldi tit. de illegitimitate, & aliorum sententiæ accedimus, existimantium quod non possit ordinari absque dispensatione saltem Episcopi. Cum enim frequentius sit quod illegitimè nati exponantur quam legitimi, major præsumptio est quod qui fuit ita expositus ut ignoretur quomodo sit natus, utrum in matrimonio, an extra; utrum ex conjugatis, an ex solutis, sit natus illegitimè, quam quod legitimè. Hæc Sylvius.

XIII. Quivis Confessarius absolvere debet eum pœnitentem, qui non vult ab opere abstinere, quod secundum probabilem piorum & doctorum aliquot hominum non reprobata in Ecclesia auctoritatem est licitum, quanvis juxta probabilem pariter aliorum auctoritatem, quam ipsemet sequitur Confessarius, habeatur minus probabilis, ut ostendunt graves Theologi & Canonistæ. Medina in 1. 2. quæst. 19. art. 6. Soto in 4. dist. 18. quæst. 2. art. 5. Navarr. cap. 26. num. 4. Sylvius suprâ citatus, alique insignes. Neque verò inde sequitur, posse quemquam operari contra suam conscientiam, quia hæc non sunt eadem, aliquem agere erga alterum bona fide & probabili opinione nixum, atque ita qui hæc in re nullum ponit obicem sacramentali absolutioni; & agere sponte sua, absque ulla ad alium secus liciteque opinantem relatione. Esto ager Confessarius erga alterum non secundum propriam opinionem, non tamen contra propriam conscientiam, quia judicare debet esse illum hic & nunc & practicè capacem absolutionis, & cum nullum absolutioni ponat obicem,

T t injustum

injustum esse si velit illum bene in suo sensu morali fundatum ad suam, idest Confessarii adigere opinionem. Est verò D. Thomæ, aliorumque Theologorum communis & approbatissima sententia, illicitum esse agere contra dubium speculativum in communi, sed plerumque occurrere obligationem consentiendi in oppositum, ob certas occurrentes circumstantias, quæ actum reddunt rationi consentaneum. Præscribat sibi quisque quascunque libuerit austeræ vitæ leges: caveant tamen terribi isti consensiores aliorum apud Deum licitam libertatem tyrannicè opprimere; considerentque, cum ipsis sibi opus sit poenitentium vices subire, aliisque Sacerdotibus interdum se absolvendos subicere, molestè laturos si pari jure & potestate compellerentur propriam illam abrogare opinionem, quam aliis ingerere volebant, si Sacerdos cui se subiciunt, cogere illos attentaret ad suscipiendam contrariam probabilitatem, cui renuciare suos ipsi poenitentes indebitè compulerant. Huc pertinet lex illa Evangelica Luc. 6. *Eadem mensura, quâ mensi fueritis, remeietur vobis.* In universum porro admonemur sacris Canonibus, cap. *Per tuas*, il 2. de simonia, & cap. *Inquisitioni*, de sent. excom. nullatenus fas esse contra conscientiæ dictamen agere, nisi post sincerè depositum dubium vel contempnunt, tamen non discessum serupulum.]

XIV. Hoc tamen constanter observandum, quod ubi Sacramenti alicujus conficiendi valor periclitaretur, aut alicujus animæ salus, totior pars semper est eligenda. Ideoque in cap. *Veniens*, de Presbytero non baptizato minist. cum quis omnibus Ordinibus, ipsoque Sacerdotio initiatus comperisset se non fuisse baptizatum, ideoque Baptismum post Sacerdotium suscepisset, gravisque ideo esset disputatio utrimque rationibus multis agitata, utrum ille Ordines validè suscepisset: ante Baptismum, protestatur Papa hunc esse dubitabilem casum, sed id tamen agendum quod tutius est; ideoque mandat ut per singulos Ordines usque ad Sacerdotium vir ille promoveatur. Aitque cap. *Ecclesie*, de consecrat. dist. 1. *Ecclesie, vel Altaria, quæ ambigua sunt de consecratione, consecrentur.* Et Synodi Quinisextæ. canon 8. *Quoties (ait) non inveniantur testes firmi, qui circa omnem dubitationem affirmant infantem esse baptizatum, debet secundum veterem & canonicum usum circa omnem hesitationem baptizari.* Sanctus quoque Gregorius Magnus lib. 12. epist. 37. ita scribit: *Hoc ritè tenere debetis, quod & nos ab antecessoribus nostris traditum accepimus, ut quoties tam de Baptismo aliquorum, quàm de Confirmatione, quàm de Ecclesiarum consecratione dubitatio habeatur, & nec scriptis, nec testibus certa ratio habeatur, ut baptizentur tales, vel confirmantur, atque Ecclesie canonicè consecrentur; ne talis dubitatio fidelibus ruina fiat: quoniam non monstratur iteratum, quod certis indicis non ostenditur ritè peractum. Hæc nos vobis tenere, & mandare docemus.* Quæ de Baptismi, Confirmationis, & Ecclesiarum consecrationis incertitudine providit Sanctus Gregorius Papa, hoc idem docet de collatione Ordinum dubia & incerta Sanctus.

Sanctus Raymundus lib. 3. Summæ, tit. de arat. ordinand. §. 1. Item si Sacerdos in dubia & incerta materia, putà in pane hordeaceo consecraverit, aut si quis in aqua distillata (quæ dubia quoque materia est) baptizaverit; docent unanimis Doctores universi, baptizandum esse denuò, vel consecrandum.

X V. Probabilitatum fontes geminos communiter indicant Doctores, vel enim ex ratione dimanant, eaque probabilitas dicitur interna vel ex auctoritate numero & auctoritate, quam vocant externam probabilitatem. Probabilitas ista quæ ab auctoritate lumitur, debet proficisci à viris pietate, eruditione & prudentiâ eximiis, quales difficilè reperias in illa Scriptorum caterva, quæ ante annos circiter triginta ut densissima nubes locustarum sese quaquaversum effudit, criminofarumque opinionum porrenta disseminavit, quibus eorum Authorum quilibet magnam & in tuto positam probabilitatem vel suo unius suffragio, auctoritateque se conciliare præsumebat: imò jactabat sibi genus humanum vinculo amplissimæ beneficentiæ astrictum ob sublata peccata mundi; quia quæ olim habebantur pro criminibus, suæ auctoritatis pondere reddidisset licita & honesta; viamque illam arctam & arduam quæ ducit in cælum, in amplissimam arcam & planitiem converterisset, quâ tñ rō & indiscriminatim universi absque ulla difficultate in cælum devenirent, solis exceptis qui tantum beneficium non agnoscerent, divinaeque illas probabilitates non exoscularentur, quorum dumtaxat est desperata salus, & certissima damnatio. Istis cæcis ducibus, eorumque sectariis ad amissam quadravit istæ querimoniæ cap. 30. *Populus ad iracundiam provocatus est, filii mendaces volentes audire legem Dei: qui dicunt videntibus, Nol te videre; & aspicientibus, Nolite aspicere nobis ea quæ rella sunt: loquimini nobis placenta, videte nobis errores.* Et his conveniunt quæ Christus enunciat Matt. 15. *Sinite illos, cæci sunt, & duces cecorum.* Cæcus autem si cæco ducatum præstet, ambo in foveam cadunt. Quamplurimis libris & saluberrimis decretis huc pesti sese effundenti primò obliterunt eruditissimi Doctores & Parochi Gallicani, quorum classico excitati plerique Regni Præfules laudatissimam operam adversus hanc perniciem contulerunt. Eadem lues per Italiam aliquandiu serpsit ut cancer. Sed tandem surrexere viri pii & eruditi, qui intrepidè Novatores istos adorti sunt. Et postremò Alexander Papa VII. illos suis obtrivit fulminibus hac subjectâ Bulla, ex qua perspectum fiet, quàm immania, atque ipsis Scythiis, nedum Christianis detestanda invexerint circa morum disciplinam dogmata, quanquam pauca dumtaxat attigerit, aliaque quamplurima æquè, aut inagis horrenda, quæ horum libris continentur & asseruntur, præterminerit. Non enim unus Hercules suffecit ad istas stabulorum Augiæ fordes evacuandas.

Feria V. die 24. Septembris 1665.

In Congregatione generali Sanctæ Romanæ & Universalis Inquisitionis, habita in Palatio Apostolico Montis Quirinalis, coram Sanctissimo D.N.D. Alexandro Divinâ Providentiâ Papa VII. ac Eminentissimis, & Reverendissimis DD. Sanctæ Romanæ Ecclesiæ Cardinalibus in tota Republica Christiana adversus hæreticam pravitatem Generalibus Inquisitoribus à Sancta Sede Apostolica specialiter deputatis.

Sanctissimus D. N. Audivit non sine magno animi sui mœrore, complures opiniones Christianæ Disciplinæ relaxativas, & animarum perniciem inferentes, partim antiquatas iterum suscitari, partim noviter prodire, & summam illam luxuriantium ingeniorum licentiam in dies magis excrefcere, per quam in rebus ad conscientiam pertinentibus modus opinandi irrepsit alienus omninò ab Evangelica simplicitate, Sanctorumque Patrum doctrina; & quem si pro recta regula Fideles in praxi sequerentur, ingens eruptura esset Christianæ vitæ corruptela. Quare ne ullo unquam tempore viam salutis, quam suprema Veritas Deus, cujus verba in æternum permanent, arctam esse definivit, in animarum perniciem dilatarî, seu verius perverti contingeret, idem Sanctissimus D. N. ut oves sibi credigas ab ejusmodi spatiofa, lataque, per quam itur ad perditionem, via pro pastoralî sollicitudine in rectam semitam evocaret, earundem opinionum examen pluribus in Sacra Theologia Magistris, & deinde Eminentissimis, & Reverendissimis DD. Cardinalibus contra hæreticam pravitatem Generalibus Inquisitoribus seriò commisit. Qui tantum negotium strenuè aggressi, cique sedulò incumbentes, & maturè discussis usque ad hanc diem infra scriptis propositionibus, super unaquaque ipsarum sua suffragia Sanctitati suæ sigillatim exposuerunt.

PROPOSITIO I. Homo nullo unquam vitæ suæ tempore tenetur elicere actum Fidei, Spei & Charitatis ex vi præceptorum divinorum ad eas virtutes pertinentium.

1. Vir Equestris ad duellum provocatus potest illud acceptare, ne timiditatis notam apud alios incurrar.
2. Sententia asserens, Bullam Cœnæ solùm prohibere absolutionem hæresis, & aliorum criminum, quando publica sunt, & id non derogare facultati Tridentini, in qua de occultis criminibus sermo est, anno 1629. 18. Julii in Consistorio Sacræ Congregationis Eminentissimorum Cardinalium visa & tolerata est.

4. Prælati

4. Prælati Regulares possunt in foro conscientie absolvere quoscunque seculares ab hæresi occulta, & ab excommunicatione propter eam incursum.
5. Quavis evidenter tibi constet Petrum esse hæreticum, non teneris denunciare, si probare non possis.
6. Confessarius qui in Sacramentali Confessione tribuit Pœnitenti chartam postea legendam, in qua ad venerem incitat, non censetur sollicitasse in confessione, ac proinde non est denunciandus.
7. Modus evadendi obligationem denunciandæ sollicitationis est, si sollicitatus confiteatur cum sollicitante; hic potest ipsum absolvere absque onere denunciandi.
8. Duplicatum stipendium potest Sacerdos pro eadem Missa licite accipere, applicando petenti partem etiam specialissimam fructus ipsimet celebranti correspondentem; idque post Decretum Urbani VIII.
9. Post Decretum Urbani potest Sacerdos, cui Missæ celebrandæ traduntur, per alium satisfacere, collato illi minori stipendio, aliâ parte stipendii sibi retentâ.
10. Non est contra justitiam pro pluribus sacrificiis stipendium accipere, & sacrificium unum offerre: neque etiam est contra fidelitatem, etiamsi promittam promissione etiam jumento firmatâ, danti stipendium, quod pro nullo alio offeram.
11. Peccata in confessione omissa, seu oblita ob instans periculum vitæ, aut ob aliam causam, non teneantur in sequenti confessione exprimere.
12. Mendicantes possunt absolvere à casibus Episcopis reservatis, non obtentâ ad id Episcoporum facultate.
13. Satisfacit præcepto annuæ confessionis, qui confitetur Regulari Episcopo præsentato, sed ab eo injustè reprobato.
14. Qui facit confessionem voluntariè nullam, satisfacit præcepto Ecclesiæ.
15. Pœnitens propriâ autoritate substituere sibi aliam potest, qui loco ipsius pœnitentiam adimpleat.
16. Qui Beneficium curatum habent, possunt sibi eligere in Confessarium simplicem Sacerdotem non approbatum ab Ordinario.
17. Est licitum Religioso, vel Clerico calumniatorem gravia crimina de se, vel de sua Religione spargere minantem occidere, quando alius modus defendendi non suppetit, uti suppetere non videtur, si calumniator sit paratus vel ipsi Religioso, vel ejus Religioni publicè, & coram gravissimis Viris prædicta impingere, nisi occidatur.
18. Licet interficere falsum accusatorem, falsos testes, & etiam Judicem à quo iniqua certò imminet sententia, si aliâ viâ non potest innocens damnum evitare.

19. Non peccat maritus occidens propriâ autoritate uxorem in adulterio deprehenfam.
20. Restitutio à Pio V. imposita Beneficiatis non recitantibus, non debetur in conscientia ante sententiam declaratoriam Judicis, eo quod sit pœna.
21. Is habens Capellaniam collativam, aut quodvis aliud Beneficium Ecclesiasticum, si studio literarum vacet, satisfacit suæ obligationi, si Officium per alium recitet.
22. Non est contra justitiam Beneficia Ecclesiastica non conferre gratis, quia Collator conferens illa Beneficia Ecclesiastica pecuniâ interveniente, non exigit illam pro collatione Beneficii, sed veluti pro emolumento temporali, quod tibi conferre non tenebatur.
23. Frangens jejunium Ecclesiæ, ad quod tenetur, non peccat mortaliter, nisi ex contemptu, vel inobedientia hoc faciat, putâ quia non vult se subicere præcepto.
24. Mollities, sodomia, & bestialitas sunt peccata ejusdem speciei intima, ideoque sufficit dicere in confessione, se procurasse pollutionem.
25. Qui habuit copulam cum soluta, satisfacit confessionis præcepto, dicens: Commisi cum soluta grave peccatum contra castitatem, non explicando copulam.
26. Quando litigantes habent pro se opiniones æquè probabiles, potest Judex pecuniam accipere pro ferenda sententia in favorem unius præ alio.
27. Si liber sit alicujus junioris, & moderni, debet opinio censi probabilis, dum non constet rejectam esse à Sede Apostolica tanquam improbabilem.
28. Populus non peccat, etiamsi absque ulla causa non recipiat legem à Principe promulgatam.

Quibus peractis, dum similium propositionum examini cura & studium impenditur, interea idem Sanctissimus re maturè consideratâ statuit, & decrevit prædictas propositiones, & unamquamque ipsarum, utminimùm tanquam scandalosas esse damandas, & prohibendas, sicut eas damnat, ac prohibet: ita ut quicumque illas aut conjunctim, aut divisim docuerit, defenderit, ediderit, aut de eis etiam disputativè publicè, aut privatim tractaverit, nisi forsân impugnando, ipso facto incidat in excommunicationem, à qua non possit (præterquam in articulo mortis) ab alio, quacunque etiam dignitate fulgente, nisi à pro tempore existente Romano Pontifice absolvi.

Insuper districtè in virtute sanctæ obedientiæ, & sub interminatione divini judicii prohibet omnibus Christi Fidelibus cujuscumque conditionis, dignitatis, ac status, etiam speciali, & specialissimâ notâ

notâ dignis, ne prædictas opiniones, aut aliquam ipsarum ad praxim deducant.

JOANNES LUPUS Sanctæ Romanæ, & Universalis
Inquisitionis Not. &c.

Feria V. die 18. Martii 1666.

In Congregatione generali Sanctæ Romanæ & Universalis Inquisitionis, habita in Palatio Apostolico Montis Quirinalis coram Sanctissimo D. N. D. Alexandro Divinâ Providentiâ Papa VII. ac Eminentissimis & Reverendissimis DD. S. R. E. Cardinalibus in tota Republica Christiana adversus hæreticam pravitatem Generalibus Inquisitoribus à Sancta Sede Apostolica specialiter deputatis.

SANCTISSIMUS D. N. post latum Decretum die 24. Septembris proximè elapsi, quo viginti-octo propositiones damnatæ fuerunt, examinatis sedulò & accuratè usque ad hanc diem infra scriptis aliis quadragésimum-quintum numerum implentibus per plures in Sacra Theologia Magistros, ac per Eminentissimos & Reverendissimos DD. Cardinales adversus hæreticam pravitatem Generales Inquisitores, eorum suffragia singillatim super unaquaque ipsarum audivit.

PROPOSITIO 29. In die jejunii, qui sæpiùs modicum quid comedit, etsi notabilem quantitatem in fine comederit, non frangit jejunium.

30. Omnes Officiales, qui in Republica corporaliter laborant, sunt excusati ab obligatione jejunii, nec debent se certificare, an labor sit compatibilis cum jejunio,
31. Excusantur absolute à præcepto jejunii omnes illi, qui iter agunt equitando, utcumque iter agant, etiamsi iter necessarium non sit, & etiamsi iter unius diei conficiant,
32. Non est evidens, quod consuetudo non comedendi ova, & lacticia in Quadragesima obliget.
33. Restitutio fructuum ob omissionem Horarum suppleri potest per quascunque elemosynas, quas antea Beneficiatus de fructibus sui Beneficii fecerit.
34. In die Palmarum recitans Officium Paschale satisfacit præcepto.
35. Unico Officio potest quis satisfacere duplici præcepto, pro die præsentis & crastino.
36. Regulares possunt in foro conscientie uti privilegiis suis, quæ sunt expressè revocata per Concilium Tridentinum.

37. Indu

37. Indulgentiæ concessæ Regularibus, & revocatæ à Paulo V. hodie sunt revalidatæ.
38. Mandatum Tridentini factum Sacerdoti sacrificanti ex necessitate cum peccato mortali, confitendi quamprimum, est consilium, non præceptum.
39. Illa particula, *quamprimum*, intelligitur cum Sacerdos suo tempore confitebitur.
40. Est probabilis opinio, quæ dicit, esse tantum veniale osculum habitum ob delectationem carnalem, & sensibilem, quæ ex osculo oritur, secluso periculo consensus ulterioris, & pollutionis.
41. Non est obligandus concubinarium ad ejiciendam concubinam, si hæc nimis utilis esset ad oblectamentum concubinarij, vulgò *regalo*, dum deficiente illa nimis ægrè ageret vitam, & aliæ epulæ tædio magno concubinarium afficerent, & alia famula nimis difficilè inveni-
retur.
42. Licitum est mutuanti aliquid ultra sortem exigere, si se obliget ad non repetendam sortem usque ad certum tempus.
43. Annuum legatum pro anima relictum non durat plus quàm per decem annos.
44. Quoad forum conscientie, reo correcto, ejusque contumaciâ cessante, cessant censuræ.
45. Libri prohibiti donec expurgentur, possunt retineri usquedum adhibitâ diligentia corrigantur.

Quibus maturè pensatis, idem Sanctissimus statuit, ac decrevit, prædictas propositiones, & unamquamque ipsarum, utminimùm tanquam scandalosas esse damnandas, & prohibendas, sicut eas damnat, ac prohibet; ita ut quicumque illas aut conjunctim, aut divisim docuerit, defenderit, ediderit, aut de eis etiam disputativè, publicè, aut privatim tractaverit, nisi forsan impugnando, ipso facto incidat in excommunicationem, à qua non possit (præterquàm in articulo mortis) ab alio, quacunque etiam dignitate fulgente, nisi à pro tempore existente Romano Pontifice absolvi.

Insuper districtè in virtute sanctæ obedientie, & sub interminatione divini judicii prohibet omnibus Christi Fidelibus cujuscunque conditionis, dignitatis ac status, etiam speciali & specialissima notâ dignis, ne prædictas opiniones, aut aliquam ipsarum ad praxim deducant.

JOANNES LUPUS Sanctæ Romanæ, & Universalis
Inquisitionis Not.

* XVI. Tertium ab Alexandro VII. (mediantibus Clemente IX. & X.) Pontificatum iniit Innocentius XI. qui studio ductus componendæ pacis

pacis inter Doctores Catholicos acriter nimis dissentientes, censurâ perstringit laxas quæ supererant opiniones, intactas in Alexandri Bulla; novamque procedit Bullam die 2. Martii anni 1679. in cujus fine prohibuit in virtute sanctæ obedienciæ privatis quibuscumque nova excitare dissidia & censuras aliarum propositionum, quas Suprema Sedes non proscripserit. Tenor autem Bullæ Innocentiæ is est ut sequitur.

Feria V. die 2. Martii 1679.

In generali Congregatione Sanctæ Romanæ & Universalis Inquisitionis, habita in Palatio Apostolico Vaticano coram Sanctissimo D. N. D. Innocentio Divinâ Providentiâ Papa XI. ac Eminentissimis, & Reverendissimis Dominis S. R. E. Cardinalibus in tota Republica Christiana contra hæreticam pravitatem Generalibus Inquisitoribus à Sancta Sede Apostolica specialiter deputatis.

SANCTISSIMUS D. N. INNOCENTIUS PAPA XI. prædictus ovium sibi à Deo hereditarium saluti sedulò incumbens, & salubre opus in segregandis noxiis doctrinarum pascuis ab innoxiiis, à fel. record. Alexandro VII. prædecessore suo inchoatum proseguere volens, plurimas propositiones partim ex diversis vel libris vel thesibus seu scriptis excerptas, & partim noviter adinventas, Theologorum plurium examini, & deinde Eminentissimis & Reverendissimis Dominis Cardinalibus contra hæreticam pravitatem Generalibus Inquisitoribus subjecit. Quibus propositionibus sedulò & accuratè sæpius discussis, eorumdem Eminentissimorum Cardinalium & Theologorum votis per Sanctitatem suam auditis, idem Sanctissimus D. N. re postea maturè considerata, statuit & decrevit pro nunc sequentes propositiones & unamquamque ipsarum sicut jacent, utminimùm tanquam scandalosas & in praxi perniciosas esse damnandas & prohibendas, sicuti eas damnat & prohibet: non intendens tamen Sanctitas sua per hoc decretum alias propositiones in ipso non expressas, & Sanctitati suæ quomodolibet, & ex quacumque parte exhibitas, vel exhibendas ullatenus approbare.

1. PROPOSITIO. Non est illicitum in Sacramentis conferendis sequi opinionem probabilem de valore Sacramenti, relicta tutiore, nisi id votet lex, conventio, aut periculum gravis damni incurrendi. Hinc sententia probabilis tantum utendum non est in collatione Baptismi, Ordinis Sacerdotalis, aut Episcopalis.
2. Probabiliter existimo Judicem posse judicare juxta opinionem etiam minus probabilem.

3. Generatim dum probabilitate sive intrinseca, sive extrinseca, quantumvis tenui, modò à probabilitatis finibus non exeat, consili aliquid facimus, semper prudenter agimus.
4. Ab infidelitate excusabitur infidelis non credens ductus opinione minùs probabili.
5. An peccet mortaliter qui actum dilectionis Dei semel tantum in vita eliceret, condemnare non audemus.
6. Probabile est, ne singulis quidem rigorosè quinquenniis per se obligare præceptum charitatis erga Deum.
7. Tunc solùm obligat quando tenemur justificari, & non habemus aliam viam quâ justificari possimus.
8. Comedere & bibere usque ad satietatem ob solam voluptatem, non est peccatum, modò non obsit valetudini, quia licitè potest appetitus naturalis suis actibus frui.
9. Opus conjugii ob solam voluptatem exercitum omni penitus caret culpâ ac defectu veniali.
10. Non tenemur proximum diligere actu interno & formali.
11. Præcepto proximum diligendi satisfacere possumus per solos actus externos.
12. Vix in Sæcularibus invenies, etiam in Regibus superfluum statui: & ita vix aliquis tenetur ad eleemosynam, quando tenetur tantum ex superfluo statui.
13. Si cum debita moderatione facias, potes absque peccato mortali de vita alicujus tristari, & de illius morte naturali gaudere, illam inefficaci affectu petere & desiderare, non quidem ex displicentia personæ, sed ob aliquod temporale emolumentum.
14. Licitum est absoluto desiderio cupere mortem patris, non quidem ut malum patris, sed ut bonum cupientis, quia nimirum ei obventura est pinguis hæreditas.
15. Licitum est filio gaudere de parricidio parentis à se in ebrietate perpetrato, propter ingentes divitias inde ex hæreditate consequutas.
16. Fides non censetur cadere sub præceptum speciale & secundum se.
17. Satis est actum Fidei semel in vita elicere.
18. Si à Potestate publica quis interrogetur, Fidem ingenuè confiteri, ut Deo & Fidei gloriosum consulo: tacere, ut peccaminosum per se non damno.
19. Voluntas non potest efficere ut assensus Fidei in seipso sit magis firmus, quàm mereatur pondus rationum ad assensum impellentium.
20. Hinc potest quis prudenter repudiare assensum, quem habebat supernaturali.
21. Assensus fidei supernaturalis & utilis ad salutem stat cum notitiâ solùm

solùm probabili revelationis , immò cum formidine quâ quis formidet ne non sit loquutus Deus,

22. Non nisi fides unius Dei necessaria videtur necessitate medii, non autem explicita Remuneratoris.
23. Fides latè dicta ex testimonio creaturarum, similive motivo, ad justificationem sufficit.
24. Vocare Deum in testem mendacii levis non est tanta irreverentia, propter quam velit aut possit damnare hominem.
25. Cum causa licitum est jurare sine animo jurandi, sive res sit levis, sive gravis.
26. Si quis vel solus, vel coram aliis, sive interrogatus, sive propria sponte, sive recreationis causâ, sive quocumque alio fine juret se non fecisse aliquid, quod revera fecit, intelligendo intra se aliquid aliud, quod non fecit, vel aliam viam ab ea in qua fecit, vel quodvis aliud additum verum, reverâ non mentitur, nec est perjurus.
27. Causa justa utendi his amphibologiis est quoties id necessarium aut utile est ad salutem corporis, honorem, res familiares tuendas, vel ad quemlibet alium virtutis actum, ita ut veritatis occultatio censeatur tunc expediens & studiosa.
28. Qui mediante commendatione vel munere ad Magistratum vel Officium publicum promotus est, poterit cum restrictione mentali præstare juramentum, quod de mandato Regis à similibus solet exigi, non habito respectu ad intentionem exigentis, quia non tenetur fateri crimen occultum.
29. Urgens metus gravis est causa justa Sacramentorum administrationem simulandi.
30. Fas est viro honorato occidere in vasorem qui nititur calumniam inferre, si aliter hæc ignominia vitari nequit: idem quoque dicendum si quis impingat alapam, vel fuste percutiat, & post impactam alapam, vel ictum fustis fugiat.
31. Regulariter occidere possum furem pro conservatione unius aurei.
32. Non solùm licitum est defendere defensione occisiva quæ actu possideamus, sed etiam ad quæ jus inchoatum habemus, & quæ nos possiduros speramus.
33. Licitum est tam hæredi quàm legatario contra injustè impediētem ne vel hæreditas adeatur, vel legata solvantur, se taliter defendere, sicut & jus habenti in Cathedrali vel Præbendam, contra eorum possessionem injustè impediētem.
34. Licet procurare abortum ante animationem foetus, ne puella deprehensa gravida occidatur, aut infametur.
35. Videtur probabile omnem foetum, quandiu in utero est carere anima rationali, & tunc primum incipere eandem habere cùm paritur,

V u 2 ac

ac consequenter dicendum erit in nullo abortu homicidium committi.

36. Permissum est furari, non solum in extrema necessitate, sed etiam in gravi.
37. Famuli & famulae domesticae possunt occultè heris suis surripere ad compensandam operam suam, quam majorem judicant salario quod recipiunt.
38. Non tenetur quis sub poena peccati mortalis restituere quod ablatum est per pauca furta, quantumcunque sit magna summa totalis.
39. Qui alium movet aut inducit ad inferendum grave damnum tertio, non tenetur ad restitutionem istius damni illati.
40. Contractus *Mohatra* licitus est, etiam respectu ejusdem personae, & cum contractu retrovenditionis praevis inito cum intentione lucri.
41. Cum numerata pecunia pretiosior sit numeranda, & nullus sit qui non maioris faciat pecuniam praesentem quam futuram, potest creditor aliquid ultra sortem à mutuatario exigere, & eo titulo ab usura excusari.
42. Usura non est dum ultra sortem aliquid exigitur, tanquam ex benevolentia & gratitudine debitum; sed solum si exigatur tanquam ex iustitia debitum.
43. Quidni non nisi veniale sit detrahentis auctoritatem magnam sibi noxiam falso crimine elidere?
44. Probabile est non peccare mortaliter cum qui imponit falsum crimen alicui, ut suam iustitiam & honorem defendat; & si hoc non sit probabile, vix ulla erit opinio probabilis in Theologia.
45. Dare temporale pro spirituali non est simonia, quando temporale non datur tanquam pretium, sed duntaxat tanquam motivum conferendi vel efficiendi spirituale, vel etiam quando temporale sit solum gratuita compensatio pro spirituali, aut è contra.
46. Et id quoque locum habet etiamsi temporale sit principale motivum dandi spirituale; imò etiamsi sit finis ipsius rei spiritualis, sic ut illud pluris aestimetur quam res spiritualis.
47. Cum dixit Concilium Tridentinum, eos alienis peccatis communicantes mortaliter peccare, qui nisi quos digniores & Ecclesiae magis utiles ipsi judicaverint ad Ecclesias promovent, Concilium vel primò videtur per hoc *digniores*, non aliud significare velle nisi dignitatem eligendorum, sumpto comparativo pro positivo; vel secundò loquutione minùs propria ponit digniores, ut excludat indignos, non verò dignos; vel tandem loquitur tertio quando sit concursus.
48. Tam clarum videtur fornicationem secundum se nullam involvere malitiam, & solum esse malam quia interdicta est, ut contrarium omnino rationi dissonum videatur. . .

49. Molli.

49. Mollities jure naturæ prohibita non est : unde si Deus eam non interdixisset, sæpe esset bona, & aliquando obligatoria sub mortali.
50. Copula cum conjugata, consentiente marito, non est adulterium, adeoque sufficit in confessione dicere se esse fornicatum,
51. Famulus qui submissis humeris scienter adjuvat herum suum ascendere per fenestram ad stuprandam virginem, & multoties eidem subseruit deferendo scalam, aperiendo januam, aut quid simile cooperando, non peccat mortaliter, si id faciat metu notabilis detrimenti, puta ne à domino malè tractetur, ne torvis oculis aspiciatur, ne domo expellatur.
52. Præceptum servandi festa non obligat sub mortali, seposito scandalo, si absit contemptus.
53. Satisfacit præcepto Ecclesiæ de audiendo Sacro, qui duas ejus partes, immò quatuor simul à diversis celebrantibus audit.
54. Qui non potest recitare Matutinum & Laudes, potest autem reliquas Horas, ad nihil tenetur, quia major pars trahit ad se minorem.
55. Præcepto Communionis annuæ satisficit per sacrilegam Domini manducationem.
56. Frequens Confessio & Communio, etiam in his qui gentiliter vivunt, est nota prædestinationis.
57. Probabile est sufficere attritionem naturalem, modò honestam.
58. Non tenemur Confessario interroganti fateri peccati alicujus consuetudinem.
59. Licet sacramentaliter absolvere dimidiatè tantum confessos, ratione magni concursus pœnitentium, qualis v. g. potest contingere in die magnæ alicujus Festivitatæ aut Indulgentiæ.
60. Pœnitenti habenti consuetudinem peccandi contra legem Dei, Naturæ, aut Ecclesiæ, etsi emendationis spes nulla appareat, nec est neganda, nec differenda absolutio, dummodo ore proferat se dolere & proponere emendationem.
61. Potest aliquando absolvi qui in proxima occasione peccandi versatur, quam potest, & non vult omittere; quinimò directè & ex proposito quærit, aut ei se ingerit.
62. Proxima occasio peccandi non est fugienda, quando causa aliqua utilis, aut honesta non fugiendi occurrit.
63. Licitum est quærere directè occasionem proximam peccandi pro bono spirituali, vel temporali nostro, vel proximi.
64. Absolutionis capax est homo, quantumvis laboreat ignorantia Mysteriorum Fidei, & etiam si per negligentiam etiam culpabilem nesciat Mysterium Sanctissimæ Trinitatis, & Incarnationis Domini nostri Jesu Christi.
65. Sufficit illa Mysteria semel credidisse.

Quicumque autem cujusvis conditionis, status & dignitatis illas, vel illarum aliquam conjunctim vel divisim defenderit, vel ediderit, vel de eis disputativè publicè aut privatim tractaverit vel prædicaverit, nisi forsan impugnando, ipso facto incidat in excommunicationem latæ sententiæ, à qua non possit, præterquam in articulo mortis, ab alio quocumque, etiam dignitate fulgente, nisi à pro tempore existente Romano Pontifice absolvi.

Insuper, distriktè in virtute sanctæ obedientiæ, & sub interminatione Divini Judicii prohibet omnibus Christi Fidelibus, cujuscumque conditionis, dignitatis & status, etiam speciali & specialissima nota dignis, ne prædictas opiniones, aut aliquam ipsarum ad praxim deducant.

Tandem ut ab incuriosis contentionibus Doctores, seu Scholastici, aut alii quicumque in posterum se abstineant, & ut paci & charitati consulatur, idem Sanctissimus in virtute sanctæ obedientiæ eis præcipit, ut tam in libris imprimendis ac manuscriptis, quam in Theſibus, Disputationibus ac Prædicationibus caveant ab omni censuræ & nota, necnon à quibuscumque conviciis contra eas propositiones, quæ adhuc inter Catholicos hinc inde controvertuntur, donec à Sancta Sede recognitz, super iisdem propositionibus iudicium proferatur.

FRANCISCUS RICCARDUS, Sanctæ Romanæ, & Universalis Inquisitionis Notarius.

XVII. Advertant hanc prohibitionem, suarumque animarum saluti consulant ardentes illi spiritus, à quibus certò scimus interpellatum fuisse Innocentium quo tempore hanc procudebat Constitutionem, ut ipsis invisas propositiones censurâ perstringeret; quas tamen permulti eruditissimi ac sapientissimi Ecclesiæ Doctores accuratè examinatæ suis libris approbarunt, quasque isti Novatores ultra modum privatis suis affectibus & opinionibus indulgentes, apertè publicèque damnare audent tanquam sceleratas, & quantas possunt colligationes & factiones per Dioceses excitant, ut simplices & timoratas conscientias suis erroribus involvant, Ecclesiam dilacerent, multosque ex erronea & falsa conscientia in tartarum detrudant, alioqui salvandos. Desinant illi à exitiali pertinacia, eosque damnare, quos neque Christus, neque Ecclesia damnat, nisi ipsimet falsis delusi persuasionibus damnationem sibi acquirant: sciantque sanctissimum illibatzque vitæ Pontificem, cujus admirantur virtutes ipsi Christi, Ecclesiæque hostes, dum quid jubet, aut prohibet quidquam in virtute sanctæ obedientiæ, non minùs obligare Christianos quoslibet sub pœna sempiternæ damnationis, quàm subditas ligent personas Prælati Regulares, ipsæque Monialium Priorissæ, dum hac eadem formula jubent aliquid, vel prohibent sibi subditis.]

CAPUT



C A P U T XIV.

De Satisfactione.

I. PŒNITENTI post confessionem incumbit onus satisfaciendi. Concilium Tridentinum sess. 14. cap. 8. & 9. definit Satisfactionem Sacramenti Pœnitentiæ partem esse, non quidem essentialiam, sed integram; ideòque Confessarium obligat ad illam juxta peccatorum numerum & gravitatem pœnitentibus injungendam. Tenetur enim ut minister Ecclesiæ ad Sacramenti servandam integritatem: eoque magis quàm minister Baptismi Sacerdos ad præscriptas in Baptismo ceremonias, quatenus cùm hæ sint merè accidentariæ, neque partem Baptismi constituent, ipsa tamen satisfactio pars est integrans & substantialis Sacramenti Pœnitentiæ: quemadmodum manus pars est integrans hominis, tametsi non essentialis, cùm qui manum amisit non desinat esse homo, sed partem tamen propriæ substantiæ amisit. Nec solùm ut Minister, sed præterea ut Medicus debet Sacerdos satisfactionem injungere pro pœnitentis salute; & insuper ut Judex pro justitiæ spiritualis officio, quo fungitur. Ipse verò pœnitens rationabiliter injunctam pœnitentiam subire tenetur. Reducitur satisfactio ad unum aliquod ex his tribus, jejunium, orationem, & elemosynam, ut advertit S. Thomas. Ad jejunium autem reducuntur penales quæque satisfactiones juxta prudens Sacerdotis arbitrium. At verò satisfactio, seu restitutio rerum injustè ablatarum aut detentatarum, non est arbitraria, sed stricti juris; quam Sacerdos pœnitenti tenetur ex officio injungere.

II. Usus & praxis communis Ecclesiæ Confessariis potestatem impertit, justà interveniente causâ, satisfactionem à se, vel ab alio impostam diminuendi, vel commutandi; quia plerumquò id expedit animarum saluti, pro quibus hoc Sacramentum fuit institutum. Non tamen id fieri potest extra Sacramentum, cujus est pars debita, utpote jurisdictionis Clavium, quæ non nisi in Sacramento exercetur. Hæc docet S. Raimundus lib. 1. tit. de pœnitentiis & remissionibus, §. 66. cujus hæc sunt verba: *Item ad id quod quærèbatur, utrum Sacerdotes possint facere commutationes jejuniorum, vel alterius satisfactionis, ad petitiones ipsorum pœnitentium? Credo breviter quod sic, dum tamen discretè, & propter causam, & circa subditos suos, alias non, dist. 81. cap. Presbyteros. Non tamen hoc extendo ad vota, in quibus strictius proceditur.* Quo loco Petrus de Friburgo vetus Sæmæ Raimundinæ Scholasticus, sic scribit: *Si pœnitentia injuncta fuerit oculis,*

occultè, poterit secundum Confessor relaxare, vel commutare. Eadem tradunt Navarra cap. 26. num. 22. Suarez de pœnit. disp. 38. sect. 10. Reginaldus lib. 7. num. 2. & 93. aliique communiter.

III. Cùm sint justorum hominum bona opera tribus donata prærogativis, sunt enim meritoria, impetratoria & satisfactoria: meritum quidem ita personale est, ut non alii quàm operanti applicetur, solis exceptis Christi meritis, quæ cunctis applicari voluit. At verò quorumlibet Justorum opera cæteris ad impetrationem, & satisfactionem prodesse possunt, ratione ejus, quam in Symbolo profitemur, Sanctorum Communionis, dicente quoque Regio Psalte, *Particeps ego sum omnium timendum te*: & scribente Apostolo Coloss. 1. *Adimpleo ea quæ defuncti passionum Christi, in carne mea, pro corpore ejus, quod est Ecclesia.* Cæterum illa unius pro altero satisfactio non est sacramentalis, cùm non alius quàm pœnitens Sacramentum istud suscipiat: & siquando ex justa causa permittat Confessarius, ut injuncta satisfactio possit ab alio præstari, aliquam tamen partem, quæ possit à pœnitente præstari, debet eidem in propria implenda persona præscribere, ne sit mutilum aliqua sui parte Sacramentum, Sapienter enim definit Concilium Tridentinum sess. 14. can. 3. materiam Sacramenti Pœnitentiæ esse ipsos pœnitentis actus, qui virtute Clavium elevantur ad ipsum esse Sacramenti, contritionem, confessionem, & satisfactionem.

IV. Est verò quoddam satisfactionis genus ex stricta justitiæ obligatione pœnitentem simul & Confessarium arctiùs adstringens: circa quod providè admonet Concilium Mediolanense primum sub S. Carolo Borromeo Archiepisco, anni 1565. part. 2. cap. 6. cujus verba ad Confessariorum maiorem cautionem hic visum est adjungere. *Caveant Confessores, ne ante debitam satisfactionem illos absolvant, qui cum facultas adsit aliena restituendi, vel legata quæ ad pias causas facta sunt, persolvendi, illisque ut id facerent, superiori confessione præceptum sit, præstare neglexerint: exceptus ius qui periculose egrotant, quos tamen moneant, ut quod debent, quamprimum persolvant. Et quia interdum in falsi testis manu est, ut non solum facultatibus homines; sed etiam existimatione ac vita spoliuntur; idcirco neminem absolvant, qui falsum testimonium in judicio cum alterius detrimento dixerit, nisi prius duo duxerit, quatenus id sarciri poterit, & violatè illius existimationi suisfecerit. Nec illum quidem absolvant, qui post publicum Episcopi mentionem de indicandis rebus amissis, quid de iis sciat indicaverit, nisi hoc officium ante persolverit. Idem omni adhibita diligentia conscientiam examinent singulorum qui fuerant, & iniquos contractus exercent: neque quemquam in his casibus absolvant, nisi debita restitutio, aut satisfactio ex Canonum præscripto prius intercedat.*


V. Supradictis adjungendum, similem à Confessoribus adhibendam esse cautionem, & suspendendam absolutionem pœnitentibus, qui cùm commodè injunctas in præcedenti confessione satisfactiones adimplere potuissent,

tuissent, per focordiam neglexerunt. Remittendi enim sunt, ut quamprimùm satisfaciant, saltem ex notabili parte, priusquam nova eorum confessio excipiat, aut absolutio indulgeatur. Idcirco sciendum est ab initio confessionis, utrum pœnitens præscriptæ satisfactioni ab ultima confessione paruerit, ne tempus in audienda confessione inutili teratur, & ut pœnitentis querela præueniatur, si post editam à se confessionem inabsolutus remittatur. Denique observatu dignissimus est circa falsas pœnitentias, quibus nulla impertienda est absolutio, canon 22. Concilii Generalis Lateranensis sub Innocentio II. Pontifice, qui etiam attexitur in Decreto Gratiani de Pœnit. dist. 5. cap. *Falsas pœnitentias*. Sed hunc Lateranensem Canonem fusiùs quàm Gratianus proferam. Falsas declarat pœnitentias, primum quidem si quem pœniteat cæterorum peccatorum, uno tamen aliquo mortali excepto. Secundò, si quis non proponat firmiter unius peccati mortalis emendationem, etsi de aliis polliceatur: quo in numero censendi sunt quicumque proximam peccati alicujus occasionem non abdicant, aut qui officium, vel negotium, quod sine gravi peccato gerere non valent, minime derelinquunt. Tertiò quicumque odium aut vindictam proximi in corde retinent. Quartò qui offensam alteri à se illatam reparare, aut pro ea satisfacere renuunt. Quintò qui arma scienter contra iustitiam sumpta deponere nolunt, aut alioqui causæ injustæ scienter patrocinantur. Has singulas causas canon Lateranensis exprimit, quarum aliquas Gratianus improvidè suppressit, & olim expresserat Melfitanum Concilium anni 1089. cau. 16. Et sapienter S. Augustinus dicit epist. 54. ad Macedonium: *Si res aliena propter quam peccatum est, cum reddi possit, non redditur, non agitur pœnitentia, sed fingitur. Si autem veraciter agitur, non remittitur peccatum nisi restituatur ablatum*. Et post pauca interjecta prosequitur: *Si iustitia sincerius consulatur, iustus dicitur Advocatus, Redde quod accepisti quando contra veritatem fecisti, iniquitatis adjuisti, iudicemque fecisti, iustam causam oppressisti, de falso vicisti*.



C A P U T X V.

De extrema Unctionis Sacramento.

- I.  **S**TATUS Sacramenti doctrinam breviter tradit Sanctus Jacobus Apostolus his verbis: *Infirmatur quis in vobis? Inducat Presbyteros Ecclesie, & orent super eum, ungentes eum oleo in nomine Domini: & oratio fidei salvabit infirmum, & alleviabit eum Dominus; & si in peccatis sit, remittentur ei*. Hic exprimitur Sacramenti

X x hujus

hujus subiectum, ille scilicet qui infirmatur: Et materia in olei unctione: Et forma in oratione fidei super infirmum: Et minister in Presbytero Ecclesie: Et gratia in peccatorum remissione, alique effectus particulares in salvatione, & in alleviatione infirmi. Hujus unctionis cum nomine Sacramenti meminit Innocentius Papa I. in epist. 1. ad Decentium, cap. 8. & habetur in cap. *Illud superfluum*, dist. 95.

I I. Literæ Eugenii Papæ IV. Concilio Florentino adnexæ, & pariter Copilium Tridentinum sess. 14. declarant hujus materiam Sacramenti esse oleum ab Episcopo benedictum. Omnes verò Catholici Doctores, qui Concilium istud vel præcesserunt, vel subsequuti sunt, conveniunt esse de essentia Sacramenti, ut illud oleum fuerit ab Episcopo benedictum, excepto Caietano, qui in 3. p. quæst. 72. art. 3. hac de re subdubitat. Sed cum strictè & dogmaticè Eugenius Pontifex & Concilium Tridentinum loquantur, & oleum expriment ab Episcopo benedictum, nihil planè requirunt ad materiam, quod non pertineat ad Sacramenti essentiam. Etenim cum aqua Baptismi ex Ecclesie præscripto debeat esse solemniter benedicta, quia tamen benedictio ista non spectat ad Baptismi essentiam, nusquam Concilia affirmant debere in Baptismo adhiberi aquam benedictam, sed solum aquam naturalem. Si tamen sit metuendi causa, ne oleum benedictum aliquando deficiat, concedunt ipsa Ritualia Summorum Pontificum jussu edita, & communiter Doctores, posse cum oleo benedicto aliud simplex oleum à Sacerdote committeri.

I I I. Unctiones hujus Sacramenti septem recensentur ab Eugenio Pontifice in instructione Armenorum, scilicet oculorum, aurium, narium, oris, manuum, propter quinque sensus; deinde sextò pedum, propter gressus; septimo renum, propter carnis delectationem. Sed solæ quinque sensuum unctiones exiguntur de necessitate, si non Sacramenti, ad minus præcepti, ex omnium Fidelium consensu & praxi; adeò ut si ex his quinque una aliqua unctio omittatur, reddatur dubius & incertus valde Sacramenti: plerique namque asseverant, pertinere omnes quinque ad hujus Sacramenti essentiam. Sexta verò in pedibus alicubi est de præcepti obligatione, & alicubi non est, quatenus in multis Ecclesiis omitti solet, ut notat Suarez in 3. p. disput. 40. sect. 2. n. 6. Nescio tamen, an sit aliquis in hoc Regno locus, in quo soleat pedum unctio omitti. Septima verò, quæ est renum unctio, in omnibus ferè Ecclesiis solet omitti, nec est de obligatione præcepti. Unctiones porro quinque sensuum ubique ex præcepti necessitate debent adhiberi. Cujus præcepti ratio est, quia cum nihil sit in intellectu quod non præcesserit in sensu, inde fit ut omnia peccata ex sensibus corporis originem ducant; atque ita per curationem & corroborationem omnium sensuum sanatur à peccato, & corroboratur integer homo.

I V. Porro aliorum disputationi relinquo, utrum essentia istius Sacramenti

menti perficiatur in quavis unctione, quæ prima de quinque supradictis adhibetur, ita ut reliquæ sint solummodò partes integrales Sacramenti, quemadmodum septem Ordines complent unum Ordinis Sacramentum, tametsi seorsim singuli Ordines ex multorum sententia rationem ac essentiam in se contineant Sacramenti Ordinis; & quemadmodum singulæ partes specierum Sacræ Eucharistiæ seorsim continent totam Eucharistiæ essentiam: an verò quinque unctiones sint collectivè, seu conjunctim de Sacramenti essentia. Secundùm priorem sententiam sufficere posset una unctio ad Sacramenti essentiam, quanvis non sufficeret ad præcepti obligationem. Altera verò sententia opposita communior est: nihil tamen certi in utramvis partem asseri potest.

V. Etiam si plures sint Extremæ Unctionis effectus ultra peccatorum remissionem, hæc tamen sola tanti momenti est, ut ille etiam inungendus sit, qui cæterorum effectuum sit incapax. Nam is qui usu rationis prorsus excidit, non opus habet ut adversùs tentationes adversarias roboretur, neque ut ejus animus sive torpore, sive terrore depressus erigatur; & nihilominus inungi debet ut peccatorum præcedentium, sive mortalium, sive venialium reliquiæ in eo aboleantur. Potest namque Sacramentum istud primam etiam ac justificantem gratiam conferre illi qui vel ex oblivione, vel ex impotentia loquendi, vel ex superveniente dementia nequit confiteri, dummodò post ultimum mortale peccatum fuerit sufficienter attritus. Adeoque fieri potest juxta Navarrum cap. 22. num. 13. ut quis moriens inunctus damnetur, qui unctus salutem æternam fuisset consequutus. Quod idem docent Suarez disp. 42. sect. 1. num. 10. Coninch disp. 19. dub. 5. num. 19. & alij.

VI. Plures exiguntur conditiones, ut possit aliquis Extrema Unctione liniri. 1. Ut sit baptizatus; est enim Baptismus aditus Ecclesiæ, & janua Sacramentorum. 2. Ut aliquando fuerit rationis compos, & peccaverit, alioqui enim incapax erit eorum effectuum, quorum causâ fuit hoc Sacramentum institutum. 3. Ut inungendus ita ægrotet, ut de morte imminente periclitetur, idque insinuat S. Jacobus per vocem *ad mortem*, quæ ferè oppressum morbo ac deficientem significat. Ideoque non est ministrandum hoc Sacramentum damnatis ad mortem adhuc corpore sanis, neque in periculo naufragii constitutis; de solis enim infirmis loquitur Apostolus: sed potest ministrari illis quos extremæ senectutis languor in periculum imminens interitus adduxit, quanvis alius in eis morbus non deprehendatur, ut communiter asserunt Doctores.

VII. Minimè debet hoc Sacramentum iterari, dum idem perdurat mortis periculum & morbi status. Potest verò iterum ministrari, si morbi status immutetur, ita ut licèt morbus non abcesserit, cessaverit tamen aliquo temporis intervallo periculum mortis, quod tamen postea ingravescente vi morbi redierit. Debetque illud intervallum esse notabile, atque

X x 2 ejus

ejus interruptionis, ut duo illa intermissa pericula verè ac certò disjuncta dici possint. Atque hæc est unanimis Doctorum sententia, & constans Ecclesiæ praxis.


VIII. Respectu infirmi nullum ei præceptum imponitur petendi hoc Sacramentum, quanvis peccare per venialem negligentiam possit, non tamen mortaliter, nisi per contemptum. Deus enim & Ecclesia non judicaverunt propter alias quidem rationes, sed maximè propter conflictus quos excitat una ex parte insuperabilis aliquibus etiam bonis & piis imminentiæ mortis cogitatio, aliaque ex parte conscientia timoræ formidines, ne quod in ultimum subsidium divina charitas introduxit animarum, vertatur illis in laqueum & salutis æternæ obstaculum. Verumtamen is Sacerdos cui incumbit animarum cura & Sacramentorum administratio, ligatur præcepto, & rogatus tenetur utroque titulo, justitiæ & charitatis, vel perse, vel per alium Sacerdotem administrare hoc Sacramentum. Imò verò etiam non rogatus, si advertit ægrum in eo statu esse, ut hoc indigeat Sacramento: maximè verò si aliàs sine ullo omnino Sacramento sit ex hac vita discessurus, dubitandum non est, Parochum hæc advertentem & negligentem peccare mortaliter. Peccat denique mortaliter quisquis sibi mortalis peccati conscius suscipit istud Sacramentum, nullâ præmissâ vel confessione, vel dolore peccati. Est enim gravis injuria & merum sacrilegium erga Sacramentum, & damnabilis incuria salutis æternæ.

IX. Nemini Sacerdoti licet præter Parochum, aut de Parochi licentiâ, Sacramentum Extremæ Unctionis ministrare, etiam prætextu extremæ necessitatis: & Religiosus incurrit ipso facto excommunicationem Papæ referatam, qui id facere præsumpserit. Clement. 1. de privileg.



C A P U T XVI.

De Ordinis Sacramento.

I.  SACRAMENTUM Ordinis ita definitur à Magistro Sententiarum in 4. dist. 24. lit. K. Signaculum quoddam sacrum, quo spiritualis potestas traditur ordinato ad officium. Septem Ordinum species numerantur: Sacerdotum, Diaconorum, Subdiaconorum, Acolythorum, Exorcistarum, Lectorum, Ostiariorum. Hos enim singillatim recenset Clemens Pontifex epist. 2. ad Jacobum fratrem Domini, & Cornelius Papa epist. ad Fabianum Antiochenum, apud Eusebium lib. 6. histor. Eccles. cap. 42. & Caius Pontifex epist. ad

ad Felicem, Concilium Romanum sub Sylvestro, can. 3. & Carthaginense I. V. can. 3. 4. 5. 6. 7. 8. & 9. cui subscripsit S. Augustinus; & novissimè Concilium Tridentinum sess. 23. cap. 2. Tres horum priores, Sacerdotium, Diaconatus, Subdiaconatus, per anonomasiam vocantur Sacri, quia cæteris quatuor in sacro Altaris ministerio & prærogativa assistentiæ & officii circa Divinum Sacrificium antecellunt, & simul Clericos à quibus suscepti sunt, perpetuæ continentię lege astringunt, ut non modò impediatur in eis Futurum matrimonium, sed etiam dirimant suscepto jam Ordine contractum, ex Apostolicis traditionibus & Ecclesiasticis institutionibus, quanquam Subdiaconatus non fuerit olim sacris Ordinibus accensus, ut perspicuum est ex cap. Nullus in Episcopum, dist. 60. & apertè docet Innocentius III. cap. A multis, de ætat. & qual. & ordin.

¶ I I. Non opus est ut hic recenseam cæterorum Ordinum officia vulgo notissima, sed solius Diaconatus, in quo gravior est difficultas. Huic Ordini adnexum officium sic exprimitur in Pontificali: *Diaconum enim oportet ministrare ad Altare, baptizare, & prædicare.* Baptismi & prædicationis Diaconorum exempla proferunt Acta Apostolorum in Stephano & Philippo primis Ecclesiæ Diaconis. Verumtamen nunc temporis officium baptizandi non competit Diaconis, nisi ex commissione Sacerdotis, aut ex necessitatis causa. Sic enim decernit Papa Gelasius in cap. Diaconos, dist. 93. *Abque Episcopo vel Presbytero Diaconi baptizare non audeant, nisi prædictis Ordinibus fortasse longius constitutus, necessitas extrema compellat.* Præterea cap. Constat, de consecrat. dist. 4. *Constat (inquit) Baptisma solis Sacerdotibus esse tractandum, ejusque ministerium nec ipsis Diaconis explere licium.* Itaque Baptismi administratio non pertinet de jure ordinario ad Diaconum, sed vel titulo commissionis, vel jure necessitatis. Præfens Ecclesiæ praxis, & jam inde à multis seculis inveterata consuetudo præcipuum ac ordinarium Diaconi officium in eo constituit, ut Evangelium in Missa solenniter decantet, Sacerdotique sacrum facienti proximè assistat. Sub primitiva tamen Ecclesiæ præcipuum & ordinarium Diaconi ministerium in hoc versabatur, ut communicantibus ad sacram mensam Fidelibus sacrum Calicem porrigeret, ex quo Christi sanguinem biberent, quemadmodum Sanctus Ambrosius illustrem Diaconum & Martyrem Laurentium introducit lib. 1. Officiorum, cap. 41. sic compellantem Sixtum Pontificem ad martyrium properantem: *Experire utrum ministrum idoneum elegeris, cui commissi Domini Sanguinis dispensationem.* Sanctus quoque Cyprianus tract. de lapsis, loquens de puellula infante, cui juxta primitivæ consuetudinem Ecclesiæ tradebatur mystica Communio, sic ait: *Solennibus adimpletis, calicem Diaconus offerre presentibus capit.* Et post pauca: *Perstis tamen Diaconus, & relictanti licet de Sacramento calicis infudit.* Quin etiam aliis quàm Sacerdotibus poterant olim Diaconi ipsum Sacramentum sub specie panis ministrare, ut docet Nicænæ Synodi canon 14. Et S. Justinus Martyr in extrema

apologia secunda testatur moris fuisse, ut Diaconus sacram Eucharistiam ad Fideles absentes deferret.

III. Omnino indubitatum est apud cunctos Fideles, Sacerdotalem ordinationem, ad quam reducitur quoque Episcopalis, esse verum & perfectum Sacramentum. De Diaconatu porro pauci negant, Durandus in 4. dist. 24. quæst. 2. art. 1. Caietanus tom. 1. opusc. tract. 11. At reliqui communiter asserunt esse Sacramentum: quæ utique assertio tenenda est. Constat enim ex Aët. Apost. cap. 6. & ex Concilio Carthagenensi IV. can. 4. & ex Pontificali Romano, & ex Græcorum Euchologio, conferri Diaconatum per manuum Episcopi impositionem, dicentis: *Accipe Spiritum Sacrum*. At hujusmodi manuum impositiones in ordinatione, præsertim verò si accedat expressio collationis Spiritus sancti, gratiam conferunt certam & indubitam, ut patet ex 1. Timoth. 4. & 2. Timoth. 1. & Actuum 8. vers. 17. 18. & Joann. 10. vers. 22. 23. Insuper Anastasius Papa II. in epist. ad Anastasium Imperatorem, cap. 7. expressis verbis Sacramenti gratiam attribuit Sacerdotum & Levitarum ordinationi. Denique ista Diaconorum ordinatio destinatur ad sancta & sublimia officia, qualia paulò antè commemoravi, tam secundum primitivæ, quàm hodiernæ Ecclesiæ consuetudinem. De Subdiaconatu autem probabilis ambigi posset, an sit Sacramentum: perspicuum est enim, non fuisse olim ab Ecclesia inter sacros Ordines reputatum, Enimverò dictum Carthagenense Concilium IV. aperte declarat, neque Subdiaconatum, neque inferiores Ordines conferri per manuum impositionem, eo quod neque de majoribus sint, neque de sacris Ordinibus. Et can. *Nullus in Episcopum*, dist. 60. Subdiaconatus nominatim excluditur ab Ordinibus sacris. Synodus quoque Ancyra, can. 13. decernit, non licere Chorepiscopis ordinare Presbyteros & Diaconos: nihil verò prohibet de Subdiaconis. Ipsaque Synodus Antiochena can. 10. disertè asserit, ordinari à Chorepiscopis posse Lectores, Exorcistas & Subdiaconos; at nullatenus Diaconos vel Presbyteros. Denique Innocentius Papa III. cap. *Amplius*, de ætate & qual. & ord. præfic. negat Subdiaconatum esse sacrum ex divina, sed ex Ecclesiastica dumtaxat institutione. Communior tamen Doctorum consensus judicat, non modò Subdiaconatum, sed etiam singulos quosque minores Ordines vera esse, ac propria Sacramenta. Celibatus verò obligatio Subdiaconatui annexa, non est novæ, sed antiquissimæ institutionis. Etenim antiquissimum omnium quæ supersunt Occidentis Conciliorum, scilicet Eliberinum can. 33. deinde Agathense can. 28. & Turonense secundum can. 20. Sanctusque Epiphanius in hæres Catharorum, quæ est 59. idemque in fine Operis adversus hæreses, disertè negant licitum esse Subdiaconis uxorem habere vel ducere.

IV. Ordinarium Ministrum Ordinis Episcopum esse, in confesso est apud omnes, eaque fuit constans Ecclesiæ ab initio praxis, & definiturunt

runt antiqui Canones, deinde Florentini, ac novissimè Tridentini Concilii sess. 23. can. 7. Attamen eadem sess. 23. cap. 10. de reform. permittitur quibusdam Abbatibus, ut subditis sibi Religiosis conferant Tonfuram & minores Ordines: idemque permiserant anteriores Canones Abbatibus Sacerdotibus & ab Episcopo benedictis, cap. *Quoniam videmus*, dist. 69. & cap. *Cum contingat*, de ætat. & qual. & ord. præfic.

V. Ordinari nemo debet nisi per proprium Episcopum, aut cum ejus licentia, de qua constat per Literas dimissorias ab eo concessas. Proprius Episcopus constituitur triplici ratione, vel originis, vel domicilii, vel Beneficii quod Clericus possidet intra ejus diocesis fines: sic enim decernitur cap. *Cum nullus*, de tempor. ordin. in 6. *Cum nullus Clericum Parochia aliena præter Superioris ipsius licentiam debeat ordinare*, Superior intelligitur in hoc casu Episcopus, de cujus Diocesi est is qui ad Ordines promoveri desiderat, oriundus; seu in cujus Diocesi Beneficium obrinet Ecclesiasticum, seu habet (licet alibi natus fuerit) domicilium in eadem. Porro illud censi debet domicilium, in quo quis inhabitat saltem majore anni parte, aut in quo habet majorem rerum suarum partem, ut ibi docet Glossa verb. *Domicilium*. Idque liquidò statuitur l. 1. & Auth. *Qua in provincia*, C. ubi de crim. agi oport. & l. *Senatores*, C. ubi Senatores & clariss. conven.

V I. Quod attinet ad Episcopum originis, duplex censi potest otigo ex jure communi, quod nunc etiam viget in Italia: nam alia est origo respectu loci in quo aliquis natus est, & alia respectu loci in quo pater ejus natus est. Sic is qui natus est Mediolani à patre qui natus fuerat Genue, duplicem habet originis Episcopum, potestque horum alterum pro libito ad Ordines suscipiendos eligere, vel Mediolanensem, vel Genuensem Antistitem. Ita docent Zerola prax. Episc. p. 2. verb. *Dimissoria*, Bonacina de Sacrament. disp. 8. quæst. unica, punct. 4. num. 13. Barbosa de officio & pot. Episc. p. 2. alleg. 4. num. 4. & seqq. Idque fundatur in l. *Assumptio*, §. 1. D. ad municip. & l. *Filius*, C. de municip. lib. 10. In Gallia tamen Regno non alius agnosci solet originis Episcopus, quàm is in cujus diocesi quis natus sit.

V II. Alio præterea titulo potest aliquis proprium nancisci Episcopum à quo possit ordinari, scilicet continuato, nec interpolato triennio familiaritatis, hoc est comorationis cum Episcopo, tanquam unus de ejus familia, dummodo statim re ipsa Episcopus ei Beneficium Ecclesiasticum conferat, ut statuit Concilium Tridentinum sess. 23. cap. 9. de reform.

V III. Is qui à Sede Apostolica privilegium obtinuit ad suscipiendos Ordines à quocunque Episcopo communionem habente Sedis Apostolicæ, non indiget Dimissoriis, sed tamen ad suscipiendos Ordines debet esse præmunitus literis testimonialibus proprii Ordinarii de vita & moribus, & quod non sit aliquo impedimento aut irregularitate, de qua constet, præpeditus. Bonacina de Sacramentis disp. 8. quæst. unica, punct. 4. num. 27.

num. 27. Joan. Bapt. Ciatlinius contro. forens. lib. 1. cap. 46. num. 23. Barbosa de offic. & pot. Episc. p. 2. alleg. 7. num. 15. Si secus, & sine testimonialibus ordinetur, remanet suspensus ab exercitio Ordinis taliter suscepti; & qui eum ordinavit Episcopus, suspensionem incurrit per integrum annum à collatione Ordinum, juxta Concilium Trident. sess. 23. cap. 8. ad fin. de reform.

I X. Episcopus qui alterius Episcopi subditum laicum clericali Tonsurâ citra ejus licentiam initiavit, æque suspensus est ac si alienum Clericum sine Dimissoriis ordinasset, ut declaravit Urbanus Papa VIII. in sua Constitutione quæ incipit *Secretis*, 11. Decembris 1624. & refertur ad longum à Barbosa loc. cit. alleg. 8.

X. Eadem Urbani Constitutio pœnam suspensionis illis infligit, qui scienter se fecerint ordinari cum falsis, aut fictis, aut fiduciariis titulis. Quod idem fuerat antea decretum per cap. *Neminem*, & cap. *Sanctorum*, dist. 70. statuente talem ordinationem esse vacuum & irritam: ubi Glossa id exponit secundum Ordinis executionem. His simile decernitur à Concilio Trident. sess. 21. cap. 2. de reform. Cæterum duplex opinio agitur circa istud Tridentinum Decretum. Prima asserit hic innovari pœnas per d. cap. *Neminem*, & cap. *Sanctorum* constitutas, eo quod Concilium ibi dicat pluraliter, *pœnas innovando*: quod non potest in unica pœna verificari; & ideo fatendum esse, quod ille ex Decreto Concilii suspensus sit, qui sine vero titulo fuerit ordinatus. Alii verò asseverant, fuisse à Concilio solam illam renovatam pœnam, quam exprimit cap. *Cum secundum*, de præbend. in quo Innocentius III. abrogat illam suspensionis pœnam decretam in d. cap. *Neminem*, & cap. *Sanctorum*; idque solum statuit, ut teneatur Episcopus ordinator, ejusque successores providere de alimoniis à se sine titulo ordinatum, donec ei congruum Beneficium contulerit. Hanc tuetur sententiam Barbosa d. p. 2. alleg. 20. num. 27. quam dicit à Doctoribus magis receptam; & allegat ita fuisse judicatum à Sacra Cardinalium Congregatione. Dicta verò Urbani constitutio suspensione afficiens ordinatum, non est extendenda ultra falsos, fictos & fiduciarios titulos, de quibus loquitur; quia in eis plus est malæ fidei, & gravius peccatur ob mendacium & deceptionem, quàm Episcopo illuditur.

X I. Pii II. Bulla incipiens, *Cum ex sacrorum*, suspendit in perpetuum Clericos qui se ordinari faciunt in aliquo sacro Ordine, vel extra tempora à jure statuta, vel ante legitimam ætatem, vel sine licentia aut Dimissoriis proprii Ordinarii. Idque confirmant insequentium Pontificum Bullæ, Julii III. Clementis VIII. & Pauli V. ut sileam veterum Conciliorum, & novissimi Tridentini sanctiones. Quæ suspensiones perpetuæ solâ tolluntur Papæ dispensatione. Barbosa d. p. 2. alleg. 18. n. 14.

X I I. Circa violata interstitia nullam censuram in jure decernit contra ordinatum & ordinantem, docent Navarra, Henriquez, Suarez, Sayrus, Barbosa,

Barbosa, & alii. Permittit verò Concilium Tridentinum sess. 23. cap. 11. 12. 13. & 14. ut Ordinarius ac proprius Episcopus, ubi subest necessitas, aut Ecclesiæ utilitas, possit circa Ordinum interstitia dispensare. Idemque interstitia unius anni assignat à minoribus Ordinibus ad Subdiaconatum, alteriusque anni à Subdiaconatu ad Diaconatum, & ab hoc ad Presbyteratum alterius pariter anni.

XIII. Ad primam Tonsuram prærequirit Tridentinæ sess. 23. cap. 4. ut eâ initiandus Confirmationis Sacramentum susceperit, Fidei rudimenta sciat, itemque legere & scribere. Ad minores autem Ordines, ut his initiandi linguam Latinam intelligant, cap. 21. Ad Subdiaconatum præter alias laudabiles qualitates, ut annum vigesimum secundum ordinandus attigerit, cap. 12. Ad Diaconatum, ut vigesimum-tertium: & ad Presbyteratum, ut vigesimum-quintum ætatis annum attigerit, cap. 12.

XIV. Quod attinet ad tempora ordinationum à Jure Canonico præscripta, fas est Episcopo diebus festis & Dominicis unum duosve dumtaxat minores Ordines initiare. Ad Subdiaconatum porro, aliisque majores Ordines neminem licet promoveri, nisi Sabbatis quatuor Temporum, vel Sabbato sancto, vel etiam Sabbato ante Dominicam Passionis, nisi ex Papæ dispensatione ac rescripto, quod vocant *Extratempora*, cap. de eo autem, de tempor. ordinat. Prima verò Tonsura potest conferri ab Episcopo quovis die, juxta Oltjensem, Grassium, Bonacinam, & constat ex ipsius Ecclesiæ consuetudine.

XV. Si autem Ordinum collationem palam protestetur Episcopus, se non intendere ordinare illos qui talem, aut talem habent contra Canones defectum, ut tituli, ætatis, falsarum Dimissorias, is qui sibi conscius ejusdem defectus promiscuè, nec sine peccato mortali se sistit ordinandum, & ordinatur, censendus est verè & validè ordinatus, ut docet Ludovicus Bail Parisiensis Theologus & Parisiensis Ecclesiæ Propænitentiarus in suo Examine ordinandorum. Ratio est, quia Episcopus ille per proprium sequentis ordinationis actum suam illam intentionem revocavit. Non enim censi potest voluisse sacrilegium committere, & materiam simul applicando cum forma Sacramenti hoc intendere, ut nullum fiat Sacramentum. Et Jus declarat irritam esse protestationem illius qui ex postfacto eidem proprio actu contravenit, cap. *Solicitudinem*, de appellat. & cap. *Omni casum*, junctâ Glossâ, de cenlib. Similem casum ponit Glossâ in cap. *Tua nos*, versic. *Mulierem*, de sponsalibus. Si aliquis (inquit) protestetur coram pluribus, quod omnia quæ dicit vel faciet, non faciet animo contrahendi matrimonii, & postea publicè dicat, *Consentio in se*; in isto casu dico, quod Ecclesia judicare debet pro matrimonio, quia recurrendum est ad communem verborum intelligentiam, & potuit recedere à prima voluntate. Hoc idem docet ibidem Joannes Andreas. His adde præter memoratum sacrilegium, quod nemo intendere præsumitur, horrenda

Y y etiam

etiam insequutura damna. Ex quo enim Episcopus Clericum in Sacerdotem non habens intentionem consecraverit invalidè, omnes ejus insequentes Missæ erunt idololatriæ, omnes particulæ quas consecrare ad populi Communionem, aut etiam ad morientium Viaticum voluerit, non erunt Sacramenta, nullamque participantibus causabunt gratiam: Extræ-Unionis quas conferet, irritæ prorsus erunt, omnes absolutiones penitentium inanes & invalidæ; & si eundem contingat fieri Episcopum, ejus ordinationes omnes & consecrationes nullius erunt momenti: quantâ inde sequeretur animarum strages & perditio? Non enim potest Ecclesia sacram potestatem, & internam jurisdictionem supplere; ne quidem in mortis articulo, in eo qui non est Presbyter. Itaque hoc sentiendum in proposito casu, Ordinatorem qui sic protestatus fuerat, quanvis nihil postea cogitaverit in oppositum præfatæ protestationis, hoc ipso solo suam illam protestationem revocare, quatenus ipsa materiam & formam Ordinis applicat, nisi per summum scelus, dum materiam & formam Ordinis applicat, simul intentionis actum produceret de ordinationis in individuo nullitate.

XVI. Suscipiens duos simul Ordines sacros incurrit suspensionem ab Ordine posteriori, cap. *Literas*, de temp. ordinat. Suscipiens quatuor simul Minores cum Subdiaconatu, suspensus est à Subdiaconatu, cap. 2. de eo qui furt. ord. fusc. Suscipiens Ordines minores autè legitimam ætatem, nullam censuram incurrit, ut neque is qui interstitia non servat, quanvis indubiè peccet.

XVII. Ordines sacri, ipsumque Sacerdotium validè, sed non licitè conferri possunt infantibus baptizatis, ipsisque adultis qui nec habeant, nec unquam habuerint rationis usum. Decernit quippe cap. 2. de ætat. & qual. & ordin. validè fuisse ordinatum Subdiaconum eum qui necdum attigerat discretionis annos. Et Theologi, simul cum Canonistis consentiunt valere Sacerdotium infanti baptizato collatum, Magister sententiarum lib. 4. dist. 25. & ibidem S. Thomas, S. Bonaventura, Scotus, Paludanus, Dominicus Soto & alii communiter. Idem asserendum de Confirmatione & Sacra Eucharistia; nam liquet sub Ecclesia primitiva ipsi etiam infantibus Baptismum & Confirmationem & Eucharistiam simul ministrari solita fuisse; & infantibus olim baptizatis porrigebatur bibendum de calice Christi sanguis, teste Cypriano de lapsis. Infantibus tamen non potest conferri Sacramentum Pœnitentiæ, neque Extræ-Unionis, neque Matrimonii. Ratio est, quia Pœnitentia consistit in actionibus liberis contritionis, confessionis, satisfactionis: Matrimonium in libero consensu: Extrema verò Unctio præsupponit peccata quorum reliquias debeat. Idèò adulti quoque qui nunquam rationis usum habuere, sunt trium horum Sacramentorum incapaces. Sed potest inungi insanus, qui fuerit aliquando rationis compos, atque ita peccasse potuit, Invalidè autem baptizaretur

aut

aut ordinaretur infanus qui fuisset aliquando rationis compos, nec unquam Sacramentum expetivisset; censetur enim habitualiter dissentire. Qui verò nunquam ratione usus fuit, baptizari quidem & valide, & licitè potest; ordinari autem validè quidem potest, sed nullatenus licitè.

XVIIII. De coactione porro circa ordinatum distingui debet duplex coactio: una absoluta, factaque per vim cui resisti non potest; istaque coactio reddit nullam & irritam ordinationem: altera coactio dicitur conditionata, & libertatem quidem restringit, sed non perimit; ut si quis ad evadendam sibi comminatum præsentaneam mortem consensit se ordinari, qui aliter non consensisset, talis ordinatio valet, ut docet Glossa in Clem. *Plerisque*, vers. *Vel aliquod*, de election. & Barbosa de offic. & potest. Episc. p. 2. alleg. 2. n. 6. Libertas enim auferri potest quoad actus externos ac imperatos, non tamen quoad internos ac elicitos. Nam & in illis quos tyranni excruciant usque ad mortem, supererat libertas ad gloriam vel ad damnationem committendam sufficiens. Iste tamen extortus per metum consensus qui sufficit ad ordinationis validitatem, non sufficit ad validum matrimonium, ut plenius in casu matrimonium dirimentibus explicabimus; neque etiam sufficit ad validam professionem Religionis, in quibus duobus Ecclesia exigit absolutam libertatem, & probato istiusmodi metu vel coactione, actus illòs declarat irritos.



CAPUT XVII.

De Sacramento Matrimonii, & de Sponsalibus.

I. **M**ATRIMONIUM est viri & mulieris conjunctio individuum vitæ consuetudinem continens. Instit. de patria potest. in princ. Initiatur per sponsalia de futuro, ratificatur per consensum de præsentì, perficitur per consummationem seu copulam corporum. Propriè tamen loquendo magis consistit matrimonium in animorum quàm in corporum conjunctione, cap. *Matrimonium*, & cap. *Cum iniitatur*, 27. quæst. 7. & l. *Nuptias*, D. de regul. jur.

II. Sponsalia sunt futuri matrimonii mutua promissio. Ea contrahuntur vel re, ut per subarrationem, vel annuli traditionem ad hunc finem; vel verbis, vel nutu, vel scripto, etiam inter absentes; vel per internuntium aut procuratorem, vel etiam consensu de præsentì, quum scilicet pubes simul & impubes, vel duo impuberes, in quibus malitia, idest congredivendi potentia non supplet ætatem, nuptias contrahunt per verba de

Y y 2 præsentì,

præsenti, non ineunt quidem matrimonium ratum, sed eorum conventio transit & resolvitur in sponsalia de futuro, cap. *Tua nobis*, de despons. impub. atque idèd quamvis postea in annos pubertatis provecti à matrimonio ex mutuo consensu resiliant, remaneret tamen sicut in omnibus legitimis sponsalibus impedimentum publicæ honestatis; cum tamen non sit huic impedimento locus quando irrita sunt ipso jure sponsalia, puta contracta infra septennium, aut citra sufficientem consensum, aliòve interveniente impedimento, cap. *Accessit*, eod. tit. Nequeunt autem impuberes ab initis inter se sponsalibus recedere donec annos pubertatis attigerint, qui incipiunt in pueris desinente anno decimoquarto, in feminis autem anno exacto duodecimo. Quin etiam si horum alter annos attigerit pubertatis, ei tamen nondum resiliare permittitur donec pars altera ad pubertatem pariter devenierit; tunc enim amobus liberum erit contracta sponsalia revocare, alterà etiam parte invità, cap. *De illis*, eod. tit.

III. Sponsalia de futuro etiam juramento firmata multis dissolvuntur modis. 1. Ex mutuo consensu, cap. *Præterea* 2. de sponsal. 2. Per longam unius absentiam potest pars altera novas inire nuptias, cap. *De illis*, eod. ubi Glossa requirit triennium absentie. 3. Per ingressum Religionis, cap. *Commissum*, eod. 4. Per secunda sponsalia de præsenti cum alio illicitè quidem, sed tamen validè contracta. Verùm si secunda cum alio sponsalia sint pariter de futuro, hæc non valent, perduratque priorum obligatio, cap. *Sicut* 22. eod. 5. Per Ordinis sacri susceptionem, cap. unico, de voto in 6. Præterea 6. per subsequentem fornicationem, idque in favorem solius innocentis partis, cap. *Quemadmodum*, de jurejur. 7. Per superveniens impedimentum, exempli gratià novæ affinitatis inter sponfos ex fornicatione cum consanguineo unius ex partibus in primo, vel secundo gradu. 8. Per superveniens notabilem infirmitatem aut deformitatem, quæ sit durabilis, ut sunt lepra, paralytis, amissio oculi vel nasi, d. cap. *Quemadmodum*. 9. Ex subortu capitalium inimicitiarum inter sponfos, quia coactiones frequenter sinistros exitus pariunt, cap. *Requisivit*, de sponsal.

IV. Jure veteri sponsalia de futuro duobus modis transibant in matrimonium de præsenti. 1. Per copulam inter sponfos animo maritali habitam, cap. *Is qui fidem*, de sponsal. 2. Per mutuum consensum de præsenti, etiam clandestinum, cap. 1. de clandest. despons. Sed per Concilium Tridentinum sess. 24. cap. 1. de matrim. istud revocatum fuit. Unicus ergo superest modus, scilicet consensus verbis de præsenti expressus coram Parocho & testibus duobus.

V. Ex præscripto Concilii Lateranensis cap. ult. de clandestin. despons. & Tridentini sess. 24. cap. 1. de reform. matrim. præmittendæ sunt ante nuptias denunciationes in Ecclesia; atque ad unius honesti viri assertionem, assumantis certum dirimens impedimentum, inhibendæ sunt

sunt nuptiæ contrahendæ, cap. *Præerea*, & cap. *Cum in tua Diocesi*, de sponsal.

V I. Si quis verbis usus est ambignis quasi fœminam desponsaret, & ita deceptam carnaliter cognovit sine animo desponsandi, ille non judicabitur (saltem in foro conscientiæ, in quo tamen deceptam fœminam aliâ saltem ratione indemnem præstare tenebitur) matrimonium aut sponsalia contraxisse ob defectum consensus, cap. *Tua nos duxit*, 16. cod. tit. Sed si nulla superest alia indemnificatio ratio in eo qui fœminam malitiosè decepit, nec sit notabilis admodum inæqualitas conditionum, ducere illam in foro conscientiæ tenebitur.

V II. Sponsalia clandestina sine præsentia Parochi & testium contrahi possunt non solum validè, ut omnes concedunt, sed etiam licitè. Frustra autem objicitur à quibusdam, quod quibus absolutæ nuptiæ prohibentur, his etiam prohibentur sponsalia, ut dicit lex *Oratio*, D. de sponsalibus: & lex *Si quis intor* 60. §. *Quamvis*, D. de ritu nupt. Legum enim illarum intentio huc collimat, ut nefas sit sponsalia inire iisdem personis quibus non licet nuptias contrahere; sic enim promittitur adimpletio rei omninò prohibita: at hic per sponsalia clandestina promittitur adimpletio rei licitæ; supponimus enim ambas partes posse matrimonio legitime conjungi. Nec sequitur quod illa clandestina desponsatione promittatur matrimonium clandestinum; mens namque desponsantium, & juris præsumptio est, ut promittant futurum matrimonii contractum ea formâ & modo quem Jura præscribunt, ut sit verum & validum.

V III. Si parentes pro filiis, sive puberibus, sive impuberibus sponsalia contrahunt præsentibus & scientibus ipsis filiis, sed tamen tacentibus, horum taciturnitas pro consensu habetur. Idemque jus est si sponsalia illa à parentibus conventa fuerint, filiis absentibus & ignorantibus; sed re ipsis postmodum significata filiis, si hi tacuerint, neque verbis ullis aut signis abnuerint, censentur filii tacitè factum parentum ratificasse. Utraque decisio habetur perspicuè in cap. unico, §. ultimo, de despons. impub. in 6. Hanc juris decisionem nonnulli extendunt quoque ad tutorem. Sanè lex *Si puella*, D. de sponsalibus, hoc unum edicit, non posse tutorem sponsalia vel constituere, vel dissolvere, nisi id fiat ex impuberis puellæ voluntate. Quamvis autem tutoris potestas detur in personam, sanctius tamen & naturalius simul & antiquius jus est patriæ potestatis. Et præterea præsumitur pater ob naturalem affectum semper consulere propriis liberis; cum ex adverso facili contingere possit, ut tutor sua abutatur in personam pupilli potestate ad proprium vel suorum commodum. Multò verò minus attribuenda videtur in re matrimoniali auctoritas curatoribus, cum eis non sit concessa in personas minorum, sed solum in eorum opes & rem familiarem auctoritas & ministerium, ut præclare dicit lex *In copulandis*, C. de nuptiis: quæ eadem negat eandem potestatem

Y y 3 testatam

reſtatem cognatis & affinibus circa matrimonia. Itaque placet magis opinio Innocentii Papæ & Bernardi, qui prædictum jus reſtringunt & limitant in ſolo patre, ut filius tacens conſentire judicetur; quàm opinio Oſtienſis & Gloſſæ ad d. cap. unicum, §. *Porro*, verb. *Sponſalia*, hanc juris diſpoſitionem extendentium ab ipſo patre ad quemvis alium, etiam non tutorem, neque cognatum.

I X. Ex matrimoniis clandestinis nulla naſcitur obligatio ſponſalium; cùm enim hæc matrimonia ſint decreto Concilii Tridentini ſimul nulla & illicita, perinde eſt ac ſi contracta non fuiſſent, atque ita nullam pariunt canonicam obligationem. Idem ſtatuendum de matrimonio ficto & ſimulato; cùm enim ibi deſit conſenſus, non poteſt rationem habere ſponſalium, quippe quæ ſine conſenſu non ſubſiſtunt. Reſtat ergo ut ſola impuberum matrimonialis per verba de præſenti conventio rationem induat ſponſalium, & ita pariat publicæ honeſtatis impedimentum, per d. cap. *Tua nobis*, de deſponſ. impub.

X. Si anteaſto tempore aliquis voverat caſtitem aut Religionem, non dubium quin ſubſequuta ſponſalia ſint irrita. Quod enim Deo ſemel conſecratum eſt, non poteſt ſine ſacrilegio alteri promitti aut donari. Sed ſi poſt contracta ſponſalia velit Religionem ingredi, poteſt ea de cauſa conventionem ſponſalium retractare eo magis, quia Jus permittit poſt ratum etiam, nec conſummatum matrimonium ingredi Religionem invitâ alterâ Parte, cap. 2. de converſ. conjug. Sed ſi poſt inita ſponſalia ſine propoſito ingreſſus in Religionem una Partium voveat ſimpliciter caſtitem, aut ſacros Ordines ſuſcipere intendat, gravis eſt difficultas inter Doctores, an jus habeat alterâ invitâ Parte ſponſalia retractandi. Quidam enim affirmant, in quibus ſunt S. Thomas in 4. diſt. 38. quæſt. 1. art. 3. quæſtiunc. 2. ad 1. Richardus diſt. 17. art. 3. quæſt. 2. Caietanus verb. *Perjurium*, cap. 2. Sotus in 4. diſt. 6. quæſt. 2. art. 5. §. *Perium*: Paludanus diſt. 38. quæſt. 3. art. 3. Major diſt. 27. quæſt. 5. Volunt enim excipî à futuri matrimonii promiſſione ſtatum perfectiorem, qualis eſt coelibatus ac perfecta continentia, etiamſi ſponſalia fuerint juramento firmata; id enim juramentum comprehendî ſub eadem exceptione. Hanc ſanè opinionem tam multi graves aſſertores reddunt probabilem. Nihilominus negans opinio videtur Juri & rationi magis eſſe conſentanea; illa enim ſuppoſita exceptio, neque ſignificata, neque in mente ſpondentium formata fuit, neque uſquam in Jure legatur introducta; idcôque illius prætextu non videtur derogandum alterius acquiſito juri, nec licitum eſt in præjudicium alieni juris ad altiora aſpirare; hoc enim prætextu etiam liceret alteri conjugum altero invito continentiam proſiteri poſt matrimonium conſummatum. Caſus verò proſitendæ Religionis ante conſummationem eſt in Jure ſingularis, nec debet ultra limites expreſſos extendi, aut protrahi ad quævis continentia vota; non enim major ratio hîc eſt admittendi tacitam exceptionem


nein ex prætextu majoris perfectionis, quàm in eo qui absolutè daret centum nummos alicui, subintelligendo hoc majus bonum, de quo donans ipse nihil cogitasset, nisi placuerit aliquando eisdem nummos repetere ad elemosynas pauperum. Quinimò contrarium in Jure deciditur; nam in cap. *Veniens*, qui clerici vel voventes matrim. contrah. poss. reprobatur votum continentię à muliere emissum post sponsalia, inconsulto sponso, eique permittitur matrimonium. Citatur etiam à nonnullis cap. *Ex literis* 10. de sponsalib. quo prohibetur sponso migrare ad alia vota: sed perperam; ibi namque per alia vota nihil intelligi debet nisi aliud matrimonium. Alius est formalis textus in extrav. Joannis XXII. cap. unico de voto, ubi decernitur, eum qui nondum consummato, quod contraxerat, matrimonio, suscepit Ordinem sacrum, in quo votum solenne emisit continentię, cogendum esse sub excommunicationis poena ad petitionem uxoris matrimonium consummare, nisi malit Religionem ingredi. Denique hanc negativam de voto continentię contracta sponsalia præcedentia non dirimentes, sententiam docent & allerunt Ostiensis, Innocentius, Joannes Andreas, Panormitanus, Archidiaconus in cap. *Rursus*, qui clerici vel voventes, & S. Antoninus 3. p. tit. 1. cap. 18. §. 2. Fumeus verb. *Matrimonium*; num. 2. Navarrus cap. 22. num. 27. Lessius lib. 2. cap. 41. num. 54. Coninch disp. 23. dub. 3. num. 25.

XI. Eum qui post contracta sponsalia vovit castitatem, si huic voto nolit sponsa acquiescere, scribit Sylvester verb. *Sponsalia*, q. 7. citans Paludanum, teneri ingredi Religionem, eo quòd votum suum aliter servare non possit. Sed verius est, hunc non onerari graviore debito quod nullatenus vovit: sed si Pars nolit obligationem sponsalium remittere, obligatione astringi contrahendi & consummandi matrimonii. Id perspicuum est ex prædicta extrav. unica de voto, quæ loquens de ingressu in Religionem, sic dicit de eo qui post contractas, necdum verò consummatas nuptias, castitatem solenniter vovit in Ordinis sacri susceptione: *Quod si forsau renuerit adimplere*. Ad quæ verba Glossa ita infert: *Supponit expressè quòd posse renuere, ut in servo dicitur, qui licet jussus per dominum potest nolle hereditatem adire, l. Cùm proponas, C. de hered. instit.* Hoc igitur casu, qui se continentię voto post sponsalia nuncupavit post duos menses à Jure concessos, nec potest à desponsata obtinere ut sibi promissio illa remittatur, potest, imò debet nuptias consummare, & omninò debitum petenti reddere; sed ipsi vicissim petere non licet, ut continentiam servet quantum potest. Deinde si consors præcedat, non potest superstes continentię voto astrictus ad secundas nuptias convolare, juxta cap. *Placeat*, de convers. conjug. Sed si dum vivit uxor, periculum gravissimum urgeat incontinentię, expedit omninò id votum auctoritate Superioris relaxare: quale exemplum habetur in cap. *Veniens*, qui clerici vel voventes,



CAPUT XVIII.

De materia, forma, & Ministro Sacramenti
Matrimonii.

- I.  Aucti quidam neoterici, Melchior Canus lib. 8. de locis Theologicis, cap. 5. Estius in 4. dist. 26. §. 10. & 11. scripsere hujus Sacramenti Ministrum esse Sacerdotem, ejusque verba esse formam: contrahentium autem verba aliâve signa consensus esse materiam; & quando deest Sacerdos, nihil geri inter ambas Partes præter civilem contractum. Contraria opinio est omnium aliorum Theologorum & Canonistarum communis, ipsos contrahentes esse ministros, Sacerdotem autem post Concilii Tridentini decretum non assistere ut Sacramenti hujus ministrum essentialem, sed ut testem ad hoc necessarium, ut conventio Partium habeatur pro legitimo contractu & sufficiente ad rationem Sacramenti. Sed ante Tridentinum Decretum non fuisse necessariam Parochi præsentiam ad rationem Sacramenti, quod in solo Partium baptizatarum consensu de præsentia mutuo signis sufficientibus de mutua corporum traditione expresso subsistebat: Sacerdotem verò non interfuisse nisi tanquam ministrum accidentarium & ceremonialem, & hujus Sacramenti testem. Idque est quod verbis Tertulliani significatur dicentis lib. 2. ad uxorem, in fine, matrimonia Fidelium conciliari ab Ecclesia. Ambrosius quoque epist. 70. meminit Fidelium matrimoniorum per Sacerdotem benedictionis, & per eundem in Ecclesia impositionis velaminis super Sponsam & Sponsam. Concilium Carthaginense IV. can. 13. præcipit conjugatos benedicere à Sacerdote, eisque propter hujus benedictionis venerationem præcipit insequentis noctis continentiam. Quod autem Evarestus Papa, 30. quæst. 5. can. *Aliis*, vult censeri pro stupris matrimonia in quibus neque dos, neque cognati, neque Sacerdotis benedictio intervenierit, hoc unum intendit, clandestina matrimonia, si nullâ probatione eorum veritas declaratur, ita esse suspecta, ut eorum nullitas præsumenda sit, donec nuptialis utriusque consensus probationibus omni exceptione majoribus elucescat.

II. Apertè verò fallitur Bannes, qui 1. p. quæst. 1. art. 8. dub. ult. in respons. ad 3. affirmat Magistrum, & D. Thomam, & Scotum dubitasse de hac quæstione; ipsi enim apertè suam explicant sententiam. Magister quidem in 4. dist. 28. §. *Premissa autem*, sic ait; *In hujus autem Sacramenti celebratione, sicut in aliis, quadam sunt pertinentia ad substantiam Sacramenti,*

ut consensus de presenti, qui solus sufficiat ad contrahendum matrimonium: quædam vero pertinent ad decorem & solemnitatem Sacramenti, ut parentum traditio, Sacerdotis benedictio. D. Thomas mentem quoque suam clarissimè profert in 4. dist. 26. art. 1. ad 1. his verbis: *Ad primum dicendum, quod verbis quibus consensus matrimonii exprimitur, sunt forma hujus Sacramenti; non autem benedictio Sacerdotis, quæ est quoddam sacramentale.* Atque hoc idem reperit dist. 28. art. 3. in corpore: atque inde concludit, matrimonium clandestinum esse verum Sacramentum. Similiter Scotus in 4. dist. 26. quæst. unica, §. *Sed hic est dubium*, perspicuè ait hujus formam Sacramenti esse verba quibus contrahentes consensum suum exprimunt, eisdemque sic exprimentes esse ministros Sacramenti.

III. Matrimonium habet quidem pro materia remota, seu circa quam versatur, contrahentium corpora; sicut Pœnitentia pro sua remota materia habet peccata pœnitentis. At verò Matrimonii materia proxima & intrinseca est ipse mutuus consensus signis externis expressus, quatenus habet rationem traditionis: qui idem consensus mutuè significatus, quatenus habet rationem acceptationis est ejusdem Sacramenti forma. Omnis etenim promissio & traditio donec acceptetur est ex se inefficax & indeterminata, ut rata sit vel irrita: per acceptationem autem determinatur ad esse ratum, & efficaciam sortitur ad inducendam obligationem: formæ autem proprium est determinare materiam, eique vim agendi impertiri. Illa igitur traditio est proxima istius Sacramenti materia, acceptatio verò formæ rationem sortitur.

I V. Magna quæstio est, utrum ad validitatem matrimonii requiratur mutuus consensus ad copulam; utrinque enim gravia urgent argumenta. Nam pro affirmativa favere ejus assertoribus videtur, quod ad valorem matrimonii necessariò requiritur consensus in id quod est de matrimonio essentia, cum omninò consistat matrimonium in consensu Partium. Ex quo etiam sequitur, requiri pariter consensum circa ea quæ matrimonii essentiam necessariò consequuntur. Quisquis enim rem aliquam absolute vult, idem quoque saltem virtualiter ac implicite vult ea omnia quæ ejus rei essentiam necessariò consequuntur. Atqui matrimonio essentialis est, ut suprà vidimus, corporum mutua traditio & acceptatio, quo fit ut neuter eorum sui corporis potestatem habeat, recte ipso Apostolo 1. Corinth. 7. *Mulier, inquit, sui corporis potestatem non habet, sed vir. Similiter autem & vir sui corporis potestatem non habet, sed mulier.* Sed illa utrimque translatio potestatis ac dominii in proprium corpus refertur essentialiter ad copulam: Ergo non potest subsistere matrimonium sine intentione ad copulam, & obligationis susceptione ad illam, quoties pars altera debite requirit. Præterea sacri Canones definiunt, non pertinere ad conjugium eos casus inter quos non intervenit sexuum commissio, can. *Non dubium*, can. *Cum societas*, 27. quæst. 2. Et ibid. can. *Sic quippe*, can.

ex D. Gregorio Papa desumptus est, disertè negat B. Joseph propter sexuum continentiam ad nuptias B. Virginis pervenisse, sed solum ad sponsalia ejusdem.

V. Ex parte autem negativa maximè atque invictè urget verum quod intercessit inter Beatissimam Virginem, & Sanctum Joseph connubium; cum tamen sacratissima Virgo nunquam de proposito remiserit servandæ virginittatis. Qua de re sapienter Augustinus lib. 1. de nuptiis & concup. cap. 11. sic attestatur: *Conjux vocatur ex prima fide desponsationis, quam concubitus non cognoverat Joseph, nec fuerat cogniturus, nec petierat: nec mendax manserat conjugis appellatio, ubi nec fuerat, nec futura erat ulla carnis commissio. Propter quod fidele conjugium parentes Christi vocari ambo meruerunt, non solum illa mater, verum etiam ille pater ejus, sicut conjunx matris ejus; utrumque mente, non carne.* Idque habetur 25. quæst. 2. can. *Conjux vocatur.* Idem sanctus Augustinus iteratò hoc docet lib. de consensu Evangel. cap. 1. ubi observans quod Evangelista dicat Joseph virum Mariæ, sic scribit: *Neque enim fas erat ut ob hoc eum à conjugio Maria separandum putaret, quod Virgo peperit Christum. Hoc enim exemplo magnificè insinuaturs fidelibus conjugatis, etiam servatâ pari consensu continentia, posse permanere vocarique conjugium, non permixto corporis sexu, sed custodito mentis affectu: præsertim quia potuit eis nasci filius sine ullo complexu carnali, qui propter solos filios gignendos adhibendus est.*

VI. Eadem pars negativa probatur, quia si talis conditio seu obligatio invicem continendi esset contra matrimonii substantiam, nullum & irritum esset matrimonium quod contrahitur per unam Partium, cum hac intentione & obligatione nunquam matrimonium consummandi. Et tamen oppositum sancitur in cap. *Commisum* 3. de sponsalib. Cum enim aliquis sponsalia de futuro firmata juramento contraxisset, deinde votum emisisset Religionem ingrediendi, mandat Pontifex ut ille promissum matrimonium contrahat, nec tamen consummet, sed mox Religionem ingrediatur. Præterea cap. *Verum*, de convers. conjug. definit posse conjugatum per verba de præfenti Religionem alterâ invitâ Parte ingredi, dummodo matrimonium non sit consummatum; & alteri Parti licere ad aliud matrimonium transire, quia prius matrimonium per religiosam consortis professionem quasi per mortem solutum sit. Atque ut non pauca sileam sanctorum conjugum exempla, qui virginitatem in matrimonio illibatam servaverunt, Elzearii & Delphinæ, Eduardi Anglorum Regis & Edithæ, Henrici Imperatoris & Cunegundis, celebratur Græcorum historiis conjugium Marciani Imperatoris & Pulcheriæ initum post datam utrumque fidem mutue continentie.


VII. Ad superius argumentum de mutua corporum traditione, quæ est de matrimonii essentia, ab eoque inseparabilis: respondendum, dominium illud mutuum quod alter in alterum nanciscitur per corporum traditionem, perdurare ad vitam utriusque conjugis, subsistente nihilominus oblige-

obligatione ad promissam continentiam servandam. Est enim axioma Juris Canonici, posse usum ab ipso dominio separari, cap. *Exiit qui seminat*, §. *Nec quidquam*, vers. *Nec per hoc*, de verbor. signific. in 6. & extravag. *Ad Conditorem*, in princip. eodem tit. Quin etiam in Jure Civili plerumque contingit, ut dominus ac proprietarius rei careat ejusdem usu, ad quem solum jus habet usufructuarius aut usufructuarius. Tales ergo conjugati retinere dominium in mutua corpora, sed tamen ligatum & impeditum quoad usum, quo fit ut habita inter eos copula: sacrilegii crimine macularetur ob voti transgressionem; non tamen crimine stupri aut fornicationis, quia non esset accessus ad non suam. Ad Canones pauld antè in oppositum citatos facilis est responsio, Authores scilicet horum Canonum ut distinguant intermeratum Virginis Mariæ conjugium ab aliis communibus matrimoniis ad sexuum commisionem destinatis, strictius ibi usurpant nomen matrimonii aut nuptiarum, & latius extendunt sponsaliorum notionem ac significatum; cùm tamen sponsalia propriè sumpta sint promissio de futuris nuptiis, & conventio sanctæ Mariæ cum sancto Joseph fuerit de præsentì, & non de futuro. Opposita verò aliorum Canonum & Patrum testimonia, quibus affirmant verum fuisse inter ambos matrimonium, loquuntur juxta propriam ejus vocis significationem.



C A P U T XIX.

De Matrimonio per procuratores contracto.

- I.  INIME dubitatur valuisse matrimonium per procuratorem contractum ante Tridentinum Decretum sess. 24. cap. 1. de reform. matrim. quo hæc requiritur conditio tanquam essentialis, ut contrahentes suum consensum coram Parocho & testibus expriment. In veteri Testamento matrimonium Isaac cum Rebecca contractum fuit per Eliezer internuntium, cap. *Honoratur*, 32. quæst. 2. & cap. *Ex parte* 14. de convers. conjug. & cap. *Veniens*, qui cler. vel vovent, & cap. ultimo de procur. in 6. & l. *Sufficit*, & l. ult. D. de sponsal. & l. *Mulierem*, D. de ritu nupt. omnes enim contractus qui consensu perficiuntur, possunt inter absentes ac per procuratores contrahi, l. 1. §. *Est autem*, D. de contrah. emptio. Sed hoc jus nullatenus abrogatum est per Tridentinum Decretum, ut communiter sentiunt Doctores, & præfens quoque Ecclesiæ praxis docet: neque Tridentinum exigit ut contrahentes per seipsos suum consensum coram Parocho expriment, sed simpliciter ac generatim, ut expriment coram Parocho & testibus; id verò

præstant absentes, qui per constitutos à se procuratores expriment: & qui per alium facit, per se facere videtur. Et potest quis per alium quod potest facere per seipsum, cap. *Potest quis*, de reg. jur. in 6. & qui facit per alium perinde est ac si faciat per seipsum, cap. *Qui facit*, eod.

II. Præstatum illud cap. ultimum de procur. in 6. tria decernit notatu dignissima circa procuratorem ad nuptias constitutum. Primò esse necessarium ut procurator habeat mandatum circa hoc speciale; non enim sufficeret generale: nemo enim censetur in re tanti momenti, à quo status totius vitæ futuræ dependeat, velle cum aliqua contrahere, nisi prius illam noverit & in eam consentiat, l. *Generali*, D. de ritu nupt. Secundò exigit ut procurator per se rem gerat, nec possit alium sibi subrogare, nisi hoc quoque specialiter habeat in mandato. Tertio requirit ut constituens mandatum suum non revocaverit antequam res mandata geratur, alioqui nullum erit illud à procuratore actum matrimonium, tametsi tam ipse quam ea cum qua contraxit, revocationem hujusmodi penitus ignoraverit, cum ibi deficiat alterius Partis consensus, sine quo nuptiæ conciliari nullo modo possunt. Id verò speciale est in matrimonio; ceteri enim contractus per constitutum procuratorem valide fiunt, & obligationem inducunt, si revocatio mandati non antè innotuerit procuratori & Parti, l. *Si mandassim*, D. mandati: & l. 1. §. 2. D. quod iussu: & cap. *Ex parte* 12. de rescript. & adhuc elarius in Clement. unica de renunciatione.

III. Tribus istis conditionibus quarta denum adjungenda est, ne constitutus ad matrimonium procurator mandati fines excedat sui: si enim excesserit, irritum est quod agit; non enim censetur mandans consentire, nisi servetur præscripta ab eodem conditio, l. *Diligenter*, D. mandati. Ut si mandatum fuerit de contrahendo cum Cecilia matrimonio certa dote constitutâ, invalidè contrahet mandatarius si nulla, vel minor dos constituatur. Quod idem censendum de cæteris conditionibus appositis. Coninch disput. 24. dub. 9. num. 69.

IV. Quæritur an valeat initum per procuratorem matrimonium, si post mandatum ipse mandans inciderit in amentiam, quæ perderet quo tempore procurator contrahit? Respondendum est, valere; non enim requiritur ut qui mandavit ratione utatur, dum procurator mandatum exequitur; nam aliqui si tunc temporis dormiret, aut ebrius esset, dicendum quoque esset irritum esse id omne quod à procuratore geritur, quatenus qui mandaverat jam usu rationis caret: sufficit enim quod rationis compos mandaverit, & procurator ipse dum exequitur, ratione utatur. Si in istis, quod is tamen qui per se immediatè contrahit tempore ebrietatis suæ vel amentię, nihil validum efficiat, etiamsi antea rationis compos hunc actum intendisset; id quidem verum est, magna tamen in utroque casu intervenit differentia, quia procurator valide agit, quia ratione utitur ad consensum & contractum indispensabiliter & ipso facto necessariâ. At verò dum quis

quis ebrins vel amens est, incapax est & contractus & consensus omnis per seipsum. Ita Henriquez lib. 11. de matrim. cap. 4. num. 4. Sanchez lib. 2. disp. 11. num. 12. Nullatenus verò est admittendus procurator, nisi mandatum exhibeat. Nullatenus quoque fides mandanti adhibenda est in externo foro, si mandati sui anteriorem contractui revocationem prætexat, nisi iuridice & sufficienter probet se revocasse.



C A P U T X X.

De proclamationibus Matrimonio præmittendis.

STATUTUM est in primis ab Universali Concilio Lateranensi sub Innocentio III. can. 51. qui citatur in cap. *Cum inhibitis*, de clandest. desponsat. & deinde à Tridentino sess. 24. de reformat. matrim. cap. 1. ut antequam matrimonium contrahatur, ter à proprio contrahentium Parocho tribus continuis diebus festis in Ecclesia inter Missarum solennia publicè denunciatur inter quos matrimonium sit contrahendum; quibus denunciationibus factis, si nullum legitimum opponatur impedimentum, ad celebrationem matrimonii procedi possit. Sed si probabilis apparuerit conjectura impedimenti, contractus interdicitur expressè, donec quid fieri debeat super eo manifestis constiterit documentis, d. cap. *Cum inhibitis*.

II. Si contrahentes sint diversarum Parochiarum, faciendæ sunt denunciationes in utriusque Parochia, non enim sufficienter alioqui possent impedimenta dignosci. Idemque sentiendum de diversis Dioccesibus. Alteruter enim contrahentium sive Parochus, sive Episcopus, potest eos matrimonio jungere, & uterque Episcopus potest intra fines Diocesis suæ circa has proclamationes dispensare. Bonacina de matrim. quest. 2. punct. 6. num. 7. Barbosa de potest. Episc. part. 2. alleg. 32. num. 10. & 35. Quod verò dicit Tridentinum de tribus continuis diebus festis, non est aliter intelligendum, nisi de festis non longo intervallo distantibus, non verò de festis sibi immediatè succedentibus. Suadet enim id ratio dignoscendi si qua sunt impedimenta; ad quem finem conducit ut tempus populo concedatur, in mentem si quæ sunt obstacula revocandi, & ea Parocho denunciandi; Quocirca haud ita festinanter urgenda res est, nisi gravis succurrat causa; sed interponendi sunt certi dies ab una ad alteram proclamationem: eaque est recepta ubique ferè praxis interstitii ab uno ad aliud festum unius saltem aut duorum dierum. Sanchez de matrim. lib. 3. disput. 6. num. 8. Coninch disp. 27. dub. 5. num. 47.

III. Ad Episcopum ejusque Vicarium spectat dispensatio harum proclamationum, hoc enim Ordinarii prudentiæ committit Concilium Tridentinum d. sess. 24. cap. 1. ut vel una tantum denunciatio fiat ante contractum coram Parocho ineundum, vel etiam post contractum coram Parocho inimum interdicatur consummatio, & provideatur ne simul cohabitent Partes donec factis denunciationibus in Ecclesia nihil impedimenti cognoscat. Cum autem requirat Concilium, ut Ordinarius judicet dispensationem expedire, satis declarat non nisi ex justa causa licitum esse in hac re dispensare.


IV. Juxta in hac re dispensandi causas colligunt Summistæ. Atque hæc ferè sunt quæ sequuntur, quasque referunt S. Antoninus 3. p. tit. 1. cap. 16. Sylvester verb. *Matrimonium* 6. quæst. 7. Sanchez lib. 3. disp. 9. Coninch disp. 27. dub. 6. Barbosa de potest. Episc. p. 2. alleg. 32. n. 35. & seqq. Prima causa dispensandi est quoties aliàs creditur impediendum matrimonium, sive per forisilegium, sive per injustam cognatorum, aliorumve factionem. Secunda causa est quando non nisi cum contrahentium infamia fieri proclamationes possent, ut si qui vixerunt in concubinato, habiti sint veri conjuges. Tertia quando sine gravi animæ, aut etiam rerum temporalium discrimine non possunt nuptiæ ulterius differri, ut si vir sit in periculo mortis, aut debeat extemplo longius proficisci, & necesse sit contrahere concubium, ut proles jam nata, vel concepta legitimer; aut si verisimiliter non sit depositurus affectum erga concubinam, & sic perseveraturus in statu peccati. Quarta cum duobus, ad vitandum peccatum, vel scandalum, vel infamiam, vel odia & periculosas lites & querelas ex parte parentum, expedit quamprimum nuptias inire, & periculum est si tantisper differatur, ne alterius animus ex levitate, infidelitate aut aliorum suasionibus immutetur. Casus iste tum alibi, tum ibi maxime occurrit, quum ambe simul partes in flagranti stupro deprehensæ consentiunt in matrimonium. Sanchez lib. 3. disp. 9. num. 15. Quinta causa, quando tempus instat quo nuptiæ celebrari prohibentur, nec tamen differri possunt citra grave incommodum, aut animæ periculum ex incontinentia. Sexta quando altera Partium est sub potestate tutoris, curatoris, vitrici, novercæ, aliorumve cognatorum aut affinium, qui ejus nuptias intendunt impedire, ut ipsi in ejus bona succedant, aut eam in Monasterium detrudant, vel imparibus & indignis conjugant. Barbosa d. p. 2. alleg. 32. n. 43. & 44. Coninch disp. 27. dub. 5. num. 52. & alii communiter. Septima quando summi Principes contrahunt: tum quia his aliquæ prærogativæ concedendæ sunt; tum quia cessat periculum occultum impedimenti, cum eorum genus & facta cunctis comperta sint. Octava si inter volentes nuptias contrahere sit magna disparitas, propter quam gravia instabunt obstacula ex parte emulorum aut consanguineorum. In his, aut saltem quibusdā prædictorum casuum, assunt Sanchez, Barbosa, Coninch, aliique,

aliique, teneri etiam Ordinarium dispensare à denunciationibus ad Partium petitionem, si non aliqua suspicio, aliave rationabilis causa dissuadeat à dispensatione. Ratioque est, quia Prælatus ex officio tenetur, quoad fieri commodè potest, ovium suarum periculis occurrere, si gravia & urgentia sint.

V. Quin etiam ubi urgeret gravis & apetta necessitas sine proclamationibus contrahendi, nec posset per temporis angustias Episcopus adiri, quia citò dilaberetur occasio; aut etiam si rogatus Prælatus præ sua malitia aut manifesta & iniqua pertinacia dispensare recusaret, posset sine proclamationibus contrahi matrimonium, ut si aliqui vixerint in concubinato, qui putabantur conjuges: vel si vir existat in vitæ periculo præsentis, seu mortis articulo, & vult ducere concubinam ad ejus abolendam infamiam, aut ad prolem legitimandam; vel quia id utriusque salutis expedit. Item quando cognati, affines, tutores aut potentes personæ nuptias impedire moliantur eorum quorum bonis inhiant, aut quos inæqualibus conjungere intendunt, ut non possint aliis palam nubere. His casibus aliisque, si qui similes existunt, posse absque proclamationibus, aut circa eas dispensatione procedi ad matrimonium, docent Sotus in 4. dist. 28. q. 1. art. 2. conclus. 3. §. *Ex his primum intelligitur*. Lopez 1. p. Instructorii de matrim. cap. 39. §. *Ex prædictis*: Sanchez lib. 3. disp. 10. n. 27. Coninch disp. 27. dub. 5. n. 52. & communiter cæteri.

VI. Porro assertione unius fide digni, & non suspecti circa matrimonii impedimentum impeditur matrimonium contrahendum, donec oppositum probetur. Idemque statuendum de fama communi circa impedimentum, cap. *Prætereà*, & cap. *Cum in tua*, de sponsal. & cap. *Super eo*, de consang. & affinit. His additur in d. cap. *Cum in tua*, non admitti oblatum à parentibus juramentum contra unius gravis & non suspectæ personæ denunciationem, aut contra communem famam quia ipsimet suspecti sunt, utpote parentes, nisi probationem in oppositum proferant.

VII. Eos qui intra quatuor menses post peractas denunciations matrimo-
nium non contraxerint, non posse postmodò contrahere, nisi novæ fiant arbitrio Episcopi proclamationes, affirmant Rebolus, Possevinus, Boiaccia, & Barbosa de potest. Episc. part. 2. alleg. 32. num. 55. Qui ibidem scribit, si non præmittantur denunciations, saltè esse supplendas adhibitâ unâ vel alterâ post ratum matrimonium antequam consummetur, donec elapsi fuerint dies octo post ultimam proclamationem. Atque ita judicatum refert Barbosa à Cardinalium Congregatione.



CAPUT XXI.

*De Matrimoniorum impedimentis : ac primum de
non dirimentibus.*

MATRIMONIORUM impedimenta sunt duplicis generis ; quædam enim nuptias dirimunt , hoc est invalidas reddunt ; quædam autem contractas nuptias non dirimunt , sed eas contrahi prohibent. Prima sunt simul impediencia & , dirimentia ; secunda verò impediunt contrahendum matrimonium , faciuntque illicitum , quanvis valeat contractum. Atque istius secundi generis quinque sunt impedimenta. Primum est votum simplex , sive castitatis , sive Religionis suscipiendæ. Secundum est Carechismus. Tertium sponsalia cum alio adhuc vivente contracta. Quartum est Prælati , seu Judicis interdictum contrahendi , donec plenior de impedimentis notitia accesserit. Quintum est tempus intra quod prohibet Ecclesia matrimoniorum solennia. Reliqua verò quæ nonnulli censent impedimenta , vel nulla sunt , vel à Concilio Tridentino abolita , vel à consuetudine.

I I. Qui vovêre simpliciter aut castitatem aut Religionem , illicitè contrahunt , nisi ex justa causa cum eis fuerit dispensatum ; cum enim promissionis fides hominibus servanda sit , multò magis Deo. Hoc tamen intercedit discrimen inter hæc duo vota , quoniam qui castitatem ante matrimonium voverat , potest petenti debitum reddere conjugale , ne alia pars innocens sup jure fraudetur ; sed non potest debitum exigere. At is qui voverat Religionem , utrumque licitè potest , scilicet reddere & exigere. Navarr. Manualis cap. 12. num. 80. §. *Qui consequens*. Soto , Toletus , Coninch locis mox citandis. Licet enim iste quoque castitatem implicitè voverit , quæ virtualiter in voto Religionis includitur ; attamen eam non vovit nisi in solo Religionis statu servandam. Sed uterque tamen pristini , sive castitatis , sive Religionis voti plenæ observationi reddetur adstrictus soluto per mortem alterius matrimonio , aut etiam viventis alterius Partis consensu , vel fornicatione superveniente , propter quam reddatur immunis etiam à debito nuptiali solvendo. Soto lib. 8. de just. & jur. quæst. 2. art. 1. Coninch disput. 30. dub. 3. num. 33. Toletus lib. 7. cap. 14.

I I I. Circa simplex continentia , vel Religionis votum multa suppeditat documenta D. Augustinus in epist. 70. ad Bonifacium Comitem , qui simplex vorum perpetuæ continentia & monastica professionis nuncupaverat. Sed quia Bonifacio Præfectura Africae incumberebat , quæ tunc &

Barbarorum, præsertim Vandalorum armis, & hæreticorum factionibus infestabatur, eundem à monachis, quem voverat, proposito dissuasit Augustinus. Deinde Bonifacius pristinum remittens pietatis ardorem duxit uxorem. Quare ipsum suis literis coarguit Augustinus infracti voti, quo tamen dicit eum jam non astringi dum stat matrimonium, nisi uxor quam voti hujus insciam duxerat, consentire velit in mutuam continentiam. Ex his colligitur primò justam esse & licitam suasionem, ut quis ab incundæ religioſæ vitæ voto emisso abducatur & dispensetur, si manifestè majus bonum excludat, ut suavitè Augustinus. Secundò, eum qui simplici voto continentia se obstrinxit, si matrimonii jugum suscipiat, graviter peccare; quod idem testatur Apostolus de viduis nubere volentibus, & idcirco habentibus damnationem, quia primam fidem irritam fecerunt, 1. Timoth. 5. non tamen peccare si conjugii innocentem ac petenti debitum reddat. Nihil tamen distinguit Augustinus ibidem, an voti continentia reus possit idem debitum petere; sive quia satius duxit nihil insinuare hac in parte, virumque in sua bona fide relinquere, ubi grave periculum & occasio inevitabilis urgebat; sive quia ipse existimabat multum de jure innocentis uxoris diminui, si nullum habere possit matrimonii usum, nisi cum damno pudoris & verecundia, quæ decet sanctè educatas & pudicas feminas. Tertiò, si alter conjugum qui non est voto astrictus, consentiat in mutuam continentiam, aut si ejus morte dirimatur conjugium, teneri alterum, qui voverat, conjugem pristino continentia voto, nec posse secundis nuptiis alligari.

IV. Gravis quaestio est, utrum qui post votum simplex castitatis aut Religionis contraxit per verba de præſenti matrimonium, teneatur ante consummationem ingredi monasterium? Affirmativè quidem respondendum est de illo qui voverat Religionem; ab hoc enim voto non est solutus, neque suspensus per illud matrimonium, cum constet, eum etiam qui nullo modo vovit, posse ante consummationem à matrimonio resilire hoc sine Religionem ingrediendi. Sed major est difficultas in eo qui non Religionem, sed continentiam vovit ante matrimonium. Videtur enim, si nondum consummaverit contractum matrimonium, obligari ad Religionis ingressum, cum hoc unico modo possit adhuc suum continentia votum adimplere, & quia omne votum oblatà opportunitate persolvendum est; hic autem unica superest illa opportunitas, quæ neglecta, non erit amplius locus voti obligationi persolvendæ: ideoque teneri ad ingressum monasterii, docent Sylvester verb. *Matrimonium* 7. quaest. 5. & Navarra cap. 12. num. 86. Sed verisimilior est sententia Dominici Soto in 4. Sent. dist. 38. quaest. 2. art. 1. quem sequitur communior Doctorum consensus, non teneri Religionis subeundæ obligatione, quam nullatenus vovit; nec ad servandam castitatem obligari ad eligendum medium tam durum & extraordinarium. Id confirmatur per extrav. *Antiqua*, Joan. XXII. de voto.

ubi uxorum ante matrimonii consummationem sine consensu uxoris suscipientem sacros Ordines, dicit esse inducendum ut Religionem ingrediatur; quod si nolit, cogendum esse matrimonium consummare petente uxore. Atqui hæc ipsa coactio ad consummandum esset prorsus illicita, si uxoratus ille qui in sacri Ordinis susceptione castitatem solenniter vovit, non posset licite consummare. Potest verò licite matrimonio astrictus, quia uxor saltem implicite petit matrimonii consummationem primâ concubitus nocte, quatenus id exposcit, & ad id refertur contractus matrimonii inter ipsam & virum initus. Mortuâ autem, vel fornicante uxore, tenebitur absolute, ut dictum est, servare castitatem.

V. Secundum quod est Catechismi impedimentum, ordinariè contingit esse conjunctum cum alio impedimento quod est dirimens, nimirum spiritualis affinitatis; quia ordinariè iidem patrini aut matrinæ qui suscipiunt baptizatum vel confirmatum, suscipiunt quoque in Baptismo. Sæpe tamen fit ut infans sine solennitate quidem, sed validè baptizatus ratione urgentis vitæ periculi, postmodum ad Ecclesiam deferatur, ut in eo ceremoniæ omisissæ suppleantur, quarum una dicitur Catechismus, scilicet instructio ac professio fidei, quæ solenniter fit præ toribus Ecclesiæ, ex qua sequitur cognatio spiritualis, quam cum baptizato contrahit is qui puerum in eo Catechismo tenuit. Censent tamen aliqui, ut Sanchez & Diana, hanc cessasse cognationem & impedimentum, quia Concilium Tridentinum dicit sess. 24. in decreto de reform. matrim. *Omnibus inter alias personas hujus cognationis spiritualis sublati omnino impedimentis*. Quæ tamen verba alii plerique restringunt ad solam cognationem quæ ex ipsis Sacramentis, de quibus ibi loquitur, non verò ex solis ceremoniis contrahitur. Sacræ tamen Cardinalium Congregationis decretum refert Antonius Diana p. 3. tract. de Sacramentis, resol. 26. quo declaratum fuit istam quoque ex Catechismo cognationem cessasse per Tridentinum illud decretum, quæ antea vigeat per cap. *Contractio*, de cognat. spirit. & per cap. *Per catechismum*, eod. in 6.

VI. Tertium impedimentum ex sponsalibus nascitur cum alia persona conventis; idque fundatur in ipso naturali jure prohibente fidem alicui datam infringi. Sed is cui data fides est, potest suo consensu hanc obligationem relaxare; nihil enim tam naturale est quam eo genere quidque dissolvi quo colligatum est: ideo verborum obligatio verbis tollitur; nudi consensus obligatio contrario consensu dissolvitur, l. *Nihil tam naturale*, D. de regul. jur. & cap. 1. eodem tit.

VII. Quartum impedimentum est interdicti per judicis sententiam aut decretum, ne nuptiæ contrahantur donec aliqua superveniens difficultas fuerit plenius dilucidata, cap. 1. 2. & 3. de matrim. contract. contr. interd. Imperitè aliqui crediderunt, tempore pœnalis interdicti illicita esse matrimonia; sed licita esse communis est Doctorum sententia, quatenus matrimonium

monium ex sua primæva conditione est merus & civilis contractus, nec habet Sacramenti rationem nisi per accidens & accessorie; ideoque non censetur in numero Sacramentorum illorum, quæ caput *Si sententia* 16. de sent. excomm. in 6. prohibet interdicti tempore ministrari; cujus etiam ministri non sunt Sacerdotes, sed ipsimet contrahentes ac laici. Possè itaque tempore interdicti pœnalis fieri matrimonia, dummodo non eis benedicatur per Ecclesiam, docet Glossa recepta in cap. fin. de sent. excomm. verb. *Sacramentis*. Navarr. cap. 27. num. 179. Oltiensis in cap. non est, de sponsalib. Panormitanus ibid. Sylvester verb. *Interdictum* §. n. 9. Coninch disp. 17. num. 48.


VIII. Quintum impedimentum est tempus intercurrentes à prima die Adventus usque ad diem Epiphaniæ; & à die Cinerum usque ad Octavam Paschæ inclusivè. Nam ob temporum istorum venerationem Ecclesia prohibet solennitatem nuptiarum. Concilium Trident. sess. 24. de reform. matrim. cap. 10. Plerique Doctores censent, non prorsus vetari pro illis temporibus nuptias, sed tantum ista duo, benedictionem nuptiarum, & solennem sponsæ ad ædes sponsi traductionem cum pompa, magno comitatu, vel choreis & canticis, eo quod Tridentinum caput 10. non simpliciter nuptias celebrari prohibeat, sed enunciet nuptias solennes, & solenniter celebrari prohibeat: & quia Glossa in cap. *Capellanus*, de feriis, dicit quocunque tempore anni, ipsisque feriis quibus nuptiæ fieri prohibentur, possè contrahi sponsalia & matrimonium quoque de præsentì, dummodo à solennitatibus abstineatur. Ita Navarra cap. 22. n. 77. ubi citat Paludanum, Gaetanum, & Sylvestrum: item Sanchez de matrimonio lib. 7. disp. 8. Coninch disp. 30. num. 36. Filliucius tract. 10. p. 2. cap. 9. quæst. 5. His accedit Bonacina de matrim. quæst. 3. puncto 14. num. 4. §. *Ex distis*, & §. *Secundò sequitur*: admonens tamen sequendam hac in re esse locorum consuetudinem.

I X. Recensentur præterea impedimenta ex delicto non dirimentia. 1. Incestus cum consanguinea conjugis in primo & secundo gradu; aut fornicatio habita cum matre & filia, ut nequidem mortuo conjugè liceat ei alterum intrè matrimonium. 2. Raptus alienæ sponsæ. 3. Uxoridicium. 4. Susceptio propriæ prolis ad Baptismum aut Confirmationem hoc malo sine ponendi impedimentum ad reddendum debitum conjugale. 5. Occisio Presbyteri. 6. Publica pœnitentia, quandiu durat: sed hæc nec est delictum, nec in usu. 7. Conjugium cum Moniali. Sed ut ait Coninch, non est opus his septem immorari, quia jam omninò sublata sunt. Nam his irretiti sine ulla dispensatione videntibus Prælati contrahunt. Ita Navarra cap. 22. num. 75. & cum aliis Sanchez lib. 7. disp. 17. num. 8. Coninch disp. 30. num. 26. Sanè in Gallia ista criminis impedimenta non dirimentia nullatenus recepta esse videmus, sed ea sola quæ matrimonium dirimunt.



CAPUT XXII.

Impedimenta Matrimonium dirimentia.

- I.  A quæ matrimonium etiam contractum dirimunt impedimenta recensentur quatuordecim, his versibus comprehensa:

*Error, conditio, votum, cognatio, crimen,
Cultûs disparitas, vis, Ordo, ligamen, honestas,
Affinis, raptor, si clandestinus, & impos.
Hæc facienda vetant connubia, facta retractant.*

II. Error triplex distinguendus est, scilicet personæ, qualitatis, conditionis. Error personæ dicitur quando contrahens putat aliam esse personam cum qua contrahit, quàm reverà sit. Error circa personam ipso naturæ jure irritum facit matrimonium, causa 29. quæst. 1. per totam. Quia personæ contrahentium nuptias sunt ipsum primum & essentiale objectum matrimonii; nisi ipse errans intendat ipso actu contrahere cum proposita persona, qualiscumque illa sit. Error qualitatis non facit conjugium irritum, ut si credens quis ducere divitem, nobilem, formosam, virginem, ducat reverà incipem, ignobilem, deformem, corruptam. Quia contractus matrimonii versatur circa personas, non circa qualitates; & qualitas habet se tantum per modum rationis motivæ aut causæ finalis, & consequenter ejus error facit dumtaxat voluntarium secundum quid, neque impedit essentialem consensum. Hinc excipe casum quo quis expressè intenderet non contrahere, si talis qualitas personæ insit, vel non insit. Tunc enim cessante conditione cui inipitur consensus, certum est consensum omnino deficere. Excipe secundò casus in quibus error qualitatis transit in errorem ipsius personæ: quod fit quoties qualitas in qua erratur, determinat certam aliquam personam distinctam ab ea quæ præsens est, ut si Titius contraxit cum filia Joannis, quæ se falsò dicebat filiam Petri qui est Præfex provincie; Titius verò intendit contrahere cum filia Præfidis provincie, suumque consensum ad eam determinat: eo casu cum error qualitatis determinet Titium ad aliam personam ab ea diversam quæ præsens est, invalidum est illud cum filia Joannis matrimonium. Sanchez lib. 7. disp. 18. num. 25. Navarra cap. 22. num. 32. Bopacina de matrim. quæst. 3. puncto 2. num. 7.

III. Error conditionis format secundum irritans impedimentum, & intelligitur de conditione servili. Circa hunc stat receptissima conclusio: *Matri*

Matrimonium contractum cum errore conditionis validum est, si persona cum qua contrahitur est æqualis, aut melioris conditionis. Servus ergo contrahens cum serva, quam tamen credit esse liberam; aut contrahens cum libera, quam credebatur esse servam, valide contrahit, cap. *Si quis*, & cap. *Ad nostram*, de conjugio servorum.

IV. Votum solenne quod emittitur in susceptione factorum Ordinum, vel in professione Religionis, constituit tertium dirimens impedimentum, Clement. unica de consang. quæ poenam quoque excommunicationis latæ sententiæ adjungit: item can. *Presbyteris*, dist. 27. & extra qui clerici vel vovent, per totum: & Concilium Carthaginense IV. can. 104. & Matifconense can. 4. & Tridentinum sess. 24. de Sacram. Matrim. can. 9. Quod idem jus Gregorius XIII. extendit ad vota simplicia, quæ post biennium probationis emittere solent novitii Societatis Jesu, eosque declarat esse deinceps verè Religiosos.

V. Quinimò votum solenne Religionis tanto privilegio munitur, ut antedecens matrimonium ratum, seu per verba de præsentibus contractum, dummodo non fuerit consummatum, dissolvat, ita ut conjunx in sæculo superstes possit ex tunc aliud contrahere matrimonium, priore conjuge adhuc in monasterio vivente. Item favore Religionis conceduntur duo menses post contractum de præsentibus matrimonium ad deliberandum de ingressu Religionis, intra quos is qui deliberat, non tenetur consummare, quantumvis altera parte petente; eaque invita licitum ei est ingredi monasterium, juxta Constitutionem Alexandri III. in cap. *Verum*, & cap. *Ex publico*, de convers. conjug. & Innocentii III. in cap. *Ex parte*, eod. quia non fuerunt una caro simul effecti, d. cap. *Verum*. Non potest tamen in sæculo superstes alias inire nuptias, nisi post alterius professionem. Id verò privilegium non competit susceptioni Ordinis sacri, ut constat ex Joan. XXII. extrav. unica de voto.

VI. Quartum impedimentum ex cognatione nascitur. Ea triplex est, naturalis, spiritualis, & legalis. Cognatio naturalis dicitur Consanguinitas, & definitur: Vinculum personarum ab eodem stipite proximo descendendum, carnali propagatione contractum.

VII. Ut computentur consanguinitatis gradus tres observandæ sunt regulæ. Prima est: In linea recta ascendentium & descendendum tot sunt gradus quot personæ ex uno stipite descendentes, excepto ipso stipite; v. g. pater & filius sunt quidem duæ personæ, sed deducto patre subsistit filius in primo gradu; & ita non solum pater & filius, sed etiam frater & soror sibi invicem sunt consanguinei in primo gradu, sicut avus, & ex filio nepos in secundo. Secunda regula hæc est: In linea æquali collateralium eodem gradu à se mutuo personæ distant, quo gradu eadem distant à communi stipite. Sic ergo fratrum filii in secundo gradu sunt inter se, quia duobus gradibus ab avo distant, qui est communis ipsorum stipites.

A a a 3 Tertia

Tertia regula in linea quoque transversa, seu collateralium, sed inæquali: Eo distant inter se collaterales gradu, quoto distat gradu remotior à communi stipite: v. g. Noë genuit Sem & Cham; Sem genuit Arphaxad; Arphaxad autem genuit Sale. Ex alio verò latere, Cham genuit Chus; Genesis 10. Hic quæritur quot gradibus inter se distant Sale & Chus? Distant tribus gradibus, quia Sale collateralis remotior distat tribus gradibus à communi amborum stipite, qui est Noë, ex quo tres istæ propagantur personæ, Sem, Arphaxad, Sale. Porro in linea collateralium Jus Canonicum discrepat à computatione Juris Civilis: Jus namque Civile totidem computat gradus, quot sunt ex utroque latere personæ; & idè fratres & sorores, cum duæ sint personæ, collocat in secundo gradu: deinde patruces in quarto, quia patruces, eorumque parentes ab uno stipite prodeuntes constituunt quatuor simul personas. Deinde in linea inæquali transversa nepotem & pronepotem constituit in quinto gradu, ob parem utrimque personarum seu generationum numerum. Cum tamen Jus Canonicum tantum connumeret unius lateris generationes à communi stipite deductas; ideoque fratres & sorores in primo gradu, patruces in secundo collocat. Atque inter omnes Fideles Canonica computatio prævalet secundum usum.

VIII. Jure Canonico invalidum est matrimonium inter personas consanguineas usque ad quartum gradum inclusivè, cap. *Non debet*, de consang. & affinit. & Concilium Trident. sess. 24. de Sacram. Matrim. cap. 5. Olim verò prohibebantur in Latina Ecclesia nuptiæ ad septimum usque cognitionis collateralium gradum, ut constat ex Sancti Gregorii Magni epistola ad Felicem Meilanæ Episcopum, & ex Sancti Isidori testimonio, & ex rescripto Alexandri II. Papæ. Quæ omnia inseruntur in Decreto, causa 35. quæst. 5. Quos gradus postmodum reduxit Concilium Lateranense sub Innocentio III. ad quatuor gradus, d. cap. *Non debet*. Jure autem Romanorum Civili etiam fratrum & sororum filii matrimonio jungebantur, Instir. de nuptiis, §. *Duorum*, l. *Celebrandis*, C. de nuptiis, l. 3. D. de ritu nupt. Idemque Jus etiam apud Christianos locum habuit. Filiæ namque Constantini Magni Constantina & Helena nupti datæ sunt, Constantina quidem Annibaliano primùm filio Dalmatii fratris Constantini, deinde Gallo filio Constantii fratris alterius ejusdem Constantini: Helena verò nupsit Juliano alteri filio memorati Constantii; atque ita hæc tria matrimonia celebrata sunt inter patruces in secundo gradu.

IX. Dispensari tamen potest modò interveniat rationabilis & gravis causa in ipso secundo linæ collateralium gradu inter fratrum aut sororum liberos, qui patruces ac consobrini dicuntur: & similiter inter patrui seu avunculum, & ex fratre seu sorore nepotem ac neptem. Etenim Levit. 18. tales nuptiæ vetentur, id non est juris naturalis, sed positivi, seu legalis ac cæremonialis tantum.

X. Spiritus

X. Spiritus cognatio intercedit primò inter patrinum ac matrinam cum baptizato, simulque cum baptizati patre & matre. Secundò inter baptizantem & baptizatum : & inter personam baptizantem cum patre aut matre baptizati. Ex Confirmatione verò inter patrinum aut matrinam cum confirmato, & cum patre & matre confirmati. Cæteras verò antiqui Juris multiplices cognationes abolit Concilium Tridentinum sess. 24. cap. 2. Nullaque contrahitur spiritus cognatio inter patrinum & matrinam, seu susceptores.

XI. Quæritur utrum qui mittit procuratorem ad suscipiendum infantem de sacro Fonte, contrahat cognationem istam, an verò ipse procurator? Respondent Sanchez, Reginaldus, Filliucius, non contrahi à mittente, sed à procuratore. Sed verius est, contrahi à mittente, non à procuratore. Ita docent Navarra lib. 5. Consiliorum, in fine, qui testatur ita declarasse Cardinalium Congregationem: Ledesma quæst. 56. Coninch disp. 32. dub. 2. num. 40. Bonacina quæst. 3. §. 2. num. 34. Ratio est, quia ad hoc ut susceptor contrahat istam cognationem, requirit Concilium Tridentinum ut à parentibus baptizandi assumatur, aut à Parocho, si parentes non providerint, sess. 24. cap. 2. de reform. Atqui procurator non assumitur vel eligitur à parentibus; sed solus ille qui procuratorem constituit, ut videmus fieri inter Magnates ac Principes. Item qui procuratorem constituit, agit ut causa principalis; procurator verò ut causa dependens & instrumentalis. Item procurator nihil agit proprio, sed solius mandantis nomine. Quocirca sapienter judicavit Sacra Congregatio Cardinalium hanc cognationem non à procuratore, sed à solo mandante contrahi.

XII. Si opponas, ad contrahendam cognationem requiri contactum baptizati, qualem non potest absens exhibere. Respondendum est, requiri sive proprium, sive alienum contactum, dum fiat mandato & nomine absentis. Si insites, eum qui pro se alterum constituit ad baptizandum, nullam contrahere cognationem, sed eum solum qui constitutus est, suæque manu baptizavit. Respondebitur longè magnum esse discrimen, quia qui baptizat, non baptizat alterius cujusquam nomine, neque alterius sustinet personam, nisi Christi Domini, cujus est minister immediatus; ideoque illi adhæret ista cognatio. Secus est de procuratore.

XIII. Matrimonium quoque dirimit cognatio legalis, quæ est propinquitas personarum ex adoptione surgens, can. *Per adoptionem*, 30. quæst. 30. & cap. unico, de cognat. legali. Itaque invalidum est matrimonium primò inter adoptantem & adoptatum & posteros adoptati usque ad quartum gradum. Durat hoc impedimentum etiam soluta adoptione, cap. *Diligere*, 30. quæst. 3. Secundò inter uxorem adoptantis & adoptatum, & inter uxorem adoptati & adoptantem. Hæc quoque durat post sublatam adoptionem, l. *Adoptivus*, D. de ritu nupt. Tertio inter filios aut filias adoptantis & adoptatum, sive adoptatam. Hoc impedimentum desinit cessante


cessante adoptione, idest ex quo filii aut filiae adoptantis exierint ab ejus potestate per hujus mortem, vel per emancipationem, cap. 1. de cognat. legal. & l. finali, D. de adoption. Filius porro adoptantis potest etiam durante adoptione contrahere cum filia adoptati, necnon filia adoptantis cum filio adoptati; id enim nullo jure prohibetur. Quae etiam ratione plures ab uno eodemque adoptati possunt inter se matrimonio jungi. Bonacina q. 3. puncto 5. §. 3. prop. 3.

XIV. Conditiones à Jure requisitae ut quis possit adoptare, sunt istae: Primò, ut adoptans sui juris sit. Secundò, ut sit major vixtingquinque annis. Tertiò, ut sit masculini sexus; foeminae namque adoptari quidem possunt, sed non adoptare, nisi ex privilegio. Quartò, ut adoptans habeat naturalem generandi potentiam: non tamen excluduntur ii, qui cum à nativitate habuissent, illam ex accidenti amiserunt, ut secti gladio, aut facti ex morbo eunuchi: sed excluduntur frigidi ex natura, l. 2. D. de adopt. Quintò, ut adoptans sit ejus aetatis quae adoptati aetatem excedat annis decem & octo. His positis conditionibus quae exprimuntur Instit. tit. de adoption. & alibi in Jure, potest quilibet adoptare, quanvis sit Sacerdos, & modò adoptatus sit praesens; non enim fieri potest per literas aut per procuratorem adoptio, l. Neque, & l. Post mortem, §. fin. D. de adopt.



C A P U T XXIII.

Prosequutio impedimentorum dirimentium.

I.  **U**NTUM dirimens impedimentum est crimen, quod est genere duplex, scilicet homicidium & adulterium, adjunctis quibusdam conditionibus & circumstantiis; specie autem quadruplex. Non est hoc impedimentum naturali jure introductum, sed Jure ecclesiastico, can. *Si quis vivente*, 3 l. q. 1. & cap. 1. de convers. infidel. & cap. 1. 2. 3. 4. 5. 6. de eo qui dux, in matr. quam pol. per adult.

II. Primum ergo crimen dirimens est occisio unius conjugum facta hoc fine matrimonii contrahendi cum superstite conjuge, si ante occisionem aut mortem occisi intervenit adulterium: idque locum habet sive conjunx. consortem sui tori occiderit per se, vel per alium; sive alia persona etiam soluta occiderit hoc eodem fine contrahendi cum supervivente conjuge, & ante mortem occisi commiserit adulterium cum altero conjuge, cujus ambebat seu expetebat matrimonium. Sufficit autem ad hoc impediri.

impedimentum occisionis cum adulterio, si una Pars alterâ etiam non consentiente, aut etiam ignorante occiderit ad hunc mutui matrimonii finem: sed non sufficit si occisio facta fuerit, sed non ad hunc finem; ut si facta sit in odium aut vindictam duræ tractationis, quantumvis huic duræ tractationi causam dedisset crimen adulterii, nullum erit impedimentum; quia Jus hoc non exprimit. Non enim sunt inducenda impedimenta, utpote odiosa, ultra verba Canonum. Similiter neque sufficeret ratihabirio occisionis ab altero aliquo factæ sine consilio aut iussione: tum quia ratihabirio cum sit occisione posterior, non potest in eam influxisse: tum quia ratum quis habere non potest quod suo nomine non est gestum, cap. *Ratum*, de reg. jur. in 6. Præterea non oritur impedimentum dirimens, si quis conjugem vel suam, vel alterius occidit, ut possit contrahere matrimonium cum alia quæ non fuit particeps homicidii vel adulterii: Jus enim difertè requirit ad impedimentum dirimens, ut altera quoque Pars fuerit delicti particeps.

III. Secundum crimen dirimens est occisio unius conjugis ex mutua duorum conspiratione ad hunc finem contrahendi matrimonii. Istud secundum crimen differt à primo, quia in primo concurret adulterium; non autem id necesse est in isto ad formandum impedimentum, quoniam sola amborum conspiratio ad homicidium postea perpetratum est crimen sufficiens ad dirimendum. Præterea in primo non intervenit amborum conspiratio ad occidendum; quæ tamen requiritur ad formandum secundum criminis impedimentum.

IV. Tertium crimen dirimens est adulterium, ad quod præterea accedit matrimonium, vivente adhuc alterius conjugis. Exemplum sit: Titius uxore sua vivente adulteratus est cum Bertha, & cum ea matrimonium contraxit, quod utique non potest esse nisi invalidum. Contingit deinde legitimam Titii uxorem mori; quæritur an eâ defunctâ possit Titius inire nuptias legitimæ & validas cum Bertha? Negatur posse, quia sic statuitur in cap. *Cum haberet*, & cap. fin. de eo qui duxit in matrim. Sanè ad hoc impedimentum requiritur ut uterque sciat se committere adulterium; si enim in casu proposito Bertha ignorabat Titium esse uxoratum, poterit mortuâ ejus uxore ipsum compellere ad contrahendum secum validum matrimonium, cap. 1. de eo qui duxit in matrim.

V. Quartum crimen dirimens est adulterium, accedente promissione futuri matrimonii post obitum conjugis adhuc viventis. Illa tamen promissio ut sit impediens, debet esse acceptata; nulla enim in Jure habetur ratio promissionis non acceptatæ: quâ in re Doctores unanimes conveniunt. Neque sufficienter acceptatur per silentium, sed acceptationem necesse est significari verbis aut externo signo, ut docet post Sanchez, Filliucium & alios Bonacina quæst. 3. punct. 6. num. 9.

VI. Denique ut habeant locum superiora criminum impedimenta,

Bbb necesse

necesse est ut promissio & adulterium præcesserint mortem conjugis , nec sufficit si præcesserit quidem promissio , & adulterium non nisi post mortem accesserit ; aut si vice versa præcesserit quidem adulterium , sed promissio nulla nisi post mortem facta sit. Præterea nomine adulterii non est hic intelligendum aliud nisi completa illa copula quæ prorsus ad generationem requiritur. Sanchez lib. 7. disp. 79. num. 2. Coninch disput. 41. n. 62. Bonacina quæst. 3. punct. 6. num. 8. alique communiter. -

V II. Sextum ponitur impedimentum cultus disparitas. Istud impedimentum neque jure naturali , neque jure Divino positivo introductum est , sed jure Ecclesiastico. Prohibuit quidem Deus Israëlitis inire matrimonia cum infidelibus , propter periculum perversionis : *Neque sociabitis* (inquit) *cum eis conjugia. Filiam istam non dabis filio ejus , nec filiam illius accipies filio tuo : quia seduces filium tuum ne sequatur me , & ut magis serviat Diis alienis.* Deut. 7. vers. 3. & 4. Eamque ob causam Esdras reversum de captivitate populum compulsi ad repudia uxorum alienigenarum , 1. Esdræ 10. & 2. Esdræ cap. ult. Sed in quibuldam principibus personis , in quibus nec periculum erat perversionis , neque promiscua aliorum de plebe imitationis , id permissum fuit , ut patet in Salomone qui filiam duxit Pharaonis , & in sancta scemina Esther quæ Assuero nupsit. In Ecclesiæ primordiis admonet Apostolus , ne conjunx fidelis discedat ab infideli , nisi hic prior velit discedere , 1. Cor. 7. Eadem est mens Augustini variis in locis à Gratiano relatis causa 28. quæst. 1. ipsiusque Augustini mater S. Monica nupsit Patricio Gentili , ipso Augustino utriusque filio teste lib. 9. confess. cap. 9. Sancta etiam Clotildis Christiana cum esset , nuptiis juncta est Clodoveo Francorum Regi tunc idololatæ : & Sancta Anastasia Publio idololorum cultori , & Sancta Cæcilia Valeriano nondum Christiano. -

V III. Jure Ecclesiastico irritum est matrimonium baptizatz personæ cum non baptizata. Jus quidem certum asserri non potest , sed ita fert Ecclesiæ totius praxis communi Doctorum consensu testata : nec potest inter ejusmodi consistere Sacramentum. Sed matrimonium Catholicæ cum hæretica persona , aut schismatica , aut excommunicata , quantumvis illicitum & prohibitum , est tamen validum , verumque Sacramentum , cujus janua est Baptismus , quem habent hæretici , & quo carent infideles ; & ideo reliquorum Sacramentorum incapaces sunt.

I X. Verum ex justa causa dispensare potest Papa , ut quis licitè contrahat matrimonium cum hæretica. Quin etiam in locis in quibus hæretici constituunt populi partem notabilem , secluso scandalo & periculo perversionis , possunt contrahi licitè talia matrimonia sine speciali dispensatione , si gravis urgeat causa , sive privata , sive publica , qualis est conservatio publicæ pacis quæ periclitetur ob bellum intestinum excitandum inter hæreticos & Catholicos , si isti illorum fœdera averfentur. Chalcedonensis canon 14. nuptias inhibet cum persona infideli aut hæretica , nisi .

nisi conversionem promittat ad Catholicam Fidem, Et canon Agathensis 67. insertus in Decreto, cap. *Non oportet cum omnibus*, & cap. *Cave*, 28. quæst. 1. hoc idem prohibet quod Chalcedonensis. At verò canon Laodiceus 10. & 21. dicens non oportere indifferenter tales inire cum hæreticis nuptias, videtur hac voce (*indifferenter*) admittere tales nuptias ubi iusta & gravis causa patrocinatur. In nostra quidem Gallia id potuit aliàs licuisse: jam verò cum sit admodum imminutus hæreticorum numerus, non sunt ejusmodi matrimonia permittenda, nec fieri posse videntur deinceps sine lethali culpa in hoc Regno.


X. Grandis quæstio est, utrum post contractum ab infidelibus matrimonium, si unus eorum convertatur ad Fidem, dissolvere possit hoc matrimonium, nolente altero ad Fidem converti? Absolutè ac sine exceptione id posse, imò & debere, statuit Concilium Toletanum quartum can. 62. qui etiam habetur apud Gratianum cap. *Judei qui Christianas*, 28. quæst. 1. Sed hujus rigorem Juris postmodum Innocentius III. ad duos casus restrinxit. Primum si velit conjunx infidelis à converso ad Fidem conjuge discedere. Secundò si velit quidem cohabitare, sed cum injuria & offensa Creatoris, cap. *Quanto*, & cap. *Gaudemus*, de divort. juxta dictum Apostoli 1. Cor. 7. *Si quis frater habet uxorem infidelem, & hac consentis habitare cum illo, non dimittat illam. Quod si infidelis discedit, discedat: non enim servituti subiectus est frater, aut soror in hujusmodi.* Ubi satis explicat, posse fidelem isto casu ad alias progredi nuptias.

XI. Verum in aliquibus locis non permittitur post conjugis conversionem ista cum altero infideli conjuge cohabitatio, & servatur prædicti canonis Toletani severitas: maximè verò in locis Pontificiæ ditionis, in quibus non permittitur Christianis habitatio in contuberniis Judæorum, neque Judæis habitare permittitur inter Christianos: & suscepti ex matrimonio infantes educantur inter Christianos, quia sequuntur, ut sancit ille Toletanus canon, conditionem parentis conversi, sive sit vir, sive mulier. Libertas verò conceditur tam converso conjugi, quam pertinaci, aliis se nuptiis alligandi: sed pertinaci tamen non antè, nisi postquam conversus aliud conjugium contraxerit. Itaque Ledesma quæst. 59. art. 3. ad fin. Sanchez lib. 2. disp. 72. & 73. cum aliis contra Valentiam tom. 4. disput. 10. quæst. 1. punct. 3. Navarram cap. 22. num. 49. Toletum & alios obnixè contendunt, non posse conversum ex Paganismo aut Judaismo cohabitare deinceps cum priore conjuge, nisi convertatur, quanvis spondeat nullatenus obfistere religioni conjugis ad Fidem conversi. Cæterum illa doctrina non ita universaliter est intelligenda, si loquamur de terris Infidelium; ibi enim licitum est conversæ ad Fidem Parti cum conjuge non converso cohabitare sine Dei offensa.



CAPUT XXIV.

De impedimento vis ac metus; ac generatim quam consensus libertas requiratur ad matrimonium, ad sponsalia, & ad vota. Item de impedimentis Ordinis, ligaminis, publicæ honestatis, & affinitatis.

I.  Is ac metus illatus duplex distinguitur: unus quidem auferens omnino voluntarium, seu consensum, dum se aliquis exterius consentire fingit, sed interius dissentit. Hic metus facit ex ipso naturæ jure irritum matrimonium. Alius est metus qui non auferit simpliciter voluntarium, sed secundum quid, dum quis simpliciter & absolute nolle, sed posita aliqua contra ipsius voluntatem circumstantia, ad evitandum aliud, quod inde pertimescit incommodum, consentit. Et de isto statuendum est, quod si talis sit incussus metus, ut in animum constantem cadere possit, inde sequutum matrimonium sit irritum ac invalidum Jure Ecclesiastico: si verò levis sit causa metus, validum erit matrimonium, nisi exortus ex ea levi causa metus talis fuerit, ut omnem abstulerit consensum, solamque induxerit dissimulationem externam. Ubi enim nullus est consensus, nullum potest esse matrimonium. Sciendum tamen, minorem sufficere in foemina metus causam, quam in viro, propter sexus fragilitatem, & necessariam subjectionem sub alieno arbitrio, à quo liberius, multoque facilius viri se subducere, aliisque absque periculo & vituperio commigrare, fortunamque liberè experiri citra infamiam & periculum valent, ut admonet Glossa in cap. *Cum locum*, de sponsalibus: Barbosa ad dictum locum, Sanchez de Matrimonio lib. 4. disput. 15.

II. Necesse quoque est, ut ipse quoque gravis metus proficiscatur ex causa libera simul & extrinseca, ut invalidare matrimonium possit: non verò ab extrinseca & naturali causa, qualis esset si medicus conmineretur interitum ex superabundantia humorum ei qui non iniret matrimonium; hic enim metus non irritaret sequutum inde connubium. Idem dicendum de metu extorto ex justa & legitima causa, quantumvis caderet in virum constantem, ut si raptor metu capitalis pœnæ consentiat nuptiis cum muliere à se rapta celebrandis, juxta l. *Continet*, §. *Sed vim*, D. quod metus causa.

causâ. *Sed vim* (inquit) *accipimus atrocem* (id est cadentem in constantem animum) & *eam qua adversus bonos mores fit*. Hoc tamen scire ad praxim operæpretium est, quod si mulier nupta, postquam inito conjugio cessavit causa metus (verbi gratiâ si pater ejus obierit, cujus metu se ad nuptias adactam fuisse causatur) non reclamaverit, sed cum viro postmodum sponte cohabitaverit, non erit audienda, si posthac reclamare velit, cap. *Ad id*, de sponsal. ubi mulier excluditur quæ invita ex metu nupserrat, sed postea per annum cum dimidio cohabitaverat cum marito. Ex tanto enim ac diuturno silentio præsumptio nascitur accessisse tandem ejus consensum.

III. Quia verò circa vim aut metum irritantem tum matrimonia, tum vota, maxime verò religiosæ professionis, frequentes nascuntur in praxi difficultates, ideo materia ista fusiùs est explicanda. Hoc tamen ad cautionem præmoneo de temporalibus Dominis & de Magistratibus qui per vim aut minas, subditas sibi personas adegerint ad contrahenda vel disponenda matrimonia cum illis personis quas præscripserint, quales sunt ipsorum familiares, clientes, amici, cognati, esse ipso facto excommunicatos per Concilium Tridentinum sess. 24. de reform. matrim. cap. 9. & in Gallia per Edictum Blesense art. 281. excidere gradu Nobilitatis, & fieri reos criminis raptus.

IV. Sciendum in primis, voluntatis actus vel esse elicitos, hoc est qui in ipsa voluntate, non verò extra ipsam producuntur: alios esse imperatos, qui scilicet in aliqua alia potentia naturali voluntatis imperio subiecta recipiuntur. Voluntas in suis actibus elicitis cogi non potest ex innata sibi libertate, ut docent Aristoteles lib. 3. Ethic. cap. 1. S. Gregorius Nyssenus lib. 5. Philosophiæ, cap. 1. S. Thomas 1. 2. quæst. 6. art. 4. Sed in suis actibus imperatis per alias facultates exercendis potest voluntas ipsa vim & coactionem pati ab extrinseco. Violentum porro, ut definit Aristoteles lib. 3. Ethic. cap. 2. est quod fit ab extrinseco, passio non conferente vim, id est sponte non cooperante: ut si quis fidelem renitentem & invitum apprehensâ illius manu cogeret thus coram idolo incendere.

V. Porro ad matrimonii vinculum, necnon ad voti obligationem non semper sufficit consensus utcunque liber, qualis est mercatoris in media tempestate verè quidem consentientis mercium suarum projectioni ad vitandum ex naufragio interitum; qui tamen citra illud mortis imminents periculum veller proculdubio merces sibi salvas servari. Caterùm ut innotescat qualis metus sufficiat ad invalidandum sive matrimonium, sive votum, distinguendus est duplex metus: unus quidem qui est ex causa naturali, qualis esset metus gravis infirmitatis, aut mortis, imminents naufragii, aut ferorum animalium. Atque ista species metus, modò adfit sufficiens consensus ac deliberatus, neque emissum votum irritum facit, neque matrimonium, ut constat in exemplis superius adductis.

V I. Alius metus est ex causa libera, scilicet homine metum incutiente. In hoc extrinsecè per hominem incusso metu adhuc distinguendum est: aut enim est metus in virum constantem cadens, aut non est: si sit talis ut cadat in virum constantem, iterum opus est distinctione; vel enim metus ille licitè inferitur, aut illicitè: si licitè, validum est, sive votum, sive matrimonium, ut si raptor metu pœnæ capitalis compellatur eam ducere uxorem quam rapuit; aut si meretrix legitimæ pœnæ vitandæ causâ consentiat in religionem Pœnitentium Monialium professionem; his enim & similibus casibus, & matrimonium, & professionis vota subsisterent, quatenus qui se his astrinxit, causam justam ejusmodi sibi incutiendi metus ex sua culpa dedit. At si talis metus sit injustè incussus, simulque talis sit ut cadere in virum constantem possit, alterâ opus est distinctione, quæ est apud Navarram cap. 12. num. 52. vel enim intentio vim ac metum inferentis eò dirigitur, ut votum, seu promissionem matrimonii extorqueat, vel diversum prorsus habet finem. Si diversum prorsus intendit finem, is qui vovet, aut contrahit, voto suo vel contractu ligatur; sic enim sunt obligatoria captivorum Christianorum vota, si ab injusta sub Mahumetanis captivitate liberari contingat: itemque ligat fides matrimonii data illi à quo sperat metus educi ex aliquo malo per malevolum quempiam sibi illato. Sed si vis ac metus hac intentione illicitè inferitur, ut votum, aut conventio nuptialis ab eo qui patitur extorqueatur, neque valida erit inde sequutâ professio religiosa, neque matrimonium, etiam si qui sic vovit, aut nuptias inivit, verè ac sine hictione in Religionem aut in Matrimonium consenserit. Ita unanimes docent Theologi omnes in 4. Sent. dist. 29. Sanctus Thomas in Summa, 3. p. quæst. 47. art. 3. & 4. & universi Summistæ. Sed in hoc uno dissident, quod aliqui, ut Sotus, hanc invaliditatem ex tali consensu per metum extorto ascribunt juri naturæ; alii verò probabiliùs, ut Suarez, Sanchez, Bonacina de matrim. quæst. 3. punct. 8. solo jure Ecclesiastico docent hanc fuisse professionis religiosæ aut matrimonii nullitatem introductam; quandoquidem hæc ratio nullitatis locum non habet in plerisque aliis, neque impedit susceptionis sacrorum Ordinum validitatem, ut superiùs probavimus in fine capituli de Ordinis Sacramento. Sanè ubi nullus extitisset interior consensus, sed tantum ejus per externa verba simulatio, conveniunt omnes, nullam inde oriri obligationem, quanvis huic simulationi levissimus metus causam præbuisset. Vide pariter Bonacinam circa vota ad 2. Decalogi præceptum, disp. 4. quæst. 2. punct. 3. §. 1.

V II. Præterea ad rectum ferendum de promissionis obligatione judicium, non sufficit rationem habere causæ ob quam facta promissio fuit; sed perspicendum est pariter, an fuerit sufficiens in promittente deliberatio ac judicium: etenim repentinum & improvisum Religiosis capessendæ votum ex metu præsentis & periculosi morbi, alterius-

ve

ve urgentis damni nullatenus obligat, ut statuitur in cap. *Literaturam*, de voto.

VIII. At verò ubi intervenit liber omnino consensus ad matrimonium, vel ad sponsalia, tamen inter dispares nobilitate vel opibus personas, inducitur obligatio. Et ubi sola fuerint sponsalia, disparitas illa personarum nihil de obligatione diminuit, modo fuerit sincera promittendi voluntas. Sed ubi ficta & simulatoria promissio intercessit, quanvis ille qui sic promissit, non teneatur præcisè titulo sponsalium, quæ utique sine consensu nulla sunt, cap. *Tua nos duxit* 26. de sponsal. attamen tenebitur ducere, tum ratione scandali sequuturi, tum ratione damni injustè per hujusmodi deceptionem illati, si per hanc promissionem extorsit copulam à muliere quæ inde contrahit pudoris damnum ac infamiam. At si femina ipsa laborabat impudicitiae infamia, aut si copula sic occulta fuit, ut nihil inde famæ detrahatur, is qui sic promissit per fictionem ad nihil tenebitur, nisi ad compensandam prudentis viri arbitrio illatam feminae injuriam. Loquimur hic secundum conscientiae forum; nam in externo foro, si constet de promissione, in hujus favorem judicabitur, & meritò: non enim aliter ibi judicatur de internis, nisi quantum colligitur ex verbis aut actibus externis: neque creditur asseverationi Partis, utpote suspectæ, sine probationibus.

IX. Si vir admodum notabili distantia superet nobilitate, vel gradu, vel opibus feminam illam, de qua per fictam promissionem obtinuit copulam, conveniunt communiter hac in re Summistæ, non teneri eam ducere, etiam titulo deceptionis, si femina sciebat magnam illam imparitatem; sic enim ipsa potius decipi elegit, quam fuerit dolo circumventa. In hoc tamen uno inter se dissentiunt, quia quidam virum obligant ad dotandam feminam, vel aliquid ei restituendum, unde æquè commodè alteri suæ sortis nubere queat. Ita Navarra cap. 22. num. 76. Henriquez lib. 11. cap. 11. num. 2. Azorius 3. p. lib. 5. cap. 5. q. 3. diff. 3. aliique, quorum videtur mihi æquior sententia. At verò Sylvester verb. *Matrimonium* 4. quæst. 8. Sanchez lib. 1. de matrim. disp. 10. num. 9. Molina tom. 4. disp. 106. conclus. 1. Lessius lib. 2. cap. 10. dub. 3. num. 24. Bonacina de sponsalib. quæst. 1. punct. 2. num. 7. aliique ad nihil prorsus teneri affirmant. Eadem quoque locum habent ubi ambo sunt notabiliter divitiis impares, quanvis nobilitate pares, juxta Navarra cap. 16. num. 18. Sanchez loco cit. num. 6.

X. Itaque ut rem totam summatim concludam, duplex tenenda est propositio. Prima est: Promissio matrimonii ut obliget, debet fieri cum voluntate se obligandi, quia aliàs non est promissio; hæc enim essentialiter requirit intentionem se obligandi, ut docent Lessius de justitia lib. 2. cap. 40. dub. 1. num. 6. & Coninch disput. 21. num. 7. & ante hos S. Thomas 2. 2. quæst. 110. art. 3. ad 5. Navarra cap. 18. num. 6. & 7. & confirmatur

matur per can. *Humana aures*, 22. quæst. 5. & l. *Obligationum* 1. D. de action. Actus enim liberè agentium non operantur ultra ipsorum intentionem, à qua vim omnem suam fortiuntur. Per accidens tamen ratione damni insequentis aut scandali, si tunc promittens matrimonium potest obligari ad ipsum contrahendum; ut si ea fictione obtinuerit copulam, aut eam cum honesta scemina familiaritatem, ex qua gravis est nascitura infamia, nisi eam ducat. Excipiendus hinc est casus, quo mulier facile poterat deprehendere viri fictam promissionem ob magnam conditionis disparitatem; vel si ipsa pro virgine se gerens deprehendatur ab alio corrupta. Lessius lib. 2. cap. 10. dub. 3. Coninch disput. 22. num. 37.

X I. Secunda propositio est: Is qui si tunc promisit, adhibito tamen juramento emissò cum animo seu intentione jurandi, quanvis careat intentione promissi si tunc matrimonii contrahendi, tenetur nihilominus matrimonium istud contrahere, non quidem ex promissione quam paulò antè demonstravi esse nullam & invalidam, sed ex vi juramenti, ex quo duplex confurgit peccatum, quatenus jurando non habuit animum implendi quod jurabat, & quatenus ex postfacto non implet obligationem ex juramento contractam. Etsi enim non obligetur ex promissione ficta, obligatur tamen ex religione, ratione juramenti & debitæ divino Numini reverentiæ. Sanchez lib. 1. de matrim. disp. 9. num. 9. Coninch disp. 22. num. 51. Bonacina de sponsalib. quæst. 1. punct. 2. num. 4. Sotus lib. 8. de justitia, quæst. 1. art. 7. post medium, Caietanus 2. 2. quæst. 89. art. 7. & alii contra Sylvestrum verb. *Juramentum* 4. quæst. 7. Angelum verb. *Juramentum* 5. num. 32. Sotum in 3. quæst. unica, art. 3. D. Bonaventuram dist. 39. art. 3. quæst. 1. Gabrielem dist. 39. quæst. 1. art. 2. conclus. 5. quorum ratio in re tanti secundùm conscientiam momenti parum videtur solida; quia, inquiunt, juramentum fundatur in promissione, quæ non obligat: ergo neque ipsum. Quæ consequentia falsa est, quoniam juramentum est diversum ab illa promissione vinculum, & sic novam infert obligationem, scilicet religionis, qualem nec haberet ipsa valida promissio, sed civilem. Et certè si is qui metu injusto compulsus jurat alteri se quod injustè exigitur facturum, verbi gratiâ daturum se triginta nummos alioqui indebitos, tenetur tamen ex vi juramenti promissum implere; multò magis ille vinculo religionis adstringetur qui iniquè & sponte decepit, jurans adimplere quod mala fide & per dolum si tunc pollicitus est. Quod autem is qui gravi & injusto metu, aut vi coactus promisit aliquid cum juramento, teneatur ratione juramenti promissionem adimplere, docet S. Thomas 2. 2. quæst. 89. art. 7. & est communis Theologorum sententia, ut testatur Lessius, quamdiu promissor non fuerit à suo juramento dispensatus. Idemque clarè deciditur in cap. *Si verò*, de jurejurando.

XII. Secus tamen esset si fuisset quoque fictum juramentum, idest si quis

quis simulasset se jurare, nullam habens jurandi intentionem; illud enim apparens ac fictum jusjurandum nullum & invalidum esset, nec ullam induceret obligationem, nisi fortè ratione scandali, etiam si sic jurando aliquis mortaliter peccasset ex irreverentia & abusu divini nominis, can. *Humana aures*, 22. quæst. 5. Lessius lib. 2. cap. 42. num. 4.

XIII. Octavum dirimens impedimentum est sacer Ordo, qualis est Subdiaconatus, cap. unico de voto in 6. Concilium Trident. sess. 24. cap. 9.

XIV. Nonum dicitur ligamen, idest matrimonium verbis de presenti contractum, etsi non consummatum, cum adhuc superstitie conjuge. Itaque requiritur certitudo moralis de morte conjugis, ut superstes possit alterum inire conjugium: moralis autem certitudo iudicio prudentis viri relinquitur. Talis autem non est habenda ex absentia multorum annorum, etiam ultra septennium aut decennium; neque ex sola fama, hæc enim non inducunt certitudinem apud prudentes viros: sed si vir ingressus prælium post longam expectationem nullatenus comparet, simulque fama refert eum periisse, aut si per literas eorum qui prælio interfuere, acceptum sit, ipsum interiisse. Navarra cap. 22. num. 54. Bonacina quæst. 3. num. 12. 13. & 14.

XV. Circa hanc materiam pro regula erit quod subjungimus cap. *In præsentia*, de sponsal. *In præsentia nostra quævisisti, quid agendum sit de mulieribus quæ viros suos causâ captivitatis vel peregrinationis absentes ultra septennium præsolata fuerint, nec certificari possunt de vita aut morte ipsorum, licet super hoc sollicitudinem adhibuerint diligentem: & pro juvenili aetate sensu fragilitate carnis nequeam cominere, petentes aliis matrimonio copulari. Con-saltationi igitur tua saluer respondemus, quod quancumque annorum numero ita remaneant, viventibus viris suis non possum ad aliorum consortium canonicè convolare: nec auctoritate Ecclesie permittas contrahere donec certum nuncium recipias de morte virorum. Hocidem statuit cap. *Dominus*, de secund. nupt. addens præterea, quod si dubitans de morte conjugis alterum nihilominus contraxerit matrimonium, tenetur quidem petenti novo conjugii reddere debitum, sed non potest exigere. Et si de prioris conjugis vita postea constiterit, teneatur relictis adulterinis amplexibus ad priorem conjugem reverti.*

XVI. Sequitur decimum dirimens impedimentum publicæ honestatis, exurgens ex validis & certis sponsalibus; dirimitque matrimonium cum sanguineis sponsi aut sponsæ in primo gradu, juxta Concilium Tridentinum sess. 24. cap. 3. cum olim extenderetur hoc impedimentum ad quartum gradum, cap. *Ad audientiam*, de sponsalib. Istud honestatis impedimentum non finitur morte, adeo ut frater non possit à fratre suo, qui postea mortuus est, desponsatam accipere uxorem, cap. *Si quis desponsaverit*, 27. quæst. 2.

XVII. Quæritur, an sicut hoc impedimentum non aufertur per mor-

C c c tem

tem, ita neque per sponsalium liberam ex mutuo consensu dissolutionem? Tenendum est, non cessare, quia impedimenta semel contracta non dependent à contrahentium voluntate, sed ab Ecclesiæ, quæ illa constituit, instituto, & quæ voluit esse perpetuum istud impedimentum, ita ut nec ipsa morte, quæ dissolvuntur sponsalia, voluerit solvi hoc impedimentum ex iisdem sponsalibus natum, d. cap. *Si quis desponsaverit*, 27. quæst. 2. Ita Sanchez lib. 7. disp. 68. num. 21. Bonacina quæst. 3. puncto 11. num. 7. Fagnanus in cap. *Ad audientiam*, de sponsalib. ubi refert ita Romæ judicatum à Sacra Cardinalium Congregatione, die Julii 6. anno 1658. quod Judicium approbavit Alexander Papa VII. qui hanc accuratè examinari quæstionem jussit, mandavitque ut ita deinceps servaretur. Bonacina quoque meminit alterius similis judicii anterioris per eandem Sacram Congregationem. Itaque opposita opinio Barbosa de potest. part. 3. alleg. 52. num. 188. & aliorum quorundam non est admittenda.

XVII. Istiusmodi dirimens impedimentum multò magis oritur ex matrimonio rato, sed non consummato: sed eo casu extenditur ad quartum gradum ex Decreto Pii V. quod incipit, *Ad Romanum*, anni 1568. Coninch disp. 32. num. 70. Bonacina d. quæst. 3. puncto 11. num. 10. contra Totelum & Lopez, qui etiam hoc impedimentum sistere scripserunt in primo gradu.

XIX. Quin etiam nascitur impedimentum istud ex matrimonio invalido, dum in illud matrimonium intervenerit utriusque Partis perfectus consensus: sed istud honestatis impedimentum ex invalido matrimonio emergens non transgreditur primum gradum, cum tamen olim pertingeret ad quartum gradum, cap. *Sponsam*, de sponsalib. & cap. *Accessu*, de desponsat. impub. Ita Bonacina loco cit. num. 11. allegans ita judicasse Cardinalium Congregationem cum plerisque ab eo citatis, contra Navarram cap. 22. num. 58. aliosque negantes hoc impedimentum vigere in invalido conjugio.

XX. Quamvis autem Sanchez lib. 7. disp. 70. num. 13. neget huic esse impedimento locum in matrimoniis clandestinis sine presentia Parochi & testium initis, qui tamen reliqua approbat ex nullis & invalidis nuptiis impedimenta; praevalet tamen opinio opposita, quam propugnant Coninch disput. 21. num. 47. & disp. 32. num. 70. Filiucius tract. 10. part. 2. cap. 6. quæst. 6. num. 214. Bonacina quæst. 3. punct. 11. num. 18. Henricquez lib. 11. cap. 5. num. 4. addens Congregationem Cardinalium declarasse, clandestinè contractum matrimonium vim habere sponsalium.

XI. Matrimonia tamen quæcumque ex defectu consensus invalida sunt, nullum prorsus pariunt honestatis impedimentum, ut sunt per vim, aut metum, aut fictionem, aut ab amente vel ebrio, vel ex errore personæ contracta. Quia in re omnes conveniunt Doctores; nihil enim tam essentialiale matrimonii est ac consensus; reliqui verò irritantes defectus sunt
ex

ex accidentibus & circumstantiis, solusque consensûs defectus afficit ipsam essentiam matrimonii constitutivam.

XXII. Jam progrediendum ad affinitatis impedimentum. Est autem affinitas vinculum, seu propinquitas ex carnali copula procedens, sive licita fuerit, sive illicita. Itaque quum duo carnaliter copulantur, sunt affines cum consanguineis alter alterius in eodem gradu in quo alter est consanguineus cum iisdem: exempli gratiâ, si Sempronius copuletur cum Camilla, idem fiet affinis cum consanguineis Camillæ in pari gradu quo illi sunt consanguinei Camillæ, & hæc vicissim cum consanguineis Sempronii, aded ut Camilla per eam copulam fiat affinis in quarto gradu cum eis qui in quarto similiter gradu sunt Sempronio consanguinei.

XXIII. Verumtamen per hanc copulam non efficitur ut consanguinei Sempronii sint affines consanguineis Camillæ, vel ut isti fiant affines consanguineis Sempronii: quod aded venum est, ut duo fratres possint ducere duas sorores, & filius illam ducere, cujus matrem pater ejus duxit, cap. *Quod super his*, de consang. & affin. Eademque ratione potest Sempronius mortuâ uxore Camillâ ducere viduam fratris Camillæ. Quia Sempronius per sui cum Camilla copulam factus est quidem affinis cum fratre Camillæ, aliisque ejus consanguineis, non verò cum affinibus Camillæ: uxor autem fratris Camillæ non est consanguinea, sed solum affinis Camillæ.

XXIV. Arbor affinitatis ita constituenda est, ut duæ personæ quæ copulam habuerunt, sint communis stipes ac principium affinitatis: unde duplex confurgit affinitas, lineæ rectæ, & lineæ transversalis. Lineâ rectâ locantur ascendentes & descendentes ejus personæ cum qua fuit habita copula. Ascendentes sunt socer & socrus, vitricus & noverca. Descendentes sunt gener & nurus, privignus & privigna. In linea transversa sunt frater & foror: item patruus, amicus, patruus, alique ulteriorum graduum consanguinei, tam paterni quàm materni usque ad quartum inclusivè gradum. Nam in affinitate eodem modo recensendi sunt gradus, quo in consanguinitate.

XXV. Affinitas orta ex copula licita, scilicet per matrimonium legitimum, dirimit quodlibet aliud matrimonium usque ad quartum inclusivè gradum. Orta verò ex illicita copula dirimit ad secundum inclusivè gradum. Concilium Tridentinum sess. 24. cap. 4. Necesse autem est ad inducendam affinitatem, ut fuerit completa copula cum seminis virilis effusione intra vas debitum. Itaque non confurgit ex præpostero & sodomitico congressu, neque ex matrimonio rato & non consummato; sed tantum publicæ honestatis impedimentum.

XXVI. Quando matrimonio contracto supervenit affinitas, ut si quis congregiatur cum sorore propriæ uxoris, conjunx incesti hujus reus privatur jure petendi debitum; tenetur tamen conjungi innocenti illud

Ccc 2

petenti

petenti reddere , cap. 1. & cap. *Transmissa* , de eo qui cognov. consang. uxoris suæ.

XXVII. Multi Canones impedimentum criminis constituunt ex incestu cum affini , interdicentes hujus incestus reis omne prorsus matrimonium ; quanvis si contrahant , velint iidem Canones matrimonium esse quidem validum , sed tamen illicitè contractum , can. *Quedam* , & can. *Si quis viduam* , 32. quæst. 7. & cap. 1. & cap. *Transmissa* , de eo qui cognov. consang. uxorem suam. Verumtamen Navarra cap. 22. num. 75. Sanchez lib. 7. disp. 17. num. 8. Coninch disp. 30. num. 26. aliique apud Sanchez affirmant illa quæ circumferuntur ex septem delictis impedimenta non dirimentia , esse pridem abolita. Sanè videmus in tota Gallia his criminibus implicatos , consentientibus Prælati , sine ulla dispensatione inire matrimonia.

XXVIII. Affinitatis impedimentum in recta linea est ab ipso naturæ jure , omnesque gentes benè institutæ istas in linea recta conjunctiones ut scelera execratæ sunt. Constat ex l. *Liberi* , C. de nupt. & exprobrat Apostolus 1. Cor. 5. *Auditur inter vos fornicatio , & talis fornicatio , qualis nec inter Gentes , ita ut uxorem patris sui aliquis habeat*. Et Amos 2. sic expostulat Deus : *Filius ac pater ejus iverunt ad puellam , ut violarent nomen sanctum meum*. Et Levit. 20. ista conjunctio connumeratur cum sodomia & bestialitate , atque asperissimo omnium supplicio coercetur : *Qui supra uxorem filiam , duxerit matrem ejus , scelus operatus est : vivus ardebit cum eis , nec permanebit tantum nefas in medio vestri*. Oppositum autem exemplum Seleuci Regis Syriæ , qui cum novisset filium suum Antiochum periculosè ægrotare ex languore amoris , quo Stratonicem novercam deperibat , hanc ei nuptui dedit , ut referunt Plutarchus in vita Demetrii , & Valerius Maximus lib. 5. cap. 7. connumerandum est inter infamia dedecora , quemadmodum & Persarum scæda licentia , qui liberorum cum propriis parentibus nuptias approbabant , referentibus Herodoto & Quinto Curtio. Quod verò Adonias affectavit nuptias cum Abisag uxore patris sui Davidis defuncti , 3. Reg. 2. nulla ibi erat affinitas , cum Scriptura testificetur nunquam fuisse à Davide cognitam Abisag : & præterea teneraria fuit illa Adoniæ cupiditas , publicæque repugnans honestati.



C A P U T XXV.

De impedimento Impotentia.

I.  M P O T E N T I A dirimens, illa hinc intelligenda est, quæ sexuum copulam impedit, per quam duæ personæ fiant una caro. Non fiunt autem una caro nisi quum vit intra vas mulieris semen immittit. Alioqui enim non consummatur matrimonium, neque inducitur ulla sive ex delicto, sive sine delicto affinitas, etiamsi fuerit viri pars genitalis intra vas foeminae. Quamobrem euniuchi, quanvis aliqui eorum possint vas foeminae ingredi, nullatenus sunt matrimonii capaces ob defectum seminis prolifici, ut declaravit scripto Motu proprio Sixtus V. anno 1587. Idemque sentiendum de illis quibus attritus est uterque testiculus: sed illi quibus unus superest illæsus, matrimonium inire possunt, quia sunt adhuc feminandi capaces. Illi pariter qui quanvis integris partibus semen prolificum emittere nequeunt ex frigiditate, vel ex perpetua complexionis debilitate, excluduntur à nuptiis contrahendis. Arcentur quoque à conjugio qui similem impotentiam non ex natura, sed ex maleficio contraxerunt, postquam iudicata perpetua fuerit vis maleficii, toto tit. de frig. & malefic. Foemina autem nullam habet dirimentem impotentiam, nisi quatenus est arcta, non valens intra se recipere viri semen: solaque foeminae ad seminandum impotentia non inducit impedimentum, quia semen foemineum non censetur ad generationem necessarium. Henriquez, Sanchez, Guttierrez, Filliucius, quos citat & sequitur Bonacina quæst. 3. punct. 13. num. 14. addens non impediri matrimonium, quanvis foemina non possit susceptum viri semen retinere: sufficit enim ad validitatem, quod conjuges per seminationem viri intra vas foemineum fiant una caro: illa verò deperditio ex parte foeminae posterior est illo necessario & constitutivo ad validitatem, effectu, quanvis impediatur generationem, quæ non est prorsus necessaria ad essentiam matrimonii, cum possit fieri & subsistere inter conjuges steriles, sed non impotentes.

II. His aliqui adjungunt aliud impotentia genus ex nimio viri calore, quo fit ut effundatur semen antequam perfecta fuerit copula. Et quidem si nulla spes esset, fore aliquando ut in aliquo deinceps congressu semen intromitteretur, recenseri posset hic nimius ardor inter impedimenta quæ dirimunt, hac ipsa ratione, quia per hunc defectum impediuntur conjuges ne sint duo in carne una. Sed raro usuvenit ut hinc oriatur perpetuum

Ccc 3 tuum

tum impedimentum : quanvis enim sæpius contingeret ut multi congressus aut conatus conjugum sine debita seminatione fierent , continger tamen aliquando , ut aliquis ex multis conatibus non frustretur hoc effectu ; atque ita ille naturalis ardor non erit loco perpetui impedimenti. Præterea futurum quandoque est , ut nimius ardor longiore consuetudine & temporum progressu deservescat. Denique sufficere potest ad consummatam copulam , si pars aliqua seminis intromittatur.

III. Duplex est impotentia distinguenda. Una quidem perpetua , quæ nimirum tolli non potest citra miraculum , aut citra peccatum , aut citra periculum mortis. Altera verò temporalis , quæ arte humanâ aut remediis Ecclesiæ auferri potest , ut docet cap. *Fraternitatis* , de frig. & malef. *Nos tamen* (inquit) *perspicaciter attendentes quod impedimentum illud non erat perpetuum , quod præter divinum miraculum , per opus humanum absque corporali periculo potuit removeri.* Præterea alia est impotentia absoluta , idest respectu omnium ; alia respectiva , per quam aliquis est impotens , habito respectu ad certas quasdam personas , sed potens respectu aliarum. Sic enim potest aliquis esse maleficiatus respectu unius duntaxat forminæ ; & femina potest esse naturaliter arcta respectu quorundam , sed non omnium virorum. Quin etiam potest aliquis esse impotens respectu virginum , non verò respectu viduarum.

IV. Impotentia perpetua & absoluta matrimonium dirimit jure naturæ. Consistit enim essentialiter matrimonium in mutua corporum traditione ad matrimonii usum , sive quatenus ad eum usum potentiam habent. Quæ constans doctrina peræquè valet , sive illa impotentia alteri partium innoteſcat , sive non. Illa namque sive notitia , sive ignoratio nihil refert ad validitatem connubii. Idque perspicuè decernit cap. *Consultationi* , de frigid. & malef. Ibi enim sermo est de viro qui scienter cum arcta contraxerat , simulque negat posse illam habere uxorem. Si autem sit respectiva impotentia , dirimitur matrimonium cum persona circa quam fundatur impotentia , sed non cum aliis , in quibus nulla est impotentiae causa.

V. Illa verò impotentia quæ non est perpetua , sed solum ad tempus , matrimonium non dirimit , cap. *Fraternitatis* , de frigid. Si postquam contractum est matrimonium , dubitetur an sit perpetua , an temporalis impotentia , concordant Jus Romanorum Civile , & Jus Canonicum , ut concedatur conjugibus triennium cohabitationis & experientie , intra quod tempus operam dare debent consummationi matrimonii , adhibitis etiam medicinarum remediis quoad fieri citra grave periculum poterit vitæ aut valetudinis. Justinianus quidem l. *In causis* , C. de repud. determinaverat biennium experientie viri potentie ; sed ratus deinde prorogandum esse hoc tempus , extendit ad triennium in Authent. *De nuptiis* , §. *Per occasionem* , collat. 4. Cui conformatur Constitutio Cœlestini Papæ IIII. cap.

Laudabi

Laudabilem, de frigid. & malef. & absoluto triennio si consummari matrimonium non potuerit, indicit separationem.

V I. In quibusdam Galliæ provinciis consuetudo inolevit, ut non expectetur ad experientiam triennium, sed statuatur ut fiat conjugum congressus in alienis ædibus, de quibus conjuges ipsi convenerint, aut quas Judex ex officio assignaverit certo die, in lecto cortinis circumvallato, præsentibus in eodem conclavi matronis & obstetricibus ab ipso Judice deputatis; in alio autem contiguo conclavi assistentibus pariter Medicis & Chirurgis deputatis, per spatium trium quatuorve horarum, quibus elapsis, aut si per illud intervallum conjuges, aut horum alter assistentes vocaverint, inspiciant assistentes personæ deputatæ, si quæ sint congressus signa, & ad corporis fœminæ inspectionem solæ admittantur fœminæ, ad virilis autem soli viri, qui quæve seorsum ea quæ sibi comperta fuerint, in scripta referent Judicibus legenda & examinanda. Plenius hac de re tractat Annæus Robertus lib. 4. rerum judicatarum, art. 8. 9. & 10. alii-que complures Gallicani Causidici. Et quod mirum videri possit, stylo Episcopatus Parisiensis decernitur hujusmodi congressus, ut habetur in tomo 3. Actuum & Constitutionum Cleri Gallicani. Cæterum quid certum, aut etiam verisimile conjici potest ex tam lubrico & brevi, & tam pudibundis conditionibus sociato experimento? Nam etiam vir aliunde salacissimus partim pudore, partim formidine successus unde tanti momenti judicium pendet, in ea temporis brevitate & circumstantiarum molestiis vix potest esse sui compos. Conveniunt in liberum omnino triennium Jus Civile Romanorum cum Jure Canonico. Ipseque Justinianus ratus non satis esse ad justum judicium biennii cohabitationem inter conjuges, extendendum judicavit hoc tempus ad triennium, suppressâ biennii lege: & nunc penes nos res tanta momento tam multis perturbationibus & anxietatibus obnoxio committetur dijudicanda? Præterea cum sit indubitatum, dirimi matrimonia non per impotentiam temporalem, sed per solam perpetuam impotentiam, cap. *Fraternitatis*, de frigid. & malefic. nemo sanæ mentis audebit affirmare, ex uno & altero concubitu probari perpetuam viri impotentiam posse.

V I I. Notatu dignum est supremæ Aquifextiensis Curie Senatusconsultum diei Februarii 16. anni 1640. quo recens nupta Buravalla post intentatam coram Officiali Diœcesis Arelatensis de viri sui impotentia querelam, nec posset probari illam esse perpetuam impotentiam, sequutâ Officialis sententiâ cohabitationem triennem decernente, cum mulier ad Senatum tanquam ab abusu ob denegatum sibi præfatum congressum appellasset, declaravit Senatus nullum fuisse abusum, & remissa fuit mulier ad Officalem, ut refert in sua compilatione Bonifacius tom. 1. lib. 5. tit. 6. cap. 1.

* V I I I. Renatus Cordoanus Marchio Langei, desponsatâ sibi puellâ d'Ala

dictâ à Sancto Simone de Cortemar, annorum circiter quatuordecim, post triennium postulatus est frigiditatis & impotentiae, quam ut refelleret proposcit ille congressus experimentum, quod tamen infauscè ipsi succedit. Itaque Curia Parlamenti Parisiensis mense Februarii, anno 1659. nullum irritumque connubium declaravit, eidemque Renato vetuit nullum deinceps inire conjugium, permittitque puellæ conquerenti alii nubere. Renatus adversus Senatusconsultum clam apud Notarios duos est protestatus. Puella interim nubit Petro Caumontio Marchioni Boëssæ: deinde moritur anno 1670. Renatus Cordoanus post præfatam protestationem matrimonium contrahit cum Diana Montaltia Navallia, ex qua septem liberos suscepit. Idemque anno 1675. Literas ex supplici libello impetrat contra Senatusconsultum impotentiae declarativum. Lis ergo resumitur apud eandem Curiam: ejus novo judicio, postquam consideratum fuit, congressus probationem esse admodum incertam, eo quodd hujusmodi actus non dependeat à libertate, nec nisi raro succedat cum inimica parte, ingrata & odiosa, neque in illo sive Canonico, sive Civili Jure approbetur, sitque novum inveniunt in sola Gallia receptum, Senatus Parisiensis die Februarii 18. anno 1677. requirente Fiscali Advocato, novo judicio prohibuit cunctis Judicibus, tam Civilibus quàm Officialitatibus decernere ejusmodi congressus.]

IX. Intermediam inter diei unius aut alterius congressum, & triennii cohabitationem viam institit Senatus Gratianopolitanus in causa Susannæ Augueriæ circa viri sui, quam prætendebat impotentiam; suo namque Senatusconsulto judicavit tribus mensibus sequestrari Susannam in domo conjugibus amicæ, nec suspectæ personæ, ad quam viro liber foret accessus omni hora diei noctisque, cum plena congressus quancumque ei collibitum fuerit libertate: exacto deinde trimestri Partem utramque comparitura apud Commissarium, & juramento addicto responsuram, num fuerit congressus consummatus: si in eo facto discordent, tum demum procedendum per visitationem Medicorum & Chirurgorum, de quibus Partes convenierint, aut iis non convenientibus, quos Commissarius designaverit. Exitus verò totius causæ fuit declaratio nullitatis matrimonii ob perpetuam quæ judicata fuit, impotentiam viri, & transitus Susannæ ad novum connubium, ut idem refert Bonifacius tom. 1. lib. 5. tit. 6. cap. 2. ibique complurium Juris Authorum testimoniis probat desuevisse totâ Gallia triennii experientiam. Istam porro intermediam viam, quam Gratianopolitanus Senatus iniverat, vidi à quibusdam Officialibus observatam & affectatam. Sanè multò æquior est quàm unius diei congressus, qui si habet irritum effectum, non sufficit ad judicium impotentiae perpetuæ. Influeret tamen ad hoc judicium potest titulo conjecturæ, dummodo aliis probationibus suffulciatur, aut urgentibus aliunde conjecturis. Certitudinem verò prorsus indubitatam impotentiae perpetuæ nec ipsa triennalis experien

experientia potest stabilire, licet sufficiat ad morale & praeiticum separationis iudicium.

X. Postquam vir & mulier ex impotentiae causa separati fuerint, Pars non impotens jus habet novum matrimonium contrahendi, eo quod prius contractum censetur irritum. Secus vero iudicandum de Parte altera impotente, nisi haec ejus impotentia sit solummodo respectiva; quo casu licitum ei pariter est contrahere cum alia persona, cujus respectu sit potens ad consummandum. Ubi vero qui fuit habitus impotens probabitur demum evasisse potens, etiam post triennium & iudicio statutam separationem, reddenda erit ei pristina sua conjunx, etiam si alteri viro nupsisset, quia posterius ejus conjugium irritum ac nullum est propter ligaminis impedimentum, quatenus cessante impotentia quae temporalis erat, deprehenditur fuisse validum anterius illud conjugium, cap. *Laudabilem*, & cap. *Fraternitatis*, de frig. & malef.

XI. Aliter tamen censendum, ubi compertum esset impotentiam fuisse tantum respectivam; tunc enim liberum est utrique aliud inire conjugium, quatenus incapaces matrimonii inter se tantummodo sunt, & capaces respectu aliorum. At si non constet impotentiam fuisse solum respectivam, qualis ut plurimum est ea quam causat maleficium; & qui fuerat ex naturae defectu impotens, facta separatione cognosceatur potens, tunc praesumptio juris erit, praecedentem impotentiam non nisi temporalem fuisse, & instaurabitur prius matrimonium ad novam potentiae experientiam, qualis fuerat ante dictam separationem habita; hoc est, si jus commune consueverit, triennalis altera cohabitatio: sed si denud separari contingat, nulla deinceps spes erit restitutionis post secundam separationem. Sanchez de matrimo, lib. 7. disp. 93. & 99. Coninch disp. 31. dub. 7. n. 84.

XII. Per dictum cap. *Laudabilem*, de frig. & malef. quod statuit ut exacta triennii experientia, & insequuto separationis iudicio, si vir ex postfacto deprehendatur potens, restauretur prius illud matrimonium, etsi mulier subinde ad alias nuptias convolverit, nullatenus abrogatur can. *Si per fortitias*, 33. quæst. 1. qui dissolvi prohibet posterius matrimonium quod fuerat subsequutum prioris matrimonii dissolutionem ex causa impotentiae ex maleficio provenientis; cum tamen idem vir comperiatur potens in secundo, quod post separationem contraxit, matrimonio. Est enim magna discriminis ratio inter impotentiam naturalem, & eam quae causatur à maleficio, ut admonent Glossæ utriusque Canonis, tam incipientis *Si per fortitias*, quam incipientis *Laudabilem*: prior enim loquitur de impotentia per fascinationem ac maleficium: posterior de impotentia naturali, seu frigilitate. Naturalem istam impotentiam Jus praesumit esse absolutam, & nullatenus respectivam, atque ita ad omnes extendi; ideoque si desuisse comperiatur, praesumitur absolute desuisse

D d d respectu

respectu ad omnes, non verò ad unam scēminam dumtaxat : unde necesse est ad pristinum regredi matrimonium, posteriore quasi nullo & irritò derelicto, si aliquid fuerat initum. Ubi verò impotentiam causavit maleficium, si sic impotens cum alia conjugium junxerit, cum qua se potentem experiatur, non permittit canon *Si per fortiaris*, regressum ad antecedens conjugium, quia præsūmit pristinam durare respectu prioris uxoris impotentiam, postquam adhibitis Ecclesiæ remediis, precibus, jejuniis, Sacramentis & elemosynis, sine ullo effectu per triennium indicta fuit separatio. Ejusmodi namque maleficia solam inducere solent respectivam ad primam, cum quæ contractum fuerit, impotentiam.

XIIII. Quapropter fallitur multum Bonacina quæst. 3. punct. 13. n. 19. & 20. scribens quod si vir ex causa maleficii soluto matrimonio se in secundo matrimonio potentem deprehendat, debeat ad pristinam regredi uxorem. Et addit præterea, eo casu licitum esse pristinæ uxori recusare istam ad hunc priorem virum suum reversionem, eo quòd possit bona fide judicare, non esse respectu sui ablatum maleficium, sed adhuc perdurare. His enim quæ dicit Bonacina Canones adversantur, simulque ratio. Post exactum namque triennium perdurans vis maleficii præsumitur à Canone & perpetua simul & respectiva ad priorem uxorem, si oppositum non probetur. At verò oppositum nullatenus probatur ex potentia ejusdem exerente se erga posterius ductam uxorem : non enim auferre solet inductum maleficium omnimodam & absolutam potentiam, sed ordinariè potentiam ad copulam ligat cum sola, quæ prior ducta fuit. Glossa in cap. *Litera*, verb. *Cognoscendi alias*, de frigid. & malefic.

XI V. Impotentia post contractum matrimonium superveniens, quanvis perpetua futura esset, nullatenus ipsum dirimit. Quod enim aliquando validum fuit matrimonium, sola mors potest dissolvere. Itaque sola impotentia quæ matrimonium antecedit, quæque non temporalis est, sed perpetua, impedit contrahendum, & dirimit contractum. Eam ob causam non valet matrimonium senis ita decrepiti, ut sit omninò inhabilis ad copulam, quia præciditur tale matrimonium impedimento dirimente simul & perpetuo. Sanchez, Gutierrez, Bonacina. Sed post matrimonium completum adveniens, sive ex senili ætate, sive aliunde impotentia ad copulam, non dissolvit matrimonium senis ita decrepiti, cum talis impotentia non sit antecedens, sed subsequens. Fœmina autem, quantumvis vetula, si non sit arcta, potest validum inire matrimonium, cum sit quacunque ætate capax seminis suscipiendi. Senem porrò pridem validè conjugatum, sed postmodum sic ætate debilitatum ut perfectam nequeat inire copulam, posse tamen citra mortalem culpam eniti ad actum conjugalem, asserunt Caietanus in 2. 2. quæst. 154. art. 1. col. 6. S. Antoninus 3. part. tit. 5. cap. 12. §. 3. Paludanus in 4. dist. 34. quæst. 2. Navarra in cap. *Consideret*, de pœnit. dist. 5. num. 48. & in Manuali cap. 22. num. 60.

XV. Eriam.

XV. Etiamſi verò dixerim ſenem planè decrepitum non poſſe novum inire matrimonium, longè tamen alia eſt ratio de ægrotantibus, qui licèt in eo ſtatu ſint ut ſint ad congreſſum impotentes, atque etiam ſupponatur ex morbo incurabili nullam ſuperèſſe ſpem in eis futura copulæ, reſtat tamen habitualis potentia, quæ poſſet in actum reduci, ſi ex illa ægritudine convaleſcerent; quæ potentia habitualis ſolùm eſt ligata per acciðens, & adhuc radicaliter ſubſiſtit, qualem nullatenus habent decrepiti ſenes, nec habere unquam poſſunt, ex quo fuit penitus in eis extincta. Valere porrò tale ab ægrotante contractum matrimonium poteſt ad legitimandam ſuſceptam ex fornicatione prolem, & reparandam apud homines famam concubinæ. Sanchez lib. 7. diſp. 105. Coninch diſp. 32. dub. 7. num. 88. Plerumque contingit, ut durante verò & legitimo matrimonio vir tandem ob provectam ætatem ſic debilitetur, ut quantumvis libido extimulet, aut vix, aut nullatenus perfectam copulam inire poſſit. Hunc tamen ad eam cum uxore habendam eniti poſſe, docet Caietanus in 2.2. quæſt. 154. art. 1. col. 6. quem ſequitur Navarra Man. cap. 17. num. 6. & in comment. ad cap. *Conſideres*, de poenit. diſt. 5. num. 48. & favet apertè Gloſſa in cap. 2. de frigid. & malefic. quemadmodum & illi qui cohabitant pro experientia trienniali, juxta cap. *Laudabilem*, eod. tit. eoque potiori jure, quòd vir iſte certus ſit de validitate ſui matrimonii; illi verò qui ſunt in experientia trienniali, incerti ſunt an validè contraxerint, cum non liqueat an impotentià perpetuà laborent.

XVI. Impuberes ex Jure Eccleſiaſtico non poſſunt matrimonio jungi validè, & ſecus faciendo nullum & irritum eſſet matrimonium; ſed expectandum eſt donec puer annum decimumquartum, puella verò duodecimum compleverit, etſi nondum pubertas ſeu lanugo ex aſpectu corporis appareat, ut docet Joannes Andreas ad cap. *Puberes*, de deſponſat. impub. reprobandis oppoſitam opinionem Gloſſæ ibidem. Sed non eſt neceſſè illam ætatem expectare in illis qui antea pubeſcunt, d. cap. *Puberes*. Atque in iſtis dicitur malitia ætatem ſupplere. Quia tamen ordinariè non ſolet pubertatis judicium fieri per corporis aſpectum, Inſt. quibus mod. tutel. fin. circa princ. idèd pubertas utcunque judicanda eſt ex prædicto annorum numero, niſi ante illos annos conſtet quod malitia ætatem ſuppleverit, cap. *De illis* 1. & cap. *A nobis*, & cap. *De illis* 2. de deſponſ. impuber. Sed tamen valet matrimonium poſt annos pubertatis contractum, tametiſi ob ætatis imbecillitatem Partes ſint adhuc impotentes. Quod ſi contracto matrimonio in ea ætatis, quanvis legitimæ, imbecillitate, dubitatur an inde, aut aliunde proveniat impotentia, illud experientiæ deſtinatum triennium non erit computandum niſi à tempore quo perfectam adepti fuerint pubertatem, quod contingit in ſcæmina anno completo decimoquarto, & in viro anno decimo-octavo. Sanchez lib. 7. diſp. 104. num. 18. Coninch diſput. 31. dub. 7. num. 84. Angelus verb. *Matrimonii impedi.* 16.

num. 6. & alii. Sanè colligitur ex l. *Mela*, D. de alim. & cib. legat. perfectam fœminæ pubertatem advenire anno decimo-quarto. At verò l. *Arre-gato*, D. de adoption. & Inst. eod. §. *Minorem*, præfigunt in viris anno decimo octavo perfectam pubertatem, quâ demùm exactâ computari incipiet experientiæ triennium, quale etiam concederetur illis qui anno ipso ætatis trigésimo nuptias inirent. Illustria malitiæ suppletis ætatem exempla tria S. Hieronymus profert in epist. ad Vitalem, Primum Salomonis, qui anno suæ ætatis decimo Roboamum genuit. Scribitur quippe lib. 2. Reg. 11. Salomonem regnasse annos quadraginta : & 3. Reg. 14. Roboamum regnare cœpisse anno ætatis suæ quadragésimo primo. Itaque jam erat natus antequam pater ejus Salomon regnum auspicaretur. At lib. 1. Paralip. 29. Salomon dicitur initio regni sui adhuc puer & tenellus ; sed ejus certa ætas non exprimitur in Scriptura. Secundum exemplum producit Regis Achab, qui natus annos undecim genuit Ezechiam, ut liquet 4. Reg. 16. vers. 2. & cap. 18. vers. 2. Tertium refert pueri qui decem natus annos nutriticum qua consuetudinem habebat, reddidit prægnantem, Istius exempli falsò allegatur author S. Gregorius in dialogorum libris, in quibus tamen nihil tale visitur ; sed verus author ipse est S. Hieronymus. Denique Albertus Magnus relatus ab Angelo verb. *Murimonium* 3. imped. 16. §. 5. & 6. testatur visam à se puellam quæ anno ætatis nono concepit, & decimo peperit.

XVII. Hermaphroditus in quo unus sexus alteri prævalet, potest matrimonium inire secundum sexum in se prævalentem, non secundum alterum. Sed si æqualiter compos sit utriusque sexus, potest quem maluerit sexum eligere, & secundum ipsum nuptias inire. Navarra, Henriquez, Sanchez, Cenninch, Filliucius. Judicium verò circa sexum prævalentem fieri convenit per inspectionem & relationem Medicorum, Chirurgorum & Matronarum. Ubi tamen res adhuc esset ambigua, standum foret ipsius hermaphroditi assertioni. Sanchez, & Bonacina. Hermaphroditus postquam semel sibi sexum ad matrimonium elegit, non potest citra peccatum post conjugis mortem mutare pristinam electionem ad novum in altero sexu contrahendum matrimonium, tametsi æqualiter sit utriusque compos, ob summam rei indecentiam. Si tamen secundum novam, & à priori diversam electionem contraheret, esset nihilominus validum illud matrimonium ; quia naturalis potentia non fuit per primam electionem ablata, neque per juramentum ab eo coram Prælato præstitum de nunquam varianda sexus electione. Ugolinus, Sanchez, Filliucius, Bonacina.

XVIII. Hermaphroditi connubio, Parochus non prius suam debet exhibere præsentiam, quam per Judicem Ecclesiasticum fuerit cognitum de sexus prævalentia, aut Judex Ecclesiasticus declarationem exegerit, simulque juramentum nunquam deinceps utendi altero sexu ad matrimonium. Cum enim pertineant hæc ad forum externum, Parochus temerè se

hic,

his ingereret ante Judicis sententiam, nisi forte talis esset hermaphroditus, quem certum esset omnino uno dumtaxat sexu valere.

XIX. Haud facillè credendum est mulieri de viri sui impotentia, sed ad ipsius querelam seorsum primum singuli conjuges interrogandi sunt, & præmissò juramento, eorum responsiones in scripta redigendæ. Deinde seorsum vocandi singulorum conjugum propinqui; quæ forma vocatur à Canonibus sic fieri præcipientibus, Septima manus propinquorum, ut si quid hac de re resciverint, hoc deponant. Si hæc ad rei cognitionem non sufficiunt, denuò interrogantur conjuges, si persistant, si varient, si quid ad primas responsiones addi velint. His succedit decretum inspectionis sexuum, fœminæ quidem per obstetrices jurejurando addactas, viri autem per Medicos & Chirurgos similiter juratos. Si ne sic quidem constet virum esse prorsus impotentem, aut si quâ tenetur impotentia, non constet esse perpetuam, Jura decernunt experiendi & explorandi gratiâ trium annorum cohabitationem, ut superius docui, aut si quâ sit alia forma in locis particularibus recepta, sufficiensque ad conjectandum cum æquitate & prudentia, num subsit perpetuum, quod solum dirimere potest, impedimentum, qualis utique censeri non potest exploratus unius, aut alterius diei concubitus. Postremò post temporis legitimi experimentum Pars utraque rursus interrogatur: proceditur ad novam utriusque seorsum partis inspectionem iisdem sub formis quas paulò antè retuli: succeditque definitivum judicium, prout ex supradictis constiterit, vel perpetuæ cohabitationis, vel ab invicem separationis. Sed ubi constaret de fœminæ coarctatione, vel de viri perpetua impotentia per primam, neque ullatenus contestatam partium per deputatas congruas personas inspectionem & relationem, puta quod vir sit eunuchus, aut quid hujusmodi, ex tunc sine alio experiendi decreto, aut processu ulterioris continuatione, decernenda est & injungenda separatio.


XX. In causa impotentia, si nullatenus probari potest fœminæ conquerentis intentio, & vir se neget impotentem, partesque ad copulam requisitas habeat integras & illæsas, quod per Chirurgos & Medicos deputatos & juratos ita referatur, viro potius quàm mulieri credendum est post præstitum juramentum; quia vir caput mulieris est, ut decidit cap. 1. de frig. & malef. hoc uno excepto, si mulier se virginem esse probet ex aspectu corporis & matronarum attestazione; hæc enim probatio potior est quàm mariti contraria assertio cum juramento, ut expressè deciditur cap. *Proposui*, de probation. Sed si fœmina vel per præcedens matrimonium, aut alia ratione desit esse virgo, ipse verò vir cum juramento se neget impotentem, neque alia probatio suppetat, standum est viri asseverationi in externo & contentioso foro, d. cap. 1. & adigi potest mulier etiam per censuras Ecclesiasticas ad cohabitandum, cap. *Inquisitioni*, de sent. excomm. quavis iusta & vera sit mulieris probare non valentis ex-

postulatio, quo casu, ut ibidem declaratur, re in foro interiori benè exploratà, si sit certum impedimentum, debet potius excommunicationem exteriorem & quidvis aliud pati, quàm consentire in opus matrimonii. Dicunt verò Richardus in 4. dist. 34. art. 2. quest. 1. & Turrecrenata, alique, se non videre quomodo in prædictis circumstantiis possit viri præfactè mentientis vera impotentia probari. Verùm ut ait Concilium Tridentinum sess. 24. de reform. matrim. Ecclesia de occultis non judicat.



C A P U T XXVI.

Reliqua duo Impedimenta discutiuntur, clandestina conventionis, & raptus.

I.  I absque proprii Parochi, aut alterius Sacerdotis de licentia Parochi, vel ipsius Ordinarii præsentia, simulque duorum testium contrahuntur nuptiæ, ipsæ irritæ erunt ex jure novo Concilii Trident. sess. 24. cap. 1. de reform. matrim. antea namque valida erant clandestina matrimonia. Quæ innovatio in Sacramento, cujus essentialia à Christo Domino instituta non possunt regulariter ab Ecclesia immutari, fundatur in ratione speciali hujus Sacramenti: quod cum secundùm suam peculiarem substantiam fundetur in civili & legitima ambarum Partium conventionione, potuit Concilium œcumenicum extendendo vel restringendo conditiones ad legitimum contractum requisitas id efficere per accidens, & non per se; & indirectè, non autem directè, ut contractus matrimonialis qui antea fuerat validus, jam non sit validus, novas, sed tamen rationabiles ei præscribendo conditiones, unde sequatur, ut duorum contractus qui antea fuerat sufficiens materia Sacramenti susceptiva, sit deinceps illegitimus, atque adeò cesset esse Sacramentum, quod legitimum contractum viri & mulieris prærequirit: quemadmodum panem & vinum, quæ fuerant apta ad consiciendum ex eis Eucharistiæ Sacramentum materia, taliter potest aliquis immutare & alterare, ut jam desinant esse materia ad Sacramentum Eucharistiæ consiciendum apta.

II. Grandis est disputatio theologica, utrum possint Principes ac Respublicæ seculares impedimenta nova inducere matrimonium etiam sub ratione Sacramenti dirimentia. Non enim controversitur, an possint ex justa & rationabili causa conditiones præscribere quæ Sacramenti formam non impediunt, sed quarum nihilominus infractio poenis civilibus coercetur: adeò ut contractus talibus conditionibus destitutus, sine præjudicio

cio Sacramenti pro nullo civiliter ac invalido habendus sit, quatenus ex ipso non permittitur civilis actio, neque civiles nascantur obligationes, neque ulla civilia jura prætendi possint; quin potius graves poenæ in eos qui ita contraxere decernantur. Thomas quidem Sanchez lib. 7. de impedim. matrim. disp. 4. postquam allegavit innumeram penè Theologorum & Canonistarum multitudinem, prorsus negantium hanc potestatem Potestatibus supremis temporalibus competere, quæ usque ad Sacramenti nullitatem possit pertinere; unicum fuisse asserit Catholicum Doctorem qui affirmativam oppositam opinionem propugnaverit, Petrum de Soto lect. 4. de matrimonio, ad fin. Unus tamen aut alter Theologus Gallicanus eandem tuetur affirmativam, Joan. Baptista Gonetus Dominicanus, duo loca producens S. Thomæ, scilicet in 4. dist. 34. quæst. unica, art. 1. ad 4. & rursum contra Gentes lib. 4. cap. 78. Sed ibi S. Thomas nihil affirmat contra vim Sacramenti, & quidquid ibi dicit, facile reducitur ad poenæ civiles contra eos qui ordinationibus civilibus circa matrimonium non obtemperant. Sed ex parte ipsorum Canonum possunt magis urgentia argumenta depromi, scilicet ex cap. *Super eo*, de cognat. spir. qui Canon manifestè asserit, personas quæ secundum communes Ecclesiæ Canones essent habiles ad matrimonium mutuo contrahendum, posse esse ad hoc idem inhabiles ex recepta in oppositum consuetudine loci particularis. Allegatur pro utraque parte ex Concilio Triburiensi cap. 1. de sponsalib. quod tamen neutri partium suffragatur. Ibi vir Francus sceminam Saxonicam duxit uxorem, deinde novis amoribus irretitus repudiat Saxonicam, & aliam ducit uxorem, hoc prætens, fuisse illud prius matrimonium celebratum secundum Saxonum, non verò Francorum leges. Concilium verò prætexit istum parvipendens, Francum redire jubet ad priorem uxorem, & secundam abdicare. Nihil verò ibi insinuat, an illæ Franciæ leges pertinerent ad matrimonii validitatem quoad substantiam, an verò quoad quasdam præscriptas observantias & circumstantias, à quibus tamen non dependeret matrimonii essentia & validitas: sicut ipsa Ecclesia multa præcipit circa matrimonium, quorum tamen defectu non desinit validum esse. Præterea multò verisimilius est, fuisse illud matrimonium in Saxonum regione celebratum: tum quia ritu Saxonico, & non Francico: tum quia illo seculo Franci Saxonibus assidue bella intulerunt, & numerosissimi exercitus ex Francia in Saxoniam commigrabant, unde & victorias insignes reportarunt. At verò Francorum consuetudines non vigeant in Saxonia, neque illis Franci ligabantur peregrè agentes.

III. Asserunt quidam Theologi hanc Principibus secularibus potestatem competitivisse, ablatam verò eis fuisse ab ipsa Ecclesia, quæ sibi uni jus istud reservavit, cum antea illo potiri jure potuissent iidem Principes atque Respublicæ seculares; quandonam verò hæc eis Ecclesia potesta-

tem

tem abstulerit, non indicant: hoc solum ostendunt, aliquas veterum Romanorum circa matrimonia leges fuisse posterioribus Canonibus antiquatas. Sed nihil inde inferitur de illa juris Principum suppressione; nam id omni juri humano commune est, ut posteriores leges anterioribus absque illa speciali & singulari reservatione derogent, ut constat ex l. fin. D. de constitut. Princ. Canones etiam recentiores Canones infringant priores: & cum tam Canones Ecclesie (exceptis Fidei Decretis, aliisque quibusdam quæ ad Jus Divinum reducuntur) quàm leges Principum sint humani juris, & mutationibus obnoxii, inde fit ut ipsam contraria consuetudo peræquæ Canones Ecclesie ac Principum Constitutiones antiquæ ac obliteret, si sit rationabilis & præscripta, cap. fin. de consuetud. Quàm multos Canones edidere cum Pontificibus generalia Concilia, quos contrario usu videmus toto orbe abrogatos? Alexander Papa III. in cap. *Cum esses*, & in cap. *Relatum*, de testamentis, abrogat omnes à Jure Civili introductas testamentorum & codicillorum solennitates, & sub anathematis interminatione prohibet rescindi ulla testamenta quæ fuerint coram Parocho & duobus testibus condita; & notabiliter adjungit, nullam in contrarium consuetudinem posse huic Constitutioni prævalere. Et tamen quemadmodum illa Pontificia Constitutio legibus civilibus derogavit, videmus nunc toto orbe Christiano consuetudinem, quam idem Canon inhibebat, sibi prævalere; ita demum etiam in ditionibus Ecclesie temporalibus prævaluisse, ut abolito ipso Canone revixerint legum civilium circa testamenti solennitates, quas idem Canon aboleverat. Illa ergo pristini secularium Principum juris, quam quidam dicunt, facta revocatio, cum sit Juris positivi Ecclesiastici, potest quemadmodum alie innumeræ universales Ecclesie Constitutiones, contrariâ proculdubio consuetudine obsolescere, & Principes, quorum ditiones hujusmodi consuetudo pervaserit, pristinam potestatem jure postlininui resumere.

IV. Cæterum non facile admiserim, quod attinet ad rem facti, hujusmodi consuetudinem, quæ nova matrimoniorum impedimenta ultra numerum à Sacro Tridentino Concilio præfixum fuerint introducta, alicubi tandem plenè & ex integro prævaluisse. Illud enim unum, circa quod maxime insistant Franciæ plerique Procures, quod respicit matrimonia filiorumfamilias sine parentum consensu celebrata, in primis quidem consentiunt omnes esse illicita, & divinis humanisque legibus prohibita, & pœnis dignos esse filios qui contrahunt, & Sacerdotes qui eis assistunt. Consentiant pariter omnes fuisse hujusmodi matrimonia Regum Christianissimorum Constitutionibus ita prohibita, ut si fiant, declarentur ab eisdem nulla & invalidè contracta. Effluxere anni ferè centum, ex quo similes prodierunt Regum Constitutiones: primus enim hoc edixit Henricus III. in Comitibus Regni Blesensibus, art. 40. Verumtamen cum Antistitibus consentiunt unanimes Procures & sapientiores Regni Magistratus,

tam

tam Edictum Blesense, quàm cetera quæ ab insequentibus Regibus promanarunt, nullatenus attingere vim Sacramenti, neque potius in re usquequod divina violari Sacri Tridentini Concilii sapientissimum & sanctissimum Decretum: sed totam illam nullitatis & invaliditatis declarationem concludi intra fines pœnarum merè civilium, ut scilicet quoad actus civiles, & quoad emolumenta civilia his omninò privati existant hujusmodi filisfamilias, neque ad actiones admittantur civilis fori, quæ ex vi contractus & conventionum connubialium nasci possent, & cum filii qui ex illo nascentur conjugio perinde agatur apud Tribunalia, ac si illegitimi forent, tam quoad honores, quàm quoad successiones. Attamen non rarè contingit ut istæ quoque civiles pœnæ à supremis quoque Regni Curii ex æquo & bono remittantur, aut spontaneè dissimulentur, ne familiæ & personæ alioqui honorabiles & Reipublicæ quandoque utiles æterno inurantur opprobrio, & cum paupertate extrema conflentur. Rarissimè verò contingit, ut inde nati liberi ad illegitimorum sortem reducantur. Solaque pœna, circa quam nunquam vidimus dispensari, versatur circa privationem paternæ hereditatis, juxta Edictum Henrici II. nisi parentes ipsi initius de hujusmodi filiis disponere dignati fuerint.

V. Itaque intolerabilis circa Sacramentum surgenda esset inordinatio, si ad Curiarum beneplacitum nunc rigidius ad Edicti amissum judicantium, nunc ex æquo & bono mitius pro illustrium familiarum præsidio, & puellarum honestè natarum præcavenda ignominia, Deus cujus est uniformis & perpetuò constans operatio, nullam sibi certam in Sacramento imprimendam præfigeret regulam, sed ad arbitrium & inconstantiam humanorum judiciorum suum suspenderet actum, & pro eorum etiam in paribus Juris circumstantiis varietate nunc Sacramenti sui sigillum imprimeret, nunc verò Sacramenti gratiam cohiberet secundum humanorum judiciorum inæquales, nec sibi constantes successus.

VI. Quum Rex Christianissimus Ludovicus XIII. suum publicari fecisset Edictum anni millesimi sexcentissimi vigesimoini, mense Januario, eoque renovaret articulum præfatum 40. Edicti Blesensis, & Judices Ecclesiasticos juberet secundum ipsum in causis matrimonialibus judicare, art. 39. Clerus Gallicanus eo tempore sua Parisiis Convitia habens Regem suppliciter his verbis admonuit: *Rex humillimè supplicatur, ut considerare non pigeat quantum sit momentum in hoc articulo qui eget expositione ad duarum difficultatum elucidationem. Prima est, ut non aliter intelligantur hæ voces, Valide, aut invalide contracti matrimonii, quàm per relationem ad contractum civilem, & nullatenus ad contractum spirituales Sacramenti. Secunda, ut non adstringantur Ecclesiastici ad judicandum secundum hujus Edicti, simulque Blesensis articulos, sed juxta Sacros Canones & Ecclesiasticæ Decreta, quæ sunt unica regula & norma judicii Ecclesiasticorum. Hi enim non possunt, aut debent jurisdictionem, quàm à solo Deo collatam habere, circa res spirituales ab ipsis*

Ecclesiasticis

laicis mutari. Quapropter necesse est ex isto articulo hac verba rescare: Et obligabuntur Ecclesiastici Iudices in causis istiusmodi matrimoniorum iudicare ad hujus articuli normam. Ad hanc supplicem requisitionem Rex Christianissimus officium respondendi commisit Magno Regni Cancellario & selectioribus quibusdam Officialibus Sanctioris Consilii. Hi verbis istis ex scripto responderunt: *Communio Cleri, quod spectat ad priorem difficultatem sic resoluta fuit: Verba ista, Valide aut invalide contracta matrimonia, non esse aliter explicanda quam per solam relationem ad contractum civilem per laicos Iudices. Altera pariter difficultas iuxta & rationi congrua visa fuit. Hac ita decerpit prout habentur in tertio tomo Rerum & Decretorum Cleri Francici. Certè non potest majoti & graviori auctoritate firmari vera mens ac sensus istiusmodi Constitutionum Regni.*

VII. His attendum duxi iudicium eruditissimi Consiliarii in Senatu Parisiensi Loueti, lit. M, tit. 6. cujus hæc ipsa sunt verba: *Nullitas matrimonii proveniens ex defectu conditionum quas requirit articulus 40. Blesensis Constitutionis, nullatenus attingit ipsum Sacramentum, quod nihilominus in isto matrimonio existit: non agitur de Sacramento Matrimonii, aut ejus essentialibus ceremoniis; sed de validitate conventionum matrimonialium, de accessoriis matrimonii, de dotis validitate & communitate inter virum & uxorem: qua conventiones non dependent ex Theologicis Decisionibus, sed ex Edictis in Parlamento verificatis.* Et paulò post: *Aliud est de Sacramento Matrimonii disputare, aliud de pactione dotis differere; distincta sunt potestates.* Hæc Louetus. Scio equidem ejus Scholiasten Brodeum voluisse istam invaliditatem ad ipsum etiam Sacramentum protrahere. Atque hoc citra invidiam & injuriam dici potest, Scriptorem istum quoties à Jurisprudentiæ finibus ad Theologicas dissertationes digreditur, id facere tam imperitè & infelicer, ut ei jure dici possit hoc ipsum quod Megabyso ineptè de picturis differenti respondit Apelles, Eum se deridendum exhibere novitiis ejus artis. Usqueadè quæ dicit ignorat, ut ibidem asseveret à Concilio Tridentino definitum, matrimonia filiorum in vitis parentibus inita, & invalida esse, & carere Sacramento: quo nihil obtusius, nihil veritati evidentius oppositum dici potest, cum ipsum quod allegat Concilium sess. 24. cap. 1. de reformat. matrim. sic expressissime decernat: *Tametsi dubitandum non est, clandestina matrimonia libero consensu contrahentium facta, rata & vera esse matrimonia, quandiu Ecclesia ea irrita non fecit: & proinde jure dammandi sint illi, ut eos sancta Synodus anathemate damnat, qui ea vera & rata esse negant, quiq; falsò affirmant matrimonia à filiis familias sine consensu parentum contracta, irrita esse, & parentes ea rata vel irrita facere posse.* Quis post hæc tutò fidere, aut credere possit huic Commentatori tam manifesta mendacia comminiscenti? At pari fide pergit citans plerosque Theologos & Summistas à se nunquam lectos: & demùm concludit in hanc rem cunctos convenire Theologos, & docere tum prærecensita filiorum familias matrimonia, tum omnia

nia clandestinè contracta, fuissè & esse irrita, & Sacramento prorsus destituta. Horum quos citat Authorum alii scripserunt ante Concilium Tridentinum, & certum est hos omnes asseverare unanimes, matrimonia clandestinè contracta esse quidem illicita, nec minùs tamen esse vera Sacramenta. Cæteri Theologi & Simmista qui post Concilium scripsere, unanimes affirmant matrimonia clandestinè hoc est sine Parocho & testibus contracta, quanvis ante Concilium valida fuissent, si post Concilium inita fuerint, & irrita esse, & Sacramento destituta. Iidemque constanter scribunt, matrimonia filiorumfamilias sine parentum consensu facta coram proprio Parocho & duobus testibus, esse quidem prohibita & illicita, sed nihilominus valida, & cum Sacramento conjuncta. Errores itaque quos Scholasticæ Lectoris suis obtrudit, ex ejus inscitia prodeunt, quâ nescit discernere matrimonia clandestina sine Parocho & testibus, ab illis quæ coram Parocho & testibus, sed sine denunciationibus contracta sunt: nescit quoque distinguere clandestina matrimonia quæ Concilium Tridentinum præcessere, ab illis quæ Concilium subsequuta fuerint. Ignorat quoque discrimen inter prohibitum, illicitumque; & irritum, invalidumque. Concilium namque & Theologi universi affirmans suprâ memorata filiorumfamilias matrimonia esse prohibita, illicita & punienda; & nihilo seciùs ita esse valida, & Sacramento cohonestata, ut oppositum asserentibus inatrocem anathema.

VIII. Vetus quidem Jus Romanorum Civile irrita declarat filiorumfamilias matrimonia, in quibus paternus consensus non intervenerit, l. *In sponsalibus*, §. *In sponsalibus*, D. de sponsalibus, l. *Nuptia*, D. de ritu nupt., & l. *Nec filium*, C. de nupt. Instit. de nupt. in princ. & §. *Si adversus*, antepenult. etiamsi filius sit miles, l. *Filiusfamilias* 35. D. de ritu nupt. Blesensè Edictum Henrici III. art. 40. non tantùm patris, sed etiam matris consensum sub pari pœna exigit, quanvis Jus Romanorum commune matris consensum non exigeret, nisi in filia patre orbata, l. *In conjuntione* 20. C. de nupt. Et quanvis filia emancipata exierit de patris potestate, nihilominus l. *Vidua* 19. & l. *In conjuntione* 20. C. de nupt. consensum patris requirunt ad nuptias filię emancipatę. At verò libetè iniri possunt matrimonia citra consensum collateralium & affinium, l. *In copulandis* 8. C. de nuptiis.

I X. In Franciæ Regno necessarius quoque est tutorum & curatorum consensus ad matrimonium, juxta dictum Blesensè articulum 40. qui requirit pariter cum tutoribus & curatoribus proximiorum cognatorum assensum; horum enim officium est ut advertant, ne tutores aut curatores proprium aut suorum commodum spectantes, matrimonia procurent suis pupillis aut minoribus noxia vel incommoda, Blesensi art. 43. Licet Jus Romanorum neque curatorum, neque collateralium consensum efflagitet, l. *Sciendum*, D. de ritu nupt. & l. *In copulandis*, C. de nupt.

X. Nec verò necesse est ut expressus parentum consensus interveniat in liberorum suorum nuptiis; sufficit enim ad validitatem si admoniti non repronaverint manifestè; horum enim silentium pro consensu reputabitur, l. *In sponsalibus* 7. §. *In sponsalibus*, D. de sponsal. & l. *Si ut proponis*, C. de nupr. quæ lex declarat præterea non esse necessarium, ut patris consensus precedat; sufficere quippe ad valorem si ex postfacto approbet. Huic verò non obstat quod dicitur Institur. dē nupr. in princ. jussum parentum debere præcedere; id enim requiritur ad honestatem & officium, sed non ad actus validitatem, ut monet Despeſſeus de contractibus p. 1. de matrimoniis, sect. 2. num. 5.

XI. Eodem Blesensium Comitorum articulo 40. invalidum decernitur matrimonium sine proclamationibus ac denunciationibus contractum, nec sufficere primam denunciationem nisi ob urgentem aliquam & legitimam causam, & requirentibus parentibus & proximioribus fuerit circa reliquas duas, quæ Lateranensi & Tridentino Concilio requiruntur, dispensatum. Quod verò prædictus articulus 40. requirit præter proprii Parochi assistentiam quatuor etiam vel quinque testes, id nullibi receptum fuit, utpotè superfluum; & statim in toto Regno Concilio Tridentino non amplius requiruntur quàm duos testes præter Parochum.

XII. Communis Doctorum sententia est, ad matrimonii validitatem sufficere Parochi etiam inviti præsentiam, quæ rem quæ geritur sufficiens agnoscat. Sanchez l. b. 3. disp. 39. Filliucius tract. 10. cap. 6. num. 225. & 226. Coninch disp. 27. dub. 4. conclus. 3. Bonacina quæst. 2. puncto 8. num. 23. Prosper Fagnanus in cap. *Quod nobis*, num. 48. & seqq. de clandest. dispensat. Qui iidem declarationem allegant Sacræ Congregationis Cardinalium, assententem hoc idem; sed tamen Parochum ita debere interesse, ut appareat ipsum hac de causâ fuisse vocatum, quanvis alio & falso prætextu vocatus fuerit rei gerendæ inscius, & invitus aut renitens assitit; secus tamen si casu & non vocatus conveniatur. His suffragatur lex *Coram Titio*, D. de verbor. signific. ubi jussu aliquid facere coram Titio, declaratur adimplevisse conditionem, si illo vidente & sciente, quanvis invito & repugnante, fecerit. Ratio quoque suffragatur, quia Parochi præsentia ad hoc necessaria est, ut defectus & confusio clandestinarum nuptiarum devitetur. Et aliunde cum minister hujus Sacramenti non sit Parochus, sed ipsæ Partes in se contrahentes, harum dumtaxat, non verò illius consensus est necessarius, neque assitit nisi ut principalis & necessarius testis. In Gallia etiam hujusmodi matrimonium valet pariter quoad Sacramentum, sed si deduceretur ad forum contentiosum, damnaretur nullitatis quoad civilia, quia sic edicit art. 40. Blesensis Constitutionis. Et præterea quicumque hoc modo matrimonium inirent, graviter delinquerent propter Ecclesiæ contemptum, & omissionem denunciationum, & exempli pravitatem, nisi hoc fieret, quia

quia injustè Ordinarius, vel Parochus matrimonio contrahendo obfisterent.

XIII. Sufficit ad habendum alicubi proprium Parochum, si quis eo loci diverit ad habitandum majore anni parte, quanvis non habens animum continuandi habitationem ejus loci ultra semestre. Id namque sufficit ad continuandum parochiale domicilium, & suscipienda cætera quævis Sacramenta præter Ordines. Et qui per annum sex mensibus habitat in aliqua Parochia, & alio semestri in altera, potest sub utroque Parocho matrimonium inire. Sicut enim acquiri potest duplex domicilium, ita & duplex habitationis Parochia, cap. 4. de sepult. in 6. Sanchez lib. 3: disp. 24. num. 2. & 11. Gutierrez cap. 64. n. 2. Bonacina quest. 2. punct. 8. num. 2. & 8.

XIV. Alia ratio est de vagis hominibus; quilibet enim Parochi locorum per quæ illi transunt, possunt ipsorum matrimoniis interesse, quemadmodum & eis administrare Pœnitentiæ & Eucharistiæ Sacramenta, ut est communis Doctorum sententia. Sed quia vagi sunt plerumque improbi ingenii, & facillè contingit ut uxores alibi habeant, ideo vetat Concilium Trident. sess. 24. cap. 7. de reform. matrimon. ne Parochi horum matrimoniis interessint, nisi prius diligenter inquisiverint, & re ad Ordinarium delatâ, licentiam ab ipso habuerint.

XV. Si vir & femina sint diversarum Parochiarum aut Diœcesum, faciendæ quidem sunt in utraque Parochia aut Diœcesi proclamationes, & habenda licentia utriusque Ordinarii; sed indifferenter potest matrimonium contrahi coram Parocho, sive viri, sive feminae, quanvis ferè semper eveniat ut contrahatur coram Parocho feminae, eo quod viri ad feminas accedant sæpius quàm feminæ ad viros. Quilibet autem Ordinarius, aut Parochus æquali potestate pollet erga proprium diœcesanum & parochianum. Navarra consil. 1. de ipsius, num. 2. allegans responsum à Sacra Congregatione. Zerola in praxi, 1. p. verb. *Matrimonium*, quest. 6.

XVI. Potest Parochus assistere matrimonio sui parochiani, etiam in aliena Parochia & Diœcesi aliena, sine licentia Parochi ejus loci, modò id faciat extra Parochialem Ecclesiam, ea ratione quâ potest ejus quoque audire confessionem & absolvere ubique locorum, & quâ potest Prælati in sibi subditum exercere quocunque loco gratiosam & voluntariam jurisdictionem. Quod autem hæc agenda non sint in Ecclesia subdita Parocho vel Ordinario loci, nisi habitâ ejus licentiâ, id quidem requiritur, ne ei fiat injuria vel insultus hoc attentando; sed non est necessarium ad Sacramenti validitatem.

XVII. Tamen si non licitè, saltem potest validè proprius Parochus assistere matrimonio sui parochiani contra sui Ordinarii prohibitionem. Ea namque prohibitio non ei amovet jus & titulum Parochi: & multa

Ecc 3 facta

facta tenent quæ fieri prohibentur. Hoc ita declaravit Sacra Cardinalium Congregatio; atque ita docent Sanchez lib. 3. disp. 32. Bonacina quæst. 2. punct. 8. n. 21. aliique communiter. His amplius addit Fagnanus cap. *Littere quas*, de matrimon. contract. contr. interd. Eccles. valere Matrimonium, etsi Parochus assistens fuisset non modò prohibitus, sed etiam suspensus ab Ordinario. Quanvis enim Parochus subalternetur Ordinario quoad jurisdictionem quam potest ei restringere vel adimere, per hoc tamen non definit esse Parochus, ejusque assistentia ad Matrimonium non est jurisdictionis actio; nihil enim hic judicat, nihil jubet, nihil decernit, sed tantum suam exhibet quasi testis, præsentiam. Sic etiam licet Concilium Tridentinum sess. 24. cap. 7. de reform. matrim. prohibeat Parochis vagorum matrimonii interesse, hæc tamen matrimonia ex eorum præsentia valida sunt. Similiter contractus contra interdictum Papæ nuptiæ non idè minus valent, ut docet Glossa, & cum ea Innocentius in cap. *Ad dissolvendum*, de desponsat. impub. Et multa demùm facta tenent, quæ fieri prohibentur.

* X V I I I. Si contingat sponsum & sponsam ad diversas pertinere Parochias, consentiunt Doctores (seposita questione, An liceat) valere matrimonium, cui proprius assistit Parochus unus contrahentium, dummodo id fiat intra ipsius Parochiæ fines quæ subest illi assistenti Parocho, etiamsi nullatenus accedat assensus, vel præsentia Parochi alterius. Atque in hanc sententiam unanimes accedunt Theologi & Canonistæ, quos profert Thomas Sanchez de matrim. tom. 1. lib. 3. disp. 19. num. 4. & seqq. Quanvis enim quoad reliqua Sacramenta Parochus unus conjugum non sit utriusque Parochus, in matrimonio tamen (cùm sit individuum, nec nisi inter binos celebretur,) is qui habet jurisdictionem erga alteram partem, habet simul erga utramque; non enim una conjungi potest sine altera, argumento legis *Si communem*, D. quemadmod. servit. amit. & ibi Bartolus: *In indivisis*, inquit, *retinet quis per socium quod per se retinere non possit*. Præterea re aliqua concessa, conceduntur simul omnia sine quibus jurisdictionis explicari non potest, l. 2. D. de jurisd. omn. judic. Er ex eo quod causa alicui committitur, simul committitur super omnibus quæ ad eam causam pertinere noscuntur plenaria potestas. Longè autem diversa quæstio est, utrum quilibet Parochus possit extra suæ Parochiæ limites sibi subditum matrimonio conjungere cum alterius parochiano, cujus proprius Parochus minimè consentit: non enim hac in re Doctores peræque consentiunt, quibusdam posse negantibus, aliis affirmantibus, etiam extra fines Parochiæ, apud Sanchez.]

X I X. Raptus est ultimum dirimens impedimentum quandiu rapta in raptoris potestate manet. Definit istud impedimentum ex quo rapta dimissa est, & pristinæ reddita libertati. Sic enim sancivit Concilium Tridentinum, sess. 24. de reform. matrim. cap. 6. *Decernit sancta Synodus, inter rapto-*

rem & raptam, quandiu ipsa in raptoris potestate manserit, nullum posse consistere matrimonium. Quod si raptia à raptore separata, & in loco tuto & libero constituta, illum in virum habere consenserit, eam raptor in uxorem habet; & nihilominus raptor ipse, ac omnes consilium, auxilium & favorem illi prabentes sint ipso jure excommunicati, ac perpetuo infames, omniumque dignitatum incapaces: & si Clerici fuerint, de proprio gradu excidant. Teneatur præterea raptor mulierem raptam, sive eam uxorem duxerit, sive non duxerit, decenter arbitrio judicis dotare.


X. Generaliter loquendo raptus est violentia fœminæ ad explendam libidinem illata, licet non abdicatur. Verùm raptus, de quo intelligendum est hoc loco Concilium, est abductio personæ invitæ. Duo ergo ad raptum istum requiruntur, scilicet abductio & violentia: si enim puella suæ abductioni consentiat, non raptus erit, sed voluntaria fuga. Sanchez lib. 7. disp. 13. num. 9. Gutierrez cap. 86. num. 12. Bouacina quæst. 4. punct. 18. n. 5. ubi etiam contra Sanchez, Gutierrez & Reginaldum affirmat, locum esse huic impedimento & pœnis, sive raptus fiat solius libidinis explendæ causâ, sive etiam ad contrahendum matrimonium; & hoc fuisse ita declaratum à Congregatione Cardinalium. Similiter si puellæ stuprum per vim sine abductione fuerit illatum, nullus est huic pœnæ locus, juxta præfatos Autores.

X XI. Utrumque Jus, Canonicum & Civile, duas agnoscit species raptus, raptum scilicet in fœminam cui vis infertur, & raptum in parentes puellæ, si sint inviti progenitores, quanvis puella ipsa consentiat se abduci, cap. *Deraptoribus*, 36. quæst. 1. & cap. *Cum causam*, de raptorib. & l. *Raptores*, C. de Episc. & Cler. Sed raptus in solos parentes non subjicitur pœnis memorati Tridentini Decreti. Neque virisimilem credo quorundam opinionem, quod raptus in parentes puellæ consentientis producat dirimens impedimentum, quia ad hoc impedimentum instituendum motivum & causa fuit raptus fœminæ libertas ad consentiendum aut dissentiendum matrimonio: propterea vult Ecclesia, ut mulier, cujus personæ vis à raptore illata fuit, duci in uxorem non possit à raptore antequam ejus erepta potestati, libertatique suæ reddita fuerit: quæ causa cessat in ea quæ suæ abductioni lubens consensit, quantumvis resisterint parentes ejus. Dicit enim can. *Sufficiat*, 27. quæst. 2. *Sufficiat secundum leges solus eorum consensus, de quorum conjunctionibus agitur.* Et Glossa in cap. *Cum causam*, de raptorib. verb. *Dicatur admitti*, absolute ait, non esse raptum ubi puella consentit. Hoc denique sciendum, ad hoc ut istæ in raptores decreta à Tridentino pœnæ incurrantur, minimè requiri ut fœmina fuerit à raptore corrupta; sufficit enim vis illata fœminæ, & ejus resistentis abductio, neque aliud quidquam exprimitur à Concilio.



CAPUT XXVII.

Ad quem pertineat potestas dispensandi in Matrimoniorum impedimentis.

I.  ICITÆ ac inculpabilis dispensationis duæ sunt causæ, necessitas, & notabilis utilitas, juxta cap. *Mutationes*, 1. quæst. 7. & cap. *Expensis* 33. de præbend. Utrunque commemorat. S. Bernardus lib. 3. de considerat. ad Eugen. Pap. cap. 10. his verbis: *Ubi necessitas urget, excusabilis dispensatio est: ubi utilitas provocat, dispensatio laudabilis est. Utilitas, dico, communis, non propria. Nam cum nihil horum est, non plane fidelis dispensatio, sed crudelis dissipatio est.* Causæ legitimæ dispensandi circa gradus prohibitos, hæc sunt quæ colliguntur à Zerola 1. p. verb. *Dispensatio*, §. 1. Primum incompetentiæ dotis. Secundò extinctio magnæ litis. Tertio angustia loci, quæ potest esse duplex: vel quia maior pars habitantium ibi sunt consanguinei, vel affines postulanti, & extra illos non inveniret faciliè parem suæ conditionis; aut si vellet extra locum nubere, non haberet dotem sufficientem. Has tres causas colligit quoque Navarra cap. 22. num. 87. Quarta est sedatio & pacificatio discordiarum, siue præsentium, siue quæ futuræ prævidentur. Quinta quum dives ducere cupit in uxorem cognatam, vel affinem pauperem constituendo illi dotem. Navarra præfatas colligit causas consil. 3. de consang. & affin. Ibidemque addit sextam, si bona fide & ex juris ignorantia jam fuit contractum matrimonium. Septimam, matrimonii male contracti diurnitatem. Octavam, scandalum grave præcavendum, aut peccatum. Nonam, evitacionem mortis aut periculi ejus. Decimam, indoctæ puellæ miseriam, quæ vel spectat ad pudicitie periculum, vel ad rerum victui necessariorum indigentiam.

II. Prohibet Concilium Tridentinum non solum dispensari sine rationabili causa circa matrimoniorum impedimenta, sed etiam quidquam pro dispensatione exigi: dispensari etiam vetat in secundo gradu, nisi inter magnos Principes, scil. 24. cap. 5. de reform. matr. *In contrahendis* (inquit) *matrimonii vel nulla omnino deinceps dispensatio, vel ratiō, idque ex causa, & gratis concedatur. In secundo gradu nunquam dispensetur nisi inter magnos Principes, & ob publicam causam.*

III. Circa præfata Matrimoniorum impedimenta solus Papa regulariter dispensare potest, cum sint vel à Generalibus Conciliis, vel à Summis Pontificibus instituta, contra quæ nihil possunt Episcopi, cum sit
horum

horum authoritas inferior, & prædictis subdita, can. *Inferior*, dist. 21. & Clement. *Ne Romani*, de election. Circa illa verò impedimenta quæ sunt à jure naturæ introducta, ut in Matrimonio ascendentium & descendentium in linea directa, neque Papa, neque Concilium dispensare ullatenus valent, Quandoque tamen accidit ut dispensare Episcopi possint in impedimentis à Jure Canonico & suprema Ecclesiæ potestate sancitis, Quando enim Matrimonium cum aliquo impedimento canonico, etiam dirimente, bonâ fide ex juris aut facti ignorantia contractum fuit in facie Ecclesiæ, si sit occultum impedimentum, neque adiri possit prima Sedes ob conjugum paupertatem, rusticitatem, aut locorum distantiam, aliâve similes causas, neque possunt citra scandalum conjuges separari, aut etiam urget periculum offensæ Dei, his casibus potest Ordinarius dispensare quoad forum conscientiarum. His consentit omnis Summarum & Theologorum multitudo. Angelus verb. *Dispensatio*, num. 5. Sylvester verb. *Dispensatio*, §. 9. Armilla eod. verb. num. 19. Dominicus Soto in 4. Sent. dist. 37. quæst. unica, art. 2. Navarra cap. 22. n. 85. Bonacina quæst. 3. punct. 15. n. 4. Sanchez lib. 8. disp. 6. Zerola 1. p. verb. *Dispensatio*, §. *Ad quintum*, ubi quoque dicit, sibi in pari casu ab Urbe Roma responsum, istius dispensationis potestatem esse penes Ordinarium, concurrentibus simul sex circumstantiis sequentibus. 1. Ut jam fuerit contractum matrimonium. 2. Ut contractum fuerit ignoranter quoad impedimentum. 3. Ut sit consummatum. 4. Ut impedimentum sit occultum. 5. Ut partes sint aded inopes ut non possint ire, aut mittere ad Papam vel Legatum. 6. Ut si fieret separatio, scandalum verisimiliter oriretur. Si verò aliqua absit ex præfatis circumstantiis, & personæ sint pauperes aut rudes ac rusticæ, officium erit Ordinarii prosequi hanc dispensationem in forma pauperum apud Sedem Apostolicam, ut planè gratis & sine compositione obtineatur.

I V. Prædicta Ordinariorum potestas viget quidem circa Matrimonia irrita, sed tamen de facto cum bona fide contracta. Circa verò Matrimonia contrahenda multò magis arctior est Ordinariorum potestas, & rarissimè contingit Episcopum posse in hac parte dispensare in impedimentis dirimentibus quandiu res adhuc integra existit. Sanchez tamen casum proponit, in quo possit dispensare in impedimento irritante Episcopus, nondum contracto, sed tamen proximè contrahendo Matrimonio, lib. 2. disp. 40. num. 7. Nuptialibus conventionibus solenniter inter Partes in præsentia communium cognatorum, affinium & amicorum contractis, publicatis jam proclamationibus, expeditaque ab Ordinario permissione nuptiarum, puella proximè nuptura præmittit in manibus Parochi Sacramentalem, ut fieri solet, Confessionem, ex qua innotescit Patocho dirimens aliquid impedimentum, exempli gratiâ contractæ affinitatis ex illicita copula occulta. Sunt verò omnia ad nuptias vespere ejus diei consummandas disposita. Omnibus discussis, nulla patet via gravis & pu-

fffc blicè

blici scandali devitandi, infamizque, aut saltem gravissimarum inimicitiarum. In talibus angustiis præsumendum est, non esse animum Papæ ut hæc sibi in tanto discrimine reserventur, esset enim irrationabiliter invitus, sed recurrendum est ad Ordinarii secretam dispensationem futuram validam pro conscientiz foro. Ibidem tamen addit Sanchez, posse fortassis hoc effugium adhiberi, ut suadeatur puellæ consentienti votum castitatis emittendum pro uno mense, ut ipsa sine vituperio prætexere possit se à Confessario monitam necessitatis sibi incumbentis petendæ dispensationis ex voto castitatis, sine ulla tamen præfiniti temporis mentione, quia votum ad tempus castitatis potest ab Ordinario dispensari. Interea differtur matrimonium, & dum in Romana Curia res aperte geritur pro dispensatione voti castitatis, occultè procuranda est dispensatio veri alterius impedimenti pro interiori foro. Verumtamen si cautela ista menti non occurreret, aut si ob rerum, vel personarum circumstantias judicaretur difficilis, aut etiam impossibilis exequutionis, recurrendum est ad Ordinarii dispensationem, quæ in talibus angustiis justa erit & valida in conscientiz foro. Ista, quam Sanchez primus produxit, opinio evasit subinde inter Doctores communis, ut ostendit Bonacina num. 4.

V. Quod aliqui affirmant, posse Ordinarios in hoc Regno absolute dispensare ad contrahendum matrimonium in quarto, aut etiam in tertio cognationis aut affinitatis gradu, utrum id ita consuetudine invaluerit ut jus faciat, certum & indubitatum asserere non ausim. Scio alicubi ab Ordinariis dispensatum: scio quoque id aliis Ordinariis improbari. Et re penitus examinata non admodum moveor illorum qui sic dispensaverunt auctoritate, quia tam profusè, & sine causa dispensatum in his animadverto, ut non alia pateret ratio, quàm quia ut ita indulgerent rogati fuerant: ob qualem facilitatem Papa ipse in iisdem gradibus dispensando non leviter peccaret, quia ut superius monui & probavi, non sunt petendæ, aut laxandæ contra Jus receptum dispensationes, nisi ubi suadet rationabilis & urgens ratio: talesque dispensatores, etiamsi summi Pontifices forent, non dispensatores fideles, sed dissipatores dici vult Sanctus Bernardus allegans illud Apostolicum: *Hic jam queritur inter dispensatores, ut fidelis quis inveniat.*

* V I. Solent nonnulli Præsules Gallicani, qui scilicet dispensandi vim sibi attribuunt ad nuptias non modò contractas, sed futuras etiam & contrahendas, effusam (ut sibi videtur) Romani Pontificis, aut Legati insimulare in dispensando libertatem. Cur igitur iidem non prospiciunt longè profusiorum fore dispensandi licentiam, si in oppositum reclamantibus Conciliis œcumenicis, quæ hanc potestatem uni Summo Pontifici, Legatoque reservant, sibi audent vindicare Gallicani ducenti circiter & quadraginta nimirum Episcopi cum suis Vicariis seorsim in suis Diocesis singuli pro suo arbitrio hujusmodi licentiam? Ingruet profeudò tota: Gallicana:

Gallicana ditione admodum exuberantior & inordinatio inter tot , tamque diversa sibi , aliisque indulgentium Prælatorum capita in dispensandis matrimoniis licentia. Quin etiam si per univcrsum Regnum ista invalesceret consuetudo (quod malum Deus avertat) contingeret demum ut quilibet laici , etiam balternorum Tribunalium Judices per captionem & distractionem bono um Episcopaliu ipsosmet Episcopos cogerent pro suo peculiari , aut amicorum , aut Partium postulatum affectu ad sic dispensandum , sicut jamdudum compellunt invitos ad monitoria & excommunicationes decernendas ; sicque simile quid illis oveniret divinæ huic apud Isaiam comminationi , *Pro eo quod abjecit populus iste aquas Siloë , que vadunt cum silentio , propter hoc ecce adducet Dominus super eos aquas fluminis fortes & multas*. Sic enim renuentes hac in parte Summo Universalis Ecclesiæ Pontifici subijci , compelluntur indignissime laicorum Judicum infimorum decretis obtemperare , aut propriorum fructuum , ni pareant , interceptionem ac privationem pati. Denique ut alias innumeras sileam authoritates , lobet unicam proferre Gallicanorum duodecim Episcoporum in Concilio Turonensi sedentium , & sic decernentium anno 1583. tit. 9. de Matrimon. his verbis : *In quarto consanguinitatis & affinitatis , necnon cognationis spiritualis prohibitis gradibus Episcopis dispensare non licere declaramus*. Eadem pariter mens extitit Antistitum Concilii Tolosani , cui præsedit Tolosanum Archiepiscopus Cardinalis de Joyosa anno 1590. sic enim ab his decernitur sub tit. de Matrimonio : *Quos cognationis gradus impedit , nisi prius visa Summi Pontificis dispensatione , in matrimonii conjunctionem Parochi non recipiant*. Declaratur igitur nullam esse quamcunque hac in re dispensationem , si non à Pontifice dimanarit. Citent alii Barbosam Episcopis quibuscumque hanc potestatem eximentem , de offic. & potest. Episc. part. 2. alleg. 35. Sanè istæ ab Episcopis concessæ dispensationes pro contrahendis conjugis , aut nullitatem , aut incertitudinem causant Sacramenti. At verò in re Sacramentaria unanimes docent Theologi , non esse licitum quidquam incerti adhibere , eo certo medio prætermisso , quod adhiberi possit. Atque ita licentia ista vel nefariam inducit Sacramenti nullitatem , aut ad summum tutiore simul & probabiliore opinione rejecta , minus probabilem , nec tutam in tanti momenti Sacramento consecratur opinionem.]

VII. Ex rationabili & justa causa possunt Ordinarii dispensare circa impedimenta non dirimentia , non solum ad prius contractum , sed etiam ad contrahendum matrimonium , exceptis votis simplicibus & absolutis perpetuæ castitatis & Religionis. S. Antoninus 3. part. tit. 1. cap. 16. §. 4. Paludanus in 4. distinct. 28. quæst. 2. Bonacina quæst. 3. punct. 15. n. 3. Navarra cap. 22. num. 85. addens hanc esse ubique receptam consuetudinem. Possunt etiam dispensare circa dirimentia impedimenta quæ innotescant non ante contrahendum , sed post contractum bona fide matrimonium ,

aliis accedentibus circumstantiis suprà artic. 3. recensitis. Præterea absolventes possunt Ordinarii dispensare circa impedimenta quæ prius contracto matrimonio superveniunt, & debiti conjugalis petitionem & usum prohibent, qualis est superveniens inter conjuges, live per Baptismum, live per incestum affinitas. Abbas in cap. 1. de eo qui cogn. consang. uxor. suæ. Sylvester in verb. *Debitum*, quæst. 9. adjungens hanc esse communem opinionem. Sotus in 4. distinct. 37. quæst. unica, art. 2. vers. *Debet autem*. Jacobus Grassius decif. aur. p. 1. lib. 2. cap. 80. num. 9. & 10. Sanchez lib. 2. disput. 40. num. 13. & seqq. Debet tamen simul injungere pro incestus gravitate penitentiam, & procurare sollicitè ut amoveantur occasiones recidivarum.

VIII. Quicumque scienter in gradibus prohibitis matrimonium contraxerint vel consummaverint (quod idem obtinet & servandum est in aliis quoque dirimentibus impedimentis) jubet Concilium Tridentinum eos qui hoc præsumperint, separari, atque omni spe obtinendæ dispensationis excludi: non enim est indulgenda dispensatio, cui bona fides aut probabilis ignorantia non suffragetur, sess. 24. cap. 5. de reform. matrim. Hoc ergo advertant Ordinarii, ne sub prætextu invalidarum propter subreptionem dispensationum à Suprema Sede impetratarum, approbent vel permittant nulla & invalida matrimonia. Si quis ergo in gradu prohibito, aut cum alio quovis derimente impedimento sciens & volens irritum contraxit aut consummavit matrimonium ad hunc finem, ut secum facilius dispensetur, si non disertè explicaverit apud Papam istas circumstantias præmissi irriti matrimonii, aut consummatæ copulæ ad hunc dispensationis facilius obtinendæ finem, quæ intentio necessariò exprimenda est, erit subreptitia & invalida dispensatio, juxta cap. *Super literis* 20. & cap. *Dilectus* 26. de rescript. Covarruvias 2. p. de sponsalib. cap. 6. §. 2. num. 14. Zerola loc. cit. §. *Quarto quod quando*: ubi admonet Ordinarios ut hoc advertant, & distictè prohibeant cohabitationem sponсорum antequam veniant ab Urbe dispensatio. Verumtamen sæpè accidit, ut qui contraxerunt cum dirimente impedimento, dum expectant dispensationem, consumment inter se postquam supplicationem præmiserunt (nam si ante supplicationem consummaverint, invalida sequetur dispensatio, ut jam dixi:) quæritur utrum in illo casu dispensatio valeat? Et valere respondetur, non enim censeri potest subreptitia quando preces veritate nituntur. Atqui supplicatio super qua dispensatum fuit, vera, & nullatenus subreptitia supponitur, cum fuerit expedita ante illum defectum supervenientis consummationis, etiamsi consummatio illa contingerit nondum confectis literis dispensationis. Zerola dict. verb. *Dispensatio*, §. *Ad sextum*, versu *Secundò quia per solam*.

IX. Si matrimonium coram Parocho & testibus bona fide initum, comperiat tandem invalidum ob dirimens aliquod prius ignoratum impedimen-

impedimentum, necesse est post impetratam dispensationem, ut post impedimenti præexistentis cessationem, qualis esset defectus sufficientis consensus, ut partes mutuum inter sese consensum renovent: neque enim sufficeret consensus solius ejus qui novit impedimentum. Quod enim ab initio non valet, tractu temporis non convalescit, l. *Quod ab initio*, D. de regul. jur. Non est tamen necesse hunc in specie defectum Parti alteri quæ id ignorat, notificari, dummodo novus ab ipsa consensus simul eliciatur. Caietanus in summa, verb. *Matrimonium*, & in opusculis tract. 12. q. 2. Navarra cap. 12. num. 47. & 82. & ceteri communiter.

X. Quando à Sacra Pœnitentiaria conceditur Ordinatio aut Confessario in Theologia aut Sacris Canonibus graduato ad hoc delegato facultas dispensandi cum aliquibus circa Matrimonii impedimenta, debet hic delegatus primùm inquirere diligenter, utrum res ita sit sicut exposita fuit Apostolicæ Sedi, an verò literæ in quibus res gesta exponitur, subreptitiæ sint. Sufficit tamen si inquireat penes ipsum pœnitentem, cui fides habenda est, nisi oppositum compertum sit. Debet verò delegatus injungere convenientem satisfactionem, si eam sacra Pœnitentiaria non taxaverit. Censetur verò occultum in hac materia impedimentum, si non laborat infamia publicâ, & si non fuit deductum ad contentiosum forum, aut si deductum quidem fuerit, sed non potuerit probari; ideoque lis dirempta, & Pars rea sine nota dimissa fuerit, Sanchez lib. 8. disp. 34. num. 55. Bonacina quæst. 3. punct. 15. n. 7. Hæc enim dispensatio non in foro externo, sed in solo conscientiæ foro valebit; quod occultum est. Sciât denique Confessarius ad hoc delegatus, simulque pœnitens, matrimonium non sortiri effectum à die obtenti & expediti rescripti, sed à die quo sive Ordinarius, sive Confessarius approbatus & delegatus in virtute mandati Apostolici dispensaverit cum pœnitente, ut monet Covarruvias 2. p. cap. 6. §. 9. num. ult. & est communis doctrina. Porro in rescriptis dispensationum matrimoniorum etiam in foro pœnitentiæ obtentis, solet clausula ista apponi: *Si ita est, cum eis dispensa, ut inter se, & servent Tridæmæ Canonis formâ publicè contrahant.* Quæ clausula vim habet, ut si Parochus aut testes illud noverant impedimentum quando primùm contractum fuit matrimonium, aut si istud non ita sit occultum; quin probari facile in judicio possit, & periculum sit ut detegatur impedimentum, in his rerum circumstantiis denud renovetur matrimonium coram Parocho & testibus ad id vocatis. Extra verò has circumstantias poterit occultè, & sine Parocho, & remotis arbitris ac testibus secretò renovari mutuos inter Partes consensus, juxta usum generalem communi Doctorum calculo approbatum.

XI. Impedimentum dirimens quod exurgit ex consanguinitate in primo gradu non solum lineæ rectæ ascendentiæ & descendentiæ, sed etiam lineæ transversalis & lateralis fratrum & sororum, procedit ex jure

F ff 3 natural;

naturali, contra quod Ecclesia non potest dispensare. Secus est in gradibus affinitatis, in quibus jus naturale nullum inducit impedimentum, nisi forte in lineæ rectæ primo gradu. Communior enim opinio, quam tueritur Sotus, Ledesina, Covarruvias, Valentia, Vasquez, Coninch, Filiucius, quos citat & sequitur Bonacina quæst. 3. punct. 12. num. 7. negat posse per Papam dispensari super affinitate ex justo matrimonio con surgente in lineâ rectâ, scilicet inter vitricum & privignam, inter novercam & privignum, inter socerum & nurum, inter locrum & generum: quanvis Sanchez lib. 7. disp. 66. & lib. 8. disp. 6. num. 12. attribuat in his quoque Summo Pontifici dispensandi potestatem. Cuncti tamen consentiunt posse ab Ecclesia dispensari in iisdem ipsis gradibus, non ex legitimo matrimonio, sed ex illicita copula exurgentibus, ut in nuptiis huius cum adultero matris suæ, aut filii cum concubina patris sui. Et certè si incestus sit occultus, conveniunt Doctores, non modò virum qui pendente suo matrimonio compressit matrem uxoris suæ socrum suam, & uxorem quæ similiter constante matrimonio adulterata est cum patre viri sui focero suo, teneri solvere debitum conjugii petenti, sed posse insuper ab Ordinario dispensari ut possint licitè petere. Affinitas enim perfectò jam matrimonio inter virum & uxorem superveniens reddit eum ex cuius flagitio nata est, inhabilem ad exigendum connubiale debitum; sed tamen petenti conjugii innocenti reddere tenetur. Sed tamen conjunx qui commisit incestum, potest dispensari ut licitè possit petere, cap. *Transmissa*, & cap. *Tua fraternitatis*, & cap. *Jordanus*, de eo qui cognov. consang. uxor. suæ. In primo verò gradu collateralium affinium potest Ecclesia, hoc est Papa, vel generale Concilium, dispensare ad matrimonium, quanvis illa affinitas non ex stupro, sed ex legitimo matrimonio exorta foret, ut scilicet vidua ex fratre fratri superstiti nubat; etsi talis dispensatio in Catharina Austriaca, per quam defuncto priore conjugio Arturo Angliæ Rege, nupsit ejus fratri Henrico, funestissimos sortita fuerit exitus.

XII. Quod verò attinet ad impedimenta non dirimentia locuples testis est Navarra cap. 22. num. 85. ea omnia fuisse diuturnâ olim consuetudine abolita, exceptis votis simplicibus perpetuæ castitatis, necnon Religionis, & sponsalibus præcedentibus cum altera vivente persona, & Ecclesiæ interdicto; quatenus ipse dum hæc scriberet nonagenarius, vitam insumperat docendo publicè Jus Canonicum in Gallia, Hispania & Italia, & frequentibus toto ex orbe Christiano consultationibus respondendo in Romana præsertim Curia, quæ de ejus doctrina lumen in arduis quæstionibus mutuari solebat. Sic verò loquitur: *Id videtur non tantum consuetudine non esse receptum, sed etiam neque à Papa, neque ab Episcopo nullo peti dispensationem, quando cum illo impedimento aliud dirimens non concurret: nondum enim in tanta ætate vidi vel audiri fieri.* Eadem affirmat Tolletus

letus lib. 7. cap. 19. in fine. Sanchez lib. 7. disput. 17. Bonacina quæst. 3. puncto 15. num. 3.

XIII. Non omnes extra matrimonium nati censentur illegitimi. Naturalis enim ex soluto & soluta genitus legitimatur per subsequens matrimonium, cap. 1. qui fil. sint legit. Instit. de nupt. §. fin. & in Authent. quomodo naturales efficiantur sui, §. Si quis igitur dotalia, collat. 3. & C. de natural. liber. l. Cum quis; & Instit. de hæredit. quæ ab intest. defer. §. Quibus, verb. Necnon. Id verò jus non extenditur ad spurios natos durante patris aut matris matrimonio, licet postmodum dissoluto per mortem alterius conjugum matrimonio, pater & mater spurii matrimonium inter se inirent, cap. Tana, qui fil. sint legit. At filii nati ex conjugio in facie Ecclesiæ bona fide contracto censendi sunt legitimi, quanvis postea aliquod ejus conjugii dirimens impedimentum detegatur, cap. Pervenit, cod. tit. Si conjugatus vivente priori conjugæ contrahit cum alia persona ignorante quod ille sit conjugatus, proles inde nascens erit legitima, cap. Ex tenore, cod. Præterea proles infidelium conjugum qui postea convertuntur ad fidem, legitima est, etiamsi parentes sint in gradu prohibito lege canonica, cap. fin. cod. Cognitio. an quis sit legitimus, ad Ecclesiam deferitur, cap. Causam 2. cod. tit..



C A P U T XXVIII.

De Divortio.

DIVORTIUM est legitima conjugum separatio, quæ tribus modis intelligi potest. Primo quoad torum, seu copulam duntaxat. Secundò quoad torum simul & habitationem. Tertio quoad vinculum ipsum quod solvitur, ita ut desinat esse Matrimonium.

II. Dissolvitur quoad vinculum ratum conjugium, dummodo non sit consummatum, si alter conjugum discesserit, & professionem in Religione aliqua per Apostolicam Sedem confirmata emisit: imò etiam per votum simplex quod in Societate Jesu post triennium probationis emitti solet, adeo ut post tale emissum votum liceat alteri Parti in aliud convolare matrimonium. Et si enim scriptum sit Matth. 19. *Quod Deus conjunxit homo non separet*; id tamen absolute intelligendum est de matrimonio consummato, per quod duo fiunt una caro, ut ibidem innuitur: *Erunt duo in carne una*. Post ratum itaque matrimonium conceduntur conjugibus menses duo, intra quos alter conjugum alteri petenti potest debitum conjugale

regularē

recusare, ut interea liber sit ad Religionis ingressum, cap. *Ex publico*, & cap. *Ex parte*, de convers. conjug.

III. Reliquæ autem divortiorum species vinculum nuptiale non dissolvunt, possuntque diversis ex causis fieri: quarum prima & præcipua est alterius conjugum adulterium, Matth. 19. *Quicumque uxorem dimiserit, nisi ob fornicationem*. Quandiu verò unus conjugum de consortis adulterio non est certus, licitum est Patri quæ sibi conscia est adulterii debitum exigere nuptiale, neque hoc jure excidit donec delictum alteri coniugi plenè innotuerit. Ista lege tenentur tam viri quàm uxores, quia utrobique ligat fidei conjugalis vinculum, adeò ut non teneatur uxor virum adulterum admittere, ut neque maritus uxorem adulteram. Sed si uterque conjugum fidem solvit, neuter ab altero divertendi jus habet, sitque mutua injuriarum compensatio, cap. *Significasti*, de divort. Neque refert (ait Coninch) uter eorum prior fidem fregerit, aut quod unus sæpius quàm alter deliquerit, aut unius, non autem alterius adulterium publicè innotuerit, cum jus divortii non nisi innocentem competat. Ideoque statuit cap. *Ex literis*, eod tit. quod si mulier marito requirente fuerit per Ecclesiæ sententiam ab ejus toro & cohabitatione separata, si postmodum vir ipse fornicetur, cogendus erit dimissam uxorem resumere.

IV. Cessat ista divortii causa simul ac Pars innocens hanc offensam consorti condonaverit, ut si post ejus adulterium illam vel semel ad tori admitteret consortium. Hic tamen requiritur libertas; quia si uxor, exempli causâ, metu vexationis maritum adulterum admittat, non censetur perinde hanc illi remittere injuriam, donec plena libertate illum admittere consenserit. Hic obiter observa, virum qui vel semel uxorem, postquam adulterata est, cognoverit carnaliter, fieri hoc ipso irregularem eâ, quæ dicitur interpretativa, bigamiâ, cap. *Si cujus*, dist. 34.

V. Si vir uxorem adulteram non pœnitentem, sed in delicto perseverantem admittit, delicto participat, tum ratione scandalì, tum defectu debitæ correctionis, cap. *Si vir sciens*, de adulter. Quod verò ibidem dicitur, debere à viro uxorem pœnitentem recipi, intellige cum Glossâ ibi de convenientiâ, non de conscientiâ vel obligationis debito. Absolutè enim loquendo, si vir hanc injuriam sponte non condonet, aut nisi ipse pari quoque delicto peccaverit, liber in perpetuum à conjugali onere manet. Idemque juris habet fœmina innocens respectu mariti adulteri, adeo ut re juridicè probata, possit conjunx innocens non modò dimittere consortium invitum, sed præterea Religionem ingredi, aut sacris sè Ordinibus alligare, can. *Agathosa*, 27. quæst. 2. & cap. *Constitimus*, & cap. *Veniens*, de convers. conjug. Et refertur historiæ Lausiacæ cap. 28. Sanctum Paulum cognomine Simplicem, deseruisse deprehensam in adulterio uxorem, vitæque monasticæ se addixisse sub Magni Antonii disciplina. Vtrum tamen ad hoc requiritur & probatio delicti, & sententia Ecclesiæ.

Sed

Sed ubi agitur de sola tori, aut etiam cohabitationis separatione, id fieri secundum conscientiam privata autoritate potest; verum ad alterius querelam compelleretur Pars quæ se subduxit, vel probare delictum, vel reverti ad communionem cohabitationis & tori per Judicis sententiam. Sotus in 4. dist. 36. quæst. unica, art. 2. cap. 3. Ledesina quæst. 62. art. 3. Navarra cap. 22. num. 23. Sanchez lib. 10. disp. 12. num. 31. Bonacina quæst. 4. punct. 5. n. 10. qui tamen admonent circa divortium, evitandum necessariò scandalum, quod contingit maximè si adulterium nemini aut paucis innotuerit, cap. *Dixit Dominus*, 32. quæst. 1.

V I. Neque solus animus adulterandi, neque alii actus impudici præter copulam possunt esse causa sufficiens ad divortium, quia per solam sexuum commixtionem, non verò per alios actus caro dividitur conjugum, & violatur illud sacræ Scripturæ: *Erunt duo in carne una*. Sanchez, Coninch, alique quos allegat & sequitur Bonacina quæst. 4. punct. 5. num. 3. & 4.

V II. Non potest conjunx divortium facere, nisi certitudinem adulterii saltem moralem habeat, ne alteri fiat injuria. Sed requiritur tanta certitudo, quanta requireretur ad condemnandum in criminali foro. Cujusmodi est certitudo si conjunx proprium fateatur adulterium, aut si nuda cum nudo, aut sola cum solo accubantes in uno lecto deprehendantur, cap. *Literis*, de præsumption. Non tamen sufficiunt verba aut literæ amatoris, neque monuscula, neque oscula, neque amplexus, nisi adliant aliæ urgentes circumstantiæ loci, temporis ac personarum. Bonacina num. 8.

V III. Fit nonnunquam ut uterque conjunx adulteratus fuerit, sed horum unus ab hoc vitio pridem destiterit: quæritur an hic possit divertere ab altero non emendato? Respondent Doctores affirmativè, tam in interno quam in externo foro, dummodò post sui emendationem admonuerit conjugem, qui, quæve post admonitionem reinciderit in hoc peccatum, cap. *Significasti*, de divort. Enimverò si ambo conjuges post singulorum adulteria reconciliati essent, fieretque post reconciliationem ut eorum unus continentiam servaret, alterque in pristinum vitium relaberetur, conjunx emendatus jus haberet repudii adversus incorrigibilem consortem. Bonacina num. 15. Sed si post divortium propter adulterium contingat conjugem qui divortium petiverat, fornicari, compellendus erit ad rursus cohabitandum cum consorte repudiata, cap. *Ex literis*, de divort.

I X. Altera justa divortii causa ex conjugis sævitia procedit, cap. *Literas*, de restitut. spoliat. Ad hanc reducitur furor, si sit ita vehemens ut alter conjugum cohabitando valde periclitetur. Tertia causa est, si alter conjugum alterum instigat ad peccandum, præmissaque admonitione non desistit. Si enim non tenetur conjunx alteri conjugi sibi periculum mortis

G g g corpora


corporalis intentanti, minùs tenebitur cohabitare intentanti sibi interitum animæ, cap. *Quasivit*, de divort. Docet Coninch justam esse divortii causam, si alter conjux sit magus ac veneficus. Cùm enim tales homines ducti demonum regantur, periclitatur animæ salus illis cohabitantis: quin etiam corporis vita, ut monet Bonacina. Quarta causa est lapsus alterius conjugum in hæresim vel apostasiam, cap. *De illa*, & cap. *Quanto*, de divort.

X. Non est justa & sufficiens divortii causa, si alter conjugum in lepram incidat, tot. tit. de conjug. leprosor. Et tenetur sanus conjugi leproso peccenti reddere debitum, cap. *Quoniam*, eod. tit. Tametli liberum sit sponsalia de futuro dissolvere propter supervenientem lepram, cap. fin. eod. Mira est Canonum de leprosis discrepantia, Alexandro III. jubente reddi debitum leproso conjugi; Stephano autem II. disertè prohibente reddi, & separari jubente, responso 9. ex Carisiaca Villa, anno 754. regnante in Gallia Pipino, ad quem Stephanus confugerat. Huic Stephani Decreto conformatur triennio post celebrata Synodus Compendiensis can. 16. Plura de divortio, tum etiam de juribus pecuniariis sponсарum, nuptiarum & viduarum, require inferius lib. 6. cap. 27.



C A P U T XXIX.

Resolutiones circa oscula, aliosque similes actus, ex Sancto Thoma, & Sancto Antonino.

- I.  ERMULTUM refert ad animarum & conscientiarum directionem, tum elucidationem, discernere in quibusdam circumstantiis, sive mortaliter, sive venialiter peccetur, aut etiam non peccetur, circa oscula, tactus aliaque ejusmodi, quæ ut plurimum esse possunt libidinis incitamenta. Et quia circa hæc multiplices discrepantes ventilantur opiniones, consultius esse duco lumen mutuari à duobus eruditissimis, sapientissimis, & publicè totius Ecclesiæ veneratione celebratissimis Doctoribus, sancto Thoma, & qui hunc ipsum allegat & sequitur ducem, sancto Antonino Archiepiscopo Florentino, cujus ipsamet verba sine ulla immutatione subijcio ex secunda parte Summæ majoris, tit. 5. cap. 1. §. 9.

II. Intantum (inquit) sunt peccata amplexus, oscula, tactus & multiloquia, inquantum procedunt ex luxuria, secundum Thomam. Pro cuius majori declaratione dicit Thomas 2. 2. quæst. 154. art. 4. quod aliquid potest esse peccatum mortale dupliciter, uno modo secundum speciem

ciem suam, & hoc modo oscula, amplexus, & tactus secundum suam rationem non nominant peccatum mortale. Possunt enim hæc fieri absque libidine, vel propter consuetudinem patriæ, vel propter aliquam necessitatem, vel ob aliquam rationabilem causam. De more est enim in aliquibus locis, ut non solum viri viros, sed etiam viri mulieres, præcipue consanguineas suas, cum de novo adveniunt vel visitant, amplectentur, & manus mutuo contingant, & osculentur, sicut Jacob Patriarcha osculatus est Rachelem adolescentulam amore casto ut consanguineam, Genes. 29. Necessitas quandoque compellit tangere totum corpus, & etiam secretiora naturæ, ut Medicus infirmam in tali parte. Causa alia rationabilis est cum datur osculum pacis in Ecclesia, esto quod non fiat à viris erga mulieres: talia non sunt peccata de se, quanvis possit supervenire & tentatio, & mala intentio; sed hoc erit per accidens. Alio modo dicitur aliquid esse peccatum mortale ex causa sua, sicut ille qui dat elemosinam ut inducat aliquem in hæresim, mortaliter peccat propter intentionem corruptam. Dicitur autem et supra, quod non solum consensus in actum, sed etiam consensus in delectationem peccati mortalis est peccatum mortale. Et ideo cum oscula, amplexus & tactus sunt propter hujusmodi delectationem extra matrimonium habendam, sunt mortalia, quia sic sunt libidinosa. Et qui permittit hæc sibi fieri ab eo quem existimat moveri amore libidinoso, mortaliter peccat, quia facientem & consentientem par poena constringit, ut dicitur 1. 1. quest. 1. can. *Notum*, cum Glossa. Sed qui permittit hæc sibi fieri, credens talem moveri ex dilectione fraterna, seu honesta amicitia, seu quadam humanitate, seu more patriæ, non peccat, quanvis faciens hoc ex libidine moveretur, & per consequens mortaliter peccaret. Hætenus S. Antoninus;

I I I. His adjuuge Caietanum opusc. de delectatione morosa, tom. 1. docentem quod oscula, tactus, amplexus quæ sunt ob carnalem delectationem, sunt peccata mortalia, quanvis homo non intendat copulam, neque pollutionem, neque sit harum periculum ullum. Quibus accedit Alexandri Papæ V I I. Bulla 18. Martii, anno 1666. per quam damnatur ista propositio: Est probabilis opinio quæ dicit esse tantum veniale osculum habitum ob delectationem carnalem & sensibilem quæ ex osculo oritur, secluso periculo consensus ulterioris & pollutionis.

I V. Oscula tamen & amplexus, secluso periculo pollutionis, non prohibentur inter sponso; sed ubi inest periculum probabile pollutionis, prohibentur ut mortalia etiam inter conjuges. Toletus lib. 5. cap. 14. num. 2. aliique communiter Doctores.

V. Pollutio voluntaria, aut voluntaria in eam delectatio adeo prohibentur divinâ lege, ut nulla existat causa quæ possit hæc reddere licita, ne quidam causa sanitatis, aut vitandæ mortis, 1. Cor. 6. *Molles*

G g g 2 regnum

regnum Dei non possidebunt. Sed justa potest esse causa & licita, non quidem procurandi, sed tamen permittendi pollutionem, etiam præviam, dummodo omnis cohibeatur ad ejus delectationem consensus. Sic Medicus non peccat dum studet in sua arte, aut dum eam exercet non tenetur desistere ob inde emergentem in se pollutionem, neque Chirurgus: sed tamen tenetur cohibere consensum ad foedam delectationem. Idemque judicandum de Confessario, aliisque ob bonum & laudabilem finem vacantibus circa res utiles & licitas, etiamsi per accidens & præter intentionem exurgant impuri motus & pollutiones in carne. Harum evitandarum gratiâ non tenetur quis equo descendere quo peregrè proficiscitur, potestque eas in se pati, dum consensum evitet prævæ delectationis. Navarra cap. 16. n. 6. Declarat verò sacra Tridentina Synodus hujuscemodi impuritates, quanvis ab originali peccato orrum ducant & ad peccata sollicitent, nullatenus nocere non consentientibus: & contrâ sentientibus dicit anathema fess. 5. in Decreto de peccato originali.





LIBER QUARTUS.

De Judiciis Ecclesiasticis.

CAPUT PRIMUM.

Quotuplex sit Ecclesia Jurisdictio.

I.



IN OMNIBUS Fidelibus indubitatum est, fuisse sacrum Episcoporum ordinem immediate ab Jesu Christo institutum in personis Apostolorum, quibus dixit, Joan. 20. *Sicut misit me Pater, & ego mitto vos.* Atque inter Fidei Catholicæ Canones refertur can. 6. sess. 23. Tridentini Concilii, his verbis: *Si quis dixerit in Ecclesia Catholica non esse hierarchiam divinam institutione ordinatam, qua constat ex Episcopis, Presbyteris, & Ministris, anathema sit.* Porro Deus non alio fine Episcopos in sua Ecclesia instituit & præfecit, quàm ut eandem regant. Idque testificatur Apostolus Paulus sic admonens apud Acta Apost. cap. 20. *Attendite vobis, & universo gregi, in quo vos Spiritus Sanctus posuit Episcopos regere Ecclesiam Dei.* Ex quibus necessario sequitur, eundem Spiritum Sanctum, qui Episcopos instituit ad hoc munus & officium, ut regant Ecclesiam Dei, eosdem instruxisse omni potestate & jurisdictione necessaria ad Ecclesiam Dei regendam, & continendos Fideles quoscunque, præsertim Clericos, sub moderamine Sanctorum morum & Ecclesiasticæ disciplinæ. Quisquis enim finem efficaciter intendit, necesse est ut media provideat ad hunc finem conducantia.

II. Quæ cum ita sint, istud quoque sequitur, quolibet Fideles, cum sint Ecclesiæ subditi, ac incorporati Ecclesiæ per Baptismum, sive Clerici, sive laici cujuscumque conditionis ac status, si æternam consequi salutem velint, teneri subesse & obtemperare Episcopis, ab iisdemque dependere in rebus omnibus spectantibus ad regimen ipsis à Christo demandatum: ut sunt omnia quæcumque spectant ad Ordinem, ministerium, disciplinam Ecclesiæ, & ad singulorum æternam salutem, quæ finis est ac scopus ad quem Episcopis divinitus collata potestas dirigitur. Idque expressè præcipitur à Domino, cum jubeat Apostolus Hebr. 13. *Obedite Præpositis vestris, & subjaccite eis: ipsi enim pervigilant quasi rationem pro animalibus vestris reddiuri.*

III. Lex itaque ista divina & indispensabilis est, comprehendens sub ista subjectionis & obeditionis regula erga Episcopos ac Prælatos Ecclesiæ quoscumque seculi Proceres & Optimates, nemine excepto Christiano. Isti ergo prorsus omnes, si Prælatorum Ecclesiæ dignitati iuribusque ipsis à summo Deo concessis obstitunt, damnationem sibi certam acquirunt; illum quippe offendunt qui suæ Ecclesiæ Rectoribus protestatur, Lucæ 10. *Qui vos audit, me audit; & qui vos spernit, me spernit: qui autem me spernit, spernit eum qui me misit.* Et ad Samuelem 1. Reg. 8. *Non te abjecerunt, sed me, ne regnem super eos.* Hisce divinis institutis consentanea prædicans summus ille Gregorius Nazianzenus, sic alloquitur præsentem Præfectum provincie in orat. 17. quam habuit ad cives timore percussos, & Præfectum excandescentem: *An me liberè loquentem a quo animo feretis? Nam vos quoque Imperio meo ac Throno lex Christi subijcit. Imperium enim nos quoque gerimus. Addo etiam præstamus ac perfellimus. Nisi verò æquum sit spiritum carni fasses submittere, & cælestia terrenis cedere. Sed non dubito quin hanc meam dicendi libertatem in optimam partem accepturus sis, utpote sacri gregis mei ovis sacra, magnique Pasto is alumna.*

IV. Sanctus Rex Josaphat divino Spiritu ductus duo distinguit Tribunalium genera, quorum singula officiis suis & causarum propriarum ac iudiciorum singularitate distinguuntur. Horum primum est Ecclesiasticum & sacrum, quod circa res omnes Ecclesiasticas ac religiosas versatur: alterum seculare, de rebus cognoscens & decernens merè temporalibus. Quæ ambo Tribunalia suis limitibus & finibus coërcentur. Sic ergo loquitur Rex Josaphat lib. 2. Paralip. cap. 19. *Azarias Sacerdos & Pontifex vester, in his quæ ad Deum pertinent præsidebit. Porro Zabadias filius Ismaël, qui est Dux in domo Juda, super ea opera erit quæ ad Regis officium pertinent.* Ex his duabus sic inter se distinctis jurisdictionibus nemini dubium esse potest, quin sacra & Ecclesiastica jurisdictio alteri dignitate præcellat, quantò divina humanis, sacra profanis, cælestia terrenis, æterna temporalibus, animi immortales corporibus supereminent.

V. Cum sit facillimum pleraque in hujus rei confirmationem congerere,

rere, non libet tamen extra Galliam nostram digredi. Quinimò silendo immu-
nera Conciliorum Gallicanorum & Sanctorum Patrum testimonia, pro-
ferre solum libet unius inter Franciæ Reges longè omnium maximi Caroli
cognomento Magni. Hic ergo Capitulorum lib. 6. cap. 301. refert atque
impensè laudat factum dictumque Constantini Augusti, qui nomen queque
Magni meruit. Cum enim Nicenam ad Synodum Episcopi undequaque con-
venissent, & ob mutua jurgia, præsertim ob recens natam hæresim Arian-
nam, quam non pauci Episcopi tuebantur, multi supplices l belli acusa-
tionum & querelarum adversus adversarios Episcopos fuissent Constantino
porrecti, ille indicta die præsentibus Episcopis libellos omnes in ignem præ-
paratum conjecit, præmissis jurejurando se nullum eorum legisse, & nescire
se quid in singulis contineretur. Quo facto sic est Episcopos alloquutus:
Dem constituit vos Sacerdotes, & potestatem dedit vobis de nobis quoque judi-
candi. Et ideo nos à vobis rellò judicamur, vos autem non potestis ab homini-
bus judicari. Propter quod Dei solius inter vos expectate judicium, & vestra
jurgia quæcumque sunt, ad illud divinum reserventur examen. Vos etenim nobis
à Deo auti estis Dii, & conveniens non est ut homo judicet Deos, sed ille solus
de quo scriptum est: Deus stetit in Synagoga Deorum, in medio autem Deos di-
judicavit. Commemorat præterea laudatissimum Valentiniani Augusti respo-
nsum ad Hypatianum Heracleæ Episcopum, dum apud Valentinianum
ipsum pro Orthodoxis legationem obiret: Mibi qui de numero laicorum sum,
usus est de hujusmodi judicare. Ceterum Sacerdotes ad quorum judicium ista
perinent, ad hæc inter se judicanda conveniant. Ita Carolus Magnus, qui
hæc indignum judicet Episcopos ab Imperatoribus & Regibus, atque ita
multò minus à Magistratibus judicari; vult tamen judices & potentes se-
culi ab Episcopis, quorum monitis justis non obtemperant, excommunica-
ri. Ejus hæc verba sunt d. lib. 6. capitul. 313. Ut judices, aut potentes qui
pauperes opprimunt, si commoiti à Pontifice suo se non emendaverint, excom-
municentur.

V I. Duplicem Prælati Ecclesiæ suæ potestatem Deus contulit, scilicet
Ordinis & Jurisdictionis. Potestas Ordinis refertur ad Sacramenta Ec-
clesiæ conficienda & ministranda. Potestas jurisdictionis refertur ad judi-
cia, quæ cum sint in duplici differentia, fori scilicet interioris, quod est
ecclesiasticæ, & fori exterioris, seu contentiosi circa personas vel res Ec-
clesiasticas, utramque habent à Domino jurisdictionem Prælati Ecclesiæ. De
interiori liquet ex Joan. 20. *Accipite Spiritum Sanctum, quorum remissionis*
peccata remittuntur eis, & quorum retinueritis retenta sunt. De exteriori verò
præter rationes & testimonia quæ protuli, attestatur Paulus ad Timo-
theum Ephesi Episcopum: *Adversus Presbyterum accusationem noli recipere,*
nisi sub duobus, aut tribus testibus. 1. Timoth. 5. Præterea Christus Dominus
sic ait Matth. 18. *Si peccaverit in te frater tuus, vade & corripe eum inter te &*
ipsum solum: si te non audierit, adhibe tecum unum vel duos, ut in ore duorum

vi

vel trium testium fiet omne verbum. Quod si non audierit eos, dic Ecclesia (hoc est ut Sanctus Chrysostomus exponit, dic Prælato Ecclesiæ :) & si Ecclesiam audire noluerit, sit tibi tanquam ethnicus & publicanus.

VII. Judicium Ecclesiæ dividitur quoque in Ordinarium, quod exercetur ab illo cui per se competit jurisdictio, Papa scilicet, aut Legato, aut Episcopo ejusque Vicario Generali; & Delegatum, cum nimirum cui Ordinarius commiserit. Utraque potestas, ordinaria & delegata, exercens potest vel attribui tam in externo quam in interno foro. Præterea forum externum duplici nititur jurisditione, gratiosâ seu voluntariâ, quæ est circa liberales concessiones, dispensationes, absolutiones, reabilitationes, in integrum restitutiones, collationes, ac beneficiorum provisiones : & contentiosa, ubi inter oppositas Partes litigatur.

VIII. Jurisdictio contentiosa non potest extra proprium territorium ac districtum exerceri, cap. *Episcopum non debere*, 11. quæst. 2. & cap. *Novit*, & ibi Gloss. de offic. Legat. & l. 3. D. de offic. Præsid. & l. fin. D. de jurisd. omni. jud. At verò jurisdictio gratiosa seu voluntaria potest exerceri à iudice existente in alieno territorio, l. 2. D. de offic. Proconsul. Potest quoque iudex absens delegare, quia delegatio fit sine cognitione & contestatione causæ, l. fin. D. de offic. Præf. Urb. & Gloss. in d. cap. *Novit*. Hoc jus voluntariæ jurisditionis, & maxime collationis Beneficii per absentem à sua Diocesi Prælatum, viget in Regno Galliæ, ut post Cosmam Guimier notat Bengueus de modis acquir. benef. §. 13. n. 4.

IX. Interioris fori jurisdictio requirit characterem. Etenim duplex confertur potestas in Sacerdotis ordinatione, una circa Christi corpus reale, seu Eucharistiæ sacrificium, quum Episcopus ordinans porrigit panem cum pane, & vinum cum calice, sic dicit : *Accipe potestatem offerendi & consuecendi pro vivis & mortuis*. Secunda potestas confertur quando idem Episcopus jam consecrati Sacerdotis capiti manus imponens dicit : *Accipe Spiritum Sanctum, quorum remisisti peccata remittuntur eis*, &c. Et ita Sacerdos altera ingreditur potestate, circa nimirum Christi mysticum corpus, quod est Ecclesia. Verum ut antè dixi, potestas ista est tantum habitualis & incompleta, neque completur, aut in actum reduci potest, nisi ex quo Sacerdos sive per ordinariam, sive per delegatam potestatem nanciscitur subditos in quos illam exerceat. Hæc dicitur Clavium potestas, quæ duplex notatur, Clavis scilicet jurisditionis ad absolvenda vel retinenda peccata; & scientiæ, quæ scientia non est habitus intellectualis, sed est jus in Sacerdote inquirendi quæcumque requiruntur ad dignoscendam poenitentis conscientiam, animæque statum circa peccatorum species, numerum & circumstantias.

X. Jurisditionis verò exterioris potestas non requirit Ordinis characterem. Itaque Episcopus electus & à Papa certæ Diocesi addictus & confirmatus, licet nondum consecratus, habet jus externi Tribunalis, quod statim

statim exercere per se potest, ut excommunicare, suspendere, interdicere, deponere, vel has poenas relaxare: item dispensare, cognoscere, citare, carceri addicere, sancire, decernere. Jus pariter habet interni tribunalis, non ut per se exerceat, si caret Ordine; sed per eos quos sibi visum fuerit delegare.

XI. Regulariter Delegatus ab Ordinario non potest alium subdelegare, excepto eo solo quem Princeps delegaverit, cap. *Cum causam*, de appellat. & l. unic. C. qui pro jurisdic. sua judic. dar. darive poss. Itaque Delegati à Papa subdelegare possunt quando eis collata fuit potestas per modum jurisdictionis, sed non si per modum ministerii, cap. fin. de offic. & potest. judic. deleg. Porro confertur potestas per modum jurisdictionis, quando eligitur non tam personæ industria, quàm ejus officium. Censetur autem electa persona propter ejus officium, si ea potestas non est limitata ad aliquem singularem casum, v. g. absolvendi, aut dispensandi certam personam, aut etiam plures; sed in una aliqua singulari causa involutas: quo casu non potest subdelegare. Atque ita intelligi debet caput finale, §. *Ceterum*, de offic. deleg. quo statuitur delegatum à Papa ad excommunicandum, vel absolvendum aliquos, aut dispensandum cum aliquibus, non posse id alteri demandare, si non est Apostolicæ Sedis Legatus. At verò ubi Papa generaliore delegat alicui in Prælatura constituto potestatem, hic poterit alterum delegare, ut statuit idem caput fin. in principio. Cui conforme est caput fin. de offic. Ordin. decernens posse Ordinarium subdelegare alicui potestatem sibi à Papa collatam absolvendi eum qui incidit in excommunicationem Papæ reservatam ob Clerici percussione, cum ob legitimum impedimentum non possit Romam proficisci; sed ut ibidem exprimitur, hæc potestas eidem ex officio competere. Qua eadem ratione Sanchez lib. 2. de matrim. disput. 40. num. 13. & seqq. asserit posse per Episcopos potestatem delegari, quam habent dispensandi in impedimentis matrimonium dirimentibus, & irrita matrimonia instaurandi, ubi conveniri nequit à conjugatis Apostolica Sedes. Illi namque casus non sunt singulares alicujus delegationis, sed generalis & ordinariæ potestatis, quam habent Ordinarii quoties non potest haberi ad Papam aut Legatum accessus. Et rectè dicit Glossa in dicto cap. fin. de offic. Ordinarii: Non dicitur delegatum ministerium in casibus, in quibus jus aut privilegium perpetuum competit dignitati. Atque ibi rescriptum Papæ non tam est collativum, quàm admonitivum & excitativum jam præhabiti ac ordinariæ potestatis.

XII. Sed ubi Papa delegat novam alicui, quæ prius ei non competebar, potestatem, simulque nomen Delegati designat, quanvis etiam adjungat simul nomen officii, vel dignitatis ejus, atque etiam munus ipsum delegatum sit generalius, ut absolvendi à quibuscumque reservatis, aut quoscumque hæreticos, aut quoscumque qui duello decertaverint in iis

H h h partibus

partibus in quibus hi casus sunt Papæ reservati, tunc ipsa proprii nominis designatio argumentum est collati ministerii atque electæ personæ industriz, ut non possit quidquam illius muneris alteri subdelegari. Ita communiter. Videri potest Grassius decif. part. 1. lib. 1. cap. 13.

XIII. Legatus à latere amplissimo jure delegandi potitur, cap. *Nemini dubium*, de offic. Legat. Idemque, sicut & Papa, conferre potest in præjudicium Ecclesiastici Patroni, non tamen laici, cap. *Dilectus*, cod. tit. Sanè non potest ex sua generali delegatione Episcopatus transferre, neque Cathedralē Ecclesiam alteri Ecclesiæ subicere, neque duos Episcopatus unire, aut unum dividere. Sed potest excommunicatos ob gravem Clerici percussione abolvere, cap. *Nisi*, & cap. *Quod translatione*, cod. tit.


XIV. Judex delegatus debet in citatione tenorem inferere suæ delegationis, ut sciatur quatenus ejus potestas extendenda sit, aut limitanda. Certum quoque tenetur assignare Auditorium ad comparandum. Quorum neutrum requiritur in citatione quæ fit per Ordinarium, cap. *Præterea*, de dilatione.

XV. Reconventio quoque, quā reus vicissim partes actoris sustinet, suumque actorem reum constituit, agitari coram delegato iudice potest, quanvis ad unum dumtaxat negotium sine ulla expressione casus reconventionis fuerit delegatus, cap. 1. de mutuis petition. At verò coram arbitris reconventio nullatenus admittitur. Cum enim fiat compromissum ex mutuo Partium consensu, debet sibi reus imputare si reconventionis causam non curavit in compromisso exprimi. Regulariter tamen in causa criminis, aut depositi non est reconventioni locus antequam se reus purgaverit, aut depositum restituerit.



C A P U T II.

De foro competenti, litis contestatione, processu judiciario, Procuratoribus, & Judicum sus- ceptorum recusatione.

- I.  ONEILIO Toletano tertio, can. 13. Concilio pariter Carthaginensi tertio, can. 9. item cap. *Si diligenti*, de foro compet. sancitur, Clericum non posse beneficio fori Ecclesiastici renunciare, sive in civili, sive in criminali negotio: cum non sit beneficium personale, cui renunciari valeat, sed toti Clericali collegio.

collegio sit indultum, cui privatorum pactioe derogari non possit. Et istud servari in Gallia testatur Mornacius in l. *Si iudex*, D. de capite minutis. Et ibidem adducit in exemplum privilegium supremorum Magistratuum, quo non possunt nisi à supremæ Curie Officialibus judicari, ne dignitas eorum vilescat. Glossa verò in l. *Si quis in conscribendo*, C. de sacros. Eccles. (quæ lex iteratur sub titulo Cod. de pactis,) non est recepta quâ parte admittit istam Ecclesiastici fori renunciationem. Forum autem sortiri aliquis potest diversis modis: 1. ratione originis: 2. domicilii: 3. delicti: 4. contractus: 5. rei litigiosæ immobilis: 6. Beneficii Ecclesiastici, cap. fin. de foro comper. Quin etiam ubi causæ illæ non suppetere, potest quilibet Clericus jure communi, sed non jure Gallicano, ob Concordatum speciale Bononiense, in Romana Curia conveniri.

II. Domicilium non intelligitur, nisi quatenus ita fixum est, ut animus sit ibi manendi, aut semper, aut majore anni parte. Itaque scholares etiam ultra decennium alicubi commorati studiorum causâ, famuli quoque & milites prædarii, nunquam in locis in quibus sic versantur, domicilium contrahunt ad fundandam jurisdictionem contentiosam, sed solum ad percipiendam ibi Sacramenta Baptismi, Pœnitentiæ, Eucharistiæ, & Extremæ Unctionis. Neque sufficit ad domicilium voluntas habitandi sine actuali habitatione. Animus verò manendi raro præsumitur, nisi perspicue ex actibus appareat, qualis est emptio domus cum translatione mobilium, aut habitatio continuata decennio, neque causæ transitorie alligata, quales sunt scholarium, famulorum, prædiorum militum, argumento legis 2. C. de incolis, lib. 10. Sufficere potest ad argumentum fixi domicilii publica habitatoris declaratio, quod intendat ibidem fixum habere domicilium. Hoc enim ipso statim jus domicilii sine aliquo temporis præcedentis lapsu contrahit, ut docent Baldus lib. 4. consiliorum, cap. 313. Rota decis. 150. & 188. Barbosa de offic. & potest. Episc. p. 2. alleg. 4. num. 24.

III. Habitatio etiam annorum quadraginta cum animo recedendi tribuere jus domicilii non potest, juxta Menochium de arbit. casu 86. n. 7. Barbosa d. alleg. 4. num. 25. & alios.

IV. Qui duos sortitus, pluresve Episcopos, ut originis, domicilii, Beneficii, Tonsuram vel Ordinem ab uno horum accepit, non potest ad horum alterum sine dimissoriis pro reliquis Ordinibus recurrere, utpote priori jam affectus, ut docent Archidiaconus in cap. *Nec captanda*, de concess. Præb. Molfesius in sum. Theol. Mor. tract. 2. cap. 2. num. 10. Bonacina tract. de Sacram. Ord. Barbosa de offic. & pot. Episc. p. 2. alleg. 4. num. 1. aliique. Idemque statuendum de Episcopo, quem quis sortitus est titulo familiæ per triennium continuatæ, & sequutâ ordinatione per eundem, beneficiique collatione ad ordinationis titulum, juxta Concil. Trident. sess. 23. cap. 9. ad hoc enim debet dimissorias pro reliquis Ordinibus

H h 2 accipere,

accipere, etiam ad Episcopos originis & domicilii. De familia Episcopi hoc quoque tenendum, familiares quoscunque Episcopi gaudere privilegio fori competenti ipsi Episcopo, cap. *fin.* de officio Archid. his verbis: *Specialibus ipsius Archiepiscopi & hominum familie sue causis duntaxat exceptis.* Et ibi Panormitanus & alii communiter Doctores: & l. 1. & 2. C. de Episc. & Cler. & ibi Albericus & Baldus. Item Rebuffus in *praxi*, tit. *Forma dimissor. lit.* num. 30. & Zerola 2. p. *praxis Episc.* tit. *Episcopi*, §. 24. & tit. *Familiares* 9. in fine: qui etiam addunt familiam generaliter gaudere privilegio domini.

V. Cum sortiatur quoque aliquis forum ratione delicti, si Clericus habens beneficium in alia diocesi judicetur ab Episcopo loci in quo deliquit, & Beneficii privatione condemnatur, illa depositio exequenda erit ab eo solo Episcopo in cujus diocesi situm est Beneficium, cap. *Postulasti*, de foro compet. Alia require de foro Ecclesiastico secundum Gallie usum superius lib. 1. cap. 18. art. 14. 15. & 16.

VI. Quod attinet ad litis contestationem, hæc non fit per simplicem postulationem, aut actionem intentatam, sed per propositam coram iudice petitionem, & sequutam defensionem, seu quamcumque responsionem ejus qui citatus est reus, vel ejus procuratoris constituti, l. 1. C. de litis contestat. & cap. 1. eodem. Effectus contestationis litis hic est, ut per ipsam, quanvis non prosequutam, interrumpantur præscriptiones, l. *Mora litis*, C. de rei vindicat. Ex edicto tamen Ludovici XIV. anni 1667. litis contestatio perficitur etiam absente altera Parte. Vide hujus libri caput ultimum, art. 6.

VII. Regula simul & titulus Decretalium est, Ut lite non contestata ad auditionem testium non procedatur, neque ad sententiam definitivam. Hinc tamen excipitur casus in quo mors testium apparenter timetur, aut eorum diuturna absentia, ne probationis copia per fortuitos casus subtrahatur; ideoque ad actoris petitionem senes, valetudinarii, in remota loca profecturi, aut ubi simile periculum formidatur, etiam lite non contestata examinandi sunt, sive etiam quum reus est absens, aut contumax, ut conveniri non possit. Hanc præcautionem Gallicani Pragmatici vocant *Examen à futur.* Sed si actor non convenerit reum intra annum, ex quo citari & conveniri potuit, aut saltem horum admissionem testium non ei significaverit ac denunciaverit, illa testimonia erunt invalida, ne veniant in fraudem, & processu temporis exceptiones legitimæ ad repellendos aut convincendos testes opponi non possint, cap. *Quoniam frequenter*, ut lite non contest. Quin etiam testes ad futuram rei memoriam non examinantur in causis beneficialibus, neque in criminalibus pariter. Imò verò jure novissimo in Gallia ex edicto Ludovici XIV. tit. 13. prorsus rejiciuntur ejusmodi probationes.

VIII. Denique conventio, seu citatio est principium ordinis judicij,

iii; non enim legitime proceditur inaudita, vel non citata Parte, cap. *In ter quatuor*, de majorit. & obed. & cap. *Quoniam contra falsam*, de probation. Citationem sequuntur dilationes, & demum peremptorium edictum, tot. tit. de citationibus. Actor sequi debet forum Rei, cap. *Si Clericus*, & cap. *Cum sit*, de foro compet. & l. *juris ordinem*, C. de jurid. omn. jud. Citato exhibendus est libellus, ut sciat quâ de causa citetur, & paratus compareat, cap. fin. de libelli oblat. Citatio fieri non debet diebus feriatis, tot. tit. de feriis. Sed id non servatur in Gallia. Jure etiam communi actor & reus jurare compelluntur de vitanda calumnia, cap. *Cum causam*, cap. *Ceterum*, cap. *Cum in causa*, de juram. calum. Sed neque hoc servatur in Gallia. Sententia lata non citatâ Parte, nulla prorsus & inanis est, cap. *Ecclesia sancta Maria*, de constitut. Imò nec valet sententia, si præcedens edictum peremptorium, Gallicè *Forclusion*, non venerit ad absentis notitiam, aut saltem ad ejus domicilium, l. 1. §. *Item cum ex delicto*, D. quæ sent. sine appellat. Si post ingeminata novæ citationis edicta, quæ vocant *defaux & renouvement*, & tandem insequentum edictum ac terminum peremptorium actor suam probet intentionem, reus contumax condemnatur: sed si actor necdum sufficienter probaverit, datur ei terminus ad probandum: quod si non præster, causâ cadit, vulgò *il est débouté de sa demande*. Si verò ipse actor die conductâ non sistat in judicio ad prosequendam à se intentatam litem, reus ab instantia relaxatur, Gallicè *il obtient congé*. Adhuc tamen liberum est actori causam instaurare novo supplici oblato libello, reumque secundò in jus vocare, solutis ante omnia prioris instantiæ omnibus expensis, l. *Es post edictum* §. 2. D. de judiciis. Similiter reus qui absens & contumax damnatus fuit, duplici remedio juvari potest, vel appellacionis ad superiorem judicem, vel recursus ad ipsum judicem qui sententiam tulit adversus eum condemnationis: atque refusis contumaciæ suæ expensis potest suas proponere exceptiones, quibus sententiam retractari velit.

I X. Ante omnia restituendus est in pristinam possessionem qui se spoliatus queritur & probat; causa enim possessionis priùs tractanda est, & restitutio facienda, quam tractetur de jure proprietatis, adeò ut prædo spoliatus sit in primis restituendus ibi unde vi, vel clam, vel precario dejectus est, cap. *In literis*, de restit. spoliat. Verùm de interdictis & causis possessorii require quæ plenius libro 2. tractavi circa possessorium & petitorium litigiorum Beneficiorum.

X. Actor suam debet probare intentionem, alioqui ab actione repellitur, cap. *Ut circa*, de elect. in 6. Nullumque reo incumbit probandi onus, cap. *Quoniam*, de probation. & l. *Res alienas*, C. de rei vindicat. nisi quum ipse actorem reconvenit, aut actoris probatam intentionem suâ exceptione necesse habet elidere, cap. 1. de exception. in 6. Alioqui enim actore non probante reus absolvitur, cap. *Accedentibus*, de privileg. Imò

H h h 3

Glossa

Glossa in Clement. fin. de verb. sign. §. ult. in verb. *Partes*, dicit fatuum esse quod reus probet defensiones suas, nisi prius intentio actoris sit fundata. Si sit æqualis probatio ex parte actoris & rei, & pat. testium non suspectorum numerus, absolvendus est reus & possessor, cap. *Ex literis*, de probation. & cap. *Quod autem*, de jurepatron. & cap. *Si à Sede*, de præbend. in 6. Et cum sunt Partium jura obscura, reo potius favendum est quam actori, cap. *Cum sunt*, de regul. jur. in 6. & favorabiliores Rei potius quam Actores habentur, l. *Favorabiliores*, D. de regul. jur.

X I. Regulariter nemo admittitur ad agendam alterius causam nomine procuratorio sine mandato, nisi sit conjuncta persona, l. *Sed hæc persona*, in princ. D. de procur. & cap. *Nomnulli*, in fin. de rescript. Potest verò aliquis agere pro confortibus litis sine mandato, ut ait Gloss. in cap. *Cum M. Ferrariensis*, de constitution. & plerique Doctores, quos allegat & sequitur Fagnanus in d. cap. *Cum M. Ferrariensis*, num. 6. asserens hanc esse communem doctrinam. Conforts tamen cavere debet de ratihabitione, ex d. l. *Sed hæc persona*, & d. cap. *Nomnulli*, & l. 2. Cod. de confort. ejusd. lit. quæ hoc etiam requirit, ut lis cum omnibus fuerit prius contestata. Jura porro loquentia de conjuncta persona, intelligenda sunt de confortibus ejusdem litis, & de sanguine conjunctis, non de amicis; quia dissolvi amicitia potest, sed non jura sanguinis, l. *Ius agnationis*, D. de pactis. Præterea cum hæc sine mandato procuraciones à regula communi exorbitent, non sunt trahendæ ad amicos, quos jura prædicta non exprimunt. Ita Fagnanus loco cit. cum plerisque quos profert Doctoribus.

X I I. Ubi de plano judicatur, ac sine strepitu vel figura judicii, ut fieri ab Ordinariis assolent dum visitant, & à Delegatis quoque, si in mandatis habent ut de plano & sine strepitu judicii procedant, tunc non est opus libellum ab actore proferri, neque litem contestari. Idemque servatur quoties actio contra certam personam non intentatur. Et tales processus fieri possunt extra Auditorium, & feriarum tempore, verbi gr. autumnalium; non comprehensis tamen Dominicis aut festis diebus. Clem. *Sæpè contingit*, de verbor. signif.

X I I I. In foro Ecclesiæ si Prælatus sit suspectus, ejus quoque Vicarius ac Officialis abstinere debet. Panormitanus in cap. *Ex insinuatione*, de offic. jud. deleg. Partesque debet compellere ut inter se convenient de arbitris qui causas suspensionis inquirent & examinent; & si arbitri convenire non possint, tertium eligant. Si causa suspensionis legitima non probetur, iudex recusatus suâ potest uti jurisdictione, cap. *Secundo requiritur*, §. *Tertio postulat*, de appellation. & cap. *Suspensionis causa*, de offic. & potest. jud. deleg. Si verò causa suspensionis probata sit, idem iudex de Partium consensu, si sit Ordinarius, personam idoneam delegare debet ad hoc iudicium, cap. *Si quis contra Clericum*, de foro compet. aut causam ad Superiorem dirigere, cap. *Cum speciali*, de appellat. At verò iudex delegatus non


non potest alii causam committere, sed si suspectus judicatur, debet ad Superiorem aut delegantem transmitti causæ judicium, Gloss. in d. cap. *Cum speciali*, verb. *De recusatoria*. Cæterum si recusatio proponatur in visitatione, poterit nihilominus Prælati procedere ulterius, recusatione aut appellatione non obstante; salvo tamen jure recusantis aut appellantis, ne res Ecclesiæ pereant, aut divinus cultus retardetur. Concil. Trid. sess. 13. cap. 1. & sess. 24. cap. 10.

XI V. In causa suspicionis Judicis Ordinarii, ac in aliis omnibus causis ubi necesse sit declinare ordinariam jurisdictionem, potest ad Papam recurri, ut alium Judicem suo rescripto committat. Ne verò Partes expensis aliisve incommodis ob distantiam fatigentur, olim quidem vetabant Jura ne causæ ullius judicium per Apostolicum rescriptum committeretur ultra duas dietas à finibus diocesis commensurandas, ex decreto Innocent. III. in Concilio Generali, cap. *Nomnulli*, de rescript. Sed postea Bonifacius VIII. constituit ne ultra unam dietam à finibus diocesis causæ cognitio per rescriptum committatur, cap. *Statutum*, §. *Cum verò*, & §. *Cum autem*, eod. tit. in 6.



C A P U T III.

In causa criminis quemadmodum procedatur.

I.  RIMEN in judicio tribus modis intentatur, denunciando, accusando, & excipiendo. Denuncians non tenetur se inscribere etiam jure communi pro juramento calumniæ, ejusque subeunda pœna & refundendis expensis, nisi denunciaret per modum accusationis ad exigendam de reo pœnam judicalem: non verò si hoc sine denunciaret solummodò, ne promoveatur ad Ordines, vel ad Beneficium, aut aliud hujusmodi. Porro inscribere est obligare se ad talionem ac eandem pœnam, si non probaverit, quam reus convictus incurreret, cap. *Quisquis*, & cap. *Qui crimen*, 2. quæst. 8. Excipiendo quoque potest reus accusatorem suum criminis parisi aut gravioris accusatione summovere, quia criminofus criminofum accusare non permittitur, cap. 1. & cap. *Nulli*, de accusat. & cap. *Si quis*, & cap. *Quarendum*, 2. q. 7. Et qui trabem habet præ oculis, festucam ex oculo fratris sui eruere non permittitur. Luc. 6. Is quoque reus qui accusando excipit contra sui accusatorem vel testem, non tenetur inscribere, si nihil aliud quàm justam sui defensionem atque intentatæ contra se accusationis repulsam intendat, & non pœnam aliquam. At verò directus criminis accusator jure communi non.

non admittitur vel auditur, nisi postquam inscripserit, cap. *Super his*, de accusatione.

II. In criminalibus causis actor & reus non admittuntur ad agendum vel respondendum per procuratores, sed tantum per seipsos, cap. *Veniens*, de accusatione. Procurator autem Officialitatis vel per se solum, vel accusatori se adjungens ut communis morum censor, & criminum vindex litem intentatam urget ac prosequitur. Ideoque totus ei processus communicatur, ut perfectis probationibus suas adjungat requisitiones, quas vocant Conclusiones.

III. Pro levibus tamen delictis ac injuriis non solet agi criminaliter per inquisitiones & testium depositiones: sed edito supplici libello Judex decernit citationem, ad quam reo comparere, si culpam fatetur, Judex honorariam aliquam verborum reparationem, & assertionem veritatis de probitate & honestate conquerentis, & veniæ de offensa postulationem decernit, sicque reparata offensione reus dimittitur, aut leviter pecuniâ ex Judicis sententia mulctatur, & prohibetur deinceps à similibus offensis. Sed si reus factum inficietur, tunc civilis causa ob inficiationem vertitur in criminofam. Judex ergo decernit inquiri de contentis in libello querimoniali, testes advocari, aut nolentes per apparitionem adduci: tum procedit ad inquisitionem criminalem, quam vocant Informationem; singulos testes juramento prius adactos separatim audit. Testis namque injuratus nullam facit fidem, sive in civilibus, sive in criminum causis, cap. *Nuper*, de testib. Peractis sive in totum, sive pro parte (quum scilicet de fuga rei timetur) probationibus, auditisque requisitionibus Procuratoris Officialitatis, Judex pro causæ gravitate decernit aut incarcerationem, aut citationem in diem præstitutum accusati per seipsum, non verò per procuratorem responduri. Constitutione Ludovici XIV. anni 1670. tit. 6. art. 4. testes antequam deponant, producere jubentur significatam sibi ad testimonium dicendum citationem, cujus etiam facienda mentio in singulorum testium depositionibus. Eiusdem Constitutionis tit. 15. art. 16. & seqq. prohibetur legi coram reo criminis ullum testimonium, nisi postquam responderit interrogatus, num habeat adversus testem causas suspicionis: sed solum audietur ad probationes falsi & impugnationis, si quas habeat adversus testimonium.

IV. Si reus citatus non compareret, ac vadimonium deferret, jubetur apprehendi & incarcerari. Si apprehendi nequit, agitur in contumacem, & post tria, vel quatuor edicta in valvis fori affixa, sententia profertur quâ contumax aperte declaratur, suisque exceptionibus declinatoriis, dilatoriis & peremptoriis submovetur, simulque decernitur testium repetitio: *Recollement des témoins*. Hæc sententia Gallicè dicitur, *Sentence par défaut*. In foro autem seculari tres fieri solent in triviis urbis proclamationes per præconem, singulæ trium dierum, hoc est de triduo in triduum, vulgò

Cries

Cries ou Ajournemens à trois briefs jours. Cæterum novissima lex Ludovici XIV. anni 1670. triduanas illas absentis Rei per præconem citationes abrogavit, aliaque non pauca immutavit, quæ hujusce libri capite ultimo selegi, quod recurrito. Quibus exactis proceditur contra contumacem absentem utque ad judicium definitivum. Testes ergo Judex Ecclesiasticus denuò vocatos repetit, relectis eorum depositionibus seorsim, ipsis præsentibus & interrogatis, num ad singula persistant, num aliquid addere aut retractare velint. Demùm proceditur ad definitivam sententiam condemnationis in contumacem. Hic tamen si post sententiæ promulgationem compareat, suamque velit purgare innocentiam, auditur intra quinquennium à die promulgatæ sententiæ, postquam refuderit omnes contumaciæ expensas, juxta edictum Molinense Caroli IX. art. 28. Post quinquennium verò non aliter auditur, nisi priùs deposuerit apud Actuarium multas integras pecuniarias suæ condemnationis.

V. Si autem reus citationibus obtemperans se judicio sistat, illum Judex interrogat de nomine, cognomine & vitæ professione; tum articulatim de omnibus in libello contentis, atque in informationibus de circumstantiis temporum, locorum & rerum. Ejus responsiones in scripta rediguntur. Post unum alterumve diem Judici denuò repræsentatur, ejusque responsa audienti releguntur, sique ei liberum addere vel retractare quæ ei videbuntur. Si de crimine atroci agitur & metuitur fuga, mittitur in custodiam: si leve sit delictum, aut si probatio non suppetat, relaxatur aut simplici repromissione, aut fidejussore dato de sistendo iterum in judicio ad publicationem sententiæ, deque judicato solvendo. Fidejussor porrò liberatur, si semel eum postea repræsentaverit.

VI. Sed si reus inficiatur, Judex interloquendo jubet testes iterum advocari, & repræsentari. Galli vocant *Accarration & confrontation des témoins, ou proces extraordinaire*. Idque fit diligentia & expensis accusatoris, aut si non sit accusator urgens, Procuratoris Officialitatis. Testes itaque singuli seorsim audiuntur, lectaque depositione interrogantur an persistant, an addi vel detrahi quid velint: mox accusatus intra idem Auditorium ducitur; interrogatur an testem præsentem noverit, an ejus depositioni stare velit? Si stare nolit, necesse est causas exprimat reculationis aut suspitionis suæ. Si neget nosse testem, inquiritur summatim & de plano super qualitate testis, istaque mox inquisitio coram reo legitur. Si reus objiciat contra testem, quod vocant *dire ses objects & conredits*, id omne in scripta redigitur, & summatim de objectorum veritate inquiritur.

VII. His omnibus peractis ad judicium proceditur, ad quod convocantur aliqui Canonum vel Theologiæ Doctores: fit inter eos torius lectura processus, examinantur accusationum capita, rei accusati defensiones, testium depositiones, aliaque probationes, quæ sigillatim recensentur, scriptisque in tres distribuuntur clallès, scilicet quæ sint bonæ, quæ

nullæ, & quæ in religione, hoc est dubiæ & incertiæ, quæ cum aliis collatæ possint fundare aliquam præsumptionem, sed non certam fidem. Si constet de delicto, reus condemnatur, sin minus absolvitur & relaxatur, aut decernitur amplior inquisitio; quo casu reus relaxatur data cautione, aut certè simplici pollicitatione de sistendo in judicio quum iustus fuerit. Si denique nihil amplius compertum fiat de delicto post elapsa tempora dilationum accusatori præfinitarum ad novos producendum testes, definitivè demùm relaxatur & dimittitur reus, finisque controversiæ imponitur, nisi nova formetur Rei adversus accusatorem instantia pro læsi honoris reparatione. Reo absoluto declaratur nomen instigatoris qui reum detulit apud Procuratorem, sive Regium, sive Jurisdictionalem, sive Officialitatis; quique se testes & scripturas ad probationem criminis suppeditaturum sponderat; ab hoc enim reus dimissus habet jus repetendi expensas, & id quod interest. Papo lib. 24. Placitorum, tit. 1.

V III. Pœnas infligit Ecclesia tum spirituales, ut sunt excommunicatio, suspensio, interdictum, depositio ac privatio præbendarum, degradatio: tum etiam corporales, ut carcer, sive perpetuus, sive temporaneus, cap. *Quavis*, de pœnis in 6. etiam in vinculis ferreis. Clement. 1. §. *Propter quod*, de hæret. Jejunia quoque in pane & aqua, cap. *Novimus*. In fin. de verb. signif. Olim frequentior erat pœna flagellationis intra custodiam, non alia tamen manu quàm Clerici vel Monachi, cap. *Universitatis*, de sent. excommun. Cùm tamen Ecclesiastico judicio laicus possit adhiberi ad capiendum & incarcerandum Clericum, cap. *Ut sama*, eod. tit. Moderatum debere Episcopum esse in hoc genere pœnæ, admonet cap. *Cum Beatus*, dist. 45. circa Abbates, Sacerdotes & Diaconos, ob dignitatem Ordinis, nisi delicti atrocitas aliud suadeat. Is est canon 6. Concilii Bracarenfis tertii. Canon quoque 38. Concilii Agathensis clericos & monachos contumaces verberibus subjicit. Ejusdemque Concilii canon 41. qui est in Decreto cap. fin. dist. 35. hanc pœnam statuit in Clericum ebrietatis convictum. Quod idem sancitur Concilii Venetici can. 13. Cujus etiam pœnæ meminere canon 6. Concilii Leptinenfis, his verbis: *Clerici & monachi & moniales fornicantes, carere, jejunis in pane & aqua, & flagellationibus plectantur*. Et Cassianus lib. 4. de instit. cœnobior. cap. 16. recensitis gravibus aliquot monachorum delictis, addit: *Hæc vel plagis emendantur, vel expulsiōe purgantur*. Meminit etiam B. Cyprianus in vita B. Cæsarii Arelateusis.

I X. Quia verò Ecclesia sanguinem, hoc est hominis occisionem & mutilationem abhorret, ideo non ei licet hanc ulli pœnam inferre, sed morem servat in causis capitalibus, accersito seculari Judice, reum postquam processu judiciario convictus fuerit, solenni ritu degradandi, & ejus potestati ac jurisdictioni tradendi, simulque totum judicarium processum ad instruendum secularem Judicem, reumque convincendum. Sed

tenetur

tenetur Prælatus simul intercedere pro reo , ut mitius & citra sanguinis poenam plektatur , cap. *Novimus* , de verb. signific. Meminere pariter cap. *Clericus* , 3. quæst. 4. & cap. *Si quis Sacerdotum* , 1. quæst. 1. & cap. *Ad falsarium* , de crim. falsi , & cap. *Ad abolendam* , de hæret. & Concilium Tridentinum sess. 13. cap. 4. tam degradationis , quam traditionis seculari Judici.

X. Quia etiam per Regiæ Jurisdictionis Tribunalia non permittitur Ecclesiæ Gallicanæ ullum habere territorium , idcirco non permittitur Ordinariis condemnatio in exilium , neque relegatio ad triremes. Ita Chopinus de sacra Polit. tit. 3. num. 11. Alibi verò valet Ecclesiastica ad triremes damnatio , teste Zerola 2. parte , verbo *Triremes* , & aliis ibi citatis. Idemque verbo *Excommunicatio* , §. 19. ait damnatos ad triremes Clericos moderatè posse à trierarcha verberari , etsi non fuerint degradati ; sed si verberentur ad excessum , incurri excommunicationem , si fuerint tantum depositi : at si fuerint solenni ritu degradati , cum amiserint omne privilegium clericale , non incurri quidem censuram , sed graviter peccare immoderatè notabiliter percussorem eorum.

XI. Ultra poenas jam memoratas Ecclesia pariter decernit multas pecuniarias , sive Parti lætæ , sive piis locis applicandas ; non tamen Filco Ecclesiastico , nec Præfuli , nec Officialibus. Si secus fiat , admittitur appellatio tanquam ab abusu ad Curias Regias in Galliæ Regno. Hic sanè abusus damnatur per cap. *Licet* , de pœnis , & cap. *Irrefragabili* , §. fin. de offic. Ordin. Attamen ubi Prælati competit jurisdictio temporalis ratione feudi , possunt seculares ab ipsis constituti Judices applicare Prælati (quemadmodum & aliis temporalibus Dominis solet fieri) poenas pecuniarias.

XII. Quæritur an possit Judex Ecclesiasticus reum crimen inficiantem torturæ addicere , quemadmodum potest Judex Læicus in criminibus enormibus semiplenè probatis ? Semiplena porro probatio illa communiter censetur , quæ fit per unicum testem omni exceptione majorem , affirmantem rem sibi vilu proprio compertam. Videtur hoc improbari per cap. *Si quandoque* , 15. quæst. 6. Sed ibi sermo est de confessione quam metus injustus extorsit , qualis non est confessio criminis semiplenè probati juridicè extorta. Hanc enim approbant Canones , cap. *Illi qui* , §. quæst. 5. Glossa ind. cap. *Illi qui* , verb. *Ut dum* : Chopinus lib. 1. de sacra Politia , cap. 3. num. 20. Pastor de jurisdictione Ecclesiastica , tit. 4. num. 4. Riccius in Praxi , decis. 585. Bengueus tract. de Benefic. Eccl. & alii. Quæritur ulterius , an Prælatus uti possit manu laici ad torquendum clericum ? Videtur obitare cap. *Universis* , de sent. excommun. quo adstruitur excommunicationem esse Episcopum , vel Abbatem , qui causâ disciplinæ fecerit sibi subditum clericum aut monachum manu alicujus secularis verberari. Sed diversum est quod fit interiori correctione ab eo quod fit publico judicio.

nam caput *Us fane*, eod. tit. permittit Judici Ecclesiastico ut faciat Clericum à laico apprehendi, & si sit opus, violenter detrudi in carcerem. His adde rationem decentiæ clericalis; officium enim licitoris & tortoris Clericum dedecet, cum tamen non dedecet activa secundum ordinem disciplinæ castigatio, jubente Prælato. Igitur Prælatum uti posse manu laici ad Clerici judicialem torturam, asserit Navarra in cap. *Nullum*, 18. quæst. 2. & consil. 5. de foro compet. & consil. 29. de sent. excomm. & addit hoc passim fieri in Gallia, & in ipsa Urbe Roma. Item Zerola in praxi, part. 1. verb. *Tortura*, §. 1. asserit seipsum in suo Episcopatu hoc juridicè decrevisse in subditos sibi Clericos.

XIII. Ampliatur Ecclesiastica Jurisdictio circa delicta Regularium alioqui exemptorum, si lis in figura judicii terminanda sit, ut in crimine hæresis, in causis seductionis mulierum per Confessionem, in causis publici scandali, aut si Regularis extra Regulam & septa Monasterii enormiter deliquerit, aut scandalosè. Hisce casibus Ordinarius notionem suam interponere debet, cap. *De persona*, 11. quæst. 1. Idque post tempora privilegiorum Regularibus indultorum confirmat Abbas in cap. *Cum coningit*, num. 21. de foro competenti, & Authores Gallicani quæst. 408. Capellæ Tolosanæ, Chopinus l.b. 1. de sacra Polit. tit. 4. num. 28. Papo lib. 1. Placitorum, tit. de Jurisdic. Eccles. artic. 14. & tit. de Jurisdic. tempor. art. 36. Cujacius in cap. 9. de vita & honest. Cleric. Bengueus de divis. benefic. §. 8. num. 11. ipsumque Aurelianensè Edictum Caroli IX. art. 11. His adde quæ dixi supra, lib. 1. de potestate Ordinariorum erga Regulares exemptos.

XIV. Ex opposito limitatur in Gallia Ordinariorum Jurisdictio in delictis Clericorum, quæ dicuntur privilegiata, quorum cognitio reservatur Judicibus Regiis, ad differentiam communium delictorum, de quibus Clerici non alibi accusari & judicari possunt, nisi apud Ordinarios. Statuit Caroli IX. Edictum Molinensè art. 39. ne per Officiales Regios sub prætextu privilegiati delicti cognoscatur simul de communi delicto Clerici, pro cujus cognitione jubet Clericum reum remitti ad Ecclesiæ tribunal, postquam Judices Regii cognoverint de privilegiato ejusdem delicto. Deinde Henricus III. Melodunensis Constitutionis art. 12. sanxit ut instructio processus criminalis de privilegiato Clerici delicto fiat conjunctim per proprium Judicem Ecclesiasticum & per Judicem Regios, jubetque Commissarii per Curiam Regiam deputatis, ut ipsam Jurisdictionis Ecclesiasticæ Sedem adcant, & Prælatum conveniant pro communi processu de privilegiato crimine instructione.

XV. Crimina privilegiata generatim censentur quæ publicam quietem & statum communem Reipublicæ violant, de quibus sigillatim tractat Benedictus in cap. *Rayninus*, verb. *Et uxorem*, num. 433. & seqq. & sunt ista. Crimen læsæ Majestatis in primo & secundo capite, hoc est, si

Clericus

Clericus attentaverit in personam Regis aut Reginae, aut regionum liberorum, aut in Rempubicam, aut in Legatos Regis. Infractio salve gardie à Rege concessa, quâ etiam comprehenduntur Officiales Regii dum proprium exercent officium, eorumque exequutores & apparitores in sui muneris exercitio; sub hac enim ratione in tutelam Regis suscipiuntur. Item vis publica, aut concitata seditio. His aliqui addunt assassinium, hoc est præmeditatum & per insidias patratum homicidium. Boërius quest. 199. Faber in suo Cod. de jurisd. omn. Jud. defin. 26. Item crimen falsæ monetæ. Benedictus loco cit. num. 435.

XVI. Quavis inquisitio & interrogatio Rei conjunctim faciendæ sunt à Judice Ecclesiastico & Laico, si constet de privilegiato & de communi delicto, sintque delicta illa separabilia, uterque tamen Judex judicat separatim, Ecclesiasticus de communi, Laicus de privilegiato, ut cum Papone lib. 1. Placitorum, tit. 5. num. 54. & Chopino lib. 2. de sacra Politia, cap. 4. num. 22. scribit Pastor de Jurisd. Eccles. tit. 14. num. 14. Prius tamen agitur de delicto privilegiato apud Judicem Laicum, quàm de communi apud Ecclesiasticum, ut inferitur ex dicto art. 39. Molinensis Edicti. Atque Ecclesiasticus Judex non potest reum à carcere relaxare, nisi prius penam pecuniariam exsolverit constitutam à Judice Laico pro crimine privilegiato. Alioqui pro reo tenebitur Judex Ecclesiasticus exsolvere multam. Si verò crimen privilegiatum non sit separabile à communi, ut homicidium factum in seditione, privilegium casus attrahit ad Judicem Laicum utrumque delictum.

XVII. Casus autem, in quibus crimen privilegiatum separabile est à communi, occurrunt varii, ut in Clerico calumniatore aut falsum deponente, aut falsum instrumentum scienter producente coram Judice Laico. Injuria namque in judicio Judici Laico facta potest ab hoc puniri; falsi verò crimen judicari & puniri seorsim à Judice Ecclesiastico. Similiter si Clericus simul incendii & gestationis armorum lege Principis prohibitorum accusetur, Judex Laicus cognoscet de gestatione armorum, qui casus est privilegiatus: at Ecclesiasticus de incendio, qui casus est communis. Benedictus num. 438. Clericus etiam adulteratus cum uxore illius qui salvam gardiam Regis pro se suæque familia obtinuerat, judicabitur in Tribunali Laico de infractioe salve gardie: in Ecclesiastico autem de adulterio, quod est delictum commune. Papo lib. 1. tit. 5. num. 34.

XVIII. Sunt & alia delicta mixti fori, in quibus esse solet præventioni locus inter Judicem Ecclesiasticum & Laicum, cujusmodi esse volunt usuram, adulterium, concubinatum, sortilegium. Julius Clarus in praxi criminali, quest. 37. & Faber in Cod. de crimine sacrilegii. Verum in Gallia nec Judex Ecclesiasticus de his criminibus contra Laicos cognoscit, nec Judex Laicus contra Clericos, ut monet Pastor loco cit. num. 16.

XIX. Constitutiones Ecclesiæ vetant exerceri judicia nocte, ac in


lil 3 tenebris

tenebris, cap. *Consuluit*, de offic. jud. deleg. Tamen Athenis Arcopagite non interdiu, sed noctu judicare consueverunt, referente Luciano in *Seclis*, ne personas litigantes, sed ea sola quæ dicebantur considerarent. Sanè transactio nocte facta tenet, l. *Minorem*, C. de transact. Et testamentum nocte factum valet, l. *Ad testium*, §. *Posse*, D. de testam. Consuetum est in Gallia criminales causas non nisi ante prandium judicari, ne vapores inde exurgentes Judicium mentes obnubilent. Cavetur quidem in cap. *Honestum*, 2. 2. quæst. 5. ne quis in judicio ad juramentum admittatur, nisi jejunus. Et in cap. 1. de testib. & attestat. ne quis nisi jejunus testimonium dicat: sed Glossæ utrobique dicunt, hoc de honestate dici, non de necessitate.



CAPUT IV.

De juridica Inquisitione, & Testibus, & Juramento.

I.  I C U T in criminalibus causis triplex est procedendi modus: 1. per inquisitionem; 2. per accusationem; 3. per denunciationem; ita etiam triplex est inquirendi modus. Primò generatim, qua ratione solent inquirere Prælati de vitiis communibus subditi populi aut communitatis, ut eorum remediis prospiciant. Secundò speciatim, dum inquiritur in aliquam certam personam, ut utrum Caius hominem occiderit. Tertiò mixtim, ut si inquiritur in commune quisnam hominem certum occiderit, cujus repertum est saucium cadaver: ibi enim delictum est particulare, sed inquisitio de auctore delicti est generalis: & viceversa si inquiratur in speciali de delinquente, & in genere de delictis, ut utrum Caius sit flagitiosus, an aliqua scelera commiserit, aut committere solitus sit.

II. Non est licitum contra certam personam de crimine inquirere, sive speciatim, sive mixtim, nisi præcesserit infamia, vel gravia indicia, vel semiplena probatio, cap. *Inquisitionis*, & cap. *Qualiter* 24. de probatione. Quem tamen ordinem non usquequaque sequi tenentur Regulæ Præfecti, d. cap. *Qualiter*, in fine. Est verò infamia vox frequens probarum ac honestarum personarum. Legitimæ famæ judicium esse relinquendum prudentis & probi Prælati arbitrio, docent Menochius, Ugo-
linus, Molina, & alii. Quod enim scribit Sotus, requiri vocem decem honestorum hominum, id parum est in amplissima civitate, & nimis multum in exiguo pago. Indicia urgentia sunt fuga suspectæ personæ statim post

post perpetratum, vel detectum scelus: gravis præcedens inimicitia cum alii^s conjecturis conjuncta, ut sunt minæ, &c. inventio rei furtivæ penes aliquem. Semiplena probatio est unius jurati, nec ullatenus suspecti testis asseveratio quod ipse viderit, aut ab ipso reo audiverit. Prædictorum ratio generalis est, quia alioqui temerè diffamaretur homo, & in grave discrimen absque sufficienti causa coniceretur. Istæ verò non adedè exactè requiruntur præcautiones ad eam mixtam inquisitionem, in qua constat de particulari crimine; sed in communi ejus author inquiritur, sic enim nemini fit injuria. Ostensis verò tit. de inquisition. §. *Quomodo procedatur*, num. 4. & Zerola p. 2. tit. *Inquisitio*, cautè procedendum admonent circa infamiam, quia sæpè à malevolis & calumniatoribus aut levibus oritur.

III. Ad accusationem olim pertinebat inscriptio, quam docet Glossa in cap. *Super his*, de accusat. esse obligationem coram Judice, quâ se accusator subjicit eidem poenæ, si non probet, quam subire cogeretur convictus reus, juxta cap. *Quisquis*, & cap. *Qui crimen*, 2. quæst. 8. Nam ex Damasi Papæ decreto calumniator in accusatione deficiens poenæ talionis reus fit, cap. *Calumniator*, 2. quæst. 3. Sciendum verò, sive accusatorem, sive testem qui calumniosè alium in grave discrimen vel damnum adduxerit, teneri quoque in conscientia ad ipsum liberandum subire par discrimen honoris, bonorum & propriæ vitæ, eoque sine suam efficaciter retractare calumniam, si vel probabiliter ei profuturus sit. Alioqui enim non tenebitur cum tanto suo damno, eoque frustratorio & inutili, juxta Sotum, Medinam, Navarram, Covarruviam.

IV. Ad sufficienter probandum in judicio, reumque convincendum duo testes conformes, & non suspecti sufficiunt, l. *Ubi numerus*, D. de testib. & cap. *Licet universis*, eod. tit. dicente utriusque Testamenti scriptura: *In ore duorum, vel trium testimonium stabit omne verbum*. Deuteron. 19. vers. 15. Matth. 18. vers. 16. Joan. 8. vers. 17. 2. Cor. 13. vers. 1. Hebr. 10. vers. 18. Inquisitiones criminum redigendæ sunt postquam perfectæ fuerint in acta publica, ut ad eas quotiescunque operæpretium fuerit, possint Judices recurrere.

V. Gravis & admodum agitata quæstio est, utrum unicus testis qui deponere possit in materia criminalis accusationis, aut denunciationis, teneatur interrogatus à Judice criminis veritatem apertire, necne? Affirmant Dominicus Soto, Azorius, eosque sequutus Bonacina in Decalog. disp. 10. quæst. 3. punct. 3. num. 5. quia, aiunt, suppeditabit semiplenam probationem, ex qua poterit reus juridicè interrogari, carcere concludi, torqueri, unde plena tandem criminum cognitio elici solet. Item alioqui crimina impunitate gauderent, & in perniciem humanæ societatis pullularent. Ex opposito teneri verum silere judici interroganti, affirmant Sylvester verb. *Testis*: Petrus Navarra lib. 2. de restitution. cap. 4. num. 167. & 168. Tolleus lib. 5. cap. 40. num. 1. & 2. Reginaldus lib. 24. sect. 5. num. 47. Joannes

à Cruce in Directorio , addens isto casu interrogatum teneri dicere sub mortali peccato, & in suo sensu, se nihil horum scire. Tertiam sententiam instituit & propugnat Lessius lib. 2. cap. 30. dub. 6. num. 49. licere quidem unico testi testificari, sed ad id non teneri, nisi ubi ageretur de resarciendo gravi damno injustè illato, aut de impendenti malo avertendo, sive communi, sive privato. Quibus sanè casibus omnes consentiunt unicum testem teneri revelare, etiam non interrogatum, neque citatum, nisi hoc sciat per Rei Sacramentalem Confessionem.

V I. Addit Martinus Navarra cap. 25. n. 46. & 47. quem sequitur Lessius loco cit. si sit peccatum occultum, nec alteri damnosum, & peccator jam sit emendatus, vel verosimiliter speretur quod post fraternam correptionem se emendabit, non teneri aliquem id manifestare Judici jubenti etiam sub interminatione excommunicationis, donec fraternè corripuerit, & probabilius judicaverit corruptum reum non se emendaturum. Cui favere videtur Matth. cap. 18. vers. 15.

V II. S. Thomas 2. 2. quæst. 70. art. 1. multa docet circa jura testium, quæ breviter recenseo. 1. In manifestis criminibus, & in iis de quibus infamia præcessit, teneri hominem, petente secundum ordinem Juris Superiore suo, ferre testimonium in iis quæ scit. 2. In aliis verò, nimirum non manifestis, & ubi non præcessit infamia aut alia notitia, etiam petente Superiore non teneri. 3. Teneri tamen manifestare etiam Superiore non petente, nec alia præhabita rei cognitione vel fama, si ea manifestatio sit futura utilis ad liberandum eum qui patitur indebitam vexationem, vel ad impediendum grave malum, sive commune, sive privatum. 4. De illis quæ quis scit per penitentis Confessionem, nullatenus ullo casu esse testificandum. 5. In illis autem quæ homo scit commissa sibi per secretum humanum seu naturale, distinguendum esse: vel illa vergunt in alienum grave damnum, sive commune, sive particulare; & hæc tenetur revelare, quanvis jurasset se non revelaturum, quia hoc juramentum non obligat, cum sit contra bonos mores: vel ex opposito silentio nullum emergit damnum alienum, & sic non potest prodere commissum sibi secretum, quanvis non jurasset id secretum servare, & Superior juberet revelare: nihil enim potest à Superiore præcipi, quod bonæ fidei ac juri naturæ adversetur. 6. Ministros Altaris non posse ab ullo Judice vel Superiore compelli ad ferendum in causa sanguinis testimonium.

V III. Occurrunt aliquando casus, in quibus is qui responderet ad interrogantis mentem, peccaret mortaliter, aut suo silentio salutem alterius sibi commissam proderet. Titius innocens, quem maligni adversarii persequuntur ad necem, ad me confugit, ut à me occultetur. Hoc ei debetæ charitatis officium præsto in meis ædibus. Adventant paulò post ejus adversarii furore & armis instructi; seiscitantur à me num Titium viderim, nam sit intra ædes meas. Si taceam, id silentium reputabitur affirmatio, irrum

intrepent illi in domum meam, & relicto ad portam custode ne miscellus evadat, ceteri totam domum explorabunt, & abditum facile reperient, atque repertum trucidabunt. Sanctus Augustinus in suis Confessionibus summo perè laudat industriam & felices successus sanctæ Monicæ matris suæ in conciliandis discordantium animis & sedandis inimicitiiis. At verò inter odia tam multæ nascuntur suspiciones novarum offensionum, tam multæ susurrations & delationes à falsis & malignis discordantium amicis utraque ex parte referuntur, præsertim inter scæminas; quas tamen suspiciones & susurrations sæpe contingit esse veras, ut si mediatores exterius non se perinde gerant ac si suspiciones & susurros falsos esse crederent, atque id aliter esse persuadere industriæ non conentur, aut saltem longè diverso animo ea quibus foveantur aut recrudescunt odia, facta distave fuisset quàm pars inimica crediderit, vix ullæ discordiæ sedari & ad pacem componi possint. In judiciis tam sæpe occurrunt conjecturæ ad præsumendum de crimine, quod tamen falsum sit, ut si interrogatus reus innocens illas aperte fateatur, nec tamen possit aliter suam probare innocentiam, vel subiturus sit sententiam capitis, vel sit tormentis lacerandus ad quæstionem, quo fiat ut dimissus reliquam vitam transigat morte ipsa miseriorem.

X. Non tamen fidem habendam censemus quibusdam sanctis Ecclesiæ Patribus, qui mendacium officiosum licitum asserunt, in quibus sunt S. Chrysostomus lib. 1. de Sacerdotio, & in homiliis 32. & 53. in Genes. & in epist. ad Olympiam: S. Hieronymus in cap. 2. ad Galat. quem eundem locum eidem scribens exprobrat & impugnât S. Augustinus epist. 19. Cassianus quoque in eundem lapidem offendit collat. 17. cap. 15. 16. 17. & lib. 5. de institut. renunc. cap. 37. & cap. 39. Ex opposito S. Augustinus in illa epist. 19. aliisque locis, præsertim tract. de mendacio ad Consentium, constanter astruit nullo quantumvis bono fine fas esse mentiri, eo quoddam jure naturali & divino mendacium sit malum & indispensabiliter prohibitum; nec licitum esse malum facere ut eveniant bona. Id quippe damnat Apostolus Rom. 3. vers. 8. Quocirca dicit cap. *Super eo*, de usur. *Scriptura sacra prohibet pro alterius vita mentiri.*

X. Mendacium definit S. Augustinus lib. 1. de mendacio, Falsam vocis significationem cum intentione fallendi. Vocem hinc intelligendam latius esse pro quovis externo signo, etiam nutu, admonet S. Thomas 2. 2. quæst. 100. art. 1. ad 2. nam & nutibus, sicut voce, mentiri homo potest. Idemque sequenti quæst. 111. art. 1. simulationem in factis externis dicit esse mendacium. Ibidemque resp. ad 2. admittit simulationem utilem & licitam. Hanc verò Navarra in cap. *Humana aures*, quæst. 2. num. 10. sic distinguit ab illicita, quatenus quidam sine causa, nec curantes an mentiantur, aliquid seu verbis, seu facto simulant inesse quod non inest, vel non inesse quod inest. Illa verò sit, quâ quidam prudenter & justa de

K k k causa,

causa, sine dolo malo dicunt aut faciunt aliquid, quod separatim per se quidem falsum significat, sed ipsum aliquo subintellecto in mente dicentis aut facientis efficitur verum. Idem Navarrus paria dicit Enchirid. cap. 18. n. 8. Reliqua definitionis verba, *Cum intentione fallendi*, explicat Caietanus ad dictum S. Thomæ locum 2.2. quæst. 100. art. 1. cum intentione dicendi falsum. Sed ut constat quàm sit vera regula juris: Omnis definitio in jure periculosa est, l. *Omnis*, D. de regul. jur. non sufficiunt definitioni expositiones adductæ à S. Thoma & Caietano, nisi addatur tertia ex Sylvestro, verb. *Mendacium*, sub-init, scilicet dicendi falsum assertivè: non enim involvit mendacium intentio dicendi falsum recitativè, aut repræsentativè; neque mentiuntur qui falsum recitant ex aliena, & non ex propria persona; neque ii qui fabulam aliquam aut historiam quasi ex theatro vel scena repræsentant, tametsi personam repræsentent alicujus impostoris.

XI. Cum ergo mendacium propriè sumptum sit jure ipso naturæ illicitum hac ratione, quia ut ait S. Augustinus in Enchiridio, cap. 22. *Verba propterea insinuantur sunt, non per quæ se invicem homines fallant, sed per quæ quisque in alterius notitiam cogitationes suas proferat*; nullo casu, aut fine potest esse licitum, ne quidem ad salvandam hominis vitam, ut idem ait Augustinus tract. de mendacio, cap. 14. & Alexander Papa III. cap. *Super eo*, de usur. Consequens est tot sanctissimos, & in Scripturis laudatissimos homines non fuisse reos mendacii, quando urgente aliqua justa causa ita veritatem celare voluerunt, ut verbis usi sint ambiguïs & amphibologicis; veris quidem ex ipsorum occulto sensu, quibus tamen intendebant auferre vel impedire periculofam aut nocivam veritatis alterius cognitionem in mente auditorum. Cujusmodi exemplum profert S. Augustinus Abrahæ dicentis ut se mortis discrimini eriperet, Saram esse suam sororem, & volentis anovere ab aliis hanc planè veram persuasionem, quod uxor sua esset. In illo enim ad Consentium tractata disertè exprimit, & res ipsa perspicua est, scivisse & voluisse Abraham, ut Ægyptii aliter prorsus intelligerent Saram esse suam sororem longè alio sensu quàm quem ipse intra se in occulto concipiebat, quia si hæc re Ægyptiorum intelligentia conformis fuisset latenti intelligentiæ Abrahami, secundum quam vera fuisset illa sororis compellatio, futurum prævidebat se occisum iri; quod tamen ista æquivocatione & amphibologia vitare intendebat. Hoc ipsum ut supra examinat S. Augustinus eo tractatu, præsertim cap. 12. & cap. 17. sic loquens: *Ad hanc veritatis regulam mihi videntur non solum ista (de Abrahamo & Sara) verum etiam si qua sunt talia redigenda, ut aut quod esse creditur, ostendatur non esse mendacium; siue ubi taceat verum, nec dicatur falsum; siue ubi significatio verax aliud ex alio vult intelligi.* Idem S. Doctor sic ait in quæstion. in Genes. quæst. 26. prout refertur in Decreto, cap. *Quæritur*, 12. quæst. 2. *Quæritur cur Patriarcha mentiri voluit, ut diceret Saram sororem suam, & non potius Deo commisit, qui si vellet, ejus pudicitiam*

pueritiam apud Pharaonem servare posset. Sed veritatem voluit celari, non mendacium dici: soror enim dicitur, quia filia fratris erat. Et in hoc ostenditur quod nemo debet tentare Deum, dum habet quod rationabili consilio faciat. Fecit quod posuit: quod non potuit, Deo commisit, in quem speravit. Hoc idem aliis passim locis repetit Sanctus Doctor. Itaque nulli dubium esse debet, usum amphibologiarum, ubi iusta urget ratio, esse doctrinæ Augustinianæ. Idem sentiendum quod de Abrahamo in aliis Sanctorum æquocationibus docet Augustinus, scilicet licitas fuisse, & mendacii prorsus immunes, ut quum Jacob consilio Rebeccæ matris persuasit Isaac patri se esse primogenitum ejus Esau: quum Joseph se ariolum & augurem esse coram fratribus asseveravit, & in toto illo sanctæ viduæ Judith apud Holofernem colloquio. Si quis autem Augustino rigidior velit illos venialiter peccasse, hoc saltem dici non potest de Angelo Raphaële asserente Tobie. 5. se unum esse de filiis Israël, nomine Azariam, filium magni Ananiæ; nec de Christo asserente sine alio additamento, se nescire diem judicii, Matth. 24. & Marci 13. aut fingente coram discipulis in Emmaus se longius ire.

XII. His suffragatur S. Gregorius Papa lib. 16. Moral. cap. 7. dicens: *Humana aures talia verba nostra judicant, qualia foris sonant. Divina verò judicia talia foris audiunt, qualia ex intinis proferuntur. Apud homines cor ex verbis, apud Deum verò verba pensantur ex corde.* Nihil certè hac de re dilucidius dici, vel scribi potest; & habetur in cap. *Humana aures*, 22. q. 5. Sanctus tamen Isidorus posset his opponi lib. 2. de Summo Bono, cap. 11. ubi ait: *Quacumque arte verborum quis juret, Deum tamen qui conscientia testis est ita hoc accipit, sicut is cui juratur intelligit.* Habetur in cap. *Quacumque arte*, 22. quæst. 5. Sed hic locus eos percellit qui mala fide, solumque decipiendi & injustè nocendi animo pravam mentem suam obtegunt; non verò illos quos iusta & rationabilis causa cogit bonum quod mente gerunt propositum verbis ambiguis & in aliquo sensu veris dissimulare. Istis verò non quadrat Isidori, sed Gregorii Magni anterior illa sententia. Neque ego sum hujus inter hæc apparenter adversantia conciliantis author, sed S. Thomas 2.2. quæst. 89. art. 7. ad 4. His adjungendum Sancti Raymundi testimonium lib. 1. Summæ, tit. de mendacio, circa finem: *Si reum qui quærat ad necem domi occultaverim, nec ad redimendam ejus vitam aliud suppetat remedium, quam interrogantibus qui volunt inerscere respondere, Non est hic, respondendum aliquod verbum equivocum: Non est hic, puta in mensa, vel aliquid simile.** Sed & ipse Augustinus suam explicat mentem dilucidis hisce verbis in Psalmi 5. enarratione: *Ille verò qui non habet duplex cor, nec mendacium ullum quidem dicit. Tunc v. g. si cui gladium commendetur, & promittat se reddiurum, quum ille qui mandavit poposcerit; si foris gladium suum repetat furens, manifestum est tunc non esse reddendum, ne vel se occidat, vel alios, donec ei sanis restitatur. Hic ille non habet duplex cor, quia*


ille cui commendatus est gladius, cum promittebat se petenti restitutum, non cogitabat furem posse repetere. Unde consequens est, quod si cogitasset actu ipso posse furem repetere, non licuisset illi eo etiam casu voluntatem habere furem reddendi, ne sibi tale homicidium in iudicio Dei imputaretur; non enim imputabitur furem hujus homicidii delictum, sed soli ei qui cum prævídere debuisset, gladium furibundo tradiderit. Similiter videns aliquis prædones in prociñtu esse ad eripiendam alicui vitam & pecuniam, potest illos hortari ut pecuniã contenti abstineant ab homicidio; tamen hortator ille officiosus abhorreat simul furtum pecuniæ. Denique utcumque sumas S. Augustini sensum, Sanctorum tamen Gregorii, Thomæ & Isidori doctrina sanctis Scripturis & communi rationi magis est conformis, simulque S. Hieronymo, quem refellere S. Augustinus in suis ad illum epistolis conatur.]

X I I L. Hoc denique post Augustinum & Gregorium asserunt communiter inter Scholasticos & Summistas sapientissimi, hoc addentes, in casu necessitatis posse suscipi delatum juramentum ad confirmationem occultæ illius verborum. exterius prolatorum intelligentiæ. Nullum enim est sine mendacio perjurium. Nullum verò hîc incitè mendacium, frequentibus Sanctorum exemplis, & Sanctorum Doctorum Augustini, Gregorii & Thomæ Aquinatis autoritate probavimus. Ita Joannes Major antiquum Sorbonæ decus in 4. distinct. 15. quæst. 18. quem allegat & sequitur sapientiã & pietate spectabilis Doctor Navarrus in comment. ad d. cap. *Humana aures*, & in Manuali cap. 12. num. 8. & 9. Item Angelus verbo *Juramentum* 5. num. 9. Sylvester verbo *Juramentum* 3. quæst. 2. Dominicus Soto lib. 8. de justit. & jure, quæst. 1. artic. 7. ad 4. Caietanus in 2. 2. quæst. 70. art. 1. Adrianus Papa VI. in 4. quæst. de sigillo confess. Grassius 1. p. lib. 2. cap. 17. num. 9. Lopez 1. part. cap. 42. §. *Injustè rogatus à iudice*. Toletus lib. 4. cap. 21. & lib. 5. cap. 58. Lessius lib. 2. de justit. cap. 30. dub. 6. n. 15. Laiman lib. 4. tract. 3. cap. 14. num. 7. Bonacina tom. 2. disput. 4. quæst. 1. puncto 12. & alii communiter, ipseque Bart. in 1. fin. num. 7. D. de quæst. Favetque caput *Utilem*, 22. quæst. 2. ex S. Hieronymo desumptum, hortante ad simulationem utilem & in tempore assumendam, exemplo Jehu Regis Israël, & Davidis,



C A P U T V.

Quandonam aliquis non tenetur testificari: & ad quid obligetur qui falsum testimonium dixerit.

I.  LIquos jam attigimus casus, quibus occurrentibus non tenetur aliquis testificari etiam requisitus, citatus, & sub pena excommunicationis obtestatus. Nimirum primò si nulla præcessit infamia aut iudicia ad hanc revelandi obligationem sufficientia, neque semiplena probatio. Secundò, si quis rem cognoscat per confessionis sigillum. Tertiò, si sciat per secretum naturale & fiduciarium ab ipsa Parte, quæ consilii, vel opis implorandæ causâ suum aperuerit delictum ꝑ. quo præsertim secreto tenentur Advocati, Medici, Chirurgi, obstetrices, intimi amici. Secus verò sentiendum, si reus suam malam significasset voluntatem ante admissam delictum; non enim fas est captare consilium ad malè agendum. Quartò si quis probabilius credat, non alios esse qui rem scient, aded ut solus & unicus futurus sit testis. Casum istum Lessius lib. 2. de justit. cap. 30. dub. 6. num. 3. extendit pariter ad illum qui rem novit cum aliis duobus aut pluribus testibus, quorum nemo adhuc testificandus sit. Sed hanc extensionem non admittendam ducò, quanvis ibi Lessius hanc esse communem doctrinam dicat. Si enim nemo teneretur primus testificari, magna sequeretur criminum impunitas, & ex impunitate licentia; cum in omni inquisitione fieri aliter non possit, quin aliquis testis primus deponat, sublatoque primo teste nullus dici possit vel esse secundus aut tertius. Quintò, qui scit rem de qua inquiritur, factam fuisse sine culpa saltem mortali, ut si qui furti accusatur, rem subripverit titulo justæ compensationis; aut homicidium de quo inquiritur, fuisse factum cum moderamine inculpatae tutelæ. Sextò, si ex revelatione ipsi testi, aut ei conjunctis personis grave damnum impenderet. Septimò si quis rem audivit à levibus, nec fide dignis hominibus. Octavò, si quis sit consanguineus aut affinis delinquentis, argumento legis 4. D. de testib. Quidam hoc limitant in secundo gradu, sed plures cum Avila in quarto gradu inclusivè, usque ad quem protenditur incestus & impedimentum nuptiarum dirimens. Et hoc æquitati & familiarum Gentilium expectendæ paci consentaneum est: hinc tamen excipienda crimina Majestatis, aliæque quæ in publicam perniciem se propagarent. Nondò, si quis sit de familia, & domesticus ejus qui deliquit:

K k k 3

deliquit, juxta Angelum, Sylvestrum & complures alios. Et utique veteri Romanorum jure servi compelli non poterant, ut adversus dominos testimonium ferrent, ut inter alios docet Cornelius Tacitus circa Libonis accusationem sub Tiberio Principe, lib. 2. Annalium. Huc spectat lex 8. C. de testib. relata in cap. *Sitesles*, §. *Servi neque*, 4. quæst. 3. * Repelluntur pariter ab accusationibus & testimoniis cohabitatores inimicorum, cap. *Repelluntur*, de accusat.] Decimò, si illi à quibus aliquis rem uti gesta est accepit, jam deposuerunt; hujus enim supervacanea foret depositio. * Sciendum verò prædictos à judice citatos, & præmisso juramento interrogatos, posse, imò etiam secreto naturali alitros teneri secreti fidem servare, & quam sciunt veritatem occultare, utendo æquivocationibus & restrictionibus mentalibus, qualis hæc esset, negando se rem scire, apud se cogitando, quam teneantur cum offensa Dei declarare. Neque enim eousque devitandum est mendacium, ut ejus vitandi causâ fides publica violeetur, ipsumque jus divinum & naturale perfringatur; quanvis ubi justa necessitas non urget, æquivocationum usum esse profiteamur abusivum, nec esse à veniali culpa unquam immunem. Repugnat enim naturali simplicitati & animorum sinceritati. Nolim equidem omnia mendacia quæ de sancta vidua Judith sacre Pageinæ commemorant, ab omni peccato justificare: sed profitendum est, neque Angelum Raphaëlem, neque Christum ipsum potuisse venialiter unquam peccare.]

II. Indubitatum est, calumniosum testem, aut falsum etiam per veri suppressionem in præjudicium Partis, quanvis nihil falsum positivè pronulisset, ut si siluerit reum, contra quem testificatus est, fuisse primum injusta conquerentis aggressionem lacessitum, non modò peccare mortaliter, tum propter injustitiam, tum ratione perjurii; sed etiam teneri ad reparationem damni, si modò in istud efficaciter influxerit. Quod idcirco addo, quia fieri potest ut damnum efficaciter non causaverit, etsi gravissimè deliquerit, ideoque reparare non teneatur. Si enim contingat ut anteriores testes admissi, neque à reo recusati, sufficienter eadem calumniæ reum oneraverint, aded ut iste additivus & supernumerarius condemnationem ab aliis dudum efficaciter causatam non auxerit, non potest censeri condemnationis author, neque obligatus ad eam reparandam. Aliud tamen judicandum, si testis iste in commune cum aliis qui præcessere testibus, aut cum actore ipso, seu accusatore conspirasset: sic enim efficaciter in damnum ab accusatore & præcedentibus testibus illatum contribuisse, singulique eorum in solidum tenerentur id omne damnum refarcire, tum honorarium, tum pecuniarium. Similis ratio & decisio est in eo Judice vel Consiliario qui præcedentium injusto judicio suum addidit suffragium, si nullâ habita communi conspiratione suffragia præcedentia erant in sufficiente ad validum judicium numero, neque causam dedit antecipientibus injusti suffragii, & si reliquis insequentibus Consiliariis existentibus

tibus unà cum eo in sufficienti numero ad elidenda anteriorum suffragia, non fuerit author injusti suffragii. Ita Navarra in Manual. cap. 17. num. 18. Lessius lib. 2. cap. 30. dub. 7. Bonacina tom. 2. disp. 10. quæst. 3. punct. 3. n. 15. & S. Antoninus citans & sequens Paludanum & Ricardum; ejus Sancti Archiepiscopi verba illa sunt: *Si sine consilio vel mandato fuisset nihilominus facta rapina vel damnicatio, & nihil amplius per illa est additum, non tenentur nisi quantum ad eos ex rapina pervenit. Si verò aliquid aliud ex mandato vel consilio factum est, ad illud amplius tenentur in solidum.* His omnibus faciem prætulit S. Thomas in 4. dist. 15. quæst. 1. art. 5. ad 3. quæstionculam, ubi duo ista tradit necesse esse concurrere, ut consulens teneatur ad restitutionem: *Primo ut probabiliter credat consilium suum fuisse efficax; deinde quod sine eo injusta ablatio commissæ non fuisset.* Atqui eadem militat ratio non modò in consulente, sed etiam in alio quovis cooperante in damnum tertii, qualis est testis. Verumtamen Officiales ac Judices, sive efficaciter concurrerint in damnum tertii, ejus omnis efficacia & influxus refundi debeat in collegas, qui sine prævia cum ultimis conspiratione damnum intulerunt; sive etiam nihil cooperati fuerint in malum, sed cum spes probabilis esset, quod si in oppositum institissent, collegas qui priores sua efficaciter ad malum suffragia contulerunt, ab injusta sententia revocassent: hoc supposito, etiam posteriores, qui per se ad injustum damnum non influere, censendum est in defectum priorum restitutioni pariter obnoxios esse. Pro certa enim regula tenendum est, ceteros qui cum potuissent damnum proximi impedire, noluerunt impedire, peccasse quidem contra charitatem, non tamen adstringi restitutioni: sed Officiales qui cum potuissent damnum injustum impedire, per segnitiam tamen non curarunt impedire, non modò contra proprium officium peccasse, sed etiam damnum ipsum teneri refarcire, cui sive per malitiam, sive per segnitiam noluerunt obistere, cum impedire potuissent. Sed ubi nulla erat probabilis spes impediendi, cessat ibi restituendi obligatio.

III. Porro nulla & inutilis ratio est eximendi ab obligatione reparandi damnum illatum, si quis dicat: Si hoc damnum non intulisset, alius indubitatè hoc idem intulisset. Cum enim omne damnum injustè causatum autorem suum obliget ad restitutionem, nihil inde sequitur, nisi hoc unum: Si damnum me nullum inferente alius id intulisset, immunis essem ab onere reparandi, quod alter damnificans in se unum transtulit; sed quia præveni alterius malitiam, illa obligatio mihi uni incumbit: ille verò ejus malitiam præveniendo inefficacem reddidi, nulli est obnoxius restitutioni.

IV. Evenit nonnunquam ut testis in judicio falsitatem alteri damnosam dicat, putans tamen ex memoriæ confusione verum se dicere. Isti difficultati respondet S. Thomas 2. 2. quæst. 70. art. 4. ad 1. quem sequitur ibi Caietanus & S. Antoninus 2. p. tit. 1. cap. 19. §. 7. Sylvester verb. *Testis*, quæst. 8.

quæst. 8. sub fin. Dominicus Sotus lib. 5. de just. quæst. 7. art. 4. ad 1. Navar. in Manual. cap. 25. num. 40. & passim recentiores, si testis ejusmodi moralem ad recordandum & testificandum adhibuerit diligentiam, excusari à mortali culpa, Quibus addunt locis citatis Caietanus, & Sotus, & Reginaldus lib. 24. cap. 3. sect. 5. num. 45. esse quoque immuncem ab obligatione reparandi damni exinde sequenti. Non enim tenetur ex re accepta, cum nihil alieni retineat. Neque ex conventionem ulla, neque ex injusta damnificatione, cum sit à culpa immunis; quia ejus memorie lapsus est merè naturalis, ut supponitur, eoque tempore invincibilis. Sed si intervenerit aliqua in credendo levitas, aut in præmeditando negligentia venialis, vult ibidem Soto teneri ad restituendam aliquam damni partem pro modulo culpe hujus venialis.

V. Idem tamen postquam se falsum deposuisse animadverterit, tenetur Partem pro qua testificatus est admonere ut restituat. Sed si Pars neglexerit, aut neglectura certò prævideatur, debet suum testimonium coram Judice revocare, sive in continenti, quod unum approbat cap. *Præterea*, in fin. de testib. cogend. sive etiam ex intervallo, quod videtur eod. cap. rejici; quia tunc facile præsumitur ad hoc inductus ab ea Parte cujus interest. Sed Glossa ibid. verb. *In continenti*, & Ostiensis, & Joan. Andreas hoc relinqui volunt arbitrio & prudentiæ Judicis expendentis qualitatē personæ retractantis, cum aliis circumstantiis, ad admittendam vel rejiciendam quæ ex intervallo sit retractationem: saltem valebit retractatio ad debilitandam priorem falsitatem. Reginaldus tamen loc. cit. ejusmodi testem eximendum censet ab hac apud Judicem retractatione post intervallum, si ei periculum exinde aliquod probabiliter formidetur, cum supponatur falsum ex animi errore inculpabili deposuisse; ubi enim damnificatio fuit inculpara, nullus est pœnæ aut obligationi restituendi locus, si quis inde ditior non evaserit, juxta legem 2. Cod. de petit. hæredit.

V 1. Ubi verò testis malitiosè falsum deposuisset, tenetur omne inde resultans damnum reparare, etiam cum propriæ vitæ periculo. Atque ita si ex falsa depositione reus versetur in periculo vitæ, tenetur testis, sicut & calumniosus accusator, Judicem certum facere de calumnia & falsitate, omnemque operam adhibere ut reum æcipiat, etiam cum periculo propriæ vitæ: nam in pari discrimine potior est innocentis conditio quam calumniatoris, aut alterius qui suâ malitiâ immeritum hominem in id periculum adegit, Navarrâ cap. 25. vers. 17. Quo loco addit, cum qui aliquem occidit, de quo alius accusatus & incarceratus periclitatur de ultimo supplicio, non videri obligatum seipsum prode cum pari periculo. Id ego non aliter approbaverim, nisi quando homicidium factum fuisset sine delicto mortali, ut si occidisset se vel sua adversus aggressorem defendendo; alioquin magis approbaverim contrariam Medinæ ibidem à Navarra citati opinionem, ut teneatur injustus occisor seipsum deferre ad innocentem falsò

falsò accusatum eripiendum discrimini. Ratio quâ suadeor, hæc est, quia ubi par imminet periculum, justitia exigit ut innocens eripiat cum periculo & damno delinquentis, si aliter occurri non possit. Præterea potest ea cautio adhiberi, quâ delinquens se periculo subducatur; præparatis enim omnibus ad fugam requisitis, potest apud publicum notarium coram testibus suum prodere scelus ad eripiendum discrimini quem scit innocentem, & mox fugam capessere. Aut etiam potest per privatam scripturam à se & fidei testibus subsignatam rem uti est reverà declarare, & Presbytero quasi Confessario pro suæ conscientie quiete mandare, ut postquam fugam capessiverit, scriptum illud apud Judicem consignet, qui actum Presbytero juridicum expedit ejus consignationis. Legimus de Sancto Conrado Placentino, ipsum adhuc venationi ferarum & secularibus oblectamentis addictum jussisse aliquando vespres in quibus feræ latitabant succendi, sed perlatum vento ignem ultra quàm voluit proximos agros sædo incendio devastasse. Cumque homunculus ex infima plebe hujus incendii suspitione captus, & vi tormentorum factum quod non commiserat confessus; damnatus ad supplicium fuisset, tum demùm Conradum conscientia excitatum se reum palam confessum fuisse, & divenditis facultatibus suis illata damna compensasse, redactumque ad extremam paupertatem humanis rebus nuntium remisisse.

VII. Quum agitur de avertendo publico imminente damno gravi, vel de liberando particulari reo ob gravem calumniam in causa criminis periclitante, non excusant prædictæ causæ ab obligatione testificandi, exceptâ notitia per Sacramentalem Confessionem habitâ, aut gravi damno imminente illi qui testimonium ferret. Vide S. Thomam 2. 2. quæst. 70. art. 1. Sylvestrum verb. *Testis*, §. 8. Sotum lib. 5. de justitia, quæst. 7. art. 1. Navarram cap. 18. num. 34. Toletum lib. 5. cap. 59. num. 2.

VIII. Postremò circa probationem per testes sic decernit Ludovici XIV. Constitutio anni 1667. tit. 20. art. 5. *Si in una eademque instantia pars multas formas petitiones, de quibus nulla extet probatio, aut probationis initium per scripturam, illæque petitiones simul conjuncte summam excedant centum librarum, istæ non poterunt testibus verificari, quanvis sint diversæ summa ex differentibus causis vel temporibus provenientes: hoc tamen excepto, si jura procederent ex successione, donatione, aut aliquin ex differentibus personis.* Si igitur Pars ad probationem per testes admitti prohibetur, multò minùs admitti licebit ad verificandum proprio juramento.



CAPUT VI.

De reo criminis.

I. **R**EUS à Judice quidem, sed non juridicè, hoc est non secundum juris formas, seu non servato juris ordine interrogatus de crimine, non tenetur ipsum confiteri. Ista assertio quæ Doctorum communis est, colligitur & probatur ex cap. *Qualiter & quando*, & cap. *Cum oporteat*, & cap. *Inquisitionis*, de accusationibus. Idque docet S. Thom. 2. 2. quæst. 69. art. 2. his verbis: *Non tenetur aliquis omnem veritatem fateri, sed illam solum ab eo potest & debet requirere Judex secundum ordinem juris*. Hinc sequitur reum interrogatum à Judice, sed non secundum ordinem juris, posse veritatem dissimulare, non tamen mentiri ei licet ullo casu, sed ambigüe respondere, atque à Judice jussu jurare, sed non secundum Judicis injustè adigentis mentem; nec enim alius superest reo injustè adactò recursus. Silentium enim post unam & alteram interrogationem continuatum, pro confessione reputaretur, aut certè reum tormentis ad quæstionem subjeceret. Require quæ superiore capite hac de re plenius circa testes, de illis quæ obterege tenentur interrogatos disputavi. Docet verò ibidem S. Thomas, quem passim alii sequuntur, tribus eventibus Judicem ex ordine juris interrogare. Primum si præcessit infamia contra reum circa id crimen, eaque sit legitimè per duos testes probata omni exceptione majores, & quæ nullatenus orta appareat ex malevolentia. Secundò, si reus urgeatur gravibus indiciis, circumstantiis & conjecturis. Tertiò si contra ipsum unus testis non suspectus deposuerit, quod vocatur semiplena probatio. Similiter non tenetur reus confiteri, si dubius est an Judex interroget ex juris ordine. Nemo enim Superiori tenetur obedire cum gravi sui vel alterius damno, nisi constet eum legitimam ad hoc habere auctoritatem: & quia in dubiis favendum est reo, cap. *Cum sunt*, de regul. jur. in 6.

I I. Consent aliqui reum agnoscentem se legitimè & juridicè interrogari, non peccare plusquàm venialiter, si crimen diffiteatur, quando poenà temporali plectendus esset; sed peccare mortaliter si poenà spiritualis esset infligenda, ut est excommunicatio. Ita Panormitanus in cap. *Cum super*, de confessis. Sylvester verb. *Confessio delicti*, quæst. 1. Angelus eod. verbo, num. 1. Armilla eod. verbo, num. 8. aliique. Verùm communior & approbatione dignior, atque in praxi sequenda sententia est, teneri quæcunque imminet poenà, Judici interroganti confiteri. Ita S. Thomas 2. 2. quæst. 69.

quæst. 69. art. 1. Caietanus ibid. Covarruvias præct. qq. quæst. 13. Navarra cap. 25. num. 23. Lessius lib. 2. cap. 31. dub. 3. num. 12. Quilibet enim obedire tenetur Superiori legitimè præcipienti. Et Judex hac in parte habet non tantum jus, sed etiam obligationem interrogandi, & verum eliciendi ex suo officio. Ideoque reus diffitens peccat mortaliter non solum ob perjurium, cum in juridica interrogatione non aliter respondere possit, quam ex Judicis mente; sed alio quoque ex capite, quanvis non juraret, quatenus in re gravis obligationis non obtemperat Superiori justè præcipienti.

III. Confessarius rei juridicè interrogati, sed renuentis suum coram Judice crimen fateri, operam debet quoad potest adhibere, ut reus suum illud crimen Judici interroganti manifestet; ad hoc enim teneri multò probabilius est: sed si hoc ei persuadere nequeat, admonet Lessius lib. 2. cap. 31. dub. 3. num. 16. esse reum fateri coram Judice renuentem nihilominus absolvendum, eo quòd non improbable judicet eum non peccare mortaliter. Causas verò probabilitatis in favorem rei diffitentis adducit istas. Primò quia gravissimi Authores suprà citati, Panormitanus, Angelus, Sylvester, Armilla & alii eximunt reum ab hac obligatione, dummodo spes affulgeat, posse diffirendo evadere condemnationem. Secundò quia humana præcepta debent esse humanæ conditioni consentanea. Difficillimum verò videtur, eum qui sperat evadere, se gravis pœnæ, aut etiam mortis condemnationi sua confessione addicere. Tertiò, quia nemo ad testimonium contra consanguineos suos ferendum cogi potest, l. 4. D. de testib. Ergo multò minùs contra seipsum. Quartò, quia neque tenetur quis contra alium testificari, si ex hoc ipso incumbat ei suisve gravis alicujus damni periculum, ut unanimiter sentiunt Doctores: Navarra cap. 25. num. 50. Covarruvias præct. quæst. cap. 18. Lessius lib. 2. cap. 30. dub. 6. num. 6. At reus iste non tam periculum quàm certitudinem extremi mali sustinet fatendo apertè crimen. Quintò, quia lex *Nimis grave, C. de testib. decernit, Neminem teneri contra se exhibere id per quod sibi negotium fiat.* Nihil autem durius esse potest, quàm ut qui aliunde sperat evadere incolumis, cogatur arma Judici proferre, quibus eum jugulet. Sextò, quia est receptissima & communis Doctorum consensio, reum criminis, sive ante, sive post condemnationem capitalem posse de carcere effugere, & hac ratione se condemnationi subtrahere. Hoc docent S. Thomas 2. 2. quæst. 69. art. 4. Caietanus ibid. Sotus lib. 5. de just. quæst. 6. art. 4. Covarruvias lib. 1. variar. resolut. cap. 2. num. 11. Lessius lib. 2. cap. 31. dub. 5. quanvis ex fuga damnum Commentariensi obveniat, atque etiam carcere penitus perrupto reliqui simul detenti evasuri sint. Ergo multò magis videbitur eidem criminis reo licitum esse apud Judicem suum crimen insiciari, eodem modo quo posset si non juridicè interrogaretur, cum agatur de pari evitando supplicio; cum evadere licitum sit reo juridicè convicto, &

LII 2 multò

multò minùs in alios incommodum resulet ex inficiatione, quàm ex carceris effractione. Ista quidem probabiliter profert Lessius: sed cùm idem multò asserat esse probabiliorem sententiam oppositam, nego licere sive isti reo juridicè interrogato diffiteri, sive Confessario reum sic malè affectum absolvere. Est enim contra jus naturale ac bonam fidem, si quis ubi subest periculum mortalis culpæ, opinionem eligat minùs probabilem & minùs tutam in conscientia, relinquendo probabiliorem simul & tutiorem. Sed prudens Sacerdos recusabit absolvere ream, utpote indignum, simulque prætolabitur eventum. Aut enim reus diffitens dimittetur; dimissus porro non tenebitur posthac apud Judicem confiteri, sed ei sola sacramentalis Confessio cum satisfactione sufficiet ad salutem: vel econtrà reus non confessus condemnabitur, eoque casu cùm nihil superfit quod amplius metuat, neque possit semel facta condemnatio augeri, Confessarius illum faciliùs ad confitendum judicialiter scelus suum adiget; ad hoc enim obligatur quandiu est sub juridica potestate detentus. Postquam verò reus huic satisfecerit obligationi, tum demùm illum Sacerdos sacramentaliter absolvet.

IV. Denique de reo criminis Clerico Ecclesiasticum habente Beneficium, utrùm & qua ratione possit suum abdicare in alterius favorem Beneficium, gravis est & illustris quæstio, quæ hac distinctione resolvenda est. Criminum alia inducunt Beneficii vacationem ipso solo factò, alia verò non nisi per Judicis sententiam. Atque in his ultimis, non autem in prioribus illis potest reus suo Beneficio apud Papam vel Legatum renunciare in alterius favorem ante suæ condemnationis sententiam; quin etiam post sententiam, dummodo sit per appellationem suspensa: quibus etiam casibus potest apud Ordinarium simpliciter resignare. Hæc docent Rebuffus in praxi, tit. de modis amit. benef. num. 52. & tract. de pacif. possess. num. 362. & seqq. Probus in addit. ad Gloss. pragmat. sanct. tit. de collationib. verb. *Disponere*, addit. 12. Boërius decif. Burdegal. 200. Mainardus decif. Tolos. 61. Papo Notariorum p. 3. lib. 8. tit. 1. de interdictis & action. possess. Mornacius ad tit. D. de his qui not. infam. Bengesus tit. quibus mod. vac. aut amit. benef. §. 6. num. 16. 17. 18. & 19.


V. Crimina ipso solo factò, & ante Judicis sententiam inducentia Beneficii vacationem, sunt quædam atrociora, in quibus censentur crimina læsæ Majestatis in primo capite, assassinium, sodomia. In his vacat Beneficium ipso quo admissum est momento, etiam ante accusationem, nec valet post delictum facta resignatio, & potest quilibet non incapax Clericus impetrare, dummodo sive ab initio, sive ex postfacto confiteat scelere. Homicidium quod non comitantur atroces circumstantiæ, quales reperiuntur in assassinio, & parricidio, non inducit ipso facto vacationem, sed expectanda est Judicis sententia. Siquidem decernit cap. *Ex litteris*, de excel. Prælat. Prælatum qui consilium furem quendam suspendendi dederat,

dederat, & exequutioni suam præsentiam corporalem exhiberat, incurrisse irregularitatem ex crimine homicidii; ideoque mandat eum admoneri ut Episcopatus cedat, aut si detrectet, eum per sententiam deponi jubet, aliumque ejus in locum canonicè eligi. Sed clariùs & expressiùs decernitur in cap. *Henricus*, de cler. pugn. in duello, Henricum Presbyterum, qui per tertiam personam fecerat alium occidi, deponi ab Ordinum sacrorum exercitiis; illi tamen misericorditer Beneficium conservari. Et in cap. *Studeat*, dist. 50. mandatur ut si probetur ex percussione per Sacerdotem facta mortuum fuisse Diaconum, Sacerdos à sacris arceatur: ei tamen Beneficium ad victum concedatur.



C A P U T VII.

De Beneficiorum possessorio & petitorio judicio.

I.  N titulo Beneficii duplex causa spectari solet, possessionis scilicet & proprietatis. Clement, unica, de causis possess. & propriet. Inde duplex actio ratione Beneficii competit; altera quæ possessorium spectat; altera quæ petitorium. Et priùs quidem tractatur causa possessorii quàm petitorii, ut ex rubricis constat de ordine cognit. Actiones versantes circa possessorium dicuntur interdicta propter intentatam prohibitionem, ne quid fiat quod possessioni obstat, *Défenses de troubler en la possession.*

II. Duæ verò sunt possessiorum interdictorum species, nimirum retinendæ possessionis, aut ejusdem recuperandæ: hoc est, ut qui turbatur, conservetur in possessione, quod est interdictum *Uti possidetis*, Gallicè *Complainte en cas de saisine & nouveauté contre celui qui fait le trouble*: aut ut de possessione pulsus in eandem restituatur; spoliatum enim ante omnia restitui jubet cap. *Oportet*, 2. q. 2. & cap. *Redintegranda*, 3. q. 1. & totus tit. de restit. spoliat. Istud vocatur interdictum *Unde vi*. Primum illud interdictum *Uti possidetis*, seu retinendæ possessionis, attenditur in possessione, quæ toto ultimo qui præcessit anno, neque vi, neque clam, neque precario processit, l. 1. §. 4. D. uti possidetis. Sed interdictum *Unde vi*, seu recuperandæ, quamlibet etiam minoris temporis quàm anni possessionem complectitur & tuetur, l. *Qui momentaria*, C. unde vi. Porro in causis interdicti Retinendæ, seu Uti possidetis, evenire solet ut litigans uterque sit simul actor & reus, l. 2. D. de interdictis.

III. Tametsi causam possessionis & proprietatis ab uno & eodem Judice terminandam esse decernat cap. 1. de causa possess. & propriet. oppo-

situm tamen fieri solet quoad causas Ecclesiasticas in Gallia, ut lis de possessione Beneficii agitur apud Regios Judices; de proprietate autem Beneficii contendatur apud Judices Ecclesiasticos. Ad petitionem enim Caroli VII. Francie Regis rescripsit Pontifex Martinus V. agitari posse causas possessorias Beneficiorum, & judicari apud Regias Curias, solo reservato petitorii judicio Ecclesiasticæ cognitioni. Refertur hoc Pontificium diploma à Guidone Papæ quæst. 1. & à Joanne Feralto de jurib. & privilegiis Francie Regum, privilegio 11. Dicit ramen ibi Guido Papæ hanc Regiarum Curiarum cognitionem circa Beneficiorum possessionem limitari ad interdicta retinendæ aut recuperandæ, nullatenus verò circa interdicta acquirendæ possessionis. *De possessorio autem* (inquit) *adipiscenda in beneficiis non consuevit Curia cognoscere, quia plus habet petitorii.* Istudque adeò verum est, ut Gallicani Jurisconsulti, Guidonis Papæ Scholiastes Ferrerius ad quæst. 1. & 71. Antonius Despeisseus tom. 3. tract. de Benef. Eccles. tit. ult. doceant nullatenus astringi Judicem Ecclesiasticum eidem Parti petitorum decernere, cui Regius Judex possessorium antea adjudicaverit; sed posse illum de possessione deturbare adjudicando petitorium Parti oppositæ: neque præterea licere ab hujusmodi Ecclesiastico judicio tanquam ab abusu provocare, quanvis ex iisdem ritulis & scripturis causæ possessionis & petitionis fuerint judicatæ. Possessorium enim summarie ac per provisionem judicatur, juxta edicta Caroli VII. anni 1453, art. 83. & Caroli VIII. anni 1493, art. 58. At verò petitorium pleniori cognitione & indagine dijudicatur. Idemque Despeisseus profert Senatusconsultum Curie Tolosanæ, quo appellatio quasi ab abusu rejecta in simili causa fuit. Præterea ubi semel adjudicatum fuit per Ecclesiæ sententiam petitorium, nullus superest pro possessorio recursus ad Judicem Regium. Ratio est, quia petitorium trahit ad se possessorium. Hoc docet Joannes Galli Regius in Senatu Parisiensi Advocatus quæst. 131. idque Senatusconsulto confirmat in causa Rectoris Prioratus Caldisfontis. Idemque quæst. 145. sic ait: *Curia non vult cognoscere de jure spirituali, vel de collatione beneficii ad Episcopum pertinente.*

IV. Etiam si Curie Regiæ in Gallia judicium possessorium in causis Ecclesiasticis sibi asserant, judicium tamen petitorium non aliis quam Ecclesiæ Prælati comperit: collatio verò Beneficiorum adeò horum propria est, ut citra sacrilegium non possit ab alio quoquam usurpari. Reges Christianissimi istud Prælatorum Sanctæ Ecclesiæ jus inviolabile esse caverunt, Sanctus Ludovicus in sua Pragmatica Sanctione: *Statuimus* (ait) *& ordinamus ut Prælati Regni nostri, patronique Beneficiorum collatores jus suum plenarium habeant, & unicuique sua jurisdictione servetur.* Carolus etiam VI. in diplomate anni 1419. *Volumus & ordinamus Ecclesiam & Ecclesiasticas personas ad suas antiquas franchisias & libertates reducendo, quod Ecclesie non electis per presentationes, collationes & institutiones Ordinariorum, quibus de jure*

jure communi seu consuetudine pertinet, secundum antiqua jura communia, Conciliaque generalia de personis idoneis providebitur. Carolus verò IX. Edicto anni 1571. art. 11. edicit: *Non poterunt Ballivi, Senescalli, eorum Locumtenentes, alique Judices, neque nostri Parlamenti Curia cogere Pralatos & Colatores Beneficiorum, ut conferant Partibus Beneficia: sed Partes præsentantes remittent ad illorum Pralatorum Superiores, ut ad illorum Pralatorum recusationem ipsi Partibus provideantur à Superioribus Pralatis secundum jus.* Hoc idem statuit Henricus III. Blesensi Edicto, art. 64. & Melodunensi art. 16. & Ludovicus XIII. Constitutione anni 1629. art. 22. Cum verò Rothomagensis Senatus hæc infregisset Edicta, & citare ausus fuisset Sagiensem Episcopum ad dicendam causam cur recusaret ad Beneficium quoddam admittere Jacobum Heccium Sacerdotem, Rex ad querelam Episcopi hanc citationem cassavit in suo sanctiore Consilio, prohibuitque Senatui cognitionem deinceps talium ab Ordinariis recusationum, & Jacobum remisit ad Metropolitanum, aliove Superiores, juxta sanctorum Canonum præscripta, qui cognoscerent de jure quod ipse ad eam Præbendam prætendebat, & de causis recusationis Episcopi, an. 1630. Julii 31.



CAPUT VIII.

Alii proponuntur casus, in quibus Judices seculares de Clericis & causis Ecclesiasticis cognoscere solent in Regno Gallia.

RCLERICI, quibus competit jus declinatorium ad Ecclesiasticum Judicem, soli illi censentur in Gallia qui sunt Ordine sacro, saltem Subdiaconatus initiati, necnon quilibet alii Tonsurati, dummodo habitum & tonsuram gestent clericalem, simulque scholastici sint, aut beneficiati, aut alicujus Ecclesiæ obsequio mancipati, ut præscribitur Caroli IX. edicto Molinensi, art. 4. & 8. In Gallia quoque per matrimonium amittitur privilegium clericale, & Beneficium antè possessum ipso facto vacat, ex veteri Philippi III. Constitutione. Quanvis autem cap. 1. & cap. *Quod à te*, & cap. *Joannes*, de cler. conjug. dicant Clericos conjugatos esse Beneficiis privandos, hoc intelligendum est de possessione Beneficiorum non abdicata, cum jam vacaverint ipso jure ex hora initi matrimonii.

II. Consuetudo tamen Gallicana Clericos quanvis fori privilegium habentes, non eximit in multis casibus à laïcorum jurisdictione. In causis quidem.

quidem personalibus illos eximit, sed non in realibus. In criminibus quoque privilegiatis non eximit eoldem, sed eximit in aliis delictis. Hæ consuetudines probandæ sunt veterum Jurisconsultorum Regni testimoniis, ut ostendatur eorum antiquitas. In primis Aufrelius Tolosani Senatus Præses in additione ad repetit. Clement. 1. de offic. judic. ordin. Clerici (inquit) non possunt de crimine coram seculari Iudice conveniri, nec valet consuetudo contraria: propter quod Rex & officarii ejus debent habere facultatem judicandi & puniendi Clericos in certis casibus, quos privilegiatos appellant. De hac Rex & Officiarii ejus sunt in possessione & saisina à tanto tempore, cujus initii memoria non existit, quod tempus inmemoriale idem operatur ac privilegium. Hæc Aufrelius. Præterea Guillelmus Benedicti olim Consiliarius in Senatu Burdegalensi, in repetit. ad cap. Raymutius, verbo *Et uxorem nomine Adela*, num. 432. eadem dicit, & simul exponit quæ sint privilegiata crimina. In hoc Regno (inquit) Iudices Regii in tribus casibus contra Clericos procedunt, & de excessibus eorum cognoscunt, ac etiam corrigunt. Primum ubi crimen à Clerico commissum qualitatem habet attentati in eodem litis pendens civiliter coram Iudice seculari, ubi cognitio civilis ad eum pertinet, ut in possessoriiis omnibus. Pariter si contra clericos in testes productos dentur obiectus de crimine, poterit Iudex cognoscere; & si probentur, eos à testimonio repellere. Similiter eos punire, si falsum testimonium deposuerint, aut alias ejus auctoritatem vel aures offenderint, poenâ quidem pecuniariâ, non corporali. Secundo de omni crimine privilegiato, ut sunt læsæ Majestatis, falsæ monete, infrafractio Salvæguardiæ Regiæ, vel asscuramenti brisati, vel si Clerici in unum regiam appositam violaverint. Inter quæ crimina est portus armorum: quod intelligendum est de portu in turma, si in forma belli arma moveantur, & ex delicto ex eo sequuto: aliter si esset privatus insultus. Tertiò ubi clericus officiumulare gerens delinquit in officio, puniri potest per captionem temporalitatis, ac venditionem bonorum mobilium, & suspendi aut privari officio. Hæc Benedicti. Tertium porro istud caput refert Franciscus I. in Edicto suo de monetis anni 1540. ad Papæ Indultum. Secundum Pontificis (inquit) Indultum, nostrasque Ordinationes si aliqui deprehendantur delinquentes in suis officiis, privandi sunt privilegio clericali, neque in casu delicti admittentur allegationes eorum Clericatus.

III. Ille idem Tolosanus Præses Aufrelius loco citato consuetudinem in Franciæ Regno pridem receptam, quâ Clerici in civilibus causis conveniri solbant coram Iudicibus secularibus, reprobavit verbis: *Clerici in causa civili etiam volentes de jure non possunt coram seculari Iudice conveniri, contrariâ consuetudine non obstante.* Approbat in hoc juris communis dispositionem, quæ habetur passim in Decreto, & in toto tit. de foro compet. Cæterum in Gallia jam inde à multis seculis invaluit usus, ut distinguantur causæ reales à personalibus, aded ut in personalibus quidem gaudeant Clerici privilegio fori Ecclesiastici, non verò in realibus. Sic verò decernit Philippi Pulchri Constitutio anni 1303. *Personæ Clericorum*

non

non compellantur in foro seculari super actionibus merè personalibus litigare. Reales cause in quibus consuetudo Gallicana Clericos subicit secularium Judicium cognitioni, reducuntur ad civiles merè pecuniarias ac profanas, neque extendi debent ad sacras & Ecclesiasticas, quæ exceptis merè possessoriiis pertinent ad forum Ecclesiæ. Guillelmus Benedicti Consiliarius in Parlamento Burdigalensi, loco cit. num. 410. sic loquitur: *In Actionibus merè personalibus, civilibus & pecuniariis, ut de illis Officarii Regis cognoscant in Clericos, non valet consuetudo, nec Judici seculari dare potest jurisdictionem etiam de consensu litigantium, nec aliquid operatur permissio Episcopi. Imò Episcopus debet prohibere Clericis coram secularibus litigare in actione personali.*

IV. Joannes Faber olim Regni Franciæ meritiſſimus Cancellarius, in suis Commentariis Institutionum, tit. de actionib. §. *Item Serviana*, distinguit causas Clericorum personales, quas solis attribuit Judicibus Ecclesiæ, à causis realibus & hypothecariis, quæ realibus accensentur; & istas ad seculare judicium asserit pertinere. Massuerius item Gallicanus Scriptor in sua Praxi Forensi, tit. de Judicibus & eorum jurisdictione, sic scribit: *Item sciendum, quod Clericus solutus in causa assecurationis non tenetur respondere coram Judice laico, nec etiam in actione personali, sed est dimittendus coram Iudice Ecclesiastico. Secus in actione reali, vel si agatur ad agnitionem sedule manus sue scriptæ, vel signatæ; quia in his non potest declinare forum Iudicis temporalis. Et idem in causa excessus vel delicti, quando casus est privilegiatus, ut in salvaguardia fracta, vel in assecramento brisato. Et tunc concludendum est, quod delinquens teneturolvere emendam per captionem & detentionem suæ temperalicitatis.*

V. Prædictis adjungi potest multò major autoritas Gallicani Concilii Epauensis, cui præſedit vir planè Apostolicus Sanctus Archiepiscopus Viennensis anno quingentesimo decimosextimo, cujus canon 11. ita statuit: *Clerici sine ordinatione Episcopi sui adire vel interpellare publicum non presumant; sed si pulsati (id est in jus vocati) fuerint, sequi ad seculare judicium non morentur.*

VI. Charondas in Codicem Henricum lib. 1. tit. 15. art. 14. jus & praxim Gallicanam sic accuratè describit circa Clericorum criminales causas. Quoties vir Ecclesiasticus delictum privilegiatum commisit, ejus quidem personale privilegium subicit eundem Judici Ecclesiastico, sed delicti privilegium eundem subicit cognitioni Regii Judicis, ut pœnâ plectatur corporali, qualem decernunt leges civiles, quibus Ecclesia non utitur. Attamen quod ad formam attinet formandi processus & judicii, valde disputatum fuit. Olim namque Regius Judex reum Clericum carcere detinens procedebat & judicabat circa delictum privilegiatum, priusquam reum ad Ecclesiasticum Judicem remitteret judicandum de ejus communi delicto, prout sanxerat Edictum Molinense anni 1556. art. 39. Sed ea Constitutio

M m m abolita

abolita fuit. Ex opposito igitur Judex Ecclesiasticus detinens in carceribus Officialitatis clericum, deque ejus delicto communi cognoscens, nullatenus curabat Regium Judicem aut Procuratorem de ejusdem Clerici privilegiato delicto admonere. Igitur ut ambobus incommotis provideretur, & utriusque Judicis propria servaretur jurisdictio, constitutum est Melodunenſi Edicto anni 1580. sub Henrico III. art. 22. ut fiat instructio litis criminalis adversus reum Clericum simul & conjunctim per Judicem Ecclesiasticum & Judicem Regium aut Commissarium, qui eo fine accedet ad Episcopale Auditorium: sed tamen singuli seorsum sententiam ferent circa suæ jurisdictioſis delictum; ipsique reo licebit ab his sententiis respectivè appellare: ad Superiorem quidem Ecclesiasticum circa commune delictum: ad superius verò Seculare Tribunal circa privilegiatum. Ita ex Melodunenſi Edicto Charondas. Eadem tradit Papo lib. 1. Placitorum, tit. 5. num. 54. Chopinus lib. 2. de sacra Politia, cap. 4. num. 22. Pastor de jurisdict. Eccles. tit. 14. num. 13. & 14. aliiq; comuniter Gallicani Jurisconsulti.

VII. Fori declinatio peti potest à Clerico in quemcumque statum deducta sit lis, sive initio, sive in progressu, sive sub finem, cap. *Si diligenti*, & cap. *Significasti*, de foro compet. & cap. *Si contingit*, de sent. excommun. & l. *Religionis*, C. Theodos. de Episcoporum judic. Imò etiam post sententiam, teste Chastlaneo Prædicto in Senatu Aquileſiensi, ad consuetud. Burgundicæ, tit. *Des justices*, rubr. 1. §. 5. ad verbum, *Et s'il n'a grace*, num. 45. *Hæc* (inquit) *exceptio fori declinatoria in Clericis etiam post sententiam potest proponi, ex quo reddat judicium retro nullum.* Addit alterius Gallicani Senatus Præfatus Autreriensis loco cit. num. 33. *Clericus non declinans forum laici venit puniendus; si cogatur, debet protestari.* Neque potest ullus Clericus exceptioni declinatoriæ fori renunciare, eaque renunciatione nihil obstante poterit adhuc admitti ad declinandum, d. cap. *Si diligenti*, de foro compet. Talis enim exceptio est in gratiam Ordinis Ecclesiastici: & privatorum pactis juri publico non derogatur, l. *Jus publicum*, D. de pactis. Atque exceptis causis superius expressis, in quibus Clericus subicitur Officialium jurisdictioſi, potest Clericus à Judice Ecclesiastico per Procuratorem Officialitatis requiri, & vindicari de Judice Laico. Quavis enim lex *Si quis* 50. C. de Episc. & Cler. permittat Clerico renunciare privilegio fori, id revocatur per caput *Si diligenti*, de foro compet.


VIII. Labente Occidentali Imperio Valentinianus III. Novella 12. edixit Episcopos forum non habere, nec nisi de causis Religionis posse cognoscere jure ordinario: de cæteris verò causis nullatenus judicare, nisi Partes in Episcopum mutuo consensu compromiserint. Constitutionem istam Edictis præcedentibus Constantini Magni & Valentiniani II. necnon Gratiani & Theodosii senioris cognomento Magni usque aded contrariam abrogavit Valentiniani illius III. successor Majorianus, nec illam

illam in suo Codice Justinianus inferere dignatus est. Mirum tamen est, eam statim à nativitate sepultam, his ultimis temporibus, nullo Regum Edicto, sed Regiarum Curiarum generali consensione revixisse intra hoc Regnum. Nunc itaque toto Regno consuetudo invaluit, Ecclesiam Gallicanam, solis exceptis feudalibus quæ habet territoriis, nullum habere jurisdictionis territorium : ideoque invalidas & abasivas esse Judicium Ecclesiasticorum sententias extra locum Auditorii Ecclesiastici latus, exceptis cognitionibus & ordinationibus quæ de plano fiunt, ut contingit in visitationibus diocesis. Eaque ex causa non permittitur Episcopis & Officialibus ullum etiam Clericum ex causa delicti condemnare exilio. Et abrogatur in Galliarum Regno cap. *Cum Episcopus*, de offic. Ordin. in 6. quo decernitur, posse Episcopum in quolibet non exempto diocesis suæ loco sedere pro tribunali, & judicare, & judicata exequi.

IX. Ecclesia in Gallia potestatem non habet proprias sententias & judicia exequendi, nisi implorato Brachii secularis auxilio. Potest quidem pignori addicere & sequestrare, ut ipse non est ausus distiteri Molineus in cap. *Olum*, de rescript. atque ita decernere, exempli causâ, ut certa pars fructuum Beneficii oppigneretur & sequestretur in manus inquilini, ad ea persolvenda vel exequenda, quibus per sententiam fuerit affectus Beneficiarius, ut sunt reparationes, ornamenta & impensæ præscriptæ, aut pœnales mulctæ : sed tamen istiusmodi pignora distrahi non possunt, neque personæ etiam Clericorum in causis criminalibus capi vel incarcerationi extra locum Auditorii Ecclesiastici, ex Episcopi vel Officialis decreto, nisi auctoritate implorari apud Judicem laicum Brachii secularis.


X. Implorato per Judicem Ecclesiasticum Brachio secularis auxilii, sciendum est primò, teneri secularem Magistratum sine ulla causæ disquisitione præstare per suos apparitores, aut etiam ubi necesse erit, per militarem manuum postulatam officium & opem præbere. Secundò si aliqua inter exequendum formetur oppositio, non posse de ea cognosci per Magistratum, sed ejus judicium esse ad Ecclesiasticum Judicem remittendum. Edictum enim Melodunenſe sub Henrico III. sic sancit art. 24. *Injungiſmus Judicibus nostris, ut præsentent opem & robur ad exequendas Judicium Ecclesiasticorum sententias Brachium seculare implorantium. Atque eidem prohibemus sumere de judicii exequendis cognitionem, salvo tam n in partibus litigantibus jure providendi sibi per appellationem tanquam ab abusu, secundum nostras Constitutiones.* Hoc idem renovatur per Ludovicum XIII. anno 1612. art. 5. qui pariter vetat cognitionem oppositionum formandarum adversus hujusmodi exequutiones Brachii secularis ; sed eas cum suis cunctis circumstantiis & dependentiis remitti jubet ad Judicem ipsum Ecclesiæ.

XI. Denique per appellationem tanquam ab abusu, devolvuntur in Gallia causæ Ecclesiasticæ ad secularium Judicium cognitionem. Translationem istam requirito infra hujusce libri cap. 12.



CAPUT IX.

Si Judex tanquam suspectus recusetur: & aliqua materia recensentur ad Ecclesia Jurisdictionem spectantes.

I.  AUSA recusationis in foro seculari proponitur Judici à quo admittenda est, si sit justa: si verò frivola sit, rejicitur. Si causa prætenditur justa, de cujus tamen veritate non liquet, sed testibus, vel scripturis probanda sit, Judex recusatus partes remittit ad eum Judicem qui vice ejus jurisdictionem exercet, ut de probationibus cognoscat; & si intra diem præstitutum causa recusationis non probetur, Judex recusatus prosequitur judicariè in processu. Sed si probetur, Judex recusatus tenetur abstinere. At in foro Ecclesiæ, quando Prælatus est suspectus, ejus quoque Vicarius abstinere debet; sed non ex adverso. Ideo Judex, sive ordinarius, sive delegatus, qui recusatur, Partes admonere debet ut simul conveniant; aut si recusans non habet adversarium, debet Judex cum illo convenire de arbitris, qui de causa suspicionis inquirent. Et si ambo convenire nequeant, uterque unum eligat: & si arbitri ipsi convenire nequeant, tertium advocent. Ubi verò causa suspicionis intra terminum præfixum probata non sit, poterit Judex recusatus jurisdictionem suam exercere, & processum ejus causæ prosequi. Si verò causa recusationis probetur, idem Judex de Partium consensu alterum idoneum, nec suspectum delegabit, si sit ordinarius, aut ad Superiorem transmittet. Si verò sit delegatus Judex, cum non possit subdelegare, transmittet partes ad delegantem. Hæc statuuntur in cap. *Secundò requiris*, §. *Tertiò postulat*, de appellation. & cap. *Cum speciali*, eod. tit. & cap. *Suspicionis causa*, de offic. & potest. jud. deleg. & cap. *Si quis*, de foro compet.

II. Si Vicarius Generalis sit in aliqua causa suspectus, non eliguntur arbitri, ut in Episcopo, sed juxta stylum Signaturæ tribuitur ab Episcopo adjunctus, causaque ipsa suspicionis non coram arbitris, sed coram Episcopo agitari debet. Additiones in 1. decis. Rotæ de offic. Vicar. in novill. Felinus in cap. *Cum venissent*, num. 8. de judic. & Abbas in cap. *Super questionum*, §. *Quem verò*, de offic. delegat. Zerola 1. part. verb. *Vicarius*, in fin.

III. Non tantum jure communi ubique recepto, sed etiam jure & usu

usu Gallicano causæ matrimoniales ob respectum Sacramenti quod magnum est in Christo & Ecclesia, ut attestatur Apostolus Ephes. 5. pertinent ad Ecclesiæ cognitionem. Concil. Trident. sess. 24. cap. 12. quo anathemati subjiciuntur qui oppositum sentiunt, Henricus I V. in Edicto anni 1606. art. 12. *Volumus (inquit) ut causæ matrimonium concernentes pertineant ad jurisdictionem Ecclesiæ.* Papo tit. de jurisdictione Ecclesiæ, art. 4. Pastor de jurisdictione Ecclesiastica, tit. 13. num. 6. & plures Gallicani Scriptores, quos allegat & sequitur Tarradus disp. 7. quæst. 2. num. 47. Nec solum de matrimonio dijudicat Ecclesia, sed etiam de sponsalibus & promissione futurarum nuptiarum, ut præambulis matrimonii. Quam in rem Pastor ibid. num. 7. adducit duo Aquisextensis Supremæ Curie Senatusconsulta ad Episcopum remittentia appellantes tanquam ab abusu ab ejus sententia, quæ jussi fuerant uxores ducere illas quibus constabat promississe matrimonium cum eis contrahendum. Sanè de his quæ matrimoniiis per accidens adveniunt, & merè civilia sunt, quales sunt causæ dotium, donationisque propter nuptias & artharum sponsalitarum, licet Jus Canonicum hæc Ecclesiasticis judiciis subiciat tanquam matrimoniorum accessoria, cap. *De prudentia*, de donation. int. vir. & uxor. in hoc tamen Regno hæc judicantur in foro seculari. Chopinus lib. 2. de sacra Polit. cap. 1. num. 4.

I V. Solus item Judex Ecclesiasticus in hoc Regno cognoscit de petitione congruæ portionis. Qua de re Mainardus multa profert judicia Supremarum Regni Curiarum, ac præsertim Tolosanæ. Tarradus d. disput. 7. q. 2. n. 47. Louetus lit. C, n. 84.

V. Solus item cognoscit de præcedentiis Clericorum, sive secularium, sive regularium diocesis suæ. Quo jure Senatus Tolosanus anno 1636. Archidiaconum & Præcentorem Ecclesiæ Cathedralis Lodoviensis de præcedentia contententes remisit ad ipsorum Episcopum. Tarradus ibid. n. 54. Concilium Tridentinum sess. 25. cap. 13.

VI. Ad solum quoque Prælatum spectat judicium petitorum decimarum in hoc Regno. Matthæus in notis ad Guidonem Papæ, quæst. 5. *Actio (inquit) decimarum, cum sit negotii spiritualis, in petitorio apud Judicem Ecclesiasticum, cujus interest res Ecclesiæ salvas tueri; in possessorio vero apud Judicem laicum expediri debet.* Idem tradit Louetus lit. D, tit. 29. & lit. G, tit. 7. allegans multa Senatusconsulta remissiva in causis decimarum petitoriis ad Judices Ecclesiasticos. Item Ægidius Bordinus art. 1. constitutionis anni 1539. & Papo tit. de jurisdic. Eccles. art. 1. Annæus Robertus lib. 3. rerum judicatarum, cap. 5. sæpius ita in Parisiensi Senatu judicatum referunt; & Tarradus disput. 7. quæst. 2. num. 7. & 8. Possessorium autem decimarum negant Tarradus num. 20. Guido Papæ d. quæst. 1. Brodeus in Louetum lit. D, tit. 29. esse jurisdictionis Ecclesiasticæ in Gallia, ubi viget Constitutio Martini Papæ V. distinguens ad singulas jurisdictiones.

M m m 3 num.


rum possessorium à petitorio. Et est textus singularis in cap. *Causam*, qui fil. sint legit. ubi Alexander Papa III. indulget ut causa possessorii disceptetur coram Rege Angliæ, ejusque Officialibus in lite, cujus petitorium decernendum est ab Episcopis; agbatur enim de validitate matrimonii ac legitimitate natalium. De decimis tamen Pastor d. tit. 13. num. 10. allegans & sequens Antonium Fabrum C. de jurisd. omnium judic. & Constitutionem Philippi IV. anni 1302. ita distinguit: Aut quæstio est de jure, utrum debeantur decimæ, vel cui debeantur, vel in quam quota debeantur; & de his esse experiendum coram Ecclesia: vel disceptatur de facto, an sint solutæ; & hoc pertinere ad Judicium laicorum cognitionem.

VII. Editum Blesense art. 13. jubet Rectores Confraternitatum, & Hospitalium de legatis relictis ob piam causam, & de fructibus & redditibus earundem Confraternitatum & Hospitalium coram Episcopis, eorumve Officialibus, & si agatur de re Hospitalis, adhibitis Consulibus loci; vel si Episcopus vel ejus Officialis absint, coram Parocho & Consulibus rationes reddere; sed neque Episcopo, nec ejus Officialibus, nec Parocho, neque Consulibus licere ullum eo nomine capere salarium. Ita judicatum refert Pastor n. 14. Senatus Aquisextiensis Placito anno 1624. Idemque ante Blesensem Constitutionem sancitum fuerat per l. *Nulli*, C. de Episc. & Cler.



* C A P U T X.

De provisionibus sub forma Dignum: de Examine & Visa Ordinarii, & de Devolutis secundum Gallicanam praxim.

I.  *S*Epe contingit ut Romanus Pontifex alicui provideat de Beneficio vacante, vel vacaturo, per rescriptum quod vulgò dicitur *In forma dignum*, mandans Ordinario ut conferat Clerico ibi denominato, si sit idoneus. Et quia ibi apponitur ista clausula, *Dignum arbitramur & congruum*, ut illis se reddat *Sedes Apostolica gratiosam*, quibus ad id propria virtutum merita suffragantur; idcirco hujusmodi rescriptum vocatur, *In forma dignum*. Etiam si verò in Franciæ Regno Curia Regiæ id obtinuerint, ut causarum Ecclesiasticarum judicium ipsis ascribatur; hoc tamen exercere judicium ipsis non licet circa provisiones beneficiarias in Romana Curia expeditas in forma *Dignum*. Sic enim provisum vetantur Edicto Henrici III. in Comitibus Blesensibus edito, art. 12.
 judicio


Judicio possessorio experiri antequam se Ordinario stiterint, ejusque examen subiverint, ipsiusque *Visa*, quod vocant, obtinuerint, in quo expressa fiat mentio examinis præcedentis. Ubi autem Ordinarius, facto examine incapacem judicaverit postulantem, idcirco à petitione repulerit, non potest postulans aliò recurrere quàm ad superiorem Prælatum, cujus erit officium causas recusationis diligenter explorare. Ideoque præscribitur Ordinariis, ad quos rescripta Papæ diriguntur, ut causas sigillatim scriptis expriment suæ recusationis. Atque in hoc toto discussionis processu Regiis Curis districtè vetatur se ullatenus ingerere, sive compulsorio judicio, sive per appellationem admissam, sive per sequestrationem, sive per recedentiam, sive per petitorii adjudicationem, donec iste de recusatione, sive de incapacitate processus fuerit inter Ecclesiasticos Prælatos diremptus. Hæc omnia sanciuntur Edicti Blesensis art. 12. & insuper Melodunenſi Constitutione anni 1580. art. 14. 15. & 16.

II. Devolutarii quilibet postquam impetrarunt provisionem super vacatione cujuscunque Beneficii Ecclesiastici, non aliter ad proseguendum ab eis prætentum devolutum admittantur, nisi postquam idonea & sufficienti cautione satisfecerint, domiciliumque elegerint, atque intra trimestre computandum à die sumptæ ab eis possessionis litem contestati fuerint, eamque ita disposuerint, ut ad summam intra biennium terminetur. Harum conditionum defectu Judicibus Regiis prohibetur proſus in causa devolutarii se immiscere, ipsique devolutariis inhibetur fructibus litigiosi Beneficii se ingerere antequam sententiam provisionalem aut definitivam in judicio contradictorio obtinuerint. Hæc sigillatim edicuntur Comitiorum Blesensium anni 1579. art. 46. & iisdem ferè verbis Edicto Melodunenſi anni 1580. art. 17.]



C A P U T XI.

*De subrogatione colligantium, & variis formis
ad praxim Beneficiariam servandis.*

I.  Us commune subrogandi colligantes in re Beneficiaria solet quoque admitti in foro Gallicano. Si enim contingat alterum sive super possessorio, sive super petitorio Beneficii Ecclesiastici pendente lite ex vivis excedere, procurat superstes colligans se in ejus locum subrogari, atque in jus illius succedere. Licet enim Bonifacius Papa VIII. hujusmodi damnet subrogationes, cap. 2. ut lite pendente, in 6. perspicuum tamen est, hanc ejus antiquatam fuisse

fuisse Constitutionem, nec in ipsa Romana Cancellaria servari, in qua viget Regula de subrogandis collitigantibus. Quia eadem regula jubetur subrogatio ista contententium de Beneficio, & extranei excluduntur, ne per accessum & adjectionem novæ personæ lites inter Clericos augeantur, & Beneficia Ecclesiastica diutius in incerto fluctuent. Hæc regula habet aliquid conforme cum l. *Ab Anastasio*, & l. *Per diversus*, C. Mandati, statuentibus ut litis unius consortes, exclusis extraneis ex unius litigantium cessione jus prætendentibus, invicem sufficiantur. Quam legem Louetus & Scholasticus in lit. C, num. 5. & 13. & in lit. L, num. 8. & Bengus tit. quib. mod. conserv. benef. §. 3. num. 4. invaluisse tandem in Gallia multis probant Senatusconsultis.

I I. Si plures de eodem Beneficio provisi inter se litigent, potest vel uterque, vel unus ex eis literas impetrare subrogationis, ut alteri collitiganti in casu cessus, vel decessus subrogetur. Effectus harum literarum hic est, ut qui illas impetravit, si intra mensem à die computandum, quo alter litigans cessit, vel decessit, petat in vim suarum literarum subrogari ei, præferendus sit aliis quibuscumque, tamen si cæteri contententes fuerint in data anteriores. Rebuffus in praxi, p. 2. in regulam de subrogand. collitig. gloss. 3. Qui idem tit. de subrogationib. num. 13. docet consuetudine receptum esse, ut hæc regula indifferenter prosit tam actori quam defensori; etsi cap. 2. ut lite pendente in 6. neget quemquam subrogandum in jus petitoris, sed solius defensoris.

I I I. In Gallia ad subrogationis effectum non solum impetrandæ sunt literæ subrogatoriæ ab Apostolica Cancellaria, sed aliæ præterea literæ à Cancellaria Regia ad obtinendam possessionem, ad quam jus obtentum fuit per Apostolicas literas: sed jus in re plenius acquiri necesse est per Literas Regias; quoniam in Gallia causæ possessionum circa res Ecclesiasticas ventilantur in foro seculari. Rescriptum Papæ obtineri debet intra mensem: Literæ verò Regiæ ad possessionem subrogati Beneficii debent necessariò intra annum impetrari, quia in Gallia cognitio & iudicium de possessorio spectat, ut dictum est, ad Regiam jurisdictionem; & insuper interdicta possessoria anni spatio perimuntur, l. 1. in princ. D. uti possidet, & l. *In honorariis*, D. de obligat. & action. Hæc docet Rebuffus in praxi, tit. de subrogat. num. 28. & Papo lib. 8. Placitorum, tit. 17. §. 3. 4. 5. ubi multis probat Senatusconsultis, nullum dari locum restitutioni adversus temporis lapsum, si quis intra annum Literas Regias non impetraverit. Et Bengus tit. quib. mod. conserv. benef. §. 2. n. 10. 11. 12.

I V. Per obtentam à collitigante subrogationem provisio Tertiæ irrita redditur ipso jure, sive provisus fuerit per cellum aut decessum alterius litigantis, sive fuerit à Patrono præsentatus, adeò ut nec possit convalescere adveniente subrogati morte, vel depositione, ut docet Gomefius ad hanc regul. de subrogand. collitig. quæst. 10. & 13. Hactenus supradicta exactè

exactè servata sunt in Gallia. Cæterum nova Constitutio Ludovici XIV. anni 1667. tit. 15. art. 6. & 11. abrogavit in ejusmodi subrogationibus usum subrogatoriarum literarum, edixitque ut collitigans subrogetur ad suam simplicem petitionem, cum sola exhibitione attestationis de obitu collitigantis ex libro Ecclesiasticorum actuum transcriptæ.

V. Sanè si inter duos pluresve collitigantes novus exurgat adversarius, hic poterit admitti sub clausula ista, *Si neutri, si nulli jus sit quæsitum*; adeò ut his causà cadentibus, tertius iste subrogetur. Sed si quid juris illi habent, tertius iste submovebitur: non enim suis rescriptis Summus Pontifex intendit quæsto alterius juri præjudicare, cap. *Quavis*, de rescriptis in 6.

VI. Is qui in Beneficium triennali pacifico succedit, ad nihil amplius tenetur quàm ad probandam illam præcessoris sui triennem possessionem. Abbas in cap. *Cum venerabilis*, de exception. n. 24. nec circa qualitates, condiciones aut incapacitates præcessoris compellitur disceptare, cum neque ab illo jus suum habere censendus sit, neque ejus hac in re censeri possit hæres. Bengeus loco cit. n. 8.

VII. In civilibus quidem rebus ad usucapiendum continuantur simul tempora possessionis inter emptorem & venditorem, inter defunctum quoque & hæredem. Institut. de usucap. §. 12. & seq. Secus tamen accidit in pacifica Beneficii possessione; non enim computatur nisi intra solum illius tempus qui in præsentì possidet, ut omnis evitetur hæreditariæ in his rebus successione suspicio, aut alienationis per mutuum contractum. Glossa Pragmat. Sanct. tit. de pacif. posses. in verb. *Possedit*, Probus addit. 4. ibid. Bengeus tit. quib. mod. conserv. benef. §. 4. vum. 13. & 14. Solent à plerisque in Gallia levati literæ Regiæ, quibus mandatur ut ubi constiterit de pacifica possessione, Judices possidentem tueantur: eoque solo jure perspecto, neque discussis aliunde titulis, hoc solo temporis beneficio litem dirimant. Semper tamen excipiunt sknoniæ aut intrusionis vitium, contra quod triennis possessio non præscribit.

VIII. Exactè observandæ sunt rerum beneficialium insinuationes, quas præscribit Henrici II. Edictum anno 1553. Fontisbellaquei editum, ut omnes collationes, præsentationes, & aliæ quæcumque provisiones Beneficiorum, Officiorum & Dignitatum Ecclesiasticarum profectæ sive ab Apostolica Sede, sive ab illius Legatis, sive ab Ordinariis, sive à Patronis, referantur in acta publica & tabularia Episcopopatuum, in quibus diocæsis sita sunt illa collata Beneficia, art. 1. Similiter ut insinuantur omnes sumptiones, seu aditiones possessionum, art. 4. Item omnes creationes & extinctiones Ecclesiasticarum super Beneficiis pensionum, art. 5. Præterea omnia concordata, & eorum homologationes atque authorisationes, necnon eorumdem revocationes & renunciationes, art. 6. Insuper omnes Vicariatus, & omnes insequentes revocationes, art. 8. Præterea

N n n omnes

omnes literæ Tonsuræ atque Ordinationum, art. 9. Ad hæc omnes literæ professionis religiosæ, sive ad diligentiam Superioris Regularis, sive ipsius Religiosi professi, art. 9. Item universa Mandata & Literæ Apostolicæ, temporum studii certificationes, & nominationes ad Beneficia, art. 10. Atque in causis dijudicandis possessorii Beneficiorum, aliorumque quorum spectat cognitio ad Regios Officiales, prohibet Edictum ullam haberi præfatorum rationem, si non fuerint debite insinuata.

I X. Eodem Edicto tempora præfiguntur intra quæ fieri debeant insinuationes. Literæ Signaturarum ad Beneficia, pensiones quæ in Romana Curia expediuntur, concordata quibus pensio extinguitur, & Mandata quæ sunt ad resignandum & consentiendum ac providendum, debent intra semestre insinuari cum ipso mandato procuratorio, quod sit ad insinuandum, ex eodem Edicto art. 2. 7. 8. & 9. Literæ Legati & Ordinarii intra duos menses ab ipsarum data: & si Actuarius sit constitutus in eodem loco in quo Literæ concessæ sunt, intra dies octo, art. 4. Acta verò missionis in possessionem intra mensem à die missionis elapsum insinuanda sunt, art. 6. Literæ Tonsuræ ac Ordinum ante Beneficii acceptationem aut immisionem in possessionem, art. 11. Literæ Vicariatus ad præsentandum aut conferendum, antequam Vicarius se muneri ingerat, art. 10. Alioqui defectu insinuationis acta supradicta nullam in judicio fidem facient, ex eadem Constitutione, art. 17. non tamen irrita fiunt. Si verò justum intervenerit impedimentum, quale hac in re facile præsumitur, nisi sit suspicio fraudis & collusionis, datur in integrum restitutio, & post præfixum tempus, virtute literarum restitutionis licebit insinuare, ex eadem Constitutione, art. 3. Notat Theveneus ad Ordinationes Regias, tit. 28. *de l'Etat Ecclesiastique*, art. 1. Edictum insinuationis justè despectui haberi apud probos Judices, nisi præsumptio fraudis, vel falsi aliunde urgetur contra non insinuantem. Est enim merè quæstuosum, & pecuniarè interrogandæ causæ editum: ideoque sæpe post præstituta in eo tempora permittitur adhuc insinuatio.

X. Quid demùm in ambiguis judicandum vel decernendum sit, ad discimus ex Sancto Gregorio Papa dicente, in dubiis & ambiguis rebus absolutum debere abesse judicium, l. b. 2. epist. 44. & habetur in cap. *Habuisse*, dist. 33. Quo loco Glossa præclare distinguit tres ambiguitatum species, vel juris, vel facti, vel personæ cum certitudine facti: docetque in dubio juris procedendum esse à similibus dispositionibus juris ad similia: eamque similitudinem in eo spectandam esse, ut sit par, vel affinis utrobique ratio. In dubio autem facti nunquam ferendam esse sententiam in cuiusquam præjudicium; idque confirmat d. cap. *Habuisse*, dist. 33. & cap. *Grave*, l. 1. quæst. 3. Si verò in nullius præjudicium sententia redundet, quin potius in alicujus bonum, tunc benè in dubio facti certa ferenda est sententia, v. g. ut talis homo baptizetur, de cuius Baptismo dubi-


tatur,

tatur, si aliunde veritas comperiri non potest: ut talis Ecclesia consecratur; ut talis de novo ordinetur, si de consecratione præcedenti vel ordinatione dubium sit. Item in dubio juris aut facti judicandum est pro possidente, 2. quæst. 5. §. 1. & 6. quæst. 5. cap. 1. & l. fin. C. de rei vendicat. & l. *Iusta*, D. uti possid. Denique ubi dubium est de persona, & certitudo de facto, tunc certa potest ferri sententia in eum, quicumque reus sit, sine designatione personæ in singulari, cap. *Quidam maligni*, 5. quæst. 1.



C A P U T XII.

De Appellationibus.

I.  URE communi, tam Cæsareo quàm Canonico, conceduntur decem dies ad appellandum, qui sunt computandi à die notificatæ sententiæ, ex Justiniani 23. Novella citata 2. q. 6. can. *Anteriorum*. Deinde intra dies triginta tenetur appellans petere à Judice à quo appellat literas dimissorias, quæ vocantur apostoli, can. *Post appellationem*, 2. quæst. 6. Ad proseguendam appellationem indulget Justinianus annum: aut ubi iusta causa intercesserit, biennium, Authent. *Ei qui*, C. de temp. & repar. appellat. & citatur 2. q. 6. can. *Ei qui*. Potest tamen Judex à quo hunc terminum ex iusta causa moderari, cap. *Personas*, de appellat. & cap. *Cum speciali*, §. *Excessus*, eodem: quibus etiam statuitur, eo elapso termino, Judicem à quo debere suam præcedentem sententiam exequi. Ab actibus quoque extrajudicialibus, ut sunt electio, præsentatio, collatio Beneficii, & similes, appellandum pariter est intra decem dies à die notitiæ computandos, extra quos non datur recursus ad appellandum; sed tamen supersunt alia juris remedia. Exempli gratiâ, is qui prætendit alteri collatum Beneficium sibi deberi, potest experiri per interdicta recuperandæ aut retinendæ possessionis, aut per devolutionem ad superius Tribunal, si provissus sit incapax, cap. *Concertationi*, de appellat. in 6.

II. In Francico Regno aliter proceditur. Primùm enim abrogantur apostoli prædicti per Ediçtum Francisci I. anni 1539. artic. 117. Ille verò qui se gravatum prætendit, appellare debet intra dies quadraginta computandos à publicatione sententiæ. Quibus elapsis Judex ad alterius Partis postulationem jubet appellantem literas appellatorias exhibere, si quas habet, simulque apparitoris relationem, dictam *Exploit*, quâ constet de citatione ad superius iudicium: ad quam odendam præfigitur à Judice tri-duum, aut longior pro locorum distantia terminus; quo demùm exacto,

N n n 2 si

si appellator non pareat, tum declaratur irrita appellatio, quod vocant Pragmatici *Appel peri & desert, ou desertion d'appel*; & locus datur executioni sententiæ.

III. Potest tamen adhuc appellans etiam post juridicam executionem in integrum per literas Principis restitui, ut appellare possit. Et hæcenus quidem (dummodò sententiæ acquievisse illum non liqueret) poterat restitui usque ad annos triginta. Sed hoc effugium præcluserit Ludovicus XIV. Constitutione anni 1667. tit. 27. artic. 17. statuens ut post decennium à significatione sententiæ, aut vicennium, quod solum indulgetur Ecclesiis, piisque locis & Collegiis, tam inter absentes, quam præsentibus nemini liceat ullam sententiam infirmare. Ibidemque art. 12. jus attribuit ei cui sententia favet, ut post triennium ab ejus significatione possit adversarium interpellare ad acquiescendum sententiæ, vel ab ea appellandum: qua interpellatione facta, si intra sex insequentis menses non appellet, nullatenus posthac licebit ei illud Judicium declinare aut infirmare. Ecclesiis tamen & Collegiis, Xenodochiis, Nosocomiis, aliisque piis locis pro triennio prædicto indulget sexennium. Denique condemnati ad dimittendam possessionem, si post dies quindecim significatæ sive in persona, sive in domicilio sententiæ non obederint, incurrunt multam decantarum librarum nullatenus moderabilem, partim erga Fiscum, & partim erga Partem: quin etiam poterunt corporis detentione compelli ad obtemperandum, & exsolvendas Partis impensas & damna. Ibidem artic. 1. & 3.

IV. Providè sanxit Concilium Trident. sess. 24. cap. 20. causas omnes Ecclesiastici fori intra biennium à die motæ litis terminari, alioqui liberum esse Partibus, aut earum alteri post id spatium Judices superiores adire, qui causam in illo in quo fuerit statu assument, & quamprimum terminari curent. Ibidem statuitur, ut expensis appellantis acta appellatoria transferantur ad appellationis Judicem: alioqui post edita dilatoria sententia Judicis executioni mandabitur. In causa tamen criminis non est cogendus reus arma contra se parare, l. *Qui accusare*, C. de edendo. Itaque expensis actoris id fieri convenit, salvo jure repetendi. Sed in Gallia per Blietum Ludovici XIV. anni 1667. tit. 11. art. 14. & 19. post appellationem utraque Pars tenetur producere ad proseguendam appellationis instantiam; & Pars quæ fuerit diligentior jus habet compellendi adversariam Partem ut suas justificationes aut gravamina coram superiore Tribunali edat, ad quod devolvitur appellatio, & contra morosam Partem current dilationes.

V. Judex appellationis, si temerè appellatum sit, non potest sibi causam retinere ac sententiam prioris Judicis sua autoritate exequi: sed Partes remittat oportet ad prioris instantiæ Judicem, qui suam sententiam curabit exequi, cap. *Cum in Ecclesia*, & cap. *Us debitus*, de appellat.

V I. Si ex pluribus in eadem causa succumbentibus unus eorum appellaverit & vicerit, hujus victoria reliquis etiam profutura est, cap. *Una sententia*, cod. tit.

V I I. Sententia excommunicationis, suspensionis, aut interdicti lata sub futura conditione contumacia, si sit appellatum aut conditionis eventum omnino suspenditur, cap. *Præterea* 40. de appellat. Sed si talis sententia sit absoluta, non suspenditur per appellationem, sed tantum devolvitur ejus cognitio ad Judicem superiorem, cap. *Cum ad hæc*, cod. Itaque post ipsam appellationem potest Judex inferior ipsum denunciare excommunicatum, donec aliter judicatum fuerit, eumque proventibus Ecclesiæ vel Beneficii privare, cap. *Pastoralis* 53. §. *Verum*, cod. Eo tamen casu potest appellans petere à Judice appellationis absolutionem censuræ ad cautelam, donec aliter ab eodem fuerit judicatum, cap. *Ad presentiam* 16. cod. At si Judex à quo sententiam ferat censuræ post appellationem, ea censura nullatenus ligat, cap. *Dilectus*, cod.

V I I I. Gradatim, nec ullatenus prætermisso Judice medio, appellandum est, nisi quis undecumque extra Galliam appelleret ad Papam, cap. *Dilecti* 66. cod. Appellationum ordo legitimus est ab Archidiacono ad Episcopum, cap. *Romana Ecclesia*, de appellat. in 6. & ab Episcopo ad Metropolitanum, hinc ad Patriarcham aut Primatem, inde ad Papam. Cæterum in Gallia ex jure Concordati Bononiensis non valet appellatio, omisso medio Tribunali. Id etiam vetat Jus Cæsareum, l. *Præcipimus*, Cod. de appellat. & in Authent. de appellat. & intra quod tempus, §. ult. collat. 4. Item quando ex partibus Gallicanis appellatio interficitur ad Papam, committit Papa Judices in ipsis partibus, ne cogantur Franci extra regnum causas suas prosequi, ut statuitur Concordato Leonis X. & Francisci I. tit. de Causis.

I X. Quando Judex à quo non tenetur deferre appellationi, potest eam non obstante ulterius procedere, & suum exequi judicium. Imò æqualiter puniendus erit, si ve injustè non deferat, si ve frivole deferat appellationi. Si tamen Judex inferiore appellationi non deferente, appellans persistit, non remorabitur appellatio; & Judex ad quem cognoscet, bene an malè sit appellatum, Zerola p. 1. verbo *Appellatio*, num. 10. & 11.

X. Sententia evidenter injusta vel erronea, nulla est ipso jure, etiam citra appellationem, cap. 1. de sent. & re judic. & cap. *Inter cæteras*, cod. & Gratianus in addit. ad can. fin. 2. quæst. 6.

X I. Si sententia ex qua primum appellatum fuit, duabus aliis sententiis, si ve per delegatos à Papa Judices, si ve per Ordinarios fuerit confirmata, non licebit ulterius appellare, cap. *Sua nobis*, de appellat. & tit. Cod. ne liceat in una eademque causa tertio provocare. Expedit enim causarum judicii modum præfigi, ne lites diutius protelentur. Concordatum verò Bononiense, tit. de frivolis appellat. non permittit appellari post duas

N n n 3 confox

conformes sententias interlocutorias in causis Gallicanis, ut neque post res definitivas conformes. Papa quoque quum Judices delegat, clausulam quandoque apponit istam, *Remota appellatione*; & tunc non licet ulterius provocare, toto passim tit. de appellat.

XII. Ab Officialis aut Vicarii Generalis sententia non provocatur ad Episcopum. Est enim horum atque Episcopi unum & idem tribunal; sed ad Metropolitanum, cap. *Romana Ecclesia*, de appellat. in 6. Ita ut ipse Vicarius Generalis, aut Officialis Archiepiscopi cognoscat de appellationibus quæ à sententiis suffraganeorum Episcoporum interjiciuntur. Et si lis agitur inter suffraganeos Episcopos, Judex eorum competens est Archiepiscopus, argumento cap. *Sanè*, de foro compet. & Gloss. in cap. *Pastoralis*, verb. *Invinum*, de offic. Ordinar. Covarruvias pract. qq. cap. 9. num. 2. Item si lis emergat inter Episcopum & subditos ejus actores, litque Episcopus reus, Judex proprius eorum erit Metropolitanus, can. *Si Clericus*, 11. quest. 1. Si verò Episcopus sit actor, & subditus ejus reus, eligendi sunt arbitri; potestque Episcopus ad hos eligendos subditum suum cogere, cap. *Suspicionis causa*, de offic. jnd. deleg. cap. *Si quis*, de foro compet. & cap. *Secundo requiris*, §. *Tertio postulas*, & cap. *Cum speciali*, de appellat. Eoque casu ad Metropolitanum non appellatur à judicio arbitratorum, sed ad Papam. Zerola 1. part. praxis, verb. *Appellatio*, §. 16. allegans ad hoc sacre Cardinalium Congregationis decisionem. Sed jure Gallicano non modò ubi Episcopus partes rei sustineret, judicium deberet esse, ut vidimus, penes Archiepiscopum, hoc argumento, quia actor sequi debet forum rei; sed etiam ubi Episcopus esset actor, quia jura Concordati vetant provocationem ad Papam, non interpellato Metropolitano, nisi in provocatione à sententia Delegati à Papa.

XIII. A collatione, electione, sententia, vel deliberatione Capituli, cui Episcopus ipse interfuit non tanquam Prælatas, sed ut Canonicus, potest ad ipsummet Episcopum appellari. At si ibidem interfuit tanquam Episcopus, non potest ad Episcopum, sed ad hujus superiorem provocari, cap. *Postulastis*, de concess. præbend. & cap. *A collatione*, de appellation, in 6. Quo loco dicit Glossa, si sit speciale Statutum, ut Episcopus Capitulo intersit tanquam unus Canonicorum, standum esse huic Statuto, nec Statuto derogari, etiamsi Episcopus inter Canonicos sedeat primo loco; id enim attribuitur venerationi & observantiæ quam sponte ei Canonici deferunt, modò ejus suffragium reliquis non præponderet. Sed si nihil hac de re Statutum exprimat, hoc ipso quod supra Decanum aut Archidiaconum, aliamve primam Capituli dignitatem sedet aut subsignat, dicendus est interesse ut Prælatas, sive ut Episcopus.

XIV. Regulariter appellatio duplicem vim habet: primò devolutivam causæ ad judicium Superioris: secundò suspensivam sententiæ anterioris Judicis, l. unica, D. nihil novari appellat. interpos. & cap. *Ad hac*,

hac, & cap. *Proposui*, de appellat. Verumtamen in reliquis causis non eximitur appellans ab ejusdem Judicis jurisdictione, nec potest ejus forum in aliis declinare, l. unica, D. apud eum à quo fuit appellatum aliam causam agere compellendum.

X V. In quibusdam tamen casibus appellatio sententiam non suspendit, adè ut possit Judex appellatione nihil obstante suam exequi sententiam. Id contingit primò, si à sententia correctionis modum Canone vel Statuto præscriptum non excedentis appellatum sit, correctio non est differenda, ne detur occasio licentiùs delinquendi, cap. *Ad nostrum*, de appellat. Idemque decernit Gallicanis Edictis Caroli IX. anni 1571. art. 5. & Blesensium sub Henrico III. Comitiorum art. 59. Idque jus valet tam in appellationibus ab abusu, quàm in appellationibus simplicibus. Atque ita, ut paulò ante admonui, sententia excommunicationis, suspensionis, vel interdicti ligat pendente appellatione. De absolutione tamen censuræ quæ appellanti solet indulgeri ad cautelam, agere instituiam lib. 5. tit. de absolutione à censuris : quem si opus est, require.

X V I. Secundò non suspenditur per appellationem decretum Episcopi ad componendas in Processionibus, aut in Ecclesiasticis Comitibus controversias de præcedentia, tam secularis quàm regularis Cleri ; mandantur enim executioni præsentia, non obstante appellatione. Concil. Trid. sess. 24. de Regularib. cap. 13.

X V I I. Tertiò neque suspenditur Episcopi aut ejus Vicarii sententia, maximè verò in visitationibus circa reparationes Ecclesiæ, & provisiones de divinis officiis & sacris ministeriis, & morum in Clero disciplinam, ita providit Concilium Trident. sess. 24. cap. 10. de reform. *Nec in his aui de visitatione aut morum correctione agitur, exemptio, aut ulla inhibito, appellatio seu querela, etiam ad Sedem Apostolicam interposita, executionem eorum que ab his (Episcopis) mandata, decreta aut judicata fuerint, quoquo modo impediatur, aut suspendatur.* Elictum quoque Melodunense art. 1. Henrici III. anni 1579. & Blesense quoque art. 62. declarant appellationes tanquam ab abusu in materia Ecclesiasticæ disciplinæ, & correctionis, nullum habere suspensivum effectum, sed solum devolutivum. Hoc idem sanxerat Franciscus I. anno 1539. art. 1. & seq.

X V I I I. Quartò in causa criminali, si à decreto vel processu appelletur, non debet per hoc retardari aut suspendi processus, ne inter moras probatio dispareat, & delictum impunitum maneat, l. *Eos*, §. *Super*, C. de appellat.

X I X. Quintò non admittitur appellatio ab Ecclesiastica sententia interlocutoria prætextu gravaminis, si istud tale sit, ut possit vel aute definitivam sententiam, vel per definitivam ipsam reparari. Sed poterit Judex Ecclesiasticus, sive sit ordinarius, sive delegatus, etiam post appellationem reparare suæ interlocutorię gravamen, atque ita effectum appellatio

appellationis impedire, & sic in causæ principalis cognitionem usque ad iudicium definitivum procedere, re adhuc integra, necdum ad superiorem iudicem devoluta, ne procellus causæ principalis frivolis occasionibus incidenter retardetur, cap. *Cum cessante*, 60. de appellat. Potest verò Judex suæ interlocutoria gravamen reparare etiam post decem dies, re tamen integra, Glossa ibid. Prudenter etiam Concilium Tridentinum sess. 13. de reform. cap. 1. sic providet: *In causis visitationis & correctionis, siue habilitatis & inhabilitatis, necnon criminalibus, ab Episcopo seu illius in spiritualibus Vicario generali, ante definitivam sententiam, ab interlocutoria, vel alio quocunque gravamine non appelletur, nec Episcopus seu Vicarius appellationi hujusmodi, tanquam frivola, deferre teneatur, sed eâ, ac quacunque appellationis iudice emanatâ, necnon omni stylo & consuetudine etiam immemorabili contrariâ non obstante, ad ulteriora valeat procedere, nisi gravamen hujusmodi per definitivam sententiam reparari, vel ab ipsa definitiva appellari non possit.*

XX. Jam hic quaeritur, quodnam dicatur gravamen irreparabile? Respondendo cum Zerola 1. p. verb. *Absolutio*, §. *Ad sextum*, talem esse omnem actum irretinabilem ac ferentem secum actualem & presentaneam exequutionem. Hujusmodi censeretur debet actualis & præsens excommunicatio, incarcerationio, tortura. Etenim sequens definitiva potest quidem liberare ab excommunicatione & carcere, sed non potest efficere quominus homo ista mala actu sustinuerit. Ubi tamen causæ meritum & pondus ista requirerent decreta fieri, non esset admittenda ab istis appellatio, nisi conjunctam haberent secum nimiam iudicis inhumanitatem, qualis convinceretur si loci ipsius tanta esset incommoditas, ut detentum in vitæ discrimen esset adductura; aut si studiosè litem quæ brevi dirimi possit, Judex prolongaret, ut miserum longa detentione vexaret. Jure civili carcer deputatur ad reorum custodiam, & non in poenam, l. 2. & ult. C. de custod. reor. & l. *Aut damnatum*, §. *Solent*, D. de poenis: Jure autem Canonico etiam aliquando in poenam, cap. *Quavis*, de poenis in 6.

XXI. Alii duo casus supersunt in quibus appellationi non est deferendum, qui possunt in judiciis secularibus non infrequenter accidere, sed rariùs in judiciis Prælatorum Ecclesiæ, saltem in Galliarum Regno. Sunt verò isti.

XXII. Sextò non retardatur per appellationem exequutio sententiæ vel decreti de inventario conficiendo, aut de bonis sequestrandis, aut de administratione bonorum prodigo interdici, aut de curatore dato, vel de famulorum aut mercenariorum salariis triennium non excedentibus, aut de alimentis, datâ cautione. Hæc edixit Ludovici XII. Constitutio anni 1499. art. 8.


XXIII. Septimò sententiæ recedentiæ in causa beneficiâli exequutoria est, non obstante appellatione, modò satisfidetur sufficienter ad futuram

ram de petitorio causam. Eiusdem Constitutionis anni 1499. art. 83. hocce duos articulos 8. & 83. innovavit Ludovici XIV. Constitutio anni 1667. tit. 17. art. 3. & 5. & 14.



C A P U T XIII.

De Appellationibus tanquam ab abusu.

I.  Oc appellationum genus proprium est Regni Gallicani, soletque interjici à sententiis Judicium Ecclesiasticorum ad Curias Regias, quando appellans prætexit Prælati sui sententiam esse laram contra Regia Edicta, contra sacrorum Canonum præscripta, contra jura & libertates Ecclesiæ Gallicanæ, aut excessisse limites propriæ jurisdictionis per usurpationem Regiæ jurisdictionis. His enim quatuor causis nituntur istæ appellationes, quarum defectu theorica Jurisprudentia Curiarum Regiarum profitetur tales appellationes fore illicitas & injurias: sed huic theoriæ quia praxis ipsa plerumque non conformabatur ob frequentes Clericorum vitiligatorum, & adversus justas Prælatorum sententias nullâ suspicione horum quatuor defectuum laborantes insolescentium importunas & frequentiores querelas, ideo frequentibus Edictis Reges Christianissimi effusorem istam siue justa causa appellandi licentiam conati sunt coercere ac moderari.

II. Gallicana Jurisprudentia duplicem distinguit à Prælatorum Ecclesiæ judiciis appellandi speciem: unam quidem simplicem, quæ omnibus seculis post Ecclesiæ exordia invaluit, quæque in universis Christianis gentibus viget, quâ nimirum ab inferiori Prælati judicio ad superiorem Prælatum Ecclesiasticum provocatur: alteram verò tanquam ab abusu, quâ provocatur à judicio Ecclesiæ ad Tribunal seculare hoc solo nomine, & non aliter, quia abusiva est Prælati sententia uno aliquo ex præfatis abusibus quatuor.

III. Quæritur quonam tempore usus istarum ab abusu appellationum receptus in Regno isto fuerit? Respondeo hunc usum inchoasse sub finem regni Ludovici XI. aut ineunte regno Caroli VIII. successoris ejus. Id aperte constat, quia Masluerius qui regnante Ludovico XI. suam Curiarum Gallicanarum praxim edidit, non modò nullatenus hujusmodi appellationum meminit, sed etiam absolutè his verbis affirmat tit. de appellationibus, §. 22. *A Judice Ecclesiastico non est appellandum ad Judicem secularem, nec e contra.* Antiquus etiam stylus Parlamenti Parisiensis, in quo multa de appellationibus congeruntur, nihil commemorat de his appella-

O o o tionibus

tionibus ab Ecclesiasticis judiciis ad Judices seculares. Joannes quoque Galli Regius olim in eodem Senatu Parisiensi Advocatus, qui exactè collegit suprema illius circa multiplices appellationes judicia, ad annum usque millesimum quadringentesimum decimumquartum nullam habet de istis mentionem. Primus qui hujus meminerit appellationis Scriptor est Aufrelius Senatus Tolosani dignissimus Præses, qui floruit & scripsit sub Ludovici XI. regno. Hic igitur in repetitione Clementinæ 1. de offic. Ordinar. regul. 2. n. 30. sic attestatur: *Nunquam audiui, nec vidi nisi semel, quod super meritis hujusmodi causarum Ecclesiasticarum appellationum fuerit pronuntiatum; sed dumtaxat vel appellationes annullari, aut quod appellantes non erant ut appellantes recipiendi: quia à Judice spirituali non est ad Judicem secularem appellandum*. Hæc ille. Principes quidem Christiani, eorumque Officiales officium quidem protectionis, simulque religiosum obsequium sanctæ Dei Ecclesiæ præstare tenentur; non tamen imperium & autoritatem sibi licet supra eam assumere. Sapienterque admonet Franciscus Salgado tract. de regia protectione, in epilogo proximali, & in 1. p. cap. 1. n. 205. & seqq. cum cui commendata est alicujus protectio, non propterea nancisci jurisdictionem aut dominatum, sed solum defensionis contra opprimentes officium.

IV. Quod expostulat S. Bernardus apud Eugenium Summum Pontificem, erigi ad cumulum insolentiæ pervicaces contra proprios Præsules Clericos, & laxari nervum Ecclesiasticæ disciplinæ, neque deinceps pios & sanctos Episcopos audere suis Ecclesiis per sententias canonicas providere, aut subditorum sibi Clericorum scandala reprimere, eo quod tenebræ ipsorum appellationes indiscriminatim admitterentur & foverentur in Romana, ad quam provocabant, Curia; adeo ut inde victores, atque idè arrogantes & sceleratiores regrederentur. *Prorumpunt* (inquit Bernardus lib. 3. de consideratione ad Eugenium Papam) *ad appellandum non tam gravati quàm gravare volentes*. Hoc, inquam, utinam sollicitè considerent secularis fori Magistratus, nec appellationibus dictis *Ab abusu*, deferant, nisi manifesti comperiantur abulus, quibus solis ut occurrat adinventum est in Regno genus istud appellationum. Atque ut Christianos decet, meminerint se Regi Regum Jesu Christo, per quem ut sacra loquuntur oracula, Reges regnant, & legum Conditores justa decernunt, reddituros rationem exactissimam omnium judiciorum, per quæ, seu ex nimia facilitate, seu alia ex causa contingit, ut injuriam Sponsæ Christi & Fidelium omnium Matri sacrosanctæ Ecclesiæ irrogaverint; quibus disciplina sacra, quæ necesse est Fidelium, maximè verò Clericorum inordinate viventium mores contineri, dissolvatur. Poterunt ex usu Regni aliquæ ab Ecclesiasticis sententiis provocaciones admitti, sed non aliter, nisi manifestam contineant injustitiam, oppressionem, vel abusionem, ut Regum Edicta præscribunt.

Y. Non

V. Non possunt transiliri fines quos Christianissimi Reges circa hujusmodi appellationes sibi subditis Magistratibus præfixerunt, quin pariter violetur incommutabile, atque indispensabile Jus divinum. Non enim tam malè consulit Ecclesiæ suæ Deus, ut potestatem quam ei contulit circa res sacras ac spirituales, libidini laicorum submiserit quoquo modo voluerint protegendam, vel dissipandam. Itaque Francisci I. Edictum anni 1539. art. 1. 2. 3. 4. jubet appellantem ab abusu malè fundatum, indispensabiliter condemnari ad multam ordinariam & extraordinariam. Constitutio etiam Caroli IX. anni 1571. art. 5. *Ne (inquit) disciplina Ecclesiastica per appellationes tanquam ab abusu impediatur aut remoretur, declaramus nolle nos istas appellationes admitti nisi in casibus contraventionum Edictorum: & statuimus eas in casibus correctionis & discipline non habere suspensivum, sed tantummodo devolutivum effectum.* Eadem statuuntur ab Henrico III. Edicti Melodunensis anni 1579. art. 1. & Blesensis art. 59. Idem sanxerunt cap. *Ad nostram*, & cap. *Reprehensibilis*, de appellat. Itaque Concilium Tridentinum sess. 13. cap. 1. & sess. 22. cap. 1. & sess. 24. cap. 10. de reform. Insuper Henrici IV. Constitutio anni 1606. art. 2. prohibet Supremis Curiis in causis appellationum tanquam ab abusu uti formulis litem inter Partes dirimentibus, *De mettre les Parties hors de Cour & de proces*. Sed jubet semper pronunciari benè, an malè appellatum fuerit, simulque irrogare multam temerariæ appellationis, quæ nunquam minor taxetur centum viginti libris argenti. Ibidemque renovat antè sæpe constituta de effectû devolutivo, nec tamen suspensivo appellationis factæ à correctione decreta, disciplinaque Ecclesiastica.


VI. Edixit pariter Ludovicus XIII. Constitutione anni 1625. mense Octobris, ne ausint Curie Supremæ citare ac intimare Episcopos, eorumque Vicarios, Officiales, aliosve Ecclesiasticos Judices ad respondendum de suis judiciis in casibus appellationum tanquam ab abusu, eosque ab istiusmodi assignationibus ac responsionibus prorsus eximit.

VII. Præterea Carolus IX. Edicto anni 1571. art. 11. & Henricus III. Edicto Blesensi, art. 64. prohibent districtè quibuscunque Judicibus & Curiis supremis compellere Prælatos aut alios quoscunque collatores, ut Partibus sive appellantis, sive conquerentibus Beneficia Ecclesiastica conferant; sed Partes ipsas ad superiores Prælatos remittant, coram quibus liberum erit Partibus sibi, si eis videbitur, consulere per simplicem & canonicam appellationem ad superiorem Prælatum.



CAPUT XIV.

Quanam concessionēs, vel acta morte Judicis aut Prælati, ejusve abdicatione expirent, vel non expirent.

I.  UOTIDIANÆ occurrunt causæ, in quibus ista versatur disputatio. In primis quaritur de illo qui Judex delegatus fuit, utrum potestas ejus expiret morte delegantis? Hac una distinctione questio ista dirimitur. Si delegatus in causa delegata processit usque ad primam litis contestationem, & sub hæc delegans Superior intereat vel deponatur, poterit delegatus inchoatum officium prosequi, cap. *Relatum*, de offic. jud. deleg. Sin minus, atque re adhuc integra intactaque, ejus omnino potestas definit, quemadmodum finitur mandatum morte mandantis, l. *Mandatum*, C. mandati.

II. Innumeræ sunt concessionum species quæ nullatenus desinunt per obitum concedentis, aut ejus ab officio abdicationem, nisi ab ejus successore vel generatione, vel in aliquo particulari revocentur. In his comprehenduntur literæ dimissoriæ ad Tonsuram, vel ad Ordines; facultates audiendi Concessionēs Sacramentales, aut etiam absolventi à reservatis: item dispensandi vel commutandi vota vel juramenta; licentia non residendi studiorum causâ, aut celebrandi Missas in domo privata, aut in loco non benedicto, alique gratiosæ concessionēs.

III. Secus verò judicandum in pœnalibus ac odiosis; odia quippe restringi, favores convenit ampliari, cap. *Odia*, de regul. jur. in 6. Hoc patet in censuris à Prælato impositis contra futuros delinquentes. Istæ enim nequaquam eos ligant qui post mortem aut abdicationem Prælati decretum infringunt. Illi tamen qui vivente & adhuc proviso Superiore illas suâ culpâ incurretunt, non solvuntur per ejus subsequenter obitum, sed adhuc ligati permanent. Id verò quod diximus, restringendum est ad censuras promulgatas à Prælato tanquam ab homine, seu Judice. Quæ enim à Prælato impositæ fuerunt tanquam Legislatore, seu per modum Statuti, hæc in suo robore, illo etiam mortuo vel abdicato, perdurant, adeò ut Statuti post ejus obitum vel translationem transgressores perinde censuris ligentur, ac si auctor Statuti Prælatus adhuc in eadem Prælatura viveret, nisi ante transgressionis actum successor aut Superior hoc idem Statutum revocasset, saltem quoad pœnam transgressoribus comminatum;

aut

aut idem Statutum contraria consuetudine jam exolevisset, cap. fin. de offic. Legat.

IV. Quod dixi de odiosis ultra Judicis mortem non extendendis, patet in casuum reservatione, quæ cessat morte aut abdicatione reservantis, nec reviviscit nisi à successore renovetur. Excipe hinc tamen reservationem casuum per synodalem deliberationem roboratam; tunc enim Statuti vim habet; ac proinde non expirat amoto Prælato. Zerola Prax. Episc. part. 1. verb. *Casus reservati*, num. 4.

V. Quia verò frequens exoritur quæstio de literis dimissoriis, quod hæ non desinant morte concedentis, utpote favorabiles & gratiosæ, & jam acceptæ, docent Zerola part. 1. Praxis, verb. *Dimissoria*, §. *Ad nonum*: Navarra in cap. *Placuit*, num. 30. & 162. de pœnit. dist. 6. Suarez lib. 8. de legibus, cap. 31. num. 19. Azorius p. 2. lib. 3. cap. 49. num. 5. Sanchez lib. 8. de matrim. disp. 28. num. 76. 77. 83. & 85. Bonacina de legib. disp. 1. quæst. 3. puncto 8. num. 27. Gratia namque perpetua est dum sit acceptata, l. *Falso*, C. de divers. resc. & cap. *Decet*, de reg. jur. in 6. Decet concessum à Principi privilegium esse mansurum. Sanè potest successor gratiosas præcefforis sui concessiones revocare, ac abolere, sive generales, sive particulares, can. *Sententiam*, 35. quæst. 9. & cap. 2. & 3. de precariis.

VI. Quod dictum est fundatur in regula generali, quam admittunt communiter Doctores, privilegium ritè obtentum, seu gratiam jam collatam non cessare morte vel amotione concedentis, nisi aliquâ particulâ restringatur. Id apertè fundatur per caput *Si cui* 36. de præbend. in 6. ex quo Glossa ibid. ita infert: *Nota quod gratia facta non expirat per mortem concedentis, etiamsi nondum ejus effectus sit adimpletus*. Et in cap. *Si super gratia*, de offic. jud. deleg. in 6. ubi dicit Papa gratiam à Papa concessam posse post concedentis mortem etiam re integra executioni demandari. Ita Navarra cap. 27. num. 153. & consil. 1. de privileg. num. 1. Suarez lib. 8. de legibus, cap. 31. Sanchez lib. 8. de matrim. disput. 28. num. 64. Laiman lib. 1. tract. 4. cap. 23. num. 18. Fillincius tract. 10. cap. 10. quæst. 10. Bonacina de legib. disput. 1. quæst. 3. puncto 8. num. 19. & plures alii. Gratia verò cui annectitur particula limitans, finitur morte concedentis: ejusmodi particulae esse possunt, *Quandiu vixero*, aut *Usque ad beneplacitum nostrum*, aut *Quandiu voluero*, aut *dum nobis placuerit*, aut *Ad arbitrium nostræ voluntatis*. Etenim consensus, voluntas, beneplacitum desinit morte concedentis: ergo etiam privilegium, re integra, quod ab his dependet. Si autem dictum fuerit, *Donec revocavero*, non desinit privilegium exempto è vivis concedente, nisi vivens revocaverit, ut præcitati Doctores scribunt. Inferendum hinc est, facultates illimitatè concessas extra contentiosam jurisdictionem, ut sunt literæ dimissoriae, dispensationes, facultates audiendi confessiones, aut absolvendi à reservatis, aliasque his similes concessiones non expirare obitu concedentis.

VII. At verò contrarium tenendum est de litetis justitiæ, aut de contentiosa jurisdictione delegata. Illa enim jurisdictio cessat concedente mortuo, aut amoto ab officio, modò res adhuc integra sit, hoc est usus illius jurisdictionis inchoatus non fuerit ante mortem vel amotionem concedentis. Inchoatus autem censendus est jurisdictionis contentiosus usus, si à Iudice delegato pars fuerit citata juridicè, cap. *Relatum*, cap. *Gratum*, cap. *Licet undique*, de offic. jud. deleg. Deinceps enim delegatus Judex poterit scilicet inchoatam per citationem, aut litis contestationem causam mortuo delegante prosecui usque ad sententiam definitivam.

VIII. Idemque juris est: quidam dicunt in delegata potestate, non generali, sed particulari absolvendi certam aliquam personam à reservatis, aut dispensandi cum aliqua particulari persona; talis enim gratia differt à generali concessio, quia generalis concessio absolvendi aut dispensandi fit in gratiam Confessarii, ideoque statim atque concessa vel acceptata est, dicitur facta & completa: & ut talis potest in usum reduci, etiamsi ante omnem ejus usum Prælati concedens subinde mortuus fuerit. At verò concessio quæ alicui tribuitur in gratiam tertiæ particularis personæ, non censetur esse in gratiam delegati, sed in gratiam illius propter quem specialiter fit delegatio: ideoque non dicitur gratia facta, vel completa, nisi postquam ejus usus fuerit inchoatus. Ideoque si ante usus istius inchoationem delegans excedat à vita, vel ab officio, talis concessio seu gratia non dicitur facta, sed solum quodammodo initiata vel destinata, donec extra suas causas in actum exierit reduci, putà per inchoatam confessionem: sic enim res jam non est integra, aded ut si motiatur inter hanc inchoationem, & necdum datam absolutionem aut dispensationem Prælati qui delegaverat, debeat nihilominus persona delegata inchoatam potestatem prosecui ad perfectam exequutionem. Ita post Caietanum Bonacina loco cit. num. 25. Quæ tamen doctrina quoad hanc ultimam partem non est aded firma & certa, quin plerique graves Doctores, ut Suarez, Majolus, Filliucius & alii oppositum asserant, posse nimirum quemlibet delegatum Confessorem indifferenter uti potestate sibi delegata in gratiam tertiæ particularis personæ, re adhuc integra, post mortem delegantis; quemadmodum posset uti generali facultate sibi collata ad confessiones audiendas & absolvenda generaliter reservata, eaque uti incipere post mortem concedentis. Hanc sententiam ultimam longè antecedenti præferendam duco: tum quia præsumendum est, Ecclesiam esse in favorem forti conscientie propensiorē, aded ut nullà ratione habità subtilioris istius distinctionis inter concessionem generalem aut particularem, habentes unum & eundem ordinem ad forum internum, quæ nusquam legitur in toto corpore Canonum, velit Ecclesia hæc indifferenter concessiones in favorem & gratiam penitentium perdurare post obitum quoque concedentis, nisi revocentur. Omnes verò canones qui in oppositum proferuntur, de solo loquuntur

loquuntur externo foro, siue contentioso, siue gratioſo, ut de literis beneficiorum proviſoriis, aliisque literis publicam habentibus executionem, Præallegata enim cap. *Relatum*, cap. *Gratum*, & cap. *Licet undique*, de offic. jud. deleg. aperte loquuntur de jurisdictionis contentioſæ delegatione.


I X. In aliis autem cauſis aut privilegiis quæ ſunt quidem fori extetini, ſed non contentioſi, diſtinguendum eſt inter conceſſa privilegia odioſa aut favorabilia, Sacri enim Canones edicunt in privilegiis odioſis, qualia omnes ſatenetur illa eſſe quæ Ordinariorum poteſtatem diminuunt, aliorumque juſ ſubtrahunt, ut in aliquos particulares totum transferatur; in his, inquam, ſtatuunt ut expirent morte concedentis re adhuc integrâ. Itaque Mandata Apoſtolica de providendo vacaturo Beneficio in favorem Tertii alicujus, cum ſint maxime odioſa ob tres cauſas: primo quia præſcripiunt Ordinariorum poteſtatem & libertatem conferendi: ſecundo quia innumeros idoneos excludunt qui poterant illud Beneficium jure adipiſci: tertio quia ſic infringitur Conſtitutio Lateranenſis ſub Alexandro III. Concilii: *Nulla Eccleſiaſtica miniſteria, ſeu etiam Beneficia, vel Eccleſia tribuantur alieni, ſeu promittantur antequam vacent*, cap. *Nulla*, de conceſſ. præbend. his de cauſis optimè diſtinguit cap. *Si cui* 36. de præbend. in 6. in Beneficiis quorum collatio de jure reſervatur ſupremæ Sedis, ut qui habet ab eadem Sede privilegium conferendi perſonis idoneis Beneficium ad Apoſtolicam Sedem jure devolutum, aut in eadem Sede, ejusve conſiſſis vacans, poſſit etiam re integra poſt deceſſum etiam Papæ concedentis, & re adhuc integrâ, illud Beneficium cui volet idoneo conferre. Secus tamen ibidem decernitur, ſi per illam Apoſtolicam conceſſionem fuerit certa designata perſona cui conferatur: eo enim caſu vult Papa gratiam illam morte concedentis ſtatim extingui, ſi res adhuc integrâ ſit, hoc eſt ſi nondum proceſſum fuerat ad collationem ante obitum Papæ concedentis: quia nimirum prædeſignatio certæ perſonæ cui conferatur, eſt odioſa, ut dictum eſt. Ideoque ibidem decernitur hanc, re integrâ, per mortem Summi Pontificis extingui poteſtatem. Ex adverſo ubi nulla fuit particularis perſona designata, cui conferatur, tum hoc idem caput *Si cui*, de præbend. in 6. tum etiam cap. *Si ſuper gratia*, de offic. jud. deleg. in 6. luculenter ſtatuunt, iſtud collationis privilegium & gratiam, utpote favorabilem, executioni eſſe demandandam, quanvis antequam id fiat, Papa re adhuc integrâ deceſſerit. *Ipsa* (inquit) *gratia, licet nondum ſit in ejus executione proceſſum, morte non perimitur concedentis*. Atque iſta tanquam vera & germana tenenda eſt inter favorabilia & odioſa privilegia diſtinctio, ſecundum quam literæ dimiſſoriæ, literæ abſolutoriæ, literæ diſpenſatoriæ, literæ Beneficiorum actu vacantium proviſoriæ, alique ſimiles non modò in interiori, ſed etiam in exteriori foro non contentioſo exequendæ validæ perſeverant, etiam poſtquam re integrâ iſtâ à quo conceſſæ fuerunt, deceſſerit. Diſtinctio verò illa vulgò recepta inter gratiam factam & non factam, & quæſtiones illæ plenæ

plenæ anxietatis & incertitudinis, quibus circumstantiis discernendæ sunt gratiæ factæ à non factis, nihil habent lucis aut soliditatis, suntque effugia & perplexa latibula illorum, quibus melior non occurrit ratio Canones in speciem oppositos distinguendi. Denique sicut gratiæ vel privilegia quæ aliorum jus commune transferunt in quarundam personarum particularem utilitatem, sunt odiosa atque stricti juris, cap. *Porro*, & cap. *Cum capella*, de privilegiis: sic ex opposito privilegia quæ nemini præjudicant, locum sibi vindicant inter favorabiles concessionem.



CAPUT XV.

Nova jura Gallicana circa judicarios causarum processus.

I.  UÆ libro isto hætenus retuli de judiciariis processibus & causarum instructionibus, ad jus commune pertinent, atque etiam ad Francicos qui hætenus vigerunt usus. Cæterum qui nunc temporis Dei gratiâ Regni hujus scepra tenet Ludovicus XI V. studio laudabili adductus litium ambages extricandi & prolixitates rescandi, duas edidit in plures distinctas titulos & articulos Constitutiones. Primam quidem anni 1667. posteriorem anni 1670. Quarum prior providet circa civiles majori ex parte; at posterior circa criminales processus. Utriusque Constitutionis præcipua capita exponenda censui, ut Lectoribus ulterior in his practicis rebus cognitio suppeditetur.

II. Priore Constitutione edicuntur quæ hîc subijcio. Omnes in iudicium citationes, Gallicè *Ajournemens*, erunt libellatæ in omni tam Ecclesiastica quàm Seculari Jurisdictione; hoc est, summatim comprehendent causam citationis, qualis ab actore in supplici libello exposita fuit, ejusque petitionem cum Judicis decreto, sub pœna nullitatis & infligendæ multæ, tit. 2. art. 1. Scilicet ut citatus ad responsionem præparatus adveniat, cap. *Si Primates*, §. quæst. 2.

III. Tenetur apparitor duos secum testes sumere, qui citationi subscribent, art. 2. In citatione mentio fiet eorum quibus significatum fuerit, & transumptum citationis datum. Si nemo in domicilio repertus sit, tenebitur apparitor transumptum citationis ad januam domicilii affigere, & viciniorum admonere, quem faciet in charta citationis subsignare; aut saltem ejus mentionem scripto faciet, si vicinus non vult, aut nescit signare. Ubi autem vicinus nullus erit, recurret apparitor ad loci Judicem, aut antiquiorem Pragmaticum, qui citationis chartam lineâ calamo ductâ circumscri-

enunscibet, Gallicè *Parafer*. Succesit tamen ejusdem Ludovici XIV. Edictum *du controle des exploits*, anni 1669. examens apparitores ab illa obligatione testes assumendi.

IV. Extraneis verò qui in aliorum Principum ditionibus degunt, citatio fiet in domiciliis Procuratorum generalium ejus Parlamenti ad quod devolvi solent appellationes à sententiis Judicum eorum subalternorum, quorum decreto fit citatio. Et abolentur fieri pridem solitæ assignationes à Regni fines, d. tit. 2. art. 3. 4. 5. Dammati in exilium, vel ad tritremes ad aliquod præfixum tempus, necnon indigenæ seu originarii Regni assignabuntur intra ultimum quod in Regno habuerunt domicilium, art. 8. Absentes qui nullum habent, quod sciri possit, domicilium, assignandi sunt per præconem in præcipua platea mercatûs ejus loci, in quo sita est jurisdictio ad quam citantur rei, & chartam citatoriam lineâ circumscribet Juxex ipse loci, art. 9.

V. Dilationes assignationum ad certum tempus limitatæ non comprehendunt diem significationis, seu citationis, neque diem comparitionis. Sed reliqui dies his duobus intermedii sic erunt continui, ut in his computentur simul Dominici, festivi, & feriales, tit. 3. art. 6. & 7.

VI. In omni materia deserti vadimonii, *de defaut*, prohibentur fieri citationes iteratæ, *reajournemens*, tit. 5. art. 2.

VII. Lis contestata censetur per primum judicii actum advenientem sive contradictoriè ac præsentè utraq; Parte, sive una earum absente ac deficiente, quanvis id primum judicium non fuerit significatum ac intimatum Parti absenti. Significatio quippe non pertinet ad contestationem, sed ad exequutionem, tit. 14. art. 13. Huc tendit ista Constitutio ad divertendas evasiones & ludificationes rei citati, nec comparentis. Jure autem communi, tum Pontificio, tum Cæsareo, non censetur lis contestata nisi per propositam petitionem, & sequutam in judicio responsionem alterius Partis, l. unica, C. de litis contest. & cap. unico, eod. Porro litis contestatio impedit decursum præscriptionis, l. *Mora litis*, Cod. de rei vindic.

VIII. Citatio circa Beneficii possessorium debet esse libellata, atque ita exprimere titulum provisionis, & genus vacationis super qua litigans provissus fuit, & titulos & capacitates ipsius. Atque ista omnia cum citationis dato scripto transumpto sunt exhibenda Parti citatæ, & ejus in manibus relinquenda cum subscriptionibus actoris, apparitoris & duorum allumptorum testium, tit. 14. art. 2. Similiter debet reus in suis defensionibus titulum explicare suæ provisionis, & genus vacationis super qua provissus fuerit, art. 6.

IX. Post triduum à communicatione defensionum causa deferetur ad audientiam ad requisitionem illius ex Partium procuratoribus, qui erit diligentior; in qua audientia pronunciabitur aut de retinendo Beneficio,

P p p *in intermè.*

maintenue; aut de provisoria possessione, *recreance*; aut de fructuum sequestratione, art. 7.

X. Nulla fides habebitur signaturis, aliisve expeditionibus Romanæ Curie, nisi sint verificatæ à duobus trapezitis, *Banquiers*, ac expeditionariis certificantibus super ipso originali, art. 8.

X I. Sententiæ provisionariæ possessionis, seu recredientiæ, mandabuntur executioni ad cautionem juratoriam, nihil obstantibus quibuscumque oppositionibus & appellationibus; citra tamen harum præjudicium. Nec procedetur ad judicium petitorii aut manutentionis, nisi post recredientiæ aut sequestrationis plenam executionem, art. 9. & 10.

X II. Si pendente processu possessor actualis Beneficii è vivis excedat, adjudicabuntur fructus alteri Parti ad simplicem ejus petitionem, exhibentis in Audientia transsumptum registri mortuarii, art. 11.

X III. Is qui provisionem accepit titulo devoluti, non audietur in judicio donec sufficientem de summa quingentarum librarum cautionem dederit intra tempus à Judice præstitutum: sin minus, excidet devolutarius à jure suo, nec admittetur ad purgandam moram, art. 13.

X IV. Minor annis 15. de Beneficio provivus, capax est ad agendum in judicio sine autoritate, vel assentientia tutoris aut curatoris in causa Beneficiaria, art. 14. Mirum alicui videri possit, esse jus idem statutum de illis qui ob minorem ætatem à tutoribus, ac de illis qui à curatoribus reguntur. Sed tamen remedium facile occurrit, ut liceat eis ob ætatis infirmitatem in integrum restitui: quo remedio si uti non liceat, acta per eos valebunt. Jus commune aliter de constitutis in pupillari ætate disposuit, *l. Contra juris*, D. de pactis, l. *Pupillus*, D. de acquir. rer. dom. & Instit. de authorit. tut. in princ. ut sine interventu tutoris possint quidem acquirere, suamque meliorem facere conditionem; sed nullatenus deteriozem, aut se ullatenus obligare, vel de suis alienare.

X V. Si ante possessorii judicium Pars resignet jus suum, sive simpliciter, sive in favorem, poterit nihilominus continuari processus contra resignantem, donec resignatarius comparuerit, aut successor ejus, art. 15.

X VI. Poterit fieri subrogatio per Judicem, & prohibetur expeditio literarum subrogationis de Cancellaria, art. 16.

X VII. Ad sententiam recredientiæ vel sequestrationis requiruntur ad minimum quinque Judices, qui debent in ipsa sententia, quæ scripto Partibus expeditur, esse subscripti. Si interveniat condemnatio restitutionis fructuum & expensarum & damnorum, atque ejus quod interest, executioni mandabitur contra ipsum resignatarium, etiam pro fructibus & expensis quæ resignationem præcesserunt. Sed tamen in eis quæ præcesserunt, resignator juridicè interpellatus compelletur præstare indemnem, *relever & garantir*, resignatarium, art. 18.

X VIII. Petitorium Beneficiorum quæ vacaverint in regalia, ventilabitur

labitur in sola Magna Camera Parlamenti Parisiensis, & non alibi usquam, art. 19. Idem statuerat Ludovicus XI. Ediſto anni 1464.

XIX. Poſſeſſorii circa Beneficia cognitio ſolis competit Judicibus Regiis, tit. 15. art. 4.

XX. In Officialitatibus cauſæ perſonales quæ ſummam non excedunt ducentarum librarum, cenſendæ ſunt ſummarie, atque ita ſummarie ſunt cognoscendæ & judicandæ. Cauſæ porro ſummarie agitari poſſunt ſine conſuſu ac interuentu Advocatorum & Procuratorum, idque in Audientiis ad hoc particularibus, in quibus teſtes audientur ſummarie, præſentibus etiam & audientibus Partibus quæ comparere voluerint, tit. 17. artic. 1. 6. 7. & 8. Quæ verò intra unam audientiam plenè cognosci vel judicari non potuerint, relictis ad menſam, *ſur le bureau*, titulis & probationibus Partium, ſine inventariorum productionibus, & ſine utrumque ſcripturis, remittuntur ad aliam audientiam terminandæ. Neque Judices ulla ſalaria aut vacationes ſibi attribuent de ſummarie cognitis aut cognoscendis cauſis, ſub pœna in quadruplum reſtituendi, art. 10.

XXI. Petitiones quoque relaxationis aut provisionis perſonarum carere detentarum, aut relaxationis pignorum, mobilium, aut ſequeſtrationum, redintegrandæ quoque, atque pro alimentis provisiones, mercedes & ſalaria operariorum, Medicorum, Chirurgorum, Pharmacopolarum, Procuratorum, Apparitorum, aliorumque Officialiorum, aliæque jura quæcunque celerem provisionem requirunt, quanvis horum aliqua ducentas libras excederent, dum non excedant valorem mille librarum, ſummarie dijudicanda ſunt, art. 3. & 5. Denique in omni ſummaria materia non excedente mille libras ſententiæ provisionis executioni mandabuntur, non obſtante appellatione, & ſine hujus tamen præjudicio, debitamque præſtando cautionem, att. 14. Eadem quoad appellationem in hujusmodi cauſis non admitteſſam edixerat Ludovicus XII. Conſtitutione anni 1499. art. 8. & 83.

XXII. Abrogatur ſtylus quo requirebatur, ut ſententiæ provisionales & definitivæ ſeparatim ferrentur. Et Judicibus injungitur, ut ſi utraque inſtantiæ cauſæ provisionis, & cauſæ definitivæ in eo ſtatu ſint, ut uno judicio terminentur, Juxta unam ſententiam pro utriſque proferat, cum iſta præcautione, ut ſi appelletur ab hoc judicio, Pars iſta nihilominus quæ provisionem concernit executioni mandetur, non obſtante appellatione, ſed tamen data ſufficienti ſatisfactione, tit. 17. art. 17.

XXIII. Quæcumque obligationes valorem centum librarum excedentes apud acta Notariorum rediguntur, neque ulla admittetur probatio per teſtes, niſi in neceſſariis quibuldam caſibus, licet in iſtis quoque minor eſſet quàm centum librarum valor, ut ſunt depolita ob repentinum & improvifum caſum, ut in incendio, tumultu; & depolita advenarum in manus hoſpitis, cauſonis, inſtitoris, tit. 20. artic. 2. 3. & 4. contra

P p p 2 l. Pro

l. *Proprietatis*, de probationib. & l. *Testium*, Cod. de testib. & l. 3. §. *Ejusdem*, D. de testib. decernentes defectum scripturæ ad probationem posse per testes suppleri. Huic Ludovici Constitutioni parem sanciverat Carolus I X. Ediſti Molinenſis articulo 54.

XXIV. In materiis in quibus ſufficit Expertorum ſeu prudentium relatio, prohibetur Judicibus ad ipſa loca ſe transferre, niſi ſcripto requirantur, ſub pœna nullitatis & reſtitutionis vacationum, damnorum, expenſarum & intereſſe, tit. 21. art. 1.

XXV. Excluduntur teſtimonia conſanguineorum & affinium uſque ad quartum gradum incluſivè, tit. 22. articulo 11. Iidem pariter gradus à judicis cauſarum excluduntur, præbentque juſtam recuſationis Judicum cauſam, titulo 24. articulo 1. Quinimò in criminalibus cauſis quintus quoque gradus excluditur, art. 2.

XXVI. Condemnatus per ſententiam ſibi juridicè ſignificatam poteſt poſt triennium ab illa ſententia ſignificata interpellari ad adverſaria Parte ad appellandum, vel acquieſcendum judicio. Sic enim fiet ut poſt ſex ab illa ſolenni interpellatione menſes, ſine ulla ſpe in integrum reſtitutionis excludatur prorſus ab appellatione. Nec inde excipiuntur Eccleſiæ, Collegia, pietatis loca, Xenodochia, Noſocomia, niſi in hoc uno, quod loco dicti triennii indulgeantur eis ſex anni, quibus reſtitui poſſint ad appellandum, tit. 27. art. 12.

XXVII. Si titularis poſſeſſor Beneficii judicio condemnatus moriatur intra dictum ſuperiore articulo ſexennium, indulgetur ejus ſucceſſori annus integer pacificus; quo exacto, decurret tempus omne quod ſupererat non adimpleti à prædeceſſore ſexennii, eoque finito, poteſt ab adverſario interpellari, ut vel appellationem proſequatur, vel acquieſcat judicio. Et ſubinde poſt ſex ab iſta interpellatione menſes non poterit ad appellandum reſtitui, art. 13.

XXVIII. Ubi prædicta poſt triennium aut ſexennium interpellatio facta non fuerit, quanvis ſententia fuerit exequutioni mandata, dinumerandum eſt tam inter abſentes, quàm inter præſentes decennium à die ſignificatæ ſententiæ: aut ſi agatur de piis locis, ut ſunt Eccleſiæ, Noſocomia, Xenodochia, viginti anni, quibus exactis nulla poſſit obtineri ad appellandum reſtitutio, d. tit. 27. art. 17.

XXIX. Verùm ad præcludendas prolixitates & evaſiones, ſtatuitur d. tit. 27. art. 1. & 3. condemnatos ad dimittendam poſſeſſionem, ſi poſt dies duodecim ſignificatæ ſive ad perſonam, ſive ad ejus domicilium ſententiæ non obtinuerint, incurrere multam ducentarum librarum nullatenus moderabilem, partim erga Fiſcum, partim erga Partem; atque etiam poſſe corporis detentione contumaces cogi ad obediendum, & ad exſolvendas Partis impenſas & damna.

XXX. Jubetur ut quicumque judicio ſuccumbunt, damnentur in diſpenſa

dispensabiliter, & sine ulla moderatione ad universas litis expensas, tit. 31. art. 1.

XXXI. Constitutorum in sacris Ordinibus pignori capi aut distrahi non possunt mobilia divino cultui destinata, neque etiam pertinentia ad necessarios ipsorum usus, cujuscunque valoris sint, neque eorumdem libri, nisi ultra valorem centum & quinquaginta librarum, tit. 33. art. 15. Hæc eadem sanxerat Carolus IX. Edicto Aurelianensi, art. 28. & ex parte favet lex *Sansimmo*, C. de sacros. Eccles.

XXXII. Smilitur neque capi aut distrahi possunt agricolarum boves aut equi aratorii, atrata, ligones, cæteraque instrumenta quæcunque ad agriculturam necessaria, ne quidem pro iis quæ Fisco debentur, art. 16. Poterunt tamen oppignorari pro solutione pretii crediti ad hæc emenda, aut pro pretio conductiois villarum & agrorum colendorum, in quibus existent illa pecuaria & utensilia: ibid. Eadem statuerat lex *Exequutores*, & lex *Pignorum*, C. quæ res pign. oblig. poss. Similis est pariter Constitutio Francisci I. an. 1540. art. 29. & altera Henrici IV. an. 1595. art. 9.

XXXIII. Aboletur praxis capturæ corporum post quatuor assignatos ad solutionem menses introducta, per art. 48. Edicti Molinensis sub Carolo IX. Prohibetur autem quibuscunque Judicibus & Curis damnare quemquam carcere pro civilibus obligationibus: excipit tamen adjudicatas expensas, si adæquent vel excedant ducentas libras, nec intra quatuor à condemnatione menses exsolutæ fuerint, tit. 34. art. 1. & 2. Incarcerari tamen permittit Fiscus debitores, & exactorum seu publicanorum jurium Regiorum circa mercatus, portoria, & similia jura Regia, art. 5.

XXXIV. Hinc progrediendum ad editas pro causis criminalibus Constitutiones anni 1670. In causis criminum impuberes utriusque sexus admitti possunt in testes: sed in judicio habenda erit ratio tum necessitatis præsentis causæ, tum imbecillitatis, vel ingenii particularis personarum ejus ætatis deponentium, tit. 6. art. 1.

XXXV. Assignatæ ad testificandum personæ post primum comparendi edictum, & ex contumacia defectum cogi possunt multis pecuniariis, quandoque etiam penâ carceris, art. 3.

XXXVI. Testes antequam testificentur, producere debent sibi significatam comparendi jussionem, cujus etiam mentio facienda est in ipsorum depositione. Possunt tamen Judices ex officio testimonia eorum audire in casu flagrantis delicti, sine præcedenti significatione, art. 4.

XXXVII. Non legitur coram accusato testimonium adversus eum dictum, nisi postquam interroganti Judici responderit, si quas habet suspensionis aut recusationis causas contra testem. Postquam enim reus depositionem testis audiit, non admittitur ad allegandas suspicionum causas. Perlecta depositione coram teste, interrogandus est ipse testis, num hæc omnia vera sint? num in his persistat? Eo persistente, interrogatur reus

P p p 3 non

non jam de suspitione testis, sed de veritate testimonii. Judicis interrogata, omniaque testis & rei responsa, dictaque scriptis mandantur, & mox subsignantur à Judice & Scriba, tit. 15. art. 16. 17. 18. 19.

XXXVIII. Si testis post repetitam auditionem, quæ dicitur *Recollement*, retractet ea quæ deposuit, aut aliquam saltem essentialem & decisivam circumstantiam in materia criminis, prooedendum erit contra ipsum ut falsi reum, art. 11. Istæque declarationes & rectationes pro nullis habentur, nec deinceps in processu admittendæ sunt. Atque ubi causæ gravitas majorem poenam non postulat, mulctandus erit testis erga Fiscum libris quadringentis, art. 21.

XXXIX. Si decretum incarcerationis exequutioni mandari non potest, perquiretur reus, ejus bona intercipientur & annotabuntur. Perquisitio fiet ad ejus domicilium aut domum residentis. Sed si domicilio caret, aut non residet eo loco ubi processus instruitur, sufficiet affixio decreti seu edicti ad valvas Auditorii. Iuterea dies expectabuntur quindecim: his exactis, si non compareat, assignabitur præconis proclamatione uno, & non tribus, ut antehac, diebus ad se judicio sistendum. Exacto post hæc octiduo, solennior fiet à præcone per sonum buccinæ tribus locis intra unum diem proclamatio, scilicet ante portam Auditorii, & in platea publica, & ad accusati, si quod habet, domicilium aut residentiam. Dies porro citationis significat, & dies comparitionis non comprehenduntur intra dies assignatos. Distinctè prohibetur Judicibus alias his addere citationes, aut proclamationes in reum. Sed Judex his peractis testes denuò interrogandos seu recolendos assignabit; novaque ista interrogatio, quæ dicitur *Recollement*, valebit pro confrontatione, quæ fieret inter reum & testes: & demùm procedetur ad definitivam absentis contumacis condemnationem, tit. 17. ab art. 1. ad 15.

XL. In omni criminali inquisitione, *Information*, testes præstabunt initio juramentum; eorum nomina, cognomina, ætas, status ac professio, atque habitatio exprimitur; & quod non sint famuli ac domestici, vel cognati, affinesve Partium in gradibus à jure prohibitis: atque aliqua ex his omisso reddet nullum & invalidum testimonium, tit. 6. art. 5. Eadem præciipiuntur in inquisitionibus causarum civilium per superius memoratam Constitutionem anni 1667. tit. 22. art. 14. Adjuncti non adhibebuntur sicut prius in informationibus, nisi in casibus Edicti Narmetensis, d. tit. 6. art. 8. neque in inquisitionibus civilibus, d. tit. 22. art. 12.

XLI. Neque in civilibus, neque in criminalibus instantiis ullà poterit appellacione impediri aut retardari exequutio decretorum, instructio processus, aut futurum causæ judicium. Constit. anni 1667. tit. 26. art. 3.



LIBER QUINTUS.

Qui est de delictis, eorumque pœnis canonicis.



CAPUT PRIMUM.

De delicto non residentia.

I.



Pso divino Jure naturali omnes Episcopi & Beneficarii, quibus cura incumbit animarum, obligantur ad residentiam. Id perspicue definitur à Concilio Tridentino sess. 23. cap. 1. de reform. Cum præcepto divino mandatum sit omnibus quibus animarum cura commissæ est, oves suas agnoscere, pro his sacrificium offerre, verbique divini prædicatione, Sacramentorum administratione, ac bonorum operum omnium exemplo pascere, pauperum, aliarumque miserabilium personarum curam paternam gerere, & in cætera pastoralia munia incumbere; qua omnia nequaquam præstari & impleri ab eis possunt qui gregi suo non invigilant, neque assunt, sed mercenariorum more deferunt. Cum ergo Episcopi & Parochi teneantur indispensabili vinculo ad ea præstanda quæ sui officii sunt; ea verò recensita per Tridentinam Sanctionem eisdem divino præcepto imposita non possunt ab absentibus exhiberi, consequens est ut eodem divino præcepto residere teneantur. Nec verò sufficit si per alios hæc præstent officia. Quicumque enim recipit emolumentum ac mercedem pro officio

officio, suam idem obligat personam ad id officium quod per se præstare possit; nec licet ei onus illud in aliquem transferre, nisi ex rationabili simul & urgente causa.

I. Ista in Episcopatu proprio residendi obligatio ipsos quoque sanctæ Romanæ Ecclesiæ Cardinales adstringit, ut ibidem declarat Concilium his verbis, *Etiamsi sanctæ Romanæ Ecclesiæ Cardinales sint, obligari ad personalem in sua Ecclesia, vel Diœcesi residentiam*. Eodem Tridentino Concilio d. sess. 23. cap. 1. declaratur, posse Episcopos quotannis, sive continuè, sive interruptè, tribus mensibus à suis Ecclesiis abesse sine Superioris licentia, vel Approbatione, modò justa causa subsit. Ut verò possint plusquam tres menses abesse, duo simul requiruntur, justa causa, & licentia seu approbatio, quæ petenda est vel à summo Pontifice, vel à Metropolitano, vel hoc absente, ab antiquiore Suffraganeo: debetque esse in scriptis, & non aliter, ut præcipit Concilium d. cap. 1. Ubi etiam justas causas exponit, quæ sunt Christiana charitas, urgens necessitas, debita obedientia, evidens Ecclesiæ vel Reipublicæ utilitas. Non tamen requiritur Superiorum licentia quando abscessurus est Episcopus ad aliquod publicum officium Episcopatu suo adnexum, ut quando debet Comitibus Ordinum interesse, aut ad Concilium generale, vel nationale se transferre.

III. Quando ultra tres menses, sive Episcopus, sive Parochus sine Superioris approbatione abfuerit, nullatenus facit fructus suos, sed tenetur pro rata absentia temporis illos sive fabricæ aut cultui Ecclesiæ, sive pauperibus erogare. Prohibetque dicta Tridentina Constitutio tales fructus, cum sint indebiti & malè percepti, condonari, vel remitti, sive in toto, sive in parte: atque ita revocat præcedens ejusdem Tridentini Decretum sess. 6. cap. 1. de reform. quo absentia sex mensium solâ quartâ fructuum anni parte mul-
tabatur.

IV. Parochis, & quibuscumque aliis Beneficiariis curam habentibus animarum Concilium Tridentinum d. sess. 23. cap. 1. non permittit longiorem quàm bimestrem absentiam, ultra quam si sine legitima causa per Episcopum approbata eis abesse contingat, præter mortale peccatum, cuius apud Deum constituuntur rei, fructus quoque amittunt pro rata temporis absentia. Navarra Manualis cap. 25. num. 121. existimat Parochum ad bimestrem tantum absentiam non opus habere aliqua Superioris approbatione, eique sufficere conscientiam justæ causæ: tum quia de Episcopis nihil aliud requirit ad trimestrem absentiam Concilium Tridentinum, quàm justam ejus causam: tum quia aut Tridentinam Sanctionem ejusmodi licentiæ petendæ non adstringebantur Parochi ad bimestrem in anno absentiam: ergo neque post provisionem Concilii nihil tale ipsis præscribentem. Si quis tamen Parochus sine justa causa etiam minus duobus mensibus absit, peccabit mortaliter, nisi sit parvi temporis absentia, qualis possit esse quindecim, aut ad summum viginti dierum, sine ulla justa
alioqui

alioqui causa, modò reliquerit idoneum substitutum. Quod verò de Parochis Concilium d. cap. 1. sancit: *Discedendi autem licentiam in scriptis gratisque concedendam, ultra bimestre tempus, nisi ex gravi causa non obtineant; nihil aliud enunciat, quàm ne Parocho licentia abicedendi ultra duos menses indulgeatur, nisi gravi urgente causa: sed nullatenus enunciat licentiam esse petendam pro minori quàm duorum mensium absentia, quanvis ista quoque sit illicita, nisi iusta & urgente causâ nitatur.* Quod verò statutum est de residentia Parochorum, id etiam locum habet in perpetuis eorum coadjutoribus, juxta Lessium.

V. Omnes in Ecclesiis Cathedralibus vel Collegiatis provisi de Dignitatibus, Canonicatibus, Præbendis ac Portionibus residentiam propter Chororum aliudve publicum Ecclesiæ ministerium requirentibus, non possunt totis singulis annis diutius abesse quàm tribus ad summum mensibus, sive continuis, sive interruptis. Qui secus egerint, primo anno hujusmodi absentiae privandi sunt dimidiâ fructuum talis Præbendæ parte: secundo anno, si iterum sic absint, omnibus fructibus quos illo anno lucrari potuissent. Ita constituit Tridentina sessio 24. cap. 12. de reform. Continet verò ista dispositio poenam ferendæ, sed non latæ sententiæ circa fructus, ut docet Navarra cap. 25. num. 121.

V I. Quod autem ad quotidianas distributiones attinet, non est dubium eas amitti ipso jure per absentiam, cum non nisi solis debeantur qui personaliter divinis Officiis interfunt, ut statuit cap. 1. de Cler. non resid. in 6. quo pariter reprobantur & damnantur quæcunque statuta & consuetudines in oppositum: & declaratur eos qui cum absentes fuissent, receperint distributiones, nullatenus earum dominium acquirere, nec facere illas suas, sed ad earum omnium restitutionem teneri, exceptis solis quas infirmitas, aut iusta & rationabilis necessitas corporis, aut evidens Ecclesiæ utilitas excusaret. Concilium Tridentinum sess. 24. cap. 12. de reform. illam Bonifacii Constitutionem instaurat. Si quis tamen abesse cogatur ad curanda Ecclesiæ cujus est præbendatus negotia ex Capituli commissione, aut omninò involuntariè absit, non solum ex morbo, sed etiam captivitate, excommunicatione injusta, vel injusto exilio, aliæque culpa non præcellerit necessitate, non est distributionibus privandus. Denique eadem jura in defunctorum anniversariis servari debent quæ in distributionibus quotidianis, ut statuitur d. cap. 1. in fine, de Cler. non resid. in 6.

V I I. Sunt aliquæ legitimæ causæ à residentia dispensantes, quas colligit Navarra d. cap. 25. num. 121. quas Lessius lib. 2. cap. 34. dub. 29. n. 163. aliæque communiter approbant. Prima est studium Theologiæ ad quinquennium, adeò ut asserat Navarra licentiam Episcopi ad hoc non requiri, cum indulgeatur ab ipso Jure, cap. fin. de Magistris, & Concilio Trident. sess. 5. cap. 1. Secunda est studium Juris Pontificii, juxta Abbatem in d.

Q q q cap.


cap. fin. & Archidiaconum in cap. 2. de privileg. in 6. Et sanè hoc caput 2. desumptum ex generali Concilio Lugdunensi sub Innocentio I V. sancit eos qui in scholis Jurisprudentiæ student, debere, quanvis absint, fructus integros percipere: tanti æstimat Ecclesiæ in suis Clericis eruditionem. Ad alias autem scientias, ut illis studens possit absens fructus Beneficii residentiam deposcentis percipere, necessaria est Prælati licentia. Cæterum Sanctissimus consultus à Sacra Congregatione Concilii, ut refert Fagnanus in cap. *Super specula*, de Magistr. num. 17. respondit, ordinavitque, non posse dispensari cum Parochis, ut studiorum causâ abesse possint. Tertia, si duo Canonici sint in obsequio Episcopi ad Ecclesiæ utilitatem, cap. *Ad audientiam*, de Cler. non resid. Quod Navarra lib. 3. consil. 11. de præbendis, extendit ad obsequium Cardinalis non Episcopi, ut possit secum habere in ministerium aut consilium pro rebus Ecclesiæ unum saltem tituli sui Canonicum. Quarta obsequium Papæ ad Ecclesiæ pariter utilitatem, cap. *Cum dilectus*, de Cler. non resid. Quinta, legitima licentia ex alia quavis justa causa, juxta Gloss. in cap. *Inter quatuor*, eodem titulo. Sexta prætenditur causa honesta consuetudo. Talis autem non est censenda, quantumvis multorum annorum decursu invaluerit, per quam sine justa causa dispensatur cum Clericis per aliquod tempus ab officio residueat, ut admonet Navarra; non enim ex levi causa fraudare licet Ecclesiam debito obsequio: non enim datur Beneficium nisi propter officium & sacrum ministerium adnexum.

* VIIII. De privata Missæ celebratione temporibus officiorum Chori Panormitanus in cap. *Cum olim*, de sent. & re jud. num. 6. Azorius part. 2. lib. 3. cap. 11. quæst. 19. Augustinus Barbosa ad Concilium Tridentinum sess. 24. cap. 12. num. 57. Bonac. tract. de his quæ ad Divin. Offic. recit. pertinet, disp. 2. quæst. 5. §. 4. num. 1. Riccius in praxi distributionum, decis. 492. num. 2. ubi allegat decretum sacræ Congregationis Cardinalium, aliique Canonum peritissimi asserunt, Canonicum celebrando Missam etiam intra propriam Ecclesiam, non posse recipere distributiones ejus vel earum Horarum, quarum tempore celebravit, nisi id fiat ex rationabili causa, approbante Prælato, puta ob supervenientem advenarum Processionem, aut sublimis dignitatis personam. Foret enim perniciosi exempli, si pecuniam laborantibus in Choro destinatam, prætextu Missæ quæ in aliam remitti horam posset, liceret aliò transferre pro solatio privatæ personæ, quæ mallet suis commodis consulere cum diminutione publici cantus, propter quem institutæ sunt distributiones.]



C A P U T II.

De delicto violenta manuum injectionis in Clericum, vel Monachum.

I.  ONCILIVM Lateranense sub Innocentio I I. sic edicit can. 5. qui refertur can. *Si quis suadente*, 17. quæst. 4. *Si quis suadente diabolo huius sacrilegii reatum insurrerit, quod in Clericum vel Monachum violentas manus iniecerit, anathematis vinculo subiacet. Et nullum Episcopum illum presumat absolvere, nisi mortis urgente periculo, donec Apostolico consensui præsentetur, & ejus suscipiat mandatum.* Canon iste cum suo anathemate locum habet si Clericus etiam sine sui corporis læsione detineatur inclusus per vim aut injuriam, cap. *Nuper*, de sent. excommun. Glossa quoque in d. cap. *Si quis*, extendit has poenas in illum qui injurias conquisit in Clericum, aut qui aqua per contumeliam perfundit, aut qui Clerici vestem dilacerat, quæ ille est indutus, Sylvester in verb. *Excommunicatio*, hujus Canonis poenam illi accommodat qui violentiam exercet in quascunque res personæ Clerici vel Monachi inhærentes, ut si quis equum quo ille vehitur violenter sistat, aliòve deducat per injuriosam malitiam.

II. Clericum hic intellige illum etiam qui solâ tonsurâ fuit initiatus, dummodò habitum gesserit clericalem, cap. *Cum contingas*, de ætat. & qual. & ordin. Quin etiam Glossa in cap. *Qui verò*, 16. quæst. 1. in verbo *Verò*, hic Eremitas comprehendit, atque eos frui privilegio clericali. Sed id restringendum est cum Sylvestro in verbo *Eremita*, ad solos Eremitas, qui quanvis Clerici non sint, subjiçuntur tamen alicui probatæ Regulæ & Superiori. Sub isto quoque Canonis privilegio comprehenduntur Milites & Hospitalarii S. Joannis, quippe qui solennia vota emittunt, & legitimo Superiori, Regulæque D. Augustini subjiçuntur.

III. Hoc eodem Canone comprehenduntur mandantes istam manuum injectionem, effectu sequuto, cap. *Mulieres*, de sent. excommun. Item qui suo nomine factam illam ratam habent, etsi non mandaverint, cap. *Cum quis*, eod. tit. in 6. Item qui eidem consenserunt, aut quomodolibet favorunt, aut qui cum commodè possent, non impediverunt, cap. *Quanta*, de sent. excommun.

IV. Multis casibus remanente ista excommunicatione, ejus tamen tollitur Papalis reservatio. Nam si alicujus Potestatis ostiarius sub officii sui prætextu malignatus Clericum læserit, ab Episcopo suo absolvi potest, nisi

fortè eundem Clericum graviter vulneraverit. Officialis autem pro manuum in Clericum injectione non potest sine mandato Romani Pontificis absolvi, quia nulli laico super Clericum tanta datur autoritas; ideoque autoritas indebita & temerè attentata hujus sacrilegii crimen augeat: nisi fortè turbam arcendo, non ex animi deliberatione, sed fortuito occursum Clericum læserit. Sed si Clericum aliquis vim sibi inferentem vi repellat aut lædat, non debet propterea ad Sedem Apostolicam amandari, cum vim vi repellere omnes leges omniaque jura permittant, l. *Ut vim*, D. de justit. & jure. Hæc statuuntur in cap. *Si verò* 3. de sent. excommun. Sed duobus istis casibus, officialis turbam arcens Clericumque fortuito ac indeliberatè lædentis, ejusque qui vim à Clerico sibi illatam in continenti se defendendo repellit, nulla incurritur excommunicatio.

V. Ista quæ subicitur excommunicationi manuum adversus Clericum injectio distinguitur tripliciter, in gravem seu atrocem, mediocrem, & levem, non ea quidem levitate quæ culpam mortalem excludat, ibi enim nulla incurreretur excommunicatio; sed ea levitate quæ spectatur per comparationem cum gravi, aut mediocri violentia contra Clericum. Gravis ac enormis describitur in cap. *Cum illorum*, §. *Qui claustrales*, de sent. excommunic. illa quæ vel mutilatur aliquod membrum, vel copiosus sanguis effunditur aliunde quàm ex naribus; vel quæ infertur Episcopo vel Abbati quævis violenta manus. Mutilationis verbo hic comprehendit Sylvestre & quidam alii vulnus quo deinceps membrum inhabilitatur, etsi non abscindatur: sed propriè vox ista connotat à reliquo corpore separationem.

VI. Levis percussio declaratur per Extravagantem quam Ostiensis, Navarra & alii citant, ea nimirum, quæ facta manu, pede, digito, vel lapide, nullam relinquit plagam, vel sugillationem carnis, nec dentes effringit aut evellit, nec multos evellit capillos, nec sanguinis copiam elicit: licet illa extravagans quæ incipit *Perlevis*, cujus author Papa nescitur, declaret non sequi, ut quoties copia sanguinis effunditur, judicanda eo solo sit gravis percussio pugno, vel ungue inflicta, sed alias insuper exigi circumstantias, sive ex parte modi, sive ex parte plagæ inflictæ. His addit, in istis discernendis spectandum esse Clerici gradum & circumstantiam loci in quo facta fuit injuria. Nam percussio quæ ex parte substantiæ rei levis foret, sit plerumque gravis aut mediocris ex parte circumstantiæ, ut si percutiatur Clericus stans ad sacrum Altaris ministerium, aut dum vacat sacris & publicis officiis, sive in choro, sive in actu processionis ac supplicationis publicæ. Gravior quoque irrogatur injuria Clerico intra Ecclesiam, quàm in profano loco. Item si sine plaga, vel sugillatione inferatur personæ Clerici vis aut injuria atrociter contumeliosa, ut si denudetur, si atramento vel stercore vultus ejus fœdetur.

VII. Denique illa eadem Constitutio Pontificia remittit istiusmodi discrimina

discrimina prudentiorum arbitrio, & admonet in re ambigua judicandam potius esse gravem aut mediocrem, quam levem percussione[m] ac injuriam. Denique mediocri percussio quæ censenda sit, cum certa regula tradi non possit, relinquitur prudentis Episcopi, vel Confessarii arbitrio: talisque ut plurimum judicanda est ubi dens eruitur, capillorum copia evellitur, aut carni[um] contusio & sugillatio relinquitur citra graviorem læsionem, injuriam, aut morbum. Ipseque Navarra cap. 27. num. 92. allegat & approbat qui scripserunt, fuisse levem percussione[m] à qua possit proinde Episcopus absolvere, lapam quam impiegit Sacellanus quidam Aretinæ Ecclesiæ cuidam in eadem Ecclesia Canonico sine sanguine, & similiter rixam duorum Clericorum qui pugnis & calcibus sese in itinere impetiverunt.

VIII. A gravi & à mediocri percussione Clerici solus Papa regulariter absolvere potest, juxta d. cap. *Si quis suadente*, & cap. *Pervenit*, de sent. excomm. In quibusdam tamen casibus potestatem habet Episcopus etiam ab ea quæ mediocri sit, & interdum etiam à gravi absolvere. Si enim inter Clericos collegialiter viventes alter alterum mediocriter læserit, poterit percussor per Episcopum, aut eum cui Episcopus delegaverit, absolvi, cap. *Quoniam*, de vita & honest. cler. De omni autem levi percussione pollic Episcopum absolutionis beneficium impertire, certum est ex cap. *Pervenit*, de sent. excomm.

IX. Quando inter Regulares in claustro conviventes exorto jurgio alter alterum sive leviter, sive mediocriter percussit, potest per proprium Superiorem Regularem absolvi. Sed si percussio intervenerit inter diversorum claustrorum Regulares, is qui percussit necesse habet ab utriusque claustri Superioribus absolvi, cap. *Cum illorum*, de sent. excomm. Quo eodem etiam capite statuitur, Regularem à quo secularis Clericus percussus est, à solo Papa absolvi posse. Hoc intellige de gravi aut mediocri percussione; nam de levi poterit Episcopus percussorem absolvere, sed non ejus Regularis Prælatus, si percussus sit Clericus secularis, cap. *Religioso*, de sent. excomm. in 6.

X. Potest quilibet impubes qui Clericum vel monachum quocunque modo percussit, etiam ab enormi percussione per Episcopum absolvi, licet quo tempore absolvi desiderat jam major ætate factus sit, cap. 1. & fin. de sent. excomm.

XI. Mulieres item à quacunque Clerici, vel Monachi, Monialise percussione etiam atroci possunt per Episcopum absolvi, cap. *Mulieres*, cod. tit. Quod idem statuitur de Monialibus quæ vel Clericum, vel Monachum, aut aliquam de seipsis Monialem percusserunt enormiter, cap. *De Monialibus*, cod. Item eodem jure potiuntur pauperes, cap. *Quod de his*, cod. & pariter senes, ut possint per Episcopos à gravi percussione Clerici, vel Monachi absolvi, cap. *Quavis*, cod. tit.

* XII. Ex causa correctionis nulla incurritur excommunicatio ex percussione Clerici vel Monachi, aut Monialis, si fiat à superiore persona jus habente correctionis: id enim non fit suadente diabolo, sed suadente iustitia vel charitate vel zelo Dei ac disciplinæ, cap. 1. cap. *Ex tenore*, cap. *Universitatis*, cap. *Cum voluntas*, §. fin. de sent. excommun. Atque in ea re conveniunt unanimes Doctores, cædi à patre vel præceptore posse Clericum filium, ac discipulum sine percussoris culpa, dum non excedatur enormiter modus. Idem censendum de Prælati Regularium, aut magistris seu præfectis novitiorum: qui viget usus inter cœnobitas, dum non fiat ex odio, sed ad bonum finem, aut etiam animo promovendi ad altiorem perfectionem. Ut enim ait Abbas Joannes apud Cassianum collat. 19. cap. 8. *Finis cœnobitæ est omnes suas morificare & crucifigere voluntates.* Idemque Cassianus lib. 4. de institutis renunciantium, cap. 16. ait extraordinariam & furtivam cibi refectioem, & his similia plagis corripi. Regula etiam S. Pachomii, quam in Latinum S. Hieronymus transulit, decernit in quibusdam culpis Monachorum poenam verberum. Legitur in actis canonizationis S. Mariæ de Pazzis, quæ multis annis curam gessit novitiarum in suo Monasterio, & refertur in ejus conscripta vita ab ipsius Directore Vincentio Puccino, cap. 111. illam solitam fuisse disciplinis percutere sibi subiectas Moniales eo zelo & severitate, ut illas ad lacrymas & ejulatus ictus multiplicando compelleret. Dicebat aliquando ictus & flagella multiplicando: Nunc videre volo quisnam fortior sit ad victoriam, Deusne cuius ego vices gero, an satanas qui hujus puellæ menti insidet: nec desinam verberare donec advertam diabolum ab ea discessisse. Nec tamen in illo Monasterio, quod erat sanctarum animarum receptaculum, ullæ nisi leves culpæ committebantur, omnesque ad summam perfectionem enitebantur. In summa neque ista, neque alia unquam excommunicatio quemquam attingit, nisi peccatum mortale præcesserit. Vide Bonacinam tract. de excommunicar. disput. 1. quæst. 4. puncto 4.]


XIII. Illi qui ratione impedimenti adeundi Summum Pontificem, vel Legatum absoluti fuerunt ab Episcopo, vel Sacerdote, ut fieri solet in articulo mortis, ubi postmodum cessaverit impedimentum conveniendi supremam Sedem, & convenire neglexerint, reincident in pristinam à qua absoluti fuerant excommunicationem, cap. *Quarvis*, eod. tit. & cap. *Eos qui*, eod. in 6. Unde communiter monent Summistæ, Sacerdotem qui ratione periculi, vel impotentia absolvit à reservatis, teneri præmonere poenitentem illius reincidentiæ, quin etiam exigere ab illo juramentum recurrendi, cum primum commodè poterit, ad Papam aut alium qui polleat hac absolvendi potestate. Scribunt tamen Gallicani quidam, eam reincidentiam nullatenus esse in hoc Regno usu receptam. Ita Petrus Miliardus de Sacramento Poenitentia cap. 97. num. 9. & Baunius in Summa, cap. 32. circa fin.

XIV. Istud saltem in confesso est apud omnes, si Clerici percussio sit occulta, quantumcunque gravis, neque in forum deducta contentiosum, nullibi terrarum opus esse ut conveniatur prima Sedes, ex quo providit Concilium Tridentinum, posse ab Ordinariis locorum omnem absolvi censuram supremæ Sedi reservatam, modò casus quo illa incurritur sit occultus, solo excepto voluntario homicidio aut delicto quod ad forum contentiosum fuerit deductum. Si ergo Clericus ex percussione non interierit, & author percussione sit occultus & ignotus, potest ab Episcopo in foro conscientie absolvi, nec tenetur ullo tempore Papa. n aut Legatum convenire. Hæc enim potestas competit Episcopis jure ordinario ex Tridentina sess. 24. cap. 6. Potestque Episcopus istam alteri delegare potestatem, ut cum plerisque Doctoribus quos citat, asserit Bonacina tract. de censuris particularibus, disp. 2. quæst. 3. punct. 6. sect. 5. n. 19. & 20.



CAPUT III.

De Simonia.

I.  ULLA delicti species est quæ tot tantisque difficultatibus implicetur, ut simonia: ideoque necesse est hanc tractationem esse paulò prolixiorem. Sic tamen illam pro virili agitato, ut neque prolixitas fastidium, nec brevis obscuritatem pariat, aut quidquam illorum supprimat quæ ad accuratam & perfectam hujusce materiæ cognitionem exigere possint. Simonia est emptio venditio rei spiritualis aut spirituali annexæ. Nomine emptionis venditionis comprehenduntur in hac materia omnes contractus non gratuiti, ut sunt permutatio, transactio, locatio, do ut des, do ut facias, facio ut des, facio ut facias. Spiritualibus annexa illa dicuntur, quæ cum per se spiritualia non sint, dependent tamen à spiritualibus, aut ad hæc ordinantur, cujusmodi sunt Sepultura, Præbendæ ac Beneficia, vasa sacra, jus patronatus.

I. Præclare S. Thomas 2.2. quæst. 100. art. 4. bifariam distinguit spiritualibus annexa, scilicet annexa antecederet, & annexa consequenter. Annexa antecederet ea sunt quæ cum ex natura sua materialia sint, præcedunt rem sacram ad quam referuntur, cujusmodi sunt Calices & Altaria & sacra Vestimenta, quæ cum primariò & ex se materialia sint, induunt spirituales formam ex consecratione illis accedente. Atque ista pretio distrahi non prohibentur, dummodo æstimetur in eis sola materia cum forma artificiali, nullà habitâ ratione benedictionis aut consecrationis.

nis. His accedit juspatronatus, quia antecedit nominationem seu presentationem ad Beneficia. Hoc jus per se vendi non potest, sed tamen transfertur in alium per venditionem bonorum temporalium, quibus juspatronatus annexum est, cap. *Cum seculum*, & cap. *De jure*, sub tit. de jusrepatron. Consequenter autem spiritualibus annexa sunt Beneficia, utpote quæ sequuntur divina Officia, pro quibus celebrandis instituta sunt Beneficia. Atque ista non possunt sine simonia vendi, cap. *Si quis objecerit*, 1. quæst. 3.

III. Triplex quoque simonia distinguitur. Prima mentalis, quæ non procedit ad externum opus, vel procedit quidem, sed sine pacto exterius expresso. Secunda conventionalis, in qua intervenit quidem pactum exterius expressum, non tamen quidquam datum fuit, nisi fortè ab una Partium, ut si emptor recepit quidem Beneficium, sed pretium conventum non exsolvit; aut si viceversa pretium quidem exsolvit, sed Beneficium non recepit. Tertia realis, in qua hæc tria concurrerunt actu, scilicet pactio simoniaca, solutio pretii, & receptio rei sacræ.

IV. Pretium quoque simoniacum triplex est, ut docet cap. *Salvator*, 6. *Quisquis*, 1. quæst. 3. scilicet munus à lingua, nempe sollicitationes, & in alterius gratiam preces. Munus ab obsequio, ut si Beneficium hac lege tradam alicui, ut mihi meisve Philosophiam prælegat, aut mea negotia gerat. Denique munus à manu per pecuniæ, aut rei pecuniæ æstimabilis largitionem, cap. *Sunt nonnulli*, 1. quæst. 1.

V. Itaque simonia committitur etiam in ipso pacto reparandi Ecclesiam, aut Nosocomium, vel Xenodochium, aut redimendi captivum, aut erogandi eleemosynas, cap. *Non est putanda*, 1. quæst. 1. & cap. *Ex multis*, 1. quæst. 3. Licet enim hæc sint pietatis opera, habent tamen materiam temporalem pretio æstimabilem; & si fiant ex pacto consequendi rem sacram, in simoniam degenerant.

VI. Sanè sola largitio, vel sola spes ipsius largitionis quæ non fuerit in pactum deducta, nullam parere videtur simoniam, licet ex motivo gratitudinis res sacra tradatur, aut ex gratitudine ob traditam rem sacram moveatur quis ad largitionem muneris à manu, dum nulla, sive tacita, sive expressa conventio intervenierit, cap. *Tua nos*, de simon. & ibi Glossa in verb. *Pare consensiant*.

VII. Simoniam ille committit, qui pecuniâ seu pretio sibi devincit familiarem Episcopi hac pactione, ut pro se, aut sibi conjuncto Beneficium ab Episcopo perat, licet neque Episcopus qui confert, neque Clericus cui confertur Beneficium, hujus illicitæ pactionis aut traditionis ullam prorsus notitiam habeant. Ille verò qui quantumvis bonâ fide recepit, statim atque pactionis simoniacæ pro se id ignorante factæ notitiam habuerit, non potest deinceps id Beneficium possidere, sed ipsum debet resignare in manus Papæ, vel Legati, vel Ordinarii; qui tamen poterunt eidem

eidem de novo liberè conferre : purgata enim per resignationem alienà simoniā, novum ei jus acquireretur per novam ejusdem Beneficii collationem. Sed si Ordinarius eidem de novo conferat, cū non habeat jus dispensandi aut rehabilitandi, quale habet Summus Pontifex, necesse erit tria hæc simul concurrere, Primi ut hic resignans dum providebatur de illo Beneficio, prorsus ignoraverit illam simoniacam conventionem. Secundò ut postquam illam resciverit, sine mora & quamprimum commodè poterit Beneficium resignaverit; alioqui enim esset in culpa, quæ dispensatione supremæ Sedis indigeret, ad quam nihil posset Ordinarius. Tertiò denique, ut illud sit simplex, & non curatum Beneficium, ad quod solus Papa potest in isto casu dispensare. Hæc decernuntur in cap. *Quicumque*, & cap. *Præsentium*, 1. quæst. 5. & cap. *De Regularibus*, & cap. *Ex infamatione*, & cap. *Sicut*, de simon. Tres verò istæ conditiones, in quarum concursu potest Episcopus resignanti de novo conferre, comprehenduntur in cap. *Si alienus*, penult. de election. Si quæras de fructibus Beneficii quod Clericus ille possedit per aliorum, quam ignoravit, simoniam? Respondet S. Thomas 2. 2. quæst. 100. art. 6. ad 3. teneri solum restituere fructus extantes, sed non consumptos, ob bonam fidem. Itaque distinctio utrum ex consumptis fuerit factus ditior aut non, minimè hic requiritur.

VIII. Simonia nulla inest ubi sit cessio aut largitio alicujus rei ad injustam redimendam vexationem, nimirum ex parte redimentis, cap. *Dilectus* 28. de simon. Obstat fortasse videbitur cap. *Martheus*, eod. tit. ubi statuitur eum qui fuerit de voluntate majoris partis Capituli electus, si pecuniæ largitione paucorum de Capitulo contradictionem redemerit, esse hoc ipso simoniacum & obligatione alstrictum renunciandi Beneficio; cū tamen injusta videatur illa paucorum contradictio, quandoquidem in omni capitulari deliberatione ex majoris partis consensu jus tribuatur, cap. *Cum in cunctis*, de his quæ fiunt à majori parte Capit. Respondet Glossa in d. cap. *Cum in cunctis*, verb. *Paucis*, supponendum hic esse quod illa paucorum oppositio haberet justam contradicendi causam, ob quam electio ipso jure invalida foret. Aliter verò respondent Innocentius ibid. Navarra Manual. cap. 23. num. 102. Rebuffus, Bonacina & alii communiter, non licere vexationem pretio redimere antequam jus acquisitum fuerit per confirmationem electionis, quanvis ipsa vexatio injusta esset; sed licere redimere post confirmationem, aut Beneficii collationem, dummodo sit injusta vexatio. Ubi enim oppositio justa & legitima esset, non posset etiam post collationem pretio redimi. Distinguendum itaque inter habentem jus ad rem, & habentem jus in re; huic enim, sed non illi permittitur redimere pecuniā vexationem iniquam. Quam decisivam distinctionem juris ad rem, & juris in re circa licitam aut illicitam redemptionem vexationis, dudum ante præcitatos Auctores tradiderat insignis Doctor Sanctus Raimundus in Summa, lib. 1. tit. 1. de simonia, §. 20.

IX. Circa pretium simoniae constitutum invexere hujus nostrae seculorum saecis haud pauci Scriptores novam & antiquis omnibus invisam opinionem: Licitum esse pactum conferendi rem spirituales ac Ecclesiastica Beneficia pro pecunia, aliave quavis re pecunia aestimabili, dummodo pecunia illa non intendatur sub ratione pretii, sed sub consideratione motivi quo quis excitetur ad Beneficium aut aliud quid spirituale alteri attribuendum vel procurandum. Ad objectionem verò sumptam ex absoluta Canonum contra hujusmodi prohibitionem, respondere solent, illam absolutam sub poena simoniae prohibitionem non esse Juris Divini, sed tantum Ecclesiastici; & similiter simoniam illam non à Jure Divino, sed à Canonibus investam, atque ita posse per contrariam consuetudinem facile aboleri, solo excepto casu quo quis ex animi imperitia sibi proponet rationem pretii, quod est divina lege prohibitum; cum tamen pari facilitate proponere sibi possit rationem motivi, quae divino praecepto non adversatur, & possit hac arte sine animi noxa nummorum copiam corrogare: praesertim si Beneficium praevideat sibi fore deinceps inutile, eo quod nepotibus careat in quos illud transmittere possit, nimirum nullos habens nisi conjugatos, aut per aetatem aliave impedimenta inhabiles.

X. Opinio ista conformis est admodum huic alteri, quam ex eadem officina profectam damnavit, & sub anathematis poena supremae Sedis praeterquam in articulo mortis reservati, tueri, aut in praxim reduci prohibuit Alexander Papa VII. in Bulla incipiente *Sacillissimus Dominus noster* *audivit*, anni 1665. *Non est contra justitiam Beneficia Ecclesiastica non conferre gratis, quia Collator illa conferens pecunia interveniente, non exigit illam pro collatione Beneficii, sed velut pro emolumento temporali quod tibi conferre non tenebatur.* Ipsa certe intentio quam aliquis ad excusandas excusationes in peccatis sibi effingit, non immutat actionis naturam, quam liberè & cum cognitione operatur. Sic ille qui sciens & prudens contractum exercet usurarium, & tamen sibi in animo effingit intentionem nullatenus fecerandi, sed tantummodo paciscendi aliquid lucri supra mutuatum sortem, non ut quid usurarium, sed tanquam motivum aut justum emolumentum gratificationis quae se illi astringit cui mutuum dare non tenebatur; illa, inquam, fictitia intentio destrueretur per intrinsecam ipsius, quem operatur, actus malitiam. Et is qui praedium sub pacto & obligatione ducentorum aureorum in alium transferret, quanvis illam summam vellet computari non ut pretium, sed ut motivum sine quo procul dubio non intenderet se suo praedio abdicare, atque ideo asseveraret se praedium nullatenus vendere; illa quidem fictitia intentio destrueretur per contrarium veræ venditionis actum cum pretii conventionem. Idem illis usuvenit qui cum ad magos sponte recurrant, eorumque praestigiis & fortilegiis utantur, & his actibus ad dæmones recurrant, eosque invocent; protestantur

protestantur tamen se nullum cum dæmonibus velle consortium, eisq; verbo renunciant; cùm tamen reipsa cum illis commercium exercent, & eis famulentur.

XI. Circa celebrem illam quæstionem, utrum sit mentalis simonia ubi sine ullo pacto aliqua exhibentur obsequia Prælati ab ipsis Beneficiariis eo fine ut quis Beneficium hac via consequatur? Et an Prælati Beneficium Ecclesiasticum horum obsequiorum intuitu conferens simoniæ culpam incurrat? Item utrum Canonicus assistens Officii Chori pro distributionibus lucrandis simoniâ delinquat? Non est hic respondendum per distinctionem pretii aut motivi, quâ panderetur infamis via omnibus Beneficiorum aliarumque sacrarum rerum nundinationibus. Et præterea ficta illa & chimerica intentio naturam actus contrarii non potest immutare, ut dictum est. Melius igitur respondent Glossa in cap. unic. de Cleric. non resid. in 6. Ostensis, Joannes Andreas, Angelus, Joannes Major, Navarra, Covarruvias, Suarez per distinctionem primariæ & secundariæ intentionis. Eum scilicet qui primaria intentione Prælati amicitiam cupit demereri, secundariâ verò intentione, mediante illâ amicitia proponit Beneficium adipisci; Prælatum quoque qui talia obsequia per gratitudinem antidoralem remuneratur collatione Præbendæ, non ut debito justitiæ, sed motu gratitudinis, nulla interveniente pactiōe; hos, inquam, omnes esse immunes à simoniæ labe. Sed si versetur intentio immediatè, primariò & per se ad acquisitionem Beneficii, aut si Prælati intendat primariò ista sibi obsequia deferri pro lucrando Beneficio, aut si studens avaritiæ ad parcendum impensis, quibus ista sibi essent conducenda obsequia, substituit pro locationis pretio quasi ex debito justitiæ attributionem Præbendarum, tunc foedum simoniæ crimen exerceri. Similiter si Canonicus dum Choro interest, vel solummodò, vel saltem primariò lucrum intendat distributionum, reum fieri simoniæ: sed si primariò Divinum Officium aut Dei cultum animo proponat, secundariò autem distributiones etiam tanquam ex obligatione justitiæ sibi debitas, nullatenus simoniâ implicari. Minimè porò necesse est finem illum esse de se solo efficacem; sæpenumero enim fit, ut primarius finis alio fine secundario roboretur ad operationis efficaciam, ut in eo contingit qui in bellum proficiscitur primariò propter Principis sui aut Reipublicæ studium; qui tamen militiæ nomen non dedisset, nisi accessisset secundaria intentio, & spes vel gloriæ apud homines, vel stipendii, vel honorariorum munerum acquirendorum. Aut ut utar similitudine desumpta ex Sancto Bonaventura, aliquis sibi sponsam assumit primariò non quia nulum habet, sed propter nobilitatem aut bonos ejus mores, aut etiam propter dotem; quam tamen nullo modo duceret si nulum non haberet. In summa munus ab obsequio excitatum primariò aliquo fine honesto, remotaque omni pactiōe, nullam parit simoniam.

XII. Recepta communiter Glossa in cap. *Ex parte* 1. de offic. deleg. eademque iterata Glossa in cap. *Cum pridem*, verb. *Illicita p. Altonis speciem*, de pact. duplicem simoniam distinguit, scilicet prohibitam idè, quia talis est, istaque est Jure Divino vetita; & simoniam idè habitam, quia prohibita est, scilicet à Canone: atque ista simoniz species introducta est non à Deo immediate, sed ab Ecclesia. Papa verò potest ab hac Ecclesiastica simonia dispensare, sed non ab illa prima, quæ ad Jus divinum & naturale pertinet.

XIII. Prosper Fagnanus has quæ sequuntur, tres simoniz species, nullatenus à Deo constitutas, sed solum ab Ecclesiastico Canone, recenset in cap. *Cum pridem*, de pact. Prima habetur in cap. *Salvator*, 1. quæst. 3. quo vendi prohibentur officium Oeconomi Ecclesiæ, aut Sacristæ, aut Protectoris. Horum enim officiorum venditio non est contra Jus divinum, quia neque personæ illæ, neque res sunt per se sacræ, nec eas Ecclesia facit esse sacras, sicut sacra facit per consecrationem Altaria, Calices, Tempia, Sacerdotes. Secundum Exemplum est in commutationibus Beneficiorum, in quibus res spiritualis cum alia æquè spirituali compensatur. Huc etiam pertinet quod ante Fagnanum docuerat Navarra Manual. cap. 23. num. 100. non esse simoniam ex Divina, sed ex Ecclesiastica tantum prohibitione, cum quis suo Beneficio in alterius favorem renunciat hac lege ut ille, vel alius aliquis renunciet alteri suo Beneficio in favorem alicujus alterius: hoc enim pactum versatur circa res utrimque spirituales, neque intervenit pecunia, aliudve pecuniâ æstimabile. Tertium profert Fagnanus exemplum, quod tamen minus est certum quàm præcedentia, in resignatione Præbendæ cum pacto solvendi pensionem: cui tamen ob stare videtur quod pensio illa conventa consistit in pecuniis, aut saltem sit pecuniâ æstimabilis. Verum responderi potest, eam pensionem non habere rationem pretii, sed solum alimentorum atque stipendii Ecclesiastici pro Clerico qui se majoribus stipendiis abdicavit ejusdem Beneficii, quique per hanc pensionem ex Constitutione Pii V. adstringitur hujus pensionis stipendium ad aliquod Ecclesiasticum Officium. Ratio quâ Fagnanus suadet hoc genus pensionis non vetari Jure Divino, ista est, quia Papa in his dispensat, qui tamen non potest à Jure Divino dispensare. Porro jus & petitio alimentorum quæ sacro ministerio conjunguntur, Divino Juri convenire, neque simoniam redolere docet Apostolus 1. Cor. 9. *Quis militat suis stipendiis unquam? Quis plantat vineam, & de fructu ejus non comedit? Quis pascit gregem, & de lacte gregis non manducat?*

XIV. Quod attinet ad quæstionem, utrum accipere pecuniam ad Beneficia Ecclesiastica alienanda, vel dare ad ea acquirenda, sit Divino Jure prohibitum? Affirmativam propugnant omnes ferè Theologi & Canonistæ de omnibus curatis Beneficiis, & quibuscumque annexa est Ordinis sacri exequutio, vel potestas Clavium. Licet enim & Ordinis, & Clavium potestas:

testas esse possit sine Beneficio, nullatenus tamen sejungi potest curatum Beneficium ab illa sacra potestate, ob quam præcisè institutum fuit cum stipendiis ad illam exercendam potestatem institutis. Er sapienter admonet Paschalis Papa cap. *Si quis objecerit*, 1. quæst. 3. *Quisquis horum alterum vendit, sine quo nec alterum provenit, neutrum invenditum derelinquit.*

XV. Quod verò spectat ad simplicia Beneficia, non est par omnium consensus. Pierique enim Canonistæ illud Paschalis dictum limitant ad sola curata Beneficia, asserentes simplicium Præbendarum venditionem, ut sunt Canonicatus, non esse Divino Jure, sed Canonico prohibitam, atque ita non alâ infici quàm Ecclesiasticâ simoniâ, quæ possit Papæ dispensatione adimi. Ita censent Cardinalis Zabarella in cap. 1. de simon. num. 2. Henricus Boich, in cap. 1. in princ. ne Prælati vic. suas: Felinus in cap. *Ex parte* 1. num. 1. de offic. deleg. & in cap. 1. num. 2. de simon. Præpositus in cap. *Latores*, 1. quæst. 1. à num. 28. Joan. de Auan. in cap. 1. de simon. à num. 7. Ostiensis & Joan. Andreæ in cap. fin. de simon. Alexander consil. 93. Abbas in cap. 1. num. 6. de simon. & in cap. *Exspiranda*, 6. *Qui verò*, num. 53. 55. & 58. de præbend. Julius Clarus præf. crimin. 6. *Simonia*, num. 5. qui communem hanc esse asserit Doctorum opinionem. Ab his tamen dissentiunt Cardinalis Joannes de Turrecremata in cap. *Latores*, 1. quæst. 1. num. 9. Caietanus tom. 2. opusc. tract. 9. de simonia, quæst. 1. Thomas Campegius tract. an Papa labem simoniæ incurere possit, Joan. Gerson tract. de simonia, Ancharanus. in cap. 1. de constitut. oppos. 11. Item Durandus, Petrus de Palude, & maxima Theologorum pars. Idque ista ratione probat Caietanus, quia cùm contrariæ sententiæ assertores doceant, Papam non posse citra simoniam conferre pretio curatum Beneficium: ergo neque simplex, quia eadem ratio in utroque convincit. In primo quidem ob annexam curaro Beneficio potestatem Ordinis & Clavium: in secundo verò ob annexum Officium Clericale, quod est spirituale, atque ita in materia divinitus vetita. Licet enim in spiritualibus sint diversi gradus, & sit potestas Ordinis & Clavium sacrator Officio Clericali: sunt tamen utraque sub eodem spiritualium genere: non enim magis & minus distinguunt speciem, ut docet Aristoteles, & patet inductione omnium ferè specierum. Additque Caietanus, oppositam sententiam esse Canonistarum errorem, Et Petrus Ancharanus affirmat, quod praxis opinionis illius universum Ecclesiæ statum denigraret.

XVI. Id ulteriùs comprobatur, quia sacra Chalcedonensæ Synodus cap. 1. simili poenâ dignos judicat utrosque simoniacos, tam illos qui pecuniâ vel conferunt, vel acquirunt quæcumque Ecclesiastica officia & munera, quàm eos qui sacram manuum ad Ordines impositionem mercantur: & habetur in cap. *Si quis Episcopus*, 1. quæst. 1. Idemque repetit Alexander Papa I l. cap. *Ex multis*, 1. quæst. 3. ubi hoc etiam adjungit, Christum Dominum, quando flagello eiecit è templo vendentes columbas,

Rrr 3 damnallè

damnaſſe illos qui ſacras Ordinationes, per quas datur Spiritus Sanctus ſimoniacè mercantur: quum verò ejecit nummularios, eorumque æs menſaſque ſubvertit, damnaſſe illos qui ſimoniam exercent circa Eccleſiæ Beneficia. Scriptura etiam ſacra iſtud ſimoniz genus reprehendit 3. Reg. 13. circa Sacerdotes pecuniario pretio conſtitutos ab Jeroboamo. Ipſeq; Chriſtus præcipit ſuis Apoſtoliſ eorumque ſucceſſoribus, Matth. 10. *Gratius accepiſtiſ, gratis date.* Et Apoſtolorum Princeps Simonem Magum cum oblata pecunia his verbis execratus eſt, Act. 8. *Pecunia tua tecum ſit in perditionem, quoniam donum Dei exiſtimaſti pecuniâ poſſideri.* Atqui inter dona Eccleſiæ à Deo collata ad ſpiritualem finem, indubitatè recenſeri debent Eccleſiaſtica Beneficia ſimplicia, cum primariò, & per ſe deputentur ad Dei cultum & ſpirituales actus in Eccleſia Dei exercendos, ut apertè declarat Clementina *Ut ii*, de ætat. & qualitat. & ord. & Concilium Trident. ſeſſ. 21. cap. 3. & ſeſſ. 24. cap. 12.

XVII. Neque ullatenus in oppoſitum valet iſta diſtinctio, quod Beneficium duo completatur, unum ſpirituale, alterum temporale: & hoc pecuniâ rependi poſſit, non verò illud. Eſſe namque duo iſta proſus indiviſta & inſeparabilia, docet d. cap. *Si quis objecerit*, 1. q. 3. *Si quis objecerit, non conſecrationes emi, ſed res ipſas que ex conſecratione proveniunt, penius deſipere probatur: nam cum corporalis Eccleſia, aut Episcopuſ, aut Abbaſ, aut ſale quid ſine corporalibus rebus in nullo proficiat, ſicut nec anima ſine corpore corporaliter vivit, quiſquis alterum vendit, ſine quo nec alterum provenit, neutrum invenditum relinquit.* Nullus igitur emat Eccleſiam, vel Præbendam, vel aliquid Eccleſiaſticum: nec paſtellum, vel paſtum antea vel poſtea pro huiſmodi ſolvat. Superiùs ex Cajetano probavi Canonem iſtum ob rationis paritatem æquè valere circa ſimplicia ac circa curata Beneficia.

XVIII. Ut igitur ceptum proſequar argumentum, certum eſt duo exigi ut poſſit quis donare quamcunque rem. Neceſſe primò eſt ut rei donandæ habeat dominium: ſecundò ut eiſdem liberam habeat adminiſtrationem. Non enim ſufficit ſola adminiſtratio ſine dominio; etenim tutores, curatores, procuratores, quanvis eis credita ſit adminiſtratio, donare non poſſunt ea quæ adminiſtrant, quia carent dominio. Neque ſufficit dominium ſine adminiſtratione; nam pupilli & minores curatoribus proviſi, & prodigi, quanvis rerum ſuarum ſint domini, earumque proprietatem & uſumfructum habeant, non poſſunt quidequam de rebus ſuis donare, quarum adminiſtratione carent; quo ſenſu ait Apoſtoluſ: *Quanto tempore hæres parvulus eſt, nihil diſſert à ſervo, cum ſit dominuſ omnium, ſed ſub tutoribus & actoribus eſt.* Atqui Papa & inferiores Prælati, ut diſſertè aſſerit Sanctuſ Thomas, rerum Eccleſiæ dominio carent, ſed tantùm eis credita eſt illarum diſpenſatio, 2. 2. quæſt. 100. art. 1. ad 7. Cum igitur nemo poſſit alienare, ſeu donare, niſi propriuſ dominuſ, cap. *Abbati*, diſt. 55. Papa verò ipſe non ſit Beneficiorum dominuſ, nullatenus dicen-

dum

dum est eum donare proventus Beneficii, sed solum ex officio dispensatoris personam assignare, quæ officium Beneficio annexum exequendo jus habeat potiundi ejus fructibus & proventu. Sit igitur argumentum : Dare spirituale pro consequendo temporali, aut pro acquirendo spirituali dare temporale, vetitum est Jure Divino & naturali. At quisquis pecuniam dat pro consequendo Canonicali aliove simplici Beneficio, dat temporale pro acquirendo spirituali. Et aliunde non potest dici quod Papa aut alius Collator donet Beneficium dum illud confert, quandoquidem ut docet S. Thomas loco cit. non est rerum Ecclesiæ dominus, nec dare, vel alienare potest ea quorum dominio caret, ut probavimus; sed est solum fiduciarius dispensator, dicente Apostolo : *Sic nos existimet homo ut ministros Christi & dispensatores mysteriorum Dei : hic jam quaeritur inter dispensatores, ut fidelis quis inveniat.* Ex quibus sequitur, quod pretium quod Papa pro Beneficio acciperet, non caderet super temporali illius Beneficii, cujus ipse Papa neque est dominus, neque per consequens donator, ut probavi : sed pretium caderet super dispensatione, seu collatione, seu assignatione ad sacrum officium cui redditus destinantur; quæ dispensatio seu collatio est sacra, & ex divino jure profecta. At verò quæcunque Deus sive Summi Pontificis, sive aliorum Prælatorum dispensationi credidit, sub hac obligatione credidit : *Gratis accepistis, gratis date.* Matth. 10. Et præterea infidelis est dispensator quisquis bona domini sive ejus administrationi credita vendit, retento sibi pretio. Ex quibus sequitur Papam non posse talia agere, præsertim in Beneficiis quæ sunt jura spiritualia; neque posse cura aliis dispensare ut talia agant contra Jus divinum & indispensabile.

XIX. Opponet aliquis, Calicem consecratum licitè vendi, modò pretium non augeatur propter consecrationem, cap. *Hoc jui porrellum*, 10. quæst. 2. Et juspatronatus transire per venditionem cum cæteris juribus temporalibus quibus est annexum, cap. *Cum seculum*, & cap. *De jure*, tit. de juspatron. Ad hæc respondetur duplicem in his esse disparitatem. Primò, quia venditio Calicis aut jurium rerumque temporalium non cadit super consecrationem, aut super inhærens rebus juspatronatus; sed horum utrumque suum principale & temporale subiectum, cui inhæret, tanquam accessorium comitatur. At in venditione Beneficii probatur jam est pecuniam oblatam, sive pretium non cadere super sanctus, quorum Collator nullum, ut probavimus, habet dominium; sed super institutionem ipsam ad divinum ministerium, quæ planè spiritualis est. Secundo, quia in calice & juspatronatus res sacra est quid accessorium, res autem temporalis est ipsum principale. Atque hæc sunt temporalia quæ paulò antè art. 2. vocavimus post sanctum Thomam antecessenter spiritualibus annexa. In his accessorium sequitur naturam sui principalis, cap. *Accessorium*, de regul. jur. in 6. Sed non econtrà. Enimverò in temporalibus annexis rei spirituali consequenter, ut contingit in Beneficiis, res ipsa sacra est ipsum

ipsum principale, & res temporalis est accessorium; nam Beneficium non datur nisi propter officium, cap. fin. de rescrypt. in 6. Officium autem est simul sacrum & principale.

XX. Instabit aliquis ex adverso, Beneficiorum divisionem & præbendarum assignationem esse Juris Ecclesiastici & positivi, & non Divini aut naturalis. Atqui Papa est super omne Jus Divinum & Ecclesiasticum. Respondet Caietanus tom. 2. opusc. tract. 9. istud esse sophisma non causæ ut causæ. Nam dependentia titularum à Jure Ecclesiastico non est causa illicitæ horum venditionis, sed ipsamet spiritualitas Beneficii. Res enim spirituales, quantumvis à jure positivo dependeant, sunt extra humanum commercium, nec vendi nisi per simoniam possunt. Tales sunt consecrationes Altarium, Ecclesiarum, Calicum, Virginum, Vestium, Campanarum, quæ sunt positivi quidem juris, sed illicitè ac simoniacè venales. Ad valorem itaque hujus argumenti necessarium esset probare titulum Beneficii rem profanam esse & merè temporalem, non verò esse quid positivum. Sic quoque licet ordo Episcopalis sit divinæ institutionis, tamen numerus Episcoporum & Episcopatum erectiones & limites sunt positivi & Ecclesiastici Juris, cum constet Ecclesiam posse dioceses multiplicare, aut reducere plures in unam, aut unam in plures dividere, limites arctare vel proferre, novos Episcopatus inter barbaras nationes erigere, cap. 1. & 2. dist. 22. & cap. *Cum olim*, dist. 95. Et tamen constat non posse ullum Episcopatum nequidem novæ erectionis à Summo Pontifice vendi. Et qui hoc attentaret duo crimina perpetiaret, unum simoniæ, alterum injustæ usurpationis & venditionis rei non suæ, cum non sit dominus, sed tantum dispensator rerum Ecclesiæ, ac præsertim sacrarum Dignitatum & Titulorum. Præstat audire S. Thomam loco cit. 2. 2. quæst. 100. art. 1. *Papa* (inquit) *potest incurrere vitium simoniae, sicut & quilibet alius homo. Peccatum enim in aliqua persona tanto gravius est, quanto majorem obtinet locum. Quamvis ergo res Ecclesiæ sint ejus ut principalis dispensatoris, non tamen sunt ejus ut domini & possessoris: & ideo si reciperet pro re aliqua spiritali pecuniam ex redditibus Ecclesiæ, non careret vitio simoniae. Et similiter posset simoniam committere recipiendo pecuniam aliquam à laico non de bonis Ecclesiæ.* Eadem docet in 4. dist. 25. q. 3. art. 3. ad 2. Et in Summa loco cit. art. 4. affirmat Beneficium Ecclesiasticum esse spiritualibus annexum, & ab his dependens. Itaque longè à vero aberrat Navarra cap. 23. num. 108. asserendo Beneficia ex natura rei, & seclusâ humanâ prohibitionem posse eadem facilitate vendi qua sacri Calices, vel Altaria consecrata, æstimando duntaxat quod in illis inest solum materiale, & præscindendo à conjuncto illis spirituali.

XXI. Si quis objiciat annatas pecuniarias, quas solent Romani Pontifices ab iis exigere quos provident Episcopatu aliæve Consistoriali Dignitate: Respondeo ex intentionum diversitate posse annatas esse licitas


aut

aut illicitas. Si istæ annatæ exigantur propter dignitatis Ecclesiasticæ collationem, aut si imponantur personæ provixæ, non verò redditibus, annatarum impositio erit simoniaca: sed si imponantur supra redditus, & non supra personam; aut si non pro collatione, sed pro debito xre alieno imponantur, neque simoniacæ erunt, neque illicitæ. Potest enim Papa hoc jus imponere & exigere, non ratione collationis aut provisionis; sic enim conferret rem sacram pretio pecuniario; sed cum habeat jus pro sustentandis oneribus Pontificiis, quæ gravia & multiplicia sunt, aliquid super proveniuntibus Dignitatibus & Beneficiis imponendi, & impositum exigendi: quod possunt etiam inferiores Episcopi super Diocesis suæ Beneficiis titulo cathedralici aut charitativi subsidii, ut à sacris Canonibus ipsis permittitur; aut pro erigendo & fundando Seminario, ut eis per Concilium Tridentinum permittitur. Hæ verò annatæ imponuntur ut æs alienum Papæ debitum pro gravissimorum Papæ incumbentium onerum sustentatione, aut etiam (qui finis quoque licitus est) pro recognitione domini Pontificii in omnes libi subditas Dioceses & Ecclesias. Et in veteri Lege minores Sacerdotes qui pro sacro stipendio decimas à populo sumebant, obligabantur Dei præcepto decimarum suarum alias subductas decimas Pontifici Legali contribuere, Numerorum 18. vers. 26. 27. 28.



C A P U T I V.

Varia circa simoniam difficultates solvuntur.

- I.  U A R I T H R primò, utrum simoniaca sit mutua Beneficiorum permutatio? Respondeo non aliam inesse simoniam, quam Juris Canonici & Ecclesiastici, quatenus Concilium Turonense citatum in cap. *Majoribus*, de præbend. prohibet Dignitatum Ecclesiasticarum commutationem. Deinde vetita fuit generatim mutua quorumcunque Beneficiorum permutatio, cap. *Quasium*, cap. *Cum olim*, cap. *Cum univ. verforum*, de rer. permut. Sed cum spirituale altero spirituali commutetur, fatendum est prohibitionem istam non esse Divini Juris. Hujusmodi permutationem Bonifacius VIII. fieri demùm permisit hac lege, ut admittatur ab Ordinario Episcopalem habente potestatem, cap. unico de rer. permut. in 6. Itaque inferiores Prælati, quanvis habentes jus conferendi, non possunt conferre ex causa permutationis, ut post Bellameram docet Pastor lib. 3. de beneficiis, tit. 11. Quid si contingat Beneficia compermutanda esse in diversis diocesis? Respondeo id fieri posse uno ex tribus his modis: vel sicut in manibus utriusque Episcopi am-

ssf borum

horum Beneficiorum resignatio, vel quilibet seorsim resignabit in manibus sui Episcopi, vel alter Episcopus alteri Episcopo suam committere auctoritatem, & subinde ambo simul in manibus unius Episcopi renunciabunt in mutuum favorem; & hoc videtur melius, ut Glossa dicit in d. cap. unico, verb. *Collationem*.

II. Quæritur secundò, quid juris sit ubi quis suo renunciat Beneficio in alterius favorem, hac lege ut ille resignatarius, aut alius aliquis tertius suo quoque alteri Beneficio renunciet, live in favorem prioris resignantis, live in favorem alterius cujuscumque? Quæ complicatæ resignationes vocantur à quibusdam triangulares. Respondeo inesse quoque ibi simoniam, non contra Jus Divinum, sed contra Jus Canonicum. Huc enim extenditur prædicta duorum Beneficiorum inutua permutatio, cum sit in his par ratio. Rebuffus in praxi, tit. de resignat. conditionali, num. 1. & 2. Navarra Manual, cap. 23. num. 100. Azorius institut. moral. p. 2. lib. 7. cap. 27. Hanc tamen Ecclesiasticæ simoniæ labem non potest purgare, sed solam mutuum Beneficiorum permutationem, quibus provisi sunt compermutantes, ut ibidem Navarra docet. Cæteræ quoque omnes in Beneficiis consequendis pactiones & conditiones, etsi nihil interveniat pecuniæ, vetantur absolute ut simoniæ Canonico seu Ecclesiastico Jure, sed non Divino, cap. fin. de pactis. Atque in his ut valeant requiritur auctoritas Papæ, cujuscumque sunt resignationes in favorem citra præfatam mutuam compermutationem. Rebuffus loco cit.

III. Tertiò quæritur, utrum simonia sit ubi quis proprio Beneficio renunciat in favorem hac lege ut sibi resignatarius resarciat impensas quas resignans sustinuit in adeptione aut conservatione ejusdem quod resignat Beneficii, quandoquidem illæ expensæ proficiunt resignatario; nisi enim resignans per has expensas sibi Beneficium procurasset, aut conservasset, eo careret, atque ita non potuisset transnittere ad resignatarium? Respondent egregiè Parisius, Suarez, Reginaldus, Binsfeldius, Bonacina, Filiucius, esse simoniacam conventionem. Neque inesse abesse simoniam ubi nihil præter indemnitatem quæritur. Non enim alia in hac materia indemnitas approbatur, nisi sola quæ compenset laborem aut expensas cum ipsa resignatione conjunctas in resignatarii favorem, sed nullatenus illas quas hic resignans olim sustinuit ut sibi Beneficium assereret; istæ namque nihil habent cum resignatione commune, neque factæ sunt propter resignationem præsentem, sed propter commodum & possessionem ejus qui nunc resignat. Et quanvis resignatarius inde commodum accipiat, id evenit per accidens & indirectè, sed non directè, neque per se. Probatur responsio auctoritate pariter capituli *Cum pridem*, de pactis: ubi Alexander III. rogatus approbare renuit conventionem, quâ quis renunciabat liti à se intentatæ super Beneficio, dummodo sibi reficerentur illius litæ expensæ. Et ratio hujus exclusionis est, quia iste transgens non expenderat
in

in gratiam colligantis, sed in sui ipsius gratiam; ideoque non erat iust illas rescandendi causa.

I V. Quartò quæritur, an simoniâ peccat is qui bona sua confert ad novi Beneficii fundationem, cum pacto ut idem sibi Beneficium conferatur: Respondeo peccare simoniâ, idque asseritur per cap. *Non est putanda*, 1. quæst. 2. & cap. *Ex multis*, 1. quæst. 3. & cap. *Tua nos*, de simon. ubi præterea hoc sancitur, quod si remotâ omni pactione & intentione simoniacâ, etiam occultâ & mentali, fundator preces adhibet ut sibi istud à se fundatum Beneficium conferatur liberè & spontaneè, eo casu poterit eidem conferri. Quod verò ibi statuitur de præbenda nullatenus ex pacto conferenda fundatori ejusdem, hoc idem statuendum de alia quavis præbenda quam aliquis sibi aut alicui suorum conferri pacisceretur dum fundat aliud Beneficium, quasi in compensationem aut remunerationem antidoralem, aut in permutationem suæ novæ fundationis. Augebitur verò, & gravius erit simoniæ delictum, si pactio hujusmodi fiat super Beneficio necdum fundato, sed fundando, ut contingit cum quis ad obtinendum sibi aut filio Beneficium jam existens, confert prædium, vel numeratam pecuniam, ex qua novum aliud fundetur beneficium: tunc enim fit commutatio rei temporalis ad rem sacram; Beneficium namque fundandum, non est Beneficium, & prius quàm facta sit, & ab Ordinario recepta & approbata fundatio, prædium aut pecunia ad hoc destinata manet adhuc sub genere rei merè temporalis & profanæ, & sub ista conditione magis reprobabitur per d. cap. *Tua nos*. Sanè potest quis ex jure communi, & citra omnem Papæ dispensationem, postquam novum de suis opibus Beneficium fundaverit, & hoc facto jus sibi patronatus acquisiverit, præsentare collatori ad fundatum à se Beneficium aliquem suorum qui sit capax, non tamen seipsum, ut dictum est superius sub tit. de jurepatronatus. Collator verò tenebitur præsentatum instituere, etiamsi proprium filium patronus præsentaverit. Non enim in hujusmodi censentur pater & filius pro una eademque persona, neque fictio juris attenditur in spiritualibus, ut nec in naturalibus rebus, cap. *Si annum*, §. final. de judiciis in 6.

V. Quintò quæritur, an simoniæ vel illicitæ sint consuetudines vel statuta, quorum præscripto Canonici dant aliquid in sua receptione? Opinio multorum est, hæc esse licita, Joan. Andreæ in cap. *Nemo*, de regul. jur. in 6. Joan. de Anan. in cap. *Jacobus*, de simon. Cosmæ Guimier in Pragmat. Sanct. tit. de annatis, verb. *Consuetudinis*: Fagnani in cap. *Præterea*, num. 65. & num. 81. Ipseque Cosmas Guimier approbat consuetudinem tota ferè Normannia & in diocesi Parisiensi receptam, aliisque multis locis, ut Episcopi & Archidiaconi fructus percipiant primi anni vacantium Beneficiorum, quod vulgò dicitur *Jus depositum*. Tali consuetudini Jus alicubi favere videtur; decernit enim cap. *Significatum*, de præbend. posse à Prælato, vel à Capitulo imponi aliquod onus Præbendæ vacanti, ad

SSf 2

quod

quod postea teneatur Præbendarius. Et cap. *Præfenti*, de offic. jud. ordin. in 6. tales consuetudines legitime præscriptas approbat circa onera quæ vacantibus Ecclesiis imponuntur. His superaddit Fagnanus judicium sacræ Congregationis Tridentini Concilii, quo Cardinales approbarunt consuetudinem illam quæ fructus vacantium præstimoniorum pro medietate cedunt in utilitatem Capitularis Mensæ: neque his refragari Concilium Trident. sess. 24. cap. 14. eo quod, inquit Fagnanus, Concilii mens intendat reprobare onera quæ Beneficiatis, non verò quæ Beneficiis imponuntur; ut non recuset licitè imponi onera Beneficiis, sed illicitè & simoniacè Beneficiariis. Qua eadem distinctione contendit ibidem annatas Dignitatum licitè exigi à suprema Sede, spectatas quasi onera ipsi Dignitatibus, sed non personis provisorum Prælatorum imposita.

V I. Hic aliquis demirabitur illam Fagnani distinctionem, ut simoniæ vitandæ gratiâ necesse sit onerari Beneficium, non autem Beneficiarii personam. Cum tamen ex adverso sacri Canones reprobent quasi simoniacum si Ecclesiæ, vel Præbendæ onus imponatur: probent verò si Præbendato idem onus imponatur, ut liquet ex cap. *Nisi*, de præbend. his verbis: *Nos eam provisionem adhibito moderamine toleramus, ut ad præstationem quadraginta librarum non dignitas Prioratus, sed persona Prioris maneat onerata.* Eandem requirunt præcautionem cap. *Veniens*, de trans. action. & cap. *Cum venissent*, de institution. Verumtamen Canones qui statuunt onerandum Præbendam, sed nullatenus Præbendam, hoc unum volunt, ut mortuo Præbendato cesset onus, nec transferratur ad successores, & ne Præbenda oneretur, hoc est ne onus transeat cum Præbenda à prædecessoribus ad successores. Sed diverso sensu Fagnanus non vult onerari Præbendam hoc ipso respectu, quod de Præbenda provisorius fuit, ne id onus temporale induat rationem pretii ab ipso propter collatam sibi Præbendam exsolvendi, quod esset aperte simoniacum: sed vult istud onus insidere Præbendæ quali æ alienum ex ipsius fructibus persolvendum, ut contingit in aliis quibuscunque pecuniariis debitis, pro quibus oppignorari solent etiam Beneficii fructus.

V I I. Omnibus tamen sedulò exploratis standum est demùm huic distinctioni, quam perhibet ipsum Tridentinum Concilium sess. 24. de refor. cap. 14. Vel munera illa quæ jure consuetudinis vel statuti exigi solent in Canonicorum admissione, cedunt lucris particularium de Capitulo, vel conferuntur ad pias causas, scilicet ipsius Ecclesiæ, vel pauperum: & hoc solo pietatis casu esse approbandas, non autem si cedant in lucrum collegiarum, utpote sordidum, abusivum, & simoniacum. Hæc quoque diu pridem reprobata fuerunt per can. *Cum omnis*, 1. q. 1. & cap. *Sicut pro certo*, de simon. & cap. *Sanè*, in extravag. comm. de simonia: ubi dantes & recipientes pastus, dulciaria, jocalia, vel hujusmodi pro admissione in Ecclesiam, Prioratum, vel Monasterium cujuscvis sexus, declarantur ipso facto.

facto excommunicati : Capitula verò & Monasteria suspensione puniuntur : quarum censurarum absolutio soli Papæ reservatur. Easdem innovavit pœnas Pius Papa V. in Bulla 104. quæ incipit, *Durum nimis*. Illæ tamen censuræ ob continuam ac ferè generalem oppositam praxim sine ullo ad Apostolicam absolutionem contravenientium reòursu nunquam receptæ ac admixtæ in hoc Regno fuerunt. Eos qui persolvunt hujusmodi ad redimendam vexationem, sub qua certissimè in judicio succumberent, à peccato equidem hoc in Regno exemerim, sed non eos ullatenus qui ab aliis recipiunt, cum ad hoc à nemine adigantur. Lessius quidem generalius affirmat lib. 2. cap. 35. dub. 23. num. 131. ipsam Extravagantem non esse absolutè receptam.

V IIII. Sextò quæritur de transactione circa litigiosa Beneficia, utrum sit simoniaca? Non ambigitur quin gratuita cessio litis sit omninò licita, quippe quæ nullà afficitur pactione onerosà, ideoque approbatur in rebus spiritualibus & sacris, cap. *Super eo*, de transaction. Sed tota volvitur difficultas circa transactionem, quæ ritè definitur, Pactio non gratuita de re dubia & incerta ad litem dirimendam. Transigitur itaque vel compensando rem spiritualement cum temporali, vel rem spiritualement cum alia spirituali. Neque huc pertinet tertium transactionis genus, quo temporale cum alio temporali compensatur.

I X. Transactio rei temporalis cum re spirituali compensata est apertè atque indubiè simoniaca, cap. *Cum pridem*, de pactis, cap. fin. de rer. permut. cap. *Præterea*, 1. & 2. de transact. Atque ita illicitum est componere litem Beneficiariam traditâ, vel promissâ pecuniâ, vel re pecuniâ æstimabili, cap. *Consistimus*, de transaction. Similiter simoniaca est transactio pecuniaria circa Reliquias, Bonacina tract. de simonia, disp. 1. q. 4. §. 5. num. 3. Non tamen ex illius parte qui cum aliter non possit, Reliquias pecuniâ redimit ab injusto detentore. Hac enim ratione Christiani olim Martyrum corpora à carnificibus redimere solebant. Neque ambigendum, posse Sanctissimam Eucharistiam de impiorum aut infidelium manibus pretio redimi. Item simoniacum est acquirere jus præsentandi adhibitâ pecuniâ, cap. *Præterea* 1. de transaction. Item subjectionem Ecclesiæ, aut Ecclesiasticam jurisdictionem, cap. *Præterea* 2. eod. tit. Potest tamen Episcopus, modò nihil interveniat pecuniæ vel pretii, sua approbatione validam reddere transactionem, per quam census super aliquam Ecclesiam imponatur, cap. *De cætero*, de transaction.

X. Transactio verò rei spiritualis cum alia re spirituali Divino Jure licita est, etsi fieret propria, privatæque autoritate. Sed est quandoque illicita & humano jure simoniaca, propter Ecclesiæ prohibitionem. In primis enim vetat Ecclesia omnem cum laicis compositionem circa decimas citra Papæ approbationem, can. *Decimas*, 16. quæst. 7. cap. *Veniens*, de transaction. cap. *Venerabiles*, de confirm. utili, vel inut. At verò inter

SSf 3 Ecce

Ecclesiasticas utrimque personas de jure decimarum contententes non exigitur Papæ approbatio, cum sufficiat Episcopi consensu, cap. *Statuimus*, de transaction.

XI. Secundum Summorum Pontificum Decretales explorati juris est, posse ab Episcopis constitui pensiones super Beneficiis propriæ collationis, tum in permutatione mutua Beneficiorum, ad compensandos pinguioris ac ditioris Beneficii fructus cum tenuiori comperutato, dummodò pensio illa ad successores Beneficii non transmittatur. Hoc enim disertè sancivit Alexander III. cap. *De cetero*, de transaction. & Clemens III. cap. *Ad quæstiones*, de rerum permut. Tum etiam in transactionibus ad componendas lites & dissidia, quæ sine ulla fraude, aut Partium collusionem moventur, ut pari perspicuitate decernit Innocentius III. cap. *Nisi essent*, de præbend. ut uni contententium Episcopus Beneficium, alteri pensionem adjudicet.

XII. Quia tamen sive ad pleniorum cautionem, sive per ignorantiam juris contigit, ut Episcopi hac potestate raro usi sint, quatenus Partes, omisissis Ordinariis, ad solum Romanum Pontificem recurrere consueverunt, discordant ab invicem Doctores, utrum sacra ista potestas integra penes Episcopos perduret, an verò per non usum prorsus exoleverit? Perdurare in primis affirmat Glossa in cap. *Audivimus*, verb. *Pensio*, de collat. deteg. item Gigas tract. de pension. quæst. 6. pro hac parte allegans Felinum & Antonium de Butrio. Similiter Ancharanus consil. 280. Oldradus consil. 226. Gomefius tract. de utraque Signatura, Abbas in d. cap. *Nisi essent*, de præbend. & in cap. *Pastoralis*, num. 4. de his quæ fiunt à Prælat. Paulus Romanus tract. de Pensionibus, cap. 15. num. 10. Azorius part. 2. lib. 8. cap. 6. quæst. 1. docent in pensionibus super Beneficiis imponendis hoc solo Episcopos discriminari à Papa, quia pensionum ab Episcopis impositionum onera sunt personalia, quatenus Beneficiis non imponuntur, sed solum Beneficiarii præsentis personæ, atque ita ad successorem non derivantur; cum tamen Papa jus habeat pensionem constituendi super ipso Beneficio, ut ad successorem transmittatur, dum erit superstes præsens pensionarius. Idem sentit Caietanus 2.2. quæst. 100. art. 4. Sylvester verb. *Permutatio* 2. quæst. 6. Tabiena verb. *Beneficium* 3. num. 15. Contrariam tamen tuentur sententiam Navarra Manual. cap. 23. num. 100. vers. 3. Covarruvias lib. 1. variar. resolut. cap. 5. num. 8. & seqq. Sotus lib. 9. de justit. quæst. 5. art. 2. & quæst. 7. art. 2. Bonacina tract. de simonia, disp. 1. quæst. 12. n. 10. alique solo non usu Ordinarium innixi. De Gallia verò nostra testatur Louetus lit. C, cap. 40. ejusque Scholiastes Brodeus, Episcopos ista excludi posse potestate, quam tamen eis adhuc competere, novissimè scripsit Pastor Gallicanus Jurisconsultus lib. 3. de Beneficiis, tit. 11. num. 9. & tit. 12. num. 9. Rebutius verò in praxi, tit. de reservationib. num. 29. ignorantiam Juris Canonici, qua laborant Gallicanæ Curie, vituperat; quæ cum ex officio proprio prohteri soleant Pragmaticam Sanctionem sequi Sancti

Ludovici

Ludovici prohibentis Gallicanas pecunias pro Ecclesiasticis rebus extra Regnum transportari, sui que jactant officii esse tueri sacros Canones usque adeo hac in re perspicuos & sapius iteratos, simulque Bononienſe Concordatum, quo reservationes Romanæ Curie coarctantur, hoc Episcoporum jus à sacris Canonibus concessum inane in hoc Regno esse patiantur. Verùm discussis ignorantie Canonum tenebris, posset jus istud in Galliam postliminio reverti.

XIII. Quin etiam non solum antiquiores ex Italia Canonistæ superius prolari, verum etiam nostris diebus Sanlegerius Consultorum S. Officii Decanus, Romanis in causis exercitissimus, parte 2. qq. Beneficial. cap. 1. §. 4. num. 75. ita resolvit: *Potesť igitur Episcopum pensionem super Beneficio creando auctoritatem interponere, quando id fit cum iusta causa, & tunc hac sufficit absque eo quod necesse sit ad Apostolicam Sedem recurri. Causa autem iusta fuit veluti pro bono pacis, vel pro studio alicujus pauperis scholaris, vel ad utilitatem Ecclesie, ad sedandas lites, vel pro alimentis illius qui Beneficio renunciavit, dummodo id fiat in quantitate moderata, & nullâ Partium conventionem precedente.* Rebuffus de pacif. possess. num. 122. qui addit alias etiam causas, nempe senectutis, paupertatis, necessitatis ob res alienam & similes, de quibus Gigas etiam de pensionib. quest. 1. num. 4. Inter ceteras iustas causas imponenda, & creando Episcopalis auctoritate pensionis, hanc alias Romana Rota admisit, si Episcopus in proprio nepoti pensionem assignaverit, quo facilius studio Theologia imbuere possit, ut in decis. 166. num. 4. parte 2. in recentior. In dubio vero pensio, si nihil dictum sit, censetur in causam alimentorum reservata. Gabriel consil. 191. num. 2. lib. 2. & post eum Gratianus disceptat. forens. § 48. num. 24. Sed inter pensionem auctoritate Pontificia impositam, & illam qua Episcopi auctoritate mittitur, hac est notabilis differentia, quod illa qua fit approbatione Episcopi successorem in Beneficio non ligat: secus est de Pontificia pensione, que etiam successores in Beneficio ligat & afficit. Gigas tract. de pensionib. g. 6. n. 4. Limita, nisi pensio imposita, & creata fuisset pro bono pacis, & ad sedandas lites; quia tunc etiam afficit Beneficii successores, quantumvis solum Episcopi auctoritas in illius creatione intervenerit. Gratianus disceptat. forens. cap. 617. num. 16. Hactenus verba Sanlegerii, per quæ graves resolvuntur disceptationes. Verumtamen ut valeant ab Episcopo constitutæ pensiones beneficiaræ, idem Rebuffus ib. d. num. 121. & 122. duo admonet esse cavenda. Primum, ne Episcopus constituat pensionem super quotam reddituum partem, v. g. tertiam, vel quartam fructuum; sed potius designet numerum aut quantitatem certam ac individuum, tot nummos, tot tritici medimnos, tot vini amphoras. Cæterum ut sincerè loquar, præcautio ista plus habet inanitatis quàm soliditatis, neque solo isto defectu infirmanda foret Episcopalis pensio. Secundò ne constituatur ex præcedente Partium conventionem, quæ licita esset penes Pontificem, sed simoniam saperet penes Episcopum; sic enim decernitur in cap. *Nisi essent*, in fine, de præband. *Possunt licitè*

licite, non quidem ex pactione Parium, sed ex jussione Judicium provisionem hujusmodi exhibere.

XIV. Ubi pensio assignata terminum Canone vel consuetudine præscriptum excederet, qualis est in Italia dimidium fructuum, in Gallia verò tertia eorundem pars, non idè esset pensio prorsus dissolvenda, sed solummodò ad terminos à jure præfixos reducenda, scilicet in Italia ad semissem, seu dimidium; & in Gallia ad trientem, id est tertiam partem reducenda, ut docent Parisius de resignat. lib. 6. quæst. 2. num. 144. Mantica decif. 153. num. 2. Gratianus discept. 995. num. 11. Sanlegerius d. 5. 4. n. 41. 42. & 43.

XV. Rebutus tit. de simonia in resignatione, num. 17. rectè admonet non posse citra simoniæ labem dari pecuniam aut aliud temporale, etiam ad redimendam vexationem, pro nondum adepto Beneficio, quantumvis aliquis habeat jus ad rem; sed tantum pro Beneficio acquisito, & in quo habet ipsam jus in re. Id constat ex cap. *Maitbaur*, de simonia, ubi is qui fuerat à majore Capituli parte nominatus ad præbendam, sed nondum provifus ob minoris numeri contradictionem, pecuniâ redemit hanc vexationem minoris numeri, atque ita nemine discrepante provifus fuit; jubetur nihilominus ut se abdicet eadem Præbenda, ex causa simoniæ quæ provisionem illam præcesserat.

XVI. Si Canonici conveniant invicem, Des mihi pro meo nepote tuum suffragium ac votum in ista Præbenda, & ego polliceor tibi vicissim meum pro tuo nepote suffragium ad alteram primum vacaturam Præbendam; est pactio apertè simoniaca, quia omnis conventio in spiritualibus ableganda est, cap. *Quàm pio*, 1. quæst. 2. cap. *Cum pridem*, & cap. *Pastiones*, de pactis. Similiter simoniacum est, si quis dicat, Nunquam me vivo fiet iste Canonicus, nisi is pro quo rogavi eligatur. Joan. de Selva de Benefic. parte 1. quæst. 7. num. 64. Rebutus tract. de pacificis possessoribus, num. 136. Sicque multi comperiuntur Canonici simoniæ rei.



CAPUT V.

Altera elucidatur in materia simonia difficultas circa Monasteriorum ingressum.

I. **S**EPTIMÒ quæritur, utrum contrahatur simonia quoties in ingressu Monasterii ex mutua conventionione aliquid datur, vel exigitur titulo alimentorum & onerum Monasterii? Hæc verò verba de alimentis & oneribus Monasterii idè hîc apponitur, quia indubium esse apud omnes debet, committi simoniam si pactio pecuniaria

pecuniaria versetur circa ipsam in Monasterium admissionem : quandoquidem Religio sacra quædam res est , tam in pauperibus , quàm in opulentibus Monasteriis. Atque jure merito damnatur omnis convento pretio adveniens Monasteriorum ingressus tanquam simoniacus in Nicæno Concilio secundo act. 8. can. 18. Deinde in Lateranensi sub Alexandro III. can. 10. Postmodum in alio Lateranensi sub Innocentio III. can. 64. & habetur in cap. *Quoniam simoniacam*, de simon. & in aliis Juris locis.

II. Restrictum autem circa titulum alimentorum aliarumque communium & particularium Monasterii expensarum, sive ordinariè, sive extraordinariè occurrentium difficultas in duas potissimum discinditur sententias. Quidam enim indistinctè docent hoc præcisè titulo licitum esse pacisci etiam in opulentis Monasteriis. Horum summa ratio est , quia cum alimenta & reliqua pecuniarias expensas exigentia Monasteriorum onera sint res merè temporales , nullatenus esse possunt materia simoniæ Divino Jure vetitæ. Adduntque ad suæ munimen sententiæ , in Matrimonii Fidei-lum iniri dotales conventiones & pecuniarias pactiones ad onera matrimonii sustinenda , juxta legem *Pro oneribus* , C. de jure dot. etiam in opulentissimis familiis : quæ tamen immunis sunt à labe simoniæ , quanvis matrimonium ipsum , cui pecuniariæ illæ conventiones accidunt , non modò sit res sacra , sed etiam Scripturâ teste magnum Sacramentum in Christo & in Ecclesia , Ephes. 5. 32. Hæc est opinio Dominici Soto , Bonacina tract. de simonia , disp. 1. quæst. 7. §. 4. num. 4. 5. 6. Lessii lib. 2. cap. 35. dub. 23. ubi dicendo licitam esse dotis conventionem pro alimentis Monialis , maxime si Monasterium tenue sit , perspicuè insinuat locum esse quoque huic definitioni in Monasteriis commodis , sed majori tamen ratione in tenuibus. Azorius item 1. p. lib. 13. cap. 9. quæst. 1. indistinctè approbat istas in Monasteriorum ingressu conventiones , modò pro dote & alimentis conveniatur , & non præcisè pro admissione in Religionem. Et postquam citavit S. Thomam 2.2. quæst. 100. art. 3. ad 4. ubi Sanctus Doctor reprobat istas pactiones si fiant in Monasteriis opulentis , respondet ibi Azorius hoc genus prohibitionis & simoniæ esse solummodò Ecclesiastici Juris , & non Divini ; eique jam inde à plurimis annis receptam ubique locorum consuetudinem oppositam derogasse , & demùm illud prorsus abrogasse ; ita ut Canones Conciliorum qui hoc simoniæ genus invexerant jampridem nullatenus obligent. Ista quidem opinio quanvis longè invaluerit , laxa nimis & periculosa mihi visa est , & subinde probabo per eam violari Jus quoque Divinum , tam in Monasteriis tenuibus , quàm in opulentis , si conventio pecuniaria versetur circa ipsam in Monasterium admissionem , cum utrobique res sacra per pactionem pecuniariam conferatur & recipiatur ; quod utique ipsam includit simoniæ definitionem. Si verò pactio ista fiat præcisè propter alimenta & onera Monasterii sustinenda , commonstrabo esse simoniacam , & contra Jus Divinum

T t c in

in Monasteriis opulentis, nullatenus verò in illis quæ inopiâ laborant. Alia est quorundam in oppositam extremitatem cædens opinio, nullatenus fas esse de pecuniaria contributione pacisci, sive conveniatur pro alimentis aliisque expensarum Monasterii oneribus, sive pro ipsamet admissione in Religionem; sive Monasterium indigeat, sive commodum sit: quæ rigiditas magis in affectu ad extrema omnia rigida consecranda, quàm in ulla ratione fundatur.

III. Tertia, eaque reliquis duabus longè præferenda sententia est Sancti Thomæ, Sancti Bonaventuræ, S. Raymundi, & aliorum mox citandorum sic distinguendum. Primum quidem nefas & simoniacum esse etiam in Monasteriis inopiâ laborantibus pacisci pecuniariam contributionem pro admissione in Religionem, idque Divino Jure prohiberi, cum Religio ipsa sit res spiritualis & sacra, & simonia jure naturali prohibita omnis illa sit quæ rem sacram contribuit propter pecuniariam contributionem: eaque de causa Concilium Lateranense damnat in can. 64. omnes eas Moniales quæ prætextu paupertatis pretio aliquas in Sorores recipiebant. Ubi verò pactio pecuniaria circa solas temporales monasterii expensas & alimenta præstanda versatur, non verò circa bonum ipsum spirituale Religionis, ita distingui volunt: Vel Monasterio bona temporalia ita superant, ut his expensis & alimentis commodè sufficiant; & isto casu pactioes pro his initas docent esse simoniacas etiam contra Jus Divinum: Vel Monasterium ita indiget, ut non possit expensas istas & alimenta præstare, nisi persona postulans pro his temporalibus ea quæ sunt necessaria contribuat; & isto casu nullam existere contra Jus Divinum simoniam, & licitum esse ita pacisci respectu Monasteriorum indigentium, sed non opulentorum.

IV. Objiciet aliquis hanc esse supervacaneam distinctionem; alimentaque à Monasterio præstauda, cum sint merè temporalia, posse pecuniariâ pactioe compensari indistinctè ab ipsis etiam opulentis Monasteriis; quandoquidem opulentia Monasteriorum non immutat rerum naturam, & in hac pactioe peræquè in opulentis Monasteriis atque in Monasteriis indigentibus res temporalis aliâ re temporali compensetur; cum tamen simoniæ conceptus & definitio includat necessariò aliquid spirituale. Ad hæc respondeo, licet temporalia Monasteriorum bona seorsim spectata sint aliquid temporale, esse tamen spirituale jus Religioso acquisitum, ut participet opibus Monasterii in iis quæ ad victum sibi à Religione præstandum pertinent. Si ergo Monasterium temporalia possidens in ea quantitate ut possit postulanti semel admissio omnia ad corporis vitam necessaria præstare, paciscatur pecuniam pro alimentis ei præstandis, vendit ei pretio jux illud quo tenetur Monasterium de bonis temporalibus quæ possidet suppeditare Religiosis omnia necessaria ad victum intra Religionem transigendum, Monasterium verò his temporalibus carens quæ victui pos-

sulantis.

stulantis sufficere possent, non censetur vendere ea quæ non habet, neque ea suppeditare tenetur quæ non habet; atque ita liberè potest de iis pacisci quæ postulanti cum fuerit admissus præstare pro victu teneatur. Atque in his Monasteriorum temporalibus facultatibus inest par ratio quæ in Beneficiorum temporalibus: & utraque temporalia Monasteriorum & Præbendarum sunt spiritualibus conjuncta. Et quemadmodum non potest in Beneficio conferendo, aut per resignationem in alium quempiam transmittendo, vendi citra simoniam jus illud fruendi proventibus Beneficii temporalibus, ob ejusmodi cum spirituali re connexionem, adeò ut qui unum vendit, alterum, nimirum spirituale, non relinquat invenditum, ut decernitur per cap. *Si quis objecerit*, 1. quæst. 3. eadem viget ratio in Monasterii temporalibus bonis quæ Religionis communibus & particularibus necessitatibus & commodis destinata sunt. Etenim in Religionem seu Monasterium assumptio nihil est aliud quàm admissio ad communia Monasterii bona, tum spiritualia, tum temporalia. Cum igitur inter religiosa ac monastica vitæ bona recensendum sit jus singulis Monachis aut Monialibus competens, ut de communibus bonis Monasterii alantur, illud jns planè spirituale existit, & à vita religiosa indivisum; ideoque non potest pactione pecuniaria futuris Religiosis vendi. Secus est in tenuibus Monasteriis, quæ cum bonis caseant quibus noviter admittendus ali posset, hæc quæ non existunt bona, neque sacra, neque spiritualia dici possunt; imò neque bona, quia juxta Philosophum non entis nullæ sunt qualitates.

V. Objectio porro de pactis dotalibus nihil obsistit. Quandoquidem pacta illa nullatenus pertinent ad Matrimonium, ut est Sacramentum, sed ut est civilis contractus omnibus gentibus etiam infidelibus communis. Ipsæque dotes & nuptiales conventiones erant in communi usu matrimoniorum antequam lex Christi Matrimonia Fidelium elevarset ad dignitatem Sacramenti, quæ posterior est & accessoria ad civilem contractum, sicut consecratio posterior est & accessoria, prorsusque accidentaria Calici, nec impedit quin licitè Calix vendi possit.

VI. Possè verò Monasterium inopiâ laborans de pecunia pacisci in alimoniam ejus qui suam in Religione prosequitur admissionem, & cujus victui Monasterium suppeditare non sufficit, modò ne plus petatur quàm opus sit, docent duo illa in Ecclesiæ cælo primæ magnitudinis sydera, & professionis regularis, cujus utique officia ignorare non poterant, præcipua columnina Sancti Thomas & Bonaventura. Ex his S. Thomas duobus præsertim locis, in 4. Sent. dist. 25. quæst. 3. art. 2. ad 7. & in Summa Theologica 2.2. quæst. 100. art. 3. totus est in hac distinctione dati & accepti pro pretio rei spiritualis, quæ est Religio; & dati & accepti pro alimonia, quæ est temporalis; & istud quidem nullam involvere simoniam probat ex 1. Cor. 9. *Quis militat suis stipendiis unquam? Quis pascit gregem,*

& de lacte illius non manducas? Secundò idem probat ex stipendiis Clericorum ad sacra obeunda ministeria, ad psallendum in Choro, ad Missarum onera, seu pro vivis, seu pro defunctis; ad assistendum Processioni. Deinde ad quartum argumentum quod ipse sibi objecerat de Monasteriis in quibus aliquid à personis quas recipiunt exigitur, responderi sibi verbis: *Dicendum quod pro ingressu Monasterii non licet aliquid exigere, vel accipere quasi pretium: licet tamen si Monasterium sit tenue, quod non sufficiat ad tot personas nutriendas, gratis quidem ingressum Monasterii exhibere, sed accipere aliquid pro victu persona que in Monasterio fuerit recipienda, si ad hoc non sufficiunt Monasterii opes.* Hæc ultima verba, *Si ad hoc non sufficiunt Monasterii opes*, omnem præcludunt evasionem illorum qui verba S. Thomæ restringenda præsumerent ad sponte oblata; quandoquidem in confesso est apud omnes, licere sponte aliquid offerre, etiam si sufficerent Monasterii opes; non enim sponte & liberaliter oblata, sed pactiones pecuniariæ simoniam constituunt.

V I I. Sanctus verò Bonaventura non posset dilucidius mentem suam explicare. In libello enim Apologetico adversus illos qui Ordini Fratrum Minorum adversantur, & habetur in primo tomo opusculorum ejus, proponit quæst. 18. hanc adversantium suo Ordini objectionem. *Cum ergo sitis informatores earum* (loquitur de Monialibus S. Claræ) *quare permittitis quod plures apud eam impurè, id est per pecuniam, recipiuntur, que si nihil secum ferrent, nullatenus reciperentur, & avertit simonia videtur?* Responsio: *Si illud alii faciant, de hoc non à nobis, sed ab illis est ratio exigenda. Sed tamen ut satisficiamus quærentibus, sciendum quod quantum spectat ad hanc materiam quadruplex est forma recipiendi ad Ordinem qualemunque. Prima quando aliquis recipitur nec pro pecunia, nec cum pecunia, sed purè pro Deo: & ista est purissima coram Deo & hominibus. Secunda quando aliquis recipitur non pro pecunia, sed cum pecunia, ita ut si nihil afferret, tamen reciperetur pro Deo: & similiter hoc purum est coram Deo, sed cavete agendum est coram hominibus, ne detur eis occasio scandali, & ne sit ibi affectus avaritiæ infelix ex spe lucri. Tertia quando quis recipitur non pro pecunia, nec tamen reciperetur sine pecunia, eo quod non habent aliter ei qui eum recipiunt in necessitatibus corporis providere, cum tenues facultates domus vix sufficiant jam receptis, nec ad eas audeant plures recipere, & istos suis necessitatibus spoliare: ita quod talis persona que sic recipitur, si abundaret locus, sine pecuniis reciperetur. Si illic aliquis duxit uxorem propter divitias & nobilitatem ejus que habet n. sum; nec tamen propter hoc ducit eam, quia nasum habet, quam tamen si naso careret, nullatenus duxisset. Et hoc non est impurum, licet non appareat foris pulchrum. Quarta cum aliquis recipitur amore pecuniæ, ita quod si possent illam pecuniam habere sine persona, non reciperent personam; sed ut habeant pecuniam, personam recipiunt. Et hoc penitus impurum est & simoniacum; quia ibi pecunia est causa receptionis persone, non e converso. Ubi ergo recipitur persona propter pecuniam, simonia est;*

quia

quia ibi venditur spirituale, id est consortium spiritualis societatis, pro temporali scilicet pecunia. Et hoc plerique faciunt etiam ex mera inopia, optantes aliquem venire cum pecunia, quam reciperent ut eorum inopia repararetur, vel debita contrahi solverentur, vel bona concupita emerentur, vel edificia construerentur. De talibus dicit Ecclesiasticus cap. 27. Propter inopiam multi deliquerunt. Ubi vero pecunia recipitur propter personam, quam aliis libenter reciperent si haberent unde eam pascerent, non videtur esse simonia, dummodo forma cum intentione concordet. Et hoc modo sustinemus quod Sorores Sanctæ Clara recipiunt pecuniam cum personis, quando oportet eas plures personas recipere quam de facultatibus Monasterii congruè valeant sustentari.

VIII. Doctor ergo Seraphicus negat esse simoniacum, si Monasterium non habens sufficientes facultates ad victum ejus quæ de novo postulat admitte, recuset illam admittere, nisi augmentum temporale pro suo victu conferat in Monasterium; sed si conferat, tunc postulans recipiatur, dummodo duo ista quæ sola exprimit, simul concurrant: primum ut Monasterium sit inops & insufficiens ad victum personæ postulanti suppeditandum: secundum ut persona propter Deum solummodo admittatur, & non propter pecuniam quam defert, adeo ut si Monasterii facultates ejus quoque victui sufficerent, nec persona postulans quidquam secum afferret, nihil tamen minus in Monasterium reciperetur. Primam conditionem illam notent Monasteria quibus facultates suppetunt ad victum novæ postulantis; quam tamen admittere volunt sub obligatione dotis pecuniariæ, sed planè recusant citra talem obligationem: Sancti enim Doctores Ecclesiæ Thomas & Bonaventura apertè docent id esse illicitum & simoniacum. Secundam verò conditionem notent ipsa etiam Monasteria quæ inopiâ laborant, sed recipiunt personas non purè & simpliciter propter Deum solum, sed propter dotem. Illa namque impura intentio nullatenus excusatur à simonia prætextu paupertatis, ut generale Concilium Lateranense dicto can. 64. apertè declarat: & Sancti Thomas & Bonaventura locis citatis docent, ad evitandam simoniam debere personam admitti propter solum Deum, adeo ut si Monasterii opes sufficerent, nihilominus persona reciperetur sine ulla dotis conditione aut exactione; dos verò nullatenus in pactum deducatur, nisi hac sola consideratione alimentorum, quæ tenues Monasterii facultates exhibere non possunt.

IX. Utrum verò contributio postulantis pecuniaria deducatur in pactum cum duabus prædictis conditionibus quas Sancti Thomas & Bonaventura apertè requirunt ad hoc ut simonia vitetur, an verò sine pacto sponte offeratur, nihil pertinet ad questionem. Nam & in contributione spontanea sine ulla pactone interveniret mentalis simoniæ crimen, juxta utriusque Sancti doctrinam, tam in indigente, quam in opulento Monasterio, si persona postulatans reciperetur propter temporale commodum sponte oblatum, alioquin nequidem in opulento Monasterio recipienda.

X. Petrus etiam Cantor Parisiensis Doctor qui duodecimo seculo floruit, sic loquitur in tractatu de Verbo Abbreviato, cap. 38. *Si monasterium adeò inops est ut non possit recipere aut nutrire sine pecunia contributione illum qui se offert ad Religionem, poteris huic concedere Confraternitatem spirituales, non autem corporalem: vel etiam habito respectu ad domus inopiam & ad necessarios pro alimentis ipsius postulantis expensas, EXIGERE ab illo ut sub ea CONDITIONE ADMITTATUR, quod suppeditabis Monasterio redditus temporales ad subsidium & alimoniam vite sue.* Hic Author apertè approbat pactiones & exactiones pro alimentis quando Monasterium est inops; & apertè reprobatur quando Monasterium est commodum. Scripsit & obiit hic Author ante ortum Mendicantium Ordinum, & ante memoratum ipsum Lateranense Concilium.

XI. His adstipulatur Canonistarum coryphæus, à quo Decretalium volumen Gregorio Papa IX. jubente habemus, quique primus traditur summam casuum conscientie composuisse S. Raimundus lib. 1. tit. 1. §. 22. in hæc ipsa verba: *Si Monasterium esset adeò tenne vel paupertate depressum, quod redditus vel vix, vel non sufficerent personis presentibus, non solum inensionem possent habere, sed etiam credo quod possent dicere, Non sufficiunt nobis, libenter suscipimus te ad spiritualia; ad temporalia non possumus nisi habeamus plures possessiones: & tunc ille offerat se & sua. Quod autem dicitur in constitutione (nimirum sancti Lateranensis Concilii) eodem cap. Quoniam, vers. Paupertatis prætextu, de simon. intelligitur cum hoc dicebant in fraudem.* Hactenus S. Raimundus.

XII. Franciscus Suarez de censuris disp. 22. sect. 5. num. 11. jure merito reprehendit Dominicum Soto, qui lib. 9. de justitia & jure, quæst. 6. in fine, contra S. Thomæ, aliorumque veterum doctrinam asseruit licitum divitibus Monasteriis pacisci titulo alimentorum ante admissionem. Cum enim Monasterium satis habeat unde admissa alatur, etque bona sint ad Monialium alimoniam destinata, falsò prætextitur ad novam contributionem causa victus; atque ita pactio, vel exactio ista non cadit super alimentorum necessitatem, sed supra admissionem. Idem Suarez eadem repetit tom. 1. de Religione, lib. 4. cap. 17. Cujus vestigiis insistent Filliucius idem docet circa commoda Monasteria, tract. 45. cap. 4. num. 23. Eandem approbant distinctionem pauperis vel divitis Monasterii Caietanus in 2. 2. quæst. 100. art. 3. ad 4. Navarra Manualis cap. 27. num. 106. Toletus lib. 1. cap. 36. num. 9. asserentes licere pacisci præcisè pro solis alimoniis in Monasteriis inopibus, non in divitibus.

XIII. Taxatio verò facultatum Monasterii temporalium, secundum quam minimè liceat amplius exigere ab admittendis, imprudentius à quibuscumque determinatur ad arctam necessitatem. Majore prudentiâ & circumspectione sic providit Tridentina Synodus sess. 25. cap. 3. de Regularib. *In temporalibus Monasteriorum facultatibus eam inveniendam esse rationem, ut Monialium*

monialium numerum commodè sustentari possit. Præfatus Sanctus Bonaventura non est Doctor, cum fuerit totius Ordinis sui Generalis Minister, qui argui possit modicæ circa res Monasteriorum experientiz, neque permittit ejus eximia sanctitas ut à quoquam arguatur nimiz erga Dei providentiam diffidentiz. Ipse verò in tractatu determinationum questionum circa Regulam Sancti Francisci, quæst. 19. inter causas cur Communitas (ut loquitur) in religionis spiritu deficiat, allegat pauperatatem nimiam: *Ex qua (inquit) Religiosi coguntur fieri proprietarii, dum sibi met videant quisque providere, quia ob nimiam inopiam non providetur eis in commune.* Hoc docent quotidiana quæ videmus Monasteriorum Monialium infortunia, & casus commiseratione digni; virorum namque Monasteria faciliùs ab hujusmodi damnis emergunt. Videmus in permultis virginum Monasteriis ad gravem inopiam redactis fuisse eò quodque redactos Prælatos, ut solutâ clausurâ virgines ad proprios parentes transmiserint nutriendas, suasque operas, ne à propriis parentibus repellerentur, famulicia & opificia pro pane apud eos querendo locaturas. Vidimus multoties facillè dissipatis Monasteriorum exiguis facultatibus, necesse fuisse quasi in communi naufragio, ut singulæ Moniales privatim suo victui consulerent, suas operas externis pretio ad vitæ subsidium exhiberent, proprietatem rerum quascumque corraderet possent, sibi ad vitæ privatæ necessitates asslerent, tempora orationi, vel lectioni destinata manuum labori insumerent, colloquia cum externis, à quibus subsidium aliquod sperabant, miscerent, ex quibus contingeret omnem interiorem & exteriorem disciplinam prorsus evanescere.

XIV. Et utique si adhibitis duabus superiùs præscriptis conditionibus, adhuc illicitum, & simoniacum esset de alimentorum contributione in Monasteriis convenire; pari, aut etiam fortiori ratione simoniacum esset Sacerdotibus circa justam & approbatam taxationem pacisci cum illis qui ab eis Missas, aut Missarum anniversarias celebrationes postulant: nec enim sacrator est, aut augustior intra Monasterium admissio quàm incruentum corporis & sanguinis Dominici Sacrificium, cum nihil habeat Ecclesia quod hujus celebrationis sanctitatem æquiparet. Pari quoque ratione vocabitur simoniaca quæcumque protestatio, conventio & exactio distributionum pro Officiis Divinis in Choro, & quorumcumque stipendiorum pro Ecclesiasticis & sacris ministeriis, & procuratorum pro Ecclesiarum visitationibus. Et certè justissima horum stipendiorum causa, omniumque præcipua eadem est tum in sacris Ecclesiæ ministeriis, tum in religiosa Monialium societate victus & alimonia Deo ministrantium.

XV. Inter Sanctissimos Præfules qui omnium seculorum decursu commissas sibi Ecclesias sanctissimè administrarunt, vix, imò ne vix quidem ullus censeri queat canonicæ disciplinæ tenacior Sancto Carolo Bor-

romeo.

ravit per speciale Breve Clemeus VIII. non esse Moniales simoniæ reas paciscendo de dote recipiendarum pro sufficienti & congrua sustentatione. Et refertur à Basilio Capucino in compendio privilegior. verbo *Moniales*, num. 16. & à Ludovico Miranda tract. de Monialibus, quæst. 8. art. 7. conclus. 1. Navarra in comment. ad cap. *Quoniam*, de simon. & in Manuali, cap. 27. num. 106. Lessio lib. 2. cap. 35. dub. 23. num. 131. Bonacina tract. de excommunication. in particulari, disput. 2. quæst. 3. puncto 29. num. 6. Quatenus autem Sylvester verb. *Simonia*, quæst. 19. & Navarra Manual. cap. 23. num. 111. dicunt excommunicationem nullam incurri nisi in Ordine & Beneficio, significant hoc ipso non esse receptam istam Extravagantem, quæ excommunicat simoniacos in Religionis ingressu; quod idem absolute asserit loco citato Lessius. Verumtamen cum mitigationes prædictæ Summorum Pontificum sola exonerent foeminarum Monasteria, posset adhuc ista Extravagans in suo robore perdurare circa Conventus & Monasteria virorum.

XVIII. Statuit caput unicum, §. *Sanè*, de statu Regul. in 6. in hunc finem, ut Monialium clausura commodius observetur, ne in Monasteriis Ordinum non Mendicantium aliquæ deinceps recipiantur in Sorores, nisi quot poterunt de ipsorum Monasteriorum bonis, sive proventibus absque penuria sustentari. Ne, ut ait ibi Glossa, contra proprium institutum cogantur mendicare. Concilium verò Tridentinum scilicet. 25. de Regular. cap. 3. constituit ut in Monasteriis & domibus, tam virorum, quam mulierum bona immobilia possidentium, vel non possidentium, cujus generis declarat solas esse de cætero Fratrum Capucinorum & Minorum de Observantia domos, is tantum numerus constituatur & conservetur, qui vel ex redditibus propriis Monasteriorum, vel ex consuetis eleemosynis commodè possit sustentari. His verò Constitutionibus cumulatè satisfaciunt & obtemperant Monasteria, quæ cum non habeant sufficientes redditus ad victum noviter postulantium, requirunt ab eis contributiones, quarum præsidio possit Monasterium eis victum commodè subministrare. Cum enim nova illa contributio inter Monasterii facultates computetur, sequitur per novas illas admissiones in Religionem nullatenus excedi numerum eorum qui ex redditibus Monasterii, aut ex consuetis eleemosynis ali possunt. Et intentio Concilii violaretur, si ad Religionem tales postulantes absque sustentatione admitterentur.



CAPUT VI.

*Alia quadam circa simoniam difficultates
elucidantur.*

LITAYD quæritur, an sit simoniaca Reliquiarum venditio, aut locatio? Respondendum affirmativè, cum Reliquiæ sint res sacræ, & in venditione & locatione pretium necessariò inter-veniat. Ita decernit Concilium Generale sub Innocentio III. can. 62. & habetur in cap. fin. de Reliquiis & venerat. Sanctorum. His suffragatur Jus Civile, l. 3. C. de sacros. Ecclesiis. Sanè ut de Vâlis sacris superius docui, ac de Calicibus consecratis, possunt eadem ratione vasa emi aut vendi, in quibus conditæ sunt sacræ Reliquiæ, dum nullatenus intendatur Reliquiarum venditio, neque harum ratione pretium augeatur. Abbas in cap. fin. de Reliq. Sylvest. verbo *Reliquiæ*, Suarez tom. 1. de Religione, lib. 4. cap. 14. num. 24. Præterea licitum est Reliquias de infidelium aut im-piorum manibus pretio redimere. Proinde celebratur pietas Sancti Bonifacii Martyris, qui Martyrum Reliquias de carnificibus pretio redimebat; necnon Luitprandi devotio Longobardorum Regis, corpus Sancti Augustini Ecclesiæ Doctoris de manibus Barbarorum qui Sardinia dominabantur, ex ea insula ingenti persoluto pretio Ticinum transferentis.

IL. Quæritur nonò, utrum aliis quoque titulis præter jam recensitos fas sit pecuniâ pro rerum spiritualium contributione dare, vel accipere? Respondeo licere, tum ratione laboris, tum ratione debiti ad ministri sustentationem stipendii: nunquam tamen præcisè ratione sacri ipsius ministerii. Hæc propositio divinis testimoniis adstruitur, dicit enim Christus Dominus de sacris Ministris; *Dignus est operarius mercede sua.* Matth. 10. Apostolus quoque 1. Cor. 9. *Quis militat suis stipendiis unquam? Quis plantat vineam, & de fructu ejus non edû? Quis pascit gregem, & de lacte ejus non manducat? Si nos vobis spiritalia seminavimus, magnum est si nos vestra carnalia metamus? Nescitis quoniam qui in sacrario operantur, quæ de sacrario sunt edunt, & qui altari deseruiunt, de altari participant? Ita & Dominus ordinavit iis quibus Evangelium annunciam, de Evangelio vivere.* Idemque 1. Timoth. 5. *Qui bene præfunt Presbyteri duplici honore digni habeantur, maxime qui laborant in verbo & doctrina.* Idque apud omnes gentes etiam infideles naturalis luminis ductu receptum est. Ideoque Gentiles Ægyptiorum Sacerdotes sumptibus publicis alebantur, Gen. 47.

III. Decimò

111. Decimò queritur, num possit Episcopus aut Parochus pecuniam exigere ad sacrum & spirituale ministerium, quod ipse tenetur ex officio præstare? Supponimus enim, posse exigere in iis quæ non tenetur exhibere ex obligatione officii. Distinguendum ita est: Vel ad ea præstanda quæ sunt officii sui habet congrua, & vitæ suæ honestè sustentandæ stipendia; vel non habet. Si habet, nihil potest exigere; & si quid exegerit, tenetur restituere, ut docent Caietanus ad 2. 2. quæst. 100. art. 3. Petrus Navarra lib. 4. de restitutionibus, cap. 12. num. 97. & Jus ita disponit cap. *Suam nobis*, de simon. ubi Papa Capellanum condemnat qui pro exequiis defunctorum, & pro nuptiarum benedictionibus pecuniam exigebat; & Episcopo ejus mandat non solum ut ei prohibeat, sed etiam compellat ad debitam restitutionem. Ibiq; Glossa docet, quando redditus ad vitam sufficientes desunt, licitum esse Parocho aliquid pro exequiis exigere etiam ab invitis, modò justam & rationabilem summam (præsertim si quæ ab Episcopo, vel à statuto taxata fuerit) non excedat, neque exigat per debiti ministerii sui subtractionem, ut docet S. Thomas 2. 2. q. 100. art. 3. in corp. Qui ibid. ad 3. perspicuè dicit, quod si habet statuta stipendia ex Ecclesiæ redditibus (bona enim patrimonialia huic exactioni minime obstant) nihil potest efflagitare pro debito suscepti officii: quod pariter docet & probat Caietanus ad art. 2. d. quæst. 100. Cæterum ubi Canones aut approbata statuta permittunt exigi etiam à Ministris Ecclesiastico proventu sufficienter provisus pro certis quibusdam debitis functionibus, qualis est Episcopis permissa à jure procuratio pro Diocesis visitatione, aut pro Ecclesiarum consecratione; itemque Canonicis distributiones diariæ pro assistentia in Choro, tametsi fructus habeant ex Præbendis sufficientes; his & aliis casibus jure communi aut statuto particulari expressis poterit stipendium ejusmodi exigi, & non aliter. Vide Glossam in d. cap. *Suam nobis*. His adde ubi piâ fidelium consuetudine receptum fuerit ut aliquid Parocho contribuatur, eam servari consuetudinem jubere Concilium Generale relatum in cap. *Ad Apostolicam*, de simon.

I V. Sponte quoque oblata recipi non prohibentur, dum absit abusus, vel scandalum. Sanè quæ sit mens Ecclesiæ circa exactiones pro debitis in visitatione procuracionibus, non melius resciri potest quam ex duobus œcumenicis Conciliis Lugdunensi & Tridentino. In primis Lugdunense sub Gregorio X. prohibet Prælati visitantibus aliquid nomine procuracionis etiam sponte oblatum recipere præter sola vidualia moderata, cap. 1. & 2. de censib. in 6. Deinde Bonifacius VIII. hoc limitat, ut possint debitorum vidualium accipere à volentibus æquivalentem pecuniam, sed præterea nihil, cap. 3. eod. tit. Postremò Concilium Trident. sess. 24. cap. 3. prædictam Constitutionem Concilii Lugdunensis instaurat, jubetque visitatorum, sed non ipsius visitantis arbitrio relinqui optionem supeditandi moderata vidualia, aut horum loco pecuniam illis æquivalentem

Vuu 2 tem

tem. Districteque prohibet, ne cujuscumque veteris consuetudinis obtentu aliud quidquam à visitantibus petatur, aut etiam sponte oblatum accipiat.

V. Cùm igitur veter Tridentinum visitantibus quidquam aliud accipere, licet vetus consuetudo eis indulgeret oppositum, præter sola visitalia moderata, pari ratione non est facile indulgendum in sacris ministeriis ex officio debitis, ut minister sufficientibus aliunde profuturibus Ecclesiasticis provivis, obtentu consuetudinis & autoritate d. cap. *Ad Apostolicam*, de simon, indiscriminatum à particularibus exigat. Neque enim pia liberalitas parochianorum quorundam fortasse ditiorum aliis parochianis præjudicare, aut cupiditati Parochi obsecundare debet. Hac enim ratione turpis aspergitur Ecclesiæ labes avaritiæ, sacrorumque ministeriorum nundinationes prostant, decor & honestas status Ecclesiastici disperditur ex effusore licentia lucrum captandi, vel munera recipiendi. Sic enim fit ut pudeant, & ut cum Apostolo loquar, confundantur ii qui non habent, nec ausint præ pudore Parochum interpellare. Evenit etiam quandoque, ut ministrorum cupiditas quasi jure præ & præscriptæ consuetudinis illud exigat quod ab initio fuerit in aliquibus fortè voluntarium, in aliis verò ex pudoris respectu coactum. Dicit verò Lessius lib. 2. de iustitia, cap. 35. dub. 8. num. 49. optandum esse ut sic introductæ consuetudines abrogentur; quia speciem quandam referunt negotiationis, & tenuibus parochianis sunt onerosæ. Quicumque verò existimant quantum esse pietatem, audiant monentem Apostolum 1. Timoth. 6. *Est autem magnus questus pietas cum sufficientia. Nihil enim inulimus in hunc mundum: haud dubium quod nec auferre quid possumus. Habentes autem alimenta & quibus tegamur, his contenti sumus.*

VI. Undecimò quæritur, an licita sit compositio pecuniaria in causis dispensationum, sive penes Romanam Curiam, sive penes Ordinarios? Pro certo statuendum est, nihil posse exigi, vel dari in pretium dispensationis, nec summo ipsi Pontifici; cùm dispensatio sit actus Ecclesiasticæ & spiritualis potestatis, quæ non potest citra simoniam Juri Divino oppositam pecuniâ compensari, Christo præcipiente Matth. 10. *Gratis accipitis, gratis date.* Et Concilium Trident. sess. 25. cap. 18. decernit aperte, non nisi gratis & cum iusta causa, simulque urgente dispensari posse per quoscunque Prælatos. Sanè hac voce, *gratis*, non vetat onus imponere erogandi eleemosynam pauperibus, vel Ecclesiæ; sed hoc solum prohibet, ne ipse Prælatas ex dispensatione lucrum sibi suisve capret, ut bene Lessius notat.

VII. Duodecima difficultas, utrum Vasa sacra, Altaria, sacra Vestes, & Ecclesiarum ædificia vendi possint? Respondeo affirmativè de Vasis & Vestibus sacris, & de Altaribus, cùm hæc omnia sint secundum substantiam materialia, spiritualibus verò tantummodò antecedenter an-

nexa


nexa, diuimodo pretium & intentio versentur solummodò circa id quod est materiale, nullo respectu habito ad consecrationem, vel benedictionem his accessoriis & annexam. Ita post S. Thomam 2. 2. quæst. 100. art. 2. Navarra Manual. cap. 23. num. 99. in fine, & Bonacina de simon. disp. 1. quæst. 4. num. 12. & ibid. §. 11. num. 2. At verò secus dicendum de Ecclesiis; cti namque in his quoque par videatur ratio, earumque sit materialis substantia cui accessoriè jungitur benedictio, vel consecratio; Jus tamen Canonicum de his speciatim declarat, neque vendi, neque redimi posse, cap. *Querelam*, de simon. Quinidò dispar quoque in his ratio existit; Calices enim, portatilia Altaria, Coronæ, vel Imagines benedictæ, quibus est annexa Indulgentia, possunt ad priuatorum dominium pertinere; Tempia verò semel Deo dicata publici juris sunt, cap. *Noverint*, 10. q. 1. & l. *In tantum*, §. *Sacra*, D. de rer. diuis. & l. *Ædes sacra*, D. de contrah. empt. & Instit. de rer. diuis. §. *Locus*.

VIII. Postremò quaritur, utrum sine simonia vendi possit terra ad sepulturam? Quauis terra ad sepulturam benedicta censeatur inter res antecessenter spiritualibus annexas, quarum materia, quæ adhuc superest, antecessit qualitatē illam, seu accidens spiritualitatis; atque ita videatur idem in hac parte statuendum, quod de Calicibus & Altaribus consecratis, quæ fatentur omnes propter eandem materiam pretio æstimabilem vendi posse; attamen vendi sepulturas multiplices prohibent Canones. Concilii Meldensis canon 72. hoc fieri districte vetat. Item canon *Quæstæ est*, cum tribus canonibus seqq. 13. quæst. 2. & caput *Abolende*, de sepult. & caput *Autivimus*, de simon. Quin Legislatores sapienter perspexerunt, sepulturam esse ultimum Christianæ pietatis officium, & maximè odiosam fore Sacerdotum avaritiam, si exinde quæstum captarent. Cæterum si quis sibi suisque hæredibus velit Sepulturæ locum ita proprium acquirere, ut non sit deinceps liberum aliorum Fidelium corpora eo inferre, tunc ratio prohibitionis canonice cessat, propter peculiare, & cum aliis incommunicabile dominium loci, atque sub hac ratione pretio rationabili vendi posse locum sepulturæ docent Suarez de Relig. tract. 3. lib. 4. cap. 14. num. 18. & seqq. Reginaldus lib. 23. cap. 16. num. 22 & alii. Sicque usus ubique receptus obtinet. Ratio liquet, quia debitæ sepulturæ denegatio, quam urget canon *In Ecclesiasticis*, 13. q. 2. non secum involvit perpetuam & hæreditariam dominii transpositionem, neque ipsius ad alicujus personæ aut familiæ servitutem perpetuam; quæ quidem obligatio & servitus nullatenus est ad debitam & Ecclesiasticam Fidelium sepulturam necessariam, cum possit cadaver aliquod terræ mandari, eadem remanente terrâ sub dominio & potestate Ecclesiæ; illa verò perpetua servitus, & dominii alienatio est proculdubio pretio æstimabilis.



C A P U T VII.

Utrum simonia committatur in pensionibus Beneficiorum? Jura quoque harum pensionum discutiantur, necnon Ecclesiasticarum dispensationum.

- I.  AM hinc quaeritur qua ratione Papa possit absque delicto simoniae permittere & constituere pensiones, etiam cum obligatione illas largiore pecuniâ redimendi super Beneficiis & Episcopatibus, de quibus pleno jure providet; aut ipse per se conferat Dignitates Ecclesiasticas & Beneficia cum pensionum obligatione in tertias personas, quæ nihil unquam juris habuerunt circa Dignitates illas aut Beneficia? Multa quidem speciem mali habent, & multis in Ecclesia malis & abusionibus causam præbent, & præstaret nunquam introducta fuisse; sed ex quo introducta sunt, magnum sibi Theologi & Canonistæ laborem præscribunt, & diverticula tenuissimarum rationum hinc inde perquirunt, quibus illa semel introducta justificari posse videantur: cum tamen satius foret præjudicia viciâ facilitate, aut etiam per adulantium & Partibus addictorum quorundam Curialium Doctorum consilia & suggestiones introducta nunquam de cætero in consequentiam vel exemplum proponi, sed quamprimum aboleri. Diversi ergo diversa respondent. Quidam existimant, Papam nullam posse committere simoniam, & quidquid ejus permissu sit, eo ipso ab omni simonia purgari. Alii esse rerum Ecclesiæ dominum, & proinde posse ad libitum de illis pleno jure disponere. Alii nullam contra Jus Divinum esse simoniam, nisi præcisè intendatur ratio pretii circa illam Beneficii partem quæ spiritualis est; ratione autem motivi conferre pecuniam, pro Beneficio, non esse Jure Divino, sed tantum Canonico prohibitum, sed isto Jure Papam non astringi. Aliis placet ad solum Sanum Pontificem pertinere jus ac potestatem sejungendi à spiritualibus ea quæ sunt spiritualibus annexa temporalia, tum in re beneficiaria, tum in aliis quibuscunque rebus; atque ista temporalia ita sejuncta posse sub eadem autoritate quâ fuere sejuncta, tradi pecuniæ interveniu. Cæterum opiniones istas satis superque refutavi hujusce libri cap. 1. & cum S. Thoma probavi Papam & peccare posse delicto simoniae, eundemque non esse dominum, sed tantum dispensatorem

pensatorem à Domino Deo constitutum rerum Ecclesiæ, reddendæ rationi bonæ aut malæ dispensationis obnoxium apud Deum, à quo constitutus fuit. Vide S. Thomam 2.2. quæst. 100. art. 1. ad 7. Hoc insuper probavi initio libri, omnem pecuniæ contributionem ad Beneficia consequenda, directe opponi tam divinæ & naturali, quàm canonice & Ecclesiasticæ prohibitioni.

II. Itaque ad stabiliendam illam in Summo Pontifice potestatem circa Beneficiorum & Dignitatum diminutiones pro constituenda clericali pensione in alterius gratiam, sufficit non esse Jure Divino prohibitam, quando justa & rationabilis causa suadet: sed ubi non subest justa causa in his dispensandis, peccare tum ipsum Summum Pontificem, tum illum qui ex hac dispensatione lucrum percipit, eo quod non fuerit fideliter & ad mentem supremi omnium Domini dispensatum; quemadmodum Sanctus Bernardus innumeris locis, tum in libris de consideratione ad Eugenium Papam, tum in suis passim epistolis, tum in tractatu de præcepto & dispensat. applicat Summo Pontifici illud Pauli Apostoli: *Item hic queritur inter dispensatores, ut fidelis quis inveniat.* Idemque Apostolus testatur datam sibi à Domino potestatem in ædificationem, & non in destructionem, 2. Cor. 13. Talis esset, exempli gratiâ, pensio super proventus Episcopatus unius ad gratificandum alteri Prælato prædixi, & in Aula sive Apostolica, sive Regali magni non consequuto favorem, quique nullum speciale jus ad illum sic oneratum Episcopatum habuerit. Talis enim dispensatio sacrilega est & mera rerum Ecclesiæ dissipatio ad gratificandum luxui & ambitioni seculari, vel avaritiæ hominis, qui vel uno ex his vitiis se planè arguit indignum omni Prælatura & Ecclesiastico Gradu. Sed ubi pensio applicaretur necessitatibus Ecclesiæ, aut alimoniis pauperum, aut reservaretur ad vitam resignantis in favorem, aut constitueretur in ejus gratiam qui studio pacis transigit in lite mora super Beneficio; itemque in mutua Beneficiorum habentium inæquales proventus permutatione, ut statuta pensione illa inæqualitas compensetur: his certè casibus Superior dispensans nullo modo peccaret, quia tunc justæ & rationabiles causæ id suaderent. In hoc similiter licitarum super Beneficiis pensionum genere illæ sunt quæ reservantur ad victum Coadjutoris constituti in locum provisi de Beneficio, qui præ animi, vel corporis infirmitate non potest munera & officia quibus obstrictum est Beneficium exercere. Sed plenius de pensionibus egi supra, libro 2. cap. 13. quod Lectorem remitto.

III. Quædam sunt etiam Divini Juris obligationes, non omnes utique, sed illæ solæ quibus nemo adstringitur nisi dependenter à propria & libera hominis electione, à quibus Ecclesia ad salubre animarum regimen accepit non à seipsa, sed à Christo Domino potestatem ex justa & rationabili causa dispensandi, in his verbis contentam: *Quodcumque solveris super terram, erit solutum & in cælis.* Hoc enim præsertim necesse est ad regimen

ment animarum quod primariis Ecclesiæ suæ Pastoribus Deus contulit, habita ratione infirmitatis & invariabilitatis humanæ. Frequenter enim contingit ut homines insolito quandoque fervore, nec satis prævisis quæ postmodum se exerent difficultatibus & incommodis, adstringant se religione voti satis quidem voluntariè, sed non satis providè aut consideratè: unde in eas prolabantur angustias, ex quibus si Ecclesiæ miseratio ac potestas illos per dispensationem aut commutationem aliquam non expediat, æterna illorum salus ex animi desperatione, aut inconstantia infirmitateque deplo-rata sit. Neque habent hac in parte Novatores hæretici unde Sanctæ Christi Ecclesiæ insultent, quasi sibi jura divinitatis usurper; cùm ipsi omnia Orthodoxorum vota & supererogationis opera despiciant, & violanda esse doceant: eorumque Patriarchæ post integri anni probationem & deliberationem, nuncupata Deo solennia vota audacissimè effregerint, & adhuc videamus effringere libidinis effrenatæ stimulis percitos, *habentes damnationem, manifesto Apostoli testimonio, quia primam fidem fregerunt.* 1. Timoth. 5. *Adolescentiores* (inquit) *viduas devota: cum enim luxuriata fuerint in Christo, nubere volunt, habentes damnationem, quia primam fidem irritam fecerunt.* Jus itaque divinum duplex spectandum est; unum quidem quod omnes indiscriminatum homines adstringit, quale est falsos Deos non colere, non pejorare, non adulterari, Superioribus subesse, Deum venerari, proximo in necessariis opitulari. Hæc & similia nullam admittunt dispensationem Ecclesiasticam. Aliud verò genus neminem adstringit nisi eos qui se propria libertate & spontaneè devinxerunt, religiola scilicet pollicitatione apud Deum; cùm ejus tota materia non nisi in supererogatoriis operibus subsistat. Atque in his dispensatione laxandis potestatem habet à Christo Ecclesia, à quo regimen accepit animarum, ut quæ ad hunc finem solverit in terris, soluta habeantur & in cælis, dummodò non temerè ac abusive, sed judicio & ratione procedat, quemadmodum debet in aliis quoque dispensationibus, cùm potestas ista collata ei fuerit, teste Apostolo, in ædificationem, & non in destructionem.

IV. Ut autem tractationem istam pensionum materia concludat, sciendum tres esse pensionum species earum quæ ex alieno Beneficio percipiuntur, scilicet temporalem, spirituales, & mediam. Temporalis est quæ datur ab Ecclesia propter aliquod ministerium temporale, sive præstitum, sive præstandum Ecclesiæ: ut si pensio ex Beneficiis vel Decimis præstetur alicui Principi ad hoc ut suis armis tueatur Ecclesiam adversus Infideles; aut Oeconomo negotia Ecclesiastica gerenti, aut Advocato pro Ecclesia patrocinanti, aut procuratori ad lites. Spiritualis est quæ fundatur in ministerio merè spirituali, qualis est quæ datur Coadjutori Episcopi, vel Parochi. Media est quæ in causâ quidem spirituali constituitur, non tamen refertur ad præstandum officium spirituale, qualis est quæ inopi Clerico ad vitæ sustentationem conceditur. Harum trium prima species est

laïca,

laica, reliquæ duæ Ecclesiasticæ. Ad has iusta requiritur causa, sine qua ii qui obtinent, peccant etiam si cum eis Papa dispensaverit, ut docet Toletus lib. 5. cap. 73. Lessius lib. 2. cap. 34. dub. 38. num. 204. eaque communis est Theologorum sententia, duce S. Thoma 2. 2. quæst. 100. art. 1. ad 7. qui æquiparat peccatum ejus qui pecuniam accipit à dispensatore aut procuratore, quem scit malè commissam sibi pecuniam dispensare, cum eo qui sine iusta causa quæ vergat in Ecclesiæ commodum aut utilitatem, recipit pensionem Ecclesiasticam ex Papæ dispensatione.

V. Pensio laica quæ propter aliquod ministerium temporale tribuitur sive laico, sive Clerico de Ecclesiæ, potest redimi, atque etiam pretio vendi sine simonia; nec ulla datur conditio personæ, etiam Sacerdotis, si tribuatur pro ministerio merè temporali, qualis est pulsatio campanarum, aliquorum negotiorum gestio. At verò pensio clericalis, quæ non nisi Clerico dari potest, & traditur pro officio spirituali, non potest vendi, ac pretio commutari citra simoniam. Et præclare dicit Toletus lib. 5. cap. 83. num. 2. *Sicut Papa cum dispensat in voto non facit hominem securum in conscientia, nisi causa adsit, ita in pensionum & Beneficiorum distributione. Causa autem hac debet esse in utilitatem Ecclesiæ, cujus sunt bona: si enim ullâ viâ in Ecclesiâ hujus, vel Universalis utilitatem tendat, non est causa legitima.* Hæc Toletus.

VI. De onere imposito vel imponendo in renunciatione Beneficiorum aut Dignitatum Ecclesiæ, ut resignatarius, aut quicumque de novo provissus teneatur annuam pensionem oblatâ protinus integrâ summâ redimere atque extinguere, quanvis fortasse moriturus sit eodem ipso anno, eodemque per ejus mortem, quæ omnia solvit, extinguere pensionem necesse sit; & quanvis alia hæc succurrat ratio, quia pensio clericalis quæ in vim Bullæ Pii V. quæ incipit, *Ex proximo*, editæ anno 1571. pensiones super Beneficiis, & aliæ quæcumque Ecclesiasticæ factæ fuerint Juris sacri & spiritualis, atque ex consequenti non possint in pactionem pecuniariam deduci, ne quidem in Gallia, ubi videmus hanc Pii Bullam vigere & servari ab omnibus qui timoratae sunt conscientia: his tamen sacris repagulis non obstantibus, illi qui apertâ nundinatione suos Episcopatus & Præbendas lubenter venditioni exponerent, nec alia impediuntur ratione quam quia id sibi successurum desperant, excogitarunt demùm novam varietatem, cujus nullum est in toto Jure Canonico vestigium, ut scilicet impositioni annuæ pensionis adjungatur obligatio illius vel statim, vel paulò post extinguendæ, oblatâ illa summâ multò copiosioris pecuniæ, quo pretio cupivissent Episcopatum aut Præbendam vendere, nisi pudor aut desperatio successus obstitisset. Cæterùm id ipsum quod simpliciori & directâ viâ non succederet, id moluntur & obtinent per ambages & viâ circuitum, superadjuncto ad vitium simoniæ altero calliditatis hominibus illudentis vicio per excogitatam istam factæ pensionis per

X x x septuplo

septuplo ampliorem pecuniam simul & semel extinguendæ obligationem, ut his postremis seculis evidentius quàm olim verihetur sancti Davidis querimonia ista: *In circuitu impij ambulant.* Certè duo meritissimi Cardinales inter eruditissimos præcipui, diuque in Romana Curia versati, Caietanus opuscul. 16. quæst. 10. & Toletus lib. 5. cap. 92. num. 2. constanter affirmant illum esse simoniacum, quicumque cedit alteri Beneficium cum pensionis onere, addito pacto ut statim pensio redimatur; qui nunc abusus est usu in Curia frequentissimus. Quavis idem Toletus admittit licitum esse ex postfacto, & præter habitam ab initio conventionem, si successu temporis Partes inter se convenient libertate mutua spontanea, ut extinguatur pensio solutione quinque annatarum, irrequisitis etiam Summi Pontificis aut Ordinariorum approbatione: quâ tamen in re neminem Toletus suffragatorem habet.

VII. Idemque nunquam satis laudatus Cardinalis Toletus, qui ex omnium Theologorum sententia damnat simoniæ omnem super Beneficii etiam à Summo Pontifice constitutam pensionem, nisi iustâ & rationabili causâ nitatur, & hanc causam asserit in ipsius Ecclesiæ, cujus sunt bona, utilitatem necesse esse provenire, his verbis concludit libri 5. caput 83. *Secundò requiritur modus, ne tot cumulentur pensiones ut sustentationem excedant convenientem hominis. Unde mirabilis est abusus eorum qui multis hinc inde se onerant pensionibus, cum unde vivere possint pro conditione sua habeant. Et quod pejus est, nulla ad istam causam propter quam vel unam possint habere; quibus vix potest persuaderi, ut vel minimum pensionem à se expellant, sed morte coguntur male possessa & retenta dimittere.* Tam frequens est hic abusus, & quod ex illo sequitur animarum exitium, ut nunquam satisfacere, vel deplorari à pijs & sanctis hominibus possit, quos cum Rege Propheta zelus domus Domini comedit, & cum eo diligunt decorem domus Dei: domus, inquam, illius quam decet sanctitudo in longitudinem dierum. Idemque Toletus d. lib. 5. cap. 81. num. 4. ait dispensationem Papæ valere in foro externo, sed nullatenus in foro conscientiæ, nisi nitatur iustâ causâ utilitatis aut necessitatis Ecclesiæ. Eadem asserit Caietanus verb. *Beneficium*, num. 9. & ante hos sanctus Bernardus lib. de consideratione cap. 10. *Ubi necessitas urget, dispensatio excusabilis est: ubi utilitas provocat, dispensatio laudabilis est: utilitas dico communis, non propria; nam cum nihil horum est, non planè fidei dispensatio est, sed crudelis dissipatio.* Hæc S. Bernardus secundum alteram editionem lib. 3. de consideratione, versùs finem.



CAPUT VIII.

Simoniacorum poena canonica.

I. **P**ŒNÆ quas simoniaci Canones infligunt, tres distinguuntur in Extravaganti *Cum desestabile*, de simonia. Prima est censuræ, nimirum excommunicationis latæ sententiæ, quæ ipso facto incurritur à particularibus; & suspensionis ab Ordinum exercitio, cum utriusque poenæ reservatione ad supremam Sedem. Secunda est invaliditatis actus simoniacè facti, quod spectat ad Beneficii aut pensionis Ecclesiasticæ collationem, ut teneatur sic provisorius Beneficio quamprimum aut clericali pensione se absolute abdicare, omnesque perceptos à se fructus restituere. Tertia est onus restituendi pretium, de quo infra tract. 6. tit. 9. Mediatores item simoniæ eadem censurâ Papæ reservatâ ligantur, si realiter completa simonia fuerit in Beneficio, vel in Ordine, aut etiam in Religionis ingressu, sicubi viget Extravagans *Sanè*, de simon.

II. Porro simoniacorum poenæ canonica, præsertim verò excommunicatio, non habent locum nisi ex quo simonia ab utraque parte completa fuerit reipsa, hoc est ut ex una parte datum fuerit pretium simoniacum, sive in totum, sive etiam ex parte; & contributa fuerit altera ex parte res spiritualis ac sacra. Unum enim horum sine altero minime sufficit ad hoc genus poenæ. Ita docent Gomeſius in regul. Cancellariæ de trien. quæst. 12. Navarra Manual. cap. 23. num. 104. ambo asserentes hanc esse praxim & stylum Romanæ Curie & Rotæ, ut Beneficium simoniacè receptum non vacet ipso jure, & qui sic provisorius fuit, non sit excommunicatus; & si fortè Sacrum celebret, non evadat irregularis quandiu pollicitum pretium non fuerit saltem pro parte exsolutum, quanvis ob eam culpam jussè possit per Judicis sententiam excommunicari, aut privari malè parto Beneficio. Filiucius quoque qui tot annos Romæ docuit & scripsit, affirmat hanc pariter esse Romanæ Poenitentiarie praxim. Zerola quoque parte 1. verbo *Simonia*, num. 7. & Bonacina tract. de simon. disput. 1. quæst. 7. puncto 2. num. 25. aliquè communiter docent, posse in conscientia retineri Beneficium ab eo qui ut illud obtineret, pactus fuerat de pretio, quod tamen realiter non solvit, neque promissis ille.

III. Si quis bona fide Beneficium obtinuit alieno interventu, ignorans excommunicationem pro hac re ab altero commissam, jurebitur Beneficio triennialis possessionis pacificæ, si integro triennio hujus simoniæ notitiam non

XXX 2

habuerit.

habuerit. Gomeſius ad regul. de trien. poſſeſſ. quæſt. 12. Rebuffus tract. de pacific. poſſeſſor. num. 241. Bonacina de ſimon. diſp. 1. quæſt. 7. §. 2. num. 14. Sed nondum dilapſo triennio, ex quo proviſus ſimoniacè iſtam ſimoniam ſe inſcio factam reſciverit, tenebitur purè reſignare, præterquam duobus caſibus. Primò ſi ea ſimonia ab altero facta fuerit malicioſè ad inſimandam Beneficii futuram collationem. Secundò ſi is qui ſic proviſus fuit, expreſſè admonuerat ne ad hunc finem ulla fieret pecuniaria conventio, cap. *Nobis fuit*, & cap. *Sicut tuis literis*, de ſimon. Utrouque ex his duobus caſibus proviſus nulla indiget diſpenſatione, quia Jus ei ſufficienter providit. Verumtamen qui citra duos caſus iſtos ignorans alterius pro ſe factam ſimoniam fuerit bona fide proviſus, ſed ante exactum triennium ſimonix huius notiſiam habet, poterit à proprio Epifcopo diſpenſari, quanvis pretium ſimoniacum fuerit ab altero line proviſi culpa perſolutum, & ſic à ſuo Ordinario rehabilitatus poterit de novo provideri de eodem Beneficio citra recurſum ad Papam. Ita Guillelmus Durandus Speculi Juris lib. 2. tit. de diverſis ſententiarum formis, num. 50. Joannes Andreas ejus Commentator ibid. Navarra conſil. 97. num. 5. de ſimon. Zerola parte 1. de ſimonia, num. 4. & parte 2. eod. tit. num. 4. Deſelva, cæterique communiter. Quin etiam Gloſſa hoc idem docet in cap. *De ſimoniacè*, & cap. *Ex inſinuatione*, de ſimon. Licèt igitur caput *Nobis fuit*, in fin. eod. tit. neger poſſe per Epifcopum in facta electiōe ſimoniacā diſpenſari, hoc eſſe intelligendum Gloſſa docet de ſimonia quam proviſus reſcivit & ratam habuit. Secus autem ſi bona fide ignoraverit, ut facilè colligitur ex d. cap. *De ſimoniacè*. Sed nihil eſt opus Doctorum deciſiones ſcrutari, ubi Canones ipſi decernunt. At verò Canon 3. Concilii Placentini Generalis, cui Urbanus Papa II. præſedit, & refertur can. *Si quis de ſimoniaciſ*, 1. quæſt. 1. decernit, inquam Placentinus Canon 3. *Si quis tamen à ſimoniaciſ non ſimoniacè ordinati ſunt, ſi quidem probare poterint, ſe cum ordinarentur, eos neceſſè eſſe ſimoniacos, & tunc pro Catholicis habebantur in Eccleſia, talium ordinationes miſericorditer ſuſtinemus; ſi tamen laudabiliter eos vita commendat.* Deinde Canon qui ſequitur quartus hæc addit: *Qui verò ſcienter ſe à ſimoniaciſ conſecrari, imò exſecrari paſſi ſunt, eorum conſecrationem omninò irritam eſſe decernimus.* Et demùm qui ſequitur Canon 5. ita conſtituit: *Quicumque ſanè cupiditate parentum, cum adhuc parvuli eſſent, Eccleſiaſi, vel Eccleſiaſiarum partes per pecuniā adepti ſunt, poſtquàm eas omninò dimiſerint, ſi canonicè in eis vivere voluerint, pro miſericordiā ibidem eos eſſe concedimus; neque pro hoc factò à ſacris Ordinibus removemus, ſi inveniantur aliàs digni.* His ſuccinit caput *De ſimoniacè*, de ſimonia. *De ſimoniacè ordinatiſ certum non poſſumus dare reſpoſum, niſi plenius cognoscamus qualiter fuerint ordinati; cum quidam licèt ſecundum quandam ſpeciem ſimonia, utpote ſimoniacè, ipſiſ ignorantibus ordinemur, poſſunt, quia ſimoniaci non ſunt, in ſuis Ordinibus remanere.* Concilium itaque Placentinum ſic diſtinguit de iis qui innocenter Ordines,

aut

aut pari ratione Beneficium innocenter per aliorum à se ignoratam simoniam, aut per simoniacum Collatorem, sed ut talem à seipſis ignoratum ſuſceperint, ut Ordines quidem, cùm ſint inamovibiles, retineant, eiſque uti permittit; ſed Beneficium, cùm ſit amovibile, ſimpliciter reſignent. Idque aperte ſignificatur hiſ Concilii verbis, *Postquam eam omninò dimiſerint, ſed mox ſenectiore collatione de novo reſumant.*

I V. De penſione clericali certum eſt quidem materiam eſſe ſimoniz ei qui pretio illam in alterum transfert, aut per anticipatas ſolutiones privata autoritate extinguit. Sed controverſia eſt inter Doctores, utrum in hiſ incuratur excommunicatio? Reſpondeo cum Navarra cap. 23. n. 111. Suarez de Relig. tom. 1. lib. 4. cap. 55. num. 22. Leſſio lib. 2. cap. 35. dub. 25. num. 137. Reginaldo lib. 23. cap. 12. num. 175. cæterisque communiter, non incurri cenſuras in penſionibus. Non enim pœnz ſunt ampliandæ ultra caſus à jure expreſſos, ſed potiùs reſtringendæ, cap. *Pana*, de pœnit. diſt. 1. cap. *Odia*, de reg. jur. in 6. l. *An ſacta*, §. ult. D. de pœnis. Et nomine Beneficiorum non comprehendì ſolent penſiones temporales ſuper Beneficiis impoſitæ.

V. Item quæritur de Prælaturis Regularium, ut ſunt Abbatum, Priorum, Guardianorum, Provincialium, aut Generalium, quæ non conſiſtunt in commiſſione ad nutum revocabili, ſed per electionem aliâmqve providendi rationem alicui tanquam munus ordinarium deferuntur, utrum ſimonia in hiſ completa. & realis, perinde ac in Beneficiis inducat nullitatem actus, obligationem ad dimittendam Superioritatem. & excommunicationem Papæ reſervatam. Reſpondendum ad hæc ſingula affirmativè, non modò quia eadem eſt ratio quæ in Beneficiis, aut quia hæ quoque Superioritates haud improprie inter Beneficia computantur; ſed etiam quia Extravagans *Cum deſteſtabile*, de ſimonia, hæc perſpicuè decernit hiſ verbis: *Per electiones verò, poſtulationes, confirmationes, provisiones, ſeu quaſvis alias diſpoſitiones, quas ſimoniacà conigeris labe ſeri, & qua viribus omninò careant in Eccleſiis, Monaſteriis, Dignitatibus, Prioratibus, Officiis Eccleſiaſticis, & quibuſvis Beneficiis.* Eademque Conſtitutione Paulus Papa II. ſimoniz realis crimen in hiſ commiſſum à quocumque, etiamſi Cardinalitâ, vel Regali dignitate fulgeret, reſervat ſolius Apoſtolicæ Culminis abſolutioni. Ita docent Caietanus in Summula, verbo *Excommunicatio*, cap. 72. Armilla verbo *Excommunicatio*, cap. 59. Navarra cap. 23. num. 111. verſic. *As nullus ſimoniacus*, & cap. 27. num. 106. Suarez de Cenſuris, diſputat. 22. ſect. 5. num. 24. Leſſius lib. 2. cap. 35. dub. 25. num. 137. Qui omnes aſſerunt, valere hanc Conſtitutionem quoad ſupradicta, & quoad eaſdem pœnas excommunicationis, quas declarat incurri ab hujus ſimoniz mediatoribus; ſimulque aſſerunt illas Regulares Prælaturas inter Beneficia rectè computari: verba verò Extravagantis *Officiis Eccleſiaſticis*, ſi de aliis quàm illis electivis aut fixis Beneficiis, ſed in ſignificatione ſtrictiori & communi intelligantur,

non esse usu & consuetudine recepta. His consequenter iidem Authores qua parte Extravagans illa distinctè injungit iis qui resciverint hanc factam alicubi simoniacam pravitatem, ut admoncant hujus facti Summum Pontificem, asserunt non esse usu receptam, nec ad id obligari ullum, nisi fortè sit Curialis Sedis Apostolicæ. Eadem Extravaganti declarantur omnes qui Beneficia aut Regulares Prælaturas per simoniam adepti fuerint, sub animæ suæ periculo adstricti obligatione fructus omnes quoscunque inde percepserint restituendi. His assentitur Bonacina tract. de simonia, disp. 1. quæst. 7. §. 2. ubi hanc materiam multò solidiùs pertractat quàm in alio tractatu suo de Censuris in particulari, disp. 2. q. 3. punct. 24. ubi opposita quædam concludit contrarius sibi, & allegat Doctores quos ego exactè legens adverti planè oppositum docere quàm ipsis Author hic attribuat in hoc posteriore tractatu. Nec id vitio vertendum viro erudito, & de Ecclesia optimè merito.

V I. Extravagans 1. de simon. inter communes, declarat ipso facto incurri à singularibus personis dantibus & accipientibus, vel exigentibus pastus, jocalia, pecuniam pro Religionis ingressu excommunicationem; à Capitulis autem & Conventibus suspensionem ipso facto incurri, cujus utriusque vinculi solvendi extra mortis articulum potestas sit penes solum Romanum Pontificem. Sed hanc poenalem Constitutionem non recipi docet ipsa ejusdem Extravagantis Glossa, & quamplurimi veteres & recentiores, quotquot docent excommunicationes de simonia ad solas restringi Ordinationes & Beneficia.

V I I. Simonia in materia Beneficii omni ex parte completa facit reum inhabilem ad idem Beneficiũ. Disputatur an privet aliis pariter Beneficiis antea ritè obtentis? Item an reddat incapacem ad alia in futurum obtinenda? Quoad Beneficia legitime antea obtenta tenendum est non vacare per simoniam supervenientem; nulla enim talis poena in Jure hac in parte exprimitur, neque fieri in poenalibus permittitur extensio ab una delicti specie in alteram, juxta textus suprà citatos, num. 4. Ita concludunt Suarez de religione, tom. 1. lib. 4. cap. 56. num. 19. & cap. 58. num. 3. Avila de censuris, p. 3. disp. 5. ad fin. Bonacina de simonia, disp. 1. quæst. 7. puncto 2. diff. ultate 1. num. 1. & 2. ubi pariter hanc excludit poenam ab anterioribus actibus ad acquirendum Beneficiũ ordinatis, ut electione, præsentatione. Aded ut si electio, aut præsentatio puræ sint à simoniæ labe, sed subsequens collatio facta sit per simoniam, ipsa quidem collatio sit nulla & invalida, sed præcedens tamen electio & præsentatio validæ perseverent, quo fiat ut post obtentam à collatione simoniaca dispensationem nullatenus opus sit nova electione, vel præsentatione, sed solum nova collatione.

V I I I. Idemque Bonacina tract. de suspension. in particul. disp. 3. quæst. 1. punct. 5. n. 13. & inter Canonistas Folinus in cap. *Infirmatum* de simon.

simon. Abbas in cap. *Cum Clerici*, de pactis num. 2. Ugolinus de simon. tab. 1. cap. 19. & Gallicani Doctores Gregorius Tolosanus instit. benefic. cap. 26. num. 2. Papo tom. 1. Notariorum, lib. 2. pag. 90. Pastor lib. 3. de benefic. tit. 18. num. 17. Bengueus de simon. in benefic. num. 43. secus de Beneficiis post simoniam acquisitis iudicant. Cum enim admittant nullatenus vacare antea legitimè acquisita Beneficia, consentiunt tamen quæcunque acquiruntur post excommunicationem Beneficia, necdum obtenta dispensatione ac rehabilitatione à Summo Pontifice, nullatenus teneri posse, eorumve fructus percipi, sed perceptos esse restituendos; Beneficia verò ipsa vacare ipso iure, Extrav. *Cum detestabile*, de simon. iunctis Constitutionibus Pii IV. & Pii V. quas in hoc Regno usu recepras testatur ibidem Pastor. Junge his can. *Erga simoniacos*, 1. quæst. 1. quo statuitur simoniacos esse omnino deponendos. Ratio petitur ex incapacitate quam producit præcedens simonia.

I X. Verumtamen sublato per absolutionem illo incapacitatis obice, tum demum debetè absolutus capacitatem recuperat ad nova Beneficia, juxta Martinum Navarram consil. 91. num. 5. & consil. 92. de simonia: & Petrum Navarram lib. 2. de restitutionib. cap. 2. num. 435. & seqq. Suarez de Religione tom. 1. lib. 4. cap. 58. ad fin. & plerisque alios dicentes ipsam Pii V. Bullam nec in ipsa Italia esse receptam quoad istam quam continet clausulam: *perpetuò sit inhabilis ad quæcunque alia Beneficia obtinenda*. Sed ne huic Bullæ præjudicium fiat, nego eam esse intelligendam de interno, seu conscientie foro, secundum quod semel debetè absolutus pristinam resumit capacitatem ad Beneficia futura, quanvis omnino excidat à Beneficiis vel simoniacè, vel durante simoniaca labe acceptis, nisi specialiter cum eo dispensatum sit à Suprema Sede. Quod ergo Bulla hæc de solo externo seu contentioso foro sit exponenda, perspicuum faciunt hæc ejus verba: *Quicumque detestabile crimen simoniacæ pravitatis commisisse convictus fuerit*. Nec ullatenus obstat Bonacinæ objectio ista, quod in dispensationibus Romanæ Pœnitentiariæ solet plerumque apponi clausula dispensans occultos quoscunque simoniacos circa istam ad futura Beneficia inhabilitatem. Stylus enim Scribarum & Notariorum vim juris nullam habet. Et sæpenumero clausulæ superflue apponi solent, vel ad excludendos injustos litigantium cavillos, aut ad sedandos cumulatius hominum scrupulos, aut ad largius captandum lucrum ab iis quorum requisitioni conceditur expeditio.

X. Quod attinet ad simoniacam in Beneficiis confidentiam, sciendum primò istiusmodi confidentiam esse conventionem, sive tacitam, sive apertis verbis expressam, ut qui Beneficium recipit, illud ipsum posthac in aliam certam personam transferat, aut Beneficii fructus ab alio percipi sinat. Pius Papa IV. multa constituit ad istam reprimendam perversitatem, quæ successor ejus Pius V. confirmavit & ampliavit per Bullam anni 1569. quæ

quæ incipit *Imolerabilis*. Hic observandum cum Navarra Manual. cap. 23. num. 108, & 109. his duabus Constitutionibus nihil prohiberi quod jam antea non fuisset prohibitum; atque ita non esse illicitam aut vetitam confidentiam, quâ quis sine ulla pactione confidit Collatorem collaturum renunciatum Beneficium ei cui renuncians conferri desiderat, vel supplicat; aut Patronum nullo adhibito pacto præsentaturum ad id cui renunciatur Beneficium. Eademque ratione non est prohibitum conferre Beneficium, vel procurare citra pactum ullum ut conferatur alicui ea intentione & spe, quod is aliquando cedet in favorem alterius à se nominandi, vel sui ipsius conferentis aut procurantis, dummodo nullum pactum, nullusque conditio adjiciatur. Quæ cum licita sint attentò jure antiquo, nullatenus evasere illicita per has geminas Constitutiones. Ita ferè loquitur Navarra, cui reliqui suffragantur Doctores. Nullà itaque superadditâ prohibitione novâ, tantum novæ imponuntur, & graviores quàm olim pœnæ ab utroque Pio infliguntur reis simoniacæ confidentiæ.

XI. In primis enim duabus his Constitutionibus utriusque Pii statuitur, ut simul atque aliquis accipit Confidentiarie Beneficium, antequam promissa impleat, sit jam inde ipso jure excommunicatus, adeoque collatio ei facta nulla sit Ipso jure, teneaturque renunciare Beneficio, & restituere quoscunque de illo fructus perceperit; cum tamen suprà viderimus has pœnas non incurri in simonia beneficiaria, nisi postquam utraque ex parte simonia completa fuerit. Præterea reservantur solius Apostolicæ Sedis collationi & dispositioni Beneficia collata & accepta in confidentiam nondum ex utraque parte completam; cum tamen simonia realis Beneficiaria, etiam ex utraque parte executioni mandata, non auferat Ordinario potestatem conferendi, neque reservet Papæ. Potest enim simoniâ utrimque completâ simoniacus renunciare in manus Ordinarii; hic verò sic renunciatum Beneficium conferre cui libuerit. Quare monent providè Navarra, Lessius, aliique, ut sibi caveant qui Beneficia per confidentiam vacantia accipiunt per Ordinarios collationem; non enim jure illa possident. Sed tamen in Galliæ Regno nulla hujus rei habetur ratio, ejusque perpetua inobservatio jus habet præscriptæ consuetudinis. Insuper cum paulò antè docuerim simoniam beneficiariam non privare ipso jure aliis Beneficiis antea legitimè obtentis, neque inhabilem facere ad Beneficia post absolutionem obventura, secus evenit in confidentiariis; deperdunt enim Beneficia antea quæsitâ, & prorsus inhabiles fiunt ad futura in perpetuum, nisi specialiter hac de re cum eis dispensetur, saltem sicubi pars illa præfatæ Bullæ Pii V. recepta sit. Insuper fructus Beneficiorum per hujusmodi confidentiam acquiritorum, & pensionum confidentiariis constitutarum reservantur Cameræ Papæ ab ipso die collationis & constitutionis; quod est notandum (ut inquit Navarra) quo eis consulatur qui hac in re deliquerunt.

XII. Porro

XII. Porro Papæ reservatam excommunicationem simul incurrunt resignans per confidentialem conventionem, & resignatarius, & mediator, juxta Extrav. *Cum desestabile* 2. de simon. Ita censet Navarra cap. 23. num. 110. vers. *Undecimò quod mediator*: Lessius lib. 2. cap. 35. dub. 26. num. 147. Stephanus Quaranta verb. *Simonia*, fol. penult. vers. *Est & alia pœna*. Licet enim Pii Constitutiones adversus confidentiam loquantur quoad incurrendas pœnas de solo recipiente; quia tamen confidentia est quædam species simoniæ in Beneficio, statuendum videtur, omnes hujus criminis reos & participes subijci pœnis generalibus, quibus à jure communi afficiuntur simoniaci circa Beneficia: pœnales enim novæ Constitutiones non abolent antiquas, nisi eis palam derogent. Secus tamen sentiendum circa Beneficiorum quorumcunque, aut pensionum vacationem. Hæc enim pœna non decernitur à jure communi & veteri contra resignantes, nisi ratione solius Beneficii per realem simoniam resignati: & aliunde Constitutiones Pii IV. & V. pœnas novas non superaddunt ratione confidentiæ, nisi contra solum illum qui per confidentiam prohibitam recipit Beneficium, ut ex earum lectione perspicuum est, & speciatim ex verbis istis: *Omnes & singulos qui Beneficia aut pensiones hoc intercedente viro receperint*. Itaque jacturæ cæterorum Beneficiorum atque pensionum & officiorum reliquorum, & inhabilitati in futurum perpetuæ soli subijciuntur recipientes, non autem resignantes sub pactione confidentiali, aut ad id cooperantes. Verumtamen neque ista excommunicatio, neque cæteræ hîc expressæ pœnæ incurruntur ab illis qui Beneficia in confidentiam receperint, dummodò statim ad se reversi & resipiscentes celeri dimissione malè accepti Beneficii sibi prospexerint, ut expressè decernit ipsa Pii V. Constitutio.

XIII. Altera nascitur difficultas ex verbis Pii V. circa materiam confidentialem, sic dicentis: *Etiamsi solâ dimittentis intentione receperit*. Et ibidem: *Conficientiâ tantum unius Partis*. Utrum recipiens Beneficium ab eo qui cum manifestata conditione ac intentione confidentiali sibi resignat, sed resignatarius non intendit recipere in confidentiam, incidat in excommunicationem aliasque pœnas præfatæ Constitutionis? Negant incidere Navarra loco cit. vers. *Sextò quod hæc Extravagans*, Suarez de censuris disp. 22. sect. 6. num. 18. Lessius d. cap. 35. dub. 26. num. 148. Rationem dant, quia mens Legislatorum in hac parte non fuit reddere illicita, & his pœnis subijcere illa quæ antea fuerant licita. Sed antea licitum erat tale recipere Beneficium sine consensu, & sine ulla significatione consensus ad illam confidentiam; ne scilicet resignans aperta in contrarium declaratione repulsus, alium quæreret & inveniret qui prævæ ejus voluntari consentiret: atque ita utraque ex parte contra Jus Divinum graviter peccaretur, & transmitteretur id Beneficium ad indigniorem personam. Sed cum ad extirpandum confidentiarum abusum Papa diversas proferat

præsumptiones, ex quibus in externo foro judicari vellet initam fuisse utrimque confidentialem pactiōem, jubet eam ob rem ut ubi constiterit de prava offerentis intentione, conjiciatur pravam fuisse receptantis acceptationem; ideoque non dicit per hoc fieri mutuam confidentiam, sed censendam esse talem, hoc est ita præsumi velle in externo & contentioso foro. Nam in foro pœnitentiæ interiori non præsumptio, sed rei veritas à pœnitente secundum propriam conscientiam prolata prævalet.

XIV. Omnes verò unanimi consensu Authores admonent istas multiplices confidentiarii delicti præsumptiones in his Constitutionibus contentas referri ad forum dumtaxat exterius. Et utique, ut monet Suarez, iste recipiens dici non potest quod Beneficium recipiat in confidentiam, supponendo ejus mentem ab ea intentione esse alienissimam, licet alter ei det in confidentiam. Nec malitiam confidentiæ ex parte sua habet qui sic recipit, cum nec verbo, nec intentione, nec ipso facto annuat voluntati dimittentis; sed possit insuper apud Deum promereri ex pio affectu impediendi effectum confidentiæ, quam offerens cum alio libi consentiente completurus erat; modò, ut dixi, neque assensum, neque externam talis assensus significationem iste recipiens præbeat. Si verò præbuerit, quanvis sic recipiens non intendat opere id exequi quod pollicitus fuit, hoc ipso peccavit mortaliter, suoque expresso actu se complicem effecit nefariæ confidentiæ. Atque in hoc solo Bonaciniæ assentior docenti sic recipientem incidere in omnes hujus Constitutionis pœnas, tum in tractatu de simonia, disp. 1. q. 7. § 1. num. 4. tum in tractatu de censuris in particulari, disp. 2. q. 3. puncto 25. num. 5.

XV. Si objiciat quis, Ecclesiam de internis non judicare, & consensum intrinsicè malum non subiacere pœnis canonicis, argumento cap. *Sicut simoniaca*, de simon. Respondendum cum Suarez & aliis, non puniri præci: è actum internum, sed effectum externum à pravitare actus interni procedentem. Quanvis autem dimittens confidentialiter Beneficium non minùs peccet quam recipiens, non tamen pares cum recipiente pœnas sustinet, quia tota geminæ hujus Constitutionis severitas solos quos exprimit, recipientes perstringit, hac forsitan ratione, quia homines procliviores sunt ad recipiendum quam ad dandum.

XVI. Eisdem pariter subijcitur pœnis hujusce geminæ Constitutionis confidentiaria pensionis Ecclesiasticæ receptio, quibus & Beneficii, ut patet ex Bullæ Pii IV. verbis: *Omnes & singulos qui Beneficia, vel pensiones hoc in- i- rcedente visio receperunt, vel quidquid tale admiserint in futurum.*


XVII. Denique hic observa tres simoniacæ pravitatis casus inducentes privationem omnium quæ quis possidet Beneficiorum, & inhabilitatem ad futura recipienda. Primus occurrit in hac materia confidentiali. Secundus in simoniaca Summi Pontificis electione, ut statuit Concilium Lateranense sub Julio II. sess. 5. Tertius in simonia, per quam Examinatores futuro

futurorum Parochorum aliquid accipiunt, sive antea, sive post examen, ut sanxit Concilium Tridentinum sess. 24. cap. 18. de reform. Docce vero Navarra consil. 32. de simonia, Lessius lib. 2. cap. 35. dub. 26. n. 148. Laiman lib. 4. tract. 10. cap. 8. num. 73. & 74. in his omnibus non videri usu receptum, ut non teneatur quis sua Beneficia dimittere ante Judicis sententiam. De aliis Beneficiis antea canonicè acquisitis, aut de iis quæ postquam absolutus aliquis à censura fuerit, sine simoniaca, vel confidentiali culpa acquirere poterit, alii viderint. At verò de simoniacè acquisitis, vel confidentiali culpâ adeptis: itemque de illis quæ proveniunt quomodocumque, nondum ablato per absolutionem censuræ impedimento, nullatenus admittenda est tanta laxitas, quam qui introduxerit, non video qua ratione à gratia & toti Ecclesiæ perniciofa culpa excusari possit. Tum quia Canones innumeri ab exordiis Ecclesiæ ad hæc nostra tempora constantissimè ita sanxerunt. Tum quia casuum atrocitas, & hominum propensissima cupiditas, quæ innumera in Sanctuarium Dei scandala invehit, his frenis & quasi repagulis necesse est ut coerceratur. Tum quia non adeo collapsa est Ecclesiastica disciplina, quin videamus ubique ferè ista à piis & peritis animarum directoribus ex officio, & ut ad æternam salutem necessaria poenitentibus præscribi: ipsosque poenitentes, quos verus & sincerus timor Dei urget, his bona fide præscriptis remediis canonicis obtemperare. Itaque prætexi non potest universalis in oppositum consuetudo: & ubi tam exitialiter cum Ecclesia Christi actum esset, ut talis existeret, & prævaleret consuetudo, omni ope collaborandum nobis foret, ut sanctissimis, & in rebus tanti momenti absolutè necessariis Ecclesiæ regulis, quarum defectu Ecclesia Christi in speluncam latronum evaderet, pristina restitueretur auctoritas.



C A P U T IX.

De facienda restitutione rei simoniacè acceptæ.

- I.  Ut pretium accepit, sed rem spiritualement non tradidit, tenetur restituere, non quidem Ecclesiæ, vel pauperibus, id enim nullo jure constitutum est; sed eidem à quo accepit. Hic enim habet jus repetendi, quippe qui non dedit nisi sub conditione non adimpleta, & ob causam minimè sequutam, neque pretio exequendam. Caietanus in Sum. verb. *Simonia*, Navarra in Manual. cap. 23. num. 104. Bonacina citans pro hoc Doctorum catervam, tract. de simonia, disp. 1. quæst. 7. punct. 3. diff. 1. n. 1. & 2.

II. Pretium simul & simoniacè contra virtutem religionis, & injustè contra virtutem justitiæ acceptum, restituendum est illi qui inculpabiliter, neque liberè dedit, etiamsi res spiritualis fuerit eidem collata, quandoquidem res illa spiritualis eidem ex justitia gratis debebatur. Hujusmodi est pretium datum ad redimendam vexationem injustam in causa spirituali, quale est Beneficium. Item datum Parocho ad Sacramentum administrandum. Hæc aliaque similia subsunt obligationi Juris Divini naturalis, ut fiat restitutio Parti quæ pretium contribuit.

III. Jure autem Ecclesiastico nulla extat lex obligans ad restituendum pretium simoniacè acceptum, nisi per modum pœnæ, non verò in vim Juris naturalis, ut docent Suarez, Lessius, Bonacina. Et istiusmodi pœnali restitutioni consent Ecclesiam adstringere tribus casibus eos qui pretium simoniacum acceperunt. Primus est ubi pretium acceptum fuit pro collatione Beneficii, aliòve actu ad hunc finem ordinato, ut sunt electio, præsentatio, confirmatio, &c. Idque statuitur per cap. *De hoc*, de simon. Atque iste casus obligationem inducit in jure restituendi totum simoniacum pretium ipsimet Ecclesiæ, cui hæc injuria facta fuit, etiam ante omnem Judicis sententiam, quatenus hæc ibidem ratio redditur: *Quia acceptum illud sine gravi salutis sue periculo revincere non possunt.* Cum tamen constet id quod non est restituendum ante Judicis sententiam, posse interea sine ullo salutis periculo retineri. Porro istud caput versatur circa pretium simoniacum ab eo persolutum quibusdam electoribus & seculi Principibus, qui hoc modo emerat sui ipsius ad aliquem Episcopatum electionem, & qui hoc modo non tantum electionem sui obtinuerat, verum etiam confirmatà electione fuerat demùm ordinatus Episcopus, ut inde patet, quia ibi Papa illum non aliter quàm nomine Episcopi designat. Unde generaliter concludunt Doctores, acceptum pretium ab illo simoniacè contributum, qui demùm factus voti maligni compos rem spirituales, quam captabat, impetravit, non esse ei restituendum, sed ipsi Ecclesiæ, cui facta fuit tam insignis injuria. Nisi fortè obtineatur compositio à sacra Pœnitentiaria dum crimen est occultum, aut ab Apostolica Dataria, si sit publicum: aut nisi consuetudine alicubi receptum sit ut restituatur pauperibus.

IV. Secundus casus habetur in cap. *Veniens*, de simon. circa pretium simoniacè acceptum in Religionis ingressu. Ibi enim statuitur compellendum esse Monasterium quod in Religionem interveniente pecuniâ admiscerat, ut eandem pecuniam restituar illi qui admissus est (qui utique bona fide exactam à se jure consuetudinis, quam nesciebat esse illicitam, largitus fuerat) ipsique Religioso injungatur, ut aliud Monasterium in quo Deo deserviat ingrediarur. Ista Constitutione longè posteriôr Extravagans 1. de simon. his aliqua ex parte derogat. Concedit enim ut persona in Monasterium pretio ingressa ibidem permaneat, & id quod ab eadem fuerat

fuerat exactum & receptum, retineatur in Monasterio, dummodo impendatur ad communem Monasterii usum, non verò in particularem Abbatis, vel Abbatissæ. Et Lessius d. cap. 41. dub. 30. num. 169. & Bonacina d. disp. 1. quæst. 7. punct. 3. difficult. 1. num. 20. tract. de simon. ex verbis d. cap. *Veniens, ibi: Abbatem & Monachos ad restituendam pecuniam compellas, Abbatem ab officii executione suspendas, præcipias dislo Fratri ut in alio Monasterio in habitu monastico Domino studeat deservire*; concludunt non aliter decerni hanc restitutionem quàm ex Judicis sententia.

V. Tertius casus communiter allegari solet in pretio simoniacè accepto pro collatione Ordinum, vel aliorum Sacramentorum, aut sacramentalium, si res data notabiliter excedat id quod pro congrua sustentatione poterat deberi. Plerique Canonistæ docent, id quod excedit esse restituendum: sed plerique alii negant. Potest esse fortassis obligatio restituendi ex jure naturali divino, non tam ratione simoniæ quàm sit injuria Deo, quàm ratione adjunctæ adversus hominem injustitiæ, quàm compellitur pecuniam pro re contribuere, quæ gratis illi conferenda erat. Quæ restituendi obligatio est de genere obligationum de quibus egi hoc ipso capite, num. 2. Et nullatenus spectat ad eas quæ Jure Ecclesiastico adstringunt, cum nulla Ecclesiastica Constitutio, vel Canon quidquam providerit de restitutione acceptorum pro Ordinum collatione. Neque assentior Bonaciniæ dicenti tract. de simon. d. disp. 1. quæst. 7. punct. 3. diff. 1. num. 22. non esse in hoc tertio casu acceptum illud pretium obnoxium restitutioni ante Judicis sententiam, quia scilicet existimat non esse obligatoriam istam restitutionem ex divino jure quod conscientiam statim adstringit, nec hominis justitiam expectat. Itaque exinde sequeretur, Sacerdotem qui in remoto aliquo deserto, aut in partibus Infidelium noluisse alicujus ibidem Fidelis confessionem audire, vel ei sacram ministrare Eucharistiam nisi pretio trium millium aureorum, posse tuta conscientia illud sibi pretium retinere: quanvis enim supponas Sacerdotem non fuisse Paroehum, neque obligatum ad ista exhibenda Sacramenta alio quàm christiænæ charitatis vinculo; huic tamen obligationi comitem adjunxit gravem injustitiam dum pretium indebitum exegit: quemadmodum homo qui non teneretur alteri pecuniam mutuare nisi debito charitatis, teneretur nihilominus obligatione restituendi ex injustitia, quàm noluit ei mutuari nisi cum usuris.

VI. Cum itaque satis ostenderim, præfatum, qui solet allegari, tertium casum nullatenus ad hanc materiam Ecclesiasticæ obligationis, sed potius ad Jus Divinum pertinere, alius convenientior tertius casus huic est subrogandus, desumptus ex cap. *Audivimus*, de simon. ubi apertè continetur obligatio Ecclesiastica pretium simoniacè acceptum restituendi. Etenim Episcopi quidam qui compulerant Ecclesias sibi subditas ad pecuniariam contributionem, ad hoc ut in ipsis Rectores instituerent: &

Y y y 3

præterea

præterea Monasteria quædam quæ pro admissione ad Religionem, aut pro defunctorum sepultura similiter pecuniam exegerant, simul & indifferenter damnantur pecunias sic exactas in duplum restituere. Caput istud duo complectitur diversa jura. Quatenus enim sancit ut pretium his casibus restituatur, hoc pertinet ad Jus naturale & Divinum, quatenus peccatum injustitiæ conjungitur simul cum peccato simoniæ, quæ religioni opponitur; & in hoc minime expectanda est humani Judicis sententia. Illa verò in duplum condemnatio spectat ad Jus Ecclesiasticum; non enim Jus Divinum obligat ulterius quàm ad æquivalens. In eo verò quod superat, non abnuo posse expectari humani Judicis jussione.

VII. Discussis circa pretii simoniæ restitutionem ambiguitatibus, restat ut de rei spiritualis simoniæ obtentæ restitutione quid sentiendum sit exploremus. Dicendum spiritualem rem simoniæ acceptam, non esse restituendi obligationi obnoxiam Jure Divino naturali. Hæc est communis Doctorum assertio, Lessii lib. 2. cap. 35. dub. 29. Suarez de simon. cap. 59. num. 28. & seqq. Bonacini de simonia disp. 1. quæst. 7. punct. 3. diff. 2. num. 1. à quibus multi alii allegantur Authores. Probatur de Beneficio in quo præsertim versatur difficultas, quia illa naturaliter collatio tenet, in qua concurrunt ex parte conferentis potestas simul & voluntas; ex parte verò subjecti recipiendi capacitas: hæc enim sufficiunt in quavis re ad transferendum dominium. Nec obstat si quod in his interveniat peccatum, ut patet in Sacramentis cum peccato & illicitè collatis, quæ tamen validè conferuntur. Et constat simoniæ professum verè esse Religiosum. Et qui sibi peccati mortalis conscius suscepit Sacerdotalem Ordinem, fecit contra Dei voluntatem; sed postquam peccatum penitentia deleverit, nihil agit contra Dei voluntatem dum Sacerdotio illicitè suscepto fungitur. Quod autem dicit S. Gregorius Magnus can. 115. *Si quis*, 1. quæst. 1. eum qui simoniæ Sacerdotium vel Dignitatem Ecclesiasticam acceperit, nisi sponte reliquerit, in æternum periturum; nihil aliud probat quàm Ecclesiastici Juris, quod tunc vigeat, antiquitatem; non verò affirmat id esse Divino & naturali Jure constitutum.

VIII. Quin etiam solis exceptis Beneficiis jus Ecclesiasticum neminem obligat ad restitutionem rei spiritualis per simoniam adeptæ: & de solis Beneficiis renunciandis præcepit d. can. *Si quis*, 1. quæst. 1. & Extrav. *Cum decessibile*, de simon. Et constat res alias spirituales validè conferri, Sacramenta, Ordines sacros, Religiosam Professionem, Consecrationes Altarium, Ecclesiarum, Virginum.

IX. Queniamodum ex Canonum præscripto qui Beneficium simoniæ acquisivit, debet ei quamprimum renunciare, idem jus valet in fructibus ex Beneficio per simoniam adepto perceptis; tenetur namque universos restituere ante omnem Judicis sententiam. Cum enim nihil juris habeat in beneficio, nullum pariter jus in fructibus habet. Ita edicit dicta


Extrava

Extravagans *Cum deestabile*, his verbis: *Nec inde faciat aliquis fructus suos sed ad illorum omnium qua percipis, restitutionem sub anima sua periculo sit adstrictum*. Restitutio ista fructuum fieri potest vel Cameræ Apostolicæ, ubi spoliolum jus viget, quod non est receptum in Gallia; aut quod menti Sancti Thomæ accommodatur, vel Ecclesiæ quæ læsa fuit, vel egenorum necessitatibus, 2. 2. q. 1. et 10. art. 6. ad 4. quo loco S. Thomas non requirit Superioris auctoritatem ut læsæ Ecclesiæ restitatur, sed eam requirit ut pauperibus fiat restitutio, vel alteri Ecclesiæ quæ per simoniam illam offensa non fuerit. Mediatores quoque simoniæ tenentur ad eandem fructuum restitutionem in defectum Beneficiarii simoniaci non restituentis, cum ipsi causam damni suâ culpâ dederint, Navarra cap. 23. num. 106. Eademque excommunicatione Papæ reservata ipso facto ligantur, Extravaganti *Cum deestabile*, de simon.



C A P U T X.

De censuris Ecclesiasticis generatim.

I.  Rdo nunc postulat, ut pœnas delictorum Ecclesiasticas discutiamus, cujusmodi sunt censuræ in tres species distinctæ, Excommunicatio, Suspensionem, Interdictum. Sunt aliæ insuper pœnæ quas infligit Ecclesiæ, ut sunt Irregularitas illa quæ ex delicto exoritur: item Depositio à Beneficio, vel officio; & Degradatio.

II. Excommunicatio est censura seu pœna Ecclesiastica, per quam Christianus bonis Ecclesiæ communibus privatur. Hæc bona sunt triplicia: Sacramentorum usus, Suffragia & Orationes Ecclesiæ, exterior Fidelium conversatio.

III. Duplex recensetur excommunicatio, scilicet major & minor. Minor privat solâ Sacramentorum receptione passivâ, sed non eorundem collatione. Quod fit ut qui hanc incurrit, si conferat Sacramentum, etiam citra necessitatis causam, non peccet saltem mortaliter. Si enim peccaret mortaliter, salâ esset Juris suppositio, quod scilicet non privet excommunicatio minor communicatione activa Sacramentorum. Sed tamen juxta Sotum, Avilam, Sayrum, Reginaldum, Coninch, Alterium, peccat venialiter ubi non est necessitas, cum expressè dicat caput *Si celebrat*, de Clerico excommunic. ministr. *Peccat autem conferendo Ecclesiastica Sacramenta*. At ve ò secundum Navarram cap. 27. num. 24. Covarruviam in cap. *Alimenter*, 1. parte, §. 8. Suarez tom. 5. disput. 24. sect. 2. num. 12. Bonacinam

cinam de censuris in genere, disp. 2. quæst. 3. num. 4. nullatenus, nec quidem venialiter peccat. Istique exponunt dictum caput *Si celebrat*, quod peccat quidem, atque adeo mortaliter, si celebret ad communicandum alios, non quidem quatenus aliis confert, sed quatenus ipse suscipit Eucharistiæ Sacramentum. Ea tamen expositio violenta est, cum dicat textus signanter, *Peccat conferendo*. Privat præterea minor excommunicatio electione, non activa quidem, sed passiva ad Beneficia, ut possit quis eligere, sed non eligi, d. cap. *Si celebrat*. Quod idem caput statuit præterea non privari quemquam per minorem excommunicationem Ecclesiastica jurisdictione. Est verò unicus in Jure receptus casus, quo ista minor excommunicatio incurritur, scilicet communicando cum excommunicato vitando, cap. *Nuper*, de sent. excomm. & cap. *Cum excommunicatio*, 11. quæst. 3. Dico cum vitando, quia per Extravagantem Martini V. quæ incipit, *Ad evitanda scandala*, nemo tenetur alios excommunicatos evitare, nisi solos illos qui nominati & publice denunciati sunt, & notorios Clericorum percussores. Hæc de minori excommunicatione. Major autem & activa & passiva Sacramentorum communicatione, & suffragiis pariter Ecclesiæ, simulque externa Fidelium conversatione privat, nec nisi per mortale peccatum incurritur.

I V. Præterea excommunicationum aliæ sunt comminatoriæ, seu ferendæ sententiæ; & istæ non ligant ipso solo contraventionis facto, nisi accedat posterior Judicis Ecclesiastici sententia. Aliæ verò dicuntur latæ sententiæ, seu ipso facto, quæ statim sola contraventione incurruntur. Harum specierum discrimina ex ipsius Canonis verbis dignosci possunt. Si enim Canon dicat his verbis aut particulis, *ipso facto*, vel *ipso jure*, vel *lata sententia*; aut his adverbis, *statim*, *confestim*, *continuo*, *ex tunc*, *illico*, *in continenti*, *protinus*; aut si verbis utatur præsentis, aut præteriti temporis, *qui hoc fecerit excommunicatur*, *suspenditur*; aut, *sit excommunicatus*, *sit suspensus*, *sit anathema*; aut, *noveris se excommunicatum*, vel *suspensum*; aut, *noveris se excommunicari*, *suspendi*; aut, *excommunicamus*, *suspendimus*, *judicamus*, *declaramus*, *decernimus esse excommunicatum*, *suspensum*; aut, *incurrat*, vel *incidat in excommunicationem*; vel, *habeatur pro excommunicato*, *suspensio*, *interdictio*: hæc omnia connotant censuram latæ sententiæ.

V. At verò comminatoriam, seu ferendæ sententiæ censuram connotant verborum expressiones, *Præcipimus sub pœna excommunicationis*, vel *suspensionis*, vel *interdicti*, vel *sub interminatione anathematis*; vel, *incurrat censuram comminatoriam*; vel, *decernimus excommunicandum*. Hæc & similia satis insinuant non incurri censuram solo ipso facto.

VI. Si verò Canon sic dicat, *Excommunicetur*, *suspendatur*, vel *subiaceat*, aut *subdatur excommunicationi*, quæ formulæ ambiguae sunt, eo quòd intelligi possint & de præsentis, quod ex se infert pœnam latæ sententiæ; & de futuro, quod non nisi ferendam à Judice significat; in his casibus
explo

exploranda erit ex aliis verbis in Canone contentis ipsa Legislatoris mens. Sed si neque hac via explorari possit, tunc judicandum esse censent communiter Doctores, censuram non esse latæ, sed ferendæ sententiæ: quia in pœnis benignior est interpretatio faciendâ, cap. *In pœnis*, de reg. jur. in 6. Idemque judicandum de hac formula, *Excommunicationem noveris te incursum*, tanquam de comminatoria, juxta Felinum in cap. *Rodulfum*, de rescript. Bonacinam de censuris in communi, disp. 1. quæst. 1. puncto 1. num. 6.

V I I. Præterea censuræ aliæ sunt à Jure, quæ scilicet Canone, vel Statuto decernuntur: aliæ ab homine, quæ per Judicis sententiam infliguntur. Ambæ inter se differunt. Primò, quia quæ à jure est, semper generalis est; quæ autem ab homine, potest esse indiscriminatim aut generalis, aut particularis contra determinatas aliquas personas. Secundò quia prior perdurat & viget etiam post Legislatoris mortem, aut amotionem ab officio: secunda desinit per mortem, aut ab officio amotionem Judicis. Tertiò, quia prior si non sit specialiter per Canonem reservata, potest absolvi per quemlibet Confessarium approbatum: secundam autem, id est ab homine, solus tollere potest Judex, sive Prælatus qui eam decrevit, aut ejus successor, aut ejusdem Superior, aut is etiam cui Judex ipse hanc delegaverit potestatem. Neque ullatenus potestas ista absolvendi censuras quæ sunt ab homine, comprehenditur sub generali potestate absolvendi à censuris etiam reservatis, sed est specialiter exprimenda. Censuræ enim reservatæ non aliæ intelligi solent quàm quæ à jure sunt.

V I I I. Ut verò aliquis potestate polleat ferendi censuras, necesse est esse Clericum, atque in externo foro Judicem, cujusmodi sunt Prælari, sive Seculares, sive Regulares, sive ordinarii, sive delegati, cap. *Transmissam*, & cap. *Suffraganeis*, de elect. & cap. *Cum ab Ecclesiarum*, de offic. Ordinar.

I X. Episcopus porro in aliena Diœcesi existens ne suos quidem subditos potest aliquâ censurâ afficere, quia nullam ibi habet contentiosam jurisdictionem: potest tamen extra suam diœcesim uti gratiosa jurisdictione, suumque subditum in aliena diœcesi non modò in Sacramento Pœnitentiæ absolvere à peccatis & censuris, quin etiam extra Sacramentum potest à censuris eundem absolvere, itemque dispensare, delegare, literas dimissorias aut testimoniales expedire. Sed si Episcopus indebitè fuerit à propria diœcesi expulsus, potest in vicinia commorari, petitaque à loci Episcopo veniâ, jurisdictionem ibi contentiosam exercere inter proprios subditos, & ubi opus fuerit, excommunicare. Clement. unica de foro compet. His adjunge, posse in sua diœcesi censuras decernere in alienum subditum ratione vel delicti in sua diœcesi seu territorio admissi, vel contractus ibi facti, vel rei aut prædii ibidem siti, cap. final. de foro compet. cap. 1. de privileg. in 6.

X. Inter injustas quoque censuras alie validæ sunt & subditos ligant^r alie invalidæ ac nullæ sunt. Validæ potèd, simulque injustæ sunt illæ quæ offendent in reo causam materiale, scilicet mortalem culpam; sed habent in Judice causam injustam, scilicet odium aut vindictam, non verò laudabilem disciplinæ zelum. Item illæ in quibus Judex ordinem Juris non servat, qualis est trina præmonitio aut censura in scripturam cum expressione causæ redacta, cap. 1. & cap. *Statuimus*, de sent. excommunic. in 6. ordinem, inquam, Juris accidentarium, servato tamen necessario & essentiali Juris ordine, qui consistit in una saltem præmonitione. Atque de hujusmodi censuris, non autem de prorsus invalidis Doctores communiter exponunt effectum illud S. Gregorii Papæ homil. 6. in Evangel. *Sententia Pastoris, siue justa, siue injusta sit, timenda est.*

XI. Cæterum censura quæ non fundatur in culpa mortali personæ contra quam fertur, etiamsi falsa, quæ mortalis foret, causa fuerit sufficienter in judicio probata, nulla penitus & invalida est apud Deum, neque conscientiam Rei ligat, ut omnes unanimiter docent. Ratio est, quia cum sententia sit actus justitiæ, cujus est suum cuique tribuere ad æqualitatem, eatenus solùm obligat & valet, quatenus veritati & justitiæ conformatur. Suffragantur his Sancti Patres, ex quibus S. Hieronymus in Levit. 3. scribit: *Si quis non recto judicio eorum qui præsum Ecclesia depellatur & foras mittatur, si ipse non ante exiit, hoc est si non ita egit ut mereretur exire, nihil læditur in eo quod non recto judicio ab hominibus videtur expulsus. Et ita sit ut interdum ille qui foras mittitur, intus sit; & ille foris, qui intus retineri videtur.* Citatur in cap. *Si quis non recto*, 24. quæst. 3. Sanctus pariter Augustinus hoc idem fufius docet lib. de vera Religione, cap. 6. dicens: *Scire etiam sit divinâ providentiâ, per nonnullas nimium turbulentas carnalium hominum seditiones expelli de congregatione Christiana etiam bonos viros. Quam contumeliam, vel injuriam suam cum patientissimè pro Ecclesia pace tulerint, neque ulla novitates vel schismatis, vel hæresis moliti sunt, docebunt homines quam vero affectu, & quanta sinceritate charitatis Deo serviendum sit. Talium virorum propositum est aut sedatis remeare turbinibus, aut si id non sinantur, vel eadem tempestate perseverare, vel ne suo reditu talis, aut scior oriatur, tenem voluntatem consulendi etiam eis ipsis quorum motibus perturbationibusque cesserant, siue ulla conventiculorum segregatione usque ad moriens defendentes, & testimonio juvantes eandem Fidem quam in Ecclesia Catholica predicari sciunt. Hos coronat in occulto Pater in occulto videns. Rarum hoc videtur genus, seu tamen exempla non desunt, imò plura sunt quàm credi potest. Ita omnibus generibus hominum & exemplorum ad animarum curationem & institutionem spiritui. lis populi utitur Divina Providentia.* Hæc S. Augustinus ad eorum solatium qui per amulas & infensas factiones calumniis & infestationibus quâ vi, quâ dolo impetuntur.

XII. Communis est Doctorum assertio contra Navarrum, posse innocentem.

nocentem, contra quem censura materialiter injusta lata fuit, privatum, seclusoque scandalo Missam celebrare, atque adhibita eadem præcautione Sacramentum Pœnitentiæ administrare. Tamen enim in externo foro habeatur pro excommunicato, apud Deum nihilominus, & in conscientia foro periurde est ac si talis censuræ judicio non fuisset ab hominibus sive per malitiam, sive per errorem notatus. Quod idem sentiendum de omni censura intolerabilem errorem continente, idque multò fortius quàm de errore qui nascitur ex fallibilibus probationibus, & incomperta facti veritate. Navarra quidem cap. 27. num. 3. & Covarruvias in cap. *Aima mater*, p. 1. §. 7. num. 7. concl. 4. volunt talem censuram esse veram censuram, si saltem iusta sit quoad forum exterius, hoc est juridicè prolata ex informationibus quanvis falsis, tamen sufficientibus ad iudicandam ferendam censuram in externo foro; & reum, quanvis apud Deum innocentem, si transgrediatur, tum demùm subijci secundùm conscientiam & in occulto omnibus violatæ censuræ pœnis, atque adeo ut dicit Covarruvias, verè apud Deum ipsum irregularitati, si violet perfectum Ordinis etiam occultè exercitum. Docent verò contrarium omnino Caietanus in tractatu 10. quæst. 2. de effectu excomm. Suarez de censuris disput. 4. num. 13. & 14. alique ferè omnes communiter, nullum aliud nocumentum inferre talem censuram, quàm novam obligationem vitandæ scandali & contemptus Ecclesiæ, unde tamèn nulla exurgat irregularitas, aliæ coram Deo pœna canonica, licèt apud homines veritatis incisiò & in foro contentioso judicetur illas incurrisse, & verè ac justè puniri possit etiam apud Deum propter peccatum scandali palam exhibiti. Sed tamen ubi non timetur id scandalum, posse ab eo quem talis censura perculit Missam in occulto celebrari, absolutionem & cætera Sacramenta in occulto ministrari, aut etiam in publico, si accedat in eum locum ad quem fama hujus censuræ nulla pervenerit. Itaque tota ex occasione talis censuræ exurgens obligatio conscientie versatur per accidens in fuga scandali & contemptus Ecclesiæ, punibilis à Deo & hominibus; unde tamen non exurgunt per se canonice pœnæ, quia deest secundùm rei veritatem canonicum fundamentum, nimirum iusta censuræ causa. Vide si lubet pro hac sententia Sayrum lib. 1. de censuris, cap. 17. Bonacinam de censuris in communi, disp. 1. quæst. 1. puncto 10. Valquez tract. de excommunicatione, dub. 11. num. 21.

XIII. Suspendio est censura privans usu Ecclesiastici Officii (Officium autem in ordine & jurisdictione consistit) aut usu Beneficii. Auferre verò omnino ipsum Officium aut Beneficium, spectat ad pœnam depositionis, aut (quæ gravior est) degradationis.

XIV. Interdictum est Ecclesiæ censura privans perceptione quorundam Sacramentorum, à divinis quoque Officiis, & ab Ecclesiastica sepultura. Et dividitur in personale, quo una, vel plures personæ; locale, quo

quo certus aliquis locus ; & mistum, quo tam locus ipse quàm loci incolæ afficiuntur.

X V. Tempore interdicti generalis conceditur moribundis sacrum Viaticum, non tamen Extrema-Unctio. Clerici tamen defuncti qui servaverunt interdictum, sepeliri in cœmeterio Ecclesiæ possunt sine campanarum pulsatione aliâve solennitate, & cum silentio. In Conventualibus Ecclesiis bini & bini, aut tres simul legere possunt sine ullo cantu, & januis clausis Canonicas Horas, demissa voce, ne exterius audiri queant, exclusis præsertim personis interdictis aut excommunicatis. Crucesignatis & peregrinis pœnitentia concedi potest durante interdicto. Hæc omnia statuuntur in cap. *Quod in te*, de pœnit. & remiss. Ibiq; Glossa verb. *Pœnitentia*, rectè infert ex speciali privilegio Crucesignatorum & peregrinorum cæteros non esse ad pœnitentiam admittendos & absolvendos, nisi instante mortis periculo. Privilegium quoque Clericorum qui servaverunt interdictum, ut possint in cœmeterio Ecclesiæ tumulari, insinuat quosvis alios ab Ecclesiastica sepultura excludi tempore generalis interdicti. Certè reliqui in Ecclesiæ communione defuncti, qui tempore interdicti publici fuerint in profano loco sepulti, transferendi erunt in Ecclesiasticam sepulturam postquam desierit interdictum.

X VI. Post Innocentii III. Constitutionem d. cap. *Quod in te*, successit Bonifacii VIII. Sanctio in cap. *Alma mater*, fin. de sent. excomm. in 6. per quam mitigatur prioris illius severitas. Concedit enim ut tempore generalis interdicti, sive à jure, sive ab homine decreti, quilibet Fideles etiam corpore sani possint ad Pœnitentiæ Sacramentum admitti, modò non sint excommunicati, quo casu reconciliandi non sunt sub interdicto nisi in mortis articulo, quemadmodum & illi quorum culpa causam interdicto dedit, & illi etiam qui consilium, opem aut favorem culpæ isti dederunt, nisi priùs satisfecerint ; aut si in præsentem non possint, sufficientem dederint cautionem ; aut si neque hoc possint, saltem se quum primum valebunt, satisfacturos juraverint. Sed in istis non idcirco relaxatur interdictum, quanvis indulgeatur ipsis Beneficium sacramentalis absolutionis. Addit præterea, posse durante interdicto generali in Ecclesiis & Monasteriis specialiter non interdictis, quæve causam interdicto nullam dederint, sed tamen in loco interdicto sitis (hæc enim circumstantiæ supplendæ sunt ex Glossa in d. cap. *Alma mater*, verb. *Ecclesiis*,) celebrari Missas aliæque divina Officia sicut priùs, submissa tamen voce, januis clausis, excommunicatis & interdictis hominibus exclusis, nec pulsatis campanis ; acquiri quoque, vel amitti ex Clericorum præsentia, vel absentia distributiones quotidianas, sicut ante interdictum. In festivitibus autem Natalis Domini, Paschæ, Pentecostes, & Assumptionis gloriosæ Virginis pulsabuntur campanæ, & januis patentibus alta voce divina Officia sollemniter celebrabuntur, excommunicatis prorsus exclusis, sed interdictis.

interdictis nihilominus admissis, dummodo illi qui suâ culpâ causam interdicto dederunt, Altari nullatenus appropinquent.

XVII. Præfatæ mitigationes valent in loco generaliter interdicto, sed non valent in loco specialiter interdicto. Ceterum in ipsa Ecclesia specialiter interdicta potest occultè celebrari Missa, quantum dumtaxat opus est ut renovetur sanctissimum Sacramentum, quod infirmis pro Viatico reservari debet, & renovari potest etiam singulis hebdomadis, cap. *Permittimus*, de sent. excomm.

XVIII. Quod attinet ad formas in singulis censuris servandas, censuræ quidem tam à Jure quam ab homine dimanantes circa futurum aliquod delictum nullam exigunt Juris formam præter promulgationem, ad hoc ut sciri & observari possint. Ea verò sola censura quæ ab homine infertur circa delictum præsens cum contumacia conjunctum, ad hoc ut fortior effectum has requirit conditiones. Primò ut trina præcellerit admonitio ad obediendum, can. *Omnes decima*, 16. quæst. 7. & can. *De Presbyterorum*, quæst. 4. cap. *Coningit*, il 2. & cap. *Sacro*, de sent. excomm. & cap. *Constitutionem*, eod. in 6. Inter singulas admonitiones intervallum esse debet duorum saltem dierum, cum dicat d. cap. *Constitutionem*, in plurali, *Observent aliquos dierum competentia intervalla*. Atqui pluralis loquutio duorum numero est contenta, cap. *Pluralis*, de reg. jur. in 6. Et cum dictum cap. *Constitutionem*, dicat unam monitionem pro omnibus posse sufficere, hinc Navarra Manual. cap. 27. num. 11. eumque sequuti Suarez, Bonacina, aliique communiter docent, necessarium esse sex dierum inter unicam, quæ sit peremptoria, monitionem, & censuræ sententiam: sed eo casu admonenda est Pars, quod hæc sit unica & peremptoria monitio; alioqui enim non censeretur sufficienter contumax. Ubi verò periculum esset in mora, posset illud sex dierum tempus abbreviari, d. cap. *Constitutionem*, in fine. Declarat porro Concilium generale sub Innocentio III. Prælarum qui excommunicationis sententiam promulgare præsumpserit, non præmissâ competenti admonitione, neque adhibitis personis presentibus idoneis, per quas possit, ubi opus fuerit, præmonitio probari, etiamsi causa excommunicandi justa fuerit, interdicti ipso facto ingressu Ecclesiæ uno mense, & aliis insuper subijci pœnis, si videbitur Superiori, cap. *Sacro*, de sent. excomm. Cum verò Concilium generale testes requirat ad probandas præmonitiones, multò magis requiritur juridica probatio delicti quæ præcellerit præmonitiones & censuram, cui delictum illud causam dederit.

XIX. Sententia contra eum lata qui nullo modo citatus fuit, nulla est ipso jure, cap. *Inter quatuor*, de majorit. & obed. Præsertim verò citatio, seu præmonitio necessaria est ad ferendam excommunicationis sententiam, quæ maxima pœna est earum quas infligere solet Ecclesia, ut asserit S. Augustinus lib. de corrept. & grat. cap. 15. & citatur 24. quæst. 3.

Z z z 3 can.

can. *Corripiantur*; quia ut ibidem asseritur, hoc genus correptionis institutum est ad medicinam peccantium, & animarum salutem.

X X. Bonam esse praxim aiunt Felinus in cap. *Cum non ab homine*, de judic. & Armilla verb. *Ciratio*, num. 6. ut Judices habitâ prius bona informatione per testes, incipiant à citatione; sic enim præcaventur ejus fuga & subterfugia qui reus judicandus erit: & videt Judex si sit justa citandi causa.

X X I. Quævis censura, præsertim excommunicatio, ferri debet in scriptura cum expressione causæ; debetque istius scripturæ exemplum reo requirenti tradi intra mensem. Qui autem unum aliquod istorum Judex violaverit, suspensus ipso facto remanet ab ingressu Ecclesiæ divinisque Officiis. Et Superior ejus non modò hanc sententiam relaxabit, sed etiam latorem sententiæ ad expensas reo faciendas, & ad interessè aliasque pœnas condemnabit. Ipse verò Judex qui prædictam suspensionem incurrerit, si eam violaverit, incidet in irregularitatem, à qua solus eum Papa poterit dispensare, cap. *Cum medicinalis*, de sent. excomm. in 6. Ibidem tamen Glossa in verb. *Judicum*, benè monet Episcopos non incidere in has suspensionis pœnas, quia hîc non nominantur: & statuit cap. *Quia periculosum*, hoc tit. in omnibus Constitutionibus quæ pœnam suspensionis, vel interdictionis decernunt, nullatenus comprehendi Episcopos, nisi specialis de eis mentio ibi fiat. Qua eadem ex causa suspensio quam Generale Concilium Lateranense sub Innocentio III. indicit in eum qui sine competentibus præmptionibus excommunicat, non habet locum in Episcopis, quia ibi speciatim non exprimuntur.


X X I I. In summa iraque tenendum est, multis modis injustam esse censuram. Primò si feratur ab incompetente Judice, quo etiam casu irrita & nulla est. Secundò censura lata per inferiorem Prælatum postquam appellatum fuit ad Superiorem, non solum injusta, sed etiam nulla est defectu potestatis. Tertiò ubi nulla præmissa fuit admonitio, simul erit injusta & nulla censura. Ubi verò non tres, sed una aut altera præcessit admonitio circa præsentem seu præteritam culpam, valida quidem erit censura, sed tamen injusta, & per Superiorem relaxanda. Quartò idem judicandum de censura aliter lata quàm per scripturam, vel sine causæ expressione. Quintò censura nullatenus ligat, si Judex qui sententiam tulit, non intendit ut ligaret, etiamsi mentem suam non expresse, & reus existimet se ligatum. Idemque sentiendum de certis personis quas Judex intenderit eximere, quanvis reliquos intendat illigare. Censuræ namque non aliter ligant quàm secundum Judicis à quo infliguntur intentionem. Navarra cap. 7. num. 11. Sextò conveniunt unanimes Doctores, quando censura decernenda est in aliquam, vel aliquas particulares personas, si admonitiones fiant, non ad domum, sed esse faciendas coram ipsis personis. Tum quia districtius agendum est in materia censurarum, quàm in aliis judiciariis actibus,

privatim interdicat aut suspendat Clericum sine scriptura, tenebitur Clericus in conscientia mandato Prælati obedire. Id confirmatur cap. *Tam licet*, de testibus: ubi Papa sine præcedentibus solitis formis suspendi jubet Clericum ob præcedens delictum. Ex alia verò parte supponendo suspensionem aut interdictum privatim fuisse significatum, si Clericus sibi conscius attente has violare censuras per Ordinis sacri exercitium, peccabit proculdubio; non tamen in irregularitatem cadet, quia Prælati non processit per modum juridicum, sed per modum privatæ pœnæ, sive medicinalis, sive vindictivæ. Ita Zerola 1. p. verb. *Suspensio*, §. 7. Bonacina de censuris in communi, disp. 1. quæst. 1. puncto 9. n. 3. Secus judicandum de excommunicatione, quæ hoc peculiariter habet, ut præter delictum requiratur pariter contumacia, ideoque infligi non potest pro præterito delicto.



CAPUT XI.

De effectibus excommunicationis.

I.  Cito recensentur majoris excommunicationis effectus. Horum primus est privatio communium Ecclesiæ suffragiorum. Privatim autem potest quilibet fidelis Deum precari pro quolibet excommunicato, etiam minimè tolerato. Imò Sacerdos quilibet ad Altare potest orare pro excommunicatis, sive vivis, sive defunctis, in secretis & particularibus commemorationibus, quæ sunt in Canone Missæ.

II. Secundus effectus est privatio, tam activæ quàm passivæ participationis Sacramentorum Ecclesiæ. Sanè validè, sed tamen illicitè Sacramenta administrare potest omnis excommunicatus toleratus Sacerdos. At verò non toleratus, seu vitandus Sacerdos, quanvis validè, nec tamen licitè possit alia Sacramenta; nullatenus tamen validè potest administrare Pœnitentiæ Sacramentum, quia excommunicatio vitandi & non tolerandi omni privat jurisdictione, præterquam in articulo mortis.

III. Soli autem censendi sunt excommunicati vitandi omnes illi qui publicè & nominatim denunciati fuerunt, necnon ille qui adeo manifestè & publicè in personam Clerici, aut in res ei coherentes vim aliquam injuriosam adhibuerit, ut nullà possit hoc delictum tergiversatione celari, vel excusari, juxta Concilii Constantiensis canonem quem Martinus Papa V. approbavit, cujus textus hic est: *Ad evitanda scandala & multa pericula qua conscientis timoratis contingere possunt, Christi fidelibus tenore presentium*

rium misericorditer indulgemus, quod nemo deinceps à communione alicujus, Sacramentorum administratione vel receptione, aut aliis quibuscumque divinis, intus & extra, prætèxi cujuscumque sententia aut censura Ecclesiastica, à jure vel ab homine generaliter promulgata teneatur abstinere, vel aliquem evitare, aut interdictum Ecclesiasticum observare, nisi censura, vel sententia hujusmodi fuerit illata contra personam, Collegium, Universitatem, Ecclesiam, Communitatem, vel locum certum, aut certam à Judice publicata, vel denunciata specialiter & expressè: Constitutionibus Apostolicis & aliis in contrarium facientibus non obstantibus quibuscumque. Si quem pro sacrilega manuum iniectione in Clericum, sententiam latam à Canone adeo notoriè conspiceris incidisse quod factum nullà possit tergiversatione celari, nec aliquo suffragio excusari: nam à communione illius (licet denunciatus non fuerit) volumus abstinere juxta canonicas sanctiones. Per hoc tamen non intendimus relevare, neque juvare sic excommunicatos, suspensos & interdictos aut prohibitos. Ita referunt hanc Constitutionem S. Antoninus 3. parte Summæ Historialis, tit. 22. cap. 6. §. 4. & in 3. parte Summæ Theologicæ, tit. 25. cap. 2. & 3. Item Angelus de Clavasio in Summa, verbo *Excommunicatio* 8. num. 3. Gabriel Biel in 4. Sent. dist. 18. art. 1. notabili 3. Joannes Major Professor Sorbonicus in 4. Sent. dist. 18. quæst. 3. Adrianus Papa in 4. Sent. tit. de Sacram. Euchar. & in tract. de Clavib. Eccles. 3. principaliter quæsito: Caietanus in Summula, verbo *Excommunicatio*, & verbo *Absolutionis impedimenta*: & in 3. p. S. Thomæ, q. 64. art. 6. Armilla verbo *Excommunicatio*, num. 50. Dominicus Soto in 4. Sent. dist. 22. q. 1. art. 4. Covarruvias in cap. *Alma mater*, p. 1. §. 2. n. 9. Suarez de censuris disp. 9. sect. 9. num. 5. & in tract. de Fide, disp. 21. sect. 3. Toletus in Summa, lib. 1. cap. 12. & alii plerique: qui simul omnes meminere posterioris immutationis in hoc Canone factæ à Concilio Basileensi & Lateranensi, à Pragmatica Sanctione, & à Concordato Bononiensi inter Leonem Pontificem, & Franciscum Regem. In quibus extenditur Constantiensis Constitutionis exceptio ad quoscumque etiam non denunciatos, qui facti notorietatè dignoscuntur in excommunicationem incidisse, hisce generalibus clausulis: *Aus si notoriè in excommunicationis sententiam conspiceris incidisse, quod nulla tergiversatione celari possit, aut aliquo juris suffragio excusari, eum à communione illius abstinere volumus, juxta canonicas sanctiones.* Supradicti omnes negant esse ullibi receptam generaliorem istam exceptionem, sed solam Constantiensem exceptionem de notorio Clerici percussore vigere. Quod idem de recepto Galliarum usu testatur novissimè Jacobus Evellonius in suo Gallicano Tractatu de excommunicationibus. Tot verò anxietates & perturbationes pariebant illarum excommunicationis communicationes, tum in sacris, tum in profanis, ut plusquam trecentis ante Constantiense Concilium annis gravissimus Scriptor Ivo Carnotensis epistola 81. conatus enixè fuerit omnes prorsus abolere prohibitiones communicandi cum excommunicatis, præterquam cum solis illis qui publicè

A A a a

convicti

convicti & nominati fuissent, sic enim admonet: *De excommunicatis communi sententia, non tamen nominatis, sive in Capitulo, sive in Concilio facta sit illa excommunicatio, sive sint simoniaci, sive presbyteri uxorati, idem consilium est quod de aliis criminosis, quia non sunt à communione suspendendi, nisi publicè convicti, vel publicè confessi.*

I V. Ex ista Constantiensis Sanctione multa addiscimus. Primò severitatem antiqui Juris mitigari, prohibentis olim participationem quamcumque cum excommunicatis non denunciatis perinde ac nominatim denunciatis, tam in Ecclesiasticis, quàm in civilibus rebus. Secundò permitti communicationem cum excommunicatis, etiam in Divinis & Sacramentorum receptione, modò non sint publicè & nominatim denunciati: quibus additur Clerici percussor, quanvis non divulgatus, respectu saltem eorum qui certò sciunt. Tertiò hoc privilegium nullo modo favere excommunicatis, quantumvis occultis, & hos teneri ex parte sua conversationem aliorum evitare tam in civilibus quàm in Divinis. Manifestè porò falluntur Coninch disp. 14. num. 13. & Bonacina de censuris in communi, disp. 2. quest. 2. puncto 2. §. 2. num. 7. ad fin. dum asserunt communicantes cum notorio Clerici percussore, si non fuerit nominatim denunciatus, nulla affici minori excommunicatione. Constantiensis enim Constitutio prorsus oppositum decernit secundum utramque editionem, quarum una expressè dicit hanc exceptionem de percussore Clerici, quod quanvis non fuerit publicè notus aut denunciatus nominatim, is tamen qui sciens talem cum eo communicaverit, incurrat pœnas & censuras antiqui Juris. Altera verò editio, quæ non loquitur specialiter de percussore Clerici, comprehendit simul & pares facit eos qui non sunt nominatim & publicè denunciati; de quibus tamen manifestè constat incurrisse in sententiam excommunicationis, ut non possint occultari, neque excusari, cum illis qui fuerunt specialiter promulgari, & à Judice expressè denunciati. Et quidem Bonacina sibi contrarius oppositum passim alibi docet, atque adeo in isto ipso tractatu & eadem disp. 2. quest. 2. puncto 6. §. 2. num. 47.

V. Tertius effectus majoris cujuscumque excommunicationis est privatio à Missæ & cujusvis divini Officii auditione. Non tamen excluditur ab auditione prædicationis verbi Dei, ut per eam compungi & converti possit, dummodò si fieri possit, se conspectui publico subducatur. Constat verò fuisse veteris Ecclesiæ usum & praxim, ut excommunicati de Ecclesia non expellerentur, nisi tempore Offertorii, post decantatum Evangelium, & finitam, quæ post Evangelium fieri solebat, Verbi Dei prædicationem, can. *Episcopus nullum*, de consecrat. dist. 1. Quanvis autem Sacerdos Sacerum faciens gerat publicam nomine totius Ecclesiæ personam, non tamen exuit omninò privatam personam, & ut talis potest mentaliter, sive in *Memento*, sive in aliis Missæ partibus orare pro excommunicatis, tam vitandis quàm toleratis. Avila 4. parte, disp. 1. conclus. 2. Navarra cap. 27. num. 36.

Suarez

Suarez de censuris disp. 9. sect. 5. Bonacina disput. 2. quæst. 2. punct. 1. §. 3. n. 7. Vasquez tract. de excommunicatione, dub. 2. num. 2.

V I. Quartus est privatio Ecclesiasticæ sepulturæ, cap. *Sacrie*, de sepultur. Clement. 1. eod. tit. ut enim ait S. Leo Papa I. relatus in can. 1. causæ 24. quæst. 1. *Quibus viventibus non communicavimus, mortuis communicare non possumus.* Addit d. cap. *Sacrie*, si contingat corpus excommunicati loco sacro tumulari, exhumandum esse, & procul ab Ecclesiastica sepultura jactandum, si modò ab aliorum fidelium corporibus discerni possit; alioqui enim toleranda esse zizania, ne eradicetur triticum. His adde ex cap. *Consuluisi*, de consecrat. Eccles. vel Altar. non solum Ecclesiastica sepultura esse eruumdum excommunicati cadaver & ossa, sed etiam locum ipsum esse repurgandum & reconciliandum asperzione aquæ solenniter benedictæ: sicut fit in Ecclesiæ dedicatione aut reconciliatione. Si verò non potuerit ab aliis inhumatis ibi corporibus dignosci, non minùs est locus ille reconciliandus, ut docet Suarez de censuris disp. 13. sect. 4. num. 4. Excommunicatus qui ante mortem dederit signa poenitentiae, nec tamen fuerit absolutus, non est sepeliendus in loco sacro, donec Superioris autoritate post mortem fuerit ab excommunicatione solutus: si verò jam sepultus fuerat, non est extrahendus, sed in ipso loco auctoritate Ordinarii aut alterius facultatem habentis absolvendus à censura. Si verò poenitentiae indicia nulla exhibuerit, arcendus est ab Ecclesiastica sepultura, Bonacina & alii communiter d. disput. 2. quæst. 2. puncto 3. §. 3. num. 7.

V I I. Obiter hîc observa septem genera personarum Ecclesiasticâ sepulturâ excludendarum, recensita in Rituali jussu Pauli V. Pontificis edito. Primi sunt Pagani, Judæi, hæretici, schismatici, eorumque fautores, omnesque majori excommunicatione ligati. Secundo loco sunt quicumque ex desperatione, vel iracundia sibi mortem intulerunt, aliòve ex pravo affectu, nisi ante mortem signa ediderint poenitentiae. Huic poenæ non subjacent qui per insaniam sibi necem consciverunt. Tertio mortui in duello, etiam si ante mortem signa ediderint poenitentiae, ut sanctior Pontificis Bullis & Regiis Edictis. Quarto manifesti & publici peccatores, qui sine poenitentia interierunt. Quinto illi de quibus publicè constar quod semel eo anno non fuerint confessione expiati, aut in Pascha sacram Eucharistiam non sumpserint, si ante mortem non dederint signa contritionis. Sexto infantes sine Baptismo vitæ functi. Septimò nominatim interdicti, & insuper quicumque sunt in loco interdicto laici morientes durante interdicto.

V I I I. Quintus excommunicationis effectus est inhabilitas ad quævis Beneficia obtinenda. Itaque electio, præsentatio, institutio, collatio factæ in favorem excommunicati etiam tolerati, nec evitandi, nullæ sunt, cap. *Postulasti*, de cler. excomm. Circa quem effectum sciendum est, quod ex-

communicatio aliæve censura atque irregularitas præcedens electionem aut provisionem Beneficii facit eam invalidam & irritam, d. cap. *Postulatis*. Sed collato jam Beneficio superveniens non inducit Beneficii vacationem, Decisio Rotæ in novis 195. Gornesius in tract. Expectativarum, num. 60. Covarruvias in cap. *Alma mater*, 1. p. §. 7. num. 4. not. 11. Quinimò id satis constat ex cap. *Ex literis*, de excell. Prælat. ubi homicida Beneficium habens, cum sit ratione homicidii irregularis, non judicatur ipso facto depositus, sed solum Judicis sententiâ deponendus. Suarez de censuris disp. 13. sect. 1. num. 1. id probat ex cap. *Pastoralis*, §. *Verum, de appellat.* ubi decernitur Beneficiarium noviter excommunicatum privandum esse per Judicem Beneficii sui fructibus: unde infertur illi adhuc remanere Beneficium. Idem docet Sylvester verb. *Excommunicatio* 3. n. 1. §. 9. Excommunicatus quoque inhabilis est ad provisionem pensionum clericalium, secundum aliquos qui iisdem rationibus nituntur, quibus probatur de Beneficio quod excommunicato confertur: sed tamen nullus Canon hoc decernit de pensionibus, cum tamen Canones id exprimant de Beneficii: & in poenalibus non fit extensio, sed potius restrictio, cap. *In pœnis*, de regul. jur. in 6. *In pœnis* (ait) *benignior est interpretatio facienda*. Hanc tamen volunt ad pensiones extensionem Sayrus lib. 1. de censur. cap. 5. num. 15. & alii quos allegat & sequitur Bonacina d. disp. 2. quæst. 2. puncto 4. §. 1. n. 4. Ex adverso Avila de censuris 2. p. cap. 6. dub. 7. ad fin. aliique asserunt validam pensionis clericalis collationem excommunicato factam. Utraque opinio probabilis est. De fructibus Beneficii ante excommunicationem acquisiti dissident invicem Doctores. His enim privati quemcunque excommunicatum asserunt Glossa in cap. *Studeat*, dist. 50. in fine, Ostiensis, Abbas, Suarez, Toletus, Reginaldus. Negant ex adverso Petrus Navarra, Avila, Sanchez, Vasquez, Coninch, Bonacina, dummodo excommunicatus suum præstet officium. Ista est mihi probabilior opinio. Primò, quia cui Ecclesia Beneficium indulget, eidem pariter attribuere censetur ea quæ sunt accessoria & consecutanea ad Beneficium: & qui dat esse, hoc ipso dat consequentia ad esse; & accessorium naturam sequi congruit principalis, cap. *Accessorium*, de regul. jur. in 6. Præterea pœnæ cum sint odiosæ, restringendæ potius sunt quam ampliandæ ultra quam Jus exprimat. Jus autem hanc pœnam nullibi decernit. Quod verò aliqui ad hoc citant cap. *Pastoralis*, in fin. de appellat. *Et illi meritiò proveniunt Ecclesiastici subtrahuntur, cui Ecclesia communio denegatur*. ipsa Glossa ibid. in verb. *Subtrahuntur*, hoc exponit de poenali Judicis sententia, non verò de Juris præscripto. Denique ipsa consuetudo quæ vim juris habet, istud confirmat. Talem enim pœnam quasi jure ipso incursum nusquam vidimus admissam, sive in foro poenitentiali, sive in contentioso: neque peti solet contra ipsam dispensatio aut rehabilitatio, saltem in regno Gallicæ.

I X. Sextus effectus est privatio jurisdictionis Ecclesiasticæ, cap. *Ad præbandum*, de re judicat. & Clem. *Ne Romani*, de election. Hæc poena solum attingit excommunicatum evitandum, non verò toleratum, ut est communis Doctorum sensus, lidem similem tolerati & evitandi distinctionem locum habere consentiunt in privatione suffragii ad eligendum, quæ statuitur per cap. *Cum dilectus*, de consuetud. contra electores suspensos : volunt enim post Extravag. Constantiensem non habere locum nisi contra suspensos publicè denunciatos, & similiter excommunicatos.

X. Septimus excommunicationis effectus est civilis communicationis privatio, cap. *Excommunicatos*, 11. quæst. 3. Sed hæc poena post Extravagantem *Ad evitanda*, non habet vim nisi contra nominatim denunciatos, aut palam notorios. Quin etiam in istis ipsis excipiuntur quinque communicandi causæ hoc vulgari versiculo comprehensæ:

Utile, lex, humile, res ignorata, necesse.

XI. Octavus demum effectus est nullitas impetrationis gratiarum & rescriptorum Apostolicorum, cap. 1. de rescript. in 6. Cui tamen obviari solet in Literis Apostolicis per clausulam absolutionis ab omnibus censuris ad hunc duntaxat effectum, ut impetrans sit capax gratiæ quæ ipsi à Summo Pontifice indulgetur.

XII. Observa tamen Constitutionem *Ad evitanda*, ubique ferè, atque adeo tota Gallia esse receptam, non prout habetur in Concordato Leonis Papæ & Francisci Regis, atque in Concilio Lateranensi sub Leone X. sed prout diximus allegari à Felino, S. Antonino & Caietano : ita ut soli ab hujus Constitutionis Beneficio excludantur nominatim denunciati, & prorsus notorii Clericorum percussores ; non verò cæteri excommunicati, quantumvis notorii, sed non specialiter denunciati.

XIII. Hoc pariter observa, Constitutionem illam permittentem communicare cum excommunicatis toleratis, etiam in Divinis Officiis & Sacramentis, abolere quidem veterem Ecclesiæ prohibitionem, sed non naturalem & Divini Juris, vetantem Sacramenta indignis ministrare, sanctumque dare canibus, & margaritas projicere ante porcos. Matth. 7. Ille itaque qui sciens Sacramentum tolerato excommunicato conferret, non incideret quidem in minorem excommunicationem, sed tamen mortaliter peccaret. Quemadmodum ille etiam peccaret qui scienter ab excommunicato Sacerdote tolerato citra ullam necessitatem sumeret aliquod Sacramentum : quia Jus Divinum prohibet alieno peccato consentire, aut cooperari. *Et digni sumus morte non solum qui faciunt, sed etiam qui consentiunt facientibus.* Rom. 1.


XIV. Sapienter admonet Concilium Tridentinum sess. 25. de reform. cap. 3. ex re vulgari seu levi Monitoria non esse decernenda. Cui suffragatur in Gallia nostra Edictum Caroli IX. in Comitibus Aurelianensibus, art. 18. ut omittam antiquiorum Conciliorum Canones, cujusmodi est

Canon 3. Concilii Agathensis, Canon 56. Meldensis, Canon 2. Aurelianensis IV. & Canon 13. Vormatiensis. Vide si lubet apud Gratianum can. *Episcopi*, & can. *Nemo Episcoporum*, & can. *Nullus Sacerdotum*, 11. quæst. 3. S. Augustinus de corrept. & gratia rationem horum suppeditat cap. 15. *Quia* (inquit) *pœnâ excommunicationis nulla major est in Ecclesia*. Denique Ludovici XIV. feliciter nunc regnantis Constitutio mensis April. an. 1666. sic ordinat: *Non astringentur Ecclesiastici ad censuras vel monitiones decernendas, nisi pro gravibus causis*. Omissis minoribus taxationibus quas cæteroqui graves Authores in hac materia monitionum præfixere, magis convenientem existimaverim taxationem illam quam doctissimus Episcopus Piascius in sua praxi Episcopali, p. 2. cap. 4. præfigit ad viginti scuta, quæ summa in paupere familia potest esse gravissima, & absolute gravis in furto, in commodato, in deposito. Concilium quoque provinciale Avenione celebratum sub omni virtutum genere ornatissimo Francisco Maria Taurusio ex Congregatione Romani Oratorii Archiepiscopo & Cardinali, providet ne pro minori dispendio quàm viginti aureorum expendantur monitiones aut censuræ.



CAPUT XII.

De minori excommunicatione.

- I.  MNIS quidem excommunicatus, etiam toleratus, privatur sub mortali peccato ab auditione Missæ & assistentia in Divinis Officiis. Potest tamen ingredi Ecclesiam, & seorsim adorare, & orare coram sanctissimo Sacramento, dum absteineat à Missa & publicis Officiis. Hoc dicit Alterius lib. 1. disp. 10. cap. 5. & Bonacina de excom. disp. 2. quæst. 2. puncto 3. §. 2. n. 9. asserentes esse communem sententiam. Non enim illi prohibentur privatæ orationes, neque ingressus Ecclesiæ ad hunc finem, sed tantum ad finem participandi communibus Ecclesiæ precibus, & suffragiis. Reliqui tamen Fideles ex concessione Extravag. *Ad evitanda*, non tenentur excludere à Missa, vel Divinis Officiis excommunicatum toleratum, quanvis iste, ut dixi, si his intersit, peccet mortaliter, nisi ignorantia excusetur.

II. Secus tamen agendum circa excommunicatos evitandos. Quisquis enim scienter Missam, aliave Ecclesiastica Officia celebrat coram excommunicato evitando, peccat mortaliter; simulque ligatur excommunicatione minori quisquis scienter interest Missis aut Divinis Officiis præsentem illo, sive Clericus sit, sive Laicus: cum enim decrevere pœnam præfixi Canones

Canones contra quoscunque participantes, sive in Divinis, sive in humanis cum quovis excommunicato. Qui Canones etiam nunc vigent, exceptâ solâ mitigatione Extravagantis prædictæ circa non notorios, aut non denunciatis nominatim excommunicatos. Hujusmodi sunt can. *Excommunicatos*, & can. *Cum excommunicato*, & can. *Qui communicaverit*, 11. quæst. 3. Si ergo inchoatâ jam Missâ adveniat notorius, aut nominatim denunciatus excommunicatus, monendus est ut inde exeat: si parère recuset, vi ejiciendus est, quanvis esset Sacerdos. Sed si ejici non potest, tunc distinguendum est ita. Vel Sacerdos inchoavit Canonem Missæ, vel non: si non inchoavit, debet à cœpta Missâ desistere & in sacrificiam redire: si verò Canonem jam inchoavit, debet prosequi reliquum usque ad communionem inclusivè, & iis quæ sequuntur præmissis, ad sacrificiam redire ubi præmissa supplebit. Qui verò excommunicati, vel interdicti admoniti exire pertinaciter manserint, eorumque in ista pertinacia fautores novo excommunicationis ipso facto Papæ reservatæ vinculo ligantur, Clement. 2. de sent. excom. Hæc docent unanimes omnes, nemine contradicente, Doctores: præterquam in eo quod aliqui eorum exeundum esse asserunt Sacerdoti tantummodo in puncto consecrationis, quum ventum est ad verba, *Qui pridie quam pateretur*, ut vult Navarra: alii verò communius negant absolutè exeundum esse ab inchoato semel Canone. Videri potest hæc ubertim pertractans Suarez de censur. disp. 12. sect. 2. num. 11. & sequentibus.

III. Sacerdos scienter celebrans coram excommunicato evitando peccat mortaliter: nec solum illigatur minori excommunicatione, simulque interdicto ab ingressu Ecclesiæ, cap. *Episcoporum*, de privileg. in 6. sed præsumens deinceps celebrare antequam absolutionem consequutus sit, sit irregularis, non quidem propter violationem minoris excommunicationis (quæ utique non sufficit ad pœnam irregularitatis incurrendam, ut addiscimus ex cap. *Si celebrat*, de cler. excom. ministr.) sed ob violatam prædicti Interdicti censuram.

IV. Sicut autem quisquis scienter in sacris & divinis communicat cum evitando excommunicato, peccat mortaliter ob materiæ gravitatem: ita in civilibus & humanis peccat tantum venialiter ob materiæ levitatem. Sed tamen ex hoc ipso implicatur excommunicatione minori, d. can. *Excommunicatos*, & can. *Cum excommunicato*, & can. *Qui communicaverit*, 11. q. 3.

V. Hujusce minoris excommunicationis effectus est prohibitio, non quidem conferendi, sed solum suscipiendi Sacramenta, & privatio vocis passivæ, sed non activæ: potest enim alium eligere, sed non eligi, atque etiam jurisdictione uti qui hanc minorem contraxit. Nullam verò incurrit irregularitatem ex minoris excommunicationis violatione per Ordinis sacri exercitium ille qui hac censurâ est illigatus, cap. *Si celebrat*, de cler. excom.


excommunic. ministr. Quod verò ibidem statuitur, eundem celebrando graviter peccare, idè venit non quatenus confert, sed quatenus suscipit in celebratione Eucharistiæ Sacramentum.

V I. Duos itaque parit effectus minor excommunicatio. Primus horum in privatione passivæ Sacramentorum susceptionis consistit. Secundus est irritatio electionis in ejus favorem qui hac est irritatus, ut decernit dictura caput *Si celebrat*. His enim verbis, *Ejus electio est irritanda*, non negat esse validam sive electionem, sive præsentationem, sive collationem, sive institutionem. Sed tamen satis insinuat esse illicitam, cum decernat illam irritandam esse: atque aded taliter illigatum non posse citra gravem offensam suscipere & retinere Beneficium, nisi se absolvi curet. Ugolinus tab. 3. cap. 6. §. 3. Suarez disp. 24. de censuris, sect. 2. num. 21. Felinus in cap. *Dilecti*, de exception. Ricardus in 4. dist. 18. art. 7. quæst. 4. Filliucius cap. 2. quæst. 10. num. 25. & alii communiter.



C A P U T XIII.

Quanam ignorantia excuset à censuris.

- I.  **RESUPPONENDÆ** hinc sunt multiplices ignorantie distinctiones. Alia dicitur ignorantia respectu poenæ, scilicet quod lata sit in tali casu censura. Alia respectu Juris, an à Jure hæc vel illa actio prohibita sit. Alia item respectu facti, cum res aut persona ignoratur, ut an id quod telo ferire intendo, sit fera, an homo; vel an sit homo laicus, an Clericus. Insuper alia est inculpabilis ignorantia sive juris, sive facti; alia verò culpabilis. Prima vinci non potuit in illis rerum circumstantiis, ideoque censetur inculcata. Secunda vinci potuit, idcirco judicatur culpabilis.

I I. Communis regula est, culpabilem esse rerum ad proprium ejusque officium spectantium ignorantiam, ut est imperitia Medici in ægroto suo curando, §. *Præterea*, Institut. de lege Aquilia. Id quidem ita judicari solet in externo foro ex Juris præsumptione, quod quis negligens extiterit in iis quæ proprii officii sunt addiscendis. Quæ tamen cessare præsumptio potest in foro conscientie. Perspecta quippe omni sapienti est ipsa humani ingenii naturalis infirmitas. Alioqui perimulta sequerentur absurda. Primum, neminem qui non sit eximii ac præstantissimi ingenii, posse ulli se arti aut disciplinæ addicere citra gravia & continua peccata; quia quantamlibet adhibuerit quis in addiscendo diligentiam, ignorabit tamen non pauca quæ eximii quidam ejusdem artis professores inimitabili solertia assequuti

assequuti sunt, aut inexhaustæ memoriæ bonitate retinent, quæ etiam longiore studio ab aliis acquisita mox infelici oblivione dilabuntur. Altera etiam non minor sequetur absurditas. Cum enim doceat experientia illos qui longo provectu in aliqua arte, vel scientia versati sunt, longè plura scire iis qui in eisdem disciplinis exercendis juniores sunt, minutique experti sequeretur ob minorem peritiam, atque adeo ob inevitabilem quædam in arduis & difficilioribus imperitiis neminem posse licitè aliqua in arte versari, nisi priùs acquisiverit consummatam experientiam ejus artis. Atqui nemo potest illam assequi consummatam experientiam nisi diuturno tempore in eadem arte versatus. Atque ita nemo citra grave & continuum peccatum aliquam aggredi, aut per aliquot annorum decursum exercere professionem possit: cum tamen illa consummata peritia non obtingat nisi post longam artis exercitationem, quâ solâ artes & harum cognitio exacta perficiuntur. Quin etiam his ulteriùs adjungo, etiam perfectissimas, quorum exiguus est numerus, ingenia, quæ longa etiam in propriis professionibus exercitatio ad consummatam frugem perduxit, non ita esse felicia, ut omnia quæ suæ artis sint, perfectissima habeant, unde necesse est aliqua ignoratione errent. Et liquidò perspicimus inter præstantissimos & primarios Artium & Scientiarum, sive practicarum, sive speculativarum Professores, qui doctrinam excellentis ingenii acumine & laboris assiduitate consummatissimam scriptis tradiderunt, alios ab aliis quàm sæpissimè dissidere, corrigi, & invicem coargui. Hæc ad singulas paginas occurrunt legentibus excellentiores quosque Philosophos, Theologos, Jurisconsultos, Medicos, & qui de moribus scripsere non dico circumforaneos, aut etiam mediocres, sed principes, eximiasque sapientiæ Magistros. Quis igitur ista perspicies ausit asserere, nullam posse cuiquam in arte propria, quæcumque illa sit, contingere ignorationem, inadverentiam, vel errorem citra culpam & offensam Dei? Id esset ignorare, non fortasse sine culpa, nostræ conditionis infirmitatem inevitabilem, quæ nos in humilitate continet, de qua Rex sapientissimus Spiritu Divino collustratus hoc perhibet testimonium Sap. 9. *Cogitationes mortalium similes, & incerta providentia nostra. Corpus enim quod corrumpitur aggravat animam, & terrena inhabitatio deprimit sensum multa cogitantem.* Præstantissimi quoque Jurisconsulti à Justiniano Principe ad Romanorum legum deletum & compilationem adhibiti, ab ipso Pandectarum exordio protestantur: *Omnium habere notitiam, & penitus in nullo peccare, Divinitatis magis quàm mortalitatis est.*

III. Præterea dividitur ignorantia in antecedentem, concomitantem, & consequentem. Antecedens illa est sine qua non fieret actio: ut si Titius virum quem percutit, sciret esse Clericum, nequaquam percutere auderet: vel si sciret pœnam excommunicationis impositam esse percussori Clerici, abstinuisset, formidine illam incurrendi, ab istiusmodi percussione.

B B b b

Ignorantia

Ignorantia concomitans ea est, quæ licet non interveniret, non minùs fieret actio: ut si is qui feram telo appetere intendit, sciret non esse feram, sed suum adversarium, non minùs id telum contra ipsum intorqueret. Ignorantia consequens est quæ ex mala voluntate nascitur, quæ dicitur affectata.

I V. Ignorantia culpabilis; seu vincibilis, tam joris quàm facti, si sit adeo crassa & negligentia conjuncta, ut agentem non eximat à mortali culpa circa illam circumstantiam in qua versatur censura, nullatenus excusabit à censura, neque ab irregularitate imposita in poenam, ut si quis hominem telo adortus cogitationem & actuale dubium habuerit an sit Clericus, & hoc stante dubio percusserit Clericum, haud ignarus poenæ statutz contra Clericorum percussores. Illa quippe ignorantia crassa est & affectata, quandoquidem stante dubio de Clericatu sese hujus poenæ periculo sciens & volens exposuit. Atque hæc est consequens ignorantia, ex crassa negligentia, & faciliè vincibili nascens. Probatur primò authoritate. cap. *Ut animatum*, de constitutionib. in 6. declarantis contraventionem adversùs sententias & statuta Ordinariorum non excusari per crassam & supinam earumdem ignorantiam. Si enim aliquis habet suspicionem, vel dubitationem alicujus legis, vel sententiæ, nec aliqualem adhibet diligentiam ut sciat an talis sit lex, & nihilominus prætergreditur sciens & volens illam de qua dubitat legem, hic non solum se periculo transgrediendi illam, si quæ existat, legem; sed etiam licet nulla talis existeret lex, temerè agit contra conscientiam suam, & ideo certissimè peccat: atque ideo qui dubitans de excommunicatione prorumpit in actum, satis habet pertinaciæ & præsumptionis ad peccatum mortale, & ad violationem censuræ. Quæ ratio convincit, ut si lex excommunicationem infligens loquatur de præsumptione & ausu temerario, iste opinans & suspicabundus, nec minùs ulterius ad actum prohibitum progrediens, illam pariter censuram incurrat, ut docet Suarez disp. 4. sect. 10. num. 3.

V. Sed si ignorantia seu juris, seu facti, fuerit vel inculpabilis, vel solum venialiter culpabilis, hæc eximet ab omni censura. Neminem enim ligant censuræ (exceptà solà minori excommunicatione) nisi culpæ mortalis reum. Ignorantia quoque poenæ eximit à censura, nisi sit ignorantia consequens & crassa ac supina, quæ mortalem culpam non excludat, præsertim si sit affectata, & directè volita, aut ex gravi negligentia ortum ducens. Ignorantia poenæ, hoc est, quod tale factum talis censura committitur, excusat à censura. Unde qui scit tale factum prohiberi quidem, sed ignorat inculpabiliter prohiberi sub censura, quanvis lethali culpâ peccet rem faciendo, non tamen censurâ ligatur, quam planè ignorat. Censuræ namque cum sint medicinales, non decernuntur nisi in contumaces, quales non sunt respectu censuræ illi qui ejus notitiam nullam habent. Ita docent Sylvest. verb. *Excommunicatio* 2. not. 3. Navarra Manual. cap. 27.

num. 169.

num. 16. Suarez de censur. disput. 4. num. 8. Sanchez lib. 9. de matrim. disp. 32. num. 13. Bonacina de censur. in communi, disp. 1. quæst. 2. puncto 1. num. 13. * Sylvius comment. in 1. 2. D. Thomæ, quæst. 76. art. 1. Quod etiam evidenter docet caput *Si verò*, il 2. de sent. excom. his verbis: *Si verò aliquis in Clericum nutrientem comam manus iniecerit violentas, propter hoc non debet Apostolico presentari conspectui, nec etiam excommunicatione notari, dummodo ipsum esse clericum ignoraverit.* Cui conformatur caput *Apostolica*, de cler. excom. ministr. sic dicens: *Verum quia tempore suspensionis ignari celebrasti Divina, vos reddit ignorantia probabilis excusatos.* Ibi que Glossa in verbo *Probabilis*, hoc ait: *Non est hic aliqua dispensatio necessaria, quia nesciebant se suspensos, unde non peccaverant.* Adde, nec pœnam irregularitatis contraxerunt, quia scilicet pœna præsupponit peccatum. Alioqui verò regula est Canonici Juris, eum qui censuram aliquam Ecclesiasticam per exercitium sacri Ordinis violat, irregularitate innodari, toto tit. de cler. excom. ministr.] Alique communiter contra Covarruviam in cap. *Alma mater*, 1. parte, §. 10. num. 11.

V I. Ignorantiam inculpabilem, seu invincibilem, tam Juris pœnalis, quàm facti, eximere ab omnibus censuris, convincitur ex d. cap. *Ut animarum*, de constit. in 6. *Ut animarum periculis obviatur, sententiis per statuta quorumcumque Ordinarium prolatis ligari nolumus ignorantes, dum tamen eorum ignorantia crassa non fuerit & supina.* De ignorantia quoque facti, seu personæ, etiam in iis rebus quas committens certus est esse Jure ipso Divino & naturali prohibitas, textus est luculentus in cap. *Si verò*, il 2. de sent. excom. ubi Pontifex declarat non esse excommunicatum illum qui hominem ex deliberata malitia occidit, quem ignorabat esse Clericum, propter capillitium & secularem quem gerebat habitum. Quæ excommunicatio ex Clerici occisione cum sit reservata Papæ, inde pariter sequitur idem esse juris in ignoratis Papæ reservatis excommunicationibus, quod in aliis per Ordinarios irrogatis. Idque docent Sylvester, Navarra, Suarez locis citatis paulò antè: cum sit utraque ignorantia juris aut facti merè humani, nec aliud opponatur discrimen quàm quia ignorantia legum Papæ minùs facillè præsumitur aut probatur in contentioso foro, quàm statutorum, vel sententiarum Ordinarium.

V II. Quod dixi de ignorantia censurarum juris, eam eximere contravenientes ab ignoratis inculpabiliter illis pœnis, id pariter extendunt Sanchez & Bonacina ad irregularitates ex delicto promanantes. Sed ab his existimo dissentiendum esse. Omnis enim irregularitas inducit canonicam incapacitatem, quæ sive ex delicto, sive ex defectu oriatur, non minùs subsistit ignorata quàm cognita. In quo differt à censuris, quia hæ non solum prærequirunt delictum, sed præterea contumaciam adversus Ecclesiasticas pœnesiones: ideoque Jus efflagitat ut notificentur tribus distinctis admonitionibus circa præsentem ac præteritam culpam; quod nunquam requiri-

tur circa pœnales irregularitates. Istud quoque sequeretur inconveniens, univerfos prædones & assassinos, qui dum in his sceleribus vitam degunt, has omnes ex delictis irregularitates prorsus ignorant, de quibus nihil unquam audierunt; si peractâ sceleratæ vitæ poenitentia ad clericalem statum aspirent, nequaquam indigere ab his poenalibus irregularitatibus ulla dispensatione, hac ratione quia eas inculpabiliter ignorabant quo tempore homicidiis & latrocinii grassabantur: & si sacros Ordines susceperint, posse in conscientia illos absque dispensatione & rehabilitatione exercere, solumque egere dispensatione exterioris fori ad repellendos impugnatores suos in externo foro.

V I I I. Ignorantia concomitans est immunis à censuris, imò etiam ab irregularitatibus ex delicto nascentibus. Itaque is qui hominem occidit existimans invincibiliter esse feram, ita tamen affectus animo ut perinde occisurus esset inimicum suum, non est reus homicidii perpetrati, si hunc inscius, credens esse feram, interimat; sed solius mali affectus ad homicidium. Casu namque ac per accidens evenit ut ibi latitaverit inimicus ubi occisor certò credebat adesse feram. Neque occisio censenda est voluntarium esse homicidium: voluntarium quippe, approbante Sancto Thoma, sic ab Aristotele definitur lib. 3. Ethic. ad Nicomach. cap. 1. *Illud quod procedit à principio cognoscen- te singula in quibus est alio.* Verumtamen si occisor iste dubitasset, ferane esset, an homo, tum demùm reus esset criminis homicidii, simulque poenarum civilium, & canonicis irregularitatibus innodaretur ex homicidio surgentibus; non autem excommunicatione, nisi fortè aliqua lata esset contra homicidas generaliter, aut nisi cogitationem habuisset Clerici ibi latentis, & verè Clericum, de quo suspicabatur, occidisset aut vulnerasset, juxta principia paulò antè stabilita, artic. 6. & 7. Tunc enim contingeret ignorantia crassa & facile vincibilis. In dubio namque tenebatur omninò desistere à teli jactu, vel ante teli jactum rem dubiam explorare, nec se periculo homicidii, vel clericidii temerario ausu exponere.


I X. Quæ hætenus de ignorantia dicta sunt, similiter dicenda sunt de inadvertentia, oblivione, inconsideratione planè naturali, ac de subreptione, quum quis non ignorat præceptum, vel prohibitionem, sed hæc & nunc non recordatur, aut mens ejus abstracta non advertit: neque enim homo semper & omni momento liberam habet, aut sub potestate sua animi præsentiam, aut perfectam rerum occurrentium advertentiam. Oblivio naturalis, aut inadvertentia quam negligentia culpabilis non præcessit, reddit actionem involuntariam: voluntas quippe nihil potest actu velle nisi quod intellectus actu cogitat. Inconsideratio autem tollit adualem objecti cogitationem, atque ita tollit voluntarium. Si verò præcesserit negligentia quædam venialis, hæc non potest per se causare immediatè peccatum mortale, atque ita immunem facit à poenis quæ non nisi peccatis

catis mortalibus decernuntur, quales sunt majores excommunicationes & irregularitates ex delicto. Ita Suarez de censuris, disput. 4. sect. 8. nrm. 11. Gratius lib. 4. decisionum, cap. 9. num. 29. Et sapienter docet S. Thomas 1. 2. quæst. 88. artic. 6. in corp. & 2. 2. quæst. 36. art. 3. in corp. & ex eo Joan. Major in 3. distinct. 37. quæst. 14. & Navarra in Manuali, prælud. 9. num. 11. & cap. 23. num. 126. subreptionem in omni materia excusare à mortali.



C A P U T XIV.

De absolutione à censuris.

I.  B1 distincti superiùs inter censuras ab homine, & censuras à jure latas, exposui posse latas ab homine absolvi ab eo solo qui eas decrevit, aut ab ejus successore, aut etiam ab ejus Superiore, aut ab horum delegatis cum hac speciali facultate.

II. Is qui facultatem obtinuit circa reservatos Papæ casus, potest à censuris Papæ reservatis absolvere. Nullus enim reservatur Papæ casus, nisi ratione censuræ. Qui verò potestatem obtinuit circa reservatos Episcopo casus, non potest propterea à reservatis Episcopo censuris absolvere. Cum enim soleant Episcopi aliquos sibi casus reservare nulli censuræ annexos, inde fit, ut duæ res distinctæ sint casus & censuræ Episcopales, nec unum altero includatur, ut docent Navarra, Suarez, Bonacina, Toletus & alii. Insuper quando Episcopus alterum delegat circa censuras sibi reservatas, non comprehenduntur censuræ ab homine, sed solæ quæ à jure decernuntur.

III. Potestate pollent Episcopi circa omnes casus ac censuras Papæ reservatas, etiam notoriè aut publicè incurfas ab illis qui legitime impediuntur adire Papam, ut sunt infirmi, senes, decrepiti, inopes, & scemina: sed in locis in quibus viget reincidentia, illi qui adire impediuntur, tenebuntur mox ut cessaverit impedimentum proficisci, aut mittere ad Papam, vel Legatum sub poena reincidentie in eisdem à quibus absoluti fuerant censuras. Quæ tamen cessat obligatio in absolutis per Confessarios, quibus ipse Papa, vel Legatus censurarum Papæ reservatarum absolutionem indulserat. Sed illa obligatio multis in locis à Suprema Sede remotis plenè cessavit, ut in Gallia.

IV. Quanvis per caput *Mulieres*, & caput *Ea nescitur*, & caput *Quamvis*, de sent. excom. mulieres dispensentur ob fragilitatem sexus ab obligatione præsentandi se Apostolico conspectui, siquando inciderint in ca-

suam Sedi Apostolicæ reservatum : quanvis item decernatur per cap. *De Monialibus*, eod. tit. Moniales quæ inciderint in excommunicationem Papæ reservatam ob violentam manuum sive in Moniales alias, sive in Clericos, sive in Monachos injectionem, posse per Episcopum absolvi ; aliter tamen constitutum fuit de Monialibus aliisve à quibus clausura violata fuerit, ne scilicet ab Episcopo aut alio quocumque absolvi possint, nisi à Summo Pontifice, cui hæc poenalis excommunicatio ob ejusmodi clausuræ infractionem reservatur per Bullas Pii V. & Gregorii XIII. Pontificum. Indecorum esse perspiciebant Summi Pontifices, si clausuræ violatæ prætextu cogerentur Moniales de suis exire clausuris ad conveniendam personam Apostolicam Sedem : sed hoc unum decernunt, ut sese melius intra septa claustrum continentes mittant ad Summum Pontificem pro impetranda absolutione. Eaque excommunicatio reservata non solas adstringit Moniales, Abbatissas, Ostiarias ; sed etiam quasvis alias scæminas quæ sive Virorum, sive Monialium Monasteria ausu temerario ingressæ fuerint, necnon Monachos qui illas admiserint, & quoslibet etiam viros qui parâ temeritate clausuram Monialium transgressi fuerint. Videri potest Bonacina tract. de clausuris, quæst. 4. punct. 6. propos. 1. & quæst. 5. punct. 3. & 4. Quin etiam author libri Directoris Pacifici, Capucinorum Ordinis, qui Gallico sermone ad usum & directionem Gallicanarum Monialium scripsit, p. 3. lib. 2. instructione 7. art. 2. ex hoc eas absolute affirmat incurrere excommunicationem, si contingat per ipsarum delictum clausuram violari, quam solus Papa possit absolvere. Hoc tamen verum est, prævaluisse diuturnam in Regno Galliarum consuetudinem, ut per Episcopos absolvantur Moniales hac censurâ ligatæ, non modò in Monasteriis Ordinario subditis, sed etiam in exemptis ; quanvis violatio ista publica & notoria foret. Quod ideo dico, quia ubi occulta aut paucis nota foret clausuræ violatio, salva remaneret Episcoporum potestas, quam ipsis Concilium Tridentinum concessit absolvendi à quibuscunque censuris in omnibus casibus occultis, nec in forum contentiosum deductis, quos alioqui Suprema Sedes suæ absolutioni reservasset, sess. 24. cap. 6. de reform. Quin etiam cap. *Periculoso*, in fin. de statu Regular. in 6. deinde Concilium Trident. sess. 25. cap. 5. de Regul. & Bulla Gregorii XV. incipiens *Inscrutabili*, conferunt Episcopis plenam circa clausuras Monasteriorum etiam exemptorum jurisdictionem.

V. Absolvere quoque Episcopi possunt ab omnibus censuris & irregularitatibus ex delicto provenientius, si delicta sint occulta, id est (ut communiter Doctores explicant) non famosa, aut publicè nota, quanvis per plures testes probari possent. Ab his Concilium solummodò excipit homicidii crimen, & quodcumque deductum delictum ad contentiosum forum. Sed si in foro ipso contentioso reus ipse delicti se falsis etiam asseverationibus aut probationibus sufficienter purgaverit, pot erit etiam per

Episcopum

Episcopum aut ejus delegatum absolvi, ut est communis Doctorum consensus. Et declaravit Sacra Congregatio Cardinalium, attestantibus Sayro & Bonacina, posse istam absolvendi potestatem alteri per Episcopum delegari.

V I. Quisquis confitetur Sacerdoti facultatem habenti circa censuras reservatas, remanet absolutus ab iis quoque reservatis censuris quas incurrit ob peccata quæ non est confessus ex oblivione, dummodo absolutio censurarum facta fuerit in terminis generalibus, qualis est ista vulgaris: *Absolvo te ab omni vinculo excommunicationis*. Quod notandum præterit temporibus Jubilæorum, quibus omnes Sacerdotes ad confessiones approbati amplissimam habent circa censuras & peccata jurisdictionem, adeo ut si quis post transactum Jubilæi tempus recordetur peccati reservati cum censura, cujus fuerat oblitus in sua Jubilæi tempore facta confessione, possit deinde à quovis approbato Sacerdote absolutionem suscipere, quia per priorem generalem censurarum absolutionem omnis reservatio fuit ablata. Eadem resolutio extenditur ad alia omnia peccata reservata, quibus non est annexa censura, qualia plerumque sunt quæ sibi reservant Episcopi, adeo ut is qui fuerat oblitus alicujus eorum in confessione facta coram Sacerdote potestate prædito super illis reservatis, possit cum postea ejus recordatus fuerit, absolvi ab eo quoque peccato per quemlibet Confessarium approbatum, eo quod omnis reservatio per anteriorem confessionem ablata fuerit, collata absolutione ab eo qui potestatem habebat circa omnes poenitentis reservatos casus. Ita Sylvester verb. *Confessio* 1. quæst. 4. Adrianus quæst. 4. de confessione, §. *Si peccat circa dicta*: Gabriel in 4. distinct. 17. quæst. 1. art. 3. dub. 2. sub finem, Navarra cap. 26. num. 13. Angelus verb. *Confessio* 1. num. 111. Bonacina de poenit. disp. 3. quæst. 7. punct. 5. §. 5. num. 4. & 5. Henriquez lib. 6. cap. 16. num. 5. alii-que fecerunt omnes.

V I I. Absens localiter à censuris validè absolvitur. Itaque Confessarius qui poenitentem absolvit à peccatis quibus est conjuncta censura, à qua absolvere non poterat, deinceps poterit obtenta de novo facultate eundem etiam absentem ab illa excommunicatione relaxare, Navarra, Suarez, Bonacina. Secus verò dicendum de sacramentali peccatorum absolutione, quæ absentibus & per scripturam confessis conferri nequit, ex Clementis VIII. Decreto.

V I I I. Valet Sacramentalis absolutio Sacerdotis excommunicati tolerati, seu evitandi, quanvis illicita sit ex parte talis Sacerdotis. At verò excommunicati vitandi nulla & irrita est. Hæc plenius tractat Bonacina de censuris disp. 2. quæst. 2. punct. 2. §. 3. & 4. Qui etiam excusat à peccato eum qui scienter petit absolutionem, aut aliud Sacramentum ab excommunicato tolerato, unà cum Soto in 4. dist. 22. quæst. 1. art. 4. & Sanchez de matrim. lib. 7. disp. 9. num. 8. contra Navarrum cap. 9. num. 9.

& 10. & alios : qui tamen omnes in hoc consentiunt , valere Sacramentum à Sacerdote excommunicato administratum , modò sit toleratus , præsertim verò si sit Curatus.

I X. Archiepiscopus non potest absolvere subditos suorum Suffraganeorum à censuris latis ab Episcopis suffraganeis , nisi in casibus duobus , in quibus Jus attribuit Metropolitanis jurisdictionem in subditos Suffraganeorum , scilicet in casu appellationis , cap. *Venerabilibus* , §. 1. de sent. excomm. in 6. & in casu visitationis provincie. Tertium casum adjungit Bonacina disp. 1. de censur. quæst. 3. punct. 2. num. 7. quando Suffraganeus malitiosè , aut negligenter negat , vel differt absolutionem poenitentis parato ad satisfaciendum ; tunc enim justus est ad Archiepiscopum recursus. Cui manifestè suffragatur cap. *Per suas litteras* , de sent. excommunicat.

X. In absolutione majoris excommunicationis , ubi non intervenit damnum Tertii , sufficit promissio , aut juratoria cautio poenitentis. Ubi verò alterius læsio intervenit , non est impendenda absolutio antequam parti læsæ (si fieri hoc potest) satisfactum fuerit , aut si fieri in præfenti non potest , cautio saltem sufficiens exhibita sit. Ipseque Confessarius secus faciens peccat mortaliter , & injuriam læsæ Parti infert , nisi Pars ipsa condoner , cap. *Cum tu* , de usur. cap. *Porro* , & cap. *Parochianos* , de sent. excom.

XI. Ex mandato Clementis VIII. Sacra Congregatio Cardinalium Decretum edidit declarans in quibuscunque facultatibus ab Apostolica Sede concessis aut concedendis , tam generalibus in favorem Congregationum & Ordinum Secularium & Regularium , etiam Societatis Jesu , quàm specialibus in gratiam particularium , quantumvis habeantur in eis clausulæ generales aut derogatoriæ , nullatenus includi casus contentos , sive dubie , sive manifestè in Bulla Cœnæ , neque violationem immunitatis Ecclesiasticæ in terminis Constitutionis Gregorii XIV. neque violationem clausuræ Monialium ob malum finem , neque provocationem aut pugnam in ductio , neque manum violentam in Clericum aut Monachum , neque simoniam realem scienter contractam , neque confidentiam beneficalem : & revocat quoad hæc omnes concessiones antea factas , declarans posthac nullas & sacrilegas talium delictorum absolutiones , nisi ad hæc specialis & nominatim expressa facultas obtenta sit. Refertur in Bullario Quarantæ , sub tit. *Casus reservari* , & passim citari solet. Istud tamen Decretum sibi limites præfigere videtur is verbis , *Per universam Italiam*. Cujus esse ratio potuit , quia extra Italiam difficilior est ob longiorem distantiam ad Sedem Supremam recursus. Quæ tamen cessat ratio in declaratione ibidem pariter expressa : Neminem sive Secularem , sive Regularem posse absolvere à casibus per locorum Ordinarios reservatis in virtute generalis facultatis obtentæ ab Apostolica Sede absolvendi à quibuscunque casibus reservatis. In hoc ergo articulo nulla fit Italiæ mentio. Quin etiam ut omnis ambiguitas

ambiguitatis occasio removeatur, hic postremus articulus absolute renovatur per posteriores Constitutiones Gregorii XV. Urbani VIII. Innocentii X. & Alexandri VII. de quibus egimus superius in discussione jurisdictionis Ordinariorum supra exemptos Regulares.

XII. Duæ sunt species absolutionis ab excommunicatione. Prima simplex est & absoluta, quæ vinculum omnino solvit: secunda verò secundum quid, & restricta. Hæc dividitur in absolutionem ad effectum (qualis est quam solet impetiri Summus Pontifex in suis literis ad istum duntaxat finem, ut impetians fiat capax fruendi Apostolica concessione, remanente adhuc quoad reliqua omnia excommunicationis vinculo;) & in absolutionem ad cautelam, qualem Prælati ad quem provocatur ab illata per inferiorem Prælaturam excommunicatione, solet indulgere appellanti in hunc finem, ut possit iudicio contendere, suavitque prosequi appellationem. Etenim ut ait cap. *Per tuas literas*, de sent. excom. excommunicatus vocem non habet appellandi, utpote ab Ecclesia separatus. Et Innocentius Papa III. lib. 1. epist. 94. *Personam* (ait) *in iudicio standi non habent ii qui excommunicationis vinculo sunt adstricti*. Fit mentio istius ad cautelam absolutionis in d. cap. *Per tuas literas*, & cap. *Cum desideres*, §. *Secunda*, & cap. *Venerabili*, de sent. excom. & cap. *Ad præsentiam*, de appellat. & cap. *Veniens*, de test. b. Istud porro cap. *Veniens*, aliam addit causam absolvendi ad cautelam testes excommunicatos, ut scilicet in iudicio possint eorum audiri testimonia: quanvis indubitatim sit horum testium, quemadmodum & supradictorum appellantium, excommunicationes in cæteris effectibus perdurare. Sed nullâ opus est absolutione si constet fuisse quemquam excommunicatum post legitimam appellationem, aut ipsam excommunicationem continere intolerabilem errorem, d. cap. *Ad præsentiam*, de appellat. & d. cap. *Per tuas literas*, §. *Nos igitur*, de sent. excom. Quo eodem cap. docemur, excommunicationem à Iudice latam auferri non posse nisi ab eodem ipso, vel ejus superiore Prælato. Stylus aliquando fuit in Senatibus Gallicanis, ut excommunicati litigantes absolventur ad cautelam per aliquem Clericum ab ipso Senatu delegatum; adeo ut Franciscus I. in Edicto anni 1539. art. 6. hanc praxim approbet. Charondas in Codicem Henricum lib. 1. tit. 15. notat in eundem art. 6. ejusmodi praxim in hoc uno versari, ut præveniatur exceptio excommunicationis, quâ litigans à prosecutione causæ submoveretur. Neque enim Iudices laici, neque ab his delegati Clerici potestatem habent relaxandi vincula quibus animæ spiritualiter alligantur. Neque opus est deinceps externa ista caeremonia: consuetudo enim hoc in Regno præscripsit, ut nulli excommunicati excludantur à litibus fori secularis, sive actorum, sive reorum partes sustineant. Thevenus Parisiensis Curie Advocatus in suis ad Regias Constitutiones observationibus, tit. de jurisdict. Eccles. art. 5. *Parlementa* (inquit) *non possunt absolvere, aut facere absolvi ad cautelam*

C C C

etiam

selam ; quia hac potestas non competit nisi illi qui potest simpliciter absolvere cap. Selet, de sent. excommunicat. in 6. Et Curia laicorum nec absolvere potest, nec ad absolvendum delegare ; idque ei prohibetur per Edictum Melodunense. Haftenus Theveneus.



CAPUT XV.

De casibus reservatis, tum Papa, tum Ordinariis.

RESERVATIONES & censuras Bullæ Coenæ Domini in diversis provinciis neque recipi, neque ligare diversi Auctores approbati contestantur. In primis Bonacina in Romana Curia approbatissimus, in qua multos annos adusque finem vitæ nunc gessit Referendarii Apostolici ; & Filliucius qui Romæ quoque per multis annis publicè Theologiam Moralem professus est, suolque ibidem libros omnes in lucem edidit ; & cum his alii plerique scribant de Regibus Hispaniæ, & de Republica Genuensi, non teneri excommunicatione hujus Bullæ, neque eorum Proreges, Gubernatores & Officiales, qui nomine illius Regis insulas Siciliam & Sardiniam, aut nomine illius Reipublicæ Corsicam occupant summo & independenti à Papa Jure, quanvis in Bullatium illarum insularum occupatores & detentores anathemate feriat, articulo 72. Ipseque Summus Pontifex, quo præsentè quotannis Bulla illa publicè legitur, nullam ejus excommunicationis rationem habere videtur, cum notorios illos detentores in ipsa alma Urbe admittat ad omnia Sacramenta, cæteraque Fidelium privilegia, nullâ præmissâ ejus rei poenitentia, vel restitutione, sed in ea retinendi voluntate pertinaces. Item nullatenus hac Bulla adstringi Germanos, apud quos nunquam admittit aut recepta fuit, testatur inter alios Becanus tract. de lege humana, quæst. 8. De Belgis quoque hoc idem testatur cum aliis Bassæus. De Galliarum Regno omnes ferè Gallicani Jurisconsulti & Canonistæ.

II. Quanvis in corpore Juris Canonici, & in Concilio Tridentino, & in plerisque Summorum Pontificum Constitutionibus quamplurimæ habeantur excommunicationes Summo Pontifici reservatæ ; attamen pleræque illarum vel non fuere in Gallia receptæ, vel abrogatæ sunt contrariâ consuetudine, quam sacri Canones vim legis habere decernunt, cap. *Constituendo*, distinct. 1. & cap. *Cum olim*, de consuetud. Et quemadmodum leges divinæ naturâ constant, ita leges humanæ moribus, can. *Omnes leges*, distinct. 1. Ipsaque consuetudo jurisdictionem confert, can. *Conquestus*, 9. quæst. 3.

quæst. 3. & cap. *Cum contingat*, de foro compet. Unde potest Ordinarius jurisdictionem ampliare, & reservationes Superiorum restringere, vel usu non receptas, vel contrariâ & præscriptâ consuetudine abolitas insuper habere.

III. Casus Papæ reservatos, quorum maximè necessaria est in Galliz Regno cognitio, cum cæterorum reservatio vel non fuerit recepta inibi, vel saltem quamrariissimè usu veniat, reducunt ad quaternarium numerum qui ad usum Galliz scripsere Gallicani Summistæ Joannes Odo in suo Confessoriorum Directorio, Bertinus Bertaldus, & alii.

IV. Primus est gravis, aut medioeris percussio Clerici, vel Monachi, ac violentia, si sit publicè notoria: alioquin enim ipso quoque jure communi Tridentinæ Synodi potest Episcopus in ipsa quoque Italia absolvere, can. *Si quis suadente*, 17. q. 4.

V. Secundus est simonia realis, & confidentia similiter non occulta, alioqui ab Episcopis juxta Tridentinum absolvenda. De præfatis duobus delictis fuscè superius à nobis tractatum est, ubi adduximus duas Pii V. Constitutiones.

VI. Tertius est incendii crimen ex deliberata malitia post factam Ecclesiasticam denunciationem; nam ante denunciationem publicam est casus solis Episcopis reservatus, can. *Pessimam*, 23. q. 8. & cap. *Tua nos*, de sent. excom.

VII. Quartus est rapina rerum Ecclesiæ cum effractione, postquam sacrilegus fuerit quoque denunciatus, cap. *Conquesti*, de sent. excom. Ibi tamen solius Papalis reservationis fit mentio, nullatenus autem reservationis Episcopalis ante denunciationem; adeo ut ista Episcopalis reservatio non sit attribuenda canonis, sed soli consuetudini quæ suffragantibus Doctoribus invaluit.

VIII. Etiam si verò quædam reservationes Papales non sint receptæ in Gallia & alibi, remanet tamen adhuc excommunicatio non reservata, quam antiquiora Jura sanxerant. Exempli gratiâ in Bulla Cœnæ deferentes arma, ad Infideles damnantur excommunicatione reservata Papæ: sed ablata illâ reservatione perdurat tamen vetus excommunicatio non reservata, statuta contra deferentes arma, aliæque hujusmodi adminicula ad partes Infidelium, contenta in cap. *Ita querendum*, & cap. *Quod olim*, & cap. *Ad liberandam*, de Judæis & Sarracenis. Similiter Bulla Cœnæ excommunicatione Papæ reservata falsarios literarum Apostolicarum punit: sed ubi reservatio illa non est admissa, remanet tamen adversus tales excommunicatio non reservata, quam decernit ipso facto incurri cap. *Ad falsarium*, de crim. falsi. Hæreticos quoque, eorumque fautores & receptatores Jis antiquum excommunicat ipso facto sine reservatione ad Summum Pontificem, cap. *Sic ut ait*, & cap. *Excommunicamus*, de hæret. & cap. *Noverit*, de sent. excom. Hujus excommunicationis absolutionem post-

modum Bulla Coenae reservavit Papæ. Concilium verò Tridentinum sess. 24. cap. 6. de reform. solis reservavit locorum Episcopis. Quo Tridentino jure in Gallia utimur.

IX. Hoc item observandum, in præfatis casibus percussione Clericorum, simoniz, confidentiz, incendii, sacrilegæ raptinæ cum effractione, delationis armorum ad Infideles, falsi criminis circa Apostolica rescripta, & hæresis, non tantum ipso facto incurri excommunicationem à perpetrantibus, sed etiam à consulentibus, auxiliantibus & receptatoribus, ut statuunt citati Canones & Bullæ Apostolicæ. Solummodò posset dubitari de violentis manibus in Clericum, eo quòd solus ille Canon incipiens *Si quis suadente diabolo*, 17. quæst. 4. nihil expresserit de mandantibus, consulentibus, aut faventibus. Verum hanc esse mentem Ecclesiæ, ut hi pariter comprehendantur, docet cum multis Navarra cap. 27. num. 78. dummodò violentia illa efficiatur. Hoc singulariter probatur per cap. *Cum quis*, de sent. excomm. in 6. ubi declaratur excommunicatus etiam ille, qui licet nec mandaverit, nec consuluerit violentiam in Clericum factam, illam tamen suo nomine factam ratificavit; quia ratihabito retrotrahitur, & mandato æquiparatur. Et in can. *Mulieres*, §. *Illi verò*, eod. tit. decernitur, eos quorum autoritate aut mandato Clerico violenta manus illata sit, ad Sedem Apostolicam esse mittendos. Denique in can. *Quante*, eod. tit. sancitur non solum anthores hujus in Clericum violentiz esse excommunicatos, sed etiam consentientes authoribus, imò etiam eos qui cum manifestè possent impedire, non impediverunt. Quam rem tamen Glossa ibi limitat circa eos qui ex officio quod gerunt tenentur impedire, adeo ut cæteri non impediētes, quanvis peccent, non ligentur hac censura.

X. Casus Episcopis partim à jure scripto, partim à jure consuetudinis reservati in Regno Galliz sunt hæresis, duellum, incendium ex deliberata malitia, & rapina rerum Ecclesiæ cum effractione, dummodo horum criminum rei non fuerint denunciati; alioqui enim, ut paulò antè monui, reservatur Papæ duorum istorum criminum absolutio. Item levis percussio Clerici, vel Monachi. His adjuuge violationem clausuræ Monasteriorum. Et favet consuetudo, quia nusquam videmus in hoc Regno pro hujus violationis absolutione recurri ad Papam, sed ad locorum Episcopos. De hæresi sigillatim paulò antè disputavi, sicut & de incendiariis. Et Benedictus Papa XI. extrav. *Inter cunctas*, de privileg. recenset incendii crimen inter casus quorum absolutio ad Episcopos remittenda sit: quod intellige ante publicationem per Ecclesiæ sive sententiam, sive proclamationem, ut concordare possit cum cap. *Tu nos*, de sent. excomm. Vidimus similiter paulò antè quid sit sentiendum ex jure scripto de rapina cum effractione in Ecclesia, deque Clerici aut Monachi levi percussione. Duello autem decertantes, quique his consilium, auxilium, aut favorem præstant,

stant, eorumque spectatores feriuntur excommunicatione à Concilio Trident. sess. 24. cap. 19. sed sine ulla reservatione. At deinde Summi Pontices Gregorius XIII. Clemens VIII. Urbanus VIII. hanc sibi absolutionem editis Constitutionibus reservaverunt. Ecclesiæ tamen Gallicanæ experientis addiscentes per has Pontificias reservationes nullatenus emendari Gallorum duella, sed potius per desperationem & impœnitentiam magis accrescere, solis Episcopis reservarunt hoc delictum in publicis totius Cleri Gallicani Comitibus, atque à Rege missis Oratoribus impetrarunt nova pœnalia Edicta cum solenni promissione nullo casu remittendi deinceps has pœnas, easque præsertim quæ infamiam & ignobilitatem nobilissimis personis & familiis inurerent: quibus præcautionibus actum videmus ut nunc duella rariora sint quàm fuerint antehac ab ipso Francici Regni conditu, quia Rex inexorabilem circa pœnas infamis suspendii etiam optimatibus & spectabilioribus Militiæ Francicæ Præfectis & Ducibus hujus criminis reis, cum jactura omnium facultatum, se exhibuit. Ipsi verò Episcopi omnia officia præstiterunt ad hoc extirpandum deinceps malum, quæ fuerant à sacris Gallicani Cleri Comitibus præscripta, quoties duellorum rei pœnitentiam postularunt. Aliud quoque remedium efficacissimum huic eliminandæ pesti Rex adhibuit. Erexit namque Parisiis Tribunal Summorum Tribunorum Militiæ Francicæ, cum summa potestate ex omnibus Regni Provinciis citandi & compellendi ad honorarias reparationes quoscumque Nobiles aut Equestres viros, qui aliquam honorariam injuriam aut contumeliam similis conditionis viris irrogassent. Atque Illustrissimi Optimates ac honorarii Judices tam strenuè hoc officio funguntur, ut conquerentibus Nobilibus de irrogata sibi injuria, post causæ cognitionem cumulatè satisfacti, & contumeliosi ad eas reparationes adigantur, ut deinceps nihil perinde reformident ac illud subire judicium, quod illis gravem apud omnem Regni Nobilitatem, atque in ipsa Regis Curia stoliditatis & proterviæ ac temerariæ improbitatis inurit infamiam.

XI. Nonnulli verò casus à jure communi Episcopis reservados sex numero recensent, qui leguntur in extrav. *Inter cunctus*, de privileg. Primum peccata illa quibus à Jure publica imponitur pœnitentia. 2. Peccata quibus est annexa major excommunicatio. 3. Peccata quæ irregularitatem ex delicto inducunt. 4. Incendium. 5. Publica blasphemia. 6. Homicidium voluntarium aut mutilatio. Sed hæc majori opus habent discussione; nam hæc Extrav. disertè ait, *quod rationalis consuetudo canonice præscripta in aliquibus Episcopatus hac Episcopis reservavit*. Unde duo constentanea inferuntur: Casus istos aliquibus Episcopis reservasse non Jus scriptum, sed consuetudinem: Deinde istam consuetudinem non esse universalem, sed aliquorum particularium Episcopatum. Et insuper consuetudines non semper eadem vigent, sed subinde eodem in loco tractu temporis ex variis occasionibus immutantur. Itaque vetus illa opinio, quod sex illi

casus sint à Jure Canonico Episcopis reservati, non potest illo textu fundari, sed aliquibus tantum glossis quas refellere facile sit. Disertè etiam negant Suarez, Filliucius, Balthus, Fagundez, Barbosa de potest. Episc. p. 3. alleg. § 1. num. 3. & alii, esse ullum casum qui in corpore Juris legatur Episcopis reservatus.

XII. Atque ut singulos præfatos casus discutiamus: Constat in primis jam inde à multis seculis defuisse publicas pœnitentias. Constat insuper multis olim delictis publicas fuisse pœnitentias ab antiquis Canonibus injunctas, à quibus possit nunc quilibet approbatus Confessarius absolvere, ut est fornicatio simplex, & privatum perjurium. Pontifex autem in d. Extrav. intendit loqui de publicis pœnitentiis quæ ipsius tempore peragebantur. Jam enim cessaverat priscorum temporum illa severitas, neque indicebantur tempore illius Papæ Benedicti XI. publicæ pœnitentiæ, nisi propter atrocissima crimina jussu ipsius Episcopi; ideoque sic loquitur: *Criminibus pro quibus solennis est pœnitentia indicenda, scilicet arbitrio Episcopi.*

XIII. Id verò quod addit ibi Papa de casibus majorem habentibus excommunicationem, non est generaliter accipiendum, sed de solis excommunicationibus ab homine, non autem à jure, nisi specialem contineant reservationem. Alioqui enim contraveniret iis quæ statuit his verbis cap. *Nuper, §. In secundo*, de sent. excomm. *Quia conditor canonis absolutionem excommunicationis sibi specialiter non retinuit, eo ipso concessisse videtur facultatem aliis relaxandi.*

XIV. Quod autem irregularitatem Clerici quæ ex crimine confurgit, dicta Extravagans reservari dicit, ita ut neget posse à Regularibus absolvi, benè intelligi debet de ipsa irregularitate, non de omni delicto ex quo exurgit irregularitas: quædam enim ex his delictis non sunt reservata, ita ut possint à quolibet Sacerdote approbato absolvi; ipsa verò inde nata irregularitas haud dubiè reservatur, sive Papæ, sive locorum Episcopis.

XV. Incendii reservationem, cujus meminit ista Extravagans, jam admissus ut consuetudine stabilitam, & Doctorum consensu potius quam canone.

XVI. Blasphemie publicæ reservationi non obstitimus, tum ratione hæresis ac infidelitatis quam blasphemia involvit; tum ratione publici scandali, quod est judicio Episcopi resarciendum.

XVII. Homicidium denique non aliter ibi inter reservata connumeratur, nisi quatenus ibidem dicitur, consuevisse hoc delictum à non paucis Episcopis reservari, ac etiam in usu positum esse multis locis, ut ejus delicti absolutio ad Superiorem remittatur. Verum, ut dixi, consuetudo ista nec viget ubique, neque ubi viguerit, perdurat in æternum. Ad istam similiter consuetudinem pertinent reliqui casus eadem Extravaganti expressi,

expressi, scilicet criminis falsi, violationis immunitatis & libertatis Ecclesiasticæ, & postremo sortilegii.

XVIII. His adijunge, hanc Benedicti constitutionem fuisse posteriore Clementis V. Constitutione abrogatam & abolitam in Clementina *Dudum*, de sepult. ubi postquam prioris illius fecit mentionem, subjungit: *Nos omnino cassamus*, &c.

XIX. Non videntur admittendæ duæ oppositæ diversorum opinionis hac in parte. Non ea opinio quæ in Jure scripto contendit permittit esse casus Episcopis reservatos, quos fundat in illa Benedicti Extravagante quam jam ostendi malè à plerisque contra ipsius Legislatoris mentem exponi, & præterea posteriore scripto Jure abolitam. Neque similiter admittenda extrema altera opinio negantium esse ullum casum ab Jure scripto Episcopis reservatum. In primis enim negari non potest, reservari Episcopis leves Clericorum percussiones, cum mortali tamen culpa conjunctas, cap. *Pervenit*, de sent. excommunic. Imò etiam aliquando mediocres, aut etiam nonnunquam graves & atroces, juxta superius elucidata in hoc libro, cap. 2. Solumque istum casum Episcopis ab Jure scripto reservatum agnosco, hoc est in toto corpore Juris Canonici. Toletus verò satis inadvertenter lib. 3. cap. 14. solum agnoscit Episcopis à Jure Canonico reservatum incendii crimen, ex can. *Pessimam*, 23. quæst. 8. & cap. *Tua nos*, de sent. excommunicat. Verumtamen Canones illi nihil de Episcopis exprimunt, adeo ut reservatio quæ Episcopis tribuitur ante denunciationem incendiarii, nullatenus tribui possit Juri scripto, sed solum unanimi Doctorum consensui, quem firmat consuetudo. At verò reservationem illam quarumdam in Clericos, aut Monachos, aut Moniales violentiarum luculentissimè Canones à me citati exprimunt, & ab Episcopis absolvendas declarant.

XX. Est itaque unica in toto scripto Jure facta Episcopis reservatio circa violentas quasdam manuum injectiones in Clericos, aut Regulares personas. Cæteræ verò Episcopis factæ generales reservationes emerferunt post Canonici Juris compilationem, vel ex insequentibus Ecclesiæ Constitutionibus, vel ex approbata ubique terrarum consuetudine & communi Scriptorum celeberrimæ doctrina Canones ex æquo interpretantium. Hi sunt incendiarii ante factam ipsorum denunciationem: nam caput *Tua nos*, de sent. excom. nullius meminit reservationis ante denunciationem, sed post denunciationem reservat soli Papæ. Similiter rapina cum effractione in Ecclesia reservatur, cap. *Conquesti*, eod. soli Papæ post denunciationem; sed ante denunciationem nullius, nec ipsius Episcopalis reservationis meminit. Et tamen hi duo casus reservantur per Doctores & consuetudinem universalem Episcopis ante factam reorum denunciationem.

XXI. His accedit ex Gallicana consuetudine conformi Tridentino Concilio sess. 24. cap. 6. de reformat. crimen hæresis, quod est quartum.

Duelli

1.
Clerici
percussio
levis.

2.
Incendium
nisi
denunciatum.

3.
Rapina
in Ec-
clesia
eum ef-
fractione,
non
denun-
ciat.

4.
Crimen
hæresis.
5.
Duellū.
6.
Violatio
clausu-
ra regu-
laris.

Duellū quoque crimen, quod est quintum, & appellatio ipsa ad duellum etiam duello non sequuto, ut constituit generalis Conventus Gallicani Cleri. Item violatio clausuræ regularis, quæ est sextum delictum quod committitur, sive per egressum Monialium extra septa, sive per ingressum aut admissionem externarum cujuscumque sexus personarum intra septa Monialium, sive etiam per fornicarum ingressum ac admissionem intra clausuram Monachorum. His providerat primum Constitutio Bonifacii Papæ VIII. cap. *Periculoso*, de statu Regul. in 6. cui Tridentina Synodus sess. 25. cap. 5. de Regul. addit poenam excommunicationis ipso facto incurrendam, sed sine ulla reservatione. Verum insequitur Pii V. Constitutiones, anni 1566. quæ incipit, *Regularium personarum*; & anni 1570. quæ incipit, *Romanum Pontificem*, hanc reservant excommunicationem ad Supremam Sedem: secundum quas Gallicanus Author Directoris Pacifici conscripti ad dirigendas Monialium Gallicanarum conscientias, asserit eas quæ clausuræ leges transgressæ sunt, absolvi non nisi à Summo Pontifice posse. Verumtamen diversum jus Gallicana consuetudine introductum perpicimus, quia hujusce delicti rei non nisi ad Episcopos recurrere solent ut absolvantur, non solum quando reatus non est publicus, aut ad forum contentiosum non deductus, quæ facultas esset juris communis Episcoporum ubique recepti ex Tridentini Concilii sess. 24. cap. 6. de reform. sed etiam quando is reatus publicè innotuit. Sanctionem Tridentinam addidit in hoc Regno edita in Comitibus Blesensibus Henrici III. Constitutio, art. 3. *Admonemus Archiepiscopos, Episcopos, aliosque Monasteriorum Monialium Superiores, ut sollicitè clausuram Monialium restitui & observari faciant, tum compellendo inobedientes per censuras aliaque juris remedia, remotis appellationibus & oppositionibus quibuscumque. Juvenimus verò nostris Officialibus, ut Superioribus postulantiibus opem auxiliumque ad id præstent. Neque facultas sit ulli Moniali professæ egrediendi ex Monasterio quocumque prætextu, nisi ex causa legitima à Superiore suo approbata, nihil obstantibus contrariis dispensationibus & privilegiis. Nec licebit ulli persona externa, cujuscumque conditionis sit, vel sexus, vel ætatis, clausuram ingredi, nisi ex licentia scripto concessa Episcopi, vel Superioris in casibus dumtaxat necessariis, sub canon. cis pœnis.* Hactenus Blesensis Constitutio, quæ hoc speciale habet, ut prohibeat etiam infantium intramissionem intra Monasteriorum septa, ubi omnem non modò sexum, sed etiam quamlibet ætatem excludit.

7.
Procu-
ratus
animæ
factus
abort-
ivus.

XXII. Septimum denique delictum Episcopis reservatum est procuratio abortus animati, qualis censetur ex die conceptus quadragesimo. Quæ reservatio non solum est consuetudinis Gallicanæ, sed etiam recentioris Juris ubique recepti, ex decreto Gregorii XIII. quo mitigavit præcedentem Constitutionem Sixti V. quæ hanc absolutionem soli Papæ reservabat. Decretum verò Gregorii XIII. hanc tribuit Episcopis absolutionem: & sic incipit, *Romana Sedes pia Mater.* Atqui isti sunt casus generaliter

liter in tota Gallia Episcopis reservati , quorum etiam absolutionem possunt inferioribus Sacerdotibus delegare. Singuli vero Episcopi possunt pro suo rationabili arbitrio alios quosdam casus intra suarum Diocesum sine sibi reservare, atque ab hujusmodi sine speciali facultate nequeunt subjecti Sacerdotes quemquam absolvere , sicut neque à quibuscunque censuris, quas Prælatus irrogavit ut homo, seu particularis Judex, & non ut Legislator, cap. *Per tuus*, & cap. *Sacro*, de sent. excom. nisi ex speciali delegatione ab Episcopo.

XXIII. Sed vel mortuo , vel remoto ab Officio Prælato , qui non ut Legislator, sed tanquam Judex censuram inflixit , non cessat quidem censura in eo qui illam antea contraxerat , nam opus habet absolvi ; sed tamen ita cessat , ut nemo illam posthac contrahere possit , nisi per successorem renovetur, cap. fin. de officio Legati, & cap. *Pastoralis*, §. *Præterea*, de offic. judic. deleg. Ejusmodi est monitorium revelandi aliquid sub excommunicationis pœna : hæc namque neminem ligat , si intermoriatur Prælatus qui jussit , nisi vel à successore, vel à Capitulo, Sedente vacante, renovetur.



CAPUT XVI.

De Suspensione.

I. **S**USPENSIO communiter , & rectè describitur , Censura Ecclesiastica , quâ persona Ecclesiastica privatur usu ac exercitio sui Beneficii , vel Officii , in totum , vel in partem , ad perpetuum , vel ad certum tempus. Est itaque multiplex suspensio : una quidem ab Officio , quæ Ordinem & jurisdictionem complectitur : alia à Beneficio : tertia ab Officio simul & Beneficio. Atque istæ tres latitudinem habent , cum possint esse in totum , vel in partem ; ad certum tempus , vel ad omnem vitam. Item suspensionum aliæ sunt à jure , aliæ ab homine , sicut de excommunicationibus superius dictum fuit.

II. Porro suspensus ab omni Officio , validè quidem , sed illicitè actus Ordinis exercet , quatenus ab Ecclesiæ decretis alicui absolutè auferri non potest Ordinis character & potestas : & ita valebit actus consecrationis , ordinationis , Confirmationis , benedictionis Virginum , Altarium. Sed jurisdictionis actus invalidè prorsus exercebit , quia eadem Ecclesiæ potestate sicut conferri , ita & omninò adimi potest jurisdictio : ideoque taliter suspensi absolutio sacramentalis nulla prorsus erit.

III. Exactior est observatio suspensionum à Jure atque irregularitatum, quàm excommunicationum à Jure. Cum enim suspensio & irregularitas relationem habeant specialem ad Ordines & Beneficia, inde fit ut aviditas captantium aliena Beneficia omnes rimetur suspiciones inhabilitatum ad Beneficia, ut si quam invenerint in aliquo provilo, illius Beneficium sibi vendicent titulo devoluti. Aliunde verò Clerici provisi aut providendi, si quid in se advertant unde possit ipsis controversia de Beneficio moveri, sibi sedulo provideant Apostolicas literas dispensationis, absolutionis ac rehabilitationis. Eademque ex causa fit ut excommunicationes Juris adversus simoniacos & confidentarios maximè vigeant occasione impetrandi Beneficia, aut adepta conservandi. Hac de causa omnes Juris suspensiones exactius persequemur.

IV. Primò suspenditur Clericus aut Religiosus recipiens Ordines sicto patrimonio, vel Beneficio, ex Decreto Pii V. incipiente, *Romanus Pontifex*. Hæc suspensio (inquit Bonacina de censuris disp. 3. punct. 5. §. 1. num. 1.) videtur Episcopo reservata. Cui addo non videri in Gallia receptam.

V. Secundò suspenduntur Clerici paciscentes ante ordinationem, vel cum Patrono præsentante, quod non petent victum, alimenta aut provisionem. Suspenditur præterea Beneficiarius præsentans Clericum ad titulum sui Beneficii, ut illi conferantur Ordines, cum pacto non petendi fructus ad sui sustentationem. Ordinatur quidem à collatione: præsentator ab exequutione Ordinum per triennium: ordinatus verò ab Ordine sic suscepto donec fuerit à Papa dispensatus, suspensi sunt, cap. *Si quis ordinaverit*, penult. de simon.

VI. Tertiò suspenduntur qui recipiunt majores Ordines extra tempora ab Ecclesia constituta, vel ante legitimam ætatem, vel sine dimissoriis, ut habetur in Constitutione Pii II. quæ incipit, *Cum ex sacrorum*, & altera Sixti V. quæ incipit, *Sanctum & salutare*. Et privat usu omnium Ordinum susceptorum. Sixtus idem hanc suspensionem reservavit Summo Pontifici: verumtamen Clemens VIII. in Bulla incipiente, *Romanum Pontificem decet*, redigit ad dispositionem Concilii Tridentini. Itaque potest Episcopus in hac suspensione, si sit occulta, dispensare. Sayrus, &c. Bonacina.

VII. Hic quaeritur primò, utrum recipiens minores Ordines ante legitimam ætatem, sit suspensus? Respondetur negativè, juxta Covarruviam, Suarez, Bonacinam; quia nullo textu ea pœna infligitur. Quaeritur secundò, utrum recipiens Ordinem quemcunque non servatis interstitiis, incurrat suspensionem? Respondetur quoque negativè, juxta Suarez, Filliucium, Bonacinam. Ratio in promptu est, quia nulla est inducenda censura quam Jus non expresse fecerit. Incurritur tamen grave peccatum in his duobus casibus, quatenus in re gravi prohibito Ecclesiæ violatur.

VIII. Quartò.

VIII. Quartò suspenduntur ab exequutione posterioris Ordinis qui duos Ordines sacros, aut qui minores cum Subdiaconatu suscipiunt, cap. *Literas*, de temp. ordin. Item qui duos Ordines sacros duobus diebus cont. nuiis ac immediatis recipiunt, d. cap. *Literas*.

IX. Quinta suspensio est contra Clericum qui vacante Episcopatu, & non arctatus occasione Beneficii recepti aut recipiendi, sacros Ordines recepit, etsi habeat à Capitulo literas dimissorias. Suspenditur item ab exequutione majorum Ordinum ad beneplacitum Episcopi futuri. Capitulum verò contraveniens subjacet Ecclesiastico interdicto. Qui autem minores suscepit Ordines Sede vacante, privilegii Clericalis privatione, non autem ullà censurà punitur. Sed transacto vacationis anno cessant hæc prohibitiones. Concilium Tridentin. sess. 7. cap. 10.

X. Sextò Clericus qui per saltum sumit Ordinem superiorem, suspensus est ab illo Ordine suscepto, donec inferiorem prætermisum receperit, cap. unico, de Cler. per salt. prom. Potest tamen Episcopus ex causa cum sic promotò dispensare, dummodò non ministraverit, ex Concilio Tridentino sess. 23. cap. 14.

XI. Septimò suspenduntur ab exequutione Ordinum quicumque ordinantur ab Episcopo excommunicato, suspensò, aut interdicto denunciato, seu vitando, cap. 1. & 2. de schismat. Idem jus est in ordinato per Episcopum simoniacum per sententiam declaratum, can. *Si quis à simoniaco*, 1. quæst. 1.

XII. Octavò suspenditur ab Ordine suscepto quisquis Ordinem sacrum susceperit ab Episcopo qui Episcopatu & Ordinis Episcopalis usui renunciavit: & hæc suspensio reservatur Papæ, cap. 1. de ordinat. ab Episc. qui Episcopatu renunc.

XIII. Nonò suspenditur ab Ordinibus qui aliquem Ordinem scienter suscipit per simoniam, quanvis occultam: istaque suspensio reservatur Episcopo, cap. penult. & cap. *Per tuas*, de simon. & Extrav. 2. de simon.

XIV. Decimò qui scienter Ordinem in excommunicatione accepit, suspensus est ab Ordine sic suscepto, cap. *Cum illorum*, de sent. excomm. ubi quoque hæc suspensio reservatur Papæ.

XV. Undecimò est suspensus, aut juxta alios est irregularis quisquis furtivè, hoc est, ut exponitur à Glossa & Doctoribus, inscio Episcopo, nec approbante, nec examinante Ordinem suscepit, qualis ille est qui non vocatus, vel non approbatus accessit ad Ordines, aut qui alium in sui locum, suoque ementito nomine examini submittit, deinde vocatus proprio nomine accessit, & Ordinem recepit, cap. 1. 2. & 3. de eo qui furtivè Ord. susc. ubi datur facultas Episcopo dispensandi cum sic ordinato ad Diaconatum, ut possit idem ad Sacerdotium promoveri. Vide Bonacinam de censur. & irregul. disp. 7. quæst. 3. punct. 4. n. 6.

XVI. Duodecimò is qui post matrimonium contractum, etiam non consummatum, exceptis casibus à Canonibus concessis, suscipit Ordinem sacrum, suspenditur simul ab eodem Ordine, & ab Officio & Beneficio, cum reservatione ad Papam, extravag. *Antiqua*, de voto: nisi forte solvatur matrimonium per professionem validè emissam: quo casu Episcopus dispensare potest, juxta dictam extravag.

XVII. Decimotertio suspenditur per annum à Communionem Presbyter qui celebrat Missam, & in ea non communicat, can. *Relatum*, de consecrat. dist. 2.

XVIII. Decimoquarto suspenduntur Clerici ab ingressu Ecclesiæ donec ad arbitrium Prælati satisfecerint, quicumque in loco interdicto celebrant aut celebrare faciunt, cap. *Episcoporum*, de privileg. in 6.

XIX. Decimaquinta suspensio est in Sacerdotem præfumentem omittere Missam incompletam sine gravi causa, can. *Nullus Episcopus*, de consecr. dist. 1.

XX. Decimasexta in Clericos etiam regulares & exemptos, qui admittunt ad Sacramenta, vel ad Ecclesiasticam sepulturam, vel ad divina Officia publicè excommunicatos, suspensos, vel interdictos: hi enim suspenduntur, aut potius interdiciuntur ab ingressu Ecclesiæ donec Episcopo satisfecerint ad ipsius arbitrium, cap. *Episcoporum*, de privileg. in 6.

XXI. Decimasextima contra illos qui manifestos usurarios admittunt ad Communionem Altaris, ad sepulturam Ecclesiasticam, vel recipiunt eorum oblationem priusquam vel satisfecerint, vel idoneam cautionem de satisfactione dederint. Hi suspensi sunt ab Officii executione donec ad arbitrium Episcopi satisfecerint, cap. *Quia in omnibus*, de usur.

XXII. Decimaoctava contra Sacerdotem secularem, vel regularem conjungentem in matrimonium, vel benedicentem subditos alterius Parochi absque ejus licentia, vel Ordinarii. Hæc suspensio est ab Officio, & durat donec ab Ordinario Parochi solvatur. Concil. Trident. sess. 24. cap. 1. de reform.

XXIII. Decimanona suspensio in Clericum Beneficiarium publicè, & absque rationabili causa utentem exterius partita, seu variegata veste, idest discolori. Hic suspenditur sex mensibus à recipiendis fructibus Beneficiorum. Clericus verò non Beneficiarius, sed tamen initiatus Ordine sacro, suspenditur per sex menses à quocumque Beneficio recipiendo. Clement. 2. de vita & honest. Cler.

XXIV. Vigesima in Clericum alienis debitis Ecclesiam sibi commissam gravare præfumentem, aut literas, vel sigilla alteri concedere, quibus obligari possit. Hic ligatur suspensione ab administratione temporalium & spiritualium Episcopo reservata, cap. 2. de solutionibus.

XXV. Vigesima prima in eos qui Sede vacante Ecclesiæ Cathedralis Collegiæ, aut Regularis occupant bona spectantia ad Prælatum defunctum,

atum, vel ad successorem, vel ad ipsam Sedem. Hi suspenduntur ab Officiis & Beneficiis, donec integrè restituant, cap. *Quia saps*, de election. in 6. Similis fertur suspensio in Clericos Episcopis inferiores, qui bona vacantium Ecclesiarum sibi subjectarum in suos usus convertunt. Episcopi autem id facientes ab ingressu Ecclesiæ suspenduntur, cap. *Præfensi*, de offic. Ordinar. in 6.

XXVI. Vigesima secunda suspenditur per triennium à Beneficiis quæ possidet in Ecclesia, de cujus electione agitur, compromissarius scienter eligens indignum ad Episcopatum, cap. *Si compromissarius*, de elect. in 6.

XXVII. Vigesima tertia est adversus quosvis eligentes indignum ad Episcopatum, aut ad inferiora Beneficia, quibus annectitur cura animarum; qui pariter suspenduntur triennio à Beneficiis, cap. *Cum in cunctis*, de elect. in 6.

XXVIII. Vigesima quarta suspendit eadem poenâ eos qui electionem aut postulationem impugnant, sed in probatione deficiunt, obicientes quæ probare non possunt, d. cap. *Si compromissarius*, de elect. in 6.

XXIX. Vigesima quinta est in electores Episcoporum, qui si infra octo dies postquam commodè potuerint, præsentationem electo culpabiliter non præsentaverint, suspenduntur triennio à Beneficiis quæ in eadem Ecclesia possident, cap. *Cupientes*, §. *Ceterum*, de elect.

XXX. Vigesima sexta contra illos qui per abusum secularis Potestatis contra canonicam libertatem præsumperint aliquem ad Ecclesiasticam præbendam eligere: hi namque per triennium suspendendi sunt à Beneficiis & Officiis; & hac vice privantur eligendi potestate: & consequenter electus ab eis non habetur pro electo, cap. *Quisquis*, de elect.

XXXI. Vigesima septima in conferentes, vel recipientes illorum Beneficia qui pro suis negotiis ad Romanam Curiam accesserunt, aut aliqua negotia in ea gerunt. Hi suspenduntur ab Officio simul & Beneficio, extrav. 3. de privil. Quæ suspensio reservatur Episcopo.

XXXII. Vigesima octava suspensio in exercentes munus Conservatoris, si se intromittant scienter de aliis quàm de manifestis injuriis & violentiis, aut suam potestatem ad alia quæ judicalem indaginem requirunt, scienter extendant, cap. ult. de offic. deleg. in 6.

XXXIII. Vigesima nona Judicem Ecclesiasticum non Episcopum suspendit per annum ab executione Officii, qui facit injuriam contra justitiam & conscientiam Parti litiganti, amore, odio vel pretio, cap. *Cum æterni*, de sent. & re judic. in 6.

XXXIV. Trigesima contra Judicem excommunicantem sine scriptura, aut sine causæ expressione, vel qui requisitus non tradit copiam scripturæ intra mensem; hic suspenditur ab ingressu Ecclesiæ, & à Divinis Officiis per mensem, cap. *Cum medicinalis*, de sent. excom. in 6. Præterea censurâ interdicti ab ingressu Ecclesiæ ligatur per mensem Judex Ecclesiasticus

sticus excommunicans sine monitione & testibus, cap. *Sacro*, de sent. excommun. & cap. 1. de sent. excommun. in 6. Hæc tamen suspensio non attingit Episcopos, ut admonet Glossa in d. cap. 1. verbo *Judicium*. Nam ut ait caput *Quia periculosum*, eod. tit. in 6. nulla constitutio, aut sententia suspensionis vel interdicti ligat Episcopos, nisi specialiter hos exprimat.

XXXV. Trigesimaprima suspendit ab Officio & Beneficio Visitatores recipientes in visitatione pecuniam aut munera, donec intra mensem restituerint duplum eidem Ecclesie à qua receperunt, non obstante quavis remissione, cap. *Exigit*, de censib. in 6.

XXXVI. Trigesimasecunda non solum contra eum qui præsumit contra multitudinem hominum disputare de Conceptione Virginis Mariæ in alterutram partem, sive asserendo, sive negando; sed etiam contra quemcumque est, qui præsumit de hac ipsa questione cujusvis aut pietatis, aut necessitatis prætextu vulgari lingua scribere, vel dictare. Hic enim si est in sacris, suspenditur à divinis, necnon privatur ipso jure omni gradu & dignitate, & ad similem redditur inhabilis, isque à solo Papa dispensari potest ex Bulla Pii V. quæ incipit, *Super specula*. Deinde Gregorius XV. sub iisdem poenis prohibuit, ne quis audeat in publicis concionibus, lectionibus, conclusionibus & aliis quibuscumque actibus publicis asserere, Beatissimam Virginem Mariam fuisse conceptam in peccato originali; declarans tamen ibidem se per hoc nullatenus intendere reprobare aut præjudicium inferre opinioni asserenti conceptam fuisse in peccato originali. Præterea ad evitanda scandala & rixas quæ nascebantur ex prædicta opinione, prohibet sub iisdem poenis, ne quis palam, etiam in scriptis aut sermonibus privatis audeat asserere Beatissimam Virginem fuisse in peccato originali conceptam; & ne quisquam alio vocabulo quàm Conceptionis utatur circa festum Conceptionis Virginis Mariæ.

XXXVII. Trigesimatertia suspensio ab Ordinibus & Dignitatibus est in illos qui sponte jurant de tenendo schismate, cap. 1. de schisma.

XXXVIII. Trigesimaquarta est in Clericos notorios concubinos, qui incurrerant suspensionem totalem, quæ perdurabat quamdiu Clericus in eo delicto permanebat, cap. *Si qui sunt*, dist. 81. cap. *Quæsum*, de cohabit. cler. & mulier. Et prohibent canon *Nullus*, & canon *Præter*, dist. 32. audiri Missam notoriè concubinarij Sacerdotis. Prædictam tamen poenam per non usum abolitam fuit deinde sequuta Tridentini Concilii sanctio sess. 25. cap. 14. de reformat. decernens ut si Clericus concubinarus à Superioribus monitus non destiterit, tertia parte multetur proventus Beneficiorum suorum & pensionum. Si verò secundò admonitus non paruerit, privetur integris proventibus Beneficiorum, & pensionibus Ecclesiasticis, & insuper ipsorum Beneficiorum administratione quoad Ordinarius arbitrabitur. Et si ita suspensū nihilominus foeminas à se non expellant, aut cum eis versari pergant, tunc Beneficiis, portionibus & pensionibus priventur.

ventur in perpetuum, & inhabiles ad talia imposterum reddantur, donec post manifestam vitæ emendationem à Superioribus, cum eis visum fuerit, ex causa dispensatum fuerit. Sed si Clericus postquam fornicam semel dimiserit, intermissum consortium cum ea, vel altera repetat, præter prædictas penas excommunicationis gladio plectatur, cujus executionem nulla possit appellatio aut exemptio suspendere. Clericos verò concubinos ac fornicarios, qui Beneficia, vel pensiones Ecclesiasticas non habent, jubet juxta delicti perseverantiam & qualitatem ab Episcopo penâ carceris, suspensione ab Ordine, ac inhabilitate ad Beneficia obtinenda, aliisve modis juxta sacros Canones puniri.



CAPUT XVII.

Suspensiones lata contra Episcopos, Conventus & Capitula.

EPISCOPUS, Abbates & Prælati Religionum promoti ab Apostolica Sede, administrationem suarum Ecclesiarum subeuntes absque literis authenticis ejusdem Sedis, suspenduntur à perceptione fructuum earundem Ecclesiarum, extrav. 1. de elec. inter communes. Capitula verò harum Ecclesiarum, quæ illos sine literis admittunt, suspenduntur à Beneficiis, donec à Papa gratiam obtineant, d. extrav. 1.

II. Episcopus consecrationem accipiens ab excommunicatis, suspensis, aut interdictis (intellige vitandis, juxta extravag. *Ad evitanda*) suspensus est à Pontificalibus, can. *Gratia*, 1. quæst. 1. & cap. 1. & 2. de schismat.

III. Episcopus non servans Extravagantem 2. de elec. Joannis XXII. circa perceptionem fructuum primi vel secundi anni sui Episcopatus, suspenditur à Pontificalibus & ingressu Ecclesiæ, donec restitutio fiat.

IV. Suspenditur à Pontificalibus Episcopus conferens Ordines, aut primam Tonsuram extraneo absque proprii Episcopi licentia: Clericus autem recipiens est suspensus ab Ordine suscepto ad arbitrium proprii Episcopi, Concil. Trident. sess. 6. cap. 5. de reform. & sess. 23. cap. 8.

V. Episcopus ordinans in aliena diocesi sine expressâ licentia Ordinarii loci, aut ordinans de illius licentia personas non subditas, suspenditur à Pontificalibus, Concil. Tridentin. sess. 14. cap. 2. & sess. 23. cap. 8.

VI. Ordinans Religiosum non professum suspensus est per annum à collatione Ordinum quos ei contulit, ex Bulla Pii V. quam refert Navarra cap. 22.

cap. 22. num. 158. Excipiuntur novitii Societatis Jesu, qui in eâ vota simplicia ediderunt, per Bullam Gregorii XIII.

V I I. Monachum sine Abbatis licentia ordinans suspenditur à communione aliorum Episcoporum, cap. fin. dist. 58.

V I I I. Qui bigamum ordinat, vel publicum poenitentem, suspenditur à celebratione Missæ per annum, can. *Nullus*, dist. 55.

I X. Pari suspensione punitur injuste ordinans invitum, can. 1. & 2. dist. 74.

X. Ordinans Sacerdotem indignum suspenditur à collatione Ordinis Sacerdotalis, can. *Si qui Episcopi*, 1. q. 1.

X I. Conferens Tonsuram illiterato suspensus est per annum à collatione Tonsuræ, cap. fin. de temp. ordin. in 6. Illiteratus in hac materia ille est qui nescit legere & scribere; hæc enim requirit Concilium Trident. in collatione primæ Tonsuræ, sess. 13. cap. 4. Eadem suspensione ligatur conferens Tonsuram infanti qui nondum septennium implevit, dicto cap. fin.

X I I. Qui duos Ordines sacros eodem die, vel duobus immediatis confert, suspenditur ab utriusque Ordinis collatione, cap. *Literæ*, de temp. ordinat.

X I I I. Sacerdotalem Ordinem indigno scienter conferens, seu suspenso ab illius Ordinis receptione, suspenditur à collatione Ordinis Sacerdotalis, can. *Si qui Episcopi*, 1. q. 1.

X I V. Episcopus Ordines conferens cum pacto ut ordinatus non petat alimenta in defectum Beneficii aut patrimonii, suspenditur triennio à collatione Ordinum, cap. penult. de simonia.

X V. Conferens simoniacè Ordines aut Tonsuram, suspenditur non modò à collatione Ordinum & Tonsuræ per triennium, d. cap. penult. sed etiam à Pontificalibus & ingressu Ecclesiæ, ex Bulla Sixti V.

X V I. Episcopus confirmans & consecrans electum in Episcopum postquam appellatum fuit ad Apostolicam Sedem, suspenditur per annum à confirmatione & consecratione Episcoporum, cap. *Provida*, de elect. in 6.

X V I I. Si debitam diligentiam Episcopus non adhibuerit circa processum electionis, & personam electi ad curam animarum, suspenditur à facultate confirmandi primum illius successorem, & à proprio Beneficio, cap. *Nihil*, de elect.

X V I I I. Episcopus, aut quicumque alius Beneficiorum Collator, qui Beneficii resignationem contra præscriptum Bullæ Pii V. quæ est in ordine 58. edictaque anno 1568. admittit, suspenditur à collatione, præsentatione, electione, confirmatione, institutione, donec à Papa absolvatur.

X I X. Accipiens Episcopus visitans, sive in pecunia, sive in victualibus ultra id quod sibi debetur, suspenditur ab ingressu Ecclesiæ donec duplum

duplum restituat, nihil obstante quavis remissione, cap. *Exigit*, de censib. in 6.

XX. Episcopus commissarius, vel delegatus in causa alienationis rerum Ecclesiasticarum, si per gratiam, timorem, aut sordes in detrimentum Ecclesie utatur commissa sibi potestate, suspenditur per annum ab executione officii, ira ut si damnabiliter se Divinis ingerat, irregularitatem incurrat, quam solus Papa tollere possit, juxta Extravag. Pauli II. quæ incipit, *Cum omnibus judicii*.

XXI. Episcopi in causis Fidei abutentes Inquisitorum officio, suspensi sunt per triennium ab officio. Clem. 1. §. *Verum*, de hæret. Abuti autem contingit, sive injustè & contra conscientiam omitendo procedere ex officio, per gratiam, amorem, aut commodum temporale; aut procedendo per malitiam & calumniam, vexationem innocentibus inferendo.

XXII. Episcopi, alique Prælati, sive Seculares, sive Regulares, procurantes ut Clerici capiantur à Dominis temporalibus ad hoc ut Beneficia resignent, aut citati ad Apostolicam Sedem accedere nequeant, præter excommunicationem. ob violentam manuum injectionem, suspenduntur per triennium à fructibus suarum Ecclesiarum. Reliquis verò inferioribus Clericis imponitur privationis pœna omnium Beneficiorum. Clem. 2. de pœnit.

XXIII. Episcopus relaxans pœnas sanctitas contra incendiarios, suspenditur per annum ab officio Episcopali, can. *Pessimam*, 23. q. 8.

XXIV. Quivis Episcopus alienans bona Ecclesiarum, Monasteriorum, aut piorum locorum sine Papæ licentia, suspenditur ab ingressu Ecclesie. Sed si post sex menses non resipuerit, suspenditur ab administratione temporalis & spirituali suæ Ecclesie. Eadem suspensio extenditur ad Abbates; alii verò his inferiores ligantur excommunicatione, cap. *Ambitiosa*, de reb. Eccles. non alien. in Extrav. com.

XXV. Suspenduntur pariter ab officio & administratione rerum temporalium Ecclesie ipsius gravatæ Episcopi & alii Prælati, qui bona immobilia commissarum sibi Ecclesiarum laicis subjiciunt sine Capituli consensu & speciali Sedis Apostolicæ facultate, exceptis casibus in Jure permissis, cap. *Hoc consilissimo*, de reb. Eccles. non alien. in 6.

XXVI. Episcopus qui primâ vice Monasteria Monialium sine necessitate ingreditur, suspensionem incurrit ab ingressu Ecclesie. Secundâ vice suspenditur à Divinis. Tertiâ vice excommunicatione ligatur per Constitutionem Gregorii XIII. anni 1572. quæ incipit, *De sacris virginibus*.

XXVII. Episcopi qui limina Apostolorum non visitant singulis trienniis, si sint de Italia, sive per se, sive in casu quo impedimento detineantur, per alium sui loco substitutura; si autem sint de Gallia, Germania, vel Hispania, aliâve regione Europæ, singulis quadrienniis; si autem de remotioribus locis, longius conceditur tempus, incurrit suspensio

E E e sionem

siomoniis ingressu Ecclesiæ, perceptione fructuum, & administratione temporalium & spiritualium, ex Bulla Sixti V. de visitandis liminibus Apostolorum, quæ non recipitur nisi fortè in partibus Italix.

XXXVII. Episcopus qui post Concilium Provinciale infra sex menses Clerum non convocat, ut ei referat gesta in Concilio, suspenditur per Concilium Toletanum, can. fin. dist. 8. Sed nec in ipsa Hispania recipitur ea suspensio.

XXIX. Negligens Episcopus adversus simoniacos procedere, suspenditur duobus mensibus ab officio, can. *Quidquid*, 1. q. 1.

XXX. Pernittens Episcopus usurarios publicos alienigenas conducere domos in suis terminis ad exercendum fœnus, est suspendus ab Officio & Beneficio, donec illos expulerit, cap. *Usuras*, de usur. in 6.

XXXI. Denique de Episcopis in universum hoc tenendum, ipsos nulla suspensionis aut interdicti inflictiâ constitutione aut sententiâ ligari, nisi specialiter exprimantur, ex Generali Concilio Lugdunensi in cap. *Quia periculosum*, de sent. excomm. in 6.

XXXII. Nunc recensendæ sunt suspensiones Juris quæ Conventus & Capitula attingunt. Suspenduntur Capitula Ecclesiæ, vel Monasterii, quæ Episcopum, aut Prælatum Religiosum à Sede Apostolica provisum recipiunt sine ejusdem Sedis literis, aut illi obediunt. Hæc suspensio est à Beneficiis, extrav. 1. de elect.

XXXIII. Capitula & Collegia, quæ Sede Cathedrali, Collegiata, vel Regulari vacante occupant, vel dilapidant bona ad Prælatum defunctum, vel ad ipsam Ecclesiam, vel ad successores pertinentia, suspenduntur ab Officio & Beneficio, donec plenè restituerint, cap. *Quia*, de elect.

XXXIV. Conventus etiam, & Capitula quæ directè, aut indirectè aliquid accipiunt, vel petunt obreptionem alicujus in Religionem, aut post illam, incurrunt suspensionem totalem, tam ab Officio quàm à Beneficio, reservatam Papæ, sive accipiant pecuniam, sive cibaria, pascuis, jocalia, prandium, cœnam, sive alia etiam ad pium cultum pertinentia, Clement. *Sanè*, de simon.

XXXV. Capitula, aut singulæ personæ resignationem Beneficiorum admittentes extra casus & formam Bullæ Pii V. quæ incipit, *Quonia Ecclesie*, incurrunt suspensionem à collatione, præsentatione, & institutione. Et Capitulum faciens contra istam suspensionem afficitur suspensione à divinis Papæ reservata.

XXXVI. Nunc de singulis Religiosis qui suspensionem contrahunt. Prælatus Prædicatorum, aut Minorum, aut alterius Ordinis Mendicantium, qui aliquem admisit ad professionem, nondum expleto probationis anno, incurrit suspensionem, cap. *Non solum*, de Regularib. in 6.

XXXVII. Religiosi qui ad Ordines sacros, nondum factâ præfessione

fessione promoventur, suspensi sunt ab Ordinum susceptione, juxta Bullam Pii V. quæ est 74.

XXXVIII. Religiosus apostata si Ordinem sacrum dum in apostasia remanet suscipiat, suspensus est ab eodem Ordine, & ab aliis suscipiendis, donec per Summum Pontificem dispensetur, cap. fin. de apostatis. Idemque jus est si idem apostata transferat invalidè in aliam Religionem, & in ea sacrum Ordinem sumpserit.

XXXIX. Suspenduntur quoque Religiosi, sive mares, sive feminae, sive Ordinum Militarium, præfidentes Monasteriis, Prioratibus, Ecclesiis & Administrationibus quibuscunque, qui jura vel redditus harum Ecclesiarum, Monasteriorum, Administrationum alicui concesserint ad vitam recipientis, aut ipsius concedentis, sive ad certum tempus, pecuniâ etiam inde receptâ. Hi suspensi sunt ab Officio, & concessio invalida est. Hæc tamen limitanda, nisi necessitas aut utilitas hujusmodi locorum seu Ecclesiarum id exigat, & hoc fiat de consensu Conventus; aut si Conventum non habeant, de consensu Prælati superioris. Clement. 1. de rebus Eccl. non alien. Hic tamen non comprehenduntur venditiones fructuum, aut locationes ad breve tempus, quales censetur trium annorum, ut in simili patet ex extrav. *Ambrosio*, Pauli II. cod. tit.

XL. Religiosi iniquè usurpantes, aut defraudantes Ecclesias circa decimas eis debitas, easque sibi usurpare præsumentes sine rationabili causa vel privilegio, si requisiti non desistant intra mensem, vel de usurpatis, vel retentis non satisfaciant intra duos menses, suspensi sunt ab Officiis, Administrationibus & Beneficiis suis, donec destiterint & satisfecerint. At si nec Officia, nec Beneficia, nec Administrationes habeant isti Religiosi, ligantur vinculo excommunicationis, à qua solvi non possunt donec satisfecerint. Clement. 1. de decimis.

XLI. Prælati Religionum, ad quos occasione excessuum Religiosorum suorum aliquid pervenerit, suspenduntur usque ad debitam satisfactionem, nisi intra mensem postquam requisiti fuerint, satisfecerint Ecclesiis & personis damnificatis. Clement. 1. de privileg. Excessus autem ibi tres prohibentur. Primus est retrahere testantem à legatis faciendis Ecclesiis Matricibus. Secundus est retrahere testatorem à debitis persolvendis. Tertius procurare ut legata, debita, vel malè ablata incerta dentur sibi, aut aliis singularibus personis sui Ordinis, vel Conventibus, in eorum quibus debentur præjudicium. Eadem Clementina suspendit Prælatos Religiosorum qui non satisfaciunt damno illato alteri Prælato à suis subditis prædicando in concione indiscretas Indulgentias, retrahendo laicos ne ad Parochiam accedant, vel absolvendo sine privilegio à reservatis Episcopo aut Papæ, d. Clement. 1.

XLII. Confessarii Religiosi scienter omittentes conscientiam facere confitentibus sibi penitentibus de solvendis decimis postquam à Rectori-

bus Ecclesiarum de hoc admoniti fuerunt, suspenduntur ab officio prædicandi, donec eisdem poenitentibus conscientiam de hoc fecerint cum primum commodè potuerint. Quod si hi Confessarii eo pacto suspensi concionarì audeant, ligantur excommunicatione. Hæc decernit Clementina *Cupientes*, de poenis.

X L I I I. Abbates, alique quicumque, licet exempti, incurrunt suspensionem ab Officio & Beneficio per annum, si Literas Dimissorias aliis quam suis subditis Regularibus concedant. Concilium Trident. sess. 23. cap. 10. ad fin.

X L I V. Monachus niger Sancti Benedicti non utens habitu & vestitu ad formam præscriptam, si sit Abbas, aut Prior Abbatem non habens, suspenditur à collatione Beneficiorum & Ordinum per annum: si inferior habens aliquam administrationem, eadem privatur per annum: si nullam habeat, inhabilis efficitur ad administrationem, vel ad Beneficium intra annum percipiendum. Eadem suspensio, sed duplicato tempore, extenditur ad eosdem Monachos qui venationi, vel aucupationi clamorose, aut aliàs cum canibus & avibus ex proposito interfuerunt. Clementina 1. de statu monach.

X L V. Religiosi in matrimonium conjungentes, aut benedicientes sponfos alienæ Parœciæ absque facultate proprii Parochi vel Ordinarii, suspensi sunt ab officio donec ab Ordinario Parochi obtineant absolutionem, ex Concilio Tridentino sess. 24. cap. 1. de reformat. Utrum verò præter hanc suspensionem incurrant excommunicationem latam in Clement. 1. de privileg. affirmat Navarrus tom. 1. consil. 1. de poenis, lib. 5. Plures tamen negant, Henriquez, Sayrus, Bonacina, Filliucius, Rebellus: tum quia non præsumitur voluisse Concilium duplicem velle contra dictum Prophetam confurgere tribulationem, & bis punire in idipsum: & videtur id Jure reprobari, cap. *De causis*, §. *Illis*, de offic. jud. deleg. sed potius veterem poenam, eamque fortasse dudum exoletam, in hanc novam commutare, idque ita declaratum scribunt à Sacra Cardinalium Congregatione.

X L V I. Advertendum tamen, non omnes qui præfata sub suspensione prohibita faciunt, hanc incurrere poenam. In hoc enim omnes Canonistæ conveniunt, ad incurrendam aliquam censuram, sive excommunicationis, sive suspensionis, sive interdicti, duo necessariò requiri; peccatum mortale, præterquam in minori excommunicatione; & præterea contumaciam contra prohibitionem Ecclesiæ: quo fit ut si ignorantia, vel indeliberatio excuset à mortali, eadem quoque excuset ab incurrenda censura. Et insuper si quis sciens divinam prohibitionem, & eam violando peccet mortaliter, nullatenus tamen incurrer censuram ullam, si eam protinus ignoraverit. Etenim contumacia contra Deum sufficit quidem ad mortale peccatum, sed non sufficit ad censuram incurrendam, nisi interveniat simul


simul contumacia in Ecclesiam, quæ nulla est in istiusmodi ignorante. Hæc tamen ignorancia cum sit Juris, non præsumitur in externo & contentioso foro, quanvis excuset omnino in conscientie foro. Hinc fit ut multi qui in casus censurarum inciderunt, nulla opus habeant dispensatione aut re-habilitatione ad Officia & Beneficia apud Deum; qui tamen iisdem opus habent ad sui tutelam & exceptionem in externo foro, si quis eos in externo foro divexare aggrediretur titulo incapacitatis aut devoluti.

XLVII. Hoc insuper memorie commendandum, posse Episcopum absolvere ab omni suspensione, etiam eâ quæ Papæ reservata alioquin esset, si sit occulta, necdum ad forum contentiosum deducta: quod etiam obtinet jus in aliis censuris, atque etiam in irregularitatibus ex delicto natis, excepto voluntario homicidio, ex Tridentini Concilii concessione sess. 24. cap. 6.



C A P U T XVIII.

De depositione & degradatione.

I.  EPOSITIO & degradatio commune quidem hoc habent cum censuris, ut sint pænæ spirituales, per quas homo baptizatus privatur usu aliquorum spiritualium: sed tamen hoc intercedit discrimen, quia censuræ ex sui institutione possunt auferri posita resipiscentiâ & emendatione delinquentis; depositio verò, & degradatio carent spe remissionis.

II. „Depositio vocatur degradatio verbalis; eaque est sententia Ecclesiastica, quâ persona Ecclesiastica privatur omni Officio & Beneficio in perpetuum, non amissò tamen clericali privilegio. Hic sermo est de totali depositione; nihil enim repugnat decerni partialem depositionem, quæ privet Officio, sed non Beneficio; aut quæ Beneficio privet, sed non Officio; aut quæ altero horum privet in parte, non in toto. Degradatio verò actualis, seu realis est pœna Ecclesiastica, quâ persona Ecclesiastica privatur omni non tantum Beneficio & Officio, sed etiam clericali privilegio, sine ulla spe dispensationis aut rehabilitationis, & cum externa solemnitate canonica, qualis describitur in Pontificali, & in cap. *Degradatio*, de pœnis in 6. & in cap. *Novimus*, de verbor. signific. Ante ipsum quoque Tridentinum Concilium unus sufficiebat Episcopus ad degradationem hæretici, modò assisterent Abbates & graves atque literati viri Ecclesiastici. Itaque hoc ampliùs habet degradatio supra totalem depositionem, quod privat ipso quoque gradu & privilegio clericali, & addit externa quædam so-

Ecc 3 lennia

lennia. Hæc verò solennitates requirunt præsentiam ejus qui degradatur, cum tamen depositio fieri possit absentis rei contumacia, cap. *Veritatis*, de dolo & contum.

III. Concilium Tridentinum sess. 13. cap. 4. abrogat Jus antiquum, quod præter proprium Episcopum sex alios requirebat Episcopos ad condemnationem Sacerdotis, & tres ad condemnationem Diaconi, can. *Felix*, & can. *Si autem*, 15. quæst. 7. Concilium autem Tridentinum statuit fieri posse degradationem à proprio Episcopo, vel ejus Vicario Generali, assistentibus ad Presbyteri degradationem sex Abbatibus usum Mitræ & Báculo ex privilegio Apostolico habentibus, si reperiri & commodè interesse possint; alioqui horum defectu aliis personis in dignitate Ecclesiastica constitutis; ad Diaconi autem, vel Subdiaconi degradationem tribus assistentibus qualificatis ut supra.

IV. In eo etiam differunt actualis degradatio, & verbalis depositio, quia is qui per sententiam Episcopi fuit actu degradatus, non potest per Episcopum restitui, modò justa & valida fuerit degradatio, & petatur restitutio de gratia, non de jure; quia excidit omnino à Clericali privilegio & Canonis & fori Ecclesiastici, quisquis validè fuit degradatus, & translatus est in forum laicum, neque privilegio Canonis gaudet; adeo ut qui eum percussisset, non alias incurrat poenas quàm si laicum percussisset. Cumque Canones statuunt hanc abdicationem excludere omnem spem restitutionis, sequitur ut restitui non possit nisi per Supremæ, hoc est Apostolicæ potestatis dispensationem. Sed ubi convinceretur fuisse immeritò degradatum, potest ab ipso Episcopo in pristinum statum restitui, ut colligitur ex cap. *Episcopus Presbyter*, 11. quæst. 3. Simpliciter autem, simulque justè & validè depositum, sed emendatum & poenitentem potest ordinarius Episcopus restituere, cap. *Si Clerici*, de judiciis: imò, & Capitulum Sede vacante, cum sit ista dispensatio non Ordinis, sed tantum jurisdictionis actus. Hæc verò restitutio intelligenda est sine ullo eorum præjudicio, qui pristinis illius qui justè depositus fuerat, Beneficiis provisi sunt, si ea justo titulo possideant. Præclare enim dicit caput *Quarvis*, de rescriptis in 6. restitutionem intelligendam fieri sine juris alieni præjudicio.



CAPUT XIX.

De irregularitatibus in genere, & de illis in specie
qua exurgunt ex defectu.

I. **M**IAM ad Ordines & Beneficia præcludunt irregularitates. Est verò irregularitas canonicum impedimentum Ordines suscipiendi, aut susceptos exercendi. Eaque duplex est, vel enim ex defectu procedit, vel ex delicto.

II. In universum irregularitas non modò Tonsuræ & Ordinum suspensionem impedit, sed etiam usum horum antè susceptorum, can. *Curandum*, & can. *Si cuius uxorem*, dist. 34. & cap. fin. de temp. ordin. Quinetiam obstat suscipiendis Beneficiis, paritque incapacitatem ad ipsa, sicut de censuris superius admonui, cap. *Postulastis*, de cler. excom. ministr. At verò subsequens irregularitas, sicut de censuris quoque dictum est, non inducit Beneficii antea adepti vacationem, ex decisione Rotæ 195. & communi Doctorum sensu, Gomez tract. de Expectativis, num. 60. Covarruvias in cap. *Almamater*, 1. p. §. 7. num. 4. not. 11. Bonacina de excom. disp. 2. quæst. 2. punct. 4. num. 9. & tract. de irregularit. disp. 7. q. 1. punct. 4. n. 8. Coninch disp. 18. dub. 1. n. 5. Et probatur per cap. *Ex parte*, de excessib. Prælat. ubi irregularis ex delicto homicidii (quæ certè irregularitas gravissima & summe odiosa est) non judicatur ipso facto depositus à suo Beneficio, sed per Judicis sententiam deponendus. Multò minùs igitur privatur Beneficio is qui citra culpam, sed ex solo defectu, qualis est corporis ægritudo, contraxerit irregularitatem : sed hoc solum ne afflictio superaddatur afflictio, curandum est Superiori, si sit curatum Beneficium, ut ei de Vicario provideatur cum assignatione partis fructuum Beneficii, cap. *Ex parte*, & cap. fin. de cler. ægoror. nisi velit ipse Beneficiarius resignare, hoc enim ei liberum est.

III. Cum irregulari ex defectu non potest Episcopus dispensare, nisi uno, aut altero casu. Potest enim circa illegitimorum natalia dispensare ad solos minores Ordines, atque ad simplex, non verò ad curarum Beneficium, cap. 1. de filiis presbyt. Atque ex consuetudinis vi à pluribus Doctoribus assertæ potest cum bigamo ad minores, & ad simplicia Beneficia dispensare, juxta sanctum Thomam in 4. dist. 27. q. 3. art. 3. Sylvestrum verbo *Bigamus*, quæst. 7. Rotæ decil. 447. Azorium p. 2. lib. 3. cap. 5. & alios. At verò circa irregularitates ex delicto possunt Episcopi dispensare, si delictum sit occultum (excepto voluntario homicidio, quanvis occulto) &

& necdum fuerit deductum ad forum contentiosum, ut statuit Concilium Trident. sess. 24. cap. 6. His exceptis casibus ad solum Summum Pontificem pertinet irregularitatum dispensatio.

IV. Porro irregularitatum ex defectu novem species recensentur. 1. Natalium in filiis illegitimis. 2. Libertatis in servis. 3. Obligationis ad ratiocinia. 4. Aetatis canonicè præscriptæ circa Ordines & Beneficia. 5. Famæ. 6. Animi in dementibus. 7. Corporis. 8. Lenitatis. 9. Bigamiæ, quæ vel est vera in eo qui duas successivè duxit uxores; vel interpretativa in eo qui duxit unicam, sed viduam, aut quomodocunque ab altero vitiatam: aut cum quis virginem quidem duxit, sed post matrimonium adulterata est, si post adulterium maritus eam vel semel cognoverit: si verò non cognovit post ejus adulterium, nulla inducitur irregularitas, can. *Si cujus*, & can. *Laici*, dist. 34. His adde bigamiam similitudinariam, ubi quis post solenne votum, sive religiosæ professionis, sive sacri Ordinis contraxit & consummavit matrimonium, sive validè ex Papæ dispensatione, sive invalidè, can. *Quotquot*, 27. q. 1. & cap. *Nuper*, & cap. fin. de bigamis. At verò si vir conjugatus adulteretur, non ideo fit irregularis, sicut neque si eam duxerit, quam antea defloraverat. Itaque bigami non tam propter incontinentiam arcantur ab Ordinibus, quàm ob disparitatem quam habent cum mysticis Christi & Ecclesiæ nuptiis, quarum imaginem nuptiæ Christianorum referunt, Ephes. 5. Per bigamiam enim tollitur illa conformitas, quatenus Ecclesia est unica & perpetua & incorrupta Sponsa Jesu Christi. Huc spectant can. *Maritum*, dist. 32. & can. *Curatum*, dist. 24.

V. Non contrahitur bigamia nisi per completam omnino carnalem copulam. Si sint igitur multa matrimonia rata, sed unum solum consummatum, non inducitur bigamia. Etsi namque matrimonium ratum sit verum Ecclesiæ Sacramentum referens Christi cum Ecclesia unionem, non illam tamen refert quæ per Divini Verbi incarnationem facta est, sed eam solum quæ ex gratia & charitate resultat.

VI. Natalium defectus ipso jure renovetur per religiosam professionem, sitque ut professus illegitimè natus capax evadat sacrorum Ordinum, sed non Prælaturarum; adhuc enim arcetur tam à Prælaturis Regularibus quàm ab Episcopali dignitate, cap. 1. de fil. presbyt. Moniales etiam illegitimè natæ non possunt eligi Abbatissæ, nisi ex Apostolica dispensatione. Navarrus cap. 27. num. 201. & comment. 2. de Regularib. num. 60. Sanchez in Decalog. tom. 2. lib. 5. cap. 5. num. 19. & 20. Barbosa in Trident. sess. 25. de Regular. cap. 7. alique quos ibidem testes adducit.

VII. Obligati ad publica ratiocinia, ut tutores, quæsttores, curatores, publici administratores, sunt irregulares, cap. *Praeterea*, dist. 51. & tot. tit. de obligat. ad ratiocin.

VIII. Irregularitati ex animi defectu locus est in emergentis, seu arreptitiis

arreptitiis, can. *Clerici*, dist. 33. in dementibus quoque, in epilepticis, in lunaticis, can. *Maritum*, dist. 33. Qui omnes si antea non fuerunt ordinati, excluduntur in perpetuum ab Ordinibus, quantumvis constet eos postea liberatos fuisse, d. can. *Maritum*. Consuetudine tamen passim recepta non solent computari ad irregularitatem epileptici affectus qui acciderunt ante completum decimumquartum ætatis annum, neque eorum haberi solet ratio qui annis infantie contigerunt: aliqui magna Clericorum & Sacerdotum pars esset irregularis; in teneris enim hos affectus permultis contingere, qui deinde provectiores ad sacros Ordines indiscriminatim accedunt, docet experientia. Aitque Hippocrates aphor. 7. sect. 5. *Epilepsia ante pubertatem amissionem recipit, post vigesimum vero quintum annum ferè committitur ad mortem usque*. Idemque aphor. 28. sect. 3. *Plurimi (inquit) pueriles morbi alii intra dies quadraginta, nonnulli intra septem menses, quidam intra annos septem, alii ipsi etiam ad pubertatem accedentibus. Qui verò permanserint, neque pueris circa pubertatem, neque feminis cum menstrua erumpunt solvi fuerint, inveterasce consueverunt*. Zachias qui Medicinam Romæ cum magna doctrinæ fama profitebatur, hac de re consultus sic respondet consil. 59. Eum qui gravi, non autem levi epilepsia pluries etiam post puberes annos correptus est, non tamen esse irregularem, & posse sine dispensatione ordinari, si aliquot annorum spatio symptoma non recurrerit. Ibidemque suadere conatur, Canones qui contrarium decernere videntur, intelligendos esse de sæcda & gravi epilepsia quæ post pubertatem est ferè insanabilis. Sed Zachias refragatur, & tutius esse ducimus, & Canonum præscriptis esse conformius, omnes verè epilepticas affectiones quæ post pubertatem annos contingunt, irregularitati adscribere: exiguum tamen, aut nullam habendam esse rationem earum quæ impuberibus contigerunt.

I X. Si verò legitimè sacris initiato ægritudo epileptica supervenerit, hic poterit susceptos Ordines exercere, dummodo istæ præcautiones adhibeantur. Primum quidem ut integro anno epilepticum symptoma non recurrerit; idemque ferendum iudicium de amentia, & de infestatione dæmoniaca, can. *Communiter*, dist. 33. Prædicto can. *Communiter*, dist. 33. videtur adversari can. *Nuper*, 7. quæst. 2. ubi Papa requirit solum triginta dies ad explorandum epilepticum morbum. Sed Glossa rectè ambos Canones conciliat, ut requiratur annus ubi constat de præterito epileptico casu: sed si non constet, sed solum dubitetur, sufficit exploratio dierum triginta; etenim canon *Nuper*, discretè exprimit rem esse in dubio, & allèveranter negari ab eo circa quem lis ventilabatur. Nec desunt qui requiri utrumque tempus asserant, ut scilicet non antè decurrere incipiat annus, nisi post decursum triginta dierum: sed sufficit annus ab ultimo accessu computatus, ubi de ægritudine constat; & sufficiunt triginta dies ad experiendum, ubi de re non constat, juxta Glossam utriusque Canonis.

X. Sanè si quis nondum est ab epileptica ægritudine prorsus liberatus,

F F f f

fed

sed rariùs eà corripitur solet, ut semel in mense cadendo in terram, si id fiat sine ullo clamore, spumarum emissionem, & corporis horrenda agitatione, hic poterit sacrum celebrare, adjuncto sibi altero Sacerdote jejuno qui Sacrum perficiat, si fortè celebrans post inchoatum Canonem corripereetur, d. can. *Nuper*.

XI. Irregularis est qui se castrari permisit ob cantum; quod etiam illicitum est. Sed si permittit ex justa ac licita causa, ut si ob curationem ingruentis morbi, non censetur irregularis, can. *Si quis absciderit*, & can. *Si quis se*, dist. 55. & cap. *Significasti*, de corp. vitiat.

XII. Ad animi defectum pertinent illiterati, can. *Illiteratos*, dist. 26. & neophyti, idest qui ab idololatria, vel Mahumetismo, aut Judaismo recens conversi, adultaque ætate baptizati sunt, can. *Quoniam*, dist. 48.

XIII. Defectus ille corporis causat irregularitatem, qui vel impedit usum Ordinis, qualis est cæcitas; vel notabilem gignit deformitatem, ut est carentia visus in oculo sinistro, qui vocari solet oculus Canonis, si ex eo defectu necesse sit ad legendum Canonem contorquere indecorè vultum ad sinistram partem. At ubi quis ita prævaleret oculo dextro, ut sine ulla indecentia possit Canonem de Altari legere, non est censendus irregularis, ut docet Navarra cap. 27. num. 199. Judicium autem infirmitatis aut deformitatis quoad irregularitatem inducendam, vel non, ad Episcopum pertinet, cap. 2. de corpore vitiatis. Innocentius in cap. 1. eodem titulo, Sylvester verbo *Corpore vitiati*, quest. 1. Navarra cap. 27. num. 200. aliique communiter.

XIV. Is qui suâ culpâ gravi, quanvis invitus, aliquo membro mutilatus fuit, etiamsi ea membri privatio alioqui non causasset irregularitatem, quia vel occulta est, vel deformitatem gravem non causat, nec actum Ordinis impedit, est nihilominus irregularis, can. fin. dist. 55. cujusmodi ille censendus est cui in adulterio deprehenso virilia in pœnam, vel ultionem excisæ fuerint. Ugolinus, Navarra, Avila & alii communiter.

XV. Habens corporis defectum impediens susceptionem Ordinis Sacerdotalis, censendus est irregularis ad reliquos Ordines inferiores & sacros, ex communiori sententia Angeli, Ugolini, Navarra, Avila, Bonacina: quanvis Paludanus, Sayrus & alii pauci dissentiant. Sed is qui post susceptum Sacerdotium evasis irregularis quoad Missæ celebrationem, ut si amisit pollicem, aut indicem, aut oculos, poterit adhuc reliqua munia celebrare, ad quæ superest eiabilitas, ut est confessionum auditio.

XVI. Irregularitatem ex defectu lenitatis parit homicidium voluntarium, aut membri mutilatio, si sine facientis culpa sit, qualem facit Judex, apparitor, carnifex, dum suo justè fungantur officio; & accusatores; & testes in causa criminis, si mors aut mutilatio sequatur; & milites in bello justo vulnerantes & occidentes, can. *Si quis viduam*, dist. 50. & cap.

Le

In Archiepiscopatu, de raptorib. & cap. fin. de cler. vel monach. in 6. & Clement. unica de homicid. Et olim Idacius & Ithacius Episcopi fuere condemnati in Ecclesia ex hoc uno, quodd Priscillianum impurissimum hæresiarchum accusassent apud Maximum Imperatorem, qui Priscillianum capitali supplicio addixit, ut scribit Severus Sulpicians. Et Sanctus Augustinus epist. 54. Macedonio primariæ dignitatis viro rationes reddit cur ipse illius clementiam interpellaverit, ne viri quidam nefarii ultimo, quod commerebantur, supplicio afficerentur, sed mitius in illos animadverteret.

XVII. Cæterum licitum est & irregularitatis expers, si Sacerdos intendens flagitia reprimi, suadeat Principi ut legem ferat, quâ certorum criminum rei morte digni plectantur capite; non enim per generalem istam provisionem potest dici causa mortis, nisi remota, ut patet ex can. *Delatori*, 5. quæst. 6. Ita docent Ugolinus, Avila, Henriquez, Suarez, Filliucius, Bonacina. Potest quoque citra irregularitatem Confessarius recusare absolutionem Magistratui nolenti punire ex officio & secundum leges flagitiosum, quem lex jubet capitis damñari, modò generatim loquatur, ut puniat secundum legem, neque directè intimet mortis poenam. Eadem ratione potest Confessarius reum urgere juridicè interrogatum, ut suum capitale crimen confiteatur Judici; fungitur enim hac in parte officio suo.

XVIII. Differunt autem laici, aut etiam Clerici neque sacri, neque Ecclesiasticis præbendis addicti, à Clerico sacro, vel beneficiario in causa mortis aut mutilationis ex jure licitæ: quia primi non peccant, licet incurant exinde irregularitatem; isti verò præter irregularitatem mortali etiam peccato se implicant, quia contra Canonum vetita faciunt in re gravi, cap. *Sententiam sanguinis*, ne clerici, vel monachi.

XIX. Ut autem accusator in materia criminis capitalis sit ab hac irregularitate immunis, duæ conditiones exiguntur. Prima est, ut accuset de injuria sibi suisve rebus illata, non verò alteri. Secunda, ut expressè protestetur se nullam intendere capitis, aut mutilationis poenam, cap. *Pralatis*, de homicid. in 6. Ista verò protestatio si fiat à teste, nihil illi prodest, cum ipse interveniat in aliena causa: sed prodest Clerico illum accusanti qui suam violavit Ecclesiam, quia propriæ Ecclesiæ causa ad eum pertinet, nec est censenda ipsi aliena. Bonacina & alii communiter. Iidemque docent non esse irregularem illum qui cum dicta protestatione revelat patriæ proditorem, quia omnes ad hoc tenentur jure naturæ, & quia ad singulos pertinet salus patriæ communis, cum singulorum personas, & fortunas comprehendat.

XX. Clerico testificari non licet in causa sanguinis, can. *His à quibus*, 23. quæst. 8. neque ad id ullo jure compelli potest. Sanè potest testificari ad innocentis oppressi liberationem, petiti sui Superioris licentiâ.

FFFF 2

Quantis

Quavis exinde præter ipsius testis intentionem sequatur ut calumniator ultimo puniatur supplicio; id enim contingit per accidens. Testis enim qui abditam veritatem manifestavit, solam intendit innocentis rei liberationem, non verò, ut supponimus, accusatoris poenam. Hoc sapienter docent Ugo-
linus, Avila, Sayrus, Suarez, Filliucius, & qui hos allegat & sequitur Bonacina de irregularitatibus, disp. 7. q. 4. punct. 3. n. 4. Atque ita nulla inde nascitur irregularitas.

XXI. Laicus Chirurgiam aut Medicinam exercens juxta suæ artis regulas, non incurrit irregularitatem, etsi membrum resecat aut refecari mandet; non enim est defectus lenitatis si pars adimatur ad totius conservacionem. Sed si per gravem culpam Chirurgi, vel Medici homo deformetur, vel intereat, incurrit irregularitas ex delicto.

XXII. Qui sunt sacris Ordinibus initiati prohibentur mederi per abscissionem, aut adustionem membri alicujus, cap. *Sententiam sanguinis*, ne cler. vel monach. & cap. *Tua nos*, de homicid. Sed neque peccant idem, neque irregularitatem contrahunt, si absque abscissione, vel ustione Medicinam exercent secundum artis regulas, & sine avaritiæ labe, aut alio abusu, periculo, vel prava suspitione, ex communi sententia. Potest etiam Sacerdos consulere secundum regulas Medicinæ, vel exhortari ut membrum amputetur sphacelismo affectum, dum caveat ne abscissionem per se exequatur, id enim, ut dixi, Canones ei prohibent. Neque peccato, aut irregularitati subditur Sacerdos qui juxta Medicinæ præscripta jussit, vel consuluerit membri amputationem, aut venæ sectionem, tametsi fortuito & ex accidenti mors inde sequuta fuerit. Bonacina citans ad hoc Molinam, Rodriguez & alios.

XXIII. Multò minùs ergo peccant, vel irregularitatem incurrrere dici possunt, siue Sacerdotes, siue laici, qui bonâ intentione, neque credentes ægrum ex hoc citiùs moriturum, ei jusculum propinant unde fiat æger inopinatò citiùs moriatur & suffocetur, aut ex motione sui corporis expiret, ut contra Toletum asserunt Suarez, Ugolinus, Bonacina de irregul. disp. 7. quæst. 4. punct. 7. num. 12. Coninch tom. 2. disp. 18. dub. 9. num. 7. & seqq. etiamsi aliqua venialis culpa intervenerit, ut ipsi docent. Hujusmodi enim officia per se & directè non tendunt ad mortem, neque ad ejus accelerationem. Itaque nihil commune habent cum irregularitate quam incurrunt illi qui efficaciter influunt ad hoc, ut citiùs perveniatur ad locum supplicii: illa namque itineris acceleratio directè & per se operatur accelerationem supplicii, de qua dubitare non potest ille ipse qui accelerat professionem ad patibulum. Ille itaque infirmo ministrans non alteri obnoxius est impedimento, quàm quæ memorantur in cap. 13. 14. 15. 16. de homicid. volunt, ut si dum pulsatur campana, ipsa cadens, aut lignum campanilis hominem peremerit: vel Clerico equitante, si equus ferocius ruptis habenis, cum retineri à seipso non posset, infantem obvium occiderit.


derit, qui est casus capitis *Dilectus filius*, eod. tit. Huc pertinet cap. *Ex literis*, il 1. & cap. *Ex literis*, il 2. eod. tit. Ubi autem mortalis culpa intervenisset, ut si quis periculum praevidisset, neque tamen ullam dignatus fuisset adhibere prae cautionem, tunc locus esset irregularitati, non quidem ex defectu, sed ex delicto: quia culpa mortalis casum praecessit.

XXIV. Qui somno, vel furore correptus alterum occidit, aut etiam qui mentis compos violentum aggressorem interemit cum moderamine inculpatae tutelae, non valens per fugam evadere, hic neque lethali culpâ, neque irregularitate obstringitur. Clement, unica de homicid. Disputatur de eo qui alterum occidit in vasorem alienae vitae, ut patris, filii, fratris, uxoris, non valens aliter succurrere periclitantibus. Fieri hunc irregularem affirmat Gloss. in d. Clement. unica de homicid. in verb. *Suum*: & Sylvester verb. *Homicidium* 1. n. 13. Martinus Navarra cap. 27. n. 237. Negant verò recentiores, Covarruvias, Petrus Navarra, Lessius, Suarez, Bonacina, Filiucius, Coninch de Sacram. tom. 2. disp. 18. dub. 9. num. 77. & seqq. hac ratione, quia nullo jure generatim statuitur, illum esse irregularem qui quacunque actione hominem occidit; sed eum qui hoc facit aut cum peccato mortali, aut sine peccato quidem mortali, sed tamen planè voluntariè, ut sunt Judices, milites, qui omnes publica freti sunt autoritate. Privata verò, atque involuntaria homicidia non subduntur irregularitati, nisi casum lethalis culpa praecesserit, d. cap. *Ex literis*, il 1. de homicid.



CAPUT XX.

De irregularitatibus ex delicto.

I.  D incurrendam irregularitatem ex delicto requiritur juxta æquorem & communiorum Doctorum sententiam mortale peccatum, Navarra cap. 27. num. 251. & 253. Suarez, Avila, Sotus & alii. Ratio est, quia poena debet habere cum delicto proportionem, cap. *Felici*, de poenis in 6. Cum ergo irregularitas ex delicto nascens sit gravissima poena, non debet incurri nisi per grave delictum, & non per veniale. Si ergo contingat aliquem in delicto cui Jus poenam imposuit irregularitatis, non plus peccasse quàm venialiter, sive ex subreptione, sive ex imprudentia, aut ignorantia tantum veniali, aut ex oblivione, ita ut non adhibita fuerit sufficiens deliberatio, ille quanvis in externo foro haberi possit pro irregulari, non tamen in foro conscientiae, poteritque sua Beneficia retinere, fructusque percipere, & ad alios Ordines aspirare sine dispensatione, modò nihil inde oriatur scandalum.

I I. Requiritur secundò actus externus consummatus. Canon quippe ipsum factum requirit, non solam voluntatem, can. ult. 15. q. 1.

I I I. Infamiam collocari mos est inter delictorum irregularitates, quanvis aliquando contingat eam contrahi sine delicto vero, sed solum putativo & præsumpto : & innocens qui per falsas probationes aut præsumptiones condemnatus in judicio fuit, tenetur se purgare, alioqui judicatur incapax Ordinis, Beneficiorum, & jurisdictionis, 2. quæst. 5. per totam, & toto tit. de purgat. canon. Est porro duplex infamia : una juris, alia facti ; & utramque irregularitas comitatur, can. *Infames*, 6. quæst. 1. Infamia juris inducitur quidem ab ipso jure, sed dependenter à sententia declaratoria criminis, ut præclare disputat & docet Vasquez 2. 2. q. 173. cap. 1. adversùs opinantes non requiri sententiam Judicis in delictis quibus lex infamiae poenam imponit, modò sint notoria. Infamiam facti eam dicimus quam gravia delicta proprio auctori inurunt, ex quo satis notoria evaserunt, Infamia facti tollitur per morum notoriam emendationem ; sed non infamia juris, nisi accedat vel Apostolica dispensatio, vel canonica purgatio.

I V. Ex delicto irregularitas multimodè incurritur. Primò per hæresim, vel apostasiam à Fide, can. *Qui in aliquo*, dist. 51. can. *Qui bis*, de consecr. dist. 4. adeo ut filii quoque hæreticorum (nisi constet parentes ante mortem conversos fuisse) sint irregulares, cap. *Sacrum*, de hæret. ubi hæc verba sunt : *Qui tales esse, vel decessisse probantur*. Unde colligitur oppositum, si tales non decesserint, 2. Ex illicita mutilatione, vel homicidio. 3. Ex indebita Ordinis sacri susceptione, vel exercitio, in illis nimirum qui censurà aliquà astricti sacros Ordines susceperunt, vel exercuerunt, cap. *Cum illorum*, de sent. excom. & toto tit. de cler. excom. depos. vel interd. ministr. & can. *Si quis Episcopus*, 6. & 7. causæ 11. q. 3. Præterea qui Ordinem quo caret, solenniter celebrat, deponitur, & est irregularis, cap. 1. & 2. de cler. non ordin. ministr. Laicus verò cantans in Missa Epistolam etiam cum dalmatica, sed sine manipulo, non contrahit irregularitatem, Covarruvias in Clement. de homic. p. 1. §. 1. in initio : Suarez disp. 40. sect. 2. num. 11. Coninch disp. 18. dub. 6. num. 46. Præterea qui Baptismum iterat fit irregularis, cap. 2. de apostat.

V. Denique præcipuam ex delicto irregularitatem producit homicidii crimen, tam ex parte mandantis & consulentis, quàm ex parte exequentis, si factum sequatur. Hoc tamen discrimen inter mandantem & consulentem assignant Doctores, ut is qui mandavit, revocato ante factum suo mandato non amplius sit irregularitati obnoxius, tametsi mandatariorum post mandati revocationem exequatur demandatum homicidium; consulens verò non sit immunis ab ista & aliis canonicis poenis, etiamsi consilium revocaverit & pro viribus dissuaserit, si is qui consilium accepit fuerit delictum exequutus postquam ei fuit intimata revocatio consilii.

Ita

Ita communiter Doctores, hujus diversitatis hanc rationem adducentes, quia mandatum fit in ipsius mandantis commodum & gratiam; consilium verò dirigitur in gratiam & commodum ejus cui datur: ideoque is qui dat consilium non censetur suasionis suæ influxum revocare, nisi is cui, & cujus comodo consilium datum est destiterit velle consilium sibi datum exequi. D'spositio enim ejus quod nostra interest, nostro subest, & non alieno arbitrio. Quâ eadem ratione sufficit mandanti suum revocasse mandatum, quod in ejus commodum refertur: ideoque si post revocationem mandataris velit illud exequi, non id tribuetur influxui præcedentis mandati, sed propriæ ejus qui exequitur malitiæ. Ideoque mandans post revocationem opportunam non tenebitur canonicis pœnis, neque obligatione damna quæ mandataris intulerit rescarciendi.

V I. Quæ abortum procurat postquam fœtus animatus est, homicida existit, simul & irregularis: secus autem si fiat abortus ante animationem. Licet autem incompertus sit dies quo fœtus animari incipit, tamen existimatur communiter animam masculinam fœtui infundi quadragesimo die, femininam autem post dies octoginta, juxta Levit. 12. ut annotat Glossa recepta Summæ, verb. *Quadragesima*, dist. 5. Ideoque abortus crimen non habetur pro homicidio ante diem quadragesimum.

* V I I. Sed jam graves occurrentes circa abortum difficultates compellunt ut pleniorē de illo notitiā tradamus. Quæstio ventilatur, utrum ad servandam prægnantis matris vitam liceat ei pharmacum præbere, ex quo fœtus quem utero gerit, metus sit ne moriatur? Admittitur passim distinctio S. Antonini part. 3, tit. 7. cap. 2. §. 2. cujus authorem refert Joannem Neapolitanum: Si id fiat ad prægnantem morte liberandam dum periclitatur in puerperio, tunc secundum Joannem quodlibeto 10. distinguendum esse. Si enim est fœtus animatus, tunc Medicus directè se homicidii reum constituit coram Deo. Refert verò S. Cyrillus Alexandrinus ex sapientum, ut ait, judicio fœtum humanum masculinum vix animâ informari die à conceptu quadragesimo; si autem femina futura sit, non nisi octogesimo post conceptionem die. Ita Cyrillus lib. 15. de adorat. in spir. & verit. Idque colligi solet ex diebus purificationis computatis Levit. 12. Sed ea conjectura non est planè certa. Hippocrates quidem lib. de natura fœtus, num. 10. ex motus experientia, quem prægnantes in utero sentiunt, si fœtus sit masculinus, refert ut tardissimè conformari die trigessimò; si autem femininus, ut tardissimè die à conceptu quadragesimo secundo. Id pariter probat ex temporibus quibus menstrua in mulieribus fœtis redeunt post partum. Sed cum incertum sit de fœtus informatione, seu animatione (longè enim diversæ res sunt conformatio & informatio fœtus) incertumque pariter maneat, utrum intercedat dies aliquot à perfecta formatione, donec partus fortasse vitâ vivens vegetativâ magis confirmetur, & ut embryon ad animam rationalem plenius disponatur; certe

certè res in incerto admodum nutat. Srat autem veritas inconcussa, prohibitum omnino esse homicidium innocentis, præcipuè verò si periclitatur fœtus de vita æterna, si ante Baptismum extinguatur. Porro unusquisque tenetur æternæ salutis partus magis quàm prægnantis incolumitati, aut etiam propriæ vitæ consulere.

VIII. Quin etiam ubi exploratum esset, fœtum non esse animatum, ngeret adhuc gravis difficultas, num liceat embryonem nondum viventem dispendere? Potest quidem, & debet sapiens Medicus pharmacum prægnanti præbere, quod matris vitam, si fieri potest, conserve; sed, quod embryonem non extinguat: neque fas est abortum matris procurare ad hunc finem, ut ejus aut vita, aut fama in tuto sint, ne admittatur innocentis homicidium & æterna gratiæ privatio. Antonini quidem distinctionem allegant & probant Sylvester verbo *Medicus*, quæst. 4. Fumus seu Armilla verbo *Abortus*, num. 2. Sanchez lib. 9. de matrim. disp. 10. num. 6. & 10. Navarra cap. 105. num. 62. melius judicantes extinguere fœtum nondum animatum quàm matrem viventem. Sed obstitit Apostolus dicens non esse faciendi mala ad bonum finem: & aliunde consentiunt Catholici Doctores, non posse intendi aut procurari pollutionem etiam ad conservandam vitam, utendo pharmaco aut talibus cibis, ex quibus futura putetur. At verò abortus procuratus majorem habet mali speciem quàm pollutio, quæ est destructio unius tantum seminis; abortus autem destruit duorum seminum conjunctionem, quæ propterea propius ordinatur ad hominis productionem quàm simplex semen. Igitur sollicitior debet esse cautio circa abortum quàm circa pollutionem. Confirmatur his Tertulliani verbis in Apologet. cap. 9. *Nobis homicidio semper interdiciunt, & etiam conceptum in utero dissolvere, dum adhuc sanguis in hominem delibatur. Homicidii festinatio est prohibere nasci: nec refert natam quis eripiat animam, aut disturbet nascentem. Homo est qui futurus est; nam fructus in semine est.* Præterea caput *Si quis*, de homic. ait eum qui fecerit ut fœmina non possit concipere, aut nasci soboles, teneri pro homicida. Vide præterea legem *Si quis aliquid* 38. §. *Qui abortivus*, D. de pœnis. His adducti rationibus Covarruvias in Clement. *Si furiosus*, parte 2. §. 3. num. 1. Petrus Navarra lib. 2. cap. 3. n. 140. Lessius lib. 2. cap. 9. dub. 10. hanc directam intentionem de abortu inanimato unanimes damnant ut prohibitam divino & naturali jure: sed in fœtu animato, quocumque prætextu intendatur, detestantur. Salus enim animæ propriæ vitæ corporeæ indubiè præferenda est.]

IX. Circa irregularitatem ex mutilationis membri delicto nascentem communis doctrina est, nomine membri comprehendi partem quæ per se habet distinctum & completum in corpore officium, qualis manus, aut pes; non verò digitos, aures, nares. Ita M. Navarra, Covarruvias, Suarez, Henriquez, Avila, ac ferè omnes adversus Caietanum & Sorum, qui membrum hoc loco intelligendum volunt omnem partem ad corporis organici

organici integritatem pertinentem. Ad mutilationem de qua hic agitur non sufficit aliquem ita cedere, aut torquere, ut aliquod membrum reddatur inutile, nisi abscindatur, aut ita tabescat, ut amputari necesse sit. Soto lib. 5. de iustitia, q. 2. art. 1. Navarra cap. 27. num. 223. Suarez, Avila, Coninch.

X. Quæres, utrum casuale homicidium patiat irregularitatem? Est verò casuale illud quod ex aliquo facto nascitur præter agentis intentionem. Respondemus, casuale homicidium, ubi lata culpa, hoc est cum mortali peccato conjuncta, præcessit casum, parere irregularitatem, si scilicet negligentia mortalis in eo casu præveniendi & impediendo intervenerit, ut liquet ex cap. fin. de homicid. in 6. Levis autem culpa, seu venialis negligentia non sufficit; nam ut antea ostendimus, irregularitas ex delicto præsupponit mortale peccatum. Idque ulterius ex hoc probatur, quia decernitur in cap. *Quæstium*, de pœnit. parentes qui noctu inter dormiendum infantem opprellerunt, non esse irregulares, quanvis id aliquà eorum incuriâ, quibus pœnitentia imponitur, acciderit, nisi (inquit) *ea negligentia fuerit studiosa*.

XI. Quando verò ex opere mortaliter illicito sequitur casuale homicidium, diversimodè sentiunt Doctores, Sylvester enim verb. *Homicidium*, num. 2. Caietanus 2.2. q. 64. art. 8. & alii nonnulli censent locum tunc esse irregularitatis, ut si quis alium in ebrietate occiderit. Negant verò Sotus lib. 5. de iust. quæst. 1. art. 9. Covarruvias in Clement. *Si furiosus*, p. 2. §. 4. num. 9. & 10. Henriquez lib. 14. cap. 15. num. 1. Navarra cap. 27. n. 230. Avila part. 7. disp. 6. sect. 1. dub. 1. §. *Hinc sequitur*, Coninch disp. 18. dub. 9. n. 80. Valentia tom. 4. disp. 7. quæst. 19. punct. 3. ad 5. speciem, alii-que. Qui tamen concedunt ex huiusmodi actu illicito emergere irregularitatem casualis & non intenti homicidii, si actus prohibitus involvebat in se periculum homicidii, ut est hastiludium. Nam alioqui dici homicidium voluntarium non posset, nisi maximè improprie ac remotissimè. Itaque is qui temulentus hominem occidisset, aut qui telo intendens occidere equum iniurici, hominem ibi latentem occidisset, non ligaretur irregularitate homicidii.

XII. Missam celebrans in Ecclesia polluta, vel coram excommunicato virando, nequaquam est irregularis, cum id nullus Canon decernat. Sed qui scienter in loco interdicto celebrat, sit irregularis; quisquis enim per Ordinis exercitium violat aliquam censuram Ecclesiæ, in irregularitatem cadit, cap. *Is qui in Ecclesia*, 18. de sent. excom. in 6.

XIII. Iteratio Confirmationis, vel Ordinis nullam inducit irregularitatem, quanvis aliqui contrarium doceant. Id enim proprium est solius iterationis Baptismi, cap. 2. de apostat. Pœnæ enim non sunt ampliandæ ultra Canonum præscripta, sed potius restringendæ, utpote odiosæ, cap.

GG g g Oia.

Odia, de reg. jur. in 6. Nec admitti debet in his ratio à pari, inquit Bonacina. Et ratio quoque disparitatis hæc adduci potest, quia solus Baptismus est Ecclesiæ janua, & ad reliqua Sacramenta introductio. Igitur iteratione Baptismi major injuria Ecclesiæ irrogatur, quàm iteratione cæterorum Sacramentorum. Qui enim baptizatur, ipso actu protestatur se non fuisse hærenus Ecclesiæ subditum, aut ejus legibus adstrictum.

XIV. Quæritur an qui dubitat se aliquid fecisse ex quo nascitur irregularitas, habendus sit pro irregulari? Æquitati consentanea & communis assertio est, non esse pro irregulari habendum in aliis facti dubiis, solo excepto dubio homicidii. Ratio est, quia ut dixi, odia sunt restringenda potius quàm extendenda; & quia cum sunt partium jura obscura, reo potius favendum est quàm actori, cap. *Cum sunt*, de regul. jur. in 6. Ratio verò cur hinc excludamus dubium facti homicidii, fundatur in dispositione Canonum ita statuentium, cap. *Ad audientiam*, cap. *Significasti*, il 2. §. *Quod si*, de homicid. Idque peræquè obtinet tam in homicidio irregularitatem ex defectu inducente, quàm in homicidio cum delicto. Et probatur ex cap. *Petitio tua*, de homicid. ubi dubitanti Presbytero, num in defensione Castri quod Infideles vi & armis adorti erant, aliquem de Infidelibus aggressoribus occidisset, jubetur ut ab Altaris ministerio abstineat.


XV. Ex his sequitur, Medicum qui cum rationabili fundamento suspicatur ægrotum suum mortali culpâ interiisse, non posse citra dispensationem ordinari. Item neque eum qui cum abortum procuraverit & fecerit, dubius est utrum fœtus esset animatus. Similiter eum qui postquam consilium dedit homicidii, dubitat utrum consilium suum efficaciter in hoc malum influxerit.

XVI. Sanè communis est Canonistarum sententia, dubium facti homicidii non esse spoliandum propriis Beneficiis. Etenim d. cap. *Ad audientiam*, & cap. *Significasti*, de homicid. non longius extendit effectus hujusce dubiæ irregularitatis, quàm ad cessationem à sacro ministerio. Suarez disput. 40. sect. 6. num. 6. Bonacina disput. 7. quæst. 1. puncto 5. num. 8.



C A P U T XXI.

De Ecclesiarum consecratione , pollutione , seu profanatione , & reconciliatione.

I.  Isteis personarum Ecclesiasticarum canonicis inhabilitatibus, reliquum est ut defectus circa loca sacra, Ecclesias & Coemeteria occurrentes exploremus, & occurrentes in hac re quaestiones diluamus. In primis hoc sciendum, Ecclesiam aedificare neminem posse sine assensu Episcopi, cujus est locum aedificationis assignare, dotationem ad ministerium & ad reparationes necessarias praescribere, Crucem figere, lapidem primarium collocare, cap. *Nemo Ecclesiam*, de consecrat. dist. 1. Potest tamen lapidis primarii positionem delegare alteri, juxta Gloss. ibid.

II. Is qui Ecclesiam aedificat, tenetur eam dotare sufficienter pro ministrorum stipendio, pro necessariis ornamentis providendis, pro fartis tectis, pro juribus Episcopalibus exsolvendis. Et permittens Episcopus indotatam construi, tenetur ex propriis dotare, cap. *Cum sicut*, juncta Glossa, de consecrat. Eccles. & ibidem Abbas num. 3.

III. Aedificata Ecclesia vel benedicitur per Episcopum, vel per delegatum ab Episcopo Sacerdotem, vel consecratur: sed consecratio ista fieri non potest nisi ab Episcopo, sive Diocesano, sive quem Diocesanus commiserit ad id munus; nullatenus vero à simplici Sacerdote, cap. *Cum aqua*, de consecrat. Eccles. Ostensis ibid. in summa, num. 2. Abbas ibid. num. 2. At vero semel consecrata Ecclesia non potest denuò consecrari, nisi occurrente aliquo ex sequentibus casibus.

IV. Primus est, si dubitetur an fuerit consecrata, cap. *Ecclesia*, de consecr. dist. 1. Creditur autem unius testis probi & honesti assertioni, sive de visu, sive de certo auditu: vel si aliqua ejus rei nota appareat in Ecclesiae libris, vel in pariete, vel in columna, praesumitur olim consecrata, can. *Solemnitates*, juncta Glossa in verb. *Scriptura*, de consecr. dist. 1. Speculator tit. de probationibus, §. *Videndum*, vers. *Non per libros*: Abbas in cap. *Proposui*, num. 6. de consecr. Eccles. sufficitque ad hoc semiplena probatio, si nemini nascatur inde praesudicium. Innocentius in cap. 1. de consecr. Eccles.

V. Secundus est, ubi parietes incendio absumpti fuerunt, aut diruti, sive in totum, sive majori ex parte, can. *Ecclesiis*, dist. 1. de consecr. Si
GG g 2 tamen

tamen solum testum combustum, vel dirutum fuerit, aut etiam modica pars parietum, non reconsecratur, can. *De fabrica*, de consecr. dist. 1. cap. *Proposuisse*, juncta Glossa, de consecr. Eccles. Quod totum dependere ex judicio Episcopi docet Ostiensis in Summa de consecr. Eccles. num. 5.

V I. Tertius contingit in Ecclesia quæ fuerit ab Episcopo hæretico consecrata, can. *Ecclesias*, & can. *Arianorum*, de consecr. dist. 1. Quem casum extendit communis sententia ad quemcunque Episcopum publicè excommunicatum propter aliud quodvis delictum.

V I I. Quartus, si sepeliatur in Ecclesia (idemque asserendum de Cœmeterio) paganus, vel hæreticus, vel excommunicatus notorius: non potest autem aliter reconciliari nisi cadavere exhumato, si discerni queat, can. *Ecclesiam*, de consecr. dist. 1. Ostiensis loco cit. num. 7. Censent tamen aliqui cum Bonacina circa finem tractatus de Matrimonio, non pollui Ecclesiam, vel Cœmeterium per sepulturam hominis catholici, qui fuerit ob aliud aliquod delictum excommunicatus, modò non fuerit publicè denunciatus: hac ratione, quia post Extravag. *Ad evitanda*, non tenentur Fideles ejusmodi excommunicatos devirare.

V I I I. Quintus, si in Ecclesia, vel Cœmeterio fuerit voluntariè effusum humanum semen, etiamsi contigerit ex copula inter conjuges habita, cap. fin. de consecr. Eccl. Ostiensis ibid. in Summa.

I X. Sextus per injuriosam humani sanguinis effusionem, aut per homicidium, licet factum sine effuso sanguine, ut per venenum, aut strangulationem, cap. unic. de consecr. Eccles. in 6. Vox *injuriosam*, excludit homicidium, aut sanguinis effusionem fortuitam, ut sit in casu lapidis, aut ligni supra hominis caput. Itemque hominis aggressoris occisionem, aut cruentum vulnus cum inculpari tutela, aut vulnus inflictum per hominem furiosum, seu mente captum. Vox quoque *effuso*, copiam denotat. Si ergo modicus sanguis fusus sit ex injuriosa percussione, locus sacer non polluitur. Joan. Deselva 1. p. de Beneficiis, q. 5. Navarra cap. 27. n. 265. Armilla verb. *Consecratio Ecclesia*: & apertè decernitur cap. *Cum illorum*, juncta Glossa, de sent. excom. Imò Grassius lib. 2. cap. 48. Coninch, & plerique alii dicunt, non sufficere sanguinis ex naso effusionem illam quæ solet accidere in rixa puerorum.

X. Necessè est autem ad hujus pollutionis effectum, ut vulnus receptum fuerit in loco sacro: si enim aliquis existens intra sacrum locum factu injurioso teli alterum foris existentem vulneret aut interimat, non inde polluitur locus sacer, licet vulneratus accepto vulnere ingrediatur Ecclesiam, vel Cœmeterium, ibique sanguinem effundat. Ex adverso polluitur sacer locus, si vulnere ibi accepto saucius foras egrediatur, nec nisi post egressionem sanguinem effundat. Bonacina, aliique commu-

niter.

niter. Sufficit enim quod quis percussione passus sit dum erat in loco sacro.

X I. Nullatenus requiritur sacri loci reconciliatio, si ejus profanatio non sit publicè notoria, etsi posset per duos, aut tres testes probari. Abbas in cap. *Significasti*, num. 2. de adulter. Offensis, Armilla, Navarra loc. cit.

X II. Non est opus reconciliatione, si pollutio contigerit extra spatium murorum Ecclesiæ, vel Chori, vel adjunctam Capellam, quæ quidem censendæ sunt partes corporis Ecclesiæ. Non ergo requiritur reconciliatio, si contigerit pollutio intra sacristiam, vel campanile, vel supra tectum Ecclesiæ, vel in subterraneo specu, nisi foret specus ad sepulturam. Navar. & Grassius loc. cit. Suarez tom. 1. de relig. lib. 3. cap. 9. num. 7.

X III. Post notoriam sacri loci pollutionem nefas est, donec reconciliatus fuerit, Divina Officia in eo peragere, aut mortuum sepelire. Sacerdos autem quo sacrum faciente contigerit Ecclesiam violari, si nondum inchoaverit sacrum Canonem, debet Missam inchoatam intermittere. At si sacrum Canonem jam inchoaverat, prosequi Missam debet usque ad finem. Jam enim hostia proximè præparari cœpit ad consecrationem, ut docent præallegati, alique communiter Doctores.

X IV. Polluta etiam consecrata Ecclesia, potest ex permisso Episcopi, aut ejus Vicarii ablui aquâ benedictâ per Sacerdotem, adhibitis ordinariis benedictionum precibus, & postea intra eam Divina Officia celebrari, donec per Episcopum consecretur. Si verò Ecclesia tantum benedicta, nec consecrata polluitur, sufficit ejus ordinaria reconciliatio per simplicem Sacerdotem cum Ordinarii venia, cap. fin. de consecr. Eccles. juncta Gloss. Armilla loc. cit. num. 2. Piasecius praxis Episcopalis p. 1. cap. 2. art. 4. num. 7. Bonacina de Sacram. Matrimon. ad fin.

X V. Denique pollutâ Ecclesiâ polluitur simul contiguum eidem Cœmeterium, sed non remotum. At è converso pollutione Cœmeterii non polluitur contigua Ecclesia. Verum polluto uno Cœmeterio, nequaquam polluitur aliud, quanvis contiguum Cœmeterium, etiamsi ab uno esset ad alterum accessus per intermediam portam, cap. unico, de consecr. Ecclesiar. in 6.

* X VI. Intra Ecclesiam consecratam die quodam festo, & titulari ejusdem Ecclesiæ, suborta gravis est rixa inter duas ex plebe mulierculas, quarum una in æmulam irruens jugulum illius adeò violenter suis manibus pressit, ut illa in humum cadens animi deliquium passâ sit, respiratione interdictâ, alienisque brachiis in vicinam transportata domum. Rogati Medici invisunt decumbentem ægram, scriptoque attestantur eam de rixa periclitari. Vacante tunc Episcopali Sede tota jurisdicção penes Capi-


Gggg 3 solum

tulum erat Cathedralre ejusque Vicarium. Ab his meum rogatus judicium scripto respondi, nihil certi constare de Ecclesiæ pollutione: cum enim nulla facta fuisset sanguinis effusio, solaque pollutionis causa quæ restare poterat, in languentis mulieris interitu, qui dubius adhuc & incertus erat, sita esset, nemo quidquam de pollutione asserere vel negare poterat, dum eventus mortis in ambiguo erat. Veruntamen ad futuram præcautionem jam in præsentī cessandum esse illic à Divinis, & abstinendum pariter à loci reconciliatione præsentī, aut reconsecratione, quæ futura proptus erat inutilis & supervacaneæ, qualiscumque succellurus erat eventus sive mortis sive reconvalescentiæ. Si enim mors interveniret, eoduntaxat momento, & non antè, pollutio eventura erat Ecclesiæ, atque ita necessitas incumbere iterandi præcedentem & inopportunam Ecclesiæ reconciliationem, tunc temporis sacræ & impollutæ. Si verò ægra reconvallitura erat, majus nasciturum deridiculum ex publica reconciliatione, aut etiam operosiore consecratione procul accersiti Episcopi ad consecrandum locum ritè jamdudum consecratum. Illa igitur mentibus insedit melior sententia, præter Divini Officii celsationem præsentem nihil interim esse molendum, paucisque diebus resciri posse quid tandem de ægra muliere sit eventurum: si moriatur, reconciliandam esse pollutam Ecclesiam sine mora per aquam benedictam à Vicario Generali, aut à Sacerdote, quem ad hoc placuerit delegare, juxta cap. ult. de consecr. Eccles. ne diutius intermitteretur Divinus in ea cultus. Interim verò de consensu Capituli rogandus erit ex vicinioribus Episcopus, ut quamprimum commodè poterit in civitatem accedat ad Ecclesiæ consecrationem, communicata utrobique potestate, Vicarii quidem Generalis jurisdictione, sine qua non potest Episcopus in aliena Diœcesi Pontificalia exercere; & Episcopalis ordinis ac Pontificii jure, quo ut plurimum privatus est Vicarius, reque ipsa caret, quanquam illius characteris meritiſſimus, Massiliensis Ecclesiæ Vicarius.]



* C A P U T XXII.

*Responsum Authoris ad Consultationem remotæ
cujusdam provincie Archiepiscopi, de pœnis ca-
nonicis refractario cuidam Clerico debitæ.*

I.  ONVICTUS erat contumax remotæ provincie Clericus dup-
plicis sacrorum Canonum transgressionis. Prima transgressio
erat in crimine susceptorum sacrorum Ordinum de manu
alieni cujusdam Episcopi sine ullis proprii Episcopi Dimissio-
riis ac testimonialibus literis. Alteram huic priori transgressionem proter-
vus Clericus addiderat non tantum Missam indebitè susceptam celebrando
invito proprio Antistite, verum etiam resignationem curati cujusdam Bene-
ficii in sui favorem in Romana Curia factam suscipiendo; & quod deterius
est, inconsulto Episcopo, ad quem ex Papæ rescripto remittebatur examinan-
dus, ejusdem Beneficii possessionem privata autoritate incundo; sed & in-
super, quod deterrimum est, Curam ipsam exercendo, & Sacramenta Pa-
rochianis administrando, injussu Diocesani, quem ne quidem dignatus est
convenire: ac proinde sine ulla sui præsentatione, sine Signaturæ aut Lite-
rarum exhibitione, quæ *Visa* vulgò dicitur; sine examine, sine Fidei profes-
sione, sine præscripta forma & provisione Curatum Beneficium usurpavit.
Hic duo discutiendi concurrentes in illo Clerico defectus, quorum primus
ejus Ordinationes afficit; secundus verò illius, quam indebitè occupat, Cu-
ræ invasionem.

De primo defectu circa Ordinationes.

II. Quod attinet ad priorem defectum responsio nostra fuit, non potuisse
Clericum sine Dimissoriis ordinari, nisi cum sacrilegii crimine, cum, nem-
que ipso jure ab Ordinibus sacrilegè susceptis exercendis prohibitum & sus-
pensum, eodem momento quo exercere ausus est, irregularitatis pœnæ se
subjecisse, & præfractè continuando nova in discrimina incidisse, novasque
censuras in suum caput accumulasse. Hoc primum sacrilegæ Ordinationis
genus discutiendum est.

III. Paulus Apostolus ad Timotheum Ephesinæ urbis Episcopum
scribens, illum his verbis admonet: *Manus citò nemini imposueris, neque
communis averis peccatis alienis.* 1. Timoth. 5. Præceptionem istam Aposto-
licam

licam Sanctus Leo Pontifex epist. 87. aliàs 1. ad Africanos, sic exenit
Qui est citò manus imponere, nisi ante maturitatis aetatem, ante tempus ex-
aminis, ante meritum laboris, ante experientiam disciplina sacerdotalem hono-
rem tribuere non probatis? Et quid est communicare peccatis alienis, nisi ta-
lem effici ordinantem, qualis est ille qui non meruit ordinari? Sicut enim boni
operis sibi comparat fructum, qui rectum tenet in eligendo Sacerdote iudicium:
ita gravi semetipsum afficit damno, qui ad suæ dignitatis collegium sublimat in-
dignum.

¶ V. Decreti Gratiani visenda est tota distinctio 71. in qua congestæ
 leguntur multæ alienum ordinandi subditum prohibitiones, non munitum
 proprii Formatis Episcopi, seu Dimissorii literis. Inter has reperitur Con-
 cilio generalis Sardicenis can. 2. sanctio, quæ talis Ordinatio irrita, nul-
 laque decernitur: quæ nullitas eo sensu accipienda est, ut sit suspensio ab
 exercitio sic recepti Ordinis quanto tempore proprio Episcopo visum fue-
 rit; Ordinator autem sit integro anno ab Ordinum collatione suspensus.
 Eadem pœnæ renovantur à duobus subsequenter ecumenicis Conciliis,
 scilicet Lugdunensi I I. sub Gregorio X. & refertur in cap. *Eos qui*, de
 tempor. ordin. in 6. deinde à Concilio Tridentino sess. 14. cap. 2. de reform.
 ubi statuitur quociescumque quis facultatem accipit Ordines ab alieno An-
 tistite recipiendi, haud aliter id esse licitum, nisi ordinatori fuerint prius
 exhibitæ literæ testimoniales proprii Episcopi de vita, moribus & idonei-
 tate ordinandi. Idemque Tridentinum sess. 23. cap. 8. de reform. his verbis
 decernit: *Unusquisque à proprio Episcopo ordinetur. Quod si quis ab alio pro-*
moventi petat, nullatenus id ei, etiam cujusvis generalis, seu specialis scripti
vel privilegii prætextu, etiam statuis temporibus permittatur, nisi ejus probitas
ac mores Ordinarii sui testimonio commendentur. Si secus fiat, ordinans à col-
latione Ordinum per annum, & ordinatus à susceptorum Ordinum executione
quoadmodum proprio Ordinario videbitur, sit suspensus. Hæc porro suspensiones,
 tam ordinatoris quàm ordinati, statim ipso facto incurruntur: si autem his
 vel unico Ordinis exercitio derogent suspensi, statim accedit irregularitatis
 pœna, quæ si occulta sit, potest ex Tridentini Concilii concessione auferri
 à proprio Episcopo: si vero in notitiam aliorum devenit, recurrendum est
 ad summum Pontificis dispensationem. De hac irregularitate ex violata per
 Ordinis indebitè collati aut suscepti exercitium suspensione agunt Canonistæ
 inter Gallicanos Rebuffus in praxi, tit. *Formula dimissoriarum literarum*,
 num. 5. & 11. interque alienigenas Bonacina tract. de suspens. in partic.
 disp. 3. quæst. 1. puncto 11. num. 28. conformiter ad Trident. sess. 24. cap. 6.
 de reform. At verò Clericus ille multoties, & pluribus in Ordinibus & Sa-
 cramentis suspensiones quibus ligatus erat, publicè infregit: consequens
 igitur est, ut non ei sufficiat dispensatio Episcopalis, sed Papalis insuper re-
 quiratur.

V. Ad

V. Ad istud quoque delictum pertinet Decretalium titulus, *De clericis excommunicato, deposito vel interdicto ministrante*: cujus cap. 2. sancitur, Clericum suspensionem, si celebret, nec desistat admonitus, esse excommunicandum; & si ulterius non desistat, esse judicio tradendum sæculari, ut saltem exilio damnetur: non enim intendit Ecclesia pecuniam sanguinis apud laicos Judices, neque ipsi petmittitur quemquam exilio puniri. Cætera sub eodem titulo capita jubent talem excommunicari, & ab officio beneficii deponi. Eodem spectat titulus, *De eo qui furtivè Ordinem suscepit*, qualis est præter Clericum: subjecta huic titulo capita reum talem vctant in Ordine furtivè suscepto ministrare, aut in superioribus ordinari, nisi postquam intra monasterium convenientem egerit penitentiam. Qui etiam de Presbyteris alienæ Diocesis non recipiendis line proprii Episcopi literis commendatitiis sanxit jam pridem Concilium Cabilonenſe II. anni 813. can. 41. Fuetat verò idem constitutum in Laodiceo Concilio can. 41. & 42. & in Concilio Andegavensi can. 5. Quinimò excommunicantur Clerici qui sine Antistitis sui testimonialibus literis peregreficiſcuntur, Concilii Agathensis can. 52.

De altero defectu circa invasionem Cura Parochialis.

VI. Jam verò ad alterum Clerici hujus delictum de suscepto indebitè Curato Beneficio progrediendum. Reus iste nullo penitus jure vel titulo ntitur, sed sola invasione sese intrusit. Rescriptum quippe Pontificis ad proprium dirigebatur Ordinarium, qui judicaret, an talis Clericus esset peritià, famà, moribusque satis idoneus ad curam animarum capessendam; illum sedulò examinaret, atque re sollicitè explorata, vel repelleret, vel admitteret postulantem. At ille præter omne officium neque se, neque Papæ Literas Episcopo suo dignatus est exhibere, illoque infcio se in Parochiæ possessionem intrusit. Ullusne est usque ad hoc infcius Clericus, ut primam Juris Canonici regulam ignoret, *Beneficium Ecclesiasticum non potest sine canonica institutione possideri*, cap. 1. de regul. jur. in 6. & ad quamcunque Beneficii institutionem necessariam esse proprii Episcopi provisionem, cap. *Omnes Basilica*, cap. *Nullus omnino*, cap. *Decernimus*, 16. q. 7. & cap. *Ex frequentibus*, de institut.

VII. Constantissima est Juris ubique recepti regula, neque per Signaturas, nèque per Pontificia rescripta de providendo, neque per Romanæ Curie expeditiones confecti actu ipso Beneficia Ecclesiastica, sed per hæc solummodò remitti impetratorem ad Episcopum judicaturum per inquisitiones & examina de capacitate, vel incapacitate supplicis, ut si dignum agnovit provideat, sin minus expellat ab expetito Beneficio. Hæc agendi forma ubique recepta, in Gallia quoque strictius observatur & commendatur, additis ad sacros Canones conformibus etiam Regum

HHhh

Edictis

Edictis, quale est Henrici III. Galliarum Regis in Comitibus Blesensibus, art. 12. ubi statuitur ad percipiendum effectum Signaturarum & Provisionum Romanæ Curie, mandatorumque Apostolicorum, nequaquam sufficere obtinuisse *Visa*, & consensum Ordinarii; sed requiri præterea ejusdem Ordinarii scriptam attestationem de facto examine impetrantis, in quo constitit ipsum esse ejusdem Beneficii capacem & idoneum. Idque Jus inviolatè observatur in omnibus Galliarum Tribunalibus, ut testatur Oliva in Tolosano Senatu Regius Consiliarius lib. 1. quæstionum & decisionum, cap. 16.

V III. De facto itaque constat Clericum reum Ordines suscepisse sine ullis Diocesani literis vel consensu, eundemque novo ausu & attentatu in Curati possessionem, irrequisito proprio Episcopo se intrusisse. De Jure similiter constat eundem à prædictorum Ordinum exercitio suspensum, per eorundem exercitium in canonicam irregularitatem incidisse, & in ea ultra annum pertinaciter inhæsisse, ac necdum necessariam à Summo Pontifice dispensationem, neque absolutionem impetrasse. Constat quoque omnem hominem suspensione ligatum, esse quorumcunque Beneficiorum incapacem de novo acquirendorum, quandiu non est ab irregularitate dispensatus, can. *Nos in hominem*, 9. quæst. 1. & cap. *Cum dilectus*, de consuet. cap. *Cum inter R.* & cap. *Per inquisitionem*, de elect. cap. *Pastoralis*, §. *Verum*, de appellat. & cap. *Bona*, de atat. & qualit. ordinand. Atque in universum quisquis per exercitium sacri Ordinis Ecclesiasticam censuram supergreditur, id est excommunicationem, suspensionem vel interdictum, ipso actu redditur irregularis & ad Beneficium ineligibilis, ut extricari hoc vinculo non possit, nisi per Supremam Sedem relaxetur, cap. *Apostolica*, de Cler. excom. ministr. & cap. *Eos qui in Ecclesia*, §. *Is vero*, de sent. excom. in 6. At in horum Canonum despectum multiplici suspensione irretitus multoties Sacra celebravit, quin etiam Beneficium animarum curam habens propria autoritate arripuit, passimque Sacramenta quævis quasi suis Parochianis ministravit absque ulla canonica provisione: neque per ostium legitimæ vocationis ingressus est in ovile Christi, sed quasi fur & latro ascendit aliunde. Joan. 10.

I X. Ecclesiæ Christi nihil potest accidere perniciosius ejusmodi luporum invasione, qui assumpto Pastorum nomine gregem Christi disperdunt, devorant & deglobunt, nisi quamcitissime removeantur. Oraculi vice audienda sunt saluberrima Hormisdæ Romani Pontificis monita, qui primum Christianum Galliarum Regem Clodoveum à Paganismo conversum intra Ecclesiæ gremium lætanter excepit & complexus est. Mirabilis Pontifex iste epist. 25. ad universos Hispaniæ Episcopos, quanta sit adhibenda commemorat sollicitudo & diligentia in electione tum eorum qui sunt sacris Ordinibus initiandi, necnon eorum qui præficiendi sunt curæ

curæ Dominici gregis, pro cuius salute Christus Dominus Pastorum Princeps pretiosissimum sanguinem fundere, & in Cruce immolari voluit. Hæc sunt Pontificis verba: *At in Sacerdotibus ordinandis, quæ sunt præscripta, & à Patribus definita cogiteris. Quia sicut est caput Ecclesia Christi, Christi autem Vicarii Sacerdotes, sic & in eligendis his curam oportet esse præcipuam. Irreprehensibiles enim esse convenit Sacerdotes, quos præesse necesse est corrigendis: nec quidquam illi deesse debet persone, penes quam est Religionis summa & substantia & seipsum: & æstimet quis pretium Dominici gregis, ut sciat quod meritum constituendi debeat esse Pastoris. Hoc ita fiet, si non Sacerdotii gradus salus quodam passim Laicis transferantur. Longa debet vitæ suam probatione monstrare, cui gubernacula committuntur Ecclesiæ. Discere quisque prius debet antequam doceat, & exemplum religiosa conversationis de se potius aliis præstare, quam sèmere. Emendatiorem esse convenit populo, quem necesse est orare pro populo. Illis Sancti Pontificis sententiis quali terrificis fulminibus percellendi & arcendi sunt à Dominico ovili invasores & vastatores lupi, & avari mercenarii, quos nulla sacri gregis cura sollicitat, sed sola stimulat proprii emolumentum ac temporalis commodi cupiditas.*

X. His tandem sic exploratis nullitatibus & canonicis impedimentis, huiusce Tractatus conclusio formulam iudicii de quo rogatus sum suppeditabit. Clericus iste reus juridicè interpellandus est, requisito Episcopali Promotore, triplici citatione, ut in propria persona coram Ordinario compareat, exhibeatque instrumenta suarum Ordinationum, & titulos ac provisiones beneficiarias Curati Beneficii quod possidet. Interrogabitur sigillatim, & respondebit in procellu verbali de Dimissoriis & venia & examine proprii Episcopi, quod vocant *Forma dignum*; & ubi constiterit illum iustis titulis destitui, neque posse quidquam horum exhibere, declarabitur furtivè ordinatus & privatus, atque ab Ordinum executione suspensus. Deinde si celebravit, aut Sacramentum aliquod administravit, declarabitur irregularis, incapax, & incompetenter in Beneficium intrusus. Eaque de causa declarabitur id Beneficium ipso jure vacans. Prohibebitur sub poena excommunicationis Ordines exercere, aut muneribus occupatæ per eum Curæ se ingerere. Simulque providebit Ordinarius in titulum iustum de eadem ista Cura idoneum aliquem Sacerdotem, qui post editam coram Prælato Fidei professionem Literis muniatur provisionis, & in possessionem debitæ introducetur formis. Clericus autem invasor pro reparatione tot gravium delictorum, atque in poenitentiam in carcerem protrudetur Episcopalem, aut (quod erit utilius ipsius animæ, atque commodius) includetur ad annum, aut saltem ad semestre, intra Seminarium, ex quo non licebit ei per id tempus egredi, eique certi jejuniorum dies cum Psalmis & Litanis præscribentur. Admonebitur & efficaciter providebitur ut à Sede Apostolica dispensationem tot censurarum & irregularitatum obtineat, & donec obtinuerit eam, simulque absolutionem, à Sacratissima Eucha-

ristia abstinerebit. Postremò ad omnes expensas, & nisi gravis egestas obstiterit, ad multam pecuniariam piis usibus applicandam condemnabitur. Solicité in primis curandum est, ut has pœnitentias & exercitia cum debita humilitate lubens subeat cum studio propriæ emendationis; alioqui enim hæc remedia ipsius animæ & seriæ conversioni nihil prodesse, quin potiùs obstinatio inde prodiret.

XI. Ut autem nullus ambigendi relinquatur locus, sciendum est carcerem Jure Civili deputari quidem ad reorum custodiam, & non in pœnam, l. 1. & ult. de custodia reorum, & l. *Aut damnum*, §. *Solent*, D. de pœnis. Cæterùm Jure Canonico deputatur carcer in pœnam atque in pœnitentiam, cap. *Quamvis*, de pœnis in 6.



LIBER



LIBER SEXTUS.

Theoriæ & Praxis Canonici Juris.



CAPUT PRIMUM.

Obligaciones qua restitutioni non adstringunt. Parentum & filiorum mutua officia, præcipuè circa alimenta & successiones.

I.



TRACTATUS de contractibus & restitutionibus huic labori metam imponet. Propositum verò meum est omnia extrema, utpote vitiosa, declinare; laxiores videlicet, quæ humanis cupiditatibus nivium indulgent opiniones, easque pariter quæ iniquiorem rigiditatem præ se ferunt, perinde ac oppositos Charybdis & Scyllæ scopulos declinare. Commemorat Sanctus Joannes Damascenus in suo de hæresibus libro, quoddam

hominum genus quod Ethicoproscopras appellat, quos interpretari quis potest circa morum doctrinam offendentes; refertque istos vel ea quæ licita & cum laude conjuncta sunt condemnare, vel ex adverso alia quæ damnanda sunt, approbare. De quibusdam tetrici judicii viris ita scribit Sanctus Ambrosius in psal. 118. *Sunt etiam in nobis qui habent timorem Dei,*

HHhh ;

sed.

sed non secundum scientiam, statuente duriora precepta quæ non possit humana conditio sustinere. De aliis ex opposito, qui pravis hominum moribus adblandiuntur, sic Deus interminatur Ezech. 13. *Va qui consunt pulvillo sub omni cubito manus, & faciunt cervicalia sub capite universæ ætatis, ad capiendas animas: & cum caperent animas populi mei, vivificabant animas eorum;* hoc est, falsam illis pacem & vitam denunciabant. Quin etiam quotidiana docet experientia, eos quoque qui rigidioribus præceptionibus se addicunt, in partes laxiores protinus deflectere, quotic de re ipsorum propria agitur: tunc enim profusè blandiuntur sibi, & ipsa justitiæ repagula in propria causa transiliunt; quibus convenit illud ex Evangelio: *Alligant onera importabilia, & imponunt in humeros hominum: ipsi autem nolunt ea digito movere.* Huc spectat in Decreto canon *Alligant*, 26. quæst. 7. Sollicitè porro advertant Confessarii, ne inconsculta facilitate absolvendi consentium injustitias ad restitutionem obligatorum foveant & demulceant, seque socios eorumdem damnationis adjungant. Sæpe namque contingit, præsertim apud magnates, ut per nimiam dilationem ac negligentiam debita solvendi suos fraudent, aut etiam ad inopiam adigant infelices creditores, aut etiam sumptuum profusione sibi adimant facultatem exsolvendi. His incorrectis deneganda est absolutio. Salubriter verò admonet S. Augustinus epist. 54. ad Macedonium, his verbis: *Si res aliena propter quam peccatum est, cum reddi potest, non redditur, non agitur penitentia, sed fugitur. Si autem veraciter agitur, non remittitur peccatum, nisi restituatur ablatum. Sed, ut dixi, cum restitui potest: plerumque enim qui auferit, amittit, sive alios pariendo malos, sive ipse male vivendo; nec aliud habet unde restituat. Huic curè dicere non possumus: Redde quod abstulisti, nisi quum habere credimus, & negare.* Hæc Augustinus.

II. Dispicendum in primis de præceptis erga proximum officiis, quorum transgressio peccatum mortale operatur, sed non pari restitutionis obligationem. Omnia quidem officia morum à duabus virtutibus pendunt, Charitate & Justitia. Transgressio officiorum charitatis non subditur restituendi necessitati. S. Thomas 2. 2. quæst. 62. art. 6. & 7. Atque ita quavis elemosynæ præceptum obliget non raro ad mortalem culpam, illius tamen omissio non adstringit ad restitutionem. Idemque communi consensu Doctores asserunt de violatione præceptorum ab aliis virtutibus emanantium, etiam justitiæ connexis, ut sunt religio, pictas, observantia; sed tantum ex solius justitiæ connexivæ transgressione. Cujus discriminis rationem docet Azorius p. 3. lib. 4. cap. 11. quæst. 3. ad fin. quia, inquit, in cæteris virtutibus proximo damus id quod nostrum est; in ista verò proximo reddimus id quod suum est.

III. Inde sequitur, si defectu elemosynæ pauper interiit, non teneri quidquam restituere illum qui peccaverat elemosynam recusando; solam enim violavit charitatem.

IV. Item

IV. Item si contra justitiam legalem, hoc est contraveniendo legi, vel statuto id prohibenti, aliquis in aliam provinciam merces distraxit, aut vetitas merces, aut sal, aut arma prohibita vendidit, non tenetur justum pretium restituere quod lucratus est.

V. Insuper si Princeps aut Magistratus neglecto digniore contulit officium minus digno, non tenetur digniori restituere, quia deliquit contra solam distributivam justitiam, quæ restitutioni non obligat, nisi per accedens conjungeretur huic aliqua violatio commutativæ justitiæ, qualis esset si lex aliqua, vel consuetudo existeret obligans ad conferendum digniori ad concursum accedenti pro adipiscenda Præbenda, aut Magisterio, vel Præfectura: tunc si minus digno conferatur, exurget obligatio restituendi digniori qui fuit exclusus, non quia contra justitiam distributivam, sed quia contra commutativam peccatum fuit: quatenus lex, vel statutum, vel jus consuetudinis attribuunt digniori jus non remotum, sed proximum ad rem.

VI. Citra tamen concursum & examen nulla existit restituendi obligatio, dummodo digna persona fuerit electa. Ratio est, quia tunc dignior non habebat jus nisi remotum, solamque respiciens justitiam distributivam, juxta Sotum lib. 4. de just. quæst. 6. art. 3. ad 6. Navarram cap. 17. num. 73. Adrianum, Covarruviam, Lessium, Valentiam, & alios.

VII. Inter virtutes justitiæ annexas pietas in parentes insignem locum tenet, ut docet S. Thomas 2. 2. q. 101. art. 1. Sapienter observat Philo Judæus lib. de Decalogo, Deum ideo in præceptis duarum tabularum, quarum prior cultum Dei respiciebat, secunda verò nostra erga homines officia, interposuisse præceptum de parentibus honorandis inter primam & secundam tabulam medium, atque adeo in fine ipso prioris tabulæ, *παιδομαρτυρίας τῆς ἀγάπης*; & hac ipsa collocatione significasse parentum conditionem nonnihil habere divinitatis, esseque intermediam quodammodo inter divinam humanamque naturam, quo magis ad eorum venerationem filii provocarentur. Honor verò parentibus exhiberi jussus ad quatuor officia redigitur, honorem, amorem, obedientiam & sustentationem. Iltam explicabo; cætera enim tria officia per se clara sunt.

VIII. Tenentur ergo liberi parentibus subvenire in necessitate constitutis, si commodè illis possint subvenire, can. 1. dist. 30. & can. *Inter cetera*, 2. 2. q. 4. & l. 1. & 2. C. de alimentis liber. ac parent. Nisi sciant patrem propriis bonis, vel officio quo fungitur posse sibi consulere; tunc enim non tenetur filius ex bonis suis conferre, nisi munus illud, vel ars quam pater callet, statui ipsius dedecori esset. Navarra cap. 14. num. 13. Bonacina in Decalog. disp. 6. punct. 5. num. 2. cum aliis quos ibi citat. Adeoque certa est ista filiorum obligatio, ut teneatur filius in gravi necessitate parentum non modò abstinere ab ingressu Religionis, quanvis illam vovisset, sed etiam quanvis Religionem ingressus fuerit, exire tenetur, quanvis parentum

parentum necessitas non sit extrema, dummodo sit gravis, ea ratione quâ filius ei non subveniens mortaliter peccaret existens in seculo. Hoc docet S. Thomas 2. 2. q. 101. art. 4. cui subscribunt ceteri omnes Doctores, additis duabus limitationibus, aut tribus. 1. Ut alijs præsentaneus non sit succurrendi modus. 2. Ut probabile sit parentem hac ratione adjutum iri. 3. Dummodò filius hoc ipso non implicetur occasione, aut periculo probabili ac urgente spiritualis salutis, dum remanet in seculo; quilibet enim tenetur salutem animæ suæ salutem corporis alterius præferre. His quæ de Religione relinquenda dicta sunt favet can. 1. dist. 30. & aperta ratio jubens ea quæ sunt præcepti, illis præferri quæ meri consilii sunt, cujusmodi sunt vota & religiosa professio.

IX. Vicissim quoque tenentur parentes liberis de victu providere simili virtutis pietatis obligatione, quâ parentibus filii debent, l. fin. C. de alend. liber. Ergo liberi triennio apud matrem educandi sunt, & post triennium apud patrem, l. *Nec filium*, C. de patr. potest. & cap. 2. de convers. infidel. Eisque tenetur pater alimenta præbere, hoc est victum, vestitum, habitationem, aliaque ad vitam necessaria, ut sunt medicamenta in infirmitate, l. *Si quis à liberis*, D. de liberis agnoscend. & l. *Legatis*, D. de aliment. & cib. leg. & quas habet filias dotare, l. *Qui liberos*, D. de ritu nupt. & l. fin. C. de dotis promissione. Sed si pater ex inopia non[queat] liberos alere, tenebitur mater huic officio supplere, d. l. *Si quis à liberis*. In defectum autem matris id onus præstare tenentur avi & alii ascendentes, l. penult. D. de liber. agnosc. Si mater intra triennium aliquid pro infante expenderit, poterit à patre repetere, l. *Nec filium*, C. de patr. potest. & l. *Nesennius*, D. de negot. gest.

X. Diversi tamen casus occurrunt in quibus pater non tenetur filium alere, ut sunt patris ipsius inopia ac impotentia. Item si bona sufficientia ipsi filio suppetant. Item si filius artem calleat, aut officio provivus sit unde possit suam vitam sustentare. Denique si filius adco sit ingratus, aut flagitiosus, ut secundum jura exheredari mereatur. Sylvester verbo *Filii*, Navarra cap. 14. num. 17.

XI. Jura quidem Civilia denegant spuris, & omnibus illegitimis liberis alimenta: quin etiam illos à successione, non quidem materna, sed paterna repellunt, ut ait cap. *Per venerabilem*, qui fil. sint legit. Idque constat ex authent. *Licet Patri*, C. de natural. liber. & authent. *Ex complexu*, C. de incest. nupt. Sed Jus Canonicum hoc corrigit, ut naturalibus & illegitimè natis liberis ab utroque parentum præbeantur alimenta, cap. *Cum haberet*, de eo qui dux. in matrim. Quæ canonica provisio cum sit ipsi juri naturali apertè conformis, prævalet Romanis legibus, & ubique ferè servatur, etiam in Gallia.

XII. Quoad successionem verò filiorum naturalium in bona parentum defunctorum nihil innovatum à Jure Canonico reperio. Jus autem Civile

Civile sic decernit in primis quoad successionem in bona materna, ut ab intestato filius naturalis succedat matri carenti legitimis liberis in universa bona, sitque hæres ex asse; matri autem intestatæ legitimis habenti filios succedat ex æquo cum illis, l. *Si qua illis*, Cod. ad Senatusconsultum Orficianum. Quod attinet ad paternam successionem ab intestato filii naturales excludi solent. Sed solum eis restat in bona paterna jus alimentorum. Sunt tamen capaces legatorum ipsis à patre relictorum, modò immodica non sint, ac in fraudem legitimorum hæredum. Capaces similiter sunt moderatarum donationum, aut dignum ab iisdem. Bartolus in l. *Galus*, §. *Quod si is*, D. de liberis & posthum. & inter Gallicanos Jurisconsultos Papo lib. 21. Placitorum, tit. 3. num. 2. referens Placitum Senatus Parisiensis, quo donationes inter vivos, & legata paterna in gratiam illegitimi filii fuerunt eidem adjudicata. Coquillus Responsorum cap. 29. Lonetus lit. D. num. 1. ubi docet quoque in Gallia Curia nullum fieri & haberi discrimen inter filios naturales ex solutis personis, & spurios & adulterinos & ex sacrilega copula conceptos, sed eodem omnes jure censi. Ibi enim disceptabatur causa liberorum ex Sacerdote conceptorum, quibus Senatus Parisiensis legatum adjudicavit à patre relictum. Item Bonifacius in compilatione Senatusconsultorum Curia Aquensis, parte 2. l. b. 3. tit. 5. ubi legata filiis adulterinis à patre, qui eos dum esset conjugatus, ex pellice susceperat, relictæ, fuere iisdem confirmata. Cujacius quoque consult. 2. asserit patrem Sacerdotem liberis suis, quos tempore Sacerdotii sui suscepit, posse & donare, & legare. Nulla enim liberis culpa imputatur, quòd taliter nati sint. Atque officium propriis liberis providendi victum, est naturale debitum, quod humano ullo jure infringi, aut convelli non potest.

XIII. Hæc pascit ex Jure Civili observanda, neque patrem, neque matrem, qui, quæve liberos habens ex priore conjugio ad secundas nuptias convolverit, ullo modo posse vel in gratiam posterioris conjugis, vel filiorum qui nati sunt ex posteriore matrimonio quidquam amplius largiri, sive per donationem aut aliam inter vivos dispositionem, sive per ultimæ voluntatis aliquam dispositionem amplius dare, vel relinquere, quàm datum, aut relictum ab eodem, eademve fuerit uni ex prioris conjugii liberis, cui quamminimùm præ reliquis fratribus fuerit datum, aut relictum. Hoc ita providit lex *Hæc edictali*, Cod. de secund. nupt. Hoc tamen ita limitandum est, modò juræ legitimarum integra serventur posterioribus liberis, si fortè minimum anterioris matrimonii filio relictum debitum posteriori filio legitimam non adæquaret. Parentibus enim liberum arbitrium de bonis suis inter liberos dividendis eatenus servatur, dum legitima singulis eorum integra servetur, l. *Parentibus*, Cod. de inofficioso testam. Eandem in Galia provisionem edixit Franciscus II. anno 1560. eodemque suo edicto constituit, ut viduæ ad secunda vota transgressæ non possint

possint ullatenus de bonis ex prioris mariti liberalitate acquisitis quidquam dispendere, nisi in gratiam filiorum ex priore matrimonio superstitum. De reliquis porro & aliunde quæsitis bonis ne largius dispendere eis liceat in favorem sive ultimi mariti, sive liberorum ex ultimis nuptiis, quàm relictum fuerit uni liberorum ex primo matrimonio, cui minimum fuerit attributum. Quod si major pars liberis posterioris matrimonii obtigerit, id quod superest deducatur & dividatur ad præscriptum Imperatoris legis & Gallicani Edicti superius memorati. Quod utique peræquè observatur in viris ac in foeminis, ut testificatur Charondas lib. 3, Responsorum, ad finem. Et sanè de foeminis ita statuit lex *Fœmina*, Cod. de secund. nupt. De viris autem hoc edicit lex *Generaliter*, Cod. eod. tit. ut quidquid ex bonis defunctæ uxoris lucrati sunt, id omne servetur liberis prioris matrimonii, si vir ad secundas nuptias transgesserit, neque possit ex bonis quæ ex priore uxore lucratus est, quidquam in eorum præjudicium alienare. Proverberat etiam Deus per Moysen Deuteron. 21. num. 15. & 16. quum esset licita populo Dei polygamia, & Jus primogenitis matrimoniorum duplicem supra reliquos fratres attribueret portionem, non licere patri jus illud à filio ex fastidita uxore primogenito ad filium natu posteriorem ex uxore impensius dilecta susceptum transferre.

XIV. Quamquam non tenetur mater alere filium triennio majorem, l. *Nec filium*, Cod. de patria potest. & cap. 2. de convers. infidel. eadem tamen tenetur ulterius alere filium indigentem, si pater sit ad hoc debitum impotens, l. *Si quis à liberis*, D. de liberis agnosce. Quin etiam in defectum simul patris & matris ista obligatio devolvitur ad avos, aliosve ascendentes, l. penult. D. eod. tit. Similiter mater per se non tenetur dotem filię constituere; hoc enim onere solus pater adstringitur, l. *Neque mater*, C. de jure dot. & l. *Si pater*, & Authent. *Res qua*, Cod. de dote promissa. Tamen ipsa mater ad hoc tenetur quando filia indiget, nec aliunde dotem habere potest, dicta lege *Si quis à liberis*, & colligitur ex lege *Neque mater*, C. de jure dot. in his verbis: *Nisi ex magna & probabili causa*. Et quia dos vice alimentorum constituitur, ad quæ præbenda tenetur mater, si pater sit impotens.

XV. Qum etiam in defectum ascendentium, & matris frater compellendus est dotare sororem; non enim solummodò id exigit ordo charitatis, sed etiam rectè colligitur ex lege *Qui filium*, D. ubi pupillus educari vel morari debeat: ubi statuitur, non posse pupillum à tutore repetere alimenta quæ tutor ejus sorori tribuit. Ergo tenetur frater alimenta præstare sorori his indigenti; alioqui enim pupillus hic posset hæc alimenta, utpote indebita, à tutore repetere. Igitur sororem dotare tenetur; dos enim in locum succedit alimentorum. Restrigitur tamen ista obligatio in sorore ex eodem patre nata, nec debet extendi ad sororem uterinam, quandoquidem statuitur in l. *Cum plures*, §. fin. D. de administr. tutori


rōri ex bonis pupilli dotem sorori ejus constituere ex alio patre ortæ. Ista colligunt & docent Barbosa p.4. l.1. D. solut. matrim. num. 185. Bonacina de contractib. disp. 3. quæst. 11. puncto 2. n.23. Id tamen limitandum nisi frater ipse sit hæres matris, seu patris ipsius sororis; tunc enim representat personam defuncti, & ejus onera sustinet.

XVI. Quod dixi de obligatione patris in constituenda dote filię, ita legitimum est, ut teneatur lege iterum eandem dotare, si prima dos perditā fuerit, dummodo duæ conditiones simul concurrant. Primum quidem, ut dos absque filię culpa fuerit amissa. Secundò, ut primum filię matrimonium fuerit dissolutum, ne filia defectu dotis excludatur à secundis nuptiis, l. *Si cum dotem*, §. 1. D. solut. matrim. durante namque primo matrimonio pater non tenetur refarcire dotem, quanvis sine culpa filię amissa fuerit. Sed licet non integram dotem ipsam quæ major sit legitimā, tenetur tamen legitimam filię debitam reparare, ac eidem erogare, etiam durante ejus matrimonio.



C A P U T II.

Quibus ex causis oriatur obligatio restituendi: & de contractibus in genere.

I.  UM sit compertum omnes restituendi obligationes non passim ex quavis specie justitiæ, aut alterius virtutis oriri, sed solum ex justitia commutativa, ut capite præcedenti docui; nunc propius dispiciendæ sunt obligationum restituendi radices & causæ. Obligatio est vinculum Juris, quo necessitate adstringimur alicujus rei solvendæ. Instir. de obligationib. in princ. Justitia porro est constans & perpetua voluntas jus suum cuique tribuendi, l. *Justitia*, D. de just. & jur. Dividitur justitia tum ab Aristotele, tum à Sancto Thoma, in publicam, quæ legalis dicitur; & privatam. Rursus privata justitia, in distributivam, quæ versatur in distributionibus officiorum ac munerum, præmiorum atque poenarum; & in commutativam versantem in æqualitate dati & accepti. Utraque sanè justitiæ species tendit ad æqualitatem, diverso tamen modo: nam distributiva spectat æqualitatem geometricam, commensurando proportionem, capacitates & distincta merita, sive personarum, sive rerum: nimirum ut magis idoneis conferantur graviora officia, dignioribus ampliora munera, præmia, vel poenæ, prædiis quoque uberioribus majora onera, sterilibus autem minora. Commutativa rem cum re ex æquo pensat, secluso omni personarum respec-

ctu; atque ita æqualitatem arithmeticam observat. Hæc de utraque justitiæ specie discrimina tradit Aristoteles lib. 5. Ethicorum ad Nicomac. cap. 3. & 4.

II. Restituendi obligatio, ut visum est Theologis, ex triplici capite derivatur. Primò ex re accepta, etiamsi acceptio quæ præcessit, non fuerit injusta, ut si hæres rem defuncto cui succedit, commodatam, aut apud eum depositam reprensens inter res hæreditarias, sibi bona fide allumat. Secundò ex injusta acceptione, vel damnificatione, ut in usura, furto. Tertio ex justa conventionæ, seu contractu. Jurisconsulti paulò aliter explorant obligationum fontes, ut vel emanent à solo naturali Jure, ut est nudum pactum: vel à Jure tantum Civili, ut quum sub spe futuræ solutionis chirographum anticipatè debitori concessum fuit, quo fateatur creditor sibi esse pretium perfolutum. Hic namque civilis inest obligatio ob civilem præsumptionem factæ solutionis; sed deficit naturalis obligatio, cum reverà pretium non sit perfolutum. Vel denique unà concurrunt ad obligationem Jus Civile & naturale, ut in emptione venditione, locatione conductione, deposito, mutuo, & similibus.

III. Hæc tamen sciendum de nudo pacto, quod dixi parere obligationem naturalem, sed non civilem, quatenus ex nudo pacto nulla conceditur in Jure Civili actio, ipsum pactum nudum esse promissionem nullo contractu vestitam, sive stipulationis, sive alterius conventionis mutux. Istud porro naturalem, quæ vulgò dicitur, conscientie obligationem parit. Sed hoc ita intelligendum, dummodo illud pactum, seu promissio fuerit acceptata per alterius partis utcumque significatum consensum: nam citra acceptationem ne quidem inducitur naturalis ex pacto nudo obligatio, ut post Sotum, Julium Clarum, Gomefium, Covarruviam & alios asserit Layman lib. 3. tract. 4. cap. 1. num. 3. Etiam si verò pactum nudum sic explicatum non sufficiat ad intentandam actionem, sufficit tamen ad pariendam legitimam exceptionem, l. *Juris gentium*, §. *Sed cum nulla*, D. de pactis, quæ impeditur repetitio soluti, l. *Julianus*, D. de condi&. indeb. & datur jus compensandi adversis actorem. Nam id quod nativè debetur, venit in compensationem, l. 6. D. de compensatione.

IV. Istæ demum ex Jure naturali simul & Civili permixtæ obligationes ex quatuor fontibus emanant, ex contractu, & quasi contractu; ex delicto, & quasi delicto. Istæ demum quatuor capita plenius continent obligationum fontes quàm tria illa, rei acceptæ, damni injuriæ illati, & contractus, ad quæ non nisi improprie reduci possunt multæ ex quasi contractu, & ex quasi delicto obligationes.

V. Contractus definitur, Plurium ad idem placitum conventio. Contractus dividuntur in innominatos, quales sunt isti quatuor: Do ut des: Do ut facias, Facio ut des, Facio ut facias; & nominatos, quales sunt Emptio, Locatio, Mutuum, Nominati contractus tribus contrahuntur modis,

re, verbis, consensu, l. 1. & 2. D. de obligat. & action. Contractus qui re perficiuntur, quatuor recensentur: Mutuum, Commodatum (quo nomine precarium quoque includitur) Depositum, & Pignus. Qui verò consensu perficiuntur contractus quinque numerantur: Emptio Venditio, Locatio Conductio, Societas, Mandatum, Emphyteusis. Verbis initur solus stipulationis contractus, ad quam reducitur fidejussio. Verborum nomine comprehenduntur quoque nusus, aliæ signa & scriptura.

VII. Obligatio pariter ex quasi contractibus oritur, per quos aliquis tacite obligatur etiam absens & ignorans. Hujus generis septem potissimum numerantur. Primum pignus tacitum, cui locus est in mobilibus in domum locatam investis, ut dominus, seu locator domus possit illa pro pensione domus retinere; qua ex causa competit ei actio Serviana ex editio Servii Prætoris, l. *Labeo*, & l. *Si inter*, §. *Si debitor*, D. de pignor. dicta quoque pignoratitia actio utilis, ad discrimen pignoratitiæ directæ, quæ re contrahitur. Item in fructibus de fundo locato provenientius, favore pariter locatoris pro fundi locati mercede, l. *In Prædiis*, & l. *Quavis*, D. in quib. caus. pign. vel hypoth. tac. contrah. & l. *Si lege*, D. locati. Præterea in fructibus rei pignoratæ à debitore perceptis in favorem creditoris pro solutione crediti, d. l. *Quavis*. Secunda ex quasi contractu obligatio est in tutela & cura, perinde ac si contractum esset inter pupillum & tutorem, inter minorem & curatorem. Tertia in negotiis gestis; fingitur enim tacitum mandatum, ut ex alterius negotio utiliter gesto, quavis absens & infans, servetur indemnis ille qui gessit. Quarta in solutione indebiti, ut solum recuperetur per conditionem indebiti. Quinta in legatario adversus hæredem, quasi convenisset inter ipsos de præstato legato. Sexta in causa communis dividundi, ad quam pertinet illa quoque familiæ eriscundæ, hoc est hæreditatis dividendæ. Septima & ultima in causa finium regundorum, idest de terminis locandis, inter habentes confinia prædia. Ad hæc universa titulus pertinet Institut. de obligat. quæ quasi ex contractu nasc.

VII. In universum contractus alij bonæ fidei sunt, alij stricti juris. Bonam fidem hæc intellige non prout opponitur dolo; sic enim contractus omnes esse bonæ fidei debent: sed intellige latiorē & benigniorem interpretationem secundum æquitatem; cum tamen contractus stricti juris Iudicem adstringant ad strictiorem & exactiorem verborum quibus contractus initii sunt interpretationem. Porro bonæ fidei contractus sunt emptio venditio, locatio conductio, negotiorum gestio, mandatum, depositum, societas, & cæteri numerati in §. *Aliorum*, Institut. de actionib. Reliqui non ibi recensiti, sunt stricti juris, ut aliqui contractus innominati, mutuum, census, emphyteusis, gratuita stipulatio, donatio. Ut enim ait l. *Quidquid* 99. D. de verb. oblig. *Quidquid adstringenda obligationis est, id nisi verbis palam exprimat, omissum intelligitur, ac servit semper secundum*

dum promissionem interpretamur; hoc est, ut non extendatur obligatio ultra quàm ipsa stricte sumpta verba exprimant. Quod idem intelligendum esse in votis, seu promissis Deo factis, docent Covarruvias, Sanchez, Robellus, idque jure merito: cùm enim hæc initio gratuita fuerint, benignius interpretanda sunt, nec ultra expressa promittentis verba. Principis quoque donatio ac beneficium, si nemini præjudicet, neque juri communi refragetur, favorabiliorem interpretationem admittit ob liberalitatem & munificentiam quæ de Principe præsumitur, l. 3. D. de constitut. Princ. l. *Princeps*, D. de verb. signif. cap. *Cum dilecti*, de donation.

VIII. Obligatur quis ex delicto, maxime ex his quatuor, furto, rapina, quæ scilicet ad furtum vim quoque illatam adjungit adversus rei furtivæ dominum; & ex damno illato ex lege Aquilia, & ex injuria. Quatuor ista delicta privata sunt & civilia, quatenus in his non publica vindicta expetitur ab actore, sed congruens pro accepto damno reparatio, licet harum actionum aliquæ famosæ sint, ut furti, rapinæ, injuriarum.

I X. Legis Aquiliæ duo capita sunt. Primum caput in eum qui alterius servum, aut pecus injuriâ occidit, ut tantum solvere damnetur quanti plurimi res eo anno valuit; aut si servus damnum istiusmodi intulit, ejus dominus vel cum noxæ dedat, hoc est transferat in ejus qui damnum passus est dominium, vel damnum ipse resarciat. Alterum caput in illum qui alienum servum, aut pecus vulneraverit, aut alio modo sine ejus interitu læserit, aut aliud quodvis animal læserit, occideritve, ut tantum solvere compellatur quanti servus aut animal proximis triginta diebus valuit, aut si servus istud damnum fecit, noxæ à domino dedatur, aut dominus ejus quanti ea res erat exsolvat. Hoc ultimum caput ad plura quàm illud primum extenditur, nimirum ad animalia pariter quæ pecudum, vel pecorum nomine non comprehenduntur, cujusmodi sunt canes, gallinæ, anseres, columbæ, lepuseculi. Ista verò actio ut plurimum civilis est. Sed si animal occisum aut vulneratum fuerit in contumeliam domini, dabitur actio criminalis, l. *Item apud Lasconem*, §. *Si quis*, D. de injur. & l. *Praior edixit*, cod.

X. Præter memorata damna cum injuria facientis data, est aliud damnum sine facientis injuria datum, quod in jure *Pauperies* dicitur, ut quum quadrupes sine injuria aut culpa domini sui damnum intulit; nec enim animal brutum injuriam fecisse potuit, quod sensu caret, l. 1. D. si quadrup. paup. fec. dicat. Eoque casu liberum domino est, vel quadrupedem noxæ dedere, vel damnum pecuniâ rescire.

XI. Injuriarum actio in eum intenditur qui dolo malo liberi hominis corpus, dignitatem, aut famam seu verbis, seu facto læserit.

XII. Jam verò quoad obligationes ex quasi delicto, non intervenit in his dulus malus, sed negligentia & culpa. Et istæ ad quatuor species in Jure reducuntur. Primum in Judice, qui non per dolum, sed ex imperitia

malè


malè judicavit, ideoque litem suam fecit, l. *Filiusfamilias*, D. de judiciis, & Institut. de obligat. quæ ex quasi delicto nasc. in princ. Simile est de Medico vel Chirurgo imperito: unde ait caput *Si culpa*, de injur. & damn. dat. *Si damna aliis imperitiâ tuâ, sive negligentia evenerunt, jure super his te satisfacere oportet, nec ignorantia te excusat, si scire debuisti ex facto tuo injuriam verisimiliter posse contingere, vel jacturam.* Et Institut. de lege Aquil. condemnantur Medici aut Chirurgi, qui ex imperitia servum alienum occiderunt, ad omne damnum domino refarciendum.

XIII. Secundum quasi delictum est in appenso, quod cadens transi-
euntem læsit, ut de damno teneatur qui appendit. Tertium est in effuso si-
militer & projecto. Quartum in exercitore, aut institore, ut exercitor de
damno teneatur illato ei quem recepit in suam navem: institor verò de
damno dato illi quem recepit in stabulum, vel cauponam: unde contra
hos exurgunt exercitoriz & institoriz actiones, quibus ipsæ quoque tenentur
mulieres, l. *Et si à muliere*, C. de instit. & exercit. act.



CAPUT III.

*Utrum conventiones inter vivos, aut ultima bo-
norum dispositiones valeant in conscientia, etsi
Jure Civili habeantur invalida ex defectu so-
lennitatum.*

I.  **STUD** prænotandum est, supponi in primis Partes contra-
hentes, aut de facultatibus suis disponentes omnem habere
apertitudinem simul & libertatem à Jure requisitam. Secundò
quavis circa quæstionem istam Doctores in oppositas sen-
tentias dividantur, & singuli suam tueantur opinionem ut probabiliorem;
in hoc tamen convenire, & ingenuè fateri, contrariam sententiam rationibus
niti valde probabilibus.

II. Contractum liberè, & à personis idoneis celebratum sine solenni-
tatibus à Jure Civili requisitis, validum esse, quod attinet ad forum con-
scientiæ, affirmant Abbas in cap. *Quia plerique*, de immunit. Eccles. Ancha-
ranus in regul. *Possessor*, de regulis juris in 6. S. Antoninus in d. cap. *Quia
plerique*, Innocentius in cap. *Quod sicut*, de elect. Bartolus in tract. Minori-
rit, cap. 3. Jason in l. *Si non sortem*, in princ. D. de condict. indeb. Tira-
quellus post leges connubiales, glossa 2. num. 21. & alii celebres Juris-
consulti

consulti, quos citat Covarruvias in cap. *Cum esses*, num. 5. de testam. ubi asserit hanc esse (quam tamen ipse non lequitur) communioris opinionem. His adde Sorum de justit. lib. 4. quæst. 5. Molinam de justit. tract. 2. disp. 81. Reginaldum lib. 25. num. 105. Emanuel. Sà in aphorismis etiam Romæ correctis, verbo *Contractus*, num. 1. Petrum de Aragonia in 2. 2. de just. quæst. 62. & alios. Ex opposito negant Covarruvias in cap. *Cum esses*, de testam. num. 5. & seq. & in cap. *Quavis pactum*, parte 2. §. 4. Suarez de legib. lib. 5. cap. 24. num. 4. & cap. 25. num. 22. Lessius lib. 2. cap. 19. dub. 3. Bonacina de contractib. disput. 3. quæst. 1. puncto 3. num. 2. & 5. Delugo de contractibus in genere, disput. 22. sect. 9. Horum ratio fundatur in potestate legum quæ solennitates induxerunt. Addunt tamen plerique Authores primæ sententiæ, eum cui Juxta etiam juxta solennitates à Jure requisitas pronuntians rem adjudicaverit, licet possidere, Soto, Sà: quia jus aliquod ambiguum per Judicis sententiam dirimi par est.

III. Prima tamen sententia fundatur in naturali hominum libertate disponendi de rebus suis, atque in obligatione naturali & debita fide circa pacta & conventiones sine fraude initas. Ad jura verò civilia responderi solet, Jus Civile denegare quidem actionem civilem ad evitandam in universum quarumcunque fraudum suspensionem, & rescandam litium ambiguum perplexamque materiam: non tamen per hoc intendere ut vinculum naturale dissolvatur; quin in Jure ipso Civili naturalem obligationem pacti nudi adstrui, licet actionem de illo non permittat intentari; sed tamen concedere legitimam ex pacto nudo exceptionem, quæ repellatur actoris intentio, l. *Juris gentium*, §. *Sed cum nulla*, & §. *Quin imò*, D. de pactis: & cap. *Antigonus*, de pactis.

IV. Testamentum conditum sine solennitatibus à Jure Civili per legem *Hac consultiissima*, Cod. de testam. requisitis, validum quoque Jure naturali affirmant Covarruvias loc. cit. Suarez de legibus lib. 5. cap. 24. num. 4. & cap. 25. num. 22. Bonacina locis cit. Contra autem, valere in conscientia, & naturale parere obligationem, contendunt Sylvester verbo *Testamentum* 1. quæst. 5. & verbo *Hæreditas* 3. quæst. 7. Julius Clarus de testam. quæst. 9. Mantica de conjec. ultimar. volunt. lib. 2. tit. 14. num. 10. Molina locis cit. Emanuel Sà etiam post Romanam emendationem, verbo *Testamentum* 3. Malderus de testam. dub. 5. Reginaldus loc. cit. & quod mireris, Lessius loc. cit. nihil tamen adducens pro ratione discriminis, cur id quod negat ibi de contractibus, affirmet tamen de testamentis. Quin etiam idem Lessius & Clavis Regia lib. 3. cap. 7. & Salas de legibus disput. 10. art. 4. num. 22. & Molfesius unanimes asserunt, hæredem ab intestato qui certus sit, vel esse debeat de testatoris voluntate in testamento aut Codicillis sollemnitatibus Juris carentibus comprehensa, teneri sub mortali ex Juris naturæ obligatione restituere hæreditatem, & solvere legata secundum mentem testatoris. Huc spectat quod Plinius ait lib. 4. epist. 10. *Defunctorum voluntatem*

voluntatem bonis heredibus intellexisse pro jure est; neque enim minus apud nos honestas quam apud alios necessitas valet. Certè Jure quoque Civili valet inter liberos testamentum imperfectum, l. *Hac consultissima*, §. *Ex imperfecto*, C. de testam.

V. Tertia opinio his intermedia, & ut mihi videtur, æquior & justior, tam in contractibus quam in ultimis voluntatibus solennitate civili carentibus, resolvit stare jus penes possessorem, sicut & in omnibus ferè aliis quæstionum ambiguitatibus, juxta caput *Ex literis*, de probat. adeo ut possessor adigi non possit ad probandum suum dominium, nec possit de possessione deijci, nisi adversarius sibi dominium competere luculenter in judicio probaverit, cap. 1. & cap. *Sollicitè*, & cap. *In lueris*, & cap. *Sapè contingit*, de restitut. spoliat. Et cum sunt Partium jura obsecro potius favendum est quam auctori, cap. *Cum sunt*, de regulis juris, quæ favorabiles Rei potius quam Actores habentur, l. *Favorabiles*, D. eod. tit. Et si actor & reus æquales probationes proferant, judicandum est pro possessore, cap. *Ex literis*, de probat. Præterea valet utrobique & in contractibus, & in ultimis dispositionibus quod dicitur in §. *Per traditionem*, Instit. de rer. divis. *Nihil est tam conveniens naturali equitati, quam voluntatem domini volentis rem suam in alium transferri, ratam haberi.* Si ergo cum hoc titulo possessio conjungitur, jus istud in judicio conscientie completum videbitur, quanvis solennitas aliqua defuerit. Si autem penes unum sit possessio rei, & alter nitatur jure voluntarie per dominum alienationis, sed requisita solennitate carentis, in istiusmodi ambiguitate possessor erit præferendus. Si tamen lis intenteretur, standum erit ultimæ ac supremæ Judicis sententiæ.

VI. Supradictis adstipulatur communis inter pias & timoratas personas usus; is enim qui ab altero qui alienare potest, aliquid cum bona fide acceperit, sive gratuita, sive onerosa dispositione privata, nullisque adhibitis solennitatibus, nullis testibus, nullâ scripturâ, se tutum in conscientia credit, neque ei quisquam prudens & eruditus restitutionem suaserit. Finis porro solennitatum est ut fraudibus occurratur. Hæc igitur cautio non est necessaria ubi de bona fide constat, saltem in foro conscientie.

VII. Præterea leges ipsæ civiles apertè tuentur dispositiones quibus defunctus de facultatibus suis inutiliter (sic enim loquuntur, hoc est non adhibitis solennitatibus Juris) disposuit, dum constet de ipsius voluntate. Hoc perspicuè sanciunt lex *Et simuliter*, & lex *Si veritas*, C. de fideicom. & lex *Quæstionem*, eod. tit. & §. fin. Instit. de fideicom. heredit. Hæc tertia, quam cæteris præferendam duxi, opinio adstruitur à Soto lib. 4. de just. quæst. 5. art. 3. Bannesio disp. 3. ad quæst. 62. pag. 100. Thoma Sanchez lib. 4. consiliorum, cap. 1. Ludovico Beja puncto 1. de furto & damno dato, casu 2. Hi enim conveniunt in hoc, tam quoad contractus, quam


K K k quoad

quoad supremas voluntates, ob rationis paritatem. Scorsim verò utrique parti hujus sententiæ suffragantur qui hoc admittunt in solis contractibus, & qui in solis ultimis voluntatibus, quorum plerisque superius allegavi.



CAPUT IV.

Quanam persone contrahere prohibeantur, & de filiisfamilias eorumque peculio: de Senatusconsulto Macedoniano: de mulieribus & Senatusconsulto Velliano.

- I.  UONTIAM contractus est actus humanus ac liber, requirit necessariò liberum contrahentis consensum, ac per consequens sufficientem rationis usum, & præterea bonorum, de quibus agitur, liberam administrationem. Qua de causa invalidè contraherent furiosi ac amentes (nisi dum habent dilucida intervalla judicii,) infantes quoque & prodigi, quibus prohibita fuit à Jure suorum bonorum administratio, nisi curatoris consensus interveniat, l. *Certi conditio*, §. 5. & 6. D. si certum petatur: & l. *Is cui bonis*, D. de verbis obligat. Insuper pupilli, nisi cum licentia tutoris; & minores annis viginti quinque, nisi cum curatoris consensu, l. *Si curatorem habens*, C. de in integrum restitut. Valent quidem initii ab his contractus, sed rescissioni subjacent, ex quo impetrata fuerit pro eis in integrum restitutio, si eis de curatore provisum non fuerat: sed si curatorem habentes sine illius interventu contraxerint, declarat eadem lex invalidè contrahi, nec opus esse ullatenus in integrum restitutione. Simile quid decernit lex *In causa* 2. D. de in integrum restitut. Ille tamen qui cum pupillo pubertati proximo & rationis compore, aut qui cum minore bona fide contraxit, non tenetur ei restituere ante Judicis sententiam, eo quòd pupillus, aut minor naturalis obligationem contraxerit, ut declarat lex *Si pupillus*, D. ad legem Falcid. & lex 1. D. de novat. Ratio est, quia naturalis obligatio nascitur ex consensu, l. *Stichum*, §. *Naturalis*, D. de solut. At pupillus non caret consensu, Institut. de inutil. stipulat. §. *Pupillum*. Prædicta quidem sic se habent attento jure communi: sed in Gallia Regio restitutionis diplomate opus est minori, qui sine curatoris interventu contraxerit, ut ejus contractus rescindatur.

II. Filii

II. Filiifamilias in pubertate constituti possunt contrahere de suis castrensibus & quasi castrensibus bonis : horum namque domini atque arbitri sunt & secundum proprietatem & secundum usumfructum. Secus de profectitiis & adventitiis, nisi ex consensu patris, ne jura quæ in hac bona pater habet deteriora fiant.

III. Permagis refert filiorumfamilias jura explorari, ut sciatur quid sibi retinere, quid parentibus, quid fratribus cohæredibus debeant, vel non debeant. Horum est peculium quadruplex, castrense, quasi castrense, profectitium, & adventitium. Ad castrense pertinent militaria stipendia, de hostibus sumptæ manubæ ac spolia, Ducum, aut commilitum dona, militaris apparatus ac suppellex, arma, equi, vestes, pecunia ad militiam profecturo data sive ab ipsis parentibus, sive ex aliorum liberalitate: illa item quæ Palatini in Aula sive Principis largitione, seu propriâ industriâ acquirunt. Quasi castrense illud est quod filiifamilias ex publico munere, aut ex honorifica professione Judicis, alteriusve Magistratus, Doctoris, Advocati, Medici, Scribæ, Notarii acquirere solent: illa præterea quæ Clerici titulo clericali lucrantur. Quin etiam, ut decidit authent. *Presbyteros*, C. de Episc. & Cler. res quolibet modo in Clericatu obvenientes, in potestate sua Clerici habent, ad similitudinem castrensis peculii. Adventitium peculium versatur in bonis quæ nec à patre, nec patris intuitu, sed vel ex propria industria, aut labore, aut ex aliorum liberalitate, aut ex matris, vel avi materni rebus filius adipiscitur. Denique profectitium peculium ea comprehendit quæ ex patris, aut avi paterni facultatibus, aut aliunde, sed horum intuitu & causâ filiofamilias obvenerunt.

I V. In castrensi, vel quasi castrensi peculio nihil juris pater habet, sed integrum dominium & administratio spectat ad filium, toto tit. D. & C. de castrensi pecul. Adventitiorum bonorum proprietas ad filium, sed ususfructus ad patrem pertinet, l. *Cum oportet*, C. de bonis quæ liber. Profectitia verò bona ad patrem solum & secundum proprietatem & secundum usumfructum spectant. Instit. per quas person. nob. acquir. §. *Sancitum*. Itaque filiifamilias neque profectitia, neque adventitia distrahere, seu alienare potest, l. fin. §. *Filiis*, C. de bonis quæ liber. Secus dicendum de castrensibus, vel quasi castrensibus, ut dictum est.

V. Emancipati verò liberi liberum habent disponendi arbitrium, tam inter vivos, quam mortis causâ de bonis adventitiis, etiam sine consensu patris, eo quod emancipatione acquiratur eis integrum bonorum adventitiorum dominium cum medietate ususfructus, altera medietate quoad solum usumfructum apud patrem remanente, ex Justiniani constitutione, l. *Cum oportet*, §. *Cum autem*, C. de bonis quæ liber. deb. & l. *Si viva*, C. de bonis matern. De bonis verò castrensibus, vel quasi castrensibus filius potest liberè disponere ac testari, quanvis de patris potestate non exiverit, l. *Nemo*, C. qui testament. Clericus quoque adhuc sub patris potestate

KKkk 2

state constitutus habet similiter liberam disponendi facultatem, non tantum de bonis quæ pro Clerico acquisivit, verum etiam de adventitiis, juxta d. authent. *Presbyteros*, C. de Episc. & Cler. adventitiis, inquam, quæ post Clericatum consequutus est. Episcopus autem patriâ potestate solvitur, authent. *Sed hodie*, C. de Episc. & Cler. Quod jus vigere in universa Gallia testificatur Papo lib. 7. placitorum, tit. 1. num. 24.

V I. Gravis, & quotidianæ praxis quæstio est, utrum ea quæ filiusfamilias in paterna domo lucratur, pertineant ad ipsum, an ad patrem? Prima resolutio hæc est. Lucra ex operibus artificialibus provenientia numerati inter adventitia, eaque proinde recuperari posse à filio post obitum patris. Itaque filius operam suam patri locare potest, ab eoque mercedem petere, deductis tamen expensis quas pater in ipso valendo fecit. Pater namque altere filium non tenetur habentem propria, idest castrensia, quasi castrensia, vel adventitia bona, ut colligitur ex l. *Si quis à liberis*, D. de liber. agnosc. atque in eo Doctores esse unanimes asserit Laiman. lib. 3. sect. 5. tract. 4. cap. 8. num. 5. Dicit enim lex penult. D. de obseq. parent. præst. *Pietatem liberi parentibus, non operas debent*. Sanè si filius opificis verb. gr. operam suam patri præstet, nullâ sive expressè, sive tacitè petitâ mercede, præsumitur illam velle patri remittere ex pietate, vel gratitudine, ut si mortuo patre repetere illam à fratribus velit, non sit audiendus. Hæc tamen præsumptio cessat in foro conscientiæ, si filius certus est de suâ contrariâ voluntate, quam patri ex metu, vel reverentiâ non sit ausus significare.

V II. Secunda resolutio, si filiusfamilias ex bonis paternis nomine ipso & voluntate patris lucretur, exempli causâ filius cauponis, fabri, aut mercatoris, non habet jus secundum aliquos Autores exigendi mercedem ad lucri partem, quasi ista pertineant ad profectitium peculium: attamen Bartolus in l. 1. §. *Nec castrense*, D. de collat. bon. & Baldus, & Salicetus, & alii plerique Jurisconsulti, quos citat & sequitur Decius in l. *Illud*, C. de collat. num. 10. & Angelus verb. *Peculium*, num. 11. Navarra cap. 17. n. 144. Lopez p. 2. cap. 21. Lessius lib. 1. cap. 12. num. 81. censent lucri ejusmodi partem filio deberi, si ejus industria & labor ad bona paterna accessit: & asserunt filio deberi ad minus tantum mercedis quantum extraneo deberetur. His addunt quod si præ metu reverentia filius hoc jus petere non ausit, aut sciat, si repetere se passurum repulsam, nec sibi jus istud computatum iri, filium istum sibi clam assumere in compensationem posse, sive vivente, sive mortuo patre. Est enim hoc distinctum peculii genus mixtum ex profectitio circa paterna bona, & adventitio ratione proprii laboris & industriæ, cujus idcirco pretium tanquam adventitium bonum filio concedi debet, ne luctus causa ei detur videnti proprio labore quæsitum ab aliis possideri. Hoc tradit Franciscus Stephanus à Sancto Joanne Præfes Aquisgranensis decis. 21. pag. 83. juxta §. *Sicut*, Institut.

per

per quas personas : & leg. *Non oportet*, C. de bonis quæ liber. Deduci tamen hinc debet patri debitus usufructus. Laiman quidem loco cit. num. 6. contrarium opinatur, magisque in id propendit, ut totum acquiratur patri. Oppositam nihilominus Doctorum opinionem judicat probabilem, eamque dicit Confessario ita posse inservire, ut filiumfamilias in his terminis non facile ad restituendum compellat, nisi ultra æstimationem sui laboris ac industriae acceperit. Ac Bonacina de restitut. disp. 2. quæst. 10. punct. 1. num. 8. sequitur illam Bartoli, Decii, Angeli, Navarræ, & Lessii opinionem, sicut etiam Fillucius tract. 32. cap. 10. quæst. 5. num. 162. cum hac præcautione necessaria, ut filius ille patris negotia gerens deducat in primis ea quæ pater expendit in ipso alendo; cum, ut aliàs dixi, non teneatur pater filium alere qui aliunde possit sibi ad victum necessaria comparare. Deinde ut filius usufructum hujus lucri non sibi vindicet ante sui emancipationem, aut patris mortem, cum certum sit bonorum adventitiorum usufructum ad patrem pertinere, l. *Cum oportet*, C. de bonis quæ liberis. Et sanè deductis alimentis & usufructu vivente patre, filius non debet esse deterioris conditionis quàm extraneus cui ejusmodi merces deberetur; neque tenetur jure naturæ pro patre non egente laborare.

VIII. Quavis filiusfamilias sese contractu obligare possit perinde ac paterfamilias, l. *Filiusfamilias* 39. D. de obligat. & action. nullam tamen in jure Civili obligationem contrahit ex mutuo accepta pecunia, si eam accepit dum esset sub patria potestate; secus autem si erat jam emancipatus, quia Senatusconsulto Macedoniano repellitur creditoris intentio, l. 1. in princ. D. ad Senatusconf. Maced. & Inst. quod cum eo qui in alien. potest. §. *Illud propriè*: ubi hoc extenditur etiam postquam fuerit emancipatus filius, cui dum existeret sub patria potestate creditor mutuo dederat. Insuper valet exceptio ista Macedoniani, licet filiusfamilias mutuo accipiens renunciasset expressè Macedoniano; cum enim hoc Senatusconsultum fuerit introductum non in favorem filii, sed in odium creditoris, renunciatio illa per filiumfamilias irrita est. Molinæus ad tit. C. de Senatusconf. Macedon. Bacquetus tract. de juribus justit. cap. 2. r. n. 127. Despeiffæus p. 1. de mutuo, sect. 1. num. 6. Exceptio Macedoniani transit etiam ad hæredes, sive suos, sive legitimos, sive extraneos, l. *Si filius* 6. §. 1. C. ad Senatusc. Maced. & Instit. quod cum eo qui in alien. potest. §. *Illud propriè*: & l. *Item si* 7. §. *Quamquam* 10. D. ad Senatusconf. Maced. Juvatur quoque Macedoniano pater filii cui mutuatum fuit, d. l. *Item si*, §. *Quamquam*, & l. *Sed si paterfamilias* 9. §. *Non solum*, D. eod. & d. §. *Illud propriè*, Inst. quod cum eo qui in alien. potest. Juvatur quoque Macedoniano is qui pro filiofamilias fidejussit, l. *Item si* 7. in princ. vers. *Sed Julianus*, & l. *Sed si paterfamilias* 9. §. *Non solum*, D. de Senatusconf. Maced. & l. *Exceptiones quæ*, §. ult. D. de exception. Inutilis quippe foret filiofamilias exceptio Macedoniani, si idem posset actione mandati conveniri à fidejussore qui pro

eo conventus solverit, §. ult. Instit. de replicationibus. Cessat tamen exceptio Macedoniani in patre, cujus mandato creditor filio ejus mutuaverit, d. l. *Sed si pater familias*, §. *Non solum*, D. de Senatusconf. Maced. & l. *Zenodorus*, & l. *Si permittente*, Cod. eod. Est enim Macedonianum non solum in odium creditorum, sed præsertim in favorem parentum introductum, §. *Illud propriè*, Instit. quod cum eo qui in alien. potest. Ideoque possunt parentes huic renunciare.

I X. Sed si illi qui poterant juvari Macedoniano sponte solverint, sive filiusfamilias, sive pater, sive hæres, sive fidejussor, non eis licebit solummodo repetere: id enim multa jura expriment, l. *Si non sortem*, §. *Filiusfamilias*, & l. *Qui exceptionem*, in princ. D. de condiction. indeb. & l. *Sed si paterfamilias*, §. pen. & ult. D. de Senatusconf. Maced. & l. *Quia* 10. D. eod. Ratio ejus rei est, quia obligatio naturalis prævalet post factam solutionem, ne condicatur ut indebitum quod naturæ jure debebatur. Curator tamen filii-familias potest solus condicere, seu repetere mutuum à se, vel à minore solutum, quod ei creditum fuerat dum esset sub patria potestate.

X. Macedonianum non admittitur si mutuatum fuerit ad mercaturam, sciente & consentiente patre, exercenti filiofamilias, quoniam patris voluntate contractum videtur, l. *Item si* 7. §. *Interdum*, D. ad Senatusconf. Maced. ut docent Ranchinus p. 3. conclus. 135. Despeisseus p. 1. de mutuo, sect. 1. n. 7. Nec si quis filiofamilias, præsertim longè agenti à patre, aliquid in necessitate constituto mutuatus fuerit, quod ipse pater teneretur ei suppeditare: hoc enim aperta & naturalis ratio suader. Atque ita in Curiis Regni hujus sæpe judicatum fuit, ut refert ibidem Despeisseus.

X I. Exceptio Macedoniani admittitur in solo mutuo pecuniario, non verò in aliarum rerum mutuis, vini, olei, frumenti, pannorum. Verùm si hujusmodi merces fuerunt venditæ, aut quovis titulo traditæ filiofamilias in fraudem legis, ut filiusfamilias distrahendo illas pecuniam sibi compararet, tunc locus erit Macedoniano ad repellendam fraudulentæ creditoris petitionem, l. *Si filiusfamilias credideris*, in princ. & l. *Si quis* 3. §. *Is autem*, & l. *Item si* 7. §. *Mutui dationem*, D. ad Senatusconf. Maced. Atque ita judicatum Lutetiæ refert Papo lib. 12. placitorum, tit. 4.

X I I. Mulieres vetat Vellejanum Senatusconsultum pro aliis fidejubere ac intercedere, cum antea ab Augusti temporibus hæc intercessio non eis prohiberetur, nisi pro solis maritis, ne maritalis affectus, vel metus eisdem fraudi esset, l. 1. D. ad Senatusconf. Vellejan. Cæterum cessat Vellejani privilegium octo casibus quos industriose collegit Accursius ad l. 1. vers. *Ne pro ullo*, D. ad SC. Vellejan. Primò in pecunia promissa pro servo manumittendo, l. pen. C. eod. Secundò in favorem dotis, non tantum propriæ filię, pro qua mulier se genero suo obligat, ut pridem constituerant Valerianus & Galienus, l. *Si dotare*, C. eod. sed etiam generaliter pro quacumque dote etiam extraneæ, ex Constitutione Justiniani, l. ult. C. eod.

Tertiò,

Tertiò, si privilegio Vellejani fœmina renunciaverit, l. *fin.* §. ult. D. cod. Non potest quidem filiusfamilias renunciare Macedoniano, cum non fuerit introductum in ipsius favorem, sed patris, atque in odium creditorum. At Vellejanum est planè & directè in gratiam fœminarum: & licet unicuique renunciare juri pro se introducto, l. *Si judex* 41. D. de minor. & l. *Invio* 69. D. de diversis reg. jur. Cæterùm ut ista Vellejani renunciatio valeat, opus est fœminam priùs admonitam fuisse, sive à Magistratu, sive à Notario, in qua re consistat istud ei indultum à Jure privilegium; & prudens Notarius, ut ait Papo, hujus admonitionis in scriptis mentionem faciet. Imò verò Corrasius in centuriis, cap. 74. Charondas lib. 2. responsorum, cap. 43. Despeisseus parte 2. tit. de cautionibus, sect. 2. num. 13. hoc insuper requiri asserunt, ut posteriori actu fœmina renunciet Vellejano, aliqui præsumunt fœmina eadem facilitate renunciassè Vellejano quàm consensit fidejussioni, nisi seriò deliberandi tempus post primam admonitionem fuerit ei concessum: atque diversa allegant Curiarum placita, quibus invalida pronunciata sunt illa Vellejani renunciatio, quanvis oppositum his Curie Parisiensis placitum referat Papo lib. 12. tit. 5. num. 1.

XIII. Quartò non juvatur Vellejano fœmina si pretium accipiat pro intercessione, l. *Antiqua*, C. ad Vellejan. Quintò si mulier sponte ac mentiendo deceperit, l. *Si mulier in jure*, & l. *Si decipiendi*, D. cod. Et præclare dicit lex *Et primò*, §. 3. D. cod. *Deceptis*, & non decipientibus jura opulantes. Infirmitas enim fœminarum, non calliditas auxilium metuit. Ideoque si vis sciente & connivente uxore, rem uxoris creditori suo quasi propriam obligaverit, non poterit uxor fraudis ac doli conscia juvari Vellejano adversus eundem creditorem, ut sanxit lex *Si sine*, C. cod. Si tamen creditor ab initio sciebat esse rem uxoris, poterit Vellejano repelli per uxorem, d. l. *Si sine*. Sextò si fœmina secundò fidejubeat intra biennium, vel dando creditori aliquod pignus, vel novum fidejussionis instrumentum faciendo, non quidem pristinæ fidejussioni invalidæ ullum robur addit; sed si eandem præstet post biennium, non poterit Vellejano se tueri, l. *Si mulier perfecta ætatis*, C. cod. Septimò si mulieri fidejubenti in rem suam verum sit, l. *Sed si eum*, D. cod. Octavò si fœmina ei pro quo intercessit succedat, l. *Quanvis*, §. *Planè si mihi*, D. cod.


XIV. His aliam causam intermittendi Vellejani non sequenter in praxi occurrentem superaddunt Gallicani Jurisconsulti liberationem mariti ex carcere. Etsi enim ante ipsum Vellejanum Jus Romanorum absolute reprobaverat uxorum pro maritis intercessionem, & Justinianus in authent. *Si qua mulier*, C. cod. irritam faciat omnem uxorum pro maritis contrariam obligationem, etiam multoties & pluribus annis iteratam; cum tamen fœminis permittat validam Vellejani in exterorum quorumcunque favorem renunciationem, modò post biennium iterum confirmetur: in Gallia tamen Regno, & vicinis quibusdam provinciis, si uxor pro liberando

rando ex carceris detentione viro se obligaverit, non juvabitur Vellejano. Antonius Faber in suo Codice, lib. 4. tit. ad Senatusc. Vellejan. Chenutius centur. 1. quæst. 52. Bacquetus tract. de jurib. justit. cap. 21. num. 123. Charondas responforum lib. 11. cap. 38. Brodeus in Louetum, lit. A, cap. 9. alique plerique multa diversarum Curiarum Senatusconsulta congerentes. Quorum ratio in primis pietate fundatur: si enim Vellejanum cessat ob causam pietatis in manumittendo servo, l. penult. C. ad Vellejan. & in dotanda non solum propria filia, sed etiam extranea, l. ult. C. eod. quando major est pietatis obligatio in educendo è carcere proprio marito? Hoc tamen intelligendum de incarceratione ob causam criminis, non verò ob solum pecuniarium debitum, ut docet Faber loco cit. definit. 16. Hoc enim casu, non autem priore, potest vir de carcere egredi per bonorum cessionem. Præterea facile nimis fraus Vellejano fieret ad spoliandam uxorem; hoc enim sine creditores virum capi & carceri nuncipari curarent, ut opes uxoris ad se traherent. Hæc Despeisseus dicto loco, num. 13. Graves tamen multi Gallicani Jurisconsulti hanc distinctionem nullatenus admittunt, inter quos Chopinus comment. ad consuetudines Parisienses, lib. 2. artic. 17. asserit uxorem quæ pro viro debendi reo, ideoque in carcere detento satisfecerit, ut eum in libertatem asserat, etiam nullâ factâ Vellejani renunciatione, ita obligari, ut non admittatur ad impetrandam per Principis literas fidejussorii nexus relaxationem: idque adstruit tum adducto Supremæ Curie Parisiensis Judicio, tum Justinianæ Authenticâ *Si captivi*, C. de Episcop. & Cler. per quam etiam minor obligatur bonorum propriorum distractione captivi patris redemptioni.



CAPUT V.

De Mutuo.

- I. TRACTUM qui re perficiuntur, quatuor genera sunt: Mutuum, Depositum, Commodatum, Pignus. De mutuo superior est disputatio tractanda ad usurarum cognitionem, quæ occasione mutui nascuntur. Sic verò definiti potest, ut sit Contractus quo rei dominium transfertur in accipientem cum onere & obligatione reddendi similem in specie & bonitate. Aut quod eodem recidit, ut sit largitio rei in quantitate certa consistentis, cum spe tantumdem recipiendi, non in specie, sed in genere. Genus à Jurisconsultis hoc loco dicitur, quod proprie Philosophi speciem vocant, ut communiori conceptu frumentum, oleum, vinum, Speciem verò illi dicunt quod Philosophi nomine

nomine individui exprimunt, ut hoc numero frumentum, oleum, vinum. Materia itaque circa quam versatur mutuum, est res usu consumptibilis, in quantitate certa consistens, hoc est definito pondere, ut est massa metalli, lanae, sceni; vel numero, ut nummi, pecudes; vel mensurâ, ut triticum, vinum, oleum, panni, telæ.

I I. Cumque ordinaria materia quæ mutuo datur, sit res usu consumptibilis, transfertur ejus dominium in accipientem hac lege, ut aliud æquivalens reddat. Itaque dicitur mutuum, quia de meo tuum fit, l. 2. D. si cert. pet. Inde fit ut res semel mutuo tradita, quocumque modo pereat, ipsi mutuuario, non verò creditori pereat, quanvis casu & sine culpa mutuarii pereat, qui non minùs tenebitur post rei mutuatæ qualemcumque jacturam, rem similis generis creditori ex pacto reddere, l. Incendium, C. si cert. pet. Et cum augmentum rei, vel decrementum domino rei cedat, si res credita, seu mutuata melior, aut deterior evadat, id omne cedit in lucrum aut jacturam debitoris. Quatenus mutuo transfertur traditæ rei dominium, eo ipso differt à contractibus qui solo consensu, quanvis re nondum tradita, perficiuntur, ut sunt emptio, locatio: & differt quoque à commodato & deposito, quibus re tradita, dominium non transfertur. Hoc etiam distinguitur à commodato, quia in commodato res eadem tradenti restituenda est, quemadmodum & in contractu locationis, & ut plurimum in deposito: & differt à permutatione, in qua res alia, eaque diversi generis rependitur. Quod si res de sua natura usu consumptibilis alteri tradatur ad tempus, ut eadem specie ac numero reddatur, ut si tradatur alteri pecunie vel tritici quantitas non ad usum consumptibilem, sed ad alium usum legitimum, utputà ad ponendum loco pignoris; si id fiat cum pretii conventionione, erit locatio; si verò gratis, erit commodatum, sed nullatenus mutuum.

I I I. Civilis actio ex mutuo confurgens vocatur Condictio certi, de qua tractant Digestorum & Codicis tituli *Si certum petatur*.

I V. Porro cum contrahatur mutuum in solius accipientis gratiam, necesse est esse gratuitum, præcipiente sic Domino, Lucæ 6. *Mutuum dæ nihil inde sperantes*. Alioqui esset injustum & usurarium. Hac ratione sic admonet Sanctus Augustinus in psal. 36. concione 3. *Si sanaveris homini, id est si mutuo dederis pecuniam tuam, à quo plusquam dedisti expectes, non pecuniam solum, sed aliquid plus quam dedisti, sive illud triticum sit, sive vinum, sive oleum, sive quodlibet aliud; si plusquam dedisti expectes accipere, sanaveris es, & in hoc improbandus*. Et habetur 14. quæst. 3. cap. *Si sanaveris*.



CAPUT VI.

*De duobus reis in eandem rem in solidum obligatis:
& de hypothecariis actionibus.*



QUÆSTIO ista de duobus reis uni creditori pro eadem re obligatis in solidum frequens occurrit, ut in hæreditario debito, ubi multi concurrunt hæredes in unam successionem. Item in pluribus constitutis debitoribus, qui in unam eandemque stipulationem pacti sunt cum uno creditore. Præterea in pluribus circa unum & idem debitum fidejussoribus. Similiter in multis rei quos eadem poenalis sententia singulos in solidum damnavit. Insuper in pluribus qui simul ad idem damnum concurrerunt unanimes. Item in expensis apparitoris qui ad diversas obeundas executiones, exactiones, decretorum judiciariorum significationes peregrè profectus in idem oppidum fuit: à singulis quippe reis has potest suæ peregrinationis expensas repetere, si alii solvendo non sint, aut alia ratione à solvendo se eximant. Præterea in Judice qui peregrè alicubi degit, ut in pluribus causis simul occurrentibus diversos jurisdictionis actus exerceat; unde fit ut à diversis Partibus pari jure ipsi debeantur victus & profectiois expensæ. Denique & in aliis consimilibus casibus potest ista quæstio agitari.

II. Primum igitur naturalis ratio suadet, eum qui rem sibi debitam ab uno aliquo obstrictorum sibi reorum integram recepit, non posse ullatenus ab aliis similiter obstrictis repetere: & de ipsis naturalis juris visceribus emerit regula Juris sub ultimo Digestorum & Sexti Decretalium titulo posita: *Bona fides non paritur ut bis idem exigatur.* Jus idem passim innuat sub titulis expressis Digestorum & Codicis, Institutionum & Authenticarum *De duobus reis.* Suffragatur lex *Si per imprudentiam*, §. fin. D. de evictionibus: *Si plures (inquit) mihi in solidum pro evictione teneantur, deinde post evictionem cum uno sacro experius, si agam cum cæteris, exceptione me esse repellendum Labeo ait.* His consonat §. *Si res aliena*, Instit. de legatis: *Si res aliena legata fuerit, & ejus vivo testatore legatarius dominus factus fuerit, si quidem ex causa emptiois, ex testamento actione pretium consequi potest: si vero ex causa lucrativa, veluti ex causa donationis, vel ex alia simili causa, agere non potest. Nam traditum est, duas causas lucrativas in eundem hominem & eandem rem concurrere non posse.*

III. Jure quidem Digestorum & Codicis. tit. de duobus reis, liberum erat creditori ex pluribus in solidum obligatis reis quem vellet in totum conve.

convenire: sed posteriori Novellarum jure Justinianus singulis reis beneficium divisionis indulgit, ut eorum quilibet pro parte sigillatim, & non in totum conveniatur, in authent. de duob. reis, in princ. & §. sequenti, collat. 7. constitut. 9. & inseritur authent. *Hoc ita*, C. eod. tit. Tres tamen in Jure constituti sunt casus, quorum vel uno occurrente cessat ista divisio actionum. Primus est, si debitores hujus divisionis beneficium abrenunciaverint, Glossa in d. authent. *Hoc ita*, verb. *In solidum debentur*, C. de duobus reis: & novella 99. verb. *Cedere*. Secundum & tertium casum exprimit authent. ista dicens: *Si praesentes sint, & idonei*. Itaque licet beneficium divisionis renunciatum non fuerit, si tamen debitorum alii praesentes sint, alii procul absint, puta extra Regnum, poterit creditor in solidum experiri adversus praesentes. Tertius exceptionis casus est, si inter debitores aliqui non sint idonei, puta inopes & solvendi impotentes, d. novel. 99. cap. 1. & d. authent. *Hoc ita*. Ut verò de hac impotentia constet, requirit Justinianus ut praecesserit impotentium discussio, quā praemisā diligentia concedit, ut ceteris qui sunt idonei debitores, accrescat pars illa obligationis quae illi incubuisset cujus fuit comperta impotentia. Docet Charondas lib. 7. responsorum, cap. 103. servari in Regno Franciae legem *Omne*, D. pro socio, ut locii teneantur in solidum, si unus ex eis mutuam acceperit pecuniam in causam societatis, & pecunia in arcam communem recondita fuerit.

IV. Postquam creditor rem sibi à pluribus debitam, ab uno, vel altero eorum integram recepit, ille qui creditori persolvit, actionem habet, non tamen solidariam, sed pro numero reliquorum debitorum divisam, ut ab his partes recuperet, quas eorum loco creditori communi persolvit. Ipseque creditor tenebitur jura sua & actiones in eum transferre, ut qui integre persolvit, possit à singulis condebitoribus illud recuperare quod ultra eam, quae se contingebat, debiti partem, de ipsorum partibus creditori erogaverit.

V. Fidejussores perinde ac principalem reum creditor habet sibi obligatos. Et sanè licuit olim creditori pro suo arbitrio adversum fidejussores experiri, non discussio principali debitore, l. *Non rellè*, & l. *Jure nostro*, C. de fidejussor. Verum majori aequitate provisum fuit demum à Justiniano, ne ullus conveniatur fidejussor, nisi postquam debitor praecipuus discussus fuerit, aut certe procul absit: sed quum abest, potest fidejussor dilationem à Judice postulare, intra quam reum ipsum in judicium deducat conveniendum. Judexque certum ad hoc tempus definit, quo transacto, nec reo comparente, compelletur fidejussor creditori satisfacere, & creditor actionibus suis cedit fidejussori, ut possit à reo solum repetere. Authent. de fidejuss. & mandat. §. *Si quis igitur*, & §. *Non solum*, collat. 1. constit. 4. & inseritur in authent. *Prasente tamen*, C. de fidejuss. Et hoc jus passim viget in universa Gallia, testificantibus Massuerio in praxi, tit. de


relinquit experiendi prout libuerit, sive in vim suæ specialis hypothecæ, sive in vim generalis, etiamsi agat adversus posteriores se creditores specialibus munitis hypothecis, eosque submovebit. Apud nos enim quisquis creditor tempore præcedit, posterioribus cunctis inconcussè præfertur in suis etiam generalibus hypothecis, quibus nullæ præjudicant hypothecæ speciales posteriores, paucis dumtaxat exceptis, ut est hypotheca privilegiata, quam habet venditor adversus emptorem, & quoscumque alios creditores in re vendita pro ejusdem rei pretio. Neque servatur in hac patria lex 2. C. de pignor. statuens specialem posterioris creditoris hypothecam præferri generalibus anteriorum creditorum. Justa quoque ratione communetur ea consuetudo; inconveniens est enim, priorum creditorum jura per posteriores infringi ac violari. Sic enim fraudibus occasio frequens aperiretur, & collusionibus inter debitorem, posteriorefque creditores interdum fictos & dolosè suppositos ad eludenda anteriorum jura & actiones solis subnixas generalibus hypothecis. Præterquam quod species sub generibus includuntur, & qui totum dicit, nihil sub toto complexum excludit, l. 2. C. de hæred. instit. l. *Quod si Mevius*, D. cod. l. 1. D. de penu legata, l. *Julianus respondit*, D. de legat. 3. Neque apud nostros specialis hypotheca posterior anteriori, quanquam generali, prævalet, etiamsi vulgaris illa clausula non fuerit contractui appolita, ut specialis universali non deroget. Hæc dicta sunt citra eorum locorum præjudicium, in quibus oppositum servatur.

VIII. Illud denique (ut ad Jus commune regrediamur) tenendum est, præfatam subsidiariam, seu hypothecariam actionem adversus tertios bonorum possessores decennii præscriptione summoverti inter præsentis, & viginti annorum inter absentes, dummodo possessio titulo simul & bona fide nitatur, l. 1. & 2. C. si advers. credit. præscrip. oppon. etiamsi creditor anterior specialem habuerit hypothecam ejusdem rei quæ ad alium ex postfacto devenerit, ut docent Gallicani Jurisconsulti, & confirmant Gallicanarum Curiarum permulta judicia. Videri potest Despeisseus de contractib. parte 4. tit. 4. num. 32. Denique ne specialis hypotheca deroget generali, solent Notarii apponere clausulam istam, *La spécialité ne dérogeant à la généralité*. In præfata verò præscriptione bona fides exigitur, non solum ex parte emptoris, sed etiam ipsius primi authoris: hujus quippe mala fides successoris nocet agenti bona fide, juxta Authent. *De mala fidei*, C. de longi temp. præscript.



CAPUT VII.

De Usuris.

I.  **SURA** est lucrum pecuniâ æstimabile, vi mutui veri aut palliati quaesitum. Vox *Lucrum*, in hac definitione locum generis lubit: reliquæ voces differentiam constituunt. Vox *Pecuniâ æstimabile*, excludit lucra spiritualia, ut sunt gratiæ & merita virtutum apud Deum, de quibus Jesus Christus ait Matth. 19. *Centuplum accipietis, & vitam æternam possidebitis*. Excludit insuper merita inter homines, quos demereri quis potest mutuando, quum nulla intercedente pactione sperat amicitiam, vel gratitudinem mutuatarii, atque ex his sponte & liberaliter emergentia commoda temporalia. Spes enim ab omni conventionem remota neque usuram in temporalibus inducit, neque simoniam in spiritualibus rebus, ut cum Sancto Thoma unanimes Doctores affirmant: dummodò in spiritualibus primaria intentio non versetur circa commodum temporale, unde nasci posset, ut suo loco disputabimus, simonia mentalis. Quod verò dixi, *Vi mutui*, discrimen innuit usuræ à veri damni emergentis, aut lucri cessantis compensatone, & à pœnali mora cum culpa conjuncta, de qua conventum bona fide ab ipso initio fuerit, juxta Glossam generaliter receptam in cap. *Conquestus*, verbo *De feudo*, de usuris. Dixi denique, *Mutui veri, aut palliati*. Cum enim mutuum, ut Jurisconsulti docent, consistere soleat in rebus usu consumptibilibus, quæque in pondere, numero, vel mensura constant, & quarum dominium seu proprietas transfertur in mutuatarium, l. 1. §. *Appellata*, D. de rebus creditis: & cum aliunde mutuum ex Evangelica lege debeat esse gratuitum, Lucæ vers. 35. *Benefacite, & mutuum date nihil inde sperantes*; quidquid ratione mutui ultra sortem exigitur, usurarium est & indebitum. Concilium pariter Agathense can. 8. hoc docet: *Usura est ubi amplius requiritur quam datur, verbi gratiâ si dederis solidos decem, & amplius quaesieris*.

II. Mutuum non solum explicitum, sed etiam implicitum, quod palliatum vocant, est quoque illicitarum usurarum seges & materia frequentans, ut sit quum in emptione & venditione pretium ob anticipatam solutionem minuitur, aut augetur ob dilataam: perinde est enim ac si pretium mutuo daretur ab emptore; sic tamen, ut quod de justo pretio demitur, cedat in lucrum fœneratitium ex mutuo simulato. Augmentum quoque justî pretii ex dilata solutione perinde est ac si venditor illam pretii pecuniâ

pecuniam mutuo daret ea lege, ut ille iusti pretii superexcessus locum teneat usuræ, ut docent cap. *In civitate*, & cap. *Consuluit*, de usur. Secus tamen judicandum, ubi augetur pretium ob aliquam ex tribus memoratis causis, quæ singulæ iustæ sunt: Prima est, lucrum cessans cum debitis conditionibus; secunda, damnum emergens; quæ frequentissimè negotiantibus accidunt, eo quòd rerum pretia vel non solvantur, vel ultra modum differantur; quo fit ut mercatores negotiationum lucrosarum occasiones plerumque disperdant ex defectu pecuniæ sibi debitæ. Tertia, et eaque iusta causa fundatur in valdè culpabili dilatione solutionis, qualis occurrit frequens in Magnatibus, aliisque personis, quas vel ob avaritiam piget debita persolvere, quanvis commodè id possint; quæve ex opposito per prodigaliteriam & luxum sibi facultatem præripiunt creditoribus suis satisfaciendi; unde consequens est, ut creditores gravia damna, jacturas & pericula sustineant; si modò in hanc pœnam Partes convenerint, vel à Judice decernatur.

III. Mutuum similiter palliatum & fœneratitium contrahunt quicumque roganti mutuam pecuniam prætexunt sibi eam ad manus non esse; ideoque ex rogantis penuria lucrum captantes, vendunt merces aliquas majori pretio, etiamsi iusti pretii latitudinem non excedat, hac conditione, vel tacita intentione, ut eadem merx sibi minore pretio retrovendatur. Perinde est enim ac si minus pretium retrovenditionis mutuarent cum usurario lucro superabundantiæ, quæ est in priorè simulatæ venditionis pretio. Bonacina de contractibus disp. 3. quæst. 2. punct. 3. n. 9.

IV. Usura jure ipso naturæ prohibita est ob multiplicem rationem. 1. Quia juss naturæ reprobat plus ab alio exigì quàm à te receperit; quod facit omnis fœnerator. 2. Quia nefas est compellere quemquam ad emendum rem suam, cujus habet iustum dominium: atqui mutuarius est dominus rei sibi creditæ; per mutuum namque transfertur rei creditæ dominium: nefas igitur est eo nomine quidquam superabundans exigere. 3. Sicut injustè obligaretur creditor in partem jacturæ rei mutuo datæ, quia cum abdicaverit ejus dominium à se atque usum, nihil debet sentire damni ex illius jactura; quandoquidem res omnis suo domino perit, si absit aliena culpa; eadem ratione creditor nullum habet lucrandi jus ex re creditæ; lucrum enim & damnum æquo jure ad dominium rei pertinent. 4. Quia nulla permittitur ratio, ut fructum sibi aliquis querat ex re non fructifera, quales sunt res quæ ipso usu consumuntur. Quocirca Deus in Scripturis passim usuras damnat. Exod. 22. vers. 25. Levit. 25. vers. 35. Deuteron. 23. vers. 19. 2. Eldræ 5. vers. 7. Psal. 14. vers. 6. Luc. 6. vers. 34. & 35.

V. Leges quidem Cæsareæ minus religiosæ fuerunt, quippe quæ usuras permittebant ad certam summam redactas, & ad illas exigendas actionem dabant. Famosissima lex olim Constantini Magni fuit, quæ habetur in Codice Theodosiano, lib. 2, tit. ult. l. 1. tam circa fruges quàm circa pecuniam.

pecuniam numeratam, his verbis : *Quicumque fruges humidas, vel arentes indigentibus manus dederint, usura nomine certam partem consequantur; id est, ut si summa crediti in modis duobus fuerit, certum modum amplius consequamur. Hac lex ad solas pertinet fruges; nam pro pecunia ultra singulas centesimas creditor vetatur accipere.* Erant istæ velut reliquæ morum nuperi Paganiſmi. Sed illas Ecclesia sanctioribus obtemperans legibus minimè probabat. Ne tamen Principum & Magistratum animos à Christiana Religione quasi legum adversatrice alienaret, quodammodo dissimulans tolerabat, solisque Clericis per publicas & sæpius iteratas sanctiones prohibebat usuras. Inde statuit canon Apostolorum 43. *Episcopus, aut Presbyter, aut Diaconus qui usuras à minime accipientibus exigit, vel desinito, vel deponitur.* Nicæni etiam Concilii canon 17. utramque usurarum prædictarum speciem Clericis interdicit, eisque nominatim vetat *hexagomis*; id est centesimas, quæ pecuniis assignabantur; & *hemolias*, id est sescuplas, seu sesquialteras, quæ pro mutatis frugibus constitutæ erant. Utraque similiter sub nominibus *træx*, & *hemolias* Clericis prohibet Concilium Laodicenum can. 5. qui canon inferitur dist. 46. can. *Non licet*, Clericos pariter sceneratores à Fidelium communionem sejungit Arelarensis Concilii primi canon 12. Eadem Clericis iterum prohibitio in Concilii Carthaginensis tertii can. 16. & habetur in Decreto, 14. quest. 4. can. *Nullus Clericorum*. Generalior est prohibitio in Concilii Eliberini can. 20. ibi namque Clericis simul & laicis scenera vetantur, pœnisque distinctis coercentur. Habetur porro apud Gratianum sola ejus pars quæ Clericos attingit, can. *Si quis*, dist. 47. Sancti verò Ecclesiæ Doctores, ex Latinis Hieronymus, Ambrosius, Augustinus, Leo Papa, Gregorius Magnus; & ex Græcis Basilii, Chrysostomus, alique in laicos sceneratores sæpe invehantur. Vide aliquot eorum loca apud Gratianum 14. causæ quest. 3. & 4. Quibus adjungi possunt S. Basilii tota homilia in psal. 14. & Lactantius lib. 6. cap. 18.

Vl. Hemiolias seu sesquialteras usuras Theodorus Balsamon in Nicæna Synodi can. 7. perperam exponit de medietate usuræ centesimæ, ut pro duodecim sex tantum annua præstentur. Sed planè certum est ex ipsa Constantini lege hemiolas, seu sesquialteras usuras fuisse solarum frugum, nihilque aliud significare quàm exactionem totius mutuatæ rei cum augmento dimidii, ut pro duobus modis mutatis tres modii recipiantur. At centesima usura in sola pecunia versabatur, & addebatur creditori nummum unum ad singulos menses pro nummis creditis centum; itaque annuatim pertinebat ad duodecim pro mutatis centum. Arcadii tamen lex sub eodem libro & titulo Codicis Theodosiani usuras Senatorum moderabatur ad dimidiam centesimæ, hoc est sex annua pro centum mutuo datis. Scribens Sanctus Hieronymus in hæc verba Ezechielis cap. 18. versic. 8. *Si ad usuram non commodaverit, & amplius non acceperit*, hæc sapienter admonet: *Putant quidam usuram esse tantum in pecunia: quod providens Scriptura divina*

divina omni rei aufert superabundantiam, ut plus non recipias quàm dedisti. Solent in agris frumenti & milii, vini & olei, cæterarumque specierum usura exigi, sive ut appellat sermo divinus, superabundantia: verbi gratià ut hyemis tempore demus decem modios, & in messe recipiamus quindecim, hoc est amplius partem mediam.

VII. Jus Civile in omnibus bonæ fidei contractibus, & præterea in legatis & fideicommissis, usuras deberi decernit ex mora computanda ex die interpellationis, vel ex die litis contestatæ, l. *Mora fieri*, in princip. & §. *In bonæ fidei*, D. de usur. l. fin. D. de peric. & com. rei vend. l. *Qui solidum*, & l. *Si quis servum tuum*, D. de legat. 2. l. *In bonæ fidei*, C. de usur. Et quidem si per sententiam Judex usuras istas adjudicet, spectandum erit an fuerit mora ista culpabilis, eo quodd reus cum solvere debuisset, vel neglexerit, vel suâ culpâ, quæ obligatione posterior sit, putâ lusibus, aut superfluis expensis sibi ademerit solvendi facultatem. Si res ita sit, poterit usura adjudicata exigi, cum sit in pœnam culpabilis moræ per sententiam, eamque justam imposita. Idemque censendum si Pars, cui per sententiam adjudicatum fuerit verum, nec fictum interesse, sive lucri, sive damni, ob rem tempore debito non persolutam patiatur detrimentum. Sed si neque mora debitoris culpabilis ulla fuerit, aut justum lucri, vel damni interesse non intervenerit, non potest creditor in foro conscientie hujusmodi usuras etiam per sententiam adjudicatas exigere; debetque contentus esse recuperatione rei petitæ, & indemnitate expensarum litis. Si verò sive ex mora culpabili, sive ex alia quavis culpa debitoris creditor verum damnum sustineat, tenebitur in conscientia mutuarius illud reparare, quanvis nihil expressè convenisset, nec Judex quidquam decerneret. Est quippe naturalis obligatio damni alieni reparandi in eo qui suâ culpâ damnificavit, cap. fin. de injur. & dam. dato. Famofus ille Parisiensis Advocatus, cujus irreligiositas commeruit, ut ipsius libri nomenque, quasi aliterus Erostrati, Romanis decretis proscriberentur, vel solus sufficere videretur apud Forenses Gallicanos ab usurarum praxi & patrocinio deterrendos, qui in suo Tractatu de usuris, num. 15. sic loquitur: *Moribus invaluit, ut mutuum debeat esse, & sit gratuitum, omnesque leges usuraria in nullo prorsus exoleverunt. Quod est justum & rationale, tum assentâ naturæ mutui, tum ad vitandam frequentiam curpium questuum.*

VIII. Si creditori nullatenus petenti aliquid à mutuuario detur gratuitò, poterit sine fœnore, vel peccato recipi. Verumtamen non est facile præsumendum, omne oblatum esse gratuitum. Munera enim quandoque à debitoribus offeruntur metu severioris exactionis cui se impares agnoscunt ob paupertatis angustias. Si ergo munera ista sint pretiosa, aut pecuniaria, præsumendum est non esse spontanea, si debitor inopiâ laboret; debetque creditor oblata recusare, ne occasione alienæ paupertatis locupletetur. At si levia sint munuscula, nec pecuniaria, nec difficile parabilia,

M M m m ciciens

cenferi poterunt ex spontanea animi gratitudine proficisci, atque ita licebit recipere. Et hâc valebit regula ista: Contrectans rem credens invictum dominum, committit furtum; sed furto non est obligatus, si dominus erat volens, l. *Iner omnes*, §. *Resti*, D. de furtis.

I X. Potest creditor pascisci cum mutuario ab initio de præstando vero, nec ullatenus ficto interesse, idque postmodum exigere. Ratio perspicua est, quia in hoc nihil requirit præter justam sui indemnitatem; neque justè compellendus est ad subeundam jacturam & damnum ex hoc ipso quod alteri se beneficium præstat, l. *unica*, C. de sentent. quæ pro eo quod interest profer. Eaque lex duplicis rei meminit, scilicet lucris & damni, hoc est (ut ibi exponit Glossa in verb. *Possibile*, & Bartolus ibid.) lucris cessantibus, & damni emergentibus. Sit hoc exemplum damni emergentis. Destinatum habeo pecuniam reficiendæ domui meæ ne corruat, aut coëmendo tritico ad alimentarem anni provisionem, vel sceno ad jumentorum pabula, vel septis & aggeribus fruendis ad arcendam aquæ vim ne prædium inundet, aut solvendis nominibus seu debitis: & cum aliam præsentem aut accommodam pecuniam non habeam, istam quam à me rogas pecuniam, tibi protestor jam esse illis præfatis rebus destinaram, mihiq; aliam non suppetere, ideoque simul de damno, si quod futurum est, à te rescarciendo protestor. Contingit exinde ut domus corruat, aut ut triticum, vel scenum credito simul & carius emam, aut pecus fame pereat, aut ager aquis inundetur, aut cogar ab aliis mutuo sumere cum usuris. Exemplum verò lucris cessantibus: Ego pecuniam habeo mercaturæ ad proximas nundinas destinaram; sed quia tibi mutuo roganti credo, aut quia præstituto die non solvis, lucro ex mercatura sperato frustrari cogor.

X. De utroque interesse, damni emergentis & lucris cessantis communiter scribunt Doctores, utrumque ex mutuo contingens exigi posse tribus casibus. Prior est quum culpabilis in solvendo mora præcessit. Secundus quum sive ante, sive post moram contigit, sed mutuum datum est per aliquam vim, sive Regis, sive Civitatis, sive alicujus præpotentis. Tertius, etiamsi nulla vis, vel mora, vel culpa debitoris intervenerit, dum tamen fuerit ab initio admonitus debitor damni impendentis, & iste concesserit hoc damnum, si contingat, præstare ultra mutuatam sortem, ut expressè docet S. Thomas 2. 2. quæst. 78. art. 2. ad 1. idemque tract. de malo, q. 3. art. 4. ad 14. In tribus prædictis casibus licet etiam ab initio convenire de summa ultra sortem rependenda ad verisimiliorem taxam æstimationis illius interesse. Socus lib. 6. de just. & jure, quæst. 1. art. 3. Navarra in Manuali, cap. 17. num. 111. & in comment. de usuris, num. 39. Toletus lib. 5. cap. 32. num. 7. ut alios innumeros fiteam. Dummodo fraus omnis procul eliminetur, neque incertus eventus tanti computetur ac si certus esset. * Igitur præter protestationem lucris cessantis, damniq; emergentis, atque moræ culpabilis, ratio etiam habenda est periculi sortis ac malæ
fidei.

fidei ipsius mutuatarii, cui mutuans se exponit. Frequens namque experientia docet, debitores sive malè administrando, sive per neglectum, sive etiam per infortunium aut prodigalitatem, suis creditoribus decoquere ac versuram facere. Alii morosi adeò sunt creditoribus, ut non nisi per vim & lites ac graves expensas debita creditoribus exsolvant, quæ causa est vigentis apud Chinenes legis, ut creditoribus adjudicentur triginta nummi ad sortem numerorum centum. Quapropter Regulares Missionarii, qui fidem Christi in ea regione promovere student, communi consilio statuerunt quæstionem hanc deferre ad solidam Petram, & Petri Cathedram consulere, num istiusmodi usuræ in conversis ad Christi fidem tolerari possint. Qui tunc Summus erat Pontifex Innocentius X. discussionem istam Sacræ Cardinalium Congregationi delegavit, quæ indiscriminatim ad triginta pro centum usuras reprobavit, cum ejusmodi pericula pro rerum & personarum diversitate admodum inæqualia sint: sed judicavit præter titulos damni emergentis, vel lucri cessantis, posse insuper conveniri ac exigi compensationem probabilem, quæ proportionem habeat cum ejusmodi periculis, quæ si contingant, deterior fiet creditoris conditio. Decretum istud sibi exhibitum auctoritate Apostolica confirmavit Innocentius X. Pontifex, & refertur à Ludovico Bancel Dominicano Theologiæ Professore.]

XI. De interesse lucri cessantis, quod possit in mutuo exigi, communis est graviorum Doctorum consensus, Ostiensis, Panormitani, Joannis Andreæ, Sylvestri, Caietani, Conradi, Adriani & aliorum quos citant & sequuntur Navarra, Bonacina, Lessius, Covarruvias lib. 3. variarum resolut. cap. 4. Gravis quidem Author Dominicus Soto lib. 6. de justit. quæst. 1. declarat se hanc opinionem non improbare, præferre tamen oppositam negantem esse habendam ullam rationem lucri cessantis, quam ante ipsum propugnauerat Innocentius. Sed sive Doctorum non minoris ponderis ac meriti multò ampliorum multitudinem, sive rationum momenta expendantur, satis perspicuum est, non posse citra injustiam hinc excludi lucrum cessans: qui enim lucrum petit sibi compensari, nihil petit quàm justam, sibi que ex collato in alium beneficio debitam indemnitàtem. Ex ipsis Juris naturalis regulis haustum est quod sacri Canones declarant, officium suum nemini debere esse damnosum. Ipsaque lex *Ne liberalitate*, D. de re judic. decernit, ne liberalitate sua quis de inopia periclitetur. Ille verò qui privatur mediis ad lucrum aliquod justum destinatis, indubitatè jacturam futuræ boni patitur, & deteriore conditionem incurrit, & consequenter jus habet perendæ indemnitàtis, si de illa convenit ab exordio cum illo cujus rogatu se isto ad destinatum lucrum medio spoliavit. Secundò pecunia quæ mutuo datur, quatenus subest destinationi ad lucrativum negotium, simulque ipsius destinantis industria, pluris valet, quàm ipsa eadem per se tantum spectata, cum in illa priori consideratione sit princi-

pium & semen sperati lucri, idque in se virtute continens lucrum. Igitur sic spectata plus valet quàm seorsim spectata, & divisim ab illo destinato emolumento. Tertio negari non potest, spem illam lucri efficaciter destinati esse pretio æstimabilem, cum constet apud omnes, spem lucri, seu quod idem est, speratum lucrum, iusto pretio vendi posse, ut constet in Jure de venditione futuri jactus retis, l. *Si jactum*, D. de actionib. empti. Idemque de fructu agrorum futuro, de fortibus pecorum nondum edictis. Quarto par debet esse ratio damni & lucri; contrariorum enim eadem est disciplina. Itaque par debet esse damni & lucri æstimatio. At concedunt Innocentius & Soto, quando ex mutuo damnum aliquod futurum formidatur, licere de eo compensando pacisci. Ergo licet pariter quando speratur lucrum, si spes rationalis sit. Quinto, quia amissio boni rationaliter sperati computatur inter damna, & proinde jure merito tenere locum potest damni emergentis, quod à compensatione mutui duo illi Doctores non repellunt. Sexto ex eo quod illi tarentur, licitum esse pacisci de lucro cessante quandocumque aliquis per vim aut fraudem mutuum dare compellitur, concludi facile potest, licitum quoque esse ita pacisci, nullam etiam vi, aut fraude adhibita. Vel enim pactio de compensando lucro cessante justa est, vel usuraria. Si justa, ergo licita: si injusta & usuraria, ergo absolute illicita, & ideo prohibenda quoque homini per vim aut fraudem circumvento, vel compulso. Illa enim compulsio valorem non auct, nec pretium rei mutuatae. Cumque usura sit jure naturæ illicita, nullus pretextus coactionis potest illam justificare, sed solum interesse lucri vel damni. Proinde si interesse lucri accedens ad mutuum libertate plena contractum, censetur illicitum, non minus erit illicitum etiam oppressa libertate. Septimo, si quis me roget ne laborem, vel ut instrumenta artis meæ sibi commodem, quanvis mihi liberum sit vel recusare, vel acquiescere; si tamen acquiescere lubet, possum cum rogante pacisci de præstando mihi lucro quod ex meo labore consequi sperabam. Idem igitur in libero mutuo, quod in libero commodato statuendum; cum inter se communia hæc habeant, quod gratuitò fiant, & quod celebrentur ambo in gratiam recipientis.

XII. Secluso autem interesse damni aut lucri, necnon penam pecuniariam, vel inter partes conventam, vel à Judice decreta ob culpabilem moram, adeo Jura reproband aliquid ultra sortem peti, ut leges simul Ecclesiasticæ & Imperiales decernant nefas esse creditori fructus obnoxii sibi pignoris percipere, nisi cum pari & æquivalente sortis diminutione, cap. *Ex literis*, de jurejur. & l. 1. C. de distract. pignor. Ergo pari, imò fortiori jure, quidquid fenerator aliunde ex minus sibi obnoxii debitoris bonis exigit, computandum est in sortis ipsius parem diminutionem.

XIII. Ut autem mutuator licitè possit id quod sua interest in pactum deducere, tres quæ sequuntur conditiones necesse est concurrere. Prima est

est, ut mutuum sit verè causa damni emergentis, aut lucri cessantis: verbi causâ, ut pecuniam destinatam negotiationi, vel emptioni rei frugiferæ subtraham ab illa destinatione, eo quòd tibi mutuem. Nec id solum, sed requiritur insuper, ut non habeam aliam penes me otiosam pecuniam, quam possim substituere in eundem usum, ad quem priorem destinaveram pecuniam, quam tibi do mutuo: si enim par alia pecunia mihi restet, cessabit prætextus lucri cessantis, aut emergentis damni, cum faciliè possim illud interesse reparare impendendo in hoc ipsum eam quæ mihi supersit, pecuniam otiosam. Ad hoc tamen non est necesse illam pecuniam computare, quæ in alios eventus rationabiliter seposita est, ut rectè notat Navarra capite 17. num. 212. qualis est illa quæ reservatur ad alimenta & provisiones familiæ, ad filiorum dotem, ad emendam præfecturam, vel officium, ad casus fortuitos, quos prudens & commodus paterfamilias debet præcavere, ne inopinatò ingruente aliquo eorum opprimatur, ut sunt morbi privati, incendia, bella, epidemiæ, occurrentia litigia, longinquæ projectiones. Secunda conditio est, ut minus lucrum exigas, quàm quod ex tua destinatione sperare poteris; siquidem deducenda est laborum & expensarum æstimatio, & quanti minoris valet id quod futurum atque incertum est, quàm quod certum est & præsens. Tertia demùm conditio est, ut lucri cessantis compensatio non exigatur statim dato mutuo, sed post conveniens intervallum: ut si ex mutuo centum aureorum debeantur mihi octo lucri cessantis, non paciscar octo statim mihi solvi; alioqui enim jam reipsa non mutuo centum, sed solum nonaginta duos aureos: & tamen non iniurius ex illa imminuta summa referrem nomine interesse, quàm si mutuassem centum. Medina de usur. quæst. 3. §. *Septima conditio*, Lessius cap. 20. dub. 11. num. 99.

XIV. Hic admonendos duco & pœnitentes, & Confessarios, plerumque fieri, ut homines per cæcum sui amorem decipiant alios, atque etiam seipsos falsis prætextibus, quibus suas obvelant usuras ad excusandas exculpationes in peccatis. Unde Sanctus Papa Gregorius 1. parte Pastoralis, capite 9. ait: *Sape sibi de se mens ipsa mentitur*. Multi quippe fundant interesse in hoc, quod possent creditam pecuniam exponere legitimo alicui lucro; cum tamen nullum ad id habeant, aut habuerint efficax propositum, aut etiam repugnantem habeant voluntatem ob pericula quæ reformidant. Isti quidem identidem affirmant, se nunquam commissuros, ut suæ pecuniæ arcis otiosæ includantur; cum tamen ad solum intendant ex mutuo lucrum, vel saltem de aliis lucrandi modis nihil certò ac efficaciter proponant, nisi fortè solo illo casu, quo fidi debitores non occurrerent, quibus tunc suam pecuniam cum fœnore credant. Illud propositum est planè præposterum, nec potest fundare lucrum cessans. Ut enim verè obtendi possit cessans lucrum, necesse est ante mutuum præcessisse completam & efficacem voluntatem aliis negotiis licitis & lucratoriis pe-

caniam istam impendendi, quam postmodum rogor alii mutuo credere. Idque adeo certum est, ut Toletus libro 5. cap. 33. num. 2. & 3. asserat omnes hac in re Doctores convenire. Et tamen eorum plerique qui lucrum cessans prætexerunt, recusare solent occurrentes illius lucri, quod sibi cessare prætexunt, quales sunt prædiorum frugiferorum emptiones, frugum aut fructuum mercimonia, veræ, nec factæ cum mercatoribus societates, aut census perpetui; quia videlicet in hoc unum, aut certe primum intendunt, ut lucrum specioso & fallaci prætextu reportent ex mutuo cum certissima mutuæ sortis recuperatione, quæ magna est avaritiæ illicebra.

X V. In pignoribus quoque & hypothecis contrahitur etiam palliarum senus, ut sit in pacto legis commissoriæ, quod debitorem amissioni pignoris adstringit, transfertque illud in creditorem, si tempore præstituto non solverit. Jubent verò leges pignus distrahi, & ex ejus pretio summam debitam deduci, quæ creditori satisfiat, necnon distractionis impensas; totum verò residuum restitui debitori. Pactum legis commissoriæ circa pignora damnatur in utroque Jure, cap. 1. & 2. de usur. & l. 1. & 2. C. de pignorat. actione. Verum duobus casibus Canones permittunt creditori fructus pignoris percipere sine sortis diminutione. Primus est, si dominus feudi pro debita sibi à vassallo pensione sumat in hypothecam ipsam feudale prædium; non enim quos inde fructus capiet, conferre tenebitur in sortem, cap. 1. & cap. *Conquisitus*, de usur. & cap. 1. de feudis. Ex quo enim feudum in manus Domini directi recidit, spectant ad ejus dominium fructus ex jure feudali. Secundus casus est in pignore dotali, quod loco genero assignavit. Potest enim gener fructus sine dotis diminutione percipere pro sustinendis oneribus matrimonii, cap. *Salubriter*, eod. tit. Ulterius addit Soto de justit. lib. 6. quæst. 1. art. 2. idem juris esse in vidua, quæ mortuo viro suam nondum dotem recepit, ut possit ad onera viduitatis sustinenda fructibus frui dotalis hypothecæ sine ulla dotis deductione. Cæteroqui fructus quos creditor ex pignore percipit, computandi sunt in sortis diminutionem, cap. 1. & d. cap. *Salubriter*, de usuris.

XVI. Denique hoc sciendum, prohibitum esse ab utroque Jure, Ecclesiastico & Civili, usuras nondum persolutas in sortem convertere, l. *Ut nullo modo*, C. de usur. & Pii V. constitutio de censibus idem prohibet, ne census antea constitutus augeatur ex pensionibus debitis quidem, sed non solutis, quanvis ex jam solutis augeri possit. Navarra quidem, Azorius, Bonacina de contractib. disput. 3. quæst. 4. num. 40. alique Doctores asserunt istam prohibitionem non esse juris naturæ, sed duntaxat positivi in æquitate fundati, ne censuarii hujusmodi accessionibus supererrescentibus opprimantur. Quæ prohibitio dum viget, obligat secundum conscientiam, sicut & aliæ juris positivi dispositiones, de quibus pronunciat Apostolus Rom. 13. *Qui potestati resistit, ordinationi Dei resistit. Ideo necessitate subditi estote*


estote, non solum propter iram, sed etiam propter conscientiam. Usuras usuri-
supervacantes vocat Græci Anatocisum.

XVII. Plerumque usvenit, ut novus creditor alienum mutuum suâ
pecuniâ exsolvendo, subrogetur in jus & nomen prioris creditoris, qui
iusto titulo lucri cessantis, vel emergentis damni usuras ex mutuo repor-
tabat, quique novo isti creditori qui id mutuum exsolvit, omni jure suo
cedit: quæritur an vi hujus cessionis licitum sit subrogato huic creditori
eandem usuras circa mutuatarium continuare? Videbitur forsan alicui hoc
ei licere, tanquam successori ac cessionario prioris creditoris qui eas licitè
exigebat, juxta communem utriusque Juris regulam: *Qui in jus alterius
succedit, eodem quo ille jure uti debet.* Cæterum contrarium prorsus statuen-
dum, nisi novus iste creditor similiter patiatur lucri, vel damni interesse.
Cum enim jus illud quod pristino creditori compete-
bat, sit penitus per so-
lutionem extinctum, non potest in subrogatum creditorem transmitti, se-
cundum alteram istam Juris regulam: *Nemo plus juris in aliam transferre
potest, quam ipse habet, cap. Nemo potest, de regul. jur. in 6. & l. Nemo plus
juris, D. eod.* Caput istud concludo legis tum Romanæ, tum Francicæ pro-
hibitione. Justinianus non committit ut tutores & curatores (in quibus
erat plausibilior usurarum prætextus) minorum pecunias usuris exponant;
sic enim. novellâ 71. 6. *Quoniam, sancit: Quoniam autem videmus, quæ-
cumque Dei memoriam habent, ad curam difficulter accedere propter sanera-
torum necessitatem, sancimus nullam necessitatem ex legibus esse curatoribus mi-
norum pecuniam sanerari, sed cautè reponere & reservare.* Succedit posterior
novella Basilii Macedonis, prohibens tutoribus & curatoribus minorum
& pupillorum pecuniam sanerari dare. Deinde altera Leonis cognomento
Philosophi, qui patri Basilio successit, quâ proficitur pupillares has usuras
divina lege vetitas esse: permittit tamen generaliter usuras, quemadmodum
alia mala publicè tolerantur, ut Judaici cultus, lupanaria, eo quod inopes
urgente necessitate non aliam possent nancisci pecuniam nisi scænebrem. His
subjicio Henrici III. Gallicanæ Sanctionem in Comitibus Blefensibus,
act. 202. *Omnibus cujuscumque sexus & conditionis inbibemus usuras exce-
dere, ac pecuniam sanerari mutuari vel lucro, sub pena pro prima vice honoraria
petenda venia, & exilii, & gravis pecuniaria multationis, cujus quarta pars
denunciatoribus adjudicabitur. Pro secunda autem vice pena corporalis & gene-
ralis bonorum confiscatio infligitur. Quibus ipsædem panis subjacere decernimus
omniæ proximas & mediatas usurarum.*



* C A P U T VII.

De usura fundata super periculo sortis.

I.  IRCUMSPECTE procedendum est in discernendis periculis creditæ sortis: cupiditas enim, quam radicem malorum omnium vocat Apostolus, plerumque animam excæcat, ut sibi pericula effingat, quæ reipsa nulla sunt; aut gravia putet quæ leviora sunt. Nec tamen negari potest, vera pericula quibus res exponitur, esse pretio æstimabilia, damnisque & jacturis obnoxia, quæ recta ratio & justitia compensari meritis judicent, ne unicuique officium suum vertatur in damnum. Hæc itaque æstimatio judicium requirit probi prudentisque viri. Frequens enim docet experientia, multos accidere casus, per quos res creditæ deteruntur vel consumuntur, aut eò adducuntur sive ex debitorum adversis rebus, sive ex aliorum creditorum concursu, sive ex mala fide vel judicariis tricus & artificiosis evasionibus, sive ex inevitabilibus litium expensis, sive ex Judicum ipsorum favoribus & corruptelis, ut multis satius fuerit rem debitam non repetere quàm judicio prosequi: ita ut certissima veritate nitatur ista Juris regula: *Minus est habere actionem quàm rem*, lege *Minus est*, D. de regul. jur.

II. Licitum est igitur in mutuo aliquid supra sortem recipere ratione periculi amittendi sortem, aut recuperandi cum molestiis, laboribus & expensis, ut docent Sylvester verbo *Usura* 1. quæst. 35. Petrus Navarrus lib. 3. cap. 2. num. 343. Medina tract. de restit. quæst. 38. Filliucius tract. 34. num. 97. & 103. Bonacina de contract. disp. 3. quæst. 3. puncto 5. Cessant tamen hujusmodi cautiones ubi creditor nihil periclitatur, eo quod sit præmunus idoneis cautionibus, fidejussoribus & pignoris. Sed tandem præter rationis & periculi evidentiam, quale non tenetur creditor subire, quæstionem & resolutionem istam extra omnem dubitationis aleam eximit Decretum Sacræ Congregationis ab Innocentio X. Pontifice approbatum postulantis apud Sinendum regionem Regularibus Missionariis, Romæ typis editum anno 1645. relatumque à Ludovico Bancel Dominicano Professore Theologiæ in Avenionensi civitate, & Fidei Inquirentore, in sua Morali Summa, verbo *Usura*, his sancitum verbis: In præfato Sinarum Regno lege stabilitum est ut in mutuo triginta pro centum accipiantur absque respectu lucris cessantis & damni emergentis. Quæritur utrum Christianis sit licitum pro pecuniarum suarum mutuo, licet non interveniat lucrum cessans aut damnum emergens, prædictam triginta pro centum quantitatem

titatem lege Regni taxatam accipere? Et causa dubitationis est, quia in recuperanda pecunia est aliquod periculum, quod qui accipit mutuum fugiat, vel quod tardet in solvendo, vel quod necesse sit coram Iudice repetere, vel propter alia huiusmodi. *Censuit Sacra Congregatio Cardinalium S. R. E. ratione mutui immediatè & præcisè nihil ultra sortem principalem esse accipiendum. Si verò aliquid recipiant ratione periculi probabiliter imminenti, prout in casu, non esse inquietandos, dummodo habeatur ratio probabilitatis periculi, & qualitatis ejusdem, ac servata proportionè inter periculum, & id quod accipitur.*

III. Apud quosdam Summistas evidenti rationi prævaluit capitis *Navigantis*, de usur. malè intellecti, aut ut alii volunt, depravati autoritas, cujus capitis hæc leguntur verba: *Naviganti vel eunti ad mundinas certam mutuant pecunia quantitatē, pro eo quod in se recepit periculum recepturus ultra sortem, usurarius est censendus.* Quidam textum prout vulgò legitur, falsitatis arguunt, & ablatam negativam vocem conqueruntur, voluntque legi, *Usurarius non est censendus.* Id contendit scribens in hoc ipsum caput Barbosa, idque clarè infert ex collatione verborum immediatè subsequen-
tium: *Ille quoque qui dat decem solidos, ut alio tempore totidem sibi grani, vini, vel olei mensura reddantur, quæ licet tunc plus valeant, utrum plus vel minus solutionis tempore fuerint valitura, verisimiliter dubitatur, non debet ex hoc usurarius reputari.* Ubi particulæ, *Ille quoque*, indicant Pontificem velle neutrum censendum esse usurarium. Si enim de uno vellet, & non de altero, non addidisset, *Ille quoque*, quæ sunt voces paritatis & conformitatis; sed dixisset, *Et ille econtrâ.* Idque probabilius commonstrat, ab exscriptore aliquo fuisse depravatam textum, amotâ negativâ. Alii verò, quos allegat & sequitur loco superiùs adducto Bonacina, advertentes alienum esse ab ordinario usu, si mutuans ipse assecuratorem se constituat erga mutuatarium illum mercatorem, omnemque inter creditorem & debitorem initam obligationem supra mutui solutionem additam, reprobari jure ipso ut usurarium, colligunt à mutuantē fuisse mutuatario impositam legem, ut non alium quàm seipsum eligeret adversus pericula obventura indejussorem; & fortassis acceptâ (quod deterius est) à mercatore cui mutuabatur, pecuniâ.


IV. Pari ratione, tamen si usurarium sit carius vendere præcisè ob datam solutionem mercium, cap. *In civitate*, de usuris; licitum est tamen creditò vendentibus augere aliquatenus pretium ob incommoda quæ subit mercator: tum quia solitus est de præsentī pretio nova contrahere mercimonia, siquæ augere lucra, quod est verum lucri cessantis, aut damni sibi emergentis interesse: tum etiam ob periculum, cui se exponit, pretii vel amittendi, vel diminuendi, vel cum expensis, aut cum emptoris malevolentia & molestiis recuperandi. Etiam si verò postmodum contingat, ut mutuator aut emptor rem suam vel pretium sine jactura vel molestiis, quales.

apparenter metuebantur, recipiat, potest sibi augmentum prædictum retinere, modò pretium non fuerit immoderatum, & reverà periculum fuerit amittendi vel expendendi, aut graves subeundi à debitore molestias. Ratio est, quia propter hujusmodi pericula quibus se creditor exposuit, res ipsa pluris valebat, ideoque potest excessum retinere. Petrus Navarrus lib. 3. cap. 2. num. 134. Covarruvias lib. 2. var. resol. cap. 3. num. 6. Lessius lib. 2. dub. 4. num. 28. & 32. Bonacina de contract. disput. 3. quæst. 2. puncto 4. num. 18. & 19. Medina de restit. quæst. ult. aliique. Iustitia quidem communitativa, ut docet Aristoteles, in æqualitate consistit utrobique servanda, lib. 5. Ethic. cap. 5. sed æqualitatem ac pretium variant diversæ circumstantiæ hinc inde occurrentes.]



C A P U T IX.

De Emptione & Venditione.

I.  **ONTRACTUUM** alii celebrantur in gratiam dantis, ut depositum; alii in gratiam accipientis, ut mutuum, commodatum, donatio; alii in gratiam utriusque, ut emptio venditio, locatio conductio, pignus, societas. Secundum tres hæc differentias alii contrahentium tenentur de dolo & lata culpa tantum; alii pariter de levi culpa; alii etiam de levissima. Culpas hæc intelligimus civiles; non enim necesse est esse theologicas, id est quæ apud Deum pro peccatis imputentur. Si ergo res alterius sit apud te per contractum qui in tuam solius utilitatem initus fuerit, teneris, si res intereat, non tantum ex lata, sed etiam ex levi, & levissima tua culpa; ut si liber, aut equus tibi commodatus apud te ex levissima tua culpa deperdatur. Hoc docet caput unicum de commodato, his verbis: *Cum gratia sui tantum quis commodatum accipit, de levissima etiam culpa tenetur: & lex. In rebus commodatis*, D. commodati. Ex officio quippe gratitudinis summam in aliena re gratis concessa diligentiam convenit exhiberi. At vice versa si contractus in solius domini commodum cedat, solam latam culpam præstare tenetur is qui rem habet alienam. Exemplum est in deposito, Insti. quibus modis re contrah. oblig. §. *Præterea & is*, ubi decernitur, depositarium ex solo dolo teneri. Ibi verò per dolum lata quoque culpa intelligitur, ut ibi Glossa exponit. Denique si contractus cedat in utriusque, dantis simul & accipientis emolumentum, tenetur quis in re conservanda de lata & levi, sed non de levissima culpa, Insti. ut suprà, §. *Creditor*. Et in universum tripli-

cem.

cem istam æquitati valde consentaneam distinctionem tradit lex *Contrahens* 23. D. de regul. jur.

II. Cùm igitur emptio venditioque celebrentur in gratiam & commodum utriusque contrahentium, isti non tenentur de levissima, sed de lata & levi culpa, si res dispareat, aut deterior fiat. Admodum tamen probabilis est assertio Lessii lib. 2. cap. 7. num. 43. non teneri contrahentes de levi aut levissima culpa in foro conscientie, nisi post Judicis sententiam, cùm in his duabus aut nullum, aut solum veniale ex quadam inadvertentia peccatum contingat. Sed si damnum futurum advertit sufficienter, & neglexit, ibi intervenit lata culpa, quanvis malitia abfuerit, & in foro conscientie tenetur sic lædens læsæ parti satisfacere.

III. Emptio est pactio pretii pro merce. Venditio est pactio mercis pro pretio, juxta l. 1. D. de contrah. empt. Tria igitur ad hujus contractus substantiam efflagitantur: merx, pretium, & mutuus consensus.

IV. Rerum venalium pretium duplex distinguitur, scilicet legitimum, quod à Magistratu, vel à Principe, vel à Republica præfixum est; & vulgare, quod à communi prudentium æstimatione dependet, juxta legem *Pretia* 63. D. ad legem Falcid. *Pretia rerum non ex affectu, nec utilitate singulorum, sed communiter singuntur.* Pretium legitimum consistit in indivisibili, ut non liceat illud tantisper augere. Vulgare autem habet aliquam latitudinem, & dividitur in summum, medium, & infimum: ut si medium sit centum, infimum poterit esse nonaginta quinque, summum verò centum & quinque, ut docet Covarruvias lib. 3. variarum resol. cap. 3. num. 1. Ubi prævalet legitimum pretium, non licet illud supergredi, aut minuire; & si secus fiat, restitui debet. Sed ubi vulgare dominatur, potest idem mercis genus nunc pluris, nunc minoris vendi, modò non transiliantur fines summi aut infimi pretii: quod enim transilierit, restituendum est. Neque obstat lex *In cause cognitione*, D. de minorib. *Idem Pomponius ait, in pretio emptionis venditionis naturaliter licere contrahentibus se circumvenire.* Hoc enim intelligendum de circumventionem intra latitudinem pretii vulgaris, juxta Covarruviam loco cit. num. 2. Adhuc enim versatur quis intra justii pretii fines, si summum, aut infimum non transiliantur. Et prævalere debet illa quæ supra omnes leges excellit prohibitio Apostoli 1. Thessalonic. 4. *Ne quis supergreddatur, neque circumvenias in negotio fratrem suum, quoniam vindex est Dominus.* Et si verò in externo foro non concedatur actio ei qui vendendo villius, vel carius emendo non excessit dimidium justii pretii, l. 2. C. de resc. vendit. cui suffragatur cap. *Cum dilecti*, & cap. *Cum causa*, de empt. & vendit. id ita constitutum est ad vitandas innumeras lites & dissidia quæ nascerentur, si ex qualibet læsione daretur actio; non tamen per hoc extinguitur obligatio conscientie ad restituendum in foro interiori, & coram Dei judicio, in quo existit ratio usque ad ultimum quadrantem. S. Thomas 2.2. quæst. 77. art. 1.

V. Illa quidem lex 2. Cod. de rescind. vendit. loquitur de solo venditore læso ultra dimidium justii pretii, quia de solo venditore fuerant Imperatores interpellati. Quæritur an sit idem quoque judicium de emptore læso? Affirmat ibidem Accursius, eaque est communis sententia, licet Cujacius in paratit. eod. tit. hoc jus ad emptorem extendi nolit. Sed cum sit isto contractus mutuos ex eorum genere qui peræquæ sunt in gratiam utriusque, justitia exigit, ut eodem uterque jure gaudeat. Et ita sæpius in emptorum gratiam Aquilexensis Senatus judicavit. Quæritur præterea, quatenus sit æstimanda læsio ista ultra justii pretii medietatem? Glossa dictæ legis sufficere dicit ad rescissionem, si res ejus justum pretium est nummorum quindecim, vendita fuerit minus decem nummis. Sed receptius est, ut ad rescissionem in externo foro requiratur ut medietas sumatur respectu totius ac integri pretii conventi, juxta Cujacium & Mornacium ad d. l. 2. & sic judicari assolet in Curia Gallicanis. At in foro conscientiæ standum est his quæ dixi de læsione quantumvis exigua, quæ latitudinem transfilerit justii pretii, sive per excessum, sive per defectum.

VI. Quæritur an propter peculiarem in rem affectum, quæ neque legitimo, neque vulgari pretio æstimetur, ut sunt insignes quædam tabulæ, statutz, & similia, vendi possint quanti velit earum dominus? Affirmant quidam Sotus lib. 6. de justit. quæst. 2. art. 3. & Petrus Navarra lib. 3. de restit. cap. 2. num. 11. Sed istud non absolute concesserim; justus enim valor nunquam esse potest illimitatus; sic enim nulla servaretur æqualitas, nullaque proportio. dati & accepti. Tametsi autem privatio affectionis & oblectationis quæ habetur ex possessione & usu rei raræ atque insignis, sit pretio æstimabilis, ideoque justam præbere possit causam carius vendendi, non tamen illimitato ac enormi pretio, sed quali taxaretur à prudenti & insigniter perito harum rerum viro, qui rei raritatem ac singularitatem agnoscens, simulque ipsam oblectationem & affectum, intra aliquos tamen rationis & moderationis terminos æstimabit. Affectus namque immoderatus reddendus est ad aliquem discretionis modum, & nullatenus enormi pretio redimendus. Lessius lib. 2. cap. 21. dub. 3. & 4. num. 27. Obijcient verò nullam emptori fieri injuriam sponte & citra ullam necessitatem tanto pretio emere consentienti, cum sit unusquisque rerum suarum moderator & arcter, l. *In re madata*, C. mandati; & res tanti valeat quanti vendi potest, l. 2. §. *Si heres*, D. ad Trebellian. Respondeo hæc intelligenda esse intra modum & terminos rectæ rationis; alioqui per eandem rationem licitum esset mutuum dare cum usuris etiam omnem modum excedentibus, illi qui nullâ compulsus necessitate mutuum petit ad gameam, aleam & scorta infumendum; & omnes à Jure contractibus & humanæ societati præfixi limites dispellerentur.

VII. Item quæritur, utrum liceat rem suam eo nomine carius distrahere, quodd sit valde conunoda, aut etiam necessaria emptori? Respondeo negativè.

negativè cum S. Thoma 2.2. quæst. 77. art. 1. & Scoto in 4. dist. 15. quæst. 2. Martino Navarra cap. 23. num. 83. Petro Navarra lib. 4. de restitut. cap. 2. Lessio lib. 2. cap. 21. dub. 4. num. 31. Bonacina de contractib. disp. 3. quæst. 2. puncto 4. num. 27. & aliis communiter. Summa hujus ratio est, quia nemo potest licitè vendere rem alienam; atque ita cum præfatum emptoris commodum non pertineat ad venditorem, non potest ab eo vendi, aut ejus prætextu pretium augeri, ut neque creditor plus exigere à mutuuario ratione commodi eidem ex mutuata pecunia obventuri; dominium enim tam rei venditæ quàm mutuatæ ad solum mutuatarium, vel emptorem pertinet. In his duobus plerique delinquant, & istam venditorum injustitiam pauci Confessarii advertunt, vel ab ea dehortantur, aut eâ demum factâ, ad restitutionem ejus quod superexcedit obligant.

VIII. Contractus emptionis & venditionis consensu partium perficitur, ac ideo contrahi potest inter absentes per nuntium, aut per epistolam, ut docet lex 1. in fine, D. de contrah. empt. Ex traditionem ad sui essentiam & obligationem non requirit, sed tantum ad ultimum sui complementum, propter quod celebratur. Factâ ergo inter ementem & vendentem conventionione, uterque statim obligatur, etiam re non tradita, vel pretio nondum soluto. Eoque fit ut si post mutuam conventionem res deperat penes venditorem sine ipsius culpa, hoc damnum pertineat ad emptorem, juxta legem *Quod sapes*, §. *In his*, D. de contrah. empt. l. *Inter patrem* 2. §. *Sine pretio*, D. cod. l. *Empti fides*, C. cod. tit. & l. 1. & seq. C. de peric. & com. rei vend. Sylvester verbo *Emptio*, num. 3. Covarruvias præf. quæst. cap. 3. num. 5. Lessius lib. 2. cap. 21. dub. 12. Idem sentiunt Gallicani, Charondas in Pandectis Juris Francici, lib. 2. cap. 29. Despeisseus tomo 1. de empt. & vendit. sect. 3. num. 13. & 14. Similiter si vendita res tradita, fit emptori, necdum soluto pretio, & pereat, aut deterior penes eum fiat, damnum illud solum attingit emptorem, qui adhuc tenebitur ad pretium, d. l. *Empti fides*, C. de contrah. empt. hac ratione, quia res domino perit. Despeisseus loco cit. sect. 5. num. 30.

IX. Venditor non solum rem venditam emptori tradere tenetur, sed etiam si contingat rem venditam ab alio quopiam evinci de emptore, venditor tenetur erga emptorem de eviçione, l. *Servus quem*, §. 1. D. de act. empt. & vend. l. *Ex empto*, §. *Et in primis* 2. D. cod. l. *Qui fundum* 45. D. de eviç. Non tamen tenetur venditor de damno & interellè, nisi dolo suo emptorem circumvenierit; sed sufficiet si emptori pretium restituat quod acceperit, l. *Ex empto*, §. fin. D. de act. empti.

X. In venditione non licet uni contrahentium altero invito à conventionione discedere, l. *De contractu* 3. Cod. de rescind. vend. Possunt tamen intervenisse pacta quædam ab initio, per quæ contractus iste alterâ invitâ etiam parte dirimatur ex postfacto. Hujusmodi tria ista sunt: Pactum legis commissoriæ, pactum additionis in diem, & pactum redemptionis.

NNnn 3.

Vidimus

Vidimus superius quàm sit illicitum pactum legis commissoriæ in pignori-
bus & hypothecis; sed ejusdem legis pactio circa venditionem licite fit,
ut scilicet si intra statutum tempus pretium non solvatur, revocetur emptio
ac si facta non fuisset, l. *Cum venditor* 2. & l. *Si fundus* 4. in princ. & in
§. *Marcellus*, D. de lege commiss. Quin etiam emptor arrhas perdet, quas
dederit, nisi aliud expressè conventum fuerit, l. *De lege* 6. in princ. D. de
rescind. vendit. fructusque à se perceptos restituit, l. *Sed Celsus*, §. *Si fundus*,
D. de contrah. empt. & l. *Lege fundo venditio dicta*, D. de lege commissor.
Valet quoque pactum additionis in diem, seu de retrovendendo, ut si intra
præfinitum diem alius emptor meliorem obtulerit venditori conditionem,
seu majus pretium, prior venditio non subsistat, l. *Quoties*, in princ. D. de
in diem addict. Idemque jus est si fuerit pactum, ut possit venditor rem à se
venditam redimere intra præfinitum tempus, l. *Si fundum*, & l. *Si à te com-
paravit*, C. de pact. int. empt. & vendit.

XI. Dissolvitur pariter venditio in regno Gallie per retractum, qui fit
ab agnatis venditoris par pretium offerentibus intra annum incipientem de-
currere postmodum contractus. Cui locus fuit olim apud Judæos, Levit. 25.
& Ruth cap. 4. Invaluerat & apud veteres Romanos: sed hoc abrogarunt
Imperatores Valentinianus & Theodosius l. penult. C. de contrah. empt. Ro-
dintegratum verò est in Gallia ad bona immobilia intra consanguineos con-
servanda. Ideoque retractum intentans jurejurando affirmare compellitur,
velle sibi retinere, neque potest alteri jus suum cedere. Boërius decif. 139.
Imbertus in praxi, Mainardus lib. 2. cap. 81. Grimaudet lib. 2. de retract.
cap. 5. & lib. 6. cap. 4. Ad retractum agnationis scemina quoque admittuntur.
Despeisseus 1. p. tit. de emptione, sect. 6. num. 9. Grimaudet lib. 2. de re-
tractu, cap. 5.

XII. Dissolvitur quoque venditio per retractum feudalem aut cen-
sualem, quod vocatur etiam jus prælationis, sive retentionis: & excludit
hoc genus retractus ipsos quoque agnatos emere, aut retrahere volentes,
quia jus feudale ac censuale in proprietate & dominio fundatur ipsius præ-
dii, quale jus domini nullum præcessit in retrahere contendentibus agna-
tis. Huic juri, non autem agnatorum, favent Imperiales leges, l. fin. C. de
jure emphyt. & lib. 2. feudorum, tit. 9. §. *Porro*, Massuerius in praxi, tit. de
feudis 26. num. 4. Guido Papæ quæst. 415. Charondas lib. 2. Pandectarum,
cap. 15. Rebuffus tract. de constitut. reddit. art. 1. glossa 17. num. 15. His
juribus subjiciuntur omnia prædia moventia sive à Domino feudali, sive à
Domino quocumque directo. His etiam Dominis debetur quoque laudem-
nium ab emptore solvendum, cujus taxa & æstimatio varia est pro locorum
diversis consuetudinibus, vel statutis. Jus commune definit illud ad quin-
quagesimam partem pretii, vel æstimationis loci, l. fin. Cod. de jure em-
phyt. Hoc verò sciendum, majorem esse retractus feudalis, quàm genti-
litii prærogativam, quatenus agnati non possunt jus suum alteri cedere;
cùm

cum tamen Dominus directus possit jus suum retinendi cedere alteri, vendere, & omni modo transferre, ratione domini directi, in cuius fructibus censentur laudemia, census & retractus: quorum fructuum liberam habet dispositionem, ut testantur Charondas lib.3. responforum, cap.22. & lib.7. cap. 140. & 148. Mainardus lib.8. cap. 20. Mornacius ad legem 16. D. de legibus, Renatus Chopinus lib.3. de Domino, cap.23. num.5. aliique communiter.

XIII. Minimè usurarium aut illicitum est vendere frumentum aliasve fruges, aut etiam mutuare hoc pacto, ut vel pretium emptionis, vel par quantitas rei mutuo creditæ solvatur alio tempore quo fruges, aut merces istæ plus fortasse valebunt, dummodo istæ concurrant conditiones, & non aliter. Primò, ut liberum accipienti relinquatur solvere, si velit, aut possit ante id tempus solutioni præfinitum. Secundò, ut æquè incertum sit, utrum valor augendus sit, an minuendus tempore illo præfinito. Sic enim statuit caput *Naviganti*, §. *Ille quoque*, de usur. *Qua licet tunc plus valeant, aurum plus vel minus tempore solutionis fuerint valitura, verisimiliter dubitatur, non debes ex hoc usurarius reputari.* Idem habet caput *In civitate*, eodem tit. his verbis: *Nisi dubium sit, merces illas plus minusve solutionis tempore valitura, hæc tamen secunda conditio non requiritur in illo qui ideo præfinit tempus istud solutioni, sive mutui, sive pretii rei venditæ, quia jam apud se statuerat rem suam in id tempus servare, quo sperabat pretium auctum iri: utitur enim jure suo, nec aliud amplius quàm indemnitatem querit.* Præterea idipsum decernitur dicto cap. *Naviganti*, §. *Ratione*, his verbis: *Excusatur qui pannos, granum, vinum, oleum, vel alias merces vendit, ut amplius quàm tunc valent, in certo termino recipiat pro eisdem; si tamen ea tempore contractus non fuerit venditura. Sed in isto casu istæ conditiones servandæ sunt.* Primò, ut qui venditionem rei suæ in id tempus reservabat, quo pretium sperabatur auctum iri, potuerit simul actu ipso & jure suo disferre, qualis est qui fruges ex propriis latifundiis aut redditibus colligit. Non enim licitum est frumentatoribus & dardanariis (sic enim in Jure Romano vocantur) frumenta quæ ad negotium cœmerunt recondere, atque in opportuniùs ad lucrandum tempus venditionem eorum disferre. Horum enim cœmptione & occultatione fruges venales deficiunt, annona suppressitur, & plebecula fame & inopiâ absumitur. Quamobrem dicit Salomôn Proverb. 11. *Qui abscondit frumenta, maledicetur in populis: benedictio autem super caput vendentium.* Et canones distictè vetant recondere fruges vilius emptas in aliud tempus, ut ceteris in eodem loco vendantur, can. *Canonum*, & can. *Quienque*, 14. quæst.4. Secundò, ut expensas deducat, quas facturus idem venditor fuerat ad servandum merces suas usque ad præfinitum diem, ut est pretium conductionis horreorum, apothecarum, cellariorum, vasorum in quibus recondendæ erant. Præterea æstimationem computer diminutionis, deteriorationis & periculi harum mercium in id tempus referendam.

vandarum. Cum enim venditor aut creditor fiat ab his omnibus expensis & damnis immunis, ex quo res istas vendidit aut mutuavit, si ista non computaret, plus exigeret quam sibi ex iustitia deberetur, & ultra suam indemnitatem in illa anticipata pretii, aut nutui taxatione. Tertia demum requisita conditio est, ut si differatur pretii æstimatio quamdiu valitura res erit die, vel hebdomada, vel mense designatis, non computetur summum, sed tantum mediocre quod erit illa die, hebdomada, vel mense pretium, ut iusta quoad fieri poterit, servetur æqualitas. Ita communiter Summistæ, Angelus verbo *Ufura* 1. §. 36. M. Navarra cap. 17. num. 219. Covarruvias lib. 2. variar. resolut. cap. 3. num. 6. Petrus Navarra lib. 3. de restitut. cap. 2. num. 262.

XIV. Is qui bona fide rem furto ablatam emit, cum primum sciverit ejus dominum, tenetur obligatione rei acceptæ restituere domino, nec ullum jus habet petendi, aut compensandi pretium à se datum, nisi cum solo fure, non verò cum domino, l. *In civilem*, C. de furtis, l. *Si mancipium*, C. de rei vindicat. l. *Super empti*, Cod. de evict. Res enim aliena pro domino interpellat. Hoc tamen Doctores communiter ita modificant, ut is qui bona fide rem furtivam emit, possit re cognita, dissolvendo contractum, rem in eum statum in quo fuerat ante contractum reducere, atque ita rem furi à quo emerat restituere, ut ab eodem pretium recuperet quod solverat; cum admonitione tamen restituendi domino cui furipuerat, Sylvester verbo *Restitutio* 3. quæst. 7. Angelus verbo *Restitutio* 1. num. 1. Alexander Alensis 1. parte, quæst. 86. membro 3. art. 5. Gabriel Biel in 4. distinct. 15. quæst. 3. artic. 3. dub. 5. ubi citat Ostiensem, Navarra cap. 17. num. 9. Lessius lib. 2. cap. 3. dub. 3. num. 14. Hic enim contractus fuit omnino involuntarius, cui error causam dedit. Et aliunde licitum est unicuique bona fide agenti consulere juri suo præ altero: præsertim quum rescindendo contractum non constituit rem in diverso quam qui præcesserat statu, argumento legis *Si Preses*, C. de servit. & aqua: & cap. *Non licet*, 23. quæst. 5. Imò Alensis, Gabriel, Sylvester & Angelus hoc quoque extendunt ad illum qui scienter emisisset rem furtivam. Sed ab his dissentio cum Navarra num. 10. Qui enim mala fide acquisivit, transtulit in se omnem obligationem restituendi, quæ fur venditor erat obstrictus; & tenetur titulo injustæ acceptionis perinde ac fur, à quo emit scienter. Hoc tamen tenendum, quod si quis exiguo pretio rem majoris æstimationis redemit à fiste, aliòve injusto retentore, hoc animo ut eam domino redderet, jus habet repetendi à domino pretium à se erogatum, & tenetur dominus illud ei persolvere, utpote qui suum negotium utiliter gessit. Atque etiam in foro externoolvere compellatur, l. *Si quis absentis*, D. de negot. gest. & Insitit, de obligat. quæ quali ex contractu nasc. §. 1.

XV. Celebris est disputatio, utrum sciens pretium mercis mox esse minuendum, possit eam pretio currente vendere: Aut utrum sciens num-

morum

minorum valorem esse reducendum novo quod præparatur Edicto, possit cel-
lenter nummis quos habet, se expedire, sive emendo, sive debita redimendo?
Cicero quidem libro 3. officiorum, affirmat hæc esse contra justitiam, & in
fraudem alterius inficii contraheutis. Ex adverso nihil inesse injustitiæ do-
cent Sanctus Thomas 2. 2. quæst. 77. art. 3. ad 4. Caietanus ibid. Sylvester
verbo *Emptio*, quæst. 15. Sorus libro 6. quæst. 3. art. 2. ad 3. Covarruvias ad
regul. *Peccatum*, parte 2. §. 4. num. 5. & 6. alique communiter. Id probatur
exemplo Joseph, qui sciens mox futuram per plures annos frumenti cari-
tatem & agrorum sterilitatem, omne frumentum *Aegypti* pretio corrente
comparabat, Genesis 41. Et ratione ista firmatur, quia res iuste venduntur
& emuntur secundum præsentem æstimationem, sive mercium, sive monetæ.
Nec verò privata unius, aut alterius circa futurum notitia tollit præsentem
& approbatum rerum, aut nummorum valorem ac æstimationem, in quibus
fundatur pretii justitia. Præfatis quoque Authoribus suffragantur Armilla
verbo *Emptio*, num. 20. Petrus Navarra lib. 3. de restitut. cap. 2. num. 68.
Lessius lib. 2. cap. 21. dub. 5. num. 40. Bonacina de contractib. disput. 3.
quæst. 2. puncto 5. num. 12. 13. & 14.

XVI. Improbandum prorsus & usurarium est genus illud emptionis
venditionis, quo quis mutuum roganti offert merces ei vendendas altiori
pretio, sed tamen intra latitudinem iusti pretii, hac intentione easdem
merces protinus redimendi iusto quidem aliàs, sed minori pretio, quod
statim persolvitur ei qui mutuum rogaverat, quique hoc ipso restat obli-
gatus ad refundendum hoc pretium præfixo temporis termino, simulque
id quod superexcedit usque ad complementum majoris pretii in priori ven-
ditione stipulati. Hæc est insignis strophæ, quæ fœneratores obtegere stu-
dent metuum augmento lucri supra sortem cumulatam, occasionem injusti
lucri captantes ex inopia supplicis in necessitate sua mutuum rogantis.
Scio nonnullos hominum cupiditatibus nimium indulgentes contractum
istum approbasse, ducem sequentes Martinum Navarram Manualis cap. 23.
num. 31. Hæc sanè vel unica est deformitas, vel saltem præ reliquis paucis
insignior in scriptis gravissimi & sapientissimi Doctoris, quem decepit
iusti ex utraque parte pretii fallax prætextus: cum tamen manifestè se
prodat fœnerantis intentio mutuandi sub augmento lucri, & duplicem ven-
dicionem simulatam prætexendi ad operiendum verum & usurarium mu-
tuum. Contractum istum, quem Hispani vulgò *Adoharram*, Itali *Srocco* vo-
cant, meritò reprobant Sanctus Antoninus parte 3. tit. 8. cap. 4. §. 4. Medina
lib. 1. Summæ, cap. 14. §. 23. Toletus lib. 5. tit. 31. num. 5. Bonacina de con-
tractib. disput. 3. quæst. 2. puncto 3. num. 9. Sanè excusaretur ab usura ille,
qui summo pretio vendens nullatenus adduceret emptorem ad revenditio-
nem, si diverso tempore, & spontaneè, ac præter venditoris intentionem
emptor sollicitaret venditorem ad easdem à se merces emendas: tunc enim
cellat intentio mutui palliati & simulatarum venditionum, & potest in secunda


O O O O &c

& tempore disita venditione offerre justum infimum pretium eadem ratione & jure quo quivis alter possit. Prædictis adjunge duo provincialia Concilia, scilicet Mediolanense primum sub Sancto Carolo, & Bardigalense anni millesimi quingentesimi octogesimi tertii, diserte prohibentia ne cui præsentem pecuniam quærenti quidquam carius vendatur, ut statim à venditore per se, vel per interpositam personam vilius ematur. Hujusce generis retrovenditiones reprobarunt unanimes triginta Doctores Parisienses, & reprobationi subscripserunt mense Februario anni 1666. quorum deinde censuram suo chirographo approbavit sequente Martio Cancellarius Parisiensis Universitatis.



CAPUT X.

De Cambiis.

I.  AMSTUM est lucrosa pecuniæ cum altera pecunia permutatio. Distinguitur in fictum, quod vocant siccum; & in reale. Fictum, seu siccum, est verum mutuum, ementito cambii nomine, quo traditur pecunia sub adjunctione lucri solvenda, nullo alio titulo, quàm lapsus temporis, dilata in alium, qui fingitur, locum solutione. Et hoc illicitum est & usurarium, nisi fortè justificetur per verum lucri cessantis, aut damni emergentis interesse. Reale verò cambium bifariam distinguitur in minutum, & locale. Minutum est permutatio præsentis pecuniæ cum alia præsentis pecunia, sed inæqualium & disparium specierum, ut aureæ cum argentea, aut argenteæ cum ærea, aut pecuniarum diversè signatarum, quod sæpius contingit occasione migrationis in aliam provinciam, in qua quædam certo modo signatæ rejiciuntur, aliæ verò aliter signatæ recipiuntur; aut pro locorum in quæ aliquis professionem parat, diversitate, pluris, aut minoris valent. Locale cambium, seu ad literas, est permutatio pecuniæ præsentis cum alia pecunia alio loco per syngrapham solvenda.

11. Cambia realia, sive minuta, sive localia, superaddito pro numulario seu campfore moderato lucro, esse licita probat eorum necessitas, & publicum ex eis nascentis commodum, & onera ac pericula quibus se campfores adstringunt. Et in summa sunt eadem ratione licita, quæ cæterarum rerum justa commercia. Etsi enim primarius pecuniarum usus ad hoc sit institutus, ut sint rerum aliarum mensura & pretium; est tamen alter earumdem legitimus usus, habita ratione materiæ ex qua constant, ut mercium quoque loco habeantur, ita ut pecunia ex una parte tribuenda locum

locum mercis teneat, altera verò in ejus compensationem solvenda, sit loco pretii; atque habita materię ratione possunt ex causa permutari, aut vendi, aut locari pecunię.

III. Cambium locale, seu per syngrapham nonnunquam ita fit, ut solutioni præfigantur primę, vel secundę, vel tertię alicujus loci nundinę. Ad cujus intelligentiam sciendum est, nundinas ad quas cambium solvendum remittitur, celebrari quater solere quotannis inter mercatores quibusdam in locis, ita ut inter singulas nundinas spatium intercurrat trium mensium: quod intervallum mercatores requiri aiunt, ut commodè à loco in locum merces & pecunię præparentur & comportentur, & literę ad correspondentes ac socios transmittantur. Itaque cambium fieri ad primas seu proximas nundinas, nihil est aliud quàm mutua inter campforem & campfarium conventio, ut fiat solutio intra trimestre; ad secundas nundinas, intra sex; ad tertias verò, intra novem menses.

IV. Summa iusti cambii lex est, ut servetur, quemadmodum & in aliis commerciis, æqualitas dati & accepti; quę sicut in aliis mercimoniis, variatur pro paucitate aut multitudine campforum & campfariorum, pro difficultate majori aut minori transportandi alia in loca pecunias, pro expensarum modo, pro periculis itinerum majoribus, ut tempore pestis, aut hostilis incurfionis, aut latronum infestationis; pro locorum in quę fit transmissio longinquitate, pro pecuniarum in diversis locis majore, vel minore valore, aut etiam reprobatione & inutilitate. Augere verò, aut etiam admittere quidvis lucri ex dilatione temporis ad solvendum præfiniti, prohibetur non minùs in cambio quàm in mutuo, tanquam usurarium ac fœneratitium, ut declarat Pii V. Constitutio, & Casuistę omnes docent.

V. Quod verò attinet ad cambii condiciones quas præscribit Pii Constitutio anni 1571. relata à Navarro cap. 17. num. 283. eę ad has reducuntur. Prima, ne campfor paciscatur de lucro ratione dilatę solutionis ultra terminum. Hinc tamen excipiendi sunt casus legitimi interesse, modò conventio præcesserit illud subeundi ac præstandi; quod etiam fieri licet in mutuo. Secunda enim quam Bulla præscribit conditio, ne de certo quodam interesse pactio fiat, sive ante, sive post cambium, quoniam ista non fundatur nisi in præsumptione fraudis, non obligat nisi in externo foro, non autem in foro conscientię, si fraus absit, sive quis paciscatur de certo, sive de incerto interesse, ut docent ibid. Navarra, alique communiter Doctores. Tertia conditio, ne aliter fiant realia cambia quàm ad proximas nundinas, vel ubi nundinę non sunt, ad proximum terminum in cambio designari consuetum ad talem locum; intelligenda est cum Navarra & reliquis, non quòd veter cambium ad secundas, vel tertias nundinas, non enim vult Papa differri prorsus solutionis terminum, cum fiat in campfarii majus solamen; sed ne propter hanc dilationem augeantur

OOoo 2 lucra

lucra nummulariorum, Navarra cap. 17. num. 183. Reginaldus lib. 25. cap. 33. num. 467. Bonacina disp. 3. quæst. 5. num. 9. Toletus lib. 5. cap. 53. num. 7. & cap. 55. num. 2. Tota itaque Bullæ hujus prohibitio in hoc versatur, ne contemplatione dilatæ solutionis quærantur per cambium lucra usuraria, & statuit conditiones quæ in externo foro locum dent præsumptioni usurarum.


VI. Lucri verò justam quantitatem, si non sit lege præscripta, referendam esse perspectis locorum distantiae, laborum, periculorum, & usus & qualitatibus monetarum commutandarum, aliisque circumstantiis, ad proborum, & in his negotiationibus peritorum virorum arbitrium, præfati doctores Authores.

VII. Disceptatur inter Doctores, utrum cambium cum recambio, quod vocant Itali *con la ricorsa*, sit licitum? Id fit quum Titius accipit Mediolani à campfore nummos centum solvendo Placentiæ, ubi Titius nec pecuniam habet, nec respondentem: ideoque Titius campforem rogat sibi concedi ipsius campforis procuratorem, seu respondentem qui Placentiæ residet, ut nomine ipsius Titii satisfaciatur, & solvat campfori. Campfor itaque literas Placentiam ad suum correspondentem dirigit. His acceptis correspondens nomine Titii eandem summam recambit Mediolanum ad campforem, ut centum nummos exigit à Titio. Quidam Doctores dicunt id esse speculative licitum, sed tantis obvoluntum fictionibus quæ malam fidem arguunt, & tantis mali apparentiis indutum, ut praxim dicant esse dissuadendam. Alii verò prorsus & speculative & practice dicunt illicitum: rationes verò quibus licitum ab aliis asseritur, tam exilis esse subtilitatis, ut pondere & soliditate destituantur. Ideoque meliori judicio reducant ad cambium siccum, hoc est ad mutuum usurarium, sed palliatum titulo ementito cambii localis: cum tamen & datio, & solutio pecuniæ nec Placentiæ, nec alibi nisi Mediolani faciendæ sit; Titius verò nec voluntatem, nec necessitatem habeat Placentiam, ubi neque pecuniam, neque ulla negotia habet, commigrandi. Et his accedit, quod Placentinus ille campforis Mediolani versantis procurator & correspondens, unam & eandem in jure personam cum suo socio, Mediolanensi campfore constituit, atque ita nullus est recambio locus, sed tantum mutuo usurario, quod falso nomine obvelatur cambii realis & localis. His demum adijunge, quod campfarius involuntarie solvit, illoque falso circuitu uti cogitur faciendæ in Placentina urbe solutionis; cum tamen reverà Mediolani futurum sit ut solvat. Et quisquis sit pretextatus ille consensus, non magis usuram purgat quam consensus solvendi ufuras ejus debitoris qui non potuit aliter mutuum ab usurario accipere.

VIII. Cambium reale multis modis licitum est, modò in pretio non excedatur, sive campfor campfario numeret pecuniam ab ipso alibi solvendam, sive ex adverso campfarius numeret campfori pecuniam alibi ab illius respon-

respondente persolvendam, siue pecuniæ plus aut minus valeant in loco ubi primum recipiuntur, quàm in loco ubi solvendæ erunt, dummodo fiat horum ratione augmentum, vel diminutio de pretio, quod iuste exigetur si utrobique pecuniæ paris valoris essent. Sylvester verbo *Usura* 4. §. 8. Navarra in cap. fin. de usur. num. 61. Toletus lib. 5. cap. 54.

IX. Campsor, aut respondens nihil exigere à campfario possunt ratione laboris numerandæ pecuniæ, vel scribendi literas quas mittant ad correspondentes. Ratio liquet, quia hic labor ab eis debetur ex natura contractus, non minus quàm labor emptoris in pecunia venditori numeranda, vel scribendi ad amicum vel debitorem suum, ut eidem exsolvat.



CAPUT XI.

Utrum is qui ex re aliena lucrum retulit, quod dominus rei non retulisset, possit illud sibi retinere.



UASTIO ista non procul distat à materia cambiorum, de qua disputatum paulò antè fuit. Fieri enim potest, ut famulus vel negotiorum gestor, cui dominus crediderit pecuniam creditori suo solvendam, hac utatur pecuniâ, quæ sit aurea, ad cambium minutum, quo permutet eam cum moneta partim argentea, partim ærea, cum adiectione lucri; ex illa verò vilioris materiæ compermutata pecunia creditoribus domini sui satisfaciât. Quæritur nunc, utrum ille possit sibi hoc lucrum retinere? Stabiliatur in primis generalis decisio.

II. Is qui ex re aliena lucrum suâ particulari industriâ retulit, quod dominus rei non retulisset, potest sibi licitè illud lucrum retinere, siue ex bona, siue ex mala fide rem alienam possederit. Atque ita campfor iste alienæ, sibi que creditæ pecuniæ, non tenetur hoc lucrum restituere, nisi eo casu quo dominus ejus aut mandator hoc sine pecuniam altioris materiæ & pretii credidisset, ut creditoris gratiam iniret, aut ut creditor majus inde commodum referret; eo namque casu restituere teneretur ob violatam justitiam. Ita Navarra cap. 17. num. 25. Molina de justitia, tract. 2. disput. 402. Lessius lib. 2. de justit. cap. 23. dub. 2. num. 18. Bonacina de contractibus, disp. 3. quæst. 5. num. 5. Reginaldus lib. 25. cap. 33. num. 450. Similiter fur qui ex aliena pecunia, siue per suam industriam, siue per fortunam suam, ut si pecuniam ablatam ludo exposuerit, ex quo notabile lucrum sit consequutus, quod domino rem suam, aut pecuniam possidenti non obve-

niisset.

nisset, potest sibi lucrum retinere. Ratio est, quia id lucrum est fructus ejus singularis industriæ, aut fortunæ. Hæc autem cum sint personalia, si nulum pactum in oppositum intercessit, non fructificant nisi soli personæ in qua sunt. Præterea sufficit alienæ rei detentori ea restitutio, per quam læsus dominus reddatur indemnis: at iste redditur indemnis, si res ablata cum omni damno & interesse illi restituatur. Ergo qui his omnibus reſarcitis superſunt fructus, vel industriæ, vel fortunæ singularis, non ſubjiciuntur reſtituendi obligationi. Hæc docet Sanctus Thomas 2. 2. quæſt. 78. art. 3.

III. Præterea hoc idem in Jure decernitur apertè pluribus locis. Ait enim lex *Si ex ea pecunia*, C. de rei-vindicat. *Si ex ea pecunia quam deposueras, is apud quem collocata fuerat sibi possessiones comparavit, ipsique tradita sunt, tibi vel omnes tradi, vel quosdam ex his compensationis causa ab invito eo in te transferri injuriosum est.* Similis est decisio in lege *Qui vas* 48. in fine, D. de furtis. Cum fur (inquit) rem furtivam vendidisset, eique nummos pretii dominus rei per vim extorsit, furtum eum nummorum fecisse responsum est. Et paulò post: *Nummus qui redactus est ex pretio rei furtiva non est furtivus.*



C A P U T XII.

De censibus, & de contractu emphyteutico, & de feudis.

PÆTERMISSIS aliis vocis *Census* notionibus, tractamus hæc de censu quatenus definitur, Jus percipiendi annuam pensionem ex re, vel persona alterius sub pretii constitutione. Dico jus, quia census non est pensio, propriè loquendo, sed jus ad pensionem, ut communiter asserunt Doctores. Dico ex re alterius, quia nemo in re sua propriè dicitur habere censum, sed dominium; non pensionem, sed proprietatem. Dixi sub pretii constitutione, quia contractus iste reciprocus est, & species quadam emptionis venditionis, in quo ille qui jus acquirit ad pensionem oblato pretio, dicitur emptor; ille vero qui recepto pretio se ad solvendam annuam pensionem obligat, dicitur venditor, non quidem rei permanentis & fixæ, ut fieri allolet in emptione venditione communiter usitata; sed rei successivæ ac redeuntis, qualis est annua pensio. Gallicè censualis contractus vocatur *Achapt de pension, ou constitution de rente.*

II. Censuum duæ sunt species. Alius enim est census reservativus, alius

alius consignativus. Reservativus est quo aliquis rem suam in alterum transfert secundum utrumque dominium, directum & utile, reservata sibi solummodo annua super illa re pensione. Hujusmodi fuit census quem Joseph ab Aegyptiis emit, transferendo in ipsos terras Aegyptiae regionis hac lege, ut quintam fructuum portionem annuatim Pharaoni penderent, Genetis 47. De hac specie nulla est mentio in Constitutione Pii V. ut notant Boninsignius, Lessius, Bonacina. Ideoque prohibitio illius Constitutionis, ne pactum legis commissoriae apponatur in contractu censuali, non habet hic locum, sed solum in censu consignativo. Ideoque licitum est pacisci in censu reservativo, ut res super qua constituitur, seu qua emitur pensio, cadat in commissum, hoc est revertatur ad eum qui pensionem constituit, si pensio certo annorum decursu non fuerit soluta, ut docent Covarruvias libro 3, variarum resolut. cap. 7. num. 1. Lessius, Bonacina, alique.

III. Differt verò, iisdem testibus, census reservativus ab emphyteusi, quia in emphyteusi non transfertur directum, sed tantum utile dominium; sed in reservativo censu transfertur utrumque dominium. Secundò, quia si in emphyteusi rei Ecclesiae non solvatur pensio intra biennium, aut in emphyteusi rei secularis intra triennium, dominium utile cadit in commissum, & redintegratur cum directo dominio ipso jure: secus autem erit in contractu censuali, nisi de hoc expressè conventum fuerit. Tertiò, quia non potest emphyteuta praedium emphyteuticum vendere, nisi praemonito Domino directo; alioqui enim cadet in commissum, & dominium praedii utile revertetur ad Dominum directum: & insuper etiam praemonito Domino directo debetur laudimium. Ad neutrum autem horum obligat census reservativus.

IV. Censui consignativus contrahitur quando aliquis super re sua, cujus dominium saltem directum retinet, vel etiam super propria persona, consignat alteri jus annuae pensionis. Itaque census consignativus dividitur in personalem, realem, & mixtum. Realis census fundatur super aliqua re, vel praedio. Personalis constituitur super persona quae se obligat ad pensionem solvendam, quatenus haec persona capax est acquirendi, sive per proprium laborem, sive per suam industriam; & transfert in alterum quempiam jus exigendi aliquid annuatim ex acquisitis à se per laborem proprium ac industriam. Etiam si verò hic apponatur iuterdu bonorum hypotheca ad maiorem pensionis personalis securitatem, hoc fit non virtute contractus censuali, sed per alterius contractus adjunctionem, nimirum hypothecae: neque census constituitur super illa hypotheca, sed super ipsa persona; neque ex hypotheca, sed ex persona pensio solvenda est, nisi accideret ut ex persona, seu ob ipsius personae moram, aliamve causam pensio recuperari non posset.

V. Disputant Doctores, utrum jure naturae licitus sit census personalis?

nalis? Negant esse jure naturæ licitum S. Antoninus 2. parte, tit. 1. cap. 8. Angelus verbo *Usura*, §. 78. Martinus Navarra comment. de usur. num. 79. 80. 81. Molina tomo 2. tract. 2. disput. 387. & alii. Affirmat verò licitum Panormitanus in cap. *In civitate*, de usur. Conradus de contractib. quæst. 74. & 75. Major in 4. distinct. 15. quæst. 34. Gabriel Biel ibid. quæst. 12. art. 1. concl. 1. Sotus lib. 6. de justit. quæst. 5. art. 1. concl. 4. Joannes Medina de usuris quæst. 11. §. *Sed quæret aliquis*, Covarruvias libro 3. variarum resolut. cap. 7. num. 4. & 5. Thomas Boninfignius cap. 4. num. 4. & sequentibus, Lessius libro 2. cap. 12. dub. 4. num. 18. & seqq. Bannes 2. 2. quæst. 78. art. 4. Bonacina de contractib. disput. 3. quæst. 4. puncto unico, num. 3. Salas de censib. dub. 3. num. 2. Valentia, Filliucius & alii affirmantes posse personalem censum institui in locis, ubi non est recepta Extravagans Pii V. incipiens, *Cum omnes*; atque hujusmodi prohibitionem esse juris tantum positivi humani, necnon alia ibi diversa prohibita circa census. Porro argumenta utrinque ab oppositis inter se Doctoribus proposita recenset Lessius loco cit.

V I. Mixtus denique census fundatur in re simul & persona, ita ut si res dispareat, continuetur nihilominus obligatio pensionis exsolvendæ in ipsa persona. Hæc species census ob admixtionem personæ reprobatum & vetatur per dictam Pii Extravagantem, quamvis jure naturæ licitum affirmet citati Auctores.

V I I. Jure ipso naturæ, atque seclusâ illâ Pii Constitutione, quæ non est recepta in Gallia, conditiones ad contrahendum censum requisitæ sunt: Primum ut adsit intentio emendi & vendendi, ne sub prætextu census incatur mutuum usurarium; contractum enim vis & obligatio dependet à contrahentium voluntate. Secundò, ut interveniat justum pretium; debet enim quælibet res tanti vendi quanti valer. Justum pretium census illud censetur, quod lex, vel communis proborum & prudentium æstimatio, perspectis rerum & locorum circumstantiis, temporum occurrentiis, commerciorum & pecuniarum raritate, vel copîa, approbaverit. Minimè tamen exigitur ut pretium census propriè & strictim adæquet pensiones persolvendas; non enim emuntur futuræ pensiones, sed jus illas decipiens exigendi. Id liquet in simili emptionis agri, cujus pretium multum deficit à valore omnium ex eo futurorum proveniunt. Ad justitiam pretii pertinet præterea, ut majori pretio ematur census perpetuus quàm temporalis, & plurium annorum census quàm pauciorum. Item in æstimatione censuum habenda est ratio graviorum aut leviorum onerum, quæ sive emptori, sive venditori imponuntur. Tertio requiritur, ut res super qua census constituitur, sit in libera dispositione constituentis. Nemo enim plus juris in alterum transferre potest quàm ipse habeat, l. *Nemo plus juris*, D. de regulis juris, & cap. *Nemo potest*, eodem tit. in 6. Transfertur autem dominium pretii, seu rei super qua census constituitur, in vendito-

rem. Ideoque non potest maritus sine uxoris consensu constituere censum in fundo dotali. Quartò requiritur, ut si res censita pereat, aut sterilis evadat sine censuarii culpa, sive in totum, sive pro parte, cesseret vel in totum, vel pro rata parte obligatio census.

VII. Censum quoque alii constituuntur perpetui, alii ad aliquod tempus. In censibus temporalibus ille quem vitalitium vocant, is est qui durabit ad vitam ejus qui jus habet percipiendi censum, & quo ex vivis decedente, statim census extinguetur sine ulla obligatione restituendi sortem, sive capitale. Hunc censum constat esse licitum, sicut licita est emptio venditio usufructus ad vitam usufructuarii, l. *Necessario*, §. *Cum Usufructum*, C. de peric. & com. rei venditæ. De vitalitio itaque censu quaeritur quænam sit justa illius pretii taxatio? Varii diversa respondent. Justitiæ consentaneum præ reliquis duco hac in re judicium Bonacinae de contract. disp. 3. quæst. 4. puncto unico, num. 18. pretium esse taxandum attento ultimo vitæ termino, ad quem naturaliter potest attingere vita ejus personæ cui solvendus est census, illorum annorum sumendo medietatem, qui deductis casibus fortuitis possent probabilius ad eum terminum pertingere; atque ita pretium census adæquare debet illorum annorum illam quam dixi medietatem. Ratio est, quia sic æqualitas exactior servabitur, & uterque contrahentium æqualem subibit sortem lucris & jacturæ; cum aliquo casu ex innumeris qui humanæ vitæ decursu occurrunt, fieri possit ut censuista ad illam medietatem non accedat; quemadmodum evenire quoque potest ut eam excedat. Quare (ait Bonacina) si tradens centum aureos ad constituendum sibi censum vitalitium, sit quadraginta annorum, & perspecta ejus valetudine, statu vitæ, indole, professione, & quibus exponi solet periculis, judicetur posse ad annos sexaginta pertinere, poterit quotannis exigere aureos decem. Præterea taxatio ista manifestum habet in Jure fundamentum, l. *In computatione*, D. ad legem Falcidiam.

IX. Census quidem temporalis generatim omnis ille est, qui ad tempus dumtaxat, sive incertum, ut est vitalitius; sive certum, putà ad definitum annorum numerum constitutus est: quorum censuum uterque adventu præfixi termini extinguitur, nulli (ut dicit Lessius) refusa sorte. Atque utrumque, modò sit realis, posse minoris emi quàm sint omnes simul junctæ pensiones, docet Covarruvias lib. 3. var. resol. cap. 7. num. 3. & 4. Caietanus verbo *Usura*, sub fin. Lessius lib. 2. cap. 22. dub. 6. Conradus quæst. 79. & 80. Navarra Manualis cap. 17. num. 230. & in comment. de usur. num. 71. quo loco dicit, posse centum aureis emi pensionem annuam decem aureorum pro quindecim annis. Et utique certum est in perpetuis censibus pensiones, longè tamen simul junctas, excedere valorem sortis collatæ in pretium. Cum enim ematur non annuus census, sed jus ad illum, æstimatur minoris jus, seu actio ad censum, quàm speratum emolumentum

mentum, & minus est habere actionem quàm rem, l. *Minus est*, D. de regulis juris. Similiter justum empti agri pretium nunquam æquivalet omnibus futuris proventibus, si simul cumulerentur. Quod igitur esset usurarium in contractu murui, quod est totum sine ullo augmento, ne quidem fructuum pignoris, elapso præfixo termino restituendum; est tamen licitum in contractu census bona fide inito, in quo pensio nihil de sorte diminuit.

X. In Extravagantibus communibus, tit. de empt. & vendit. duæ habentur Constitutiones planè conformes, Martini V. & Callisti 111. continentibus multas illius census, de quo interrogabantur, condiciones, quarum præcipuæ sunt istæ: Ut certa res immobilis & fructifera designetur, cui census imponatur, eaque res immobilis sola maneat affectata & obligata solutioni census. Item ut census non excedat fructuum illius rei immobiliæ æstimationem, verbi gratiâ, agri sativi, sylvæ cæduæ, horti, vineæ, prati, oliveti, stagni, lacus, pascui. Item, ut re illa immobili depereunte fortuito casu, census extinguatur. Illa verò res immobilis debet assignari à venditore census ex propriis bonis, non verò emptoris. Prætereaque in venditoris ipsius bonis debet res illa inuolubilis permanere, nullatenus verò per venditionem ad emptorem transferri, ut falsò existimavit Bartholomæus Carranza, ob id iustè à Navarra reprehensus: fundus enim ille ad hoc solum desideratur, ut sit subiectum in quo fundetur census: voluntque Pontifices Martinus & Callistus, cum hypothecari ad securitatem solvendi census super illo constituti, non verò alia venditoris bona, ad hoc nimirum ut census sit metè realis, & non personalis aut mixtus, cujus generis nulla est in duobus illis Rescriptis mentio. Quod si fundus per venditionem à Carranza exogitatum transiret in emptorem census, non una, sed duplex venditio celebraretur, nimirum fundi & census, & contra Juris dispositionem jus emptoris ad exigendum censum à venditore suam omnem haberet hypothecam, non in rebus debitoris, sed ipsius creditoris qui est emptor: quod gravem involvit absurditatem. Præterea exponunt Martinus & Callistus, pretium pecuniarium quo census emitur, esse justum; ut scilicet habeat cum censu qui emitur proportionem, & cum fructibus prædii à venditore assignati ad constitutionem & securitatem census, ne scilicet census excedat valorem fructuum fundi super quo constituitur. Requiritur insuper ut pretium integrum statim ab ipso initio persolvatur. Item, ut census, quotiescumque venditor volet, possit vel in totum, vel ex parte redimi, refuso agro, vel pretio. Item requirunt ne venditor ullo unquam tempore redimere compellatur; alioqui enim census degeneraret in mutuum palliatum, essetque usurarius. Mutuum quippe in hoc differt à censu, quatenus emptor census omni privatur jure repetendi datam à se sortem; sed mutuans retinet sibi jus recuperandi mutui, ideoque nihil aliud quidquam ei exigere licet, neque fructus pignoris ac hypothecæ, nisi tantundem demendo sibi de sorte mutuata. Ex opposito potest

potest emptor census annuatim censum exigere sine ulla sortis diminutione, quā ita se abdicavit, ut non possit unquam repetere, quāvis possit sponte oblatam resumere.

XI. Quæ porro subsequuta est Pii V. Constitutio, præfatis conditionibus quas approbat, quasdam superadjungit, quarum, aut etiā unius earum defectu contractum censuale in externo foro valit haberi pro usurario, etiāsi in foro conscientiæ & rei veritate non sit fortasse talis, nisi quoad unam aut alteram conditionem, ut est ista: Ne pensio anticipetur, idest ne exigatur nisi ratione temporis elapsi. Si enim emptor dum pretium numerat, detraheret ex eo pensionem primi anni, quæ non debetur nisi finito anno, usuram committeret contra jus naturæ cum restituendi obligatione. Constitutiones etiā Martini & Callisti aliquas memiorant conditiones quæ non sunt juris naturæ, non quidem illas præcipiendo, sed quia in ipso facto & usu erant, de quo Pontifices interrogabantur. Quorum conditionum Dominicus Soto lib. 6. de justitia, quæst. 5. art. 1. & Lessius lib. 2. cap. 22. dub. 12. num. 75. duas tantum esse de juris naturæ agnoscunt istas: 1. Ut justo pretio census ematur: 2. Ut venditor ad redimendum censum nullatenus compellatur.

XII. Laudemium non potest admitti circa censum. Ratio est, quia emptor census non habet dominium directum rei, sed solum jus exigendi fundatam super ea re pensionem. Venditori quoque census servatur libertas alienandi rem immobilem & fructuosam, super qua census est constitutus; ita tamen ut eandem rem indivulsè comitetur obligatio census, atque ita transeat ad novum ejusdem rei dominum, quemadmodum obligatio hypothecæ transit cum re hypothecata. Sicut ergo res hypothecata potest liberè vendi à debitore etiā invito creditore, ita etiā res censui subjecta, Laudemium autem debetur in emphyteusi, quia cum non habeat emphyteuta nisi utile dominium, non ei licet nisi consulto Domino directo rem ab eo in emphyteusim acceptam alienare: eoque casu debetur Domino directo laudemium in hujus dominii recognitionem, & solvitur non à venditore, sed ab emptore in recognitionem novæ, quam recipit, investituræ.

XIII. Vetat quoque Pius V. censum jam constitutum augeri ex pensionibus cessis: quod intellige antequam ipsæ fuerint reipsa persolutæ; sic enim prohibentur Jure quoque Civili usuræ usurarum, l. *Ut nullo modo*, C. de usur. Sed soluta semel pecunia censualis potest dari in novum constitutæ pensionis augmentum. Namque in comment. de usuris, num. 94. Lessius lib. 2. cap. 22. dub. 12. num. 87.

XIV. Etiāsi Constitutiones Martini & Callisti permittant census redimi quoad aliquas partes, & astringant emptores ad has diminutiones oblato pretio subeundas; Pius tamen V. non censuit emptores ad hoc onus subeundum compellendos: hoc enim valde incommodum est, saltem in

PPP 2 exilium

exilium partium redemptione. Sors quippe diversis & exiguis redempta solutionibus emptori ferè redditur inutilis, qui si summam integram, aut ejus saltem notabilem partem reciperet, posset vel alium alibi censum constitutere, aut prædium aliamve rem frugiferam emere, ut post Thomam Bonin-signium idem docet Lessius num. 93. Standum verò in his Partium conventionibus ab initio contractui appositæ.

X V. Quemadmodum emphyteutæ libera conceditur alienandi facultas, salvis juribus Domini directi, ut sunt jus prælationis, seu retentionis, & jus laudemii: idem censendum pariter de vassallo feudum alienante, dominante; vendente, oppignorante in regno Galliz, juxta Edictum Aurelianense de feudis, art. 1. & 2. Verumtamen neque prædium emphyteuticum, neque feudale alienari permittitur inconsulto Domino directo, cui competit jus illud prælationis, ut sibi retinere fundum possit, si velit, sub eodem pretio, iisdemque conditionibus: eique ad deliberandum si hoc jure uti velit, & pecuniam ad pretium comparandam conceduntur duo menses, quibus elapsis excidit jure retinendi pro hac vice; sed debet novo emptori dare investituram, pro qua jus habet exigendi ab eodem laudemii. Si verò emphyteuta, aut vassallus non requisito directo Domino fundum alienaverit; aut si triennio censum aut canonem annuum non persolverit, aut etiam biennio, si fundus ad Ecclesiam pertineat, nisi hujusce temporis interjecti negligentiam ac moram quamprimum celeri satisfactione purget ac consignet, juxta cap. *Pornis*, de locato & cond. item si vassallus obsequia & clientelam post trinam interpellationem non præbuerit; his casibus fundus emphyteuticus aut feudalis cadit in commissum, expulsoque conductore aut vassallo qui investituram à Domino directo sumplerat, revertitur ad patronum, & coalescit utile dominium cum directo. Hæc omnia constituit Justinianus l. 2. & 3. C. de jur. emphyt. Sylvester & Julius Clarus in verb. *Feudum*. Communia hæc sunt inter emphyteusim & feudum. Differunt tamen hæc duo, quia Dominus feudalis habet quoque jus in personam vassalli, sive per jurisdictionem, sive per additionem ad certam quædam personalia obsequia, quale est homagium, quibus caret emphyteusis, quæ Gallicè dicitur *nouveau bail*.

X V I. In Regno Galliz neque emphyteuta, neque vassallus poenam privationis seu commissi sustinet ob omissionem in alienatione denunciationem, cum liberum sit ipsi Domino directo per retractum, seu jus retentionis fundum alienatum sibi vindicare. Joannes Faber in §. *Item Serviana*, Instit. de actionib. Papo lib. 3. placitorum tit. 1. num. 39. Melchior Pastor lib. 4. de jure feudali & emphyt. tit. 3. num. 3. Quinimò in hoc Regno non privatur vassallus feudo, ne quidem in casu rebellionis, quam vocant *se-tonnie*, nisi post Judicis sententiam. At si rebellio fuerit contra Regem, aliudve fuerit commissum læsæ Majestatis crimen, vacat feudum ipso jure. Pastor de jure feud. lib. 7. tit. 2. num. 2. Præterea in casibus civilibus, in quibus

quibus jus commune & libri feudorum privant vassallum feudo, ut est in canone per triennium non persoluto, in alienatione feudi non requisito Domino directo, in mora recognoscendi Patronum, aut ei debita exsolvendi post trinam admonitionem, in his, aliisque similibus mitius cum emphyteutis aut vassallis agitur in hoc Regno, adeo ut nec ipso jure, nec per sententiam primam poena commissi soleat irrogari, sed judicio compellitur vassallus debita jura Domino prestare, indicta etiam in contumacem multâ pecuniaria. Mornacius in l. 2. C. de jure emphyt. Et licet emphyteutæ qui canonem per triennium non prestatit purgare moram, sicut etiam cuivis debitori in pari mora solvendæ pensionis constituto, Expillius placitorum cap. 122.

XVII. Retractus quoque Domino directo competens super feudali aut emphyteutico prædio, præfertur retractui agnatorum, utpote prior & vetustior, cum ex ipsa investitura ortum habeat, Baldus in l. Imperator, in fin. D. de pactis. Jason in l. fin. C. de jure emphyt. Pastor lib. 6. de jure feud. tit. 6. n. 2.

XVIII. Porro is qui utile dominium possidet, si post quantumlibet annorum decursum probet, exhibitis apochis trium coherentium annorum, solutionem census, non potest cogi exhibere chirographa præcedentium annorum. Idemque jus obtinet quivis annuæ pensionis debitor, juxta l. *Quicumque*, C. de apochis publicis, lib. 10. nisi in illis apochis contineatur protestatio de pensionibus anterioribus non solutis. In horum defectum, idest si nec tria solutionis annorum coherentium chirographa exhibentur, nec solutionis annorum præcedentium, potest compelli debitor ad vigintinovem annorum persolvendum censum. Carolus Loiseau tract. *Du déguerpissement*, lib. 1. cap. 5. num. 3. Et hæc obtinent in censibus prædiorum domanialibus, Gallicè *Rentes foncières*. At verò in censibus pecuniâ emptis, aut etiam in censibus prædiorum non importantibus directum dominium, Gallicana Ludovici XII. Constitutio anni 1512. art. 71. non permittit reliqua censuum præteritorum exigi ultra quinquennium, ut docet Loiseau ibid. cap. 6. n. 11.

XIX. Si post contractum emphyteuticum fundus depercat in totum, liberatur emphyteuta ab omni obligatione, cum ejus deperierit fundamentum: si verò pars aliqua fundi reliqua sit ab alterius etiam majoris partis deperditione, emphyteuta damnum illud sustinebit, nisi partes aliter convenerint, l. 1. C. de jur. emphyt. & ibi Glossa in verb. *Particulare*, approbat sententiam Bulgari, quod emphyteuta sustinere debeat damnum quo major pars prædii deperdita fuerit, cum lex ipsa absolute & indistincte decernat; & §. *Adèò*, in fin. Instit. de locat. & conduct. liberatio emphyteutæ non asseratur nisi postquam tota rei substantia perierit, & non ex parte: contra Martinum qui hoc limitabat ad deperditionem mediæ partis. Ratio est, quia emphyteuta pensionem pendit in recognitionem dominii directi potius quàm in compensationem fructuum.

XX. Hoc tamen tenendum est circa occurrentem alicujus anni sterilitatem in prædio conducto, si nihil omnino provenierit, remittendam esse totam ejus anni pensionem, juxta communem Doctorem sententiam in l. *Ex conducto* 15. D. locati. Sed si aliquis valde exiguus fuerit proventus, eo casu remittendum esse pro rata de anni pensione, nisi cum ubertate præcedentis, vel sequentis anni valeat sterilitas illa compensari, ut decernit cap. *Propter sterilitatem*, de locat. & conduct. & colligitur ex l. *Si merces*, §. *Vis major*, D. locati. Et hanc esse communem doctrinam testantur Gomezius tom. 2. cap. 3. n. 18. & Lessius d. cap. 24. n. 16.

XXI. Nec omittendum, quod spectat ad pensionum non solutarum reliqua, distinguendum esse in Gallia inter census pecuniâ emptos, & census prædiales. Censuum enim pecuniâ emptorum reliqua non soluta exigi non possunt ulterius quàm à quinque proximè præcedentibus annis, ut statuit Ludovicus XII. Edicto anni 1510. art. 71. At verò in censibus prædialibus, quæ vocamus *Rentes foncières*, & in censibus quoque feudalibus potest directus Dominus exigere reliqua pensionum non solutarum (excepto paulò antè memorato privilegio apocharum trium annorum coherentium) usque ad annos vigintinovem præcedentes & inclusos: Massuerius praxis tit. 25. n. 38. etiam ab illo qui nuper emit dominium utile. Ratio est, quia fundus ipse quem possidet, ad hæc omnia est hypothecatus, salvo tamen emptoris recurso ad suum venditorem. Charondas lib. 3. responsoium, cap. 62. Despeissus 1. p. tit. de mutuo, sect. 3.

XXII. Decisiva, & meritò tenenda est doctrina Benedicti parte 1. verb. *Et uxorem*, n. 449. declarationem scilicet venditoris inter vendendum asserentis falsò rem quam vendit, censualem, aut aliàs servilem, neque censum, neque ullum emptori præjudicium parere. Præterea si venditor rei verè censualis affirmaret esse liberam, declaratio hæc in eo prodesset emptori, quatenus constituendo illum in bona fide, res emptæ non caderet in commillum, si non petierit investituram, si non recognoscat Dominum directum, aut censum non persolvat dum in bona fide permanet. Idemque docet Guido Papæ quæst. 24. Quandoquidem ubicunque de servitute non constat, præsumitur semper in favorem libertatis. Veruntamen ista venditoris declaratio non redderet in posterum immunem emptorem ac liberum à censu, aut ab aliàs debita servitute, si probetur à directo Domino, neque legitimâ præscriptione desierit. Quæ utraque decisio cum sit rei quotidianæ, confirmatur per legem *Transmissio*, D. de acquir. rer. domin.



CAPUT XIII.

De societatis contractu.

I. SOCIETATEM sic definit Cujacius in paratilis D. pro socio, ut sit, damni & lucri facta communio ex consensu honesta & justa. Sic enim excluditur flagitiosæ rei, atque etiam leonina societas, ut vocatur in lege *Si non fuerint*, §. *Aristo ait*, D. pro socio, quâ scilicet unus recipit omne ferè lucrum, alter verò omne ferè damnum. Ubi ergo sit inæqualis particio lucri & damni respectu eorum quæ singuli socii contulerunt, committitur injustitia cum obligatione restituendi. Quod si socius hac lege suam confert pecuniam, ut lucrum quidem obveniens æqualiter dividatur ad proportionem utrimque contributorum, sed ipsum sibi capitale etiam à casibus fortuitis servetur indemne, usuram committit, cap. *Naviganti*, de usuris. Quanquam istud caput *Naviganti*, directè loquitur de simplici mutuo, non verò de societate, de qua, aut de lucro dividendo nullam ibi verbum, sed disertè verbum *Mutuant*. Et benè observat Glossa in verbo *Periculum*, quod cum ibi initus sit ex utraque parte mutui contractus, si creditor non suscepisset in se periculum sortis, istud periculum fortuiti casus non emisisset hunc mercatorem ab obligatione sortis integre persolvendæ, si illa à se recepta, sive per naufragium, sive per alium fortuitum casum, sive recipientis culpâ deperiisset. At verò fortuitus casus regulariter socium non adstringit; cum tamen adstringat mutuatarium, l. *Incendium*, C. si cert. pet. & Instit. quib. modis re contrah. oblig. §. *Item is cui res*. Potest tamen socium recipientem adstringere, modò suscepta ista ex mutua conventionione obligatio aliunde ex æquo compensetur. Nam commodatarius qui ex vi commodati non tenetur nisi de sola culpa, tenetur ex vi pacti etiam de casu fortuito, cap. unico de commod. Et quod majus est, in contractu depositi depositarius ipse potest ex suscepta in se obligatione vi mutui pacti conveniri de casu merè fortuito, secundum leges civiles & sacros Canones, l. 1. §. *Sape*, D. depositi, & cap. *Bona fides*, de deposito. Et tamen per commodatum & depositum nullatenus transfertur in recipientem dominium rei.

II. Ad hæc notanda est Sancti Thomæ doctrina 2. 2. quæst. 78. art. 2. ad 5. his verbis: *Ad quintum dicendum, quod ille qui mutat pecuniam, transfert dominium pecunie in eum cui mutat. Unde ille cui mutatur pecunia, sub suo periculo tenet eam, & tenetur restituere eam integrè: unde non debet amplius exigere qui mutavit. Sed ille qui committit pecuniam suam vel mercatori*

mercatori, vel artifice per modum societatis cujusdam, non transfert dominium pecunie sue in illum sed remanet ejus: ita quod cum periculo ipsius mercator de ea negotietur, vel artifex de ea opereatur. Et ideo sic licite potest partem lucri de ea provenientis expetere, tanquam de re sua. Hæc S. Thomas.

III. Ad justam societatem quatuor requiruntur. Primò ut singuli socii conferant in commune sive pecuniam, sive industriam, sive instrumenta, ut navem, equos, vehicula; sive operam & labores. Secundò ut lucrum & damnum ex ipsa societate proveniens sit commune. Tertio ut dividatur inter socios lucrum secundum æstimationem ac proportionem eorum quæ singuli contulerint, l. *Si non fuerint*, & l. *Verum*, D. pro socio. Quarto ut singuli subeant damna & expensas pro rata quoque eorum quæ ex parte sua contulerant, atque seorsum totam incurant jacturam eorum quæ in sortem contulerunt: ut qui pecuniam contulit, totum pecunie sue periculum subeat, si absque socii culpa levi, aut lata pereat: si verò salva pecuniâ nihil obveniat lucri, socius alter qui suum laborem, vel industriam contulit, subeat solus jacturam industriæ suæ & laboris, pecunia verò tota ad eos redeat qui eam contulerant.

IV. Socius minimè tenetur præstare sociis suis levissimam culpam, cum non adstringat genus istud culpæ in illis contractibus qui celebrantur utriusque contrahentis gratiâ, qualis est emptio venditio, locatio conductio, societas; unde ait lex *Socius socio*, D. pro socio: *Socius socio etiam culpa nomine tenetur, id est desidia atque negligentia. Culpam autem non ad exactissimam diligentiam dirigenda est; sufficit enim talem diligentiam communibus rebus adhiberi, qualem suis rebus adhibere solet: quia qui parum diligentem socium acquirat, de se queri debet.* Eadem habet §. ultimus Instit. de societ.

V. Omne xs alienum pro societate contractum, de communi solvendum est, licet ab uno fortasse sociorum solutum fuerit. Iste quippe jus habet repetendi à sociis actione pro socio, etiam post direptam societatem, l. *Omne xs*, D. eod.

VI. Divitio ad æqualitatem pro rata contributionis ad societatem hoc efflagitat, ut qui æqualiter contribuerunt, æquales partes de communi lucro fortiantur; qui autem inæqualiter, inæquales. Si ergo duo socii contulere singuli centum aureos cum æquali labore & pari industria, & ex communi hac sorte lucrati fuerint ducentos aureos, quilibet eorum assumet centum aureos pro capitali quod contribuerat, & alios totidem pro partitione lucri. At si unus sociorum contulit in sortem centum aureos, alter verò suum laborem & industriam centum aureis æstimatam, lucrum verò fuerit ducentorum aureorum, is qui pecuniam contulit debet primum centum sibi aureos subducere, quos in sortem contulerat; deinde quilibet amborum centum aureos de lucro reportabit. In hoc consentiunt Angelus verbo *Solutio* 1. quæst. 17. Sylvester verbo *Societas*, quæst. 20. Martinus Navarra cap. 17. num. 251. Petrus Navarra lib. 3. de restitut. cap. 2. num. 258.

Azorius

Azorius tract. de societate, cap. 4. quæst. 1. Bonacina disp. 3. quæst. 6. puncto 3. num. 3. Filliucius tract. 38. num. 37. 41. & 65. contra Lessium lib. 2. cap. 25. num. 8. volentem ut is qui solam posuit industriam & laborem centum aureis æstimabilem, possit quoque de lucro communi centum aureos sibi vindicare, quemadmodum & socius alter qui centum aureos de sua pecunia contulerat, aded ut de lucro dividendo non jam ducenti, sed solum centum aurei supersint, ex quibus singuli dimidium, hoc est quinquaginta aureos nanciscantur. Sed opinio ista reprobanda est, quia socius qui solam adhibuit industriam & laborem, nihil contulit ad capitalem sortem, quæ est quid reale ac pecuniarium; cum à diverso industria & operæ sint fructus tantum personales. Sicubi tamen contraria vigeret consuetudo, aut aliter inter partes conveniret, id poterit servari.

VII. Jure communi pecunia in societate collata pertinet ad eum solum qui contulit, ut docent S. Thomas 2. 2. quæst. 78. art. 8. ad 3. Martinus Navarra cap. 17. num. 253. Sotus lib. 6. quæst. 6. art. 1. ad 2. Caietanus verbo *Societas*, Azorius 3. parte, lib. 9. cap. 3. quæst. 1. & cap. 5. quæst. 1. Toletus lib. 5. cap. 40. Bonacina loco cit. puncto 4. num. 11. Ratio est, quia si pecunia pereat, perire illi debet qui eam contulit. Ergo si supersit, eidem tradenda est, ut qui sentit onus sentiat quoque commodum, cap. *Qui sentit* 1. de reg. jur. in 6. Et secundum naturam est, commoda cuiusque rei cum sequi quem sequuntur incommoda, l. *Secundum naturam*, D. eod. tit. His adde Sixtum V. in Extravaganti *Detestabilis avaritia*, ita sancire: *Sortem finita societate tradendam esse illi qui eam contulit, si exeat*. In locis tamen in quibus viget consuetudo, ut sors societate finitâ inter socios quoscunque dividatur, illis comprehensis qui solam operam contulerint, aut ubi inter socios ita convenisset, illa divisio sortis licita esset. Nec repugnat naturæ societatis talem iniri conventionem, cum sociorum bona communificentur, l. 1. D. pro socio. Et ut inquit Cicero actione 5. in Verrem: *Socii putentur quas inter res communicata est*. Et diserte statuit lex *Si non fuerint, §. Ita coiri*, D. pro socio: *Ita coiri societatem posse, ut nullius partem damni alter sentias, lucrum vero commune sit*. Plerumque enim tanta est industria socii, ut plus societati conferat quam pecunia, si solus naviget, si solus peregrinetur, pericula subeat solus. Denique hoc idem sapissime uluvenit in societate de animalibus inita, quâ finitâ dividuntur plerumque animalia in sortem adducta societatis. Atque in his ubi pacto nihil expressum fuerit, standum est: locorum, in quibus contractum fuerit, consuetudinibus approbatis.

VIII. Expensæ quæ à socio apponente industriam & operam fiunt ad utilitatem, vel ad necessitatem societatis, faciendæ sunt de communi societatis pecunia, cuiusmodi sunt impensæ itinerum, transvectionum, solutionis vectigalium, conservationis mercium, l. *Si frater*, §. *Si quis ex sociis*, & l. *Secundum Iulianum*, D. pro socio. Eadem ratio est in expensis

QQqq

curationis


curationis vulnerum quæ socius à latronibus dum societatis causâ proficiscitur passus est, aut si vestibus, equo, aliisve rebus suis in eadem profectio-
ne fuerit prædonibus spoliatus, cum hæc damna proxime ob societati da-
tam operam sustinuerit, d. l. *Secundum Julianum*. Eadem habenda ratio est
in expensis à socio factis ad se redimeandum de captivitate in quam incidit
dum societatis causâ peregrinabatur. Rebellus, Molina, Bonacina. Istæque
expensæ deducendæ sunt antequam lucri rationes computentur. Lucrum
enim non æstimatur nisi deducto ære alieno.

I X. Denique ad quaecunque sive mercium, sive frugum, sive ani-
malium, aut aliam societatem, juxta triplicem-ejus dirimendæ modum tri-
plex regula tenenda est: vel enim ita finitur, ut solum capitale integrum
superfit absque ullo lucro; & tunc reddendum est capitale illi soli qui id
contulerat: vel sine ullo lucro deperditum fuit capitale, vel integrum, vel
ex parte, eaque jactura sustinenda est ab eo qui contulit; quoties enim ali-
quid sine aliena culpa deperit, soli domino perit. Vel demum superest capi-
tale, vel ejus pars cum aliquo lucro; quo casu quod superest de capitali ad
dominum redit qui contulerat, lucrum verò inter socios pro rata contribu-
tionis dividetur.



C A P U T X I V .

De Clericorum debitis restitutionibus.

- I.  NA ex præcipuis restituendi obligationibus quæ Clericos
respiciunt, ex simonia oritur. Verùm satis superque hanc
materiam libro superiore discussimus, ubi egimus de simo-
nia.

I I. Disputant Doctores, utrùm Clerici Beneficiorum fructus malè im-
pensis teneantur restituere, sive de suis patrimonialibus bonis, sive per
subtractionem ejus partis fructuum quam possent sibi aliqui impendere,
sive etiam de stipendiis clericalibus quæ suo labore lucrati fuerint. Omnes
quidem Doctores unanimes asserunt de Beneficiariis, teneri sub peccato
mortali conferre in opera pietatis fructus Beneficiorum qui supersunt ad
concedentem ipsorum victum. Sed tota in hoc versatur difficultas, utrùm
si secus impenderit, obnoxii sint obligationi malè impensa restituendi ad
pias causas? Multi graves Authores negant ad id teneri, in primis Sanctus
Thomas 2.2. quæst. 185, art. 7. in corpore, ubi postquam veterem illam &
canonicam proventuum Ecclesiæ in quatuor partes faciendam divisionem
commemoravit, scilicet partem Ecclesiæ reparandæ destinatam, & partem
Episcopo.

Episcopo, partemque Clericis inservientibus, & partem pauperibus compo-
nentem; statim subjungit, quod si Episcopus suâ parte non contentus
vindictæ sibi aliquid de partibus quæ Clericis, pauperibusve, aut Ecclesiæ
debentur, cum in hoc peccet contra justitiam, non solum mortaliter pec-
cat, sed etiam tenetur iis quibus subtraxit restituere. Deinde loquens de
speciali parte quæ ipsi seorsim Episcopo debetur, si ex illa sibi immodera-
te retineat, nec aliis subveniat, dicit peccare contra debitum charitatis, &
nihil dicit de restitutione, sicut dixerat teneri ad restituendum de parte
usurpata quæ aliis inferioribus Clericis, vel Ecclesiæ, vel pauperibus de-
beatur ex justitia. Atque ita innuit, Episcopum qui peccavit contra cha-
ritatem non erogando pauperibus, vel Ecclesiæ id quod supererat de spe-
ciali sua parte, non esse obnoxium restitutioni. Et sanè compertum est,
peccatum contra charitatem, quale istud esse docet ibidem S. Thomas,
non esse obligationi restitutionis obnoxium. Eadem porro est ratio circa
quoscumque aliorum Clericorum proventus Ecclesiasticos, ut docet
S. Thomas quodlibeto 6. art. 12. Hoc idem docent Ostiensis, Joan. An-
dræ, Barbatias, Soto, Covarruvias, Bannes, Garcia, Reginaldus, Bo-
nacina qui specialem hac de te tractatum edidit, Prosper Fagnanus in cap.
Si quis, de pecul. Cler. & alii qui affirmant quidem Beneficiarium qui quod
habet superfluum de fructibus Beneficii non erogat in res pias, peccare
mortaliter contra debitum charitatis, sed non contra debitum justitiæ;
ideoque non adstringi obligatione restituendi. Addunt iidem, non esse me-
rum dispensatorem, sed dominum proventuum quos ex Beneficio percipit.
Adque probant ex verbis diversorum Canonum negantium Beneficiarios
facere fructus suos, si non recitent Officium; sic enim loquitur Concilium
Lateranense sub Leone X. Et cap. unicum de Cler. non resid. dicit & sta-
tuit Clericos qui Choro non interfunt, non esse dominos distributionum
quotidianarum, neque suas illas facere. Item Concilium Tridentinum
sess. 23. cap. 2. decernit Episcopos diu absque necessitate absentes non facere
fructus suos. Præterea potest Clericus aliis locare Beneficii sui fructus, ac
proinde illorum in eos transferre dominium. At nemo plus iuris in alium
transferre potest quàm ipse habeat, cap. *Nemo potest*, de regul. jur. in 6. & l.
Nemo plus juris, D. cod. Denique usu passim receptum videmus, ut Benefi-
cii fructus ad heredes transcant, etiam laicos; quod fieri non liceret, nisi
qui prædecessit jus domini habuisset. Ista demùm doctrina prævalet, usuque
populi recipitur.

III. Non desunt tamen oppositæ opinionis assertores & fundamenta:
& teneri Beneficiarios Præbendarum fructus superfluos malè impenfos re-
stituere, allerunt Navarra tàm in Manuali, tàm in suo tractatu de reddi-
tibus Ecclef. Archidiaconus, Panormitanus, Gabriel Biel, S. Antoninus,
Ricardus, Majolus, Paludanus & Laiman tract. 2. cap. 3. quibus favere
videtur Sanctus Papa & Martyr Urbanus, ubi ait: *Ipsa res fidelium, quæ*

Q Q 99 2 Dominus

Domino offerantur, non possunt aliis quàm Ecclesie & fidelium indigentium usibus applicari, quia vota sunt fidelium, pretia peccatorum, patrimonialia pauperum. Sed nihil ibi de restitutione. Sanctus quoque Bernardus serm. 24. in Cant. ait: Ministri Ecclesie qui stipendiorum superflua quibus egeni sustentandis forent, impiè sacrilegèque sibi retinent, duplici profecto peccant iniquitate, quòd & aliena diripiunt, & sacris in suis vanitatibus & turpitudinibus abutuntur. Idemque epist. 2. ad Canonicum Lugdunensem: Quidquid præter necessarium vitium & vestitum de Altari retines, tuum non est, rapina est, sacrilegium est. Similia etiam idem repetit epist. 42. Hæc tamen facilè quis eodem sensu possit interpretari, quo Sancti Patres Basilius & Chrysostomus asseverant de bonorum ipsorum profanorum superfluis, ea non jam esse dominorum qui possident, sed pauperum qui eis indebitè & iniquè fraudantur; nimium enim eis debentur titulo charitatis, & obligatione eleemosynæ.

I V. Clerici possunt tria bonorum genera possidere, scilicet merè Ecclesiastica, cujusmodi sunt Beneficiorum proventus. Atque horum omnia quæ sibi superflua sunt, tenentur in usus pios impendere sub mortali peccato. Secundò patrimonialia, quæ ex merè temporalibus causis procedunt, hæreditate, donatione, labore & industria. Atque horum dispositionem perinde liberam Clerici habent ut laici. Terriò quasi patrimonialia, seu mixta, quæ acquiruntur tanquam Clerici ex aliquo ministerio Ecclesiastico diverso à proventibus Beneficii, ut concionando, Confessiones audiendo, Missas celebrando, sacras Litteras docendo, canendo, Jurisdictionem Ecclesiasticam exercendo. De his quoque Clericus disponere potest eodem jure & libertate quibus potest circa merè temporalia. Neque his obstat quod dicitur in can. *Clericos*, & duob; seqq. 1. quæst. 2. nefas esse Clerico habenti opes temporales sustentari stipendiis Ecclesiæ. Esto enim fuerit aliquando Ecclesiæ disciplina, ut nemo ad Ecclesiastica stipendia admittetur Clericus, qui omnibus terrenis bonis se non abdicasset; hoc tamen non est divini præcepti, & laxata pristina illa rigidior disciplina evanuit;

V. Clericus omnis stipendia accepta ob aliquod ministerium quod non persolvit, restituere tenetur, quales sunt Missæ votivæ, quibus intra tempus debitum non satisfecit, & Missæ fundarum quas neglexit. Officia Chori quibus non interfuit, cum per eum steterit. Hoc tamen observandum de Missarum fundarum onere quotidiano, Sacerdotibus mob; aliòve necessario impedimento detentis indulgeri menssem unum, intra quem cum non possint sine periculo celebrare, non etiam tenentur per alium Sacerdotem supplere, aut de stipendiis Missarum pro rata dimittere, vel restituere. Ex æquitate enim ac epieikia id concessum fuit à Concilio Mediolanensi septimo provinciali, teste Diana part. 4. tract. 4. miscellan. resolut. 238. Atque præsumendum hanc esse rationabilem fundatoris mentem. Hæc idem patiter docent Hartadus, Lauman, Bonacina de Sacram.

Euchar.

Euchar. disp. 4. q. ult. punct. 8. n. 17. Petrus Navarra lib. 2. de restitutionib. cap. 2. n. 211. Riccius in sua praxi, decis. 403. n. 5. & 6.

VI. Quæritur an in Beneficiorum distributione is qui minus dignum præferat obligetur ad restitutionem digniori? Sciendum in primis, eos quibus ex officio incumbit præficere ministrum Ecclesiæ, ut sunt electores, præsentatores, & collatores, semper teneri providere ut dignissimis Beneficia obveniant. Ita docet cap. unicum, ut Benef. Eccles. sine diminut. confer. itemque S. Thomas 2. 2. quæst. 63. art. 2. ad 1 & ad 3, & quæst. 85. art. 3. S. Antoninus 2. parte, tit. 1. cap. 20. §. 1. Nicolaus Lyranus ad illud Joan. 21. *Simon Ioannis diligis me plus his?* alique communiter Theologi & Canonistæ, qui contravenientes arguunt peccati mortalis, quibusdam casibus exceptis, ut si patronus præsentet dignum, hunc enim Prælati debet admittre & instituere, can. *Monasterium*, & can. *Decernimus*, 16. quæst. 7. Secundò si conferendum sit ex primæva institutione Beneficium alicui ex certa familia, vel oppido, ut contingit in patrimonialibus Beneficiis, aut alicui ex Clericis ejusdem Ecclesiæ. Tertiò si aptiores referendi sint Beneficiis majoribus Parochialibus. Quartò si ita sint inter plures electores divisa suffragia, ut nemo, aut pauci dignissimum eligant, sed partita sint in favorem duorum, quorum unus est altero minus dignus, si quis restat suffragium suum daturus, qui frustra dignissimum nominaret, ipsique Ecclesiæ obesset, quia periculum esset ne major suffragiorum numerus indigniorem promoveret, debet votum suum dare in favorem dignioris ex eorum numero in quos major inclinat suffragiorum numerus, & ita impedire minus digni promotionem. Quintò si quis suum resignet Beneficium in favorem, non adstringitur obligatione conscientie eligere dignissimum, dummodo dignum eligat, juxta Caietanum in Summula, verb. *Beneficium*, Lessium lib. 2. cap. 34. dub. 13. & alios, quia resignanti non incumbit officium præficiendi ministrum Ecclesiæ. Et præterea cum id conferat quod suum est, sicut dum possidebat nequaquam tenebatur facere ultra mediocritatem debiti ministerii, ita neque tenetur sibi digniorem substituere, dum sit sufficienter idoneus.

VII. Extra hos casus præferre digniori minus dignum, saltem in Prælati & Curati Beneficiis, est mortale peccatum. Sic enim decernit Concilium Tridentinum sess. 24. cap. 1. de reform. *In primis meminerint, nihil se ad Dei gloriam & populorum salutem utilem facere posse, quam si bonos Pastores & Ecclesiæ gubernanda idoneos promoveri student: eosque alienis peccatis communicantes mortaliter peccare, nisi quos digniores, & Ecclesiæ magis utiles ipsi judicaverint, non quidem precibus, vel humano affectu, aut ambicionum suggestionibus, sed eorum exigentibus meritis præfici diligenter curaverint.* Et ibid. cap. 18. præcipit ad Beneficia Parochialia provideri per concursum & examen, illum qui cæteris magis idoneus judicabitur, & ex dignis digniorem.

VIII. In reliquis Beneficiis quibus animarum cura non incumbit, non videtur absolute peccari mortaliter, si dignus, posthabito digniore, promoveatur, nisi hoc fieret in concursu & examine; non enim in hoc videtur grave damnum Ecclesie irrogari. Ita censent graves Auctores quos allegat & sequitur Lessius loc. cit. dub. 14. Aliqui tamen, ut Caietanus, Covarruvias, Salenius, existimant hic quoque subesse mortale peccatum hac ratione, quod fiat injuria digniori, cum ei debeat ex lege distributiva justitie, & fiat insuper injuria Ecclesie, & fundatorum intentio fraudetur, quæ præsumenda est in hoc esse, ut dignissimi provideantur. Sed respondetur non fieri injuriam digniori, quia non est illi stricto jure debitum, sed largo, quod in majori aptitudine & decencia consistit. Talis autem juris violatio non est per se mortifera, ut neque violatio distributivæ justitiæ est semper mortifera, modo dignis distribuatur, nisi redundet quoque in violationem justitiæ commutativæ, sicut accideret in concursu & publico examine, quo casu digniores strictum & proximum jus habent. Quoad verò Ecclesie, aut fundatorum intentionem, ea quæ præcipua est & principalis, versatur circa dignæ personæ electionem; & minus principalis & quasi secundaria, nec absolute intenta, potest ferri ad dignissimum. Itaque semper adest saltem venialis culpa in Beneficiis simplicibus, ubi dignus posthabito digniori promovetur. Sed si Beneficium simplex id habeat ex fundatione, ut debeat digniori conferri, aut per oppositionem & concursum, erit proculdubio mortale peccatum si minus digno conferatur, cum obligatione illius injusti damni refarciendi.

I X. Ubi verò Beneficium simplex, ac nulli animarum curæ annexum, neque habens ex fundatione istam conditionem, ut digniori, aut in concursu, vel examine conferatur, fuisset minus digno collatum, nulla inde emergit restituendi obligatio, quia quidquid ibi peccatum fuisset, esset contra solam distributivam, & non commutativam justitiam, quæ sola inducit restituendi obligationem, nisi fuisset promotus indignus; ibi enim violata quoque fuisset commutativa justitia. Sotus lib. 4. de justitia, q. 6. art. 3. ad 6. Navarra cap. 17. num. 73. Lessius loc. cit. dub. 15. Valentia 2. disp. 5. quest. 7. §. 6. alique permulti. Itaque si provisorius fuerit de Beneficio Clericus indignus, is qui sic providit tenetur restituere, non quidem digniori posthabito, sed ipsi Ecclesie quæ dampnum sustinet, dummodo non fuerit conferendum Beneficium per concursum, aut digniori attributivum ex vi & præscripto fundationis; his enim casibus restituendum esset digniori injuste excluso. Navarra cap. 17. num. 74. Lessius dub. 5. num. 74. & 75. Qui tamen docet ad nihil teneri eum qui promovit, si dignior exclusus non excedit notabiliter, sed modico tantum excessu illum qui fuit admittus. In his porò materiis ibidem alessit Lessius faciendam esse restitutionem judicio prudentis viri, cum vix quidquam certi super ejusmodi damni sive Ecclesie, sive excluso digniori irrogati reparatione possit definiri.

X. At

X. At si minùs dignus collatorem ad hoc induxit ut sibi conferret, cùn sciret se minùs idoneum, peccavit quidem inducendo collatorem contra debitum officium; sed tamen si sit idoneus, non tenetur resignare, quia collatio valida fuit, & quia non incumbit ipsi munus procurandi Ecclesiæ ministros, sed Prælato: tenetur tamen per suam diligentiam ut melius poterit, supplere id in quo ab altero, qui non fuit admissus, superratur.

XI. Quæritur an Confessarii, quorum culpâ pœnitens non restituit ad quod tenebatur, teneantur ipsi ad restitutionem, eo quòd non monnerint, aut adstrinxerint ad hoc officium penitentem? Quidam absolute affirmant in quocumque Confessario, quippe qui peccaverit contra suum officium quod illi incumbit pœnitentem de his admonendi. Angelus, Rosella, Navarra Manualis cap. 17. num. 22. Petrus Navarra lib. 3. de restitutionibus, cap. 4. num. 125. Alii distinguunt inter Confessarios quibus ex proprio officio cura incumbit animarum, ut sunt Episcopi & Parochi, ut hi quidem teneantur restituere, eo quòd sit proprii eorum officii providere ne subditi sibi invicem damnum inferant, eoque sine decimas & stipendia accipiant. Cæteros autem quibus id non incumbit ex publico eorum officio, minime teneri ex suo silentio, quamvis non admonendo peccaverint: teneri tamen ad restitutionem, si causam non restituendi suo influxu dederint, vel dissuadendo, vel malè consulendo. Ita Lessius lib. 2. cap. 13. dubit. 10. num. 77. & 78. Alii denique negant de quocumque Confessario, etiam Parocho, vel Episcopo, teneri restituere, si non admonuerint; & ex adverso affirmant etiam Confessarios curam animarum nullam ex officio habentes, indiscriminatim perinde ut Curatos teneri restituere, si suo malo consilio quominus restitueretur effecerint. Ita concludit Bonacina tract. de restitut. in genere, disput. 1. quæst. 2. puncto 11. num. 15. cum aliis quos citat & sequitur. Summa ratio est, quia nullus Confessarius tenetur ex officio & iustitia prospicere bonis aliorum temporalibus, sed solum spirituali bono pœnitentis sui. Quocirca licet Confessarius non admonendo pœnitentem peccet contra proprium officium, non tamen peccat contra officium per ordinem ad eos quibus est restitutio facienda, sed per ordinem ad spirituale sui pœnitentis bonum. Quin etiam Lessius ipse loco cit. addit probabile quoque esse, Episcopum & Parochum ex hac omissione culpabili non teneri ad restituendum, quia (inquit) eorum obligatio quæ ex lege iustitiæ obstricti sunt populo, videtur solum esse in ordine ad spiritualia. Et colligitur ex Sancto Thoma 2.2. quæst. 62. art. 7. ad 3. neminem ratione damni non impediti teneri ad restitutionem, nisi obligetur ex officio ad hoc impediendum.

XII. Restituendi obligationi obnoxii sunt Beneficiarii quicumque suâ culpâ restitutionem Officii omiserunt, ut statuit Concilium Lugdunense sub Leone X. jubens ut restituant de proventibus Beneficii pro rata omissionis

tionis Officii ex sua culpa. Beneficium namque datur propter officium. Hanc verò restituendi obligationem incipere post sex menses ab accepta possessione Beneficii computandos. Huic declarationi addenda pariter est Pii V. Constitutio, quam referunt Navarra, Quaranta, Suarez, Bonacina his verbis: *Statuimus ut qui Horas omnes Canonicas uno, vel pluribus diebus interniserit, omnes Beneficii sui, seu Beneficiorum suorum fructus qui illi diei, vel illis diebus responderent, si quotidie dividerentur: qui verò Matutinum tantum, dimidiam: qui ceteras omnes Horas, aliam dimidiam: qui alias singulas, sextam partem fructuum ejus diei amittat. Tamen si aliquis Choro addictus non recitans, omnibus Horis Canonicis cum aliis personis adsit, fructus & distributiones forè aliter assignatas, solâ presentia, juxta statuta, consuetudinem, vel fundationem, vel aliter lucrificasse se pretendat, is etiam præter fructuum & distributionum amissionem grave peccatum se admisisse intelligat. Item ille qui primis sex mensibus Officium non dixerit, nisi legitimum impedimentum ipsum excuserit, grave peccatum intelligat se admisisse. Declarantes præfationales portiones, & quæcumque alia Beneficia etiam nullam servitium habentia obtinentes cum prædictis pariter contineri. At quicumque pensionem, fructus, aut res alias Ecclesiasticas ut Clericus percepit, eum modo prædicto ad dicendum parvum Officium Beate Mariae Virginis decernimus obligatum, & pensionum, fructuum, rerumque ipsarum amissioni obnoxium. Hactenus Pius V.*

XIII. Hic jam quaeritur, si Beneficium aliis quoque oneribus sit obnoxium, quibus satisfecerit ille ipse Beneficiarius qui Officio Canonialium Horarum non satisfecit, utrùm sibi aliquam partem fructuum retinere possit respondentem cæteris oneribus à se impletis? Duae sunt hac in re Doctorum opiniones. Suarez namque, Azorius, Valentia, Reginaldus, Fillicius negant esse faciendam illam ob cætera onera compensationem, eo quod constitutio Pii V. absolute & sine ulla exceptione loquatur. Ex adverso Lopez, Toletus, Medina, Vasquez, Rodriguez, Lessius, Laiman affirmant hanc esse faciendam fructuum propter reliqua onera præstita deductionem & compensationem prudentum arbitrio; quæ quidem sententia æquitati magis & rationi congruit. Primum enim & ei qui laboravit merces, & militanti debetur stipendium, juxta Apostolum; & qui Altari deservit, de Altari debet vivere: neque justum est aliquem fructu laboris sui & impensæ operæ frustrari. Secundò iniquum est eos qui inæqualiter deliquerunt æquali poenæ subjici. At inæqualia prorsus delicta sunt alicui parti muneris sui, & nulli parti muneris sui satisfecisse: proinde non sunt æqualiter stipendiis muneris addictis privandi. Satis ergo est si solis illis, quos Beneficium ad solas Canonicales Horas adstringit; nulla fructuum deductio permittatur. Itaque hujus sententiæ assertores Parochis assignant pro integro totius anni Canoniali Officio quartam stipendiorum partem: Canonicis verò & Capellanis ad quotidianam residentiam adstrictis dimidiatam partem: at Capellanis qui certis tantummodò diebus

bus tenentur refidere, augetur onus restituendi secundum hanc proportionem.

XIV. De illis verò qui Officii Horas recitarunt, sed absque ulla virtuali & actuali attentione, asserunt Joan. Gerson, Martinus Navarra, Petrus Navarra, Suarez, Lessius, Valquez, Filliucius, Barbosa, Laiman, teneri ad restitutionem fructuum, eo quod ex tali recitatione nullus Deo honor, & nulla sic recitanti spiritualis utilitas accrescat, sed potius potius, ex Deo sic in Scripturis interminante: *Populus hic labiis me honorat, cor autem eorum longe est à me.* Christusque apud Joannem sic protestatur: *Spiritus est Deus, & eos qui adorant, in spiritu & veritate adorare oportet.* Oppositam verò opinionem, quamvis graves quoque habeat assertores Sanctum Antoninum, Medinam, Paludanum, Gabrielem Biel, Toletum, Cordubam, Coninch, non teneri ad restitutionem, minime admisserim. Quod verò pro fundamento prætexunt, Ecclesiam non præcipere internos actus, quamvis alicubi verum sit, ut in jejuniis, cujus obligationi per solam materiale abstinentiam satisfieri potest; non tamen in omnibus id verum est, præsertim circa orationes, de quarum essentia est actus internus & elevatio mentis in Deum, quæ propria est orationis definitio. Itaque cum Ecclesia præcipiat sive certis diebus auditionem Missæ, sive certis personis recitationem Officii hac mente ut Deus colatur per orationem, necessaria est pia intentio in utriusque præcepti impletione. Similiter Ecclesia præcipiendo annuam confessionem præcipit indirectè actus poenitentiae interioris, sine quibus illa confessio foret sacrilega, & nullatenus Sacramentum. Quinimò eadem præcipientes directè recitationem Divini Officii, præcipit simul non modò indirectè, sed directè quoque ac expressis verbis attentionem ad Deum, ut constat ex ipsismet canonis verbis Concilii generalis Lateranensis sub Innocentio III. *Penitus jubemus districte præcipientes in virtute obedientia, ut Divinum Officium nocturnum pariter & diurnum, quantum eis Deus dederit, studiosè celebrent pariter & devotè.* Et cap. *Doleantes*, de celebr. Missar. ubi Glossa sic dicit: Studiosè quantum ad officium oris, devotè quantum ad officium cordis. Quisquis etiam sic recitat Divinum Officium, ut notabilem ejus partem per nimium celeritatis affectum, aut per socordiam & negligentiam malè proferendo interceptat, tenetur quoque, si ea pars intercepta sit notabilis, restituere de fructibus, ad ejus partis proportionem.

XV. Sit igitur omnibus persuasum, quos Canonialium Horarum, aliarumve precum obligatio adstringit, indispensablem sibi incumbere attentionis animi necessitatem; eamque, si non sit actualis, saltem efflagitari virtutalem. Actualis est quæ orans reipsa & actu de Deo aut rebus sanctis cogitat. Virtualis est quæ à præcedente actuali dependet, etiamsi mens pronuntiantis in diversa distrahatur invitè, aut inadvertenter. Enimverò cum præcesserit actualis voluntaria, tandiu durat virtualiter inter involun-

R R r r tarias

tarias distractiones & inanes cogitationes, donec actio voluntatis actu revocetur ad diversa. Nec enim, ut sapienter S. Basilius scribit lib. *de orando Deum*, ullum inest peccatum, ubi ex naturæ fragilitate mens invitat divagatur. Ea denique docet S. Thomas 2.2. quæst. 83. art. 23. Observa tamen ad primam illam actualem attentionem, ex qua vim suam omnem mutatur virtualis, sufficere directum voluntatis actum, abdicatis etiam tot actibus reflexis, quibus nonnulli scrupulosi semetipsos anxie, & plerumque cum magna valetudinis & corporis & animi perniciæ, ac temporis jactura exeruciant. Sic citharædus ut voluntarie citharam pulset, aut fidibus canat, nullâ opus habet animi reflexione, solaque directâ, & momentaneâ intentione quantum vult citharizat. Eoque sensu proficitur Apostolus 1. Cor. 14. *Orabo spiritum* (scilicet oris respiratione ac pronuntiatione) *orabo & mente* (scilicet erectâ in Deum mente:) *psallam spiritum, psallam & mente.* Et D. Augustinus in Regula, cap. 3. ait: *Psalmis & hymnis cum oratis Deum, hoc versetur in corde quod profertur in ore.*

XVI. Quæritur, utrum liberetur ab ista restituendi obligatione ille qui post hanc suam Horarum Canonialium omissionem aliis diebus illam supplet? Affirmant Joannes Major, Paludanus, Ledesma, Suarez, Molfesius, Filliucius, Verum quia Officii obligatio suis diebus alligatur, præferri debet contraria sententia Petri Navaræ, Aragonii, Henriquez, Bonacinz, & quod mirum sit, Dianæ laxiorum opinionum studiosi.

XVII. Præterea disputatur, an Officii quotidie recitanda obligatio incumbat Beneficiario sacris non ordinato, si ejus Beneficium tenue sit & victui insufficiens? Quidam affirmant his adducti, quia Beneficium datur propter Officium, cap. ult. de rescriptis in 6. Et quia cum non augeantur obligationes Officii ex multitudine, ita neque minuendæ videntur ex paucitate proventuum. Alii censent diminui Officii recitandi obligationem pro rata exilitatis proventuum. Cum enim sit conveniens, cum qui altari deservit de altari vivere, 1. Cor. 9. rationi congruum est, ut qui quotidie altari deservit, quotidie similiter de altari vivat; & iniquum videtur si pro improporcionado stipendio & mercede grandius serviri ac ministerium exigatur. Diversa quoque habetur in Jure ratio Beneficiorum insufficentium, ab illis quibus commodè possit Clericus sustentari, cap. *Cum tenentur*, de præbend. Nec tamen tenue Beneficium destituitur Officio, sed ipsius tenuitati habet proportionatum. Oppositio autem quod non augeantur Officia ex augmento Præbendarum, vel ex amplitudine proventuum, non habet rationabilem causam, qualis est in ratione tenuitatis; si enim centum nummorum redditus sufficiat ad commodam per annum sustentationem, ex adversariorum mente sequeretur obligandos illos esse tam multos, quibus tria millia nummorum annuorum de Beneficiis aut Dignitatibus Ecclesiasticis suppetunt, ad triginta singulis diebus Officia recitanda, & eos qui plus habent, etiam ad ducenta & trecenta Officia, La-

xior:

rior videtur hæc ultima sententia. Cum verò hujusmodi occasio occurrerit, quique Episcopi sui iudicio permittendus est.

XVIII. Restituere tenetur Sacerdos Missarum stipendia quibus non satisfecit, aut quarum celebrationem nimium distulit, adeò ut verisimiliter non profuerit secundum specialem intentionem ejus qui stipem dedit : ut si ad obtinendum aliquem successum petita Missa fuerit eò usque dilata ut occasio præterierit ante celebrationem ; sic enim frustratà per Sacerdotis culpam intentione petentis , non potest retineri stipendium oblatum quin violetur commutativa justitia. Onus similiter restituendi Sacerdoti incumbit, qui post acceptum pro Missa justum & rationale stipendium pro unius tantum intentione, illam celebravit pro pluribus : sic enim violata fuit commutativa justitia, & infracta mutua pactio. Quamvis enim unius Missæ valor sit infinitus secundum rem quam continet, qui est Christus ejusque merita ; est tamen finitus & limitatus secundum quod est actio ab homine procedens, & secundum applicationem. Christi namque merita, quamvis infinita, non applicantur adequatè secundum sui infinitatem, sed finito modo, quem Deus determinavit secundum opus operatum. At verò quoad opus operantis, quod etiam contribuit ad Missæ valorem, & dependet ex majori, aut minori devotione, aut merito Sacerdotis, certum est esse finitum. Non est igitur admittenda Caietani opinio quodlibeto 1. quæst. 18. & super tertiam partem quæst. 79. art. 5. quod Missæ oblatio ita profit singulis ac si pro uno tantum offerretur. Sed opposita tenenda est communis sententia.

XIX. Sciendum, communiter distingui triplicem Missæ valorem. Primus dicitur generalis, quem intendit Ecclesia universis Fidelibus applicari vivis & defunctis : hic itaque respicit universum Ecclesiæ corpus. Secundus valor dicitur medius, illos contingens pro quibus specialiter intendit Sacerdos celebrare. Tertius dicitur particularis, spectans ipsum sacrificantem, deinde illos qui Missæ ministrant, atque eos demum omnes qui Missæ devotè interfunt. Fuit verò quorundam error damnatus primum ab Urbano Papa VIII. deinde ab Alexandro VII. die 24. Septembris 1665. posse Sacerdotem accipere duplicem elemosynam pro unica Missa, applicando uni valorem illum particularem qui ad se Sacerdotem pertineret, alteri verò medium illum valorem qui communicatur illis pro quibus in specie Sacerdos Missam vult applicari. Veruntamen si Sacerdos duplex stipendium hac mente acceperit, tenebitur illi restituere cui suam partem Sacerdos voluit applicare : tum quia id prohibitum & damnatum fuit à summa Sede : tum quia ille Sacerdoti pertinens valor non potest ex communiore, & saniori sententia alteri applicari, quemadmodum etiam applicari alicui particulari non potest valor generalis spectans universam Ecclesiam : effectus enim Missæ ex opere operato est beneficium personale, quod non potest in alterum transferri : tum etiam quia Sacerdos ipse non est

R R r r 2


certus

cortus de sua gratia, quo casu non posset ullatenus transferre beneficium: Missæ, quod jam fuisset in seipso extinctum, & cujus esset prorsus incapax: tum quia ignoratur, an specialis valor pertineat ad Sacerdotem, sit æqualis medio valori qui debetur tradenti Missæ stipendium, quod cum sit certum, non potest rependi fructu ac valore incerto.



CAPUT XV.

*Quibus ex causis oriatur restituendi obligatio; & de acceptis ob turpem causam: & de impedi-
diente alterius bonum.*

I.  T autem restitutionum materiam ab ipsis fontibus ac principiis repetamus, sciendum in primis quid sit restitutio. Ista sic definiri potest: *Restitutio est actus justitiæ commutativæ quo cuique redditur quod indebitè amiserat.* Dixi, actus justitiæ commutativæ, quia non obligatur homo ad restitutionem ex defectu charitatis, ut si elemosynam pauperi non erogaverit; neque ex defectu contra legalem justitiam, ut si merces prohibitas vendiderit justo pretio; neque contra distributivam, ut si in aliquo officio distribuendo minus dignum digniori prætulerit, dummodo id non fiat in alienum detrimentum: sed requiritur ad restitutionem obligatio ex debito commutativæ justitiæ orta. Dixi autem in definitione, *quo cuique redditur quod indebitè amiserat*, non autem, ut quidam definiunt, *quod ab eo ablatum fuerat*, ut comprehendam etiam restitutionem rei sine injuria acceptæ, ut si casu rem alienam, quam alius amiserat, alicubi à me inventam domino restituam; aut si hæres rem olim apud defunctum depositam, vel commodatam domino restituat.

II. Restituendi obligatio ex quatuor causis exoriri potest. Primum ex re aliena non injustè acceptæ, ut in duobus exemplis paulò ante relatis. Secundò ex re aliena injustè accepta, vel læsa, ut in furto & quovis damno injustè illato. Tertiò ex conventionione mutua, ut sit in obligationibus quas pariunt emptio venditio, locatio conductio, emphyteusis, societas, mutuum, & alii contractus. Quartam his adjungo causam, quam Theologi & Summistæ hætenus omiserunt, sed Jurisperiti non omiserunt: est autem ea obligatio quæ dicitur in Jure quasi ex contractu, ut contingit in eo cujus absentis gratià aliquis sine ullo mandato negotia utiliter gerens, aliquid pretio æstimabile de suo impendit, cujus ei debetur restitutio: &

similiter

similiter in tutore qui suis impensis negotia pupilli sui ex bona fide gessit, §. *Igitur*, & §. *Tutores*. Instit. de obligat. quæ quasi ex contractu nasc. horum enim debetur iis restitutio. Nullatenus verò hic adjungo restitutiones quæ in Jure dicuntur ex quasi delicto. Cum enim istæ oriantur aliquando ex imprudentia aut ignorantia culpabili, & aliquando ex facto alterius sine culpa domini; si culpa talis intervenerit, ut inde Jus divinum obliget ad reparationem damni, hæc obligatio pertinet ad secundam præfatam speciem, quam diximus damnum injustè illatum; si autem nulla talis intervenerit culpa, obligatio illa reparandi aut restituendi non adstringit nisi post sententiam Judicis.

III. Operæpretium hic erit summatim persequi expressas in Jure Civili conditionum, hoc est repetitionum rei cuiuscumque debitæ species. Istæ porro recensentur. 1. *Condictio certi*, quæ mutuum repetitur, de qua superius egi, & pro qua tituli sunt D. de rebus creditis, & si certum petatur: & C. de rebus creditis, & si cert. pet. 2. *Alia est conditio indebiti*, quando aliquid ex errore solutum fuit, quod minimè debebatur, de qua tit. D. & C. de condict. indebiti. 3. *Alia est conditio causâ datâ causâ non sequutâ*, cui locus est ubi causâ ex utraque parte honesta erat, ut datum ob futurum matrimonium, quod tamen non est subsequutum; aut si tibi dedi ut mea negotia Romæ gereres, nec tamen gessisti. De hac sunt tituli D. de condict. causâ dat. causâ non sequutâ, & C. de condict. ob caus. datorum. 4. *Alia est conditio ob turpem causam*, de qua tituli D. & C. de condict. ob turp. causam. In Jure Civili Romano circa conditionem istam à veteribus tum Jurisconsultis, quorum in Pandectis responsa continentur, tum Imperatoribus, quorum leges habentur in Codice, constanter decernitur distinguendum sic esse, ut spectandum sit, utrum turpitudine versetur ex parte solius dantis, vel ex parte solius accipientis, vel ex parte dantis simul & accipientis. Si ex parte solius accipientis versetur turpitudine, rem datam condici posse. Si ex parte dantis solius, aut ex parte dantis simul & accipientis, nullum esse conditioni locum, l. 1. & 2. de condict. ob turp. causam. Turpitudinis ex parte solius dantis exemplum referunt: Si tibi dederò ne mihi injuriam facias, ne res meas rapias, ne me injustâ sententiâ opprimas, l. *Idem si ob stuprum*, D. cod. aut si furi dederim ut rem mihi furto ablatam restituat, l. *Ob restituenda*, C. cod. si Officialis prætextu publici sui officii per peculatum aliquid receperit, aut per concussionem, ut reddat, aut ne quid hujusmodi recipiat, l. *Quod evitandi*, C. cod. Turpitudinis verò ex parte solius accipientis exemplum refertur, si quid pro libidine datum fuerit meretrici: licet enim, ut ait lex *Idem si ob stuprum*, D. cod. turpiter faciat quod sit meretrix, non tamen turpiter accipit tanquam meretrix; ideoque eadem lex negat hoc datum posse repeti. Istâ tamen discriminis ratio non videtur plenè satisfacere; dare enim & accipere ob malum finem, æqualem habent turpitudinem, atque ita necesse est meretrici

centurpitor ob peccatum accipere, sicut turpiter ob idem peccatum ei datur. * Consentit tamen D. Thomas licere meretrici turpitudinis suæ pretium sibi retinere, 2. 2. quæst. 32. art. 7. in corp. & quæst. 62. art. 5. ad 2.] Sed aliam solidiorem rationem proferunt Theologi, cur meretrix possit retinere pretium suæ turpitudinis: tum quia etsi contra virtutem charitatis & castitatis peccaverit, non tamen contra justitiam commutativam, quæ sola obligat ad restituendum: tum quia non tam illa criminis sui mercedem obligat, quàm legum munus ob illam qualemcumque utilitatem, quam infamis illa professio certis locis asferre dicitur, homines à majoribus criminibus avertendo. *Tolle enim meretrices de rebus humanis*, inquit Augustinus, *impleveris omnia libidinibus*. Quod tamen etiam quoad meretrices nolumus certò definire; cùm id noverim apud ipsos Casuistas esse controversum. De adulterio enim, & aliis hujusmodi flagitiis, quæ cum injustitia admittuntur, ne quidem dubitare velim, quin acceptum pro illis pretium restitui debeat. Exemplum denique mutæ turpitudinis in dante simul & accipiente, in quibus lex negat actionem repetendi, aut nondum solutum exigendi, ita ut ejus prævaleat conditio qui possidet, ponitur in pecunia vel data, vel promissa judici hoc fine, ut injustam sententiam ferat, l. *Ubi*, C. cod. & in eo quod datum, promissumve marito fuerit, lenocinii uxoris causâ, ut nec per maritum exigi, neque si ei solutum fuerit, per alium condici possit, l. *Mercalem*, C. cod. Nam in causa turpitudinis ex utraque parte meliorem esse possidentis conditionem declarant dicta lex *Mercalem*, & lex *Si ob turpem*, D. cod.

IV. Prædicta conditionum, seu repetitionum jura cum obligatione restituendi, etiam extra repetitionem & judicium, ex sola conscientie obligatione admittunt & approbant Theologi & Summistæ. Sanè si ipsum naturæ spectetur, sicut pro ullo opere quod in se peccatum est nihil potest dari, vel accipi, & si quid datum sit ante malum opus, sit omnino restituendum, quia includit promissionem committendi peccati à quo prorsus abstinendum est: ita postquam completum fuit opus malum, pro quo adimplendo, vel adimpleto datum aliquid fuerat, is qui accepit non tenetur restituere. Ita docet Sanctus Thomas 2. 2. quæst. 32. art. 7. in corpore, & quæst. 62. art. 5. ad 2. his verbis: *Potest retineri id quod propter opus malum est acceptum*. Licet enim opus malum, quatenus tale, non sit æstimabile, attamen quatenus est uni alicui delectabile, vel utile, aut alteri incommodum, aut laboriosum, aut periculosum, est pretio æstimabile. Ex hac Sancti Thomæ conclusione Soto lib. 4. de justit. quæst. 7. artic. 1. ad 2. excipit id quod acceptum fuit propter opus turpe, quod sit directè virtuti justitiæ oppositum. Sed inde sequeretur, militem qui pro injusto bello stipendia accepit & militavit, teneri restituere stipendia; & eum qui similiter pretium accepit pro fabricandis armis, aut pro subministrando commatu ad bellum injustum, teneri post tale ministerium restituere pre-

entium acceptum; aliaque sequerentur plurima quæ absurditatem præ se ferunt.

V. Alii, ut Caietanus & Covarruvias, hanc limitant conclusionem in solo iudice qui pretium accepit ad injustam ferendam sententiam; & pro ratione verbis innituntur Sancti Augustini epist. 54. ad Macedonium: *Sceleratius accipitur pecunia pro sententia injusta quam pro sententia iusta; pro testimonio falso, quam pro testimonio vero.* Atqui pecunia accepta pro sententia iusta restituenda est, ut omnes affirmant, & hoc ipsum statuitur in l. *Idem si ob stuprum*, D. de condiç. ob turp. caus. & l. *Quod evitandi*, C. eod. Primò namque fit transgressio æqualitatis, si pro re absolute debita ex iustitia pecunia exigatur. Secundò, quia id quod datur pro obtinenda iustitia aut vitanda injuria, non est censendum sponte dari, sed coactè ex injuriæ metu. Igitur non est restringenda restituendi rem male acceptam obligatio ad solum Judicem qui acceperit ad ferendum injustum iudicium: quinimò multò major inest restituendi obligatio in iudice qui acceperit ad justè judicandum, quia sic accipiens gravem danti injuriam facit, & ideo magis obligatur ad ei restituendum pretium iudicii quod ei gratis, & ex officio debebat. Sanè Judex utroque casu, siye acceperit ob justam, siye ob injustam ferendam sententiam, reus est gravis injustitiæ: atque ad officium Confessarii spectat illum restitutioni rei injustè acceptæ adigere, scilicet Parti quæ dedit ad justam obtinendam sententiam, quæ quidem gratis & sine pretio debebatur: sed ubi pretio accepto Judex injustè judicasset, compellendus erit pretium acceptum rependere, non illi qui turpiter dedit, quique rem obtinuit secundum illicitam conventionem, sed pauperibus. Iniquum est enim si is cui ex officio incumbit jus dicere, nequitia suæ pretio perfruatur: & Justinianus auth. *Novo jure*, C. de pœna Jud. qui malè judic. Judicem pretio utcumque corruptum damnari jubet triplici restitutione.

VI. Nec verò in sola injuriosa circa rem alienam actione, aut in alienæ rei injusta detentione, sed etiam in injusta boni alicujus alteri obventuri impeditione versatur obligatio restituendi. Tres autem requiruntur simul conditiones, ut alterius bonum impediens teneatur restituere, ita ut una & altera earum non sufficiat ad obligationem restituendi. Prima est, ut sic impeditus potuisset rem obtinere, nisi hoc impedimentum obstidisset; non enim est verè ac propriè impedimentum, nisi cum aliis res ipsa obventura fuisset, nisi obstidisset oppositum impedimentum. Secunda conditio est, ut impeditus potuisset justè rem consequi; si enim justè rem obtinere non poterat, is qui impediverit non tenetur restituere, cum non abstulerit jus alterius: ut si indignus, & planè incapax fuerit à consequutione Beneficii, vel officii impeditus, tamen qui impedivit motus fuerit ex odio, aut alio pravo affectu, nec tllatenus ex affectu justitiæ: hoc enim malo affectu impediens peccat quidem contra charitatem, sed non peccat contra

contra justitiam. Tertia denique conditio requisita est, ut impediverit per dolum, & fraudem aut mendacium, alianve quamlibet actionem justitiæ oppositam, qualis est calumnia, detentio personæ ne compareat, litterarum illius interceptio, ne rem speratam prosequi possit, aut etiam vis illata, aut minarum intentatio in eum qui erat illud bonum collaturus. At verò solæ preces, blanditiæ & pollicitationes non injustæ minimè sufficiunt ut quis restituere teneatur, quia hominem adhuc in sua libertate relinquunt. Quâ ratione restituendi nulla inest obligatio in eo qui precibus, blandisque officiis, aut frequenti adhortatione citra vim ac mendacium mentem alicujus avertit ab instituendo illum hæredem quem priùs intendebat, aut à relinquendo legato, vel donatione facienda. Eademque locum habent in electione, præsentatione, vel collatione Beneficii Ecclesiastici.

VIII. Porro inter exempla injustæ impeditionis ex qua exurgat obligatio restituendi, Toletus lib. 5. cap. 19. num. 4. istud allegat, si quis Episcopum volentem certæ personæ conferre Beneficium, à proposito diverterit detegendo ei crimen verum, sed omninò occultum ejus cui erat collaturus. Sed melius docet Lessius cap. 12. dub. 18. num. 124. neque peccasse contra justitiam, neque teneri restituere, aut satisfacere illum qui collarorem beneficii, vel Officii diverterit per privatam admonitionem criminis occulti, quia jus est in hujusmodi patefacere privatim illi cujus interest ea quæ hominem minùs idoneum, aut minùs fidelem ostendunt ad id munus, vel officium, vel collationem minùs decoram reddunt. Unde etiam solent occultæ informationes à sanctioribus & sapientioribus fieri.

VIII. Itaque ubicumque penè certam alioqui boni alicujus consequutionem aliquis frustraverit impediendo, putà quum impeditus jus habebat in re, vel ad rem per justam promissionem, stipulationem, aliumve contractum, aut per electionem, præsentationem, expectativam, coadjutoriam, regressum, aliumve titulum per quem datur actio ad rem petendam; in his casibus quanvis impediens nullam vim aut fraudem adhibuerit, sed solas preces & suasiones, si justa non fuerit causa jus illud in rem acquisitionem impediendi, tenetur impediens ad istius damni reparationem, quia hoc ipso peccavit contra justitiam, quòd jus alteri jam acquisitum sine legitima causa frustraverit. Lessius num. 122. hoc addens, eum qui tale jus habentem sic impedit, non obligari in totum quanti res ipsa valet, sed quanti illud jus, illaque spes, consideratis judicio boni & prudentis viri omnibus circumstantiis æstimaretur. Eadem etiam docet Bonacina de restitutione, in genere, disput. 1. quæst. 2. puncto 12. num. 3. ubi nullum tale fuisset ius ad rem, sed spes plus minusve probabilis, aut conferentis dispositio, vel propositum, spes illa, vel dispositio multò minùs æstimanda erit, nec restitutionis ulla erit obligatio, nisi tribus supradictis concurrentibus conditionibus, maxime vidè vi, vel dolo: non enim ad hoc sufficerent preces & suasiones. Cum enim quantumvis aliquis dignus foret, non tamen
jus

jus habet nisi in libera ejus qui conferte potest voluntate. Atqui preces, blanditiæ, munera, suasiones, non repugnant libertati; neque collator censeri potest involuntariè hoc facere, quod ita inductus agit. Navarra cap. 17. num. 69. Sotus lib. 4. de justitia, quæst. 6. art. 3. sub finem. Lessius loco cit. num. 128. Bonacina de restitut. in genere, disp. 1. quæst. 2. punct. 12. num. 2. aliique communiter.

I X. Quæres quid sit statuendum eo casu quo quis digniorem nullum jus habentem ad Beneficium aut Officium sine vi, vel fraude impedit, ut ei minùs dignus præferretur? Respondemus illum quidem peccasse, non ramen obligari quidquam restituere, modò dignum & idoneum ad id promoveri fecerit. Nisi id factum fuerit in concursu & examine, in quibus ille qui dignior agnoscitur, jus habet ut cæteris quanvis dignis præferatur. Et Prælati, atque Magistratus jus istud in concursu violantes, non modò peccant mortaliter ut infideles dispensatores, sed etiam vinculo tenentur restitutionis, quatenus injuriam illi fecerunt, quem lex concursus reliquis præferri exigebat.


X. Restituendi obligationi non est obnoxius ille qui sine vi vel fraude curavit testamentum revocari, & alium hæredem institui; quia neque hæredes, neque legatarii jus ullum habent ad successionem quandiu testator est in vivis, cum sit libera testatori sui testamenti revocatio, habeatque, ut Jura loquuntur, deambulatoriam voluntatem usque ad mortem. Sicut ergo poterat testator testamentum suum sine cujusquam injuria revocare, ita potuit alius ei revocationem illam modis non illicitis persuadere. Sotus verò censendum de illo qui vi, vel minis aut calumniis extorsit testamenti, aut legari alicujus revocationem: & de illo quoque qui volentem testamentum condere, vel codicillum, per vim vel fraudem impedit, exempli gratiâ impediendo Notarii, aut testium accessum: his enim casibus locus est illi generali & receptissimæ regulæ, cum qui vi, aut fraude alterius bonum impedit, peccare contra justitiam, & ad restitutionem obligari.

X I. Ille denique cujus vi, vel fraude plures competitores ab assequutione alicujus Beneficii, alteriusve boni impediti fuere, tenetur restituere singulis horum quanti spes illorum probabilis judicio prudentis valebat, juxta regulas suprà adductas. Molina tom. 3. disp. 727. n. 7. Lessius loco cit. n. 127. Bonacina loco cit. num. 9.



CAPUT XVI.

Quando, & quomodo teneatur restituere qui cooperatus est alterius damno.

I.  XIMUS Ecclesie Doctor S. Augustinus ita scribit epist. 54. ad Macedonium: *Sires aliena propter quam peccatum est, cum reddi possit, non redditur, non agitur penitentia, sed fingitur: si autem veraciter agitur, non dimittitur peccatum nisi restituatur ablatum; sed, ut dixi, cum restitui potest. Plerumque enim qui avertit, amittit, sive alios patiendo malos, sive ipse male vivendo; nec aliud habet unde restituat. Huic certe non possumus dicere, Redde quod abstulisti; nisi cum habere credimus, & negare.* Hactenus D. Augustinus. Quisquis efficaciter influxit in alterius damnum, tenetur jure nature illud reparare. Hujusmodi sunt cooperantes uno aliquo ex novem modis, qui duobus istis versibus comprehenduntur.

Jussio, consilium, consensus, palpo, recursus.

Participans, minus, non obstant, non manifestans.

Scilicet 1. Mandato: 2. Consilio: 3. Rei approbatione, aut laude: 4. Consensu: 5. Recipiendo rem, aut refugium damnificanti præbendo: 6. Auxilium præbendo in malum: 7. Tacendo: 8. Non impediendo: 9. Non manifestando, nimirum cum quis ex officio & justitia loqui, impedire, aut manifestare tenetur: nam qui ex sola charitate tenentur ad unum aliquod ex his tribus, non incurrunt damni restituendi obligationem, quæ est solius justitiæ, & non aliarum virtutum debitum. Itaque si plures communi conspiratione vel concursu efficaciter cooperati sunt alieno damno, tenentur singuli in solidum illud refarcire. Nec ista minuitur obligatio ex eo quod si isti non damnificassent, alii eorum defectu hoc idem damnum intulissent; hæc enim obligatio sequitur damnificantes actu, non verò eos qui cæteroqui damnificassent, non tamen actu ipso damnificaverunt.

II. Cæterum si consilium, aut approbatio nihil efficaciter influxerint in damnum alterius, eo quoddam damnificans æquè dispositus erat illud damnum exequi, peccavit quidem, non tamen obligatur ad restituendum, quia nihil influxit in damnum ad quod jamdudum completè se malefactor determinaverat, juxta doctrinam S. Thomæ, S. Antonini, Sylvestri, Navarri, aliorumque. Verum tamen si per injustum judicium reus innocens damnatus fuit omnium Judicum suffragiis, illi qui ultimi dedere suffragium post completum requisitum ad sententiæ validitatem numerum suffragio-

rum.

rum, videntur nihilominus obligari ad restitutionem: licet enim à primis suffragatoribus jam sufficienter & efficaciter fuerat præbitus influxus, sperari tamen poterat ut posteriores suffragatores admonendo quæ sui erant officii, & suffragium suum recusando adduxissent priores, qui jam opinati sunt, collegas ad revocanda injusta suffragia: hoc, inquam, casu supernumerarii suffragatores restituere tenerentur. Bonacina de restit. in gen. disp. 1. quæst. 2. punct. 8. n. 4. quia non tantum ex iustitia tenebantur rectum dare consilium, sed etiam admonendo, si fieri posset, revocare injusta collegarum judicia. Ita Navarra cap. 17. num. 21.

III. Quid verò statnendum si quis dubitat utrum suo consilio injusto, quod se dedisse cortus est, is cui datum est consilium fuerit efficaciter impulsus ad damnificandum; an verò etiam sine hujusmodi consilio jam erat sufficienter dispositus ad inferendum hoc damnum, ita ut consilium fortasse non fuerit causa damni animo jam præmeditati? Diversè à Doctoribus respondetur. Petrus enim Navarra lib. 3. de restit. cap. 4. num. 58. Filiucius tom. 2. tract. 32. cap. 3. quæst. 7. num. 57. & tract. 21. cap. 4. n. 167. & alii quidam negant ita dubitantem teneri restituere, eo quod in dubiis melior sit possidentis conditio, l. *In dubiis*, D. de regul. jur. Contraria tamen opinio mihi verior & sequenda videtur, quam docet S. Thomas 1. 2. quæst. 62. artic. 7. his verbis: *Tunc solum tenetur consiliator, aut palpo, id est adulator, ad restitutionem, quando probabiliter estimari potest quod ex hujusmodi causis fuerit injusta acceptio subsequuta.* Certè enim verba ista, *probabiliter estimari potest*, non certitudinem, sed dubitationem & formidinem potius exprimunt. Affirmant quoque disertè obligationem restituendi in casu dubii Covarruvias in Clement. *Si furivus*, part. 2. §. 2. n. 1. Molina tom. 3. de justit. disput. 736. num. 6. Bonacina d. quæst. 2. punct. 7. num. 5. Lessius lib. 2. cap. 27. dub. 3. num. 13. Ratio est, quia in dubio nemo præsumitur malam suam sponte facturus, l. *Mertio* §. 1. D. pro socio. Unde infert Covarruvias, eum qui damnificavit, non fuisse damnificaturum, nisi id consilium quod se dedisse certum & exploratum est, ipsum movisset. Confirmatur, quia in dubio æquali damnificator censetur indeterminatus. Ergo præsumendum est, sequentem ejus determinationem ex malo consilio subsequuto processisse.

IV. Secus tamen, ut rectè Lessius admonet, judicandum esset ubi dubitaretur an fuisset datum consilium: hac eadem ratione, quia malum non præsumitur nisi probetur, d. l. *Mertio*, & d. l. *In dubiis*. In dubiis melior est conditio possidentis; stat enim possessio pro innocentia, donec perspicuè de delicto non constet. Idemque statuendum, si dubium esset an consilium datum processisset ex culpa, an verò ex inculpabili, aut saltem leviter culpabili. Nam ut capite sequenti ostendemus, damnum sine peccato illarum non inducit restituendi obligationem, & ubi fuerit culpa levis, non obligat in totum, sed in partem. Sanè ubi tam gravia sunt indicia,

sive profusæ malitiæ, sive præparationis modorum damnificandi, sive declarationis malæ voluntatis quæ consilium præcessisset, eo casu præsumi posset nullum fuisse influxum ex malo subsequente consilio, & consulens esset immunis, ut idem docet Lessius lib. 2. cap. 13. dub. 4. in fine.

V. Quæritur præterea, utrum damnum præstare, seu restituere teneatur is qui mandavit quidem, aut consuluit injunctam damnificationem, sed postea revocavit antequam damnum fuisset illatum? Communiter concipiunt Doctores, eum qui mandaverat, si ante damni executionem mandatum penes mandatarium revocaverit, eximi ab onere restituendi, quia passim constat ex titulo Digestorum *Mandati*, mandantem non teneri ex mandato postquam mandati sui revocationem ante factum sufficienter mandatario intimaverit; sic enim. satis superque cessat mandati præcedentis influxus. De consilio autem secus decernit communis Doctorum opinio; censent enim eum qui damnum consuluit, non revocare sufficienter influxum injusti consilii, nisi efficaciter persuaserit ut à malo opere alter desistat. Martinus Navarra in Manuali, cap. 27. n. 233. quem sequuntur Azorius, Toletus, Lessius, Bonacina, alique hanc rationem dantes. descriminis hujus inter consulentem & mandantem, quia consilium datur in gratiam recipientis, mandatum verò datur in gratiam ipsius mandantis: unde mandans, si retractet. mandatum suum re adhuc integra, retractat simul influxum suum; ideoque non tenebitur de damno sequenti, quatenus mandatum cum versetur circa interessè mandantis, revocatio mandati revocat simul influxum qui proficiscitur ex interessè mandantis. At verò consilium cum habeat pro suo fine interessè illius qui consilium recipit, retractatio consilii non semper amovet ejus influxum, nisi alter desistat à prosecutione sui interessè, pro quo datum fuit ei consilium. Atque isti doctrinæ adherendum est in praxi, quamvis Petrus Navarrus, & Salonijs his non acquiescant, & consulentem perinde ut mandantem à restitutione faciendâ eximant, ex quo revocationem re integra significaverint, totumque deinceps damnum in solam exequentis malignitatem refundant. Adhuc tamen subsistendum est circa revocationem consilii: vel enim consilium versabatur circa jus, verbi gratiâ dicendo licitum quod tamen est illicitum; & ejusmodi consilium re adhuc integra sufficienter revocatum apud eum cui datum fuerat, eximit eum qui malè consuluerat ab obligatione restituendi damnum postea illatum, quia ejus desit influxus per manifestationem contrariæ veritatis: vel consilium fuit immediatè circa factum injustum & damnificum, & hujus revocatio non sufficit ad eximendum à restitutione facto subsequuto eum qui sic consuluerit. Bonac. punct. 7. num. 6.

VI. Jus quidem Civile & Canonicum simul conveniunt dicendo: *Consilii non fraudulenti nulla obligatio est. Caterum si dolus & calliditas intercessit, de dolo actio competit.* Lege *Non fraudulenti consilii* 47. D. de reg. jur.

jur. Et: *Nullus ex consilio, dummodo fraudulentum non fuerit, obligatur*, cap. *Nullus*, eod. in 6. Si in his locis dolum strictè sumas, aut fraudem, intelligendi erunt hi textus de foro tantum externo. Si verò verba hæc latè sumantur, ut culpam etiam comprehendant, locus his quoque regulis erit in foro conscientie circa consilium cui causam dederit culpabilis ignorantia. Ubi verò ignorantia non fuerit culpæ conjuncta, vel temeritati, nulli erit restitutioni obnoxius qui bona fide erroneum consilium dederit, etsi damnum fuerit inde subsequutum.

VII. Sanctus Thomas 1. 2. quæst. 62. art. 7. multa præclare docet circa restitutionem faciendam. Primò, novem præfatos modos quibus aliquis ab alio damnificari potest, & in quibus inest obligatio ad restitutionem, & singulos ex his modis obligare singulos influentes in solidum ad reparandum illatum damnum. Secundò, Principes qui tenentur custodire justitiam in terra, si per eorum defectum latrones incrementum, ad restitutionem teneri, quia redditus quos habent, sunt stipendia ad hoc instituta ut justitiam conservent in terra. Tertiò, hosce modos, etiamsi per eos mortaliter peccatum fuisset, non semper obligare, sed tantum ubi efficaciter in alterius damnum influxerint. Et hæc dicit in corpore articuli. Quartò, principaliter teneri restituere illum qui est principalis in malefacto: primum quidem præcipientem, secundariò exequentem, & consequenter alios per ordinem. Quintò, uno istorum restituente illi qui passus est damnum, alium non teneri restituere damnum eidem quem anterior restituens fecerit indemnem; sed restituere debere principalem damnificatorem; aut eum ad quem res injustè subrepta pervenerit, minus principali damnificatori qui restituere damnum passus prævenit. Hæc dicit ad 2. argum. Sextò denique, non semper illum qui non manifestat latronem, teneri ad restitutionem, aut qui non obstat, aut qui non reprehendit; sed eum solum cui ista incumbunt ex officio, ut Principes terræ, Gubernatores, Magistratus, Officiales. Hæc dicit ad 3. arg.

VIII. Itaque juxta has regulas milites coöperantes in urbis injusta direptione vel agrorum vastatione, tenentur singuli id solum reparare damnum quod in individuo per se operati sunt. Duces autem exercitus tenentur in solidum ad universum damnum quod ex eorum neglectu, licentia, vel mandato milites ipsorum exequenti fuerint. Ita Navarra cap. 17. n. 20. Et si ex communi conjuratione plures loci ad unius domus, aut villæ excidium concurrerint, & dum simul deprædantur, alius superveniens aliquam suppellectilem inde abstulerit, singuli ex numero conjuratorum obnoxii sunt restitutioni in solidum: qui verò deprædationi supervenerit, id solum tenetur restituere quod seorsum diripuit, quia ipse unus causa est singularis damni; reliqui verò singuli per communem conspirationem in totale damnum influxerunt.

I-X. Gravis est difficultas circa alieni peccati cooperationem, quæ fit
SSff 3 pet

per actus de se, sui que natura licitos, atque ad bonum aut malum indifferentes, ut contingit in Christianis apud Infideles captivis, quos illi cogunt adversus Christianos remigare ad bellum, vel piraticum latrocinium. Navarrus quidem Mannal. cap. 27, n. 63. & in cap. *Ita quorundam*, de Judæis, notab. 21. eos dicit peccare mortaliter, & teneri mortem potius oppetere. Cateri verò ferè omnes Summisæ illos vi compulsos ad sic remigandum excusant à peccato. In primis certum est eos qui voluntariè cooperantur hoc fine, ut alieno peccato consentiant & famulentur, quanvis eorum actio præcisè & ex sui natura non esset mala, peccare tamen ex consensu ad malum finem, dicente Apostolo Rom. 1. *Qui talia agunt digni sunt morte, non solum qui ea faciunt, sed etiam qui consentiunt facientibus.* Et dicit cap. 1. de offic. jud. deleg. *Agentes & consentientes pari pœnâ puniuntur.* Difficulus ergo versatur in illis qui compulsi à superiori potestate aliquid ex se sui que natura agunt quod injustæ voluntati Superioris famulantur & inferunt; cui tamen obtemperans non consentit animo. Cogitanti mihi de hac quæstione tria occurrunt præjudicia quæ nemo prudens possit aspernari. Exemplum Sancti Gregorii Papæ, quod ipse de se testatur & approbat. Deinde sapientissimi Pontificis Innocentii III. decretum in cap. *Pastoralis*, §. *Quia verò*, de offic. jud. deleg. his verbis: *Respondemus quod cum Ordinarius teneatur obsequi Delegato, etsi sciat sententiam illam injustam, exequi nihilominus teneatur eandem.* Ex adverso divina & naturalis ratio suadet nihil agendum contra propriam conscientiam, alioqui indubiè peccari, tamen si conscientia ipsa esset erronea. Sacra quoque Scriptura denunciat Act. 5. Deo esse obediendum magis quàm hominibus. Et carnifices qui injusta Principum & Senatus adversus Christianos edicta exequabantur, licèt non causæ cognitio, sed sola exequutio eis mandaretur, non erant immunes à peccato. Sic igitur interpretanda est Innocentii Constitutio, ut velit Ordinarius præsumere quod Superioris committentis sententia à se exequenda non sit injusta, quanvis primo aspectu talis sibi videatur, atque ideo scrupulum deponat, nec velit penitus explorare rem non sibi perspectam, cujus sibi demandatur exequutio, & non cognitio. Tertium præjudicium est in eo quod si quis calumniis ita opprimatur, ut non suppetat probatio, vel defensio in contrarium, iudex qui certò scit accusationis falsitatem, & accusari innocentiam, debeat tamen contra propriam conscientiam supplicio innocentem accusatum addicere; quod est verè & scienter cooperari calumniarum malitiæ adversus innocentem: quæ tamen conclusio est Sancti Thomæ 2.2.q.67. art.2. Quia tamen permulti huic opinioni refragantur, non ei ulterius insisto. Taceo pervulgatum illud exemplum Naaman Syri; quod tamen Eliseus Propheta non reprobatur, sed virum illum cum pace dimittit, lib.4. Regum, cap.5.

X. Venio itaque ad primum ex Sancto Gregorio præjudicium. Hic er-
go lib.2. epist. 100. quæ est ad Mauricium Augustum, qui lege prohibuerat
militæ

milites nondum militiâ solutos fieri Monachos, protestatur ibi vir sanctus hanc legem esse contra Deum ipsum, per eam occludi quamplurimis æternæ salutis viam, plerisque milites esse qui nisi omnia reliquerint, salvari apud Deum nullatenus possint. Et tamen quasi cooperans huic injustitiæ tam multis animabus exitiali, testatur ibidem se Principi obtemperando eandem legem per diversas terrarum partes transmitti fecisse ut promulgaretur: addens se id quod debuit exsolvisse, dum Imperatori obedivit, & pro Deo quod sentiebat non tacuit. In istius facti examine tres circumstantias deprehendo, quæ in hujusmodi occursibus possunt esse totidem regulæ evitandi peccati. Primum non consentit malæ intentioni Imperatoris, imò verò illam pro suo Pontificis officio apertè damnat. Secundò illa Pontificis actio sic erat in seipsa indifferens, ut directè ac immediatè non operaretur rem malam ab Imperatore intentam; trans mittebat enim ejus Edictum, sed non hortabatur ejus exequutionem. Tertiò impendebant neganti hoc officium gravia mala, & majora in sanctam Ecclesiam scandala ab Imperatore. Hæc tria similiter concurrere videntur in Christianis illis remigibus; non enim animo consentiunt, sed inviti remigare compelluntur. Item eorum actio ex se indifferens non attingit immediatè malum ab infidelibus intentum, non enim capiunt, non pugnant, non occidunt, non tormenta in Christianos adhibito igne dispendunt; hæc enim, ut Lessius docet, præstare, quanvis coacti, non possent citra mortale peccatum. Tertiò non modò inviti, sed etiam cruciatibus imminetibus, & mortis metu compulsi remigant. His ergo tribus simul concurrentibus licitum esse talia, & his similia operari sine peccato & sine obligatione restituendi, volunt Lessius lib. 2. cap. 9. dub. 18. Bonacina de restitut. disp. 1. quest. 2. puncto 10. num. 3. Bonaldus tom. 1. tract. 41. lectione 18. Ego verò quidquam decernere non ausifum.



C A P U T XVII.

Utrum secluso dolo, aut conventionione, quævis culpa obliget in conscientia ad restitutionem.

IN foro quidem exteriori decernitur plerumque secundùm leges reparatio damni ex culpa dati, etsi damnum casu evenierit, dummodo culpa casum præcesserit. Unde ait lex *Contractus*. D. de reg. jur. *Contractus quidam dolum malum duntaxat requirunt, quidam dolum & culpam. Dolum tantum, depositum & precarium: dolum & culpam, mandatam, commodatum, venditum, pignori acceptum, loca-*

1717

rum; item dotis datio, tutela, negotia gesta. In his quidem & diligentiam societas & rerum communio, & dolum & culpam recipiunt: sed hac ita, nisi quid nominatim convenit, v'l plus, vel minus in singulis contractibus: nam hoc servabitur quod initio convenit. Ex ista lege Doctores infertunt, nullam præstari culpam à recipiente in contractu inito in gratiam solius dantis, ut in deposito; præstari verò culpam levissimam à recipiente ubi in ejus gratiam solius contrahitur, ut in commodato. At ubi æqualiter in dantis & recipientis gratiam contractum fuerit, non aliam præstari culpam quam latam & levem, ut in venditione, locatione, pignore. Ratio demum cur recipiens precarium, quanvis in ejus solius gratiam fiat, non teneatur de culpa, hæc est, quia ei qui dat, liberum est quandocunque voluerit repetere. Sed hæc Jure Civili, & quoad forum exterius; secus enim decernitur sæpenumero in foro conscientie.

I I. Duplex in foro interiori distinguitur culpa, civilis scilicet & theologica, quæ est ipsum peccatum. Qui enim culpam suam merè civili (sive lata sit, sive levis, sive levissima) damnum fecit, ad nihilum obligatur in conscientia, nisi postquam fuerit in foro externo condemnatus, aut nisi de præstando damno specialiter fuerit inter Partes conventum. Ita docet Innocentius in cap. *Sicut dignum*, §. *Eos*, de homicid. Abbas in cap. *Si egressus*, de injur. Sylvester verb. *Restitutio* 2. dub. 12. Lessius lib. 2. cap. 7. dub. 6. num. 26. Azorius tom. 3. lib. 3. cap. 7. Layman lib. 3. sect. 5. tract. 3. p. 1. cap. 5. n. 2. & alii quos ibi citat, contra Angelum, Covarruviam, & Adrianum. Exempla refert, si ex ædibus aliquid inconsultè projeceris, vel effuderis: si canem alligare, si lucernam extinguere, si furnum ocludere, si foveam supernè openire oblitus sis, atque inde damnum acciderit, refarcire illud non teneris ante Judicis sententiam. Sed si aliquod pactum de hujusmodi præstando damno intervenerit, teneris in conscientia ante Judicis condemnationem. Ita Layman contra Toletum lib. 5. cap. 18. Solum lib. 5. de justit. quæst. 7. art. 2. Sæ verb. *Culpa*, num. 2. dicentes contrahentem non teneri de culpa, nisi sit mortalis. Quod si sit culpa quidem theologica, sed venialis, Layman loc. cit. existimat ann. 4. cum Molina tract. 2. tom. 3. poster. disp. 698. num. 7. si pactum non intervenit, refarciendum esse damnum in foro conscientie, non in totum, sed ex parte, prout major, minorve culpa fuerit. Ratio est, quia intervenit injusta & culpabilis læsio, quæ est fons obligationis restituendi. Licet verò Petrus Navarra lib. 2. cap. 1. num. 4. Lessius lib. 2. cap. 7. num. 27. Sanchez in Sum. lib. 2. cap. 23. num. 160. Azorius p. 3. lib. 9. cap. 8. versùs fin. & Filiucius tom. 2. tract. 32. cap. 4. scribant nullam ex peccato veniali oriri obligationem restituendi; rationi tamen magis congruit damni ex culpa dati sententia Layman & Bonacine, ut ubi sola civilis culpa fuit, nullæ talis existat obligatio; sed ubi intervenit moralis, seu theologica culpa in æquo damno, si sit mortalis, teneatur damni author in totum: si venialis,


in

in partem majorem, vel minorem, pro qualitate culpæ majoris, vel minoris. Ut si quis postquam puteum aperuit, ex mera inadvertentia, vel oblivione naturali relinquat illum apertum, ideoque in eum homo, vel jumentum decidat, nulla erit obligatio damni reparandi. At ubi damno causam dedit venialis culpa, surgit obligatio restituendi damni juxta partem taxandam pro majori, vel minori gravitate culpæ. Quia verò culpæ debet commensurari ac proportionari pœna; idè minor pœna minori culpæ affigitur. Quo fit (ait Bonacina dicta disput. 1. quæst. 1. puncto 3.) ut culpa illa tam levis esse possit, ut vix obliget ad restituendum centesimam partem damni; & quandoque ita gravis ut obliget ad decimam partem refarciendam. Quod si re benè secundùm omnes circumstantias spectata, dubitatur adhuc, sitne venialis, an mortalis culpa, eo casu damnificator, eodem auctore Bonacina, videtur obligandus ad solvendam medietatem damni, nullatenus autem ad totum refarciendum, quia in re dubia nemo spoliandus est re sua, & quia melior est in dubio possidentis conditio.



C A P U T XVIII.

De quantitate obligante ad restitutionem; & de possessore bonæ fidei.

1.  A Y M A N sect. 5. tract. 3. parte 1. cap. 1. num. 3. judicat quantitatem notabilem furti sufficientem ad culpam mortalem, & obligantem ad restitutionem esse illam quæ sufficit ad unius diei victum ejus qui furtum passus est, spectato illius statu & opibus. Ratio est, quia damnum illatum pensandum est secundùm illius penuriam qui passus est: quod enim ditiori leve est, illud inopi grave est. Et confirmatur Marci 12. ubi de vidua paupercula, quæ duo minuta in gazophylacium Templi misit, sic dicit Dominus: *Vidua hæc pauper plus omnibus misit; omnes enim ex eo quod abundabat illis miserunt: hæc verò de penuria sua omnia quæ habuit, misit totum victum suum.* Quod verò attinet ad furtum de rebus potentissimorum & opulentissimorum commissum, idem asserit sufficere ad mortale peccatum duorum triumve ducatorum aureorum valorem, etiam si potentissimo Regi hæc fiat injuria. Difficilis certè hujusmodi æstimatio, de qua aliorum malo sententias referre, quam propriam promere. Addit idem Author, hunc esse communem Doctorum sensum, quod summa duos aureos excedens constituat notabilem quantitatem, juxta legem *Si quis affirmaverit*, & l. seq. D. de dolo. Ibidemque asserit cum Martino Navarra & communi sententia, in re quoque minima furtum

T T t c cllg

esse mortale, quando hujus occasione dominus rei gravi damno afficitur, ut si factori unicam subulam, quam habet, vel acum aliquis subripiat, quo fieri ut plurimum dierum victu privetur.

II. Quæritur quid decernendum, si ex multis levibus furtis summam excreseat in notabilem quantitatem? Id verò tribus diversis casibus contingere potest. Primus est quando multi ab uno aliquo homine auferunt singuli quidem parvam quantitatem, ita tamen ut omnibus simul spectatis, dominus ipse grave damnum sustineat: ut si vinea multorum hominum concursu vastetur. Hoc primo casu ita distinguendum: vel enim isti damnificantes unà conspirant ad hoc damnum, & ita dicendum singulos influxisse ad hoc totale damnum, atque ita singulos juxta regulas suprà cap. 13. positas peccasse mortaliter, & teneri refarcire in solidum totum hoc damnum: vel non conspirarunt, sed fortuito occursum simul in vineam irruerunt; & tunc singuli venialiter solum peccaverunt, nec tenentur aliud quam partem illam damni quæ sigillatim eos contingit refarcire; quippe qui ad alias damni à sociis illati partes non influxerunt.

III. Secundus casus est quando unus idemque sic à diversis personis subripiat, ut cum singulæ personæ leve dispendium passi fuerint, ex omnibus tamen simul spectatis formetur grave damnum, ut fieri solet in utentibus falsis ponderibus ac mensuris, quæ singulos accedentes obolo defraudant. Dicendum igitur, hunc ita fraudantem esse peccati mortalis reum, & strictum ad restituenda hæc damna, quantumvis seorsim exigua forent. Restitutio ista sigillatim quoad moraliter fieri potest facienda est: sin minus pauperibus, præsertim verò ejus loci in quo quis fraudes istas commisit, si & hoc commodè fieri potest; alioqui pauperibus sine ullo habito locorum discrimine. Nec opponas, posse contingere, ut nemo in individuo, aut pauci grave inde dispendium passi fuerint; satis enim est ad restituendi obligationem, si collectum grave fuerit illatum damnum. Et alioqui ampla ad omnem nequitiam muniretur via, si quisvis macellarius, tabernarius, caupo, insitor, exercitor, negotiator ditari posset alienis dispendiis. Scripturaque sacra attestatur Proverb. 11. *Statera falsa abominatio est apud Deum.* Et Deut. 25. *Non habebis in sacculo diversa pondera, majus & minus: abominatur enim Dominus Deus tuus eum qui facit hoc.*

IV. Tertius casus, quod unus aliquis ab altero uno per furtum diversis temporibus modicum quid accipit, quod temporis progressu excreseat in notabilem valorem & summam. Hic similiter committitur mortale peccatum cum necessitate restituendi universa, quantumvis sigillatim exigua. Ratio liquet; mortalis enim culpa, & restitutionis debitum determinatur ex notabili quantitate ac valore rei alienæ ablatae vel retentæ.

V. Et sanè, vel aliquis ab initio proposuit locupletari per multiplicia exigua furtiva; isque ex illa prava intentione peccavit mortaliter ab ipso initio, etiam ante omne factum; sola namque intentio mala ad hoc sufficit: vel

vel non formavit ullum generalem talis intentionis actum, sed tantum singulas intentiones efformavit ad singulas quas commisit exiguas fraudes : eoque casu tunc solum mortalis delicti tenetur reus, quando eam fraudem intendit & facit, quæ anterioribus accedens implet notabilem quantitatem quam priores fraudes nondum attigerant. Hæc eadem fusiùs docent qui de restitutionibus tractatus ediderunt, ac in primis Petrus Navarra.

V I. Observa cum Layman sect. 5. tract. 3. p. 1. cap. 1. majorem requiri quantitatem ad mortaliter culpabilia furta filiorumfamilias, uxoris, & famulorum, præsertim circa elencta & poculenta domi suffurata, dummodo ipsi insumant, nec aliis divendant. Ratioque est, quia paterfamilias non censetur adeò invitus in hujusmodi. Similiter majori opus esse quantitate ubi modica furta diversis aut personis, aut temporibus sunt, modò non dependeat univèrsa ex uno præcedentis propositi influxu. Ratio est, quia minùs incommodantur quibus hoc modo subripitur. Insuper habendam esse rationem majoris aut minoris intervalli inter diversa furta interjecti, adeo ut multi Doctores quos citat & sequitur Layman, censcant non excedere culpam venialem si famuli per minuta furta intra quadriennium usque ad ducatum aureum pertingant. Hoc pariter addit, si quis pluribus personis per longa intervalla suffuratus sit summas quæ simul spectatæ excrescant ad duos, tresve nummos aureos, non existere peccatum mortale, modò, ut sæpiùs dictum est, non præcesserit commune aliquod propositum per quod furta ista diversa mortaliter uniantur. Hæc Laymanus, quem Lectori examinandum relinquo.

V I I. De bonæ fidei possessore hæc tenenda, statim atque rem noverit esse alienam, teneri restituere, alioqui cessat bona fides : neque si emerat, posse pretium à rei domino exigere, quanvis bona fide ac ignorans emisisset, l. *Mater tua*, & l. *Si mancipium*, C. de rei vendicat. Non enim par est ut rem suam quis emat, l. *Sua* 16. D. de contrah. empt. Cæterùm emptori bonæ fidei jus competit repetendi pretià suo venditore, l. 1. D. de eviccion. Sed si bonæ fidei possessor sit in mora culpabili restituendi, ex quo rem movit esse alienam, jam incipit mala fide possidere ; & qui antea solo rei acceptæ titulo tenebatur, tenebitur deinceps titulo injustæ detentionis aut damnificationis. Quandiu verò est in restituendi voluntate, & non peccat per moram suam saltem graviter culpabilem, si casu res apud ipsum dispareat, nihil aliud debebit nisi id in quo factus fuerit locupletior.

V I I I. Si quis dum bona fide possidebat rem alienam alteri vendiderit pari, vel minori pretio ac ipse emerat, ad nihil utique tenebitur : sed si pluri vendiderit, ad id solum tenebitur quod amplius acceperit, juxta S. Thomam 2. 2. quæst. 62. art. 6. Quid si quod bona fide possidebat donaverit, aut in lusus, vel convivia impenderit ? Respondeo quod si quanvis rem illam alienam non habuisset, aliam nihilominus æquivalentem rem daturus fuerat, aut aliter impenfurus, restitutioni est obnoxius, quia sic

dici potest factus fuisse locupletior. Si autem nihil ejus vice fuerat impen-
surus, non potest dici factus locupletior, ac proinde ad nihil tenebitur,
nisi si donataris ipsis aliquid ei per gratitudinem retribuerit; tunc enim
hoc unum restituere tenebitur in quo factus dici potest ex re aliena locu-
pletior. Ita ex ratione & præscripto Juris docent Doctores unanimis post
l. 1. C. de petit. hered. quæ restitutioni fructuum bona fide perceptorum
adstringit possessorem, quoties inde ditior factus est, ac in rem ejus versum
est, & fructus exsuperant pretium curationis & operarum. Eademque lege
sunt decidenda jura omnia, quæ bonæ fidei possessorem à restitutione fru-
ctuum eximunt, ut sunt lex *Certum*, C. de rei vindic. lex *Mala fide*, C. de
condict. ex lege: lex *Qui scit*, D. de usur. lex *Bona fides*, D. reg. jur. Item
§. *Si quis à non domino*, Instit. de rerum divis. & §. *Etsi hereditas*, Instit. de
offic. judic. Quo loco pariter statuitur, malæ fidei possessorem restituere
teneri non solum fructus perceptos, sed eos etiam quos suâ negligentia,
vel culpa non percepit. Summa verò horum ratio refertur in l. *Jure natu-
re*, D. de reg. jur. Jure naturæ æquum est neminem cum alterius detri-
mento & injuria fieri locupletiozem. Atque ita cum res domino fructificent,
bona fides possessoris non eximit ipsum à fructuum restitutione, dummodo
in ejus emolumentum versi fuerint. Sed malæ fidei possessor tenetur restituere
fructus quoque non perceptos, quos dominus rei percepisset, cap. *Gra-
vis*, de reitut. spoliat.



CAPUT XIX.

De Vectigalibus.

2. **M**Utuæ sunt obligationes inter populos & Principes. Cum
enim Principes constituti fuerint propter populos, non verò
populi propter Principes, tenentur Principes providere quam-
exactissime populorum sibi commissorum felicitati & salutis,
justitiam quam integerrime per se, suosque Præfectos & Magistratus admini-
strare, delicta compescere, hostes arcere, Religionem tueri, ac promo-
vere. Ut verò ista commodè à Principibus præstari possint, tenentur populi
Principibus suis honorem & obedientiam impertiri, tributa & vectigalia
solvere, legibus obtemperare. Perhibetur libro 1. Regum, cap. 10. quod
Samuel Propheta post constitutum in populo Israël Regem Saul: *Loquutus
est ad populum legem regni, & scripsit in libro, & reposuit eorum Domino.*
Hoc est, ut exponunt Interpretes, in Sanctuario. Optimè consultum rebus
humanis fuisset si liber ille ad nos usque pervenisset; sed verisimile est
fuisse.

fuisse vel à Salomone, vel à Roboamo abolitum, quo tempore sacra omnia pessandabant, & populos tributis immanibus opprimebant, ne sua perversitas hujus libri censurâ damnaretur. Certè lex illa Regni mores illos tyrannorum reprobabat, quos commemoraverat idem Samuel ad populum idcirco, ut horum odio & metu populum qui Regem sibi præfici postulabat deterreret. Sic enim jus Regis exponunt esse abusus quos contra Dei legem pro sua libidine invehere solent Reges ac Principes perversi. Sic Divus Gregorius Papa in expositione libri primi Regum: *Cum ergo (inquit) jus Regis prædicatur, nimirum in unius carnalis præpositi conversatione ostenditur quod carnales ceteri ex tyrannide absumuntur, non quod electi debeant imitari. Nam in eadem Regum historia legitur, quia cum Rex Achab vineam Naboth abstulit, iram Dei omnipotentis incurrit. Cum ergo hic prædicatur quod commissum illis peccatum est, ostendit quod divino judicio non jubetur. Quare & electus Rex David cum ad edificandum altare Domino arcam ab Orna Jebusæ peteret, Regio illorum tyrannorum jure usi noluit, cum eam accipere nullatenus acquiesceret, nisi antea pro ea dignum præstium dedisset. Hæc S. Gregorius. Illud idem jus regium similiter interpretatur S. Thomas 1. 2. quæst. 105. art. 1. ad 5. Idem eundem in locum scribens dicit Abulensis, ceterique Interpretes. Idque eo magis adstruitur quia Deuter. 17. ita docernit Deus de futuris populi sui Regibus, vers. 17. *Non habebit uxores plurimas quæ allicitum animum ejus, neque argenti & auri immensa pondera.* Deinde vers. 20. *Nec elevetur cor ejus in superbiam super fratres suos, neque declinet in partem dextram vel sinistram, ut longo tempore regnet, & filii ejus super Israël.**

II. Ut sint iusta vectigalia secundum Caietanum quinque requiruntur conditiones. Prima est legitima potestas, quæ debet esse suprema in statu politico, hoc est in principibus & Rebus publicis superiorem non agnoscantibus. Ratio est, quia illi qui superiorem non habent, suam immediatè potestatem à populo obtinuerunt; unde necesse est ut à populo accipiant quæ necessaria sunt tum ad sustentationem status & dignitatis suæ, tum ad rectam populi administrationem: ut scilicet Officialibus stipendia solvant, fines ditionis tueantur, hostes arceant, injurias vindicent. Qui verò in sua administratione à Summo Pontifice dependent, ut Proreges, Gubernatores, Optimates, Domini feudales constituti à Principe super diversis partibus ditionis, non habent jus imponendi vectigalia, & in istos illa imponentes decernitur excommunicatio Bullæ in Cœna Domini. Et statuitur in l. *Non solent*, C. vectigalia nova inst. non poss. non posse institui vectigalia inconsulto Principe: & l. *Vectigalia*, eod. tit. ne quidem decreto Civitatum.

III. Secunda conditio est, ut vectigal, seu tributum sit ob justam causam, cui aliter provideri commodè non possit. Cum enim potestates legitime inductæ sint ad populorum tutelam & quietem, & nullatenus ad eorum oppressionem ac deprædationem; nec habeant Principes ullam po-

testatem.

testatem legitimam in subditorum personas & facultates, nisi in ordine ad eorum tuitionem & justum regimen; idcirco si quid per iniquam cupiditatem & superfluum luxum à populo, vel à privatis accipiant, vel exigant, abutuntur potestate ad optimum tantummodò & commune bonum accepta. Unde dicit S. Augustinus lib. 4. de Civit. Dei, cap. 4. *Remotâ justitiâ quid sunt Regna, nisi magna latrocinia?* Et Ezech. 22. *Principes ejus in medio ejus quasi lupi rapientes pradam.* Et rectè dicit S. Thomas 2. 2. quæst. 66. art. 8. ad 3. *Tales Reges & Principes ad restitutionem tenentur sicut & latrones; & tanto gravius peccant quàm latrones, quaniò periculosius & communius contra publicam justitiam agunt, cujus custodes sunt positi.*

I V. Tertia conditio, ut vectigal necessitatem non excedat; quâ enim parte excedet, transiliet fines justæ institutionis, & injustum erit.

V. Quarta, ne infumatur in alienos usus, ut in prodigas largitiones, voluptuarios Principis sumptus qui modum excedant, aliæve inutiles expensas. Ad hæc enim populi contribuere non tenentur, quia non modò sunt extra finem, sed insuper contra finem publicæ salutis, quæ sola vectigalium impositionem & exactionem justificat.

V I. Quinta denum conditio, ne diutius continuetur vectigal quàm postulet causa ob quam indictum fuerit, nisi fortè nova causa supervenerit propter quam de novo imponi licuisset. Sunt enim tributorum causæ aliæ transitorie, ut justum bellum, hostilis incurfus, quibus desinentibus cessare quoque debent tributorum ad hunc finem indictorum exactiones; aliæ verò sunt permanentes & quasi perpetuæ, ut impensæ Regiæ Domûs necessariæ, Officialium stipendia, milites prædarii, armatæ naves ad fugandos aut deterrendos piratas.

V II. Queritur quid sit agendum si Rex suâ culpâ, ut ludis, conviviis, spectaculis, profusis largitionibus ærarium hauserit, aut etiam bellis inconsultè susceptis & gestis, utrum urgente necessitate liceat ei nova imponere vectigalia? Respondent affirmativè Medina, Lessius, alique, si non possit alia ratione publicis necessitatibus occurrere; sed isto casu teneri Principem alios sumptus qui superflui sunt reprimere, & præterea cum primùm res in statum meliorem verterint, illud extraordinarium vectigal non solum suppressum, sed etiam damnum culpâ suâ populo illatum, ut melius fieri poterit, reparare obligatione justitiæ.

V I I I. De illis qui evidenter injusta vectigalia fraudant, nulla quæstio est, cum teneantur Reges lege justitiæ eadem postquam exacta fuerint restituere. Tota ergo ventilatur quæstio de illis qui justa fraudant vectigalia, utrum peccent & obnoxii sint restitutioni? Quorundam opinio est vectigalium legem esse omnino pernalem, neque proinde obligare ante judicis sententiam. Ita Angelus verbo *Pedagium* 6. Navarra Manualis cap. 17. n. 201. & nonnulli alii. Tenenda tamen opposita & communior sententia Soti lib. 4. de just. quæst. 6. art. 4. Sylvestri verbo *Gabella*, Covarruvie in cap.

Pedagium

Peccatum. parte 2. §. 5. Toleti libro 5. cap. 7. num. 3. Lessii libro 2. cap. 33. d. b. 8. Molinæ tom. 2. disput. 674. num. 3. Bonacinæ de reſtitut. diſput. 2. quæſt. 9. puncto 1. num. 3. Layman libro 3. ſect. 5. cap. 3. Filliucii tract. 28. num. 113. Vaſquez in opuſc. cap. 6. §. 3. & aliorum. Probatur ex Scripturis Matth. 22. ubi Chriſtus de cenſu Cæſari ſolverdo interrogatus ait : *Reddite quæ ſunt Cæſaris Cæſari, & quæ ſunt Dei Deo.* Et Rom. 13. *Omnis anima poteſtatibus ſuperioribus ſubdita ſu : non eſt enim poteſtas niſi à Deo. Itaque qui poteſtati reſiſtit, Dei ordinationi reſiſtit. Qui autem reſiſtunt ipſi, ſibi damnationem acquirunt. Idcirco neceſſitate ſubditi eſſote, non ſolum propter iram, ſed etiam propter conſcientiam. Reddite ergo cui tributum tributum, cui veſtigial veſtigial.* Probatur etiam ratione, quia omnis peccat quicumque ſciens & vole. ſ. juſtam legem tranſgreditur, & quidquid juſtè exigitur, non poſt citra injuſticiam defraudari. Juſtitia porro veſtigialium eſt commutativa, quia viget utrimque obligatio ; Principi enim ſalus & ſecuritas populi ex ejus officio incumbit : populo autem præſtatio tributorum & obedientia. Atque iſ qui juſticiam commutativam violat in re gravi, peccat eo ipſo mortaliter cum reſtituendi obligatione. Sanè multi ex allegatis Authoribus, Caietanus, Navarra, Molina, Bonacina, Leſſius, Filliucius excuſant à mortali peccato & ab obligatione reſtituendi fraudantes veſtigialia pro quotidianis victualibus impoſita : tum quia uſu & conſuetudine videtur ita receptum : tum quia videntur ſubditi in hiſ ultra debitum gravari. Caietanus in Summula, verbo *veſtigialia* 1. ſentit iſta eſſe indebita & injuſta : tenendum verò eſt cum Molina hæc poſſe eſſe juſta, dum moderata ſint, & major veſtigialium pars imponatur circa merces, minima autem circa neceſſarias fruges & communia victualia. Alioquin namque magis gravantur pauperes qui vel nullas, vel modicas poſſident facultates, nec poſſunt negotiari : quo enim aliquis pauperior eſt, & pluribus liberis oneratus, eo magis ad ſuſtentandam utcumque familiarum neceſſitate adigitur de rebus ſuis ad pecuniam faciendam vendere, & de rebus alienis emere. Itaque circa victualia violari videtur juſta tributorum forma, quæ poſtulat ne magis onerentur pauperes quàm divites, ſed ut quiſque contribuat ad proportionem facultatum & luctuorum ſuorum. Inſuper lex *Univerſi*, C. de veſtigialib. prohibet etiam ſub pœna capitis, ne ex rebus quæ ad proprium uſum invehuntur, veſtigialia ſumantur. De huius ſpeciei veſtigialibus ita decernit caput *Quamquam*, de cenſib. in 6. *Pedagiorum exactiones tam jure Canonico quàm Civili regulariter & meritiò damnatæ ſunt.* Ac proinde cum Driedone Leſſius monet, non eſſe ingerendum ſcrupulum huiusmodi veſtigialia fraudantibus, præſertim pauperibus, quia non tenentur ad onera Rei publicæ æqualiter cum divitibus ferenda, ſed ſecundum facultatum ſuarum proportionem ; quæ maniſeſtiſſe violatur proportio in tributis per ſingula capita indictis, ideoque capitationes iſtæ æqualiter divites cum pauperibus comprehendentes iniquæ ſunt, neque pauperes obligant.


IX. Si.

IX. Si sit dubium an aliquod tributum sit iustitiæ conforme, an non, judicandum potius est in favorem Principis aut Reipublicæ quæ illud imposuit, quia possessio in omni superioritate stat pro jure superiorum, quibus jubentibus tenentur inferiores obtemperare, nisi de legis aut jussionis injustitia sit evidentiæ, aut certè tam gravis præsumptio, ut pro certitudine haberi queat, ut quum sapientes viri qui norunt Reipublicæ statum, judicant vectigal esse iniquum, ut inquit Lessius. Eo verò casu nihil obstatet quod vectigalis exactor qui bona fide exigit, sua jura hac in parte amitteret: tum quia in conductione publicarum exactionum, & eardem pretii assignatione ratio habetur eorum qui vectigal fraudaturi sunt: tum etiam quia id compensatur multis & poenis quibus fraudantes deprehensi afficiuntur: tum præcipuè, quia secundum rectum & iustitiæ & charitatis ordinem nemo tenetur cum jactura proprii juris alterius rebus consulere. Certè ipsas etiam gabellas quæ super victualibus, & ad usus familiæ necessariis imponuntur, posse justificari, & ad earum solutionem pauperes quoque teneri non est dubium, quando gravis Reipublicæ necessitas ad hoc remedium adigit, cui alia remedia sufficienter mederi non possunt, quia scilicet membra Reipublicæ tenentur pro communi bono, si necesse sit, omnes opes suas, ipsamque adeo vitam exponere. Ita docent illi ipsi Authores qui hoc genus tributum maxime reprobant. Ita S. Antoninus 2. parte, tit. 1. cap. 13. §. 9. Navarra in Manuali, cap. 17. num. 202. Lessius lib. 2. cap. 33. dub. 7.



C A P U T XX.

De quibusdam hæreditariis obligationibus.

I.  **RCENTUR** Canonico simul & civili Jure spurii ab hæreditate paterna, sive ab intestato, sive ex testamento, cap. *Reservante*, qui filii sint legitimi, & l. *licet*, Cod. de natural. liber. quæ lex sola permittit spuriiis relinqui à patre alimenta, & eosque excludit ab omni paterno beneficio, solis exceptis necessariis alimentis, sive ex contractu inter vivos, sive ex testamento, sive ab intestato. Huc pertinet novella 74. cap. 6. Eadem adstruunt Covarruvias de matrimonio parte 2. cap. 8. §. 5. num. 5. Julius Clarus de testam. quæst. 31. alique communiter. Hoc differunt spurii à naturalibus, quia spurii sunt quotquot nati sunt ex parentibus habentibus impedimentum dirimens matrimonium tempore conceptionis & nativitatis, cujusmodi sunt nati ex conjugato & soluta, vel nati ex Monacho, vel ex Clerico in sacris & soluta. At verò nati extra matrimonium ex personis carentibus omni dirimente impedimento

amento dicuntur filii naturales. Ubi vero ex ignorantia existentis alicujus impedimenti dirimentis fuisset bona fide contractum in facie Ecclesiæ matrimonium, proles inde nata censenda esset legitima, cap. *Peruenit*, & cap. *Ex tenore*, qui fil. sunt legit. Covarruvias & Bonacina.

II. Queritur utrum cohæredes ejus usufructuarii qui opes reliquit partim iuste, partim iniuste acquisitas, teneantur singuli in solidum restituere, an vero ex parte pro rata uniuscujusque obventione? Respondeo in primis, ubicumque tota hæreditas constat ex male acquisitis, singulos hæredes teneri, non utique in solidum, sed tamen in illud totum quod singulis obvenit de hæreditate: quinimò ipsos etiam legatarios; non enim eis licet cum iniusto alterius damno locupletari: neque testator potuit plus juris in illos transferre quam ipse habebat. Sed ubi alia quoque supersunt bona iuste acquisita, censendum est obligationem restituendi debere inter hæredes dividi pro rata partium his obvenientium; neque hanc obligationem restituendi ullo modo extendi ad legatarios, dummodo bona hæreditibus obvenientia ad integrè restituendum sufficiant. Hoc tamen limita, si res ipsa alteri debita fuerit legata secundum propriam substantiam ac in propria specie, ut loquuntur Jurisperiti; seu ut cum Philosophis loquar, in individuo, ut prædium, aut mobile alienum. Generaliter porro tenetur hæres ad omnia onera defuncti, l. *Sancimus*, C. de jure deliber. Plures autem hæredes non teneri sigillatim restituere in solidum, ratio suadet, quia carenus onerantur restituere quatenus commodum percipiunt. At vero commodum non nisi in partem accipiunt. Igitur in partem quoque restituere singuli astringuntur. Ita docent Covarruvias lib. 3. var. reol. cap. 7. Soto lib. 6. de iustitia, quæst. 1. art. 4. Medina quæst. 4. de usuris, & plerique alii quos citat & sequitur Bonacina de contractib. disp. 3. quæst. 3. puncto 5. n. 14. Nullatenus autem tenentur legatarii ubi hæreditatis bona sufficiunt, nisi cum res alterius in specie propria legata fuerit. Sed si non sufficit hæreditas, suppleri debent legatarii ad integram restitutionem.

III. Hæres & defunctus censentur in Jure una eademque persona, l. *Hæres*, D. de usucapion. Et sicut hæres succedit in jura, ita & in onera realia defuncti, l. *Hæres in omne* 37. D. de acquir. hæred. eaque ratione persolvere tenetur defuncti realia debita quantum ferre possint vires hæreditatis, facto per ejus diligentiam inventario facultatum omnium hæreditatis: quod si omiserit, edicit Lex ult. C. de jure deliber. compellendum esse ad integram restitutionem etiam ultra hæreditatis vires.

IV. Hæres tenetur in conscientia obtemperare voluntati quam defunctus testamento suo expressit, ut faciat quod sibi dictum fuerit à Confessario: & debet fidem Confessario adhibere quantum verisimile est testatorem Confessario mandasse. Et ubi nihil tale fuisset in testamento mandatum, si tamen Confessarius proferat schedulam privatam defuncti propria ejus manu signatam, quâ mandet fieri aliquid vel dari ad piam causam,

V V u u vel

vel ad satisfactionem conscientiae defuncti, dummodo constet hanc fuisse deliberatam defuncti voluntatem, tenetur hæres hanc testatoris voluntatem adimplere, Menochius, Covarruvias & alii quos citat & sequitur Bonacina. de contractib. disput. 3. quæst. 1. puncto 3. num. 17. & quæst. 17. punct. 7. num. 5.

V. Etsi per l. *Hac consultiissima*, C. de testament. in testamento septem testes rogati, liberi, puberes, & virilis sexus requirantur; in favorem tamen militum statuitur l. *Milites*, C. de milit. testam. & l. *Divus*, D. eod. tit. in militari testamento duos posse testes sufficere. Cum verò non minori favore prosequenda sit dispositio ad pias causas, statutum est cap. *Relatum* 11. de testam. ultimas voluntates valere ad pias causas, etiamsi non plures quam duo, vel tres testes intervenerint. Quod autem præcedit cap. *Cum esses* 10. desiderare videtur ut fiat pia dispositio coram Parocho. Sed dictum cap. *Relatum*, nihil de Parocho dicit, Etsi verò Glossa d. cap. *Cum esses*, dicat habere locum in terris Ecclesiae, attamen Guido Papæ Doctor Gallicanus quæst. 543. dicit habere quoque locum in aliis ditionibus & terris; ita tamen ut velit non aliter valere cum duobus, tribusve testibus, nisi in infirmitate gravi, & si præsentia Curati concurrat: non alio nixus fundamento, nisi verbis d. cap. *Cum esses*, quæ tamen necessitatem non probant extremi morbi, aut præsentia Curati: quæ duæ conditiones non apponuntur in c. *Relatum*. Sed non advertit Guido Papæ dictum c. *Cum esses*, loqui de quocumque testamento etiam in causis profanis, ut valeat cum duobus testibus, modò Curatus quoque interfuerit. At verò cap. *Relatum*, non loquitur, nisi de dispositionibus ultimarum voluntatum ad pias causas, ideoque non requirit aliud in his nisi duorum testium præsentiam. Item cap. *Cum esses*, non videmus recipi ne nunc quidem in terris Ecclesiae. Caput autem *Relatum*, servatur & in terris Ecclesiae, & alibi pariter, atque adeo in Gallia, ut testatur Tiraquellus in tractatu de privilegiis causæ piæ, & alii Gallicani Doctores. Itaque legata pia valent, & ab hærede solvenda sunt, etiamsi relicta fuerint in testamento aliàs nullo & invalido, in quo non alii quam duo testes intervenerint. Tiraquellus dicto tractatu, privileg. 80. num. 1. Covarruvias in d. cap. *Relatum* 11. de testam. num. 2. & 3. Julius Clarus §. *Testamentum*, quæst. 6. num. 9. Charondas lib. 10. responsorum, cap. 90. Mainardus lib. 5. cap. 13. & cap. 21. Papo lib. 20. placitorum, tit. 6. art. 1. 2. & 7. Mornacius ad l. 1. D. de legat. præstand. cont. tab. Quæ lex statuit favorabilia, & pia legata ac fideicommissa servanda esse etiam ex testamento illegitimo, & inofficioso, & quoad hæredis institutionem irritum. Sciendum insuper legata & fideicommissa ad pias causas immunia esse à detractatione Falcidia & Trebellianicæ, Authent. *Similiter*, C. de leg. Falcid. Et licet Romanorum jure legata minimè debeantur ex non adita hæreditate, l. *Quamquam*, C. de fideicom. debentur tamen pia legata etiam non aditæ hæreditate, ut est communis Jurisconsultorum doctrina.

•Etrina, Bartoli in l. 1. C. de sacros. Eccles. Speculatoris in tit. de instrum. edit. §. *Nunc aliqua*, Baldi in l. *Qui filio*, D. de hæredib. instit. & Guidonis Papæ decif. 604. & ejusdem Scholiastis Ferrerii ibidem, etiam si clausula codicillaris non fuerit testamento apposta, *Si non valet ut testamentum, valeat ut codicillus*.

V I. Filii non possunt propriam successionis partem accipere, nisi conferant bona de patre vivo à se accepta, ut donationes, dotem, aut si quid furto patri clam abstulerint, quod pater non remisit. Istas collationes Galli vocant *Rapport*, & *Rapporter*. De dote filiarum id statuitur in l. *Si maritus*, & l. *Filiam*, C. de collationib. Olim quidem non erat collationi locus, nisi quum liberi emancipati succedebant patri simul cum liberis sub potestate constitutis, l. 1. in princ. D. de collat. bonor. Sed hodie locum habet in quibuscumque sine discrimine liberis. Cujacius libro 3. observat. cap. 30. Charondas libro 3. Pandectarum, cap. 19. Idem jus obtinet in materna successione. Guido Papæ quæst. 426. num. 5. Neque solum locus est collationi in successionebus quæ procedunt in capita, sed in iis etiam quæ procedunt in stirpes. In capita fratres simul succedunt; at verò nepotes ex avo in stirpes, si succedant & hæreditatem dividant cum patris. Nam patris, utpote filii ejus cujus dividitur hæreditas, succedunt singuli in capita, & alter eorum defunctus frater successisset cum eis pariter pro suo capite; sed ejus filii qui eum repræsentant, succedunt in stirpes: quantumvis enim plures numero sint, non alia debetur eis successionis pars quam quæ ipsorum patri obvenisset, si superstes esset, eaque sola inter ejus liberos dividitur. Et si patri horum quidquam donatum ab istorum avo fuerat, aut si avus in nepotes contulerat, id omne conferri debet in portionem successionis eorum cum eorundem patris, l. *Illam*, C. de collationib. & Bartolus ibid. num. 4. Corrasius in centur. cap. ult. Papo lib. 20. Placitorum, tit. 1. artic. 22. & lib. 21. tit. 7. artic. 8.

V II. Cum olim Jure Codicis & Digestorum collatio inter hæreses testamentarios non admitteretur, nisi hoc testator expressisset, aliqui enim censebatur remittere, ac velle ut quod in aliquem ex liberis contulerat, ille filius id præcipium haberet, quod Gallicè dicimus, *le tint en preciput*, l. *Pomponius* 35. D. famil. ercisc. l. 1. & l. *Filia dotem*, & l. *Filiam*, C. de collat. nunc temporis Jure Novellarum collatio indifferenter facienda est inter hæreses, sive testamentarios, sive ab intestato succedentes, nisi testator oppositum expresserit, Novella 18. cap. *Illud quoque* 6. & Authent. *Ex testamento*, C. de collat. Quoniam incertum est ne forsan testator oblitus datorum, aut mortis perturbatione angustiatius hujus rei non sit recordatus, dicto cap. *Illud quoque* 6. Nec solum res data conferenda est, sed etiam fructus inde percepti, l. *Filius*, §. *Filia*, D. de collat. bonor. Lucius lib. 8. Placitorum, tit. 1. art. 7. Papo lib. 21. Placitorum, tit. 7. artic. 1. & 4. Charondas lib. 3. Pandectarum, cap. 19. Ranchinus decif. 1. pag. 371. concl. 7.

V V u 2

VIII. Impe

VIII. Imperiales leges, necnon Regum Gallię Ediſta ſedulo providerunt, ne per ſecundas nuptias liberi ex anteriore matrimonio ſuſcepti bonis ſibi competentibus fruſtrarentur, ſive inter vivos, ſive cauſa mortis, aut per ultimas voluntates diſponentibus aliter ipſorum parentibus, ſive viris, ſive ſceminis ad ſecunda vora tranſeuntibus; ut ſcilicet teneantur reſervare filiis ex anteriore conjugio natis, aut uni eorum lucra omnia ex priore matrimonio quaſita, l. *Fœmina*, Cod. de ſecundis nupt., Verùm Avthent. *Lucrum*, Cod. eod. admittit libertatem eligendi inter filios prioris matrimonii, & ſancit lucrum ex primis nuptiis æqualiter eſſe inter liberos prioris conjugii diſtribuendum. Leo quoque & Anthemius per legem *Hæc ediſtali*, Cod. eod. conſtituunt, ſive virum, ſive ſceminam tranſeuntem ad ſecunda vora, non poſſe transferre ad ſecundum conjugem de propriis bonis majorem portionem, quàm ei cui minimùm reliquerit ex prioribus filiis ſuis, ne horum aliquis minùs habeat quàm vitricus aut noverca, ſive donationis, ſive ultimę voluntatis titulo. Ejusdem legis §. *Hiſ illud*, decernitur matrem ſecundò nubentem rerum mobilium ſibi de prioribus nuptiis obventarum habere commodum & uſumfructum, nec poſſe quidquam ex eis alienare. Similiter & de immobilibus, quorum habet uſumfructum, manente penes liberos ex priore matrimonio ediros proprietate: quæ tamen redibit ad matrem, ſi filios omnes mori contingat. Hæc eadem in Gallia ſancivit Franciſcus II. Ediſto anni 1560. quod vocant *Ediſt des veuves*, quod per æquè diſponit de ſecundis matrimoniis, tam quoad maritos quàm quoad uxores: & legi Imperatoriæ hoc addit, ne liceat uxori relinquere ſecundo marito, aut ne poſſit maritus conferre ſecundæ uxori pluſquam contulerit de propriis, nec ex priore matrimonio quaſitis bonis alicui natorum ex priore conjugio liberorum, non tantùm in favorem ſecundi conjugis, ſed neque in favorem liberorum ex ſecundo matrimonio ſuſceptorum, aut etiam propriorum cognatorum. Lege quoque Moſaica cautum erat, ne jure primogenitorum arbitrio patris fruſtrari poſſent priores nati liberi, ſi pater affectu nimio in alteram uxorem propenſior eſſet erga ſuſceptos ex hac natos. Deuter. 21. verſ. 25.

IX. Succedit deinde Caroli IX. Ediſtum, quod vocant *Ediſt des meres*, anni 1567. toto regno vigens, quo matres ad filiorum ſucceſſionem non admittuntur. Hæc Regia Conſtitutio providens ne opes ad alienam familiam traducantur, hoc unum matribus permittit, ut ſuccedant in bona mobilia, & in aliunde quàm ex paternis facultatibus quaſitarum rerum proprietatem, & præterea in uſumfructum dimidię partis immobilium bonorum, quæ ad liberos defunctorum pertinuerant. Inter mobilia porrò recenſentur numeratę pecunię, nullatenus verò capitalia cenſum, ſive penſionum. De cætero illas excludit à ſucceſſione, & dominio earum facultatum, quas defuncti liberi nati fuerunt ex opibus paternis, ſive in lineâ recta patrum & avorum, ſive in collateralis patruorum, aut conſobrino-

rump:

rom : ad quas tamen vocantur matres jure scripto Romanorum.

X. Imperatores Gratianus & Valentinianus l. 1. Cod. de secundis nupt. mulieres intra annum luctus iteratò nubentes spoliant bonis omnibus quæ prior maritus sive hæreditate, sive fideicommissò, sive legato, sive donatione mortis causâ illis contulerat. Neque eis permittunt posteriori marito, sive dotis, sive testamenti nomine ultra tertiam bonorum suorum partem relinquere; casque lex eadem perpetuâ notar infamiâ, quam tamen Canones abstulerunt, cap. penult. & cap. fin. de secundis nupt. Viris tamen secundas nuptias incontinentibus nullum tempus ad luctum, nullaque poena indicitur. In Gallia verò mulier intra annum luctus nubens nulla quidem infamiæ labe notatur, sed tamen omnibus sibi relictis à marito defuncto bonis excidit atque aded ab ejus propter nuptias donatione.

XI. Ab intestato vocantur ad successionem legitimi hæredes, primùm descendentes, his deficientibus ascendentes, & horum defectu collaterales. In descendendum successione illi qui sunt simul in uno proximior gradu succedunt in capita; sed horum filii jure paternæ repræsentationis succedunt in stirpes, si sint eorum patrui superstitēs. Exempli causâ decessit aliquis filium relinquens superstitē, & duos nepotes ex altero præmortuo filio: filius superstes hæreditabit ex semisse, seu media parte; duo verò nepotes alteram medietatem, quæ integra ipsorum patri obvenisset, inter se ex æquo dividunt, l. 2. §. Si duo nepotes, D. de collat. bonor. & Instit. de hæred. quæ ab intest. defer. §. Cum filius, versic. Et quia placuit, & Authent. Cessante, C. de legit. hæred. Porro in collateralium legitima successione jus successionis in stirpes habet locum adhuc in fratre defuncti & nepotibus ex præmortuo fratre altero simul concurrentibus, quo casu nepotes succedunt in stirpes, patrui autem horum in capita. Sed in ulterioribus collateralium gradibus nulla deinceps admittitur successio in stirpes, sed aliis exclusis soli admittuntur in capita qui sunt in eodem proximiori gradu. Authent. Post fratres, C. de legit. hæredib.

XII. Certa est itaque Juris Romani, quam sequimur dispositio, ut quando fratrum prædefunctorum filii cum suis patrui, aut avunculis concurrunt, fratribus scilicet ejus defuncti intestari, de cujus agitur successione, ut patrui quidem singuli in capita succedant, nepotes autem ex defuncti fratribus, quanvis uno gradu posteriores quàm patrui, vocentur quoque ad successionem, non quidem cum patrui in singula capita, sed solum in stirpes, jure scilicet paternæ repræsentationis illam, quæ patri viventi accessisset, partem inter sese dividentes. Et hoc indubitatum est. Cæterum non consentiunt inter se Juris Interpretes, quando nullo patrui, vel avunculo concurrente, soli superstant ex diversis fratribus nepotes, an ipsi singuli vocentur ad succedendum in capita, an verò in stirpes, quando istorum parentes post se filios reliquerunt numero impares, Titius exempli gratiâ duos tresque liberos superstitēs, at Sempronius ejus frater unicu-


libi

sibi superstitum filium. Præcellentiora Juris lumina inter se dissident, quia Romanæ quæ supersunt leges rem perspicuè minime definire. Azo docet omnes illos ex diversis fratribus nepotes in capita promiscuè succedere. Accursius ex opposito istos omnes vocat in stirpes. Accursio consentiunt Bartolus, Cinus, Dinus, Angelus Perusinus, & ex Gallicanis Doctoribus Joannes Faber, olim meritissimus Regni Franciæ Cancellarius, in §. *Nos autem*, Instit. de legit. agnat. success. & Guido Papæ quæst. 134. & Benedictus in cap. *Raynuius*, verbo *Et uxorem*, num. 631. Sed Azonis doctrina, quam tuncur Ostiensis, Baldus, Salicetus, Antonius Faber in Senatu Sabaudicæ Præles primarius, demùm in Curiis Franciæ omnino prævaluit. Et posteriores Gallicani Scriptores unanimes hanc ipsam nepotum ex fratribus promiscuam successionem adstruunt in capita, & firmant hac ratione, quia cum omnes gradu pares existant, pares etiam hæreditatis partes inter se sortiri debent. Ita Ferrerius ad Guidonem Papæ, quæst. 134. Cujacius in Novelam 118. cap. 3. Rebuffus, Chopinus, Imbertus, pluresque alii, quos citat & sequitur Franciscus Barry lib. 18. de successib. tit. 3. num. 5. Nihil verò obstitit Authent. *Cessante*, C. de legit. hæredib. quia loquitur de concursu præcisè diversorum agnationis graduum, scilicet fratris & ex aliis prædefunctis fratribus nepotum. At verò in causa ista personæ concurrentes omnes in eodem gradu sunt. Eidemque adstipulatur lex 2. §. 2. D. de suis & legit. hæredib. In gradibus quoque paribus nullum admittitur jus præsentationis, omnesque & soli succedunt qui sunt in eodem agnationis gradu æqualiter, & in capita, nullo marium vel fœminarum discrimine: etiam in hac patria Provinciæ, cujus Statutum municipale est, ut extantibus masculis fœminæ non succedant, non obtinet nisi in linea directâ, cessatque in gradibus collateralium. Prædicta decernuntur in Authent. *Post fraires*, C. de legit. hæredib. *Post fraires*, ait, *fratrumque filios vocantur quicumque gradu sunt proximiores, ut pares in gradu pariter admittantur. sublata differentia masculorum & fœminarum: sola namque cognatio spectatur in talibus. Fiet autem divisio in capita, & non in stirpes.*



CAPUT XXI.

Quidnam restituendum sit.

- I.  ONCE diversa est ratio ejus qui bona fide possidet rem alienam, ab eo qui mala fide penes se habet. Qui enim bona fide accepit & detinet, si fortè rem alienam sine sua culpa amittat, in nullo tenetur restituere, nisi in eo tantum in quo ditior est factus. Itaque is qui rem alienam bona fide emerit, credens vendi

venditorem legitimum dominum, si rem adhuc habet, tenetur vero domino reddere simul ac resciverit ad eum pertinere, etiam non recipiendo solum ad se pretium, l. *Sede est*, §. 1. & l. *Item veniunt*, §. 1. D. de petit. hæredit. & l. *Mater*, & l. *Si mancipium*, Cod. de rei vendicat. Res enim ad quemcunque deveniat possessorem, cum onere suo transit, cap. *Ex literis*, de pignoribus, l. *Si debitor*, C. de distract. pign. l. *Alienatio*, D. de contrah. empt. Sed si idem bonæ fidei possessor rem habere desierit, tenebitur ad id unum in quo factus fuerit locupletior, l. r. C. de petit. hæred. verbi gratiâ ad pretium quod rei venditione lucratus fuerit. At si in nullo ditior evaserit, ad nihil tenebitur erga rei dominum. Ei verò cui ex eadem bona fide vendiderit, tenebitur acceptum pretium reddere, nisi ipse rei dominus malit re apud emptorem relictâ, pretium ab isto bonæ fidei venditore acceptum vindicare. Ex diverso malæ fidei possessores tenentur rem ipsam, aut si res non extet, ejus pretium restituere; & si res erat fructifera, præstare insuper fructus omnes, non modò quos perceperunt, sed eos etiam quos percipere debuerant, d. l. *Sede est*, §. *Sed & fructus*. Cum tamen bonæ fidei possessor ad solos quos perceperit fructus sit obligatus, si ditior inde factus sit. Impensas tamen ad fructus percipiendos necessarias etiam possessor malæ fidei deducere potest. Sanè ubi res non est fructifera, neque ex ea ullum emolumentum fuerat dominus rei percepturus, ipsemet fur non tenetur lucra conferre quæ suâ singulari industriâ consequutus fuerit, ut si negotiando pecuniam furto ablata duplicavit, aut si ex ea per lucrum parem summam lucratus fuit, aut si subreptum aureum torquem locaverit, Navarra in Manuali, cap. 17. num. 25. Sed si dominus ex privatione rei suæ subreptæ damnum quoque aliud sustinuit, ut si ea occasione fuerit adactus ad aliam emendam rem simili usui destinatam, aut si ex amissione instrumenti fabrilis pretio quod ex suo labore habuisset frustratus sit, aut si pecuniam furto ablata negotiationi destinaverat, tenebitur procul dubio malæ fidei possessor illud omne damnum resarcire, & dominum omninò indemnem præstare, sive à lucro cessante, sive à damno emergente, judicio prudentis. Quod autem statuit lex *Certum*, C. de rei vendicat. bonæ fidei possessorem teneri post litis contestationem præstare non solum fructus extantes, sed etiam universos, id non obligat nisi post Judicis sententiam, non verò ex naturali jure, si præsupponas dum viguit bona fides, non fuisse factum ex præteritis fructibus locupletioorem. Si verò factus fuerit ex his locupletior, tenetur jure naturæ perceptos fructus restituere, etiamsi lis contestata non fuisset. Nemini enim licet ex alterius damno locupletari.

II. Debitor qui per moram culpabilem non solvit quo tempore debebat, tenetur resarcire creditori lucrum cessans & damnum emergens ab illa sua mora causatum. Ratio quippe exigit ut qui alteri per suam culpam obest, eum præstet indemnem. Quia tamen solent mercatores dum optimatibus


matibus merces creditū vendunt, earum augere pretium, eo quod sint in solvendo morosiores: ideo Molina tom. 3. disp. 276. Bonacina de restitut. disp. 1. q. 3. puncto 1. n. 12. & 13. Ledesma 2. p. quæst. 18. art. 4. aiunt non esse obligandos Nobiles ejusmodi ad præstandum mercatoribus lucrum cessans, nisi postquam diuturnior nimis fuerit in solvendo mora, aut ubi certò constiterit eam moram causam dedisse lucri cessantis; esse tamen accuratè urgentes ad expeditam pretii solutionem.

III. Contingit plerumque ut à rei debitæ præsentī solutione debitor excusetur ob justas & rationabiles causas, possitque in aliud tempus differre, ut quando non aliter solvendo est nisi seipsum ad gravissimas angustias redigendo, aut sua prædia vilissimo pretio distrahendo, suamve familiam ad sumnam penuriam redigendo, ut necesse sit solutionem in tempus opportunius differre. Quæritur ergo, an licita sit ejusmodi dilatio? Respondemus cum Lessio lib. 2. cap. 16. dub. 1. num. 32. distinguendo inter debitores ex justo contractu, vel ex delicto. Si ex delicto, tenetur debitor illa omnia damna & jacturas compensare creditori, quanvis illa dilatio fundetur in rationabili causa, sitque tunc temporis licita. Ratio est, quia hæc omnia damna ortum habent ex anteriore delicto quo debitor quivis obligatur omnia inde emergentia damna compensare. Ubi verò non ex mala fide, sed ex justo contractu debitor fuerit constitutus, & dilatio quoque solutionis justa & licita sit, adhuc cum Lessio sic distinguimus. Vel ex illa dilatione creditor æquale damnum patitur cum damno quod debitor pateretur si nunc solveret; & isto casu tenetur debitor ad præsentem solutionem, quia procul dubio in pari causa melior hac in re debet esse conditio creditoris, utpote domini, quàm ejus qui alienum ob suam penuriam detinet: aut verò majus est notoriè damnum quod pateretur debitor solvens, quàm quod sustinet creditor; istoque casu non tenetur debitor illud ejus damnum rescire, sed solam rem ab initio debitam cum primùm poterit solvere, nisi aliud ab initio conventum fuerit, aut judex per suam sententiam aliud statuerit. Sanè Petrus Navarra lib. 4. de restitut. cap. 4. num. 56. indistinctè eximit debitorem absque delicto, habentem justam, seu necessariam differendæ solutionis causam, ab illa obligatione præstandi debitorem indemnem ab impendiis & damnis ex dilatione solutionis causatis. Sed superior distinctio magis probanda est; neque à gravi injustitia debitorem exemerim, qui sciens & volens ad evitandum levius incommodum suum, retinet alienum cum graviore creditoris sui damno. Et perspicuum est in pari necessitate jura creditoris circa rem suam esse potiora quàm debitoris qui rem detinet alienam, saltem quum creditor urget solutionem; non enim ad hoc obligari reor debitorem, ut suo actu se ad gravem reducat necessitatem: sed permittere tenetur ut creditor quem par urget extremis, rem suam ab eo repetat, sibi que vindicet.



C A P U T XXII.

De causis à solutione debitorum excusantibus.

I.  O M P L U R ' E S causæ sunt à debitorum solutione dispensantes, quales sunt extrema debitoris necessitas, periculum salutis, aut status, aut fortunarum, remissio creditoris, solutio facta creditori creditoris, interitus rei debitæ in specie citra culpam, compensatio cum altero debito, cessio bonorum, securitas debitoris ne bis solvere compellatur, præscriptio, compositio cum Summo Pontifice circa quædam debita. Aliquæ ex his difficiliore hinc elucidabimus.

II. Jactura bonorum superioris ordinis excusat à restitutione. Tres sunt bonorum ordines : infimus, ut pecunia & res pecuniæ æstimabiles; medius, ut honor & fama: supremus, ut libertas, vita, virginitas, sanitas, membrorum integritas. * In cap. *Officii*, de poenit. & remiss. queritur de uxore adultera, quæ marito supposuit filium adulterinum: ibique decernitur mulierem non teneri suum scelus prodere nisi in Sacramento, & admitti debere ad poenitentiam. Glossa ibidem asserit justam quidem esse metus causam, & aliunde in foro externo fidem illi habendam non esse, juxta l. *Filium*, D. de his qui sui, vel alieni juris sunt, quæ fundat juris præsumptionem, partum durante matrimonio natum esse legitimum, si contrarium evidenter non constet. Idque asserunt Martinus Navarra Manual. cap. 27. num. 89. Petrus Navarra lib. 2. cap. 4. part. 2. dub. 9. Bonacina de matrim. quest. 4. puncto 15. num. 20. & alii communiter, hoc statuentes quod adulter non teneatur mulieri credere filium ex se conceptum esse, quanvis juranti, etsi magna sit prolis cum adultero similitudo, quia sunt signa ejusmodi valde incerta: neque filium matri asseveranti fidem habere debere, ita ut possit hæreditatem sibi retinere: solam verò matrem quæ certò scit prolem esse adulteram, teneri damnum, ut melius poterit, ex propriis paraphernalibus supplere. Sed si adulter indubitanter credit ex se conceptum esse adulterinum filium, tenetur ex conscientia cum muliere concurrere in solidum ad resarciendum familiæ damnum. Ipsam quoque matrem eniti debere quoad potest, ut adulterinus partus Religionem ingrediat quæ non succedat in bona paterna; & cum duo adulteri propriâ culpâ damni causam dederint, damnum illatum resarcire debent.] Potest ergo differri solutio dum periclitatur honor, vel fama, aut vita, aut valetudo, si ea jactura futura sit gravis, non si levis, Attamen non licet de-

XXX

bitori

bitori etiam ob illas graves jacturas differre solutionem, si eâ dilatione similis jactura impendat creditor: nam in damno pari potior est conditio creditoris. Et ideo is qui per calumniam adegit innocentem ad famæ, aut vitæ periculum, si non potest aliâ viâ sufficienter occurrere, tenetur suam manifestare calumniam, etiam cum pari vitæ, aut honoris periculo. Quia in pari causâ potior est innocentis quàm criminose diffamantis conditio. Hoc tamen intellige modò suam declarando nequitiam, liberaturus sit innocentem: nemo enim tenetur ad inutile opus cum proprio gravi incommodo. At ubi ex præsentî solutione debitor multò notabilius-damnum sustineret quàm creditor, ut si ad solvendum necesse nunc esset domum, aut agrum vendere citra dimidium-justi pretii, licebit in tempus opportunius hanc differre solutionem.

III. Similiter neque tenetur debitor ut statim restituat, instrumenta vendere artis suæ, quâ vitam sustentat, neque corpori suo, aut liberis suis necessaria, ut vestes & lectuli stragula. Neque tenetur vir nobilis ita de statu decidere ut mechanicam artem exerceat, aut se alterius famulatus locet: verùm tenetur se ad strictam reducere parcimoniam, quantum necesse erit ad solvendum sine status jactura. Porro grave debitoris damnum pro quo differri solutio possit, computant Rebellus & Bonacina illud quod creditoris damnum duplo excedit.

IV. Verumtamen si mercator, aut artifex multis oppressus debitis intendat per vices restituere, tum parcissimè quoad poterit vivendo, tum lucra suæ professionis accumulando ad creditorum satisfactionem, hic non erit obligandus ad excidendum de statu etiam malè acquisito; & quanvis restitutioni adstringatur ex suo delicto, cum melius hac ratione suis etiam creditoribus consulat, tamen si cum aliqua dilatione, quàm si rebus suis omnibus distractis se aliquid deinceps lucrandi facultate privaret, ut rectè docent Adrianus in 4. dub. 6. Laiman lib. 3. sect. 5. tract. 2. cap. 12. num. 2. & alii. Si tamen sit debitor ex delicto, tenebitur juxta ea quæ superiori capite docui, nova damna in se suscipere quæ creditores incurrunt ex ejus dilatione solvendi, etiam ratione lucri cessantis.

V. Cessione bonorum non liberatur debitor ab obligatione solvendi quod reliquum est, tam in interiori quàm in exteriori foro, l. 4. D. de cess. bon. adeo ut compelli possit ad laborandum juxta personæ suæ statum. Duo tamen consequitur juris beneficia. Primò ut non possit carcere includi pro debitis pecuniariis; & si antea inclusus erat, dimittendus sit liber, l. 1. C. qui bon. ced. poss. Secundò ut si post cessionem aliquid acquirit, non in amplius conveniatur quàm in quantum facere potest, relictis quibusdam ei necessariis juxta personæ illius statum & qualitatem, l. 4. & 6. D. de cess. bon. Gravatus ære alieno potest in foro conscientiæ, sive ante, sive post bonorum cessionem ea servare quæ ad sui & liberorum sustentationem, uxorisque necessaria sunt, tamen si in externo foro durius ageretur

CUTZ

cum illo. Sylvester verbo *Restitutio* 7. quæst. 6. Navarra Manualis cap. 17. num. 86. Lessius lib. 2. cap. 16. dub. 3. Laiman loco cit. num. 5.

V I. Præscriptio restituendi obligationem perimit; introducta est enim à Jure in bonum publicum & quietem civium & familiarum, ut dissilet Aulus Gellius lib. 4. noct. Attic. cap. 13. eamque ut necessarium Solon legibus suis approbavit, teste Plutarcho in ejus vita: & expedit ne rerum dominia in incerto sint, l. 1. D. de usur. & §. 1. de usucap. His adde, sæpe contingere privatis, aut publicis calamitatibus, ut memoria & probationes ac defensiones Actorum petitionibus oppositæ disperdantur, præsertim in privatis familiis, quibus instrumentis antiquissima jura inmutata olim fuissent, aut redempta, aut transactionibus, vel compensationibus, vel Judicium sententiis itabilita: quo fit ut si non succurreret præscriptio, pleraque privatarum familiarum injusta damna subirent, perditisque exceptionum suarum titulis opprimerentur.

V II. Ad legitimam præscriptionem opus est ut simul quinque conditiones concurrant. Prima est continuata possessio; sine possessione enim non currit præscriptio, cap. 3. de reg. jur. in 6. Secundò rei capacitas ut præscribi possit, qualem non habent res sacræ, res sanctæ, seu publicæ, jura Ecclesiastica: unde fit ut laici non possint præscribere jus cognoscendi aut judicandi causas Ecclesiæ, jura decimarum, primitiarum, oblationum, aliaque spiritualia, cap. *Causam*, de præscript. Tertiò bona fides; possessor enim malæ fidei nullà temporis diuturnitate præscribit, cap. *Possessor*, de reg. jur. in 6. cap. fin. de præscr. Tamen enim Jure Civili possessor malæ fidei tutus sit præscriptione triginta annorum, l. *Sicut*, C. de præscr. 30. vel 40. annor. non tamen est tutus Jure divino. Quartò probabiliter præsumptus titulus; nam si certus esset, transferret utique dominium, non expectata præscriptione. Quintò tempus lege definitum, quod est triennium in usucapione mobilium, §. 4. Instit. de usucap. tam in usucapione mobilium Ecclesiæ non sacrorum, quàm bonorum laicorum, authent. *Quis alienet*, C. de sacros. Eccles. Ad præscriptionem autem bonorum immobilium privatorum cum titulo requiruntur anni decem inter præsentem, & viginti inter absentes: sed sine titulo anni triginta requiruntur, modò non constet rem fuisse mala fide acquisitam, cap. fin. de præscr. & cap. 2. de reg. jur. in 6. Qui triginta anni requiruntur etiam in præscriptione mobilium; dictum enim triennium supponit probabilem & apparentem titulum, l. *Sicut*, C. de præscr. 30. vel 40. annorum, & l. fin. C. de præscr. longi temp. Instit. de usucap. & cap. *Cum Sanctorum*, de præscr. Tertius possessor in quem translata fuit rei oppignoratæ proprietates præscribit adversus creditores hypothecarios decennio inter præsentem, & viginti annis inter absentes; sine præjudicio tamen personalis actionis, quæ salva manet adversus debitorem & ejus hæredes, l. 1. & 2. C. si adversus creditor. Cæterum si tertius possessor causam habuerit à malæ fidei possessore, nocebit ei mala fides autho-

ris sui : nemo enim plus juris in alium transferre potest quàm ipse habeat, l. *Nemo plus juris*, D. de regulis juris. Itaque non j. vabitur præscriptione decem, aut viginti annorum, authent. *Mala fidei*, C. de præscr. longi temp. Jus tamen Civile in dicta authentica, & in l. *Sicut*, C. de præscr. 30. vel 40. annorum, indulget isto etiam casu præscriptionem annorum triginta, quæ tamen non liberat in foro conscientiæ, cap. *Possessor*, de regulis juris in 6.

VIII. Denique ad præscribendas res Ecclesiæ immobiles anni requiruntur quadraginta, tam Jure Civili, authent. *Quas actiones*, C. de sacros. Eccles. quàm Jure Canonico, cap. *De quarta*, cap. *Ad anres*, cap. *Istud*, capite *Quia indicante*, de præscr. & cap. *Accedentibus*, de privileg. Papo tit. de præscriptionibus, arreto 1. Solique Romanæ Ecclesiæ indulgetur privilegium ne adversus eam nisi centum annis præscribatur, C. ut Ecclesia Romana cent. ann. gaudeat præscr. Sancit verò authent. *Quas actiones*, sic : *Quas actiones aliàs decennalis, aliàs vicennalis, aliàs triennalis præscriptio excludit, ea si religioso loco competant, quidraginta annis excluduntur, usucapione quadriennii, vel triennii in suo robore durantibus. Sola Romana Ecclesia gaudeat centum annorum spatio, vel privilegio.* Quæ Justiniani Constitutio confirmatur cap. penult. & ult. 16. quæst. 3. Tempus autem præscriptioni requisitum necesse est fuisse pacificum, neque per ullam litis contestationem, tamen non prosequutam, interruptum, cap. *Illud*, de præscr. Quo fit ut nec pluribus sæculis res possessa præscribere queat, moventibus adversariis litis contestationem ante singulos annorum triginta decursus.

IX. Existimant Ferrerius ad Guidonem Papæ quæst. 406. Oliva lib. 1. cap. 6. Faber in suo Codice de præscr. 30. vel 40. ann. definit. 20. annuas pensiones in perpetuum per ultimas voluntates piis quibuscumque locis vel operibus relictas vim aded habere indeficientem, ut ipsam centenariam præscriptionem excludant, per legem *Sancimus* 45. §. *Si verò aliqua* 9. C. de Episc. & Cleric. Et licet authent. de Ecclesiast. tit. seu novella 131. cap. 6. quæ centenariam olim indultam Ecclesiis præscriptionem abrogat, sit posterior dicta lege *Sancimus*, non tamen esse ejus legis revocatoriam; sed tantum legis *Ut inter*, C. de sacros. Eccles. Etenim neque lex *Ut inter*, neque dicta novella 131. unde deducta fuit authentica *Quas actiones*, C. de sacros. Eccles. quidquam speciatim meminerunt de perpetuis ad pias causas relictis pensionibus annuis. Unde concludunt præfati Doctores, dictam l. *Sancimus*, quæ sola decernit de annuis ac perpetuis in favorem piæ causæ pensionibus, non fuisse à posteriore Justiniani novella antiquatam. Quidquid hac de re sit, admodum periculosum est, & hominum nequitia expostum tam prolixas introducere præscriptiones, quarum decursu privatarum defensionum & exceptionum instrumenta facillimè & quamvispissimè disperduntur, & præterea facillimè falsa instrumenta in favorem piæ, ut prætexitur, causæ cuduntur & fabricantur, postquam Notarii & testes in-


falsis.

falsis illis abulis nominati ante multos annos è vivis sublati sunt. Constat certè ex Procopii & Suidæ testimoniis, Tribonianum qui legum Justinianearum præcipuus author exiit, fuisse virum avaritiæ sordibus contaminatissimum: quinimò Constitutiones illas quæ Ecclesiis, aliisve piis locis centenariam indulgentiæ præscriptionem, fuisse pretio emptas per flagitiosissimum Emissem Ecclesiæ æconomum, ad eludendam solam, quæ multis privatis familiis supererat, defensionem, postquam æconomus illius Ecclesiæ per insignem & industrium falsarium Priscum Emissem plurima falsa veterum obligationum instrumenta pro illa Ecclesia fabricari fecerat, ut narrat Suidas in voce *Priscus Emissemus*. Ejusdem Triboniani perversitas causam dedit funestissimæ Constantinopolitanorum seditioni.

X. Compositio quoque solvendi obligationem tollit, & locum habet quando ignoratur cuinam sit restituendum, sive orta sit obligatio ex re accepta, sive ex injusta damnificatione, sive ex conventionione. Ratio est, quia quando incertum est cuinam restitui debeat, fieri debet restitutio pauperibus. Itaque cap. *Cum tu*, de usur, ea quæ usuris acquisita sunt, quorum ignorantur domini quibus restituenda essent, jubentur erogari pauperibus. Quam Juris dispositionem communiter extendunt Doctores ad debita sine culpa: idque confirmat optima legum interpres consuetudo apud Romanam Curiam, in qua Papa dispensare ac componere solet, ut debitor in totum, aut in partem eximatur ab incertorum restitutione quæ pauperibus, vel Ecclesiis fieri deberet. Quando verò constat cuinam, sive particulari, sive communitati sit restituendum, invalida est compositio obtema ab Apostolica Sede. Primum, quia Papa non est dominus, neque dispensator, sed tutor potius & defensor bonorum Fidelium. Secundò, quia quæ jure naturæ debentur, non possunt positivo jure inmutari. Atqui debita certa propriis creditoribus certis jure naturæ solvenda sunt, & non aliis, nisi de horum consensu. Attamen in criminis poenam, ut apostasiæ, hæresis, depraedationis, & ob jus repressaliarum aut compensationis, ut in Infidelibus qui res Christianorum iuvaserunt, aliæve ex causa justa & rationabili, potest Pontifex ejusmodi creditores jure suo spoliare, & illud sive in causas suas, sive in ipsum debitorem transferre.


XI. Queritur, si adhibita omni necessariâ diligentia ad repertiendum rei restituendæ dominum, cum hic reperiri non potuisset, solutio demùm facta sit pauperibus, & postmodum dominus, seu creditor compertus fuerit, an huic quoque teneatur solvere qui jam pauperibus solvit? Respondent unanimiter Doctores, nihil amplius ab illo deberi, quanvis præcedens obligatio fuisset ex delicto injustæ acceptionis: quia suam culpam purgavit, cum ad eam expiandam jam fecerit quicquid rationabiliter ab se poterat exigi. Molina disp. 747. num. 4. Lessius lib. 1. cap. 14. dub. 6. num. 43. Azorius 3. p. lib. 4. cap. 26. quæst. 1. Bonacina de restit. disp. 1. quæst. 3. punct. 4. num. 17.

XII. Non esse absolute necessarium ut restitutio incertorum pauperibus faciendâ fiat consilio Episcopi, Parochi, vel Confessarii, sed quicumque debitorem pro suo arbitrio post adhibitam debitam diligentiam posse se hoc onere sublevare per seipsum pauperibus distribuendo, docent Sylvester verbo *Restitutio* 8. quæst. 5. Angelus eod. verbo 2. §. 14. Navarra Manualis cap. 17. num. 92. Lessius lib. 1. cap. 14. num. 47. Panormitanus in cap. *Cum sit*, de Judicis, S. Antoninus 2. parte, tit. 2. cap. 4. Armilla verbo *Casus*, num. 9. & verbo *Restitutio*, num. 38.



CAPUT XXIII.

Ordo in restitutione servandus.

I.  VUM plures in solidum restitutioni adstringuntur, observandus est hic ordo, ut primum teneatur is qui rem habet in sua adhuc substantia existentem, aut certe æquivalenter, putâ si ex aliena re jam consumpta factus est ditor. Hoc verò non restituyente, teneatur secundo ordine is qui damnum alteri fieri mandaverit, utpote causa damni principalis: qui autem sub eo damnum fecerit, instrumentalis est causa. Tertio ordine venit qui alio mandante damnificavit. Quarto is qui consuluit. Quinto ille qui sciens damnificantes recepit. Sexto is qui cum teneretur ex justitia proprioque officio, non impedivit damnum, juxta illud effatum Rom. 1. *Digni sunt morte non solum qui faciunt, sed etiam qui consentiunt facientibus.*

II. Quando tenentur omnes & singuli in solidum, si ille restituit qui fuit damni causa principalis, ad nihil tenentur causæ minùs principales, neque erga personam damnificatam, neque erga auctorem damni præcipuum. Sed si una ex minùs præcipuis damni causis restituit, causæ principales tenentur indemnem facere illum qui restituit, ad nihil verò tenentur erga eum qui læsus fuerat, nisi post pœnalem Judicis sententiam. Ratio est, quia bona fides non patitur ut bis idem exigatur, l. *Bona fides*, D. de reg. jur. Minùs verò principalis causa ex quo restituit, succedit in locum ejus qui damnum passus fuerat, ut jus habeat parem exigendi summam à præcipuo damnificante, cujus per suam solutionem negotium utiliter gessit, l. *Cum pecuniam* 45. D. de negot. gest.

III. Inde sequitur, restitutione facta ab eo qui rem alienam penes se detinebat, si nihil aliud illarum fuerat damni reliquos liberari. Item restituyente illo mandante, qui sive autoritate status sui, sive etiam per obligationem, vel promissam pecuniam alterum ad damnum faciendum adegit, sub-

levari

sublevari à restitutione mandatarius qui obtemperavit. Istoque restituyente qui exequutus est, eximi à restitutione illum qui consuluit, aut illum qui sine autoritate, vel pretii oblatione mandavit. Præfatis autem restituentibus cessare obligationem eorum qui vel receperunt, vel comitati sunt damnificantem. Et his denum restituentibus, immunes reddi eos qui non impedierunt, cum tenerentur ex officio. Quod si illi qui secundum præfatum ordinem inferiores in obligatione erant restituerint, tenentur illi qui sunt in superioribus ordinibus præstare ipsos indemnes. Si verò plures in eodem ordine concurrant, ut si plures exequuti sunt damnum, aut efficaciter mandarunt, vel consuluerunt, eo casu si unus ejus ordinis totum restituat, teneantur reliqui ejusdem ordinis illum servare indemnem singuli pro sua parte, ut si tres exequuti sunt damnum æstimabile triginta aureis, uno horum triginta aureos restituyente, duo reliqui tenebuntur eidem refundere singuli decem, ut justitiæ servetur æqualitas.

I V. Qui postquam rem alienam incens ac bona fide emit, si addiscat esse alterius, potest eandem furi reddere à quo emit, ut pretium repetat quod dedit. Ratio est, quia ubi intervenerit bona fides, nemo tenetur alterius indemnitati per proprium damnum consulere. Sylvester, Navarra, Lessius, Bonacina. Sed si sciens emeris rem furtivam, id tibi non licebit, sed domino teneris restituere, etiam cum jactura soluti à te pretii, nisi hac mente rem vili pretio emeris ut illam domino redderes: tunc enim jus habes recuperandi à domino pretii quod ejus causâ solvisti, antequam rem ei restituas, quia utilis et bona fide rem ejus gessisti, ac proinde tenetur indemnem te constituere. Instit. de oblig. quæ ex quasi contractu nasc. §. 1. & l. Si quis absens, D. de neg. gest.

* V. Pensio alimentaria pupillorum, aut etiam adutorum filiorum honestæ conditionis, sed corpore vel mente impotentium, ex bonis paternis aut etiam maternis deducenda, præferenda est aliis quibuscumque creditoribus præcedentibus, quia scilicet alimenta necessaria dilationem non sustinent, juxta l. 17. in princ. D. de privileg. cred. Quod quidem jus Senatusconsultis roboratur, quæ referunt Louetus lit. A, num: 17. Quod idem statuendum de Medicorum, Chirurgorum, Sepulchriorum seu Pharmacopolarum expensis in ultima ægritudine factis, juxta l. 4. C. de petit. hæred. In restituenda, inquit, hæreditate compensatio ejus habebitur, quod te in mortui infirmitatem, inque sumptum funeris bona fide ex tuo proprio patrimonio erogasse probaveris. Ad quartam istam legem dicit Baldus in terminis: Impensa facta in infirmum præfertur cuicunque creditorum, post tamen funeris impensam. Et l. 1. §. 2. D. de var. & extraord. cognit. dicitur quod Medicorum justior causa est, cum hi salutis hominum curam agant. Ergo Homerus. *Ἰλιάδ. λ. ιηδὲς ὃ ἀνὴρ πολλὰν ἀντιέειπε ἄλλων.* Medicus enim vir (de Machaone loquitur) multis anteponendus aliis.

VI. In concursu plurium creditorum, si sufficientia omnibus bona sufficiunt,

persint, non opus est ordinem solvendi servare; sed si non sufficiunt omnibus, hic ordo servari debet, ut primum res aliena, si secundum propriam substantiam extet, reddatur à quocumque teneatur, ut equus, vas, ager, domus. Præterea ut debita certa incertis debitis præferantur, quorum creditor ignoratur. Debira etiam onerosa, ut ex emptione, locatione, permutatione; debitis gratuitis, ut ex gratuita promissione. Realia pariter quibus affectatum est pignus, vel hypotheca, debitis personalibus, seu chirographariis sine pignore, leg. *Eos* 9. Cod. qui potior, in pign. hab. Et ubi una, eademque res pluribus esset oppignorata, præferendi sunt anteriores in hypotheca non privilegiata.

VII. Secus verò dicendum in hypotheca ad quam debitor, quanvis posterior, habet à Jure privilegium. Cujusmodi sunt primò specialis hypotheca quæ illi conceditur qui suam credidit pecuniam ad ædificandam, vel reparandam domum, vel navim alterius, aut quid ejusmodi: hic enim creditor habet specialem à jure indultam hypothecam circa rem illam, ob quam præfertur etiam anterioribus creditoribus hypothecariis, sive habeant generalem, sive etiam specialem in ea re hypothecam, l. 5. D. qui potior, in pign. hab. & l. *Qui in navem*, D. de privilegiis creditorum. Cujus ratio est, inquit Lessius cap. 15. dub. 4. num. 26. quia sine tali mutuo pignus illud vel non extitisset, vel certè periculis; atque ita prior creditor vel nihil, vel parum commodi ex ea re habuisset.

VIII. Secunda hypotheca privilegiata constituitur ob rationis paritatem cum prima jam dicta, in eo qui mutuavit pecuniam ut alter rem aliquam emeret: æquum enim est ut in eam rem habeat supra anteriores creditores hypothecarios jus hypothecæ; quia absque tali mutuo rem illam debitor non haberet. Bonacina disp. 1. q. 8. puncto 2. num. 16. & deciditur per l. *Licet* 7. C. qui potior, in pignor. hab.

IX. Tertia est in mercibus pro quarum vectura domino earum mutuavi: & in supellestili, aut mercibus à conductore in domum comportatis, quam ei locavi, in quibus hypotheca mihi à Jure tribuitur cæteris creditoribus hypothecam generalem, vel specialem habentibus anteferenda, l. 6. C. qui potior, in pignor. hab.

X. Quarta est hypotheca pro dote, pro qua bona omnia viri tacite sic hypothecantur, ut in dotis restitutione uxor ejusque descendentes præferantur in hac dotali hypotheca cæteris creditoribus habentibus anteriorem generalem hypothecam, l. *Affiduis* 12. C. qui potior, in pignor. hab. & l. 2. in fin. l. 3. l. 4. D. de privileg. cred. Creditoribus verò anteriorem hypothecam expressam habentibus nequaquam præfertur posterior hypotheca dotalis. Iniquum enim esset si omnes anteriores creditores per nuptias viri supervenientes exciderent jure suo quod expresse pacti fuerant. Quinetiam dos non præfertur tacitis hypothecis tribus paulò antè memoratis, si dotis conventionem præcesserint. Lessius c. 15. dub. 4. n. 27. Bonacina punct. 2. n. 16.

XI. Quinta

XI. Quinta hypotheca quæ reliquis etiam anterioribus præfertur, est in favorem Fiscī, cuius debitor habet suas omnes opes Fisco hypothecatas, sive cum Fisco contraxerit, ut contingit in receptoribus & redemptoribus veltigalium, sive alius quivis tributum debitum non solverit, l. 2. C. de privileg. fisci. Covarruvias lib. 1. var. resol. cap. 7. plures alias privilegium habentes hypothecas ibidem recenset, quas prætermitto.

XII. Salvo igitur jure prælationis creditorum eorum quibus competunt hypothecæ privilegia, in reliquis hypothecariis creditoribus illi præferri debent qui anteriorem habent hypothecam. Etenim qui prior est tempore potior est in jure, l. 1. D. qui potior. in pign. hab. & l. Si fundum, C. eod. Quæ tamen regula valet in solis, uti diximus, realibus seu hypothecariis creditoribus concurrentibus, cum constet eos esse præferendos omnibus personalibus, seu chirographariis, licet tempore anterioribus. Atque ita creditor realis aliis creditoribus pariter realibus, quos tempore præcedit, adeo præferendus est, ut solvendum sit ei in totum ac solidariè, quanvis bona non suppetrent quæ possent reliquis hypothecariis creditoribus sufficere, qui defectu bonorum sæpe coguntur propriis juribus in totum excidere, ne creditores hypothecam habentes anteriorem pro parte fraudentur. Secus tamen evenit in personalibus creditoribus, in his quippe nulla servatur præferentia, neque ulla in facultatum debitoris partitione inæqualitas; si namque omnibus solvendis non sufficiant, dividuntur inter istiusmodi sine ullo discrimine anteriorum, aut posteriorum obligationum, ita ut singuli pro rata & partem lucri, & partem jacturæ sortiantur recipiendo & amittendo, ut dici solet, solidum pro libra. Exemplum esto, si postquam integre satisfactum est hypothecariis creditoribus supersint ex bonorum discussione aurei trecenti, restentque sex chirographarii creditores quibus singulis centum aurei debeantur, singulis portio assignabitur quinquaginta anteriorum; atque ita singuli eorum pro dimidio solutionem accipient, & pro dimidio jacturam subibunt æqualiter. Si autem essent eorum jura & nomina inæqualia, servaretur in divisione pro rata proportio inæqualitatis, tam in discussione facultatum viventis debitoris, quam in inventario facultatum hæreditatis. Hæc ita determinavit communis & rationalis Jurisconsultorum & Summistarum sententia ubique ferè, atque adèd in Gallia vigens, l. Esz, C. qui potior. in pign. hab. S. Antoninus 2. p. tit. 2. c. 7. §. 3. Paludanus in 4. Sent. dist. 15. q. 3. Glof. in l. 2. D. qui potior. in pign. hab. Navarra cap. 17. num. 1. Sylvester verb. Restitutio 6. q. 5. Lessius cap. 15. dub. 6. n. 44. & colligitur ex l. 1. D. de separationib. his verbis: *Licet alicui adjuicendo sibi creditorem, creditoris sui deteriorem facere conditionem.* Et in tit. C. qui potior. in pign. hab. & D. eod. regula illa, *Qui prior est tempore*, in subjectis legibus non nisi in hypothecariis obligationibus applicatur.

XIII. Observandum est in primis, quod in communi bonorum discussione revocari debent omnes bonorum immobilium alienationes, quæ

Y Y y y

cumque

cumque factæ fuerint toto illo anno qui discussionem præcessit, ut in falsam discussionis reducantur. Quod quidem est contra jus prætorium, quonon revocantur nisi in fraudem alienata, l. 1. D. quæ in fraud. credit. Nulla verò fraus creditoris potest imputari, si ante discussionis instantiam sibi prospexit per bonorum immobilium alienationem, ac in solum datationem, cum adhuc liberum sit creditoribus anteriorem habentibus hypothecam experiri adversus eum hypothecariâ actione. Verumtamen consuetudinario hujusce provinciæ jure istud receptum est, ut illæ immobilium rerum distractiones revocentur propter fraudis suspicionem, quæ oritur ex discussionis eodem ipso anno sequentis vicinitate: solutiones autem, quæ annum præcesserunt, non huic subjiciantur revocationi, si tempore illonondum ventum erat ad judicium discussionis. Neque poterit creditor, qui ante id tempus solum in rebus immobilibus recepit, conveniri ad discussionis judicium, nisi post factam discussionem adhuc supersint hypothecarii creditores anteriores, quibus bona debitoris non sufficiant, liti quippe poterunt adversus posteriores sibi creditores, qui ante discussionis annum in prædiis ac immobilibus solum acceperunt, actione regressus experiri, postquam omnes debitoris principalis facultates excusæ fuerint. Circa hæc legi potest Hiacyntus Bonifacius tom. 1. lib. 1. Placitorum Senatus Provinciæ, tit. 33. Porro inter immobilia recensentur constitutorum censuum, seu pensionum capitalia.

XIV. Inter creditores merè personales diligentia in petendo parit jurisdictionis super aliis creditoribus similiter personalibus, etiam tempore prioribus, juxta l. *Pupillus* 24. quæ in fraud. credit. & l. *Si non expedierit*, §. 1. D. de bonis author. jud. possidend. *Statuendum ne alterius aut negligentia, aut cupiditas huic qui diligens fueris noceat. Quod si utroque instante tibi gratificans tutor solvit, æquum est aut prius eandem portionem tibi queri, aut communicandum quod accepisti.* Ipse verò debitor à creditorum uno, aliis creditoribus silentibus, sive in judicio, sive extra judicium interpellatus potest tutâ conscientia creditori huic satisfacere, etsi aliis posteriori, Sylvest. verb. *Restitutio* 6. quæst. 8. Navarra cap. 17. num. 52. Lessius lib. 2. cap. 15. dub. 5. num. 39. Verumtamen non licet debitori qui omnibus solvendo non est, sponte sua gratificari alicui creditori in præjudicium anteriorum, aut habentium potiore hypothecam: & nisi ipsum juris, vel facti ignorantia excuset, tenebitur de damno & expensis creditoris potius jus habentis, qui potest etiam quod alteri in sui præjudicium solum fuerit, judicio recuperare, l. *Scimus* 21. §. *Etsi præfatam*, C. de jure deliber. Similiter non licet debitori non interpellato posteriorem personalem creditorem proprio motu præferre aliis itidem personalibus creditoribus tempore prioribus, quanvis creditor qui recepit, possit sibi solum retinere quandiu à Judice non compellitur. Non enim tenetur rei suæ quam possidet jacturam sponte subire, ut aliis prospiciat. Ita post Molinam Lessius.

num. 4. r.

num. 41. Fillucius tract. 35, num. 200. Barbosa de offic. & potest. Episc. p. 3. alleg. 96. num. 81. his verbis: *Qui rem habet sibi debitam, potest sine peccato eam retinere, quavis sint alii creditores ipso anteriores.* Raimundus Bonaldus tract. 11. lect. 42. num. 2. alii que.


XV. Quia etiam in iudiciis contradictoriis communiter judicari solet in favorem hypothecarii creditoris possidentis pignus quod habuit à debitore, contra ceteros anteriores creditores pariter hypothecarios: & satis aperte favet lex *Qui insulam* 14. D. qui potior, in pign. hab. & lex unica, C. etiam ob chirogr. pecun. pign. Ita tenent ex Jurisconsultis Gallicanis Mornacius in d. l. *Qui insulam*, Cujacius in comment. ad illam rubr. etiam ob chirogr. pecun. pign. &c. & probat testimonio Pauli J. C. lib. 2. sentent. tit. 23. non posse etiam ab anterioribus creditoribus inquietari ad refundendum pignus quod possidet, nisi ei omne debitum offerendo. Eadem docet Chopius in consuet. Paris. lib. 3. tit. 2. num. 18. & tit. 3. num. 4. Est enim privilegium possessionis cum jure conjunctæ, quæ prævalet anterioritati juris alieni; cum nemo teneatur alteri in sui præjudicium consulere, adeo ut laudetur & præferatur à lege & omnibus unanimiter Doctoribus creditor posterior qui fuerit in prosequendo jure suo diligentior. Multa Gallicana Senatusconsulta in hanc rem proferuntur à Chopino citato, & à Bonifacio tom. 2. Placitorum Curiarum Provinciæ, lib. 4. tit. 3. cap. 1. Et in universum non metuit Prætoris Edictum *Qua in fraudem creditorum facta sunt*, is qui pecuniam recepit prius quàm bona debitoris possessa, idest inter creditores distributa sint; sibi enim diligenter prospexit: secus si bona jam possessa sint; tunc enim cæteris præcipere nemini licet, l. *Qui autem* 6. §. *Sciendum* 7. D. quæ in fraud. creditor.

XVI. Hic est communior & receptissimus ferè ubique gentium ordo in creditorum solutione servandus. Si quid tamen aliter alicubi Statuto, Edicto, vel probata consuetudine cautum sit, illud ibidem tenendum & servandum erit, Si obligationum aliæ sint ex contractu, & aliæ ex delicto, ut furto, usura, censent Medina & Salonijs solvenda prius esse debita ex delicto. Ex adverso Caietanus & Navarra adstruunt prius solvenda illa quæ sunt ex contractu. Præstat tertia & communior sententia Aragonii, Barnezz, Mollinæ, Lessii, Reginaldi, Bonaciniæ, nihil referre utrum ex his prius solvantur, nisi contingat superesse rem propriam unius creditorum, v. g. equum ejus, aut vas aliquod, vel commodatum, vel furto ablatum: aut accedat ex una parte privilegium hypothecæ, aut anterioritas unius debiti præ alio.



CAPUT XXIV.


De damno ex legitimo proprii juris usu in alterum
redundante.

I.  ON raro contingit, ut quis res suas pro suo jure curando alterius rebus indirectè noceat. Queritur an id liceat, & an ita agenti incumbat obligatio alterius damnum reparandi? Axioma commune in Jure istud est: *Qui suo jure utitur nemini facit injuriam*. Id verò supponit jus in eo qui illo utitur absolutum, & ab alterius consensu independens, unà cum bona fide, & conveniente moderatione, quibus simul concurrentibus excluditur peccatum, & nulla est damni alieni reparandi obligatio. Inter sanctos veteris Ecclesiæ Patres hoc ipsum luculenter docet admirandus ille S. Petrus Alexandriæ Episcopus & Martyr in suo canone 13. idque firmat pluribus ex Scriptura deductis exemplis. Idemque adstruitur isto Jurium Canonici simul & Civilis effato: *Qui jure suo utitur nemini facit injuriam*, cap. *Cum Ecclesia Vulterana*, de elect. & l. *Injuriarum*, §. 1. D. de injur. & l. 1. §. *Denique Marcellus ait*, D. de aqua pluvia arcenda.

II. Istius juris permulta superioribus capitibus exempla retuli, in quibus ex communi Doctorum sententia retuli, posse quem ex justa causa fraudare vectigal, licet exactor inde jacturam patiatur, etiam habens bonam fidem, & nihil de vectigalis jactura dubitans. Item in creditore per suam diligentiam licet præveniente anteriores sibi personales creditores. Præterea in reo criminis capitalis effringente carceris claustra enim gravi conmentariensis periculo; & in eo qui ædes suas nulli obnoxias servituti, altius elevando lucem & prospectum vicino eripit cum gravi ejus incommodo, & domus illius diminutione pretii. Insuper in eo qui cuniculo ac fossâ in agro suo factâ vicini aquam in agrum suum derivat: neutrum enim de damno teneri declarat lex *Proculus ait*, D. de damno infecto. Ad hæc sic ait lex 1. §. *Denique Marcellus ait*, D. de aqua pluv. arcenda: *Denique Marcellus ait*, cum eo qui in suo fodiens vicini fontem avertit, nihil posse agi, nec de dolo actione; & sanè non debet habere, si non animo vicino nocendi, sed suum agrum meliorem faciendi id fecit. Atque ibid. §. *Sed & si vicinus*, sic decernit: *Sed & si vicinus opus tollat, & ablato eo aqua ad inferiorem agrum naturaliter perveniens noceat, Labeo existimat aqua pluvia arcenda agi non posse: semper enim hanc esse servitutem inferiorum, ut naturâ profluentem aquam excipiant.* Similiter in eo qui exstructo muro, vel aggere suum munit prædium ab incurso amnis, vel torrentis: sic enim statuit lex *In summa*, §. *Idem Labeo*, D. cod.


D. eod. *Idem* Inbeo ait, si vicinus flumen vel torrentem averteris, ne aqua ad eum perveniat, & modo sit effectum, ut vicino noceatur, agi cum eo pluvie aqua arcenda non posse: quo sententia verior est, si modo non hoc animo facis ut tibi noceat, sed ne sibi noceat. Et declaratur l. 1. C. de alluvion. Ripam suam adversus rapidi amnis impetum munire prohibitum non est. Quæ omnia fundantur in his juris naturæ principiis: Qui jure suo utitur nemini facit injuriam. Nemo tenetur cum proprio damno alterius rebus consulere. Juris executio non habet injuriam, l. Injuriarum alio, §. Is qui jure, D. de injur. Præterea, ut consentiunt omnes Theologi, & fusè probat S. Thomas 2. 2. quæst. 26. art. 3. 4. 5. primus ordo charitatis Deum respicit; secundus nos ipsos; tertius proximos.

* III. Similia pleraque leguntur in corpore Juris exempla, quorum admodum conducibilis cognitio est. Quale est istud excusum in l. Habitationes, §. Iterum interrogatus, D. locati. Iterum interrogatus est: Si quis timoris causa emigrasset (videlicet ex domo conducta) deberet mercedem, necne? Respondit: Si causa fuisset cur periculum timeret, quamvis periculum verè non fuisset, tamen non debere mercedem: sed si causa timoris iusta non fuisset, nihilominus debere. Item de damno ex lege Aquilia, l. Si quis fumo, D. ad leg. Aquil. Quod dicitur damnum injuriâ datum Aquiliâ persequi, sic erit accipiendum, ut videatur damnum injuriâ datum, quod cum damno injuriâ attulerit, nisi magna vi cogente fuerit factum: nam hic scribit cessare legis Aquilia actionem. Iusto enim metu ductus ne ad se ignis perveniret, vicinus ades intercidit. Et si per venit ignis, siue amè eximilis est, existimas legis Aquilia actionem cessare. Proferimus aliud quoque exemplum quod frequenter in praxim deduci potest, ex l. Qui occideris, §. Si vulneratus, D. eod. Si vulneratus fueris servus non mortifere, negligentia autem perieris, de vulnerato actio eris, non de occiso. Patria etiam sacri Canonis definiunt, scilicet caput Laici, caput Dilectus, & caput Ex litteris, de homic. in quibus declaratur homicidium casuale non esse imputandum Clerico qui dabat operam rei licitæ, nec fuit in culpa.]



CAPUT XXV.

De restitutione per moribundum faciendâ: & de restitutionis internunciis.

I.  UANDO ex confessione pœnitentis existentis in periculo mortis innotescit Confessario, cum teneri ad aliquid restituendum, providendum est illius animæ salutis, & restitutionis securitatis, simulque pœnitentis famæ. Atque ad hoc duo media suppetunt: unum quidem, ut æger vel testamento, vel codicillis.

Y Y y ;

pecu

pecuniam, aliamve rem debitam per legatum destinat personæ cui debetur, aut si incerta sit, pauperibus distribuendam à Confessario, si videbitur, aut ab hæredibus quorum dubia fides non sit. Secundum medium erit, si accersito Notario & duobus testibus declaret ægrotus velle se ut ex sua hæreditate dematur talis pecuniæ summa per designatum proprio nomine confessarium applicanda prout ambo convenerunt; & ut ista declaratio statim deponatur in manus Confessarii. Verùm istud fortasse medium minus securum est quàm primum, si fortè hæres tergiversaretur prætextu non adhibitarum solemnitatum Juris, quod septem testes ad testamenta, & quinque ad codicillos requirit.

II. Expedit fortassis ad excludendam suspicionem sive restitutionis, sive inductionis & fraudis ex parte Confessarii, si post deliberationem inter ægrotum & Confessarium initam accerferetur persona spectatissimæ probitatis, cui secretò ægrotus injungeret faciendam pecuniæ in ejus manus depositæ, vel ab hæredibus deponendæ ex præscripto per testamentum legato, vel per codicillos restitutionem fiduciariam, prout Confessarius ex privato & occulto consilio cum ægrotò habito indicabit. Sic tamen providendum ne in testamento, vel codicillis fiat ulla mentio fiduciarie restitutionis, aut Confessarii, sed tantùm ab illo legatario data sit fides ac promissio ipsi privatim ægrotò. Laurentius Bochellus in Summa Beneficiali, verbo *Legatum*, priùs refert solenne Senatusconsultum totius Senatus Parisiensis in togis purpureis anni 1580. Decembris 23. quo fuit approbatum trium millium aureorum legatum relictum Joanni Pelletierio Parocho S. Jacobi ad Macellum, ea lege ut de iis disponderet secundùm ei privatim communicatas testatoris intentiones. Quod idem Senatusconsultum refertur pariter à Mornacio ad l. 15. D. de dote præleg. Quæ lex 15. statuit habendam esse fidem juramento mediante illi quem testator nominaverit, & cui mentem suam sub secreti promissione declaraverit.

III. Porro ad servandam penitentis bonam famam Confessarium videri esse aptiorem restituendi ministrum, dummodo probus & prudens electus fuerit, testatur Navarra Manualis cap. 27. num. 67. Sed si vel ipse Confessarius, vel alius electus à debitore internuncius non restitueret, non statim liberaretur debitor à restituendi obligatione, nisi in ipsum illum internuncium creditor consensisset. S. Antoninus parte 2. tom. 2. cap. 4. §. 1. Navar. a cap. 17. num. 67. Lessius lib. 2. cap. 16. dub. 6. num. 65.

IV. In universum ad restitutionum resolutiones tenenda est regula: Ubicumque res perit sine debitoris ulla præcedente culpa, domino rei perit. Itaque si internuncius receptâ in se reddendi obligatione rem sibi retinuit, vel suâ culpâ destruxit, distinguendum ita est. Vel internuncius habebatur communiter vir probus & exploratæ fidei, vel non. Si primum, adhuc distingue: aut debitor sic per eum restituens tenebatur titulo rei justè acceptæ, aut titulo injustæ acceptionis, aut titulo contractus legiti-

mini.

timi. Si titulo injuste acceptionis, nullatenus liberatur debitor, licet res in manibus internuncii absque dolo, sed casu fortuito deperierit. Ratio est, quia casum istum culpa præcessit debitoris: nisi enim alienum usurpasset, res ista non incidisset in illum casum quo supponitur periisse in aliena manu. Pacto enim, vel culpæ, vel moræ præcedentibus casus etiam fortuitus imputatur, cap. fin. de deposito. Sanè si pro certo res æquè peritura erat apud dominum, verius est non teneri injustum detentorem nisi ad fructus & interesse injuste detentionis & acceptionis. Ratio est, quia restitutio non nisi ex alieno damno nascitur, quale nullum hic existit; quia nimirum non minus ex casu fortuito privatus dominus fuisset re sua, quam si nulla fuisset injusta acceptio. Et insuper statuitur l. Si plures 14. §. Sive autem, D. depositi, cum qui renuit depositum reddere, si res deposita interea naturali interitu pereat, non teneri pretium restituere. Et l. fin. §. fin. D. ad legem Rhodiam, statuitur si ea conditione navem conduxerim ut ea merces meæ conveherentur, ipse verò nauta contra meam voluntatem & mala fide merces meas in navem deteriore transulerit, & merces meæ cum ea nave perierint, teneri mihi de hoc damno, si altera navis salva evaserit. Sed si ambe naves ea navigatione perierint, non teneri, quia peræquè merces meæ in priori nave conductæ periissent. Ita docet Covarruvias ad regul. Peccatum, p. 2. §. 6. Lessius lib. 2. cap. 12. dub. 15. num. 93. Sylvester verb. Restitutio 7. q. 5. §. Tertium, Martinus Navarra cap. 17. num. 8. Petrus Navarra lib. 4. de restitut. cap. 1. num. 17.

V. At verò si debitoris obligatio non fuit ex culpa, sed vel ex re accepta, vel ex contractu; & internuncio qui fidelis, nec suspectus habebatur, restitutionem mandavit, adhuc distinguendum. Vel mandans erat debitor speciei, hoc est rei particularis ac determinatæ, ut equi, vasis, libri, vestimenti; & eo casu liberabitur debitor culpâ vacans, etsi internuncius sive dolo, sive ex casu non restituat, l. Argentum, D. commodati, & cap. unico, de commodato. Ratio est, quia quoties omni debitoris culpâ seclusa res debita perit, domino suo perit. Vel debitor qui nuncium illum transmisit, est debitor generis, ut pumorum, tritici, vini, olei, aliarumve rerum quæ debentur non secundum individuum ac determinatam, seu singularem substantiam, sed secundum pondus, numerum aut mensuram; & tunc debitor quantumvis culpæ expertus, qui internuncio etiam fidelissimo mandavit, & hic fuit in itinere spoliatus, adhuc remanet obligatus. Ratio liquet; cum enim sit debitor generis, non verò hujus, aut illius specialis materiæ quæ in transmissione fuit intercepta, hac ipsa pereunte durat adhuc ejus obligatio: genus enim perire non potest, l. Incendium, C. si certum petatur.

VI. Itaque juxta regulam istam, quod ubicunque res perit sine debitoris culpa, domino suo perit, & debitor liberatur si res locata apud locatarium sine ejus culpa deperit, vel res commodata apud commodatarium,

vel


vel depositum apud depositarium, vel pignus apud creditorem, isti ad nihil tenentur ubi neque culpa, neque mora, neque conventio ulla in oppositum intercessit. Mutuatarius quoque perstat in dominio rei transmissæ pro solutione, ideoque si deperditur antequam creditor eam receperit, vel per se, vel per medium à se approbati quoad hoc internuncii, res illa deperit mutuatario ut domino. De emptione major est difficultas re nondum emptori tradita deperente; cum dicatur in l. *Traditionibus* 20. C. de pactis: *Traditionibus dominia rerum, non nudis pactis transferuntur.* Et tamen perspicue statuitur l. 1. C. de pericul. & commod. rei vend. & Instit. de emption. §. *Cum autem*, si res vendita casu pereat ante traditionem, perdi non venditoris, sed emptoris damno. Quam Juris dispositionem omnes Casuistæ approbant. Sed emptor re nondum tradita habet aliquod in eam imperfectum dominium traditione perficiendum. Quamvis autem contractus emptionis venditionis solo Partium mutuo consensu perficiatur, si tamen utriusque mens erat eam scripto firmandi, & ante scripturam res deperit apud venditorem, illam rei jacturam non emptor, sed solus venditor debet sustinere, utpote nondum perfecto contractu per scripturam, quæ ex mutua amborum voluntate conditionis necessariæ vicem habet, adeo ut sit locus pœnitentiæ donec Parsutraque subscriperit, ut decernitur Instit. de empr. & vendit. in princ. & l. *Contractus*, C. de fide instrum.

VII. Monet denique Navarra c. 27. n. 67. Confessarium, aut alium quemvis internuncium restitutionis, quanvis non requiratur, suam tamen debere fidem probare recipiendo solutionum syngraphas quas exhibeat debitori.



C A P U T XXVI.

De pactis qua contractibus adjunguntur.

I.  ACTA quæ pro diversis contrahentium intentionibus ad contractus adjunguntur vim ordinariam ac legitimam contractuum quibus apponuntur possunt extendere, vel restringere, dummodo juri naturali non repugnent pacta opposita, ut perspicue docet l. *Contractus quidam*, D. de regul. jur. hisce verbis: *Nisi quid nominatim convenit, vel plus, vel minus in singulis contractibus. Nam hoc servabitur quod initio convenerit; legem enim contractus dedit. Excepto eo quod bona fidei iudicio contrarium est: & ita utimur.*

II. Sic fit ut commodatarius qui ex vi commodati non tenetur nisi de sola culpa, teneatur ex vi pacti commodato adjuncti etiam de casu fortuito, cap. unico, de commodato.

III. Deposi

III. Depositarius quoque ex vi contractus depositi nullatenus tenetur de casu fortuito : & tamen tenebitur si conventum inter ambas Partes fuerit, ut ipsum quoque casum fortuitum præster, l. 1. §. *Sape*, D. depositi, & cap. *Bona fides*, de deposito. Neque tamen his pactis dominium immutatur rei ipsius, cum proprietas ipsa rei adhuc remaneat penes ipsum commodantem, & penes ipsum qui deposuit.

IV. Ita etiam ex vi mutui nihil debet mutuatarius præter mutuam sortem : neque tenetur ad interesse, sive damni, sive lucri, etiamsi creditor occasione mutui vel lucrum amittat, vel damnum verè sustineat. Et consentiant Summistæ omnes, non posse quidquam exigi per creditorem, quantumvis reale ac verum interesse, nisi pactum ab initio de præstando interesse præcesserit. Sed de utroque interesse mutuatarius tenebitur si speciatim in ipso mutui contractu convenerit. Navarra in Enchir. cap. 17. num. 211. cæterique Doctores.


V. In emptione quoque & venditione, re tradita transfertur ita dominium, ut venditori ad eam jus nullum reliquum sit. Secus tamen erit si appositum fuerit pactum additionis in diem, hoc est, ut si intra conventum tempus alter emptor meliorem offerat conditionem venditori, res sit inempta, l. 1. & l. 4. D. de addict. in diem. Idem obtinet in pacto redemptionis seu retrovenditionis, ut possit venditor eodem pretio redimere rem venditam, aut eo pretio quale tunc æstimabitur tempore præstituto, l. *Si fundum*, & l. *Si à te comparavit*, C. de pactis inter empt. & vendit. Itemque in pacto legis commissoriae, ut si intra præfixum diem pretium non solvatur, redeat res ipsa ad venditorem, l. 2. & 3. D. de lege commissoria. Quod tamen pactum in emptione approbatum reprobatum in pignore, de quo pacisci non licet, ut debitore non solvente pignus acquiratur creditori. Est enim contra bonos mores, & contra æqualitatem dati & accepti, quia pignus sæpe valorem excedit rei debitæ, cap. *Significante*, de pignor. & l. 1. & 3. C. de pact. pignor. Denique facilis esset similis inductio ad cæteros quoscunque contractus.

VI. Sicut autem ex pactis additis contractus determinantur, contingit vicissim ut ex contractu exurgat citra ullam expressionem pactum tacitum, ut in locatione prædii urbani quidquid intus defertur, vel invehitur à conductore, oppignoratur tacita conventionem locatori, l. *Item quia*, D. de pact. Plura istiusmodi exempla perquire sub tit. Digestorum & Codicis in quib. causis pignus vel hypotheca tacite contrahatur.



CAPUT XXVII.

De conditionibus, demonstrationibus, & causis appositis.

I.  **REQUENTER** evenire solet ut in dispositionibus, tam inter vivos quam mortis causâ factis adjungantur conditiones, ut *Si navis ex Asia venerit*: necnon demonstrationes, ut *Fundum lego Nomentanum quem à Titio emi ducentis aureis*: item quo causâ, ut *Centum aureos Titio do, quia negotia mea utiliter gessit*. Hinc multiplices nascuntur ambiguitates in Jure circa defectum appositarum conditionum, aut circa falsas vel dubias demonstrationes, vel causas: utrum hujusmodi rerum defectu falsitate, vel incertitudine vitietur dispositio.

II. Pro universali regula tenendum est, conditionem appositam sive dispositioni inter vivos, ut sunt contractus, rescripta Principum, pœnæ, privilegia; sive dispositionibus causâ mortis, ut sunt testamenta, codicilli, usque eò limitare atque determinare dispositionem, ut hæc non aliter subsistat, nisi existente conditione. Ratio petitur ex libera disponentis intentione, non aliam volentis inducere obligationem, nisi eam quæ conditionis veritate nitatur, l. *Cum ad præsens*, D. si cert. pet. & l. *Conditio in præteritum*, D. de verb. oblig.

III. Ab hac tamen regula excipiuntur impossibiles conditiones, & illæ similiter quæ sunt contra bonos mores, si sint adhibitæ dispositionibus causâ mortis, ut *Si calum digito atigeris*, *Si datam fidem freris*, *Si alterum injuriâ affeceris*. Istæ omnes pro non appositis habentur. Nec minùs effectum sortietur ultima dispositio, illis non adimpletis, l. *Turpia*, D. de legat. 1. l. *Cum in secundo*, D. de injust. testam. & Instit. de hæred. instit. §. *Impossibilis*. Secus tamen statuendum in materia contractuum. In his quippe irrita sit quævis dispositio sub impossibili, vel turpi conditione facta, §. *Quod turpi ex causa*, Instit. de inutil. stipul. l. *Generaliter*, D. de verb. oblig. l. *Non solum*, D. de act. & oblig. Ipsa verò Glossa in d. §. *Impossibilis*, Inst. de hæred. instit. istam Juris differentiam refert appositè in favorem ultimarum voluntatum.

IV. Olim quidem Jure Digestorum conditio ista, *Si non nupsieris*, *Si uxorem non duxeris*, apposita in legato, vel fideicommissio, censebatur bonis moribus, hoc est libertati nuptiarum & publico bono adversari, ideoque pro non adjecta habebatur: neque minùs valebat legatum, vel fideicommissum, l. *Titia*, D. de conditionib. & demonstrat. Sed Justinianus hoc ita temperavit, ut conditio habebatur pro non adjecta circa primas nuptias, sed valeat.

valeat circa posteriores nuptias. Auth. *Cui relictum*, C. de indicta viduit. toll. Ab eodem pariter statutum fuit in favorem Religionis, ut si legatum facit sub conditione si matrimonium inierit, nihil de Religionis ingressu exprimendo, & contingat legatarium Religionem ingredi, ejusdem nihilominus legati beneficium consequi debeat. Auth. *Nisi rogati*, C. ad SC. Trebellian. Novel. 123. de sanctiss. Episcopis, cap. 37. Atque in hoc omnes convenire Doctores asserit Lessius lib. 2. cap. 18. dub. 15.

V. Solutior est Juris dispositio circa demonstrationes quam circa conditiones appositae. Etenim falsa demonstratio, modò de re ipsa consistet, non perimit dispositionem, si contingat in Principum rescriptis, si in contractibus, si in ultimis voluntatibus. Nec etiam nominis error quidquam efficit, modò de persona, vel de re habeatur certitudo, cap. *Significante*, de rescript. l. *Falsa demonstratio*, D. de condition. & demonstr. l. *Patronus*, §. 2. D. de legat. 3. & l. *In venditionibus*, D. contrah. empt.

VI. Similiter falsa causa nullatenus obest dispositioni: ut, *Fundum Tusulanum Titio lego, quia negotia mea visiliter gessi*; quanvis ejus negotia non gessisse probetur, l. *Cum tale*, §. *Falsam causam*, D. de condition. & demonstr. Veruntamen si falsa demonstratio, vel causa conditionaliter adhibita sit, procul dubio irrita & nulla erit dispositio, d. l. *Falsa demonstratio*. Statuitur tamen in l. *Qui libertatis*, §. *Servus*, D. de evictio. si sit servo libertas relicta sub conditione, si rationes reddiderit administrationis, censendum esse purè relinqui libertatem, si servo nulla supersint reliqua, de quibus reddenda foret ratio. Præsumitur enim testatoris intentionem in hoc esse ut libertate servus donetur, ex quo liquebit servum non esse reddendæ rationi obnoxium. Nec tantùm falsa causa, sed etiam falsa conditio habenda est pro impossibili, ut pro non adjecta habeatur: *Pamphilus si quod Titio debeo persolveris, liber esto*. Reverà tamen si sic disponens nihil Titio debet, fiet nihilominus liber Pamphilus. At si testator Titio debet aliquid, idemque post conditum testamentum exsolvat quæ Titio debet, isto casu intelligitur conditio defecisse, atque ita caducum erit libertatis legatum, d. l. *Cum tale*, §. *Falsam conditionem*, D. de condition. & demonstr.



C A P U T XXVIII.

Sponsarum, uxorum, & viduarum jura: & de diversorum creditorum concursu, ac pralatione.

I. **D**ISPICIENDUM hîc est desponsalitia primum largitate, tum de mundo muliebri, tum de arrhis sponsalitiis, tum de dotibus aliisque conjugatarum, aut viduarum jurbus. Sponsalitia itaque largitas

Z. Z. z. z. 2

facta

facta inter sponſos de futuro valida eſt, ita ut res donata acquiratur douzario, ſi deinde fiat & conſummetur matrimonium. Id verum eſt tam favore ſponſi quàm ſponſæ, l. *Cum veterum*, C. de douat. ante nupt. his verbis: *Quæ ſimiliter obſervari oportet & ſi ex parte ſponſæ in ſponſum donatio facta ſit*. Quæſitum eſt ſi ſolvantur ſponſalia, ſive ex mutuo amborum conſenſu, ſive ex alterius eorum morte, quid juris? Hic tria diſtinguenda, ſcilicet donationes ante nuptias, mundus muliebris, & archæ nuptiales. Donationes quidem ante nuptias factæ, ſolutis ſponſalibus ſcervuntur ad eum qui dedit, ejuſve hæredes, d. l. *Cum veterum*. Ratio eſt, quia ſponſalitia largitas tacitam ſecum includit conditionem matrimonii futuri: itaque caduca ſit defectu conditionis. Quod verò donatur ſponſæ ante nuptias ea lege, ut ejus dominium acquirat ex quo nuptiæ ſequutæ fuerint, nullius eſt effectus, l. *Quod ſponſæ*, C. de donat. ante nupt. quia nimirum omnem inter conjuges donationem jura prohibent, ne ſcpe mutuo amore ſpolient. Hinc dicit Baldus: Paria ſunt fieri aliquid tempore prohibito, & transferri in tempus prohibitum. Et Gloſſa ibid. Quod potuit ſponſus ante nuptias noluit; & quod voluit ſponſus poſt nuptias non potuit.

II. De mundo muliebris, id eſt jocalibus & veſtibus, hæc quidem penes uxorem mortuo marito remanere, & ſubmovendos eſſe mariti hæredes decernit lex *Si tibi*, & lex *Si mater*, C. de donat. ante nupt. Innixus tamen Mornacius Senatusconſulto Curie Pariſienſis quæ non regitur ſcripto Romanorum jure, ſcribit veſtes & nuptialia ornamenta reſtituenda eſſe hæredibus mariti; ſic enim judicavit Curia illa Decembris 12. anno 1598. pro hæredibus Petri Colombeau contra ejus viduam Genoveſam Boulanger. Id reſtat Mornacius ad l. 3. D. de ſponſal. idemque ad l. *Si à ſponſo*, C. de donat. ante nupt. Chopinus verò ad conſuet. Pariſ. lib. 2. cap. 2. num. 4. diſtinguit inter res pretioſas, & non pretioſas; & iſtas quidem adjudicandas eſſe viduæ, pretioſas autem hæredibus mariti. Eadem diſtinctio & reſolutio adſtruitur à Julio Claro §. *Donatio*, quæſt. 10. initio, & approbatur à Sanchez de matrimon. lib. 6. diſp. 25. n. 28. & Bonacina de contractib. diſp. 3. quæſt. 13. puncto 4. num. 13. & aliis Summiſtis qui hoc addunt, extendi debere ſi ſponſus ante conſummationem deceſſerit, dummodo de ſponſalibus intervenierit oſculum ante nuptias, juxta l. *Si à ſponſo*, C. de donat. ante nuptias, ſic dicentem: *Si à ſponſo rebus ſponſæ donatis interveniente oſculo, ante nuptias hunc, vel illam mori contigerit, dimidiam partem rerum donatarum ad ſuperſtitem pervenire præcipimus, dimidiam ad defuncti, vel defunctæ hæredes, cuiuſlibet gradus ſint, & quocunque jure ſucceſſerint*. Baquetus verò de juſtitia & jure cap. 21. num. 334. dicit hoc eſſe arbitrarium ob Doctorem & Senatusconſultorum contrarietates decernentium circa contractum jam, conſummatumque matrimonium. Etenim ſi ſola extiterint ſponſalia, neque ſequutæ ſint nuptiæ, jam deciſum eſt, res donatas eſſe integrè reſtituendas. ſi oſculum non intervenierit; reſtituendam verò eſſe dimidiam partem ſolam,

si osculum intervenerit, juxta d.l. *Si à sponso*. Hoc ita decernitur jure communi Romanorum. At in Gallia ratio nulla habetur istiusmodi osculi, quod non tanti æstimatur; cum soleat hoc in Regno ad omnem civilitaris occursum exhiberi, ut observant & docent Bugnyon lib.4. de legib. abrogat. cap.33. & Jacob. Gothofred. in comment. Cod. Theodosiani, ad hanc ipsam legem *Si à sponso*. His addenda est altera restrictio hæc, dummodo alterius desponsatorum culpâ non fuerit impeditum matrimonium: si enim culpa unius horum obstitit, Jus providet ne ullum emolumentum ex hujusmodi donationibus & largitatibus Pars culpabilis percipiat, d.l. *Cum veterum*, in fine, C. de donat. ante nupt.

III. De arthris potro sponfalitiis non sequuto matrimonio, hæc quidem remanent penes recipientem, si per donantis culpam steterit quominus matrimonium completeretur. Si autem per recipientem steterit, tenetur eas restituere etiam in duplum, l. *Mulier*, C. de sponfal. & arthris. Si verò per neutrius culpam steterit, sed alterius mors, aliudve grave incommodum supervenerit, arthre acceptæ restitui debent, sic statuente lege *Arthris*, C. cod. *Arthris sponfaliorum nomine datis, si interea sponsus, vel sponsa decesserit, quæ data sunt jubemus restitui, nisi causam ut non celebrarentur defuncta persona jam præbuit*. Quo loco Glossa dicit: *Sive intervenerit osculum, sive non: licet in donatione propter nuptias fecus*. At verò si matrimonium sequutum sit, arthre sponfalitiæ restituendæ sunt Parti quæ dederat. Ratio perspicua est, quia arthre sunt pates pignori tradito in conventionem futuræ venditionis, quod amittere convenit injustè resiliens; celebrata autem venditione recuperare oportet eum qui tradiderat. Ostensis in Summa, tit. de sponfalib. §. 1. num. 3. Abbas in cap. *Gemma*, eod. tit. num. 7. Angelus verb. *Sponfaliti*, num. 17. Sylvester, Covarruvias, Ludovicus Lopez, alique communiter, quos citat & sequitur Sanchez de matrim. lib. 1. disput. 36. num. 2.

IV. Denique quanvis lex fin. C. de jure dot. eximat ab insinuationis obligatione donationes propter nuptias, Constitutiones tamen Franciæ donationum propter nuptias insinuationem requirunt, ut & aliarum quarumcumque donationum. Mornacius in d. l. fin. C. de jur. dot.

V. Conjux ob sævitiam divertens à toro & cohabitatione viri, potest judicio agere per procuratorem, ne acriores fiant similitates per conflictantium conjugum mutuas accusationes & convicia. Imò ne quid deterius contingat, servatur in Gallia cap. *Literas*, in fine, de restitut. spoliat. providens ut uxor in quam desævit maritus, honestæ alicui matronæ committatur & sequestretur quandiu lis duratura est, nisi eam parentes, vel cognati apud se recipiant. Præclare S. Chrysostomus ad cap. 11. epist. 1. ad Corinth. hom. 12. ait: *Hoc ex Legislatoribus externis addiscitis, qui talia passam uxorem habitare amplius non cogunt cum marito qui eam verberibus affecit, quippe indigno ulla deinceps ipsius consuetudine*. Videri possunt Covarruvias de testamentis §. 5. cap. 7. & Mornacius ad l. 2. §. 1. D. de divort. qui & hoc docent,

Z Z z z 3

pen

pensionem, seu provisionem alimentariam in bonis mariti pro modo facultatum ejus per Judices adjudicari debere, donec dotalitio per mortem viri fiat locus. Quinimò possessores, seu tertii detentores rerum mariti damnantur pensioni huic annuæ, excussis primùm mariti facultatibus, nisi malint possessione bonorum eorum uxori cedere, ut judicavit teste Mornacio Senatus Parisiensis secundùm Magdalenam Lecaron separatam à toro & adibus mariti Jacobi Flamani, contra Firminum du Fresne tertium possessorem, anno 1611. die 6. Augusti.

V I. Quando maritus adulteratur ac tenet concubinam, potest uxor innocens agere ad separationem tori, dotem repetere, & lucrari donationem propter nuptias debet. Decius in reg. *Semper in contractibus*, D. de reg. jur. Raphaël Cuman, consil. 175. Quando etiam vir concubinam tenet, uxor ejus quæ pariter adulteratur, non perdit dotem, ut docet Paulus Castr., consil. 128. Decius in d.l. *Semper in contractibus*, quia paria delicta compensatione mutua tolluntur, l. *Viro atque uxore*, D. solut. matrim. & cap. *Significasti*, de adulter. Vide Matth. 19. vers. 9. & Concil. Trident. sess. 24. de matrim. can. 7.

V II. Ubi verò uxor de propriorum bonorum perditione ob viri prodigalitate & incuriam periclitatur, agitur de mutua bonorum separatione, oportet inquisitionem judicam fieri, quæ probetur maritum de coctorem esse. Idque faciendum non spontaneo, sed contradictorio judicio. Edendum est enim facultatum uxoris inventarium, tum sententia obtinenda divisione bonorum, tandemque succedere debet publicatio, quæ per præconem, aut per schedulas locis publicis affixas, aut etiam in Notariorum stationibus admoneantur universi hujusce bonorum inter conjuges separationis, expressis amborum nominibus. Nisi enim ista fiant, præsumetur dolus & collusionio conjugum in fraudem creditorum. Sanè quacunque ex causa uxor juremerito doti suæ, & propter nuptias donationi timet, exaudienda est à Judicibus, ut res suas salvas sibi habeat, l. *Ubi adhuc*, D. de jure dot. Sciendum verò, uxorem quæ juridicè hanc obtinuit bonorum separationem, posse sine mariti interventu obligari in illis quæ ad rerum suarum conservationem & administrationem pertinent, perinde ac si vidua esset; in hoc quippe sui juris effecta est. Hoc tamen excepto, quod vivente viro non potest alienare, ut judicavit Senatus Parisiensis 21. Januarii ann. 1597. in causa Sebastianæ Benedictæ. Hoc idem scribit Commentator Consuetudinum Borboniorum, art. 28. quem allegat & sequitur Mornacius ad l. 1. §. 2. D. de divort. & repud. Ubi cumque autem de alienando agitur, mariti consensus esse necessarium statuit dicta lex *Ubi adhuc*, de jure dot. & est constans in foro regula, quanvis facta fuerit juridica bonorum separatio; ad quod alterum producit Mornacius Senatusconsultum Parisiense 24. Aprilis anni 1585. Denique Pomponius sapienter ait, l. 1. D. solut. matrim. *Dotium causa semper & ubique præcipua est, ac publicè interest dotes mulieribus conservari*, Providendum igitur ne à maritis dilapidentur.

VIII. Jurq

VIII. Jure Romanorum magnum est dotis privilegium, aded ut omnia viri bona jure tacite hypothecæ ad dotis restitutionem obligata sint uxori, l. unica, §. *Et ut plenius*, C. de rei uxor. act. & §. *Fuerat*, Instit. de act. Præterea cæteris creditoribus etiam tempore anterioribus præferantur uxores, l. *Affiduis*, C. qui potior. in pign. hab. l. *Ubi adhuc*, & l. *In rebus*, C. de jure dot. Justinianus etiam Novel. 97. de æqualit. dotis, §. *His consequens*, uxoribus concessit jus tacite hypothecæ in bona mariti, eodem privilegio quo fruitur creditor, cujus pecuniâ res empta fuit, aut qui ad navim fabricandam, aut domum ædificandam credidit pecuniam suam.

IX. Veruntamen Justiniani mens non videtur hæc fuisse, ut præferatur mulier creditoribus anterioribus, nisi solis illis qui hypothecam nullam habent, aut habent dumtaxat tacitam. Quid enim iniquius foret quàm si ali-quod jus hypothecæ nobis expressa conventionione anteriùs acquisitum posset nobis invitis aut inficiis præripi quocunque privilegio posterioris creditoris? Et ex Scævola responso constat, etiam privatum habentem expressam hypothecam, ipsi Fiscò & Cæsari postea contrahenti oportere præferri, l. fin. §. fin. D. qui pot. in pign. hab. Et quidem communis & potior est Interpretum Juris Romani sententia, præferri utique in causa dotis mulierem creditoribus anterioribus, ex Justiniani constitutione, non tamen expressam habentibus hypothecam. Ita Accursius, Joannes Faber, Bartolus, Baldus, Salicetus in l. *Affiduis*, C. qui pot. in pign. hab. & in §. *Fuerat*, Instit. de act. Jus istud Romanum prælationis dotis super hypothecariis reliquis creditoribus anterioribus servatur in provinciis Gallicanis quæ jure scripto reguntur, qualis est provincia Tolosana: cùm tamen in aliis Gallicanis provinciis quæ jure consuetudinario utuntur, jura dotium non præferantur aliis anteriorem habentibus hypothecam. Hoc ita observat Papo lib. 1. tit. 3. num. 1. 1. & Oliva lib. 3. Judiciorum Tolosanorum, cap. 25. Attamen in provincia Aquisi, quanvis sit in aliis observatrix Juris Romani, dos non præfertur hypothecis anteriorum creditorum, nisi circa bona à marito post matrimonium acquisita; quemadmodum nec Fiscus, juxta l. *Si qui*, D. de jure Fisci. Nam uxor & Fiscus pari gradu ambulant, l. 2. C. de privil. fisci. Ita docet Claperius Aquisi parte 2. causa 84. quæst. 1. num. 2. & 3.

X. Ille igitur servatur ordo in distractione bonorum debitoris, ut habentes hypothecas cæteris chirographariis creditoribus præferantur in solidum, sive hypothecæ sint generales, sive speciales, juxta l. *Pro debito*, C. de bonis authorit. jud. possid. Inter creditores hypothecarios præferuntur etiam anterioribus illi qui habent privilegiatas hypothecas, qualis est creditor qui affectatum sibi pignus penes se habet: & ex Salviano interdicto dominus fundi qui res à colono in prædium illatas tacite jure hypothecæ sibi præ aliis quibuscumque creditoribus asserit, l. 1. & tot. tit. D. de Salviano interd. Itemque alii creditores, de quibus agitur in tit. Cod. & Digest. qui potior. in pign. hab. Si debitoris bona omnibus hypothecariis credi-

toribus.

ditoribus non sufficiunt, anteriores quidem recipiunt in solidum, & excluduntur posteriores. Similiter si omnibus hypothecam habentibus sufficiunt, ut tamen chirographariis nihil superfit, isti omnes omni suo jure frustrantur. Si verò postquam de integro singulis tam generalem quam specialem habentibus hypothecam satisfactum fuerit, supersint aliqua bona, quæ tamen omnibus personalibus creditoribus minime sufficiant, nullus habetur respectus anteriorum, aut posteriorum hujusmodi creditorum; sed quæ supersunt bona in tributum veniunt, hoc est ita distribuuntur, ut nemo ex illis de integro excludatur, neque de integro seu in solidum recipiat, sed singulis aliquid distribuatur ad proportionem tum quantitatis rei debitæ, tum quantitatis bonorum quæ distrahuntur, juxta d.l. *Pro debito*, C. de bon. auctor. jud. possid. & l. *Si fundam*, C. qui potior. in pign. hab. Actionem illam inter chirographarios, & tantum personales creditores tributariam Pragmatici vocant *Déconsigne*, ou *Contribution au sol la livre*.

XI. Quæsitum est utrum venditori asserenda sit tacita & privilegita hypotheca super re vendita pro ejusdem pretio? Jus commune hanc ei denegat hypothecam, solamque concedit ei personalem actionem adversum emptorem, l. *In civile* 13. C. de rei vendicat. & l. *Qui ea lege* 3. C. de pactis int. empt. & vend. Caterum in toto Galliarum Regno jus oppositum viget, adeo ut etiam in provinciis Jure Romano utentibus venditori tacita indulgeatur hypotheca pro pretio super re vendita: cujus favore præsertim anterioribus etiam hypothecariis creditoribus, dummodo res vendita penes emptorem ejusve hæredem permaneat, neque distracta sit. Et sanè hac in parte major effulget species æquitatis. Sic ex provincia scripti Juris Oliva Tolosæ lib. 4. cap. 10. ex provinciis verò Juris consuetudinarii Louetius lib. P, cap. 19. & Brodeus ejus Scholiastes, & Mornacius ad l. *Procuratoris*, §. *Planè*, D. de tributor. act.



CAPUT XXIX.

Selecta quadam, & præcipua jura donationum.

- I. **M**ULTÆ restituendi obligationes dimanant ex jure, donationum. Itaque visum est ad ceteros restitutionum fontes hunc postremum tractatum adjungere. Quavis ex sui natura donatio sit contractus irrevocabilis, si fiat inter vivos, l. *Aristo*, D. de donat. sunt tamen quatuor præcipuæ causæ ob quas permittunt leges illam revocari. Prima est ingratitudo donatarii, l. fin. C. de revoc. donat. Nec solum ob quinque ingratitudinis causas ea lege expressas, sed etiam

etiam ut docet Glossa ibid. verbo *Voluerit*, ob alias similes, aut graviiores causas; nam & filius exheredari à patre legitimè potest ex aliis ingratitudinis causis quàm à Jure expressis, ut probat Julius Clarus lib. 3. Sentent. §. *Testamentum*, quæst. 41. verbo *Sed quero*. Secunda revocandæ donationis causa est supervenientia liberorum, ne patema quæ præcessit liberalitas vergat in horum detrimentum, l. *Si unquam*, & ibi Glossa, C. de revoc. donat. Tertia causa est si sit inofficiosa donatio, de qua toto tit. de inoffic. donat. Qua in re ita distinguendum, ut si donatio sit inofficiosa re tantum, revocanda sit usque ad legitimam necessariis hæredibus, sive jam natis, sive supernascentibus debitam, l. 1. 2. & 3. C. eod. Si inofficiosa sit re simul & consilio, revocari in totum debet, juxta Bartolum & alios communiter Doctores, quos refert & sequitur Clarus §. *Donatio*. Atque hoc jus viget in Gallia, ut tradunt Erostratus Gallicanus tract. de inoffic. donat. & dorib. num. 59. & Papo lib. 11. Placitorum, tit. 1. num. 6. Vide ad hoc l. *Titia Seio*, §. *Inperator*, juncta Glossa, D. de legat. 2. Dicitur inofficiosa donatio re simul & consilio, quam facit ex proposito pater in filiorum damnum. At ubi absuerit prava illa voluntas liberis nocendi, erit inofficiosa re tantum. Eadem reductio usque ad legitimam pari ratione locum habet in præfata causa supervenientie liberorum. In cunctis tamen his causis nulla modificatio donationum habetur ratio, neque sit ulla revocatio. Quarta denum revocandi causa est si quid donatum sit ob causam, minimè iequatà causâ. Revocatur enim ipso jure, & donatori competit rei vindicatio, l. 1. C. de donat. ob caus.

* II. Disceptatum fuit, utrum donatio propter nuptias facta per minorem in gratiam nuptiarum cognati pariter minoris, rescindi possit favore minoris ætatis? Et quidem adversus illam restitui in integrum posse donatorem, solenni in Togi Purpureis ac Latiscraviis Senatufconsulto judicatum fuit Aquis Sextiis inter nobiles fratres ambos minoris ætatis Claudium Grasé Comitem Barii, & Henricum Grasé, hunc donatarium, illumque donatorem, præsidente Guillelmo Vairy Senatus Principe, qui & hanc decisionem suis excusis Operibus attexit. Claudius Grasé, secundum regulam vulgarem in Galliarum regno receptissimam, *Nullitatis in Gallia nulla habetur ratio*, Literas Cancellarij, ut contra hanc donationem restitueretur obtinuerat. Itaque inter ambos fratres de vi harum Literarum coram Senatu Provinciæ litigatum est. Allegabat Henricus matrimonii privilegium, cujus gratiâ nec ipsa mulier dotans Vellejani privilegio adjuvatur. Proferebat donatorem expressè renuntiasse minoris ætatis privilegio, præsentè & consentiente curatore, adhibito etiam jurejurando. Item mulierem non posse restitui, si semel Vellejano renunciaverit, l. ult. §. ult. D. ad Vellejan. Denique contra hanc ætatis restitutionem proferebatur lex *Hoc Jure*, §. ult. D. de donat. statuens irrevocabile esse quod datum fuit sub conditione mox adimpleta, ut evenit in hoc Matrimonio.]

III. At verò donatio causâ mortis potest à donatore quodcumque voluerit revocari, l. *Mortis causâ* 4. D. de donat. causâ mort. Nec tantum per expressam donatoris voluntatem revocatur, verum etiam per tacitam significationem; ut si quis rem à se mortis causâ donatam transferat in alium, l. *Illud*, D. de donat. causâ mortis.

IV. Quod spectat ad donationem inter conjuges viventes factam, hæc invalida communi jure censetur, cap. fin. de donat. int. vir. & uxor. & l. 1. D. cod. Ne (ait lex) *conjuges mutuo amore se spoliarent*: quæ causa honesta est. Verum contraria plerumque urget causa evitandæ coactionis & male tractationis, quam faciliè suadere potest alterius conjugum vesana cupiditas, aut saltem causa frequentis & odiosæ importunitatis. Idcirco non solum expressa, sed etiam tacita revocatione donatio conjugum faciliè dissolvitur. Verum si conjunx donator nullatenus revocet, adveniente demùm ejus morte, & altero conjugum superstite validitatem sortitur, l. 1. & 3. & l. *Donationes*, C. de donat. int. vir. & ux. & d. cap. fin. cod. tit. Nec solum talis donatio viventibus conjugibus invalida est, si fiat post matrimonium ratum, verum etiam facta ante matrimonium, sed dilato ejus effectu postquam matrimonium ratum, contractumque fuerit, l. *Quod sponsa*, C. de donat. ante nupt. Nam idem est facere tempore prohibito & inhabili, & differre obligandi vim ad tempus prohibitum & inhabile, l. *In tempus*, D. de hæredib. instit.

V. Secus tamen statuendum in aliis à donatione contractibus, ut sunt venditio, locatio, permutatio, &c. Tum quia sola inter conjuges donatio prohibetur: tum quia venditio inter eos expressè confirmatur, l. *Si sponsus*, D. de donat. int. vir. & ux. Excipitur tamen illa venditio quæ fieret animo donandi, vel condonandi pretium, aut notabilem pretii partem, d. l. *Si sponsus*, §. *In venditione*.

VI. Donationes inter conjuges adeo morte donantis consistantur, ut ad tempus retrahantur quo factæ fuerunt, perinde ac si tunc valuissent: & consequenter fructus omnes post donationem percepti pertinent ad donatarium conjugem superstitem. Ita tradit Glossa in l. *Talis scriptura*, §. *Universa*, D. de legat. 1. Covarruvias de testam. rubricæ parte 3. num. 3. Julius Clarus §. *Donatio*, quæst. 9. in fine, attestans hanc esse communem Doctorum sententiam.

VII. Valet quidem à patre facta donatio filio emancipato; sed non valet facta filio quem sub sua potestate habet, l. 2. C. de inoffic. donat. & l. *Donationes quas*, C. de donat. inter vir. & ux. Valet tamen donatio patris facta liberis quos in potestate habet, duobus casibus, scilicet causâ dotis pro filia, & causâ donandi filio propter nuptias, l. *Pomponius Philadelphus*, D. familiæ eriscundæ. Baldus in l. *Pactum*, C. de collat. Ad donationem propter nuptias reducitur titulus patrimonii constitutus à patre filio Clerico, ut possit ad factos Ordines promoveri, per quos Clericus contrahit

contrahit cum Ecclesia spirituale & insolubile connubium. Aliis verò casibus donatio patris facta filio non emancipato revocabilis est, nec nisi patris morte firmatur, l. 2. cum ibi notatis, C. si quis alteri vel sibi, & l. *Donationes quas*, C. de donat. int. vir. & ux. sicut paulò ante dixi de confirmatione donationis per conjugem factæ in favorem conjugis superstitis. Atque his juribus in Gallia quoque utimur. Papo lib. 11. tit. 1. num. 1.

VIII. Donatio traditione perficitur. Ex quo enim aliquis verbo, aut scripto suam donandi voluntatem expressit, sibi necessitatem inposuit tradendi quod donavit, & ad tradendum compelli potest, §. *Perficiuntur*, Instir. de donation. & l. *Si quis argentum*, §. fin. C. eod. tit. Verumtamen si donator sibi usumfructum retinuit, potest quidem rem ad possessionem & usumfructum retinere, sed Juris fictione intelligitur tradidisse, licet non tradiderit, l. *Quisquis*, Cod. de donation. & d. l. *Si quis argentum*, §. *Sed si*.



CAPUT XXX.

De Regulis Juris.

A Domnium disciplinarum peritiam mirificè conducunt Regule generales, quæ singulis rebus sub eodem genere contentis, quæque rationum paritate nituntur, sunt à studiosis accommodandæ. Hinc factum est ut Medicorum Princeps Hippocrates suos ediderit aphorismos qui discipulis suis essent pro regulis Artis medicæ, & præceptis universalibus, à quibus dirigerentur. Similiter Jurisprudentia, tum Canonica, tum Civilis suas utraque profert Juris regulas occurrentium causarum judiciis accommodandas. Hoc argumento Philosophi præceptiones quasdam pro inconcussis principiis exhibent nomine Axiomatum quibus contradicere sit nefas, ex quibus ut fontibus suarum conclusionum rivulos derivant. Hujuscemodi pariter sunt ad morum institutionem veterum Hebræorum proverbialia & parabolæ, quales nobis suppeditant tum Salomonis, tum Jesu Siracidæ libri sacri. Cavendum nihilominus multorum sive Juris, sive medicæ Artis candidatorum vitium, qui vel nullatenus, vel paulisper expensis rerum judicandarum momentis & circumstantiis, sive corporum singularium quæ curanda suscipere particularibus complexionibus & viribus, indiscriminatim suas illas universales regulas contra earumdem finem, atque authoris à quo prodierunt mentem, perinde ac unum aliquod ephippium ad omnem equitationem atque vesturam, & unum cothurnum ad omnem pedem violentem simul & ineptè accommodant, ut in corporibus curandis morbos adaugeant, & in causis

dijudicandis quamlongissimè à Jure aberrant. Huc tendit Ulpiani monitum istud: *Omnis definitio in jure periculosa est; parum est enim ut non subverti possit.* l. *Omnis definitio*, D. de regul. jur. Et Sapiens Hebræus Eccli 20. egregie dicit: *Ex ore fatui reprobabitur parabola; non enim illam dicit in tempore suo.* Idcirco adhibenda semper prudens discretio & circumspectio, ne regulæ extra proprios fines detorqueantur. Selegi verò in hujus Operis calce ex universo utriusque Juris corpore, nonnunquam etiam ex libris sacris regulas Juris diversas, quarum notitiam præ compluribus aliis quas prudens omisi, maximè conducere ad Jurisprudentiam Canonicam vilius est mihi. Atque his ipsis aliquas passim observationes præcipuè utilitatis adjunxi.

I. Beneficium Ecclesiasticum non potest licitè sine canonica institutione obtineri, c. 1. de reg. jur. in 6. & can. *Si quis d. inceptis*, 16. q. 7. Porro institutio canonica hîc requisita pertinet ad Episcopum, can. *Nullus omnino*, 16. quæst. 7. Si quis opponat regulam Cancellariæ excludentem omnem litem adversus pacificum triennalem Beneficii possessorem: respondemus cum Glossa hujus cap. *Beneficium*, & cum Felino in cap. *Licet*, de simon. & cum Gomezio in reg. de trien. posses. quæst. 42. regulam quidem de triennali possessore excludere privatum quemlibet prætendentem jus ad Beneficium pro quo lis mora est, adeo ut hac triennii exceptione actor submoveatur: sed posse nihilominus Episcopum ex officio compellere triennalem pacificum ad ostendendum se titulo niti canonice provisionis. Utrum autem bona fide provissus cum titulo colorato possit licitè sic possessum retinere Beneficium, disputatur inter Canonistas, quorum aliqui volunt istam de triennio regulam æquivalere ex Legislatoris Pontificis intentione titulo canonico; alii negant. Videri potest loco cit. Gomezius qui talem Romanæ Rotæ stylum esse perhibet, ut stabiliatur pacificus triennalis possessor, dum nitatur titulo colorato, cui juncta sit bona fides, idque totum constituat canonicum titulum.

II. Actor sequi debet forum rei, cap. *Si Clericus*, de foro compet. & l. 2. & l. *In criminali*, C. de jurisd. omn. jud.

III. Possessor malæ fidei ullo tempore non præscribit, cap. *Possessor*, de reg. jur. in 6. & cap. fin. de præscription.

IV. Is qui in jus succedit alterius, eo jure quo ille uti debet, cap. *Is qui*, de reg. jur. in 6. & l. *Qui in jus*, D. cod.

V. Semel Deo dicatum non est ad usum humanum ulterius transcendendum, cap. *Semel*, de reg. jur. in 6.

VI. Peccatum non dimittitur nisi restituatur ablatum, cap. *Peccatum*, de reg. jur. in 6.

VII. Minus est habere actionem quàm rem, l. *Minus*, D. de reg. jur.

VIII. Nihil est tam contrarium consensui quàm error qui imperitiam detegit, l. *Si per errorem*, D. de jurisd. omn. jud. Hoc tamen tenendum de consensu

consensu quo ratum contrahitur matrimonium, non infringi nisi errore personæ, aut conditionis, ut si pro libero supponatur servus, aut pro Titio Sejus: sed nullatenus errore morum, vel qualitatis, vel fortunarum, ut habetur 19. quæst. 1. per totam.

IX. Leges instituuntur cum promulgantur, firmantur autem cum moribus utentium comprobantur, can. *In istis*, §. *Leges*, dist. 4.

X. Tempus à Jure præscriptum non currit adversus impeditum, cap. *Inter quatuor*, de cler. non resid. & cap. *Commissa*, de elect. in 6.

XI. Nemo plus juris in alium transferre potest quàm ipse habet, cap. *Nemo potest*, de reg. jur. in 6. & l. *Nemo plus juris*, D. eod.

XII. Contractus ex conventionione legem accipere dignoscuntur, cap. *Contractus*, de reg. jur. in 6. & l. *Contractus*, D. eod.

XIII. Omnis res per quascunque causas nascitur, per easdem dissolvitur, cap. 1. de reg. jur. & l. *Nihil tam naturale*, D. eod.

XIV. Non potest esse pastoris excusatio si lupus oves comedit, & pastor nescit, can. *Quavis*, de reg. jur. ex S. Gregorii Magni registro.

XV. Faciens culpam procul dubio habet qui quod potest corrigere negligit emendare. Scriptum quippe est (Rom. 1.) non solum qui faciunt, sed etiam qui consentiunt facientibus, participes judicantur: (& aliquando post) & nihil prodest non puniri proprio qui puniendus est alieno peccato, can. *Faciens culpam*, dist. 86.

XVI. Quatuor modis pervertitur humanum judicium, timore, cupiditate, odio, & amore, can. *Quatuor modis*, 11. quæst. 3. ex sancto Isidoro.

XVII. Temporale annexum rei spiritali non potest vendi quin vendatur simul per simoniam ipsum spiritali, ut contingit in beneficio, can. *Si quis objecerit*, 11. q. 3. At verò res temporalis cui annexa est accessorie, seu per accidens res spiritalis, vendi potest, dum non æstimetur, neque augeat pretium res ipsa spiritalis, ut contingit in calicibus, vel lapidibus consecratis, aut in prædio sub jure patronatus.

XVIII. Causa semel affectata apud superius Tribunal, non potest eo inconsulto deinceps devolvi ad inferius Tribunal, cap. *Proposuisse*, de for. compet. & l. *Si quis possit*, D. de judic. & l. penult. D. de jurisd. omn. jud.

XIX. Forum sortitur quis ratione delicti, aut ratione contractus, aut ratione domicilii, aut ratione rei de qua contra possessorem causa movetur cap. fin. de for. compet.

XX. Res inter alios acta aliis nocere non potest, cap. *Quavis*, de sent. & re jud. & l. *Sape*, in princ. D. de re judic. Huc pertinet lex *Id quod nostrum est*, D. de reg. jur. Id quod nostrum est, sine facto nostro ad alium transferri non potest.

XXI. Vocem in Capitulo, tam seculari, quàm regulari nemo habere permittitur, nisi saltem in Ordine Subdiaconatus constitutus. Concil. Trident. sess. 22. cap. 4. de ref. & Clem. *Vi is qui*, de æt. & qual. & ord. præfic.

AA a a a 3 XXII. Res

XXII. Res aliena, aut alteri obligata transit cum suo onere, ad quemcunque novum etiam bonæ fidei possitorem transferatur, can. *Si quis Lâcus*, 16. quæst. 1. & cap. *Ex literis*, de pignor. His consonant leges civiles, 1. *Si debitor*, Cod. de distract. pignor. & l. 2. Cod. quib. mod. pign. tac. contr. & l. *Alienatio*, D. de contrah. empt. & l. *Inver debitorum*, D. de pact. & l. *Si conveneris*, D. de pignor. act. Hac ratione is qui bona fide rem furto ablatam ab illo emit quem credebat rei dominum, tenetur vero domino restituere simul atque ipsi certo innotuerit, tamen si jacturam incurrat soluti à se pretii, Quæ utique obligatio subsistit circa rem ipsam adhuc existentem, At verò circa rem deperditam, aut circa perceptos dudum ex re fructus, stante bona fide, secus judicandum. In his enim valet istud alterum Juris axiomæ *Bonæ fidei possessor in id tantum tenetur in quo diutius factus sit*: 1. *Item veniunt*, §. *Eos autem*, D. de petit. hæred. ubi Gloss. in verb. *Facti essent*, dicit hanc esse optimam regulam, quâ nulla in Jure sit verior. Cæterum qui mala fide rem alienam invasit, non solum rem ipsam restituere tenetur, sed præterea fructus, non modò quos perceperit, sed etiam non perceptos; si modò legitimus reus dominus, si ei licuisset, fuerat percepturus: hæc enim spectant ad integram damni injuriæ illati reparationem, cap. *Gravis*, de restit. spoliar.

XXIII. Appellatur ad Episcopum à sententia Capituli cui ipse Episcopus interfuit tanquam Canonicus; sed non si interfuit ibi tanquam Episcopus, cap. *Postulastis*, de concess. præb. & cap. *A collatione*, de appellat. in 6.

XXIV. Cum sunt Partium jura obscura, reo favendum est potius quàm actori, cap. *Cum sunt partium*, de reg. jur. in 6.

XXV. Actore non probante reus absolvitur, cap. *Cum Ecclesia Sutrina*, de caus. poss. & l. *Qui accusare*, C. de edend. & l. *Actor*, C. de probat.

XXVI. Episcopus proprius triplex esse potest, originis, domicilii, & beneficii, cap. *Cum nullus*, de tempor. ordin. in 6.

XXVII. Pretium simoniacum triplex recensetur, munus à manu, munus à lingua, munus ab obsequio, can. *Sunt nonnulli*, 1. q. 1.

XXVIII. Fundans novum Beneficium hac lege ut sibi conferatur, simoniam committit, cap. *Tua nos*, de simon.

XXIX. Electio est simonica, & proinde invalida, si propter eam aliquid à quocunque datum sit, etiam electo hoc ignorante, cap. *Nobis*, de simon.

XXX. Cum quis astringitur aliquid facere cum alterius consilio, necesse habet consilium requirere, non tamen tenetur consilium sequi, c. *Cum olim*, de arbitr. Similes alie sunt paucae in Jure decisiones. Nam Regularis ad strictiorem aspirans Religionem potest eam ingredi, dummodo licentiam discedendi petierit à suo Superiore, licet eam ille recusaverit, cap. *Licet*, de Regular. Præterea Episcopus quem impiorum protervia impedit in sua diocesi residere, nec permittit ibi ullam jurisdictionem sive per se, sive per alium exercere, potest ad convicinum Episcopum refugere, à quo debet vocationem

niam postulare exercendi in ejus Diœcesi contentiosam jurisdictionem: quam veniam si petierit, nec tamen obtinuerit, poterit nihilominus non solum juridicè citare, & deinceps procedere contra suos illos oppressores, verum etiam reliquorum sibi subditorum causas contradictoriis judiciis dirimere, Clem. 1. de foro compet. Quæ tamen venia non est necessariò petenda ad exercendos jurisdictionis voluntariæ actus in aliena Diœcesi.

XXXI. Nullis ex consilio, dummodo fraudulentum non fuerit, obligatur, cap. *Nullus ex consilio*, de reg. jur. in 6. & l. *Consilii non fraudulentum*, D. eod.

XXXII. Sunt multæ quæ de judicio Dei homines ignorant, quia fortassis quæ vos laudatis ille reprehendet, & quæ vos reprehenditis ille laudabit, can. *Sacerdotibus*, in fine, 11. quæst. 1. ex S. Greg. Papa.

XXXIII. Habenti jus patronatus laicum quatuor menses, Ecclesiasticum autem sex menses conceduntur ad præsentandum, cap. unico de jurepatr. in 6.

XXXIV. Matrimonium per vim contractum sponteà cohabitatione convalescit, quæ talis judicatur in uxore quæ plusquam anno siluerit, cap. *Ad id*, de sponsal.

XXXV. Unum corpus constituitur ex Episcopo & Capitulo Cathedrali, ut Episcopus habeatur caput, & Capitulum reliquorum membrorum loco sit, cap. *Novit*, de his quæ fiunt à Prælat. sine.

XXXVI. Delegata jurisdictio expirat morte delegantis, sicut mandatum quodlibet morte mandantis. Excipe tamen si necdum mortuo delegante lis contestata fuerat, cap. *Relatum* 19. de offic. deleg.

XXXVII. De alicujus delicto non est faciendâ inquisitio, nisi præcesserit infamia, non quidem apud malevolas, aut maledicas personas, sed apud providas & honestas, cap. *Qualiter*, il. 2. de accusat.

XXXVIII. Transactio de compensandis litis expensis cum litigioso Beneficio, simoniaca reputatur, cap. *Cum pridem*, de pactis.

XXXIX. Injustum est alterius libertatem ex nostra opinione, seu conscientia particulari damnare; ut quid enim mea libertas judicatur ab aliena conscientia? 1. Cor. 10. 29.

XL. Digni sunt morte non solum qui mala faciunt, sed etiam qui consentiunt facientibus. Rom. 1. vers. 32.

XLI. Non sunt faciendâ mala ut eveniant bona. Rom. 3. vers. 8. Neque enim sat est bonum intendere finem, nisi mediis pariter honestis utare, dicente Deo Deuter. 16. vers. 20. *Iussit quod iustum est persequeris*.

XLII. Omnis agens contra propriam conscientiam quantumvis erroneam peccat. *Qui autem discernit, si manducaverit, damnatus est, quia non ex fide. Omne autem quod non est ex fide, peccatum est.* Rom. 14. vers. 23.

XLIII. Ab Apostolici delegati. procellu, vel judicio non appellatur nisi ad Papam vel Legatum, cap. *Super questionum*, §. *Porro*, de offic. deleg. &

& cap. *Si delegatus*, cap. *Si is qui*, cap. *Si à delegato*, eod. tit. in 6. Quæ vera sunt de delegatione particulari. At verò si delegatio Apostolica communis sit alicui ordini, ut sunt tituli Legatorum Apostolicorum omnibus Episcopis communes, ea non intervertit communem appellationum ordinem, & devolvitur ad Metropolitani quæ interjicitur appellatio.

XLIV. Quod omnes tangit debet ab omnibus approbati, cap. *Quod omnes*, de reg. jur. in 6. Vulgò dicitur Universitas approbare aut decernere quod major pars approbaverit aut decreverit. Cæterum quia Jura statuunt nonnunquam ut singuli quique approbent, quandoque verò ut singulis vocatis id prævaleat quod majori, aut meliori parti visum fuerit, non inconcinne à Doctoribus sic distinguitur. Alia esse quæ à pluribus ut universis approbanda sunt, atque in his consensum majoris partis sufficere, ut contingit toto tit. de his quæ fiunt à majori parte Capituli: itemque in deliberationibus Civitatum, aut Collegiorum, & in causarum judiciis, in quibus calculi & suffragia dinumerari solent. Alia verò esse quæ ab omnibus ne singulis approbanda sunt, adeò ut unius oppositione reliquorum deliberatio nullius sit vigoris, ut in alienatione prædiorum Ecclesiæ, quæ impediri potest per unicum de toto Capitulo Clericum, cap. *Si quis*, §. fin. de reb. Eccl. alien. & can. *Non liceat Papa*, ibi: *Liceat quibuslibet etiam Ecclesiasticis personis contradicere*, 12. q. 2. & can. *Sine exceptione*, ibid. Hic ergo valet illa Juris regula: *In re communi potior est conditio prohibentis*. At ubi commodum Ecclesiæ notoriè promovetur, non habetur ratio privati alicujus contradicentis, utpote non ex ratione, sed ex manifesta pervicacia: & sufficit ad ejusmodi alienationem Episcopi cum majore Capituli parte consensus, cap. *Ut super*, §. fin. de reb. Eccl. alien. In Jure Civili decernitur licere mortuum inferre in commune sepulcrum, aliis etiam quorum est sepulcrum invitis. Instit. de rer. divis. §. *Religiosum*, & l. *Cum in diversis*, D. de relig. & sumpt. fun. Contra quàm scriptum est in cap. *In re communi*, de reg. jur. in 6. In re communi potior est causam prohibentis.

XLV. Denum ut Opus istud geminè fibulà concludatur, summam regulam tradit Apostolus: *Ut simus omnes in Christo Jesu nova creatura*, Gal. 6. vers. 15. statimque subjungit vers. 16. *Et quicumque hanc regulam sequuti fuerint, pax super illos & misericordia, & super Israël Dei*. Idemque Apostolus sic prædicat 2. Cor. 15. vers. 17. *Si qua ergo in Christo nova creatura, vetera transferunt, ecce facta sunt omnia nova*. Quem locum Theodoretus consuetà peritiâ simul & brevitate sic exponit: *Oportet eos qui Christo crediderunt, tanquam in nova aliqua creatione vitam institueret: per sanctissimum enim Baptismum renovati, peccati senium exuimus*.



INDEX RERUM OMNIUM NOTABILIMUM,

Quæ in hac Theoria & Praxi Juris Canonici
pertractantur.

*Prior nota arithmetica paginam literâ p, designat;
posterior numerum articulorum singulorum
Capitulum denotat.*

A

Abbas, Abbatissa, & Abbatia.



Abbas Commendatarii
potestas circa sibi sub-
ditorum Monachorum
translationem, p.100.6

Vide *Commenda*.

Abbatæ claustrales possunt Seculari-
bus Clericis conferri absque obli-
gatione assumendi monastici insti-
tuti : sed in commendam solum,
non in titulum. p.117.5

Abbatibus quibusdam permittitur
Tonsuram & minores Ordines
conferre propriis subditis, p.350.
& seq.4

Abbatissarum electio : vide *Electio*.

Abortus.

Abortum procurans scetus animati,
irregularis & homicida est ; scetus
si procuraretur abortus ante anima-
tionem. p.593.6

Abortus procuratio scetus inanimati
nullatenus est tentanda ; animati
autem* prorsus est detestanda. ibid.
& seq.7.8.

Absens.

Absens legitime impeditus , interesse
potest per procuratorem qui sit de
gremio Capituli : vide *Capitulum*,
Electio.

Absens localiter validè à censuris ab-
solvitur. p.567.7

Vide *Censura*.

B B b b b

Absolu

Index omnium

- Absolutio, & Absolvere.*
 Absolutio pœnitentibus est deneganda, qui in præcedenti confessione iniunctas pœnitentias adimplere neglexerunt. p.344.& seq.5
 Absolutio non est ei impendenda, in quo nulla præcesserunt petitiæ confessionis vel contritionis à Sacerdote perspecta, vel à circumstantibus attestata signa. p.318.10
 Absolutio Sacramentalis Sacerdotis excommunicati tolerati, quanvis illicita, valida est; absolutio verò Sacerdotis excommunicati vitandi nulla & irrita est. p.567.8
 in Absolutione majoris excommunicationis, ubi non intervenit damnum tertii, sufficit promissio, aut juratoria cautio pœnitentis. p.568.10
 Absolvendi facultates, tam generales quam speciales, quantumvis in eis habeantur clausulæ generales & derogatoriæ, quomodo limitatæ à Sacra Congregatione ex mandato Clementis VIII. ibid.11
 Absolutionis ab excommunicatione species dux. p.569.12
 Absolutio deneganda est ad restitutionem obligatis, & incorrectis. p.614.1
Accrescendi jus.
 Accrescendi jus inter Episcopum, & Capitulum. p.228.17
 Vide *Jus.*
Accusator.
 Accusator in materia criminis capitalis quomodo possit se immunem ab irregularitate servare. p.595.19
Actio, Actor, & Agere.
 Actio civilis ex mutuo consurgens vocatur Condiçtio certi. p.633.3
 Actio hypothecaria quo tempore præscribatur, tam inter præsentem quam absentes. p.637.8
 Actor debet suam probare intentionem, alioqui ab actione repellitur, & reus absolvitur. p.429.10
 Ad agendam alterius causam nomine procuratorio nemo admittitur, nisi sit conjuncta persona. p.430.11
Adoptio.
 Adoptione cessante cessat impedimentum matrimonii ex ea exurgens. p.375. & seq.13.
 Ad adoptionem faciendam quæ de jure conditiones requirantur. p.376.14
Adulter.
 Adulter an teneatur credere matri filium ex se conceptum dicenti: & ad quid teneatur si indubitanter id credat. p.713.2
Aditus.
 Aditus Ecclesiarum qui sint: vide in verbo *Matricularius.*
Equivocatio.
 Equivocationum usus an aliquando licitus. p.441. & seqq.11.12. & 13.
 Equivocationes ex se sunt abusivæ, si justa non urgeat necessitas. p.446.1
Ætas.
 Ætatis defectus excludit à Beneficiis. p.153.8
 Ætas ad Episcopatum & alias majores Dignitates ac inferiora Beneficia quæ requiratur. ibid. & seq. 8,9.
Affinitas.
 Affinitas quid sit, & quomodo, & inter quos contrahatur. p.387.22.23
 Affinitatis arbor. ibid.24.
 Affinitas orta ex copula licita dirimit matrimonium.

Rerum Notabilium.

matrimonium usque ad quartum gradum inclusivè ; ex illicita verò copula orta , usque ad secundum. *ibid.* 25.

de Affinitate superveniente matrimonio contracto. *ibid.*

Affinitatis impedimentum in recta linea est ab ipso jure naturæ. p.388. 28.

Alienatio.

Alienatio rerum Ecclesiæ cuilibet est prohibita , inconsultâ Synodo , vel Capitulo : & quid alienationis prohibitz nomine veniat. p.257.1

Alienantium res Ecclesiasticas potest. *ibid.* 2

Alienationis bonorum Ecclesiæ tres justæ causæ referuntur. *ibid.* & seq.4

Alienationis rerum Ecclesiæ solennitates requisitæ in Gallia referuntur. p.258.5

ad Alienationem rescindendam duplex Ecclesiæ competit actio. *ibid.* 6

Alienationem bonorum Ecclesiæ potest impedire unus solius de Capitulo oppositio. p.259.7

Alimentum.

Alimenta Jure Canonico filiis illegitimis & naturalibus debentur , licet secus Jure Civili. p.616.11

Ambiguum.

in Ambiguis absolutum debet abesse judicium. p.466.10

Ambiguitatum tres species. *ibid.*

Annata.

Annatæ possunt ex intentionum diversitate esse licitæ , aut illicitæ. p.504. & seq.21

Annus.

Annus Jure Francico conceditur ad tenendum Beneficia incompatibi-

lia , & deliberandum de retinendo , vel dimittendo ; sed Jure communi statim atque secundi incompatibilis sumpta est possessio , vacat primum. p.169.8

Annalis possessor : vide *Regula de annali possessore.*

Apostolica littera.

Apostolicæ literæ vel rescripta : vide *Littera , Rescripta.*

Appellare , Appellatio.

Appellationum ab Ordinariis ad Romanam Sedem admissio gravem in Clero morum depravationem , & varia scandala inexit. p.78.1

Appellatio si interjiciatur à sententia Officialis Gallicani , qui extraneo Metropolitæ subit , ad quem causa remittatur. *ibid.* & seq.2

Appellationes de quibus ordinatio jure cognoscere posset Episcopus , ad Capitulum Sede vacante devolvuntur. p.231.28

Appellari potest à Capitulo cui interfuit Episcopus tanquam unus ex Canonicis , ad ipsum Episcopum. p.236.7

Appellatio à sententia quando , & intra quod tempus interponi possit , & quantum tempus concedatur ad eam prosequendam etiam in Gallia. p.467. & seq.1. & 2

Appellare potest etiam post juridicam executionem in integrum restitutus per litteras Principis , & quanto tempore hoc beneficio gaudeat. p.468.3

Appellatio unius ex pluribus succumbentibus cæteris prodest , si victoria sequatur. p.496.6

Appellatio gradatim facienda est : ubi de appellationis ordine in causis

Index omnium.

Ecclesiastici fori. *ibid.* 8. & seq.
 Appellatione non obstante potest Judex à quo ulteriùs procedere, si non teneatur appellationi deferre. *ibid.* 9
 Appellare ulteriùs non licet, si sententia à qua primò fuit appellatum, duabus fuerit aliis sententiis confirmata. *p.* 469. & seq. 11
 Appellatio non admittitur à sententia Officialis, aut Vicarii Generalis ad Episcopum. *p.* 470 12
 Appellatio non admittitur à sententia vel deliberatione Capituli ad Episcopum, si ei Episcopus interfuit tanquam Prælatus, secus verò si tanquam Canonicus adfuit. *ibid.* 13
 Appellatio regulariter duplicem vim habet. *ibid.* & seq. 14
 Appellatio in quibusdam casibus sententiam non suspendit. *ibid.* 13. 16. & seqq. & *p.* 472. 22. & 23
 Appellationes tanquam ab abusu in Gallia, & quibus ex causis interjici possint. *p.* 473. 1
 Appellatio à judiciis Prælatorum Ecclesie duplex, juxta Gallicanam Jurisprudentiam. *ibid.*
 Appellationes tanquam ab abusu ceperunt sub finem Regni Ludovici XI. & incunte Regno Caroli VIII. *ibid.* & seq. 3
 Appellationes ab abusu caute debent à Secularis fori Magistratibus admitti. *p.* 474. 4
 Appellans tanquam ab abusu, & male fundatus, quomodo multandus: ubi circa hanc materiam variz Regum Gallie Constitutiones. *p.* 475. & 476. 5. & seqq.

Archidiaconus.

ab Archidiaconi judicio ad Episco-

pum datur appellatio. *p.* 62. 3
 Archidiaconus oculus Episcopi dicitur: & quale sit ejus officium. *p.* 66. 20

Archidiacono facto per morbum, vel amentiam inhabili ad munia obeunda, non vacat ejus Dignitas, vel Beneficium. *p.* 67. 21

Archiepiscopus.

Archiepiscoporum privilegium in Pallii usu, & quando eo uti debeant. *p.* 25. 16

Archiepiscopi nec nomen, nec auctoritatem habent, nec eis Pontificalia exercere licet ante obtentum ab Apostolica Sede Pallium. *ibid.*

Archiepiscopus potest intra provincie suæ, etsi extra propriæ diocesis fines, Crucis vexillum ante se deferre facere. *p.* 26. 17

Arrha.

Arrhæ sponsalitiz penes quem remanere debeant, non sequuto matrimonio. *p.* 73. 3

Arrhæ sponsalitiz restituendæ sunt non sequuto matrimonio. *ibid.*

Attentio.

Attentio, licet actus internus, ab Ecclesia in celebratione Missæ & Divini Officii recitatione præcipitur. *p.* 163. 9

Attentio triplex distinguitur, & quænam in Divinis peragendis requiratur & sufficiat. *ibid.* & seq. 10

Attentio recitationi Horarum canonicarum prorsus necessaria qualis sit. *p.* 681. & seq. 15

Attentio quotuplex. *ibid.* & *p.* 682
 Vide *Refectio.*

Attritio.

Attritio supernaturalis an sufficiat ad justificationem in Sacramento consequentem.

Rerum Notabilium.

sequendam. p.299.& seq.6.7.& 8
 Attritionis diversæ species. p.301.11
 Ad attritionem Sacramento pœnitentiae præviā necessarius est actus amoris Dei imperfectus, ibid. p.302

Aukor.

de Authoribus receptoribus hujus seculi, qui de probabilitate scripserunt. p.331.15

Vide *Probabilitas.*

B

Baptismus, & Baptizatus.

Baptismus characterem in animā indelebilem imprimit. p.268.1
 Baptismi genus triplex. ibid.2
 Baptizatus an aliquis fuerit si dubitetur, hic est sub conditione rebaptizandus. ibid.3
 Baptismus validus est, etsi ad amulum Grammatices ejus forma non pronuncietur; si tamen fervetur juxta communem intelligentiam verborum sensus & significatio. ibid. & seq.4
 Baptismi effectus quinque. p.269.5
 ad Baptismi gratiam suscipiendam prærequiritur fides in adultis baptizandis. ibid.6.
 ad Baptismum necessariæ dispositioni opponitur fictio; quā tamen cessante resultant omnes hujus Sacramenti effectus. ibid.7
 Baptismus in Donatistarum schismate collatus validus erat; non operabatur tamen salutem quo tempore conferebatur, ex D. Augustino. ibid. & seq.8
 Baptismi indignè suscepti gratia reviviscit per subsequenter pœnitentiam. p.270.9

Baptismus collatus à quovis homine etiam non baptizato valet, si modo intentionem habuerit faciendi quod facit Ecclesia. ibid.10

Baptismi solius iteratio irregularitatem inducit: secus verò iteratio Confirmationis, vel Ordinis. p.601.& seq.11

Beneficium, & Beneficiarius.

Beneficium curarum an vacet ipso jure, sitque impetrabile, si de illo provisorum suam post annum ad Sacerdotium promotionem distulerit. p.124.17

Beneficiarii criminum rei an Beneficia validè resignare possint. p.163. & seq.1.& 2

Beneficiarius capitalis criminis seu & damnatus potest aliquando pendente appellatione à sententia condemnatoria validè Beneficium resignare. p.164.2

Beneficiarii propriā autoritate Beneficia permutantes, eis ipso jure privantur. p.185.3

Beneficiario quæ expedienda supersint post obtentam Beneficii provisionem. p.212.1.& seqq. & 213. & 214
 Beneficiarii alij & mansionarii dicti quinam sint. p.229.21

Beneficiarii hæredes & successores quomodo Beneficii fructus, qui post ejus obitum supersunt, inter se dividere possint. p.238. & seq.5.6. & 7
 Vide *Successor.*

Beneficiarii fructibus Beneficii abutentes minime excusandi sunt à mortali. p.239.7

Beneficiorum collatio Episcoporum propria penitus est, eaque nondum Clerico conferri non debent. p.28. & seq.8.

B B b b b 2

Benef

Index omnium

- Beneficium idem si duobus ab Episcopo & Vicario generali conferatur, altero alterius collationis infcio, quæ collatio prævaleat. p.64.10
- Beneficium Ecclesiasticum quid sit, & quæ comprehendat. p.115.1
- Beneficii nomen & origo unde ducatur. ibid.p.116
- ad Beneficium constituendum quid requiratur. p.116.2
- Beneficiorum divisio. ibid.3
- Beneficia Regularia quomodo à Secularibus distinguantur. ibid.
- Beneficia Regularia, & Claustralia possunt Secularibus Clericis in commendam conferri absque obligatione assumendi monastici instituti. p.117.5
- Beneficiorum variz divisiones. p.118.7.& seq.
- Beneficium in Regno Galliz vacat per Commendatarii obitum, & ita impetratur ac si fuisset in titulum; & quid juris alibi. p.119.14
- Beneficia curata sunt alia actu, alia solo habitu; & an solo habitu curata legibus omnibus actu curatorum Beneficiorum subijciantur. ibid.& seq.18.
- Beneficiorum collationi quodnam sit præfixum tempus: & quod ad eadem præstandum consensum. p.121.34
- Beneficium Ecclesiasticum non potest licite sine institutione canonica obtineri. ibid.5
- Beneficia quælibet, & majores & inferiores Dignitates intra quod tempus conferri debeant. p.122.10.11
- in Beneficiorum institutione, confirmatione, & permutatione nullum est tempus Cautione præfixum. ibid.12
- ad Beneficii resignati possessionem incundam quod tempus præfigatur: ubi de praxi Gallicana circa hoc, & de regula de publicandis resignationibus agitur. p.122.& seq.13
- Beneficiorum provisiones in Romana Curia per Signaturas duplicis generis fiant, & qualis sit earum vis ad hoc. p.126.2
- Beneficia Ecclesiastica intra quod tempus conferri debeant, ut ad alium superiorem collatorem jocoferendi non devolvatur. p.129.13
- Beneficium non censetur conferri, nisi re ipsa vacet, nec nisi acceptaturo. ibid.14
- Beneficia conferendi jus ad Papam devolutum, an aliquando regrediatur ad Ordinarios. p.130.16
- Beneficii ejusdem iterata collatio ob prioris errorem. ibid.14.& 15
- Beneficia litigiosa possunt recusari tam ab Indultariis, *quàm à Graduatis. p.132.4
- Beneficiorum collatores in Gallia non possunt plusquam semel in vita Regio Indulto gravari. p.133.7
- Beneficia locorum muratorum Graduatis tantum conferri possunt in Gallia. p.138.4
- Beneficium juripatronatus subditum non potest alteri conferri sine Patroni consensu, quàm ei quem præsentaverit, si dignus sit. p.140.1.& 2
- Beneficii provisio facta ad Patroni præsentationem propriè dicitur institutio. p.141.5
- Vide Insuperatatus, Patronus.
- Benefi

Rerum Notabilium.

- Beneficiorum provisio conditiones aliquas requirit, quarum defectu electio, presentatio, institutio, aut collatio invalida est. p.150.1. & seqq.
- ad Beneficium quem pater immediate ante possedit, an possit admitti filius, vel nepos illius. p.151.4
- de Beneficio eodem si plures provisii fuerint, quis sit preferendus; & quid si provisio utriusque eadem die data sit. p.156.& seq.1.2
- Beneficiorum unio quibus de causis fieri possit. p.157.4
- Beneficium Patrono laico subditum alteri non potest uniri sine illius consensu. p.158.5
- Beneficiorum uniones ab iisdem revocari & dissolvi possunt, à quibus fieri. ibid.& seq.6
- Beneficia divisa, quorum unum annexam habet animarum curam, aliud verò ab ea se junctum est, in Ecclesia Christi optabile valde esset denuò uniri. ibid.
- Beneficiorum uniones per quas ipsa contra primævum statum & fundationem divisa redintegrantur, favore dignæ sunt. p.159.6
- ad Beneficiorum unionem faciendam quomodo sit procedendum. ibid. 7. & 8
- Beneficiorum unio quibus ex causis fiat, & qualis ejus forma in Gallia recepta sit. p.161.11
- Beneficiorum uniones à quibus fieri possint. ibid.& p.162
- Beneficiorum divisiones regulariter prohibitz, aliquibus ex causis hunc; & à quibus fieri possint. p.162.12
- Beneficiorum resignationes à quibus Beneficiariis fieri possint. p.163. & seq.1.2.3.4
- Beneficia quæ coram Episcopis, aliisve Superioribus permutantur, nullatenus subjacent Mandatis, Indultis, aut Expectativis. p.166.11
- Beneficia incompatibilia ultra annum retineri non possunt. p.169.8
- Beneficia Ecclesiastica debent sine diminutione conferri. p.170.1
- Beneficium si resignetur, pensionis onus ad successorem transfertur. p.177.24
- Beneficia diversæ diocesis si permutentur, cujus Episcopi autoritas intervenire debeat. p.185.2
- Vide *Permutatio*.
- Beneficia permutantibus tantum conferri possunt, admissa resignatione ex causa permutationis. p.186.8
- ad Beneficium pristinum datur regressus, si permutatum Beneficium contingat evinci: & an ad hoc requiratur nova provisio. ibid. & seq.9
- Beneficiorum vacationis modi diversi referuntur, & discutuntur. p.217.1.& seqq.
- Beneficium Sacerdotio annexum vacat, si provisus intra annum ad Sacerdotium promoveri non curet. p.219.8.
- in Beneficiorum vacatione per incompatibilitatem quis dispensare possit. p.221.12
- Beneficia incompatibilia quænam censentur. p.222.13.& 14
- Beneficia plura simul teneri possunt per Episcopi dispensationem. ibid. 15
- Beneficiorum mentio quæ quis possidet, in quibus impetrationibus facienda.

Index omnium.

- cienda sit. p.246.& seq.1
- Beneficia plura tenere non est intrinsecè malum, nec prorsus indifferens, sed quandam speciem mali præ se fert. p.248.5
- Beneficia duo utrâque incompatibilitate carentia simul teneri possunt, si unum non sufficiat ad decentem provisi sustentationem : & quæ mala sequantur ex utriusque retentione, si unicum ad eam sufficiat. p.249.6
- Beneficiorum plurium incompatibilium pluralitas spiritui Ecclesiæ valde repugnans, & ad mortale obligans. p.250.7
- Beneficium unde Sacerdotale censendum sit, & quandonam inferioribus Clericis conferri possit. p.253.12
- Beneficii regressus quando concedatur. Vide *Regressus*.
- Beneficiorum quæ in regalia vacant-petitorium & possessorium ubi ventilandum sit, juxta nova jura Gallicana. p.483.18.& 19
- de Beneficiorum possessorio & petitorio judicio. p.453.& seq.
- Beneficiorum collatio etiam in Gallia ita Prælati Ecclesiæ tota competit, ut sine sacrilegio non possit ab alio quoquam usurpari. p.454.& seq.4
- Beneficium à Clerico possessum ipso facto vacat post contractum ab eo matrimonium. p.455.1
- Beneficiarii quicumque quibus animarum cura incumbit, jure divino naturali tenentur ad residentiam. p.487.1
- Beneficiarii curam animarum habentes quanto tempore possunt à loco Beneficii abesse ; & an dum absunt faciant fructus suos. p.488.2.3.& 4
- Beneficiarii in Ecclesiis Cathedralibus & Collegiatis quanto tempore abesse possunt, quin fructus Præbendæ amittant. p.489.5
- Beneficiarii ob aliquas legitimas causas à residentia excusantur. ibid. & seq.7
- Beneficia Ecclesiastica non conferre, non esse contra justitiam, opinio damnata est. p.498.10
- in Beneficiis non potest distingui spirituale à corporali, ita ut unum pecuniâ rependi possit, aliud verò secus. p.502.17
- Beneficia quare vendi non possint, sicut Calices, & aliæ res sacræ, aut spiritualibus annexæ. ibid. & seq.18.& 19
- in Beneficiis quibus animarum cura non incumbit, an possit minister dignus, posthabito digniore, præferri. p.677.& seq.7.& 9
- Beneficia simplicia quibus animarum cura non incumbit, nec debent ex lege foundationis digniori, aut in concursu conferri, possunt minus digno dari absque onere restitutionis. p.568.9
- Beneficia Ecclesiastica per Signaturas, per Pontificia rescripta de providendo, aut per Romanas expeditiones nullatenus conferuntur actu ipso, etiam juxta praxim Gallicanam. p.609.& seq.7
- si Beneficium sit aliis oneribus quam recitationi Horarum Canoniarum obnoxium, an possit aliquid de ejus fructibus sibi retinere Beneficiarius qui recitationem Officii omisit

Rerum Notabilium.

omisit, & satisfecit aliis oneribus.
p.680.13

Vide *Restitutio*.

Beneficiarius sacris non ordinatus, an quotidie teneatur ad Officii recitationem, si ejus Beneficium sit tene, & victui insufficiens. p.689.

17

Beneficium Ecclesiasticum non potest licite sine canonica institutione obtineri. p.740.1

Bigamia.

Bigamia vera, interpretativa, & similitudinaria quænam sint. p.592.4

Bigami quare ab Ordinibus arceantur. ibid.

Bigamia quomodo contrahatur. ibid. 5

Bonitas, & Bonum.

Bonitas quo major est, eo magis appetit ipsa in alios esse benefica. p.2

Bonitatem divinam allicit, mirificeque provocat ad commiserendum & opitulandum nobis humana miseria. ibid.

Bonitatem Dei & ejus dilectionem in res creatas, circum admirabilem facere comprobatur in divinis Sacramentis. p.265.1

Bonum sui diffusivum. ibid.

Bona.

Bonorum Ecclesiasticorum quæ Episcopus habere potest, quadrimestris divisio, & de quibus tutâ conscientia disponere possit. p.241.9

in Bonorum discussione revocantur omnes alienationes anno discussione præcedente factæ. p.721. & seq.12

Vide *Creditor*.

Breve Apostolicum.

Breve Apostolicum quid sit. p.17.5

in Brevibus fit mentio Annuli Piscatoris.

toris.

ibid.

Breve Innocentii X. in causa Palafoxii Episcopi, & Jesuitarum provinciarum Mexicanarum refertur. p.41. & seq.8

Breve Alexandri VII. damnans quandam propositionem super approbatione, & potestate Regularium ad confessiones secularium audientias. p.42. & seq.10

Brodeus.

Brodei Scholasticus Loueti imperitia notatur in materia matrimoniali. p.402.7

Bulla Apostolica.

Bullæ Pontificiæ quid sint, & quomodo sigillantur. p.17.6

Bullis aliquando appenditur sigillum è filis sericis, aliquando verò è filis cannabinis, & quare. ibid.

Bulla *Inferabili*, Gregorii XV. summarie exponitur. p.41. & seq.7

Bulla *Superna magni*, Clementis X. super facultate Regularium prædicandi, & audiendi Secularium confessiones, assertur. p.43. & seq.11

Bulla Gregorii XV. providens rectæ administrationi Sacramentorum, & Monasteriorum Monialium. p.57. & seqq.

Bullæ Alexandri VII. & Innocentii XI. damnantes propositiones laxas, perniciosasque animabus inferentes, referuntur. p.332. & seqq.

C

Cadaver.

CAdavera defunctorum in Regno Galliæ passim & citra scrupulum exenterantur sine incurfione excommunicationis. p.154.3

C C C C C

Cacinas

Index omnium

Cæcitas.

Cæcitas humani, nec supernaturali luce collustrati ingenii, quàm deplo-
randa, p.1

Cambium, & Campsor.

Cambii definitio, & divisio, p.658.1

Cambia alia licita, alia illicita, ibid.
& seq.1.2

Cambium locale, in quo solutioni præfiguntur primæ, secundæ, vel tertiæ nundinæ, p.659.3.4

Cambii summa lex, & servandæ conditiones, ibid.4.& 5

Can. cum recambio quid sit, & an licitum, p.660.7

Cambium reale quomodo sit licitum, ibid. & seq.8

Campsor nihil à campfario exigere potest ratione laboris numerandi pecuniam, aut scribendi literas, ibid.9

Canon.

Canonum prima collectio quæ, & à quibus procusa, p.6.2

Canonum variz collectiones referuntur, ibid.& seq.

Canonum collectiones aliæ recensentur apud Hispanos & Germanos, p.8.5. & 6

Canonum collectio quæ apud Græcos in usu, p.9.10

Canones pœnitentiarum à quibus editi, ibid.

Canonum collectio apud Gallos quando cœperit, & quæ continebat, p.9.11

Canonum liber ad Carolum Magnum Galliz Regem missus, p.10.12

Canior.

Cantores Regiæ Capellæ quando fructus & distributiones aliarum, in quibus provisi sunt, Ecclesiarum

lucrentur vel amittant, p.133.6

Cantores Regiæ Capellæ fructibus Præbendarum quas alibi possident potiuntur, quandiu præfixis sibi vicibus Regiæ Capellæ inserviunt, p.164.10

Capellania, & Capellanus.

Capellanorum obligatio circa Missas fundatas, & earundem applicationes, p.251.& seq.9

Capellaniæ quænam Sacerdotales, & quæ Clericales censendæ, p.253.1.2
Vide *Missâ.*

Capitulum.

Capitulis quorundam Beneficiorum collatio competit, siue ipsis solis, siue conjunctim cum Capite, p.128.10

Capitulum potest Sede vacante præsentatos à Patronis instituere, & alias exercere collationes, quæ sunt præsentis necessitatis, ibid.11

Capitulum Sede vacante an possit collationibus liberis se ingerere, ibid.& seq.12

Capituli major, & sanior pars unde sit æstimanda, p.227.14

Capituli consensus in alienatione rerum Ecclesiæ, & aliis à Prælato faciendis requiritur: & in quo differant quoad hoc *consilium*, & *consensus*, ibid.& seq.15.& 16

Capitulo quandoam competat jus conferendi Beneficia Sede vacante, p.228.17

Capitulum Sede vacante tenetur intra dies octo de Vicario Generali, vel Officiali Ecclesiæ providere, alioquin jure suo excidet, ibid.18

Capitulum Sede vacante succedit Episcopo in aliquibus, etiam in jure concedendi Dimissorias ad Ordines,

Ordines, anno vacationis Sedis elapso. p.230.23. & 24

Capitulo competit Sede vacante jus aliquod Beneficia conferendi. ibid. & seq. 26. & 27

ad Capitulum devolvuntur appellationes Sede vacante, de quibus ordinario jure cognoscere posset Episcopus. p.231.28

Capitulo multa jura Episcopalia Sede vacante competunt. ibid. & seq. 29. & seqq.

Capituli potestas quænam circa canonicas pœnas infligendas, & censuras ferendas Sede vacante, vel vivente Episcopo. p.233.39

Capituli major pars sumenda est per comparationem ad totum Capitulum. p.234.40

Capitulum quorundam jura referuntur circa provisionem Præbendarum. ibid. & seq. 1

Capitula inferiora Cathedralibus non possunt prætere jure simultaneæ collationis cum Episcopo. p.235.6

à Capitulo ad Episcopum an admittatur appellatio. ibid. 7

Carcer.

Carceris pœnam pro obligationibus civilibus infligere prohibetur novis jure Gallicanis, quibusdam casibus exceptis. p.485.33

Carcer de jure civili deputatur in reorum custodiam, de jure autem canonico etiam in pœnam & penitentiam. p.472.20. & p.612.11

Cardinalis.

Cardinalibus quale jus competat ad Beneficiorum collationem. p.126.3

Cardinales collatores sunt immunes à dispensatione regulæ de viginti circa Beneficia quæ sunt de Cardina-

lium ipsorum collatione. p.197.14

Cardinales Ordinarii non possunt præveniri, ne quidem in Beneficiis Patronatus Ecclesiastici, nec ubi Cardinali conjunctim cum Capitulo vel Monasterio jus competit conferendi. p.205.8

Cardinalium privilegium prædictum Senatusconsulto confirmatum. ibid. p.206

Cardinalium amplum Indultum conferendi Beneficia à substitutis, & à suis Commendis dependentia; excludensque quævis mandata, reservationes, & præventiones Apostolicas, & dispensationes regulæ de infirmis resignantibus. p.126.3. & p.197.14

Cardinales soli Papæ, aut majori Pœnitentiario poterant olim confiteri. p.291.4

Cardinales sunt Superiores, Prælati, & exempti. ibid.

Cardinales Sanctæ Romanæ Ecclesiæ tenentur residere in propriis Episcopatibus. p.488.2

Casus reservati.

Casuum reservatio expirat, uti alia odiosa, reservantis morte, vel abdicatione, nisi jam quis incurrisset in pœnam statutam dum vigeat Prælati potestas. p.72.11

Casus Papæ reservati in Gallia Regno quatuor recensentur. p.571.3. & seqq.

Casus Episcopis partim à jure scripto, partim à jure consuetudinario reservati in Regno Gallia quinam sunt. p.572.10

Casus à jure communi Episcopis reservati sex recensentur. p.573. & seq. 11

C C C C C 2

Casus

Index omnium

Casus unicus in toto Jure scripto
Episcopis reservatus. p.575.19.
20

Casus Episcopis reservati post Cano-
nici Juris compilationem. ibid. &
p.576

Causa.

Causæ Fidei, & quæ circa Divina Sa-
cramenta inter quasilibet, etiam lai-
cas personas agitantur, Ecclesia-
stici fori sunt in Gallia, ut in cæ-
teris Catholicis provinciis. p.88.
15.& 16

Causæ omnes Ecclesiastici fori intra
triennium à die motæ litis termi-
nari debent, juxta Concilium Tri-
dentinum. p.408.4

in Causarum judiciariis processibus
quis modus tenendus, juxta nova
jura Gallicana. p.480.& seqq.

Causæ personales quæ non excedunt
summam ducentarum librarum,
censendæ sunt summarie in Offi-
cialitatibus, & sunt summarie tra-
ctandæ & judicandæ. p.483.2

Causarum varia genera recensentur,
quæ etsi ducentarum librarum, aut
majorem summam excedant, quia
tamen celerem provisionem requi-
runt, summarie dijudicandæ sunt.
ibid. 11

in Causa criminali quomodo adver-
sus reum procedatur novo jure
Gallicano. p.486.39

Causa semel affectata ad superius tri-
bunal, non potest ad inferius de-
volvi, inconsulto superiore. p.741.
18

an Causa falsa adhibita dispositioni
eam irritet. Vide *Demonstratio*.

Censura.

Censuræ à Prælato latæ, an ligent

eo mortuo, vel ab officio amoto.
p.72.10

Censurarum Ecclesiasticarum species
tres recensentur. p.543.1

Censuræ aliæ à jure, aliæ ab homi-
ne, & quomodo inter se differant.
p.545.7

Censuras ferre non potest, nisi qui
est Clericus, & in externo foro
Judex. ibid.8

Censuræ injustæ aliæ validæ sunt, &
subditos ligant: aliæ invalidæ, &
nullæ. p.546.10

Censura quæ non fundatur in culpa
mortali personæ contra quam fer-
tur, etiam si falsa, quæ mortalis
foret, causa fuerit sufficienter in
judicio probata, nulla prorsus &
invalida est apud Deum, nec con-
scientiam rei ligat. ibid. 11

Censura materialiter lata contra in-
nocentem, non obest ei quominus
possit privatim, & secluso scanda-
lo Missam celebrare, ac adhibita
simili præcautione Sacramentum
Pœnitentiæ administrare: ubi de
censuris intolerabilem continentibus
errorem. ibid. & seq. 12

in Censuris tam à jure quàm ab ho-
mine ferendis, quæ formæ servan-
dæ sint. p.549.18

Censura quælibet debet ferri in scri-
ptura, cum expressione causæ,
p.550.21

Censura injusta potest esse multis
modis: ubi etiam de modo tenen-
do quando agitur de declarando
aliquem in censuram incidisse pri-
dem à jure, vel ab homine latam.
ibid. & seq. 22

Censura præcedens electionem, aut
provisionem Beneficii, facit eam
invalidam

Rerum Notabilium.

- invalidam & irritam; sed collato jam Beneficio superveniens non inducit Beneficii privationem. p.555. & seq.8
- à Censurarum incurfu an excuset inadvertentia & obliuio. p.564.9
Vide *Ignorantia*.
- à Censuris Papæ reservatis potest absolvere is qui facultatem habet absolvendi à casibus Papæ reservatis. p.565.2
- Censuras Papæ reservatas, & publicè & notoriè incurfas an possint absolvere Episcopi. ibid.3.4
- Censuræ reservatæ incurfæ ob peccata quæ quis ex oblivione non est confessus, remanent absolutæ dum cogitetur Sacerdoti facultatem habenti circa censuras reservatas. p.567.6
- Censuras Bullæ Cœnæ in diversis provinciis nec recipi, nec ligare diversi Authores approbati contestantur. p.570.1
- ad Censuram aliquam incurrendam duo necessariò requiruntur. p.568.46
- Census.*
- Census vitalitius in favorem Religiosi constitutus, quatenus sit licitus. p.108.9
- Census definitio traditur. p.662.1
- Census alius resignativus, alius consignativus. ibid. & seq.2
- Census resignativi ab emphyteusi differentia. p.663.3
- Census consignativus triplex. ibid.4
- an Census personalis sit jure naturæ licitus. ibid. & seq.5
- Census mixtus quis. ibid.6
- ad Censum contrahendum conditiones requisitæ jure naturæ. p.664.7
- Census vitalitius an licitus, & quæ sit in illo justa pretii taxatio. p.665.8
- Census temporalis quis sit, & quomodo possit emi. ibid. & seq.9
- in Censibus contrahendis & imponendis multæ requisitæ conditiones proponuntur. p.666. & seq.10
- an Census jam constitutus augeri possit ex ejus pensionibus. p.667.13
- de Census emphyteutici, seu vitalitii solutione. p.669.18
- Census prædiales, & census pecuniæ empti differunt in Gallia quoad pensionum non solutarum reliqua. p.670.21
- Character.*
- Character distinctus à Sacerdotio an imprimatur in Episcopali Ordinatione; & quinsim sit major & dignior. p.24.11. & 12
- Charitas.*
- Charitas Dei virtutum omnium fons. pag.3
- Chrisma.*
- Chrisma pro Confirmatione debet necessariò ab Episcopo confici, nec potest illud simplex Sacerdos conficere, etiam ex commissione Summi Pontificis. p.373.6
- Citatio.*
- Citationes omnes debent esse libellatæ in omni, tam Ecclesiastica, quàm Seculari jurisdictione, juxta nova Jura Gallicana. p.480.2
- Citationis modus tenendus ab appa- ritoribus. ibid.3
- Citationes eorum qui in ditionibus aliorum Principum degunt, quomodo fieri debeant in Gallia. p.481.4

Index omnium

Citationes iteratæ prohibentur in
omni materia deserti vadiimonii.
ibid.6

Citatio circa Beneficii possessorum
qualis esse debeat. ibid.8

Clausula.

Clausulæ vis in Signaturis, quod ob-
stantiæ habeantur pro expressis.
p.109.10

Clausula, *Sive quocumque alio modo*
Beneficium vacet, quando quis sive
per resignationem, sive jure devo-
lato Beneficium impetrare cupit,
valde utilis est. p.223.19

Clausura.

Clausuræ Monasteriorum violatio etsi
Supremæ Sedi reservata, ab Epis-
copis absolvitur in Gallia. p.575.
& seq.21

Clericus.

Clericorum exemptiones ab oneribus
personalibus & realibus referun-
tur. p.85.4. & p.86.8.9. & 10

Clericorum privilegia ex Regum Gal-
liæ constitutionibus referuntur, &
quid requiratur, ut his fruantur.
p.87.11.12. & seqq.

Clericorum exemptiones ab oneribus
juxta Caroli IX. Henrici III. &
Ludovici XIII. Galliarum Regum
Constitutiones. p.89.17. & seqq.

Clerici Gallicani non possunt cogi ad
exhibendum titulos possessionum,
aut proveniunt Ecclesiasticorum,
ex prædictorum Regum Constitu-
tionibus. p.90. & seq.20

Clerici de quibus Beneficiorum fru-
ctibus validè per ultimam volun-
tatem disponere possunt. p.114.6.
& 7

Clerico de curato Beneficio proviso
conceditur annus intra quem ad

Sacerdotium promoveri debet, &
à quo tempore currere incipiat.

p.122.7

Clerico de duobus incompatibilibus
Beneficiis proviso quale tempus
præfigatur ad unum dimittendum.

p.123.14

Clericus cui resignatum est Bene-
ficii Capitulare, quomodo satis-
faciat Regulæ de publicandis resi-
gnationibus. p.124.15

Clericis Nobilibus ex utroque paren-
te minus studiorum tempus suffi-
cit, ut jure Graduatorum ad Bene-
ficia potiantur. p.138.3

Clericus non potest fori Ecclesiastici
beneficio reuunciare. p.426. &
seq.1

Clericus si in una Diocesi situm ha-
beat Beneficium, & in alia deli-
ctum Beneficii privatione dignum
commiserit, à quo sit eo privan-
dus. p.428.6

Clericus criminis reus Beneficium
habens Ecclesiasticum, utrum &
qua ratione possit illud in alterius
favorem abdicare. p.452.4

Clerici quibus competit jus decli-
natorium ad Ecclesiasticum Judi-
cem, quinam censeantur in Gallia.
p.455.1

Clericale privilegium per matrimo-
nium amittitur in Gallia, & Be-
neficii autè possessum ipso facto
vacat. ibid.

Clerici in Gallia quanvis fori privi-
legium habentes, in multis casibus
non eximuntur à laicorum juris-
dictione. ibid.2

Clerici in Gallia gaudent fori Eccle-
siastici privilegio in personalibus
causis, secus verò in realibus: &
quænam

Rerum Notabilium.

- quænam sint hæ causæ reales & periculales. p.456. & seq.3.4.& 5
- Clerico immunes causæ à quo Jul. ce. diftindendæ, juxta praxim Gallicanam. p.457.6
- à Clerico peti potest fori declinatio in quemcumque statum deducta sit lis. ibid.7
- Clericus non potest exceptioni fori declinatoriæ renunciare. ibid.
- Clericus potest à patre, vel præceptore citra peccatum & excommunicationem percuti, dum non excedatur notabiliter modus correctionis. p.494.12
- in Clericum violentas manus ignoranter injiciens, excommunicationem non incurrit. p.563.5
- Vide Ignorantia.*
- Clerico in causâ sanguinis testificari non licet, neque ad id compelli potest: potest tamen testificari ad innocentis liberationem, petita Superioris licentiâ. p.595. & seq. 20
- Clericus in sacris, & beneficiatus, in causâ mortis & mutilationis ex jure licitæ, præter irregularitatem mortali etiam peccato implicatur: secus si nec in sacris, nec beneficiatus sit. p.595.18
- Clericis in sacris quomodo Medicinam exercere liceat absque incurfu irregularitatus. p.596.12
- de Clerico duplicis canonum infractionis convicto casus proponitur. p.607. & seqq.
- Clericus sine Diocesani literis dimissoriis Ordines suscipiens, quàm graviter ferret. ibid.1.3
- Clericum alienum sine Dimissoriis ad Ordines admittere multis Canonibus prohibitum. p.608.4
- Clericus suspensus quam censuram celebrando incurrat. p.609.5
- Clerici sine proprii Episcopi literis peregrè proficiscentes excommunicari. ibid.
- Clericus qui per exercitium sacri Ordinis Ecclesiasticam censuram supergreditur, ipso actu irregularis efficitur. p.610.8
- Clerici sine Dimissoriis ordinati, & in Curatum Beneficium intrusi pœna. p.611.10
- Clerici Beneficarii qui in profanis impendunt fructus Beneficiorum qui supersunt post concedentem ipsorum sustentationem, an ad eorum restitutionem teneantur. p.674. & seq.2. & 3
- Clerici tria bonorum genera possidere possunt, & de quibus ad libitum disponere possint. p.676.4
- Clericus stipendia accepta ob aliquod ministerium quod non persolvit, restituere tenetur: ubi etiam de stipendiis Missarum votivarum. ibid.5
- Clericus Beneficiatus Officium recitans absque ulla virtuali, aut actuali attentione, an teneatur ad restitutionem fructuum Beneficii. p.681.14
- Vide Beneficiarius.*
Coadjutor.
- Coadjutor cum spe futuræ successionis à solo Papa constitui potest. p.37.16
- Coadjutor datur Archidiacono, & cuivis in Ecclesiastica dignitate constituto, per legitimum impedimentum ad proprium munus inhabili facto. p.67.2
- Coadjutor.

Index omnium

- Coadjutor à Papa providetur Episcopo Pontificale munus exercere non valenti : inferioribus vetò Clericis quibus aliqua Cura, vel Officium incumbit, de Coadjutore providet Ordinarius. *ibid.* & seq. 21. & 22
- Coadjutor Episcopo impotenti quibus ex causis providendus, & à quo postulandus. p. 76. 1. & seqq.
- Coadjutorum jus & potestas. *ibid.* & p. 77. 2. & 3
- Coadjutores Episcopi cum futura successione à solo Papa provideri potest. p. 77. 4
- Coadjutores Parochorum, & Rectorum quibus animarum cura incumbit, ab Episcopo providendi. *ibid.* 5
- Cognatio.*
- Cognatio triplex, ex qua oritur impedimentum matrimonium dirimens. p. 373. 6
- Cognatio spiritualis inter quas personas intercedat. p. 375. 10
- Cognatio spiritualis an contrahatur à procuratore missò ad suscipiendum infantem de sacro Fonte, an verò à mandante. *ibid.* 11. & 12
- Cognatio legalis est impedimentum dirimens matrimonium : ubi quomodo contrahatur. *ibid.* & seq. 13
- Collatio.*
- Collationis jus à quo excidisse videbatur Capitulum, in duobus casibus non amissum. p. 236. 8
- Collatio Beneficiorum adeo Prælatorum Ecclesiasticorum propria, ut non possit ab alio quoquam citra sacrilegium usurpari. p. 454. 4
- de Collatione facienda inter filios in hereditate paterna succedentes. p. 707. 6
- Collatio locum habet hodie in quibuscumque liberis, ac etiam in successioneibus quæ procedunt in stirpes. *ibid.*
- Collatio jure Novellarum admittitur inter hæredes, sive testamentarios, sive ab intestato succedentes. *ibid.* 7
- Commenda, Commendatarius.*
- Commendà Papæ finitâ potest Ordinarius in Regno Galliarum ad libitum de titulo providere. p. 110. 7
- Commendæ perpetuæ in eodem Regno solent cum Beneficiis in titulum collatis permutari. *ibid.*
- Commendatario perpetuo omnia ferè jura permittuntur, quæ titularibus competunt. p. 118. 13. & seqq.
- Commendatarius perpetuus in alterius Beneficii impetratione tenetur sibi commendatum Beneficium exprimere. p. 119. 16
- Commenda ad vitam permutari potest cum titulari Beneficio. p. 186. 7
- Commendatarius.*
- an Commendatarius teneatur de casu fortuito : vide *Passum in contrahibus appositum.*
- Communicare, & Communio.*
- Communione necessitas non præmissâ confessione, quibus calibus contingere possit. p. 278. 2
- ad Communionem accedere semper præmissâ confessione, constans est & universalis Fidelium consuetudo. p. 279. 3
- Communionem an impediant pollutiones nocturnæ, vel congressus conjugum. *ibid.* & seq. 4. 5. & 6
- Communicaturus debet esse perfectè jejunos. p. 280. 7
- Communio an impediatur per reliquias hæsterni cibi, aut similia deglutita. *ibid.* & seq. 7. & 8
- Communi

Rerum Notabilium.

Communicare potest non jejunos urgente periculo mortis. p.181.9. & 11. & in pluribus aliis casibus. p.282. & seq. 12

Communicare sapius potest non jejunos æger in eadem ægitudine. p.281.10

Communio an sit concedenda iis qui proflus amictus sunt, arreptitii, aut eneigumeni. p.285.3. & 4

Communio an sit deneganda peccatori petenti. p.286. & seq. 1.2.3. & 4

Communicans in divinis & sacris, aut civilibus & humanis cum excommunicato vitando, quam poenam incurrat. p.559-4

Compositio.

Compositio ab Apostolica Sede obtentata quandonam valida sit, & solvendi obligationem tollat. p.717. 10. & 11

Compromittere, & compromissum.

Compromittere non possunt Conventuum absentium procuratores, sive deputati, nec transigere sine speciali ad hoc ipsum mandato. p.226.11.

ad Compromissum capitulare conditiones necessaræ. p.217.12

Concessio.

Concessionem gratiosæ non expirant morte, aut abdicatione concedentis, sed solæ poenales & odiosæ. p.718

Concessionum varæ species proponuntur, & inquiritur an expirent morte concedentis. p.476.477. & seqq.

Concessio potestatis particularis ad absolvendum certam aliquam personam à casibus reservatis, an ex-

spiret morte concedentis. p.478.8

Vide Privilegium.

Concilium.

Conciliorum discrimen quadruplex recensetur. p.5

Concilia ex ampliori numero Episcoporum majorem auctoritatem nuntiatenus nanciscuntur, sed semper nationalia œcumenicis cedunt. ibid.

Concilia priora quandoque posterioribus emendantur. ibid.

Concordatum.

Concordatum Bononiense inter Leonem X. & Franciscum Galliarum Regem circa Regias nominationes ad Consistoriales Regni Dignitates. p.135.1

Concordatum à Concilio Lateranensi approbatum. ibid. & seq. 2

Concordati aliquæ conventiones recensentur, quæ in Regno Galliarum vim habent. p.136. & seq. 6

Concordatum Bononiense quid instauravit in Graduatum favorem: vide Graduatum.

Conditio.

Conditionum varæ species ex Jure Civili proponuntur: ubi etiam de conditione ob turpem causam. p.685.3

Conditionum jura cum obligatione restituendi extra repetitionem & judicium, unde proficiantur. p.686. & seq. 4. & 5

Conditio.

Conditio apposita contractui, rescripto, privilegio, aut cuilibet alteri dispositioni, quid operetur. p.730.2

Conditiones impossibiles, aut bonis moribus repugnantes, pro non scriptis habentur, & quandoque

D d d d propice

Index omnium

propter earum appositionem dispositiones irritæ fiunt. *ibid.* 3
de Conditione, *Si non nupserit*, tam
juxta jus vetus, quam novum.
ibid. & seq. 4

Cæmeterium.

Cæmeterium polluitur Ecclesiâ polluta : cæmeterium verò alteri contiguum non polluitur altero polluto. p. 605. 15

Confessarius.

Confessarii ad libitum eligendi privilegium cui competat. p. 295. 11.
& 12

Confessarium eligendi facultas pro una tantum vice, vel indefinite à Papa facta, quando desinat. p. 296. 14

Confessarius in conscientia tenetur absolutionem sub conditione illi impendere qui confiteri voluit, sed amissa loquelâ, aut aliâ jam confiteri non potest quum Confessarius advenit. p. 317. 8.

Confessarius jure merito potest absolutionem recusare poenitenti sic affecto, ut sciens alteram opinionem esse probabiliorē, & tutiorem, eligat tamen agere secundum minus probabilem, & minus tutam. p. 326. & seq. 10

Confessarius non debet adigere poenitentem ad oppositam opinionem, nisi ei persuasum sit, in ea adesse majorem probabilitatem & securitatem. *ibid.*

Confessarius tenetur absolvere poenitentem, qui non vult abstinere ab opere quod secundum probabilem piorum & doctorum, nec in Ecclesiâ reprobata opinionem licitum est, quanvis juxta probabi-

lem aliorum auctoritatem, quam sequitur ipsemet confessarius, videatur minus probabilis. p. 329. & seq. 13

Confessarius rei juridicè interrogari, sed renuentis suum coram Judice crimen fateri, operam debet quoad potest adhibere, ut reus suum illud crimen Judici interroganti manifestet. p. 451. 3

Confessarius an possit reum juridicè interrogatum, crimen suum coram Judice diffidentem absolvere. *ibid.* & seq.

Confessarii cauti esse debent: ne inconsulta facilitate absolvendi confidentium injustitias ad restitutionem obligatorum foveant. p. 613. 1
an Confessarii quorum culpâ poenitens non restituit id ad quod tenebatur, teneantur ipsi ad restitutionem. p. 679. 11

an Confessarius secundus injunctam à primo satisfactionem commutare, vel minuire ex justa & rationabili causa possit. p. 343. 2.

Confessio.

Confessio Paschatis an possit fieri à quocunque apud quemcunque Confessarium ab Ordinario approbatum. p. 296. 13

Confessio sacramentalis divino jure instituta fuit in statu novi Testamenti, & in veteri præfigurata. p. 304. 1

Confessionis necessitas. *ibid.* & seqq.

Confessio sacramentalis ad salutem animæ necessaria. *ibid.*

Confessionis conditiones necessariae. *ibid.* & seq. 2

Confessionis integritas in quo consistat, p. 305. & seq. 4

Rerum Notabilium.

- in Confessione explicanda sunt peccata secundum species morales, non physicas. p.306.5
- in Confessione omnia peccata mortalia in specie & sigillatim sunt exprimenda. p.307.8.& seq.
- Confessio peccatorum dubiorum an requiratur necessariò ad integritatem necessariam. p.311. & seq.15, & 16
- Confessionis integritas alia materialis, alia formalis. p.314.1
- Confessionis integritas materialis non est præcepta ad Sacramentum Pœnitentiæ. ibid.
- Confessionis integritas formalis quibus casibus sufficiat. ibid.& seq.2, & 3
- in Confessione an liceat reticere peccatum quod exprimi aliter non possit, nisi manifestando peccatum complicitis, ubi non est alius Confessarius cui complex sit ignotus? p.315.& seq.5
- de Confessione dimidiata olim approbata, nunc verò reprobata. p.316.& seq.6
- Confessio iterari debet propter aliquos defectus occurrentes ex parte ipsius pœnitentis. p.312.17
- Confessionis invaliditas, aut ejus iterandæ obligatio non oritur ex omissione peccatorum quæ pœnitens nec credebatur, nec dubitabat esse mortalia. ibid.18
- Confidentia.*
- Confidentia simoniaca in Beneficiis quid sit; & plura de confidentiis conventionibus in materia beneficiis. p.335.10.& seqq.
- Confidentia circa pensiones Ecclesiasticas eisdem pœnis subiicitur, quibus confidentia in Beneficiis. p.338.16
- Confirmatio, & Confirmare.*
- Confirmatio debet ei conferri, de quo dubitatur an fuerit confirmatus. p.270.& seq.11
- Confirmatio quid conferat confirmationem. ibid.
- Confirmandus non debet necessariò esse jejunos, nec præmittere confessionem. p.271.2
- in Confirmatione contrahitur inter suscipientem & confirmatum spiritualis cognatio, quæ potest esse matrimonii contrahendi impedimentum dirimens. p.272.3
- Confirmationis ordinarius minister solus Episcopus: at simplex Sacerdos potest ex magna & urgente causa cum Summi Pontificis immediata delegatione fieri Confirmationis extraordinarius minister. ibid.4
- Confirmatio non potest conferri nisi cum Chrismate ab Episcopo confecto. p.273.6
- Confirmationis forma. ibid.& seq.7
- Confirmationis Sacramentum utrum debeat Fidelibus omnibus conferri. ibid.& n.8
- Confirmatio quâ ætate convenientius conferatur. p.274.9
- Confraternitas.*
- Confraternitates matriculariorum ad quid teneantur. p.245.6
- Congressus.*
- Congressus experimentum, tanquam valde incertum, novumque in solâ Gallia receptum inventum, Senatusconsulto Parisiensis vetitum. p.391.& seq.8
- Congressus conjugum in alienis ædibus

Index omnium

- bis ad judicandum de impotentia:
vide *Communio*, *Impotentia*.
- Consanguineus, & Consanguinitas*.
Consanguinitatis gradus quomodo
computandi; & quomodo in hoc
differant Jus Civile, & Canon-
icum. p.373.7
- Consanguinei & affines non admir-
tuntur in testes, nec in judiciis
causarum, usque ad quartum gra-
dum. p.484.25
- Conscientia*.
Conscientia est judicium quo aliquid
bonum, vel malum judicamus,
p.320.& seq.
- Conscientiæ distinctiones variz. *ibid.*
- Consensus*.
Consensus utcumque liber an suffi-
ciat ad matrimonii vinculum, &
voti obligationem: vide in verbis.
Matrimonium, *Votum*.
- Conservator*.
Conservatores à Sede Apostolica dati,
an subdelegare possint: ubi aliqua
de eorum potestate. p.76.18
- Consiliarius*.
Consiliarii Curiz Parisiensis ex vi
Regis indulti provisi de Canonica-
tu, dum Curiz ministeriis addicti
absunt à Choro, privantur distribu-
tionibus. p.133.6.& p.264.11
- Consiliarii prædicti canendo in Cho-
ro temporibus quibus Curia vacat,
distributiones lucrantur. *ibid.* pag.
264.11
- Consiliarius qui præcedentium inju-
sto judicio suum addidit suffragium,
ad quid teneatur. p.446.2
- Consuetudo*.
Consuetudo quæ apud quosdam irrep-
sit, impedire non debet quominus
veritas prævaleat. p.13.3
- Constitutio*.
Constitutio Constantiensis Consilii
circa censuras Ecclesiasticas affertur,
& ejus mens exponitur. p.552. &
seq.3
- Constitutio prædicta quomodo sit re-
cepta in Gallia. p.557.12
- Constitutio prædicta permittens com-
municare cum excommunicatis to-
leratis, etiam in divinis officiis &
Sacramentis, abolet quidem vete-
rem Ecclesiæ prohibitionem, sed
non naturalem juris divini. *ibid.*
13
- Contractus, & Contrahens*.
ut Contractus validè & ritè cele-
brentur, quænam requirantur, &
quæ personæ contrahere possint.
p.626.1
- Contractus definitio, & divisio.
p.620. & seq.5
- Contractus nominati tribus contra-
hantur modis. *ibid.*
- Contractus quatuor qui re perficiun-
tur. *ibid.* & p.632. & seq.1
- Contractus bonæ fidei, & stricti ju-
ris. p.621.7
- Contractus liberè, & à personis ido-
neis celebratus, sine tamen solenni-
tatibus Juris Civilis, an validus
sit, & obliget in conscientia. p.623.7
& seq.2
- Contrahentium alii de dolo & lata cul-
pa tenentur; alii de levi; alii etiam
de levissima, secundum contractuum
differentias. p.630.1
- an Contrahentes teneantur de levi &
levissima culpa ante Judicis senten-
tiam. p.631.2
- Contractus quidam dolum malum
dumtaxat recipiunt; quidam dolum
& culpam. p.635. & seq.1
- Contrahens*

Rerum Notabilium.

Contritio.

Contritio & confessio partes essentialis sunt Sacramenti Pœnitentiæ. p.197.1

Contritionis definitio. ibid. & seq.2

Contritio duplex, & explicatur. p.198.3.4

Contritio est dolor de peccato super omnia cætera mala, propter Deum summè dilectum. p.302.12

ad Contritionem eliciendam quis auctor Dei requiratur. p.303.13

Contritio perfecta valens statim sine Sacramenti susceptione justificare, non semper nascitur ex charitate, quanvis detestetur peccatum propter Deum super omnia dilectum. ibid.14

Contumelia.

Contumeliæ graves & mortales, & quæ ab appetitu irascibili proficiuntur, quomodo in confessione accusandæ. p.313.19.& 20

Vide Confessio.

Creditor.

Creditores Gallicani non tenentur debitorum bona extra regni fines sita discutere. p.79.2

Creditorum in solutione servandus ordo proponitur. p.719. à n. 6. & seqq. & p.623.16

de Creditoribus hypothecariis, chirographariis & personalibus. p.620. & seq.

Creditores inter merè personales diligentia in petendo parit jus prælationis. p.621. & seq.13

Creditor hypothecarius pignus possidens, obtinere solet in iudiciis contradictoriis contra creditores pariter hypothecarios. p.722. & seq.

Crimen.

Crimina matrimonium dirimentia quænam. p.376. & seq.2.3.4.5

ut Criminum impedimenta locum habeant, & matrimonium dirimant, quid requiratur. p.377. & seq.6

Crimen in iudicio tribus modis intentari solet : & in criminalibus causis actor & reus tantum per se ipsos ad agendum & respondendum admittuntur. p.431. & seq.1. & 2

Criminaliter agi non solet pro levis delictis, & iniuriis. p.432.3 Et quid si reus non compareat, sed vadimonium deferat, aut citationibus obtemperans se iudicio sitat : & multa alia de iudicario processu criminali. ibid. & seq.

Crimina Clericorum privilegiata quænam censeantur in Gallia. p.436. & seq.15

Crimina duo si sint admittæ, privilegiatum & commune, uterque Iudex separatim iudicat, quanvis interrogatio rei & inquisitio conjunctim faciendæ sint à Iudice Ecclesiastico & Læico. p.437.16

Crimen privilegiatum à communi in multis casibus separari potest. ibid. 17

in criminibus mixti fori solet esse præventioni locus. ibid.18

Criminales causæ in Gallia ante prandium iudicantur. ibid. & seq.19

in Criminalibus causis triplex inquirendi modus est : & quid requiratur præcessisse, ut licitum sit contra certam personam de crimine inquirere : ubi etiam de processu criminali. p.438.1. & 2

Criminum alia inducunt ipso facto

DD d d d 3 Bengi

Index omnium

Beneficii privationem, alia non nisi per Judicis sententiam: & quanam sint. p.452. & seq.4. & 5

Culpa.

Culpa in contractibus à quo & quando præstari debeat. p.595. & seq.1
Culpa in foro interiori duplex distinguitur. p.596.2
Culpæ commensuratur poena. ibid. & seq.
Culpam facientis habet qui quod potest corrigere, negligit emendare. p.741.15

D.

Dammificatio, & Damnum.

Damnum reparare tenetur ipsemet qui intulit. p.447.3
Damni emergentis & lucri cellantis exempla referuntur, & an propter ea interesse exigi possit. p.642.9. & 10

Damno alterius cooperans tenetur illud reparare: ubi de modis alterius damno cooperandi; & an in casibus dubiis damnificans ad restitutionem teneatur. p.690. & seq.
Dammificationem injustam mandans aut consuleus, sed ante executionem mandatum aut consilium revocans, an teneatur ad damni restitutionem. p.692.5

Damnum illatum ex proprii juris usu legitimo, an ab inferente reparari debeat. p.724.1. & seq.

Dammorum ex simili usu datorum exempla proferuntur. p.725.3

Datarius.

Datarii evasio & negatio habetur pro Data in Gallia, dummodo de ejus

recusatione constet: & quomodo jus ad Beneficium per Datam quæsitum caducum fiat. pag.211.31. & seq.

Debitor.

Debitoris bona si distrahenda sint ad instantiam creditorum, quis ordo servandus in solutione. pag.735. & seq.10

Debitor per moram culpabilem non solvens quo tempore tenebatur, ad quid teneatur erga creditorem. p.711. & seq.2

Debitor à rei debitæ præsentii solutione plerumque excusatur ob justas & rationabiles causas; & quomodo possit esse justa hujusmodi dilatio. p.712.3

à Debitorum solutione causæ excusantes. p.713. à n.1. & seq.

Debitor cessione bonorum non liberatur ab obligatione solvendi quod reliquum est, tam in interiori, quam in exteriori foro: duo tamen per eam consequitur Juris beneficia. p.714.5

Decime.

Decimarum triplex genus recensetur, & quomodo in earum solutione fraus interveniat. p.254.1. & 2

Decimæ ex integris fructibus sunt solvendæ ante omnes alias præstationes. ibid.3

Decimarum jus an laicis possit competere. ibid.

Decimarum jus nec tempore immemoriali sine justo & probato titulo præscribi potest à laicis in Gallia. ibid. & seq.5

Decimarum infeudatarum à laicis nulla est præscriptio in Gallia ab anno 1180. ibid.

Decimæ

Rerum Notabilium.

Decimæ ex novalibus provenientes
juribus Parochorum accrescunt.
p.255.6

Decimarum solvendarum exemptio
aliquibus Religiosis indulta jure
communi. p.256.7

Decretum.

Decreta Fidei ligant quoscunque pri-
vatim illorum sufficientem noti-
tiam habentes, quanvis nec pro-
mulgata, nec publicè recepta fue-
rint. p.14.& seq.6

Degradatio.

Degradatio actualis quid sit. p.589.2
Degradatio quid habeat supra totalem
depositionem. ibid.
Degradationis modus juxta Conci-
lium Tridentinum. p.590.3
Degradatio actualis, & depositio ver-
balis quomodo inter se differant.
ibid.4

Delegatus.

Delegatus à Papa an possit subdele-
gare. p.10. & seq.19
Delegatus quomodo à Legato diffe-
rat. p.72. & seq.1
Delegatus Principis non agnoscens
Superiorem in quibus casibus pos-
sit subdelegare. p.74.10
Delegati jurisdictio an per delegantis
mortem expiret. p.75.12
Delegati si plures sint à Sede Aposto-
lica, an uno impedito ceteri possint
in causa procedere. ibid.13
Delegatus à Papa quanto tempore
possit causam reassumere postquam
subdelegavir. ibid.14. & 15
de Delegati officio & potestate alia
traduntur. ibid.16.17
Delegatus à Papa subdelegare potest,
sicut & delegatus à Principe; se-

cus verò delegatus ab Ordinario.
p.425.11

Delegationis generalis & ordinariæ
potestatis casus possunt subdele-
gari. ibid.

Delegatus debet in citatione tenorem
interere suæ delegationis. p.426.14

Demonstratio.

Demonstratio falsa, aut causa falsa
adhibita in dispositione quando-
nam eam irritet. p.731.5.6

Denunciatio.

*Denunciationes matrimoniales quo-
modo faciendæ. p.365.1
Denunciationes matrimoniales fa-
ciendæ sunt in utriusque contra-
hentium Parochia, si sint diversa-
rum Parochiarum. ibid.2
à Denunciationibus matrimonialibus
faciendis quis dispensare possit, &
quibus ex causis. ibid.3. & p.366.4
Denunciationibus factis, & elapso
quadrimestri, an novæ fieri de-
beant, ut possit contrahi matrimo-
nium. p.367.7

Depositarius.

an Depositarius teneatur de casu for-
tuito. p.729.3

Depositio.

Depositio & degradatio quomodo in-
ter se conveniant, & differant.
p.589.1

Depositio quid sit. ibid.2

Vide Degradatio.

Devolutarius, & Devolutio.

Devoluti semestris non currit durante
legitimo impedimento, neque va-
cante Sede. p.131.17.

Devolutio ab Episcopo ad Capitulum
non admittitur in Gallia quoad jus
conferendi Beneficia. p.129. & seq.
14. & p.230.22.

Devolutio

Index omnium

Devolutionis terminus ab uno ad alium Collatorem qualis. p.235.5
Devolutarii quid observare debeant post impetratam provisionem super vacatione alicujus Beneficii, ut ad prosequendum præsumum devolutum admittantur. p.463.2

Vide Beneficium.

Deus.

Deus unus summum hominis bonum, & felicitas est. p.2.
Dei cum homine consortio non obstat infinita inter utrosque disparitas. ibid.
Deus solus ut finis appetendus, in quem actus omnes, omneque rerum præsentium usum dirigant mortales. p.2.& 3
Deus solus eligendus, quem præcipue diligamus. p.3
Deus hominum exemplar vitæ activæ & contemplativæ. p.261.1

Diaconatus, & Diaconus.

Diaconorum officium quodnam fuerit olim. p.348.& seq.1.& 2
Diaconis officium baptizandi jam non compest, nisi ex commissione Sacerdotis, vel necessitatis causâ. ibid.
Diaconi præcipuum ministerium juxta praxim tam præsentis quàm antiquæ Ecclesiæ. ibid.& p.349
Diaconatus an sit verum & perfectum Sacramentum. p.350.3

Dimissoriæ literæ.

Dimissoriæ proprii Episcopi non requiruntur ad Ordinationem in quatuor casibus. p.69.2
Dimissoriæ non sunt concedendæ ante ordinandi factam examinationem, & qui eas concedere possint, & quæ continere debeant. p.70

& seq.3.4.5.& 6

Dimissoriæ an per obitum concedentis, aut ejus ab officio amotionem revocentur. p.69.& seq.7.2

Dispensare, & Dispensatio.

Dispensatio non requiritur in voto, de quo quis dubitat, an illud emerit. p.31.& 32.15.& 19
Dispensare non possunt Episcopi in quarto consanguinitatis, vel affinitatis, aut cognationis spiritualis gradu. p.410.& seq.6
Dispensare potest Ecclesia ob salubre animarum regimen in obligationibus divini juris, quibus quis adstringitur dependenter à propria & libera hominis electione. p.527.
& seq.3
Dispensatio supremæ Sedis requiritur ad absolvendum Clericum duplicis canonum transgressionis reo, de quo casus refertur. p.608.4.& p.610.8

Dissidium.

Dissidium inter Theodorum Episcopum, & Faustum Abbatem Lerinensem subortum, quibus conditionibus à Concilio Arclatensi compositum. p.38.1
Dissidia gravia inter Episcopos & Regulares Gallicanos regnante Ludovico XIII. orta, intervenit Arnaldi Richelei tandem amicè composita. p.44.12

Distributiones quotidiane.

Distributiones quotidianæ statim ipso jure per absentiam amittuntur, nec debentur nisi solis iis qui personaliter divinis Officiis interfunt. p.489.6

Divortium.

Divortium quid sit, & quæ ejus species

Rerum Notabilium.

- species. p.415.1.& 2
 Divortium quoad vinculum an dirimat conjugium. ibid.2
 Divortium quoad torum, & quoad torum simul & cohabitationem non dissolvunt vinculum nuptiale, & possunt ex diversis causis fieri. p.416.3
 Divortium propter adulterium cessat innocente parte offensam consorti condonante: ubi multa de adulterio. ibid.& seq.4.& 5
 Divortium non potest fieri propter alios actus impudicos præter copulam, & nisi pars læsa certitudinem moralem habeat commissi adulterii: & quid si uterque conjux adulteratus fuerit, sed horum unus ab hoc vitio pridem destitit, altero non emendato. p.417.6.7. & 8
 Divortii variz causæ. ibid. & seq. 9
 Divortii sufficiens causa non est le-
 p-a superveniens alteri conjugum. p.418.10

Dominica.

Dominica in locum Sabbathi succedit, & quid in ea Christianis sit agendum. p.261.1

Donatio.

- ad Donationem cujuslibet rei ritè faciendam duo necessariò requiruntur. p.502.& seq.18
 Donationes ante nuptias factæ, solutis sponsalibus revertuntur ad eum qui dedit, aut ejus hæredes. p.731.1
 Donationes propter nuptias in Gallia insinuationem requirunt. p.733.4
 Donationes ob quatuor præcipuè causas revocari possunt. p.736.1
 Donatio inofficiosa re simul & consilio quanam sit. ibid.

- Donatio causâ mortis potest à donatore ad libitum revocari, etiam per tacitam significationem. p.738.3
 Donatio inter conjuges viventes facta invalida censetur, & tacitâ revocatione dissolvi potest. ibid.4
 Donationes inter conjuges morte donantis confirmantur. ibid.6
 Donatio à patre facta filio emancipato valet; secus verò facta filio sub patria potestate existenti. ibid. & seq. 7
 Donatio traditione perficitur. p.739.8
 Donatio per minorem facta in gratiam nuptiarum cognati pariter minoris, an rescindi possit favore minoris ætatis. p.737.2

Dos.

- Dos succedit in locum alimentorum. p.618.& seq.15
 Dote priore amissâ quandonam pater teneatur ad iterum dotandam filiam. p.619.16

Dubium.

- contra Dubium speculativum in communi illicitum est agere; cùm plerumque occurrat obligatio consentiendi in oppositum. p.330.13
 Dubium aliud speculativum, aliud practicum: vide *Opinio*.

Duellum.

- Duella Gallorum Pontificiis reservationibus non emendata, quibus tandem remediis è Galliz Regno eliminata. p.572. & seq.10

E

Ecclesia.

- E**cclesia Romana quando cœperit habere suum Canonum Codicem. p.7.3

EEccc

Ecclesie

Index omnium

- Ecclesiæ simpliciter exemptæ, five
 Seculares, five Regulares, an ab
 Episcopis visitari possint. p.39. 2.
 & 3
- Ecclesia nullius Diœcesis, an possit
 ab Episcopo visitari, five Secula-
 ris, five Regularis sit, ibid. &
 seq. 4
- Ecclesiæ curatæ Monasteriis & Reli-
 gionibus annexæ, Ordinariorum
 authoritati, jurisdictioni, & visi-
 tationi subfunt. p.53.8
- Ecclesiæ Ordinis Militum S. Joannis,
 quibus animarum cura incumbit,
 in quibus Episcoporum authorita-
 ti subjiciantur. p.55.12
- Ecclesia nova nequit ædificari sine
 licentia Ordinarii, five per Secula-
 res, five per Regulares. p.56.14
- Ecclesiarum Parochialium Ecclesiis
 principalibus, aut matricibus uni-
 tarum mutua officia, & harum in
 illa jura honoraria. p.81. & seq.
 10.
- Ecclesiæ jura & immunitates aliæ di-
 vini, & incommutabilis juris sunt,
 aliæ humani & Ecclesiastici, quæ
 recensentur & discutuntur. p.83.
 1. 2. & seqq.
- Ecclesiæ quædam jura, & immunita-
 tes recensentur, de quibus dubita-
 tur an divini, an humani juris sint.
 p.85. 4
- Ecclesiasticæ personæ prædia quibus
 exemptionibus à Potestatibus sæ-
 cularibus, & quo jure gaudeant.
 ibid. & seq. 5. 6
- Ecclesiarum unio duabus viis fieri po-
 test, & quæ in Gallia recepta sit.
 p.161. 11
- Ecclesiarum status si per erectionem
 mutetur, quorum consensus requi-
 ratur, & cujus autoritate id fieri
 possit. p.162.13.14
- Ecclesia Regularis si in Seculare,
 vel econtrâ erigatur, cujus autho-
 ritate id possit fieri. p.163. 15
- Ecclesiarum instaurationi, & repara-
 tioni quinam contribuere tenean-
 tur, juxta usum in Gallia recep-
 tum. p.244. & seq.2.3.& 4
- Ecclesiæ ornatus & reparatio incum-
 bit matriculariis: vide in verbo
Matricularii.
- Ecclesia aliquos actus etiam internos
 potest præcipere. p.263.9
- Ecclesia debet consecrari, de qua du-
 bitatur an fuerit aliquando conse-
 crata. p.270.& seq.11
- Ecclesia pœnas infligit tum spirita-
 les, tum corporales. p.434.8
- Ecclesiæ non licet pœnam sanguinis
 ulli inferre. ibid.& seq.9
- Ecclesia decernere potest multas pec-
 uniarias. p.435.11
- Ecclesia Gallicana nullum habet ju-
 risdictionis territorium, solis ex-
 ceptis feudalibus territoriis, quæ
 possidet. p.458. & seq.9
- Ecclesiæ Gallicanæ potestas circa
 exequutionem propriarum senten-
 tiarum & judiciorum. p.459.10.
 & 11
- Ecclesiæ ædificia vendi non possunt,
 sicut sacra vestes, & vasa sacra.
 p.524. & seq.7
- Ecclesiam ædificare nullus potest sine
 consensu Episcopi loci in quo ædi-
 ficanda est. p.603.1
- Ecclesiam ædificans, ad sufficientem
 ejus dotationem tenetur. ibid. 2.
- Ecclesia ædificata à quo benedici, vel
 consecrari debeat. ibid. 3
- Ecclesia semel consecrata quibusdam

in.

in casibus potest denuo consecrari.
ibid. & seq. 4. & 5
Ecclesia consecrata, vel solum benedicta, polluta quomodo sit reconcilianda. p. 605. 14
de Ecclesie pollutione casus quidam notabilis proponitur, & deciditur. p. 605. & seq. 16

Edictum.

Edictum Francisci I. ad colligendam verisimilem notitiam, & obvium fraudibus recelantium obitum Beneficiarium. p. 104. 24

Electio, & Electus.

Electio Episcoporum antiqua & canonica forma non habet locum in Gallia. p. 11. 1
ad Electionem qui vocandi, & absentes suffragium dare possint, & quomodo. ibid. 1. & 3
Electio triplex modus. p. 12. 4
Electio per scrutinium forma antiqua abrogata, & nova per Trident. subrogata. ibid.
Electio intra quod tempus sit peragenda, & à Superiore confirmanda. p. 12. 6
Electio ad Beneficia fons & principium est omnis ferè boni, aut mali advenientis in Ecclesia. p. 120. 1
Electio Canonica nihil juvat, nisi confirmetur: quod jus electo tribuat, & de aliis ad eam requisitis. ibid. & seq. 2
Electus, vel institutus ab eo qui erat in quasi possessione presentandi, vel eligendi, non est à Beneficio removendus, etsi postea elector vel presentans suis juribus excidant. p. 148. 17
ad Electionem canonicam qui sint vocandi juxta hodiernam Gallie

consuetudinem; & quomodo per non vocatorum oppositionem irritetur. p. 124. 1. 2
ad Electionem faciendam potest absens legitime impeditus procuratorem constituere aliquem de corpore ipsius Capituli. ibid. 2
Electio forma per scrutinium à Concilio Trid. abrogata. p. 125. 5
ut Electiones omnino liberæ sint & secretæ quoad eligentium personas & suffragia, valde intendit Concilium Trident. & antea providerat Concilium Lugdunense. ibid. & seq. 7. & 8
Electioes merito irritantur, si impediatur libertas suffragiorum, aut coarctetur numerus personarum passivi suffragii capacium. p. 126. 9
in Electione per compromissum tenentur compromittentes idoneum à compromissario electum acceptare: sed Procuratores singulorum Conventuum ad Capitulum deputati non possunt compromittere sine speciali mandato, quantumvis habeant generale. ibid. & seq. 10. & 11
in Electione per compromissum duo necessariò requiruntur. p. 127. 12
Electio assumendi ad Præbendam Theologalem, vel Præceptoralem, ad quem pertineat. p. 128. & seq. 19
Electio Pœnitentiarii solius est Episcopi. p. 129. 20
Electio Assessorum, & Mansionariorum ad solum Capitulum pertinet. ibid. 21
Electio ordinandorum, & Pastorum Dominico gregi præficiendorum quam cautè faciendâ. p. 610. & seq. 9

Index omnium

Emphyteuta.

Emphyteuta non potest prædium emphyteuticum alienare inconsulto Domino directo, p.668.15

Emphyteutæ & vassallis pœnæ & jura communia, ibid.

Emphyteuta & vassallus in Gallia non incidunt in pœnam privationis, aut commissi ob omissionem in alienatione denunciationem, p.668. & seq. 16

an Emphyteuta liberetur, fundo emphyteutico pereunte in totum, vel pro parte, p.669.19

Emptio, & Emptor.

Emptionis definitio, p.651.3

Emptor & venditor eodem jure gaudent, dum vilius emendo, & carius vendendo non excedunt justum pretium, quoad forum externum, ibid. & seq. 4. & 5

Emptionis & venditionis contractus consensu partium perficitur, & rei traditionem tantum ad sui complementum requirit, p.653.8

Emptor rei furtivæ ad quid teneatur erga dominum ejus, cum primum scit, rem esse furtivam, p.656.14

Emptionis genus, quo mutuum cum augmento lucris supra sortem cummulatum obtegatur, prorsus improbandum & usurarium, p.657.16

Emptor census non tenetur ad ejus diminutionem, oblata parte pretii à venditore ad illum per partes redimendum, p.667. & seq. 14

Vide Censum.

Epilepsia.

Epilepsia ante pubertatem contingens non facit locum irregularitati, secus verò epilepticæ affectio-

nes post pubertatem contingentes, p.592. & seq. 8. & 9

Epilepsia post susceptos Ordines superveniens an impediatur ab eorum executione, ibid. & seq.

Epilepticus an celebrare possit, p.593. & seq. 10

Episcopus.

Episcoporum postulatio quid sit, & ad quid prosit, p.22.5

Episcopus electus, aut à Rege nominatus, sed à suprema Sede nondum confirmatus; aut confirmatus, sed nondum consecratus, quid possit in Regno Galliarum, p.23.7

Episcopi consecratio quomodo facienda, & à quibus, & de unctione in ea adhibenda, ibid. 8. & 9

Episcopus electus, etiam si Cardinalis, consecrationem suam differens negligenter, quomodo mulctetur, p.23.10

Episcopi ex præscripto Tridentini, singulis trienniis ad Synodum per provincias convenire debent, p.25.15

Episcopis quibusdam Suffraganeis Pallii usus extraordinario privilegio concessus, ibid. & seq. 16

Episcopus non potest extra propriæ Diocesis fines contentiosam etiam in proprios subditos exercere jurisdictionem: secus de voluntaria, p.27.1

Episcopus in aliquibus casibus potest aliquid etiam ad contentiosam jurisdictionem spectans, in alieno territorio exercere, ibid. 2.3. & 4

Episcopus est competens iudex criminis admissi in propria Diocesi, vel Beneficii litigiosi in eadem sui, p.28.5

Episcopi ea possunt in suis diocesium quæ

Rerum Notabilium.

- quæ nec divino juri opponuntur, nec sibi Papa reservavit. *ibid.* 6
- Episcopi præcipuum officium in visitatione diœcesis positum est. *ibid.* 7
- Episcopi possunt & debent Synodum diœcesanam quotannis convocare. *p.* 29. 10
- de Episcoporum jure dispensandi circa censuras, irregularitates, matrimoniorum impedimenta non dirimentia, & circa vota. *ibid.* & seq. 11. 12. & 13
- Episcopus quandoque etiam in voto castitatis dispensare potest. *p.* 30. 14
- Episcopus potest dispensare in voto reservationis Papalis, si dubitetur an sit obligatorium. *p.* 31. 15
- Episcopus dispensans in voto Summo Pontifici reservato, non perimit, sed tantum suspendit voti obligationem. *ibid.* 16
- Episcopus potest dispensare in voto in alicujus gratiam emissio antequam sit acceptatum, secus postea. *ibid.* & seq. 17
- Episcopus etsi nondum consecratus, potest in votis dispensare statim ac ab Apostolica Sede est confirmatus. *p.* 32. 20
- Episcopus potest alienum subditum à triennio familiarem ordinare, & minores Ordines conferre Dominicis, & Festis per annum, ac quacumque anni die primâ Tonsurâ initiare suscepturum mox Ecclesiasticum Beneficium. *p.* 33. 1. & 2
- Episcopus confirmatus, necdum consecratus, quasdam potest Indulgentias concedere, & quasdam jura pecuniaria subditis Ecclesiis, & Clericis imponere. *ibid.* & seq. 3. & 4
- Episcopis attributus titulus Apostolicorum Delegatorum est de jure ordinario, & ideo ab eis ad Papam non appellatur immediatè. *p.* 34. 5
- Episcopi possunt ex causa prædicationem etiam Regularibus Exemptis interdicerè, etiam in eorum Ecclesiis, & contra eos juridicè procedere. *p.* 35. 6
- Episcoporum potestas qualis circa divisionem, & unionem Beneficiorum. *ibid.* 7. & 8
- Episcopi ut Sedis Apostolicæ Delegati possunt facere uniones perpetuas Beneficiorum curatorum simplicium, ac Præbendarum, easque ad minorem numerum reducere. *p.* 35. & seq. 9
- Episcoporum jura circa suppressionem, vel novam erectionem Parochiarum, & aliorum Beneficiorum; & circa Vicariorum creationem cum congrua portione. *p.* 36. 10. 11. & seqq.
- Episcoporum potestas circa executionem omnium piarum dispositionum, & visitationem quorumcumque piorum locorum. *ibid.* & seq. 14
- Episcopus non potest coadjutorem constituere cum spe futuræ successionis. *p.* 37. 16
- Episcopus nec jurisdictionem ullam habet, nec jus visitandi Regulares Ecclesias nullius Diœcesis, quantumvis curatas. *p.* 39. & seq. 4
- Episcopi possunt limitatas ad certum tempus licentias audiendi confessiones secularium Regularibus exemptis concedere. *p.* 45. & seq. 13
- Episcopi revocare possunt facultates
- E E e e 3 quas

Index omnium

- quas ipsimet Regularibus concesserunt audiendi Secularium concessiones. p.46.15
- Episcopus Biterrensis Diocesim suam lustrans, dum Minoritarum Conventualium Ecclesiam & contiguum cœmeterium visitare aggreditur, commota à Franciscanis plebe vi repellitur. p.47.15
- Episcoporum potestas in Monachos integris ferè duodecim seculis absoluta permansit. p.49.1
- Episcopi possunt subditos Regulares visitare, & corrigere, quando eorum Prælati admoniti officio desunt. p.53.7
- Episcopi jus habent visitandi quasvis Ecclesias quomodolibet exemptas. p.54.9
- Episcopus potest denunciare Regularem exemptum in excommunicationem lapsum. ibid. 10
- Episcopus appellatione remotà componere potest controversias inter quasvis Ecclesiasticas personas de præcedentia ortas. p.55.11
- Episcopus cognoscere debet de lite adversus Regularem in figura judicii terminanda, aut si Regularis extra Regulam deliquit. ibid. & seq. 13
- Episcopus, aut ejus Vicarius explorare debent voluntatem puellarum antequam ad habitum, vel professionem religiosam admittantur. p.56.17
- Episcopus ut suspectus recusari non potest eo ipso, quod ejus Vicarius, vel Officialis recusabilis est. p.64.13
- Episcopus novum Vicarium Generalem constituendo, an priorem revocare censeatur. 65. 14
- Episcopi extra Galliarum regnum degentes, Vicarios foraneos regnicolas constituunt. p.79.4
- Episcopis etiam ante Episcopatum Monachismum professis fas fuit prioribus Ecclesiæ sæculis testamenta condere. p.112. & seq. 4
- Episcopis jamdudum de proveniuntibus Ecclesiæ testari prohibitum fuit, quanvis postremis seculis hæc sacra disciplina conciderit. ibid. p.113
- Episcopus potest Beneficium Regulare Seculari Clerico conferre. p.117.4
- Episcopus an ante possessionem Episcopatus adeptam, aut post ejusdem resignationem possit Beneficia diocesis conferre. p.126. & seq. 4. & 5
- Episcopus excommunicatus caret jure conferendi. p.127.6
- Episcopus iniquam Vicarii Generalis collationem reparare potest digno Beneficium conferendo. p.128.8
- Episcopis data est facultas certis quibusdam casibus, ut possint abique ullo ad Sedem Apostolicam recursum, Ecclesias & Beneficia certis pensionibus onerare. p.171.5
- an Episcopis omnibus potestas competat stabiliendi Beneficiarias pensiones. ibid. & seq. 6. & 8
- Episcopus an possit pensionem beneficiariam constituere, cujus onus etiam ad Beneficii successores transeat, vivente adhuc pensionario. p.182. & seq. 3.4
- Episcopus quando Capitulo interesse censeatur tanquam Episcopus, vel tanquam unus ex Canonicis. p.236.7

Episcopus

Rerum Notabilium.

Episcopus proprius triplici ratione constituitur. p.351.5

ad Episcopum originis quod attinet duplex ex jure communi consideratur origo. ibid.6

Episcopus qui alterius Episcopi subditum laicum clericali Tonsurâ citra licentiam initiavit, æquè suspensus est ac si alienum Clericum absque dimissionis ordinasset. p.352.2

Episcoporum sacer ordo immediatè à Jesu Christo institutus ad regendam Ecclesiam. p.421.1

Episcoporum jurisdictio in omnes Fideles. p.422.2. & 3.

Episcopi à secularibus non debent judicari: ubi de memorabili Constantini Augusti, & Valentiniani etiam Augusti factò in honorem Episcoporum. ibid.& seq.5

Episcoporum, & aliorum Ecclesiæ Prælatorum potestas: vide *Potestas*.

Episcopos plures sortitus, si ab uno horum aliquem Ordinem suscepit, non potest ad alios recurrere pro cæteris Ordinibus suscipiendis. p.427.& seq.4

an Episcopus possit pecuniam exigere ad sacrum & spirituale Beneficium peragendum, ad quod ipse ex officio tenetur. p.523.3

Episcopi possunt constituere pensiones super Beneficiis propriæ collationis: sed disquiritur an hæc sacra potestas integra penes Episcopos perduret, an per non usum prorsus exoleverit. p.510.11.& 12

Episcopus in aliena diocesi existens quam potestatem habeat ad ferendas censuras. p.545.9

Episcopus in propria Diocesi existens qua ratione possit in alienum subditum censuras ferre. ibid.

Episcopi nullâ suspensionis, aut interdicti inflicтивâ sententiâ, aut constitutione ligantur, nisi specialiter exprimantur. p.586.31

Vide Suspensio.

Episcopi possunt ab omni suspensione absolvere, etiam quæ Papæ esset reservata, dummodo sit oculata. p.589.47

Episcopus non potest dispensare cum irregulari ex defectu, nisi in quibusdam casibus. p.591. & seq.3

Episcopis non licet dispensare in quarto consanguinitatis, vel affinitatis, necnon cognationis spiritualis prohibito gradu, ad matrimonium contrahendum. p.410. & 411.6

Episcopi tenentur residere in Episcopatu, & quanto tempore absesse possint: vide *Beneficiarius*.

Error.

Error nominis, aut falsa designatio non vitiat actum, nec rescriptum, modò de re constet. p.207.11

Erroris impedimentum, vide verbo *Impedimentum*.

Ethioproscopta.

Ethioproscoptæ apud D. Joan. Damascenum quale genus hominum sint. p.613.1

Eucharistia.

Eucharistia rationem habet Sacramenti & Sacrificii, sed non constituitur in ratione Sacramenti, nisi per Sacrificium. pag.274. & seq.1

in Eucharistiæ Sacramento Christus immolatur. ibid. & p.275.2

Index omnium

in Eucharistia duplex distinguitur sacrificium. p.276.3

ad Eucharistiæ perceptionem requiritur præparatio quoad corpus, & quoad animam. p.278.1

de Eucharistiæ sumptione multa. p.281. & seq.

Eucharistiæ sumendæ an sint capaces rationis usu carentes. p.284.1

Eucharistiam antiquis sæculis tribuebat infantibus Ecclesia. ibid.1

Vide in verbo *Communio*.

Examen.

Examen sub Ordinario debet præcedere sumptionem possessionis Beneficii alibi impetrati. p.213.3

in Examine recusatus appellare potest ad Superiorem qui debet instrui à recusante de causis repulsæ. ibid. & seq.

Examen ad confessionem sacramentalem prærequisitum, quale esse debeat. p.305.3

Vide *Confessio*.

Excommunicatio, & Excommunicatus.

Excommunicatione propter Clerici percussionem latæ remanente, tollitur ejus Papalis reservatio. p.491. & seq. 4

Excommunicatio nulla incurritur ex percussione Clerici vel Monachi, si fiat ab habente jus correctionis, dum non excedatur enormiter modus. p.494.12

Excommunicatio quid sit, & quotuplex; & quibus bonis Ecclesiasticis privet eam incurrentem. p.543. 2. & 3

Excommunicatio comminatoria, seu ferendæ sententiæ, quomodo distinguatur ab excommunicatione

latæ sententiæ. p.544.4. & 5
Excommunicatio sub ambigua formula lata, an potius sit censenda ferendæ, quàm latæ sententiæ. ibid. & seq. 6

ad Excommunicationis sententiam ferendam prærequiritur citatio. p.549.19

Excommunicatio præcipuè debet ferri in scriptura cum expresse causæ. p.550.21

Excommunicationis effectus octo recensentur. p.552. & seqq.

Excommunicati vitandi quinam censeri debeant. p.552. & seq. 3

Excommunicatio minor quid sit, & quomodo incurratur. p.558. & seq. 1. 2. & 3

Excommunicationis minoris effectus. p.559. & seq. 5. & 6

Excommunicati litigantes absoluti in Senatibus Gallicanis ad cautelam. p.569.12

Excommunicati in Gallia non excluduntur à litibus fori secularis propter excommunicationem, sive actorum, sive reorum partes sustineant. ibid.

Excommunicationes reservatæ in Gallia non receptæ, remanente tamen excommunicatione non reservata. p.571. & seq. 8. & 9

Expectativa litera.

Expectativæ odiosæ. p.16.3
Expectativæ omnes, & mandata de providendo damnata, & revocata. ibid.

Expensæ.

Expensæ in ultima ægritudine & funere factæ, privilegio gaudent ut omnibus aliis defunctis creditoribus præferantur. p.719.5

Expofitur.

Expositus.

Expositus an habendus sit pro legitimo, etiam quoad Ordines suscipiendos. p.329. 12

Extravagans.

Extravagans 1. de synonia, inter communes, decernens excommunicationem in eos qui pro ingressu Religionis aliquid dant, accipiunt, aut exigunt, non est recepta. p.520. & seq. 17. & p.534.6

Extrema-unctio.

Extremæ-unctionis Sacramenti subiectum, materia, forma & effectus. p.345.1

ad Extremæ-unctionis materiam num requiratur de essentia Sacramenti, quod oleum sit ab Episcopo benedictum. p.346.2

Extremæ-unctionis solæ quinque sensuum unctiones de necessitate exiguntur. ibid. 3

Extremæ-unctionis essentia an perficiatur in qualibet unctione. ibid. & seq. 4

Extrema-unctio conferri debet ei qui solius peccatorum remissionis capax est, ceteris aliorum ejus effectum incapax sit. p.347.5

ad Extremam-unctionem dispositiones requisitæ quænam sint. ibid. 6

Extrema-unctio non debet iterari, dum perseverat idem mortis periculum, & morbi status. ibid. & seq. 7

de Extremæ-unctionis necessitate ram ex parte infirmi, quàm ministrantis. p.348. 8

Extremæ-unctionis Sacramentum ministrare soli Parocho licet, vel de Parochi licentia. ibid. 9

F

Facultas.

Facultates & licentiæ Regularibus concessæ Secularium confessio nes audiendi, verbiq; Dei prædicandi, possunt ab Episcopis limitari, & prorsus adimi. p.46. & seqq. 14.15.16. & 17.

Felicitas.

Felicitas, summumque hominis bonum in solius Dei fruitione consistit. p.2

Festum.

Festa quomodo celebranda: vide in verb. *Opus.*

Fidei professio.

Fidei professio ubi & quando facienda, & insinuanda. p.214. 4

Fidejussor.

Fidejussores perinde ac principalis debitor creditori sunt obligati, & quando conveniri possit fidejussor non excusso principali debitore. p.635.5

Filiusfamilias.

Filiifamilias in pubertate constituti contrahere possunt de bonis castrensibus, & quasi castrensibus, secus de profecticiis. p.626.2

Filiorumfamilias jura explorantur circa peculium castrense, quasi castrense, profectitium, & adventitium. p.627.3. & 4

Filiifamilias de quibuscumque bonis disponere & testari possunt, quanvis de patria potestate non exiverint; ibid. 5

Filiifamilias aliquid lucrante in paterna domo, an lucra ad ipsam pertineant, an verò patri acquirantur.

FFFFF

gatur

Index omnium

rantur. p.628.6.&7
 Filiusfamilias nullam obligationem
 in Jure Civili contrahit ex mutuo
 accepta pecunia, dum erat in pa-
 tria potestate. p.629. 8

Filius.

Filiis etiam legitimis immediata ad
 paternum Beneficium successio pro-
 hibetur, ad quam à solo Papa dis-
 pensari possunt. p.151. & seq. 4. & 5
 Filii erga parentes ad quatuor præci-
 puè officia tenentur: ubi de filio-
 rum obligatione subveniendi pa-
 rentibus in necessitate constitutis.
 p.615. 7. & 8

Filius tenetur ob gravem parentum
 necessitatem ab ingressu Religionis
 abstinere, & ab eo exire; cum ali-
 quibus tamen limitationibus. ibid.
 & p.616

Filii naturales & illegitimi quomodo
 succedant in bonis tam paternis,
 quam maternis. p.616. & seq. 12
 Filius emancipatus liberum habet de
 bonis suis disponendi arbitrium;
 tam inter vivos quam mortis cau-
 sâ, etiam sine patris sui consensu.
 p.627. 5

Filius non tenetur credere matri eum
 adulterinum dicenti. p.713. 2

Vide Filiusfamilias.

Filiis prioris conjugii optimè provi-
 sum est per Imperiales Constitu-
 tiones & Gallicana Edicta, ne bo-
 nis sibi competentibus per secon-
 das nuptias frustrentur. p.708.8

Forum.

Forum sortiri potest aliquis diversis
 modis. p.426. & seq. 1

Forum ratione domicilii quomodo
 quis contrahere possit. p.427. 2.
 & 3

in Foro Ecclesiæ si Prælati sus-
 pectus sit, ejus quoque Vicarius, &
 Officialis abstinere debet à causæ
 cognitione: & ad quem recurren-
 dum sit in causa suspicionis Judi-
 cis ordinarii. p.430. & seq. 13.
 & 14

Fratres.

Fratres sororem germanam dotare &
 alere tenentur, si aliunde non ha-
 beat; non tamen uterinam. p.618.
 & seq. 15

Fructus.

Fructus, seu redditus Beneficii sibi
 superfluos non licet Clerico vel
 avarè reservare, vel de iis sive in-
 ter vivos, sive post mortem dis-
 ponere aliter quam ad pias causas.
 p.114.6. & 7. & p.140.8. & 9

Fructus Beneficii limoniacè accepti
 restitui debent ante omnem Judicis
 sententiam. p.542. & seq. 9

Fructus ex pignore percipere sine for-
 tis diminutione permittunt Cano-
 nes. p.646. 15

Furtum.

Furtum ad mortalem culpam suffi-
 ciens, & ad restitutionem obli-
 gans, quodnam sit, vide *Quantitas*.

G

Gabella.

Gabella super victualibus ad
 usum familiæ necessariis im-
 posita an sit justa: vide *Velligal*.

Galli.

Galli præsertim Ecclesiastici privile-
 gio gaudent dum intra Regnum
 versantur, ne extra ejus fines li-
 tigare cogantur. p.78. 1

Generales

Rerum Notabilium.

Generales Regularium.

Generales Ordinum Regularium extra Regnum degentes, nequeunt Francigenas Regulares ad se citare. p.79. 3

Graduatus, & Gradus.

Graduatus intra semestre petere debet Beneficium vacans sibi conferri. p.124. 16

Graduati alii simplices, alii nominati dicuntur, & quod jus habeant ad Beneficia. p.138. 2
ex Graduatis pluribus simul concurrentibus quis præferri possit. ibid. & seq. 5

Graduati tam simplices quam nominati, quid agere debeant, ut jure suo ad Beneficia non excidant. p.139. 6

Graduatorum privilegia circa Beneficia in multis casibus vacant. ibid. 7. & 8

Graduatorum tam simplicium quam nominatorum jus ad Beneficium vacans sex mensibus terminatur. p.140. 9

Graduum defectus quasdam ad Beneficia incapacitates parit. p.154. 10

Graduatorum nominatio extra Quadragesimam facta est irrita; & hoc etiam tempore literas suorum graduum cum aliis attestacionibus tenentur quotannis exhibere Collatoribus & Patronis Ecclesiasticis, easque insinuare, sub poena nullitatis pro illo anno. p.139. 6

Graduatorum privilegium cedit mandataris Apostolicis, & Indultariis Regiis de Senatu Parisiensi, & privilegiis Regalistarum, & præventionibus Papæ. ibid. 7

Graduati jus habent circa sola Bene-

ficia per obitum vacantia, non vero per resignationem aut permutationem, neque ad primarias Ecclesiarum Cathedralium, aut Collegiarum Dignitates, ibid. & seq. 8

Gratia.

Gratia cui annexitur particula limitans, finitur morte concedentis. p.477. 6

Vide *Privilegium, Concessio.*

Gravamen.

Gravamen irreparabile quodnam dicatur. p.472. 20

H

Hæres, & hereditas.

Hæres Beneficiarii quos fructus Beneficii percipere possint, & quomodo eos inter successorem in Beneficio dividere debeant. p.238. & seq. 5. 6

Hæres Beneficiarii fructus Beneficii oblatos sibi quocumque jure recipientes an peccent. p.140. 8

Hæres Beneficiarii quos Beneficii fructus lege conscientie ad pietatis opera destinare debeat, & intra quod tempus. ibid. p.241

Hæres quæ Beneficiarii defuncti debita solvere, & onera subire teneantur. p.242. & seq. 10. & 11

de Hæreditate ulurarii. p.705. 2

Hæres ad omnia defuncti onera tenetur; non vero hæres sigillatim in solidum. ibid.

Hæres succedens in jura defuncti, succedit etiam in onera, & una eademque persona cum defuncto in jure censetur. ibid. 3

Hæres tenetur in conscientia obtemperare

FF fff 2

Index omnium

perare voluntati defuncti, quâ testamento expressit, ut faciat quod per Confessarium decerneretur.

p.705. & seq. 4. & 5

Hæredes legitimi ad successionem ab intestato venientes, quinam sint: ubi etiam de successione in linea collateralium. p.709. 11

Hermaphroditus.

Hermaphroditus potest secundum sexum prævalentem validum inire matrimonium? & si æqualiter sit potens utriusque sexus, potest quem maluerit eligere sexum, & secundum illum nuptias inire.

p.396. 17

Hermaphroditus an possit semel facta electione sexus variare, & secundum novam electionem validè inire matrimonium. ibid.

Hermaphroditi conjugio quandonam liceat Parocho suam exhibere præsentiam, ibid. 18

Homo.

Homo solus juris capax. p.11.1

Hominis primævâ innocentia persistente, an fuisset introducta terræ divisio, Regna, & Imperia. ibid.

Homini naturale est ut in societate vivat multorum. ibid. p.12

Homines quomodo unum cum Deo fiant. p.165. & seq. 1

Homines per Spiritus Sancti gratiam in filiorum Dei adoptivorum dignitatem & conditionem evolvunt. ibid. & p.166

Hypotheca.

Hypothecæ generalis & specialis discrimen affertur, & quænam præferatur; & quæ sit praxis circa hoc in provincia Provinciar. p.636. & seq.7

Hypothecaria actio: vide *Affio*.

Hypothecæ privilegiatæ recensentur, quarum solutio prius facienda est. p.720. 8

I

Ignorantia.

Ignorantiæ multiplices distinctiones referuntur. p.560. 1

Ignorantia rerum ad proprium cuiusque officium spectantium culpabilis est. ibid. 2

Ignorantia, inadvertentia & error potest quandoque in arte propria contingere citra culpam & offensam Dei. ibid. & p.561

Ignorantia antecedens, concomitans & consequens. ibid. & seq. 3

Ignorantia culpabilis, tam juris, quàm facti, an excuset à censura, vel irregularitate imposita in penam. p.562. 4. & 5

Ignorantia inculpabilis, seu invincibilis, tam juris pœnalis, quàm facti, eximit ab omnibus censuris. p.563. 6

Ignorantia irregularitatum an eximat ab incurso eorum. ibid. 7

Ignorantia concomitans est immunis à censuris, imò etiam ab irregularitatibus ex delicto nascentibus, ibid. & seq. 8

Illegitimus, & Illegitimè natus.

Illegitimè nati regulariter sunt Beneficiorum incapaces: sed per Episcopi dispensationem minores Ordines, & Beneficia simplicia suscipere possunt; majores autem Ordines & Beneficia curata solo dispensante Papa. p.151. 2

Illegitimis Jure prohibetur qualecunque

Rerum Notabilium.

- cumque tenere Beneficium in eadem Ecclesia, in qua patres ipsorum aliud habent Beneficium, aut aliquando habuerunt. p.152.5
- Illegitimi censendi non sunt quicumque nati extra matrimonium; nec nati ex conjugio in facie Ecclesiæ bona fide contracto, quanvis postea aliquod dirimens impedimentum deregatur: secus, censendum de spuris. p.415.13
- Illegitimè natus sit capax sacrorum Ordinum per Professionem religiosam: sed non Prælaturarum. p.592.6
- Immunitas.*
- Immunitas Ecclesiastica triplex recensetur, & præsertim de locali agitur. p.91. & seq.21.& 22
- Vide Ecclesia.*
- Impedimentum.*
- Impedimenta matrimoniorum duplicis generis referuntur, & quænam sint. p.368.1
- Impedimentum ex voto castitatis, aut Religionis. ibid. & seq.2.3. & 4
- Impedimentum catechismi quodnam. p.370.5
- Impedimentum ex sponsalibus cum alia persona contractis. ibid.6
- Impedimentum interdicti. ibid. & seq.7
- Impedimentum matrimonii ex tempore prohibito ab Ecclesia. p.371.8
- Impedimenta ex delictis non dirimentia. ibid.9
- Impedimenta quatuordecim matrimonium dirimentia recensentur. p.372.1
- Impedimentum erroris explicatur. ibid.2.& p.373.3
- Impedimentum criminis: vide *Crimen*.
- Impedimentum disparitatis cultus Juris Ecclesiastico introductum est. p.378.7
- de Impedimento vis & metus. p.580.1.& 2
- Impedimenta Ordinis, ligaminis, & publicæ honestatis. p.385. & seq.13.14.15.& 16
- Impedimentum publicæ honestatis non cessat per liberam sponsalium ex mutuo consensu dissolutionem. ibid. & seq.17
- Impedimentum publicæ honestatis usque ad quem gradum pertingat. p.388.18.& 19
- Impedimento publicæ honestatis locus est in matrimoniis clandestinis, secus verò in matrimoniis invalidis ex defectu consensus. ibid. & seq.20.& 21
- Impedimentum impotentiae: vide *Impotentia*.
- Impedimenta matrimonium etiam sub ratione Sacramenti dirimentia, num possint per Principes, & Respublicas seculares induci. p.398. & seq.2.3.& 4.
- Impedimentum raptus: vide *Raptus*.
- in Impedimentis matrimoniorum duabus potissimum de causis dispensari potest: & ex quibus causis dispensari possit in gradibus prohibitis. p.408.1
- in Impedimentis matrimonii dispensari non debet sine rationabili causa, nec quidquam pro dispensatione exigi. ibid.2
- circa Impedimenta matrimoniorum quis regulariter dispensare possit, vel non. ibid. & seq.3

Index omnium

- in Impedimentis matrimoniorum quandoque dispensare possunt Episcopi, & alii Ordinarii. *ibid.* & seq.
- in Impedimentis dirimentibus circa matrimonia irrita, bonâ tamen fide contracta, viget potestas dispensandi Ordinariorum: ubi quid circa matrimonia contrahenda, re adhuc integrâ. *p. 409. 4*
- in Impedimento confurgente in quarto, aut tertio affinitatis, vel cognitionis gradu, an possint Ordinarii in Regno Gallix dispensare. *p. 410. 5*
- in Impedimentis dirimentibus possunt ex iusta & rationabili causa dispensare Ordinarii, non solum ad prius contractum, sed etiam ad contrahendum matrimonium, exceptis votis simplicibus, & absolutis perpetuæ castitatis & Religionis. *ibid. 6*
- Impedimentum occultum quod sit. *p. 413. 10*
- Impedimentum confurgens ex consanguinitate in primo gradu linear rectæ & transversalis, confurgit ex jure naturæ, contra quod non potest Ecclesia dispensare; secus verò in gradibus affinitatis, nisi forte in linear rectæ primo gradu. *ibid. & seq. 11*
- Impedimenta non dirimentia diuturnâ consuetudine abolita sunt, exceptis votis simplicibus perpetuæ castitatis, Religionis, sponsalibus præcedentibus cum altera vivente persona, & Ecclesiæ interdicto. *p. 414. 11*
- Impotentia.*
- Impotentia constituens impedimentum dirimens matrimonium quænam censenda sit. *p. 389. 1*
- Impotentia confurgens ex nimio viri calore raro constituit perpetuum matrimonii impedimentum. *ibid. & seq. 2*
- Impotentia alia perpetua, alia temporalis. *p. 390. 3*
- Impotentia alia absoluta, alia respectiva. *ibid.*
- Impotentia perpetua & absoluta matrimonium dirimit jure naturæ. *ibid. 4*
- Impotentia temporalis matrimonium non dirimit; & quid si post contractum matrimonium dubitetur an sit perpetua, vel temporalis. *ibid. p. 390. 5*
- de Impotentia judicio per congressum conjugum in alienis ædibus. *p. 391. 6. & 7*
- de Impotentia judicio per Senatum Gratianopolitanum. *p. 392. 9*
- ex Impotentia causa separati conjuges an jus habeant novum matrimonium contrahendi. *p. 393. 10. & 11*
- Impotentia alia naturalis, alia ex maleficio distinguitur, ad elucidationem capitis *Laudabilem*, de frigid. & malef. & canonis *Si per fortitarias*, 33. q. 1. *ibid. 12*
- Impotentia ex maleficio perdurans post exactum triennium, præsumitur perpetua simul & respectiva ad priorem uxorem. *p. 394. 13*
- Impotentia sola quæ matrimonium antecedit, illud dirimit; secus verò post contractum matrimonium superveniens. *ibid. 14*
- de Impotentia judicio instruendo, in quo non est facile mulieri conquerenti

Rerum Notabilium.

renti credendum. p.397. 19
in causa Impotentiae si nullatenus
probari possit mulieris intentio, &
vir neget se impotentem, partesque
ad copulam requisitas habeat inte-
gras & illaesas, viro potius quam
mulieri credendum est post praesti-
tum juramentum. ibid. 20

Impubes.

Impubes qui quocumque modo Cle-
ricum vel Monachum percussit,
potest per proprium Episcopum
absolvi. p.493. 10

Impuberes an validè contrahant ma-
trimonium, si in eis malitia sup-
pleat aetatem: ubi malitiae supplen-
tis aetatem illustria exempla refe-
runtur. p.395. 15

Impuberes utriusque sexus in causis
criminum admitti possunt in te-
stes, novo jure Gallicano. p.485.

34

Indultarius, & Indultum.

Indultum Regium circa Beneficia
quid sit in Regno Galliae. p.131. 1

Indultiorum Regiorum privilegia
novissimè aucta. ibid. 2

Indultarii Apostolici Regios; Regii
verò Graduatos quoscumque Uni-
versitatum excludunt. p.132. 3

Indultarii, tam Regii, quam Apo-
stolici nullum jus habent ad Be-
neficia per resignationem, aut
permutationem vacantia. ibid. &
seq. 5

circa Indulta & Indultarios quae pra-
xis servetur in Gallia. p.133. &
seq. 8. 9

Indulta Regia quanvis collatori Be-
neficii significata, non annullant
posteriorem vacantis Beneficii col-
lationem, sed collatorem adstrin-

gunt ut Indultario provideat de
pensione aequalis redditus collato
Beneficio. p.134. 10

Indultorum Regiorum jura pro Se-
natoribus, aliisque Officialibus Pa-
risiensibus nunc toto Regno dif-
funduntur. ibid.

Indulta Regia pro felici ad Regnum
adventu, ab Aulicorum ambitio-
ne, & adulatione introducta, qui-
bus pluries Senatus Parisiensis for-
titer obstitit. p.134. 11

Indulta Regia, & Apostolica conce-
dentis morte expirant. p.135. 20

Indultarii Regii de Senatu Parisiensi
sumpti praerantur quibuscumque
Graduatis. p.139. 7

Infamia.

Infamia ex delicto etiam putativo &
praesumpto irregularem constituit.
p.598. 3

Infamia duplex. ibid.

Innocentia.

Innocentiae statu persistente vigissent
& bonorum divisiones, & Regna.
p.11. & 12

Inobedientia.

Inobedientia etiam perversa & cri-
minosa à schismate distinguitur.
p.97. 5

Inobedientia erga Regulas Ordinis
procedens ex contemptu mortalis
est. p.99. 9

Inobedientia circa materiam levem
non excedit culpam venialem, ne
quidem circa divina praecepta.
p.104. 18

Insinuatio.

Insinuationes variae ad Beneficia Ec-
clesiastica pertinentes recensentur,
quae Regum Edictis fieri jubentur.
p.155. & seq. 3

Insinna

Index omnium

Insinuationis genus quoddam est in Regno Gallie, quo Graduati ad Beneficia Ecclesiastica aspirantes adstringuntur. p.156. 4
in Insinuationibus rerum beneficium, quæ exactè observanda sint. p.465. & seq. 8
Insinuationum tempora, & alia multa requisita. p.466. 9
Insinuationis edictum despectui habetur apud probos Judices, nisi præsumptio falsi, vel fraudis urgeat. ibid.

Intentio.

Intentio in Missæ celebratione, & precibus recitandis requisita, quænam, vide verbo *Attentio*.
Intentio directa de procurando abortu factus inanimati, damnatur ut prohibita. p.600. 8
Vide *Abortus*.

Interdictum.

Interdictorum possessoriorum species duæ distinguuntur. p.453. 2
Vide *Possessio*.
Interdictum Ecclesiasticum quid, & quotuplex sit; & quæ munia Ecclesiastica prohibeantur interdicti tempore. p.547. & seq. 14. & 15

Interesse.

Interesse potest à mutuuario exigi, & de eo præstando potest creditor ab initio pacisci. p.642. 9
Interesse ex damno emergente & lucro cessante potest quandoque propter mutuum exigi. ibid. 10
Interesse lucri cessantis an possit in mutuo exigi. p.643. & seq. 11
Interesse potest in pactum deduci tribus concurrentibus conditionibus. p.644. & seq. 13

Joannes de Poliacò.

Joannis de Poliacò errores damnati, & ab eodem execrati. p.295. 2

Irregularitas.

Irregularitas quid & quotuplex sit, & quid ejus effectus. p.591. 1. & 2
Irregularitatum ex defectu novem species recensentur. p.592. 4
Irregularitati ex defectu locus est in energumenis, arreptitiis, dementibus, epilepticis & lunaticis. ibid. & seq. 8
Irregularitates variez ex defectu animi & corporis. p.594. 11. 12. 13. & 14
Irregularitas ex defectu lenitatis quomodo, & à quibus contrahatur: ubi ejus exempla. ibid. & seq. 16
Irregularitas an ab eo contrahatur qui somno vel furore correptus alium occidit; vel mentis compos aggressorem interimit cum moderamine inculpatae tutelæ; vel etiam invasorem alienæ vitæ. p.597. 24
ut Irregularitas ex delicto contrahatur, requiritur mortale peccatum, & actus externus consummatus. ibid. & seq. 1. & 2
Irregularitas ex delicto multis modis contrahitur. p.598. 4
Irregularitatem præcipuam ex delicto producit homicidii crimen: ubi distinctio inter mandantem, consulentem, & exequentem homicidium. ibid. & seq. 5
Irregularitas ex mutilationis delicto nascens quâ mutilatione contrahatur. p.599. & seq. 9
an Irregularitas contrahatur ex homicidio casuali. p.601. 10. 11
Irregularitas contrahitur violando aliquam

Rerum Notabilium.

- aliquam censuram Ecclesiæ per
Ordinis exercitium. *ibid.* 12
- Irregularitas non contrahitur ex ite-
ratione Confirmationis, vel Or-
dinis, sed solius Baptismi. *ibid.* &
seq. 13
- an Irregularis censendus sit is qui du-
bitat aliquid fecisse, ex quo irregu-
laritas non nascitur. p. 602. 14
- Irregularitatis dubiæ effectus tantum
ad cessionem à sacro ministerio
extenditur. *ibid.* 16
- Itineratio.*
- Itineratio quocumque modo fiat, non
est absolute diebus Dominicis &
Festis prohibita, sed tantum ratio-
ne quarumdam circumstantiarum.
p. 260. 5
- Index, & Indicium.*
- Judicibus aurea monita à Josaphat
Rege traduntur. p. 3
- Judex suo prævaricatur officio, si
sponte litis victoriam adjudicet
Parti, cujus videt jus esse minus
probabile. p. 323. & seq. 7
- an Judex Ecclesiasticus possit reum
crimen inficiantem torturæ addi-
cere. p. 435. 12
- Judex in tribus casibus censetur reum
ex Juris ordine interrogare. p. 450. 1
- de Judicis recusatione. p. 460. 1
- Judex Ecclesiasticus solus cognoscit
in Galliarum Regno de petitione
congruæ portionis, & de præce-
dentiis Clericorum, sive secularium,
sive regularium. p. 461. 4.
& 5
- ad Judicem Ecclesiasticum solum spe-
ctat cognitio judicii petitoris deci-
marum. *ibid.* 6
- Judex appellationis, si temerè appel-
latum sit, non potest causam reti-
nere, & prioris Judicis sententiam
authoritate sua excqui. p. 468. 5
- Judex à quo potest ulterius procede-
re, appellatione non obstante, si
non teneatur ei deferre. p. 469. 9
- Judicis delegati potestas an expirat
morte delegantis. p. 476. 1
- Judicibus prohibetur ad loca se trans-
ferre in casibus in quibus sufficit
expertorum & prudentum æstima-
tio. p. 484. 24
- Judex pretium accipiens pro ferenda
justa, aut injusta sententia, an ad
restitutionem teneatur: vide *Cen-
ditio*.
- Judicium probabile ab Aristotele vo-
catur opinio. p. 323. 6
- Judicia nocte exerceri vetitum est
Constitutionibus Ecclesiæ, contra
morem Areopagitarum Athenien-
sium. p. 437. & seq. 19
- Judicium petitorium in causis Eccle-
siasticis, non aliis quàm Ecclesiæ
Prælati competit; possessorium
verò sibi arrogant Cnrix Regiæ in
Gallia. p. 454. 4
- Judicium possessorium nullatenus in
Gallia possunt exercere Curix Re-
giæ circa provisiones beneficiarias
in Romana Curia in forma *Dignum*
expeditas. p. 462. & seq. 1
- Judicium in causa devolutarii quan-
do exercere possint Judices Regii
in Gallia. p. 463. 2
- Judicium criminale: vide *Crimen,
Criminalis causa*.
- Invenium.*
- Juramentum à Judicibus præstan-
dum & Advocatis Justiniani lege.
p. 3
- Inviditio.*
- Jurisdictionis externæ actus Papæ re-
G G g g g scripto

Index omnium

- scripto demandatus cuiam committatur. p.20.16
- Jurisdicção voluntaria, & contentiosa quomodo inter se differant. p.26.1
- Jurisdicção completa & incompleta ad administrandum Eucharistiae Sacramentum, & à quo detur. p.289.1
- Jurisdicção ad confessiones audiendas quibus, & quomodo ab Episcopis & aliis Ordinariis conferri debeat. ibid. & seq.2
- Jurisdicção nunc vigens in Ecclesia ad confessiones audiendas, quomodo differat à pristina. p.291. & seqq.
- Jurisdicção contentiosa non potest extra proprium territorium ac districtum exerceri; jurisdicção verò gratuita & voluntaria potest exerceri à Judice existente in alieno territorio. p.424.8
- Jurisdicção interioris fori requirit characterem. ibid.9
- Vide *Potestas*.
- Jurisdicção delegata contentiosa finitur morte delegantis, re adhuc integra. p.478.8
- Jurisprudencia.*
- Jurisprudencia canonica, & theologica disciplina plura inter se communia habent, & in aliquo differunt. p.3
- Jurisprudencia canonica dividitur in res Fidei, & in res quæ circa disciplinam versantur; jureque scripto, & non scripto constat. p.3. & 4
- Jurisprudencia canonica apud Romanum Tribunal incrementa suscepit. p.7.4
- Ius.*
- Ius Canonicum unde conflatum. p.6.1
- Juris divisio ab Ulpiano tradita rejicitur. p.10.1
- Juris anima & legis est ipsa ratio. ibid. & p.11
- Juris variae divisiones. p.11.2
- Ius Civile quoddam dicendum. ibid.
- Ius Canonicum quatenus à Civili differat, & cum eo conveniat. p.13.1
- Ius Canonicum quid comprehendat. ibid.2
- Juris Canonici tractatio in sex libros distribuitur in hoc Opere. ibid. & seq.3
- Jura in rebus lege non definitis permulta relinquunt judicantis arbitrio. p.326.9
- de Jure Regio in populum. p.700. & seqq.
- Vide *Vestigal*.
- Iuspatronatus.*
- Iuspatronatus possessio acquiritur cum titulo colorato, & bona fide possessoris per præscriptionem, quam multæ præsentationes effectum sortitæ roborarunt. p.143. & seq.14
- Iuspatronatus per successionem ad hæredes transmittitur, nullo habito sexuum discrimine, & semper hæreditarium præsumitur, nisi de opposito constet. p.146.22
- Iuspatronatus etiam quoad proprietatem acquiritur per consuetudinem præsentandi; & quid ad hanc consuetudinem requiratur. ibid. & seq.24
- Iuspatronatus tribus modis acquiritur. p.140.3
- Iuspatro

Rerum Notabilium.

Juspatronatus aliud Ecclesiasticum, aliud Laicum, & in quibus differant. p.141.4

Juspatronatus Laicum quomodo ab Ecclesiastico discernatur. p.142.8
Iustitia.

Iustitiæ definitio & divisio traditur. p.603.1

L

Laicus.

Laicus in causa mortis vel mutilationis ex jure licitæ solam irregularitatem absque peccato incurrit. p.595.18

Laicus Chirurgiam, aut Medicinam exercens juxta regulas artis suæ, non incurrit irregularitatem, etiam membrum refecit, aut refecari mandat. p.596.21

Largitio munerum.

Largitiones munerum Religiosis quæ licitæ, vel illicitæ, p.106.5

Laudemium.

Laudemium ex emptione & venditione census non debetur; secus vero in emphyteusi. p.667.12

Legatum.

Legata pia relicta in testamento nullo & invalido sustententur, & solvenda sunt ab hærede. p.706.5

Legata pia etiam non aditæ hæreditate debentur. ibid.

Legatus.

Legati statuta non expirant ejus morte; quæ tamen expirat ejus subdelegati jurisdictio; nisi jam antea præcesserit citatio; idemque dicendum de quomodocumque finita legatione. p.72.9

Legati & delegati discrimen. ibid. & seq. 1

Legatorum Papæ tres distinguuntur differentiæ. p.73.2

Legati à Latere in quo convenient cum veterum Romanorum Proconsulibus. ibid. 3.

Legatorum & Nunciorum Apostolicorum potestas quandiu duret, & ad quæ se extendat. ibid. 4. & seqq.

Legatus à Latere an possit beneficiarias pensiones imponere in provincia suæ legationis. p.174.12

Legatus an possit admittere resignationem Beneficii sub onere pensionis. p.184.7

Lex.

Lex humana ligat etiam secundum conscientiam. p.12.1

Legis conditiones requisitæ, quarum, vel alterius harum defectu nullatenus ligat. p.13.2. & 4

Leges non receptæ an obligent. p.14.5

Legis Aquiliæ capita duo. p.622.9

Leges civiles tumentur dispositiones ultimæ voluntatis, quibus defunctus inutiliter de facultatibus suis disposuit, dummodo de ipsius voluntate constet. p.625. & seq. 7

Licentia.

Licentiæ Regularibus concessæ confessiones audiendi & concionandi, possunt ab Episcopis restringi, ad tempus limitari, & penitus auferri. p.46. & seqq. n.14. & seqq. ubi varii casus circa hoc referuntur.

Lis.

Litis contestatio quomodo fiat, & qui sint ejus effectus. p.428.7

Lite non contestata an procedendum
G G g g 2 sic

Index omnium

fit aliquando ad auditionem partium, vel ad sententiam definitivam; ubi etiam de Ordine iudiciario. *ibid.* & seq. 8.9

Litem contestari necesse non est ubi de plano proceditur, ac sine strepitu, & figura iudicii. p. 430. 12

Lis quandocumque contestata censetur, tam Jure Gallicano, quam communi. p. 481. 7

Litis cessio gratuita circa Beneficia litigiosa ab omni sumonis labe purata est. p. 509. 8

Literæ.

Literæ gratiosæ & iustitiæ quid sint, & quomodo inter se differant. p. 18. 8. & 9

Vide Descriptum.

per Literas Apostolicas non potest quis ultra duas dietas extra suam dioccesim extrahi, nisi vel de Partium consensu impetrentur, vel aliter expressè in ipsis statuatur. p. 19. 14

Literæ provisionum beneficalium insinuandæ sunt apud tabularia Episcopalia, & intra quod tempus ab ipsarum data. p. 212. 1

Literæ subrogationis quid sint, à quo obtinendæ, & quis earum effectus & vis. p. 215. & seq. 9. & 10

Literis subrogationis colligantium obtentis à Papa intra mensem, necesse est præterea in Gallia obtinere literas Regias intra annum ad illarum effectum, hisque peractis potest etiam aliquis tertius alias literas in Romana Curia impetrare cum clausula, *si newiri, si nulli jus quesitum sit*, ut aliis deficientibus is subrogetur. p. 216. 11. & seqq.

Literæ dimissoriæ an expirant morte

concedentis : vide *Concessio, Privilegium.*

Locus.

Loca exempta, & loca nullius Diocesis, quantum in Jure differant. p. 38. 1

Loci sacri pollutio : vide *Pollutio.*

Loci sacri reconciliatio non est necessaria, si ejus profanatio non est publicè notoria. p. 605. 11

Lucrum.

Lucra à filiofamilias in paterna domo facta cui acquirantur : vide *Filiofamilias.*

Lucrum ex re aliena particulari alicujus industriæ factum, quod dominus rei non fecisset, cuinam acquiratur. p. 661. & seq. 1. 2. & 3

Lucrum cessans quid sit, vide in dictionibus *Dammum emergens*, & *Usura.*

M

Mandatarius, & Mandatum.

Mandatarius Apostolicus decem dies habet ad eligendum, utrum è duobus Beneficiis vacantibus acceptare velit. p. 121. 6

Mandatarii Apostolici præferuntur quibuscumque Graduatis, etiam in Beneficiis, quæ in Graduatorum mensibus vacant. p. 139. 7

Mandatum Apostolicum in jure frequens, & odiosum, quodnam. p. 16. 3

Mandata spontanea, & liberæ delegationes simpliciter notificata revocatione expirant. p. 48. 17

Mandata procuratoria ad resignandum post anni lapsum, ut irrita rejicit

Rerum Notabilium.

rejecit Cancellaria Romana, p. 124.
18

Vide Expectative.

Mandata Apostolica collatori Beneficii significata, ad quid cum adstringant, p. 134. 10

Vide Indultarius, Indultum.

Manuum injectio.

Manuum injectio in Clericum quâ pœnâ multetur; & qui in hac materia Clerici nomine comprehenduntur, p. 491. 1. 2. & 3

Manuum injectio in Clericum triplex, & quæ excommunicationi subjaceat, p. 492. 5

Vide Percussio.

Mater.

Mater tenetur filium triennio majorem alere, & filiam dotare, si aliunde alimenta & dotem habere non possint, p. 618. 14

Matres jure scripto Romanorum ad successionem filiorum admittuntur, sed paulò aliter provisum est in Gallia per Constitutionem Caroli IX. p. 708. 9

Mater adultera quæ filium adulterinum marito supposuit, ad quid teneatur, p. 713. 2

Matricularium.

Matricularii, sive æditi conferre tenentur ad Ecclesiæ cultum & reparationem quas recipiunt elemosynas, quarum rationem reddere tenentur Ordinariis, aut horum delegatis, non verò Officialibus laicis, p. 245. 6

Matrimonium, & Matrimoniales: causa.

Matrimonium inter Episcopum pro-

priamque Ecclesiam interveniens quatuor modis dissolvitur. p. 60. 1

Matrimonium quid sit, quomodo initietur, ratificetur, & perficiatur. p. 355. 1

Matrimonium magis consistit in animorum, quàm in corporum conjunctione. ibid.

ante Matrimonium denunciations præmittendæ sunt in Ecclesia. p. 356. 5

ex Matrimoniis clandestinis, fictis & simulatis nulla nascitur obligatio sponsalium. p. 358. 9

Matrimonii minister essentialis non est Sacerdos, sed ipsi contrahentes, p. 360. 1. 2

Matrimonii materia proxima & remota quænam, p. 361. 3

ad Matrimonii validitatem utrum requiratur mutuus consensus ad copulam, p. 362. 5. 6

in Matrimonio quod præcessit votum castitatis, perdurare potest dominium mutuum in corpora, sed tamen ligatum & impeditum: ubi etiam de matrimonio Beatissimæ Virginis cum Sanctissimo Josepho. ibid. & seq. 7

Matrimonium validè per procuratorem ante & post Tridentinum contractum est. p. 363. 1

Matrimonium per procuratorem contractum an validum sit, si mandans post mandatum incidit in amentiam quæ perduret quo tempore procurator contrahit, p. 364. 4

Matrimonium contrahendum ter in Ecclesia denunciandum. p. 365. 1

Vide Denunciatio.

Matrimonium quandonam contrahi

Index omnium

- possit, non præmissis denunciatio-
nibus. p.367.5
- Matrimonium contrahendum impedi-
tur assertione unius testis fide dig-
ni, & non suspecti circa matrimo-
nii impedimentum, donec opposi-
tum probetur. ibid.6
- Matrimoniorum impedimenta, vide
Impedimentum.
- Matrimonium illicitè contrahitur in-
ter eos qui vovèrè castitatem aut
Religionem. p.368.2
- Matrimonia tempore interdicti con-
trahi possunt. p.370.& seq.7
- Matrimonia an penitus prohibeantur
temporibus præscriptis ab Ecclesia.
p.371.8
- Matrimonium inter consanguineas
personas usque ad quem gradum
prohibeatur Jure Canonico, & in
quibus possit dispensari. p.374.8.
& 9
- Matrimonium baptizatz personæ
cum non baptizata irritum est Jure
Ecclesiastico; secus de matrimo-
nio Catholicæ personæ cum
hæretica. p.378.8
- ut Matrimonium Catholicus licitè
cum hæretica contrahat, an sem-
per sit necessaria dispensatio. ibid.
& seq.9
- Matrimonia Catholicorum cum hæ-
reticis non debent permitti in Gal-
lia. ibid.
- Matrimonium ab infidelibus contra-
ctum an possit dissolvi ab eo qui
ad fidem convertitur, altero no-
lente ad fidem converti. p.379.10.
& 11
- ad Matrimonii vinculum non sufficit
consensus utcumque liber, & qua-
lis metus sufficiat ad eum invali-
dandum. p.381.5
- ut Matrimonii promissio obliget, de-
bet fieri cum voluntate se obligan-
di. p.383. & seq.10
- Matrimonium sictè promittens adhi-
bito juramento emissio animo ju-
randi, quanvis careat intentione
sictè promissi matrimonii contra-
hendi, teneret nihilominus ma-
trimonium illud contrahere: secus
verò dicendum si sictum quoque
esset juramentum. p.384. & seq.
11. & 12
- Matrimonia ex defectu consensus in-
valida nullum pariunt publicæ ho-
nestatis impedimentum. p.386.21
- Matrimonium senis planè decrepiti,
vel ægrotantis morbo incurabili,
an sit validum. p.394. & seq.14.
& 15
- Matrimonium impuberum an sit va-
lidum: vide *Impubes*.
- Matrimonio contracto à puberibus,
quomodo sit computandum trien-
nium experientiæ, si de eorum im-
potentia dubitetur: ubi de malicia
supplente ætatem. p.395.16
- Matrimonium clandestinum irritum
est jure novo Concilii Tridentini.
p.398.1.& p.402.& seq.7
- Matrimonia filiorumfamilias absque
consensu parentum inita, Consti-
tutionibus Regum in Gallia pro-
hibita: ubi de vero intellectu Re-
giarum Constitutionum, & articu-
li 40. Blesensis circa hanc mate-
riam. p.400. & seq.4.5.& 6
- Matrimonii nullitas proveniens ex
defectu conditionum quas requirit
articulus 40. Blesensis Constitutio-
nis, nullatenus attingit ipsum Sa-
cramentum. p.402.7
- Matrimo

Rerum Notabilium.

Matrimonia filiorumfamilias in quibus patris consensus non intervenerat, jure civili Romanorum irrita erant. p.403.8

in Matrimoniis filiorumfamilias necessarius est tutorum, curatorum, & proximiorum cognatorum assensus in Regno Franciæ. ibid.9

in Matrimoniis liberorum non est necessarius præcedens & expressus parentum assensus. p.404.10

Matrimonium absque præmissis proclamationibus contractum, Blessensium Conciliorum articulo 40. decernitur invalidum: ubi de aliis requisitis juxta prædictum articulum. ibid. 11

ad Matrimonii validitatem an sufficiat Parochi etiam inviti præsentia, etiam in Gallia. ibid. & seq. 12

Matrimonium cui Parochus unus contrahentium assistit intra propriæ Parochiæ fines, validum est. p.406.18

ad Matrimonium contrahendum quis censeatur proprius Parochus. Vide *Parochus*.

Matrimonio in gradibus prohibitis contracto vel consummato, an indulgentia sit dispensatio. p.412.8

si Matrimonium coram Parocho & testibus bona fide initum, comperitur tandem invalidum propter aliquod dirimens impedimentum, necesse est, ut post impetratam dispensationem, aut impedimenti cessationem, Partes mutuam inter se denuò consensum renovent. p.412. & seq.8

Matrimonium per vim contractum spontaneâ cohabitatione convalescit. p.743.34

Matrimoniales causæ jure communi & usu Gallicano ad Ecclesiæ cognitionem pertinent. p.460. & seq.3

Medicus.

Medicus munus suum non implet, qui remedium efficacius quod ad manum habet, ægroto non exhibet, ut aliud administret, quod minus probabiliter proderit. p.317. & seq.7

Mendacium.

Mendacium officiosum non est licitum. p.441. & seq.9. & 11

Mendacii definitio juxta mentem Divi Augustini. ibid. 10

à Mendacio excusantur sanctissimi homines in Scriptura laudati, etsi videantur mendacium protulisse. p.442. 11

ad Mendacium fugiendum licitum est uti verbis amphibologicis, urgente justâ causâ & ratione. ibid. & p.443. ubi aliquot Sanctorum doctrina, & facta circa hoc adducuntur.

Mendacium non consueque devitandum est, ut ejus vitandi causâ publica fides violetur. p.446.1

Meretrix.

an Meretrix possit turpitudinis suæ pretium retinere: vide in dictione *Conditio*.

Meritum.

Merita solius Christi cunctis applicari possunt, aliorum verò soli operanti. p.344.3

Metropolitanus.

Metropolitanorum præminetia, & jurisdictio in Suffraganeos Episcopos. p.24.13

Metropolitanorum jus totam provinciam, & suffraganeorum Dioceses visitandi

Index omnium

- visitandi valde imminutum, & ferè
penitus ademptum. *ibid.* 13
- Metropolitæ possunt in tota provin-
cia sua Crucis vexillum ante se fa-
cere deferre. *p.* 126. 16
- Metus.*
- Metus minor causa sufficit in femina
quàm in viro. *p.* 380. 1
- Metus : vide in verbis *Matrimonium*,
Impedimentum.
- Minister.*
- Minister minùs dignus quandonam
digniori præferri possit, absque
peccato conferentis Beneficium.
p. 677. 6
- Vide *Beneficium*.
- Minor.*
- Minor 25. annis de Beneficio provi-
sus capax est ad agendum in judi-
cio sine autoritate, vel assistentia
tutoris vel curatoris. *p.* 482. 14
- Missâ.*
- Missarum applicatio an libera sit Ca-
pellano vel Ecclesiæ Rectori, ubi
non constet de certa Fundatoris in-
tentione. *p.* 250. & seq. 8
- Missâ perpetua & quotidiana si fun-
data sit, an adstringatur Capella-
nus quotidie per se, vel per alium
celebrare. *p.* 251. 9
- Missarum quotidianarum fundatarum
induciæ, & intermissiones diversimodè
à Summistis, & Canonistis
assignantur. *p.* 252. 10
- Missarum induciis absque stipendii
diminutione quandonam locus sit.
ibid. & seq. 11
- Missæ audiendæ præceptum quale à
Christianis exigat officium. *p.* 261. 2
- Missæ auditioni an satisfaciatur qui si-
mul obligationi Divini Officii re-
citandi, vel injunctæ à Confessario
pœnitentiæ satisfacit. *ibid.* 3
- Missæ audiendæ præcepto an satisfac-
ciatur qui tempore celebrationis ejus-
dem Missæ peccata sua sacramen-
taliter confitetur. *ibid.* 4
- Missæ duas medietates à duobus Sa-
cerdotibus audiens, an præcepto
satisfaciatur, vel qui ad breve tem-
pus discedit, ut deferat candelas,
vinum, aquam, aut similia requi-
sita. *p.* 262. 5. 6
- Missæ audiendæ quænam pars omis-
sa pertingat ad mortale. *ibid.* 7
- Missam celebrans tempore recitati-
onis Officiorum Chori, non lucra-
tur distributiones ejus Officii quod
tunc in Choro canitur, nisi id fiat
ex aliqua rationabili causa, appro-
bante Prælato. *p.* 162. & seq. 8. &
p. 490. 8
- Missarum stipendia quibus Sacerdos
non satisfecit, aut quarum cele-
brationem nimis distulit, ita ut non
profuerit secundum intentionem
stipem dantis, restituenda sunt.
p. 683. 18
- Missæ valor triplex distinguitur. *ibid.*
& seq. 19
- pro Missâ unica non potest accipi du-
plex stipendium, quin teneatur Sa-
cerdos onere restituendi. *ibid.*
- Missarum votivarum stipendia, aut
onera quotidiana : vide *Clericus*.
- Missio in possessionem.*
- Missio solennis in possessionem Bene-
ficii postremò requiritur, quæ ta-
men prærequirit ad consistorialia
Beneficia literas magni Sigilli Re-
gii. *p.* 214. 5
- Missionis in possessionem Beneficii
forma, & subsequens insinuatio.
ibid. & seq. 6

Missio

Rerum Notabilium.

Missio in possessionem non est actus personalis, & fieri potest per procuratorem. p. 115.7

Mobilia.

Mobilia cultui divino destinata, aut deservientia ad necessarios usus constitutorum in Sacris, pignori capi, vel distrahi non possunt: & quid de mobilibus agrorum. p. 485. 1. & seq.

Monachus.

Monachi etiam ex levibus culpis possunt à Superioribus causâ correctionis, citra peccatum & excommunicationem percuti. p. 494. 12

Monasterium.

Monasterium inopiâ laborans potest absque labe simoniæ pacisci super alimonia ejus qui suam in Religione prosequitur admissionem, & ejus victui suppeditare non sufficit, modò non plus petatur quàm opus sit. p. 515. 6. & seqq.

Monasteriis divitibus non licet pacisci titulo alimentorum ante admissionem postulantium: ubi quomodo in hac materia taxandæ sint Monasterii facultates temporales. p. 518. & seq. 12. & 13

Monialis.

Monialis futuræ voluntas ab Ordinario exploranda ante habitus suspensionem & professionem. p. 96. 11

Moniales à quibus clausura violata est, non possunt ab alio quàm à Supremo Pontifice absolvi; secus tamen in Gallia. p. 565. & seq. 4

Monitorium.

In Monitoriis ad criminis testificationes eliciendas non debet reus nominari, nisi per voces individui vagi. p. 551. 24

Monitoria non sunt pro re levi discernenda: & quæ taxatio sit in hoc sequenda. p. 557. & seq. 14

Mulier.

an Mulieres pro clausura Monasterii violata teneantur ad Supremam Sedem recurrere: vide *Casus reservati, Clausura.*

Mulieribus in quibusdam casibus non competit exceptio Senatusconsulti Vellejani: vide *Senatusconsultum Vellejanum.*

Mulier in Gallia Regno & vicinis quibusdam provinciis se obligans pro liberando è carcere viro, non juvatur Vellejano. p. 631. & seq. 14

Mundus muliebris.

Mundus muliebris ad quem pertineat mortuo marito, an ad uxorem, an ad mariti hæredes. p. 732. 2

Munus.

Munera non sunt semper præsumenda gratuita, præsertim creditori à debitore oblata. p. 641. 8

Munus à lingua, munus à manu, & munus ab obsequio: vide *Simonia cum pretium.*

Mutuans, Mutuatarius, & Mutuum.

Mutuanti quando licitum sit aliquid supra sortem accipere ratione periculi eam amittendi. p. 648. & seq. 1. 2

an Mutuatarius teneatur ad aliquid ultra sortem mutuatam. p. 729. 4

Mutuum quid sit; quare ita dicatur; & quæ sit materia circa quam versatur. p. 632. & seq. 1. & 2

Mutui differentia ab aliis contractibus. ibid. 2

Mutuum debet esse merè gratuitum. p. 633. 4

H H h h h

Mutuum

Index omnium

Mutuum implicitum & explicitum
usurarum copiosa seges : & quo-
modo mutuum palliatum & sceneratitium contrahatur. p.638.& seq.
2. & 3

N

Nepos.

NEpotes an ad avorum Beneficia
immediatè admitti possint.
p.151. & seq.4
Nepotes quomodo ad prædefuncti
patrui successionem simul cum
avunculis admittantur ; & an ex
diversis fratribus filii avunculo
succedant in capita, an in stirpes.
p.709.& seq.12

Nominatio, & Nominatus.

Nominatus intra quod tempus petere
debeat Beneficium vacans sibi con-
ferri. p.124.16

Nominationis jus ad vacatura Regni
Beneficia Consistorialia, Episcopa-
tus & Abbatis Regi Gallie attri-
butum per Concordatum Bono-
niense. p.135.1

Nominationi Regiæ ad Consistoria-
les Regni dignitates locus est, si-
ve per obitum, si-ve per resignatio-
nem, si-ve per juridicam depositio-
nem vacent. ibid.& seq.2

Nominationi Regiæ an locus sit
quando Regni Dignitates vacant
in Curia Romana. p.136. & seq.6

Novale.

Novale quid sit in Jure Canonico,
& cui accrescant novalium deci-
mæ. p.82.9

O

Obedientia, & Obedire.

Obedire Superioris subalterni
maudato non licet contra vo-
luntatem altioris Superioris. p.96.1
Obedire Superiori Ecclesiastico sub-
ditus non tenetur in tribus casibus.
p.97.2.3. & 4
Obedientia Potestati spirituali & tem-
porali debetur, circa quam doctrina
D.Thomæ affertur. p.97.& seq.
6. & 7
de Obedientia Superioribus Regula-
ribus à subditis debita, traditur
D. Bernardi doctrina. p.101. &
seq.14

Oblatio.

Oblationum nomine quæ compre-
hendantur, & quæ Parochis, quæ
verò Ecclesiæ fabricæ, & ornati
cedant. p.256.8

Vide Inobedientia, & Religiosus.

Obligatio, & Obligatus.

Obligationes quæcumque centum li-
brarum valorem excedentes, apud
acta Notariorum redigi debent ;
nec admittitur probatio per testes,
nisi in necessariis quibuldam casu-
bus, etsi in his summa sit minor
quàm centum librarum. p.483.23

Obligationes quæ ad restitutionem
non astringunt, recensentur. p.614.
& seqq.

Obligationis definitio. p.619.1

Obligationum fontes disquiruntur ad
Theologorum & Jurisconsultorum
mentem. p.610.2

Obligatio ex pacto nudo. ibid.3

Obligationes ex Jure naturali & ci-
vili

Rerum Notabilium.

- vili permixtæ ex quatuor fontibus emanant. ibid. 4
 Obligationes ex quasi contractu quæ. p. 621.6
 Obligationes ex delicto, & quasi delicto. p. 622. & seq.
 Obligatio naturalis prævalet post factam solutionem, ne condicatur ut indebitum quod jure naturæ debebatur. p. 630.9
 Obligatio principalis debitoris exten-
 ditur ad fidejussores, & extraneos
 pignorum aut hypothecarum pos-
 sessores. p. 636.6
 Obligati ad ratiocinia irregulares cen-
 sentur. p. 592.7

Oeconomus.

- Oconomus viduatæ Ecclesiæ datum
 non potest defuncti Prælati loca-
 tiones rescindere jure Regaliæ.
p. 243.12

Officialis.

- Officialis Episcopi quis sit, & quæ
 ejus munia. p. 61. & seq. 1. & 2
 Vide *Vicarivs.*

Officium Divinum.

- Officii Divini recitationi quinam ad-
 stringantur, & in quibus casibus
 ab ea obligatione eximantur. p. 104
& seq. 18
 Officium Divinum nocturnum pariter
 & diurnum studiosè & devotè re-
 citari Ecclesia præcipit. p. 263.9

Opinio.

- Opinio, scientia, & dubium distingui
 solent in speculativa & practica.
p. 321.2
 Opinio probabilior potest esse minùs
 tuta; & opinio tutior potest esse
 minùs probabilis. p. 321.3
 Opinio tutior, & probabilior, quæ
 sint. ibid.

ex Opinione probabitur quandonam
 quis possit agere, ibid. & seq. 4.
& 5

ex Opinionibus oppositis, quarum
 singulæ sint probabiles, non licet
 eligenti præferre minùs probabi-
 lem, probabiliore relicta. p. 323.
& seq. 7

in Opinionum conflictu si ex utraque
 parte probabilitas æqualis appa-
 reat, quid agendum. p. 324. &
seq. 8

ex Opinionibus oppositis, si una qui-
 dem tutior est, & altera probabi-
 lior, licitum est sequi probabi-
 liorem. p. 327. & seq. 11

Opinio tutior semper est eligenda ubi
 Sacramenti consuecendi valor, vel
 alicujus animæ salus periclitatur.
p. 330.14

Opiniones scandalosæ recentiorum
 aliquot ab Alexandro VII. damna-
 tæ recensentur. 332. 333. 334. &
seqq.

Opiniones aliæ ab Innocentio XI.
 damnatæ referuntur. p. 337. & seqq.

Opus.

- Opera festis diebus interdicta quæ-
 nam, & quæ licita. p. 259. 1. 2.
& 3
 Operum servilium genera quatuor,
 quæ etiam Dominicis licita cen-
 sentur. ibid. & seq. 4.

Ordinarius.

Ordinarii jus habent visitandi clau-
 suras Monialium, Exceptis tam
 Secularibus, quàm Regularibus
 subditarum. p. 56.16

Vide Episcopos.

Ordinarii nullum jus habent circa
 provisionem Beneficiorum certo
 alicui Monasterio affectuatum,
H H h h h 2 ubi

Index omnium

- ubi in commune vivitur. p.117.6
- Ordinarii in Gallia non permittitur
condemnatio in exilium, neque re-
legatio ad triremes. p.435.10
- Ordinariorum jurisdictio circa delicta
Regularium. p.436.13
- Ordinariorum jurisdictio circa delicta
Clericorum privilegiata limitatur
in Gallia. ibid.14
- Ordinariorum potestas circa dispen-
sandum in impedimentis matrimo-
nii: vide *Impedimentum*.
- Ordinare, Ordinatus, Ordo.*
- Ordines alieno subdito sine proprii
Episcopi Dimissoriis conferri non
debent: & quid de habente privi-
legium à Papa Ordines suscipiendi
à quocumque Episcopo. p.29.9
- Ordinari nemo potest, nec etiam pri-
mâ Tonsurâ initiari, nisi à proprio
Episcopo, vel de ejus licentia Li-
teris dimissoriis expressâ; & quæ
pœnæ incurrantur à secus facien-
tibus, & à quibus absolvi possint.
p.68.& seq.1
- Ordines alieno absque dispensatione sus-
cipere possit ille, de quo dubita-
tur, an sit legitimus. p.329.12
- Ordinis Sacramenti definitio tradi-
tur. p.348.& seq.1
- Ordinum septem species. ibid.
- Ordines sacri quinam. ibid.
- Ordines omnes, etiam minores, vera
& propria sunt Sacramenta, juxta
communiorum opinionem. p.350.3
- Ordinis ordinarius minister est Epi-
scopus. ibid.& seq.4
- Ordinari nemo debet nisi per pro-
prium Episcopum, aut cum ejus li-
centia, de qua constat per Literas
Dimissorias. p.351.5
- Ordinari potest absque dimissoriis qui
privilegium habet à Sede Aposto-
lica ad suscipiendos Ordines à quo-
cumque Episcopo communionem
Sedis Apostolicæ habente. ibid. &
seq.8
- Ordinati cum falsis, fictis, aut fidu-
ciariis titulis, suspensionem incur-
runt. p.352.10
- Ordinati extra tempora à Jure sta-
tuta, vel ante legitimam ætatem,
suspensionem perpetuam incur-
runt. ibid.11
- Ordinandorum ætas, & qualitates.
p.353.13
- Ordinationum tempora, & intersti-
tia. ibid.12.& 14
- Ordinatus ab Episcopo qui ante Or-
dinum collationem protestatur se
non intendere ordinare eos qui
aliquem contra Canones defectum
habent, censetur verè, & validè
ordinatus, etsi conscius alicujus
talis defectus, sine peccato tamen
mortalis, se sistat ordinandum. ibid.
& seq.15
- Ordines plures simul suscipiens, sive
sacros, sive minores, quam pœnam
incurrat. p.354.16
- Ordines sacri & Sacerdotium validè
conferri possunt infantibus bap-
tizatis, & adultis, qui nec habent,
nec unquam habuerunt rationis
usum. ibid.& seq.17
- Ordinatus coactè, an validè ordina-
tus censetur. p.355.18
- Ordines minores recipiens ante legi-
timam ætatem, non incurrit sus-
pensionem. p.378.7
- Osculum.*
- Oscula, & amplexus, & similes tactus
quando sint peccata mortalia, vel
non. p.418. & seq.23
- Oscula

Rerum Notabilium.

Oscula & amplexus, secluso periculo pollutionis, non prohibentur inter sponsos. p.419.3

P

Pactum.

Pactum apud Ordinarium initum de solvendis expensis olim factis in Beneficio compermutato, illicitum est. p.188.13

Pacta alia & circumstantiæ permutationis, aut resignationis illicitæ. ibid. & seq.14.& 15

Pactum legis commissoriæ potest apponi in contractu census resignativi; secus verò in contractu census consignativi. p.661.& seq.2

Pacta quæ contractibus ex contrahentium intentione adiunguntur, vim ordinariam ac legitimam contractuum extendere, vel restringere possunt. p.718.1

Pactum additionis in diem, redemptionis, aut retrovenditionis, appositum in contractu emptionis & venditionis, quid operetur. p.719.5

Pactum legis commissoriæ approbatum in emptione, reprobatum in pignore, ibid.

Pactum tacitum citra ullam expressionem quandoque exargit ex contractu. ibid.6

Pactum nudum an pariat actionem: vide *Actio*.

Pactum legis commissoriæ: vide *Emptio*, *Venditio*, *Usura*.

Pallium.

Pallium extraordinario privilegio aliquibus Episcopis concessum est; sed à talibus gratificationibus jam

omnino cessatum est. pag.25.& seq.
Pallii usus soli Romano Pontifici semper & ubique licitus. p.26.15
Pallium dandi jus qui habeant. ibid.
Pallium personæ cohæret, & cum ea debet sepeliri. ibid.

Papa.

Papa titulo præventionis jus habet conferendi universa Beneficia. p.115.1

Papa conferre potest quæcumque Beneficia vacant in Romana Curia. ibid.

Papa solus potest Regularem personam de Ecclesia Seculari providere. p.117.4

Papæ duplex jus competit circa Beneficiorum Ecclesiasticorum collationem. p.125.1

Papa acceptans resignationem patris in favorem filii legitimi, censetur in ea dispensare. p.152.6

Papa solus potest Collegiatam Ecclesiam in Cathedralen erigere. p.163.16

Papa potest dispensare circa regulam de infirmis resignantibus, etiam in præjudicium Graduatorum, & Indultariorum Curie Parisiensis. p.197.13

Papa potest tempus publicationi resignationis præstitutum prorogare. p.198.3

quomodo Papa possit absque delicto simoniæ permittere, & constituere pensiones, etiam cum obligatione illas largiore pecuniâ redimendi, super Beneficiis & Episcopatibus, de quibus pleno jure non providet. p.526. & seq.1.& 2

Parentes.

Parentum obligatio erga filios, & in
H H h h h 3 qui

Index omnium

- quibus casibus non teneantur eos alere. p.616.10
- Parentes liberos vivos ex priore conjugio habentes non possunt posteriori conjugii, aut liberis ex posteriori conjugio natis aliquid amplius relinquere, quàm filiis prioris matrimonii, sive per donationem, sive per aliam dispositionem. p.617.13
- Parentes liberos habentes ex priori & posteriori conjugio, quomodo debeant, & possint disponere de bonis tam priore quàm posteriore matrimonio constante acquisitis. ibid. p.618
- Parochia, Parochianus, & Parochus.*
- Parochia quid sit, & quid requiratur ad Parochialem Ecclesiam constituendam. p.79. & seq.1
- Parochiali Ecclesie vacanti statim, & & quammaximè fieri potest, providendi sunt idonei Pastores. p.80. & seq. 4. & 5
- Parochus unicus unius Parochialis Ecclesie debet esse, & stabilis ad vitam. p.80.2.3
- Parochi officium quale. p.81.6
- Parochi jura circa oblationes & decimas, quæ ex novalibus proveniunt. p.82.8.9
- Parochi oppidorum muratorum constitui non debent in Gallia, nisi in Theologia, vel sacris Canonibus Graduati. p.83.1.1
- Parochus proprius quis censeatur, & quomodo acquiratur. p.405.13
- Pa ohi quilibet locorum, per quæ vagi transeunt, possunt ipsorum matrimoniis interesse: ubi quid circa hoc statuerit Concilium Tridentinum. ibid.14
- Parochus sceminae sæpius interest matrimonio, quando Partes sunt diversarum Parochiarum. ibid.15
- Parochus proprius potest assistere matrimonio sui Parochiani, etiam in aliena Parochia & Diocesi, sine licentia Parochi illius loci, extra tamen Ecclesiam Parochialem. ibid. & seq.16
- Parochus proprius validè, licet non licitè, potest Parochiani sui matrimonio assistere contra Ordinarii prohibitionem. ibid. & seq.17
- cum Parochis dispensari non potest, ut studiorum causâ à sua Ecclesia abesse possint. p.490.7
- an Parochus possit pecuniam exigere ad sacrum & spirituale beneficium, peragendum, ad quod ipse ex officio tenetur. p.523.3
- Parochiani alstringuntur fabricæ domus Curionis: vide in verbo *Populus*.
- Parochi quanto tempore possint à Parochia abesse, quin fructus amittant: vide *Beneficiarium*.
- Pater.*
- Pater potest immediatè succedere in Beneficium quod filius possedit. p.153.7
- Patronus.*
- Patroni Ecclesiastici solum, & non laici, præsentatio per Papam potest præveniri, dummodo per expressam clausulam eidem derogaverit. p.141.6
- Patronus quanvis ad Beneficium idoneus, non potest seipsum præsentare. ibid.7
- Patronus quomodo præsentationem facere possit, & intra quod tempus: ubi de forma præsentandi. p.142.

Rerum Notabilium.

p.142. & seq. 9.10.11. & 13
 Patronus unus potest ab aliis compa-
 tronis, & proprio Procuratore
 præsentari. p.143.11

Patroni hæretici non per seipſos, sed
 per Catholicos procuratores in
 Gallia præsentare possunt. p.144.
 15

Patronorum jura suspenduntur, eis-
 que ad tempus derogatur in qui-
 busdam casibus, qui recensentur.
 p.145.16. & seqq.

Patronis præter jus præsentandi alia
 jura competunt, quæ recensentur.
 p.145.21

Patroni si plures sint, quid requira-
 tur, ut eorum præsentatio valeat.
 p.146.23

Patrono qui aliquem præsentavit,
 cujus præsentatio ex aliquo acci-
 denti, quod nullatenus prævideri
 potuit, effectum non est sortita,
 liberum est alium præsentare. p.147.
 26

Patronus non excidit jure nominatio-
 nis, si citra ipsius fraudem prima
 non successerit. ibid. p.148

Patronus pater potest proprium fi-
 lium ad Beneficium præsentare.
 p.148. & seq. 1.2

Paupertas.

Paupertas regularis & essentialis obli-
 gat quoscumque Religiosos, non
 verò accidentalis, nisi hanc Re-
 gula quoque injungat. p.105.1

Pecator, & Peccatum.

Peccatorum numerus & circumstan-
 tiæ quomodo sint in sacramentali
 confessione exprimendæ. p.308.11.
 12.13

Peccatum nascitur ex conscientia er-
 ronea in actibus etiam per se li-

citis.

ibid.11

Peccatorum circumstantias quanvis
 notabiliter aggravantes, non est
 necesse confiteri, dummodo spe-
 ciem non mutant. p.309.14

Peccator publicus quis sit, & an sit
 ei deneganda Communio. p.286.
 & seq.3

Peccator occultus an sit Communionem
 privandus. p.287.4

ut Peccatori publico publicè Commu-
 nio dari possit, quæ requiran-
 tur. p.288. & seq.7

Peccato alieno cooperans per actus
 de se licitos aut indifferentes, an
 peccet mortaliter: ubi de remigi-
 bus Christianis apud Infideles cap-
 tivis. p.693. & seq.9. & 10

Peccatum quomodo in confessione
 Examinandum, vide *Confessio.*

Peculium.

Peculium triplicis generis distingui-
 tur, & quodnam religiosæ pauper-
 tati adversetur. p.105.2

Vide in verbo *Filiusfamilias.*

Pensio.

Pensiones super Beneficiis ex tribus
 causis apponi possunt. p.170.3

ut Pensio super Beneficio constitua-
 tur, quæ requirantur. p.171.4

Pensiones super Ecclesiis, & Benefi-
 ciis in quibusdam casibus imponi
 possunt ab Episcopis. ibid.5

Pensio an extinguatur, si contingat
 Clericum pensione oneratum reci-
 pere Beneficium super quo erat
 constituta pensio. p.172.7

Pensionem extinguere aliud est, aliud
 consolidari cum Beneficio. ibid.

Pensionis modus diversimodè taxa-
 tur. p.173.9

Pensionis beneficiariæ redimendæ, &
 extin

Index omnium

- extinguendæ modus quis licitus, & quæ dispensationes ad id requirantur. *ibid.* & seq. 10. 11
- Pensionum reliqua solvere non tenetur successor in Beneficio. *ibid.* 9
- Pensiones beneficiaræ quibus modis finiantur, & extinguantur. p. 175. 15. & 16. & p. 176. 17. & seqq.
- Pensionis onere solvendæ astringitur Ecclesia, cum beneficii fructibus possessor juridicè privatur. p. 177 23
- Pensionem solvere tenetur successor in Beneficio sibi resignato. *ibid.* 24
- Pensiones beneficiaræ qua parte anni solvendæ sunt. *ibid.* & seq. 25. & 26
- Pensiones beneficiarias olim pro re temporali habitas, in spirituales statum evexit Pius V. p. 178. 27
- Pensionarius ad quæ Beneficii onera teneatur. *ibid.* & seq. 28
- de Pensionibus super Præbendis Ecclesiarum Cathedralium, vel Collegiarum, aut Parochialium, & super Beneficiis Curatis impositis tria edicit Ludovicus XIV. p. 179. 30
- Pensionum reservationes super Præbendis Ecclesiarum Cathedralium, Collegiarum, aut Curatarum, certis limitibus Edicto Regio in Gallia coercerentur, earumque abusus rescatur. p. 179. & seq. 1
- Pensiones beneficiarias ab Episcopis constitutas, quas approbent, quasve ut irritas, & inoniacas rejiciant Curæ Regni Gallicani. p. 181. & seq. 1
- Pensionum reductio qualis admittatur in Gallia. p. 182. 2
- Pensiones ab Episcopis constitutæ transeant ad Beneficii successorem, vivente adhuc pensionario, an verò extinguantur morte illius, cui primum imposita fuit solvendæ pensionis obligatio. *ibid.* & seq. 3. & 4
- Pensiones beneficiarias ab Episcopis, aut inferioribus Prælatibus constitui permittentes Canones sacri referuntur. p. 183. 5
- Pensiones beneficiarias approbandi causæ in solis Romanorum Pontificum provisionibus Gallicano usu receptæ, tres referuntur. p. 184. 8
- Pensiones Ecclesiasticæ an pro Beneficiis habeantur, ut in imperationibus earum mentio sit facienda. p. 246. 2
- Pensio permulta cum Beneficio communia habet, non tamen appellatione Beneficii continetur. p. 247. & seq. 3
- Pensionis expressio necessaria est dum impetrandum est rescriptum in forma pauperum, & dum aliquis vult novæ pensionis gratiam impetrare. p. 248. 4
- ut Pensio ab Episcopo super Beneficio imposita valeat, quæ requirantur. p. 511. 13
- Pensio terminos à Canone, vel consuetudine præfixos excedens, ad terminos à jure præscriptos est reducenda. p. 512. 14
- Pensionum quæ ex aliquo Beneficio percipiuntur tres species referuntur. p. 528. & seq. 4
- Pensio laica quæ propter aliquod ministerium temporale tribuitur laico, sive Clerico de bonis Ecclesiæ, potest redimi, atque etiam pretio

Rerum Notabilium.

pretio vendi sine simonia, p.519.5

Pensionis onus impositum in Beneficii cessione, vel renunciatione, addito pacto, ut statim, vel paulò post aliquà summâ oblatâ integrâ, pensio redimatur, simoniacum censetur, *ibid.* & seq.

Pensio super Beneficiis imposita à Papa absque justa causâ, an sit simoniaca: vide *Papa*.

Pensio Clericalis pretio in alium transferatur, aut per anticipatas solutiones extinguatur, an excommunicatio incurratur, p.533.4

Pensiones annuæ in perpetuum piis locis relictæ an habeant vim insufficientem, & quamcumque præscriptionem excludant, p.716. & seq. 9

Vide *Beneficiarius, Clericum*.

Pensio alimentaria filiorum ex bonis paternis, vel maternis deducenda, omnibus aliis creditoribus est præferenda, p.719.5

Vide *Percussio, & Percussor*.

Percussio levis Clerici quænam cense-
ri debeat, p.492.6

Percussio gravis, aut mediocris Clerici potius censenda est quàm levis in re ambigua, *ibid.* & seq. 7

à Percussione gravi, aut mediocri Clerici quis absolvere possit, p.493.8

à Percussione quacumque Clerici, vel Monachi possunt aliquæ personæ absolvi, p.494.11

Percussores Clerici vel Monachi urgente necessitate, ab Episcopo, vel Sacerdote absoluti, ratione impedimenti adeundi supremam Sedem, an cessante impedimento teneantur supremum Pontificem adire, *ibid.* 13

Percussio Clerici sit occulta, nec in forum deducta contentiosum, nulli necesse est convenire supremam Sedem pro absolutione, p.495.14

Vide *Perjurium*.

Perjurium nullum est sine mendaciò, & notabilis circa hoc aliquot Sanctorum Patrum doctrina refertur, p.443. & seq. 12. & 13

Vide *Permutatio*.

Permutationes Beneficiorum licitæ, & à quibus admitti possint, p.185.1

ad **Permutationes** Beneficiorum quæ requirantur, *ibid.* 4. & p.186.5. & 6

Permutatio Beneficiorum, sive conformium, sive difformium, valida est, p.186.7

in **Permutationibus** Beneficiorum conditiones, & pactiones aliquando apponuntur, quæ pravitate simoniaca fœdantur: aliæ etiam quæ non aliter validæ sunt, nisi summi Pontificis dispensatione roborentur, p.187. & seq. 11. 12. 13

Permutationes Beneficiorum fraudulentæ quæ censentur, p.186. & seq. 14

Permutatio certi Beneficii cum alio incerto, & indefinito paris proventus, nunquam confirmatur à Papa, nec debet ab Ordinaris admitti, p.189.15

Vide *Beneficiarius*.

Permutatio Beneficiorum, & renunciatio quandonam simoniaca sit: vide *Simonia*.

Vide *Philosophum*.

Philosophorum Ethnicorum ducentæ octoginta-octo fuere de summo hominis

I l i i i

Index omnium

hominis bono sententiæ, ex quibus unica sola vera est. p.1

Plebanus.

Plebanus in jure quis dicatur, & quid sit Plebania. p.150.4

Plato.

Plato singulari felicitate ingenii notitiam summi boni assequutus est. p.2

Pœnitens, & Pœnitentia.

Pœnitentiæ falsæ, quibus nulla est impertienda absolutio, quæ sint juxta Canonem 22. Lateranensis Concilii. p.344. & seq. 5

Pœnitens qui Confessarium accersiri mandavit urgente mortis periculo, & antequam adveniret loquelam amisit, an absolvi possit. p.316. & seq. 6. & p.318.9

Pœnitens absolvendus non est, in quo nulla præcesserunt petitiæ confessionis, aut contritionis à Sacerdote perspecta, vel à circumstantibus attestata signa. ibid. 10

Pœnitens confitens in aliena Diœcesi an possit absolvi à casibus reservatis in propria Diœcesi, sed non in ea in qua constitetur. p.318. & seq. 1

Pœnitens confitens in aliena diœcesi remittendus est ad proprium Superiorem pro absolutione ab excommunicationibus reservatis, sive sint à jure, sive ab homine. p.319.2

Pœnitens oblitus alicujus peccati reservati, & in confessione absolutus ab habente facultatem absolvendi à reservatis, poterit in alia confessione absolvi ab iisdem casibus reservatis oblitus per alium Sacerdotem approbatum, quanvis careat facultate absolvendi à reservatis, dummodo cum bona fide

accedat, & sciens & volens non abutatur confessione. ibid. & seq. 3. & 4

Pœnitens qui non vult desistere ab opere quod secundum probabilem piorum & doctorum, nec ab Ecclesia reprobata opinionem est licitum, est absolvendus, quanvis minus probabilis videatur Confessario. p.329. & seq. 13

Pœnitentiæ Sacramentum administratur per modum judicii, & requirit causæ cognitionem & jurisdictionem completam. p.289.1

Pœnitentia ut Sacramentum ex quibus constet. p.297.1

Pœnitentiæ Sacramenti forma est absolutio per Sacerdotem collata. ibid. & seq.

Pœnitentiæ Sacramentum nullus potest ex sola vi sui Sacerdotii administrare. p.289. & seq. 2

Pollutio.

Pollutio voluntaria, aut voluntaria in ea delectatio ita divinâ lege prohibetur, ut nulla causa possit has reddere licitas. p.419.4

Pollutio prævisa an possit pernitenti. ibid. & seq. 5

Pollutio loci sacri non contingit, nisi vulnus fuerit receptum in loco sacro. p.604.10

Pollutione loci sacri notoriâ factâ, nefas est divina in eo Officia peragere: & quid si profanatio contingat dum Missa celebratur. p.605.13

Populus.

Populus quomodo contribuere teneatur reparationi Ecclesiæ, & fabricæ domus Curionis. p.346. & seq. 4. & 5

Portio.

Rerum Notabilium.

Portio.

Portio congrua perinde ac alimenta non patitur dilationem, & peti potest ab ipso litis initio per provisionem. p.255.6

Possessio, & Possessor.

Possessionis causa dividitur à causa proprietatis quoad controversias Ecclesiasticas in Gallia : & vide quomodo intelligatur. p.454.3

Possessionis tempora inter emptorem & venditorem, inter defunctum & hæredem continuantur in civilibus : secus verò in pacifica Beneficii possessione. p.464. & seq.3

Possessor condemnatus ad dimittendam possessionem quomodo mul-
tetur, si post duodecim dies signi-
ficatæ sententiæ non obtempera-
verit. p.484.19

Possessor bonæ fidei definit bona fide possidere statim ac novit rem quam possidet esse alienam : & ad quid teneatur si eam vendiderit, aut alteri donaverit. p.699. & seq.7. & 8

Possessor rei alienæ an teneatur ad restitutionem fructuum bona fide perceptorum. ibid.8

Potestas.

Potestas Prælati Ecclesiæ à Deo duplex concessa, & ad quid utraque referatur. p.423.6

Potestas utraque, ordinaria & delegata, exerceri potest & attribui tam in interno foro, quàm in externo. p.424.7

Potestas duplex confertur in Sacerdotis ordinatione. ibid.9

Potestas Clavium duplex. ibid.

Potestas jurisdictionis interioris requirit characterem, sed non pote-

tas exterioris jurisdictionis. p.424. & seq.9. & 10

Potestas confertur per modum jurisdictionis, quando eligitur non tam personæ industria, quàm ejus officium. p.425.11

Potestas delegata quando nam subdelegari possit. ibid. & seq.11. & 12

Præbenda.

Præbendæ Theologales & Præceptorales idoneis conferri debent ; sed in hoc abusus quidam invaluit deplo-
randus. p.228.19

Præbendæ nomine quæ comprehen-
dantur. p.235.2

Præbendarum Capitularium vacan-
cium provisio ad quem de jure per-
tineat. ibid.3

Præbenda Capitularis si duobus, uni per Episcopum, alteri verò per Capitulum conferatur, neutri ac-
quiritur : & quid si seorsum ab uno ex duobus confertur. ibid.4.5

Præceptum.

Præceptum charitatis erga proximum, aut ab alia virtute manans non parit restituendi obligationem, si violetur : ubi de hac materia varia exempla. p.614. & seq.

Præceptum de honorandis parentibus inter primam & secundam tabulam medium collocatum. p.615.7

Prælati.

Prælati Regulares jus habent confe-
rendi Beneficia suæ jurisdictioni ac dispositioni subiecta. p.128.9

Prælati Ecclesiastici quibus ex causis suspendantur : vide *Suspensio*.

Præscriptio.

Præscriptio in favorem Ecclesiæ in-
troducitur quo tempore finiatur ; &

Index omnium

- unde centenaria octum habuerit.
p.160. & seq.80
- Præscriptiones rerum Ecclesiæ inter-
est valde non esse longiores. ibid.
- Præscriptio introducta est in bonum
publicum, quietem civium & fa-
miliarum. p.715.6
- ad Præscriptionem legitimam requisi-
tæ conditiones recensentur. ibid.7
- de Præscriptione rerum Ecclesiæ scitu
digna. p.716.8
- Præscriptiones prolixas introducere
periculosum, & hominum nequi-
tiæ expositum. ibid.9
- Præscriptiones centenariæ piis locis
indultæ, flagitiosè emptæ & ven-
ditæ. ibid. & seq.
- Præsentatio, & Præsentatus.*
- Præsentatio facta insinuanda est apud
acta Ecclesiastica. p.143.11
- Præsentatum instituere non debet
Ordinarius, nisi præsentati capa-
citatem exploraverit. p.145.20
- Præsentandi consuetudine quomodo
jus patronatus præscribatur. p.146.
& seq.24
- Præsentatio, quæ effectum non est
integrum sortita, potest à Patrono
iterari. p.148.26
- Vide *Jus patronatus*, *Patronus*.
Præsul.
- Præsulum Gallicanorum nimia in dis-
pensando ad nuptias non solum
contractas, sed etiam contrahen-
das licentia perstringitur. p.410. &
seq. 6.
- Præventio.*
- Præventionis jus Papæ competens,
per Concilium Basileense abroga-
tum, & per Concordatum insta-
ratum, quale sit. p.204.1
- Præventionis jus competit Legatis
Apostolicis, sed non Nunciis. ibid.
2
- Præventio cessat si coram Ordinatio-
res inchoata sit, quanvis nondum
Beneficium collatum. p.205.3
- Præventio valet contra Patronum Ec-
clesiasticum, sed non contra lai-
cum. ibid.4
- Præveniri possunt Graduati & Indul-
tarii, etiam post insinuationem in-
dulti, sed non postquam Benefi-
cium vacans requisiverunt. ibid. 5.
& 6
- Præventioni non est locus contra
Cardinales Ordinarios, ne quidem
in Beneficiis Patronatus Ecclesia-
stici, nec ubi conjunctim Cardinali
cum Capitulo, aut Monasterio jus
conferendi, vel instituendi com-
petit. p.205. & seq.7
- Præventio tam Papæ, quam inferiorum
Collatorum non admittitur
ubi statuto, consuetudine, vel pri-
vilegio divisum est jus conferendi
inter Papam & Episcopum vel Ab-
batem; vel inter Episcopum vel
Abbatem, & Capitulum. p.206.8
- Presbyter.*
- Presbyteros alienæ Diocesis sine li-
teris commendatiis non esse re-
cipiendos. p.609.5
- Vide in verbis *Clericus*, *Sacer-*
dos.
- Pretium.*
- Pretium simoniacè acceptum pro re-
spirituali, cui sit restituendum, non
data re promissa. p.539.1
- Pretium simoniacè & injuste accep-
tum restituendum est illi qui in-
culpabiliter, neque liberè dedit.
etiam si res spiritualis fuerit ei col-
lata. p.540.2
- Pretii.

Rerum Notabilium.

Pretii simoniacè accepti restitutio non præcipitur, nisi per modum pœnar, & in tribus casibus. ibid. 3

Pretium rerum venalium quotuplex. ibid. 4

Pretium legitimum consistit in indivisibili. ibid.

Pretium vulgare habet suam latitudinem : ubi an liceat illud supergredi, vel minuere ; & ad quid teneatur hæc faciens. ibid.

an Pretia rerum propter peculiarem affectum dominorum possint ad libitum augeri. p. 652.6

an Pretium pro turpitudine & similibus flagitiis acceptum restitui debeat : vide *Condillio*.

Princeps.

Principes constituti sunt propter populos, non populi propter Principes : ubi de mutua populorum & Principum obligatione. p. 700. & seq. 1

Vide *Velligal*.

Privilegium.

Privilegia à Principe sive Seculari, sive Ecclesiastico concessa, stricte sunt interpretanda. p. 16.2

Privilegium ritè obtentum non cessat morte, vel amotione concedentis : & quid si ei particula limitans adjecta fuerint. p. 477. 10

Privilegia externi quidem fori, sed non contentiosi, an expirent morte concedentis. p. 479.9

Vide *Concessio*.

Probabilitas.

Probabilitatum fontes gemini indicantur, quarum una interna, alia externa dicitur. p. 331. 15

Vide *Confessarius*, *Opinio*, *Pœnitentia*.

[*Procuratio.*

circa Procuraciones in visitatione debitas mens Ecclesie proponitur. p. 523. & seq. 4. & 5

Procurator.

Procuratoris ad matrimonium constituti requisita quænam sint. p. 364. 2. 3

Procurator missus ad suspiciendum infantem de sacro Fonte, an contrahat cognationem spirituales, an verò mandans. p. 375. 11. & 12

Professio.

Professio Regularis, quæ est medium ad perfectiorem vitam adductivum, profus libera & spontanea debet esse. p. 92. 1.2

Professio in strictioris observantiz monasteriis ætatis annum 18. requirit. p. 93. 3

Professionem religiosam invalidare possunt singuli ex sex defectibus qui recensentur. ibid. 5

à Professione quomodo possit sive intra, sive post quinquennium reclamari. p. 94.6. & 7

Professio tacita à Jure communi admixta, quæ tribus modis fieri potest, nullatenus in Regno Gallie recepta. p. 95.9. & 10

ad Professionem nullus admittendus, nec ad Habitum Regularem, cujus voluntas non fuerit ab Ordinario loci explorata. p. 96. 11

Propositio.

Propositiones per Bullas Alexandri V 11. & Innocentii XI. damnatæ referuntur. p. 332. & seq.

Vide *Opinio*.

Provisio, & Provisus.

Provisus ignoranter, & bona fide de Beneficio per alterius simoniam, liiii 3. non

Index omnium

- non juvatur beneficio triennalis possessionis, sed sola decennii præscriptione. p.202. 18
- Provisus ab Ordinario per obitum an præferatur resignatario à Papa, Legatove proviso, si resignans moriatur nondum expletis viginti à renunciatione diebus. p.206. & seq.9. 10
- Provisus de Beneficio quid agere debeat post. obtentam possessionem. p.212.1.& seqq.
- Provisus debet solenniter in possessionem Beneficii mitti, & quomodo facienda sit hæc solennis in possessionem missio. p.214. & seq.5. 6. & 7
- Provisus de Beneficio Sacerdotio annexo, illud amittit si intra annum ad Sacerdotium promoveri non curet. p.219.8
- Provisus in Gallia de Beneficio Ordinem sacrum requirente, non computat annum ad promotionem concessum, nisi post elapsum annum pacificæ possessionis collati Beneficii. p.220.10
- Provisus de Beneficio incompatibilium priore, alterum horum tenetur dimittere. p.221.12
- Provisus de duobus incompatibilibus Beneficiis potest horum alterum resignare, dummodo non sit alteri jus quæsitum. p.222. & seq.16
- Provisus de Beneficio simoniacæ, quantumvis ignatus pacti simoniaci, tenetur Beneficium dimittere statim ac pactionis simoniacæ notitiam habuerit. p.496. & seq.7
- Plura vide in verbo *Simonia*.
- Provisus de Beneficio alieno interventus, ignorans tamen simoniam

ab altero commissam, juvabitur beneficio triennalis possessionis pacificæ, si integro triennio hujus simoniæ notitiam non habuerit, secus si prius commissam simoniam resciverit. p.531.& seq.3

Prudentia.

Prudentiæ virtus respicit pro objecto suo res opinabiles. p.323.6

Q

Quantitas.

- Q**uantitas furti sufficiens ad culpam mortalem, & obligans ad restitutionem, quænam sit. p.697.1
- Quantitas notabilis ex multis & levibus furtis potest in tribus casibus effici. p.698.2
- Quantitas major requiritur ad constituenda furti filiorumfamilias, uxoris & famulorum mortaliter culpabilia. p.699. & seq.

R

Raptus.

- R**aptus impedimentum dirimens matrimonium definit ex quo rapta est pristina libertati restituta. p.406. 19
- ad Raptus impedimentum dirimens matrimonium constituendum duo requiruntur. p.407.20
- Raptus species duæ, & an utraque eisdem pœnis subiaceat. ibid. 21
- Reconventio.*
- Reconventio coram delegato Iudice agitari potest, sed nullatenus coram arbitris admittitur. p.426. 15
- Reflor.*

Rerum Notabilium.

Reclor.

Rectores plerique, tum Seculares, tum Regulares, tanquam Patroni jure potiuntur præsentandi Vicarios pro Subditis sibi Ecclesiis. p.149. & seq. 3.4

Rectorum superiorum tria genera in Jure, quibus Parochiales Ecclesiæ subjiciuntur. p.150.5

Regressus.

Regressus ad Beneficium an resignanti concedatur in Gallia, in cujus gratiam Papa concessit pensionem super resignato Beneficio. p.175. & seq. 14. & p.184.6

Regressus ad dimissum Beneficium datur, si contingat permutatum evinci. p.186. & seq. 9

Regressus ad resignatum Beneficium quando datur, vel non datur resignanti. p.189. & seq. 1. 2. & seqq.

Regressus ad Beneficium in Gall.æ Regno datur post valetudinem recuperatam, ei qui in gravi infirmitate constitutus resignavit. p.190.6

Regressus etiam conceditur ei qui Beneficio se abdicavit ob criminis capitalis accusationem. p.191.7

Regressus praxis hodierna quænam in Gall.æ Regno. ibid. & seq. 8

Regressui etiam locus est quando quis vi, metu, dolo, aut fraude ductus Beneficium resignavit. p.192. 9. & 10

Regressus locum habet etiam in renunciatione à minori viginti quinque annis facta, per restitutionem in integrum. p.193.11

per Regressum ad omnia pristina jura & prærogativas Senatusconsulto restituitur regrediens, ac si nun-

quam se Beneficio abdicasset. p.193.12

Regula.

Regula juris, *In dubiis tutior pars est eligenda*, an semper absque exceptione sit vera. p.328. & seq. 12

Regula Juris, *Bona fides non patitur ut bis idem exigatur*, ex ipsis Juris emerit visceribus. p.634.2

Regula Juris, *Qui jure suo utitur nemini facit injuriam*, perpenditur. p.714.1.2

Regulæ generales singulis rebus sub eodem genere contentis applicabiles mirifice conducunt ad omnium disciplinarum peritiam, adhibita tamen discreta & prudenti circumspectione. p.739.1

Regulæ variz ex universo utriusque Juris corpore depromptæ, quandoque etiam ex libris sacris, ad Jurisprudentiam Canonicam maxime conducentes proponuntur. p.740. & seqq.

Regula Cancellaria.

Regulæ Cancellariæ circa rem beneficiariam, quæ in Gallia vigent referuntur. p.194.1

Regulæ de infirmis resignantibus referuntur. ibid. 2

Regula prædicta an habeat locum in resignationibus quæ fiunt ad mutuo permutanda Beneficia. p.195.4

Regula prædicta an valeat quando in resignatione inserta est clausula, *Vel aliâ quovis modo valent*. ibid. 5

Regula ista solum obtinet in Gallia in resignationibus quæ fiunt coram Papa, vel Legato. p.196.3

Regula prædicta in quibus casibus non habeat locum, eique derogatur. ibid. 9. & seqq.

Regulæ

Index omnium

- Regulæ de viginti non potest derogari in præjudicium Ordinarii qui Cardinalitia dignitate præminet. p.197.14
- Regulæ de publicandis resignationibus in Gallia vigentis verba referuntur. ibid.& seq.1
- Regulæ hujus triplex ratio traditur. p.198.2
- Regulæ prædictæ verba, *ubi talia Beneficia consistunt*, quid importent. ibid.& seq.5
- Regula ista in quibus casibus locum non habeat, & in quibus procedat. p.199.6. & seqq.
- Regula hæc juxta praxim Gallicanam requirit publicationem resignationis fieri, & possessionem Beneficii sejunctim adiri. p.200.10
- Regula de annali possessore traditur, quæ nullum ei novum jus tribuit, sed tantum exceptionem adversus actorem. ibid.11
- Regula hæc non habet locum in collationibus ab Ordinariis factis: & quibus clausulis Papa, aut Legatus ei derogent. p.201.12
- ad Regulæ hujus effectum formæ Gallicis edictis præscriptæ. ibid.13
- Regula de triennali possessore traditur, quæ non juvat Secularem per triennium Beneficium Regulare possidentem, nec Regularem Beneficii Secularis possessorem triennalem. ibid.15
- Regula prædicta valet etiam contra Regalistas. ibid.& seq.16
- Regulæ hujus triennium quomodo, & à quo tempore computandum. p.202.17
- Regula prædicta an juret eum qui simoniacè Beneficium accepit. ibid.18
- Regulæ huic non est locum, nisi triennalis possessor titulum sacrum coloratum habeat. p.203.21
- Regulæ annalis, aut triennalis pacificæ possessionis beneficio irregulares quicumque juvari non possunt. ibid.
- Regula Cancellariæ de non tollendo jure quæsito quid sanciat. ibid.22
- Regula de verifimili notitia valet in collationibus Papæ, Legati, & Ordinariorum. ibid.& seq.23
- ut Regulæ huic fraus non fiat, quomodo Gallicis edictis cautum fuit. p.204.24
- Regularis.*
- Regulares nullius diocesis Episcopi vicinioris auctoritati subsunt quoad Ordines suscipiendos tantum. p.40.5
- Regulares Exempti in spectantibus clausuram sibi subditarum Monialium subjiciuntur Episcoporum auctoritati. ibid.& seq.6.& 7
- Regularibus prohibetur transgredi limites præfixos in mandatis & concessionibus Ordinariorum circa facultatem prædicandi, & Secularium confessiones audiendi. p.46.13
- Regulares quidam Episcoporum justis prohibitionibus & admonitionibus obstitentes, Senatusconsultis reprimuntur. p.47. & seq.15. & 16
- Regularium exemptiones per supremos Pontifices & quædam Concilia moderantur. p.49. & seq.2. & 3
- Regularibus quantumvis per proprios Superiores approbatis non licet sine Episcopi, vel Ordinarii licentia

Rerum Notabilium.

- licentia verbum Dei prædicare, etiam in propriis Ecclesiis. p.51.4
- Regulares privilegium habentes absolviendi à quibuscumque casibus etiam ipsi Papæ reservatis, non habent hoc ipso potestatem absolviendi à casibus & censuris per Ordinarios locorum reservatis. ibid. & seq.5
- Regulares quantumvis exempti Ordinariis jurisdictioni subsunt in causis Fidei, & quoties agitur contra eos causa criminalis. p.53.6
- Regulares Parochi Ordinariis visitationi, & correctioni subsunt in his quæ ad curam & Sacramentorum administrationem pertinent. ibid. & seq.8
- Regularis nequit à religiosa professione solvi, nisi coram Ordinario allegatis nullitatis causis. p.56.15
- Regulares nequeunt uti privilegiis expressè per Concilium Trid. Gregor. XIII. & XV. ac Urban. VIII. revocatis. ibid. & seq.18
- Regularis qui se invalide professum credit, nec unquam professionem ratificasse, non potest quocumque tempore transacto fugam arripere, non deductis coram Superiore Regulari causis. p.95.8
- Regularis professus si ad seculum redeat, an possit dimissa Beneficia obtinere. p.118.5. & 6
- Regularis non professus non potest in Abbate eligi. p.127.13
- Vide *Professio*.
- Regulares non habent immediatè à Summo Pontifice potestatem absolviendi seculares. p.194.7
- Regulares etiam hodie proprio Sacerdoti consuetudine obligatione ad-

stringuntur.

p.295.10

Regulares quandonam possunt Confessarium ad libitum eligere. p.296.12

Regulares se invicem percutientes leviter aut mediocriter, à quo possint absolvi: & quid si percussio inter venerit inter diversorum claustrorum Regulares, aut si Regularis Clericum secularem percusserit. p.494.9

Religio, & Religiosus.

Religiosus professus in monasterio, in quo Regula sine supremæ Sedis dispensatione relaxata est, an teneatur ad rigidam ejus observantiam. p.99. & seqq.10.11. & 12

Religiosus inobediens tantum venialiter delinquit, ubi Regula, vel Superior non intendunt ad mortale obstringere. p.101.13

Religiosus qui sancta intentione ductus collapsæ regularis disciplinæ reformationem molitur, non dependet in hoc à Superioribus relaxationi addictis. p.102.16

Religiosus an in dubio Superiori præcipienti obedientiam præstare teneatur. p.103.17

Religiosis quidquam elargiri sine consensu Capituli generalis prohibetur, quibusdam levioribus exceptis. p.106.5

Religiosi Beneficarii an possint ad libitum disponere de Beneficiorum suorum proventibus, & sint eorum domini. ibid.6. & 7

Religiosorum beneficiorum dispensatio & usus circa fructus Beneficiorum multò minus libera est quam quæ Militibus Regularibus competit. p.107.8

KK k k k

Religio

Index omnium

Religiosus, cui post propositam Superiori indigentiam denegata sunt necessaria, an possit occultè de Monasterio subripere, ut suis necessitatibus provideat. p.108.10

Religioso quatenus sit licitus ex una ad aliam Religionem transitus. p.108.& 109.1.& seqq.

Religiosus quilibet potest de Abbatibus sui licentia ad quodlibet eidem subiectum Monasterium ejusdem Ordinis transferri. p.111.9

Religiosi nec licitè, nec valide testari possunt. ibid.& seq.1

Religiosus factus Episcopus, utrum à Religionis votis solvatur, & testari possit. p.112.2.3

Religiosi facti Episcopi in Gallia nulla in re pristinae Religioni astringuntur, nisi ut colorem Ordinis in habitu servant. ibid.3

Religionis perfectio ex quo dijudicatur dum agitur de transitu ab una in aliam. p.109.3

à Religionis ingressu potest suasionibus abduci is qui manifestè Religionem ingrediendo majus bonum excluderet. p.368.& seq.3

Religiosi quibus ex causis suspendantur : vide *Suspensio*.

Reliquia.

Reliquias redimere ab injusto detentore licitum est, quin simonia incurratur. p.509.9

Reliquiarum venditio & locatio simonia est. p.522.1

Remex.

Remiges apud Infideles captivi an peccent mortaliter adversus Christianos remigando, & bellum gerendo : vide *Peccatum*.

Renunciatio.

Renunciatio quid sit, & quibus de causis Episcopus propriæ Ecclesiæ renunciare possit. p.60.3

Renunciatio illius autoritate fieri debet, ad quem spectat ejus confirmatio. p.61.4

Res.

Res spiritualis simoniacè accepta non est restituendi obligationi obnoxia Jure Divino naturali : & quid de Jure Ecclesiastico. p.542.7.& 8

Res inter alios acta aliis nocere non potest. p.741.10

Res aliena, aut alteri obligata transigit cum onere suo ad quemcumque, et si bonæ fidei possessorum. p.742.2.2

Rescriptum.

Rescripta gratiæ & justitiæ quid sint, & quomodo eorum discrimen ex ipso aspectu dignoscatur. p.17.7

Rescriptum posterius in eodem negotio impetratum, an antè abroget. p.18.10

Rescripta quatenus per obreptionem, vel subreptionem invalidentur. ib. & seqq.11

Rescriptum quo mandatur Ordinatio ut corrigat suæ diocesis Clericos, non dat eidem jurisdictionem in exemptos. p.19.12

Rescriptum ad gratiam restituens intelligitur, salvo jure alteri ante restitutionem quæsito, nisi contrarium disertè exprimat. ibid.13

Rescriptum posterius non invalidat primum ab impetrante sive ex negligentia, sive ex malitia legitimo tempore non productum. ibid.15

Vide Litera Apostolica.

Rescripta & literæ, tam Papæ, quam Legati, quæ Ecclesiæ disciplinæ dero

Rerum Notabilium.

derogant, aut Ordinariorum auctoritatem ac jurisdictionem minuunt, debent ante omnia Ordinariis examinanda exhiberi. p. 10. 18
 Rescriptum *perinde valere*, quando sit à Papa impetrandum, & quæ sit ejus vis. p. 215. 8
 Rescriptum in forma *Dignum*, quare sic dictum, & ad quid impetretur. p. 462. 1

Residentia.

Residentia in loco Beneficii quibus Beneficiatis divino jure præcipitur: vide *Beneficiarium*.

Resignans, Resignare, Resignatio.

Resignatio Beneficii in vim resignationis vel procuratorii mandati facta, elapso anno expirat. p. 124. 18
 Resignationem in favorem factam quædam crimina invalidant ipso facto, quædam ipso jure tantum. p. 163. & seq. 1. 2

Resignatio valide potest fieri pendente appellatione à sententia condemnatoria. p. 164. 2

Resignationum variz formæ recensentur: & quid observandum si resignatio fiat per procuratorem in Regno Galliz. p. 164. & seq. 5. 6. 7

Resignatio ab illo admitti debet cui jus competit Beneficium conferendi. p. 165. 8

Resignatio tantum in manibus Superioris fieri potest. p. 166. 9

Resignatio ex causa permutationis an possit à Vicario Episcopi admitti. *ibid.* 10

Resignationes in favorem prohibentur à jure, & nullius sunt momenti, nisi à Papa, vel à Rege tempore regalitæ in Gallia admittæ fuerint. *ibid.* 12. & p. 167. 1

Resignatio conditionata sub clausula, *Non aliter, aliàs, nec alio modo*, in manibus Papæ conditionem renucentis, non privat resignantem Beneficio, nec Papæ liberum est alteri conferre. p. 167. 2

Resignatio in favorem facta coram Legato Apostolico, vel Ordinario invalida est, & quæcumque sequuta provisio. p. 167. & seq. 1. & 3

Resignatio, & sequuta provisio invalidæ sunt, si resignans cum clausula, *Nec aliter, aliàs, aut alio modo*, sibi retinuerit pensionem, aut aliquid aliud, & hoc non fuerit prosequutus apud Papam. p. 168. 5

Resignatio simplex, cum precibus tamen in favorem tertii facta in manus Ordinarii, non adimit Ordinario alteri potestatem conferendi cui libuerit. p. 169. 6

Resignans retinet adhuc Beneficium, quamdiu resignatarius ejus non subit possessionem: at si circa finem triennii ejus possessionem non adeat juxta usum Galliz, uterque, tam resignans, quàm resignatarius Beneficio resignato spoliantur. *ibid.* 7

Resignationes in favorem coram Vicelegato factæ in Gallia non admittuntur, sed cum onere pensionis factæ validitate nituntur. p. 174. 12

Resignatio vi, metu, dolo, aut fraude facta, ipso jure est irrita; facta verò à minore vigintiquinque annis, beneficio restitutionis in integrum rescinditur. p. 192. & seq. 9. 10. & 11

Resignatarius à Papa, vel Legato provisus cum dispensatione super Regula de viginti, an sit semper præferendus proviso per obitum

K K k k k 2 ab

Index omnium

- ab Ordinario. p.106.& seq.9.10
Vide Praeventio.
- Resignans per confidentialem conventionem, & simul resignatarius & mediatores incurrunt excommunicationem Papæ reservatam. p.537.12
- Restitutio, & Restituere.*
- Restituendi obligationi obnoxii sunt Beneficarii qui suâ culpâ Officii recitationem omiserunt; & quando & quomodo sit hæc facienda restitutio. p.679.& seq.12
- Restituendi obligationi obnoxius est ille qui post omissionem recitationis Officii aliis diebus illam supplet. p.682.16
- Restituendi oneri obnoxius est Sacerdos qui post acceptum pro Missâ justum & rationabile stipendium pro unius tantum intentione, illam pro pluribus celebravit. p.683.18
- Vide Clericu, Beneficium, & Beneficarium, Missa.*
- Restitutionis definitio traditur, & explicatur. p.684.1
- Restituendi obligatio ex quatuor potissimum causis oritur. ibid.2
- Restituendi obligatio versatur etiam in injusta boni alicujus alteri obventuri impeditione, & quæ conditiones ad hoc requirantur. p.687.& seq.6.7
- Restitutionis obligationi an sit obnoxius ille qui testamentum alicujus revocari curavit, & alium heredem institui. p.689.10
- de Restitutione facienda præclara traditur D. Thomæ doctrina ad varios casus applicabilis. p.693.7. & 8
- Restituendi obligatio etiam ex peccato veniali oriri potest. p.696.& seq.2
- de Restitutione rei alienæ facienda per bonæ, vel malæ fidei possessorem. p.710.1
- Restituendi obligatio præscriptione perimitur. p.711.6
- de Restitutione incertorum pauperibus facienda. p.716.9
- in Restitutione facienda ordo servandus proponitur. p.718.7.19.& seq.
- de Restitutione per moribundum facienda; & quomodo poenitentis famæ, ejus animæ salutis, & restitutionis securitati providendum. p.725.1
- ad Restitutionum resolutiones regula generalis proponitur: ubi etiam de restitutionis internunciis. p.726.& seq.4
- an restituendi obligatio desinat re sine debitoris culpa pereunte. p.727.5
- Restitutio rerum simoniacè acceptarum quomodo facienda: vide *Preteritum, Fructus, Res spiritualis.*
- Retractus.*
- Retractus olim in usu apud veteres Judæos & Romanos invaluit, ac etiam in Gallia. p.654.11
- Retractus feudalisi quæ prærogativa & vis, & quæ gentilitii. ibid.12. & p.669.17
- Rem.*
- Reus interrogatus à Judice de crimine, sed non juridicè, non tenetur illud fateri. p.450.1
- Reo etiam non juridicè interrogato non licet mentiri. ibid.
- Reus dubius an Juxda interroget ex juris ordine, non tenetur confiteri. ibid.

Reus

Rerum Notabilium.

Reus legitime & juridicè interrogatus tenetur veritatem aperire, quæcunque illi imminet poena. *ibid.*

Reus juridicè interrogatus, ac crimen suum diffitens, an possit à Confessario absolvi. *p. 471. & seq. 3*

de Reis duobus uni creditori pro eadem re obligatis in solidum frequens occurrit questio. *p. 634. 1*

Reis pluribus in solidum obligatis quandonam competat divisionis beneficium, & quando non : & quæ actio competat reo qui pro cæteris solvit. *ibid. & seq. 3. 4*

Rex.

Rex Galliz circa Beneficia jure Indulti, seu Expectativæ gratiæ potitur. *p. 131. 1*

Rex Galliz resignationes in favorem admittit solet, & secundum eas Beneficia conferre, ubicumque jus regaliz viget. *p. 166. 1. 2. & p. 167. 1*

S

Sacerdos.

Sacerdos simplex potest ex magna & urgente causa cum immediata Summi Pontificis delegatione fieri minister extraordinarius Confirmationis. *p. 172. 4*

Sacerdoti simplici non licebat olim quemquam chrismate linire, imò nec baptizare, nisi jubente, aut procul absente Episcopo, & aliqua urgente necessitate. *ibid. & seq. 5*

Sacerdos simplex non potest etiam ex commissione Summi Pontificis conficere chrismata pro Confirmatione. *p. 273. 6*

Sacerdoti non jejuno celebrare non

licet, ut communicetur infirmus. *p. 281. & seq. 11*

Sacerdos non jejunus quando possit perficere Sacrum celebrantis Sacerdotis cordis deliquitum passi. *p. 283. 13*

Sacerdos debet sumere post haustum sanguinem, vel etiam post ablu-tionem particulam de qua dubitat an sit consecrata, aut etiam verè consecratam. *ibid. 14*

Sacerdos qui purgaturus est Ciborium, quomodo se gerere debeat. *ibid. 15*

Sacerdos an teneatur peccatori, cuius delictum novit, Communio-nem petenti denegare. *p. 288. 5*

Sacerdos quandonam possit occultos peccatores admonere ne ad men-sam Domini accedant antequam peccata expiaverint. *ibid. & seq. 7*

Sacerdos potest in Confessarium approbari etiam ab illo Episcopo cuius non est subditus. *p. 290. 3*

Sacerdos proprius quisnam erat, cui soli vixit aliquandiu obligatio confitendi. *p. 291. 4*

Sacerdos ad Confessiones audiendas approbatus potest alienæ diocesis subditos ad se accedentes absolvere. *p. 292. & seq. 5*

Sacerdotis proprii notio multò latius quàm olim jam nunc extenditur. *p. 294. & seq. 9*

Sacerdoti proprio confitendi obligatio non est penitus abolita, & præsertim viget in Regularibus. *p. 295. 10*

Vide Confessarius.

Sacerdos excommunicatus toleratus validè potest, licet illicitè, Sacra-menta administrare ; at verò vi-
K K k k k 3 tandus

Index omnium

tandus nec validè, nec licitè potest
Sacramentum Pœnitentiæ admini-
strare. p. 552. 2
Sacerdos scienter celebrans coram
excommunicato vitando, quam
pœnam incurrat. p. 559. 3
Sacerdos intendens vitia reprimi po-
test absque incurfu irregularitatis
suadere Principi ut legem ferat,
quâ certorum criminum rei morte
digni capite plectantur. p. 595. 17
Sacerdoti quid agendum si profanatio
loci sacri contingat dum Missam
celebrat, vide *Irregularitas, Pollu-
tio.*
Sacramentum.
per Sacramenta veluti sanctitatis in-
strumenta suum in nos Spiritum
Deus effundit. p. 265. 1
Sacramenta novæ legis vel suscipien-
tes iustificat, vel præexistentem
jam gratiam novo adaugent incre-
mento. p. 266. 2
Sacramenta novæ legis emundant
animas à peccatis. ibid. & seq. 3
Sacramenta omnia non requirunt ele-
mentarem substantiam adhiberi;
requirunt tamen omnia, ut con-
stituatur in eis pro materia aliquid
sensibile. p. 267. 4
Sacramenta omnia consistunt in com-
muni genere signi, & exigunt ali-
quam similitudinem externi signi
cum operatione interna quam sig-
nificant. ibid. 5
Sacramenta vocari solent à Patribus
Græcis *σacramenta*. ibid.
Sacramenta novæ legis non solùm
significant gratiam interiùs produ-
ctam, sed ipsam etiam produciunt.
ibid. 6
Sacramenti definitio. p. 268. 6

ad Sacramenti cujuscunque essentiam
tria requiruntur, & quæ sint. ibid. 7
Sacramenta tria characterem indele-
bilem in anima produciunt. p. 268. 1
Sacramentorum indignè susceptorum
gratiam reviviscere per subsequen-
tem pœnitentiam non est certum.
p. 270. 9
Sacramenta dignè suscipientibus con-
ferunt gratiam habitualement, & con-
venientibus occasionibus & tem-
poribus gratias quasdam actuales.
p. 271. 1
Sacramenta Pœnitentiæ, Extremæ-
Unctionis, & Matrimonii conferri
non possunt infantibus. p. 354. 17
Sacrificium.
Sacrificium duplex in Eucharistia, &
in quo consistat ratio sacrificii.
p. 276. & seq. 3. & 4
de Sacrificii ratione an sit ut res ob-
lata realiter immutetur, & an in
Sacrificio Missæ contingat talis
immutatio. ibid. & seq. 4. 5
Satisfactio.
Satisfactio Sacramenti Pœnitentiæ
pars, non essentialis, sed integrans
& substantialis, quomodo à Sacer-
dotibus sit pœnitentibus injun-
genda; & quatenus possit commutari,
& diminui. p. 343. 1. & 2
ad Satisfactionem aliorum prodesse
possunt quorumlibet Justorum ope-
ra. p. 344. 3
Satisfactionis genus quoddam est ex-
stricta iustitiæ obligatione prodesse
potest simul, & Confessarium
adstringens, circa quod monitum
datur. ibid. 4
Scientia.
Scientia alia speculativa, alia practi-
ca: vide *Opinio.*

Scriptura.

Rerum Notabilium.

Scriptura.

Scripturæ sacræ Justiniani lege apud
Judicum Tribunalia habendæ. p.3

Seder.

Sede vacante : vide *Capitulum.*

Seminarium.

ut Seminaria fundari possint data est
Episcopis facultas à Tridentino,
confirmata Regiis Constitutioni-
bus, ut possint Ecclesias quasdam
& Beneficia certis pensionibus
onerare. p.171.5

Senatusconsultum.

Senatusconsultum Macedonianum ad
quid introductum, & quibus ejus
beneficium & exceptio competat.
p.629.8

Senatusconsulto Macedoniano non
juvatur filiusfamilias, nec quilibet
alius qui spontè solvit, ad hoc ut
solum reperere possint. p.630.9

Senatusconsulti Macedoniani excep-
tio non admittitur, si filiofamilias
mutuum sit ad mercaturam,
sciente & consentiente patre. ibid.

10

an Senatusconsulti Macedoniani ex-
ceptio admittatur in aliis, quàm
mutuo pecuniario. ibid.11

Senatusconsultum Vellejanum ad
quid introductum, & quibus casu-
bus ejus privilegium cesseret. ibid. &
seq. 12

Sententia.

Sententiæ judiciales evidenter in-
justæ, licet non appelletur ab eis,
nullæ sunt, & irritæ. p.99.8

Sententia excommunicationis, suspen-
sionis, & interdicti sub futura con-
ditione contumaciæ suspenditur
per appellationem interpositam an-
te conditionis eventum. p.469.7

Sententia evidenter injusta & erro-
nea, nulla est ipso jure, etiam ci-
tra appellationem. ibid.10

ad Sententiam recedentis, vel seque-
strationis requiruntur quinque Ju-
dices in ea subscripti. p.482.17

Sententia provisionis simul cum sen-
tentia definitiva proferri debet, si
causæ in eo statu sint, ut simul ter-
minari possint. p.483.22

Sententiâ juridicè significatâ potest
condemnatus post triennium inter-
pellari ab adversaria parte ad ap-
pellandum, vel acquiescendum ju-
dicio : & quid in causis piis. p.484.
26

Sententia contra eum lata qui nullo
modo citatus fuit, nulla est ipso
jure. p.549.19

Sepultura Ecclesiastica.

Sepulturam, vel locum ad sepulturam
vendere quatenus liceat. p.525:8

Sepulturæ Ecclesiasticæ privato est
effectus excommunicationis. p.555.
16

à Sepultura Ecclesiastica septem ge-
nera personarum excluduntur, quæ
recensentur. ibid.7

Signatura.

Signaturæ Apostolicæ quid, & qua-
les sint. p.17.4

Signaturis, aliisve Romanæ Curie ex-
peditioibus nulla fides habetur
in Regno Galliæ, nisi certificatis à
duobus trapezitis, aut expeditio-
nariis. p.2120. & p.211.30

Signatura duplex in Romana Curia,
& qualis sit earum vis circa Bene-
ficioꝝ provisionem. p.126.2

Signatura in forma *Dignum*, duplex
distinguitur. ibid.

Signatura in forma *Dignum*, non ope-
ratur

Index omnium

ratur in Gallia, nisi Ordinarius apponens in illa *Visa*, scribat simul factum à se examen de impetrantis capacitate. *ibid.*
 Signaturarum & supplicationum Stylus in Curia Romana. p. 108. & seq. 13. 15. & 16
 in Signaturis valet apposita clausula, quod obstantis Oratoris, seu tacita pro expressis habeantur. p. 209. 20
 Signaturâ solâ quæritur jus ad Beneficia in Gallia, exceptis consistorialibus, in quibus Bullæ necessariae sunt. p. 211. 29

Simonia.

Simoniz definitio. p. 495. 1
 Simoniz triplex species distinguitur. p. 496. 3
 Simoniacum pretium triplex. *ibid.* 4
 Simonia committitur in ipso pacto reparandi Ecclesiam, aut reficiendi similia loca pia. *ibid.* 5
 Simonia ab eo committitur qui pretio sibi devincit familiarem Episcopi hac pacto, ut pro se, aut sibi conjuncta persona Beneficium ab Episcopo perat. *ibid.* 7
 Simonia nulla inest ubi cessio aut largitio sit alicujus rei ad injustam redimendam vexationem. p. 497. 8
 de Simoniz constitutivo pretio recentiorum quorundam Scriptorum opinio hætenus inaudita. *ibid.*
 de Simonia mentali, utrùm in aliquibus casibus qui proponuntur, committatur. p. 499. 11
 Simonia alia ideo prohibita, quia talis est; alia ideo talis habita, quia prohibita est. p. 500. 12
 Sinoniz tres species solo jure Ecclesiastico introductæ. *ibid.* 13
 Simonia jure Divino prohibita

committi accipiendo pecuniam ad Beneficia Ecclesiastica alienanda, vel dando ad ea acquirenda, communis est opinio. p. 501. 15
 Simonia tam circa sacras ordinationes, quàm circa Ecclesiastica Beneficia damnata. *ibid.* & seq. 16
 Simonia quomodo committatur in mutua Beneficiorum permutatione, aut renunciatione. p. 505. & seq. 1. 2
 Simonia committitur ubi quis proprio Beneficio renunciat in favorem hac lege, ut sibi resignatarius impensas resarciat, quas in adeptione & conservatione Beneficii resignans sustinuit. p. 506. 3
 Simonia committitur quando quis bona sua confert ad novi Beneficii fundationem, cum pacto ut idem sibi Beneficium conferatur. p. 507. 4
 an Simoniz & illicitæ sint consuetudines & statuta, quorum præscripto Canonici dant aliquid in sua receptione. p. 508. 6
 Simonia committitur dando aliquid temporale ad redimendam vexationem pro Beneficio nondum adeptum; secus si pro acquisito. p. 512. 15
 Simoniz quædam pactiones referuntur, unde multi comperiuntur Canonici simoniz rei. *ibid.* 16
 an Simonia contrahatur quoties in ingressu Monasterii ex mutua conventionem aliquid datur, vel exigitur titulo alimentorum, vel onerum Monasterii. p. 513. 514. & seqq.
 Simoniacis triplex poena à Canonibus infligitur; & quando hæ locum habeant. p. 515. 1. 2
 Simonia completa & realis commissa in

Rerum Notabilium.

in adeptione Prælatorum Regularium, an inducat nullitatem actus, obligationem ad dimittendam superioritatem, & excommunicationem Papæ reservatam. p.533. & seq.5

Simonia in materia beneficii omni ex parte completa facit reum inhabilem ad idem Beneficium: ubi an privet eum pariter aliis Beneficiis ritè obtentis, & reddat incapacem ad alia in futurum obtinenda. p.534. & seq.7.8.& 9

Simoniaca confidentia in Beneficii quid sit, & cui pœnæ subjaceat. p.535. & seq.10.& 11

Vide Confidentia.

Simoniacæ pravitatis tres casus referuntur inducentes privationem omnium quæ quis possidet Beneficiorum, & inhabilitatem ad futura recipienda. p.538. & seq.17

Simoniacè accepta quomodo sint restituenda: vide *Pretium*, & *res spiritualis*.

Societas, & Socius.

Societas quid sit, & ad quid societatis contractus socios obliget. p.671.1 ad Societatem justam requisita quatuor proponuntur. p.672.3

Socius minimè tenetur sociis de levissima culpa. ibid.4

in Societate divisio communis lucri ad æqualitatem quomodo sit inter socios facienda; & quomodo æs alienum contractum solvendum. ibid. & seq.5. & 6

Societate finita, ad quem fors pecunie in societatem collatæ pertineat. p.673. & seq.7. & 9

Sociorum expensæ ad utilitatem & necessitatem Societatis factæ, de

communi societatis pecunia solvendæ sunt. ibid.8

Spes.

Spes ab omni conventionem remota, neque usuram in temporalibus, neque simoniam in spiritualibus inducit. p.638.1

Spirituale.

Spiritualibus annexa quænam dicantur, & quæ annexa antecederent, & quæ consequenter; & quænam pretio vendi, & distrahi prohibeantur. p.495. & seq.1.2

Spolium.

Spolii jus quodnam sit, & ubi servetur. p.113.5

Sponsalia, & Sponsalitia largitas.

Sponsalia quid sint, & quomodo contrahantur. p.355. & seq.2

Sponsalia de futuro, etiam juramento firmata, multis dissolvuntur modis. p.356.3

Sponsalia de futuro jure veteri duobus modis transibant in matrimonium de præsentis. ibid.4

Sponsalia clandestina sine præsentia Parochi & testium valide & licite contrahi possunt. p.357.7

Sponsalia à parentibus contracta pro pueris impuberibus præsentibus & tacentibus, aut etiam absentibus, sed re perspecta non repugnantibus, valida sunt. ibid.8

Sponsalia ejus qui antea tempore voverat castitatem, vel Religionem, irrita sunt; & quid si post contracta sponsalia velit Religionem ingredi. p.538.10

Sponsalibus contractis si quis castitatem voveat, quid agendum, si sponsa huic voto acquiescere nolit. p.538.11

L L I I I

Sponsa

Index omnium

Sponsalitia largitas quid sit, & an
sustineatur dissolutis sponsalibus.
p.731. & seq.1

Vide *Donatio.*

Spurius.

Spurii Jure Canonico & Civili arcen-
tur ab hereditate paterna. p.704.1

Spurii quinam propriè dicantur, &
quomodo differant à naturalibus.
ibid.& seq.

Vide *Illegitimus.*

Subdelegatus.

à Subdelegato ad quem appelletur.
p.75.15

Vide *Delegatus.*

Subdiaconatus.

Subdiaconatus non fuit olim sacris
Ordinibus accensus. p.348. &
seq.1

an Subdiaconatus sit Sacramentum.
p.350.3

Subdiaconatui annectitur obligatio
cœlibatus, etiam ex antiquissima
institutione. ibid.

Subrogare, & Subrogatio.

Subrogatio collitigantium circa Be-
neficiũ à solo Papa vel Legato
fieri potest. p.115.9

Vide *Litera Subrogationis.*

Subrogatio collitigantium in re bene-
ficiali admittitur in Gallia: ubi
de effectu literarum subrogationis.
p.463.& seq.1.2

ad Subrogationis effectum in Gallia
impetrandæ sunt literæ à Cancel-
laria Apostolica, & Regia. p.464.3

Subrogatione obtemperata à collitigante,
provisio tertiĩ redditur irrita ipso
jure. ibid. & seq.4

Subrogari quandomam possit novus
adversarius prioribus collitiganti-
bus. p.465.5

Successor.

Successor in Beneficio non tenetur
respondere de jure, aut capacitate
præcessoris sui. p.237.1

Solvere tamen tenetur prædecessoris
sui debita, quæ pro utilitate, vel
necessitate Ecclesiæ contraxit.
ibid.2

Successor præcessoris Beneficiarii te-
netur solvere debita quæ pro sui
sustentatione contraxit, & pen-
siones decursas, & non solutas.
p.238.3.& 4

Successor in Beneficio, & hæredes
Beneficiarii quomodo dividere de-
beant inter se fructus ultimi anni,
sive perceptos, sive percipiendos,
& unde annus in hac divisione in-
choandus. ibid.& seq.5.6

Successorem in Beneficio præcessoris
sui locationi stare, quam eam re-
scindere, æquius est. p.243.1.2

Suffragium.

Suffragii jus nullus habet in Capi-
tulo sive seculari, sive regulari, nisi
sit Subdiaconus. p.224. & seq.3

Vide *Capitulum.*

Supplicatio.

Supplicatio beneficalis quomodo sit
contextenda cum ad Papam, vel Le-
gatum recurritur in causis bene-
ficialiis, sive jure præventionis, si-
ve devoluti, sive ex necessitate dis-
pensandi. p.207.11

Supplicationi non obest error nomi-
nis, aut falsa demonstratio, modò
de re & persona constet. p.208.12

in Supplicatione quæ sint exprimen-
da cum petitur rescriptum in forma
gratiosa. ibid.13.14

Et quid si petatur rescriptum in for-
ma pauperum. ibid.15

Rerum Notabilium.

- in Supplicatione Beneficiorum expressio non exigitur in aliquibus casibus, etiam in gratiosa concessione. *ibid.* p. 109. 16. 17. & seqq.
- Supplicatio debet exprimere qualitates Beneficii vacantis; erronea tamen annui valoris proventuum expressio non officit, præsertim in Gallia, *ibid.* & seq. 23
- in Supplicatione pro Beneficio obtinendo quænam alia sint exprimenda. p. 210. 24. & seqq.
- Supplicatio necessaria est in provisionibus, quæ per Papam, vel Legatum fiunt, non in eis quas Ordinarii faciunt. *ibid.* & seq. 28

Suspensio.

- Suspensio quænam censura sit. p. 547.
- ¹³
Suspensionis definitio; & quodplex sit. p. 577. 1
- Suspensionum, atque irregularitatum à Jure exactior est observatio, quàm excommunicationum. p. 578. 3
- Suspensiones Juris recensentur. *ibid.* 4. & multis seqq.
- Suspensiones latæ in Episcopos, & alios Prælatos Ecclesiasticos proponuntur. p. 583. & multis seqq.
- Suspensiones Juris, quæ Conventus & Capitula attingunt, enumerantur; & simul in Religiosos latæ. p. 586. 22. & seqq.

Synodus.

- Synodus ab uno Episcopo indicta potest aliqua constituere & definire. p. 5.

Vide *Concilium.*

T

Testamentum.

- T**estamenta veterum aliquot Episcoporum, etiam antea monachismum professorum, adhuc supersunt. p. 112. & seq. 4
- Testamentum sine solennitatibus Juris Civilis conditum an obliget in conscientia hæredem ad implendam testatoris voluntatem. p. 624. 4
- de Testamentorum solennitatibus; ubi etiam de testamentis, & ultimæ voluntatis dispositionibus ad pias causas. p. 706. 5

Testificari, & Testis.

- an Testis unicus qui deponere possit in materia criminalis accusationis, aut denunciationis, teneatur interrogatus à Judice criminis veritatem aperire. p. 439. & seq. 5
- Testium jura breviter recensentur, & an semper teneantur ad interrogantis mentem respondere; ubi circa hoc proponitur casus. p. 440. & seq. 7. & 8
- Testificari etiam requisitus in multis casibus aliquis non tenetur. p. 445. 1
- Testis falsus etiam per veri suppressionem, quanvis nihil falsum positivè protulerit, ad quid teneatur. p. 446. 2
- Testis in judicio falsitatem alteri damnosam proferens, putans tamen ex memoriæ confusione verum se dicere, ad quid teneatur. p. 447. & seq. 4. & 5
- Testis malitiosè falsum deponens tenetur omne damnum inde resultant

L L I I I 2 tans

Index omnium

tans, etiam cum propriæ vitæ periculo reparare: ubi circa hoc refertur exemplum S. Conradi Placentini. p.448.& seq.6
ad Testificandum personæ assignatæ in causis criminum, quomodo compelli possint post primum comparendi edictum. p.485.35
Testes an antequam testificentur, semper producere debeant significatam comparendi iussionem: ubi multa alia de testimonio ferendo in causa criminali. ibid.36.& seq.

Textus.

Textus capitis *Naviganti*, de usuris, elucidatur. p.649.3

Tonsura.

Tonsura, prima si conferatur non confirmato, qualis culpa incurritur. p.274.10

Transactio.

Traditionis nomine quid significetur ab Apostolo Paulo. p.6.1

Transactio.

Transactio definitio traditur.

p.509.8

Transactio rei temporalis cum re spiritali compensata est aperte, atque indubie simoniaca. ibid.9

Transactio pecuniaria circa reliquias an semper sit simoniaca. ibid.

Transactio rei spiritalis cum alia re spiritali quandoque licita, quandoque verò illicita est. ibid.10

Translatio.

Translatio Episcoporum ex una in aliam Ecclesiam iuxta urgente causa, solius Papæ autoritate fieri potest: aliorum verò Clericorum translationi sufficit proprii Episcopi autoritas. p.60.2

Transitus.

Transitus ad laxiorem Religionem, vel ad diversum alterius Ordinis Monasterium non licet absque Papæ dispensatione: & quid de Abbatibus commendatarii potestate circa subditorum sibi Monachorum translationem, p.109.4. & seq.

Vide *Religio*, *Religiosus*.

Tribunal.

Tribunalium duo genera, quæ suis limitibus & finibus quæque coercentur. p.422.4

Tribunalia Regiæ jurisdictionis non permittunt Ecclesiæ Gallicanæ ullum habere territorium. p.435.10

V

Vassallus.

Vassallus feudalem fundum irrequisito Domino alienans, quâ penâ teneatur: ubi de aliis pœnis & juribus vassallis & emphyteutis communibus; & de differentia vassalli & emphyteutæ. p.668.15

Vassallus in Regno Galliarum non incidit in penam commissi ob omissionem in alienatione denunciationem: & quid in casu rebellionis. ibid. & seq.16

cum Vassallis & emphyteutis mitius in pluribus casibus agitur in Regno Galliarum quam alibi. ibid.16

Vestigal.

ut Vestigalia iuxta sint quinque requiruntur conditiones, juxta doctrinam Caietani. p.701. & seq.2.3.4.5. & 6

an Vestigalia nova imponi possint urgente necessitate, cum Rex profusus

Rerum Notabilium.

falsis & inutilibus impensis æt-
 rium exhaustit. p.702.7

Vestigialia fraudulentæ an teneantur
 ad restitutionem. ibid.8.& seq.

Vestigialium iustitia est commutativa.
 p.703.8

an Vestigialia pro quotidianis victua-
 libus imposita possint esse iusta,
 & an ea fraudulentæ peccent morta-
 liter. ibid.

Vestigial in dubio potius judicandum
 est iustitiæ conforme, quàm inju-
 stum. p.704.9

Venditio, & Venditor.

Vendere carius præcisè ob dilatatam so-
 lutionem, an usurarium sit & illi-
 citum. p.649. & seq.4

Venditionis definitio. p.651.3

Venditori qui vilius vendendo non
 excessit dimidium iusti pretii, nulla
 conceditur actio adversus empto-
 rem in externo foro. ibid.4

Vendere non licet carius ex eo quod
 res sit commoda, & necessaria em-
 ptori. p.652.7

Venditionis contractus rei traditio-
 nem non ad sui essentiam, sed tan-
 tum ad complementum requirit.
 p.653.8

Vendita re ab emptore evicta, ad
 quid teneatur venditor erga em-
 ptorem. ibid.9

in Venditione possunt intervenire
 pacta, per quæ invitè etiam alterà
 parte conventio rescindatur. ibid.
 & seq.10

Venditio in Gallia dissolvitur per re-
 tractum feudalem, vel gentilitium.
 p.654.11.12

de Venditione frumenti & aliorum
 frugum cum pacto ut pretium emp-
 tionis, vel par quantitas rei mu-

tud credita solvatur alio tempore
 quo res fortasse plus valebunt.
 p.655.13

Venditor sciens pretium mercis mox
 esse minuendum, an possit eam
 currenti pretio vendere. p.656.&
 seq.15

Venditionis genus prorsus usura-
 rium & improbandum proponi-
 tur. p.657.16

Venditoris declaratio, rem venditam
 servituti obnoxiam esse, aut libe-
 ram, quatenus noceat, vel profit
 emptori. p.670.22

an Venditor jure tacite, vel privile-
 giatæ hypothecæ gaudeat super re
 vendita. p.736.18

Verba.

Verba obscœna, quæ impulsu appeti-
 tus concupiscibilis proferuntur, &
 cogitationes fœdæ, & libidinose
 quomodo sint in confessione ape-
 tiendæ. p.313.& seq.20.21

Vide Confessio.

Vicarius.

Vicarii generales & foranei Episco-
 porum qui sint, & quod eorum
 munus. p.61.1

Vicarii generalis & Officialis munia
 in quo differant. ibid.

Vicarius generalis in materia juris-
 dictionis una eademque cum Epi-
 scopo persona censetur. p.62.2

à Vicariis foraneis ad Episcopum da-
 tur appellatio. ibid.3

Vicarii facultas qualis circa collatio-
 nem Beneficiorum. ibid.4.& 5

Vicarius generalis, cui Episcopus Be-
 neficiorum collationem specialiter
 non indulgit, nequit eorundem re-
 signationes, aut permutationes re-
 cipere. p.63.6

Index omnium

Vicarius generalis potest absente & ignorante Episcopo, acceptare Mandatum Apostolicum de providendo, & Nominationem Indultarii, aut Graduati. *ibid.* 7

Vicarius, cui Episcopus potestatem dedit excipiendi resignationes in causa permutationis Beneficiorum, an possit eadem conferre. *ibid.* 8

Vicarii plures si constituti sint in eadem Diocesi, potest unus sine alio in his quæ sui muneris sunt procedere. *ibid.* 9

Vicarius Generalis habens Beneficia conferendi potestatem, potest extra Diocesim ea conferre. p. 64. 11

Vicarius Generalis an possit Dimissionarias ad Ordines dare sine speciali, & expressa Episcopi concessione. *ibid.* 12

Vicarius suspectus & recusabilis est, quoties Episcopus iuste pro tali haberi potest. *ibid.* 13

Vicarius, vel Officialis Episcopi excommunicati nullam possunt exercere jurisdictionem. p. 65. & seq. 17

Vicarii potestate, ipso incio, per Episcopum revocata, an per eum post revocationem acta sint valida. p. 65. 15

Vicarius Generalis nequit sine expresso Episcopi mandato resignationes recipere. *ibid.* 16

Vicarius, vel Officialis generalis constitui non debet, nisi sit simul Sacerdos, & Graduat. p. 66. 18

Vicarius Generalis primum post Episcopum dignitatis gradum obtinet. *ibid.* 19

Vicarii in Gallia foranei qui. p. 78. & seq.

Vicariis foraneis provisiones beneficiarias sumere, aut eis signaturas Apostolicasque literas exhibere an necesse sit. p. 79. 5

Vicarius Generalis in Regno Gallie potest presentatos à Patronis instituere, etsi specialem Beneficia conferendi potestatem non habeat. p. 127. 7

Vicelegatus.

de Vicelegati potestate in imponendis beneficiariis pensionibus aliqua referuntur. p. 174. & seq. 12

Vidua.

de Viduis intra annum luctus ad secundas nuptias transeuntibus, & quibus pecuniis subiaceant. p. 709. 10

Vidux liberos habentes ex duobus conjugis quomodo possint de bonis suis disponere: vide in verbo *Parens.*

Virtus.

Virtus non est, nisi diligere quod diligendum est, ex D. Augustino. p. 3

Universitas.

Universitas vulgò dicitur approbare & decernere quod major pars decreverit, aut approbaverit. p. 744. 44

Voluntas.

Voluntatis actus alii elicit, & alii imperati. p. 381. 4

Voluntas in actibus elicitis cogi non potest; secus verò in actibus imperatis. *ibid.*

Votum.

Vota quædam ab Episcopis dispensabilia in materia continentie & Religionis. p. 29. 30. & 31
si votum in alterius gratiam emissum

Rerum Notabilium.

- fum à Confessario excipiat, cuius nomine acceptatum censetur. p.32.18
- Votum** de quo debatur an sit emissum, non indiget dispensatione. p.32.15. & p.32.19
- Vota** relaxandi, aut commutandi potestas solis Ecclesie Prælati externi fori jurisdictionem habentibus comperit. ibid.10
- Votorum** irritatio multis competit, qui dispensandi jus non habent. ibid.11
- Vota** omnia per professionem in Religione dispensantur, etsi de eis proficiens non cogitet. p.93.4
- Voto** simplici continentie astrictus, si matrimonii jugum suscipiat, graviter peccat. p.368. & seq.3
- Voto** simplici castitatis astrictus, aut Religionis, an si contrahat matrimonium per verba de præsentii, teneatur ante consummationem ingredi Monasterium. p.369.4
- Votum** solenne in susceptione sacrorum ordinum, vel professione Religionis emissum, est impedimentum dirimens matrimonium. p.373.4
- Votum** solenne Religionis tanto privilegio munitur, ut antecedens matrimonium ratum per verba de præsentii contractum dissolvat, dummodo non fuerit consummatum. ibid.5
- ad** Voti obligationem non sufficit consensus utcumque liber, & quis metus sufficiat ad eum invalidandum. p.381.5
- Usura.*
- Usuræ** definitio traditur, & explicatur. p.638.1
- Usurarum** seges & materia frequens est mutuum implicitum & explicatum. ibid. & seq.1
- Usuræ** multiplici ratione ipso naturæ jure prohibita sunt. p.639.4
- Usuræ** legibus Cæsareis licita, sanctionibus Ecclesiasticis prohibita. ibid. & seq.5
- Usuræ** hemiolia, & centesima. p.640.6
- Usuræ** Jure Civili permixta in bonæ fidei contractibus, legatis & fidei commissis. p.641.7
- Usuræ** lege Chinesii permixta, qua triginta creditori adjudicantur pro sorte centum nummorum, an in conversis ad Christi fidem tolerari possint in illa regione. p.643.10. & p.648. & seq.2
- Usuras** suas falsis prætextibus sæpe homines obvelant. p.645. & seq.14
- Usura** palliata contrahitur etiam in hypothecis & pignoribus. p.646.15
- Usuras** nondum solutas in fortem convertere prohibitum est. ibid.16
- Usuræ** ex pecunia pupillari prohibita. p.647.17
- Usuras** eandem non potest exigere creditor subrogatus in locum ejus qui lucri cessantis, aut damni emergentis interesse patiebatur, nisi idem interesse sustineat. ibid. & seq.
- Usura** fundata super periculo fortis, quibus conditionibus licita. p.648. & seqq.
- Uxor.*
- Uxor** à toro & cohabitatione viri divertentis propter ejus sævitiam jura

Index omnium Rerum Notabilium.

jura proponuntur. p.733.5
 Uxor innocens marito adulterante
 quomodo possit agere in virum.
 ibid.6
 Uxor adultera, marito pariter adul-
 terante non perdit dotem, p.734.6
 Uxor ad bonorum separationem
 agens propter vergentiam viri ad
 inopiam, quomodo procedere de-
 beat. ibid.7
 Uxor quæ bonorum separationem

obtinuit, potest sine mariti con-
 sensu obligari, non tamen aliena-
 re. ibid.
 Uxor super bona mariti pro dotis re-
 stitutione habet jus tacitæ hypo-
 thecæ; & quibus creditoribus præ-
 feratur. p.735.8.& 9
 Uxor intercedens pro viro, an Sena-
 tusconsulti Vellejani exceptione
 juetur? vide *Senatusconsultum Vel-
 lejanum, mulier.*



F I N I S.





